



نعمائے اسلام



محمد ذہنی



ISBN: 978-605-5101-55-8



9 786055 101558

نعمانیہ

محمد ذہنی



نعمات اسلام

عقائده دائر اولان رساله لر كيفيت اعتقاده متعلق مسائله منحصر
اولوق لازم كله جكنه بناء (نعمت اسلام) ناصيه يازلمش اولان شو
رساله جكده عقائده سازجه اهل سنت خلاصه وجهله كوستريلوب
اسلامك اساسي و فوائدندن بر نيسده سي آكلادلش و عبادات
و وسائلك تعداد فروض و واجباتي و بيان سنن و مستحباتي و بونلرك
تعريفاتي كتب فقهه يعني كيفيت عمله متعلق مسائله بر اعلمشدر .
وبالله التوفيق
محمد زلفي

ذكور رشديه مكتبلرلك ايكنبي سنه سته مخصوص اولارق معارف نظارت جليله سي
طرفندن قبول اولنشدر

مطبعة عامره نك مهري اولميان نسخهلر ساخته در

لهرمه مقي محفوظ

۱۳۱۶

بِسْمِ اللَّهِ الرَّحْمَنِ الرَّحِيمِ

الحمد لله على نعمة الاسلام . والصلاة والسلام على رسوله
محمد سيد الانام . وعلى آله الكرام واصحابه العظام .

عقائد اسلامية

اهل اسلامك قبول وصحتي جزم واعتقاد ايتدكري اموردن
عبارتدرکه تعريفات آتیه دن نمایان اولور .




ایمان واسلام یاخود مسلمانلیق

خاتم الانبیاء اولان حضرت محمد المصطفی صلی الله تعالی علیه
وسلم افندمزہ و بیان بیوردنلری شیلره اینانمقدر .
اینانانه (مؤمن) و (مسلم) و اهل اسلام تعبیر اولنور .

ارطالہ ایمانہ

حضرت پیغمبر بیان بیورمشارددرکه : ایمان — آلهه
وملکله وکتابلره وپیغمبرلره وآخرته وقدره اینانمقدر .

پیغمبر من افندمز حضرتلری ایمانی بویله تعریف ییورمش
اولدیغندن بوتلر (ارکان ایمان) در . ایمان واسلام
بوتلرسز اولماز .



جناب خالق کائناتک وارلغنه وبرلکنه وصفات کمال ایله
موصوف اولوب عاجزلکدن واکسیکلکدن منزّه بولندیغنه
ایناقمقدر .

حق تعالی حقنده اعتقاد ایده جکمز صفات کمال شونلردر :
موجوددر واحددر قدیم وازلیدر باقی وابدیدر . وارلقده غیره
محتاج دکدر وهیچ برشیننه مشابه دخی دکدر .

حیّ وداتمدر عوالم بتون آنک امریله قائمدر . علیمدر ،
صفت علمی اولمش واوله جق هرشیئی محیطدر . سمیعدر ،
بصیردر . یعنی سمع وبصر صفتلریله دخی متصفدر . ایشیدلک
شانندن اولانی ایشیدر وکورمک شانندن اولانی کورر .

مریددر [*] ، قادر در ، مُکَلِّدِر [**] ، مُکَوِّنَدِر [***] .

بونلره صفات (ذاتیه) و (ثبوتیه) دینور .

احیاء [۱] واماته [۲] کبی جناب قادر قیومک هپ کندی ملکی
و مخلوق بولنان عالملرده مشاهد اولان افعاله (صفات فعلیه)
تعبیر اولنور .



ملکطره ایمانه

حق تعالی نك علوی و نورانی اجسام لطیفه اوزره مخلوق و بناء
علیه کوزه کورنمز و فقط ایستدکاری شکل و هیئتده کورنمکه
قابلیتلی بر طاقم مخلوق مکرّمی اولدیغنه اینانمقدرکه آنلر ارکک
ویادیشی اولمقدن ویورلمق و اوصانمق کبی احوالدن عاری

[*] صاحب اراده در . دیر و نه دیرسه آنی دیله دیکي کبی ایشلر .
[**] صاحب کلامدر . پیغمبرلر و سماوی کتابلر هب جناب حَقّ صفت کلای
مقتضاسیدرکه امرلر و نهیلر ایتمش و آتی یی اخبار ییور مشدر .
[***] صاحب تکوین یعنی خالق العالمیندر .
[۱] حیات و یرمک .
[۲] اولدرمک .

وکندیله رینک وظیفه سی دائماً طاعت باریدر . طاقت بشریه نک
فوقنده ایشلر کورر لر .

مراتب بشریه ده اولدیغی کبی آنلرک دخی افضلری واردر .
افضلرندن بری حضرت جبریلدرکه رسل عظامه واسطه وحی
اولمشد .



کتابنامه ایمانه

قوللرک سعادت وسلامتلیچون حق جل وعلا نک بعض
انبیاسنه کتابلر کوندرمش یعنی قوللره تعلیمات الهیه اولمق اوزره
انبیاء کرامه امرلر ونهیلر وعبرت آمیز قصه لر وموثر دعالم
وموعظه لر وحی وارسال ایلمش اولدیغنه اینانمقدر .

بوکتب الهیه نک اکمکل وافضلی قرآن عظیم الشاندرکه
نوع بشرک قیامته قدر کرک خالقو وکرک مخلوقه قارشو اوله حق
وظائف عبودیت وانسانیتو دائر اولان اوامر واحکامی
ومکارم اخلاقی واسباب سعادت وفلاحی تمامیلر جامع وهرکس
ایچون هر ومفید وناقت فعدر

او کتاب عظیم حضرت ابراهیمک صحنی اولدیغنی وحضرت

موسایه تورات و حضرت داوده زبور و حضرت عیسایه انجیل و یرلدیکنی ناطق قدر . بناء علیه آنلرک دخی اورسل عظامه وحی و نزولنی تصدیق ایدرز . انجق قرآن کریم بزنی آنلردن اغنا ایلدیکی جهتهله آنلرده اولانی آرایوب صورمغه لزوم کورمیز . قرآن عظیم الشان ایله عمل ایدرز .



پیغمبر لره ایمانه

جناب حقلک محضاً کندی فضل و کرمندن بعض عبادینی نبوت و رسالت یعنی وحی و بعثت ایله ممتاز قیلوب قوللرینه اولان امر و نهینی آنلر واسطه سیله اجرا ایتدیکنه و بعضلرینه کتاب و مستقل شریعت و معجزات دخی اعطا بیوردیغنه اینانمقدر .

آنلرک اوّلی ابو البشر اولان حضرت آدم و آخری پیغمبرمز افندمز حضرت محمد المصطفی (صلی الله تعالی علیه و علی سائر الانبیاء و سلم) در . آرهمده برحقوق انبیا کلوب کچمشدر . آنلردن بعضلری قرآن کریمده مذکوردر [*] .

[*] هبسی مذکور دکدر . او لمدیغنی ینه قرآن کریم ناطق قدر .

حضرت عیسیٰ علیه السلام دخی قرآن کریمده مذکور اولان انبیاء عظام جمله سندن و آیات الهیه دندر . جناب حق حضرت آدمی آناسز باباسز اوله رق یاراتمش اولدیغی کبی حضرت عیسیٰ دخی یالسکز پدرسز اوله رق یاراتمشدر .

جمله پیغمبرانک افضلی و خاتمی پیغمبرمز حضرت محمد المصطفیٰ صلی الله تعالی علیه وسلم افندمزدرکه سلطان الانبیاء اولدیغی ایچون موکب مرسلینک صوکنده کلش و ، مثلاً حضرت عیسانک کندی انجیق بنی اسرائیله مبعوث و شریعتی شرع حضرت موساده حرام اولان بعض شیلری حلال قیلقدن عبارت اولوب پیغمبرمز افندمزک بعثتی ایسه بتون انس و جنه عام و شامل و شریعتی هپسندن تام و کامل بولنشدر . و بشقه پیغمبره حاجت ده قالمامشدر . هر صاحب معجزه پیغمبرک معجزه سی کندی زمانیه کچمش اولدیغی حالده بزم پیغمبرمز افندمزک کتب سیر واحادیثده مذکور معجزات کثیره سنیله لرندن ما عدا برده معجزه مستمره الهی لری وارددرکه اوده کلام قدیم اولان قرآن عظیم الشاندر . تلاوت و استماعیله دائماً تلذذ و تشرف اولنمقده و هر عصرده نیجه بیک حفاظ و کتاب عزیز ی حفظ و ازبر ایتمکده در . کندیلری خاتم النبیین و رحمة للعالمین در .

یوم حشرده شفاعت عظمای ربیله بالجمله امم انبیانک اهل ایمانته
ابر از منت ومنعمیت واحراز مقام عالی محمودیت بیوره جقلردر .
اللهم انفعنا بشفاعته واکرمنا بکرامته .

آفرینه ایمان


حق تعالی نك بو عالمی یوقدن وار ایتدیکی کبی الی ما شاء ابقا
بیوردقدن صکره بوکا ختام ویروب بشقه برنشأت دها پیدا
ایده جکنه و محو واماته بیوردیغی بالجمله ذوی الارواحی یکیدن
احیا ایله بریره کتوروب اییلر اییلکنی و کوتولر کملکنی کوره رک
محاسبه و محاکمه ایله برابر عدل و فضلیله معامله بیوروب اهل
و مستحقنی دار العذاب والعقوبه اولان جهنمنه و اهل ایمانی
کندی فضل و کرمیله دار الفوز و السرور اولان جنتنه ادخال
ایلیه جکنه اینا مقدر .

(جهنم) اهل کفر حقنده مؤبد دار التعذیبدر . مؤمن عاصی
حقنده جزاء عملنی کوره جکلر ایچون مؤقت دار التادیبدر [*] .

[*] اهل ایماندن کنهکار بولنوبده جناب حقا عدل ایله معامله بیورمغی دیله دیکی
کیسه لر طوغریجه جنته کیده میوب مسؤل قالورلر و موقتاً معاقب و معذب اولورلر .

(جنت) ایسه سکنه سیچون دار سرور سرمدیدر .

سؤال منکرین و هَوَلِ قیامت و حشر و حساب و میزان
و صراط کبی عالم برزخه و یوم آخرته متعلق هر نه اخبار بیورلش
ایسه هپی حقدَر .



فدره ایمان

خیر و شر هر نه واقع اولور ایسه هپ حق تعالی دن
اولدیغنه واللهدن ماعدا خالق اولمیوب خیر و شرک خالق و هر کسک
کیفما یشاء رازقی او اولدیغنه اینا نمقدر .

انسانک ارکک و یا خود قیز طوغمه سی و دنیایه کلمسی و آخرته
کیتمسی کندی النده اولدیغی کبی حادثات عالم و افعال و اوضاع
بنی آدم دخی جناب حَقْ حَکْم و تقدیری و خلق و ایجاد
آلتنده در .

انجق آجیقمق و طویمق و او یومق و او یانمق و نفَس آلق مثلی
انسانده برطاقم اضطراری حاللر اولدیغی کبی او طور و روب قالقمق
و بریره کیتمک و قیرمق و کسمک کبی اختیاری فعللر دخی واردر .
جناب حق انسانه اراده صفقی و یرمشدِر و عاده الله بویله جاری

اولمشدرکه انسان اراده سنی مقدور بشر اولان هر هانکی فعله صرف ایدرسه حق تعالی اوفعلی خلق وایجادایدر . انسان اراده — سنی صرف ایتمزایسه خالق جلّ وعلا دخی خلق ایلز . فعل عبد کسب و اختیار جهتیه کندینک وخلق وایجادجهتیه خالقنکدر . بوندن طولای هرکس کندی فعلی اوزرینه مُثاب ویاخود مُعاقب اولور

بنا اسلام

برکیمسه ارکان ایمانی بویله جه تصدیق و اعتقاد ایتمش اولدیغی حالده حضرت خاتم الانبیای تصدیق ایتمش وعند الله مسلم اولمش اولور . ظاهر آ دخی مسلم طانمق ونور ایمانی اکمل واتم اولمق ایچون (اسلامک بناسی) تعبیر اولنان شیر ایله عامل اولمق دخی لازمدر . پیغمبر من افند من بیورمشلردرکه : اسلام بش شی اوزرینه بنا اولمشدر (۱) شهادة أن لا إله إلا الله وأنّ محمداً رسول الله یعنی حق تعالی نك برلسکنه وحضرت محمد صلی الله تعالی علیه وسلم افند منک رسول الله اولدیغنه [*] شهادت

[*] بتون پیغمبر الله قولل یدر . پیغمبر من افند من دخی جناب حقك قولي ورسول یدر .

کتورمک ، (۲) نماز قلیق ، (۳) اورج طوتمق ، (۴) زکات ویرمک ، (۵) حج ایتمک ، در .

﴿ نماز قیلحی ﴾

قیام و قرات و رکوع و سجود و قعود فعللریله جناب حقّه عبادت ایتمکدر .

﴿ قیام ﴾ قبله یه قارشو یعنی مکّه مکرّمه ده کی بیت معظمه طوغری ال باغلا یوب آیاقده طورمقدر .

﴿ قرات ﴾ قیامده قرآدن برشی اوقومقدر . خاصه فاتحه سوره — سی و فضله اوله رق بشقه بر سوره و یابر قاج آیت اوقنور .

﴿ رکوع ﴾ آیاقده ایکن اکیلوب اوچ کره « سبحان ربی العظیم » دیمکدر .

﴿ سجود ﴾ اوطوروب یره قپانمق و اوچ کره « سبحان ربی الاعلی » دیمکدر .

بودرت فعلک بمجموع حاصلنه (رَکعت) تعبیر اولنور . بررکعتده بررکوع و ایکی سجود بولنور . نمازلر رکعتلردن تشکل ایدر .

﴿ قعود ﴾ او طوروب التحیات الخ او قومقدر . بو ، نمازك
صوکنده و برده هر ایکی رکعت عقببنده اولور .

بونلر یعنی قیام ، قرات ، رکوع ، سجود ، قعود اخیر نمازك
ارکانیدر . بونلرسز نمازاو لماز[*] . و نماز قیلان آدم حضور حقه
دیمك اولدیغی جهته ادبیانه و خاشعانه طوروب ایکی طرفنه
باقه ماز و کیمسه یه کلام ایده مز و جواب ویره مز . کیمسه دخی
آکا برشی صورهماز و اوکندن کچه مز .

نمازه طور رایکن « الله اکبر » دیو طورر و رکوع و سجوده
وارد قجه و قیام و قعوده کیته کجه « الله اکبر » دیر . نهایتنده
« السلام علیکم ورحمة الله » دیو ایکی طرفنه سلام ایله نمازه ختام ویرر .

شمسك طلوع و غروب و استوا زمانلری مستثنی اولمق
اوزره هر وقت [**] جناب حقه بروجه اخلاص برچوق رکعت
نماز قیلنه ییلور و ایکی یا خود درت رکعتده بر سلام ویریلور .

اسلامك بناسی و دینك عمادی اولمق اوزره بش وقت نمازی
واردر که آنلر هیچ ترك اوانه ماز . صباح ، اوکله ، ایکندی ،
آقشام ، یاتسو .

[*] رکوعسز و سجودسز نماز جنازه اوزرینه ایکیلان نیازده اولور .

[**] نوافل ایچون دها مستثنی وقتلر واردر .

صبح نمازی (۲۰۲) درت رکعتدر. اوکله نمازی (۲۰۴ و ۲۰۵)
اون رکعتدر. ایکندی نمازی (۴۰۴) سکز رکعتدر. آقشام نمازی
(۲۰۳) بش رکعتدر. یاتسو نمازی (۴۰۴ و ۲۰۳) اون اوچ رکعتدر.
بونک صوکنده قیلنان اوچ رکعت (وتر) نمازیدر.



برده جمعه و بیرام نمازلی واردرکه آنلر آنجق شهرلرده
ومنبرلی جامعی اولان بیوجک کویلرده قیلنور و آنلری قیلحق
آنجق ارککلره وارککلرک دخی کوله وخسته ویولجی
اولمیانلرینه لازم اولور.

﴿جمعه نمازی﴾ جمعه کونی اوکله وقتی جماعت ایله قیلنان ایکی
رکعتدن عبارتدر [*]. اولجه خطبه اوقتمق لازمدر.

﴿بیرام نمازی﴾ رمضان و قربان بیراملرنده ایلك کونی
طلوع شمسدن قرق دقیقه قدر صکره جماعت ایله قیلنان
ایکیشر رکعتدن عبارتدرکه بونده فضله آلتی تکبیر واردر. نمازدن
صکره خطبه دخی اوقنور.



[*] صلات جمعه نك درت رکعت ایلك سنئی و درت رکعت صوکن سنئی
واردرکه بونلر منفرداً قیلنور.

﴿ طهارت ﴾

دینمز بزه هروقت بدنمزی ولباسمزی ومكانمزی واستعمال
ایده جکمز صوینی تمیز طو تمامزی امر ایتمکده اولدیغی کبی نماز
ایچون دخی بشقه جه بر حاضرق امر ایدیورکه اوده آبدست
آلوب نمازه کیملی وتمیز اوله رق طور مقدر .

﴿ آبرست ﴾

درت فعلدن عبارتدر: (۱) یوزینی ییقامق ، (۲) قوللرینی اللریله
برابر دیرسکلرینه قدر [*] ییقامق ، (۳) باشنه صوسورمک ،
(۴) آیاقلرینی طویوقلریله برابر ییقامق .

باشه صوسورمکه (مسح) تعبیر اولنور[**] او ، بر کره اولور .
وباشک درت بلو کندن بر بلوکنه و ممکن اولورسه هر طرفنه

[*] دیرسکلرینی دخی ییقار . اللرینی اولجه ییقادیغی صروده آغزینی وبورنی
دخی اوچر کره صوآلهرق تمیزلر .

[**] باشه مسح ایلهدیکی صروده النک یاشیله قولاغتنک ایچنی وارقه سنی تمیزلر
وشاه طمرلری اوزرینه دخی النک برسیله مسح ایلر .

یا پیلور . یوز ییقامق وال وقول وآیاق ییامق اوچر کره اولور .

﴿ آبرستسزلك ﴾

بوز لمد قجه بر آبدست ایله بر قاق نماز قیلنور . آبدست کوچك و بیوک قضاء حاجت ایله و او یومق ایله و انساندن ریح كلمك وبر یری قانامق و چیبانی دشیللمك و یاره سی ایشله مك ایله بوز یلور . آبدستی بوز یلان آدم نماز قیله جق و یامص حف او قویه جق و یا خود جامعه کیره جك اولد قده آبدست آلور . نمازی آبدستسز قیله ماز .

﴿ غُسل ﴾

انسانده دها بعض حاللر اولور که او حالده نماز قیلمق و قرآن او قومق و جامعه کیره بیلمك ایچون بالکز آبدست آلمق کافی اولمیوب غسل ایتمك لازم کلور : انسان احتلام اولور سه ، زوج ایله زوجه بریره کلور سه ، و خاصه قادین قسمی آی باشی عادتندن و لخوسه لقدن پاك اولور سه .

(غسل ایتمک) آغزینک و بورننک ایچنی و تپه دن طرناغه
قدر جمیع بدننی هیچ برقیل دیبی قوری قالماق اوزره کوزلجه
بیقامقدر .

﴿ تیمم ﴾

کرك آبدست اولسون ، كرك بوی آبدستی دیمک اولان
غسل اولسون صوایله اوله جق شیر . صویک بولندیغی یرده
ویا خود صو وار ایسه ده درت بیک آدیم اوزاقده اولمق و یا دشمن
النده بولنمق یا خود غالی پاره ایله صاتلمق کبی استعمالنه قدرت
اولمادیغنده و صوی استعمالدن وجودجه مضرت متولد اوله جغنده
آبدسته و غسله بدل تیمم اولنور .

(تیمم) طهارت شرعیه نیتیه تمیز طپراغه و یا خود طپراق
جنسندن بر تمیز یره اللرینی ایکی دفعه اوروب بر دفعه سنده یوزینه
وبر دفعه سنده ایکی قوللرینه صیوامقدن عبارتدر . اللرینی یره
ایکنجی اورشنده ابتدا صول الیه صاغ قولنه و صکره صاغ الیه
صول قولنه صیوار .

بوزلمد قجه بر تیمم ایله بر قاق نماز قیلنور .
آبدستی بوزان شیر تیممی دخی بوزار . فضله اوله رق تیممی
صوبی بولمق واستعمالنه قادر اولمق دخی بوزار .



آبدستی بوزان شیر غسلی بوزماز غسلی آنجق آنی ایجاب
ایدن شیر بوزار .

قادینلر عادت ولخوسه لق زمانلرنده نماز قیلقدن و قرآن
اوقومقدن و جامعه کیرمکدن ممنوعدرلر .



﴿ اورج طوفو ﴾

عبادت نیسله آج طورمقدن عبادتدرکه جناب حقه بروج
اخلاص کوندزین طلوع فجردن غروب شمس قدر اکل و شربدن
و موافقه دن نفسی منع ایتمکدر .

سنه ده بش کون یعنی رمضان بیرامنک ایلک کونیه قربان
بیرامنک درت کونی مستثنی اولمق اوزره هرکون اورج
طوتیله ییلور .

فرض اوله رق رمضان اورجی واردرکه ترك اولنه ماز .
 رمضان آبی سنه نك هانکی فصلنه تصادف ایدرایسه ایتسون آنك
 کونلری علی التوالی اورج ایله امرار اولنور . خسته لك و یو لجلیق
 و امز کلیك کبی بر معذرتہ مبنی اورج طو تمغه طاقت کتوره مینلر
 وقادینلردن عادت و لحوسه لق عذرندہ بولنانلر رمضان اورجی
 معذرتلری زائل اولدقده اودرلر .



رمضان شریف کیجہ لرینه مخصوص برده نماز واردرکه
 یاتسو ایله وتر نمازی آراسنده قیلنور و (تراویح) تعبیر اولنور .
 ہر ایک رکعتہ سلام و ہر درت رکعتہ فاصلہ ایله یکرمی
 رکعتدر .



﴿ زکات دبرمك ﴾

مالنك قرقدہ برینی فی سبیل اللہ آیروب تحصیلدارینہ تسلیم
 ایتمك و تحصیل اولنقده دكل ایسه کندی اخوان دینندن محتاج
 بیلدیکی کیمسه یه ویرمکدر .

شو شرط ايله كه او كيمسه كندينك اصول وفروعندن
وآل هاشمندن اولميه جقدر .

زكات بر عبادت ماليه دركه آنكله اهل اسلامك انجق حر
وزنكين اولان عاقل وبالغري مكفدر .

آلتون وكوشك كرك مسكوكنه ، كرك حلي و اوانيسنه [*]
وحيوانانندن دوه وطوار [**] وصيغير جنسلرينه ترتب ايدر .

اموال سائرهميه نيت تجارت اولمديجه زكات ترتب ايتمز .
مكر كه اجارات و تجارتدن تراكم ايتمش نقود اوله .

نقدك نصابي يعنى زكات ترتب ايده جك مقداري كهوشده
ايكيوز درهم [**] و آلنونده يكرمي مثقالدر [***] .

[*] كمر وطراق كبي شيلر حليدركه زينت ديمكدر . طاس و تيسي و تتون و انفيه
قوطيسي و ظرف و باردق كبي شيلر اوانيدركه قاب ديمكدر . اواني سيم و زر
استعمال ارككه وقادينه حرام اولوب انجق زينت قسمي قادينه حلالدر .

[**] تركجه طوار عربيدكي غنم كبي قيونه و كچييه شامل بر تعبيردر .
[***] آلتيووز غروش ديمكدر . زكات اولهرق (ربع عشر) و يراوركه اونده
برك درنده بري يعنى قرق غروشده برغروش والتيووزده اون بش غروش
ديمكدر .

[****] اون درت لبرا ديمكدر . (ربع عشر . مثقال حسابيله يكرميده ياريم
مثقال ايدر) .

شرطی صاحبك او مبلغه مقابل بورجی اولماق و حوايج
اصليه سندن او مبلغ فضلہ بولنمقدّر . و آكا احتیاج مس
ایتمیهرك اوزرندن برسنه کامله کچمکدر .


دوه لری اولان کیمسه هر بش دوهده برقیون و طواری
اولان کیمسه هر قرق طواردہ بر طوار و صیغیری اولان
کیمسه هر اوتوز صیغیرده بر طنه ویرر [*] .

بونلرده سواثم اولمق یعنی سنه نك ا کثرندہ آخوردہ
بسلمکده اولیوبده قیرلرده یاییلور بولنمق دخی شرطدر .



اثمار و خضراواتده و مزروعاتك حاصلنده اونده بر ویرمک
بلا استثنا یعنی عقل و بلوغ شرطی اولمیهرق هرکسه وظیفه*
شرعیه در . و بونده نصاب دخی شرط دکدر .

اگر قوغه و دولاب کبی واسطه لر ایله سقی اولنمقده
و کوچلک چکلمکده ایسه عشرک نصفی لازم کلور .



[*] بواجمالک تفصیلی کتب فقهیه دهر .

« حج ایتمک »

مکه مکرّمه ده کی کعبه معظّمه یی که بتون اهل اسلامک قبله سیدر زیارت ایتمکدن عبارتدر .

کعبه یی زیارت ایکی درلودر : بری (عُمَره) و دیکری (حج) در .

(عمره) سعی و طوافدن عبارتدر که (حجّ اصغر) عد اولنور . بونک ایچون وقت معین یوقدر .

(حج) ذی الحجه نك طقوزنجی کونی که (عَرَفَه) تعبیر اولنور (عرفات) دینیلان محله بولنمق شرطیله کعبه معظّمه یی طواف ایتمک و بین الصفا و المروة سعی ایلمکدن عبارتدر . بوزیارت عمره یه نسبتله (حجّ اکبر) اولور . ایکیسندده (احرام) شرطدر که میقات معیننده دیکشلی لباسلردن صوینوب بر و یاخود ایکی پارچه بزه صارنمق و کویاکه حب سوادن صیریلوب مَیِّتِ مُکَفَّنْ کبی زنکین وزوکرد هپ بر حالده ، باش آچیق ویالین آیاق دیوان باریده ، بولنمقدردر .

حج ایتمک هم ثروته وهم صحت وقوته وامن طریقّه متوقف

بر عبادت ماليه و بدنيه در . بناءً عليه بو عبادت ايله مسليمنك
انجق حر وزنكين وركوب ونزوله قادر اولانلري مكلفدر .

كعبه يي وحج و عمره يي بزه بيلديرن وهر خير و فضيلتي
اوكره دن ذات همايون رسالتينا هيلري اولديغيچون تمام حج دن
صكره تشكراً مدينه منوره نك خاك پاكنه سورمك يعنى
ضريح اقدس رسول الله يي زيارت ايلمك دخى وجيبه اغنيادر .

بونلردن ماعدا رمضان بيرامنده صدقه فطر و يرملك و قربان
بيرامنده قربان كسمك و ايجابنده سجود سهو و تلاوت ايتمك
واولمك و زوجه يي و اصول و فروع يي انفاق ايتمك و ابويننه و زوجه
زوجه خدمت ايلمك و بش وقتده اذان او قنمق و جامعلرده جماعت
اولوب نماز قيليق و ايام تشريقده يعنى عيد اضحاده عرفه صباحندن
بيرامك دردنجهي كوني ايكنديسنه قدر اولان اوقاتده تسكبير
آلمق و ارلك چو جقلري ختان ايتمك دخى و جائب دينه مزدندر

« فائده اسلام »

مسلمانلغك فائده سي پك چوقدر ، از آن جمله عقائد
اسلاميه يي جزماً قبول ايدن كيمنسه اولا جناب حق شان ربوبيت
و قدوسيته شايان وجهله طائيمش و تقديس ايتمش و كندينك عجز

و عبودیتی بیلش واکا کوره هر حال وکارنده جناب رب العالمینه توکل و اعتماد اوزره اولوب خوف و امیدده اول ذات ذوالجلال والا کرامه باغلانمش و اوهام و خیالاته صاپاماش اولور . ثانیاً قرآن کریمک ایلک سوره سی دیمک اولوب بش وقت نمازک هر رکعتنده او قود یغی فاتحه شریفه نک باشنده کی (الحمد لله رب العالمین) آیت جلیله سنی کوروب هر کسی کندی کبی مخلوق خدا و بنده آفریده ذات ذی کبریا بیلهرک کیمسه یه یان باقماز و جان یاقماز اولدقدن بشقه ذاتاً حق جلّ و علانک صفات ثبوتیه سنی ایقان ایتمش اولمخله کن دینک اقوال و افعالی جناب حقک سمیع و بصیر صفتلرینه قارشو دائره ادبه ، و تصورات و مضموراتی جناب عالم الغیب و الشهاده نک صفت علیمیتنه قارشو محور استقامتده ، طو توب امر خالقه تعظیم و اعتنا و خلق ایله اولان معاملاتنی شفقت و حقانیتنه بنا ایلر . ثالثاً هر نمازده (ایاک نعبد و ایاک نستعین) دیو عبادت و عبودیتی منحصرأ جناب حقه ایلر . و عنایت و معونتی و هدایت و مغفرتی آندن بکلر . رابعاً حضرت خاتم الانبیایه ایمان ایتمش اولمی سببیله بتون انبیا و مرسلینی تصدیق ایتمش و اساس دیانتک توحید باری و تقدیس ذات الهی اولدیغنی آکلایوب بالجمله ادیان او نقطه ده برلشدرمش و هر نبی ذیشان جناب حقک ممتاز قوی و رسولی

اولمق اوزره طانیوب ربوبیتده ذات باری یه کیمسه یی شریک
ایتماش و پیغمبران کزینی تصدیق و تبعجیلده بری برندن تفریق
ایلمه مش اولور . خامساً قدره ایمانی جهتیه حسب القدر برکدر
ومصیبتیه اوغرادقده مقتضای قضاء ربانیدر دیو متسلی اوله رق
تأسفی عظیم ومتمد اولماز . والطف الیه دن امیدینی کسمز .
سادساً آخرته ایمانی جهتیه مصائب دنیویه سی نقدر چوغالسه
یأس ونومیدی حالنه کلایوب و بناء علیه انتحار ایتماک تشبثلرنده
اولایوب مکافات الیه ء آخرویه یه انتظاراً صابر اولور . سابعاً
حضرت نحر رسله اجابت ومتابعی سببیه اول نحر دوجهانک سیر
سنبیه سنی وتراجم صحابه سنی تتبع ایله مائل مکارم اخلاق
اولوب حکمت وعفت وشجاعت وسخاوت کبی اخلاق فاضله ایله
متخلق اولمغه . وعالی همت جناب اولوب بو عالم بی بقانک لذات
فانیه سنه کوز دیکمیه رک دنیایی مزرعه ء آخرت اولمق اوزره
طانیمغه . وخلقنتک مساعد اوله ییلدیکي خدمات حسنه ایله نیک
نام برافقغه چالیشور . وجناب حق چوق آندیغی جهتیه قلبی ذکر
الله ایله منور اولوب صنعت وتجارقی وخدمت وکتابتی آنی یاد
الهیدن فارغ قیلماز ، وجداً محب دنیا اولمادیغی ایچون نفسنی عابر
سبیل آخرت ییلهرک اجلی حلولنده دنیادن مفارقتی مشکل کورمز ،
اولور . خوف وحزن اوزره اولایوب آسوده حال ومنشرح البال

اوله رق یاشار . پاکنهاده و معالیمعتاد بولنور . صاحب هوا دکل ،
اهل صدق و اهل وفا اولور . الی غیر ذلک .

قرآن کریمده صحابه* کزینک اوصاف جلیله لرینه باق ده
آنلر هپ بودین مبینک تعلیماتیله یتشمش و حضرت فخر المرسلینه
پیرو اولمش ارلر و بختیارلردر [*] .

« صابرلر ثباتکارلر ، صادقلر وفادارلر ، طاعتده لر ، انفاقده لر ،
سَجَر لری استغفارده لر . »

« توبه ایدیجیلر ، عبادت ایدیجیلر ، اورج طو تیجیلر ، رکوع
و سجود ایله نماز قلیجیلر ، ایلسکی امر و نالغی نهی ایدیجیلر ،
حدود الهی محافظه ایدوب شریعتک تعیین ایتدیکی دائره دن
چیقمیجیلر ، تصدق و حقه انقیاد ایدیجیلر و الله تعالی نی چوق
آنیجیلر . »

« ماللرنده محتاجین ایچون حق یلوب کerk کندیلرندن
برشی ایستیانلره و کerk کیمسه یه عرض حال ایده میانلره اعطا
و انعام ایدیجیلر . »

[*] آیات کریمه یه حرمة یالکz خلاصه* ما لاری قونا مشدر . صحابه نک عالی و آلهی
انسانلر اولدیغنی ناطق ده ا نیجه آیت کریمه لر واردر . بوراده مذکور اولانلر سوره*
و آل عمران توبه و احزاب و نور و فتح و معارجدن مأخوذدر .

« کفار و بی دینانه شدت اوزره اولوب کندی بینلرنده
مشفقانه معامله ایدیجیلر ، آثار عبادت ایله یوزی نورلیر . »

« تجارت و آالش ویرشلی کندیلرینی یاد آلهیدن و اقامهٔ صلات
و اعطاء زکات و صدقات ایتمکدن منع و مشغول ایتمیوب یوم
آخر تدن حذر ایدیجیلر . »



(صحابهٔ کرام) مهاجرین و انصار اسملریله باشلوجه ایکی
قسم اولوب (مهاجرین) فتح مکهدن اول هجرت ایدن اهل
مکه در (انصار) مهاجرینه معاونت و دینه نصرت ایلیان
اهل مدینه در .

جمله سنك افضلی شیخین معظمین یعنی حضرت (ابو بکر الصدیق)
و حضرت (عمر الفاروق) و بعده خَتَنَینِ مکرّمین یعنی حضرت
(عثمان ذی النورین) و حضرت (علی المرتضی) در .

بو ذوات خفامه خلفاء راشدین و چهار یارکزین تعبیر اولنور .
آتی التعداد الّتی ذات ایله برابر جمله سنه (عشرهٔ مبشره) دینیلور که
هپ بردن جنت ایله مزده نمیشلر دیمکدر : حضرت (طلحه)
و حضرت (زُبَیر) و حضرت (عبد الرحمن بن عَوْف) و حضرت

(ابو عُبَيْدَه) و حضرت (سَعْدُ بن ابى وَقَاص) و حضرت (سعيد ابن زَيْد) رضوان الله تعالى عليهم اجمعين .

ایرانی ، تورانی و اکثر معمرهٔ جهانی بونلر فتح ایتمشلردر و دین اسلامی دنیا به نشر ابله مربیٔ عالم اولمشلردر .



یا رحمن یا رحیم . اهدنا الصراط المستقیم . صراط الذین أنعمت علیهم . غیر المغضوب علیهم ولا الضالین . وتوفنا مسلمین وألحقنا بالصالحین .



نجز بحمد الله تعالى بعد صلاة الجمعة فی اليوم الثامن والعشرين من ذی الحجة سنة تسع وثلثمائة بعد الألف . وقد من الله سبحانه علیَّ باتمامه فی اربعة ايام ونصف من ايام الصيف . فی المصطاف الذی اکثریته تجاه مسجد قزیل طپراق من اعمال اسکدار . المستحب فیہ من کثرة البعوض بیت ابی دثار . وانا العبد المذنب المفتقر الی ربه الغنی . محمد ذہنی . کان الله له وتولاه بمنه المغنی .

وصلی الله علی سیدنا محمد وعلی جمیع الانبیاء والمرسلین

والحمد لله رب العالمین

المجلد الثامن

كتاب الصلاة

— تحت اسلام —

—

تأليف الشيخ محمد باقر عابد

محرر

—

باب اول في تراجم المؤلفين وشرح المؤلفات

١١٢ كانون الثاني سنة ١٣١٨ تاريخ

محرر محمد باقر عابد

طبعة ثانية

محرر مؤلف الكتاب محمد باقر عابد

١٣٢٨

استان

الطهور شطر الامان

کتاب الطهارة

— نعمت اسلام —




ما من الله عز اسمه به على عبده

محمد زهني



باب والای فتوا پناہینک تصدیق و معارف نظارت جلیله سنک . . نومرو لی
و ۲۱ کانون ثانی سنه ۳۱۸ تاریخلی رخصتنامه سی ابله
شرکت صربیہ مطبعہ سندہ طبع اول نمشدرد.



طبعة ثانية

هرحق مؤلفنکدر مهری اولیانی ساخته در

۱۳۲۴

استانبول

بِسْمِ اللَّهِ الرَّحْمَنِ الرَّحِيمِ

الحمد لله على نعمة الإسلام . والصلاة والسلام على رسول الله محمد
سيد الانام . وعلى آله الكرام وصحبه العظام . أما بعد :

کتابم علم فقہک عبادات قسمنه دائر در . بونده بزہ مأخذ ۱۰۶ تاریخندہ
متوفی ابو الاخلاص حسن بن عمار الشربلانی مرحومک نور الايضاح
شرحی مراقی الفلاح ایله آنک حاشیه سی طحطاویدر .

اصل دیمکدن مقصود مز مشار ایله مرحومک متناً و شرحاً
اثر مستقلاً اولان کتاب مذکور اولدیغی کی مؤلفدن مراد دخی
مرحوم مشار الیهدر . محشیدن دخی مراد مز ذکر اولنان حاشیه نک
صاحبی متأخرین علماء مصریه دن شیخ احمد طحطاویدر .

کتاب حرفیا ترجمه اولمدیغی کی مسائل مندرجه دخی آنک ترجمه سندن
عبارت دکدر . در مختار حواشیسی نظردن دور طو تلمیه رق
وهدایه وکنز شروحنه ودرره و ننفه وجوه رهیه و قسطنانی به
وشر نبلالیه [۵] دخی جابجا مراجعت اولنه رق خیلی تلبعات و ترتیب
مسائلده تصرفات ایدلمشدر . وما توفیقی الا بالله .

محمد زلفی

[*] مؤلفک درر حاشیه سیدرکه . مصر بصره سی دورک ها مشنده مطبوعدر

رمز و اصطلاح بوجه آتیدر : اه = انتہی . اخ = إلى آخره .
 ص = اصل ط = طحطاوی . امام = ابو حنیفہ حضرت تلمیذی .
 امامین = امام ابو یوسف و امام محمد . مشار الیہما یہ (صاحبین) دخی
 دینور . شیخین = امام ابو حنیفہ و امام ابو یوسف . طرفین =
 امام ابو حنیفہ و امام محمد .

امام ابو یوسف حضرت تلمیذینہ : ثانی . و امام محمد حضرت تلمیذینہ :
 ثالث دخی دینور کہ اوللزی امام اعظم ابو حنیفہ حضرت تلمیذیدر . رحمہم
 اللہ تعالیٰ .

- احكام تكليفه - [۱]

فرض ، واجب ، مندوب کبی تعبیر اتدن ابواب عباداتک هیچ بری و حتی طهارت بانی خالی اولما مقله اول باول احکامی معرفته حاجت مس ایدر .

احکام : حکمک جمعیدر . برشیشک حکمی آنک اثر مترتیدر . احکام شرعیه دخی افعال مکلفینه اقتضاء و یا تخیراً تعلق ایدن آثار خطابات شارعدن عبارتدر [۲] .

اجمالاً : وجوب ، ندب ، اباحت ، حرمت ، کراهت . دیو (بش) وتفصیلاً (سکر) قسم صایمله رق متعلقلری اعتباریله شویله جه

[۱] بو بحث مأخذمزه یوقدر . اصولدن علاوهدر ، فروعدن تکشیر امله اولمشدر . (تکلیفیه) : وضعیه مقابلدرکه مکلف به اولان فعلک وجود و یا عدمی مقتضی و یا تخیر اولان خطاباتک آناری دیمکدر . خطابات : شارعک اوامر و نواهیسیدر . ندب و اباحه قسملرنده معنای تکلیف ظاهر دکل ایسهده وجوب و حرمت کبی او معنی کندیلرنده ظاهر اولان قسملر تغلیب اولنه رق هپسنه بردن (احکام تکلیفیه) نامی ویرلشدر .

[۲] اقتضا طلب دیمکدرکه طلب فعل و ترکه شاملدر . طلب فعلک جازما اولانی : ایجاب ، وغیر جازم اولانی : ندب ، در . طلب ترکک جزمی اولانی : تحریم ، وغیر جزمی اولانی : کراهت ، در . (تخیر) اباحهدر کما فی التوضیح .

تعداد اولور : فرض ، واجب ، سنت ، مستحب ، مباح ، حرام ، مکروه ، مفسد [۱] .

چرنسکه قضاء ربانی قولک یا مطیع و مثاب اولق و یا خود مخالف و معاقب بولنق اوزره مبتلی اولمسنی ایجاب ایتمشددر .

ابتلا فعله و ترکه تعلق ایتمکله عبادک افعال و تروکنده مشروع و غیر مشروع نوعلر حاصل اولمشددر [۲] .

مباحه قدر اولان اقسام : (مشروعات) و آندن صکره کی اقسام : (غیر مشروعات) در .

طلب فعله تعلق ایدن خطابات امرلر و طلب ترکه تعلق ایدن خطابات نهیلردر .

امرلر قطعی و غیر قطعی اولدیغی کبی نهیلر دخی قطعی و غیر قطعی اولور .

قطعیلک ده دلالة اولدیغی کبی ثبوت دخی اولور [۳] .

[۱] قسم ثامن اولان مفسد اصولده مذکور دکل ایسهده فروعهده مذکور و لازم الذکردر .

[۲] مأمور بهک فعلی مشروع و ترکی غیر مشروع اولوب منهی عنه ایسه بونک عکسی اوزرهدر . مندوب الیه ایله مکروه دخی بو و تیره ده در .

[۳] دلیل حکم شرعی درت درلودر . برنجیسی قطعی الثبوت والدلالة در : بوجه ایله تأویل احتمالی اولمیان آیات قرآنییه و احادیث متواتره صریحه کبی . ایکنجیسی قطعی الثبوت و ظنی الدلالة در : آیات

ثبوتاً ودلالةً قطعی اولان امرلردن فرضیت ، ویا الکز برجهتله قطعی اولانلردن وجوب ، پیدا اولمشدر .

فرضیتک تعلق ایتدیکی شی (فرض) در . فرضک حکمی فعلیه ثواب و بلاعذر ترکینه عقاب ترتب ایتمک و منکر و مستخفی اکفار اولنقدردر . اوده ایکی قسم اولوب بری (فرض عین) و دیسکری (فرض کفایه) در .

(فرض عین) هر فرده لازم اولوب بر طاقمنک ایشلمه لريله دیسکرلرندن ساقط اولمیاندر : طهارت و بش وقت نماز و رمضان اورچی کبی .

(فرض کفایه) مفروض علیهمک آبرو آبرو هپسنه دکل ، جمله — سنه بردن لازم و متحتم اولوب بر طاقمنک فعلیه جمله دن ساقط اولاندر : قرآن کریم تلاوت اولنور ایکن دیکله مک ، حافظ قرآن اولمق ، سلام آلمق کبی .

فرض کفایه نك ثوابی یا الکز آنک مباشرینه ، و متروکیتک کناهی جمله یه در .

واحدیت (ثابتۀ) مؤوله کبی . او پنجیسی ظنی الثبوت و قطعی الدلاله در : صریح المفاد اولان اخبار آحاد کبی . در پنجیسی ظنی الثبوت و الدلاله در : محتمل معانی اولان اخبار آحاد کبی .

بونلرک برنجیسی قطعی اولغله آنکله فرض و حرام ثابت اولور . ایکننجیسی و او پنجیسی ظنی مفید اولغله آنلرله واجب و برده مکروه ثابت اولور . در پنجیسی سنیت و استعجابی و تنزیهاً کراهی افده ایدر . یعنی آنکله سنیت و مستحب و مکروه تنزیهی ثابت اولور .

بر عبادتک ارکان و شروطی دیمک اولان فروضندن برینک ترکینک
مقتضای مطلقاً عدم صحتدر ، یعنی کړک عمداً ترک ابدلش ، کړک
سهواً متروک اولش اولسون او عبادت غیر صحیحدر . عمداً ترکه اثم
دخی مترتبدر .

وجوبک تعلق ایتدیکمی فعل (واجب) در . واجبک حکمی دخی
عملاً فرض کبی اولمق یعنی فعلانه ثواب و بلا عذر ترکینه عقاب ترتب
ایتمکدر . اعتقاداً فرضک حکمی کبی دکلدرکه واجبک منکری اکفار
اولتماز [۵] : قربان کسمک ، وتر ویرام نمازلی قیابق وقریب
محتاجنه باقمق کبی .

واجبک دخی علی الکفایه اولان قسمی واردر : شعبان ورمضان
نهایتلرنده طلب رؤیت هلال ایلمک کبی .

[*] محشی مرحوم وضوء فصلنده ذکر ایتمشدرکه فرضک موجب
علم بدیهی اولان قطعیمی ، ودلیل قطعی ایله ثابت اولدیغی حالده ایچنده
شبهه بولندیغنه مبنی ظنیسی ، واردر . قسم ظنیسنه (فرض عملی) اسمی
ویریلورکه فواتیله جوازک فائت اولدیغی شی دیمکدر . آنک ده حکمی قسم
قطعی کییدر . شوقدرکه آنک منکری اکفار اولنور ، بونک منکری
اکفار اولتماز . مثلاً ارکان وضوءدن اولان مسح رأس اصلنه نظراً
قسم اولدن وتقديره نظراً قسم ثانیدندر . فرض اطلاق اولنوبده آندن
قطعی ایله عملیه شامل اولان معنی قصد اولندیغی کبی واجب اطلاق
اولنوبده آندن فرض عملی قصد اولندیغی دخی واردر . بوندن اونوری
بعض اهل تحقیق فرض عملی حقنده : واجبک نوع اقواسی وفرضک
نوع اضعی در . دیمشدرکه اه

بر عبادتک واجباتندن بر بنی ترکک مقتضایی عمداً ایسه کراهت
تحریمیه ایله مکروه اولمق و سموأ ایسه نماز حقنده سجود سمو لازم
کلمه کدر .

(سنت) حضرت فخر رسلك (علیه وعلیهم الصلاة والسلام)
فرض و واجب اولیه رق مواظبت بیورد قلمری یعنی نادراً ترك ایله
برابر دوام اوزره ایشله دکلریدر که سنت مؤکده دیدیکمزدر . غیر
مؤکده یه مستحب و مندوب اسملری ویریلور .

نزداهل اصولده سنت ایکی قسم اولوب بر قسمی (سنة الهدی) در
که مکمل دیندر . آنک تارکی مستحق لوم اولور : اذان ، اقامت ، جماعت
کبی . دیگر قسمی (سنة الزوائد) در [۱] بونک تارکی مستحق لوم
اولماز : ارکان صلاتی تطویل و پیغمبر علیه السلامک اکل و شرب
و لباس و قعود و قیامجه اولان سیرت سنیه لری کبی . لقد کان لکم فی
رسول الله اسوة حسنة .

سنتک مطلق بزجه مطلقدر که سنت خلفایه دخی شاملدر سنتک دخی
علی الکفایه اولانی وارددر : رمضانک عشر اخیرنده اعتکاف ایتمک
و تراویحده جماعت اولمق کبی [۲] .

[۱] بونده لفظ جمعک و مقابله لفظ افرادک اختیاری سنت
هدانک قلمته و سنت زوائدک کثرتنه اشارتدر . کذا فی حاشیه نور الانوار
المسماة بقمر الاقار .

[۲] فروضده جماعت سنت عیندر .

سنتك حكمي فعلنه فرض وواجبدن آز ثواب ترتب ايتمك [۱]
وعمداً تركنه عقاب دكل ، عتاب مترتب اولمقدر .

(مستحب) كه اكا (مندوب) دخي دينور . حضرت سلطان
رسلك (عليه وعليهم الصلاة والسلام) كاه ايشليوب وكاه ترك
بيوردقلى وسلف صالحينك سوب ايشله دكلرى وترغيب ايلد كلريدر :
بعض نوافل صلات وصيام كبي .

مستحبك حكمي فعلنه ثواب ترتب ايتمك وتركنه عتاب ترتب
ايلها مسكدر [۲] .

(مباح) مكلفك فعل ايله ترك بيننده بخير بولنديغي شيدر .
بونك حكمي فعلاً ويا تركاً ثواب ويا عقاب اولمامقدر . اشياده
صفت اصليه بودر [۳] .

تفاوت احوال ايله احكام دخي متفاوت اولور . مثلاً حرام
اولميان شيلردن اكل وشرب مباحدر . دفع هلاك ايچون بقدر الحاجة
اكل وشرب محرماندن دخي اولسه فرضدر [۴] . عبد مؤمن

[۱] چونكه افضل قربات فروضدر . فرائضك ثوابنه بشقه ثواب
معادل اولماز .

[۲] مستحب سنتدن بر قسمدر كه آنك غير مؤكده نوعيدر . تكيم محثي
مرحوم شروط تحريره در محشمي نوحدن تقلاً ذكر ايتمشدر . مؤلف دخي
سنت غير مؤكده بي فصل نوافله . مندوب عنوانيله ياد ايلمشدر . سنت
مؤكده نك تركي مؤثم (موجب اثم) اولق صحيجدر .

آداب وضوء فصلنده دخي سنته وحكمته دائر كلام واردر .

[۳] سورة بقره اوائلنده كي أستعين بالله تعالى : [هو الذي خلق لكم
ما في الأرض جميعاً] آيت كريمه سي تفسيرينه مراجعت اولنسون :

[۴] مال غير ايسه متناول تضمين ايدر .

تناول فرض ایله مثاب دخی اولور . اکل و شربك دفع تهلکه مرتبه سندن زیاده سی نمازی قائماً قیله بیلک واورج طوتمغه قولایلق کلمک مرتبه سنده قدر مندوب و مستحبدر . سمیرمک ایچون اکل ، مکروهدر . طویدقدن صکره اکل حرامدر . مسکرکه مسافرینی اکرام ایچون اوله .

مباح مشروعاتک تالیسیدر و آنلردن معدود در [*] .
غیر مشروعاته کلنجه : آنلر متعلقات تواهیدرکه ترکی مطلوب اولان شیلردیمکدر ثبوتاً و دلالة قطعی اولان نهیلردن (حرمت) و یالکیز برجهتله قطعی بولنان نهیلردن (کراحت) حاصل اولمشدو .
حرمتک تعلق ایتدیسکی شی (حرام) در . اکا (محرم) و (محظور) دخی دینور .

حرامک حکمی ترکمه ثواب و فعلانه عقاب ترتب ایتمک و آتی حلال و مباح عد ایدنلر عیاذاً بالله تعالی کفره ایرمکدر : ایچکی ایچمک ، قمار اوینامق ، ابویننه عاصی اولمق کبی .
کراحتک تعلق ایتدیسکی شی (مکروه) در مکروهک حکمی عملاً حرامک حکمی کبیدرکه ترکمه ثواب ترتب ایتمک و فعلانه عقاب قورقوسی اولمقدر . اعتقاداً حرام کبی دکلدرکه استحلالانه کفر ترتب اینمز : مسدیه و استردیه و ایستقوز مثلی باق جنسندن اولمیان دکز مخلوقی بییمک ، جمعه ساعتده آتش ویرش ایتمک ، آبدستده و غسلده صوینی اسراف ایلمک کبی .

[*] كما فی كنز البیان مختصر توفیق الرحمن علی متن السکنز .

مکروهک مصدری اولان (کراحت) و تخفیف یاه ایله
(کراهیت) و کافلرک فتح و ضمیمه (کره) و (کره) کلمه لری
چرکیئلک و سومسزلک معنا سنده لازم و برشیئ سومه مک و خوشلانماق
معناسنده متعدیدر . معنای اولک متعلقنه (کریه) و معنای
ثانیئک متعلقنه (مکروه) دینور . اولکیسی باب خامسدن وایکنجیسی
باب رابعنددر .

اصطلاح شرعه مشروعاتک قطعياً مطلوب اولاننه فرض و آنک
مادوننه واجب دینلدیکی کبی غیر مشروعاتک دخی قطعیا منهی بولناننه
حرام و آنک مادوننه مکروه دینیلور . بومعناجه مکروه حرامه اقرب
اولدیغی ایچون (تحریمی) نامنی آلور .

آنک برده (تنزیهی) قسمی واردکه خلاف اولی دیمکدر .
بونک حلاله اقرب دیمک اولدیغنده ائمهمزجه اتفاق واردر .
اختلاف ، واجب مقابلی اوله رق مذکور اولان قسم تحریمیده درکه
آنک عند الشیخین معناسی حرام دکل ایسه ده آ کا اقرب دیمکدر .
امام محمد حضرتلرنجه ایسه اوقسم غیر مشروع حرام دیمکدر .
شو قدرکه حقنده قاطع بوله مدیغی جمته امام مشار الیه حضرتلری
کندی اثرلری اولان کستابلرد، آ کا حرام اطلاق ایده میوب مکروه
نامنی ویرمشددر .

سنتدن عند الاطلاق مؤکده قسمی مقصود اولدیغی کبی
کراهتک دخی علی الاطلاق ذکرنده یعنی تنزیه قیدی اولمدقجه

قسم تحریمی مقصود در [۱] . مثلاً بشقه صو وار ایکن کدی
 آرتیغی اولان صوی شرب واستعمال تنزیها مکروهدر [۲] .
 آبدسته صوی اسراف ایتمک مکروه اولدیغی کبی تقیر ایتمک یعنی
 پیک از صرف ایله غسلی مسح درجه سنه کتورمک دخی مکروهدر .
 (مفسد) شروع اولنان عملی نقض وابطال ایدندرکه حرام ایله
 مکروهک تالیسیدر و غیر مشروع انواعنددر [۳] .

مفسدک حکمی وسائلک غیریده [۴] عمداً بلا عذر صدورنده
 عقاب و سهواً صدورنده عدم عقاب اولمقدر : مفسدات صوم
 وصلات کبی .

عقل و بلوغ جهتیه اوزرلرینه شرع منیرک امر و نهی جاری
 اولان کیمسه لرك که (مکلفین) تعبیر اولنور فعللری کرک عمل
 و عبادت نوعندن اولسون ، کرک اولسون ذکر اولنان سکون

[۱] امام ابو یوسفک امام ابو حنیفه حضرتلرینه : برشی حقنده
 « اگره » دیدیککز وقت آنده رأیکز نه در ؟ دیو صوردم : تحریمدر .
 جوابی ویردیله دیش اولدیغی ابن عابدین مرحوم سؤره بخنده ذکر
 ایتمشدر . بونسکه برابر بعضاً تأکید قصدیه : تحریماً مکروه .
 دینلدیکی ده اولور .

[۲] مکروهات فصولنده کراهتک قسم تنزیهیه دخی شمولی
 شروحه مذکوردر .

[۳] کما فی کنز البیان مختصر توفیق الرحمن علی من السکنز .

[۴] آبدست وسائلنددر . مفسدات وضوءه (نوافض) نامی
 ویرلمشدر .

قسمدن برینه البته معروضدر : کسب مشروع حلال واخذ رشوت
 حرامدر عند الحاجة استقراض جائز (مباح) ومحتاجه اقراض
 مندوب وتأديه فرض اولوب مديون معسری وقت يسارینه تعلیقاً
 اممال واجبدر [۱]. کندیکنک محتاج اولدیغی فقهی ، یعنی دینیاتی
 تصحیح ایده جک علمی ، طلب هر مسلم ومسلمیه فرض عین اولوب
 آخره نفع ویره جک مرتبهده تعلم فرض کفایه ، وعلوم شرعیهده
 تبحر مندوب ، وتفاخر مکروه ، در . مقتضای عقد بیعدن ، ویا آنی
 مؤید ، اولمیوبده احد عاقدینه نافع اولان شرط : مفسد وبيع
 فاسددر [۲].

مدار اجر ومثوبت ایمان و اخلاص اوزرینه در . هرکس ایمان
 ایله مکلفدر . کفر کیمسهیه مباح دکلددر . دین وضع الهیددر . شارع
 وعد ووعیدنده صادقدر . من عمل صالحا فلنفسه ومن اساء فعليها .

[۱] قال تعالى : وان كان ذو عسرة فنظرة إلى ميسرة .

هیچ از فرمان حق کردن متاب

بهر وام آزاده را دامن متاب

آزاده بوراده فقیر معنا سنه در .

[۲] معاملانده فاسد باطلدن فرقلی وعبادات و مناکحاتده فرقسزدر .

کتاب الطهارة

انسانه عقائد حقّه و طهارت کامله اوزره عباداتی ، و بروجّه نصفت معاملاتنی ، و اخلاق فاضله و جمله معاشراتی تعلیم ایتمکده اولد یغندن دین اسلامدن بیوک نعمت اولماز . الحمد لله علی نعمه الاسلام مدار امر دین شویش شی اوزرینه در : اعتقادات ، آداب ، عبادات ، معاملات ، عقوبات .

آداب و عقائدک کتابلری آیرودر [۱] کتب فقهیه عبادات و معاملات و عقوباتی شاملدر .

بونلردن شمذیلک بزه تعلق ایدن : عبادات و آنک بیان و سائلیدر . عبادات معلوم اولدیغی اوزره بشدر [۲] : نماز ، اورج ، زکات ، حج ، جهاد .

جهاد فروض کفایه دن [۳] اولمغله بز فرض عین اولان

[۱] قسم اول نعمت اسلام آنلردن براز باحشر .

[۲] عبادات بش اولدیغی و اعتقاداتک دخی : ایمان بالله ، ملائک ، کتب ، رسل و یوم آخرته ایماندن عبارت باشلوجه بش قسمی بولندیغی کبی معاملات و عقوبات دخی بضر قسم اعتبار اولنه ییلور .

(معاملات) : معاوضات ، مناکحات ، مخاصمات ، امانات ، ترکات .

(عقوبات) : قصاص ، حد سرقت ، حد زنا ، حد قذف ، حد رده .

جوهره نك كتاب الزکاتنده و بحرك ورد مختارك كتاب الطهارة سنده بویله مذکور اولوب كتاب الحسدوده ایسه قصاصه بدل حد شرب مذکور در . کما هو الظاهر .

[۳] ان لم یکن النفر هاما . والا فهو فرض عین ، کما هو المصرح فی موضعه .

عباداتدن بحک ایدجکوز، آنلرک برنجیدی نمازدر . آنکده وسائلی بانواعها طهارتدر .

فقهک ذکر اولنان اقسامنی تماماً حاوی اولان کتابلرده عبادات — شاننه اهتماماً — معاملات وعقوباتدن مهتدمدر . عباداتک دخی اقدمی فريضة يومیه اولان نمازدر . آنک شرعی ومفتاحی دخی طهارت اولمغله کتایمزک وبالجله فقه کتابلرینک اول ابوابی کتاب الطهارة در .

لغته کتایب وکتایب جمع معناسنه اولوب [۱] کتب فقهیه نک مسائل مستقلة سی (کتاب) وغیر مستقلة سی (باب) وبابک دخی کوچکی (فصل) عنوانلریله مصادر اولمغله اصطلاح اهل فقهجه کتاب : مستقل اعتبار اولنشر برطاقم مسائلدر . کرک وبابک مسائل مثلی مشتمل انواع اولسون : آبدست ، غسل ، تیمم الخ کبی . کرک اولسون : کتاب لقطه وکتاب لقیط وکتاب مفقود کبی .

(طهارت) طانک فتحیله باب اول وخامسدن لغة مصدردر که نظافت دیمکدر [۲] طانک کسریله آب وتراب کبی آلت طهارت اولان شیدر . طانک ضمیله مایطهر بهک فضلیدرکه بعد التطهر آندن آرتاندر .

[۱] قرآن وقراءت دخی من جهة اللغة جمع معناسنه در . کتایب حروف وکلتایب یازیده ، وقراءت لغظه ، جمع ایله سکدر .

[۲] نظافتدن اعم اولهرق انکله هم اجسام ، هم اخلاق ، هم افعال انصاف ایدر . تکیم سورہ بقره ده کی : [ولکم فیها أزواج مطهرة] قول کریمک تفسیر نده مذکوردر .

شرعا طهارت : صلاتك تعلق ایتدیگی محله استعمال مطهره مبنی حکما ظاهر اولان بر اثر در .

(محل) : بدنه و لباس و مکانه شامل اولدیغی کبی (مَطَهَّر) دخی ماء ایله ترابه شاملدر .

(طهارت) : حدثك یاخود خبثك زوالندن عبارت اولمق اوزره دخی تعریف اولنور .

(حدث) : استعمال مزیده دکیین اعضا ایله قائم اولان مانع شرعیدر آنک اصغر و اکبری واردر .

(خبث) : شرعا مستقذر اولان شیدر [۱]

تعریفده کی « یاخود ، تعبیری منع جمع ایچون دکل ، بیان نوع ایچوندر . تعریف مذکور آبدسته و غسله و تیممه شامل اولدیغی کبی تطهیر انجاسه و دباغته دخی شاملدر [۲] .

(کتاب الطهارة) ترکیبی احکام طهارتک بیانی ایچون معقود بر باب دیمک اولوب بوبابده احکام میاهدن و اساس

[۱] فتحتین ایله اولان خبثی قاموسده کوره مدیککه مبنی انکار ایتمه که نهاییده ولسان العربده موجوددر . وفي الحديث : اذا بلغ الماء قلتین لم یحمل خبثا ، الحبث بفتح التین النجس . کذا فیها .

[۲] معلوم اولدیغی اوزره بونارک بری نجاستدن و دیگرى حدثن طهارتدر . صاحب فتوحاتک تعبیر نجی او اککیسی (معقولة المعنی) وایکننجیسی (غیر معقولة المعنی) درکه تعبیدی دیمکدر . تنفذه دخی : طهارت ایکی وجه اوزره اولوب بری طهارت تعبد و دیگرى طهارة من النجاسة در . طهارت تعبد دخی یا آبویا تراب ایله در . آب ایله اولان طهارت دخی ایسکیدر بری وضوء و دیگرى اغتسالدر . دیشدر اه

وآباردن و آبدست و غسلدن و تیمم‌دن و نواقض وضوءدن و مسح
 علی الخفین و مسح علی الجبیره‌دن و أعذار و أنجاسدن و آنلرک تخفیف
 و تطهیرندن بحث اولنور .

حدث وخبثی اتفاقاً مزیل اولان شی میاهدرد [۱] .

— میاه —

(میاه) که صولر دیمکدر صو معنا سنه اولان (ماء) لفظنک جمع
 کثرتیدر . جمع قلاتی (أمواه) در . لفظ (ماء) مدوددر . مقصور دخی
 اولور [۲] .

صو : بر جسم لطیف سیالدر . هر نامینک حیاتی آنک طاتلی
 اولان — یعنی دکز صوی کبی زعاق اولمیان — جنسیله در .
 کندیسيله تطهیر صحیح اولان [۳] صولرک اقسامی واردر :
 یغمور ، قار و طولی صوی [۴] ، دکز صوی [۵] ، دره صوی ،
 کول صوی ، قوی صوی ، پیسکار صوی .

[۱] مائعات سائرده مذهبجه معتمد اولان : آنلر یالکز آخیائی مزیل
 اولقدر . امام محمد و امام شافعی حضرتلری آخیانک تطهیر و ازاله‌سنده
 دخی ماء مطلق شرط قیامشدر ا ه ط .

[۲] ماء مطلق ، ماء مقید ، ماء یا مطلق و یا مقید اولور . آخرند کی همزه
 هادن مقلوبدر . مادهٔ اصلیه (م و ه) در . میاه لفظی حوض و حیاض
 کبی جمعدر .

[۳] مؤلف جوازی صحت ایله تفسیر ایتمشدر حلالیت ایله تفسیر ایتهاشدر
 چونکه کلام کندیسيله تطهیر صحیح اولان شیئک بیاننده در حلال اولسه بیله :
 فوبیده و صهر یجده محرز اولان ماء غیر کبی ا ه ط .

[۴] شمس بحسار و براری به مسامت اولدقجه بحارودت بخار رطب

بونلره (ماء مطلق) تعبیر اولنورکه علی الاطلاق صواسمی ویریلان ووصف خلقتی اوزره قالان صودیمکدر .

برده : کل صوی ، چیچک صوی ، آصمه صوی ، اوزوم صوی ، ات صوی کبی اسم مخصوص ایله سویلنان صولر واردر . آنلره (ماء مقید) تعبیر اولنورکه جنس و ماهیتنی ناطق برقید ایله بیان اولنان صودیمکدر .

بونلرده کی اضافت تقیید واولسکیلرده کی اضافت تعریف ایچوندور . شواپکی اضافت آره سنده کی فرق اولکنه بلاقیدصو اطلاقی صحیح اولوب ایکنجی یه قید اضافی اولدقجه صحیح اولما مقدهدر . (مثلاً برقاب ایچنده اولنان ماء مطلقه کرک چشمه کرک یغمور صوی اولسون : بو ، صودر . دینیله بیلورده ماء مقیده کرک کل ویا چیچک صوی بولسون : بو ، صودر دینیله من .)

وراریدن بخار یابس ائاره ایتمکده اولوب بخار هوانک طبقه ثالثه سنه صعود اینجه متکاتف اولمده و صغوق قوی اولدقجه طویلاوب تکاتف ایله اولان ثقلته بناء تقاطر ایتمکدهدر . طویلان سحابدر . تقاطر ایدت مطردر . صغوق قوی ایسه قار و طوی اولور . بعضاً دخی سحاب منمقد اولیهرق ضباب (سیس) تسمیه اولنور .

وفي كل شيء له آية * تدل على أنه واحد

کذا فی تفسیر الالوسی . رحمه الله تعالی .

[۵] خبرده : « ذکر صوی کندیسنی تطهیر ایتیمان کسه طهارت بولسون . » وارد اولمش اولدیفی حالد بعض ناس دکر صویندن آبدست آلفی مکروه کورمشدر . أغلب فقها انک عدم کراحتی اوزرینه در اه ط .

(حدیثن طهارت) — که آبدست آلتی و غسل ایتمک دیمکدر — انجق
ماء مطلق ایله اولور . ماء مقید ازاله انجاسده قولانیله بیلور [۱]
آنسکده طاهر و قالع اولسی آرانور . چونکه نجس نجسی ازاله
ایتمدیکی کبی دسومتلی اولوبده قلع و ازاله یه بدل تلویث ایدیجی
اولان مائلر دخی نجسی ازاله ایدیجی دکدر [۲] .

— ماء مطلق —

(ماء مطلق) بش قسمدر : طاهر مطهر غیر مکروه ، طاهر مطهر
مکروه ، طاهر غیر مطهر ، غیر طاهر ، مشکوک [۳] .
(طاهر مطهر غیر مکروه) شول ماء مطلقدرکه اوصاف اصلیه

[۱] مائعات مزیه نك ماء مطلقه الحاق آنجق نجاست حقیقیه بی تطهیر
وازاله ده صحیح اولشدر . چونکه شرط الحاق موجوددرکه اوده
اجزاء نجاستك یقانه یقانه چیقوب نهایت بولسیدر . بوشرط نجاست حکمه ده
منعدهدر . زیرا اعضاء محدثه نجاست محسوسه یوقدرکه تناهیسنه حکم
اولنسون . (حدث) : براصر شرعیدرکه انك ایچون مانع صلات اولق اوزره
حکم نجاست واردر . شارع انك ازاله سنه مخصوص آلت تمین ایتمشدرکه
اوده ماء مطلق یاخود انك خلقي اولان تیممدر . آرتق او آلتك غیرهسقی
آکا الحاق ایتمک ممکن اوله ماز . ص مع ط .

[۲] مثلا سرکه وچپک صوی منلی دسومتسز مائلر ازاله انجاسده
کافی ، وسوت وات صوی وزیتون یاغی کبی دسومتلی مائلر غیر کافی ،
در .

[۳] بونقسیم صویک راکد وقلیل اولاننده ظاهردر تسکیم ذکر
اولنور . (ماء مقید) ک دخی طاهر و غیر طاهر اولانی بولنه بیلور .

خلفتی اوزره قالب اقسام آتیه عوار ضندن دخی هېچ بری آکا عارض اولماش اوله .

اشته اوصو هم پاك ، هم پا کليجي ، همده غير مکروه الاستعمالدر : طهارت ونظافته وطبخ طعامده قوللانديغمز صولر بوقسمدر . ماء زمزم بوقسمک افضليدر . آنسکه دخی آبدست آماق وغسل ايتمک بزجه بلاکراهه جائز همده ثوابجه اکثردر [*] .

(طاهر مطهر مکروه) شول ماء مطلق طاهر درکه آندن هره اهليه مثلی برحيوان ايچمش اوله .

(هره) کديدر . السنور سبع ، مفهوممنجه کدی کرچه جانورد جانورک آرتيغی ايسه نجسدر ولکن آنک اهلې قسميله ابتلاعام اولديغندن آرتيغنی شرع منير مکروه مرتبه سسنده طوتوب آکا

[*] عتشی مرحوم بوني (فائده) عنوانيله ذکر ايتدکدن صکره شو علاوه بي ده ايامسدر : لباب المناسک صاحب کتابک آخرنده تفصيل ايدوب ديشدرکه ماء زمزم ايله غل ايتمک وآبدست آماق طهارت اوزره اولانه تبرک ايچون جائز اولور . حدث اکبر اوزره اولانه آنسکه غسل ايتمک وحدث اصغر اوزره اولانه آنسکه آبدست آماق وآني مکان نجسده قوللانغی لائق اولماز وآنسکه استنجا ايداز ونجاست کيدراز . بعض علمادن بونلرک تحريمی دخی منقولدر . برکيمسه آنسکه استنجا ايتمسکه کنديسنده باور حاصل اولدی دخی دینلهشدر . إلی هنا کلامه .

ماء زمزمک ازاله حدثده جواز استمائه مبذيرکه باب تیممده : حاجيلرک همده ايچون طاشيدقلى زمزم مانع تیممدر دینلهشدر .

جواز تیمم ايچون چاره : آکا غالب ويا مساوی کل صوبي کي برشي قائمدره کما فی تیمم الدر المختار .

نجس دیما مشدر . وحشیسته یعنی طاغ کدیسنده او علت جاری
اولم یغندن آنک آرتیفی سائر وحوش غیر مأکوله نک آرتقاری کبی
نجسدر .

زقافله صالیویرلمش اولان طاوغک وچایلاق وطوغان کبی
یرتیجی قوشلرک وفاره وییلان کبی اولردن اکسیک اولمیان
حشراتک آرتیفی دخی اوکدیسنه امثال اوله رق بوقسمدندر .

بشقعه صووار ایکن بوقسم صویک استعمالی تنزیماً مکروهدر [۱]
(استعمال) شرب و طبخه دخی شاملدر . تکیم (فصل آسار) ده
مذکوردر .

(طاهر غیر مطهر) نفسنده طاهر ایسه ده آبدسته وغسله
صالح اولمیان صودیملکدر . (ماء مستعمل) دخی دینور [۲] بو ،
اول صودرکه رفع حدث ایچون یاخود اسقاط فرض ایچون
ویاخود استحصال مثوبت ایچون عضو ویاجسد انسانیده قوللالش
اولور .

رفع حدثه مثال : آبدستی اولمیان کیمسه ابدست آلمقدر . بونده
نیت دخی شرط دکدر [۳] .

[۱] بشقه صو یوق ایسه کراحت دخی یوقدر . کما هو المصرح به
فی الآسار .

[۲] مستعمل مظافه دخی مقابل اولور . تکیم ماء مستعملک بعض مسائل
ماء مقید بچشنده کلور .

[۳] حتی آبدستیز کیمسه نک سربله مک ویرنه تعلیم ایتک قصادیله
آلدیفی آبدست دخی کندیسندن رفع حدث ایدر .
صبینک آبدستی دخی بالک آبدستی کییدر . کما فی البحر .

(حدث) تعبیری اصغر و اکبره شاملدر [۱] .
اسقاط فرضه مثال : آبدست اعضاسندن برینی و یا ایسکیسفی
یبقامقدرکه آبدست ثبوتاً وزوالاً تجزی ایتمدیسکندن آنسکه حدث
عضو زائل اولماز ایسهده فرض ساقط اولور [۲] .

استحصال مشوبه مثال : آبدستی واریکن « نور علی نور » ،
اولق اوزره قصد ثواب ایله برآبدست دها آلمقدر : نیتسر
ثواب اولمدیفی جهتله بونده قصد طاعت شرطدر [۳] . و منافی .
ثواب اولان اسرافه واردرماق ایچون ایکنجی آبدستک مشروع
بالطهاره اولان بر عبادتی ایفادن صکره - هیچ اولماز ایسه مجلس
دیگرده قصد ثواب ایله - آلفش اولسی مشروطدر . ایکنجی
آبدستده قصد طاعت اولماز ایسه مجلس اخرده دخی اولسه
اسراف اوله جفی جهتله ما ، مستعمل اولمدیفی کبی مجلس واحده
اولمدیفی واولکی آبدست ایله مشروع بالطهاره اولان بر عبادت
ایفا ایدلمدین ایکنجی آبدست الندیفی صورتهده دخی قصد طاعت
اولنسه بیله ینه اسراف دیمک اولمعله تحریماً مکروه اولوب ما ،
مستعمل اولماز .

-
- [۱] غلده قوللا بیلان صو دخی طاهر غیر مطهر در کما فی الدر .
[۲] سقوط فرض ایله زوال حدث بیننده تلازم دخی اولمدیفی وچونکه
سقوط فرضک مفادی عدم وجوب اعاده اولوب رفع حدث ایسه تمامه
موقوف اولمدیفی حالده مؤلف بونی ذکر ایتامشدر . قاله ط .
[۳] آبدستلی کیمسه سرینله مک ایچون بر آبدست دها آلورایسه صو
مستعمل اولماز ا ه بجر .

یمکنه او طور مق ایچون ، ویمکنن قالقدقندن صکره ، ال
یقامق دخی سنت سنیه قصدیلله اولور ایسه موجب مثبت
اولدیغندن آنده استعمال اولنان صو دخی طاهر غیر مطهردر .
اگر آبدستلی اولدیغی حالده الی کیر کیدرمک ایچون یقار ،
وطاعت قصد ایتمز ، ایسه استعمال اولنان صو بوقسمدن اولماز .
زیرا آنده (رفع حدث اولدیغی کبی) نه اسقاط فرض نه ده اقامه
طاعت وارددر .

آبدستی وار ایکن بریسنه تعلیم قصدیلله آبدست آلمق دخی
بویلهدر [۱] ، کرچه تعلیم خیر طاعتدر ولیکن فعلاً اوماق متعین دکل ،
قولاً اولمق دخی صحیحدر .

طاهر اولان نیایی (چاشیری) و طاهر اولان حیوانی [۲]
و چناق و چرمه کی و طباق و تنجره نی [۳] یقاهمه قوالانیلان
صو دخی بویله در . یعنی مستعمل صاییلماز .

(محشی دیرکه فقها : حمارک تری طاهردر و کلب صودن)

[۱] یعنی آبدستلی کیمسه نیک سیرینه مک ایچون آبدست آلمی مسئله سنده
اولدیغی کبی آنسکه دخی صو مستعمل اولماز . اما آبدستلی اولیان کیمسه
تعلیم و یا تبرد قصدیلله دخی آبدست آلمه کندنندن رفع حدث ایتمش
اوله جفتندن او صو مستعمل اولور . کما مر عن البحر .
[۲] وان کان غیر مأکول کما یدل علیه تمثیل المحشی الآنی . فتقید
المؤلف الدابة بالما کولة مما لا حاجة الیه .

[۳] هذه الاواني زدتها على الأصل من الجوهرة النيرة . وقيد الطهارة
معتبر في السکل کما لا یخفی .

سینک: کوب انسانه اصانت ایدرسه آئی تنجیس ایتمز چونکه طاهر العیندر دیمشردر . بوسوزک مقتضای بودرکه بوتلر ییقانسه ییقانکیلری طاهر در و موجب استعمال ده اولدیغندن همده مطهر در . امامیت نظیفک یعنی اوزرنده نجاست اولیان جنازه نك ییقانکیلری مستعمل اولق اصحدر اه بخذف) .

صو آبدست عضونده اولدقجه تطهیر ضرورته مبنی مستعمل اولیوب عضودن انفصالی متعاقب مستعمل اولور . ماء مستعملک حکمی طاهر اولوب مطهر اولما مقدرکه حد ذاتنده طاهر وحتی نجاساتی بیله مزیل و مطهر ایسه ده حدی کیدریجی دکدر . حد ذاتنده طاهر اولدیغندن صچریان ویا خاولیه آلنان آبدست صوی اصابت ایتدیکی یری تنجیس ایتمز . مطهر یعنی مزیل حدت اولدیغندن آبدست آلنان صوی بر قابده بر یکدر مکه آندن آبدست آاق صحیح اولماز [۱] برینک آلمقد اولدیغی آبدست صولرینک آفتیشندن دیکری آبدست آاق دخی صحیح اولماز [۲] .
(ماء مستعمل) نفسنده طاهر وحتی أخبث و أنجاسی بیله مزیل

[۱] چونکه نبی اکرم صلی الله تعالی علیه وسلم واصحابی برچوق سفر لرده صویه محتاج اولدیلر ماء مستعملی بردها استعمال ایچون جمع ایتدیلر . ماء مستعملک مطهر اولدیغنه [وَاَنْزَلْنَا مِنَ السَّمَاءِ مَاءً طَهُورًا] آیتله احتیاج ایدوب : (طهور) مرة بعد اخری غیری مطهر اولاندر . دیانلره بویه جواب ویریلور . کما فی البحر .

[۲] غسل دخی بویه در . کما قدمنا عن الدر . بحرده : صقالده قالان صو ايله باشی مسح ایتک صحیح اولماز . دیمشدر اه

و مظهر ایسه ده نفس استقدار (مردار عد) ایتدیکی ایچون آتی
ایچمک و آنسکه خمیر یوغرمق تنزیها مکروه اولور [۱] .

(غیر طاهر) که نجس دیمکدر : را کد و قلیل اولدیغی حالده
ایچنه نجاست وقوعی یقیناً و یا غلبه ظن ایله معلوم بولان ، و جاری
یا خود کثیر اولدیغی حالده نجسه ملاقی اولغله [۲] اثر نجاست کندیسنده
ظاهر اولان ، صودر .

(اثر) دخی لون یا خود طعم و یا خود رائحه در .

(را کد) : جاری اولمیاندر . را کد اولان صویک سطحی
ذراع مساحه ایله [۳] یوز آرشون مربعدن اکسیک اولور ایسه
آکا (قلیل) دینور . تربیعاً یوز آرشون و یا دهها زیاده سطحده
بولتان صو (کثیر) در . ماء (جاری) دخی کثیر حکمنده در .
ماء کثیری حاوی اولان موضعه (حوض کبیر) [۴] و ماء قلیلی
حاوی اولان موضعه (حوض صغیر) تعبیر اولنور . استعمال
سطحن اولق جهتیه عمقه اعتبار ایدلماشدر . صو آوجلانیدیغی
وقت قعری آچیلماز حوض کبیر ایچون کافیدر . جریان دخی

[۱] واندن نحرزاً عند التوضی یوکه جک یرده بولنق آداب و صوء دن
اولور . ماء مقید اواخرنده دخی ماء مستعمل مسائلی واردر . فلینتظر .

[۲] ملاقات ، نجسک صویه و رودیله اولدیغی کبی صویک اکاورودی
ایله دخی اولور . قال فی انجاس الدر : وما ورد علی نجس نجس ککسه .
وسیاتنی بیان ذلک .

[۳] وفیل بذراع السكراس توسمة للاصر علی الناس . کافى ط .

[۴] مریع اولدیفته کوره هر ضلعی اونر آرشون اولور ، مسدور ایسه
دوره سی اوتوز آتی آرشون کاور تکیم بالهندسه معلوم اولور .

قسمدن برینه البته معروضدر : کسب مشروع حلال واخذ رشوت
حرامدر عند الحاجة استقراض جائز (مباح) ومحتاجه اقراض
مندوب وتأديه فرض اولوب مديون معسری وقت يسارینه تعلیقاً
اممال واجبدر [۱]. کندیك محتاج اولدیغی فقهی ، یعنی دینیاتی
تصحیح ایده جك علی ، طلب هر مسلم ومسالمیه فرض عین اولوب
آخره تقع ویره جاك مرتبهده تعلم فرض کفایه ، وعلوم شرعیده
تبحر مندوب ، وتفاخر مکروه ، در . مقتضای عقد بیعدن ، ویا آنی
مؤید ، اولمیوبده احد عاقدینه نافع اولان شرط : مفسد وبيع
فاسددر [۲].

مدار اجر ومشوبت ایمان واخلاص اوزرینه در . هرکس ایمان
ابله مکلفدر . کفر کیمسهیه مباح دکلددر . دین وضع الهیددر . شارع
وعد ووعیدنده صادقدر . من عمل صالحا فلنفسه ومن اساء فعليها .

[۱] قال تعالى : وان كان ذو عسرة فنظرة إلى ميسرة .

هیچ از فرمان حق کردن متاب

بهر وام آزاده را دامن متاب

آزاده بوراده فقیر معنا سته در .

[۲] معاملانده فاسد باطلدن فرقلی وعبادات ومناکحاتده فرقسدر .

(ماء جاری) : ناسک جاری عد ایتدکری صدور . آتی : بر صمان جو پنی کو تورن صدور دیو دخی تعریف ایتمشلردر [۱] .
 کرک ماء کثیر ، کرک او حکمده اولان ماء جاری قسم ثانیده مذکور موجبات کراحت ایله مکروه اولمیدیگی کبی نجسه مجرد ملاقات ایله (مثلاً کوپک یا لامق و ایچنه بر مقدار قان و یا بول یاخود خمر قارشقی و یا جیفه یاخود غائط واقع اولماق ایله) دخی متنجس اولماز . مکرکه اوصاف ثلاثه سندن برنده یعنی یا لوننده یاخود طعمنده و یاخود رائحه سنده اثر نجاست ظاهر اولمش اوله .
 او حالده انک مخاطب نجاست اولان قسمی [۲] نجس اولمش اولور . اکر اثر نجاست آنک هرجهتهنده ظاهر ایسه او حالده نجس غالب دیمک اولمغله اوصو — ولو که جاری اولسون — نجسدر صالح استعمال دکلد . انکله ارض و نبات صولانه بیلور [۳] .
 (ماء مشکوک) اهلی حمارک و آندن متولد استرک [۴] آرتیغی

-
- [۱] بحررائق صاحبی تعریف اولی استحسان ایتمشدر . جر انده مدد اولق قول اصحده شرط اولامغله یوفاروسی سد اولنان نهرک بلا مدد جریان ایدن صوبی دخی جاریدر . کما هو المصرح به فی الدر .
 [۲] فقط لاجمعه اھط . و الاثر لا یتظهر فی الولوغ و الجیفه . کما لا ینحی . نعم یمکن ورود اکثر الماء علی الجیفه فی جاری فینجس . کما یأتی فی تطهیر الانجاس بالغسل .
 [۳] خزانه الفتاواده ماء نجسی صبیغیه و دوه به و طواره اچورمکده دخی بأس اولدیغی مذکوردر . کما فی حاشیه ط علی الدر فی فصل البئر .
 [۴] اینمکدن و دیشی حمار و حشیدن و قسراقدن طوغان استردن احترازدرکه آنک سؤری معکوک دکلد . کما یأتی فی الأسار .

اولان ماہ را کد قلیدر که او صو بلا شبهہ طاهر ایسه ده مشکوک الطہوریه در . یعنی ازالہ حدثہ صالح اولوب اولدیغی عند الفقہاء مشکوکدر . نسکیم (فصل آسار) ده مع حکمہ مذکوردر .

— ماء مقید —

مطلق اولدیغی حالده ماء مستعمل ایله ازالہ حدث (آبدست وغسل) جائز وصحیح اولدیغی کبی آصمه و ورق هندبا مثل نباتدن و اثمار و ازهار دن متحصل صولر ایله دخی ازالہ حدث صحیح اولماز زیرا کہ بونلر ماء مقید در .

ماء مقید اولماق ایچون نبات و اثماردن عصر و تقطیر طریقله چیقارماق ایله بودانمش آصمه ده اولدیغی کبی بنفسه حاصل اولماق یلیننده قول اظہرجه [*] فرق یوقدر .

(ماء مقید) اصلی و غیر اصلی اولور و هیچ بری ازالہ حدثہ صالح اولماز .

قاون و قارپوز و آصمه و کل صولری اصلاً ماء مقیددر .

غیر اصلی اولان ماء مقید ذاتاً مطلق ایکن برعارضه مبنی مقید اولاندر . اوده ایکی درلودر . بری کمال امتزاج و دیگری

[*] بونکله : بنفسه طاملایان صو ایله آبدست جائز اولور . دینیلندن احتراز اولنشددر . چونکہ بلا عصر چیقیمی ایچون آندن مطلق نامنک صحت سلبنده بر تأثیر یوقدر . ص .

غلبهٔ ممتاز ایلہ در کمال امتزاج دخی یا اشرب و یا طبخ ایلہ اولور [۱].
شویله که ماء مطلق طاهره طاهر برشی قاریشهرق [۲]
ومثلاً تمیز پیراق دوشهرک کمال امتزاج حاصل اولدیعنی دوشن
پیرافار صویک ایچنده چوریه رک طبیعتی اولان رقت وسیلانہ
خلل کلدیکی صورتده اوما ، مقید اولوب آنسکه آبدست آلمق
وغسل ایتمک صحیح اوله مدیغی کبی ایچنده نخود و مرجک مثلی
طاهر شیلر پدشورمک صورتده دخی کمال امتزاج حصول ولمش
اولاق جهتیلہ رقت وسیلانہ خلل کلامش بیلہ اولسه [۳] آنسکه
آبدست وغسل صحیح اولماز . مکرکه قاینای دیلان شی سدر پیراغی
اوله [۴].

[۱] طبخ تشریدن خالی دکل ایسهده کمال امتزاج ایچون سبب مستقل
عد اولمشدر . کما سیظهر .
[۲] طاهر قیدی نجسدن احترازدر که قاریشان شی نجس ایسه صو دخی
متنجس و ماء مطلق قسم رابعندن اولور .
صوبه طاش وقوم ودمیر کبی جامسداک طاهره قارشمه سندہ بحثہ حاجت
یوقدر . چونکه بولرده صوالہ امتزاج متصور دکلدز . بولانق صولر دخی
طاهر اولق شرطیلہ ازالہ حدثہ صالحدر .
[۳] مؤلفک افاده سنی محشی مرحوم بووجهلہ تصحیح ایتمشدر غفلت
اولنبه . بو حالده اصلک « لأنه إذا برد ثخن » قولنه ده حاجت قالماز .
[۴] چونکه سدر پیراغی واشنان کبی کندیسندن نفاظت مقصود اولان
شیلرک صوده طبیعتی طبیعت باقی اولدقیبه صفت متغیر اولسه بیلہ رفع
حدثہ مانع او لمماز . زیرا او طبخ غرض مطلوب اولان نظافتده مبالغه ایچون
مقصوددر . و صویک اسمی باقی و معناسی اولان تطهیر مرداددر . بوندن
طولایدرکه سدر پیراغی واشنان ایلہ قاینامش صو غسل میتده سنت جاریه
اولمشدر . ط .

غلبه^۱ ممتزج ایلہ اولان ماء مقیده کلنجہ : ماء مطلقہ مخااط
اولان شی غالب اولور ایسہ اوما ، مقید اولمش اولور . جامدات
طاهرہ قارشمق صورتندہ طبعاً غلبہ یہ ، ومائدات طاهرہ قارشمق صورتندہ
وصفاً غلبہ یہ ، باقیلور . (صویک طبیعتی رقت وسیلانندن وارصافی
رنک وطاد وقوقودن عبارتدر) [۱] .

ایمدی پیراقی مثلی جامد شیر ایلہ اختلاط وامتزاج ایدرک
پیمختیلنمک (پلته لنک حالته کلان صوبز مقوله سنہ اصابتندہ تمامیلہ
صیقیلوب چیقیمیہ جفی واعضایہ یایملق وجهل آقیہ جفی جهنله طبعاً
مغلوب دیمک اولدیغی کبی سوت مثلی لون وطعمدن عبارت ایکی
وصفی اولان برمانع طاهرک اختلاطندہ اوصفتلردن یالکزرنک ،
وقاون وقارپوزصولری مثلی یالکزطعمدن عبارت بولنان وصف
واحدینک ، وسرکه مثلی لون وطعم ورائحه دن عبارت اولاق
اوزره اوچ وصفی بولنان مائیک اختلاطندہ آنلردن ایکیسنک ،
ظهوری دخی صویکی وصفاً مغلوب ایتمش اولور .

بولر ماء مقید اقسامندن اولهرق ازاله حدنه صالح اولدیغی
کبی صویہ مخالف صفتی اولمیان مانع طاهرک ، مثلاً ماء مستعملک [۲]
ورائحه سی کسبلش کل صوینک ، اختلاطندہ غلبہ وزناً معتبر

[۱] اروا وانبات دکر صوینده ظاهره اولدیغندن طبیعتده آنلری
زیاده یه لزوم یوقدر. افاده ط .

[۲] ماء مطلقک اوچنجهی قسمیدر .

اولمغله [۱] بونار صودن ایکی قات فضله ایسه او صودخی ازاله*
 حدثه صالح اولماز : بررطل ماء مطلقه ایکی رطل ماء مستعمل [۲]
 قارشمش اولمق کبی [۳] .

بونک عکسی حالنده یعنی بررطل ماء مستعمله ایکی رطل
 ماء طاهر مطهر مخالط اولمق صورتده آنسکه ازاله* حدث صحیح
 اولور .

مساوات حالنده ماء مطهر احتیاطاً مغلوب عد اولنور .

[۱] بو اعتبار ماء مستعمل ماء مطلقه اتقا اولنمق ویاخود ایچنه
 انسان طالمق صورتنده جاری اولورکه ماهو الحق دخی بودر . اما
 برچوق کتابلرده مذکور اولان شی که : « حدث اکبر اوزره اولان
 کیمسه الی یاخود ایغنی صوبه صوقار ایسه صوفاسد اولور . » سوزیدر
 ماء مستعمل نجس اولسی روایتنه بنیدرکه او روایت شاذه در .
 فتوی ایچون مختار اولان : ماء مستعمل نجس اولما مقدر . بحر رائقه
 دیرکه بونی بیلدک ایسه اولرده ومدرسه لرده کائن حوض صغیرلردن
 آلتان آبدسنلرک وایدیلان غسالرک صحتنی حکم ایتمکدن کیرو طورمه
 چونکه صوبی خارجاً استعمال ایدوب بعده ماء مطلقک ایچنه دوکک
 ایله ماء مطلقک ایچنه کیرمکده فرق یوقدر . چونکه آندن مستعمل
 اولان : اعضادن اقان ویاخود جسده ملاقا اولان عبارتدر . اوایسه
 صوبک باقیسنه نظراً قیلدر . الحاصل انلردن ابدست و غسل ماء مستعملک
 اکثر وبا مساوی اولدیغنه ویاخود ایچنده نجاست وقوعنه ظن ،
 غالب اولدقجه جائزدر اه ط .

[۲] ومثله ماء الورد المنقطع الرائحة . وبلحق بهما الماء المشكوك
 وان لم یذکروه .

[۳] کما تقدم فی مسئلة حيلة من کات معه ماء زمزم ولم یخف العطش
 وأراد التیمم .

صوده یوصون اولمق ویاخود طول مکث ایله رنک ورائحه جه
بوزقلق بولمق آبدسته وغسله مانع او لمدیغی کبی صویه صابون
وزعفران ویمش وپیراق مثلی جامدات طاهره قارشیق وایچنده
مصر. ونخود ایصلادلق دخی مانع دکلدیر . صویک طبیعتنه خلل
کلهدکجه اوصافی آنلر ایله بسبتون متغیر بیله اولسه باس یوقدر [۱]

— أسآر —

(أسآر) لفظی ارتق دیمک اولان (سؤر) لفظنک جمعیدرکه
ارتقلر دیمکدر . مراد صو آرتیغیدر [۲] .

راکد قلیل اولان صودن [۳] انسان یاخود حیوان ایچمش
اولمق صورتده او صو (سؤر) اسمنی آله رق : بلا کراهه طهارت ،

[۱] لکن بوجواز محشینک افادهسته کوره اسم دکشامک وبویانور
حاله کلامک قیدیه مقیددر ماء زعفران کبی که انکله بویانور اولور
ایسه ازاله حدث جائز اولماز . خرما شیره سی (نیید) نامنی المق واوزوم
صویه (شیره) دینامک کبی .

[۲] یمک ارتیفتهده اطلاق اولنور . افعال بابندن استعمال اولندیغی
حاله صفی علی غیر القیاس (سآر) درکه أجبردن جبار کبیدر .
مجد الدین انک قیاس اوزره (مسر) اولسنی دخی تجویز ایامشدر .

بو (سؤر) مهموزدر . جدار محیط معنایسته اولان (سؤر) اجوفدر
ونور کبی ملفوظ وانوار کبی بموعدر .

[۳] چونکه جاری اولان صودن وراکد ایسهده تعریف فقهیسی
وجبه کثیر بولنان صودن ارتق تصور اولماز .

مع السكره طهارت ، عدم طهارت ؛ مشکوکیت احکام اعتباریله
بروجه آتی درت قسمه تقسیم اولنور .

(آبار فصلنده مذکور اولدیغی اوزره تردخی لعاب حکمکنده
اولغله تر مسائلی دخی سؤر مسائلی حکمکنده در .)

(برنجیسی) طاهر مطهر غیر مکروهدرکه هم نفسنده طاهر
همده بالاتفاق صالح تطهیر اولوب استعمالنده کراحت دخی اولمیان
سؤردر . انسانک و آتک [۱] ودوه وصیغر وغنم (قیون وکچی)
کبی اهلی ووحشی اتی یلنسان حیوانات وطيورك آرتیغی اولان
صواشته بوقسمدر [۲] .

انسانک کوچکی و بیوکی وارککی و دیشیسی وحدث اکبر
اوزره اولانی واولمیان و مسلمی و غیر مسلمی بوخصوصده مساویدر .
شو قدرکه اغزی متنجس اولان کیمسه نک مثلا شارب خمرک و آغز
طولایی قی ایدنک عقب شرب خمرده و عقب استفراغده [۳] آرتیغی
اولان صو غیر طاهر در .

[۱] آتک سؤری بالاتفاق بلاکراهه طاهر در . علی الصحيح . ص .
وروی الحسن عن الامام أنه مکروه کلجمه . ط .

آتک تری دخی لعابی کبی طاهر وسودی بالاجماع حلالدر . کما فی
التبیین .

[۲] الا أن تكون جلالة . فان سؤرها من القسم الثالث .
کما یأتی فی ص ۳۰ .

[۳] چونکه رطوبت لعابی سیله . براز عکره طاهر اولور . تکمیل باب
الانجاس اواخرنده (بعض مسائل) عنوانی آلتنده مذکوردر .

(ایسکنجیسی) سؤر نجسدر [۱] که نه صالح تطهیردر نه ده صالح شربدر . آنک شربی اکل میتہ کی مضطربک غیر یه جائز اولماز : کلبک [۲] وختیزیک وپارس وقورد وصرتلان وقاپلان وآرسلان ومایمون مثلی سائر سبعاع بها تمک [۳] آرنیغی اولان صو بو قسمنددر .

(اوچنجیسی) مکروه الاستعمال اولان سؤردر که طاهر ایسهده بشقه صو وار ایسکن آتی کرک طهارتده ، کرک شرب وطبخده قوللانق تنزیها مکروهدر [۴] . کراحتیلہ برابر طاهر ومطهر اولدیغندن او ، وار ایسکن تیمم اولنماز : کدینک [۵] وزقافلرده کزن طارغک [۶] وآتیجه وشاهین وطوغان وچایلاق

[۱] نجاستک غلیظه وخفیفہ سی میاهده مساویدر . تسکیم محشی مرحوم کرک بوراده کرک (فصل آبار) ده تصریح ایتمشدر . بناء علیه مؤلفک : « نجاسة غلیظه وقیل خفیفه . » قولنی ترجمه یه حاجت قالماشدر .

[۲] کرک آو کوپکی ، کرک بکچی کوپک وبازقاق کوپکی اولسون . [۳] (سباع بهائم) بیرتیجی چارپالر دیمکدرکه طاغ کدیمی دخی داخلدر . آنلرک آتی کی سودی ولعابی دخی نجسدر . کلب دخی آنلردندر . (سباع بهائم) قیدی (سباع طیور) دن احترازدر . چونکه آلرک یعی بیرتیجی قوشلرک سؤری قسم نالندندر .

[۴] بشقه صو بوق ایسه کراحت دخی اولماز . ص . [۵] مراد هره اهلیه در زراهره وحشیه نک سؤری سائر وحوشک سؤری کی نجسدر تسکیم ذکر اولندی . کدی انسانک الی بالادیغی وقت بالادیغی یری بیقامدین نمازه طورهق وکدینک آرتیغنی اهل ضرورتک غیر یسی بکم مکروهدر . فقیر ایچون ضرورته مبنی کراحت یوقدر . ص .

[۶] نجاست قارشد یروب تناول ایتدیکی جهتله غاغاسنک تمیز اولدیغی معلوم اولماز . طهارت منقاری معلوم ایسه سؤری بلا کراعه طاهر ونجاست منقاری معلوم ایسه غیر طاهر در . کما فی ص مع ط .

كبي يبرتجي قوشلرك وقارنالك وقارغه نك [١] وفاره وحيه
وكرتنگله مثلى سواكن بيوتك وجلاله اولان طاوق وطوارك
آرتيغى اولان صو بوقسمدندر .

(جلاله فتح جيم وتشديد لام ايله [٢] اكل جله ايدن يعنى
قاذورات اكلنى اعتماد ايله پيس قوقش اولان حيواندر . طاوقده
اولديغى كبي [٣] دوده و صيغرده و غنمده دخى اولور . آنك
اكلى و سودى دخى مكروهدر . كراهتى زائل اولمق ايجون
جلاله اولان طاوق اوچ كون ، و غنم (قيون وكچى) دبرت
كون ، و دوه و صيغره اون كون ، حبس اولنوب داخلده
يملنمك لازم كلور . كما فى كتاب الكراهية والاستحسان من
الدر المختار .)

(دردنجيسى) سؤر مشكوكدر (بو ، بوندن مقدم مذكور
اولان ماه مشكوكدر) عبارت اولوب مشكوكيت دخى مطهر يئنده
يعنى صالح رضوء و غسل اولمىسنددر . ادله تعارض ايتمه كله طهوريتى
كسدرييله ميهرك شك و توقف ايدلمش ديمكدر . طهارتنده

[١] اتى بينميان قوشلرك دخى لاشه لره و نجاسه لره مخالط اولدقلىرى
ايچون آنلرده زقاق طاوغى حكفى آلملردر . كچه بونلرك آي حرام
اولديغه نظراً مقتضاي قياس سؤرلى دخى نجس اولمىر و لكن بونلر
سباع بهائم كبي ديبلريله دكل ، غاغلريله شرب ايتمه كده اولوب اغايله
عظيم طاهر دن عبارت بولنديغندن بونلرك سؤرى استحساناً طاهر عد
اولمىدر .

[٢] قاموس مترجمك « سحابه وزنده » ديديكنه باقىكز

[٣] وقال الحموى والدجاج لا بأس به لان لحمه لا يتغير ا ه ط .

شك یوقدر) : حمار اهلینك وآنك دیشیسنندن طوغان استرك [۱]
آرتیغی اولان صو اشته بو قسمنددر .

بو قسم آرتیغك حكمی آبدستی اولمیان کیمسه آندن بشقه
صو [۲] بولمیدیغی حالده آنكله آبدست آلق و تیجم دخی
ایتمكددر [۳] .

(ماء مشكوكك ماء مطهر ایله اختلاطنده ماء مستعملده
اولدیغی کبی وزناً غلبه معتبردر [۴] . محشی دیرکه مساوی
اولدقجه آنك مخالط اولدیغی صو ایله آبدست آلق بلاشك
جائزدر ا ه) [۵] .

— تحری —

ایکی ویادها زیاده مائلك برقابده اختلاطی : (اختلاط عازجه)
ومعتدد صو قاپلرینك اختلاطی : (اختلاط مجاوره) در .

[۱] اینكدن ودیشی حمار وحشیدن وقسراقدن طوغان (استر) دن
احترازدر . چونكه برطاقم احكامده اعتبار آناهه در : سؤرده ، اكلك حل
وحرمتنده ، رق وحریتده . اما نسبه اعتبار بابایه در ، حمار اهلی حرام
الاکلدر . حمار وحشی وبقر وقسراق اويله دکلدر .

[۱] ولوکه مکروه قسمدن اولسون . چونكه مکروهك دخی
طهوریتی متیقندر ، ط .

[۳] صویك ولو مشكوكك اولسون موجودیتنه مبنی آبدستی اول
المق افضلدر .

[۴] كما أومأنا اليه في الهامش ص ۳۱ .

[۵] محشی مسحوم بوراده بویله سویلدیکی حالده بر فصانده مؤله
تبعاً بو کا مخالف بر افادهده بولنشدر . كما سنبینه .

اختلاط نمازجه دن و حکمندن میاه فصلنده بحث اولمشدر . شمدی
اختلاط مجاوره دن بحث ایده جکز و مجاوره* مختلط اولان میاهک لزوم
و عدم لزوم تحرینی سویلیه جکز .

بوابده (تحری) : طاهری غیر طاهر دن تمیز ایچون تفریغ
وسع وجهد ایله سکرکه رأی غالب ایله طلب احری ایتمک دیمکدر .
آکا (توخی) و (تاخی) دخی دینور .

ایمدی آزی غیر طاهر و چوغی طاهر صولری حاوی
برقاچ قابک قاریشق وضع اولنش بولنسی صورتنده کړک
ایچمک ، کړک آبدست آلمق و باغسل ایتمک ایچون آنلری
تحری لازم اولور . چونکه برشیمک آزی مغلوبدر . مغلوب
ایسه معدوم حکمنده اولمغله آنلرک طاهری و شودر ، دیو رأی
غالبه بنا و انتخاب اولنه بیلور .

بالعکس آزی طاهر و چوغی غیر طاهر اولمق و یا طاهری
غیر طاهرینه مساوی ددده بولنق صورتنده غیر طاهری غالب
اولدیغندن و یا خود مغلوب اولدیغندن تحری بی انجق ایچمک
و طبعیه قوالانق ایچون ایدوب آبدست و غسل ایچون تحری
ایتمز . انلرک جمله سنی نجس عد ایدرک دوکدکدن یا خود سق دواب
ایچون بری برینه قارشدر دقدن صکره تیمم ایلر [۵] .

[*] اولکیسی عامه* مشایخ فقها قولیدر . ناکه ماء مطهر قطعیاً
مفقود اوله رق تیمم ایدلش اولسون . ایکنجیسی امام ابو جعفر الطحاوی
قولیدرکه اوصواله حیوان صولانور .

(مسئله) : بری طاهر و دیگرى غیر طاهر صوتى حاوى ایسکى قابك یسکدیسکرندن تمیز ایدیلهمامسى صورتنده ازاله* حدنده استهمالیچون شرط تحرى مفقود اولمقدن ناشی (چونسکه تحرینك شرطی طاهرک غالب اولمسیدر) بلاتحرى ایسکیسندنده آبدست آلمش اولان کیمسه نك او آبدسنلر ایله قیلدیغی نماز - اثناء وضوءده باشنك بشقه بشقه ایسکى ربع محلنه مسح ایتمش اولمق شرطیله - صحیحدر . والا تیمم دخی لازمدر .

چونسکه او ایسکى صو ایله باشنك یالکز بر ربع محلی مسح ایتمش اولمق صورتنده طاهر تقدیم اولندیغنه کوره مسح صحیح وتأخیر اولندیغنه کوره طاهر اولان یاشلق نجس اولان یاشلغه ایلك ملاقات ایله تنجس ایتمش اولمقدن طولانی غیر صحیح اولمقله ایش جواز ایله عدم جواز آرهسنده دوران ایدرك شسکه مبنی احتیاطاً جائز اولهمیوب فرضهمزده مطهر دخی مفقود اولمقله تیممه کیدیلور .

سائر اعضاء وضوءه کلنجه آنلر بیقانون اولدیغندن غیر طاهر

کیمی طاهر وکیمی غیر طاهر ثیاب مختلطه نك لزوم استهمالنده آنلری مطلقاً تحرى ایتمک یعنی کرک طاهری غیر طاهرینه غالب ویا مغلوب یاخود مساوی بوانسون ترک ایتمیوب سترعورت ایچوت آنلردن برینى رأى غالب ایله بالانتخاب نمازی آنسکه قیامق لازمدر . چونسکه صویه (یعنی آبدسته) طیراق (بقى تیمم) خلف اولور . سترعورتده ایسه توبه خلف یوقدر . ثیابده علی الاطلاق ، واولانیده شرطی وجهله ، تحرى اجراسندن صکره نجاست طاهر اولمقله اعاده لازم کلور . تحرى فبله مسئله سی کبی دکلدر . کذا فی الاهل *

تقديم اولنديغنه كوره طاهر ايله ثانيا ييقانمق-له اعضا طاهر اوله رق حدث آنكله مندفع اولديغى كې طاهر تقديم اولنديغنه كوره دخى حدث اول امرده مندفع اوله رق اعضاك ثانياً غير طاهر ايله تنجس ايتمش اولمى ضرر ويرمز . زيرا فرضمزه او كيمسه ازاله نجاست ايده جك شئي بولمامقده در . آنى بوله ميان كيمسه ايسه نمازى مع النجاسة قيلار واعاده ايتمز .

(مسئله) : متعدد كيمسه لر كندى عددلرى قدر قاب صو بولوب اوقابلرك برى غير طاهر ايسه ده معين اولمديغى جهمته آنلردن هر برى بالتجرى برقابى انتخاب ايدرك آنكله آبدست السه او آبدستلر ايله منفرداً نماز قيله بيلورلر . جماعت اولق اوزره ايجلرندن برينه اقتداء قيله مازلر . زيرا هر برى ديكريتك تحريسيه آبدست آلق — كندى رآينجه آنكلكى غير طاهر اولديغندن — جائز اوله مامقده مقندى يه كوره امام آبدستسز ديمكدر .

باب ديانانده فاسقك ومستور الحالك خبرى انضمام تحرى شرطيله مقبولدر . مخبرك عادل اولمى لازم دكلدر .

عادللك خبرى حجتدر . ايكي عادل اخبارده تعارض ايدرلر ايسه حجتلى مهاتر (اعتباردن ساقط) اولوب حكم ، اصله بنا اولنور . بناءً على هذا ايكي عادل برصويك اخبارنده مهاتر الخبرين اولسه لر صو اصل اولان حكم طهارت اوزرينه قاله رق جائز الاستعمال اولور .

— آبار —

یاخود (آبار) قیولر دیمکدرکه قیو معناسنه اولان (بئر) لفظنک بری مستویاً و دیگرى مقلوباً جمعیدر [۱].

قیو نقدر چرق صولی اولورسه اولسون سطح ما اعتباریله (حوض صغیر) دیمک اولدیغندن نجاستک مجرد وقوعیله متنجس اولوب بر نظرده احوال و أحجارینه [۲] نجاستک اختلاطی جهتیله آنک تطهیری ممکن اولماق، و دیگر نظرده اوستندن آلدقجه آنک صوی آلتندن نبعان ایتمسکده اولسی جهتیله (ماء جاری) حکمکنده اوله رق اثر نجاست صویک احد اوصافنده ظاهر اولدقجه قیو متنجس [۳] بیله عد اولنماق، مقتضای رای و قیاس ایکن خلاف قیاس اوله رق قیولرک ملاقات نجاست ایله هم تنجسینه و هم طارق مخصوصه ایله تطهیرینه حکم اولنوب د مسائل الآبار مبنیة علی اتباع الآثار، دینلمشدر.

[۱] ایکسیده مهموز العین اولدیغی حالدده اهل لغت بونی سؤرده ذکر ایتمیوب بئرک أفاس وزنی اوزره دخی جمنده (بئر) و (آبر) دینلدیکنی و جمع کثرتی (بئر) اولدیغی ذکر ایلمشدر. قال ابو دلامة
وان حفروا بئر ی حفرت بئرهم * لیعلم قوم کیف تلك النبائت
وتمامه فی الکامل مع قصة القاضی ابن شبرمة.

[۲] (أحجار) طاش معناسنه اولان (حجر)ک جمعی اولدیغی کبی (أحوال) دخی چامور دیمک اولان ووقت موازنی بولنان (وحل) ک جمعیدر.

[۳] تنجسک قیویه اسنادی « سال المیزاب » کبی ذکر محل وارادهء حال قیلمندن اولدیغی مؤلف سوبیلور. تطهر دخی بویله در.

قیونك تطهیری ایچنده واقع اولان نجسك نوعی [۱] اعتباریله بروجہ آتی اوج مرتبہ اوزرہ در : نزح کلی ، قرق قوغہ صو نزحی ، یکریمی قوغہ صو نزحی .

(قیودن صو چکمهک (استقاء) و قیونك صوبنی بوشالتمغه (نزح) تعبیر اولنور ایسه ده بز بوراده نزحی ذکر اولندیغی اوزرہ اوج مرتبہ اعتبار ایده جکز و نزح کلی یه استعمال اصلی و جملہ نزح دخی دییه جکمز .)

(نزح کلی) : قیو تنجس ایدرسه کلیاً نزح اولنور . قیونك تنجسی ایچنه کوبره نوعی مستثنی اولق اوزرہ [۲] برقطره قان و یا بول [۳] یاخود خمر مثلی آز دخی اولسه نجاست مائه [۴] قارشمق ، وانسان یاخود قیون و کچی کبی کبیر الجشه [۵] حیوان و کلب دوشوب اولمك ، و اولسه بیله خنزیر دوشمك ، و دوشن حیوان سرچه و فاره کبی

[۱] نجس انواعی آئیده باب مخصوص ایله میندر . قان و شراب و لاشه دخی آنردندر . ات قوقق و عك اكشيمك ایله نجس اولاز . اکلی اذایه مینی حرام اولور . معدده دن کلان قی صو دخی اولسه نجس ایسه ده نأءك آغزندن آقان صو مطلقاً طاهر در .

[۲] آنارك احکامی آئیده آبروجہ مذکور در .

[۳] یراسه مستثنی اولق اوزرہ نه بولی اولورسه اولسون . باب الانجاسه باقکز . نجاستك غلیظه و خفیفه سی میاهه کوره بر در .

[۴] قاز و اوردك و طاق و ترمی و انسان و کدی و کویک کبی اتی بینمیان حیوان ترسلری و قیئلری و لعللری هب بوقسمندندر .

[۵] اکریک کویک یاورو ایسه کدی حکمنده اولور . قاله ط .

صغير الجثة بيله اولسه اولدکدن صکره [١] شیشمک ، یاخود طاغلق ویاخود توی دوککک ، ایله در .

اشته بو صورلرده قیو کلیا نرح اولنور . یعنی ایچنده کی چیقارلدقن صکره [٢] صوی بر قوغه نی طولدیره جق قدر قالمیجه یه دکن بوشالتیلور .

صوک قوغه قیونک اغزنن آیرلمقه هم قیو همده چکنک الی وایی وقوغه سی و مقره سی طاهر اولوب غسل احجار و نقل أحوال ایتمکک حاجت قالماز [٣] .

صویک نبعانی غالب اولدیغیچون تمامیه نرحی ممکن اولمیان — قیودن وسط قوغه ایله — که قیولرده علی الاکثر مستعمل اولان قوغه در ایکیوز قوغه دن اوچیوز قوغه یه قدر صو چکیلور .

بونک ایکیوز قوغه سی واجب ، ویوز قوغه سی — مزید نزاهت ایچون — مستحب ، در .

دها ایسی و احتیاط ایسی قیونک موجودی صوعلمنه وقوفی اولان ایکی شاهد عادلک شهادت لرله تقدیر ایدیلوب اوبوشالتمقدرد .

[١] بونلر قیو ه اولک ایله خارجه اولوب قیویه آنلش اولق مساویدر . انسان ایچون بومسئله ده تفصیل واردر . کما یأتی فی ص . ه

[٢] سبب تنجس او اولدیغی ایچون باقی اولدجه طهارت ایله حکم ممکن اوله ماز ا ه بحر .

مکرکه تحت و با بز پارچه سی کی متعذر الاخراج اوله ا ه در مختار .
[٣] لکن اوچامور ایله احتیاطا جامع دیواری ده صیو انماز . رد المختار .
(احجار) و (أحوال) تعبیرلری ایچون قرقنجی صحیفه یه باقکنز .

اگر آنرا : د بوقیوده (مثلاً) بیک قوغه سو واردر . ، دیرلر ایسه اوقدر قوغه سو چیقارلق لازم اولور . به یفتی .
بعد النزع زائد اولان صویک چیقارلمسی واثناء نزحده قوغه نك
تام طولمه سی لازم دکلدر . قسم اکثری طولق کافیدر .

مقدار واجبی دفعهٔ چکمک لازم اولمیوب متعدد کونلرده دخی
چکمک جائز اولور . ایرتسی کون اوکونک بقیه سی چیکیلور .

(قرق قوغه صونزحی) شو صورتلرده اولور : قیویه طاووق
یاخود کدی ویاخود بوجهده بر حیوان دوشوب اولمک [۱]
وشیشامک [۲] .

دوشن چیقارلدقن صکره بوجه مذکور متوسط قوغه ایله
قرق قوغه سو چکمک واجبدر . الی یاخود النش قوغه چکمک
مستحبدر .

(یکرمی قوغه صونزحی) شو صورتلرده اولور : قیویه فاره ویا
سرچه یاخود بوجهده بر حیوان دوشوب اولمک وشیشامک [۳] .

دوشن چیقارلدقن صکره متوسط قوغه ایله یکرمی قوغه

[۱] خارجه اولوب ایچنه دوشمک ویا آنلق دخی بویه در . کما قدمناه
فی هامش الصفحة التي قبل هذه .

[۲] شبشر ایسه نزع کلی لازم اولور . تسکیم ذکر اولندی .

[۳] خارجه اولی ایچنه آتمق دخی بویه در . کما مر آنفاً . قوریش
برقاره اولیسی دخی بو حکمده در . آنک یبوستی دباغت (یعنی حکما
طهارت) دکلدر . قاله فی البحر .

صوچکمک واجبدر . اوتوز قوغه یه قدر چکمک مستحیدر [ه] .
نزع کلیده اولدیغی کبی بومقدارلرایله واقع اولان نزع دخی
هم قیو ، هم قوغه همده ایپ ومقره وچکنک الی حقنده طهارتدر .
چونسکه بونلرک تنجسی صویک تنجسندن ناشی اولمغله طهارتی دخی
آنک طهارتیلهدر .

[هه] یوز آرشون ودها زیاده سطحده صونی حاوی اولان
صهریچلر وصو خزانه لری (حوض کبیر) اولمغله آنلرک ایچنه بارکیر
دخی دوشوب اولسه نزعی لازم اولمیوب تنجسی اوصاف ثلاثه سنک
برنده اثر نجاست ظاهر اولمغلهدر .

[١] بحررائقده ابن نجیم وآندن اخذاً درحاشیه سنده طحطاوی
دیرکه مستحیک مقداری ظاهر روایتده تصریح اولنماشدر . آنی بعض
مشایخ امام محمدک : « فارده یسکرمی یاخود اوتوز وکدیده قرق یاخود
اللی قوغه چکیلور . » عبارده سندن فهم واستخراج ایدرک : امام مشار الیه
یاخود دیسکه تحبیر قصد ایتموب بلکه مقدار واجب ومستحی بیان قصد
ایلهشدر دیدیلر . وفهم واستخراج لابد اولمیوب امام مشار الیهک انی
حیوانانلک صغر وکبرجه اختلاف وتفاوتلرینه مبنی صغیرده اقل وکبیرده
اکثر نزع اولنور دیمک ایچون سویله مش اولماری ده محتملدر . مشایخ
فقهانلک بعضاری ده بونی اختیار ایتدیلر اه بوکاکوره معنی : قرق
قوغه دن اللی یاخود التمش قوغه یه ویسکرمی قوغه دن اوتوز قوغه یه قدر
چکیلور دیمکدر . ظاهر ومتبادر اولانده بودر . « جئه ده فاره ایله
کدی اره سی اولان حیوان فاره کبی اولوب کدی ایله کویک اره سی
اولان حیوان دخی کدی حکمندهدر . » دیو کتابلرده مذکور اولان شی
دخی بونی مؤیددر .

[**] هذه المسألة زدها على الاصل لم تسکن فيه .

آنلرك يوز آرشون سطحندن اقل صوبى حاوى اولانلرى
(حوض صغير) اولمغله آنلرده مثلا فاره دوشمك حالنده يكرى
قوغه صو چكمله مى طهارت حاصل اوله جفى ؟ يوقسه بو حكمك
على خلاف القياس قبوله اختصاصى اولمق وخلاف قياس اولانشى
آخيره مقيس عليه اوله مامق جهتيله آنلر كاملا بوشالئلق مى لازم
كله چكى ؟ حقهنده اختلاف واقع اولوب صاحب درختار قسم
اكثرى [١] يره كومولى اولان بيوك كوپلر ~~كى~~ آنلرك دخى قيوى
حكمنده اوله جفى يعنى كوكرجين كييلرك اوليسنده قرق ، وفاره
كييلرك اوليسنده يكرى ، قوغه صو چكمله تطهير ايديله چكىنى
سويله مشدر .

صاحب رد مختار ايسه بوسوز صهرىچ حقهنده مسلم اولسده كومولى
بيوك كوپ حقهنده مسلم اوله ماز چونكه آ كا قيواسمى و بويله مز
قسم اكثرينك يرده كومولى اولمى دخى نه عرفاً ونه لغةً انى قيوى حكمنه
ادخال ايدنه مز ديمشدر [٢] .

قيوى ، بعر وروث و خنى ايله متنجس اولماساز [٣] .

[١] بونك مفهوى يارىسى يا خود افلى كومولى اولمغه اعتبار
اولمق قدر ا ط على الدر .
[٢] قال .

مطمورة اكثرها فى الارض * كالبثر فى النزع وهذا مرضى
قال به بعض اولى الابصار * وليس مرضيا لدى الكبار
[٣] مؤلف بوراده بوقاروده استثنا ايتديكى كوبره احكامنه شروع
ايتمشدر . (كوبره) كله سى تحسين لفظ ايچون اختيار اولمشدر . يوقسه بونلر
كوبره حالندن اول دخى بو حكمده در . كوبره نك عربيسى (سرقين) در .
(طين مسرقن) كوبره لى چاموردر .

(بحر) : دوه وقيون وكچى ترسيدر . (روٹ) : آت واستر
 وحمار ترسيدر . (خٹی) : صيغر وجاموس ترسيدر .
 قيرلرده اولان قيولر ايله شهر وقریه ايچنده بولغان قيولر ييننده
 بو خصوصجه فرق اولمديغي کبی دوشن ترسلک ياش ويا قوری
 وصاغلام ويا قيريق اولمسی ييننده دخی فرق يوقدر [١]
 مکرکه بونلر - بحر وروث وختی - کثیر اوله .
 (کثیر) : کورنک استکشار ايتديکيدر . نتيکيم (قليل) کورنک
 آزعايتديکيدر . ياخود (کثیر) : هر قوغه برترسدن خالی اولمامقدر .
 (کثیر اولورسه قيو متنجس اولمغله نزح اولنور .)

کوکرجين سرچه کبی اتی يينان قوشلرک ترسی صوی افساد
 ايتمز (٢) .
 (طاووق وقاز واوردک مستثنادرکه بونلرک ترسی صوی مفسد
 وقيودن نزح کلی يي موجبدر) .
 اتی يينميان قوشلرک ترسی دخی تعذر احترازه مبنی صوی
 مفسد اولماز . ييرتيجی قوشلرک بيله ترسی فاحش اولورسه

[١] قال ط في الصحيح . فان الروث والمتفتت من البعر مفسد مطلقا
 في ظاهر الرواية على ما ذكره السرخسي اه بالمعنى .
 [٢] « صوی افساد ايتمز » تعبيری قابلرده کی صوبه دخی شاملدر .
 قیوی افساد ایتیمیه کی اولویتدهدر . ذکره ط في غير هذا الموضع فيما
 نقله عن قاضيات .

توبی (۱) و قابلردہ کی صوبی مفسد اولسودہ (۲) قیوی افساد ایتمز .

برتی اولسون بحری اولسون و یا خودہم بری و ہم بحری اولسون آقیچی قانی اولمیان (۳) حیوانک صودہ و سائر مائعاتدہ اولمش اولسی اتی تنجیس ایتمز : چکرکے ، اری ، سینک ، بوجک ، ییلان (۴) ، عقرب ، ینکج ، قوربغہ ، باقی ، پیرہ ، تحتہ قوریسی ، کلب الماء ، خنزیر الماء (۵) کبی .

انسانک یا خود بقر و غم کبی اتی یتنان حیوانلردن برینک قیویہ دوشوب دیری جیقمسی صورتندہ اوزرندہ نجاست اولدیغی تیقن ایدلمش اولمدقجہ صوفاسد اولماز (۶)

[۱] توبی یعنی لباس و جہاشیر کبی شیلری مفسد اولق صحت صلاتہ مانع اولق دیمکدر .

[۲] لامکان التحرز . ط .

[۳] بوقید فاز و اوردک کبی صو قوشلرینی اخراج ایتمشدر . چونکے بونلرک دمآ سائلہسی اولقلہ صودہ اوللری ماء قلیلی و اوحکمده اولان قیوی افساد . ایدر .

[۴] مکرکے حیہ کبیرہ اولہ . چونکے آنک دم سائلی اولور . کما یأتی فی الانجاس .

[۵] بونلردہ دموی — یعنی صیچاق قانی — دکلدزیرا دموی اولان صودہ ساکن اولہماز . قالہ الزیلعی .

[۶] آنلرک اولقللری بولی مشتمل اولق ظاہر اولدیغنه باقماز . زبرادها اول ماء کثیرہ ککیرک تمیزلنش اولق احتمالی واردر . بو احتمال اصالت طہارت ایلہ فوت بولہرق عدم نزحی انتاج ایدر . کما فی طعن الفتح .

استرك و حمارك و آتمجه و شاهين و چایلاق کبی بیر تیجی قوشلرك و قورد و کلب و قاپلان و مايمون و چقال کبی جانورلرك دخی مجرد قیویه دوشمه سیله یعنی ایچنده اولماك و لغای صویه دكمامك شرطیله صومشكوك و متنجس اولماز . زیرا خنزیردن ماعدا هر حیوانك ظاهری حال حیاتنده طاهر در . (مشکوکیست الخ اختلاط لعاب نتیجه سیدر . مسئله مزده ایسه انك عدمی مفروضدر) .

اگر دوشن حیوانك لغای صویه واصل اولور ایسه طهارت و نجاست و کراهت و مشکوکیست احکامنجه او صو لعابه تابع اولمغله لغای نجس ایسه وجوباً نزع کلی لازم کلور (۱) . مکروه ایسه برقاج قوغه و علی قول بکرمی قوغه (۲) صو نزع اولور (۳) .

[۱] مؤلف بورادد مشکوکی دخی نجسه الخاق ایتمش ایسه ده اصابت ایلمامشدر . محشی دخی : اهل مذهبك محققلمی بونی تصریح ایتدیلر . دیمش ایسه سؤر فصانده : ماء مشکوك ماء قلیله قاریشور ایسه آکا مساوی اولمغجه آنسکه آبدست آلمه نك بلاشك جائز اوله جغنی سویه مشدر . (ماء مشکوك) تفسیر اولدیغی اوزره طهارتی دكل ، طهوریتی شبهه لی دیمك اولوب عدم طهوریتی محقق اولان ماء مستعملك ماء قلیله اختلاطی صورتنده حکم مسئله بواولنجه ماء مشکوكده اولی بولنمشدر . حمارك و استرك و قوعیله قیو صوینك مشکوك اولماسی صحیح اولدیغی ابن نجیم مرحوم مجرد تصریح ایتمشدر کما یأتی فی هامش ص ۵۱ .

[۲] امام محمد حضر تلرندن کندیلرینك : « هر موضع که آنده نزع وارددر بکرمی قوغه دن اقل اولماز چونکه شرعه وارد اولان مقادیرك اقلی اودر . » دیمش اولدقلمی مرویدر اه ط .

[۳] بونزع تسکین قلب ایچوندر . تطهیر ایچون دکلدر . حق او قیودن بلانزع آبدست آلسه جائزدر اه ط .

(هر حیوانك ترى محشى مرحومك در منتقادن نقلنه كوره لعابی
حكمنده اولمغله او خصوصه دخی صو ، حكم لعابه تابعدر . سؤور بچشه
باقمکز) .

شمیدی به قدر مذکور اولان بئر مسائلی بحر رائقه اولدیغی کبی
شو وجهله تلخیص اولته بیلور :

کلیاً و یا قسمأ نزحی موجب اولمق اوزره قیویه دوشن شی نجاست
یاخود حیوان اولمقدن خالی دکلدر . نجاستك حکمی معلوم اولمشدرکه
قیو آنسکله تنجس ایدوب نزح اولنور . حیوانك انسانه دخی شمولی
واردر . انسانك غیری اولان حیوان — خنزیر کبی — نجس عین
اولوب اولمامقدن ونجس العین اولمیانلر مأکول اللحم اولوب
اولمامقدن خالی دکلدر . بونلردخی قیودن حیاً و یا میتاً چیقارلمش اولمقدن
ومیت اولانی منتفخ (شیشمش) دخی اولوب اولمامقدن خالی اولماز .

ایمدی : قیویه دوشن انسان حیاً چیقارلدیغی وبدننده
نجاست حقیقیه و یا حکمی (حدث) اولمدیغی و کندیسی مستنجی
بالماء [هـ] بولندیغی تهدیده صو فاسد اولماز . اگر اوزرنده

[*] صوایله استنجا ایدیغی اولان دیگدرکه استنجایی — بعد التفوط
طهارتلمکی — صوایله ایتمیاندن احتراذر . چونکه آنك نجاستی بستیون قلع
وازاله اولنیوب تقلیل و تخفیف ایدلمش اولدیغی ایچون مستنجی بالماء اولیان
کیمسه کیردیکی ماء قلیلی افساد ایدر افاده ط فی حاشیه الدر . وأشار الیه
المؤلف فی فصل الاستنجا کما یأنی فی ص ٥٦ .

نجاست حقیقیه وار ایسه صونجس اولوب نرح اولنق لازم کلور .
واکر نجاستدن عاری فقط صاحب حدث ایسه بدننه ملاق اولان
صواندن انفصال ایله مستعمل اولوب غالبی غیر مستعمل اولمغله
اندن برشی نرحی لازم کلر [۱] .

دوشن انسان قیودن میتاً چبقارلق صورتنده — صبیّ مسلم دخی
اولسه — قیو کلیاً نرح اولنور [۲] .

قیویه جنازه دوشمک صورتنده مسلم اولدیغنه کوره بعد الغسل ایسه
صویه خلل کلر . قبل الغسل ایسه صومستعمل اولق اصحدر [۳] .
(غالبی ینه غیر مستعملدر کما عرفت)

غیر مسلّمه بدنأ نجاست بولنق اغلب اولمغله انک کرک قبل الغسل،
کرک بعد الغسل [۴] وقوعنده صوفاسد اولق و بناءً علیه قیو نرح
اولنق لازم کلور .

[۱] جنبك قیویه دوشوب صاغ چیقمسندنه مسئله (جعط) اولوب
صاحب در : رجلک طاهر و صوبک مستعمل اولسی اصحدر . دغش ایسه ده
مستعمل مغلوبدر .

(جعط) ک ایضاحی (کتاب الفاز) مزک طقوزنجی صحیفه سنده در .
[۲] بونده تفصیل یوقدر . حضرت عثمان زماننده بر زمزمه بر زنجی
دوشوب اولمکله محضر صحابه ده حضرت ابن عباسک وابن الزبیرک (رضوان
الله تعالی علیهم) امر و افتالریله ماء زهزم نرح اولمشدر .

[۳] بشرط کونه نظیفاً . کما قدمنا فی المیاء . ویستثنی منه الشهيد النظیف
فان الماء لایصیر مستعملاً بوقوعه فیه .

[۴] کذا فی البحر . قال : لان بدنه غیر خال عن نجاسة حقیقه
أو حکماً . وفیه تأمل .

قیویه دوشن انسان اولمیوبده حیوان اولدیغنه کوره اکر نجس
العین ایسه دیری دخی چیقسه و— فرض محال اوله رق — اغزی
صویه دکمه سه بیله قیو نزح اولنور .

(نجس عین : خنزیردر ، کلب نجس عین دکدر .)

نجس العین دکل ایسه دیری جیقارلدیغنه کوره ما کول اللحم
اولوب اولمادیغنه باقیلور : ما کول اللحم اولوبده بدننده نجاست
اولمدیفی دخی معلوم بولنور ایسه هیچ برشی لازم کلز . ما کول
اللحم دکل ایسه جسدی طاهر اولوق شرطیله آغزینک صویه دکوب
دکمدیکنه باقیلور . آغزی صویه دکمش ایسه لعانی صویه قارشمش اوله —
جغندن انده سؤر احکامی جاری اولور [۱] . فرض محال اوله رق
آغزی صویه دکمش بولندیغنه وجسدی دخی طاهر اولدیغنه کوره
برشی لازم کلز .

اولو جیقارلدیغنه کوره کړک ما کول ، کړک غیر ما کول اولسون
شیشمامش ایسه الخ جشه اعتباریله نزح کلی ویاغیر کلی لازم کلوب [۲]
شیشمش الخ [۳] ایسه صغیر الجشه دخی اولسه نزح کلی لازم کلور .

[۱] سؤری مکروه اولانک صویه اصابتنده احتیاطاً اون قوغه یاخوددها
زیاده نزح اولنور . حار واسترک وقوعیله قیونک صوی مشکوک اولماق
صحیحدر . کذا فی البحر الرائق وقدمر فی هامش ص ۴۸ .

[۲] نزح غیر کلینک اقلی ماسبقده یسکرمی قوغه اولوق اوزره مذکوردر .
فاره یاورسی کبی پک کوچک دویونک وقوعنده قول اماجیه اون ،
وقول اماجیه یسکرمی ، قوغه نزحنک لزومنی طحطاوی مرحوم درحاشیه سنده

طاو قدن چیتان تازه یورطه ، و آناسندن هنوز طوغمش اولان قوزی ، اوزرنده نجاست اولدیغی معلوم اولدقجه یاش دخی اولسه واقع اولدیغی ما ومانعی افساد ایتمز چونسکه مخرجک رطوبتی نجس دکلدر .

ات قوقق ویمک اکشیمک ایله نجس اولماز . کما مر فی ص ۴۱ .

قیوده لاشه نك غیرى نجاست کورمک مسئله سنده تفصیل اولمیه رق کورلدیکی وقتدن اعتباراً قیو متنجس اولوب لاشه که حیوان دموی غیر مانی مینه سیدر قیوده کورلدیکی وقت زمان وقوعی معلوم ایسه بلا خلاف اندن معتبردر . وقت وقوعی معلوم دکل ایسه عند الامام انک حکمنده تفصیل واردر .

شویله که شیشمش الخ اولدقجه احتیاطاً برکون و برکیجه دن وشیشمش الخ ایسه [۵] اوچ کون و اوچ کیجه دن اعتباراً قیو

ذکر ایتمشدر . درت فاره بر فاره حکمنده اولوب بش فاره طفوزه قدر کدی حکمنده واون فاره کوپک حکمنده در . علی قول اوچ فاره بشه قدر کدی و آلتی فاره کوپک حکمنده در . اختلاف قولین اختلاف جئه اعتباریله اولسه کرکدر .

[۳] تویری دوکیش ویا کندیمی طاغاش اولورسه نرح کلینک لزومی اولویتله در .

[*] طاغامق وتویری دوکک دخی شیشمک کبیدر . زیاده دکلدر . کما فی منحة الخالق .

نجس عداو لنور . چونسکه شیشمک اسکیمک علامتیدر [۵] .

او مدت ظرفنده آبدستسزلر آدن آبدست آلمش وحدث اکبری اولانلر اغتسال ایتمشلر ایسه انلری وانلرایله قیلنلر نمالزلی اعاده ایتمک لازم اولور . چونسکه مانع اولان حدث بیقین ثابت ، ومزیل اولان آبدست ویاغسلده شک واقع ، اولوب یقین ایسه شک ایله زائل اولماز .

واکرا آبدستلیرلر آدن آبدست آلمش ، یاخود نجس اولمیسان ثیاب (چاشیر) انسکه ییقانمش ، ایسه اجماعاً اعاده لازم کلر . زیرا صحتک مقتضیسی اولان طهارت موجوددر . مانعده شک واقع اولمشدوکه اوده اوصویک موضع طهارته اصابتیدر . نماز ایسه شک ایله باطل اولماز .

اکر ثیابی اوصو ایله بجاستدن تطهیر ایتمشلر واندن آبدست آلمامشلر ایسه انلره آنجق او ثیابی غسل وتطهیر ایتمکدن بشقه برشی لازم اولماز . فی الصحیح . چونسکه بوصورت

[*] انتفاخ امثالنده حدتقادمک ادناسی ایسه اوچ کوندر . بلاصلا دفن اولنان جنازه (مغسوله) ک قبری اوزرنده نمازی قیلنق دخی اوچ کونه قدردر . آدن صکره دکلدر . عدم انتفاخ دخی دلیل قرب عهددر . اوده برکون وبرکیجه ایله مقدردر . آنک مادونی منضبط اولیان ساعاتدن عبارتدر . امر عبادت ایسه احتیاط اولنه جق شیدر اه ط .

مفسول مقبورک صلائی مسئلهسی کتاب الجنائزده « مانم یتفسخ » قیدبله مقیداولوب : « والمعتبریه أكبر الرأى لاختلافه باختلاف الزمان والانسان » دینامشدر . فلینظر .

چاشیرده وقت اصابتی معلوم اولمیان نجاست (مانعه) بولنق
قبیلندندرکه بونده صحیح اولان اعاده صلات اولنماقدور [۱] .

عند الامامین بر امر حادثك اقرب اوقاته اضافتی اصل اولق
قاعدہ سنه مبنی قیونك تنجسنه نجاستك انده کورلمسی زمانندن اعتباراً
حکم اولنوب اندن اول قیلنان نمازلی اعاده ، ونجاستی او صوابله
ازاله ایدلمش چاشیری بتکرار غسل ، ایتمک لازم کلز [۲] مکرکه
وقت وقوعی کندیلرنجه محقق اوله .

تنجسی معلوم اولان صوابله خمیر یوغرلمش اولورسه او خمیر
کلباره القا اولنور . یاخود طواره ییدیریلور [۳]

متنجس اولان قیونك صوبی غائر (یعنی جسیکلوب غائب)

[۱] لکن نجاست یابس ایهه وقت اصابتی تحری اولنق مکرکدر زیر
قوریش اولدقدن صکره « شمدی اصابت ایتشدور » دینه من . مکرکه
زمان آنک بعد الاصابه ببنسنة متحمل اوله . أفاده ط .
والمنی المرئی فی الثوب یعتبر من آخر نوبة .

[۲] چونکه فی الحال دوشوب اولمک یاخود فیویه آنی روزکار یاخود
بعض خفیف العقل کیمسه لر ویاچوجقار یاخود قوشلر آتش اولق جائز
ومحتملدر . محکیدرکه امام ابو یوسف : بن ذاتاً قول امام اوزره ایدم وقتاکه
برکون بوستانده او طور مقده ایکن برچایلاغک آغزنده کی لاشه یی فیویه دوشورد یکنی
کوردم قول امام محمد رجوع ایتدم . دیمدر اه ط .

[۳] وقال بعضهم یباع لشافعی . ص . لان الماء اذا بلغ قلتین لا ینجس عنده
بدون ظهور اثر . ط .

اولدقندن صكره كلسه كلان صو طاهر در . كيدن نجاست كيرو كلز [١].

— استنجا ، استبرا ، استنقا — [٢]

(استنجا) نجاستی [٣] قلع وازاله ایتمکدرکه بعد التغوط [٤]
ارککه وقادینه عائد بولنور [٥].

(استبرا) احلیلدن اثر بولی کیدرمکدرکه تبولدن صكره اولور .
وخاصه ارککه عائد بولنور .

(استنقا) استنجاده مبالغه ایدوب اثر غائط قالماسق اوزره
پاکلنمکدر . تنکیم ذکر اولنور .

استنجا ، صو ایله اولدینی کبی اوافق طاشلر ایله ، واولا

[١] تکیم باب آنجاسک مطهرات قسمنده فرك ایله اولان تطهیر عنواننده—
نظائرله برابر — وتغور عنواننده — علی حدة — ذکر اولنور .

[٢] بو بحثی غایه الغایه اختصار ایدوب بو عنوانلر ایله معنون قیلدق .

[٣] قید بها لان الريح طاهر علی الصحيح والاستنجا منه بدعة . کذا
فی الاصل .

[٤] یعنی دفع طبعدن صكره .

[٥] بوکا ترکیجه طهارتلمک تعبیر اولنور . استنجادن عاجز اولان مریضک
حلیله سی یعنی زوجه سی ویا جاریه سی بولغاز ایسه استنجا آندن ساقط اولور .
زیرا عورت محلنک مسی آنجی حلیله یه حلال اوله ییلور . ذکره ط فی آخر
الفصل .

طاش و صکره صو استعمال اولنق اوزره ایسکیسنی جمع ایله ، دخی اولور [۱] .

طاشچقار ایله استنجایه : (استجمار) دینور .

استجمار صورتنده طاشچقاری واستنجاء بالماء صورتنده پارمقاری خرجه دلك ایله استنجا حاصل اولور [۲] ایسه ده یالکز استجمار استنجاء بالماء کبی نجاستی قلع و ازاله دکل ، تقلیل ایده بیلور (حق مستجمر اولان کیمسه ماء قلیله داخل اولور ایسه انی افساد ایدر . کما مر فی البئر ص ۴۹) .

خلایه دخولده صول آباق و خروجده صاخ آباق آنیلور : استنجاده صول ال قوللا نیلور . مکرکه انده عذر اوله .

خلاده قبلهیه قارشو و یاخود قبلهیه ارقه و یررک بولنمق و خارجه کونشه و آیه و روزکاری جهته طورمق مکر و هدر . جاری دخی اولسه صویک ایچنه و قیو و نهر و حوض قربنه و او طور یله حق کولمکهیه و قغوق یره و یول اوزرینه و آغاج

[۱] افضل استنجا بودر . (فیه رجال یحبون أن یتطهروا الخ) قول کریمه مدوح اولان اهل قبانک وجه مطهر لری بو ایدی .

طاش یرینه کیک و ترک و کور و کیرج و بز (و کاغد) و عیوق استعمالی مکر و هدر .

(۲) نجاستک غسل ایله ازاله سندن صکره الدهه قالان یاشلق طاهر در محاک طهارتی سببیه او ، ال طاهر اولوب اله تبعاً دخی او یاشلق طاهر اولور . (محل ذکر بوراسی ایکن مؤلف بونک نظیری اولان (عروه ابریق) مسئله سنی (فصل آبار) ده ذکر ایتمش و محشی مرحوم آنی و بو مسئله نی انجاسده ایراد ایلمه در .

آلتنه تبول ویاغروط ایتمک مکروهدر [۱] عذر اولدقجه قائماً تبول
دخی مکروهدر .

(استبراء) عادات وطبائع ناسک اختلافی اوزره یوریمک
یاخود اوکسورمک ویاخود صول طرفی اوزرینه یاتمق یاخود دپنمک
ونقل اقدام ایتمک کبی طریقار ایله یاپیله رق اثر بولک زوالی تیمن
ایدلمش اولور [۲] .

ارکک قسمی بعد التبول استبراء ایله مطمئن القاب اولدقجه آبدسته
شروع ایتمک جائز ارماز . زیرا رشح بولک رأس سیدله ظهوری
انک تقاطری کبی صحت وضوءه مانعدر .



[۱] کثیف طاشنک کنارینه ویا اوکنه القا یاخود ملقاسنی ابقا
ایتمک تربیه سزاسکدر .

[۲] لکن بونلری مواجهه ناسده وچولق چوجق ایچنده یایق محل
مروتدر . ممکن اولان موضعهه رأس قضیبی صوابله ییقامق دخی
واردر . محشینک بیانته کوره سراویله صو سریمک وحوسته یی کیدرمک
ایچون اولورکه رطوبتدن شک ایدن کیمسه خلافتی تیمن ایتمدکجه آنی
سریقتی به حمل ایلر .

— احکام وضوء —

وضوء که آبدستدر [۱] وضاء تدندر . (وضاءت) : حسن و نظافتدر . شرعاً وضوء : معروف اوج اعضایی بی‌یقامق . و باشه مسح ایلک ، دن عبارت نظافت مخصوصه در [۲] . انده معنای لغوی دخی موجوددر . چونکه آبدست دنیاده اعضایی تنظیف ایله وضی^۱ و مستحسن قیلدیی کی انسکله عبادت حقه قیام اولندیغی ایچون آخرتده دخی صاحبینه رونق اولور . (آبدست) یوزه نور و قلبه سرورددر .

آبدستک سببی ، شرطی ، حکمی ، رکنی ، صفقی واردر .
(برماهیتک جزء ذاتیسنه که او ماهیت اندن و سائرندن مترکبدر :
(رکن) و خارج موقوف علیهنه (شرط) و بلا تأثیر موصلمنه

[۱] وضوء ضم واو ایله آبدست وفتح واو ایله آبدست صوبی معناسنه اولوب آبدست آلمه تفعل صیغه سیله (توضع) یاخود همزه نك حرف علتیه ابدالیه (توضع) و آبدستلیه (متوضی^۲) یاخود (متوضی) دینور . آبدستسزلك (حدث) در . آنك صفقی افعال بابندت اسم فاعل صیغه سیله (محدث) درکه آبدستسز دیسکدر . محدثه حرام اولان شیلر آتیده (احوال نساء) بابنده مذکوردر . (اوصاف وضوء) فصائدن دخی نمایاندر . (طهور) دخی وزناً و معنی وضوء کی اولقله طانك ضم وفتحی واوK ضم وفتحنده کی معنایه تابعدر .

[۲] مسح ربع رأسده معنای نظافت ظاهری دکل ایسه ده اعتبار غالبه در .

(سبب) و اثر مرتبته (حکم) و فقماً اولان حال و شانته (صفت) تعبیر اولنور) .

آبدستک سببی یعنی انسانی آبدست آلفه سوق و ایصال ایدنشی آبدستسز حلال اولمیان فعلی استباحه ایتک یعنی نماز و مسّ مصحف و طواف کعبه کبی محترمات دینیه دن برینه تشبیه قصد ایلسکدر .

بو ، انک همده حکم دنیویسیدر . حکم اخرویسی : نیتی ایله آخرتده ثواب حصولیدر [۱] .

آبدستک شرط و جوبی یعنی مکلف اوزرینه شرعاً لزومک شرطی [۲]: عقل ، بلوغ ، اسلام ، ماء کافی استعماله قدرت ، وجود حدث [۳] ، عدم حال منافی ، دن عبارت اولمق اوزره آلتیدر [۴] که بونلرک خلاصه سی مکلف بالطهاره اولان کیمسه نک حدثن طهارتی صوایله اجرایه قادر اولمسندن عبارتدر . چونکه مکلف بالطهاره قیدی عقل

[۱] قال اذا كان بنيته . یعنی التوضؤ بنية الثواب : ثم قال : وهذا حكم كل عبادة . یعنی سواء كانت عبادة مقصودة أو لا .
(۲) والشرط ما يلزم من عدمه العدم ولا يلزم من وجوده وجود ولا عدم . ط .

(۳) (وجود حدث) آبدست اوصاف وضوء فصلنده مذکور اولان اقسامندن مندوب اولمیان قسمی ایچون شرطدر . تکمیل در مختارده مصر حدر .

(۴) اصلده حال منافی . حیض و نفاس . دیو بشقه بشقه تعداد اولنه رق و وجوب مضیق ایچون مشروط اولان ضیق وقت دخی علاوه ایدبله رک مجموع شروط وجوب سکزه ابلاغ اولمشدر .

و بلوغ و اسلام و وجود حدث و عدم حال منافی قیودینی متضمندر .
 زیرا مسلم اولمیان ، یاخود مسلم اولوبده عاقل و یا بالغ بولنمیان ،
 یاخود محدث (آبدستهز) اولمیان ، کیمسه حدثدن طهارت ایله مکلف
 اولدیغی کی منور حیض و یا نفاس اوزره اولان قادین دخی آنکله
 مکلف دکلدز . طهارتی صوایله اجرایه قدرت قیدی صویک طهورتی
 (مطهرتی) و طهارته کفایتی و برعذر و یا حاجته مبنی حکماً عدم
 مفقودیتی شروطنی متضمندر . چونکه طاهر اولمیان ، و یا مطهر
 بولنمیان ، یاخود کافی اولمیان ، و یاخود عم طاهر و هم مطهر همده
 استعماله کافی ایسه ده عذر و یا حاجته مبنی استعماله قدرت تعاق ایتدیکندن
 طولانی یوق حکمنده بولنان ، صوایله طهارت واجب اولماز .

آبدستهک شروط صحتی اوچقدر : برنجیسی ماء طهورک
 بشریه عام اولمیسیدر . برصورتله که غسلی فرض اولان عضو
 اوزرنده ایکنه بانیره جق قدر یره صواصابت ایتماش بولنور
 ایسه آبدست صحیح اولماز . ایکنجیسی حال منافینک انقطاعی یعنی
 حیض و یا نفاس و ناقض وضوء [۱] کی آبدسته منافی اولان
 احوالک کسبیلش اولمیسیدر [۲] بولر باقی ایکن آلنان آبدست
 صحیح اولماز . مکرکه عذر ثابت اوله : اوچنجیسی شمع و شحم [۳]

(۱) صاحب عذرک فیریده بول و سیلان دم کی .

(۲) بوخصوصده شرط وجوب ایله صحت اجتماع ایتمشدر . ط .

(۳) (شمع) موم ، (شحم) ایج یاغی در . محمی دبرکه خیر و چامور

کبی جرم حائلی [١] سببیلہ صویک جسده وصولنه مانع اوله جق شینک زائل اولمش بولتسیدر . بولرک ده خلاصه سی : شرعاً مطهر اولانک بشریه عام اولمسندن عبارت اولمق اوزره بره راجع اولور . مطهر اولان شی صودر . آنک شرعاً مطهر اولمی حال منافینک انقطاعنه متوقف اولمقله شرط ثانی دخی مذکور دیمکدر .

آبدستک حکمی سببینه ذکر اولندی .

آبدستک رکنی درتدر . آنلر آبدستک همده فرضایدر [٢] :
(برنجیسی) یوزی بیقامقدر . آیت وضوءده [فاغسلوا وجوهکم] بیورلمشدرکه وجهلرکزی غسل ایدک دیمکدر [٣] .

دخی بویه در . بمضلرک : « بولر مانع دکدر . » دیملی یاش و آز اولمق صورتنه محمولدر . بالقی دریمی وقوریش چیککنه میک وبورنک طیشنده وکوزک کنارنده قوریوب قالان کیر وچاپاق دخی مانع صحت وضوء در .

(١) (جرم حائل) قیدی زیت وسأره دسومتی مانع اولدیفندندر . کما فی الاصل .

(٢) ارکان ایله تعبیر فروض ایله تعبیردن فائده لیدر . همده :
« فرضدن فرض قطعی مقصود ایسه مسحی ربع ایله تقدیر وارد اولورکه فرض قطعی دکدر . فرض عملی مقصود ایسه مقسول وارد اولورکه فرض قطعیدر . » دینه سکن سالم اولوب « عموم مجاز قبیلندندر » دیو جوابه محتاج ده دکدر . فرض ایله رکن بیننده عموم وخصوص مطلق وارددر . کما فی حواشی الدر .

(٣) آیت وضوء سوره « مائده ده کی أستعین بالله تعالی (یا ایها الذین آمنوا اذا قمتم الى الصلاة فاغسلوا وجوهکم وأيديکم الى المرافق وامسحوا

(غسل) غینک فتحیلہ ییقامق معناسنه مصدر متعددر [١] .
برشئی ییقامق صوی آنک اوزرینه اساله ایلسکدر [٢] بر حیثیتده که
آندن لا اقل ایکی طمله [٣] حاصل اوله .

صوی [٤] یاغ سورینور کبی سورینمک کافی اولدیغی کبی
طمله سز آقتمق دخی کافی اولماز .
(وجه) انسانک آنکله مواجه بولندیغی موضعدرکه اسانمزده
(یوز) تعبیر اولنور .

وجهک طولاً حدی : مبدأ سطح جبهه دن چسکه نهایتنه قدردر .
مبدأده قیل اولوب اولماق مساویدر .
صاج بیتمندن اعتباراً الخ دیوایدیلان تعریف غالبه محمولدر .
صاج بیتمی اشاعیجه اولمغله آلی طار کیمسه یه (اغم) و یوقاریجه اولمغله

برؤسکم وارجلکم الی السکین الخ) آیت کریمه سیدرکه اوهمده آیت
غسل و آیت تیممدر . آبدست وحی غیر متلوايله مکّه مکرمه ده فرض اولمدر .
حقنده کی آیت آنی علی توالی الازمان مستمر اولان وحی متلوايله مؤکد
اولق اوزره مدینه منوره ده نازل اولمدر .

(١) غینک ضمیمه اولان (غسل) اغتسالدن اسمدرکه بیقانه در .
(اغتسال) بیقانهقدر . هینک کسریله (غسل) صابون و خطمی کبی باش بیقانان
شیدر . أفادة المؤلف .

(٢) (اساله) آقتمق و (اصابت) ذکر مکدر . فتح عین ابله اولان غسل
اساله و مسحی اصابه ايله تفسیر ایتمشلرذر .

(٣) (فتح القدیر) ک ظاهری برقطره کافی اولمدر . ط .
(٤) قاردخی بویله در اه بحر بوندن اکلاشیلان یاش سونکر ايله
مسح هر قدر تطهیر انجاسی باینده غسل عند اولنور اینه ده بوبابده
غسل صایبماز .

آلی آچیق کیمسه یه (اصلع) وجهه نك ایکی جاننبدن آچیق صاچلی اولانه (أنزع) تعبیر اولئور [ه] . بونلرک جمله سنه کوره غسل وجهک فرضی مبدأ طول اعتباریله بردر .

منتها نك چکه نهایتنه قدر اولسی صقالسزلره و یا خود پک سکرک صقاللیره کوره در . سکرک اولیان صقال اصحابنه کوره منتها بشره نك ملاقی اولدینی قیللردر . بومعنی وجهک عرضنده دخی معتبردر .

وجهک عرضاً حدی : ایسکی قولاق یموشاقلرینک مایینیسدر . صقال باشیله قولاق مایینی اولان قیللریر دخی حد وجهده داخلدر .

(معلومدرکه غسل بشره یه تعلق ایدر .) (بشره) اووزنده اولان (ادمه) نك ضدیدرکه جلدک طیش یوزیدر . وجهک بشره سی قادیئلرده و امر دلرده تماماً ظاهردر . ملتحمیلرده — صقاللیرده — قسمماً مستوردر . بعد الالتهاء ظاهر لحیه ظاهر بشره مقامنه قائم

(*) فتحتین الیه (صاع) و (نزع) که اصلعک وانزعک درعلامت ذکاء وسخاء اولد یغیچون عند العرب بمدوح و (غم) که اغملکدر انك ضدی اولغله مذمومدر . شاعر کندی زوجه سنه خطاباً :

فلاتنکحی ان فرق الدهر بیننا * أغم الفقا والوجه لیس بانزعا
دعشدرکه اگر زمان بزم بینمزی تفرق ایدرسه سن (أنزع) اولیان واکه وجهه حه (اهم) اولان کیمسه یه وارمه دیمکدر .

أنزعک مؤنثنده علی القاعه نزعاء دینلیموب بلسکه (زعراء) دینلشددر . شاعر : (هدیه بن خشرم العذری) در . کما فی الکامل للمبرد . و ذکره ط فی حاشیه الدر .

اولمغله صقال ايله مستور اولان مواضع وجهك فريضة غسلى
التدن اوسته انتقال ايدوب [١] كوزلرك و آغزك و بورنك داخلربى ،
و وجهده و سائر اعضاء وضوءده سينك و پيره ترسلرينك التى ييقامق
لازم اولمديغى كى قاشلرك و ييقلرك و صقال قيللرينك التى ييقامق دخى
لازم دكلدر [٢] . اوستيله اکتفا اولنور . مكره صقالك قیللری ماتحتی
کورینور درجهده سكر ك اوله . تئكیم فصل آئیده مبیندر .

(ايسكنجهیسی) ايسكى اللرى دیرسكلریله برابر ییقامقدر . آیت
وضوءده : (وایدیکم إلى المرافق .) بیورلمشدرکه اللركزى مرفقلره
قدو غسل ایدکن دیمکدر .

مرافقك مفردى اولان (مرفق) كه بازوكميكييله قول كميكنك
قاوشديغى يردر مكسور الميم ومفتوح الفاء وبالعكسدر [٣] . انسان
عند الاتسكاء انسكله ارتفاق واستراحت ايتديكيچون آكا يعنى
دیرسكه (مرفق) دینامشدر . ذكر جزء واراده كل
طریقيله الدن مراد قولدر . آبدستده تماميله ال ، و دیرسكه قدر

(١) مسئله : هانكى عضودر اوكه آبدستده آنى ییقامق بر زمان فرضدر
و بر زمان فرض دكلدر ؟ جواب : چكه كيكيدرله صقاللاندین ییقامغسى فرض
ایسن صقاللاندقن صكره او فرض صقالی ییقامقله ساقطدر . كذا فى كتابنا
(الاغاز الفقهية) .

(٢) بونلر غسلده لازمدر . كما یأنی

(٣) (ویهی لکم من أمركم صرفقا) قول کریمنده ایکیسی دخى قراءتدر .
لفظ صرفقده برده مکتب وزننده اولق اوزره اوچنچی برلفت واردر . ط .

قول غلی اولنوب دیرسک قولک مواضع غسلنه منتها اوله جقدرکه آندن یوقاریسی فرض اوله رق ییقانه جق دکل دیم-کدر .
غایت - مدحکم ایچون دکل ، مافوق اسقاط ایچون اولدیندن -
مغیاده داخلدر . دیرسکری ییقاق اجماعاً فرضدر [۱] .

جمعک جمعه مقابله سی فردک فرده مقابله سنی مقتضی اولوق
قاعده سنه مبنی [۲] هر قول دیرسکیله برابر ییقانه نک فرضیق
عباره نص ایله ثابت ، وفعل رسوله مستند اجماع دخی بونک
اوزینه واقع ، در [۳] .

(اوچنجیسی) آیاقلری ایکی طوپقلر ایله برابر ییقاقمقدر . آیت
وضوء ده [وأرجلکم الی الکعبین] بیورلشدیرکه آیاقلر کزی ایکی
طوپقلره قدر غسل ایدکز دیم-کدر .

(کعب) که طوپقدر قدمک ساق طرفندن ایکی جانبنده اولان
ایکی تومسک کی-کدر . آیاقده دخی غسله منتها بونلر اولمغله غایت
مغیاده داخل ، ومافوق فریضه غسلدن ساقط ، در .

آیاقلر ذکر اولنان غایتلریله برابر مذهب اهل سنتده نص
آیت وجهله مغسولدر بمسوح دکلدر . سنت شائعه دخی غسلدر .
پیغمبر صلی الله تعالی علیه وسلم افندمن حضرتلری آبدستده

[۱] امام شافعی حضرتلری کتاب (الام) ده آبدستده مرفیقنک دخولی
ایجادیه بر مخالف یلمیز ۵ دیمشدرکه مشار الیهک بوکلای اجماعی حکایه در
اه بحر .

[۲] قاعدة اغلیة تتبع القرائن والا انتقض بنحو لبس القوم ثیابهم . ط .
[۳] مؤلفک یداخلری ایچون بینلرنده کی مساوانه مبنی دلالت نص ادعاسنه
حاجت یوقدر .

آیاقلربی دخی ییقادقلرتدن صکره و هذا وضوء لا یقبل الله تعالی الصلاة الا به « یعنی : بو ، اول آبدستدر که نمازی جناب حق انجق آنکله قبول ایدر بیور مشلددر .

[وَأرجاءکم] لفظ شریفنده که جر قراتی بجاورته یعنی « دکل ده یا لکز لفظاً اولان متابته مبنیدر [۱] آیاقلر ایکی قراته کوره مغمول اولوب اوزرلربنه مسح ایتمک خفی اولق حالنک غیریده جائز دکلدر [۲] .

(دردنجیسی) باشک ربغی مسح ایتمکدر . آیت وضوءده : [وامسحوا برؤوسکم] بیور لمشددرکه باشلر کزه صو دیکرک دیمکدر . صلی الله تعالی علیه وسلم افندهن حضرتلری ناصیه شریفه لرینی

[۱] ابن مالک مرحوم عمده شرحنده دیمشددرکه واو حرفی جوار اوزرینه جواز عطف خاصه سیله حروف عاطفه میاننده منفرددر . ط .

[۲] کشفاده مذکوردرکه ارجالک رؤسه عطفی مسح اولنور اولدیفی ایچون دکل ، اوزرینه صو دوکسکده وجوب اقتضاده تفهیه ایچونددر . چونکه آیاقلر سائر اعضاء وضوء کی اولیوب اوزرلربنه صو دوکیلرک یقانعده اولدخندن مظنه اسراف اولغله کویا که آیاقلر کزی صوئی اسراف ایتمامک اوزره یقیاک دیو امرایدلشددر . « کمینه قدر » بیورلمسی آیاقلرک مسح اولسنی ظن ایدجک کیمسه نک ظنی ازاله ایچونددر . چونکه مسح ایچون شرعه برغایت ضرب (تعین) اولنماهدر اه وارضاء البیضاوی و ابو السعود .

همده آیت وضوء ٦١ نجی صحیفه نک صوک هامشده دخی مذکور اولدیفی اوزره مدنیهدر . آبدست دها اول فرض معمول بهدر . صاحب شرع افندمک نه اول ونه آخر آبدستده مسح قدم ایتدکاری واقع اولماشدر . بن العربان معتاد اولان بالین آیاقلغه نظراً آیاقلر الدن زیاده معروض اوساخ اولغله مأموربه غسل اولق متعیندر .

يعني آلنارينك اوست جهتي مسح ايتمشلاردرد [١] .
 (مسح) اغتده شي اوزرينه ال اوغراتمق — كزدرمك — در .
 كما في التيمم . سيلمك معناسنه ده كلور . كما في تطهير الانجاس .
 شريعتده (مسح) : بشقه يرده قوللانديق ياشلفي [٢] بريره
 دكرمكدرد . دكيريلان يركرك باش ، كرك خف وياجيره اولسون .
 دكرمك دخي كرك ال ايله اولسون ، كرك بشقه برشي ايله
 وقوع بولسون .

[١] باشي ترييع ايدوسهك ربع مقدمه (ناصيه) وربع مؤخرينه
 فتح قاف ايله (قذال) وايكي يانلرندن بررربعه فتح فاء ايله (فود)
 ديرز . بونلردن هانكي ربعي مسح ايتسهك اولور . مسح ناصيه سنت
 متبعه در . محشي ديركه باش مسحنده مقدار مفروضك ربع اولسي [برؤسكم]
 قول كريمنده كي باحرفي الصاق ايجون اولوب مسحه آلت اولان
 ال دخي مقدارجه ربع راسه مقارب بولمغله مسح دينهك قدر باشه
 ال اوغراقيله ربع حاصل اولمسنه ندركه آيتدن مراد اولان مسحك
 اقل مايتنالي مقدار ربعك مسوحيتيله وجوده كلكد . بولنش ديكدر .
 همه اصولده مقرردركه محمله داخل اولان باحرفي فعلي آله
 تعديه ايتدرمكله آيت كريه . « امسحوا ايديكم برؤسكم » تقديرنده
 اولهرق باشك دكل ، لك مسح ايله استيعابي اقتضا ايدر (*) يدك
 راسه ملصق اولهرق استيعابي ايسه على الغالب ربعي تجاوز اتمز .
 بناءً عليه آيت كريده راسدن مقصود اولغه ربع تعين ايدركه مطلوب
 اولانده بودر ا ه

[٢] حتى قوللردن آرتان ياشلفي باشه سورر ايسه اولماز . چونكه آنكله
 بركره تطهر ايتمشدر . ماء جديد لازمدر . بوندن قولاق مسحي مستثادركه
 آنلر باشدن قالان ياشلق ايله مسح اولنور . كما في ط .

(*) بخلاف دخولها في الآلة فانها تعدى الفعل الى كل الممسوح كسجنت رأس
 اليتيم بيده . كذا في البحر .

مقدار مفروضه یا شلغک اصابتی ایصلاق بریز ایله یاخود
یغمور و یا قار اصابتیله دخی اولور . ال ایله مسح ایتیمکه حاجت
دخی قالماز . زیرا آلت ، محله ایصالدن بشقه برشی ایچون
مقصود اولماز .

حل مسح ایسکی قولاغک مافوقیدر . آنک ربغنی مسح صحیح
اولوب آنلردن اشاغیسنی ومثلا صارقان کیسوی وحقی کیسونک
تپه یه طولاشدیر یله رق طوپ ایدلمشنی مسح ایتیمک صحیح
اولماز [١] .

مسح رأسده مفروض اولان مقدار ، ربع ایسکن : اصل
ید اصابع اولمق وحقی اصابعک قطعنه قطع ید ترتب ایتیمک
ملاحظه سنه و آنلرک اوچی اکثری اولوب اکثر ایچون دخی حکم
کل بولمق قاعده سنه مبنی مسح رأسده مقدار فرضی اوچ پارمق ایله
تقدیر ایتیمک مردوددر [٢] .

[١] فتاوی قاضیخانده دبعشدرکه صاچنه مسح ایدن کیسه التنده
باش اولان صاچه مسح ایتمش ایسه جائز اولور . اگر التنده آلن ویا
بیون اولان صاچه مسح ایلهش ایسه جائز اولماز ا ه طوب کیسو
مسئله سی دخی صاچک چوقلفی واوزونلفی اعتبار یله بووجهه حل اولمق لازم
کلور : چوزلدیسکی وقت باشدن صارقق ایسه جائز اولوبوب طره ممسوحه
باشده قالان اقسامده ایسه جائز اولور . کافی ط .

[٢] زیرا نه روایه ونه درایه مؤید دکلدر . چونکه روایت
ربعدر . برده (مسح) مقدرات شرعی دن اولوب آنارده ایسه عدد رکعات
کبی شرع نه تقدیر ایتمش ایسه آنک عینی اعتبار اولنور اولدیغندن تقدیر مذکور
درایه دخی متصور اولماز . أفاده ط .

اشته ارکان وضوء ذکر اولنان اوج عضوی ییقامق وباشه صو
 ذکر مکدن عبارت اولمق اوزه درتدر .
 امرلر تکرار اقتضا ایتدیکنه مبنی آنلری برر کره دن زیاده یایمق
 فرض دکلدر .

ارکان مذکوره نك بری ویا برقاچی عضوک عدمنه وحتی معلولیتنه
 مبنی ساقط اولدیغی کبی [١] عضو زائدك محل مفروضه محاذی
 اولمایانندن دخی فریضه غسل ساقطدر . مثلاً دیرسکلردن اعتباراً
 فولسز وطوپقندن اعتباراً آیافسز اولاندن قول وایاق ییقامق ساقطدر .
 (دیرسکلدن وطوپقندن بقیه وار ایسه آنلر ییقانور . کما فی
 الدر المختار) .

اوموزی باشنده ایکی قولی وطوپغیهله برابر ایکی آیاغی
 اولان کیمسه نك تام قولی و تام آیاغی اصلی ، و دیکری
 زائددر [٢] . زائدك محل فرضه محاذی اولانی و تعبیر دیکرایله

[١] بونی مؤلف باب نیمم اواخرنده سویله مشدر . باشی نزله لی اولوبده
 مسجدن متضرر اولقده بولنان کیمسه دت مسح رأسك سقوطی کتب فتاواده
 دخی مذکوردر .

[٢] زائدايله اصلی بحررائقده وحاشیه طحطاوبده بویه تعریف
 اولتمقددر . در مختارده ایسه اصلیک وزائدك بطش ومشی ایله اعتبار
 اولنهرق : « ایکیسی دخی بطش ومشیه یارامقده ایسه ایکیسی ده ییقانور
 ویالکزی بریسی یارامقده ایسه اوییقانور ، دیکری زائد صاییلور . اگر
 اوده زائد پارمق کبی محل فرضده ثابت ایسه ییقانور . » دینامشدر .
 طحطاوی مرحوم در حاشیه سنده تعریفین بینهی جمع وتوفیق ایلشدر . انظر
 ان شئت .


اور وزائد ال وزائد پارمق کبی محل فرضہ ثابت بولنائی
بیقامق لازمدر . محل فرضہ محاذی دکل ایسہ آنی بیقامق دخی آبدستہ
فرض دکلدر ، مندوبدر .

حدیثہ شک ایدوب طهارتہ متیقن اولان یعنی آبدست
الذین ییلوب بوزدیغندہ شہہ ایلان کیمسہ آبدستلیدر . عکسی
حالدہ اولان آبدستسزدر .

آبدست اثناسندہ یعض اعضاسنی بیقامش اوائدہ شک ایدن کیمسہ
صاحب وسوسہ دکل ایسہ اوعضوینی بیقار . اگر صاحب وسوسہ —
یعنی اکثریا بویلہ شہہ ایتہکدہ — ایسہ شکنہ التفات ایتہز
(مؤلف بونی سجود تلاوت قبیلمندہ ذکر ایندشدر) .

آبدستی آلدقن صکرہ عارض اولان شکہ دخی اعتبار یوقدر . مکرکہ
ترك کنندجہ متیقن اولہ . (ذکرہ ط هناك) .

آبدستک صفت شرعیہ سی اوچدر : فرض ، واجب ، مندوب .
تکیم آئیدہ فصل مخصوص ایلہ میندر .



— تمام احکام وضوء —

لحیه کشته — کشیفه — نک [۱] ظاهرینی ییقامق آبدسته
واجب یعنی فرض (لازم) اولور [۲] ، لحیه خفیفه نک بشره سته
صوبی ایصال ایتمک واجب (لازم) اولور [۳] .

دائرة وجهدن فضله اوله رق صارقش بولان قیللره صوبی
ایصال ایتمک واجب (لازم) اولماز [۴] چونکه آلمر نه اصاله
ونه بدلا وجهدن دکلدر .

[۱] (کشته) و (کشیفه) مقابلیدرکه صیق دیمکدر . بشره سی
کوریلان صقاله (خفیف) و کورلیانه (کشیف) دییه جکزه صیق صقال
بشره مقامنه قائم اولمقله فریضه غسل بشره دت آکا انتقال ایتمشدر .
اصح مایقته به بودر . غسل و مسحاً ثلث و یا ربع لحیه ایله اکثفا
ایلمک و یا خود تماماً مسح اولنق کبی اقوالدن بوکا رجوع اولنمشدر . أفاده
المؤلف . محشی دیرکه (ظاهر) قیدی منابت شعرك طبقه علیاسنک ماتحتی
ییقامق لازم اولمقنه اشارت اولق اوزوه زیاده ایلمشدر اه

[۲] (واجبات وضوء) اولدیغندن مؤلف وجوبی افتراض ایله تفسیر
ایتمشدرکه مراد فرض همیلدر . کما هو المصرح به فی الدر . بز آنی
لزوم ایله ترجمه ایلمک . تکمیل مؤلف دخی طار خاتمک تحریرکننده
اوله تعبیر ایتمشدر .

[۳] سکرک صقالده بشره مرئی اولدیغی و ییقامقده عسرت اولدیغی
ایچون قول مختار بودر . علی قول نبات لحیه سببیه بشره دن کمال مواجهه منعدم
اولمق غسل بشره ساقطدر . أفاده المؤلف .

[۴] یعنی انلری نه غسل و نه مسح ایلمک بزجه بلاخلاف واجب دکلدر .
کافی النهر . مسح سننددر . کما فی المنیة . ابن امیر حاج شرح منیه ده : ظاهر
اولان غسلک مستونیتیدر دیدی . ط .

دوداقلر عادت اوزره یوملدیغی زمان کورلار قالان یرلرینه صوی
ایصال ایتمک لازم اولماز . چونکه دوداقلر یومیلان یری آغزه
وآچیق قالان یری یوزه تابعدر .

کوزلرک داخلنی ییقامق ضرر اولدیغیچون غسلده دخی جائز
دکلدر . (صوی کیرپکله وپیکارلره واردرمق لازمدر . ط .)
ای اولوبده قبوغندن هنوز آیرلماش اولان چیبیانک داخلنی
ییقامق لازم دکلدر .

پارمقلر (برسبب عارض ایله) اده لرینه صو کیرمیه چک درجهده
بری برینه یاشمق ، و طرناق اوزایوب دونمکه انملی [۱]
اورتمک ، و ییقامقی لازم اولان محله تختنه صویک وصولنه مانع خیر
وموم وچاپاق کبی برشی بولمق ، تقدیرنده انلری کیدروب
ارهنی و آلتی [۲] ییقامق لازم اولور .

طرناق کیری وبدندن متولد اولان کیر کرک کویلی ، کرک شهرلی
ایچون مانع اولدیغی کبی پیره وسیناک ترسی دخی قلمته وعدم لزوجته
مبنی صویک ماتخته وصولنه مانع اولماز . اکا مانع اولسه بیله دفعه
للحرج صحت وضوءه مانع صایلماز .

بویاجینمک طرناغی اوزرنده قالان بویا دخی ضرورته مبنی مانع
دکلدر . وعلیه الفتوی .

[۱] پارمق اوجی معناسنه اولان (آنله) لفظی مفرد اولدیغیچون امثله
وزنده دکل ، مفتوح المیدر . جمعی (أنامل) در . ارمه و ارامل کیدر .

[۲] النشر علی ترتیب الف کما هو الظاهر .

پارمقده اولان طار خاتمی اوینا تمق لازمدر [۱] . بوبابده اولان ایسکی روایتک مختاری بودر . چونسکه ظاهرأ مانع وصول ماءدر . صلی الله تعالی علیه وسلم افندمز حضر نلری آبدست آلدق لری وقت خاتم شریفلرینی تحریک ایدر لر ایدی .

طبباننده اولان یارق لری ییقامق ضرر ویرر ایسه صوی یارق لرك اوزرنده اون علاجه امرار ایتمك جائز وصحیح اولوب [۲] دوا اوزرینه صو امراری دخی ضرر ویرر ایسه اوزرینی مسح ایلر . مسح دخی ضرر ویرر ایسه انی ده ترك ایدر [۳] . اگر بونلرك هیچ بری ضرر ویرمز ایسه ضرری اولمیه جقق قدیرینی یایمق تعین ایلر . حتی صفوق صو ضرر ویرر بده صیجاق صو ضرر ویرر میور ، وکنندی دخی انی استعماله قادر بولنیور ، ایسه صیجاق صو استعمالی لازم اولور .

یارق اوزرنده کی علاجه صو امرارینك جرازی علاج یاریغاك اوستنی آشمش اولماساق قیدیله مقید اولوب اگر آشمش

[۱] طار اولیان خاتمك حکمی اداب وضوءده مذکوردر . محشی اوراده دیمشدرکه طار اولان خاتمك تهتنه صوبك وصولی معلوم ایسه تحریکی مستحب ، والا فرض اولور ا ه

[۲] عذرده مساواته مبنی وضوءده جائز اولان شیتك غسلده دخی جائز اوله جعفی مؤلف باب تیمم آخرنده ابن الشجنه ن (مهمه) عنوانیله نقل ابتدیکی شو مسئله منظومه صوکننده ذکر ایتمشدر :

ويسقط مسح الرأس عن برأسه * من الداء ما ان به يتضرر .

[۳] بونك بر نظیری دخی (احوال نساء) فصلی قبلندهدر .

بولنور ايسه زائد قسمتك ماتحتی بيقامق متعيندر . بودخی عدم ضرر قيديله مقيددر .

کوزی آغرييويده طيب مسلم حاذقک تنبيهی وياکندينک علم تجريسي اوزرينه افی ييقايه ميان کيمسه مدت عذرنده کوزينه صو امرار ايتمز [١] .

کرك آبدست آلدقن ، کرك اغتسال ايتدکدن صکره قيل موضعلرينی تراشيده ايتمه کله تکرار بيقامق ياخود مسح ايتمک لازم کلز [٢] زبرا انکله حدث طاری اولماز . همده فرض ساقط اولمشدر . ساقط ايسه عودت ايتمز .

آبدستدن وياغسلدن صکره طرناق کسمک وبيق قيرپمق ودری قالدرمق ايله دخی حدث طاری اولميه جفتندن آنلر اعاده اولماز [٣] .

فصل — سنن وضوء

(سنن) سنتک جمعيدر [٤] (سنت) لغتده طريقتدرکه مطلق

[١] بومسئله يي مؤلف (باب الخبض والنفاس) قيبلينده — کهجيره امثالنه مسح مسائل آخريدز — ذکر ايلمشدر .

[٢] بو تعبير « آبدستی و غسل اعاده اقتضا ايتمز » ديمکدن ابلغدر کما فی الدر . قال لعدم البدلية بخلاف نزع الحف ا هـ

[٣] قال : وان استحب الغسل .

[٤] بولنورده سين مضمومدر . برده وجه طريق معناسنه (سنن) واردر انک سيني مفتوحدر : تنج عن سنن الطريق .

مسئله کندن عمارت در . حسنه يا خود سيئه ديو توصيف اولنه بيلور .
تکيم حديث طبرانيده واقع اولمشدر : من سن سنة حسنة فله اجرها
ما عمل بها في حياته وبعدها حتى ترك ومن سن سنة سيئة فعليه اثمها
حتى ترك ومن مات مرابطا في سبيل الله جرى له اجر المرابطين حتى
يبعث يوم القيامة .

اصطلاحده سنت : دينده بلا لزوم (يعني فرض وواجب اولميهرق)
مواظبت اوزره مسلوك اولان طريقتهدر [۱] .

(مواظبت) مداومتدر . أحياناً ترك اكا منافي دكلدر .
نادراً ترك ايله برابر مواظبت بيوريلان شي صفتدر كه عند الاطلاق
متبادري وجهله (سنت مؤكده) ديمكدر (۲) . مواظبت بيوريلمان

[۱] بعضارك شوتعريفى بوندن دهها واضحدر : طريقة مسلوكة في الدين
بقول أو فعل من غير لزوم ولا انكار على تاركها وليست خصوصية .
(طريقة) تعبيرى جنس كييدر سنته وسأئره شاملدر . (من غير لزوم)
قيدى ايله فرض و (بلا انكار) قيدى ايله واجب اخراج اولمشدر . (ليست
خصوصية) قيدى دخى صوم وصال كبي خصائص نبى عليه الصلاة والسلامى
اخراج ايلمشدر . ط .

[۲] اذان ، اقامت ، جماعت ، سنن روانب ، مضمضه واستنشاق كبي كه
(سنت هدى) دخى دينور . اخذى هدايت و تركى ضلالت ديمكدر . يعنى
فعلى تكميل ديندن اولوب تركنه كراهت واساءت تعلق ايدر . قهستاني
دير كه : سنت مؤكده نك حكى دنيا ده اولان مطالبه سنجه واجب كييدر .
شوقدر كه واجبك تاركى معاقب وسنتك تاركى معاتب اولور . جوهره ده
قنيه دن نقلا مذكوردركه : سنت مؤكده نك تاركى فاسق ومنسكرى
مبتعددر . تلويحه مذكوردركه : سنت مؤكده نك تركى حرامه شرييدر
تاركى حرمان شفاعته مستحق اولور زيرا « من ترك سنتى لم ينل شفاعتى »

شی مندوبدرکه (سنت غیر مؤکده) دیمکدر [ه] .

اون سکز شی [ه ه] حال وضوءده مسنون اولور :

(۱) ابتدا اللرینی بیلککرینه قدر ییقامق .

بوبر سنتدرکه فرض مقامنه قائم اولور . چونکه قوللری دیرسکله قدر ییامق فریضه سنک برقسمی بوسنت ایله ایفا ایدلمش اولور ، یاخود ال ییقامق فرضدر . آنک بووجهله تقدیمی وکیفیت آنیه اوزره غسلی سنتدر . ایستر اللرک ایکیسنی بردن ، ایسترسه برر برر وصاعدن باشلایهرق ییقامش اولسون .

اللر آلت تطهیر اولدیغیچون تحصیل سنتده بونک تقدیمی شرطدر . وسنتی اللرک ذاتاً طاهر اولمسیله مشروط اولوب متنجس

بیورلشدر . شیخ زین الدینک منار شرحنده مذکوردرکه : سنت مؤکده یی ترک ایدن کناهکاراولور . زیرا سنت مؤکده واجب حکمدهدر . کناه ایسه متفاوت اولوب ترک واجبک کناهی ترک سنت کناهندن اقوادر . علی قول کناه اعتیادترکه منوطدر . بوقول مصححدر . وعلی قول اصلاًثم یوقدر . ط .

[*] منفردک اقامتی وصلانده فوق الواجب تطویل قرات وابدستده مسح رقبه وتیامن وتطوعاً صوم وصلات وصدقه کبی که (سنت زوائد) دخی دینور . مستحب ومندوب وادب دخی عند الأصولین بینلرنده فرق اولماق اوزره بودر . بزجه سنت هم فعل رسول وهم کندیلرندن صکره فعل صحابه در . چونکه سنت صحابه دخی « علیکم بسنتی وسنة الخلفاء الراشدين من بعدی » حدیث شریفله مأمور بالاتباعدر . « اصحابی کالنجوم بايهم اقتديتم اهتديتم » دخی بیورلشدر اه ط بحذف . ویاتی ذکر السنة فی الآداب أيضاً .

[**] عددک ذکرى حهر ایچون هکل ، طالبه تسهیل ایچونددر . قاله المؤلف .

بولنسی تقدیرنده نجاستی قلیل دخی اولسه آنلری اولا صوی تنجیس ایتیمه چك وجهله ییقامق فرضدر . اکر آنلری ییقامق آبدست صوی تنجیس ایدچك ایسه — یعنی صوی یا آغزیله ویا مندیله کی برواسطه ایله آلمق ممکن اوله مامقله صویك ایچنه متنجس لك ادخالی لابد ایسه — آنی یامیموب نمازی تیمم ایله قیلار واعاده ایتمز .

رفع و اماله سی ممکن اولمیان بیوك صو قابنك ایچنه طاهر اولان اللرینك صولنی حتی آنك ده تمامی دكل ، پارمقارینی بتشه کجه ادخال ایدوب صوی صاغ الله نقل ایدر . و آنی اوصورتله ییقادقدن صکره صویه ادخالی ایله صول الی دخی آنکله ییقار .

حدث اوزره اولان کیمسه ولوکه حدث اکبر اولسون صویا خود طاس آلمق ایچون پاك اولان الی حتی قولنی صویك ایچنه صو قق ایله او صو مستعمل اولماز [۵] .

(الی ییقامق یعنی ازاله حدث ایتمک ویا اقامه سنت ایلتمک قصدیله ادخال ایدرسه صویك اله ملاقی اولان قسمی آندن آیرمقله مستعمل اولور) .

(۲) بسمله ایله باشلامق

یعنی اللرینی ییقار ایکن بسمله جکمه کدر . حتی آبدستك

[*] مؤلفك : « قدر ضرورتدن زائد اوله رق الی صویه ادخال ایدرسه صو مستعمل اولور . » دیمی قاضیخان فتاواسنده مذکور اولانه مخالفدر . ط .

ابتداسنده بسمله یی اوتسه ده اثناسنده سویله سه سنت حاصل اولماز .
 یمک یمک کبی دکلدرکه آبدست عمل واحد در . یمکده ایسه
 هر اقمه بر فعلدر . اثناء اکلده دخی بسمله اوقنسه هم ماضی وهم باقی
 ایچون سنت حاصل اولمش اولور .

حدیث شریفده : آبدستی اولمیانک نمازی اولدیغی کبی آبدسته
 اسم الله ذکر ایتیمیانک دخی آبدستی اولماز . مآلنده اولمق اوزره :
 « لا صلاة لمن لا وضوء له ولا وضوء لمن لم يذكر اسم الله عليه » بیورلمش
 وحدیث مذکور نفی کماله محمول اولمشددر .

قول رسول بسمله نك آبدسته مؤکداً سنیتنی ناطق اولدیغی
 کبی فعل رسول دخی بسمله نك ابتداء وضوءده مسنونیتنی
 مشعردرکه کندیلری هر آبدسته شروعلرنده اولما نام خدای
 یاد بیوررلر ایدی .

حدیث دیگرده : آبدستنی اسم الله ایله آلاک هر طرفی
 پاک اولور ، اسم اللهی ذکر ایتیمیه رک آلاک یا لکز آبدست مواضعی
 پاک اولور . ، بیورمشلردر .

بوحدیث شریفدر بسمله یی معین اولمیوب بوبابده سلفدن
 وعلی قول حضرت نبی اکرم واشرفدن منقول اولان « أعوذ الخ »
 دن صکره : « بسم الله العظيم والحمد لله على دين الاسلام . » یاخود
 « على الاسلام » دیمکدر .

علی قول « بسم الله الرحمن الرحيم » دیمک افضلدر . آثارده

ورودینه مبنی هپسنى بر اشدیرهرك : « أعوذ بالله من الشيطان الرجيم
بسم الله الرحمن الرحيم بسم الله العظيم والحمد لله على الاسلام . » دیر
ایسه حسن اولور .

(۳) نیت ایلماک [۵] .

(نیت) قصد قلبیدن عبارت اولوب سنت وضوءدن اولان
نیت دخی آبدستی یارفع حدث ویا اقامه صلات یاخود آبدست
ویاخود امتثال امر عزیمله آلمقدر . بوعزمنی نطفه دخی کتورر ایسه
لسانی قلب ایله بر اشدردیسکی ایچون مشایخ فقها آنی مستحسن
کور مشلردر . (تسکیم آداب وضوءک بشنچیسنى اولهرق فصل
آئیده ذکر اولنور) .

سنن غسلده مؤلف تصریح ایتدیکی اوزره آبدستده بسمله ونیت
الاریقانون ایسکن اولوب لسان بسمله کش اولدیفی صروده قلب
دخی نیتیه مصاحب بولنور .

(۴) آبدست ابتداسنده یعنی مضمضه ایدرکن وعلی قول آبدستدن
اول استیماک یا-ود تشویص ایتماک .

(استیماک) مسواک استعمال ایتمکدر . سواک دخی دینور [۵۵]
معروف (مسواک) أراك اغاسنک دالیدر . افضل اودر .

[*] مؤلفک ترتیب ذکر نجه نیت اون اوچنچیدر . موضع ذکر
بوراسیدر .

[**] کافی حدیث : « لولا أن أشق على أمتي لأمرتهم بالسواك عند كل
وضوء » . وقد يراد به المسواك .

اويله أليافي اولان سائر اغاج دالندن دخى اتخاڭ اولنه بيلور .
قورى ايسه ايصالديلور . پارمق قالينلغنده واستعمال ايدنك
بر قارشى بوينده اولور . صاغ اله آلينبوب [۱] سرچه پارمغنك
اوستندن كچوريلهرك باش پارمق ايله التندن طوتيلور . وآغزك صاغ
جانبدن باشلانهرق ديشلره سورييلور .

(تشويص) مسواكه بدل ديشلره پارمق سورمكدركه باش پارمغنى
آغزك صاغ جانبنه وشهادت پارمغنى صول جانبنه صالارق فوقانى
وتحتانى ديشلرى اوغلامقدر [۲] .

حديث شريف ناطق اولديغى اوزره مسواك آغز ايچون
سبب نظافت وجاب رضاء رب عزتدر . ابدستنده مسواك استعمال
اولمان نماز مسواكسر آبدست ايله قيلمان نمازدن يتمش درجه
افضلدر [۳] .

« يجزى من السواك الاصابع » حديث شريفى وكلام سيدنا

[۱] كما ثبت عن ابن مسعود رضى الله تعالى عنه . فلاتبال بمنافشة من قال :
ينبغي أن يكون الاستنك باليسار لانه من باب ازالة الاقدار .

[۲] بوني مسواك بوليان وياديشلرى اوليان ياخود آغزنده ضرر اولان
كيمسه ياپار . قاتيجهر بز پارچهسى دخى سوره بيلور . كما فى الاصل .

مسواكدن متاذى اولان كيمسه ايچون آكا مواظبت مستحب اوليوب
بلسكه آنى أحياناً استعمال ايتمك لازم كلوز . كما فى ط .

[۳] رمضان شريف دخى مستثنى اولماق اوزره جميع ازمان استعمال
مسواك واستحصال اجراسنيا كده مساوى اولوب مؤلفك بياننه كوره عارف بالله
الشيخ (احمد الزاهد) فضائل مسواكى جامع بر كتاب تأليف ايدرك
(تحفة السالك فى فضائل السواك) تسميه ايله شدر .

علی (رضی اللہ تعالیٰ عنہ) اولان : «التشویص بالمسبحة والابهام سواک»
فحواسنجه منوال مذکور اوزره پارمق استعمالی دخی مسواکک
فقداننده مسواک دیمکدر .

مسواک بزجه سنن وضوء دندر . سنن صلاتدن دکدر . بنام علیہ
مسواک طوتهرق آلدیغی آبدست ایله قیلدیغی هر نمازده هر نقدر اکا
قیام و شروع زماننده مسواککتمسه دخی استیماک فضیلتی حاصل
اولور [۱] .

سنن دیندن اولمق دخی حضرت امامدن منقول اولمغله [۲]
دیشلر صارارمق و آغز قوقق کبی تغیر فم وقتنده ، و اویقودن
قالقادیغی زمان ، و — دیشلربنک قانه میه جغندن امین بولنان کیمسه
ایچون — نمازده قالقادیغی وقت ، و خانه یه دخولده ، و ناس ایله
اجتماعده ، و قراءت قرآن وحدیثده ، مسواک استعمالی مستحب
اولور .

(شرح منیه ده ، مسواک استعمالنک استحبابی بش موضعه

[۱] مذهب شافعیده مسواک سنت صلاتدر . نمازده قالقادیغی وقت استعمال
اولتماز ایسه او ثواب دخی اولماز . کما فی ط علی الدر .

[۲] محشی صحوم « مسواکک سنن وضوء یاخود سنن صلاة
و یا سنن دیندن اولسی حقنده علما اختلاف ایتمشلردر ، اوچنچیسى اقوادر .
امامدن منقول اولان ده اودر تکیم عینی شرح بخاریده ذکر ایلمشدر . صاحب
هدایه نیک : مسواک مستحبدر . دیمسی دخی آبدست حقنده در . مطلقا مستحبدر
دیمک دکدر « دیدکدن صکره ابن همامک دخی « نبی علیه السلامک آبدستده
مسواکه مواظبتلربی تصریح ایدرشی وارد اولدیغی جهتله حق اولان آنک
سنن دیندن اولمیدر « دیمش اولدیغی سوبله مشدر .

تأكد ایدر : دیشلرک صارارمسنده ، آغز قوقمسنده ، نومدن قیامده ، نمازه قیامده ، برده آبدستده ، دیشدر) .

قادینلر حقمده ساقز چیکنه مک مسواک یرینه قائم اولور .
(ظاهر اولان بودرکه ابتداء وضوءده قادینلر ساقز چیکنه مک ارککلره کوره مسواک استمالی کی مسنون اولمق دکلدر .
بلکه انلرک ساقز چیکنه می ارککلرک مسواک طوتمی کی دیشلری تطهیر و آغزی تطهیر ایدر دیکلدر . مکروهات صومده مذکوردرکه قادیلر ضعف بشره لرینه مبنی مسواک استمالنه دیشلری تحمل ایتمک احتمالنده درلر . انلره حال صیامک غیریده ساقز چیکنه مک مستحب ، وارککلره مکروه ، در ا . ه . تحصیل ثواب هر حالده تصحیح نیته منوطدر) .

(۵) اوچ کره مضمضه و اوچ کره استنشاق ایتمک .

(مضمضمه) لغتده تحریکدرکه صوی آغزده چالقه مقدر .
اصطلاحده آغزک ایچنی صو استیعاب ایلمکدر . صوی آغزده طولاشدیروب آتمق — افضل ایسهده — شرط دکلدر . آغز طولیسی ایچمک دخی کافیدر . اتمک صورتیله ایچمک کافی دکلدر .

(استنشاق) لغتده قوقلامق معناسنه اولان و طلب وزننده بولمان نشقندن مأخوذدرکه صوی و سائرینی بورن نفسیله جذب ایلمکدر . اصطلاحده صوی مارنه یعنی بورنک یو شاق یرینه ابصال ایتمکدرکه بورن نفسیله جذب ایتمک شرط دکلدر .

مضمضه واستنشاق ایکی سنت مؤکده درکه [۱] آنده ترتیب و تثلیث و تجدید دخی سنتدر [۲] . ترتیبدن مراد اولاً مضمضه و صکره استنشاق ایتهمکدر . تثلیث : بونلردن اوچر دفعه یا بمقدور . تجدید : هر دفعه سنده صوبی یکیله مکدر [۳] . بونلردن برینی ترک ایدن کیمسه سنت مضمضه واستنشاق اتمام ایتمش ارماز .

آبدسته بونلرک فرائض وضوء اوزرینه وجه تقدیمی صویک اوصافی اختباردرکه لونی رؤیت اولدقدن صکره طعمی آغز ایله طادلمش ورائحه سی دخی بونر ایله آکلاشلش اولور [۴] .

(۶) مضمضه واستنشاقده صائم ارلمیان مبالغه ایتمک .

مضمضهده مبالغه : صوبی ، بوغازه دکین واردرمق [۵]

[۱] حتی آبدست صوبی بسلا مضمضه واستنشاق اعضاء وضوء اوچر کره ییقامغه ومع المضمضة والاستنشاق برر کره ییقامغه کافی اولان کیمسه مضمضه واستنشاق ترک ایتمیوب اعضاء وضوء برر کره ییقامق صورتیله آبدست آلمیدر . کما فی الدر .

[۲] محشی مرحوم : مضمضه واستنشاق صاغ ال ایله یاقی ، بونلرده مبالغه ایتمک ، مضمضهده صوبی آغزدن آتق ، استنشاقده استنثار ایتمک خصوصاتی دخی زیاده ایدرک ذکر اولنان ایکی سنتک مشتملاتی یدی به ابلاغ ایلش ایسهده آلرک برطاقی مستدرک وبرطاقی مستحبدر . کما سیظهر .

[۳] آغزده صوبی طوتق ممکن اولغله مضمضه تثلیثده غرفه واحده کافی اوله بیلور ایسهده بورنده صو طور میوب آوجه اینهرک مستعمل اوله جفی جهته استنشاقده اوچ غرفه لابد اولور .

[۴] آبدستک حفظ صحت نظریه سنجه آلرده کی فوائده بونلردن عبارت قالماز .

[۵] صوبی بوغازده تحریک ایتمکه (غرغه) تعبیر اولنور که او غسله یله لازم دکدر .

واستنشاقه مبالغه : صوینی بورنک قاتی یرینه قدر چکمه کدر .
صائم اولان کیمسه صومنی افساد ایتمک خوفنه مبنی آنلرده
مبالغه ایتمز . حدیث شریفده ، بالغ فی المضمضة والاستنشاق الا أن
تکون صائماً ، بیورلمشدر .

(۷) ابدستی ترتیب اوزره آلمق یعنی یوز بیقامغی قوللاردن
اول یایوب باشه مسح ایتمکی قوللاری بیقادقن صکره وآباق
بیقامغی اک صکره یایمق وجهله آیت وضوءده کی ترتیب ذکر یه
مراعات ایتمک .

(بلا ترتیب آلان آبدست دخی صحیح ، فقط سنه مخالف ، در .)
(۸) تیامن ایدوب قوللرینی وآیاقلرینی صاغلارندن بدء ایله
بیقامق [۱] .

حدیث شریفده ، اذا توضأت فادأوا بیامنکم ، بیورلمشدر .
صاغک شرفنه مبنی آندن بدءک استعجابنه اجماع اولنهرق حدیثده کی
امر وجوبدن مصروف اولمشدر .

(۹) غسلی تلیث ایتمک . یعنی بیقانان اعضایی اوچر کره
بیقامق [۲] .

[۱] ابتداء وضوءده الاربئی آرو آرو بیقامق حالنده دخی اول
صاغنی بیقامق سنت اولدیغی ذکر اولمشدر . وبوسنیت جفت اولان اعضا
مفسوله حقنده در . وجه کبی عضو واجده تیامن مطلوب دکدر . مسح
اولان جفت عضوده دخی سنت ایکیمسه یردن مسح اولنقدر : قوللار
وآیانه کی خفلر کبی . کافی ط .

[۲] مراد غسل مستوعبک اوچ اولمیدر . یوقسه قوللرینی بیقار
ایکن صوینی آوجنه آلوب بیلکنی همان تحریک ایله اوچ کره قولنه
آتمهقله بوسنت حاصل اولمش اولاز .

بونلرك برنجيسى فرض [۱] وديكر ايسكى سندر . اوچدن زياده
ييقايان حديث شريفده وارد اولديغى اوزره تعدى ، واوچدن اكسيك
ييقايان ظلم ، ايتمش اولور . مكركه زياده يي حصول شكه مبنى اطمتنان
قلب ايجون ، ونقصى صويك قلاتى ايجون ، ايتمش اولمق كي بر
ضرورته مبنى اوله .

(۱۰) اللرينى وآياقلارينى ييقامغه پارمق اوچلرندن باشلامق .
چونكه آيت كريمده مرافق وكه مبنى غسله غايت قيلنمش اولمغله
آنلر منتهاي فعل ديمسكدر . منتهايه ايسه مبدا لازم اولوب جميع عضو
مغسولى غسل فرض اولديغندن مبدا انك اولى اولمش ، وفعل نبي
عليه السلام دخى بو وجهله وقوع بولمش ، در .

(۱۱) كرك اللرينى ، كرك آيانلرينى ييقار ايسكن پارمقلارينى
تخليل ايتمك .

(تخليل) خاللا مقدر . انسكه امر اولمش وتا كيدا لامر حقهنده
من لم يخلل أصابعه بالماء خللها الله بالنار يوم القيامة ، بيورلمشدر .

ال اصابعنك كيفيت تخليل پارمقلارى برى برينه ادخال ايتمك ،
وآياق اصابعنك كيفيت تخليل ال پارمقلارنى برى اياق پارمقلارينك
آره لرينه [۲] ادخال ايلك ، در .

[۱] چونكه امر تكرار اقتضا ايتمز . كما صرفى ص ۶۹ .

[۲] محشينك بياننه كوره صول الك سرچه پارمقنى صاغ اياغك سرچه
پارمقنك آلتندن ادخال ايتمك وجهله باشلايوب صول آياغك سرچه پارمغنده
ختم ايلك صورتيله تخليل اجرا اولنور .

پارمقارینی آقار صویه ادخال ایتمک دخی خلا للاق مقامنه قائم
اولور. آقیمان صو کثیر دخی اولسه آ کا ادخال اولنان اصابع تحریک
اونمقدجه تحلیل ایدلمش اولماز .

(۱۲) یوزی اوچ کره ییقادقدن صکره صیق اولان صقالی آلتندن
بر آوچ صو ایله تحلیل ایتمک .

صقالک کیفیت تحلیل . آره سنه التندن پارمقارینی صوقوب قیللرینی
اشاغیدن یوقاری به تهریق ایتمکدر .

بونک مسنونیتی حضرت انساک بوبابده روایت فعل رسول ایتمسینه
وقول رسولده دخی « بهذا أمرنی ربی عزوجل » یورلمش ایلمسینه
مبنی امام ابو یوسف قولیدر .

مواظبت سنیه واقع اولمدیغنه [۱] و برده سنت ، محل
فرضده اکیال فرض ایچون اولوب داخل الحیه ایسه اقامت
فرض محلی اولمدیغنه مبنی امام ابوحنیفه و امام محمد حضرتلری بونی
تحلیل اصابع کبی سنت دکل ، افضل کورمشلردر . لکن مبسوطده
قول ابی یوسف ترجیح اولمشلدر [۲] .

(۱۳) باشک هر طرفی مسح ایتمک .

[۱] لکن قوله علیه الصلاة والسلام « بهذا أمرنی ربی » مبنی
عن نقل صریح المواظبة . لان أمره تعالی حامل علیها . ولم یکن واجبا لعدم
تعلیه الاعرابی . ط عن الفتح .

[۲] امام محمدن اصح روایتین دخی اودر . ط . در مختارده بو
مسئله محرمک غیر حقیقه مسنون ، و محرم حقیقه مکروه ، اولق اوزره
کوسترلشددر .

ربیع رأسک بر کره مسحی فرض و تمام رأسی بر کره مسح
سنتدر . مسحک وضعی تخفیف ایجون اولدیغندن آنده تکرار
مسنون دکلدر [۱] . مسح جمیره و ایمن و مسح علی الخفین دخی
بو یله در .

(۱۴) باشک بروجه استیعاب مسحنه اوک طرفندن باشلامق .
مسح مذکورک کیفیتی : ایسکی اللرینی پاره قیلرله برابر باشک اوک
طرفنه وضع ایلرله ارقه منه طوغری صیوایه رق کوتورمک و بعده
قولالرینی دخی مسح ایتمکدر [۲] .

اقامت سنت ضرورتنه مبنی بونده ماء مستعمل اولماز .
(۱۵) قولالری — باشه مسح ایدیلان صوایله دخی اولسه —
مسح ایتمک .

زیرا صلی الله تعالی علیه وسلم افندمز حضرتلری صوی برآ اشد
رأس شریفلرینی و قولالرینی آنسکله مسح ایلشلردر .
الک یاشلغی باقی ایسکن قولاق مسح ایتمک ایجون یکیدن صوآلور
ایسه کوزل اولور [۳] .

آداب وضوءده مذکور اولدیغی اوزره قولالرك ظاهری

[۱] زاد فی البحر : ولأدبا . قال وهذا أولى مما في المحيط والبدائع : أنه
بكره . ومما في الخلاصة : أنه بدعة . اذ لا دليل على الكراهة اه
[۲] کیفیت مسح مستوعبده دیکر روایتلر دخی وار ایسهده طریق
سهل بودر . ط .

[۳] صاریفی قالدرمق جهتله الک یاشلغی قالماش بولنور ایسه اقامه سنت
تجدید آبه متوقف اولور . ط .

باش پارمقلر ایله وداخلی شهادت پارمقلریله مسح اولنوب سرچه پارمقلر جوفنه ادخال ایله تحریک اولنور .

(۱۶) بیونی — مسح رأسدن وقولافلردن صکره — ایکی النک ارقه سیاه مسح ایتمک

حلقومی مسح ایتمک سنت دکل ، بلکه بدعتدر .

(مسح رقبه ظهیرد ایله اولمق در مختارده وماء جدیده محتاج اولماق رد مختار ده مصر حدر) .

(۱۷) آبدست اعضاسنی اوزرینه صواساله ایتدکچه اوغلامق .
علیه الصلاة والسلام اقدمز حضر تلری أعضاء شریفه مغسوله لری
اوزرینه ال اسرار ایتمشلردر .

(۱۸) أعضاء وضوی ییقامقده ولاء ایتمک .
واو کسریله (ولاء) موالات معناسنه درکه ایکی شی بینتی
یافلاشدرمقدر . آبدسته ولاء : أعمال وضوی علی التوالی
وبلافاصله یاپهرق بری برینه اولاشدرمق یعنی جسد وزمان
ومکانجه اعتدال ایله برابر بری قوریمدین دیکرینی ییقامق اوزره
غسلده تتابع ایله کدر . فرائض وسننده (ولاء) جاریدر .
مواظبت سنیه بووجهله واقعدر .

اگر بدن صوینی چکیویرمک وهوا شدید اولمق یاخود
مکان حار ویابس بولمق سببیه صوینی سریعاً قورتیق کبی
اعتدال سزاسکه بینی أعضاء وضو علی التوالی ییقامقده برابر

قور یمقده ایسه سنت ولاء ترک ایدلمش اولماز [۱] .

علی قول سکزنجی واوننجی واون دردنجی واون آلتنجی
مستحیدر [۲] .

— آداب وضوء —

(آداب) ادبک جمعدر . (ادب) : شیئی موضعنه وضع
ایتمک . ، ایله تعریف اولنشدر . علی قول ادب خصلت حمیده دن وعلی
قول ورع و تقوادن عبارتدر . فعلی ترکندن خیرلی اولان شی یاخود
مکلف انکله بمدوح اولوب ترکیله مذموم اولمیان ویاخود ترکنه ذم
تعلق ایتمیه رک ایشلملسی شرعا مطلوب بوانان شی دخی دینلشدر که
هپ بری برینه منقارب سوزلردر .

شرح هدایه ده ادب : د نبی علیه السلامک بر یاخود ایسکی
کره ایشله دکلری و مواظبت و دوام بیورمدقلری شیدر . ، دیو
تعریف اولنشدر [۳] .

[۱] صوبی اثناء وضوء ده توکنمه که طلبنه کیتمک دخی عذردر .
کما فی الدر .

[۲] کویا که مواظبت سنیه واقع اولدیخی ایچون آنلره سنت مؤکده
دکل دینلک ایستلشدر . حالبوکه مواظبت سنیه ثابت اولغله یوسوز مسلم
دکدر . ص .

[۳] فرض اوزرینه زائد اولق حسبیله (نفل) و نزدشارعه
سوکلی اولق حسبیله (مستحب) و شارع بیان ثواب ایله آکا دعوت
ایتدیکی ایچون (مندوب) و فاعلی متبرع بولندیخی ایچون (تطوع) دخی
تسمیه اولنور . ط .

ادبه (فضیلت) دخی دینلدیکی درمختارده مذکوردر .

ادبک حکمی : فعلنه ثواب ترتب ایتمک وترکنه لوم ترتب
ایتماکدر [١] .

اما (سنت) : نبی علیه السلامک بلاعذر برویا ایسکی کره ترک
ایله برابر مواظبت بیور دقتریدر .

آنک حکمی : فعلنه ثواب وترکنه عقاب دکل ، عتاب مترتب
اولمقدر [٢] .

اون درت شی [٣] آداب وضوء دندر :

- (١) آبدست آلور ایکن ییقانئیدن صافنمق ایچون [٤]
یوکسهجک بر یرده بولنمق .
- (٢) قبلهیه قارشو اولمق .

چونسکه آبدست ادعیهی مشتملدر . قبول دعایه اک زیاده امید
ایسه استقبال قبله حالندهدر . وحديث نبی ناطق اولدیغی اوزره اکرم
بحالس قبلهیه قارشو اولان اوطورشددر .

صو قابی کوچک ایسه آنی صولنه ، و بیوک اولوبده صوی

[١] قد يقال ان من جلته عدم التسکلم والاستعانة فی الوضوء كما ترى
ومما أعتی التسکلم والاستعانة من مکروهاته علی ما يأتي . والکراهة فیها اللوم .

[٢] لکن ترکی اعتیاه ایدرسه ترک واجب کنهاندن دون برکوچک کنه
اتمش اولور ط . فصل سنن اولنده دخی کچمشددر .

[٣] قال : وزید علیها . وقال ط : أوصلها فی الخزان الی نیف وستین

[٤] لوقوع الخلاف فی نجاسة الماء المستعمل وان کان الاصح طهارته . قاله
ط فی حاشیه الدر . وتقدمت کراهة شربه والعجن به تنزیهاً فی ص ٢٥ .

ایچندن آوج ایله آلمق صورتیله استعمال ایدجک ایسه صاغنه ،
آلور [۱] .

(۳) کیمسه دن استعانه ایتماک [۲] .
تا که عبادتی [۳] بلاعذر بشقه سنک یاردی اولمیه رق بنفسه اقامه
ایلبش اوله .

- (۴) بلا ضرورة کلام ایتماک
چونکه کلام ناس آنی آبدست دعالرندن مشغول ایدر .
(۵) فعل قلب اولان نیتیه فعل لسانی دخی ضم ایلمک [۴] .
(۶) سلف صالحیندن منقول اولان دعالری اوقوه ق [۵] .

[۱] ولا ینافی هذا ماتقدم فی أول سنن الوضوء من أن الاناء اذا كان
کبیراً لا یسکنه امالته یدخل یسراه ویصب علی یمناه فانه لا یستلزم أن یکون
الاناء علی یساره . کما لا ینحی .

[۲] أما استعانه صلی الله تعالی علیه وسلم بالمغیرة فلتعلیم الجواز . در مختار .
وذلك منه صلی الله تعالی علیه وسلم أفضل من المستحب . وقد یکون واجبا . ط .
ویأتی فی مکروهات الوضوء أنه لا بأس بها .
[۳] قد یسمى وسیلة المیء باسمه .

[۴] حصکفی دیرکه بو ، یعنی نیت قلب ایله فعل لسانی جمعک آداب وضوء دن
اولمسی ، تلفظ نیتی مسنون کورمک ایله — سلفدن عدم منقولیتیه مبنی — مکروه
قیلحق بیننده متوسط بر مرتبه در اه .

[۵] آبدستده ادعیه مأثوره دینیلان دعالری علیه الصلاة والسلام افندمزه
نسبتدن زیاده سلف صالحینه نسبت اولادر . چونکه صلی الله تعالی علیه وسلم
افندمز حضرتلرندن آبدستده — بعد الفراغ — شهادتیندن بشقه برمی
اوقودقلری ثابت اولمامشدر . ط . وقال صاحب البحر الادعية المذكورة فی کتب
الفقه للوضوء لأصل لها اه .

(٧) هر عضوك غسل ويا مسحی دعا سنده استصحاب نیت ايله برابر [١] بسم الله ديمك .

مثلاً مضمضه ايدر ايكن مع النية [٢] ، بسم الله اللهم اغنى على تلاوة القرآن وذكرك وشكرك وحسن عبادتك . وعند الاستنشاق : اللهم ارحني رائحة الجنة ولا ترحني رائحة النار . ويوز ييقار ايكن بسم الله اللهم بيض وجهي يوم تبيض وجوه وتسود وجوه . وصاغ قولني ييقار ايكن : بسم الله اللهم أعطني كتابي يميني وحاسبني حساباً يسيراً . وصول قولني ييقار ايكن : بسم الله اللهم لا تعطني كتابي بشمالى ولا من وراء ظهري . وباشنه مسح ايدر ايكن : بسم الله اللهم أظني تحت ظل عرشك يوم لا ظل الا ظلك . وقولافريني مسح ايدر كن : بسم الله اللهم اجعلني من الذين يستمعون القول فيتبعون أحسنه . ويونني مسح ايدر كن : بسم الله اللهم أغني رقبتي من النار . وصاغ اياغني ييقار ايكن : بسم الله اللهم ثبت قدمي على الصراط يوم تزل فيه الاقدام . وصول اياغني ييقار ايكن : بسم الله اللهم اجعل ذنبي مغفوراً وسعي مشكوراً وتجارتني لن تبور . ديوي دعا ايتيمك وهر دعا دن صكره صلوات كتورمك .

(٨) قولاغك مسحنده سرچمه پارمقارينك اوجني مسحنده

[١] استصحاب تعبيرنده عنوينك واحد اولديغنه اشارت واردركه اوده امثال امر كي برشيدر . ط .

[٢] نيتك فعل قلب اولديغندن غافل اوله .

مبالغه اولمق اوزره صباخه (قولاغك جوفته) ادخال ایتمك .

(۹) طار اولمیان خاتمی غسل یدده مبالغه اولمق اوزره اویناتمق [ه].

(۱۰) مضمضه یی واستنشاقی صاغ ال ایله یایمق .

(۱۱) استنشاری (سومکرمك) صول ال ایله یایمق .

(۱۲) معذور (صاحب عذر) اولمیان کوره طاعته مبادرت اولمق

اوزره وقت کیرمدین آبدست آلمق .

چونکه معذورك آبدستی بزجه خروج وقت ایله وامام زفرجه دخول وقت ایله وامام ابویوسفجه هم خروج وهم دخول وقت ایله منتقض اولور . ایدمى معذورك دخول وقتدن اول آبدست آلمسى وقت مهمملده واقع اولدیغنه کوره آبدستی بزجه جائز ايسه ده امام ابویوسف وزفرجه جائز اولدیغندن وقت صلاتك دخولنده اعاده وضوء ایتمسی اختلافدن قورتلوق ایچون اکا مندوب اولور . وقت مهمملده واقع اولدیغنه کوره برنماز وقتك آخرنده ایکنجهی وقتك نمازیچون آبدست آلمق معذور حقه اجماعا جائز اولدیغندن اعاده وضوء بو حالده اکا واجب اولور . بناء علیه قبل الوقت معذورك آبدست آلمسند برفائده اوله ماز . ط .

(۱۳) آبدست ختامنده قبله یه قارشو قائماً شهادتینی او قومق .

شر حدیث شریفه بناءً كه : « ما منکم من احد یتوضأ فیسبغ الوضوء ثم یقول أشهد ان لا اله الا الله وحده لا شریک له وان محمداً رسول الله الا فتحت له ابواب الجنة الثمانية یدخلها من أى باب شاء » بیورلمشدر .

[*] طار اولان خاتمك حکمی (تمام احکام وضوء) فصلنده ذکر اولندی .

یتمش اوچنجهی صحیفه یه باقکمز .

(۱۴) صائم اولمیانہ کورہ قالان صودن ایجوب [۱] : د اللہم
اجعلنی من التوابین واجعلنی من المتطهرین ، دیمک .

کونشده ایصیدلمش صو ایله آبدست آلماق [۲] و بشقه سنه
قولاندرماق اوزره نفسیچون آبدست ابریق تخصیص ایتمک
[۳] و طوپراق ابریق استعمال ایتمک وانی اولاصول طرفنده
بولندیروب حین استعمالده آغزندن دکل ، قولپندن طوتوق
وصوی چارپارق دکل ، رفق ایله قوللانق وال سیلکامک
ویوز ییقار ایکن کوز پیکارلرینی یوقلامق و قول ییقمامده
دیرسکلی وایاق ییقمامده طوپقلری آشرمق و آبدست
آلدقندن صکره چوق سیلنامک [۴] و ابریقی بوش براقیوب

[۱] هندیهده « فضله » وضوءندن قبله یه فارشو قائم اوله رق بر قطره ایچر
دیشدر . کما فی ط علی الدر .

[۲] پیغمبر صلی الله تعالی علیه وسلم افندمز حضرتلری حضرت عائشه یی -
رضی الله تعالی عنها - کونشده صو ایصیتمقدن نهی ایتمشدر . ص .

[۳] زیر اشریتمز حنیفه ، سهله و سمجه در . عدم استثنای دخی جمله
سهولتندر . ص مع ط .

[۴] محمی دیرکه بو ، اثر وضوء اعضاءه قالماق اوزره سیلنمکده
مبالغه ایتمک دیمک اوله رق عدم حاجت ایله مقیددر . قوریلانغه حاجت
اولورسه آنک بلاکراهه جوازنده بلکه حاجتک اقتضاسنه کوره استحباب
ویا وجوبنده اختلاف اولنماقی ظاهر در . صحیح اولان بودرکه صلی الله
تعالی علیه وسلم افندمز حضرتلری دخی آبدست آلدقارنده مندیله سیلنورلر
ایدی اه .

دیگر آبدسته حاضر اولمق اوزره طولی بولندرمق وختام وضوءده شهادتیندن صکره سوره قدری اوچ کره اوقومق [۱] ووقت کراحت دکل ایسه ایکی رکعت نماز قیلمق دخی آداب وضوء جمله سندنر .

— مکروهات وضوء —

آبدستک سنن و آدابنه مخالف دوشن شیلر علی الاطلاق یعنی تحریمی و تنزیهیدن اعم اولمق اوزره مکروهاتندن اولوب بوراده انلرک باشلیجه لری تعداد اولنمشدر .

(۱) صوی اسراف ایتمک یعنی حاجت شرعیه نك فوقنده صرف ایلک [۲] .

(۲) صوی تقصیر ایتمک [۳] یعنی غسل اولنه جق اعضایی مسح ایدرجه سنه آز قوللانمق .

[۱] بر ویا ایکی کره اوقونه بیلور . نوابی ده آکا کوره متفاوت اولور .

[۲] مکروهات غسل ذیلنده مذکور اولدیفی اوزره کرک آبدستده و کرک غلله صرف اولنه جق صو ایچون شرعاً تعین اولنش بر مقدار یوق ایسه ده هرکسک کندی عضونه وجسدینه کوره لزوم ظاهر یسندن زیاده صوصرف ایتمک و بر عضوی اوچ دفعه دن زیاده بیقماق مکروهدر .

[۳] صرفیانک افرامی (اسراف) یاخود (تبذیر) اولدیفی کی تفریطی دخی (تقصیر) درکه جریلسکدر . (اسراف) مقادیر حقوق و (تبذیر) مواضع حقوق تجاوز معناسنه آلنه رق بینلری تفریق دخی

(۳) صوتی اعضایه چار په رق استعمال ایتمک .

(۴) بلا حاجه سوز ایتمک .

(۵) بلا ضرورة بشقه سندن یاردم ایسته مک .

عمر الفاروق رضی الله تعالی عنه حضرتلرینک قول شریفنه
بناءً که . رسول الله صلی الله تعالی علیه وسلم حضرتلرینی
آبدست ایچون صو چکرلر ایکن کورب صوتی بن چکمک اوزره
سکرتد یسکده : مه یا عمر ! بن نمازمه کیمسه نک اعانه ایتدیکنی
ایسته مم . بیوردیلر ، دیمشدر .

کراحت بلا ضروره اولمق قیدیه مقیددر . چونسکه ضرورتلر
— حرام اولمیان شیلر شویله طورسون — حرام اولان شیلری بیله
مباح قیلار . حضرت نبی علیه الصلاة والسلامه خادمک آبدست صوتی
دو کدیکی دخی ثابتدر [۵] .

اولنه بیلور . (سرف) ک ضدی اولان (قتر) (وقتور) تفعیلدن استعمال
اولندیغی کبی افعالدن وثلاثینک باب اول وثانیسندن دخی وارد اولشدر . سورمه
فرقان اواخرنده کی استعیذ بالله تعالی [والذین اذا أنفقوا لم یسرفوا ولم یقتروا]
قول کریمده تلاوت باب اولدندر . تفاسیرده دیکرلری دخی کویسترلشدر .

[*] دیمک که استعانه ایتسکده بلا ضروره دخی بأس یوقدر . محشی
م. حوم (آداب وضوء) فصلنده استعانهک حضرت عثمانده وکبار تابعیندن
برطاقم خوانده دخی وقوعی وکراهنه دلالت ایدن سوزلرک ضعفی بخاری
شارحی عینیندن نقلاً ذکر ایتمش اولدیغی کبی بوراده دخی حدیث حضرت
عمرک ضعفی سویله مشدر .

وتقدم فی هامش الصفحة ۹۱ ماله تعلق بهذا .

— اوصاف وضوء —

صفت شرعیه اعتباریله آبدسته اقسام ثلاثه واردر: فرض ، واجب ، مندوب [۱] .

آبدستی اولمیانہ نماز قیلوق ایچون آبدست آلمق فرضدر . قیلاجفی ولوکه نافله ویاصلات جنازه اولسون (چونسکه صلات جنازه دخی هر تقدیر صلات کامله دکل ایسه ده نمازدر . آبدستسز نماز ایسه مقبول اولماق منطوق نص نمیدر) [۲] ، یاخود سجده تلاوت بولسون . (چونسکه نماز ایچون شرط اولان شیلر انک ایچون دخی شرط قیلنمشدر)

مس قرآن ایچون آبدست آلمق دخی فرضدر . (لایمسه الا المطهرون) بیورلمشدر . ولوکه قرآن پاره ویا دیوار اوزرنده مکتوب بر آیتدن عبارت بولسون وحتی ترجمه سی دخی اولسون [۳] . مصحف حقننده بیاض وکتابت حکماً مساوی

[۱] محشی دیرکه عدد حصری افاده ایتمدیکی جهتله اقسام معدوده مذکوره آبدسته مکروه وحرام قسملری دخی بولنغه منافی دکلدر . مثلاً مجلس تبهل ایتمدن ، ویاخود آلان آبدست ایله آبدستسز صحیح اولمان برطاعت ادا اولندن ، آبدست اوزرنده آبدست آلمق مکروهدر . بونی وقف ومدرسه سولرندن یاایق حرامدر اه

[۲] « ان الله تعالى لا يقبل صلاة من غیر طهور » بیورلمشدر .

[۳] مؤلفک ترجمه یی فارسیه ایله تفسیدی اتفاقدیر . ترجمه دت لغت عربیه نک غیری مقصود اولدیغی کتاب صلاتنه وباب سجود سهوده نصریخ اولنغدهدر .

اولمقله مصحف شریفک موضع مکتوبنه آبدستسز ال سورلمدیکی کبی یازیدن خالی اولان کنارینه دخی آبدستسز طوقلماز [۱] .

کعبه مکرمه بی طواف ایتمک ایچون آبدست (یوق ایسه) آلمق واجبدر .

حدیث شریفده : « طواف نماز کبیدر شوقدرکه سز آنده کلام ایدرسکز طوافده کلام ایدن کیمسه خیرک غیری اولان سوزی سویله مسون ، بیورلمشدر . مفهوم حدیث حکمنجه طواف حقیقه نماز اولدیغندن آنده حدندن طهارت واجب اولوب صحت طواف اولطهارنه متوقف اولمامشدر [۲] . حدنک طوافی (اداء قاصر اوله رق) صحیح و لکن ترک طهارته دم مترتبدر [۳] .

[۱] کتب تفسیره دخی آبدستسز ال سورلار شوقدرکه تفسیر کتابنک قرآندن خالی اولان مواضعی مصحف کبی اولیوب حدنک آکا جواز مسی و مصحفک هر طرفی آندن معدود اولمقله آنک عدم جواز مسی حاشیهده مذکوردر . قسم ثالثده دخی ذکر اولنور .

بورایه متعلق مسائلک برطاقی اصلده باب الحیضه درج اولنمش و کتابزده بعونه تعالی هپسی بریرم کتورلمشدر .

[۲] یعنی أنه لمسا أشبه الصلاة من وجه دون وجه قلنا بوجوب الطهارة وعدم توقف صحته علیها ا ه ط .

[۳] (دم) قربان دیسکدر . طوافک فرض و واجب و نافله اولانی واردر . فرض اولان طوافی که (طواف زیاره) و (طواف افاضه) تعبیر اولنور آبدستسز اجرا ایدنه برشات یعنی قیون ویا کچی قربان ایتمک ، و حدنک اکبر حالنده اجرا ایدنه بربدنه یعنی دوه ویا صیغر قربان ایتمک . لازم کلور . مکرکه ایام نحرده علی الطهارة اعاده طواف ایتمش اوله . او حالده برشی لازم کلیوب اگر اعاده بی ایام نحر دن مکره ایدرسه تأخیرندن طولانی بنه دم لازم اولور .

سائر بر چوق احوالده آبدست آلتی مندوبدر : از غیر
تفسیر (۱) کتب شرعیہ نک (۲) مسیحون ، طہارت اوزره اویومق

واجب اولان طوافی کہ (طواف وداع) و (طواف صدر) تعبیر
اولنور آبدستسز اجرا ایدنه نصف صاع صدقه وبرمک ، وحدث اکبر حالندہ
اجرا ایدنه برشات قربان ایتمک ، لازم کلور .

ناقلہ اولان طوافی — کہ ذکر اولنان فرض و واجب طوافلردن
ماعداسیدر — حدث حالندہ اجرا ایدنه طواف واجب حکمی لازم کلور .
تکبیر — ان شاء الله تعالی — کتاب الحججہ ذکر اولنور . مؤلفک بوبابده کی
افادہ سی قاصر در .

[۱] کتب تفسیرده نفسیر اکثر اولسه بیله محدثک آکامس ایتمنه
رخصت یوقدر . بناءً علیه آنک ایچون آبدست آلتی قسم اول وبا
ثانیدن اولور . أفاده ط . مؤلف بوبابک غیریده دیشدوکه کتب
شریعت اهلنہ آنلری یک ایله وال ایله اخذہ لاجل الضرورة رخصت
ویرلور (اهل قیدی اهلنک غیریه ممنوعیتی مشر در ط .) کتب
تفسیر مسقننادوکه آکا ال سورمک ایچون محدثہ آبدست آلتی واجب
اولور . مستحب اولان : کتب شریعتی آبدستسز الہ آلامقدر (زیرا
آیاندن خالی دکادر . آنلریک ایله اخذ اولنه ییلور . ط .) اوقومق ایچون
اوراق مصحفی قلم کبی برشی ایله چویرمک جائزدر . ایچنده فقه یاخود
اسم الله ویاخود اسم نبی یازماس اولان کاغذہ برشی صارقی جائز
اوله ماز . اسم الہی توکرک ایله محو ایتمکدن نہی اولمشدر . تعظیماً اسم
نبی دخی اوله در (هر بیغمبرک اسمنه شاملدر . یا لامه نک حکمی ده بوبله میدر ؟
باق . مصحف اسکییوبنده اوقتماز حاله کلهرک پراقاری طاغیلوب دوشمک قورقوسی
اولدقدہ طاهری بریزه صاربله رق چیکننمز بربره دفن اولنور . ط .) یازی
یازدیق قلم قیرتیمی حرمقسز یره آتماز (جدید قلم قیرنتیمی بوبله دکادر ط .) اه
محشینک افادہ سنه کوره الدہ طوتمامق اوزره قرآن بازمقدہ آبدستسزہ بأس
یوقدر . مصحفک غیریده محدثہ ممنوع اولان : مس عین قرآن اولدیتنه نظراً
تفسیری کتب شریعت حکمندن استثنایه ده حاجت یوقدر .

[۲] فقه وحدیث وعقائد کی که بونلر ایچون تعظیماً تطہر ایدر .

ایچون ، اویقودن قائلدیغی وقت ، دائماً آبدستلی بولنق ایچون .
— تبدل مجلس ویا اداء عبادت مقصوده وقوعدن صکره اولق
شرطیله — [۱] آبدستلی ایسکن نور علی نور اولق اوزره ، و (از
قضا) غیبتدن و کذبدن و نیمه دن و شتم و تملق کبی هر خطیئهدن
و انشاد شعر قبیحدن [۲] صکره ، و خارج صلاتده ایدیلان قهرمه در [۳]
صکره ، و جنازه یه کیتمک ایچون ، و هر نماز و قتیچون ، و غسلدن
اول ، و اطفاء نار غضب و (از بره) قرات قرآن [۴] ایچون ،
و قرات حدیث و روایت حدیث [۵] و دراست [۶] علم شرعی ایچون ،

حلوانی : بز بو علمه تعظیم الیه نائل اولدق چونکه بن آبدستسز اولدق الیه
کاغد آلمدم دیمشدر . سرخسی یه دخی برکیجه اسپال عارض اولغله مشار الیه
او کیجه اون یدی دفعه آبدست آلمشدر ا ه ط . مشار الیهما بین الفقهاء (شمس
الائمه) لقبیله کالشمس فی وسط السماء اولوب شمس الائمة ابو محمد عبد العزیز
الحلوانی شمس الائمة ابوبکر محمد السرخسینکده استاذیدر . سرخسی ایسه
مبسوط و محیط و اصول کبی امیات کتب فقهک مؤلفی و سیر کبیر امام محمدک
شارحیدر . مشار الیهک شرح سیر کبیری قاموس مترجمی عاصم عینتایینک استاذی
اولان محمد منیب العیفتایینک ترجمه سیله مطبوعدر و لازم المطالعه بر کتاب جلیلددر .

(۱) والا مندوب دکل ، اسراف و مکروه اولور .

(۲) شعرك قبیجی هجوم مؤمنی و فسق و فاحشه فی متضمن اولانیدر .

(۳) داخل صلاتده اولان فقهیه نواقض وضوءدن اولغله بودخی
صوره حدث صاییلور . أفاده المؤلف .

(۴) چونکه مس مصحف ایچون آبدست فرضیدر .

(۵) حدیثک روایتی اسناد و متنک مجرد ذکرندن عبارت اولوب
قراعتی ایسه انک لغتنه و اعرابنه و فقهنه و غریب و مشککنه دائر سوز
سویله مکدر . کما فی ط .

(۶) اوقومنه و اوقومنه شاملدر .

واذان او قومق واقامت آلمق و — نکاح ایچون بيله اولسه — خطبه ایتک ایچون ، و زیارت نبی — علیه الصلاه والسلام — ودخول مسجد نبوی وعرفهده وقوف و بین الصفا والمروة سعی ایلک ایچون ، وقادینه طوقنق [۱] مثلی بجهتد فیه مسائلده اختلاف فقہادن قورتلق ایچون آبدست آلمق کبی .

— نواقض وضوء —

(نواقض) نقضدن اسم فاعل مؤنثک جمعیدر . (نقض) بوزمق معناسنه درکه اجسامه اضافه اولندقدہ ترکیبئی ابطال ایتک دیمک اولوب وضوء کبی معافی قبیلندن برشیئه اضافتمده اتی کندیسيله مطلوب اولانی اقامتدن اخراج معناسی اراده اولنور . (آبدستدن مطلوب نماز امثالک استباحه سی اولمقله منقوض اولان وضوء اکا صالح اولمیه حق دیمکدر) .

اون ایسکی شی نقض وضوء ایدر :

(۱) سبیلیندن یعنی ایسکی مخرج اسفلدن چیقان شی [۲] .

[۱] ارکک قسمی کندی محرمی اولیان مشتهاته طوقنق مذهب شافعیده نافض وضوء در . محرمی اولان وبامشتهات اولیان قادینه طوقنق اتفاقا ناقض دکلدر . کافی ط .
وسنعیده اتم من هذا فیما لا ینقض الوضوء .

[۲] بوندن اختلاج نوعندن اولان ریخ قبلی وآندنده احتیاطاریخ قبل مفضائی استثنای ایتشاردر . (خروج) رأس مخرجهده یا شلفک ظهوریله تحقق ایدر . اقلک قلعہ سنه دخی چیقسه نقض وضوء ایدر علی الصحیح . ص . اقلک : بختون اولیایدر .
اخطار . سبیلیندن چیقان شی دیرینک طهارتنی ناقضدر . میتدن بعد الغسل ظهور ایدن شی تیزلنور وغسل اعاده اولماز . کما یأتی فی الجناز .

کړک آز وچوق چيقمسي معتاد اولانلردن اولسون ، کړک اولسون : صولجان ، طاش ، مزی وسائر آفتی کي .

(۲) وضع حمل .

ولو که (فرض محال اوله رق) دم ظهور ایتماش اولسون [۱] .

(۳) سبیلینک غیریذن آقان دم وایرین مثلی نجس شیلر : بریر قانامق ، وخسته لکه مینی بورندن ویا قولاقدن ویمه دن ویا کوبکدن سیلان اولمق ، کي .

سبیلین حقننه (سیلان) رأس مخرجه ظاهر اولمقدن عبارت اولوب سبیلینک غیریذه (سیلان) چیقديغی یردن تطهیری مطلوب بولنان [۲] موضعه وارمقدر که یاییلق تعبیر اولنور .

در مختارده تصریح اولندیغی اوزره صیقوب چیقاریلان ایله بنفسه چیقان ناقض وضوء اولمقده مساویدر ا ه

قان هر وقت نجسدر [۳] سبیلیندن چیقان ویا چیقاریلان

[۱] بلا دم وضع حمل ایتمش فرض اولنان قادین قول امام ابی یوسفده و امام محمدک صوکه قولنده نفساء دکدر . صحیح اولانده بودر . چونکه نفاس دمه متعلقدر * دم ایسه فرضمزده موجود اولامشدر . رطوبته (یعنی دم کلسه ده سیلان ظهورینه) مینی آبدست منتقض اولور . امام ابوحنیفه حضرتلری اکا احتیاطاً غسل لازم اولور دیمشدر . کذا فی الاصل .

(۲) قال ولوندياً فلا ينقض دم سال في داخل العين الى جانب آخر منها بخلاف ما صلب من الانف ا ه أي اذا نزل الدم الى قصبية الانف نقض . لان المبالغة بايصال الماء اليها في الاستنشاق لغیر الصائم مسنونة . واذنزل الدم الى صماخ الاذن يكون حدثاً لكونه يندب مسجه في الوضوء ويجب غسله في الغسل . ألفاده طه .

(۳) ۱۱ دم الشهيد مادام عليه .

هر نه اولور ایسه اولسون ناقض وضوء اولدیغی کبی سبیلینک
غیریدن چیقان و یا چیقاریلان قان دخی تعریف اولنان سیلان شرطیله
ناقض وضوء در . قانک غیری اولان آفتی دخی بر درد. و علتدن
نشأت ایتمک شرطیله ناقض وضوء در .

مثلاً قاناق و قاناتق و یاره و چیمان آفتق یاخود صیقوب و یا
دشوب آنی آفتق و قان آدرمق و حجامت اولمق و سـ و لک
طوتمق [۱] ناقض وضوء اولدیغی کبی کوزی — آغریه رق یاخود
ضعف رؤیتی و یاخود پیکارلرده قیبارقی اوله رق — صولانان
کیسه نك کوز یاشری دخی ناقض وضوء در . مستمر اولور ایسه
او کیسه صاحب عذر اولمش اولور [۲] .

بر علتدن ناشی اولمیان ، و : مثلاً آغلامق و یاچوق کولک صورتیله
کلان ، کوز یاشری صفوغه و زکامه مبنی بوردن اولان آفتی کبی طاهر
اولوب متغیر اولدیغیچون ناقض وضوء دکلدر .

قولاق و کوبک و عه مثلی منفذلدن آغری و آجی ایله کلان آفتی
بر علتیه مبنی اولمغله ناقض وضوء در .

مایسمل رطوبتی و یارمق اره سی ییشفتیبی و قیارجق صوی
آفتیدن بیله معدود دکلدر [۳] .

[۱] اذا غلب علی ظنه أن الدم المصوص — کون مسفوحاً . وذلك
بکبر الجسم والا لا ینقض کمس بعوض أى بقه لعدم الدم المسفوح . کافی ط
علی الدر .

[۲] صرح به فی الدر .

[۳] بونده اوز اولانلر و چیچک چیقارنلر ایچون توسعه واردر . ط *

ياقیدن ترکی ظهور ایدن صو کندی حالنده آقماز اولدقجه صافی اولسه بيله نقص وضوء ایتمز [١] .

پهلوان یاخود نخود یا قیسنک قابارتیسندن چیقان صو حکم تطهیر کندیسنه لاحق اولان محله تجاوز ایتسه یعنی آقوب یا بیلسه دخی صافی اولدقجه نقص وضوء ایتمز .

صافی اولیوبده دم یاخود ایرین کبی شیلر قاریشق اولق تقدیرنده سیلان بوانور — یعنی صارغی بی تجاوز ایلر — ایسه ناقض وضوء اولور . والا ، اولماز : یاپراق یاقی موضعنده صارغی ايله باغلی اولدقجه دم ویا ایرین ايله طولو ایلسه دخی صارغینک اطرافندن آقماق یاخود آقان قان ویا ایرین صارغیدن کچوب ظاهره چیقماقجه نقص وضوء ایتمز [٢] .

صارغی بی چوزب یا پراغی چیقاردقن صکره باغ اولماش اولسه ظن غالبجه آقماق درجه ده قان یاخود ایرین کورر ایسه آبدستی فی الحال منتقض اولور . (نجاست هموز موضعندن آیرلمش اولدیغی جهته انتقاض وضوء کندن اوله شمولی اولماز . ط .)

(٤) آغز طولیسی قی .

کلان شی کک طعام یاخود صافی صو یاخود پیمختی قان

[١] صرح به فی رد المحتار .

[٢] وأما ظهوره من غیر أن يتجاوزها فذلك من الجرح نفسه وهو غير ناقض اه حاشية ط .

ویا خود صفراء اولسون . قمر معدده دن (ویا جگر خسته لکندن)
کلدیسی ایچون نجس وناقض وضوء در .

« آغاز طو لیلی اولق ، آغاز تسکلفسز یوملماز اولمقدن عبارتدر .
قیمتک ، سببی اولان غشیان که کوکل بولاتیسیدر متعده اولدقجه متفرق
صورته آزار آزار کلانی دخی عند الاجتماع اومقداره بالغ ایسه
او حکمه در [۱] .

(۵) آغزدن توکر که غالب ویا مساوی قان کلک .

غلبه و مساوات لون ایله معلوم اولور : صاری ایسه مغلوبدر .
وعلی قول قرمز یلق مساواتدر چوق قرمزی ایسه غالبدر [۲] .

(۶) تمکن اوزره اولمیه رق — یعنی یا یانه رق ویا خود تورک

[۳] ویا تربع [۴] اوزره اوطوررق — اویومقدر .

تمکن اوزره اویومق : دیزاوستی اوطوررق [۵] یا خود

قاینالربنی [۶] یره کتوررک یرلشوب اویومقدر .

(۱) عند محمد وهو الاصح . وقال ابو یوسف ان اتحاد المسکان . کذا

فی الاصل . فاعتبر الثانی اتحاد المجلس والثالث اتحاد السبب . واتفقا علی أنهما
لو اتحاد السبب والمسکان نقض أو اختلاف لم یقض . ذکره ط .

(۲) توکرک غالب ایسه آبدست بوزلمدی کی آیواوالماملی سرتجه شیلر ایصرمقله

انلرده قان اثری اولق دخی آبدستی بوزماز تسکیم فصل آتیده مذکوردر .

(۳) قاد ینلرک نمازده اوطور شلری کی اوطورمه (تورک) دینور .

بوندن حال صلات مستنادر . کما یأتی .

(۴) (تربع) بغدادش قورمقدر .

(۵) عربیته (الجئی) بضم الجیم وکسرهما مع تشدید الیاء کما فی نظائره .

(۶) وفی هذا التعمیر من التسامح الادبی مالایخفی .

معلوم اولديغى اوزره (نوم) — كه اويقودر — عقل موجود اولديغى حالده اكاوحواس سليمه ظاهره نك عملنه مانع برقتور طبيعى غير اختياريدن عبارت اولمغله انك ذاتى حدث يعنى طوغريدن طوغرى به ناقض وضوء دكلدر [١] .

موجب حدث نائمك خالى اولمديغى حالدر [٢] . (نوم) اكا سبب اولديغندن موضع خفا ده سبب ظاهر مسبب مقامته اقامه ايديلهرك (نوم) نواقض وضوء دن عد اولمشدر .

ذكر اولئان صورتلر ايله بروجه تمسكن حاصل اولان نوم بريره استناد ايله دخى اولسه ناقض وضوء اوله جق حاله سبب اوله ميه جغندن نواقضدن اولماز ايسه ده كرك يان وارقه ويوز اوستى ياتقى ، كرك قاديترك نمازده اوطور شلى كى ويا بغداش قوررق اوطور مق ويا يا صلا نى ، صورتيله اويونان اويغو تمسكندى اولمغله ناقض وضوء اوله جق حاله سبب اوله جغندن نواقضدن اولمشدر .

(نعاس) كه اويقلامق و ايمزغانمقدر (حالت اضطرارده دخى اولسه [٣]) خفيف اولور يعنى ياننده ايديلان لقردينك اكثربنى

(١) حتى اقل بعضهم بعدم نقض وضوء من به انفلات ريغ بالنوم . كما فى الحاشية .

(٢) كما دل عليه حديث : « العينان وكامله فاذانامت العينان انطلق الوكاه » ارجع لبلاغة هذا الحديث الى المثل السائر لابن الاثير .

(٣) استزوده من ط على الدر ولايه من هذه الزيادة حتى لا يحصل الاشكال .

ایشیدجک درجه ده بوانور ایسه نقض وضوء ایتمز . ثقیل اولور ، یعنی یاننده ایدیلان سوزلک اکثرینی ایشتمز راده یه وارر ایسه ناقض وضوء اولور .

(۷) بوجه تمکن اوطوردیغی یرده اویویان دوشمسه ییله اویانمدین قایناغی یردن قالتمت [۱] .

(۸) باییللق .

(۹) چیلدرمق .

(صاحب درک بیاننه کوره بونامق نقض وضوء ایتمز . اصولده مقرر اولدیغی اوزره معتوهک - اهلیت قاصره - اداسی جهتیله - عبادتی بلا لزوم الاداء صحیحدر [۲] .)
(۱۰) سرخوش اولمق .

(سکر) : عقله غالب بر غفلت سرور درکه انسانک عقلی موجبیه عملنه مانع اولور . صاحبنک سوزی قاریشق ویوریشی طولاشق اولور [۳] . اکراه و ضرورت کبی برسبب مبیحه مبنی

(۱) در مختارده دیرکه قاعداً تمایل ایدرک اویویان کیمسه دوشمسه اگر دوشر ابسکن (یعنی یانی یرم کلدین یاخودکلور کلز بلا فاصل ط) اویانور ایسه نقض وضوء یوقدر . به یقی اه

(۲) وهو اذا زال عنه الغته یقضی القلیل دون الکثیر . کما فی طه علی الدر .

(۳) لزوم حدک غیریده بوتعریف متفق علیهدر . لزوم حد خصوصنده امام حضرتلری سکرانک بر ایله کوکی فرق ایتمز حالده اولسینی شرط قیلهشدر . تنسکیم ھکتب اصولده مینهدر .

اولسه ده ناقض وضوء در [۱] .

(۱۱) نازده کولمک .

کولمک صبی و نائم اولسامسی و نازک صلات کامله یعنی رکوعلی ،
موجودلی اولسامسی شرطدر . صمیمتک و نائمک انتهای صلاتده کولملری
آبدستلرینی بوزمیوب یا لکز نازلرینی افساد ایدر . صلات جنازه
و سجده تلاوت ایچنده بالغ و بیدارک دخی کولمسی نقض وضوء
ایتمیوب یا لکز ابطال عمل ایلر .

معلومدر که کولمک بشقه و تبسم ایتمک بشقه در . تبسم
سسز اولدیغی ایچون نمازی بوزماز . کولمک - که مراد
ایشیدیلندر - نمازی بوزدیغی کبی نماز ایچنده اولورسه آبدستی
دخی بوزار و بونده سهو ایله عمد [۲] بردر . نمازده کولمک ایله
غسل ضمننده اولان آبدست دخی بوزیلور [۳] . تیمم دخی
آبدست کیدر .

شو قدر که کولمک حدت حقیق اولمیوب و چونکه خارج
صلاتده کولمکله آبدست بوزلمیوب نماز ایچنده انکله آبدستک
بوزلمسی خلاف قیاس بر زجر شرعی اولدیغندن او آبدست ایله
مس مصحف ایدیلر بیلور وصبی ایله نائم زجره اهل اولمدقلرندن

(۱) صاحب نهر : « أسرار أیچنک دخی مشینده خلل حاصل اولور
ایسه آبدستی بوزلق کرکدر » دیشدر اه ط .

(۲) کن تعمده بقصد الخروج بصره کما یأنی بیانہ بعد هذه الصفحة .

(۳) علی قول غسل ضمننده ثابت اولدیغیچون او آبدست بوزلماز . کمر ایله اولان
متضمن باطل اولمینه فتح ایله اولان متضمن دخی باطل اولماز اه ط .

انلرك نمازده كولملى ايله يالكلز نمازلى بوزيلور . ومورد
نص [۱] صلات كامله [۲] اولديغندن كولك صلات جنازده
وسجده تلاوتده اولور ايسه انلر باطل ومنقوض اولوب آبدسته
خلال كلز .

قعدة اخيره ده خروج بصنمه قصديله سلام موضعنده
كولمك دخى سجودسهو حالنده اولديغى **كبي** حرمت صلاتك
هنوز بقاسى جهتيه نقض وضوء ايدر . آنجق نمازك فرضلى
تمام وختام بولمش اولمغله انك صحتنه طوقماز وسلام واجبك
تركى صلاتك مانع صحتى اولماز .

(۱۲) بلا حائل مباشرت فاحشه .

(مباشرت فاحشه) تركيب وصفى اوله رق مباشرت مفرطه
ديمكدر كه تماس فرجين ايله تفسير اولنمشدر . ابن عابدين انك معانقه
ايله دخى اوله جغنى سويله مشدر . در مختارده مباشرت مذكوره
رطوبتى انتاج ايتمه بيله ناقض وضوء اولور ديمشدر .

محشى ديركه مقتضاي قياس قول امام محمد **دركه** بوابده
نقض وضوء آنجق خروج مذى ايله اولمقدر . وجه استحسان :
مباشرت مذكوره نك غالباً خروج مزيدن خالى اولمديغى وغالبك

(۱) وهو ماروى رسلاً ومسنداً أنه صلى الله تعالى عليه وسلم قال : من
ضحك منك قهقهة فليعد الوضوء والصلاة . ط .

(۲) ولو حكماً كما اذا قهقهه في السهو أو من سبقه الحدث بعد الوضوء
قبل أن يبني أه ط

ایسه متحقق حکمنده بولندیغی در . د بلا حائل اولمق ، هیچ
حائلسز اولمغه و مانع اولمیه حق حائل رقیق بولمغه شاملدر ا ه
کلام المحشی .

— ناقض وضوء اولمیان شیلر —

اون شی نقض وضوء ایتمز .

(۱) سبیلینک غیری بر یردن دم ظهور ایدوب چیقیدیغی
یرده قالمق .

(۲) یاره دن بلا سیلان دم ات دوشمک .
عرق مدنی [۱] دینیلان رشته کبی که انک صاغلسی آبدستی
بوزماز .

(۳) یاره دن و بورندن و قولاقدن قورد دوشمک .

(۴) عضو اسفله ال سورمک [۲] .

سورن کرک کسندی کرک دیسگری اولسین .

(۵) قادینه طوقنمق .

أوصاف وضوء فصلنک آخرینه بافکیز [۳] .

[۱] نسبة الى المدينة الشريفة لكثرتها بها . وهي برة تظهر في سطح
الجلد تنفجر عن عرق يخرج كاللودة شيئاً فشيئاً ا ه ط .

[۲] نونده ندباً ال یقانونور . د من مس ذکره فلیتوضأ ، حدیثنده کی
وضوء دن معنای لغوی مراد در .

[۳] مس مرأة کرک حس دیسکر ایله اولسون ، کرک اولسون بزجه
ناقض وضوء دکلدیر مکرکه مذی ظهور ایده .

امام شافعی حضرتلری : قادین محرم اولمدهجه مس مرأة مطلقاً ناقض

(۶) آغزی طولدر میان قی [۱] .

(۷) چوق دخی اولسه بلغم .

(۸) علی التمسک او طور دیغی یرده اویویان کیمسه قایناغی یردن ایرلق احتماله دکن تمایل ایتمک [۲] .

(۹) تمسک اوزره او طور ب اویویان کیمسه بر شینه یاصلا نطق و حتی یاصلان دیغی شی کیدر لسه دوشمک احتماله اولمق .

(۱۰) نمازده اویومق . ولوکه رکوع حالنده وسنت وجهی اوزره اولان سجود حالنده بولنسون .

(سجود مسنونک صفقی سنن صلاتده مذکوردر) .

آغلامق آبدستی بوزمدیغی کبی خارج صلاتده کولمک دخی آبدستی بوزماز . بعدالفقهیه توضی - اوصاف وضوء فصلانده مذکور اولدیغی اوزره - مذدوبدر .



وضوءدر دیدی . امام مالک وامام احمد حضرتلری : حس دیگر ایله اولورسه ناقض وضوء اولور دیدیلر . کذا فی شرح المنیة الصغیر . قال والادلة مستوفاة فی المرح الکبیر .

[۱] لانه من اعلى المعدة . س .

[۲] کان اصحاب رسول الله صلى الله تعالى علیه وسلم ينتظرون العشاء حتى تحقق رؤسهم ثم يصلون ولا يتوضأون . کذا فی الاصل عن سنن ابی داود . ومعنی (تحقق) تتحرك کما فی ج .

— احکام غسل —

غیبتک فتحیله غسل ییقامق معناسنه باب ثانیدن مصدردر . غیبتک
ضمیله غسل که مانحن فیدر ییقامق دیمک اولان اغتسالدن
اسمدرکه ییقامقه دیمکدر .

(اغتسال) تمام جسدی ییقامقدن عبارت اولوب انک صیجاق
صو ایله اولاننه (استحمام) وصفوق صو ایله اولاننه (ابراد)
تعیر اولنور .

انسان استحمام و ابراد ایده ییلور . مسلم اولان انسانک
بو ایکی صورتک بریله اغتسالی بعضاً فرض و بعضاً سنت و یا
مستحب اولور .

کتب فقیهیه نک طهارت بابنده مقصود بالذات اوله رق فرض اولان
غسلدن وانک موجب اتدن و فرائض و سنن و آدابندن بحث اولنور .
بزده اندن باشلا یه رق سنت و مستحب اولان قسملارینی
دخی ذکر ایدجکز .

فرض اولان غسل

آبدسته اولدیغی کبی غسلک دخی سببی ، شرطی ، حکمی ،
رکنی ، صفقی و برده موجبی واردر .

غسلک سببی آبدسته سبب اولان استباحه درکه حدث اکبر

سببيله جائز و حلال اولمیان شیده تشبیه قصد ایلمکدر [۱] .

بو ، انک همده حکم دنیویسیدر . حکم اخرویسی نیتيله ثواب حصولیدر .

غسلک شرط وجوب وصحتی آبدستک عین شرط وجوب وصحتیدر [۲] .

غسلک حکمی ذکر اراندی .

غسلک رکنی مشهور اولدیغی وجهله : مضمضه واستنشاق [۲] و جمیع بدنی یومقندن عبارت اولق اوزره اوج ، یاخود :

[۱] بوبابده قرات قرآن دخی مس مصحف کبیر . تکیم آتیا معلوم اولور .

[۲] شروط صحتدن اولان انقطاع منافی امرنده قادینلر حیض و نفاسدن طهارت و تفاوت حصولنه منتظر اولدقلری کی ارککلر دخی کندیلارندن نزول منینک ارقه می کسیده منتظر اولورلر اوده بعد المواقعه اویومق و یا یوزیک کی براز توقف ، و یاخود بر قاپ قطره اولسون بول ، ایتمکله اولور . غسل ایچون طریق استبرا بودر . بو استبرا حاصل اولدقدن سکره آبدست استبراسی نام اولدین و یا بوزرنک قانی دیکدین ایدیلان غسل دخی صحیحدر . فقط آبدست صحیح اولدیغندن عند السبب و عند لبس المسح بر آبدست لازمدر . غسله منافی اولان شی آبدسته دخی منافی ایسه ده آبدسته منافی اولان و انقطاعی صحت و صوه ایچون مشروط بولتان شی غسله منافی ، و غسلک صحیحچون شرط . دکلد .

[۳] بونلر فرض اولان غسلده ارکانددر . سنت و یا مستحب اولان غسلده مضمضه و استنشاق شرط دکلدر . غسل مسنون انلرسز دخی صحیح اولور . اولجه انان آبدسته انلرک بولنسی ده کفایت ایدر . کما فی ط عن البحر . لکن تأمل أنت فی العبارة الاخيرة ، أفلا یکفی ذلك فی الغسل الفرض؟

على قدر الامكان ظاهر بدني [۱] تماميله ييقامقندن عبارت اولمق اوزره بر ، ولاجل التعلیم آبرو آبرو تعداد اولنديغنه كوره اون بر ، در . انلر غسلك همده فرضليدر :

(۱) آغزی ييقامق [۲] .

(۲) اورنى ييقامق [۳] .

غسلده مضمضه واستنشاق [فاطمروا] قول كريمه بناء فرض اجتماعيدير .

آبدستده فرض اولان غسل وجهك آغزه وبورنه شمولي اولنديغندن وچونكه داخل انف وفم ايله مواجهه واقع اولنديغندن انلر آبدستده سنتدر . غسل حقنده اولان فاطمروا صيغه سنده كي مبالغه انلره شامل اولوب حرج وكلفت دخي اولديغني ايچون بويابده انلر فرض اولمشدر .

(۳) تپه دن طرناغه قدر جميع بدني — اوزرنده موم وخير وكوز چپاغی كي تحتنه صوبك وصولنه مانع برشي براقصاق اوزره — بر كره ييقامق .

[۱] آغز وبورن دخي بومعناجه ظاهر بدندر . (بدن) تعميري هر حالده رأسه واطرافه شاملدر . عضو اسفله ومخرج غائطه دخي شاملدر داخل ، حلق كي خارجدر . كما في ص مع ط . وسياتي التصريح بذلك .

[۲] مراد مضمضه دركه صوبي آغزده چالقه مقدر . بونده مبالغه وضوءده اولديغني كي سنتدر . (غرغره) لازم دكلدركه او ، صوبي بوغازده تحريك ايله كدر .

[۳] مراد استنشاقدركه بورت داخلنه يموشاغنه قدر صو آلفد . بونده دخي مبالغه سنتدر .

بویاجینک طرناغی اوزرنده قالان بویا لیکه سی ورنجبرلرک
وحتی - قول صحیحده - شهر لیلرک طرناق کیرلری و پیره و سینک
ترسلری مانع دکلدر .

(۴) کشفنده عسرت اولمیان قلفه نك داخلنی ییقامق [۱] .

(۵) بحوف اولان کوبسکک داخلنی ییقامق .

چونکه ظاهر بدندر و ییقامقده کوچکک یوقدر .

(۶) قاپا نمامش اولان کویه دلیسککک داخلنی ییقامق [۲] .

معتبر اولان : صویک اورایه ایصال ایدلدیسککک ظن غالب
اولمقدر . تسکلف ایدوب چوپ صوقمغه لزوم یوقدر [۳] .

(۷) ارکک ایچون اورکیلی صاچ اولدیغنه کوره انی چوزب
داخلنی ییقامق [۴] .

[۱] بوفرض اختیارلقده وضعف حالده اهتدا ایله ختانه طاقیتاب اوله مامق
کبی بر عذره مبنی مختون اولیهرق قالان کیمسه یه کوره در . کشفنده عسرت
اولان قلفه نك داخلنی ییقامق لازم دکلدر . کما فی الدر .

(قلفه) قافک ضمیمه : ختانه قطع اولنان دریدر .

[۲] غسلده کویه دلیسککک صو واصل اوله ییلکک ایچون کوبه لرک
تحریکی لزومی مؤلف نامجل اولهرق (تمام احکام وضوء) فصلنده طار
خاتم مسئله سی صره سنده ذکر ایتمشدر حالبوکه محل ذکر ی بوراسیدر .

[۳] قاله المؤلف هناك .

[۴] صاچ ارککک زینت اولدیغیچون چوزمکده حرج وکلفت اولدیغندن
مطلقا یعنی دیلرینه صو وارسون ، وارمسون چوزب ییقامق لازمدر .

مؤلفک افاده سی بویا در . محشی ایسه دیلرینه صو ساری اولق
صورتنده مطلوب حاصل دتمک اولقله چوزمک لازم اولیوب (مطلقا)

قادين قسمتك اورکيلي صاچي پک چوق ، ياخود پک کيرلنوب کچه لنش ، اولمدتجه چوزمک لازم اولماز . صاچک ديبلرينه صويک سرايتي کافيدر . صويي زلفلري ارسنه ايصال اينمک دخي قادينه لازم دکدر ، ارککه لازمدر .

(۸) صقال صيق دخي اولسه بشري ييقاق [۱] .

(۹) بيغک بشري ييقاق .

(۱۰) قاشک بشري ييقاق .

(۱۱) قادين قسمي عضو اسفاني ييقاق [۲] .

قادينک کرک ايچمک ، کرک آبدست آلمتي وغسل ايتمک [۳] ايچون صوحي ارککه عاندر [۴] . حمامه کيتمک مجبوريتنده دخي حمام اجرتي زوجکدر [۵] .

قيديني بعضيلر : کنديسي کرک علوي (يعني شريف النسب) ، کرک ترکي اولسون . ديو تفسير ايتديلر ديمشدر ا .

ارکک ايچون صاچلريني تراشيده ايتمک دخي ممکندر . کافي الدر المختار .

(۱) اول ارکان وضوء . وتام احکام وضوء فصلته مراجعت اولسون .

(۲) فانه من ظاهر البدن كما مر .

(۳) قال ولو اتقطع حبضها لعشرة ا . وبعضهم قال اذا كان اتقطاع الحيض

لاقل من عشرة فعلى الزوج لاحتياجه الى وطئها بعد الغسل . وان كانت اميرة فعليها لانهاى المحتاجة للصلاة ذكره الحشى .

(۴) لانه مما لا بد منه ا ط عن شرح المؤلف .

(۵) بونلر (کتاب النفقه) مسائلندن ايسهده کرک مؤلف ، کرک محشى

بوراده ذکر ايتمشلر در .

بیقامق - که عربیسی فتح غین ایله (غسل) در - باب وضوءده
تعریف اولنمشدر . یاش بز و یاسونسکر سورنمک غسل دیمک دکلدر .

باب تیمم آخرنده مؤلف تصریح ایتمشدرکه عذرده مساواته
مبنی وضوءده جائز اولان شی غسلده دخی جائز اولور : عضوک
معذوریتنه مبنی غسلدن مسحه عدول اولنور . مسحدن دخی متضرر
اولان اتی ده ترک ایده بیلور [۱] .

غسلک صفتی : فرض و یاسنت و یاخود مستحب اولمسیدر .
(بولردن قسم اول وانک فروضی ذکر اولنمشدر . سنن و آدابناک
و مکروهاتناک ذکر ندن صکره دیبکر قسملردخی ذکر اولنور .)

غسلک موجبی - جنبیلکدن و انقطاع دم حیض و نفاسدن
عبارت اولان - حدث اکبردر .
جنبناک ارککه و قادینه شامل بر صفتدر . طریق حصولی ایکیدر .
بری : نزول منی [۲] ، و دیبکری : مقارنتدر .

[۱] تمام احکام وضوء فصلنه مراجعت اولنسون . محشی دیرکه
باشنی بیقامق کندیسنه ضرورین قادین اتی ترک ایدر و نفسی زوجندن منع
ایتمز اه

[۲] بقید استغنی عن ذکره اشهرته . فاذا لم يوجد لاغسل كما اذا
حمل ثقیلاً أو ضرب علی صلبه فنزل منه . والهرط وجودها عند انفصاله
من الصلب . لادوامها حتی يخرج الی الظاهر . خلافاً لابن یوسف . كما
فی الاصل وغیره .

نوم حالنده دخی نزول منی موجب غسلدر .
مقارنتده التقاء خنانین کافیدر . نزول منی شرط دکلدرد [۱] .
حیض ونفاس قادیئله خاصدر . (احوال نساء) بابنده
مذکوردر [۲] .
حدث اکبره مبنی غسل ایتمک فرضدر . فرض اولمیان غسلدر
بوندن صکره مبیغدر .

— سنن غسل —

غسلده اون ایکی شیء سنتدر :
(۱) بسمله ایله اشلامق (سنن وضوءه باقیگیز) .
(۲) نیت ایلمک .
تا که فعلی مثاب علیه اولان طاعت اولسون
(۳) بونلر (یعنی بسمله ونیت) غسلک اولنده آبدست آلمقده
الاری بیلکله قدر بیقرار ایسکن اولمق .
(۴) بدنده خلاف طهارت برشی وار ایسه صو اضافه سیله
یا ییلوب آرتماق ایچون آنی مستقلا اولجه کیدرهک .
(۵) عورت موضعهنی بحاست [۳] اولمه دخی بیقماق .

[۱] بونلری بوندن زیاده سووله که لزوم یوقدر .
[۲] حدث اکبر ایله وحی حدث اصغر ایله حرام اولان شیلر دخی
اوبابنده مسطوردر .
[۳] منی به دخی شاملدر .

(۶) غسلدن اول بوجه مسنون یعنی اولاً اللرینی بیلککرینه قدر ییقایهرق و صکره اوچرکره مضمضه واستنشاق ایدرک و تثلث غسل ایلدهرک ترتیب و ولاء و جملة آبدست آلمق .
(۷) او آبدسته آباق ییقامق ایشنیك صکره به بیراقق .

(لکن بونک علی الإطلاق مسنونیتده روایتلر متفق اولماساغله جمعاً بین الروایتین سنیت علی التفصیل اولوب : اکر آباقلرینک التته صو بریکمکده ایسه انلری بردها ییقامغه محتاج اولمامق ایچونك صکره ییقامق و صو بریکمک محذوری یوق ایسه آبدست نهایتنده ییقامق سنندر .)

(۸) بعده بدننه اوچ کره صو دوکمک و هر دفعه سنده صو بدنی استیعاب ایتمک .

والا ، سنت تثلث حاصل اولمش اولماز . بونلرک برنجیسی فرض و دیگر ایکیسی سنندر ، اکر اوچیلده استیعاب حاصل اولماز ایسه حاصل اولنجه قدر مرة بعد اخی دوکنمک لازمدر (لکن وسوسه لازم دکلدر) .

ماء جاری به و یاخود او حکمده اولان — یعنی یوز آرشون سطحدن اقل اولمیان — ماء کثیره طالوب و یاخود یغمورک آلتنه طور بده آبدست آلمق و غسل ایتمک و حتی یالککز آبدست آلمق قدر مکک ایلان کیمسه بوسقتی اکمال ایتمش اولور .

(۹) صو دوکنمکه باشدن باشلامق .

(۱۰) بعده صاغ او موزینه دوکمک .

(۱۱) بعده صول اوموزینه دوکک .

(۱۲) صوبی ایلک دوکشده جسدی اوغلامق [۱] .

تا که صکره کی ایکی دوکشده صو جسدک جمیع جزونه یاییلش
اولسون .

— آداب غسل —

غسلک آدانی عینیه آبدستک آدایدنر . شوقدرکه غسلده قبله یه
قارشو طورلماس [۲] و — کلام ایدلمدیکی کبی [۳] — دعالر دخی
اوقتماز [۴] .

حین اغتسالده مستور العوره اولمقله برابر موضع عورتنه
نظر کندیسنه حلال اولمیان برکیمسه نک کورمیه جکی بر مکانده
بولنمق دخی مستحیدرکه یاییقانور ایکن ویا کینور ایکن عورتی
ظاهر اولمق احتمالی اولور . حدیث شریفده : « ان الله تعالى حیّ
[۵] ستیر [۶] يحب الحی والستیر فإذا اغتسل أحدکم فلیستر . »

[۱] (هلك) که اعضایی ییقامقله برابر اوزرینه ال امراندن عبارتدر امام
ابو یوسفدن روات نوادرده شرطدر . قاله ط .

[۲] چونکه غالباً انکشاف عورت اولور . مستتر ایسه بأس یوقدر . ص .

[۳] زیرا حال انکشافده کلام مکروهدر . ص .

[۴] چونکه مصب أفذارده بولنیور . ص .

[۵] أي منزّه عن النقائص . ط . وهو بفتح الحاء وكسر الیاء الأولى .

[۶] بالسکسر والتشدید مع مناوی .

بیور لمشدر بونی ابو داود [۱] تخریج وروایت ایلمشدر.

ارکک قسمی ارککک یاننده تستر ایدجک شی بوله ماسه ده
ییقانور . وکندنجه اک زیاده موجب مستوریت حال نه ایسه آنی
اختیار ایدر . قادین دخی قادیئلر اره سنده او یله در . کناه باقانه در .

قادین (صرف) ارکککک اره سنده وکذا ارکککک ایله قادیئلر اره سنده
بولنور ایسه غسلنی تأخیر ایدر . واکا لائق اولان — صودن شرعاً
عاجز اولدیغیچون — تیمم ایدوب نمازینی قیلقدرد [۲] .

ارقات مکروهه نك غیریده آبدستی متعاقب نافله ایکی
رکعت نماز قیلق مستحب اولدیغی کبی غسلدن صکره قیلق
دخی مستحبدر [۳] .

[۱] سلیمان بن الاشعث السجستانی در که صاحب سفندر . (۲۰۲) ده
تولد و (۲۷۵) ده وفات ایتمشدر . (سنن ابی داود) کتب سته حدیثدر
حقائقک مقدمه سنده انلر تعداد اولمشدر . کتاب مذکورک تألیفی
اوزرینه مشار الیه حقنده : « الین لابی داود الحدیث کما الین لداود
الحدید . » دینامشدر .

[۲] محشی دیرکه وهبانیه ده وقتیه ده مذکور اولان بودر . ابن
امیر حاجده ایسه ذکر اولنان شودرکه اوارکک کندیسته کیمسه نك
مطلع اولیه جنی وجهله اغتساله تمکن ایتمک اوزره غسلنی تأخیر ایدر .
بوابده ارکک وقادین مساویدر . بین الرجال وایین النساء اولقده فرق یوقدر .
خروج وقتدن خوف ایدرسه تیمم ایدوب نمازی قیلار . ظاهر اولان : نمازک
وجوب اعاده سیدر . زیرا مشایخ فقها دن برچوغی : « تیممه عذر من جهة
العباد ایسه اوعذر تیممی مباح قیلسه ده اعاده یی ایتمز » دیشلردر ا .

[۳] (مکروهات وضوء) قیلینه باقکر . وان کان علی صلاة شکر الوضوء
کلام فی الاحیاء .

— مکروهات غسل —

آبدسته مکروه اولان شیلر غسلده دخی مکروه اولور . فضله اوله رق بونده دعا او قومی دخی مکروهدر [۱] .
کیمسه نك کورمیه جیکی یرده بيله عریان اوله رق غسل ایتمک مکروهدر [۲] .

آبدسته و غسلده صرف اولنه جق صو ایچون — اختلاف احوال ناسه مبنی — مقدار تعیین اولنماشدر . اسراف و تقتیر [۳] اولنماق اوزره متوسط حال مراعات ایدیلور .

— فرض اولمیان غسل —

بلا موجب [۴] شو درت شی ایچون غسل ایتمک سفتدر :
(۱) جمعه نمازی ایچون [۵] .

- [۱] لانه فی مصب الاقدار . کما مر فی هامش ص ۱۲۰ .
- [۲] علی قول اغتسال ، یاخود اوستره استعمال ایتمک ایچون مدت یسیره خلوتده تجرد جائزدر . کما فی ط .
- [۳] مکروهات وضوءک برنجیسه ایسکنجهینه باسکز . ص ۹۵ .
- [۴] چونکه غسلک موجبی وار ایسکن غسل ایتمک فرضدر .
- [۵] يوم جمعه منطوق حدیث اوزره سید الایامدر . مؤلفک افاده سنه کوره نماز ، وقتدت افضل اولمقله غسلک صلات جمعه ایچون اولسی قول راجعدر . يوم خمسه وبا ليله جمعه ده ییقاتقی ایله دخی قول مرجوحه

- (۲) بیرام نماز لویچون .
 (۳) حج و یا عمره ایچون [۱] احرامه کیرر ایکن [۲] .
 (۴) حاجی یه کوره عرفه کونی بعد الزوال عرفاتده .

شونلر ایچون غسل ایتمک مندوب و مستحبدر :

(۱) طاهرأ مسلم اولان .
 جنبیلکی و انقطاع دم حیض و یا نفاسی متعاقب مسلم اولانه غسل ایتمک فرضدر . زیرا موجبی موجود اولمش دیمکدر . استحباب بونلردن آزادهک حالنده کی اهتدایه عانددر [۳] .

(۲) سنأ بالغ اولان .

(سنأ بلوغ) قیز و اوغلان کندیلمرنده حیض و حبل و انزال واحبال کی آثار بلوغ واقع اولمادن اون بشر یا شلرینه واصل

کوره سنت حاصل اولور ا ه لکن بعد صلاة الجمعة ایدیلان غسله اجاعأ اعتبار یوقدر ا ه ط . جمعه کونی وجوب اغتسالی ناطق اولان احادیثی علماء (رحمهم الله تعالى) توفیقاً بین الآثار سنت مؤکدیه حمل ایتمشلردر . باب جمعه ده مذکور احادیث استحبابیه دن تراش اولق و طرناق کسمک کی تجملاتک دخی یوم جمعه ده اولسنک استحبابی استنباط اولنور .

[۱] بو (یاخود) مانعه خلو درکه جمعی تجویز ایدر ا ه ط یعنی حج ایله عمره نك جمعی جائز اولمقله احرام انلردن خالی اولماز دیمکدر .

[۲] بو اغتسال تطهیر دکل ، تنظیم ایچون اولمقله قاهینلر حیض و یا نفاس حالنده دخی بو غسلی ایده بیلورلر . صو بولماز ایسه بوغسلک بدلنده تیم اولتماز . س .

[۳] قال للتطیيف عن اثر ما كان منه ا ه .

اولمقدر که مقابلنه (فعلاً بلوغ) دیمه جکرز . فعلاً بلوغه غسل فرض اوله رق ترتب ایدر .

(۳) جنوندن و بایغینلقدن و سرخوشلقدن [۱] آیملان .
بولرک غسلی نعمت افاقته شکرآ دیمکدر . اکر بعد الافاقه کندیلرنده منی ظن ایتدکاری بررطوبت بولورلر ایسه غسل ایتمک انلره فرض اولور .

(۴) حجامت اولان [۲] .

(۵) اولو بیقایان [۳] .

(۶) لیلۀ براءیه — شعبانک نصفی کیجه سنه — ایرن [۴] .

(۷) قدر کیجه سنه ایرن [۵] .

(۸) مدینه منوره یه کیرن [۶] .

(۹) قربان بیرامی صباحی مزدلفه وقفه سنده بولنان .

[۱] بولر نواقضدن اولغله موجب وضوء ایسه ده موجب غسل دکلدر .

[۲] خروجاً من خلاف القائل بلزوم الغسل منها وان كان جهلاً فی موضع الاجتهاد الصحيح .

[۳] خروجاً من خلاف القائل بلزوم الغسل منه . وان كان كالذی قبله .

[۴] لاحیائها وعظم شأنها اذ فیها تقسم الارزاق والآجال . سمیت بلیلة براءة لان الله تعالى يكتب لكل مؤمن براءة من النار لتوفية ما علیه من الحقوق ولما فیها من البراءة من الذنوب بقرائنها هـ ص مع ط .

[۵] لاحیائها .

[۶] تعظیماً لحرمتها وقدمه علی حضرة المصطفى صلی الله تعالى علیه

وسلم . ص .

- (۱۰) طواف زیارت ایچون منادن مکه* مسکرمه یه کلان .
 (۱۱) صلات خسوف وکسوفی قیلان .
 (۱۲) یغمور دعاسنه چیقان .
 (۱۳) ظلمت و فورته و زلزله مثلی خوف و دهشته مبنی نماز و یازده بولنه جق اولان .
 (۱۴) یولدن کلان .
 (۱۵) کناهدن توبه ایدن .
 (۱۶) مستحاضه ایکن دی دینان [۱] .
 (۱۷) رمی جمار ایدن [۲] .

مؤلف مرحوم بومقامده کلامنی ﴿ تنبیه عظیم ﴾ ننواینله تصدیر ایدرک دیبورکه طهارت ظاهره ک نفع تامی آنجق طهارت باطنه ایلدرکه 'وده اخلاص اوزره اولمق ، وغل و غشیدن و حقد و حسددن نزاھت و تبعاعد ایتمک ، و کونینه دأثر ماسوی اللهدن قلبی تطهیر ایللک ، ایله ارلور . بو حالده انسان حق جلّ وعلایه برشی ضمیمنده دکل ، ذاته و امثال امرینه مبنی کندیسنه عرض افتقار ایله عبادت ایدوب منان متعال دخی اکا عطف و رحمت ایدرک مضطر اولدیغی حاجاتی قضا ایله منّ وافضال اوزره اولمغله آرتق سن انجق (المالك الاحد الفرد) حضرتلرینه بنده

[۱] احوال نسا بابنه باقکز .

[۲] کتاب الحجّه مراجعت .

اولورسین که سنی کنندن بشقه هیچ برشی تحت رقّ و علو کیته آله ماز .
وهوس و هوا خدمت مولادن سنی آلیقویه ماز [*] .

جناب حقه اخلاص اوزره اولوب انک امری و رضاسی
وجهله حرکت ایلان هر نرده اولسه محفوف عنایت باری اولور
ویلد یکنی اوکره نور . واتقوا الله و یعلمکم الله .

درتو پوشیده اطف بزداتی * خلعتی از صفات روحانی
دارش از لوث خشم و شهوت دور * تاپا کیزکی شوی مشهور



[*] حسن بصری حضرتاری بیور مشدر :

رب مستور سبته شهوته * قد عری من ستره و انهتکا
صاحب الشهوة عبد فاذا * ملک الشهوة أضعی ملکا
(عری) کله سی باب رابعدن فعل ماضیدر . بای ضرورة ساکندر .

— باب التیمم —

(تیمم) بوامتک خصائصندن اولان برطهارتدرکه صویک ، ویا استعمالنه قدرتک ، فقداننده طاهر اولان وجسه ارض ایله ازاله حدث ایله سکدر . حقارنده رخصت اوله رق مشروع اولمشدر .

رخصت هم من حیث الآله در که ارض پاک جنسک سطح ظاهر یله اکتفا اولنمشدر ؛ همده من حیث المحل در که آبدست اعضاسک نصفنه اقتصار ایدلمشدر .

(تیمم) لغتده (تیمم) کبی [۱] مطلق قصددر . حج کبی معظمی قصد دکلدر . قال تعالی : ولا تیمموا الخبیث منه تنفقون [۲] .

شرعاً (تیمم) : صعیده مطهر ایله یوزی والری (دیرسکه قدر قولار ایله برابر) مسحدن عبارتدر .

(صعید) : وجسه ارضدر . (مطهر) قیدی آیت کریمه کی لفظ طیبیدن مأخوذ اوله رق تنجس ایدوبده قورییان یردن احتراز در که اندن تیمم اولنماز .

تیممده قصد شرطدر . چونسکه نیتدر [۳] .

[۱] تیمم برینه تیمم ایتدرمک معناسنده کلور : یمت المریض . ماده اصایه (ا م م) اولمله یا ، همزه دن بدلدر . قاله اللغویون .

[۲] وقال الشاعر :

فلا أدری اذا یمت أرضا * أرید الخیر أیها یللی

[۳] تیمم ایسه نیتسز اولماساز . تنفذه مذکوردرکه اوج مسئلهده تیمم

(تیمم) کتاب وسنت ایله ثابتدر . کتاب کریمده : [فلم تجدوا ماء فتيمموا صعيداً طيباً الخ] [۱] آیت جلیلهسی اولدیغی کبی [۲] حدیث شریفده دخی : « التيمم طهور المسلم ما لم يجد الماء . » و حدیث دیگرده : « التراب طهور المسلم ولو الى عشر حجج [۳] ما لم يجد الماء . » بیورلمشدر .

کتاب وسنت ناطق اولدیغی وضروب امثالدن دخی بولمادیغی اوزره : صو بولمادیغی برده تیمم اولمور . تیمم آبدسته بدل

آبدستدن آریلور : بری بوکه برمسلم بعد التوضی مرتد و صکره ثاب اولسه او آبدست ایله غاز قیله بیلور . بو حال بعد تیمم اولسه قیله ماز . بری دخی بوکه برکیمسه برینه تعلیم ایچون آبدست آلسه او آبدست ایله غاز قیله بیلور . تعلیماً ایتدیکی تیمم ایله غاز قیله ماز . دیگر بری دخی بوکه بر غیر مسلم آبدست آلوب بعده مسلم اولسه انکله غاز قیله بیلور . تیمم ایتمش اولور ایسه بعد اسلامه انکله غاز قیله ماز اه محذف .

[۱] بو قول کریم سوره « مائدة نك يدني آيتي اولان استعبد بالله تعالى [يا ايها الذين آمنوا اذا قم الى الصلاة فاغسلوا وجوهكم الخ] آیت جلیله سنك جزه بدر . تنكیم وضوءده ایما اولندی (هامش ص ۶۱) .

[۲] آیت تیممك سبب نزولی صحیحینده مذکور اولدیغی اوزره غزوه بنی المصطلق وتعبیر آخر ایله غزوة المريسيعه حضرت عائشه نك قلا دملری (كرنك) دوشمش اولغله انك تحريسيه صوسز بر برده كجيكامش اولمیدر . اسيد بن الخضير رضی الله تعالى عنه حضرتلمری انك اوزرینه : « يا ال ابى بكر سرك بركتكز نه چوقدر . » دیر اولمشر . كافي البحر الرائق . ویروی : ماہی باول بركتككم يا آل ابى بكر . كافي البخاری .

[۳] (ثانی حجج) قول کریمی کیدرکه الی عشر سنین دیکدر .

اولدينى كى غسله دخى بدل اولور [۱] چونكه سياق آيت كريمه ده
حدث اصغر ايله حدث اكبر بر اشمشدر [۲] .

بناء عليه آبدست آله جق ويا غسل ايدجك كيمسه كافى
صو بوله مدينى ، ويا خود صوي استعماله قادر اوله مدينى ، حاله
تيمم ايدر . حتى حدث اكبر اوزره اولان كيمسه كندينك
يالكر بعض اعضاستنه يا خود يالكر آبدسته كفایت ايدجك
صوي وار ايكن دخى تيمم ايدر [۳] . او صوي صرف استعمال
ايتمك اكا واجب اولماز . مكر كه حدث اكبر دن تيمم ايدوب بعده
كنديسندن آبدستى موجب حدث اصغر واقع اولمش اوله .
او حاله او صو ايله آبدست آلور . چونكه آبدسته كافى صوي

[۱] غسندن مكره ذكر اولنسنك سببي ده بودر . يالكر سنت احرام
اولان غسله بدل اوله ماز . چونكه اندن مقصد تنظيف بدندر . كمار فى هامش
ص ۱۲۳ وسيا تى فى الحج .

[۲] امام بخارى و مسلم همار بن ياسر رضى الله تعالى عنه حضرتلرندن
رواية ذكر ايتمشلردر كه حضرت مشاراليه : « رسول الله صلى الله
تعالى عليه وسلم بنى برايش ضمانده كوندر مشرايدى يولده محتم (حدث
اكبره مبتلى) اولدم صو بوله مدم ، دابه كى يره يانوب طوپراغه بولاندم .
عليه الصلاة والسلامه كلديكمده بونى سويلدم ، « سكا شولاه يايقى كافى ايدى »
ديو مبارك الارينى ايسكى دفعه يره وورب ايلك دفعه سنده وجه شريفلرينى
وايسكنجى دفعه سنده صاغ وصول قوللرينى مسح ايتديلر » ديشدر اه .

[۳] آبدست الوبدنه برلمه يرى قورى قلوب صوبوله ميان ومدت مسجى
منقضى اولوبده آياقلارينى بيقامغه كافى صوي اوليان كيمسه دخى تيمم ايدر .
كما ذكره المؤلف فى آخر باب المسح على الخفين .

بولش ، واستعماله قادر اولمش ، در [۱] .

تیممك سببی ، حکمی ، رکنی ، شرط وجوب وصحتی ، صفتی و کیفیتی وارد .

تیممك سببی : آبدسته و غسله سبب اولان استباحه در [۲] .

بو ، انك همده حکم دنیویسیدر . حکم اخرویسی نوابدر .

تیممك رکنی : یوزی و قوللری صعید طیب ایله مسح ایتمکدن عبارت اولمق اوزره ایکیدر [۳] .

بونلر تیممك همده فرضلیدر .

تیممك شرط وجوبی آبدسته اولدیغی کبی : اسلام ، عقل ، بلوغ ، وجود حدث ، عدم حال منافی ، ما يجوز به التیممه قدرندن عبارت اولمق اوزره الیدر [۴] .

آبدسته وجودی جمله شروطن اولان ماء کافی استعماله قدرتك بونده عدمی مشروطدر .

بونلرك خلاصه سی : مكلف بالطهاره اولان کیمسه نك حدثدن طهارتی صو ایله اجرایه قادر اوله مامسیدر .

-
- [۱] ۱ کا تیمم لازم اولماز . زبرا اولجه ابتدائی تیمم ایله غسله کفایت ایدجک صوبی بولنجه قدر حدث اکبردن چیقمشدر . قاله القهستانی .
- [۲] (احتباحه) الی طقوزنجی صحیفه ده مبیندر .
- [۳] مؤلف علیه الر ۳ ضربه یی تیممده رکن عد ایتمکیچون بویه دیشدر تکمیل شروط ثانیه صحتك التنجیسندم مذکوردر .
- [۴] مؤلف آئیده بونی دخی — آبدسته اولدیغی کبی — سکرز دیشدر . کما أحصاه المحتشی قبیل سنن التیمم .

تیممك شروط صحتی سكردر [۱]:

(شرط اول) نیتدر . نیتك حقیقتی فعل اوزرینه ربط قلب ایتمكدن عبارت اولوب تیممده نیتك وقتی الی تیمم ایدهجکی شیئه وورمق یاخود الله اصابت ایدر تراب ايله عضو تیممی مسح ایتمك زمانیدر .

نیتك حدذاتنده اوچ شرط صحتی واردر : برنجیسی اسلام [۲] ایسكنجیسی تمیز [۳] اوچنجیسی نیته علمدر [۴] .
خاصةً نیت تیمم ایچون بر شرط واردركه اوده مفتاح صلات اوله بیللك ایچون تیممه [۵] انجق شو اوچ وجهك بریله : « یاكندیسنده اولان حدئدن طهارته [۶] یاخود

- [۱] بوشروط ثمانية تحفه شرحی عینیده « تیممك شرط جوازی » دیو زیاده ایدیلان (عجز عن الماء) ی دخی متضمن واندن مقنیدر .
- [۲] تاكه فعل سبب ثواب اوله بیلسون . اهل كفراندن محرومدر . ص .
- [۳] نهی نیت ایلمش ایسه انی دیكردن تفریق .
- [۴] (نیت) علمدن بشقه بر معنادر . ص . یعنی حقیقت علمك غیری بر حقیقتدر . ط . ألا یری أن من علم الكفر لا يكفر ولو نواه يكفر . والمسافر اذا علم الإقامة لا يصير مقيما ولو نواها يصير مقيما اه درر .
- [۵] أما فی حق صحته فی نفسه فیمكنی فیہ نية ما قصد له لاجله من أي عبادة كانت عند فقد الماء . وعند وجوده يصح لعبادة تفوت لا إلى خلف اه رد المختار .
- [۶] حدثك اكبرینی تعیین ایتمك شرط دكلدر . نیت طهارت حدثك ایسکی قسمی ایچون کافیدر . چونکی طهارت نماز ایچون مشروع ، وانك صحتی وایاحه فعلی ایچون مشروط ، اولغله علی الاطلاق حدثن طهارته نیت اباحه صلاته نیت هیسکدر . اینی دوشنیلور ایسه وجه اول ايله وجه ثانینك مرجعله بردر . ص معط . در مختارده : « جنبك نیت وضوء ايله ایتدیکی تیمم صحیحدر . به یقی » هیسکدر .

استباحهٔ صلاته و یاخود طهارتسز صحیح و حلال اولمیان عبادت مقصودهیه ، نیت [۱] اولتقدر .

وجوه مذکوره دن برینی ملاحظه دن مجرد تیممی نیت ایلیمان کیمسه او تیمم ایله نماز قیله مدیفی کبی قرات قرآن و یا مس مصحف یاخود دخول مسجد و یاخود تعلیم غیری و یا زیارت قبر یاخود اذان و یا اقامت و یاخود سلام و یا رد سلام یاخود دخول اسلام ایچون ایدیلان تیمم ایله دخی نماز قیلنماز . چونکه بونلرک بر طاقی متوقف طهارت اولمیان طاعتدر . و بر طاقی متوقف طهارت ایسه ده عبادت مقصوده دکدر .

از جمله قرات قرآن کرچه عبادت مقصوده در ولکن متوقف طهارت دکدر [۲] .

مس مصحف کرچه متوقف طهارتدر و لکن عبادت مقصوده دکدر ، مقصود تلاوتدر ، مس انک وسیله سیدر . دخول مسجد دخی حدت اکبر صاحبنه کوره بویله در . یعنی

[۱] بوجهله نیت اولتان شی یا نماز اولور ، یاخود نمازدن جزء بولنور . صلات جنازه و سجدهٔ تلاوت و علی الخلاف سجدهٔ شکرکبی . حدت اکبره کوره قرات قرآن دخی اوله بیلور ، کما یأتی فی الهامش الذی یل هذا .

[۲] آبدسنسز اولان دخی ازیره قرآن اوقویه بیلور . تلاوت حدت اکبردن طهارته متوقف اولغله غسل ایدجک کیمسه عذر مییجنه مبنی غسله بدل تیمم ایدر ایکن قرات قرآن نیتله تیمم ایلر ایسه او تیمم ایله نماز قیله بیلور . زیرا اکا کوره تلاوت ، طهارتسز حلال اولمیان عبادت مقصوده در .

متوقف طهارت در ولسکن عبادت مقصوده دکلدر . بشقه سنده
تعلیم قصدیله ایدیلان تیمم کرچه عبادت مقصوده در ولسکن
متوقف طهارت دکلدر [۱] . زیارت قبر واذان واقامت و سلام
ورد سلام دخی متوقف طهارت اولمیان طاعاندر . دخول
اسلام خصوصنه کلنجه ، امام ابو یوسف حضرتلری خصوص
مذکور هر عبادتک باشی اولمق اعتباریله حین اسلام واهتداده
اونیت ایله ایدیلان تیمم ایله نماز دخی قیلنه جفنه حکم ایتمش
ایسه ده امام ابو حنیفه و امام محمد حضراتی د التراب طهور
المسلم ، حدیثنده تراب یعنی وجه ارض انجسق مسلم حقننده
مطهر قیلنمش اولدیغی بیانیله [۲] : د نیت مذکوره ایله ایدیلان
تیمم نماز ایچون کافی اوله ماز ، دیمشلدر . اصح اولانده بودر .
(شرط ثانی) عذر مییچدرکه تیممی مباح قیلایچی عذر بولمقدرد .

عذرک انواعی وارددر : آبدسته یاخود غسله کفایت ایدچک
صودن شهر ایچنده بیلله اولسه تخمینا بر میل یعنی درت بیک
آدیم اوزاق بولمق [۳] . غسل ایتدیسکی تقدیرده خسته نلمکدن ،

[۱] مع هذا که تعلیمک نعله اختصاصی یوقدر . قولاً دخی تعلیم ممکندر .

[۲] وفي هذا التعلیل نظر فلیتأمل .

[۳] (تخمین) ظن غالب دیمکدر . ظن غالب ایچون قهپایده حکم
یقین وارددر . بر (میل) ثلث فرسخدر و تقدیرنده مختار اولان : درت بیک
خطوه اولمقدرد . هر (خطوه) ذراع عامه ایله بریجق ذراع اعتبار اولمقله
التي بیک اندازه دیمکدر . اومقدار مسافه محله کیتمکده هرزده اولسه کوچلک
اولوب تیمم ایسه کوچلکی دفع ایچون مشروع اولمقله صوبی اوقدر اوزاق
برده اولسی بر عذردرکه تیممی مباح قیلار .

یاخود خسته لکنک اشتداد و یا امتدادندن ، قورقق [۱] . صفوق اولوب بارینه جق یر ، و یا صوی ایصیدجق شی ، وشهرده اولدیغنه کوره حمام پاره سی ، بولنامقله غسل ایتمکدن [۲] بعض اعضایی اوزرینه تلف ، ونفسی اوزرینه مرض ، قورقوسی اولق . صویه کیتمک تقدیرنده انسان و یا حیواندن اولان دشمنندن یا نفسی و یا مالی یاخود عرضی و یا امانتی حقنده خوف ایتمک ومدیون مفلس [۳] حبس وتوقیفدن قورقق [۴] نفسی یاخود قافله رفیقی ، و یاخود - کلب دخی اولسه - حیوانی ، حقنده یادر حال و یا براز صکره صوسزاق چکمک (چونکه حاجت ایچون معد اولان شی معدوم حکمنده در) ، بلاضروره چوربا پشورمک قبیلندن حاجت زائده ایچون دکل ده انک یامق ایچون خمیر یوغرمق احتیاجی اولق . صوی الهجق ایپ وقوغه کبی بر آلت طاهره بولمامق . جنازه یاخود بیرام نمازلرینی کجورمک قورقوسی

[۱] بونلریا بالتجربه یقیناً و یاخود طیب حاذق مسلم عدلک اخبارینه مبنی ظن غالب ایله اولور . علی قول طیب حاذق مسلم مستور دخی کفایت ایدر . مجرد وهمه اعتبار یوقدر . أفاده ط .

[۲] مؤلف بوعذری آبدسته دخی شامل قیاهش ایسه ده محشی انی توهه حمل ایتمشدر .

[۳] مدیون صاحب یسار ایسه تماطله (تأخیرتادیه) ایله ظلم ایتمش اولدیغیچون ! کا تیمم جائز اولماز . ط .

[۴] بونلره اعاده دخی یوقدر . ترك وضوء اوزره مکره اولان کبی دکلدرکه او ، تیمم ایله قیلدیغی نمازی صکره اعاده ایدر . ص . فان العذر من جهة العباد .

اولمق [۱] أَعذار مَبِيحِهِ جَمْلُهُ سَنَدُ نَدَر .

جمعه ووقت نماز لرینی کجورمک خوفی عذر دکدر . چونکه بونلرک خلقي واردر : جمعه یه يتشلز ايسه اوکله قیلنور ، وقت نمازی کجر ايسه قضا اولنور .

ایجهلک ایچون قیرلره و صهریج کبی یرلره موضوع [۲] صولر تیممی منع ایتمز . مکرکه علی الاطلاق استعمال ایچون قونلديغنه استدلال اولنه جق قدر کثیر اوله .

حاجیلرک هدیه ایچون طاشید قلری ماء زمزم تیممه مانعدر [۳] .

[۱] صلات جنازه ایچون جنب دخی اولسه تیمم ایدیه یلور . چونکه صلات مذکوره حقیقتده دعادر . تیممک لزومی صلات اسمنه مبنیدر . جواز تیمم انک بسبتون فواتی خوفنه مختصدر . بر تکبیرینه دخی يتشه بیله جک کیمسه آبدست آلور . جنازه ده ولی میت بککالیدیکی ایچون انک تیمم ایتمسسه حاجت اولدیغندن رخصت دخی یوقدر .

بیرام نماز لرلی دخی يتشاهز ايسه جنازه نمازی کبی بلاخلف فوت ایدلمش اوله جفتدن آبدست ایله اشتغال تقدیرنده امام اولدیغنه کوره نمازک وقتی کچمک ، ومقتدی اوله جغنه کوره صلات عیدی تمامیه فوت ایدوب انده امامه يتشه مامک ، خوفی وار ايسه تیمم ایلر . جنازه و بیرام نماز لرینه آبدستلی شروع ایدوبده سبق حدثه مبنی بناطریقيله آتمام صلاانده دخی — صلات جنازه یه کوره جنازه قالدیرلق ، و صلات عیده کوره زحام ناسدن طولانی برمفسد طاری اولمق ، محذورینه مبنی آبدست آلمقدن عاجز اولدیغیچون — تیمم ایدر . ص .

[۲] در مختارده (موضوع) بدلنده (مسبل) واقع اولمشدرکه بولجیلرک ایچمه سی ایچون فی سبیل الله یوللره وقف ایدیلان صو دیعکدر . قال ط : لان شرط الواقف کنص الشارع .

[۳] وحیلة جواز تیمم من معهما زمزم ولا يخاف العطش أن یخطئه بشیء یغلبه أو یساویه ماء الورد ونحوه . ذکره الحصکفی . وترجمناه فی المیاة فی هامش الصفحة العشرین .

(شرط ثالث) تیمم طو پراق و طاش و قوم کبی [۱] وجه ارض جنسندن [۲] اولان شیلرک طیب و طاهر یله [۳] اولمقدور .
 زرنبخ و مرده سنک و اوت طاشی و آشی بویاسی و کیرج و سورمه و کوکرتدن و پیروزه و عقیق و بالجله احجار معادنند [۴]
 و قیاطوزندن و یاق طو پراقدن و کولی غالب اولمیان یا نغین یرندن

[۱] چونکه (فتمموا صعیداً طیباً) بیور لشدور . (صعید) ایسه — کرک تراب اولسون ، کرک ترابک غیری اولسون — وجه ارضدر . حضرت ابن عباسک انی تراب ایله تفسیری اغلب اولقی اعتبار یله در . (صعیداً زلقاً) دخی بیور لشدور که قیایه دخی شاملدر . کافی ص مع ط .

[۲] وقت تیممه ارض جنسندن اولسی معتبردر . جامک اصلی قوم ایسه ده حال حاضر ی اعتبار یله جام جنس ارض عد اولتد یندن انک اوزرنده تیمم اولتماز . ط . مکرکه اوزری توزلی اوله . کایاتی .

[۳] اوقدر طاهر که اکا هیچ نجاست طوقنامش اوله . کندیسنه نجاست اصابت ایدن ارض کونش کوردک قوریوب نجاستک اثری زائل اولغله نماز قیامق ایچون پاک اولمش اولسه ده تیمم ایچون طاهر عد اولتماز . زیرا (صعیداً طیباً) بیور لشدور .

[۴] اکثر کتب فقهیه دن مرجانک دخی احجار معدنیه دن معدودیتی و بناءً علیه اوزرنده تیممک جوازی اکلاشیلور . فتح القدیرده ایسه : اکا تیمم جائز اولماز دینه لشدور . صاحب منیع الغفار دخی انی تأییداً : مرجان عالم جاد ایله نبات ارمسندده متوسطدر تحجری حیثیتندن احجاره و قعر بخرده بیتوب فروع و اغصان متشعبه خضرائی اولقی حیثیت یله نباته شبیهدر انک جنس ارضدن اولمدیغی ظاهر در چونکه او بر نباتدر که طوکدی و هواده حجر اولدی . دیمشدر اه ط .

اینجو مسحوق دخی اولسه اکا تیمم اولتماز چونکه دکزده بر حیوانندن متولددر اه بحر

وارض جنسندن اولمیان مخالطنه غالب بولنان [۱] طوپراقندن تیمم اولنور .

اوزدن و او طوندن و آلتوندن و کوشدن و باقردن و دمیردن تیمم اولنمازکه خلاصه سی ؛ جنس ارضک قبول احتراق ایدن یعنی یانوب کول اوله بیلان نبات قسیمله انطباعه کلان معدن قسیمه تیمم جائز اولماقدور .

مکرکه بولر توزلنش اوله . توزاوزیه و حتی ذخیره نک و لباسک و حیوانک اوزرنده کی توزه دخی تیمم اولنور .

جنس ارضدن اولق اوزره تعداد اولنان شیلرده توز اولوب اله بولاشمق شرط دکلدور . اوزرنده توز اثری اولمیان مرمردن و نمناک طوپراقندن دخی تیمم اولنور . توز جنس ارضدن اولمیان شیلرده آرانور [۲] .

خروج و قندن خوف اولنمقجه چامور قوریدیلور [۳] یاش چامور تیممه صالح اولماز .

(شرط رابع) مسح ایله استیغاب محلدکه تمسامیله یوزی (و حتی صقال باشیله قولاق ارسنده کی آچیغی و قاش ایله کوز

[۱] مغلوب و با مساوی اولان ترابه تیمم جائز اولماز . ط .

[۲] مثلاً لباس و اثاث و نبات و حیوان اوزرینه تیمم اولنمیوب بولرنده کی توزه تیمم اولنه جفتدن بولری مسح ایله اثر غبار الدّه ظاهر اولمده ایسه تیمم صحیح ، والا غیر صحیح ، در . کاتبه علیه ط قبیل سنن التیمم .

[۳] بونی مؤلف سنن تیممده سوبله مشدر .

آره سنی و بورن و تره سنی (و دیر سکاره قدر ال و قوللری بروجیه
استیعاب مسح ایلمسکدر [۱] .

یوزیکی و بیلازکی یرندن اوینادر و پارمقلرینی خلالار . (بونی
ایسکنجی ضربه ده اللرینی سیلمکزدن و قوللرینک مسحندن اول یاپار .
صقالنی خلالالماز . اعتبار اصابت غباره دکل ، مسحه اولدیغندن
ایکی ضربه دن عبارت اولان تیممه بونک ایچون بر اوچنجی ضربه
زیاده ایتمک لازم کلر . زیرا مسح اکا توقفی اولماز .)
(شرط خامس) مسحی الک یاخود ال مقامنه قائم اولان
شیئک [۲] تمامیله و یا قسم اعظمیله ایتمکدر . اگر ایکی پارمغیله
مسح ایدر ایسه بالتکرار استیعاب حاصل اولسه بیله جائز
اولماز [۳] .

(ایکی الیه مسح ایتمک شرط دکلدر . بر الیه یوزینی
ودیگر الیه بر قولنی مسح ایتسه ده اولور . دیگر قولی ایچون
ضربه یی تکرار ایدر) .
(شرط سادس) تیمم الک ایچ یوزیله ایکی ضربه ده اولمقدر .

[۱] اکثر وجه ویدی مسح ایتمک کافی اولور دخی دینلش و تصحیح
اولمشدر . ص . بوزوایته کوره ثلث مقداری و صاحب ذخیره نک قولنجه
ربعدن اقلی (قاله و لعله روایتان فی المذهب) بلامسح براغلسه کفایت ایدجک
و تحلیل أصابع و نزع خاتم و نزع سوار (بیلازک) واجب اولیه جقدر اه من ط .
[۲] بشقه می تیمم ایتدرمک صورتنه غیرک الی ، و یوزنی و قوللرینی توزه
بولامق صورتیله ایدیلاان تیممده آنلرک تحریکی ، کبی . ط .
[۳] آبدسته باشه مسح ایتمک بونک کبی دکلدرکه آنده ایکی پارمغی
کزدیرمک صورتیله ربع رأسی استیعاب کافیدر . ص .

ضربدن مقصد و ضعدر . ضربنی کړک مستلزم اولسون ، کړک اولسون .

نیت ایدوب بشقه منه امر ايله کنديسه نه تیمم ایتدرسه صحیح اولور .

کتاب کریمده تیمم مسح ايله مبین اولوب تیممده مسحدن بشقه مأمور به اولدیغی جهتله ضربه لر نه شرط ونه رکن اولدیغندن ترابک جسده اصابتی نیت تیمم ايله مسح واقع اولمق حالنده ضربه مقامنه قائم اولور [ه] : قوللرینی صیغایه رق موضوع غباره ، مثلاً بیقیلان دیوارک توزینه ، طوروب یوزینه وقوللرینه اصابت ایدن توزی نیت ايله مسح ایلر ایسه تیمم ایتمش اولور .

« تیمم ضربتان ضربة للوجه وضربة للذراعین الى المرفقین ، حدیث شریفی اغلب احوال متیممینی بیاندر . (یاخود ضربتیندن مسحه دخی شامل بر معنای اعم مراد در . ط) .

تیممده ایلک ضربه نك (وضعك) واقع اولدیغی بره عیناً ایکنجی ضربه دخی واقع اولمق ، وبر کیمسه نك تیمم ایتدیگی

[*] حتی ضربدن یاخود اصابت ترابدن صکره حدثلیدوبده مسح ایسه اسبیجایینک بیاننه کوره آبدست آلمق اوزره النده صو بولنان کیمسه بعد الحدث او صو ايله آبدسته مباشرت ایتمک کبی جائز اولور . شمس الاعنه نك اختیارینه کوره بو تیمم جائز اولماز چونکه مشار الیه ضربی رکن قیلش اولدیغندن آبدستده بر عضوی بیقاددن صکره حدثلهمک کبی اولور . س .

موضعدن بر دیسکری دخی تیمم ایتمک ، جائز اولور [۱] چونکه یر مستعمل اوله جق دکلدر . زیرا تیمم الده اولان شی ایلهدر [۲] .

(شرط سابع) آبدسته اولدیغی کبی حال منافی منقطع اولمش بولمقدردر . مثلاً بورنی قانار ایسکن یاخود استبراسی تام اولماشیکن وقادین قسمنه کوره حیض ویا نفاس دملری کسيلماش ایسکن آلمان آبدست [۳] صحیح اولدیغی کبی ایدیلان تیمم دخی صحیح اولماز .

(شرط ثامن) بال مومی وقوریمش خیر کبی بشره اوزرینه ایدیله جک مسحه مانع اولان شیرلر جسدن زائل اولمش اولمقدردر . چونکه بونلر موجود ایسکن ایدیلان مسح ، جسده دکل ، بونلر اوزرینه اولمش اولور .

تیممک صفتی : آبدستک فرض اولدیغی یرده تیمم دخی فرض ، وواجب اولدیغی یرده واجب اولمقدردر .
محدثاً دخول مسجد ایچون تیمم ایتمک مندوبدر . ط .

[۱] صاحب درمختارک « برجاعتک محل واحد دن تیمم ایتملری جائزدر » دیدیکی یرده طحطاوی مرحوم دیشدرکه زیرا تراب (مستعمل) دیو وصفاً نماز حتی متیممیتک اللرینه ایلش تراب جمع ایدله آکا دخی تیمم اولنور ا .

[۲] فتح القدیرده دیدی که نیمده استعمال یالسکز بر صورتده متصوردرکه اوده : یوزه مسح ایتدیکی ضربه ایله قولارینی دخی مسح ایلسکدر . جائز اولمیان اشته بودر ا ط .

[۳] وحیض ونفاسه کوره ایدیلان غسل .

حدث اکبر حالته دخول مسجده مضطر اولانه تیمم واجب
اولوب مسجده محتلم اولانه چاپکجه چیقدیغی حالده تیمم مندوب ،
وبرخوفه مبنی مکشه مجبور اولور ایسه واجب ، در [۱] .

تیممک کیفیتی سنتده مبین حالت وجهله : ایکی النی ارض
جنسندن طاهر اولانه وضع ایله اولایوزینی بوجه استیعاب
مسح ایلمک وثانیاً اللرینی ینه وضیع ایدوب پارمقلرینی
خلالادقدن صکره ابتدا صول ایله صاغ قولانی وبعده صاغ ایله
صول قولانی دیرسکرلیله برابر ایچنی وطیشینی مستوعباً مسح
ایلمکدر [۲] .

عشی دیرکه آوج ایچنک مسحده اختلاف ایتمشلردر . اصح
اولان بودرکه اللری یره وورمق اکا کافی اولدیغی جهتله آوجلرک
ایچنی مسح ایتمک لازم دکلدر ا ه .

تیممک سنتلری یدیدر :

- (۱) ابتداسنده آبدسنده اولدیغی کی بسمله چکمک .
- (۲) ترتیبه رعایت ایدوب اولایوزینی و صکره قوللرینی
مسح ایلمک .

[۱] کافی الدرمع الرد فی آخر الفصل .

[۲] شرط سادسنده ذکر اولنان حدیث شریفده ضربتان ایله معرف
بولنان تیمم بوجهله تعریف بیورلمش اولدیغی کی مخاطب اولان ذاتک :
نصل یایه یم ؟ سؤالنه جواباً دخی کیفیت تیمم بوجه اوزره اراءه و تعام
بیورلمشدر . مؤلفک بیانته کوره امام ابو یوسفک سؤالنده کیفیت تیمم امام
ابو حنیفه حضرتلردن دخی بوجهله بیان اولمشدر .

- (۳) بونلری علی التوالی یامق .
 (۴) اللربنی یره حین وضعده اولایلرویه سورمک .
 (۵) بعده کیرویه چکمک .
 (۶) اللربنی قالدردقده تلویث وجهدن اتقا ، وسنت سنییه اتباع ،
 ایچون سیلسکه ملک [۱] .
 (۷) حال وضعده تطایرده مبالغه ایچون پارمقلری آچیق بولندرمق .

صوبی اولمیان کیمسه [۲] وقت مستحب [۳] خروج ایتمیدن
 بوله جفتی ظنّ غالب ایله امیدایدر ایسه تیممی تأخیر ایتمک مندوبدرکه
 نمازی اکمل طهارتین ایله ادا ایتمش اولور .
 امام ابو حنیفه حضر تارندن ، وکذا روایت اصولک غیریده

[۱] تلویث وجه که یوزی بولاشدیروب کیر لمتکدر مثله ولازم
 الانقاء اولدیفندندرکه یاش چامور قوریدلقدجه آنکله تیمم جائز اولماز . الا
 اذا خاف خروج الوقت . ص .

[۲] صویک کنندیسنه بعدیتی بر میلدن اقل ظننده اولان کیمسه شرعاً
 فاقد الماء (صوسز) اولدیفندن آکا تیمم مباح اولماز ا ه ط .

[۳] اوقات مستحبه کتاب الصلانه مذکوردر . محشی دیرکه تأخیری
 مندوب اولان صلاته کوره وقت مستحب : وبتک نصف اخیرینک
 اولیدر . ادا ، وقت مستحبده واقع اولق درجهده نیمم تأخیر اولنور .
 بعضلر : وقت جوازک آخرینه قدر تأخیر اولنور . دیدیلر . صحیح اولان
 اولکیدر . آکا سکوره صلات عصر شمسک صارارمننه دکین تأخیر
 اولنه ماز . آقشام نمازی دخی ایلك وقتندن سکوره بر اغیله ماز . علی
 قول غیبوت شفق چاغندن اولجهیه قدر تأخیر ایدلسکده بأس یوقدر قهستانی
 بونی قول اکثر اولق اوزره بیان ایتمشدر .

امام ابو یوسفدن ، رأیک غالبی محقق کبی اولدیغنه مبنی بونک
یعنی تأخیر مذکورک منتهم اولدیغی دخی مرویدر [۱] . اما
داخل وقتده صو بولمغی امید ایتیمیان کیمسه یه تأخیر صلات
مندوب اولمیوب اوکیسه نمازی وقت مستحب ایچنده تیمم ایله
قیلار . ط .

صو وعد اولنق صورتده نماز قضایه قالمق قورقوسی اولسه بیله
تأخیر ادا ایتمک لازمدر [۲] .

واعدک عندنده صو موجود — یاخود بر میل مسافه دن
اقبل اولمق اوزره اکا قریب — ایسه دیگدرکه بونک اتفاق
واردر [۳] . (اما یاننده موجود دکل — یاخود بر میل ویا
دها زیاده بعید — ایسه تأخیر لازم اولماز . زیرا شارع اکانیممی
مباح قیلشدرد . ط .)

صویک ادواتی وعد اولنق صورتده عند الامام قضا
قورقوسی اولماز ایسه تأخیر لازم اولوب اگر قضا قورقوسی

[۱] ظاهر روایت اولان استصحابک وجهی بودرکه عجز حقیقه ثابت
اولمغه انک حکمی انحق کندی مثلی یقین ایله زائل اولمقدرد . امام ابوحنیفه
حضر نرینک استادی (حماد) . ایلک مخالفی بو حادیده اولشدرکه امام اعمشک
تشبیحنده (حماد) اوشام نمازنی تیمم ایله قیلش و حضرت ابوحنیفه تأخیر ایدوب
صوبی بولشدر (حماد) حضرت امامی بو خصوصده تصویب دخی ایتمشدر .
کافی ص مع ط .

[۲] تمام احکام وضوء فصلندن برو مؤلف (وجوب) ی (لزوم) ایله
تفسیر ایتمکده واندن فرض کبی بر معنی قصد و اراده ایلکدهدر .

[۳] اذلاشک فی جواز تیمم ومنع التأخیر لخروج الوقت مع بعده میلا .
کذا فی الاصل .

اولور ايسه صودن عجزينه ومننت بلاسنه مبنی تیمم ايدر . عند الامامين صو وعد اولنقى صورتنده اولديغی کبی ظاهراً وفاء وعد ايله ظهور قدرته مبنی نمازك قضایه قالمسی خوفی اولسه بيله تأخیر لازمدر . (متن مسئلهسی قل امامدر) .

قیر برده صویك بر میل مسافه دن اقلنده بولنسنی — قوش یاخود یشیملک کوررک ویاخود خبر آلهرق — ظن ایلیمان کیمسه یه ظنی جهتنه [۱] امن طریق شرطیله اوچ ، درت یوز آدیجه قدر یا بالذات کیدرک ویا بریسنی کوندررک صوی آراق لازمدر . ظن ایلیمان یاخود دشمندن خوف ایلیمان کیمسه یه صو آراق لازم دکلددر . اهل مکاندن برینی ، یاخود صو علمنه اطلاعی اولانی ، بولان کیمسه ایچون اکا سوال ایتمک لازمدر .

اگر او کیمسه سوال ایتمدین تیمم ایلوب نماز قیلار ، و صکره صو اولدیغی کندیسنه خبر ویریلور ، ايسه نمازی اعاده ايدر . والا (یعنی خبر ویرلمز ايسه) اعاده ایتمز . دریغ اولنه جـق یر اولمديغنه کوره [۲] صوی یا ننده بولنان کیمسه دن ایسته مک ، صو عاده مبدول اولمغله طلبنده ذل اولمديغندن لازمدر [۳] .

- [۱] جهات ظن مختلف ايسه در تیور آدم جهاته تقسیم اولنور . ط .
- [۲] دریغ اولنه جـق یرده طلب افضل اولوب طلب ایتمه ده اولور . ط .
- [۳] حسن بن زیاد حضرتلری : « سوال ذل اولمغله آنده خرج واردر تیمم ايسه دفع خرج ایچون مشروع اولدیغدن طلب لازم دکادر » دیش و غایه ایبانه بوکا « قول الحسن حسن » دینلشددر اه ط .

اگر ثمن مثلیله (ذکر قیمتیه) صائمین بشقه بر طریق ایله ویرمز ایسه پاره سی اولدیغی ولزومندن فضله [۱] بولندیغی تقدیرده اشترا ایلیک لازمدر . ثمن مثلندن براز زیاده یده اولسه اشترا لازم اولوب اگر غبن فاحش اولور ، یعنی قیمتک ایکی قانی [۲] طلب اولنور ، ایسه و ثمن مثلیله صائلق صورتده اوپاره کندنده یوق [۳] ، ویا کندینک اکا احتیاجی وار ، ایسه اشترا واستدانه ایلیک لازم اولماز .

تیمم واحد ایله انسان آبدست کبی دیله دیکی قدر فرض قیله بیلور [۴] . امام شافعیینک مخالفتمدن قورتلق ایچون اولی اولان هر فرض ایچون تیممی اعاده ایتمه کدر .

[۱] نفقه سندن فضله دیسکدن دها اییدر . چونکه کابنک نفقه سی دخی لزوم تحتنددر . افاده ط .

[۲] غبن فاحشی تعریفده مؤلف : « مقومینک تحت تقوینده داخل اولیاندر علی قول شطرقیمتدر » دیوب محشی ضعف قیمت قولنک روایت نوادر اولدیغی سوبله سکه برابر بدائنده ونهایده اکا اقتصار اولندیغی وصاحب بحرک : « بناء علیه اولی اولان اودر . » دیدیکنی ذکر اتمش اولغله تفسیری بزده اکا قصر ایلمشدر .

[۳] ظاهره ولوله مال غائب . لان العجز متحقق فی الحال . یؤیده دفع الزکاة لابن السبیل الغنی فی موطنه ، وقال ابن امیرحاج : یلزله الشراء نیئته . وواقفه فی البحر والنهر اه ط .

[۴] للاسبیه فی قوله تعالی : (فلم تجدوا ماء فتمیموا) شرط عدم الماء فقط وجعله فی حال العدم كالوضوء ، ولقوله صلی الله تعالی علیه وسلم : التراب طهور المسلم ولوالی عشر حجج مالم یجد الماء . من مع ط .

تیمم واحد ایله دیله دیگی قدر نافله یی دخی قیله بیلور . بونده اتفاق واردر .

وقتک دخولندن اول دخی تیمم ای دیله بیلور . چونکه شرطدر مشروطی سابق اولور . سبب ، استباحه دن عبارت اولان اراده درکه اوده حاصل اولمشدر .

آبدست اعضاستک اکثرنده ویانصفنده — آز دخی اولسه — یاره (عذر) اولان کیمسه تیمم ایدر .
اکثر اعضاسی صاغلام اولوبده اقلی بجروح (معذور) ایسه صاغلامنی ییقایوب بجروحی مسح ایلر (تیمم ایتمز) .

آبدست حقنده حکم مسئله بودر . یعنی کثرت عدد اعضا اعتباریله اولمقدر [ه] غسل حقنده مجموع بدن عضو واحد حکمنده اولغله کثرت . مساحه معتبردر : بدنک قسم اعظمی ویانصفی بجروح ایسه تیمم ایدوب بالعکس قسم اصغری بجروح و اکثری صاغلام ایسه صاغلامنی ییقایوب معلوانه مسح ایلر .

(اعضاء وضوء ده اولسون جمیع جسد ده اولسون نصف ، اکثر حکمنده در . علی قول نصف صورتنده صاغلامنی غسل و معذوری مسح ایلر . کما فی الدر المختار) .

[*] انی هم عضوک کنندنده اعتبار ایدلرده واردر . بو اعتباره کوره اعضاء وضوء دن هم برینک قسم اکثری بجروح ایسه تیمم ایدر . والا ایتمز ص .

مسحی دخی ممکن ایسه چسده ، ودکل ایسه صارغی یه ، ایدر [۱] .
مسحندن ده متضرر ایسه انی ترک ایلر .

غسل ایله تیممی جمع ایتمک یعنی معلول اولمیان یری یبقایوب
معلول بولنان یر ایچون تیمم ایلمک صحیح اولماز . چونکه بونک شرع
منیرده نظیری یوقدر . بدل ایله مبدل منه اجتماع ایتمز [۲] .

(مهمه) : دردی سببیه باشنه صو ذکره کندن متضرر اولان
کیمسه دن آبدسته باش مسح ایتمک ساقط اولور .
بومسئله یی ابن الشحنة مرحوم [۳] شوقولیلہ نظم ایتمشدر :
ويسقط مسح الرأس عن برأسه من الداء ما ان بله يتضرر .
عذرده اولان مساواته مبنی بومسئله ده حدث اصغر ایله حدث
اکبر بردر [۴] .

[۱] باغلی دکل ایسه ییله مسح ایدجکی وقت باغلار . ذکره ط استفادة من
کلام بعضهم .
[۲] سرقنده قطع ید ایله تضمین مال ، زناده حد ایله مهر ، ترکانده
وصبت ایله حصه ارث اجتماع ایلر . سؤرحمار ایله تیممک جمعی فرضی
انلرک ایسکیسیله دکل ، یالسکز بریمیه ادا ایده بیلمک ایچوندر . ص .
[۳] بزم ألقاف فقیهیه نیک مقدمه سننده مذکور اولدیغی اوزره مشار الیه
قاضی القضاة (عبد البر بن الشحنة الحلبي) درکه منظومه ابن وهبانک شارحی
وذخائر اشرفیه نیک مؤلفیدر . تیمورلنسکک حایه ورودنده بالمخاوره انک دخی
مظهر حرمتی اولمش بر فاضلدر .
[۴] بومسئله نیک محل ذکرى (تمام احکام وضوء) فصلی ایسکن مؤلف
انی بوراده ایراد ایتمشدر . بزاوراده ایما وارکان وضوء صو کنده استیفا
ایلمشدر . بونک غسله دخی تعاقی درکاردر . بناء علیه ارکان غسل آخرنده
دخی ذکر ایتمشدر .
بوقیلدن بعض مسائل دخی مؤلف مسیح علی الجبیره فصلی نهایتنده ذکر ایلمشدر .

الی چولاق اولوب صوبی استعماله قادر اولمیان کیمسه تیممده یوزینی وقوللرینی یره سورر . نمازی ترک ایتمز .

قولی دیرسکدن اشاغیجه کسک اولان کیمسه قالان یرینی آبدسته غسل ، وتیممده مسح ایلر . اگر کسیکک واکسیکک محل فرضی تجاوز ایتمش یعنی دیرسکر دخی کیتمش ایسه اندن غسل ومسح ساقط اولمشدر [۱] تسکیم ارکان وضوء وضوء کنده ذکر اولمشدر .

اوکیمسه یاالکر یوزینی یره سوررک تیمم ایدر .
الری وایاقلری مقطوع اولانک یوزنده دخی یاره وار ایسه نمازی طهارتسز یعنی آبدستسز وتیممسنز اوله رق قیلار [۲] واعاده ایتمز [۳] .

بعضار : اندن آرق نمازی دخی ساقط اولور دیمشدر [۴] .

کمدیسنه آبدست آلدیره حق کیمسه بوله میان عاجز اتفاقا

[۱] آباق عضو تیممدن اوله یعنی جهته مؤلف انی ذکره لزوم کورماسدر .
یوقه آباغک وسقوط غسل مسئله سنجه دخی حکم بودر .
[۲] قال الحصکفی وبهذا ظهر أن تعد الصلاة بالأطهر غير مکفر فلیحفظ اه
قال ط : موضوع المسألة یفید التقييد بالضرورة .

[۳] بومسئلهده باشه دائر سوز اولمشدر . چونکه اکثر اعضا مملول اولغله بوبابده وظیفه تیممدر . شوقدرکه اوده آلت اولان الکرک فقدانه مبنی ساقط اولمشدر . ط عن الشرنبلالیه .

[۴] فاقد الطهورین اولان یعنی نه ماء مطهری نه ده تراب طاهری بوله میان کیمسه بویله دکلدرکه اوکیمسه یا تأخیر ویا تشبه ایدر . تسکیم ذکر اولنور .

تیمم ایدر . قدرت غیر ایله قادر اولان عند الامام ینه عاجز ايسه ده مختار اولان قول امامین اوزره قادر در [۱] .
یعنی آبدست آلدرمغه معین بولان کیمسه تیمم ایده من . معین کندی کوله سی ویا چو چغی یا خود خدمتجیسی ايسه تیمم ایتک اتفاقا جائز اولماز . بوناردن ماعداسی عند الاستعانه اعانه ایلر ايسه ینه ظاهر مذهب تیمم ایتما سکدر .
احد زوجینک آخره آبدست آلدرمسی و نمازه متعلق اموره انی یوقلامسی [۲] واجب اولمادیغندن انلرک بری دیسکرینک قدر تیله قادر عد اولماز [۳] .

متنجس بر یرده محضور ویا مریض اولوبده ماء مطهر ایله تراب طاهری دخی بوله میان کیمسه عند الامام تأخیر صلات ایدر .
وعند الامامین مصلی به تشبه ایلر . مفتی به بودر . امام حضر تکرینک دخی بوکار جوعلری صحیحدر [۴] .
تشبهک معناسی نماز قیلار کبی اوضاعده بولمقدردر . حتی پاک

-
- [۱] مؤلف بومسئله نی تیممک شروط صحتی میانده ذکر ایتمشدر . کتاب صلاتده دخی تکرار ایدر .
[۲] وان کان له تعزیرها علی ترکها الصلاة . کما ذکرناه فی کتابنا (المناکحات والمفارقات) . خلافا لصاحب النهایة وتابعه ذو الدرر .
[۳] افندی ایله کوله بویه دکلدرکه انلرک یکدیگرینه معاوتی واجبدر . ط .
[۴] تنویر الابصارده بویه مذکوردر . مؤلف بونی شروط صحت تیممک ايسکنجیسنده تأخیری قول طرفین اولوق اوزره ذکر ایتمش وامام ابوبوسف : ایا ایله تشبه ایدر . دیدی دیشدر . فلینظر .

ویابس بریر بولورایسه — حدثی کړک اصغر ، کړک اکبر اولسون —
قراءت ایتیمیه رک رکوع وسجود دخی ایدر . والا قائماً ایمایلر .

قیامیه صلاتی قصد ایتمدیکی کبی اکسمیه ویره قایانماسیه دخی
رکوع وسجودی قصد ایلمز وقراءت وتسبیح دخی ایتمز . کما فی ط
علی الدر وعلی الاصل .

اوحالده کچن نمازلری خلاصنده اعاده ایدر [۱] .

— نواقض تیمم —

اصلی نقض وابطال ایدن شی انک فرع وخلفی دخی نقض
وابطال ایدجکندن آبدستی بوزان ویاخود غسلی ایجاب ایدن شیلر
تیممی دخی بوزار [۲] .

انلردن فضله اوله رق تیممی انی مباح قیلان عذرك زوالی

[۱] یعنی وجوباً . قال : كالصوم وذلك فيما اذا دخل المسافر موضع اقامته
بعدما أكل في يوم رمضان أو بعد ما فات وقت النية فانه يجب عليه الامساك
تشبيهاً بالصائمين ثم يجب عليه الإعادة اه ط علی الدر .

[۲] « وينقضه ناقض الوضوء » دینالر وضوءدن مطلق طهارتی مراد
ایتمشلر درکه ذکر حاص و اراده عام ایلمشلر دیسکدر . کما فی ط .

عیاداً بالله تعالی ارتداد آبدستی نقض ایتمدیکی کبی تیممی دخی نقض ایتمز . مرتد
اسلامه رجوعنده انکله اداء صلات ایده بیلور .

ارتداد ثواب عملی مبطلدر طهارته منافی دکلدر . کما فی الدر مع الرد خلافاً
لما ذکره صاحب التتف علی مامر بیانه فی الهامش الثالث من ص ۱۲۷ .

یعنی ماء کافی بی بولق واستعماله قادر اولق دخی بوزار [ه].

بر خسته لکه یاخود خوف عدوه مبنی ایدیلان تیمم انلرک زوالیله باطل اولدیغی کبی بر عذرہ مبنی تیمم ایدوبده اوعذرک زوالدن صکرہ تیممی اباحه ایدن برخسته لکه دوچار اولان کیمسه نلک ایلک تیممی دخی منتقض اولمغله عذر ثانیه چون — تغایر اسبابه مبنی — بتکرار تیمم ایتیمی لازم کلور .

حدث اکبر ایچون تیمم ایدوبده کنیدیسندن حدث اصغر واقع اولان کشی جنب دکل ، محدث (آبدسته سز) اولور . بناءً علیه آبدسته کافی صو بولدیغی واستعماله قادر اولدیغی تقدیرده آبدست آلور و آیالرنده مسح وار ایسه انلری چیقاروب آیالرینی ییقار . اذن صکره کی آبدسته مسحینه مسح ایده یلور . اغتساله کافی صویی بولوب استعماله قادر اولنجه قدر حدث اکبر ایچون ایتدیکی تیمم کنیدیسنه کافی اولور . کافی الدر وسیندکر .



[*] اعضاء وضوءی بررکره ییقامه کافی صویی بولق دخی ناقض تیمم اولق ایچون کافیدر . ایدی غسلی اوچلیهرک آبدست تمام اولمدين صو توکنمکله تیمم قول مختار ده منتقض اولور . زیرا ترابک طهورتی : « ما لم یجد الماء » قول شریفنک دلاتی وجهله نهایت بولش دیکدر . ص .
نأءک مستیقظه مساوی اولدیغی مسائلدن اولق اوزره اشباهده مذکوردرکه اوبویارق (اویوقلایرق) استعماله قادر اولدیغی صوبه مرور ایدن میتیمک تیممی منتقض اولور اه لکن درمختارده بو ، قول امام اولق اوزره کوسریلوب : انک تیممی امامین ابقا ایتدیلر امام حضر تلرندن مصحح وقتوی ایچون مختار اولان روایت دخی بودر قریبده صو اولدیغی حالده اتی بیامیه رک تیمم ایدن کیمسه کبی که انک تیممی دخی منتقض دکلدر . دینامشدر اه باضاح .

— باب المسح علی الخفین —

آبدسته آباق ییقامغه بدل آیا فلرده اولان مسحه مسح ایتمه که « مسح علی الخفین » تعبیر اولنور که ایکی خف اوزرینه مسح ایتمک دیمکدر . مسح معناسی معلوم اولمش وکیفیتی آتیا مذکور بولنشدر .

(^۱خفین) لفظی ثنیه در . انک مفردی اولان خف — که ضم خا و تشدید فا ایله در — طو یقلر ایله برابر آباقلری ساتر اولان آباق قابیدر [۱] .

صانیجیسنه : (خفاف) و لابسنه (متخفف) دینور . محل مسح اولوق اعتباریله خفه لسانمزده (مسح) اسمی ویریلور [۲] . نسکیم ^۱سبحهیه (تسلیح) دینیلور .

غسلدن مسحه تخفف ایتدیکچون عرف فقامده خف خفتدن مأخوذ عد اولنشدر [۳] .

خفک ثنیه صیغه سیله ایرادی انلردن یالکز بری اوزرینه مسح ایتمک جائز اولمیه جفته مبنی اولوب [۴] ادات استعمالنک

[۱] سر حدلکه و بوتفنه و چزمهیه و قالچینه و قونجلی عبا تراکه و قاتی چورابه و — بهجده مصرح اولدیفی اوزره — چارغه شاملدر .

(۲) (مست) یازمغه حاجت یوقدر . همده اویازش طوغری دکلددر .

[۳] ومن أمثالهم « رجع بنحی حنین » یضرب عند الرجوع بالحیة .

[۴] لکن یالکز بر آياغی اولان کیمسه اکا (مسح) کیوب اوزرینه مسح ایده ییلور . کما فی بهجة الفتاوی عن الحایة .

ایرادی دخی مسحده محل ، خفک داخلی و یا خود اسفلی اولیوب انجق اوستی اولدیغی اعلام ایچوندور .

(آبدست تمامندن اولمق اعتباریله بونک محل ذکرى تیممندن وحقی غسل بختندن دخی اول اولمق ایسکن ماخدمزه و بالجله کتب فقہه تبعاً بوراسی اولمشدر) [۱] .

بویابک مسائلی — مسحک حقیقتنه ، کیفیتنه ، مدتته ، اوزرینه مسح ایدلمک جائز اولان خفه ، بوزلمسنه ، بوزلدقن صکره کی حکمنه متعلق اولمق اوزره — الی نوعدر .

مسحک حقیقتی ارکان وضوء بختنده مبیندر .

مسح علی الخفینک کیفیتى سنننده مین اولدیغی وجمله : خفلرک اوزرینی آیالرک پارمقلری اوجندن بده ایله آشیق کیکلرینی آشتق اوزره اینجکه طوغری علولانی اوله رق ایصلاق ال پارمقلریله خطوطاً صیغامقدر [۲] .

(مسح ، خفک تحتنده آیاق اولان موضعنه اصابت ایتمک شرطدر . خف بیوک اولوبده آیاقدن خالی یر قاله رق مسح او

[۱] وجه تأخیر شویله مبیندر که تیمم وغسلک ثبوتی کتاب ایله ومسح علی الخفینک ثبوتی سنت ایله در . (جوهره) ده دیمشدر که تیمم وضیع الله ایله در ، مسح علی الخفین ایسه اختیار عبد ایله اولدیغندن تیمم اقوادر . یاخود تیمم کله بدلدر . مسح علی الخفین ایسه بالکیز غسل رجلینه بدلدر . بونک تیممی متعاقباً ذکرى طهارت مسح اولمسند یسکدیکره مناسبتندندرا ه یتصرف فی العرجة .

[۲] (خطوطاً) قیدی پارمقلرک آچیق بولمدرلمسی سنننه اشارتدر .

خالی موضعه واقع اولور ایسه جائز اولماز ط . (مسحک مدتی : مقیم حقننده یسکرمی درت ، و مسافر حقننده یتمش ایسکی ، ساعتدر .

اوزرینه مسح ایدمک جائز اولان خف : آیافلری طوپقلره قدر ساتر اولمقله برابر ساقی اوزره طوران یعنی قونجی دوشمیان وایچنه صو آلمیان هرقالینجه شیدر .

(دریدن اولن ویاخود التی مشینلی بولنق شرط دکلدر عبادن وقالین چوخه دن دخی اولور . کافی ص) .

مسحک بوزلمسی : مدتک انقضاسی ، وقبل الانقضاء دخی خفک آیاقدن چیقهمسی ، وحتی اکثر قدمک ساقه (قونجه) قدر کلمسی ، ایله در .

بوزلدقدن صکره کی حکمی : آبدست باقی ایسه یالسکر آیافلرک ییقانمسی ، وباقی دکل ایسه یسکیدن آبدست آلتوب آیافلرک دخی ییقانلمسی ، در ،

(بومسائل بوندن صکره صره میله تفصیل اولنور) . مسح علی الخفینک دخی سببی ، شرطی ، حکمی ، رکنی ، صفقی وارددر .

سببی : آیافده آبدست اوزره کیلش خف بولنقددر . شرطی : خفک محل فرضی ساتر اولمسی ، و — مدت مسح بقاسیله برابر — صالح مسح بولنمسی ، در . (صالح مسح اولمق) خفده مانع مسح اوله جق خلل بولنماق ،

وانسکه علی التوالی بر فرسخ یوریمک ممکن اولمق ، در [۱] .
 حکمی : مدتی داخلنده انسکه نماز قیلحق صحیح اولمقدر .
 بو ، انک حکم دنیویسیدر . حکم اخرویسی فعل سنت قصد ایدنه
 کوره ثواب حصولیدر .
 رکنی . قدر مفروضی — که هر قدمک اوک طرفی اوزرنده اوج
 پارمق عرضنده اولان محلدر [۲] — فوق الخف مسح ایله کدن
 عبارتدر . بو ، انک همدۀ فرضیدر . کما یأتی .
 صفقی . رخصت اوله رق مشروع بولنش اولمسیدر [۳] . جوازینی
 اعتماد ایله برابر آیاغنی چیقاروب ییقامق کلفتی اختیار ایدن عزیمتله
 مشاب اولور [۴] .

مسح علی الخفین قولاً وفعلاً سنت سنیه ایله ثابت [۵]

- [۱] و سیاتی من المؤلف قول آخر .
 [۲] کما هو المفهوم من سابع شروط جواز المسح والمصرح به بعد بیان المدة .
 [۳] بمضمر : یولجینک قصر صلات ایتسمی کبی (رخصت اسقاط) یعنی
 عزیمتی مسقط اولان رخصتدر دیشلر ایهده اکثر اهل اصول یولجینک
 افطاری کبی (رخصت ترفیه) اولدیننه قائل اولشلردر که عزیمتک بقاسیله
 برابر دفعا للخرج تخفیف دیمکدر . کذا فی حاشیة الطحطاوی . هرآئده مسح
 . تخفف قصر مسافر کبی رخصتک نوع رابعه مثال کتورلشددر . درره باقکر
 ونواقض مسح آخرنده کی هامشی دخی اوقویسکر .
 [۴] یعنی عزیمتله عمل ایتمش اولمق افضلیتنده بولنور . چونکه آیاق ییقامق
 خفه مسح ایتمک کبی دکل ، مشقتلیدر . اجر ایسه تعب نسبتندهدر .
 [۵] بوراسی « جر قراءته کوره مسح علی الخفین کتاب ایله ثابتدر »
 دیبائری رد در ا ه ط . دلیلده غایتدر . تسکیم وضوءده ذکر اولمشدر .
 سنت ، مشهور اولدینگی ایچون انکه کتابه زیاده جائزدر . کما فی الدرر وغیره .

واطلاق نصوصه بناءً رجال و نسا ایچون سفرده و حضرتده کړک حاجت و مشقته مبنی ، کړک بلاحاجة جائزدر [۱]

بحر رانقده دیرکه بعض صور ده مسح واجب اولوق کرکیدرکه بونلر او جمله دندر . آیاقلری مسحلی ایکن چیقاروب ییقامق تقدیرنده صو کفایت ایتمامک ، نمازک وقتی کچمک ، عرفه وقفه سی فوت ایدلک ط [۲] .

مسح علی الخفین — حقنده اولان اخبار مستفیضه [۳] یه مبنی — حدث اصغر دن طهارتده یعنی آبدست آلمقده صحیح اولوب (تیممده [۴] و) غسلده یعنی حدث اکبر دن طهارتده صحیح اوله ماز . زیرا نص حدث اصغر حقنده وارد اولمشدر .

[۱] تفضیل الشیخین (حضرت ابو بکر و عمر) و حسب الختین (حضرت عثمان و علی) و مسح علی الخفین علامات اهل سنتدر . رضی الله تعالی عنهم ورحمهم أجمعین .

[۲] قال : وهو من خصائص هذه الامة .

[۳] احادیث مشهوره دیمکدر . محشی دیرکه حفاظ حدیثدن برطاقم ذوات : مسح حدیثی متواتردر . دیدیلر کما فی فتح الباری . حسن بصری حضرتلری « اصحاب رسول اللہدن (صلی الله تعالی علیه وسلم) یتمش کیمسه رسول الاهی خفینه مسح ایدر کورد کارینی بسکا خبر ویردیلر » دیمدر . کما فی البدائع . فتح الباریده حافظ ابن حجر برندن تقلا سکساندن زیاده صحابه یی خفینه مسح ایدر کوردیمکفی ذکر ایتمشدر . عفره مبشرة او جمله دندر . ابن عباسی و ابو هريرة و عائشه رضی الله تعالی عنهم حضرتاندت مسحتک انکارینه دائر روایت اولنان سوزدن حضرت مشار الیهمک رجوع ایتدکلری صحیحدر . کما فی النهایة و غیرها ا ه .

[۴] چونسکه مانحن فیه اولان طهارتدن طهارت مائیه مقصود اولدینقی محشی صراحوم مبدأ مدت بحثنده ذکر ایتمشدر .

برده رخصت کلفته مبنی اولوب اوده تکرر ایلدر . حدث
اکبر اوقدر متکرر اولدیغیچون انده کلفت یوقدر . بناءً علیه
حدث اکبردن طولای تیمم ایدن متخفف یولجی [۱] بعد التیمم
حدث اصغره مبتلی اوله رق آبدست اعضاسنه کافی صوبی بولمق
واستعماله قادر اولمق تقدیرنده خفله ربی چیقاروب آیاقلربی
یبقاق لازم کلور . حدث اکبره مبنی آیاقلرندر کی خفله مسح
ایلدک صحیح اوله ماز [۲] .

مسح علی الخفینک جوازی ایچون یدی شی شرطدر :
(شرط اول) خفله ربی آبدسته آیاقلری یبقادقندن صکره
کیمش اولمقدردر . ولو حکماً یبقامش یعنی آیاقلرنده ، یاخود انلرک
برنده ، اولان معذوریه مبنی صارغی اوزرینه مسح ایلیهرک
خفنی کیمش بولسون (چونکه مسح جبیره دخی غسل
حکمنده در) . ویاخود آبدستی ترتیب مسنوننه مراعات ایتمیهرک
آلمش اولمق حسبیه اولای آیاقلربی یبقایه رق ، واکمال وضوءندن
اول آبدسته منافی برحال کندیسندن صادر اولیه رق . خفله ربی
کیمش اولسون .

[۱] بولجینک تخصیص بالذکر اولنسی یولجیلقمده فقدان ما غالب اولدیغندندر .
یوقسه مدار مسئله فقدان ما اوزرینه در اه ط .

[۲] حدث اکبر حالنده صورت مسحی صاحب کافی اولان حافظ
الدین النسی تقریباً المتعلم شوبله تصویر ایتمشدر : آبدستلی و آیاقلری مسحی ایکن
مبتلای حدث اکبر اولان کیمسه یان یانه رق یاخود آیاقلربی یوکسک برشی اوزرینه
اوزادرق یبقانوبده خفله ربی اوزرینه مسح ایتمک صحیح اوله ماز . ط .

(شرط ثاني) خفلكر آياقلىرى طوپقار ايله برابر هر طرفدن اورتىچى اولمقدور . قيصه قونجلى اولان خفلكر قونجى بالاسندن طوپقار ككورينور اولمى ، وآياغه كييلان شى مركوب واسقارپين كى طوپقندن اشاغى يه اولوبده اولستنه عبا وچوخه مثلى قالينجه برشى ديكيلهرك طوپقار ك اوصورتله اورتلىش بولمى ، صحت مسحه ضرر ويرمز .

(شرط ثالث) آياق انلرك ايچنده اولديغى حالده مشى معتاد ايله على النوالى برفرسخ (۳ ميل) ودها زياده يوريمك ، وعلى قول قطع مسافه سفر ايتمك ، ممكن اولمقدور . بناءً على هذا جام ويا باصمه ياخود دمير ويانتخته كى (يا انك وياخود ايچنده كى آياغك مشى مذكوره تحمل ايدهميه جىكى) شيدن معمول اولان خف اوزرينه مسح ايتمك صحيح اوله ماز .

(شرط رابع) خفلكر هربرى طوپقندن اشاغيده هر نره سى اولور ايسه اولسون ولو تحت القدم [۱] ويا او كجه ده بولسون [۲] خرق كبير دن يعنى آياق پارمقلىرى ككچكيله اوچ پارمق مقدارى خللدن (دليك ، ييرتق ، سو ككيدن) خالى اولمقدور [۳] .
خلل اوچ طرفده اولوبده پارمقلىرى ككورنمك صورتنده

[۱] وقيل الخرق تحت القدم لا يمنع ما لم يبلغ اكثر القدم ا ه ط .

[۲] وقيل ان كان يخرج اقل من نصف القدم لا يمنع والا منع . ط .

[۳] محل مشى او اولديغىچون بونده آياق پارمقلىرى معتددر . پارمقلىرى بشميك ويا آچيق اعتبار اولمستنه اختلاف اولمشدر . ص .

اعتبار پارمغك مقدارينه دكل ، ذاته در . حتى آياغك باش پارمغيله
انك ياننده كى پارمق كورنسه - كه مقداراً اوچ كوچك پارمق
ديسكدر - ضرر ويرمز .

برده مانع مسح اولان خلل : آچيق اولوبده آياق كورينان ،
وياخود آچيق دكل ايسه ده يورر ايسكن آچيلان ، در . طولانى
اولوبده اوچ پارمق صيغه جق قدر اولان خرق كبير خفك
صلابتى جهتيله يورر ايسكن آچيلور و آياق كورينور اولدقجه
ضرر ايتمز .

بر آياغك خفنده اوچ پارمق مقدارندن اقل اولان خلل ديسكر
آياغك خفنده كى او قدرجه خلله ضم اولماز [۱] .

بر آياغك خفنده متفرقاً موجود اولان متعدد خلل اكر چو الدوز
كيره جك قدر ايسه يكديكره ضمأ حساب اولنور [۲] انك مادونى -
ديسكش دليسكندن معدود اوله رق - حساب قونماز .

(شرط خامس) خفين باغسز اوله رق آياقده طوره بيلور درجه ده
قالين اولمقدر . اينجه سى قطع مسافه يه صالح اوله ماز .

(شرط سادس) خفين صويك جسده (آياق تننه) وصوانه
مانع اوله بيلوب آلايدى همان نشف ايله آياغه ايصال ايدر
اولماقدر .

[۱] بخلاف النجاسة المتفرقة في خفيه أو ثوبه أو بدنه أو في المجموع وبخلاف
انكشاف العورة فإنهما يجمعان اه ط .

[۲] هذا هو المشهور في المذهب * وذكر في خزائن الفتاوى والتوشيح عن
ابي يوسف أنه لا تجمع الحروق سواء كانت في خف أو خفين اه ط .

(شرط سابع) هر آيا فده اوک طرفدن الک اک کوچک پارمغيله
لااقل اوچ پارمق مقداری ير خلقهٔ موجود اولمقدرد [۱] تا که محل
مسحندن فرض اولان مقدار تحقق ايده بيلسون [۲] .

ایمدي آياغنک اوک طرفی مفقود اولان کیمسه هر تقدرد
اوکیچه طرفی موجود اولسه ده خفه مسح ايده میوب آياغنی
بيقامق لازم کلور .

غسل ایله مسح اجتماع ایتیمیه چکنندن آياغنک بری بوحالده اولان
کیمسه دیگر آياغنی تام وصاغلام دخی اولسه انک اوزرنده کی خفه
مسح ايده میوب انی ده بيقار .

آياغنک بری فوق الکعب مقطوع ایسه اندن غسل سافط
اولمغله صاغلام ، ویا محل مسحی موجود ، اولان دیگر آياغنده کی
خفه مسح ايده بیلور .

مقیم اولان یعنی یولچی اولمیان کیمسه بر کون وبر کیچه
(۲۴ ساعت) ومسافر اولان یعنی یولچی بولنان کیمسه اوچ کون
واوچ کیچه (۷۲ ساعت) مسح ایدر [۳] .

[۱] مؤلفک بو مسئله ده کی افاده سی (نتیجه الفتاوی) نک تانارخانیه دت
و (فیضیه) نک خانیه دن — که فتاوی قاضیخاندر — اولان نقلرندن اوسعدر که
اندر « وان لم یسکن من جانب الاصاب شیء » وانما بقى مما یلی العقب مقدار ثلاثة
اصابع أو اقل أو اکثر لم یجز المسح « دیعشدر در .

[۲] هذا ما تقدمت الإشارة الیه عند بیان رکنه . وسیبصرح بفرضیه .

[۳] مسافر کتاب الصلواتده تعریف اولنور . ضدی مقیم تسمیه ایدیور .

مبدأ مدت وقت حدثت که خفینی نام آبدست اوزره [۱]
 کیدکدن صکره حاصل اولان ایلک حدث زمانیدر [۲] . (اندن
 صکره کړک مسح ایتسون کړک ایتسون مدت بو حساب ایله
 کذران اولدقن صکره ناسیاً دخی مسح ایده مز . ط) چونکه
 حدثك آیاهه سرایتنی خفك ابتداء منعی اورادندر . اندن اولی
 غسل طهارتیدر . [۳] .

مقیم اولان کیمسه مدت مسحی ائاده مسافر اولسه مدتی مسافر
 مدتته طولیدر چونکه اعتبار — نمازده اولدیغی کبی — وقتك
 آخرینه در .

مسافر اولان کیمسه برکون وبرکیجه مسح ایتدکدن صکره
 مقیم اولور ایسه آیافلربنی چیقارر (ییقار) چونکه مسافرته مخصوص
 اولان رخصت آنسز قالماس .
 برکون وبرکیجه دن اکسیک مسح ایتمش ایسه انی تماملار .
 چونکه مدت مقیم اودر .

[۱] مراد طهر مائیدر (کړک آبدست ، کړک غسل اولسون) . تیمم
 خارجدر ط .

[۲] مثلاً بر مقیم برکون طلوع فجر هنسکامده آبدست آلوب طلوع شمه
 قریب خفربنی کیدکدن و او آبدست ایله اوکله نمازینی دخی قیلدقن صکره
 کندیسندن حدث واقع اولسه (کیجه یا اار ایکن چیقارمدیغی حالده)
 ایرتسی کون دخی اوکله نمازی آبدستنده خفینه مسح ایدر . ایکندی
 آبدستنده آیافلربنی ییقار اه عینی علی التحفة .

[۳] وقیل من وقت اللبس وقیل من وقت المسح . ص .

مسحک فرضی [۱] هر آياغک اوک طرفی اوزرندن ال پارمقلىربنک
اک کوچکيله اوچ پارمق [۲] مقداری محلی (فوق الخف) بر کره
مسح ایله کدر [۳] .

آياغک (یعنی خفک) نه التنه و نه اوکجه منه نه ده یا نلرینه و قونجه : مسح
ایتمک صحیح اولماز [۴] و مسحه تکرار مسنون دکدر [۵] .
مقدار مذکور هر آياق ایچون فرض اولمغله بر آياغک اوزرندن
ایسکی . و دیگر آياغک اوزرندن دزت ، پارمق مقدار محلی مسح
ایتمک جائز اولماز . ط .

[۱] بو ، انک همه رکبدر . تکیم ذکر اولندی . محشی دیرکه :
فرض ، اصل مسح حیثیتندن اعتقادی ، و مقدار حیثیتندن محلی ، در اه
[۲] اصح اولان بودر (یعنی اصغر اصابع ید معتبر اولدیفیدر) چونکه
آلت مسح اصابع یهدر . اوچه انک اکثریدر . سنت دخی بو وجهله وارد
اولنددر . ص .

محشی « هر تقدیر کندی پارمقلى اولسه یيله » دیشدر .
[۳] مؤلهک متنه نظراً افاده سی بو ، و شرحه نظراً شو ، در : مسحک
فرضی ال پارمقلىربنک اک کوچکيله اوچ پارمق مقداریدر و محل مسح هر آياغک
اوک طرفنک اوستیدر و بر کره مسح اولمقددر .

[۴] حضرت علی کرم الله تعالی وجهه : اکر دین رأی ایله اولیدی خفک
القی مسح ایتمک اوسنی مسح ایتمکدن اولی اولوردی بیور مشدر . فی الواقع
خفک الی یرم کلدیکیچون محل اصابت اوساخ اولدیفندن مسح اولمغه احرادر .
عاقله لازم اولان شرعه اتباعدر . امام ابو حنیفه حضرت تری دخی : بن اکر
رایه قائل اولیدم بول اوزرینه غسلی لازم قیلوب منی به آبدستی کافی کورر ایدم
چونکه بول اتفاقاً نجسدر منینک نجاستی ایسه مختلف فیهدر وقادین قسمی
اضعف اولدیفیچون میرانه ارکهک قادینک نصف مأخوذینی ویرر ایدم .
بیور مشدر اه من ط باختصار .

[۵] تکیم (سنن وضوء) ک اون اوچنجیسنده ذکر اولندی .

هر آياغك محل مسحندن او مقدارير بر بز (وياسونسكر) پارچه سيله ياخود اوزرينه صو دوكمك ايله دخى ايصلا نسه جائز اولور .
ولكن انسكه سنت حاصل اولماز نتمكيم خفك هر طرفنى مسح ايتمكه دخى مطلوب حاصل اولسه ده سنت يرينه كلكش اولماز .

ذكر اولنان اوچ پارمق محلى بر پارمق ايله اوچ كره ده مسح ايلك —
هر دفعه سنده يسكى صو آلمق وايك نجه دفعه ده ايلك دفعه مسح ايتديكى محلك غيرى يى مسح ايتمش اولمق شرطيله — [۱] جائز ايسه ده مخالف سننيدر .

مسح على الخفينك سننى كيفيتنده مابين اولديغى اوزره : پارمقلى آچيق (يعنى آراتق) اولديغى حالده التى اياغك اوچندن خفك اوزرينه قوبوب قونجنه طوغرى طوقلرى آشيرق چككيدر [۲] .

اكر مسحه قونجندن باشلار وياخود خفك اوستنه عرضاً مسح ايلر ايسه صحيح ، و فقط مخالف سنت ، اولور .

مسح على الخفينى شردرت شينك برى بوزار : [۳] .
(۱) آبدستى بوزان هر شى [۴] .

[۱] قال : والا ، لا .

[۲] خفك هم التنى وهم اوستنى مسح ايتك بزجه مستحب دخى دكلدر .
قال ط : والسنة عند مالك والزهري والشافعي مسح أعلى الخف وأسفله .

[۳] انلك اوچى متفق عليهم ، برى مختلف فيهدر . كا استفهمه .

[۴] انلر (نوافض وضوء) ده تعداد اولنشدردر . مسح خلف اولمكه

(۲) خفی آیافدن چیقارمق [۱] .

چیقمق چیقارمه نك مطاوعی اولمغه ناقض مسح اولمغه اودخی اكا مساویدر . ایکی آیاق حکم طهارتجه عضو واحد اولدیغندن برینك ییقانسی لزومنده دیکرینك دخی ییقانسی لازم اولمغه ناقض مسح اولمغه خفك بری چیقمق دخی کافیدر . اکثر ایچون حکم کل اولمغه آیاغك اکثری خفك قونجمنه قدر چیقمق دخی کاملا آیاق چیقمق حکمده در . محل مسح مکانندن مفارق اولمش دیمکدر .

صدر قدم ، موضعنده قالدقجه طویفك اوینار اولدی مسحی نقض ایتمز . طهارت کامله اوزره کیدیکي خفك ا زرینه (مثلا) چزمه کیهرك بعد الحدث آلدیغی آبدستده چزمه لره مسح ایلش اولدقدن صکره چزمه لری آیاغندن چیقارمقله خفکینك مسحی منتقض اولیبوب آبدست آله حق اولدقه آیانلرینی چیقاروب ییقامق لازم کلیهرک خفکری اوزرینه مسح ایلمك کافی اولور . نیکیم بهجة الفتاواده مذکوردر [۲] .

اصل بوزیلور ایسه خفك دخی حکمی قالیوب تجدید وضوءده مسح دخی تجدید اولنور .

مؤلف مسحه (بدل) تعیر ایتمش ایسه ده (بدل) : اصله قدرت وار ایکن جائز اولمایدر . بوايه اصله قدرت ایله برابر جائز اولدیغندن خفکدر . بدل : نیممدر . أفاده ط .

[۱] مانعك زوالنه مبنی حدث سابق قسدنه سرایت ایتمش اولورکه حقیقتده ناقض اودر . نقض مجازاً سببی اولان نزع نسبت اولنمدر . بعد المسح خفقه خرق کبیر حادث اولق دخی بو حکمده در .

[۲] خلاصه سی : طهارت ایله بری بر اوزرینه کیامش مسحك بعد الحدث اوزرنده کی چیقاریلوب اتتمده کی اوزرینه مسح اولنسه جائز اولور .

(۳) مقیمه و مسافره کوره مدت مسح منقضی اوباق . [۱]
 (۴) خفك ايچنده ايكي آياقندن برينه — ياتمامنه ويا اكثرينه —
 صو اصابت ايتمك [۲] .
 بونلردن اوچ صكره كيلرده (آبدست وار ايسه وزليه جفندن)
 يالكز آياقلر ييقانور . بقيه وضوءى اعاده لازم دكلدر .
 (اولكي صورتده تجديد وضوء اولنوب مدت مسح باقى ، وخف
 خلل مانعدن برى ، ايسه افلره مسح ايديلور) .
 مدت مسحك انقضاسى صورتنده خفلر نزع اولنوب آياقلرك
 ييقانمى لزومى شدت برد سبيله آياغك تماماً ويا جزأ تلفندن
 خوف اولنديقى تقديرده در . اوخوف اوزرينه اولان كيمسه مدت
 مسحك انقضاسيله خفلرينى آياقلرندن چيقارمىوب امين اولنجه
 قدر مسحه دوام ايدر .

[۱] مدت مسح اكر نماز ايچنده نهايت بولور ايسه اونماز فاسد
 اولور . صو وار ايسه يالكز آياق ييقانق وضوء يوق ايسه تيمم اولنق
 لازم كلور .

[۲] محشى ديركه بو ، مسحك (رخصت ترفيه) اولديغنه مبيدركه
 عزيمت دخى مشروع ديمكدر . زيلعى بونك اوزرينه كيتمش وانى عامه
 كتبدن نقل ايتمشدر . برهان الحالى ودرر محشيسى نوح افندى دخى
 بونى تقويه ايامشدر . مسحك (رخصت اسقاط) اولديغنه قائل اولانلرجه
 بوندن مسح منتقض اولماز (وبو ، غسل عد اولتماز) زيرا قدمك خف
 ايله استنارى حدثك قدمه سرايتى بالاجام منع ايدر . احوالده آياق
 طهارتى اوزره قالب اوصورتله واقع اولان غسل معتبر اولماش اولور .
 بوكا مبنى متون سائرده مسحك نوافضى اوچ عد اولنمشدر اه مختصراً .
 مسحك بيان صفتى محشه بافكز .

ظاهر متون صفت مسحك دخى بقاسيدركه خفلرك بالسكر اوزرى
مسح اولنور . معراج الدرايه [۱] ده : جبیره طرزنده قابلايو مسح
ايدر ديمشدر . (معتمد عليه اولانده بودر . ط)

درنجى صورتده غسل ايله مسحى جمع ايتمش اولماق ايچون
آياغك ايكيسنى دخى خفلدن نزع ايله ييقماق لازم كلور .
نكاف ايدوبده آياقلرينى خفلرى چيقارمدين ييقايه بيلور
ايسه اوده كافى اولور .

مدت مسح اراق بوغسلدن صكره كى حدثدن اعتبار اولنور .

مسح على الخفين خلاف قياس اوله رق ثابت اولمغله بشقه سنه
مقيس عليه اوله ميه جفتدن باش كسوه سنه (مثلاً فسه و صاريفه)
وال كسوه سى ديمك اولان الديون اوزرينه ويوزدهكى نقابه
مسح ايتمك جائز اوله ماز .

— جبیره یه و عصابه یه و امثالنه مسح —

قیرق اوزرینه باغلانان تحتہ صارغی یه (جبیره) و یارم اوزرینه باغلانان
بز صارغی یه (عصابه) دییه جکز [۳] .

- [۱] ۷۴۹ تاریخنده متوفى قوام الدين الكاينك هدايه شرحيدر .
[۲] جبیره نكده عصابه سى اولور . چيققى به تفعیلدن اسم فاعل صیغه سیله
(مجر) تعبیر اولنور :

کړک بولره ، کړک موضع عذر اوزرينه وضع اولنان پموق وساقز کې شيلره وعلاجلره عند الضروره مسح اولنور . ايمدی :
 قان آلدیررق ويا سولک طوته رق يا خود سائر صورتله ياره لنه رک وياچبان چيقاره رق ويا خود کيمکی قيريله رق ويا اينجينه رک صارغی صاران ويا صارديران کيمسه عذری آبدست اعضاسنده ايسه آبدست آلور ايکن ويا خود هر نره سنده اولور ايسه اولون غسل ايدر ايکن اوراسنی نه صيچاق ونه صفوق صو ايله ييقامغه ويا مسح ايتمه که قادر اوله ماز ايسه [۱] انک اوزنده کی شيشه بر کره مسح ايدر .

حضرت نبی اکرم صلی الله تعالی عليه وسلم افندمز أحد وقعه سنده آلدقلى ياره نك صارغيسنه مسح ايدر اولمشار وحضرت على به خيرده بيـلك کيمکی قيرلديغنده صارغی اوزرينه مسحی امر ايتمشلردر .

مسحک مدارى تخفيف اوزريه اولديغندن انده مره واحده کافی اولوب تکرار لازم اولمديغی کې [۲] استيعاباً مسح فساد جراحه یی مؤدی اولماق ايچون صارغينک جميع جزه یی مسح

[۱] غسل ويا مسحه صويک صفوغی ضرر ويرر ايسه تسخيني لازمدر .
 علی قول صيچاق صو استعمالی مشقت اولديغیچون واجب دکدر . اولکيسی (یعنی وجوب) ظاهر در ا ه بحر .

[۲] تسکيم سنن وضوءده (۱۳) ذکر اولندي . علی قول باشند ماعداده مسح تکرار اولنور . باشک مسجنده انفاقا تکرار یوقدر . باشک بر ربعی ظاهر قالمش ايسه انی مسح ايدر . والاعصابه یی مسح ايلر .

ایتمک دخی لازم اولمایوب قسم اکثرینی مسح ایلمک کافیدر .
 صارغی بی چوزمک ضرر ویردیکی حالده عذر محلتک
 اطرافندن صارغی التنده قالان یرلری یسقماق لازم اولمایوب
 صارغینک طولامندن جسدک آچیق قالان یرلرینی مسح ایتمک
 دخی کافیدر .

اگر صارغی بی چوزمک ضرر ویرمز ایسه چوزب
 اورالرینی یبقار وعذر محلی مسح ایدر . مسحک ضرری اولور
 ایسه ایتمز .

جبیره وعصابه کی شیلره مسح خفین اوزرینه اولان مسح
 کی مدت معینه ایله موقت اولمایوب بره . حصوله دکین امتداد
 ایدر [۱] .

صحت مسح ایچون انلر طهارت اوزره (یعنی آبدستلی اوله رق)
 صارلق مشروط اولماز .

بر آباغی یقئادیغی حالده دیگر آباغینک صرغیسنه مسح جائز
 اولور . قبل البره صارغی ساقط اولقله مسح باطل اولماز [۲] .
 قیام عذره مبنی حدث اصغر واکبر بوبابده مساویدر .

[۱] (بره) جزء وزنده ایلمک وعافیدر .

[۲] اما عن بره ساقط اولورسه عذر زائل دینک اولقله مسح باطل
 اولور . یاره ای اولوب صارغی ساقط اولماز ایسه مسح ینه باطل اولور .
 شوقدرکه بو مسئله صارغی بی چوزمک هنوز التیام بولان یرمه ضرر ایتمک
 قیدیه مقید اولق کرکدر ا ه ط .

بر صارغی به مسح ایتدکدن صکره انک اوستنه بر صارغی دها
باغلامه اکا مسح ایدر .

انی چیقاردقدن صکره التتک مسحی اعاده ایتمز .
مانحتتک ایصالا نمسیله صارغینک مسحی باطل اولماز .
بعد المسح صارغی بی دکیشمک جائز اولور . دکیشمکه مسحی
اعاده واجب اولماز . اعاده افضلدر .
(بومستله لرده مسح علی الخفین فرقلیدر) [۵] .

کړک جبیره وعصابه اوزرینه ، کړک باشه ایدیلان مسح آبدست
کبی طهارة بالماء وجزء وضوء . دیمک اولمغله محتاج نیت دکلدرد .
خقلر اوزرینه ایدیلان مسح دخی قول اظهرده بویله در .
علی قول انده تیمم کبی نیت شرطدر .

طراغی قوپوب ویا بر بشقه درد حاصل اولوب اوزرینه
علاج قومق یاخود ساقز یاپشدرهق ویا اود درسی کبی بر شی
وضع ایلک صورتمده الړک آبدستده نزع واخلجی مضرایسه
اوزرلرینه صو اوغرادر . صو امراری دخی مضر اولور ایسه
انله مسح ایدر . مسح دخی مضر ایسه ترک ایدر ، ضرورتلر کندی
مقدارلرله مقدر اولور . تنسکیم تمام احکام وضوء فصائنده نظیری
کذران اولمشدر . (فی ص ۷۳) .



[*] الا ما تقدم من مسألة الجرموق المذقولة عن بهجة الفتاوى .

— أحوال نساء —

(حیض) و (نفاس) و (استحاضه) اسم لربله اوج نوع احوال نسا واردر .

حیض [۱] : کبه لکی ، و خروج دی موجب خسته لکی ، [۲] اولمیان و سن ایاسه ایرمیان بالغه نك رحمندن (یعنی دول بتاغی تعبیر اولنان موضع سفلی داخلیندن) ظهور ایدن دمدر .

محشی دیرکه بو تعریف حیضك أنجاسدن عداولمنسنه کوره در [۳]

[۱] حیضك لغت معناسی سیلاندر « حاض الوادی » دینورکه سال معناسنه در . من . اغاجدن صمغ احمر ظهورنده « حاض الشجرة » دینور طاووشان کبی بعض حیوانانه نسبت اولنان حیض دخی سیلان معناسنه در . أفاده ط . حیضه (قره) دخی دینور جمعی قروء کلور .

[۲] مطلق مرض مراد اولدیغنه اشارتدر . چونکه سلیمه الرحم اولان قادینک خسته لکی حیضه مانع اولمازا ه ط . رحمنده یاره ویاچیبان اولوق کبی خسته لکه مبنی کلان دم ، حیض دکادر . زبلعینك افاده سنه کوره قیده مذکور نفاسدن دخی احترازدر . زیرا نفاس اولان قادین مریضه حکمنده در حتی تبرعانی ثلثدن معتبردر .

[۳] دمك نجس اولدیغنده شبهه و شقاق اولماقله برابر حیض نسوان أحداندن اولوق تحقیقدر . حیضك أنجاسدن اولدیغی شونکله مستدلدرکه نجاستك ازاله سی صلاته دخولی اباحه ایدر . بونك ازاله سی حتی حائضك اغتسالی ایسه صلاتی اباحه ایتیز . وبوکا تعلق ایدن اکثر احکام أحدانه مختص اولان احکامدر کذا قیل . وهو شیء کتبه الله تعالى علی بنات آدم .

أحداثن اولديغنه كوره شويله تعريف اولنور : (حيض) مدت معلومه امتداد ایدن مانعيت شرعيه در [۱] .

قاديئلرده بر سن بلوغ و برده سن اياس واردر . مبدأ سن بلوغ طقوزدر [۲] منتهای سن اياس الی بشدر .

بلوغه ایرنه (بالغه) دینلدیکی کبی سن اياسه وارانه دخی (آيسه) تبعیر اولنور .

برقیز طقوز یاشندن اعتباراً حیض کوررک بالغه اوله بیلورکه قادیئلرک یاشنه وارمش ، وارککه مقارنتده کبه قالمق استعدادنده بولنمش ، اولور . الی بشی کچامک اوزره [۳] یاشلاندقمده حیضدن کسمله رک آيسه اولورکه ارتق کندیسنده کبه قالمق امیدی واستعدادی قالماش بولنور [۴] .

حیض کورنه (ذات الحیض) وبالفعل حیض اوزره اولانه

[۱] اومتک الی اوچ کون و اوچ کیجه در . الی هنا کلامه . اعتبار مذکور نفاسک واستحاضه نك تعريفارنده دخی جاریدر . کما سترام .

[۲] ارککده مبدأ سن بلوغ اون ایسکیدر . قیرده واوغلانده منتهای سن بلوغ اون بشدر . ارککده اثر بلوغ : احتلام واحبالدر . قادینده اثر بلوغ : حیض وحبالدر . مبدأ سن بلوغه وارونده اثر بلوغ ظهور ایتمیان اوغلانه (مراهق) وقیزه (مراهقه) دینور . منتهای سن بلوغه وارمشیکن کندیسنده آثار بلوغ ظاهر اولیان قیز واوغلان حکماً بالغ عد اولنور .

[۳] چونکه بعض نسوان ده اول آيسه اولور . الی بشدن صکره قادیئلر هپ آيسه درلر . الا ماشاء الله تعالی .

[۴] ایس دخی موازی بولنان یأس کبی نومید اولقندر . لسانزده بوماده لردن برینک مصدری وبرینک اسم مفعولی استعمال اولنقمده در .

(حائض) دینور . جمعلی : (ذوات الحيض) و (حوائض) کلور .
(طامث) دخی حائض معناسنه در .

مدت حیضك افلی : کیجه لريله برابر اوج ، اوسطی : بش ، [ه]
اکثری : اون ، کوندر .

اوج کوندن اکسیک واون کوندن زیاده اولماق اوزره
اودم قادین قسمك بلوغندن اعتباراً باشلايوب سن ایاسه قدر
— کبهلك کبی برعارضه اولدقجه — هر آی عادت ایتدیکی کونلرده
کلور . بعضاً تخلفده ایدر .

مدت حیض ایچنده دمك علی الدوام کبهسی شرط اولیوب
انقطاعی دخی نزولی کبیدرکه سیلان حکمنده در . و بیاض خالصدن
ماعداده کلان دپ دم حیضدر .

قادین قسمی کبه قالدیغندن اعتباراً عادت الهیه باب رحم
منسد اوماق اوزره جاری اولمقله کبهلر حیضدن خالیدرلر . وضع
حملی متعاقب نفاسه مبتلی اولورلر .

نفاس : قادیندن وضع حملی متعاقب ظهور ایدن دمدر .
حدث اولمق اعتباریله (نفاس) : دقب ولادنده خروج دم سببیه
اولان مانعیت شرعیه دن عبارت اولمق اوزره تعریف اولتور .
ولذلك قسم اکثرینك خروجی دخی ولادت حکمنده در .

[*] اوسط الحيض مما انفرد المؤلف بذكره لانكاد تجده مذكوراً
فی كتب القوم .

مستقیماً نزولنده اعتبار صدره ، ومنه کوساً نزولنده اعتبار سرّیه (کوبکه) ، در [۱] .

نفاس اوزره ولان قادینه (نفساء) تعبیر اولنور که لحوسه دیمکدر . جمعی : (نفساوات) و (نفاس) در .

مدت نفاسک اکثری قرق کوندرکه اندن زیاده سورمز . اقلی ایچون حد معین یوقدر .

چرنکه نفاسک رحمن نزولنه دلالت ایتمک اوزره ولادنن فضله اماریه احتیاج یوقدر (حیض ایسه اوچ کون امتداد ایتمکدن بشقه انک رحمن نزوله دلیل اولمدیغندن حیضک اقلی اوچ کون اعتبار اولنمشدر . لکن مجرد رؤیت دم ایله قادین مبتدأ دخی اولسه نمازینی ترک واورجینی تأخیر ایدر . زوجی دخی اکا یاقین اولماز . ط .)

اعضاسی بلورمش اولان دوشوک [۲] دخی اولسه وضع حمل دیمک اولمغله قادین نفاس کورر ومعتده ایسه عدتی منقضی اولمش اولور . وجاریه ایسه (افندیسنک ادعاسیله) ام ولد اولور

[۱] ولدک منکوسا نزولنه یعنی ترس کلسنه لغت عربیه ده (یقن) . تعبیر اولنور : وضعته یقناً . یاخود : ولدته یقناً . و « أیئنت المرأة » دنورکه قادین چوجغی ترس طوغردی دیمکدر . قال الشاعر :
فجاءت به یقناً یجر مشیمة * تسابق رجلاه هناك الاناملا .

[۲] مستبین الخلقه اولیان دوشوک برشی دکدر . کوریلان دم اکراوچ کون دوام ایدر واکا طهر تام دخی تقدم ایله ایسه حیضدر والا استحاضه در . کذا فی ثقل الغبضیه عن الدر .

وولادته معلق یعنی اولان حائث اولور [۱] .
بعد الوضع (شاذ اوله رق) دم کورمیان قادین قول امامین اوزره
نفساء اولما مغله [۲] اکا آنجق آبدست آلمق ، وعند الامام احتیاطاً
غسل ایتmek لازم کلور . (نواقض وضوءک ایکنه جیسنه باقیکنز) .

استحاضه : قادیندن حیضه کوره اوچ کوندن اکسیک ویاخود اون
کوندن زیاده کلان و نفاسه کوره قرق کونی کچن دمدر [۳] .
حدث اولمق اعتباریله استحاضه : حیض و نفاس خارجنده کی
دم سببیه اولان مانعیت شرعیه در .

کبه دن و آیه دن و صغیره دن یعنی طقوز یاشنه کیرمیان قیز
چو جغندن کلان دم دخی استحاضه در [۴] .
استحاضه اوزره اولان قادینه (مستحاضه) دینور .
ایکی حیض اره سنده [۵] اولان طهرک (تمیزلسکک) اقلی

[۱] ولکن وارث و مستحق وصیت اولماز . اسم ویرلز . وعلی وجه
السنه غسل ایدلز و نمازی قیلماز . من مع ط . وادمیت کندی حقنمه دکل
ایسه ده غیر حقنمه ولددر . کما فی کتاب الایمان .

[۲] اکا غسل لازم کلز وانک اورجی (وار ایسه) باطل اولماز .
چونکه بونلر حقیقت نفاسه تعلق ایدر . نفاس ایسه (فرضمزده) موجود
اولماشدر . قیاس اولانده بوهر اه ط .

[۳] زاد فی الاصل مانعه : أوزاد علی عادتھا و تجاوزا کثر الحیض و النفاس .
واکتفینا عنه بما سیأتی قبیل الحیره . واستوفیناه عند ذکر الاعتذار .

[۴] علی قول صغیره دن کلان : دم فساددر . استحاضه دکلدر . ط .

[۵] أو بین النفاس و الحیض . کما فی الدر ط .

اون بش کوندر [۱] اکثری ایچون حد یوقدر. بعضاً بر فادین برسنه دن زیاده طهر [۲] حالده بولنه بیلور [۳].

مکرکه مستحاضه اوله رق بالغه اولمش اوله اکا عادت نصب اوله رق : حیضی اون کون و طهری اون بش کون و نفاسی قرق کون تقدیر اولنور .

ایام عادتی اولوبده دم ، معتادی تجاوز ایدرک حیض و نفاسک حدا کترلرندن زائد اولور ایسه عادت اوزره ابقا اولنوب زائدی استحاضه اولور .

عادتی اونودر ایسه اکا تفهیل بابندن اسم فاعل صیغه سیله (محیره) تعبیر اولنور . انک اقسام و احکامی مطولانده در .

مؤلف دیرکه : حیض فقهک غوامض ابوابندن و : طلاق و عتاق و استبراء و عدت و نسب و حیل و طه و وصلات و صیام و تلاوت و اعتسکاف و دخول مسجد و طواف حج و بلوغ کبی

[۱] لقوله صلی الله تعالی علیه وسلم : أقل الحیض ثلثة و اکثره عشرة و أقل ما بین الحیضین خمسة عشر یوما . س .

[۲] (طهر) قیل وزنده خلاف حیض معناسنه ایسه ده معنای اعم اییه خلاف نفاسه دخی اطلاق اولنور که مانیت شرعیه دن علی الاطلاق آزاده ک دیسکدر . جمی أقوال کبی (أطهار) کلور . قال الشاعر .

قوم اذا حاربوا شدوا مآزرهم * دون النساء ولوبات باطهار والمتبادر المعنی الاول .

[۳] ویکون عدة زوجة الفار أبعد الاجلین عند الطرفين .

بر چوق احکامه مبنی اعظم مهماتندر [ه].

[*] حیضك طلاقه تعلقی زوجہ مدخول بهائی حال حیضده تطایق: بدعی ، وبعد الحیض وط وقوع بولیان طهرده تطایق: سنی ، اولسندهدر .

عتاقه تعلقی أمولد جاریه آزاد اولورسه اوچ حیض ابله عدت بکلراولسندهدر . استبرایه تعلقی ذات الحیض جاریه نك برحیض ابله استبرا ایدیلور . اولسندهدر (بو « استبراء » استنجا بخشنده کچن استبرانك غیریدرکه رحك ولدن برأفته دائردر) .

عدته تعلقی ذات الحیض اولان حرمك عدتی اوچ ، وجاریه نك ایکی ، حیض اولسندهدر .

نسبه تعلقی حرمه مطلقه اوچ حیض ابله عدت کوردکدن صکره کتوردیکی چوجق عدتی انقضاسندن اتی آی صکره دخی طوغمش اولسه زوجك نسبه الحاق اولماز اولوب دم کورمیهرك کتوردیکی چوجق ایکی سنه صکره دخی طوغمش اولسه انك نسبه الحاق اولنور اولسندهدر .

حل وطءه تعلقی حیضدن پاك اولان زوجیهی وطء ایتك حلال اولوب زوج ایچون اتی حیض وطهری حقنمه کی اخبارنده تصدیق ایتك جائز اولماقله حیضنی اخبارده تقریدن امتناع ، وطهرنی اخبارده تقریب ، ایده بیلمك خصوصلرندهدر .

صلات وصیامه تعلقی قادن قسمی بونلری حال حیضده یا عیوب حیضدن پاك اولدقن صکره قیلهی وطوغقی خصوصنجهدر . مسائل حیضی بیلمیان قادن صلات وصیامنی انلرك وقت وجوبنده ترك ووقت وجوب ترکنده اقامه ایدرکه بونلرك ایسکیسمی دخی حرام وضرر عظیمدر .

تلاوته تعلقی ظاهردهرکه حائضه قراءت قرآن حرامدر . دخول مسجد دخی اولهدر . اعتکاف دخی حیض ابله فاسددر (وکذلک النفاس) .

مس قرآن خصوصنده حیضه حدث اصغر دخی اشتراك ایدر . حکم جنایتجه فرق اولماقله برابر طواف کعبه دخی اولهدر . تسکیم اوصاف وضوءده ذکر اولندی .

بلوغ مع العقل مدار تکلیفدر وحیض اثر بلوغدر .

حيض و نفاس ايله سگزشي حرام اولور :

(۱) نماز .

(۲) اورج .

شرط صحت مفقود اولمغله بولر حيض و نفاس حالنده صحيح دخی اولماز .

معلوم اولسونکه حيض و نفاس نمازك هم وجوبی وهم جواز وصحتی منع ايدر . اورجك يالكر صحت وجوازي منع ايدر ، وجوبی منع ايتمز . حرمتدن عدم صحت لازم كلامكه مؤلف ، ولايصحاح ، قولی دخی زیاده ايتمشدر . وشبهه بوقدرکه بر شیتی منع ايتمك انك أبعاضی دخی منع ايتمك ديمك اولمغله حيض و نفاس حالنده اولان قادينلر سجود تلاوت وسجود شكردن دخی ممنوعدرلر . ط .

(۳) قراءت آیت .

مكرکه مشتمل ذكر ياخود مشتمل ثنا وياخود مشتمل دعا اولان آینی ذكر وثنا ودعا قصديله اوقومش اوله ، بوحالده بأس اولماز . حتی سورة فاتحه ي وایچنده معنای دعا اولان سائر آیات قرآنيه دن برینی قرآن قصد ايتمیهرك دعا طریقیله اوقورسه بر بأس بوقدر . ط .

حكمی وخبری مشتمل بولنان آیت ذكر قصديله دخی اوقونهماز [۵] .

[*] قال الهندواني : لاأفتي بجوازه على قصد الذكر وان روى عن أبي حنيفة . كذا في الاصل .

بر آیتک مادونی حقیقه تصحیح مختلفدر . مختار اولان : منعک
اطلاقیدر . زیرا حدیث شریفده ، لا تقرأ الحائض ولا الجنب شيئاً من
القرآن ، بیورلمشدر نفساء دخی حائض کبیدر .

(۴) مس آیت .

یعنی آیته ال سورمک ، طوقنمق ، کرک کاغده ، کرک
پارهده ، کرک دیوارده یازیلی اولسون . زیرا [لا یمسه الا المظہرون]
بیورلمشدر .

مکر بر غلاف ایله مس ایدلمش اوله که اوغلاف قرآندن وانی
حاوی اولان جلد کی حائلدن آیری اوله .

قول صحیحده بویلهدر [۱] .

لباسک یسکی ، لابسه تابع اولدیغیچون [۲] انسکه آیت طوتمق
تحریماً [۳] مکروهدر [۴] .

[۱] حرق ویاغرفدن محافظه مثلی ضرورتلر حکم حرمتدن مستثنادر .
قرآنک ترجمه سی دخی اصلی حکمندهدر . آیت ایله مصحفک فرقی شورادهدر که
مصحفک یازیدن خالی اولان یر لرینه دخی محدث ال سوره من . مصحفک ماعداسنده
ممنوع اولان نفس آیتک مسیدر . آیت ایله تقبیدر بر آیتک مادونی مس
ایتمک ممنوع اولدیغندندر . فتاواوی قاضیخانک قراءت حربی و ذی
بجئنده مذکوردر که : حربی ویا ذی قرآن وفقه و احکام طالبی اولور ایسه
اهتما ایتمک امیدینه مبنی تعلیم اولنور و لیکن مس مصحفدن منع ایدیلور
مکرکه غسل ایتمش اوله . اندن صکره منع ایداز . ایچنده مصحف اولان خرجه
یا صلاقمق یا خود بولده انک فوقه بینمک محافظه ایچون اولدقچه مکروه اولوراه ط .
[۲] ولهذا لا يجوز أن يفرشه على نجاسة ويسجد عليه اه ط .

[۳] بولفظ نأکیداً زیاده ایدلمشدر . محتاج الیه دکلدر . کما قد عرفت .

[۴] اصلده بویله مذکور اولوب محشی مرحوم بونک هدایهده مصحح

(٥) دخول مسجد .

چونكه حديث شريفده « لأحل المسجد للجنب ولا حائض »
بيورلشددر . نفساء دخى حائض كييدر .

محشى ديركه مسجدك كهجهيه شمولى اولور . بيرام وجنازه
نماز كاهلربنه شمولى اولماز . دررده ممنوعيت دخول عدم ضرورت
ايله تقييد اولنشددر : اوك قپوسى مسجده اولمق كې بر ضرورت
اولور ايسه دخول ممنوع اولماز [١] .

(٦) طواف كهجه [٢] .

دخول مسجد حرام اولديغى كې طواف دخى حرامدر [٣] .
صحت طواف حدثن طهارته متوقف اولمديغندن وتعبير ديسكر
ايله طوافده طهارت شرط كمال اولديغندن كرك اصغر ، كرك
اكبر اولسون على الاطلاق حدثن بلا طهاره طواف صحيح ايسه ده
شرف بيت معظمه ، وبرمنطوق حديث طواف دخى صلات كې
اولديغنه ، بناءً طوافك بلا طهاره اولانى حرام ، وتفاوت أوصاف

اولديغى سويله دكدن صكره : « محيطه وجامع تمرناشيدده مصحفى يك ايله
طوتقى عند العامة مكروه اولماز چونكه ممنوع اولان مسر ايتكددر اوده
بلا حائل ال ايله بالباشره اولور دبو مذكورددر . بونلر امام محمددن ايكي
روايتدر كما فى النهاية » ديمشدر .

[١] بحر رائقده : قپونك وسكنانك تحويلى ممكن اوله مامق قيديله دخى
تقييد اولمق كركدر والا ضرورت تحقق ايدده مز . ديمشدر اه كلام المحمى .
[٢] ولو نفلاً . ط .

[٣] قال السكالم المنظور اليه بالذات فى منع الطواف وجوب الطهارة فيه
لاكونه فى المسجد حتى لو لم يكن ثمة مسجد حرم عليها الطواف أيضاً . ط .

طواف و اختلاف أحداث طائفه موجب ذبح و یا موجب نحر و یا خود موجب صدقه ، در [۱] .

(۷) وقاع [۲] .

حیض و یا نفاس حالنده اولان زوجه و یا جاریه سنه وقاع ایدن کیمسه به مستحب اولان : بر ، یا خود یارم ، دینار [۳] تصدق ایتمک و توبه ایدوب بردها ایشله مامسکدر :

زوج ایچون مباشرت حرام اولدیغی کبی زوجه ایچون دخی فعله تمسکین نفس ایتمک حرامدر . فراشنی آییرمق لاتق اوله ماز زیرا فعل یهوده بکزر [۴] .

(۸) تحت رکبه به قدر ماتحت السر ايله استمتاع .

[۱] مکرکه طواف رکن ایام نحرده علی الطهارة اعاده اولنه تسکیم اوصاف وضوء فصلنده طقسان سکرنجی صفجه نک اوچنچی هامشده کچمش ، و کتاب الحجده مستقلاً مذکور بولنش ، در .

[۲] معامله زوجیه . اکا (وطء) و (مواقعه) و (مباشره) دخی دینور . ج م ع ماده سی یک خاییده اولمله لفظ وقاع اندن مستحسندر .

[۳] (دینار) التون سکدر قیمتجه یارم عثمانلی لیراسی دیسکدر . دم سیاه ایسه بر دینار و صاری ایسه نصف دینار صدق ایدر دیملردر . علی قول حیضک اوائلنده ایسه بر دینار تصدق ایدر . والا ، یارم ، کاف ط . و القولان متقاربان .

بوده او حالده کی وطئک حلالیتنی اعتقاد ایتماک شرطیله در . والا اوکیسه اکفار اولنوب اولنماق اره سنده در . مبسوطده و اختیارده و فتح القدرده انک اکفاری مجزوم و خلاصه ده عدم اکفاری مصرحدر . زیرا حرام لغیره در . ص .

[۴] زاده ط عن البحر . حائضک یتاغی و خاولیسنی آییرمق وانی سفریه آلامق شرع یهوددر . شریعت بیضاء سمجه انی مجوز دکلددر .

آیت کریمه ده [لا تقر بهن حتی یطهرن] بیورلشدر . وحدیث
شریفه ده لك مافوق الازار ، وارد اولمشدر .
سره وانك مافوقی حلال الانتفاعدر .
حائضك [۱] پيشوردیكنی یمك وطوقندیغنی استعمال ایتمك
وآرتیغنی ایچمك مكروه ارماس . ط .

حیض ونفاس دی بونلرك حد اكثرنندن صكره منقطع
اولدقد [۲] زوجه وجاریه به بلاغسل دخی وقاع حلال اولور .
تخفیف طاء ایله [حتی یطهرن] قول کریمه بناءً كه طهرحرمته
غایت قیلنمش دیمكدر [۳] .

تشدید طاء وهاء ایله [یطهرن] دخی قرات [۴] اولنش
اولدیغندن خروجا من الخلاف غسل ایتمكجه وطاء ایتهامك مستحب
اولور [۵] .

- [۱] وكذا نفسانك . كما مر قبیل الرابع وفي الخامس .
[۲] انقطاعك ذكری شرط دكل ، عادت مجراسنده جاری ، در . یاخود
بوندن صكره کی مسئله به مقابله ایچونددر . دم منقطع اولسه ده حكم بویلهدر .
كما فی المضمرات اه ط .
[۳] همده حیض اون كوندن زیاده سورمز . دم كرك منقطع ، كرك
غیر منقطع اولسون . اندن زیاده سی استعاذهدر . وطی منع ایتمز . دیمك كه
او مدتدن صكره طهر متحققدر . ط .
[۴] فانها تقتضی التحريم ولولا كثیره والحمل الحاصل بالاجتهاد علی العشرة
لا يمنع الاحتمال . ط .
[۵] آیت حیض حقهده ایسهده نفاس دخی او حكهدهدر . لاشتراكهما
فی علّة الاذى .

حد اکثرک مادونند تمام عادتہ مبنی [۱] دمک انقطاعندہ
(زوجه و یا جاریہ) مسلمہ نک وقای شواوچ امرک بری اولدقجه
حلال اولماز : یا غسل ایتمش اولماید . چونکہ حد اقلده زمان
غسل دخی حیضدن محسوبدر [۲] غسل ایله اندن خلاص اولمش
اولور [۳] . بر عذرہ مبنی تیمم ایدوب انکله نافله اولسون —
علی الاصح — نماز قیلش اولماید [۴] تا کہ تیمم نماز ایچون تأکید
ایتمش اوله . (غسلک مؤکده احتیاجی یوقدر) . و یاخود
بعد الانقطاع غسل و تحریمیه و بونلرک مافوقی اجرایه وقت
بولمش-یمن غسل و یا تیمم ایتمیه-رک وقت صلات خروج ایتمکله
نماز انک ذمتنده دین اولمش اولماید .

بو حالده وقتک مجرد خروجیله انک وقای حلال اولور .

[۱] آتی محترزه قبالة هذه الصفحة .

[۲] معلوم اولسونکہ زمن اغتسال حد اقل ایچون انقطاعده حیضدن
واکثر ایچون انقطاعده طهردن متبردر تا کہ مدت اوندن زیاده
اولسون . بوده وجوب صلات و صوم و انقطاع رجعت و حل تزوج حقندہ در :
دم حیض اکثر مدتده منقطع اولانله رجعت منقطع اولور و غسل
ایتمدن دخی آخره تزوج اکا حلال اولور . اقل مدتده انقطاع دم
بویله دکلدرکه انده غسل و یاخود انک مقامنه قائم اوله جق شی مشروطدر اھط .

[۳] مدار علت بودر . ارتق قادی و وجوب صلاته دکل ، قراءتہ متعلق
احکامجه طاهرات حکمندہ در . حل و طء دخی جمله احکامدنسر . ط .

[۴] مجرد نیمم بویابده بالاجماع غسل مقامنه قائم اولماز . علی الاصح ط .

زیرا او وقتک نمازی انک ذمتنه مترتب اولمشدرکه بوده احکام طهاراتدن بر حکمدر [۱] .

اگر وقت ، غسله و تحریمیه کافی اولمیه جق قدر قلیل ایسه انک مجرد خروجیله یعنی صو و یا تیمم ایله تطهر ایتدکجه قادینک طهارتنه حکم اولنه ماز . حتی (او وقتک صلاتی اکا لازم اولمیوب وقتی اوصورتله کذران اولان نماز) صلات عشا اولدیغنه کوره ذمتنه مترتب اولدیغی کبی کندیبی حائضاً صباحلامش دیمک اوله جغندن اوکونک (ایام رمضانندن اولمسنه کوره) اورجی دخی صحیح اوله ماز .

اگر دم قادینک عادتی تام اولمدین [۲] منقطع اولمش ایسه اوچ کونی کچمش وقادین غسل ایلمش دخی اولسه عادتی کذران اولمدکجه زوج اتی وطء ایده مز . زیرا عادتی ایچنده حیضک عودتی غالبدر . بناءً علیه عادتک تمامندن اول ایتدیکی غسلک حکم و تأثیری اوله ماز [۳] .

مسئله بی (مسئله) قیدیله تقييد کتابیه نك یعنی یهود و یانصارادن

[۱] یعنی سائر احکام دخی اکا تابع اولور . جمله احکامدن بری ده حل وطء دراه ط .

[۲] هذا محترز ما تقدم في الصفحة التي قبل هذا .

[۳] ولکن او قادین بعد الغسل احتیاطاً نمازی قیلار و اورجی طوتار . نماز ایچون وقت مستحبک آخرینه طوغری تأخیر غسل ایتک اکا واجب ، و دمک انقطاعی تمام عادتندن صکره او اش ایسه غسلک او قدرجه تأخیری اکا مستحب ، اولور اھ ط .

اولان غیر مسلمہ زوجہ ویاجاریہ نک اون گوندن اول عادتی تمام بولورق حیضی منقطع اولمغله وقاعی حلال اولدیغیچوندر . چونکه انلر غسل ایله مکلف دکلردر [۱] .

انقطاع دم ایچون حدا کئرده مؤکد مشروط اولیوب انک حداقلده اشتراطی ذکر اولمان ایکی قرات بینی توفیقآدر [۲] .

حائض ویانفساء اولانلر اورجلیری قضا ایدرلر . نمازلیری قضا ایتمزلر . حدیث حضرت عائشهیه بناء که : « بزوحالک کئندمزہ اصابتندہ صومک قضا سیله امر اوانور ایدک صلاک قضا سیله امر اولماز ایدک » یورمشدر [۳] ، اجماع دخی بونک اوزرینهدر [۴] .

[۱] بوبابده کی أقوال مصححه نک بری بودر . بری دخی اهل کتابک اداء واعتقاداً خطاب شرع ایله مخاطب اولریدر . بوکا کوره کتاییه نک دخی حکمی مسلمہ نک حکمی کبیدرا هط . فتکون منہیة عن التمسکین کما ان الرجال . أمورون بالاعتزال . [۲] (حتی یطهرن) قول کریننده کی تخفیف قراءتی بعد الانقطاع وقبل الفسل وطء ی اباحه ، وتشدید قراءتی قبل الفسل انی منع ایتمکه تشدید مادن العشره یه وتخفیف عشره یه حل اولنشددر . شوقدرکه تشدید قرائتک ظاهری دخی محتمل اطلاق اولمغله بزغسلک استجباینه قائل اولمزدر . قراءت تشدیده مبنی اصلا عدم حله فائل اولانه ایکی دلیلک دیسکر یله عملی ترک ایتمش اولوق لازم کلور . بزاتلرک ایسکیسیله ده عامل اولوق . دلائله اصل اولان دخی احوال دکل ، اعمالدر اه ط .

[۳] وقالت رضى الله تعالى عنها لمن رأت قضاءها : أحرورية أنت . كما فی صحیح البخاری .

[۴] همده نمازی قضا ایتمکه کوچنک واردر . زیرا حیض هرآیده غالباً متکرردر . صوم اوبله دکلدر . ط . یعنی حیض برآی استیجاب ایتمز . نفاس دخی شهر صیامده نادردر .

جنباک ایله بششی حرام اولور :

- (۱) نماز . (چونکه آیتده طهارت ایله امر اولمشدر) .
- (۲) قراءت آیت . [۱]
- (۳) مس آیت . [۲]
- (۴) دخول مسجد . [۳]
- (۵) طواف کعبه . [۴]

آبدستسزه اوج شی حرام اولور :

- (۱) نماز . (چونکه آیتده طهارت ایله امر اولمشدر) .
- (۲) طواف .
- (۳) مس مصحف . یعنی قرانه ال سورمک ، ولوکه برآیت اولسون [۵] .

[۱] حیض ونفاس ایله حرام اولان سکز شیئک اوجنجیسنه باقکز .

« زید جنب ایکن غسل مراد ایتدکده ثنا قصدیله بسم الله الرحمن الرحیم الحمد لله رب العالمین دیمکده بأس وارمیدر ؟ الجواب : یوقدر . » فیضیه .

[۲] ذکر اولنان سکز شیئک دردنجیسنه باقکز .

[۳] ذکر اولنان امور ثناییه نک بشنجیسنه والتنجیسنه مراجعت ایدکز .

[۴] ماتقدمه و (اوصاف وضوء) فصلنه مراجعت اولنه .

[۵] حیض ونفاس ایله حرام اولان سکز شیئک دردنجیسنه مراجعت ایدکز .

محشی دیرکه اعضاء طهارتک (وضوءک) ماعداسیله مس مصحفده ، وقبل تمام الطهارة اعضاء طهارتک بیقائسیله مس مصحف ایتدکده ، اختلاف اولمشدر . ممنوعیت اصحدر اه .

(دم استحاضه) — که رحمن دکل بر طمردن آقوب کلسکده در
وعلامتی رانحه سی اولما مقدر — بورندن علی الدوام کلان قان کبی
أعذاردن اولمغله نمازه مانع اولماز . یعنی تکلیف صلات (مستحاضه) دن
ساقط اولدیغی کبی آتیا مذکور اولدیغی اوزره وقت کاملده مستمر
النزول اولمق شرطیله اوحالده قیلان نمازک صحتنه دخی دم استحاضه
مانع اولماز . فرض و نافله اوله رق اورج طوتمغده مانع اولماز .
زوجنک اتی اوحالده وطء ایلمسی دخی حرام اولماز [۵] .



[*] چونکه اذی دکلدن . صحابیاتدن حنة بنت جحش رضی الله تعالی
عنها مستحاضه ایمش . زوجی اولان حضرت طلحه رضی الله تعالی عنه اتی اوحالده
وطء ابدر ایمش . بونی ابوداود و بشقه سی اسناد صحیح ایله روایت
ایقنیلر . امام احمد و نفعی وابن سیرین : « مستحاضه نك وطءی خوف عنت
(مشقت زنا) اولدقجه جائز اولماز . » میشلر در کما فی ط عن السراج .

— أَعذار واحكام معذروین —

(أَعذار) عذرک جمعیدر . نواقض وضوءدن اولان شی [۱]
دائم ومستمر اولدقجه (عذر) اسمنی آلور [۲] وصاحبنه ارکک
ایسه (معذور) وقادین ایسه (معذوره) دینور . جمعنده تغلیباً :
(معذورین) دینلشددر .

ایمدی : مستحاضه اولان یعنی کندیسندن کلان دم مدت
حیضک اقلندن اکسیک ویاخود اکثرندن زیاده بولنان ویاخود
نفاسی قرق کونی کچن ویا ایکیسندده اقلنده ایام عادتنی تجاوز
ایدرك حیض ونفاسی حداکثرینی آشان ویا کبه ایکن ویاخود
هنوز طقوزیاشنه کیرمدین ویا سن ایاسه ایردکدن صکره کندیسندن
دم کلان قادین (معذوره) اولدیغی کبی کندیسندده سلس بول [۳]
واستطلاق بطن [۴] وانقلاط ریج [۵] ورعاف دائم [۶] وديکمز

[۱] ناقض حقیقی مراد درکه نجس اولان شیلر دیسدر . نوم وقفه کبی
معانی قیلندن اولوبده طهارت ویا نجاست ایله توصیف اولنمیان ناقضلر خارجدر .
تسکیم باب الانجاسده محشی تصریح ایتمشدر .

[۲] دوام واستمرارک حدی یوز طقساندجی صفحه ده در .

[۳] بولک طور میوب کلسی .

[۴] ابج کیتسی .

[۵] یل قاجمسی .

[۶] دائماً بورن قانه مسی .

یاره اولان کیمسه دخی (معذور) ویا (معذوره) در [۱] .
معذورینک حکمی : عذرینی — بلا مشقة طيقامق ویاخود
نمازی او طوررق ویا ایما ایدرك قیللق ایله — حبس ورده قادر
ارله ماز ایسه [۳] هر فرض اولان نماز وقتنده [۲] آبدست آلوب
نمازی او یله چه قیللمقدور .

(انلك طهارتلى حدثه مقارنتى یاخود حدثك اکا طاری اوله ییلسی
جهتيله حقیق اولموب طهارت ضروریه در) [۴] .

[۱] محشی دیرکه کوز آفریسی ویا ضف رؤی ویا کوز پیکارنده
شیخی اولوبده کوزی دائماً صولانان ، وقولاغندن ویا مسمندن ویاخود
کوبکندن آغری ایله برشی کلان ، کیمسه دخی صاحب عذر در چونکه
بولر یارهدن کلد یکیچون هپ ناقض وضوء در اه .

[۲] اگر بلا مشقة ردینه قادر اولور ایسه رد متعین اولور . وصاحب
عذر لکدن چیقار . فرض اولان نمازده ترك قیام ایتک وحتى ایما یله قیللق صورتنده
ترك رکوع وسجود ایلمک نمازی مع الحدث قیللمقدور . ص مع ط .

[۳] لالسل فرض وتقل . لقوله صلى الله تعالى عليه وسلم : والمستحاضة تتوضأ
لوقت كل صلاة . وهو محکم بالنسبة للحدث الآخر الوارد بلفظ : لكل صلاة .
کما تقرر فی موضعه والدلیل يشمل سائر الاعذار اه ص .

[۴] بناءً علیه بش وقتنده آبدست آللری وآبدست آلمق ایچون وقتك دخوانه
منتظر اوللری لازم کلور . طقسان اوچنجی صفحه یه باقکز .

(فائده) — محشی مرحوم (آداب وضوء) فصائده طقسان اوچنجی صفحه ده
کچن افاده سنی متعاقباً ابو السعود المصریدن نقلاً دیمشدر که نقلک فرضدن أفضل
اولدیفی مسائل ثلاثک بری بودر (یعنی صاحب عذر اولمیان کوره وقتك دخواندن
اول آبدست آلقدور) . ایکنجیسی مدیون معسرک ابراسی انظار وامهالندن [*]
أفضل اولقدور . اوچنجیسی سلامک بدعی ردندن [**] أفضل اولقدور اه

[*] أى وهو مأموره فی قوله سبحانه : وان كان ذو عسرة فنظرة الى ميسرة .

[**] أى وهو مأموره فی قوله تعالى أو ردوها .

بش وقتده آلدینی آبدست ایله دیله دیکی قدر فرض و نافله
قیله بیلور . فرض نمازله کوره او آبدست ایله و قتییه یی ادا ایده بیلدیکی
کبی فائته یی (کجشمش نمازی) دخی — ولوکه ذمتنه زمان صحته ده تعاق
ایتمش اولسرن — قضا ایلیه بیلور .

انکله نوافل قیله بیلدیکی کبی وتر و صلات عید مثل و اجباتی و صلات
جنازه یی دخی قیلار . و طواف کعبه و مس مصحف ایلر .

معذورین و معذوراتک آبدستلری کندی عذرلرندن بشقه
بر ناقض وضوء حادث اولدقجه [۱] انجق وقتک خروجیله منتقض
اولور : صباح نمازندن صکره کوش طوغق کبی که اونمازک آبدستی
آرتق قالماش اولمغله بیرام نمازی و یا اشراق یا خود ضعی (قوشلق)
نمازلی ایچون آبدست آلمق لازم کلور .

دخول وقتک وضوء نقض ایچون تأثیری اولمدیغندن بیرام
و یا قوشلق نمازلیچون آلمش اولدینی آبدست ایله اوکله نمازینی
قیله بیلور . علی الصحیح [۲] .

[۱] حادث اولان ناقض کندی عذرینک نظیری دخی اولسه نقض وضوء
ایدر . مثلاً برقاچ چیبانی و یاچیچی اولوبده بر طاقی آقار اولدینی حالده
آبدست آلمش اولسه آقبانی آقدده دخی آبدستی بوزیلور . تسکیم بورنی
دایک کلرینک برندن قات کلکده اولدینی حالده آبدست آلوب نمازی قیلار
ایکن وقت داخنده دیکر دلیکندت دخی قان کلسه آبدستی بوزلمش اولور .
چونکه بو ، حدث جدیددر . کما فی الفتح اه ط .

[۲] هذا ما عند الطرفين ، خلافاً لزفر وای یوسف علی اختلاف قولیهما .
فان زفر قال : اتقاض وضوء المعذور بدخول الوقت فقط . فیصلی العید بوضوء
الصبح . والثانی قال : بهما معاً . فلا یصلی الظهر بوضوء الضحی کما لا یصلی الضحی بوضوء الصبح

ناقض وضوءه مبتلی اولان کیمسه عذری آبدست آلوب نماز
قیله جق قدر مدته منقطع اولماق اوزره وقت صلاتی استیعاب ایدر
اولدقجه معذور اولماز (صاحب عذر صایلماز) .

عذرك وجه مذکور اوزره جمیع وقتی مستوعب اولمی (استیعاب
حقیقی) و آبدست آلوب نماز قیلنه میه جق درجه ده از مدت منقطع
اولمی (استیعاب حکمی) در .

كرك حقیقی ، كرك حکمی استیعاب مذکور عذرك شرط ثبوتیدر .
عذرك شرط دوام و بقای او استیعابدن صکره هر نماز وقتنده
بر کره اولسون بولمسیدر [۱] .

عذرك شرط انقطاعی یعنی عذر منقطع اولمق وصاحی
معذوریتدن قورتلمق ایچون شرط : حقیقهً انقطاعیه بر نماز
وقتنگ کاملاً اندن خالی اولمسیدر .
نسأل الله تعالى العفو والعافية بمنه وكرمه .

معذورك قان وایرین و بول کبی عذری نجاستندن ثوبسه
(چاشیرینه) اصابت ایدنی ییقامق عذر قائم اولدقجه واجب
اولمیوب [۲] درهم مقدارندن زائد اولانی ییقامق دخی - مفید
اولدقجه - واجب اولماز .

[۱] لیعلم بها (ای بتلك المدة) بقاؤه . م .

[۲] چونکه حکم حدث و لزوم تجدید وضوء نص نبی ایله معلوم اولمشدر .
نجاست ایسه او معناده دکلدرکه انیده اکا قیاس ایدلم .

مفيد اولق : مرةً بعد اخرى اصابت ايدر اولماق وعلی قول
نماز قیلنجه قدر بردها کیرلنما-کدر . أفاده ط .

زیرا نجاستك قليل معفود . كثیری ده — ضرورتہ مبنی — قليله ملحقدر .
همده نافض وضوء او ، اولدیفیچون حكماً نجس دخی دكلدر . و همده امر ثوب
امربندنن آكه دكلدر . صلى الله تعالى عليه وسلم اقدمه ز حضرتلری مستحاضیه
تجدید وضوءی امر ایتمشلرده فعل ثوبی امر ایتما مشلدر . بیانك وقت حاجتن
نأخیری ایسه غر جائزدر اه ط .

• (باب) •

— انجاس و اندن طهارت —

مؤلفك بو عنوان ایله عقد ایتدیگی بابی بز ایسکی یه آیردق برینه (انجاس) و دیکرینه (مُطَهَّرَات) دییه جکز .

— انجاس —

طاهر اولمیان شیئه (نجس) تعبیر اولنورکه (انجاس) انك جمعیدر. مفردنده اولان لغاتك اشهری سبب و کتف و زلریدر [۱].

بولردن وزن اول ایله وزن ثانیه فرق شودرکه وزن اولده اولان یعنی مفتوح الجیم بولسان (نجس) مردارلغی عارضی اولمیان خاص اولوب وزن ثانیده اولان یعنی مکسور الجیم بولسان (نجس) علی الاطلاق طاهر اولمیان دیمکدرکه ذاتی و عارضی یه شاملدر. مثلاً انسان ترسی (نَجَس) و هم (نَجَس) در . ثوب متنجس یالکز نجسدر [۲].

[۱] رجس و فاس و عضد و زلرنده سخن ملفوظ اولدیفنی طحطاوی ازمشدره

[۲] اولکیمی تذکیر و تأنیثی مساوی فی الاصل مصدر و ایکنجیمی صفت مذکدر . ناه ایله مؤنث اولور (انما المشرکون نجس) « ماء نجس و میاه نجسة » دینور . باب اول و رابع و خامسدن تصریف اولنور .

ویمجبنی قول بعض العلماء الشافعية علی ماقرأته فی حلبة الکمیت :

وفي سبيل الله همرى مضى * فی نجس المساء و لم ینجس .

نجسه (نجاست) دخی دینور . نجس و نجاست حقیقی اولدیغی کبی حکمی دخی اولور که (نجاست حکمیه) حدثن عبارتدر .

نجاست حقیقیه (خبث) دخی دینلوب حدثک جمعی (أحداث) اولدیغی کبی خبیثک دخی جمعی (أخبثات) کلور .
أحداث وانک أحکامی اولان طهارانک بیانی کذران اولغله نوبت بیان أخبثاته وانلرک تطهیراته کلمشدر .

حدثن طهارت جنس صلاتده فرض اولدیغی کبی خبیثدن طهارت دخی معفو اولمیان مقدارده فرضدر [۱] .

وارد اولمشدر که : عبدک قبرده ایلمک مسؤل اوله جفی شی طهارتدر وعذاب قبرک هپسی شان طهارته اعتناسزلقدن ونجاستدن وعلی الخصوص بولدن عدم احترازدندر .

(نجاست) قاذورات ومستقذراته منحصر دکلددر . فقها نجاست انواعی غلیظه وخفیفه اسمساربله ایسکی قسم ضعیفده بوجه آتی تعداد ایدرلر .

(نجاست غلیظه) : انسانک — طفل رضیع [۲] دخی اولسه — بولی وترسی [۳] ، اتی یلنیمیان حیوانلرک هم بولی وترسی ، همده

[۱] واجب فیما دون ذلک . مقیداً کلامهما بالإمكان وبما اذا لم یستلزم ارتسکاب ماهو أشد . كما یأتی عن الفتح .

[۲] سوت امن چوجق .

[۳] واستثنی بوله صلی الله تعالی علیه وسلم وسائر فضلاته . وعد ذلک من خصائصه علیه الصلاة والسلام . كما فی الدر المختار .

لعابی ، اتی بینان حیوانلردن طاوق وقاز واوردک ترسی ، بدن انساندن خروجه یله آبدستی بوزان شیرلر : دقان ، ایرین ، منی ، مذی ، ودی [۱] ، دم حیض ونفاس ، دم استحاضه ، آغز طوایسی کلان قی [۲] شراب ، قان ، میتة نك اتی وخام درسی .

(نجاست خفیفه) آتک [۳] واتی بینان حیوانات اهلیه ووحشیه نك بولی واتی بینمیان قوشلرک ترسی (هر ایکی قسم ایچون آئیده تفصیلات واردر) .

آنلرک واسترلرک وحمارلرک ودولهلرک وضغیرلرک وماندلرک وقیونلرک وکچیلرک ترسلری عند الامام غلیظه ، وعند الامامین خفیفه ، در [۴] . غلطی حضرت امام اتفاق ادلیه وامامین حضراتی اتفاق علیاه بنا ایلشلردر [۵] .

[۱] (منی) ماده تولید اولان مائع معلومدر . (مذی) عند الملاعبه ظهور ایدن رطوبتدر . (ودی) بعضاً بولی تعقیب ایدن بیاضدر .
[۲] ناعک آغزندن کلان صویک طهارتی مؤلف نواقض وضوءده ذکر ایتمشدر .

ایچکی قوصمفی آزدخی اولسه نجسدر . صرحوا به فی الخمر ولا فرق بینها و بین غیرها من المسکرات فیما عدا لزوم الحد فی المختار کما یأتی .

[۳] مؤلفک سیاق افاده سی بول حمار واستره دخی شامل ایهده بول حمارک قسم مغلظدن اولدیغنی آئیده (صفحه ۲۰۲) در مختاردن تقللاً ذکر ایتمشدر . انانندن متولد اولان بفلک بولی دخی بول حمار حکمنده در . تسکیم سوؤری دخی او یله در کما تقدم فی ص ۳۶ .

[۴] مؤلف آئیده قول امامینی راجح کوستر مشدر . (۲۰۴) .
[۵] نجاستی حقننده ادله نك اتفاق ایتدیکی شی عند الامام مغلظدر .
کرك اختلاف علما وعموم بلوی اولسون ، کرك اولسون . ادله اتفاق

غلظت وخفت کیفیت تطهیر اعتباریله دکلدر . یعنی بر قسم نجاستک تطهیر وازاله سی عسرتلی اولدیفیچون انلره (غلیظه) و بر قسمنک تطهیر وازاله سی سهولتلی اولدیفیچون انلره : (خفیفه) اسمی ویرماش دکلدر . بلهکی غلظت وخفت و تعمیر دیکر ایله تغلیظ و تخفیف مانع صحت صلات اولوب اولمیان مقدار اعتباریله در [۱] . شویله که از مقداری معفو اولانه (نجاست غلیظه) یاخود (نجاست مغالظه) وچوق مقداری معفو اولانه (نجاست خفیفه) یاخود (نجاست مخففه) دینلمشدر .

نجاست غلیظه نك انجیق درهم مقداری معفو اولوب [۲]

ایتمز ایسه مخففدر . عند الامامین ادله به نظر اولیوب نجاستنه علمانک (رحمهم الله تعالی) اتفاق ابتکاری شی انده عموم بلوی دخی یوق ایسه مغلظدر . بویله اولمیان مخففدر اه من ط بخذف . وفی الهدایة وشروحه المطبوعة : التغلیظ یثبت بدلیل مقطوع به وهو الاجماع فانه مقطوع بوجوب العمل به والتخفیف یثبت بالاختلاف أما بسوغ الاجتهاد أو تعارض النصین .

[۱] واقع اولدیفی میاهی افساد ده خفیفه نك غلیظه به مساواتی اُسار و آبار ده اخطار اولندی .

[۲] امام زفر و امام شافعی : نجاستک قلیل و کثیری عدم عفو ده مساویدر چونسکه طهارتی موجب اولان نص بونلرک بیننی تفریق ایتمدی دیمشدر . بزم ایچون دلیل بودر که قلیل ممکن الاحترار اولدیفیچون معفو قیلنور . انی ده بز موضع استنجان اخذاً مقدار درهم ایله تقدیر ایتمشدر اه هدایة .

دیک که قدر درهم ایله مراد حدنک موضع خروجیدر ولسکن فقها کندی مجلسلرنده ذکر ، قاعده قبیح کوردکلر بچون اندن درهم ایله تعبیر ایده کلمشدر اه عنایة .

اندن زیاده سی — ازاله سنه قدرت واریکن — معفو دکلدور .
نجاست خفیفه ربع لباسک و (بدنه اصابتنده) ربع بدنک مادونه
قدر معفو در . اندن زیاده اولانی یعنی ربعه بالغ بولنانی — ازاله سنه
اقتدار ایله برابر — معفو دکلدور .

عدم معفویت و وجوب طهارت امکان ایله مقید اولدیغی
کبی ده فنانسی ارتسکابی استلزام ایتماسکله دخی مقیددر : ناسه
عورتی اظهار ایله سکسزین تطهره متمکن اوله میان کیمسه نمازی
ایله جه قیلار . چونکه کشف عورت اشددر . ازاله نجاست
ایچون انی اظهار ایدرسه فاسق اولور . زیرا ایکی محظورك
اره سنده قالان کیمسه یه انلرک اهوئی ارتسکاب ایتمک لازمدر . اما هم
لازم الازاله نجاستی اولان همده آبدستسز بولنان کیمسه بولردن
یالکسز برینه کافی صوبی بولدقده انی ازاله نجاسته صرف ایلمک واجب
اولور . چونکه آبدسته بدل تیمم ایده بیلور و اوحالده هم نجاستدن
طهارتی ، هم حدندن طهارتی تحصیل ایتمش بولنور [۱] .

معفویتکده معناسی ذکر اولنان مقدارلری شارع معظم
انکه نماز فاسد اولقدن نفو ایتمش دیمکدر . یوقسه کلیاً معفو
دیمک دکلدور [۲] که مذکور مقدارلرده کراهت تحریمیه وانک

[۱] کذا فی فتح القدیر .

[۲] کچیفک ممه سنه یایشمش اولات ترسی صاغیلان سودی تنجیس ایدر .
کما فی الفتاوی . لکن سودی صاغیلور ایکن حیوان ترسله مک عادت اولغله
سوت قابنه دوشن برایکی ترسی دانه سی طاعنه دین وسوتده اثر براقیدن همان
اتیلورر ایه معفو اولور . کما فی برالدور . ترک مائع اولدیفیچون معفو
وآلساز . کما فی ط .

مادوننده کراحت تزیهیه اولدیغی مجمع علیهدر [۱] . حتی بوکا شو ایسکی مسئلهیه تفریع ایتمشلردر که نماز قیلار ایسکن اوزرنده درهم مقداری نجاست غلیظه بولندیغی بیلان کیمسه نمازی بوزوب انی ییقامق واجبدر . فوت جماعت خوفی اولمق صورتده بیله بویلهدر . چونکه جماعت سنئدر . غسل نجاست واجبدر . واجب ایسه مقدمدر . اوزرنده کی نجاست غلیظه درهم مقدارندن اقل ایسه انی ییقامق ایچون قطع صلات ایتمک برجماعت دها بولمق احتماله مبنی فوت جماعت خوفی اولمقامق صورتده [۲] افضلدر . والا نمازینه دوام ایدر . یعنی انی بوزمیوب اتمام ایلر . زیرا جماعت اقوادر . نتمکیم فوت وقت خوفنده هر ایسکی مسئلهده دخی نمازه دوام ایدر . چونکه تقویت صلات حرامدر . کراهندن حرامه قاچمق یوقدر .

نجاست غلیظه نك مقدار درهمی جامد اولاننده وزناً و مائع اولاننده مساحهٔ معتبردر که درهمك وزنی یکریمی قیراط (خروب چکرده کی) در [۳] . مساحه می آوجك مقعری یعنی

[۱] بونی محشی مرحوم غلیظه ده ذکر ایتمشدر . خفیه ده «ربعدن اقل اولدیغی وقت کراحتک تحریمیه ویا تزیهیه می اوله جفتی بیان ایدنی کورمدم» دیشدر .

[۲] سعهٔ وقت قیدی آتیده مذکور اولمقله بوندن حکم منفرد دخی معلوم اولور .

[۳] علی قول هر عصر ایچوت متعارف اولان درهم مراددر . کما فی البحر .

بارمق دیلموندن اعتباراً آوج ایچی قدر در [۱].

نجاست خفیفه نك مقدار معفوی اولان مادون ربعدن :

د ادنی مساجوزه الصلاة اولان ثوبك ، وعلى قولك واتك
كبی موضع مصابك ، ربعی مراددر ، دییالئر دخی اولمش
ایسه ده صنیح اولان : بتون لباسك و — (بدنه اصابت ایتمش
اولدیغنه كوره — بتون بدنك ربعی مراد اولدیغیدر [۲] .

ربع معفو اوله ماز زیرا ربع بر طاقم مسائله كل مقامنه
قائمدر : مسح ربع رأس ، حاق ربع رأس [۳] ، طهارت ربع
سائر [۴] .

مؤلفك سراج وهاجدن [۵] نقلاً بیانه كوره انبساط

[۱] درهمدن مطلقا وزنی اعتبار ایدنلرك قوليله مساحه بی اعتبار ایدنلرك
قولنی هندوانی بویله توفیق ایتمهدركه بونلرك ایکیسی دخی روایتدر .
صحیح اولان ده بودر . چونكه روایتینك اعمالی ممکن اولدقده اولادر .
من مع ط .

[۲] شوقدركه لباس اكر بتون بدنی شامل ایسه انك ربعی ، واكر
بالكز سائر عورت ایسه ینه انك ربعی ، معتبر اولور . نقله عن الكمال .

[۳] یعنی احرامده ربع رأسی تراشیده ایدن کیمسه به تسکیل تراش
اولمش کبی دم (قربان) واجب اولور واور تراش ایله محرم احرامدن چیق
بیلور اه ط .

(۴) یعنی سائرعورت اولان ثوبك ربعنك دخی طهارتی عند الحاجة
کافیدر .

(۵) سکز یوز حدودده متوفی ابو بکر الحدادی نك قدوری شرحیدر .

صورتيله ارلان ازدياد دخى معتبر اولمغله ثوبه نجس اولان ياغ
اصابتنده معفو اولان مقدارده ايسه ياييلسدين قيلنان نماز
صحیح ، وياييلوب مقدار معفوی تجاوز ايتد~~کن~~کن صکره قيلنان نماز
غير صحیح ، در .

محشيتك افاده سنه كوره يالين قات اولان ثوبك بر يوزينه اصابت
ايدن نجس ديسكر يوزنده ظاهر اولمغله مقدارجه ايسكى عد اولنماز .
ثوب ايكى قات اولوبده نجس انك هم يوزنده همده ايسكنجى قاتنده (مثلا
استارنده) ظاهر اولور ايسه ايسكى عد اولنور .

قالديكه [۱] نجاست غليظه انواعنده مذكور اولان (شراب) :
مسكر معروفك اسميدر كه چيك شيره دن اولور ، اكشيوب فشقيير .
انك نجاست غليظه اولديغنده اتفاق واردر . مسكرات سائره دخى
قول راجحه بلا فرق نجاستات غليظه در [۲] .

[۱] تعداد نجاستانده موعود اولان تفصيلانه شروعدر .

[۲] بوني صاحب رد المحتار قهستانيدن وغرو افكاردن ثقلاً ذكر ايتمشدر .
المرك شرابدن فرق لزوم حد خصوصنده در كه حد شرعى خمر ك شرابه ودهكر لر ينك
سكرينه ترتب ايدر تسكيم قبيل مطهراتده دخى كلور .
شارب خمر عقب شرب خمرده سؤرينك نجس اولدينى فصل أسآرده
ومدمن خمر اولان كيمسه نك ترى نجس اولدينى دخى كتاب أفاض فقهيه مزده
ذكر اولمشدر .

لا تضع عن عظيم قدر وان كنت مشاراً اليه بالنقد
فالكبير العظيم بصرف قدر * بالتجريح على الكبير العظيم
ولع الخمر بالعقل رمي الخمر بتنجيسها وبالتحريم

(قان) دن مراد دم مسفوحه درکه آتش ولان قاندر .
کرك انسان قانی ، کرك حیوان قانی اولسون ، کركسه آقدقدن
صکره طوکش بولنسون .

آقدیغی جهته انسانک آبدستنی بوزمیان قان وبوغازلنان حیوانک
طمرلرنده واتلرنده قالان قان [۱] وجکر وطالاق ویورک قانی
وچکرکه وبالق قانی [۲] وچوق دخی اولسه پیره وتخته قوریسی ویت
قانی مستثنادرکه بولر نجس عد اولنماز . (یعنی صحت صلاته مانع اولماز .
وواقع اولدیغی صوبی افساد ایلز) .

دم شهید [۳] دخی کندی حقنده یعنی اوزرنده اولدجه نجس
دکدر . شهیدک ترک غسلی حقنده کی امر عالی ضرورته مبنی دم شهید
حکماً طاهر اولمغله [۴] شهیدی حامله نماز قیلش اولدیغی فرض
اولنان کیمسه نک نمازی صحیحدر . کندندن ایرلدقدن صکره سائر
قاندر کی اصل قیاس اوزره نجسدر [۵] .

(منی) دخی قان کی نجاست غلیظه در [۶] . کرك انسان منیسی ،
کرك حیوان منیسی اولسون [۷] .

[۱] ینبغی آن یقید باتقید المعتمر فی دم الشهید الآتی الذکر

[۲] بحر رائقه بالقک بیوکیله کوچکی مساوی کوسترلشدر . قال : فی
ظاهر الروایة .

[۳] کتاب الصلواتک جنائزنده (باب الشهید) ه باقکنز .

[۴] طهارتی جسد شهیده کوره در . حق غیر ده نجسدر صوبی افساد
ایدر . منحة الخالقه ابن عابدین مرحوم تصریح ایتمشدر صفحه ۱۲۳ .

[۵] لعدم الضرورة . قاله ط .

[۶] چونکه خلاصه دمدر . خلافاً لشافعی . فانه طاهر عنده .

[۷] وهل یستثنی منی الحفاش کبوله وخرنه أم لا ؟ لم أره ولم أطلبه .

(میتہ) لاشہ دیمکدرکہ بوغاز لانیمہرق اولان ویاخود وجہ شرعی اوزرہ بوغاز لاننامش اولان حیواندر [۱] مراد آقیجی قانی و تعبیر دیکر ایلہ سیجاق قانی اولان حیواندر .

بالتی [۲] وصو ایچنده یاشایان سائر حیوانات [۳] وچکرکہ اولوسی وهر تقدیر مأکول اولسه بیلہ دم سائی بولنمیان حشرات اولوسی میتہ دکلدر .

بناءً علیه بونلر صویه دوشوب اولمک یاخود اولوب صوده واقع اولمق ایلہ صو متنجس اولماز . صوده کوریلان قوربغه اولوسی دخی صوینی تنجیس ایتمز .

صو قوشندن اولان قاز واوردک آقیجی قانه صاحب اولدیغیچون انلرک اولوسی میتہدر .

حیه کبیره دخی اویلهدر . ییلانک کوملکی طاهر در .
(خام دری) دن مراد اهابدر [۴] که دباغت اولنمدق

[۱] کتاب ذبائحمره وآتیا مذکور مطهرات انواعندن ذکاته مراجعت .

[۲] بالغک صوده حتف انفه اولشنک بینامسی چیزدیکردر . نص علیه ط فی حاشیة الدر .

[۳] بونده بحرک کلبی وخنیری دخی داخلدرکہ انلردموی اولسهلر صوده ساکن اوله مازلر . بناءً علیه انلرک اولوسی لاشه عداولتماز . قاز واوردک وحتی قارہ باتاق بوندن خارجدرکہ انلرک اولوسی لاشه در . کما سیدکر .

[۴] درینک دباغت اولنماشنه کتاب وزندہ (اهاب) ودباغت اولنماشنه (ادیم) تعبیر اولنور اہ جوهره ، تأمله أنت مع قولهم : کدباغة وقد حلم الادیم .

دریدر . درینک قابل دباغت اولانی دباغت ایله طاهر اولور . تسکیم
مطهراتده بیانی کلور .

اتی یینمیان حیوانلرک بول وغانطیده حمارک بولیله [۱] حییه نك
بولی وترسی دخی داخلدرکه انلرده نجاست مغلظه در .

یراسه نك بولی [۲] وترسی تعذر احترازه مبنی صوبی وئیابی
مفسد دکلور .

فاره نك بولی صوبی تنجیس ایدر زیرا اوزری اورتیلهرک اندن
احتراز ممکندر . بیه جهکده وکیه جهکده ضرورته مبنی بولنك
وترسنك آزی معفودر .

کدینك بولی دخی صو قابلرینك غیریده معفو اولمق
مفتی بهدر .

اتی مأکول اولمیان حیواناتک لعابندن آنک وحمارک
واسترك لعابی مستثنادرکه انلر ظاهر روایتده طاهر در . صحیح
اولانده بودر [۳] .

طیور مأکوله دن طاوغک وقازک و اوردکک ترسلری

[۱] صرح به الحاکفی فی تطهیر الانجاس فی مسئله غسل البعض . وتقدم الکلام
علی رونه فی الصفحة ۱۹۴ .

(۲) یراسه که مرغ عیسی علیه السلامدر ... خلقة حائز غرابت اولهرق
دیشلری وقولاغی ومهسی وترسی وبولی وارددر . اوچار وحیض کورر و طوغرر .
ضوءنهارنه وظامت لیلده کورمز . غروب شمسدت وطلوع خردن براز صکره یه
قدر کورر . شرعاً دخی حائز حکم مخصوصدر . حضرت عیسی معجزه اولهرق
انی تقدیر وباذن الله تعالی اطاره ایتمشدر .

آب وکل چون اذدم عیسی چرید * بال وپر بکشاد مرغی شدپرید
(۳) مشکوکیط مطهر یتددر . تسکیم فصل أسارده ذکر اولندی .

نجاست مغلظه اولوب [۱] انلردن کوکرجین و سرچه کبی هواده ترسلیمانلرک ترسی طاهر در [۲] .
آتمجه و چایلاق و قارتال کبی هواده ترسلیمان و فقط اتی یینمیان قوشلرک ترسی نجاست مخففه در [۳] .

نجاست خفیفه انواعده مذکور اولان آت بولی قیون و کبک مثلی اتی یدنان بالجله حیوانات اهلیه و وحشیه نک بولی کبی نجس مخففه در [۴] .

(بول) قیدی بولرک ترسلری حقنده امام ابوحنیفه حضرلری نصینک عدم تعارضنه مبنی تغلیظه و امامین حضراتی اختلاف

[۱] قال . لنتنه . « فارك واوردكك اهلیسی طاق : ووحشیسی کوکرجین ، کبدر » دیالر دخی اولمدر . کما فی ط .

[۲] والحکم بطهارته استحصان . لان النبی صلی الله تعالی علیه وسلم شکر الحماة وقال انها اؤکرت علی باب الغار حتی سالت فجازاها الله تعالی المسجد مأواها . فهو دلیل علی طهارة ما یکون منها . ومسح ابن مسعود رضی الله تعالی عنه خرم الحماة عنه باصبعه . کذا فی آبار الأصل .

[۳] بولرک طهارت خرم لری حقنده دخی قول مصحح اولدیفنی مؤلف کرک بوراده ، کرک آبار فصلنده ذکر ایتمدر .

[۴] چونکه آت دخی اتی مکروه ایسه ده مأکولدر . کراحت اباحه یی منع ایتمز . بقرة جلاله لحنی اکلده اولدیفنی کبی که اوده مع الکراهه مباحدر . آت اتنک کراحتی عند الامامدر . آتک سوؤری اتفاقاً طاهر اولدیفنه نظراً کراحت لحنی نجس اولدیفندن دکل ، آت آلت جهاد اولدیفنددر . قطع ماده جهاددن تحامی ایچون حضرت امام انک کراحتنه قائل اولمدر . کراحتی تزییه در تحریمه دیان دخی بولمدر . أفاده ط .

علیایه مبنی تخفیفه قائل اولدقلرندندر . عموم بلوایه مبنی اظهر اولان قول امامیندر [۱] .

درمختارک کتاب الصلّاتی قبیلهنده مذکور درکه : هر حیوانک اودی [۲] بولی کبیدر وکویش کتورنلرک کویشی کوبرهسی کبیدر .

بولک ایسکنه اوجی کبی [۳] اولان سرپنتیلری ولو که نجاست مغلظه قسمندن اولسون لباسده وبدنده ومکانده معفودر .
ایسکنه نك ایپلک کچوریله جک موضعی قدر دخی اولسه ینه ضرورته مبنی معفودر [۴] .

صوده بونلر معفو دکلددر . حتی ماء قلیلک ایچنه ایسکنه اوجی کبی بول سرپنتیلری اصابت ایدن ثوب ساقط اولسه اوصو فاسد اولور . زیرا انک سقوط اعتباری خرج وکفته وضرورته مبنی ایدی صوده یعنی انی محافظهده ایسه خرج یوقدر :

کرك جاری ، كرك را كند اولسون برصويك ایچنه نجاست

[۱] کذا فی الأصل : وهو الذی أشرنا الیه فیما تقدم (۱۹۴) . وهل یجری ما ذکره من التعلیل فی الوحشیة ؟ تأمله .

(۲) اود : قره جکره معلق کیسهدر . دوده یوقدر .

(۳) ایسکنه ایله تقییدده چوالدوز اوجی قدر اولانک بلاخلاف مانع اوله جفته اشارت وارد راه ط .

(۴) چونسکه بوندن احتراز ممکن اوله ماز . باخصوص مهب ریخده .

حضرت ابن عباس بوندن سؤال اولندقدده « جناب حقندن بزبوندن اوسعی اومارز » دیو جواب ویرمشلردراه ط عن السراج .

القا اولئسنندن متصاعد اولان صاچینتینک اصابت ایتدیگی شی
کندیسنده اثر نجاست ظاهر اولدقجه نجس اولماز . زیرا صویه اولان
صدمه دن تصاعد ایدن سرپنتی شی* مصادمک دکل ، صویک اجزاسندن
اولوق غالبدر . خلاقی ظاهر اولدقجه غالب ایله حکم اولنور .

جنازه ییقانتیسی جسد میتده نجاست اولدقجه طاهر در [۱] . صو —
فصل میاهده مذکور اولدیغی اوزره — مستعملدر .

میت متنجس ایسه غساله (ییقانتی) دنخی نجسدر . انجوق
غسل ایله اشتغال ائناسنده ممکن الاحتراز اولمیان عسرتیه مبنی
معهودر . آقوب بریره بریسکد ~~کدن~~ صکره اصابت ایلدیکنی
تنجیس ایدر [۲] .

نجاست غساله سی (ییقانتیسی) نجسدر . تطهیری اوج دفعه
ایله تقدیر اولنان [۳] برمتنجسک هر دفعه ده کی ییقانتیسی [۴]
مغلظدر .

(۱) فان نجاسة الميت نجاسة حدث لانجاسة خبت . المؤمن لاینجس حیا
ومیتاء کما فی حدیث البخاری . وکذا غیر المؤمن من حیث الظاهر خلافا للشیعة .
وعدم خلو بدن الکافر من النجاسة شیء آخر . کما ان تنجس البئر بموت
الانسان فیها معنی آخر .

(۲) هکذا یذنی أن یفهم هذا المقام مع ما بعده من مسألة غسلة النجاسة .

(۳) مطهراتک برنجیسی اولان غسلده نجاست غیر صرائیه نک کیفیت تطهیرینه
مراجعت ایدکر .

(۴) یعنی برنجی وایکنجی واونجی دفعه سی . چونکه در دنجی دفعه سی
طاهر در . صرح به ابن عابدين . وسیاتی .

صوده صچرادینی یرلر بللی اولمیان غساله صچرانتیه-ی
معفودر . درمختار .

طین شوارع یعنی جاده لرك چاموری كرك رَدغه یعنی سرت
وضیوق ، كرك وحل یعنی كوشك وجیوق اولسون آز ، چوق
نجاستدن خالی اولمسه ده ضرورته مبنی معفودر [۱] مكركه عین نجاست
اولدینی معلوم اوله (او حالدہ معفو دكلدر) .

طین شوارع معفو اولدینی کبی طین مسرقن [۲] یعنی کوبره لی
چامور دخی معفودر [۳] .

کنیفدن و آخوردن و حمامدن چیقان بخار اتقاطر ایدرسه استحصاناً
نجس اولماز [۴] .

نجسدن استقطار اولنان شی نجسدر : شراب جیره سندن استحصال
اولنان عرقی کبی [۵] .

(۱) انکله نماز جائز اولور . قدر فاحشی مانع صلات اولمی اشیهدر . مكركه
داغما اورادن کلوب کچمکه مبتلی اولان کیمسه ایچون اوله . أفاده ابن عابدین .

(۲) مبرهن وزنده در .

(۳) زاده المحشی وهو مذکور فی الدر .

(۴) در مختارده « بخار نجس وغبار سرقین (کوبره توزی) معفودر »
دیو مذکوردر .

(۵) محشی دبرکه عرقی نجاست غلیظه در . شاربی سکران اولداده حد
اولور اه دیککه لزوم حدك خیریده خردن فرقی یوقدرکه حد شرعی بونك
سکرینه وخرک شربنه متر تبدر . کما مر . برده (خر) نجاست صریبه و(عرقی)
غیر صریبه دو . کما بآتی

« اتی ینمیان قوشک یمورطه سی اتی کبی نجسدر ، دینلدی .
 « طاهر در ، دخی دینلدی [۱] .
 ات قوقی ویمک اکشیمک ایله نجس اولمیه جفی وطاوقدن چیقان
 یمورطه وانا سندن طوغان قوزی اوزر لرئده نجاست اولدقجه صوی
 افساد ایتیمه جکی آخر فصل آبار ده ذکر اولنمشدر .

— مطهرات —

تطیر ایدیجی شیلر دیمکدر . تطیر — که تمیزله مکدر — نجسک
 اصابت ایتدیگی شیدن اتی ازاله ایلسکدر .
 ازاله آنجاس ایچون برچوق اسباب وطرق واردر . انلرک
 برنجیسی صودر [۲] .

مؤلفک طرز بیانی بسو بایده پریشان اولمغله بز اکا پیرو
 اولمیه رق سوزی صره یه قویه جغز . وعلاء الدین حصکفینک [۳]
 شو نظمی مطهرات انواعی جامع اولمغله اتی مأخذ طوته جغز :
 وغسل ومسح والحفاف مطهر * ونحت وقلب العین والحفر تذکر
 ودبغ وتخلیل ذکاة تخلیل * وفرك ودلك والدخول التهور
 یصرفه فی البعض ندف ونزحها * ونار وغلی غسل بعض تقور

-
- (۱) اصلده بویله مذکوردر . بوکا مماثل مسائل ان شاء الله تعالی آخر
 کتابده جوهره دن تقللاً ذکر اولنور .
 (۲) آتی الذکر دبع ونزح وتقور وتقور وانقلابدن ماعدا مطهرات
 انواعنک هیسنه بدل اوله بیلور .
 (۳) (حصکفی) صاحب در مختاردرکه نختاً (حصن کفی) یه منسوبدر .
 (کفی) ضیزی وزنده در .

— غسل ایله تطهیر —

غسل — که بیقامقدر [۱] طاهر اولوق (وطبیعتده قالمق) [۲]
شرطیله — علی الاطلاق صو ایله اولور . کرك مطلق ، کرك مقید ،
ویا مستعمل اولسون . چونکه صو نوعنک متناهی اولان اجزاء
نجاستی ازالده قوتی واردر . واهون موجود اولغله استحصالنده
کوچلکده یوقدر . کل وسائر چیچک صوی و سرکه کبی ازهار
واثماردن و بقولدن مستخرج صولر (وایچنده نخود و باقلا کبی طاهر
شیلر ایصلا دیله رق رنکی دوشمش ایسه ده رفته خلل کلامش اولان
صولر) [۳] دخی امر ازالده صو حکمنده در [۴] .

نجاست ایله طهارت یسکیدی کره ضد اولوب شی ایسه ضدیله ثابت
اوله میه جفندن شراب کبی غیر طاهر اولان شیلر ایله طهارت
حاصل اولماز [۵] .

(۱) یاش بز ویا سونکر ایله سیامک دخی بوبابده بیقامق دیسکر
تسکیم تطهیر بالمسحده مؤلفدن تقللاً ذکر اولور . وضوء و غسل بابنده بوبله
دکلدر . کما مر .

(۲) أشار ط الی هذا فی حاشیة الدر بقوله : « مثله ماء الباقلاء الذی لم
یشخن . » وسنیزد کاهنا ما یقتضیه هذا القید بین هالاین .

(۳) قدمنا الإشارة الی هذه الزیادة فی الهامش الذی قبل هذا .

(۴) زاد فی الدر قوله : حتی الریق .

(۵) فما یزید النجس النجس الا خیباً . خلافاً للتمرناشی فی قوله انه لو
غسل المغلظة بمخففة یزول حکم التغلیظ اه ط

تطهيره قوللايـله جق مائع طاهرک [۱] قالع ومزيل
اولسي ده لازم اولديغندن ياغ وسوت [۲] مثلي دسومتلي وبال
وپيکمز مثلي لزوجتلي مائعات طاهره (وکذا جامدات طاهره ايله
اختلاط وامتزاج ايدرك پلته لنش وطبيعت اصليه سي اولان رقي
قالماش بولنان صولر [۳] دخي) تطهيره آلت اوله ماز [۴] .

امر تطهيره نجاست غليظه ايله نجاست خفيفه نك فرقي
اولماغله بوبابده على الاطلاق نجاست مرئي وغير مرئي اولمق اوزره
ايسکيه آريلور .

قوريدقن صيکره کرريلانه (مرئي) ياخود (ذي جرم) [۵]
وکورليمانه (غير مرئي) ياخود (غير ذي جرم) تعبير اولنور .

نجاست مرئيه ايله منتجس اولان شي نجاستک عيني واثري [۶]
اندن زائل اولمقله طاهر اولور . طريق ازاله سي هر نه اولور ايسه
اولسون . يعني **کک** غسل ويامسح ياخود **دک** ويافرك الخ
بولسون . غسل صورتنده دخي **کک** ماء جاريه **کک** راکد
کشير قونهرق ياخود اوزرينه صو دوکيله **کک** ويخود لکن کبي

[۱] (مائع) قيدي جامدن احترازدر : قار اريمدين صالح تطهير دکلسدر .
قاله ط في حاشيته على الدر .

[۲] ولوکه چالقانوب ياغي آلتش اولسون . ص .

[۳] کما قدمنا الاشارة الى هذه الزيادة في هامش الصفحة المتقدمة .

[۴] لعدم خروجه بنفسه فكيف يخرج النجاسة . ص مع ط .

[۵] قان ومتى انسان وحيوان ترسي کبي نجاست مرئيه در . صرح به ط .

(شراب) دخي مرئيه در . (عرق) غير مرئيه در .

[۶] ازاله مستنده عسرت اولميان اثر مقصود اولديفي آتيا اکلاشيولور .

بر قاب ایچمده بر دفعه ویا بر چوق دفعه ییقهانهرق اولسون .

لون وریمندن عبارت [۱] اثرینک بقاسی — ازاله سی مشقتلی اولدیغنه کوره — ضرر ویرمز .

صودن — وصو مقامنه قائم اولان مائیدن — ماعدایه (مثلاً) صابونه و صودایه محتاج اولماق — وحق صوبی ایصتمغه حاجت مس ایتمک — مشقتدر .

مثلاً دم آلود اولان ویا اوزرینه شراب دوکیلان ویاخود متنجس بویا ایله بویانان بز نجاست غیر مرئییه محلی کبی اوچ دفعه یاخود صوبی صافی اولنجه قدر [۲] غسل ایله طاهر اولور . بویانک رنگی وقانک ویا شرابک لکه سی انده قاله بیلور [۳] .

[۱] أما الطعم فلا بد من زواله كما في القهستاني قاله ط في حاشية الدر . وحمل المثال كوز الحجر .

[۲] عبارة الدر : يغسله ثلاثاً والاولى يغسله الى أن يصفو الماء .

[۳] مؤلفک وصاحب درک افاده لرندن اکلاشیلان دهن متنجس ایله تنجس ایدن شیئی بعد الغسل انک اثری اولان دسومتک بقاسی دخی ضرر ویرمز چونکه تشرب معفو عنهدر . همد دهن فی نفسه طاهر در نجسه ملاقات ایله تنجس ایتمشددر . محشی دیرکه بوندن صابون متنجسک حکمی دخی معلوم اولمشدر که غسل ایله نجاست مجاوره اندن زائل وکندیسی طاهر اولور . مذهب حنفی اوزره اولیان بعض علما : « او أبدا طاهر اولماز » دیشدر اه تسکیم قلب واستحاله وغلی طریققرنده ذکر اولنور . عین نجس اولان شحم خنزیر ویا ودرک میتة دسومتی اولورایسه او بشقه درکه انک تطهیری قلب عینه متوقفدر . کما یأنی .

(دسومت) دسم دیمکدرکه یاغک بولاشغی ویاغلی شیئک حالیدر (تشرب) ایچمک یعنی صوبی ورطوبتی چکشی اولقدر . (دهن) ضم

حناء نجس [۱] ایله الی بویامش اولان قادین الی اوچ کره
بیقامق ایله طاهره الید اولوب اثر حنا الدہ قالمق ضرر ایتمز .

اله یاخود یوزه وشم یا بمق (نشان دوکمک) دخی بویله در که
منهی اولان عادت جاهلیه اوزره بریرینی ایسکنه لیوب قاناتقدن
صکره سورمه ویاچیوت سوروب مورارتمق حالنده دم ایله تنجس
ایتمش اولان سورمه ویاچیوت دوکیلان یر التیام بولدقدن صکره
اوچ کره بیقامق طاهر اولور . اثری ازاله ایجون دری بی یوزمک
یاخود یرینی یاره ایتمک لازم کلز کافی رد المختار .

متنجس اولان سمن (یمک یاغی) و متنجس اولان دهن (زیت
دخی داخل اولمق اوزره حبوب یاغی) اوزرینه اوچ دفعه صبو [۲]
دو کوب اتی آلمق طاهر اولور .

هر دفعه سنده برار تحریک اولور . یاغ صویک یوزینه
کلهکله آلور . یاخود التندن دلیکلی بر قاب ایچنده بولندروب
اوزرینه صو دوکدک یاغ صویک یوزینه کلدکده چالقامق
والتنده کی دلیکی آچوب صوی آقتمق ایله یاغ آلتش و تطهیر
ایدلش اولور . ط .

بونلر مائع حقنده در . جامده (تقویر) طریق اجرا اولور که

دال ایله کل و صوصام کی بعض اوراق وحبوبدن استخراج اولنان یاغدر .
بینه جک یاغه سینک فتحی ویمک سکونی ایله (سمن) دینور . (شحم) ایچ
باغیدر . (ودک) چرویشدر .

[۱] صدار اولش ، مثلا صدار صو ایله یوغرلش ، قینه دیمکدر .

[۲] صوی مطابق ا ذکر اتمکله مقداری یاغه مساوی اولوب اولامنه شامل
اولشد . بعضلر او مقدارده اولسنی شرط قیلمشدر . ط .

نجس اولان ير اوييلوب آتيلور [۱] . بال وپيکيز وسوت مثلي مائعات متنجسه طاهر صوايله قايناديلور . نتکيم (غلي) طريقتده ذکر اولنور .

فخار جديدکه — طوپراقدن ياپيلش و آتشده پيشوريلش اولان قابلك يکيسيدر — متنجس ايسه هر دفعه سنده طاملالر **كسيلك** اوزره اوچ کره ييقانور . علي قول يکيسي ياقيلور [۲] ، اسکيسي ييقانور [۳] .

[۱] کا ياتي . مائعات تنجسي دخی سطحی يوز آرشوندن اکسيک اولق ويا اثر نجاست انده ظاهر بولنق ايله در . صرح به ابن عابدين عند ذکر التفور .

[۲] ذکره في النوازل . و ذکر الاول صاحب الحاوی . قال بعض الافاضل : ولا مناقضة بينهما لانها طريقتان للتطهير . ط .

[۳] يعني اوچ کره ييقانوله طاهر اولور . تحيف (که بوارده مراد انقطاع قطراتدر) کرک بولنسون ، کرک بولنسون . چونکه نجاست انک يالکيز ظاهرنده اولغله بدن کي اولش اولور . ابن همام ديرکه اسکي وقت تنجسته باش بولنق قيديله تقييد ايتمليدر چونکه بعد الاستعمال مترك اولوب قوريان قاب يسي کيديرکه انک دخی جذب رطوبت ايدر اولديغي مشاهددر . بحر افقده حاوی قدسيدين تقلاً مذکوردرکه اواني اوچ نوعدر : خرفدن ، خشیدن ، حديد کي بر شیدن . بولرک تطهيري درت درلودر : حرق ، نحت ، مسح ، غسل . ايمدی خرفدن يعني صاقسي نوعندن اولوبده حديد بولنمندن طولاني نجاست اکا تداخل ايتمش اولان قاب ياقيلور . يعني آلا زلانور . عتيق ايسه ييقانور . خشیدن اولوبده حديد بولنان قاب نحت اولنور يعني يونتيلور . حديد دکل ايسه غسل اولنور . دميردن ، تونجیدن ، قورشوندن ، بلوردن اولوب مصيقل بولنان قاب مسح ايديلور يعني سيلنور . مصيقل دکل ايسه غسل اولنور ا ه ط .

تحتہ نك اسكیسی دخی ییقاہور . یكیسی یونیلور . نكیم (نحت)
طریقندہ ذکر اولنور .

علی الاطلاق منی ییقامقلہ طاهر اولور خاصہ انسان منیسنك
قوریمشی اوغلامقلہ دخی زائل واوراسی طاهر اولمش اولور . نكیم
(فرك) طریقندہ ذکر اولنور .

نجس صو ایله تمویہ ایدیلان (صوبی ویریلان) بیجاق ظاہراً
وباطناً نجس دیمك اولمقلہ ظاہری غسل ایله طاهر اولوب انسكہ
كسیلان (مثلاً) قانون اكل اولنور ایسده حاملنك نمازی صحیح
اولماز . باطنی انجق تمویہ ایله طاهر اولور نكیم (نار) طریقندہ
ذكر اولنور [۱] .

نجاست غیر مرئیہ ایله متنجس اولانشی غسل ایله تطہیرده
ییقایا بجه یاخود قوللانجه [۲] غلبہ ظن حصولنه دكین ییقامقلہ
طاهر اولور .

(غلبہ ظن) : اوچ كره ییقامق ، وصیقیلور اولدیغنه كوره [۳] هر
دفعہ سنده صیقعلق ، ایله تقدیر اولمشدر [۴] .

[۱] بیجاق كی بجلی شیلر یالكر ظاہراً تنجس ایتكده مسح ایله دخی
تطہیر اولنور نكیم بیانی كلور .

[۲] مباشری او ، اولدیغیچون ییقایانك ظنی وییقایان صاحب نمیز اولدیغنه
كوره محتاج او ، اولدیغیچون قوللانك ظنی معتبر اولور اھط .

[۳] چونكه ابدان واوانی صیقلماز .

[۴] محشيك بیاننه كوره بو تقدیر بزجه لابد دكلدر . عبرت انجق
غلبہ ظنه در . غلبہ ظن انك حادونی ایله ده حاصل اوله ییلور . حتی برثوب
نجس اوزرینه صو جریان ابدرك طهارتنه ظن ، غالب اولسه هر نقدر

صیقمه قدده و خصوصیه او چنجی دفعه سنده طاملامق منقطع
اولنجه قدر مبالغه اولنور .

بوابده اعتبار هر صیقانک کنیدی قوته در . برینک صیقوب
طاملا ده مدینه شیئی دیکری صیقوب طاملا ده بیلور . اوشی ایکنجی به
کوره طاهر اولسه ده اولسکینه کوره طاهر اولمشدر .

قوتلی صیقحق مطلوب اولدیغندن ، ثوبک رفته مبنی انی
صیقمه قدده مبالغه ایدلمز ایسه او ثوب طاهر اولماز ، دینلش [۱]
ایسه ده اظهر اولان : ضرورته مبنی انک ده طاهر اولدیغیدر .
کما فی الدر المختار .

صیقیه میه جق شی اوچ کره تجفیف اولنور که هر ییقانشده صوبی
سوزیلوب طاملالر کسینلجه قدر براغیلور . (تجفیف قورتمق [۲]
دیمک ایسه ده) قوریمق شرط دکلدر [۳] .

بوللرک هپسی یعنی اوچ کره ییقانوب صیقلمسی و یا تجفیف

یقامق و صیقحق بولنسه بیله انک استعمالی جائز اولور . موسوس
اولیان حقنده ظاهر اولان بودر . موسوس اولان ایچون تقدیر مذکور
ظاهر در اه مختصرا .

[۱] وهو اختیار قاضیخان . ط .

[۲] جف ایله قف فرقلیدر . تسکیم جفاقا تطهیر طریقنده ذکر اولنور .

[۳] بونی طحطاوی مرحوم در حاشیه سنده سوبله مش و : ازاله سی
مشقتلی دخی اولسه اترک بقاسی بوابده معفو دکلدر . دیمشدر اه لکن
تطهیر هر فصل و هر نه طریق ایله اولور ایسه اولسون ازاله اثر
هی موضوده مشقت اولسامق قیدیه مشروط ددر ذکره ابن عابدین عن شرح
المنیة وعن حاشية الوانی علی الدور .

اولنسی تکهنه (کبی بر شی) ایچنده ییقانمق صورتنده در . اما بیوک بر صو اینده ییقانمق ویاخود اوزرینه بر چوق صو دوکیلرک اکا اصابت ایدن صولر چیقوب بشقه صولر اکا خلف اولمق صورتنده صیقمق ویتجیف ایتمک و تکرار باترمق شرطلری اولیه رق طاهر اولور .

(حصکفی دیرکه مختار اولانده بود راه تنکیم مؤلف : انی ماء جاری به وضع ایتمک اوچ کره ییقایوب صیقمقندن معنی اولور دیمشدر [۱] عشینک بیانته کوره بوخصوصده بساطک [۲] وغیر یسنک فرقی یوقدر . بساط متنجس ماء جاری ایچره برکیجه براغیلور ، دیملری انجق قطع وسوسه ایچوندور . ماء جاری به ملحق اولان ماء را کد کثیر دخی انک مثلیدر اه) .

(تکهنه ویا لکن کبی بر) قاپ ایچنده تطهیر اولنق صورتنده بر قابده ییقانمش ایسه هر ییقایشده صوبی آنیلررق صوکنده او قاب دخی ییقانمله طاهر اولور [۳] بشقه بشقه قابلرده ییقانمق

[۱] ماء جاری به وضع والفا اولنان (متنجس) قاب کبی که طولوب بوشالمق ایله طاهر اولور اه ص . اگر انده اثر نجاست قالمش ایسه اه ط علی الدر . چناق وبارداق کبی اوانی یی دخی جریان ایله تطهرده ابن عابدین حیاض صفیره به الحاق ایلهشدر . (انظره فی المیاء) .

میاهده ماء جاری و مطهرانده دخول بختلرینه صراجعت اولنه .

[۲] (بساط) کسربا ایله رباط وزننده یاغی دیمک ایسه ده مراد قالیچه در .

[۳] هذا علی قیاس مایاتی لا علی قیاس ما تقدم فی نزح البئر . ولم أر من ذکره .

یعنی اوچ دفعه نیک هر برنده بر بشقه قابه قونوق تقدیرنده اوقابلر ایله ایچنده کی صولر متفاوت الحکم اولوب برنجی قاب و صوینک اصابت ایتدیکسی (اوچ کره) و ایکنجی قاب و صوینک اصابت ایتدیکسی (ایکی کره) و اوچنجی قاب و صوینک اصابت ایتدیکسی (بر کره) یقانقله طاهر اولور [۱] .

ماء قلیل راکد نجسه مجرد ملاقات ایله نجس اولوق اقسام میاهده مذکور مسائلدن اولوب بوندن شیء متنجسک برقاب دروننده غسل طریقله تطهیری صورتی مستثنادر که متنجس اولان (مثلاً) بز کرک برلکن ایچنه قونهرق اوزرینه صو دوکلمش اولسون [۲] . کرک لکنک ایچنده صو واریکن اکا وضع اولنش بولسون او صوینک نجاستنه انجق او بزدن آیرلدقن صکره حکم اولور . مقتضای قیاس انک صویه ویاخود صوینک اکا مجرد وضع وصبیله صو متنجس اولوق ایدیهده ماء مستعمل مسئله سنده اولدیغی کبی تطهر ضرورتنه مبنی بویه حکم اولمشدر .

صویه ملاقی اولان شیء ، متنجس اولیوبده عین نجس اولدیغنه کوره استثنایه حاجت اولیهرق او صو مجرد ملاقات

[۱] بونی مؤلف مرحوم بومقامده ذکر ایتدیکسی کبی محشی مرحوم نجاست خفیه قیلنده دخی ذکر ایدرک : چونکه صوینک ظرفی دخی صوینک حکمی آخذ اولور . دیمشدر اه تأمله أنت مع قولهم بنجاسة غسالة النجس وبتغليظها في كل مرة .

[۲] که اولاسی بودر . خروجاً من خلاف الامام الشافعی فانه يقول بنجاسة الماء في الصورة الثانية . كما في ط على الدر .

نجاست ايله نجس اولور . كرك صونجاسته وارد اولمش اولسون ، كرك نجاست صويه واقع اولمش بولسون .

شوقدركه ورود صورتنده صويك تنجسي هپسـنك ويا اكثرينك نجس اوزرينه مروريله مشروطدر : صـو ، هر طرفي متنجس ارض اوزرينه وارد اولمق وطامك اولوغى عندنده نجاست بولمق كي .

مكركه صو وارد اولمقله نجاست مضمحل اولمق اثرى ظاهر اولمامش اوله [۱] .

بو تقديرده صونجس اولمديغي كي نهر ايچنده برلاشه وطام اوزرنده برنجاست بولمق مثلى صويك انجق قسم اقلي نجسه مرور ايتمكده اولمق تقديرده دخى صونجس اولماز [۲] .

وقوع صورتنده ماء راكد قليل — ايچنه نجاست واقع اولمقله — نجس اولور .

ماء جاریده و او حكمده اولان ماء راكد كشيده واقع اولان نجاستك اثرينك ظهورينه باقيلور .

(ورود صورتنده دخى عبرت اثره اولديغي ظاهر اولمشدر [۳] .
كما في الدر) .

[۱] صرح به في رد المحتار .

[۲] برسقفك ميزابندن بعيد محلنده نجاست هره اولوب اول سقفه نزول ايدن ماء مطرك اكثرى نجاسته ملاق اوليوب افلى ملاق اولدقدت صكره جمله سي ميزابده جمع اولسه اول ميزابدن جريان ايدن صوطاهر ميدر ؟
الجواب : طاهر در . (فيضيه) .

[۳] أى فيما من شأنه ظهور الأثر . احترازاً عن نحو الجيفة وولوغ السكب كما مر في المياه .

مسح ایله تطهیر

مسح — که سیلمکدر — طاهر بزوطو پراق وتوی ویا پراق کبی شیلر ایله اولور .

(یاش بزویاش سونکر استعمال اینمک بیقماق دیمکدر [۱])
تسکیم مؤلف : « حجامت محانی یاش [۲] و طاهر اوج بزپارچه سیله بشقه بشقه سیلمک بیقماق بدل کافی اولور . چونکه اوده او ایشی کورر ، دییور) .

سیف و سکین (بیچاق) و جام و آینه و آبنوس و جلالی تحتہ و دوز مرمر و تپسی و کیمیک و طرناق مثلی مسامسز و پورتسکسز شیلر متنجس اولدقده مسح ایله — اثر نجاست زائل اولورق — طاهر اولور . مثلاً بوغاز لسان حیوانک قانیله متنجس اولان بیچاق توینه مسح ایله تمیز لنور .

(انسکه کسیلان قارپوز اکله صالح ، و حاملنک دخی تمسازی صحیح ، اولور) [۳] .

[۱] کا قدمنا فی التطهیر بالنسل و قبله فی تعریف المسح عند ذکر أركان الوضوء .

[۲] محمی دیرکه (یاش) قیدی احتمالک انفاقیدر چونکه « قوری ، رطوبتی باشند زیادہ جذب و نشف ایدر » دینہ ییلورکه یاش ، فانک طوبقربنی نلیین ایدر و یحرر اهو قال فی حاشیة الدر بعد ذکر هذه المسئلة : و قیاسه طهارة ماحول الفصد بالمسح اذا تلطخ ويغاف من اسالة الماء سريانه الى الثقب .

[۳] نجاست غیر صرثیه قبیله و تنویه مسئلة سنه مراجعت اولنه .

مذکورات مثل دوز و یا مصیقل (مجلی) شیلره اجزاء نجاست تداخل ایتمدیکی ایچون انلرک متنجس اولاننی مسح حقیقه تطهیرمی ایدر ؟ یوقسه نجاستنی تعلیل می ایدر ؟ روایت مختلف ایسه ده [۱] مختار اولان : مسحک مطهر اولد یغیدر [۲] . واصابت ایدر نجسک بول و یا غائط ورطب و یا یابس اولمسنده فرق دخی یوقدر .

— جفاف ایله تطهیر —

جفاف — که قوریقمدردر — قفافدر که هیچ یاشاق قالماساق اوزره قوریقمدردر [۳] بونک مطهریتی یر یوزینه ، و یر یوزنده ثابت بولان شینه خاصدر [۴] .

متنجس اولان یر یوزی [۵] کونش و یا آتش و یا خود

[۱] وهذا الخلاف يجري في المني اذا فرك والأرض اذا جفت وجعلود الميتة اذا دبغت دباجة حكيمية والبر إذا غارت ثم عاد ماؤها والآجر المقروش اذا تنجس وجفت نجاسته ثم قلع . كذا في المرح اھط .

[۲] صحابه (رضی اللہ تعالیٰ عنہم) حضراتی قلیجیلرله قتل کفار ایدرلر و سیقیلرینی سیلوب انسکله نمازه طوردرلر ایدی . ص .

[۳] يقال جف الثوب يجف جفافاً وجفواً إذا كان مبتلاً فيبس وفيه ندی . فان يبس كل اليبس يقال قف . كما في الصحاح وغيره .

[۴] بره اتصال قراو ایله متصل اولیان یاینی وکلیم وحصیر کی شیلرده وئوب ویدنده جاری دکلدر . صرح به ابن عابدین .

[۵] دیوار و حجیره سطح که فوق السطوح اتخاذ اولیان موضعلردر بره ملحقدر . ط .

روزگار کوررک قوریوب اوزرنده اولان نجاستک اثری زائل اولدوقده طاهر اولور [۱].

اوت و آغاج و دوشه‌لی طاش کبی یرده نابت و ثابت اولان شیء متنجس دخی قوریوب [۲] اثر نجاست اندن زائل اولمقله ارض کبی اودخی — قول مختارده — طاهر اولور .

علی قول انک ییقانمسی لابدر .

یرده ثابت اولمیوبده مقولوع (سوکلش) اولان نبات و بلاط [۳] انجق غسل ایله تطهیر اولنور .

مکرکه دکرمان طاشی کبی حجر خشن اوله [۴].

خشن اولان حجر نجاستی یرکبی تشرپ ایدر اولمقله یر حکمنده در . یردن منفصل دخی اولسه جفاف ایله طاهر اولور .

[۱] واوراده نماز قیائور . حدیث شریفده «ایما ارض جفت فقد زکت» بیورلمشدر . قول اظهرده اورادن تیمم اولنماز زیر تیممده نصاً طیب مشروطدر . اورادن تیمم جوازی دخی روایت اولنمشدر . ص . قوریدقدن صکره ایصالمقله نجاست زائله عودت ایتمز . کما یأتی بیان نظائره فی الفرق .

[۲] قوریمق نجاسته عائددرکه نجاست قوریمقله نباتک ویا بلاطک اندن عاری اولمیدر . یوقسه نباتک — حیاتی زائل اوله رق — قوریمسی دیمک دکلدر . أقاده المؤلف .

[۳] (بلاط) نبات وزرنده دوشه مه طاشیدر . طوغله و مالطه و کرییع و چمنتو دخی بو حکمنده در . دوز صهر مالطه کبی دکل ، مسح ایله ده تطهیر اولنور . کما مر .

[۴] (خشن) املاس مقابلی اوله رق پورتکلی دیمکدر .

املس اولان طاش یرده ثابت اولدقجه ییقانور [۱].

— نحت ایله تطهیر —

نحت — که یونمقدر — نخته ده اولور . نخته نك یکیسی تمجس
ایدرسه نحت ایله تطهیر اولنور . اسکیسی ییقانور [۲].

— قلب واستحاله ایله تطهیر —

قلب عین — که استحاله دخی دینور — برماهیت بشقه بر ماهیته
منقلب [۳] اولمقدر : لاشه وحی خنزیر طوزله ده قالب [۴] . طوز

[۱] چونکه یرکی تشریب ایدر دکادر . ابن عابدین دیرکه بوتعلیل
أرض حقنه وارد اولان نك معقول المعنی اولسنه مفیدرکه قیاس جاری
اولمدر . طوغله وکرییج دخی اجتذاب وتشربد یرم شبیه ایسه ده طبع
وصنعت سببیه انلر ماهیت اصلیه لرندن خروج ایتمش اولمده طاش کبی دکادر که
طاش أصل خلقی اوزره در . یرده ثابت اولدقجه یرم ، وردت منفصل
بولدقجه یرک غیری به ، بکزه مکده در . انک ایچون بز دخی : خشن اولورسه
نجاستی تشریب سببیه یر حکمنده در املس اولورسه نجاستی تشریب ایتیمه چکندن
یرک غیری حکمنده در دیمشدر . طوغله وکرییجه بشقه حکم ویرمشددر اه
بالمعنی . بورابه متعلق مسائلک بری ده (حفر) طریقنده مذکوردر .
[۲] کذا فی الأصل . وقد مر فی الفصل .

[۳] محشی دیرکه استحاله نك (تحول ماهیتک) مطهر اعیان نجسه اولسی
امام محمد حضر نلر نك قولیدر . وامام أبو حنیفه حضر نلرندن روایتدر . اکثر
. شایخ دخی بونک اوزرینه در . فتوی ایچون مختار اولان ده بودر . امام
ابو یوسف حضر نلری : استحاله مطهر اوله ماز زیر اباقی اجزاء نجاستدر .
دیمشدر . اه .

[۴] مملحه به کرك حیاً دوشمش اولسون « کرك میتاً آتلهش بولنسون .
ابن عابدین .

اولمق وکوبره طوپراق کسیمک وتزک یانوب کول اولمق
وشراب سرکه یه دونمک ومسک آهوسنک قانی مسک اولمق
کبی [۱] .

(ذاتک تحوی اکا مرتب اولان وصفک دخی زوالی استقباع
(استلزام) ایدر : نطفه نجسدر . علقه اولورینه نجس بولور مضغه
اولد قده طاهر اولور . رد المختار . قیویه دوشن ترس قیو چاموری
اولوب قالمق ویره دفن اولسان ترس طوپراق اولمق دخی صاحب
درک ومحشیسی طحطاوینک افاده لرینه کوره بویله در) [۲] .

اوزم عصاره سی شیره حالنده ایکن طاهر وشراب اولقله نجس
اولوب [۳] سرکه یه دونمکله یینه طاهر اولور .

نجس اولان زیت (زیتون یاغی) دخی صابون اولقله طاهر
اولور . تنکیم (غلی) طریقنده دخی ذکر اولنور [۴] .

— حفر ایله تطهیر —

حفر — که قازمقدر — مراد متنجس اولان یری الت اوست

[۱] فان المسک بعض دم الغزال .

[۲] طحطاوی دیرکه بوندن : « اصلی عذره (ترس) اولان اوره بالچفک
پیس قوقوسی انک نجاسقنی اقتضا ایتمز . « اولدیفی مستفاد اولمشدر اه .

[۳] فان فی الخمر معنی لیس فی العنب .

[۴] وقد تقدم من الحمى فی هامش بعض مسائل الفصل قبیل مسئله
الحناء النجس .

ایتمکدر . ارض ، جفاف ایله طاهر اولور ایسهده انک عاجلا
تطهیری اراده اولندقدن یابویله ایدیلور — که بو ، حقیقتده تطهیر
دکل ، نجاستی ستر [۱] و اخفادر — و یاخود اثر نجاست ظاهر
اولمینه قدر اوزرینه چوقجه صو دو کیلور [۲] .

— دبغ ایله تطهیر —

دبغ — که دری تمیزله مکدر — حقیقی و حکمی اولور . میتتهک
دریسی — آنجاسده مذکور اولدیغی اوزره — نجسدر [۳] دباغت
ایله تطهیر اولور .

(دباغت حقیقیه) شب و مازو و پلاموط و نارقوبوغی استعمالی کبی
صنعت اجرا سیله اولور . (دباغت حکمی) طوپراقلامق یاخود
کونشلتکم و هوا آلدیرمق صورتیه اولور .

(دباغت حقیقیه ایله دباغت حکمی سائر احکامجه فرقسدر .
یالکیز بر حکمده فرقلیدر که حقیقه دباغدن صکره صو اصابت
ایدن درینک نجاستی اتفاق روایات ایله عودت ایتمز . حکماً

[۱] صرح به ط فی حاشیه الدر . و ذکر أنه اذا دفنت المذرة فی موضع حتی
صار تر یا طهرت بالاستحالة .

[۲] بونی محشی صرح بوم جفافده علاوه ذکر ایتمش و ارضک سرت
و کوشک اولسی و دوز و یا بایر بولغسی صورتلرنجه دخی بیان طرق تطهیر
ایلمشدر . انظره ان شئت .

[۳] بوغازلنان حیوانک دریسی اوزرنده قان بولاشغی کبی نجاست اولدغه
طاهردر . الاجلد الخنزیر کما یأتی فی الذکاة .

دباغنده ایکی روایت وارد . انلرکده اصحی نجاستک عدم
هودتیدر . رد المختار . نسکیم متنس قیونک چکادکیدن صکره کلان
صوبی طاهر در ([۱]) .

خنزیردن ماعدا هر حیوانک درسی [۲] حقیقی ویا حکمی
دباغت ایله طاهر اولور : سجاده اتخاذا اولنورسه اوزرنده نماز
قیلنور . قوغسه اتخاذا ایدیلور ایسه ایچندهکی صو ایله آبدست
آلنور (دباغ کرک مسلم ، کرک غیر مسلم وصبی ویا بجنون
یاخودقادر اولسون ا ه جوهره) [۳] .

فصل آتیده مبین اولدیغی اوزره خنزیر عین نجس اولدیغندن
انک درسی طهارت قبول ایتمیدیکی [۴] کبی انسان دخی [۵] مخلوق

[۱] کاسر . وسیاتی فی الفرق والتفرع .

[۲] قابل دباغت اولان دری مقصوددر : بیلان وفاره دریلری محتمل دباغت
دکلدر . صرح به فی التتویر حدیث شریفده واقع اهابک ذاتاً انلره شمولی یوقدر .
طحاوی جلود طهری دخی انلره الحاق ایلمشدر .

[۳] لکن درمختارک فصل بر قبیلنده : « سنجاب کبی دار حربدن حیثه
شیر طاهر ایله دباغ اولنش ایسه طاهر در . نجس ایله دباغ اولنش ایسه نجسدر .
مشکوک ایسه ییقامق افضلدر . « دیو مذکوردر .

[۴] امام محمد حضرتلری خنزیر قبیلله اتقاعه رخصت ویرمشدر . اثبوت
الضرورة عنده فی ذلک ا ه ط .

[۵] خنزیرک انساندن مقدم مذکوریتی موضع اهانت اولدیغنددر .
موضع اهانتده مهان مقدم اولور . [لخدمت صوامع وبيع وصلوات
وه ساجد] قول کریمنده اولدیغی کبی که هدم اهانت اولدیغیچون انک
ذکرنده صوامع وبيع وصلوات مساجدندن مقدم بولمشدر . (صوامع)
معبد صابئیندر . (بیع) هانک کسریله بیعه نک جمعی اولهرق کنائس نصارادر .
(صلوات) کنائس یهوددر . کنذا فی الجوهره .

مکرم بولندیغندن — کافر دخی اولسه — کرامت و حرمتی صیانه
نه درسی دباغت قبول ایدر [۱] نه ده اجزاء آدمینک هیچ بر یله
انتفاع مباح اوله ییلور .

— تخلیل ایله تطهیر —

تخلیل — که سرکه ایتمسکدر — مراد شرابه برشی قاتهرق انی
سرکه یه تهویل ایلمسکدر . شراب نجس و حرام ایکن سرکه یه دونه رک
طاهر و حلال اولور .

(بو ، و بوندن صکره کی تخلل — که شرابک بنفسه سرکه یه
انقلابیدر — قلب عین و استحاله طریقه ده داخلدر . کما تقدم .)

— ذکات ایله طهارت —

ذکات — که ذبح معناسندهر — مراد ذبح شرعیدر . هر دری که
دبغ ایله طاهر اولور ذبح ایله دخی طاهر اولور [۲] .

[۱] حصکفی دیرکه دباغتلهسه طاهر اولور هر نقدر استعمالی حرام اولسه ده .
حتی انسانک کمپکی اونک ایچنه اوکودسه اوون احتراماً اکل اولمناز فی الاصحاح

[۲] بونک مفهومی : دبغ ایله طاهر اولمیان ذبح ایله ده طاهر اولمازدر .
فی الواقع درسی قابل دباغت اولمیان فاره یی ذبح ایتمه نک ده فائده سی اولماز .

شرط : ذبح شرعی اولمقدر .

(ذبح شرعی) : اهل ذبحك حال اختياره حیوانی مع البسملة بوغازندن کسمه سیدر . بوكا (ذبح اختیاری) دینور . برده (ذبح اضطراری) واردرکه آو حیوانی و آزعین حیوان اهل حقننده اولور اهل ذبح آنی هر نره سندن راست کلور ایسه یاره لیه رک اولدر مکدر [۱] او دخی بر قسم ذبح شرعیدر . اهل ذبحك بالاختیار و یا بالاضطرار اولان ذبحلری خنزیردن ماعدا حیوانات غیر مأکوله نك یالکز دریلرینی و حیوانات مأکوله نك همده ایلرینی تطهیر ایدر .

(اهل ذبح) : مسلم و اهل کتابدر .

بر نهج شرع بوغازلنان [۲] خنزیردن ماعدا حیوان مأکول اولسه بيله طاهر الجلد اولور [۳] . اتنك طهارت وعدم طهارتی

[۱] بوجنك تفصیلی کتاب الحج تتمه سندن اولان کتاب الذبائح مزدهدر .
[۲] مجوسینك ذبحندن و محرک آو ذبحندن و عمداً ترك بسمله ایدنك ذبحندن احترازدرکه بونلر ذبح شرعی دکدر . افاده المؤلف .

بونلرک کسیدسکی بینمسه ده طاهر اولدیفی حقننده برقول مصحح واردر واسکن ذکات شرعیه نك طهارت حقننده دخی اشتراطی اظهر اولدیفی صاحب تنویر افاده ایتمشدر کما فی ط .

بونلر ذابح حقننده کی شروطدر . محل ذبح حقننده کی شروط دخی معتبردر . بوراده مقصود ذبح اضطراری اولدیغندن انکله تقید اولنما مشدر . مجوسینك آولادیفی وبا بوغازلادیفی حیوانك دریئی طهارتده محتاج دباغندر . کما فی ذبائح الزبلی .

(مجوس) آشپرستدر . مراد اهل کتاب اولیاندر . کرك آتش و هابت یا خود کوکب پرست اولسون . اهل کتاب : یهود و نصارادر .

[۳] لعمل الذکاة همل الدباغة فی ازالة الرطوبات النجسة بل أولى . ص .

حقننده اولان ایسکی قولک مفتی بهی عدم طهارتدر .
حیوانات مأکوله نك الحوی - که حتف الانف [۱] موتی
تقدیرنده لاشه در - ذبح شرعی ایله هم طاهر وهم طیب اولور .

— تخلل ایله تطهیر —

تخلل که سرکه اولمقدرد بوندن مقدم مذکور اولان تخللیک لازم
ومطاولعیدر . شراب سرکه اولمقله هم کندی وهم ایچنده
بولندیقی قاب طاهر اولمش اولور [۲] .

ابن عابدین مرحوم فتح القدیردن نقلاً ذکر ایتشمدرکه شرابه
صو وبالعکس صویه شراب قاتلسه وبعده وبعده شراب سرکه اولسه —
قول صحیحده — طاهر اولور . شرابه فاره دوشوب اولسه ده سرکه
اولدقدن صکره چیقارلسه او سرکه طاهر دکلدر .

وکذا شیره نك ایچنه فاره دوشسه ویاخود آنی کوپک یالاسه
وبعده او شیره شراب ، وبعده سرکه ، اولسه طاهر اولماز .

[۱] بلا ذبح دیمکدر .

[۲] ألتاز فقهیه مزک کتاب الطهارة سی مسائلنک یکریمی ایکنجیسی
شودر : هانکی متردار قابدر اوکه ماء طهور ایله ییقانسه تمیز اولمازده
ییقانقسزین تمیز اولور ؟ (جواب) : طویراقدن معمول شول یسکی قابدرکه
ایچنه شراب قونلش اوله . انی ایچمش اولدیقی جهتله ییقامقله تمیز اولماز
ولسکن ایچنده کی شراب سرکه اولیویررسه طاهر اولور اه
سرکه لر وترشیلر بعد التخمیر تخلل ایدرلر . وخیر الحل خل الخمر .

نجس اولان سرکه شرابه قاتلسه ده او شراب سرکه اولسه ینه نجسدر .
چونسه که نجس تغیر ایتما مشدر اه بخذف .

— فرك ايله تطهير —

فرك كه او غالا مقدر انسان منیسی حقننده مطهردر : قوریئش اولان
منی ولو قادین منیسی اولسون [۱] او غالا نقله اولدیغی یردن زائل ،
واوراسی طاهر ، اولور .

اصابت ایتدیکی یر ثوب ویا بدن اولمقده ظاهر روایتجه فرق
یوقدر [۲] . ثوبك جدید ویا غسیل (ییقانمش) اولمسنده ومبطن
(استارلی) اولوب اولما سنده دخی فرق یوقدر [۳] .

منینك یاشی آنجق ییقامقله زائل اولور [۴] .

یابس اولان منینك بعد الفرك محله صو اصابت ایتمك جفاف
ایله طاهر اولان ارض ایصلانمق ودباغت حکمیه ایله مدبوغ اولان

[۱] وقیل : منیها لایطهر بالفرك لرقته . ط .

[۲] قال ان لم یتنجس بمطخ خارج المخرج كبول اه فان المنی حینئذ لایطهر
بالفرك لعدم الضرورة . قاله ط وأطال القول . ومثل الثوب المسكان . فی ظاهر
الروایة . وعن الامام ان البدن لایطهر منه بالفرك لرتوبته . قاله ط أيضاً .

[۳] بخلاف انبساط ما من شأنه الانبساط من الدهن النجس . كما تقدم فی
الانجاس .

[۴] غسل ، معلوم اولدیغی اوزره منینك یاشنی وقوریئنی ازاله ومحلی
تطهیر ایدر .

جلد میتیه صودکک و متنجس اولان بئرک صوی چکدکدن صکره ککک کبیدرکه بونلرک کافه سنده اولی اولان : اعتبار طهارتدر .
متونک افاده سی بودر . و طاهرک کندی مثلی طاهره ملاقاتی موجب تنجیس دکلدر .

— دلاک ایله تطهیر —

دلاک — که سورتمکدر [۱] — بالخاصه آیاق قابی حقنده طریق تطهیردر .

خف و نعل امثالی آیاق قابیری جرملی یعنی مرئی نجاست ایله [۲] متنجس اولدقده آنی صو و سائر مانع مزیل ایله تطهیر ممکن اولدیغی کبی یاش بیله اولسه یره سورتمکله دخی تطهیر ممکن اولور [۳] .

دلاک ایله تطهیر آیاق قابینه و آنده اولان نجاست مرئییه مختص اولدیغندن ثوبه و بدنه اصابت ایدنی ییقامق لازم اولدیغی

[۱] اوغنی معناسنده کلور . او معناده لایمه بدل عین ایله (دعک) دخی دینور .

[۲] انک جرملی اولسی کرک اصلی و ذاتی اولسون ، کرک یاش ایکن توز و یا کول یا شمع صورتیله عارضی و اکتسابی اولسون . ص .

[۳] امام محمد حضرتلری جامعده تصریح ایتدی که : انی حک اینسه یا خود یا بقی قازیسه حاجی تطهیر ایتمش اولور . مشایخ دیدیلرکه جامعده بویله مذکور اولسه بزمسح بالترابی شرط قیلار ایدک زیراترابک طهارتده اثری واردر . ط .

کبی [۱] جرمی اولمیان یعنی غیر مرئی بولمان نجاستی آیاق قابنده دخی
اولسه ییقامق لازمدر [۲] .

— دخول ایله طهارت —

(دخول) : کیر مکدر . مراد — حوض صغیر نجسه — طاهر صویک
دیگر جانبندن آزدخی اولسه خروجیله برابر بر جانبندن دخولیدر .
مثلا بر حوض صغیر متنجس ایکن بر جانبندن آکا صو کلوب دیگر
جانبندن چیهقهده اولسه اثر نجاست آنده ظاهر اولدقجه اوصو
طاهر اولدیغی کبی حمام قورنهسنه طاهر صو موصلقدن اینمسکده
وغیر طاهر اللر ویا طاسلر صویک یوزنده آرام حاصل اولماق
اوزره آکا ادخال اولنقهده اولسه اوزرندن آز ، چوق آفتی
موجود دیمک اولدیغی ایچون ماء جاریه ملحق اولمغه اثر نجاست
آنده ظاهر اولدقجه اوصو دخی طاهر در .

(میاهده مذکور اولدیغی اوزره جریان دخی کثرت کبی
صویک سطحی اعتباریله اولدیغندن قورنهیه وحوض صغیره کلان

[۱] بوندن منی یابس مستثنادرکه انک ثوب وبنددن فرك ایله دخی تطهیر
وازاله سی ممکندر . کما تقدم فی ص ۲۲۸ .

[۲] چونکه ایصلاقلق انک اجزاسنه داخل اولشددر . ظاهرندم دخی
انی جاذب برشی یوقدر . بناءً علیه غسلدن بشقه بر طریق ایله اونجاست
زائل اولماز . ط .

صو آلتنده کی دلیکدن چیقار اولمقله جاری عدد اولتماز . صرح به
ابن مابدين . ()

— تغور ايله طهارت —

تغور که صویک چکیلوب غائب اولمسیدر قوی حقنده نزع
کبی مطهر در تنجس ایدن قوییدن نزعی لازم اولان مقدار
صو [۱] تغور ایتمکه قوی طاهر اولوب صکره دن کلان صو
بلا نزع جائز الاستعمال اولور .

— تصرف فی البعض ايله تطهیر —

تصرف فی البعض — که بر چوق شیتک بر قسمنده کی تصرف
دیمکدر — بعض شی حقنده آتی الذکر (ندف) و (غسل بعض) کبی
مطهر در مثلاً بغدادی یاخود آرپه خرمنده دوکنلنور ایکن حیوانک
قاشا نمسیله آنک لاعلی التعمین بر مقداری تنجس ایتمش اولدقده او بغدادی
ویا آرپه نک او مقداری یاخود دهـا چوغی [۲] اکل ویایبع ویاخود
برینه هیه ویا صدقه ایدلک کبی بر تصرف کورمک یعنی الدن چیقارلمش
اولمق ايله باقیسی طاهر اولور .

[۱] کذا فی رد المحتار . وهو مما یسر الاطلاع علیه فی لزوم نزع نحو
عشرین دلوأ . والظاهر صرف مطلق التغور الی کماله أعنی فوران مائها بالکلیة .
کما فی قوله عز من قائل (قل أرأیتم ان أصبح ماؤکم غوراً) الآیة أی غائراً .
مصدر وصف به .

[۲] وینبفی تقييد التصرف بان یكون بمقدار ما تنجس منها أو أكثر
لا أقل اه ابن عابدين .

کیدن یعنی الدن چیقان دخی طاهر در [۱] .
او بغدادی و یا آرپه بولایشلک یاخود آتی الذکر (غسل بعض)
طریقيله ییقانمق دخی تصرف فی البعض قبیلندندر . کما فی الدر المختار .

— ندف ایله تطهیر —

ندف که بموق آتمقدر [۲] نصفندن اقل [۳] بر مقدار غیر

[۱] نجاست کیدن یاخود قالان قسمده اولق احتماله بناء که طهارت اصلیه بونسله زائل اولماز . بونی و بوندن صکره کی غسل بعض مسئله سنی « الیقین لایزول بالشک » فاعده سینه استشکال ایدنر اولش ایسه ده او اشکال شو و وجهه دفع دخی ایدلشدنر : محل معلوم ایچون که مسئله مزده مجموع ذخیره در طهارت یقیناً ثابت ایدی صکره بر محل مجهول ایچون طهارتک ضدی اولان نجاست دخی یقیناً ثابت اولدی بر مقداری تصرف اولنقله او مجهولک بقا وعدم بقاسنده شک واقع اولدی زیرا بقا وعدم بقا احتمالی علی التساو یدر بناءً علیه محل معلوم ایچون یقیناً ثابت اولان شیله عمل اولنمق لازم کلدی زیرا محل معلومده کی یقین شک ایله زائل اولماز محل مجهول ایچون اولان یقین ایسه اوبله دکادر . رد المختار .

[۲] آتانه (ندف) و یاینه (قوس) و طوقاغنه کسریم ایله (مندف) دینور . (حلج) پیوغی چاتسکندن آیرمقدر . (حلاج) آتی آیراندنر . آتی (محلج) در . صاحب مصباحک بیاننه کوره ایسکیسی دخی باب ثانیدندن . (۶۱۰) تاریخنده متوفی (فتیان الشاغوری) نام شاعرک سوویه ده کی (جنة الزبدانی) نك قیشتی حقنده سویله مش اولدیغی شو وچ بیت يك خوشدر :

قد أجد الخمر كانون بكل قدح * وأخذ الخمر في السكاون حين قدح
ياجنة الزبدانی أنت مسفرة * بحسن وجهه إذا وجه الزمان كلج
فالحلج قطن عليك السحب تندفه * وأجرو يحاجبه والفوس قوس فرج
[۳] کما فی الفتاوی الهندیه اه ط علی الدر و تقدم مثله فی التطهیر بالتصرف فی البعض .

معینی تنجس ایدن پموق حقنده طهارتدر . او پموقک تمامی آنملقله
تنجسی زائل ، و کندیسی طاهر ، اولمش اولور .

— نزع ایله تطهیر —

نزع — که قویبنک صوفی چکه کدر — قوی حقنده نوع نجاست
اعتباریله اولان مراتبی و جمله طهارتدر . نتکیم (فصل آبار) ده
معلوم اولمشدر .

— نار ایله تطهیر —

نار — که آتشددر — بعضی اشیا حقنده [۱] مزیل انجاس وطریق
تطهیردر . مثلاً بوغازلنان حیوانک کله سنده کی قانلر احراق ایله
زائل ، و کله طاهر ، اولور .

تذک یانوب کول اولملقله طاهر اولور . بولاشدیغی اتمک
یینور . تذکله یاقیلان فرلره [۲] و تنورلره کوره آلرده کی نجس

[۱] کندیسنه آتش اصابت ایدن هرشی طاهر اولور ظن ایتمه . مراد
آتش ایله استیجاله حاصل اولوق یا خود اثرنجسی آتش ازاله ایتمسکدر . کما فی
رد المحتار . مثلاً شراب قایتاملقله طاهر اولماز . انکله پیشنات یینمز .
متنجس اولان شیرمه قایتایوب بکه زاولملقله تمیز اولماز . کما مر فی القلب و سیاتی فی
الغلی .

[۲] (فرن) حزن و زندن بزم (فرون) دیدیکمزددر ، واولیسی (أفران)
کی آنک جمعیدر . ترکجه ظن ایدوب رسم خطنی صاقین تغییر ایتمیگز .

یاشاق [۱] اتمکی فرنه آتمدین وتنوره یاشدرمدین آنی یاققله طاهر اولور .

متنجس چاموردن یاپیلان — طبق ، دستی ، باردق — آتشده پیشورلسکله و بعد الطبخ اثر نجاست آنده طاهر اولمامقله [۲] طاهر اولور .

(بونلر بتون قلب واستحالهیه راجع شیلردر . بعضیسنه عسر وعموم بلوی دخی انضمام ایتمسکده در .)
(غسل ایله تطهیر) بحثنده کچن تمویه مسئلهسی دخی تطهیر بالنار مسائلمنددر .

(تمویه) — که تنبیه وزندهدر — دمیره صویر مکدر . (دمیره صویر مک) : آنی آتشفه صوقوب قیزارتقدن صکره صویه صوقوب سوندر مکدر . نجس صویرلمش اولان دمیر (مثلاً بیچاق) اوچ دفعه طاهر صوایله تمویه ایدیلور ایسه ظاهرآ و باطناً طاهر اولوب او بیچاق ایله کسیلان قارپوز یینور و آنی حامل اولانک نمازی صحیح اولور .

مؤلف دیرکه : ماء طاهر ایله بر کره بیله تمویه ایدلمک کافیدر دیناسه اولور . [۳] .

[۱] یو (یاشاق) درختار ایله دمختارده تنوره ماء نجس سرپلمک یاخود چوجق ایشه مک و یاخود متنجس یاش بز ایله آنی سیلمک ایله تصویر ایدلمشهر .

[۲] زاد هذا القید فی الدر .

[۳] چونکه آتش بالکلیه اجزاء نجاستی ازاله ایتمسکده اولوب آنک تکراری ازاله شبهه ایچونددر ، افاده ط .

— غلی ایله طهارت —

غلی که قاینا مقدر [۱] استعماله نوعندن بر طریق طهارتدر :
(سطحی یوز آرشوندن اکسیک اولمغله [۲] نجسه ملاقات ایله)
تنجس ایدن پکمز یاخود بال و یاخود سوت طاهر صوایله [۳]
اوج دفعه مقدر اصلینده قانجه قدر قاینادیلور ایسه طاهر
اولور [۴] .

متنجس اولان زیت (زیتون یاغی) صابون اولمغله طاهر
اولور [۵] .

[۱] (غلیان) کبی مصدر لازمدر . همزه ایله تعدی ایدر . باب ثانیدن
تصریف اولنور . قال تعالى (تغلی فی البطن کغلی الحیم) باب رابعدن استعمالی
لغت مهجوره در تکمیل دینلشددر :

ولا أقول لقد القوم قد غلیت . ولا أقول لباب الدار مغلوق

[۲] لابد من هذا القید كما نبه علیه ابن عابدین فی التقرور .

[۳] مؤلف صوبی مطلق ذکر ایتدیکی ایچون مائع متنجس مقدارنده
اولوب اولمائه شامل اولشددر . بعضلر صویک دخی او مقدارده اولسنی قید
ایتمشورد . ط .

[۴] متنجس اولان سمن و یا دهن مائع ایچون طریق تطهیر غسلدر . کما مر .
جامد اولاننک طریق تطهیری تقروردر . کما یأنی .

[۵] مثاللر دلالت ایتدیکی اوزره غلی دخی احراق بالنار طریق کبی استعماله یه
راجعدر . محشی مرحوم : « ومثله ما إذا وقع فی المصبنة وزالت أجزاؤه »
دیشدر اه .

ابن عابدین دیرکه بومسئله ده علت طهارت تغیر حقیقتدر . زیتدن ماعدا
أدهان ایله صابون اعمال اولنق تقدیرنده دهن میته دخی انقلاب ماهیته مبنی عموم
بلوی جهتیله طاهر عد اولنوب صابونک طهارتی افتا ایدیلور اه وقد تقدم فی
الفصل والقلب .

(در مختارده کړک بو (غلی) ، کړک بوندن اولسکی (تطهیر بالنار)
مسائلی بعد الطبخ اثر نجاست ظاهر اولماق قیدیله مقید کوستر لمشدکه
ظاهر اولان ده اودر .)

غلیک مطهر اولسی اتقلااب ماهیته مبنی اولد یغندن متنجس
اولان شیره قاینا یوب پکمز اولمق [۱] و متنجس اولان سسوت
پنیر یا بلق ایله طاهر اولماز . چونکه بولدرده تزک یا نوب کول اولمق
وطوزله یه دوشن حمار طوزکسیلک و شراب سرکه یه دونک قییلندن
بر حقیقت بشقه بر حقیقت منقلب اولمش دکل ، بلسکه مجرد وصف
تغیر ایتمشدر [۲] .

بغدا ی یا خود آرپه متنجس ایکن اکودلک و متنجس اون
انک اولمق و متنجس صوصامک یاغی چیقارلمق دخی بویله در . [۳]
کما فی رد المحتار .

— غسل بعض ایله تطهیر —

غسل بعض که بر مقدار یری ییقامق دیمکدر تصرف فی البعض
کبی طریق تطهیر در : نجاست غیر مرئیله ایله لاعلی التعمین بر طرفی

[۱] صاحب مجتبی پکمز مسئله سنی عموم بلوایه ارجاع ایتمک ایستمشدر .
انظر الرد .

[۲] بر شیکک وصفی تغیر ایدوب اسمی دکشمک باب تطهیرده کافی هکل ایسه
ده یین وغصب مسائلنجه مؤثر در . تکمیل اهلنک معلومیندر .
(۳) تکمیل قلب واستحاله هامشده دخی ذکر اولندی .

متنجس اولان شئیك [۱] لاعلى التعمین برطرفی ییقامق بلا تحری
بیله اولسه مزیل نجاست و طریق طهارتدر . چونكه نجاست ییقانان
قسمنده اولق احتماله مبنی موضع معینده نجاستك بقاسنه حکم اولنه ماز
کما فی الرد .

(بومسئله مؤلفك تصویرى وجهله نسیان واشتباه صورتده
ظاهر در كه غیر مرئی نجاستك اصابت ایتدیكى محل اونودیلوبده مصاب
اولان شئیك بلا تحری بر طرفی ییقانور ایسه قول مختارده آنك طهارتده
حکم اولنور [۲] و لکن نجاست محل آخرده ظاهر اولور ایسه
آنكه قیلنن نماز اعاده ایدیلور .) [۳]

— تقورایله تطهیر —

تقور اویله قدر مراد تقویردر كه اویقی دیمكدر [۴] سمن

[۱] حکم مسئله ثوبده ظاهر ایسه ده بدنه ده تعمیم ایدلشددر . كما ستعرفه
فی الهامش الذی بعد هذا .

[۲] محشی دیركه ظهیریه ده ذکر اولنن : آنك هپسنی ییقامقدر . محقق
(ابن الهمام) دیمشدركه احتیاط اولان ده بودر . مؤلف دخی درر حاشیه —
سنده بونی جزم ایلشددر : نهرده . « بدن دخی ثوب کبی اولق کرکدر . »
دیعی اه .

[۳] صاحب در مختار بونك خلاقى نقلده سهوا ینمشددر . كما نبه علیه
محشیه .

[۴] فهو من استعمال المصدر اللازم فى التعدى كالطهارة بمعنى التطهير اه
ابن عابدين .

جامد مقوله سنده اولور : طونق اولان ياغه نجاست اصابت ايتدکده
يا لکز اوراسی تنجس ایتمه کله جواندیه او ییلوب آیلور باقیسی طاهر قالور .
ياغك مانعی مقدار کثیره [۱] بالغ اولدقجه اصابت نجاست ايله
کلیاً متنجس اولمغله غسل ايله ، و پکمز کبی شیلر غلی ايله تطهیر اولنور
تسکیم بیان اولمشدر .

(بوبایده یاغی باله قاتانلر اصابت ایتما مشلدر .) [۲]

[۱] بأن يكون عشرأ في عشر . زاده ابن عابدین . كما قدمنا بيانه في الغلی .
[۲] بوراسی صاحب درره وصاحب در مختاره تمایضدرکه ياغك دخی
باله کبی لزوم غلیبی سوله مشلدر .

— بعض مسائل —

چو جفك قیئله تنجس ایدن نه اوچ کره ائمه سیله طاهر اولور [۱].

شارب خمرک آغزی رطوبت لعابیه سیله طاهر اولور [۲]
اوزون اولوبده ایچدیکی شرابک ایچنه کیرمکده اولان بیکلری
دیل استیحاب ایتمز ایسه بیقماق لازم کلور .

شراب ایله پیشورلمش اولان ات ابداء طاهر اولماز [۳]

أهل ذبح طرفندن وجهه شرعی اوزره بوغازلشمش و فقط
باغر ساقلری چیقارلمش اولان طاوغی یولق ایچون قاینار صویه

[۱] استیجار ایدنه کوره موضع استیجا دخی بویله در . یعنی بلاغسل طاهر
دیگدر . تکمیل الفار فقهیه مزمک کتاب الطهارة سندن ۲۲ نجی مسئله در .
[۲] توکرکی بوتیموب چیقارمق دخی یوتق کبی اولدیفندن مؤلفک (بلم)
قیدینه حاجت یوقدر . کافی ط . (فصل أسآر) ده شارب خمرک عقب شرب
خمرده کی سؤره نجس اولدیفته دائر کچن مسئله بونـ کله توفیق اولنسون .
[۳] امام ابو یوسفک مفتی به اولمیان قولنه کوره اوات اوچ دفعه
ماء طاهر ایله قاینادیلوب تبرید اولنور ایسه طاهر اولور . کافی الدرر .
او اتک صوبی بو قوله کوره دخی انده خیر اولدیفیچون آیلور ابن عابدینک
تقلنه کوره قاضیخان : شراب ایله پیشن اته یاخود خطله به سرکه قونوب
هپسی سرکه اولنجه قدر براغیلور ایسه بنجه بأسی یوقدر . دیعش اه

آتمق دخی بویله درکه او طاوق اصلا طاهر اولماز [۱].
حرارت سطح جلده واررق مسام [۲] انحلال ایدجک وتوبی
قولایجه چیقہ جق قدر سیجاق صویہ قونلش ایسه (اوج کره) [۳]
یقامق ایله طاهر اولور.

اشکبه نی ییقامدین سیجاق صویہ آتمق دخی بویله در . یعنی
صو حد غلیانه وارمش واشکبه دخی تشرب ایدجک مدت آنک
ایچنده براغلش ایسه اصلا طاهر اولماز .

بویله اولمدیغنه یعنی یا صو حد غلیانه کلدیکنه ویا خود اشکبه
تشرب ایدجک مدت صوده براغلدیغنه کوره ییقامقله طاهر اولور .
أشبهاك فن حکایاتنده مذکوردرکه : ایچنده ات وات

[۱] بناءً عليه طاوغي سيجاق صويه اتدین ایچنی تمیزله مک ومحل ذبحنده
طوکمش دم مسفوح وار ایسه ائی ییقامق لازمدر اه ط قبیل الاستنجاء من
حاشية الدر المختار .

چیزوز وساردالیا بالفری ایچی چیقارلمدین قوریدلدینی وصلاحوره ایدلدیکی
ایچون بویله میدر ؟ بوکا دائر بزم کتابلرده بر شیئه تصادف اولندی . بالفک
ترسی دخی قانی کبی نجس اولسه کرکدر . علماء شافعیه دن کمال الدین الدمیری
(حیاء الحيوان) ده : سمک صغیرک ترسی طاهر در دیشدر .

بزجه صغر ایله تقییده وجه یوقدر چونسکه طهارت دی بخننده بالفک بیوکی
دخی کوچکنه مساوی کوستر لشددر . کما تقدم عن البحر . فلیحرر .

[۲] فتح میم ایله مفعول وزننده اولان (مسم) ک جمعیدرکه مسامات دیدیکمز
مواضع نفوذ در . جلوده منافذ عرق وبخار اولان نفوب غیر مرئیہ در . ایکنه
دلیری دیمک اولان (سم) دن مشتقد .

[۳] اخذاً من سوق الكلام وان كان مطلقاً .

صوینی اولدیغی حالده آچیقده قاینامقده اولان چوملمکک ایچنه بر قوش
دوشوب اولسه اکر ات اولجه پدشمش ایدیسه اوچ کره ییقانوب
اکل اولنور ات صوینی تمجس ایتدیکی چون آنیلور واکر ات پدشمین
قوش دوشمش ایسه هیچ بری ینمیوب آنیلور [۱] .

در مختارده صاحب هدایه نك (تجنیس) ندن نقلاً مدکور در که
شراب ایچره طبع اولنان بغدادی ابداء طاهر اولماز [۲] . بولدن
شیشوب قباران بغدادی اوچ کره صوده ایصال دیلوب تحفیف اولنور
یعنی صوینی چکیلوب انتفاخی (شیشکینلکی) زائل اولنجه قدر
براغیلور ایسه طاهر اولور [۳] .

طبع ایله انتفاخ آره سنده کی فرق طبعده کی تشریک زیاده —
لکنده در [۴] .

شراب ایله یوغریلان اتمک ییقامقله طاهر اولمیوب بلکه اثر خمر
کیتمک و اجزاسی ایچنه سرکه کیرمک اوزره سرکه یه اوفالانمق ایله

[۱] بومسئله (أشباه) ك اولبابده کی دیگر درت مسئله سیله برابر بزم
کتاب التراجمک (ابن جنی) عنواننده « تربیت و انت حصرم » مثلی مناسبتیه
مذکور در . راجعه ان شئت .

[۲] قال : به یفتی .

[۳] ابن عابدین دیرکه بو مسئلهده (مسئله آتیهده اولدیغی کی) حظه بی
سرکه یه قویق طریقیه نظمیر ممکن اوله ماز چونکه بول خمر کی سرکه
اولماز .

[۴] قاله ابن عابدین . دیمک که شراب ایچره بلاطبع قالوب شیشن بغدادی
دخی صوده اوچ دفعه قمع و تحفیف ایله طاهر اولور .

طاهر اولور . هنوز خمیر حالتده ایسه اثر نخر آندن زائل اولنجه قدر اوزرینه سرکه دوکیلور اه مع ط .

نجس اولان یتساق یاخود طپراق بونلرک اوزرنده یاتانک ترندن و یورییانک ایاغی ایصلا قلفندن تمانک اولمغله اثر نجاست [۱] بدنده و قدیمده ظاهر اولسه او بدن و اوقدم تنجس ایتمش اولور . اثر نجاست ظاهر اولماش ایسه اولماز .

تسکیم قوری و طاهر اولان نوب یاش و نجس اولان و فقط صیقلقله طاملار درجهده اولمیان بریزه (، و غچه یه و یا صارغی یه) صارملش اولمق دخی بویله درکه طاهر اولان قوری بزده اثر نجاست ظاهر اولمش ایسه اودخی نجس ، و ظاهر اولماش ایسه ینه طاهر ، در . کما فی البحر [۲] .

یاش بریزی بول و یا کوبره ایله نجس اولان قوری بریره سرمکله اورانک مجرد یا شارمش اولسی او بزده اثر نجاست طاهر اولدقجه آتی نجس ایتمز [۳] .

[۱] طعم و بالون یاخود ریحه در . کافه عرفت . بو باده طعمک ذکر ی « وللارض من کأس الکرام نصیب » فجواسیله اولان تنجسک غیریده عقله امس اولماز . کما لایحقی .

[۲] عدلنا هنا عن الاصل الى البحر لکونه أوضح منه .

[۳] بو مسئله طریق جفاف و فرکده کچن و « السافط لایعود » قاعده سه . تماس ایدن مسائلدن دکلهر چونکه ارضک جفاف ایله طهارتی اثر نجاست آندن بستیون زائل اولمق قیدیه مقیددر . ولیس ما هنا کذاک کما لایحقی .

نجاست اوزردن اسوب کلان روز کار پرده سریلی اولان بزه
اصابت ایتمکله او بزنجس اولماز [*] . مکرکه اثر نجاست آنده
ظاهر اوله .

* [وَقِيلَ نَحْنُ أَنْ كَانُوا مُبْلَغًا لَا نَصَالًا بِهِ . م .
 * [وَقِيلَ نَحْنُ أَنْ كَانُوا مُبْلَغًا لَا نَصَالًا بِهِ . م .

— فصل —

خنزیردن ماندهدا هر حیوانک ظاهری حال حیاتنده طاهر در
[۱] . موت ایله نجس اولور .

عین نجس اولوق اوزره خنزیردن بشقه بر حیوان یوقدر که خنزیرک
دیرسی دخی اولوسی کبی نجسدر . هر جزوی دخی نجسدر . دیکه جیلوک
طموز قیلی استعمالنه ضرورته مبنی رخصت ویرلشدر [۲] .

حیوانات سائره نك دیرسی نجسه ملاقی اولدقجه طاهر در .
اولوسی یعنی لاشه سی [۳] نجسدر .

فیل [۴] و کلب دخی بویله در .

[۱] باطننده کی نجاستک حکمی ظاهر اولاز . انسان بیله باطناً حامل نجاست
اوله رق نماز قیلاز .

[۲] چونکه اندن بشقه سی انک یرینه قائم اولماز . امام ابو یوسف ایده
کریه کورمشدر . روایاتک کافه سنده بیعی جائز اولاز . کذا فی الجوهره .

بو حالده طموزک کرک اولوسنک . کرک دیرسنک بر دیشی ویا بر قولاعنی
یاخود قوبریغنی ویاخود بر درمهدن فضله نقلنده قیلنی اوزرنده بولندیررق نماز
قیلان کیمسه نك نمازی صحیح اوله ماز .

[۳] عربیته مبنی وقد تقدم تفسیرها وسنقره بدکرها .

[۴] والفیل کالخنزیر عند محمد لا یطهر جلده بالدباغ . وعظامه بحمة لا یجوز
بیعها ولا الاتفاع بها . وعند ابی حنيفة وابی یوسف لا بأس بیع عظامه و یطهر
جلده بالدباغة اه جوهره .

عليه الصلاة والسلام افندمز حضرتلری فیل دیشی طسراق قوللاشمشلردر [ه] .

کلب دخی طاهر العین اولدیغندن بیع وایجار و هبه اولنور .
ومال غیر اولان کلبک متلفته ضمان لازم کلور و جلدی دباغتلند کدن
صکره سجاده و یا قوغه اتخاذا اولنه بیلور .

اوزرنده نجاست اولمیان برکلب قوینی یه یاخود حوضه دوشوب
دیری چیمق تقدیرنده آغزی دخی صویه دکامش بولندیغی فرض
اولندیغنه کوره صوفاسد اولدیغی کبی آغزی باغلی اولدیغی حالده کلبی
قوجاغنه یاخود صرته و کوچک ایسه قویننه آلر ق نماز قیلش فرض
اولنان کیمسه نک قیلدیغی نماز دخی فاسد اولماز .

لحمک و اندن متولد اولان لعابنک نجاستنده ، وقلینک طمارتنده ،
صاحب درک تصریحنه کوره شک و خلاف یوقدر .

ایصلاق کلبک اوزرنده نجاست اولدیغی حالده سیلککتیسک
اصابت ایتدیکی شی طاهر در . ایصلاق کربک آنک جلدینه وارمش
اولسون ، کربک یا لکز قیللرنده قالمش بولنسون .

(لاشه) — که میتهدر — أنجاسده تعریف اولمشدر .

بالتی ، و صوده بشایان سائر حیوانات ، حتی بحرك کلبی

[*] لغت عربیه ده لفظ (عاج) مشترک اولوب هم ذیل یعنی بظا وهم فیل
دیشی معنالیقه اولمقله « کان له مشط من العاج » حدیثی مجتهد فیه ومؤولدر .
عظام فیل اولان عاج بزجه طاهر ، وامام شافعیجه نجس ، در . حضرت توبانه
خطاباً وارد اولان : « اشتر لفاطمة سوارین من عاج . » حدیثنده فیل دیشی
معنایی متبادردر . کما فی نهایة ابن الاثیر .

وخنزیری [۱] ودماء سائله سی اولمیان حشرات ، اولوسی لاشه اولدیغی کبی مأ کول اولسون ، غیر مأ کول اولسون نهج شرعی اوزره بوغازلنان ویا بروجہ شرع اضطرار اوزره اوریلان حیوان دخی لاشه دکلدور [۲] .

لاشه نک بیله دریمی دباغت ایله طاهر اولق مسئله سی مطهراتک دبغ نوعنده ذکر اولمشدر .

لاشه نک بولاشقسز بولنان دیشی وتوی [۳] وطار ناغی و بونوزی وکیکی و غاغاسی کبی دم ساری اولمیان ، و تعبیر دیگر ایله قوه لامسه دن عاری اولان اجزاسی طاهر در .

سیکیر - صحیح اولان روایتده - نجسدر [۴] .

[۱] صرح بهما فی الدر . بخلاف البط والاوز حتی القری . کما قدمنا . فانها لاتعيش فی الماء وان کانت ندخله . ثامات منها فیتة . لان لها نفساً سائلة . أى دماً سائلاً . کما فی قول الحماسی :

تسبل علی حد الظبات نفوسنا * ولیست علی غیر الظبات تسبل

[۲] مطهراتک ذکات نوعنده ذکر اولنه یفی اوزره کک حال اختیارد . کک حال اضطرارده واقع اولان (ذبح شرعی) حیوانات مأ کوله نک هم جلدی و هم لحمی و حیوانات غیر مأ کوله نک یالکز جلدی حقننده طهارت اولغله (آوده و آزهینقده اوریلانه دخی شامل اولق اوزره) حیوان مذبوح مأ کول اولدیغنه کوره جلدأ و لحمأ ، و مأ کول اولدیغنه کوره هالکز جلدأ ، طاهر در .

[۳] توبینک بولاشقسز بولنمی بولنامش اولسنه یعنی یاقیریاش و یا خود تراشیده ایداش بولنسنه متوقفدر ، جوهرده واصلده ودر مخارده مقهددر .

[۴] چونکه انده حیات اوله یغنه تألی دلیلدر . ص .

حدیث شریف نبوی ناطق اولدیغی اوزره مؤمن اولان انسان حیاً و میتاً طاهر در . انجق انسان علی الاطلاق حیوان دموى اولدیغندن حیوانات سائرہ کبی حال حیاتنده طاهر اولقله برابر موت ایله غیر طاهر عد اولنمده درکه قوی به دوشوب اولمک ، یاخود اولوب قوی به آتلق ، ایله قوی نیک نوحی لازم کلمکده در [۱] .

جسد انسانی اجزاسندن قیل و دیش و طرناق کبی حس لمسدن عاری اولانلر سائر حیوان حقنده اولدیغی کبی مستثنادرکه انسان اولمکله بوکبی اجزاء آدمی نجس اولماز . أشباهدن نقلاً درمختارده مذکور درکه ماء قلیل ، ایچنه طرناق دوشمکله فاسد اولمازده انسانک طرناق قدر دریسی دوشمکله فاسد اولور ا ه .

« ما ا بین من الحی فهو میتة ، فحوا سنجہ دیریدن آیریلان میتہ اولدیغندن [۲] حیوانات مأ کوله دن دیری ایکن قوپاریلان پارچه حلال الاکل اولدیغی کبی دم ساری اولان جزئی طاهر دخی دکدر .

[۱] بوندن شهید غلیف ایله مسلم مفسول مستثنادر . کما مر فی الآبار .

[۲] بحکم صاحب جوهره نك بیانته کوره مآل حدیثدر . انسانه دخی شاملدر . صاحب أشباهك باب المیاء آخرنده و کتاب الذبائح صوکنده : « المنفصل من الحی (أى مما تخله الحیاء) کیتته الا فی حق صاحبه فهو طاهر وان کثر » دیمسی یعنی صاحبی استثنا ایتمسى حاملی اوله رق نماز قیلق خصوصنده ظاهر در . یوقسه صوینی افساد ایتمکده دکل . چونکه صو جلد انسانیدن طرناق مقدارینک انده ولوعیله فاسد اولور . کافی ط علی الدر . وقد مر آفا .

خنزیردن ماعدا ما کول و غیر ما کول بالجمله حیوانک و حتی انسانک اولو سندن و دیریسندن آریلان اجزاء غیر محسه [۱] طاهر در [۲] .

شوقدر که اجزاء حیوانیه مباح الانتفاعدر . اجزاء آدمیه غیر مباح الانتفاعدر . آلتوب صانلباز .

طابق اولد کدن صکره آندن ظهور ایدن بمورطه طاهر در . و حلال الاکلدر . قموغی کرک قاتلش اولسون ، کرک قاتلش (پسکشمش) اولسون [۳] .

شات — یعنی قیون یا خود کچی — اولوبده مه سندن سوت کلک دخی بویله در که او سوت طاهر در . وعند الامام همده حلال الشربدر [۴] .

[۱] حاسه لامسه سی اولیان جزملر .

[۲] در مختارده « انسانک شعر غیر منتوی طاهر در » دیدیکی یرده طحطاوی مرحوم زیلعیدن نقلاً : طهارتنه دایل علیه الصلاة والسلام افندمز حضرتلری شعر شریفلرینی حضرت طایحه صونوب انار دخی او مبارک قیللری ناسه طاغتمش اوللریدر اگر طاهر اولمیدی بونی یا پنازلر ایدی . دیمشدر اه و فیه تأمل .

[۳] لانه لایحلا الموت . وقال الشافعی : ان اشتد فمرها فکذلك وان لم یشتد فیه نجسة لایحل اکلها . کذا فی الجوهره .

[۴] نجاست وعاء ایله متنجس دکلدر . وعند الامامین اوسوت نفسنده طاهر در چونکه موت اکا حلول ایتمز شوقدرکه وعاءک یعنی ظرفی اولان مه نیک نجاستیله متنجس اولدیغندن حلال الشرب دکلدر . عند الشافعی اوسوت نجسدر شربی حلال اولماز اه جوهره .

اوتلاماش قوزینک قورصاغی که عربیه سی انفجه در [۱] آدن
ظهور ایدوب پنیر مایه سی وقورصاق مایه سی تعبیر اولنان صاری شی
میتهدن دخی ارسه طاهر در .

ایمدی اولمش بر قوزیدن یاخود اوغلاقدن چیقان انفجه نك
ایچنده کی شی کړک جامد ، کړک مانع اولسون عند الامام اکل
اولشور . وعند الامامین مانع ایسه جائز الاکل اولمیوب جامد اولوبده
بیقابور ایسه اکل اولنه بیلور .

(آبار) آخرنده دخی ذکر اولندیغی اوزره فسادہ تحول موجب
نجاست دکلدر . یعنی ات فوقق ، ویمک اکشیمک ، ایله نجس اولماز .
لکن اوحالده آنی اکل ایتمک دخی حلال اولماز [۲] اکلک عدم
حلالیتی اذی وضرره مبیندر . نجاسته مبنی دکلدر .

ات یاخود پنیر قوقوب قوردلنقله نجس اولماز [۳] .

[۱] (انفجه) اشکبه دیمک ایسه ده سوت قوزیسنک اشکبه سنه ترکجه
(قورصاق) وعرجه (انفجه) دینور . (کرش) یعنی اشکبه نامی اولادقدن
سکره در . قورصاهک عربیه سی (حوصله) درکه طیورده اولور .

[۲] یاغ آجیقله حرام دخی اولماز . کما قدمناه هناك وسواء فيه السمن
والدهن المأكول .

[۳] برپاک جکر سو قیوسنه دوشوب بر مدت مکث ایتمکله اول جکر
قوقوب قوردنسه اول جکر متنجس اولورمی ؟ الجواب : اولماز . (بهجة عن
الفتية) . قال : وقع في اللحم دود وأنتن فهو طاهر .

(مسك كوبيكى) مسك كېي طاهر در . ومسكك اكلى حلالدر [۱] .
(زباد) تعبیر اولنان [۲] طيب دخی طاهر در [۳] . آنى سورينوب
نماز قیلانك نمازی صحیحدر .

تم کتاب الطهارة ویلیه کتاب الصلاة ان شاء الله تعالى

طبع بحمدہ تعالیٰ مرة ثانية فى سنة ۱۳۲۸ هجرية
بتصحیح مؤلفه الفقیر الى الله تعالى الغنى (محمد ذہنى)

[۱] حلالیت اكلنك تصریحی بر شیتك طهارندن انك حل اكلی لازم
كلیدیكنه مبیدر : تراب كېي طاهر درده حلال الاكل دكلدر . مس .
مسكك اكلی حیوان غیر مذکندن دخی اولسه حلالدر . واكلی ایچون
برطاقم فواید واوردر . انلری صاحب قاموس ذکر ایتمشدر . طالبی ایهك
مراجعت ایله . ط .

[۲] (زباد) سحاب وزندده مسك كدیمسك قویرغی التنده مخرج خائطی
اوزونده بیریکن کیدر . حیوان طوتیلوب حرکندن منع اولنهرق او
برقامش ویا بر بز پارچه سیله صیریلوب آلتوراه ط عن القاموس . وغلط
عاصم فی الترجمة . انظر ان شئت .

[۳] بولرك طهارتی طبییته منقلب اولدیغندندر . کافی الاصل وقدمناه فی
قلب المعین .

صفحه	
۴	احکام تکلیفیه
۱۴	کتاب الطهارة
۱۷	مياه (صولر)
۱۹	ماء مطلق
۲۸	ماء مقید
۳۲	أسار (آوتقلر)
۳۶	تحریر
۴۰	آبار (فویلر)
۵۵	استنجاء ، استبرا
۵۸	احکام وضوء = آبدست
۷۱	تمام احکام وضوء
۷۴	سنن وضوء
۸۹	آداب وضوء
۹۵	مکروهات وضوء
۹۸	أوصاف وضوء
۱۰۱	نواقض وضوء
۱۱۰	ناقض وضوء اولهان شیلر
۱۱۲	احکام غسل
۱۱۲	(فرض اولان غسل)
۱۱۸	سنن غسل
۱۲۰	آداب غسل
۱۲۲	مکروهات غسل
۱۲۲	(فرض اولیان غسل)
۱۲۵	تنبیه
۱۲۷	(تیمم)
۱۳۱	تیممك شروط صحی
۱۴۱	تیممك سنتلری
۱۴۷	مهمه
۱۵۰	نوالض تیمم

مسح على الحفین	۱۵۲
مسح على الحفینك شروط جوازى	۱۵۷
سار غیلره مسح	۱۶۶
احوال نساء	۱۷۰
حیض ونفاس ایله حرام اولان شیر	۱۷۷
جنبه حرام اولان و آبدستسزه حرام اولان شیر	۱۸۰
(أعذار) و أحكام ممدورین	۱۸۷
أنجاس	۱۹۲
مطهرات	۲۰۷
غسل ایله تطهیر	۲۰۸
مسح ایله تطهیر	۲۱۸
جفاف ایله تطهیر	۲۱۹
نحت ایله تطهیر وتحول ایله تطهیر	۲۲۱
حفر ایله تطهیر	۲۲۲
دباغت ایله تطهیر	۲۲۳
تحلیل ایله وذخ ایله تطهیر	۲۲۵
تحلیل ایله طهارت	۲۲۷
فرك ایله تطهیر	۲۲۸
ذلك ایله تطهیر	۲۲۹
دخول ایله تطهیر	۲۳۰
تغور ایله وتصرف فی البعض ایله تطهیر	۲۳۱
ندف ایله تطهیر	۲۳۲
نزع ایله ونار ایله تطهیر	۲۳۳
غلی ایله تطهیر	۲۳۵
غسل بعض ایله تطهیر	۲۳۶
تغور ایله تطهیر	۲۳۷
(بعض مسائل)	۲۳۹
فصل	۳۴۴

العملة عمود الدين

كتاب الصلاة

— نعت اسلام —

ما من الله تعالى به على عبده
محمد زهني

الدنيا ساعة فاجعلها طاعة
ساعت واحد در عمر جهان ساعت طاعته صرف ايله مان
مامضى فات والمؤمل غيب ولك الساعة التي أنت فيها

الاسلام علانية والايمان في القلب

باب والاي فتواپناهيئك تصديقي ومعارف نظارت جليله ستك ، ه نومرولى
و ۲۱ كانون ثانى سنة ۱۳۱۸ . تاريخلى رخصتنامه سيلاه
شركت مرتبيه مطبعه سنده طبع اولتمشدر .

لاتقع الاعمال سنية مالم تقع سنية
استانبول

۱۳۲۲

بِسْمِ اللَّهِ الرَّحْمَنِ الرَّحِيمِ

کتاب الصلاة

کتاب الطهارة ترکیبک حلهده کچن افادهیه کوره کتاب
صلات : احکام صلاتک بیانی ایچون معقود بر باب دیمکدرکه مندرجاتی
مستقلاً مسائل صلاتدر .

صلات : نمازدر . نمازک اوقات مکروهه عنواننده ذکر اولانهجنی
اوزره فرض ، واجب ، سنت ، مستحب^(۱) مکروه ، منهی اولانی
واردر .

فرض اولان نمازدن باشلایهرق اکا « صلوات مکتوبه » دییهجکز
وانک وقت افتراضنی وعدد اوقات ورکعاتنی وحکمت افتراضنی وسببنی
وشروطنی وحکمنی ورکننی وصفتنی بیان ایدجکز .

صلات لغتهده دعا وشریعتده : ارکان معلومه وافعال مخصوصهدر .
هر ایکی معناده باب تفعیلدن مستعملدر^(۲) . جمعی صلواتدر . نماز
قیلانه « مصلی » دینور .

أقبل علی صلواتک الخمس کم مصباح وعساه لایمسی
واستقبل الیوم الجدید بتوبه تمحو ذنوب صلیحة الامس

(۱) نفقه بوکا فضیلت دینلمش وواجب قاله آلمانمشر .

(۲) تصلیهدن صلوات : ترکیهدن زکات وتوصیهدن وصات
کبیدر . تسکیم تفعیلک دخی اسمنده فعال وارداولمشر : تأذین واذان ،
تسلیم وسلام ، تطلیق وطلاق کبی صلاتک وزنی فعال دکل ، فتحات
ایله فعلهدر . کلا یخفی .

صلواتک تاسی اسماعزده ملفوظ اولدینی ایچون مبسوطدر . عربیده
عند الوقفها اولدینیچون مربوطدر . محشی مرحوم اشباه جویندن نقل ذکر
ایتمشدکه لفظ صلاة مصحفک غیریده واو ایله یازماز .

صلوات مکتوبه

صلات : عماد دین ، عصام یقیندر . رأس 'قر'بات ، غره' طاعاندر (۱) .

صلات کتاب وسنتده ایمانک تالیسی یعنی ثانیسیدر (۲) ، نهض آیتده : الذین یؤمنون بالغیب و یقیمون الصلاة (۳) بیورلدیغی

(۱) احیاء علومده بویه مذکوردر . حکم عطائیهده دیمشدرکه صلات : ادناس ذنوبدن طهره' قلوب واستفتاح باب غیوبدر . صلات محمل مناجات ومعدن مصافاندر انده میادین اسرار متسع ، وشواق انوار مشرق وطالم اولور .

(۲) صلات عماد دین وتالیه ایماندر . نعم ظاهره وباطنهیه شکرأ مشروع اولمشدر زیرا که انده هم اعمال جوارح وهم اعمال قلب وارددر . کذا فی المرأة . نماز بتون اوضاع تعظیمیه بی جامعدر .

(۳) اقامه' صلات نمازک ارکانی تعدیل ایدوب آنی زیغ ومیلدن حفظ ایلمکدرکه طوغرلتمق مناسنه اولان اقامه' عوددن مشقتدر . یاخود اقامه' صلات نمازه دوام وانی محافظه ایلمکدرکه رواج مناسنه اولان قیام سوقدن مأخوذدر . چونکه نماز محافظه اولنورسه مرغوب فیه اولان رائج کبی اولور . ضایع ایدیلور ایسه مرغوب عنه اولان کاسد کبی اولور ویاخود اقامه' صلات نمازی ادا ایچون تشر و تمیؤ ایلمکدرکه قائم بالامر اولق مناسندت مأخوذدر . یاخود اقامه' صلات نمازی ادادن عبارتدر .

کشافده بویه مذکوردر . معنای اوله کوره یقیمون الصلاة استعاره' تبعیهدر . صلاتک تعدیل ارکانی تقویم عوده تشبیه اولسنهرق انک ایچون لفظ اقامه استعاره ایدلمش وبعده اندن فعل مشتق قیلنمشدر . معنای ثانی یه کوره دوامیدن کنایهدر . معنای ثالث و رابعه کوره اسنادده مجازدر انی قائم قیلمق و قیام صلاتی ایجاد ایشمک مناسنجه که تشری افاده ایدر وشبیک بعضی کله اطلاق بابندن اولور . وجه ثانی یه

کبی نص حدیثہ دخی « بنی الاسلام علی خمس شهادة أن لا اله الا الله وأن محمداً عبده ورسوله واقام الصلاة وایتاء الزكاة وصوم رمضان وحج البيت » بیورلمشدر . کافی شرح العینی علی التحفة .

نصاً بویله اولدیغی کبی فعلاً ووجوباً دخی بویله در . چونکه علی الاکثر ایمانندن صکره واجب یعنی متحتم ذمت اولان : فعل صلاتدر . زیرا صلاتک اسبابی اولان اوقات متسارعدر . زکات وصوم وحج اولیله دکلدر . واول ماوجب : کلمتین شهادتیندر . صکره صلات وصکره زکاتدر (۱) .

فضیلة دخی نمازک عبادات سائریه تقدیمی واردر . نمازک افضل عبادات اولدیغنه اجماع منعقددر . شو دلیل ایله که : بعد الایمان هانکی عمل افضلدر ؟ سؤالنه جوابده : « الصلاة لوقتها . » یعنی وقتنده قیلنن نمازدر بیورلمشدر . أفاده ابن عابدين فی الطهارة .

هدایه شارحی اکمل الدینک (۲) نه بیرنجه صلات : فریضه

حمل اولنسه جمیع معانی به دلالت ایتدیکی چون اولی اولور ایدی . قاله العلامة السعد فی شرحه علی الاربعین النوویة . قرآن کریمده مصالیر معرض مسدحه وصف اقامت ایله یاد بیورلمشده وموضع مسدحک غیریده او وصف مذکور اولماقددر .

(۱) بو ترتیب علم اصولده حقوق اللهک انواع ثمانیه سنجه اولان ترتیبیه موافقددر . ماوردی مرحوم ادب الدینده عبادت بدنییه اولیق جامعیه صومی صلاته مقارن قیلهرق زکاتی عبادت مالییه اولیق اعتباریه مبنی صومدن صکره ذکر ایتمشدر .

(۲) یدیبوزسکسان آلتی تاریخنده متوفی (محمد بن محمود الباهر) در . شرحک اسمی « عنایه » در . مشارالیهک « تحفة الابرار » نامنده کی مشارق شرحی دخی پک کوزلدر .

قائمہ و شریعت ثابتہ در . آنک فرضیتی کتاب و سنت و اجماع امت ایلہ معروفدر . کتاب کریمہ : « و اقیمو الصلاة » بیورلدیغی کبی « حافظوا علی الصلوات و الصلاة الوسطی » دخی بیورلمشدر . ایکنجی آیت کریمہ نمازک هم فرضیتنه و هم بش اولسنه دلیلدر (۱) چونسکه او آیت جلیلہده جمیع صلواتک محافظه و اقامه سی امر اولنمقله برابر آنلره برده صلات وسطی عطف ایدلمشدر . برابرنده بروسطی تصور اولننه . بیله جک جمعک اقلی ایسه در تدر (۲) (اقلی متساویننه منقسم ایکی عدد زوجہ عدد فرد توسط ایدرسه بش اولور)

سنده یعنی حدیث شریفده دخی « ان الله تعالى فرض على كل مسلم و مسلمة في كل يوم و ليلة خمس صلوات » بیورلمشدر . و بو ، احادیث مشهوره دندر .

اجماع دخی دلیلدرکه زمان حضرت رسول اللهمدن بوگونه

(۱) لکن ایس بنص فیہ کما سنذکره فی الاوقات .

(۲) سمعی چلبی دیرکه بواسطه الاستدلال و الصلاة الوسطی قول کریمک عطفی تنزل الملائکة و الروح قول کریمده روحک ملائکهمه عطفی قبیلندن اولدیغنه کوره مستقیم اوله بیلور اه واقعا لفظ وسطی ایچون تفاسیرده ایکی وجه مبین اولوب بری آنک متوسطه معناسنه اولسی و دیگرى افضل معناسنه کلسیدر . استدلال مذکور بونلردن انجق وجه اوله کوره اوله بیلوب وجه ثانییه کوره آیتده کی عطف الملائکة و جبریل قبیلندن اولقله آنده استدلال مذکورہ محل یوقدر . صلات و سلطانک تعییننده اقوال وار ایسهده اکثر علما قولنجه صلات وسطی صلات عصردر . کوندز نمازلرندن ایکیسیله که صباح و اوکله نمازاریدر کیجه نمازارینک ایکیسی که اقشام و یاتسو نمازاریدر آرمارنده واقع اولدیغیچون (وسطی) تسمیه اولنمشدر . کما فی الشلی و غیره .

قدر کیمسه رد وانکار ایتامک اوزره بش وقت نمازک فرضیتنه امت
اجماع وانفاق ایده کلهشدر منکر شرعی اولان بالاخلاف کافر در اه
صلانک وقت افتراضی لیلله معراجدرکه بش وقت نماز اولیلله
مبارکده فرض اولمشدر . هجرت سنیه دن بر بچق سنه (اون سکز آی)
اقدامدر (۱) .

فرض اولان نمازک عدد اوقاتی آتیاً مبین اولدیغی
اوزره بشدر .
آنلرک جمعاً عدد رکعاتی نظم آتی ایلله (۲) تعداد اولندیغی وجهله
اون یدیدر :

ان الصلاة أربع وأربع ثم ثلاث بعدهن أربع

ثم صلاة الفجر لاتضيع

دردی فریضه ظهر ودردی فریضه عصر و اوچی فریضه

(۱) هجرت مقدسه نبویه ربیع الاولده اولق جهتیه شهر معراجک
رجب اولسی تعیین ایدر . طحطاوینک وابن عابدینک دخی افاده لری
وجهله جمیع امصارده عمل لیلله معراجک یکرری یدی رجبه اولسی
اوزربنده در .

(۲) نظم مذکور کامل مبردن نقلاً آغاز فقیهیه زده مذکور
اولدیغی اوزره براعرابینک اولوب آتی اعرابی : بنظن ایدرم که سن
برکون وریکجهده قاچ رکعت نماز قیلدیغکی بیلمز برجاهل بدوین .
دیبان برقاضیه جواباً ارتجال ایتمش وبعده : کم فقار ظهرك ؟ یعنی
ظاهرکنده کی عمود شوکی قاچ پارچه کمیکندر ؟ سؤالی ایراد ایلله قاضی یی
الحام ایلهرک : « أفتحکم بین الناس وانت تجهل هذا من نفسك . »
دیمشدر اه .

مغرب و دردی فریضه عشا و ایکیشی فریضه صبحدر (۱). صلات مغربدن ماعداسی فی الاصل ایکیشیر رکعت اوله رق فرض اولمش ایکن آنلر حال سفره خاص قالب حال حضرده صلات فجر دن ماعدایه بعد الهجره ایکیشیر رکعت زیاده ایلمشدر .

صلاتک حکمت افتراضی شکر منعم و تکفیر ذنوبدر . هر وقتک نمازی او وقتده بولنمه نک و آکا مترتب دها نیجه نعم متوالیه آلمیه نک شکر اولدیغی کبی همده سبب کفارت ذنوبدر : پیغمبرم صلی الله تعالی علیه وسلم افندمز حضر تلی « بکا خبر و یریکز سزدن برکز قیوسی اوکنده برنهر اولسه ده هر کون کونده بش دفعه اونهرده بیقانسه هیج کیری قالورمی ؟ » قالماز « دیدکلر نده : ایشته بش وقت نمازک حال وشانی اودرکه حق جلّ و علا آنلرایله خطایانی محوایدر » بیورمشلدر .
صلاتک سبب اصلیمی ایجاب حق و خطاب ازلی جناب قادر مطلقدر . اسباب ظاهره سی تیسیراً للعباد مشروع اولدیغی اوقاتدر (۲) . ماوردی دیمشدرکه صلواتک اوقاته تعلیق توالی

(۱) واجب وسنت و مستحب اولان نمازل بوحسابدن خارجدرکه واجب اولان صلات وتر داخل حساب ایدیلو رایسه وظیفه یومیه رکعتاتی یکریمی به بالغ اولور . بر اوقددرده رکعت سنن واردر : ۲ سنت فجر ، ۲ و ۴ سنت ظهر ، ۴ سنت عصر ، ۲ سنت مغرب ، ۲ و ۴ سنت عشا .
(۲) معلوم اولسونکه بر نفس وجوب و بر وجوب ادا و برده وجود ادا واردر و بونلردن هر برینک برر سبب حقیقیسی و برر سبب مجازیسی واردر . نفس وجوبک سبب حقیقیسی جناب پروردکارک ایجاب ازایسیدر . چونکه احکامک موجبی انحق ذات اجل واعمالدر . لکن ایجاب حق بزم مطلع اوله مدیغمز برغیب اولغله حق جلّ و علا بزه بسر

اوقات باعث استدامهٔ خضوع و ابتغال اولمق ایچوندرکه ذوالجلال
والاکرام تعالیٰ حضرتلرندن رهبت ورغبت منقطع اولماقله صلاح
خلق بردوام وامردنیا دخی پیوستهٔ نسق انتظام اولور اه
صلاتک شروطی آتیده مذکوردر .

صلاتک حکمی دنیاده واجبک ذمتدن سقوطی وعقباده ثواب
حصولیدر .

(اگر مصلیٰ مخلص ایسه . چونسکه مرأئینک ثوابی یوقدر . ط) (۱)
عبادت باخلاص نیت نکوست وکرنه چه آیدزنی مغز پوست
بروی ریا خرقه سہلست دوخت کرش باخدا درآوانی فروخت
صلاتک ارکانی شروطیلہ برابر ذکر اولنور .

وسہولت اولمق اوزره برطاقم اسباب ظاهرۂ مجازیہ قیامشددر . مانحن
فیہہ نظراً واسباب اوقاتدر . شودلیل ایله کہ « اقم الصلاة لدلوك الشمس »
بیورمشدر . اوقاتک تجدیلہ وجوب دخی تجدد آیدہ کامشددر . وجوب
ادانک سبب حقیقیسی خطاب الہدیرکہ جناب حقک آنی بزدن طلب
بیورمشدر . سبب ظاہریسی « اقيموا الصلاة » کبی دلیل طلب اولان
صیغۂ امریہدر . نفس وجوب ایله وجوب ادانک فرقی وجوب شغل
ذمتدن وجوب ادا طلب تفریق ذمتدن عبارت اولسندهدر . وجود
ادانک سبب حقیقیسی آنی جناب حقک خلق وایجاد بیورمشدر . سبب
ظاہریسی عبدک آکا استطاعتیدرکہ اوده مع الفعلیدر . کنذا تقرر فی
الاصول و ذکرہ ط علی غیرهذا النمط .

(۱) مختارات النوازلہ بویله مذکوردر . ذخیرہدن منقول اولان
بوکا عالفدرکہ اوراده : ریا انجق ثوابک تضاعفی سلب ایدر . دیو
مذکوردر . بعضر : فرائضه ریا گیرمز . دیدیلر بونکده معناسی سقوط
واجب حقندہ دیمکدر . الی هنا کلام ط . وسنذکرہ عند ذکر شرط النیة
فی الشروط . عملی فیہ ریا ، ماعلیہ ضیاء .

صلاتك صفتی : یا فرض و یا واجب یا خود سنت اولمقدر . تسکیم
ان شاء الله تعالی ذکر وتفصیل اولنور .

کیفیت اداء صلات معنای اولان صفت صلات مسائلی (کیفیت
ترکیب افعال صلات) سرلوحه سبیل به شقه جه مذکور اولور .

نمازك فرضیتی یعنی شخصك انكله جزماً مكلفیتی ایچون اوچ شی
شرطدر : اسلام ، عقل ، بلوغ (۱) .

ولکن (قیز وارکک ط) چوجقلریدی یا شلرنده نماز ایله امر
اولنورلر (۲) .

اون یا شلرنده چوجقلر نماز ایچون طاقتلری حسیله زجر اولنمق
اوزره ال ایله ضرب اولنور (۳) . کشیدیلرینه رفقا دکنک ایله ضرب
ایدلر (۴) . ال ایله اوچدن زیاده دخی اورلماز (۵) .

(۱) وان كانت الکفار مخاطبین بالشرائع علی أحد أقوال مصححة
كما قدمناه فی فصل احوال النساء من کتاب الطهارة فی الهامش .
(۲) اورج دخی نماز کییدر . تسکیم قهستانینک کتاب الصومنده
مذکوردر . درمختارده اختیارک (کتاب الحظر والاباحه) سندن تقلاً
مذکور درکه صبی او سنده صوم و صلات ایله امر اولنور . شرب
خمردن نهی اولنور . خیره آلتدیریلور . شردن اعراض ایتدیریلور .
ظاهر اولان بونلر ولی به واجب اولمقدر . ط . (اختیار) ۶۸۳ تاریخه
متوفی أبو الفضل محمدالدین عبد الله بن محمود الموصليک فروع حنفیه دن
(المختار للفتوی) اسمنده اولان کندی اُرینک شرحیدر .

(۳) بو ضرب دخی ولی به واجبدر کما فی ط عن تنویر الابصار .
(۴) حدیث آئیده کی دلیل که « واضربوهم علیها لعشر » قول
شریفیدر گرچه مدعاند اعمدر ولکن ضربک دکنکسر اولسی بر
قرینه به . میندرکه اوده دکنک ایله اولان ضربک انجق بر مکلفدن
صادر اولان بر جنایت حقنده مشروع اولمیدر ، صبینک ایسه جنایتی
یوقدر ، دیکر بعض آئارده بو کالالات ایدر نیده واردر ، افاده ط .
(۵) اون یا شلرنده چوجقلرک یتسافلری دخی ایریلور ، حدیث

هر مسلم عاقل بالغه بش وقت نماز فرض عیندر . انده اصلا نیابت جریان ایتمز یعنی هیچ کیمسه هیچ کیمسه نك نمازینی قیلش اوله ماز (۱) . فرضیتینی اعتقادایله برابر تکسلا تارك صلات اولان فاسقدر . قیلنجه قدر حبس اولنور (۲) .

شریفده بویه بیورلشدیر : « مروا اولادکم بالصلاة لسبع وأضر بهم عليها عشر وفرقوا بينهم في المضاجع » درمختارک حظر وایاحه سنه مراجعت (۱) در مختارک صفت صلات قیلنده و رد مختارده مذکور اولدیفی اوزره عامل ایچون اجر عملی دیسکرینه ویرمک واردر . انسان قیلدیفی نوافلک ثوابی دخی بشقه سنه باغشلا ییلور . ارضاء خصوم ایچون نماز قیلیق یعنی الله ایچون قیلدیفی نمازک ثوابی کندیکنک خصمی (آلاجه قلیسی) اولانلری خشنود ایتمک ایچون آنلره باغشلامق فائده ویرمز . چونکه خصم عفو ایتمیه ییلور بوحالده ثواب صلات اکا قیلنمش اولقله ضایع ایدلش اولور . صاحب خصم اولان کیمسه نوافلدن دیله دیکنی ثوابی هبه ایتمیه رک الله ایچون قیلار . اگر خصمه یانکرماً ویاخود جناب حقک ارضاسیله عفو ایدر ایسه ثواب صلاتی کندینه اولور . والا یعنی خصمی عفو ایتمزه آنک حسناتندن آلتوب خصمنه ویریلور : حسناتی بترایسه مظلومک سیئاتندن آلتوب آکا ویریلور . صدقه دخی صلات کبیر . برداتی (سدس درهم) حق ایچون جماعتله قیلان صلات مقبوله دن یدیبوز نماز ثوابی آله جفی اثرده وارد اولشدیر ۱۰۰۰ مع ط .

(۲) مؤلف تارك صلاتک حکمی صلات وتر قیلانده ذکر ایتمشدیر بو افاده طحطاوینسکدر .

اوقات صلوات

هر وقتك نمازی او وقتك دخولندن اول جائز اولمیوب وقت ايله واجب اولدیغنه نظراً اوقات ، نماز ایچون اسبابدر . وقتك گذرانندن صکره ادا صحیح اولمیوب قیلنن نمازك قضا اولاشنه نظراً اوقات ، شروطدر . بر وقت داخلنده هم او وقتك فرضی همده دهها بشقه نماز قیلنه بيله جککه نظراً اوقات ، صلواته ظرفدر (۱) .

صلاته نظراً وقت ، ظرف اولقله برابر سبب دخی اوله . بيلمك ظرفیت معیتی و سببیت تقدیمی مقتضی اولدیغی حالده شوبله ملاحظه اولنورکه وقتك صلاته سببیتی اداانك علی الاطلاق اتصال ایتدیکی جزء ايله قائم اولوب (۲) آناً فآناً صوك جزء قدر انتقال ایدر . ادا وقتك جزء اولنه اتصال ایتمش ایسه سبب جزء اولدر . والا ، جزء ثانی و ثالث الخدر ، بونلرك برینه ادا اتصال ایده مامك تقدیرنده وقتك جزء اخیری ناقص دخی اولسه سببیت ایچون تعین ایتمش اولور . او آنده افاقت بولان مجنونه و معنی علیه (بایغینه) و حیض و یا نفاسدن پاکلکه ایرن قادینه و بالغ و یا بعدالارتداد مسلم اولانه (۳)

(۱) وقت ، مؤدایه شرط ادا و سبب وجوب اولقده صوم دخی صلاته مشارک و الحق وقت ، صومه ظرف دکل معیار اولقده اندن متمیزدر . نیت ایچون صلواته تعیینك لزومی و صومده عدم لزومی اشته بوندن نشأت ایتسکده در ،

(۲) مقصود : شروع کندبسنی ولی ایدن جزء متقدمدر . کما تقریر فی موضعه .

(۳) قال ط . ولو صلیا فی اوله .

او وقتک نمازی لازم اولمغله جزء اخیر وقت ، مستوعب ادا اوله میه جغندن قضا اولنور (۱) و بالعکس بروقتک جزء اخیرنده عیاذاً بالله تعالی مرتد ویا مجنون اولان کیمسه یه و حیض ویا نفاس حالنه اوغرایان قادینه او نماز لازم اولمامغله آئی اومانعلک زوالندن صکره آنلر قضا ایتمزلر .

هر وقتک نمازی وقتک اولنده قیلنمق وجوب موسع ایله واجب یعنی ذمت عبده لاعلی الفور مترتب اولور . وجوبده توسیع اولمغله مثلاً جزء اول و ثانی و ثالثدن تأخیر صلات ایله وقتی طارالترق خطاب حتماً متوجه اولنجه قدر نمازی کج-کیدرمک بسبتون نمازی قضایه براقمق قدر کنه دکل ایسه ده اندن صکره یه براقمق برکناهدکه قضا دخی اوکنهای کیدرمز . آنکله زائل اولان اثم ترکدر .

فرض اولان نمازلر ایچون معین اولان وقتلر بشدر (۲) وشو حدیث شریف آنلری معرفدر : « وقت صلاة الفجر مالم یطلع قرن الشمس الاول ، و وقت صلاة الظهر اذا زالت

(۱) وقتک خروجندن صکره ظرفیتک مزاحمه سی قالماق جهتیله سببت جله* وقته اضافه ایدیله ج-کندن قضانک بر وقت کاملده اولسی دخی لابد اولور .

(۲) بوبش وقت دیگر حدیث نبی ناطق اولدیفی اوزره امامت حضرت جبریل ایله تعین ایتمشدر تنکم شروح هدایده مذکوردر . کره* ارضک هر طرفنده تحقق ایتمدیکچون اوقات خمس قرآن کریمده منصوص دکدر . سوره* رومک ۱۷ و ۱۸ نجی آیتلری اولان فسبحان الله - بن تمسون الخ ، قول کریمنده اوقات خمسیه اشارت اولدیفی حقنده حضرت ابن عباسدن تفاسیرده بر قول مذکوردر .

الشمس عن بطن السماء مالم يحضر وقت العصر . و وقت صلاة العصر مالم تصغر الشمس ويسقط قرنها الأول . و وقت المغرب إذا غابت الشمس مالم يسقط الشفق . و وقت العشاء إلى نصف الليل . » (۱)

بوحدیث شریف صلات صبحک مبدآندن ساکتدر آ فی امامت حضرت جبریل حدیثی ناطقد (۲) مدلول حدیثین اوزره صباح نمازینک (۳) وقتی طلوع فخردن اعتباراً طلوع شمسدن اولجهیه قدر اولان زه اندر .

طلوع فجرکه مقصود فجر صادق (۴) طلوعیدر صباحه قارشو آیدینلغک افق شرقیدن انتشاره باشلامسیدر (۵) .

اوکله نمازینک (۶) وقتی زوال شمسدن اعتباراً هر دیکیلی شیشک کولسکسی کندینک ایکی مثلی و علی قول برمثلی اولق زماننه قدر اولان مدتدر .

صلات ظمرك وقت مبدأى متفق علیهدرکه بالاجماع زوال

(۱) بو حدیث شریفی امام مسلم روایت ایتمشدر . کما فی ط .

(۲) کما اشار الیه المؤلف بقوله : لامامة جبریل حين طلع الفجر .

(۳) اسم عربیسی (صلاة الفجر) وفارسیسی (نماز بامداد) در .

(۴) صادق دینامسی عرضاً انتشار ایدرک صباح کرچکلمندیکلی ایچونددر . مقابلی کاذبدرکه طولاً ظاهر اولوب صکره غائب اولدینلی ایچون یلانجی آیدینلق مناسنه اولهرق اکا (فجر کاذب) اسمی ویرلشدر .

(۵) طلوع فجر مبدأ نهار شرعی اولغله اورج ایچون دخی وقت امساکدر .

(۶) عربیسی (صلاة الظهر) وفارسیسی (نماز پیشین) در .

زمانیدر . وقت منتهاسنده حضرت امامدن ایکی روایت واردر .
ایکسجیسی قول امامین اولمشدر (۱) .

ایکی روایت کوره دخی کفی . زوال تعپیر اولئان ظل استواء ،
مستثنادر (۲) .

قول ثانی مختار طحاوی ایسهده اولسکیسی احوط ، واکثر
مشایخ فقهواجه کولسکه نک ایکی مثله بلوغی مشترط ، در .

قول ثانی بی وقت ظهر ایچون منتها ، وقول اولی وقت
عصر ایچون مبدأ قیلهرق ماییننی وقت مهمل اعتبار ایدلر
دخی اولمشدر .

(۱) امام زفرک وائمه ثلثه نک دخی قولاریدر . کما فی ط .
(۲) ظل کولسکه دیمک اولدیعی کبی شیء وزنده اولوب فیوه
وآفیه اوزره جعلئان (فی) دخی کولسکه در . بئلرئنده عموم وخصوص
واردر : ظل (ضح) ک ضدی اولغسله اعمددر . کونشک واصل
اولدیغی هروضع : ظلددر . ظل اللیل وظل الجنة دخی دینور . هرقی ظلددر .
هرظل فی دکلدر : شمسک نسخ ابتدیکی کولسکه ظلددر شمسی نسخ ایلیان
کولسکه فیئدر . زوالدن اول اولان کولسکه که کونشک یوکسله سیله زائل
اولقدهدر ظلددر . بعد الزوال اولان کولسکه دخی اطلاق اولنور .
بعد الزوال اولان کولسکه که کونشک جهت شرقده اولان آثار نورانیه سنه
خلف اولقدهدر غربدن شرقه دوندیکی ایچون رجوع معناسندن اخذ
ایله فی تسمیه اولمشدر . مابعد الزواله مخصوصدر . قبل الزوال اولان
ظله اطلاق اولنمز . (زوال) که شمسک سمت رأسدن آغهرق نصف
نهار اولدیغی زماندر انی تعیین ایچون آلات اسطرلابیه اولدیغی کبی
علامات عادیه دخی واردر شویله که قوشلق وقتی دوز یره دوز بر
دکنک دیکیلوب آنک مبلغ ظله نشان ایدیلور . دکنسک کولسکه سی
تناقص ابتدیکه کونش یوکسلهده درکه زوال ده اولمشدر . کولسکه

بوحالده احتیاط: اوکله یی اومنتهاندن صکره یه بر اقامق وایکندی نی اومبدادن اول قیلما مقدر . تا که نمازینی اتفاق فقها اوزره ادا ایتمش اولسون .

ایکندی نمازینک (۱) وقتی کولکه نک علی اختلاف القولین (۲) اولان مذکور زیاده لکنندن اعتباراً غروب شمس قدردر (۳) .

اوزامقده ایسه زوال اولمشدر . کولکه نک زیاده ونقصانی قالمیوب طورمسی زمان استوادرکه شمسک تام سمت رأسده اولدیغی اواندر ووقت کراهندر . کولکه اوزامغه باشلادیغندن اعتباراً کونش زواله ایرمش یعنی غربه آغمش وصلات ظهرک وقتی بالإجماع کیرمش دیمکدر . فی زوالی تعیین ایچون حین استوداه رأس ظله علامت اولق اوزره کولکه نک موضع زیاده سنه یعنی امتداد نقطه سنه برخط ده اچکیلور اوخطدن اصل عموده قدر اولان کولکه (فی زوال) تسمیه اولنورکه قبیل الزوال اولان فی دیمکدر . اشته دکنسک کولکه سی دکنسک دیکلدیکی یردن دکل ده اوخطدن اعتباراً کندنیک اختلاف روایت اوزره برویا ایکی مثلی اولدقده وقت ظهر نهایت بولش یعنی اوکله نمازینک وقتی چیمش وایکندی وقتی کیرمش اولور . دیکیلی ویا دیکیه جک شی بولندیغی یرده انسان کندی قامتی اعتبار ایده بیلور . هر انسانک قامتی کندی قدمله آلتی بچق ، یدی قدمدر . دوز بر یرده باش آچیق ویالین آیاق طور بیلور وتعریف اولندیغی وجهله نشان ایدیلور .

زوالی شویله اکلامق دخی واردر که قبله یه قارشو طوران کیمسه کونشی صول قاشی اوزرنده بولدقجه زوال اولماشدر . صاخ قاشی اوزرنه کلش بولدقده زوال اولمشدر . لکن بو بزم کی قبله سی جنوب اولانلره کوره در .

(۱) عربیسی (صلاة العصر) وفارسیسی (نماز دیگر) در .
(۲) انلردن بری (عصر اول) ودیکری (عصر ثانی) دیو تعارف ایتمشدر . ایکیسی دخی معمول به اولمشدر .

(۳) مشهور اولان بودر . حدیث شریفده : « کونشک غروبندن اول ایکنسک بر رکعتنه یتشان ایکندی یه یتشمش اولور . »

اقشام نمازینک (۱) وقتی غروب شمسدن اعتباراً شفقتک غیبوتی
قبیلنمه قدر اولان مدتدر .

شفق: غروب تعقیب ایدن قیزلق یاخود اندن صکره کی
آقلقدر (۲) .

بیورلشدر . حسن بن زیاد حضرتلرینک : شمس صاراردینی زمان وقت
عصر خروج ایتمش اولور . دیملی عصرک وقت مختارینه حمل
اولنشد . ص .

(۱) عربیسی (صلاة المغرب) وفارسیسی (نماز شام) در . اساس
البلاغهده مذکور اولدیفنه کوره اقشام نمازینه (صلاة الشاهد) دخی
دینور . قال وصلینا صلاة الشاهد وهی صلاة المغرب لأنها لاتقصر فیصلیها الغائب
کما یصلیها الشاهد اه .

(۲) معلوم اولدینی اوزره شمسک طلوعی افق مرئیدن ظهوری ،
وغروبی افق مرئیدن غیبوتی ، در . طلوعدن مقدم شرقده (فجر)
طالم اولدینی وانکده (ولانفرج باول ماتراه فاول طالم فجر کذوب)
خواسنجه کاذبی وصادق اولوب صادقده اعتبار اولندینی واندن بدءاً
صومه کوره وقت امساک وصلاته کوره صباح نمازینک زمانی اولدینی
کبی غروبیدن صکره دخی غریده (شفق) ظاهر اولورق انکده
غیبوتی حدیث شریف سابق منطوقنجه اقشام نمازینه منها ویاثو
نمازینه مبدأ اوله کلشدر . انجق لفظ شفق قهستانینک تصریحی وجهله
الفاظه مشترکدن اولوب هم بعد الغروب قالان حرتیه همدده اوحرتی
تعقیب ایدن بیاضه اطلاق اولنمغله تفسیر حدیثده اصحابدن واهل لغتدن
برطاقی معنای اولی و برطاقی معنای ثانی بی اختیار ایتمشلردر . اولکیسی قول
امامین وائمه وایکجیسی قول حضرت امام أبو حنیفه در (وقدره الشافعی
فی قوله الجديد بمضى قدر و ضوء وسترعورة واذان وإقامة وخمس
رکعات ، کما فی التبيين) . مؤلف مرحوم قول امامینی راجع کوستر
مکده ایهده عشینک بیاننه کوره هرایکی قول مصحح ووفقی بهدر .
احتیاط امام الاظه اولان ابو حنیفه حضرتلرینه اتباعده درکه تعارض

یا تسونک (۱) وقتی اختلاف قولین اوزره اولان شفقتک غیبو بتندن اعتباراً باشلا یوب منتهای لیل دیمک اولان طلوع فجر دن اولجه یه قدر امتداد ایدن زماندر .

(حدیث شریف سابقده وقت استحبابنک منتهاسی بیان بیور - مشدرکه نصف لیلدر . حدیث دیگره و حدیث آتی یه مبنی وقت عشاء و وتره اصل منتهای طلوع فجر اولدیغی مجمیع علیهدر) .

صلات و ترک وقتی : « ان الله زادکم صلاة الا وهی الوتر فصلوها ما بین (۲) العشاء الاخرة الى طلوع الفجر » یعنی : « جناب حق سره بر نماز زیاده ایت مشدرکه او ده وتر درانی عشاء اخیره مابیننده طلوع فجره قدر قیللکز . » حدیث شریفی منطوقنجه وقت عشاءدر .

بو حدیث شریف صلات و ترک وقتی تعیین ایتهمکده صریح اولمغله آنک وقت عشاء دن اول قیلنمسی صحیح اولمدیغی کبی وقت عشاءنک دخیواندن صکره صلات عشاء دن اول قیلنمسی دخی

أخبار وادلهده « ما کان علی حاله » اولمغله بیقین ثابت اولان وقت مغرب شک ایله خروج ایتیز اولدیغی کبی وقت عشاء دخی شک ایله داخل اولماز . بناءً علیه نه افشام نمازی غیبوت حرته دکن تأخیر اولور نه ده یانسو نمازی اویاضک دخی ذهابیه آقی بسیتون قارار مدقجه قیلنور . بعض مشایخ فقها ایسه : یازین کیجه لر قصیر اولوب بیاض مذکور کیجه نک ثلثنه دکن باقی اولدیغندن قول امامین ، وقشین کیجه لر اوزون اولوب بیاض مذکور ثلث لیلله قدر بقا بولمادیغندن قول امام اخذ اولنقی کرکدر . دیدیلر کما فی التبیین والبحر وجامع الرموز والجوهره والحاشیه الحلیمة علی الدرر .

(۱) عربیسی (صلاة العشاء) و (صلاة العتمة) وفارسیسی (نماز خفته) در .

(۲) اصلده بویله ، وزیلعینک وترنده : فیما بین . در .

صحیح دکلدر . چونکه باینده مبین اولدیغی اوزره صلات وتر عندالامام واجب وعند الامامین سنندر . یاتسونک وقتی اولمقله عندالامام وترك دخی وقتی اولمش اولوب انجق وقت واحده اجتماع ایدن فرض قطعی ایله فرض غیر قطعی ارسنده کی ترتیبه رعایت لازم اولدیغندن ، سنیه قائل اولان امامینه دخی وتر سنت عشادن اولمقله اکا تابع بولوب صلات عشا قیلنمدقجه وترك وقتی اولمامش اوله جفندن صلات وتر یاتسو وقتنده صلات عشادن اول قیلنمه ماز .

سنهك اقصر لیا لیسنده (۱) غیبوبت شفقندن اول طلوع فجر وقوع بولان بلاد اهلی کبی (۲) یاتسونک و وترك وقتی

(۱) وهو اربعون ليلة في اول العيف عند حلول الشمس رأس السرطان اه من ط .

(۲) مقصود بلاد شمالیه بارده اهلی اولان صقاله دره یازک اولندن فرق کون کونش انلرک ارضی یکر می اوچ ساعت اضاه ایدوب بر ساعت غروب ایلر . کما فی ص مع ط . لکن کونشی مدت مدیده کورمیانلر ومدت مدیده غائب ایتمیانلر دخی وارد . سورة کهنده تفسیر آلوسیده مذکوردر که شمس بعض آفاقده آتی آی طالع وآتی آی غارب اولور : تنکیم طقسان عرضی افقده بوبله در . بعضاً دخی بر ساعت قدر غائب اولوب جهت مشرقندن نوزی هان ظاهر اولور : سنهك بعض ایلمنده ارض بافر بوبله در اه اوقات نماز ایچون اسباب اولمقله فقها : اوقاتک تحقق ایتدیگی یرلرده نمازدخی یوقدر . دیدار . آنلرک نمازلی کبی ورجلری و زکاتلری دخی موضوع بحث اولق لازم کلور . مع هذا که صومه کوره سبب اولان شهود شهر بونده متحقق اولمقله عدم وجوبه قائل اولوقده ممکن اولماز . مأهول و مسکون اولان مواضعده تقدیر اوقات وآجال لابد اولدیغنه ،

بوله ميانه او نماز لازم اولماز (١)

هر نمازك وقتي معين ، وهر وقتك نمازي وقتنده قيلنمق
(ان الصلاة كانت على المؤمنين كتاباً موقوتاً) قول كريمي (٢)

ومستعاضه اولهرفي بالغه اولان قادين ايچون فتهده مدت حيز و طهر
ونفاص تعين اولنديغنه ، نظراً نعمت عبادتدن انلر دخي كنديلريني
بهره ياب ايتمك ممكن اولور . اعلم اهل عصرمزل اولان جلال محشيسي
مرحوم مرجانينك بويابده (ناظورة الحق في فرضية العشاء وإن لم
يفب الشفق) ناميله تأليف مستغنى اولديغي كتاب لفظة العجلانده مطالعه
كذار كترى اولمشدر .

(١) كتر شرحي منلا مسكينده مذكوردركه شمس الائمة الحلواني
بو مسئله كنديلرندن استفتا اولندقدده ازوم قضاء عشا ووترى افنا
ايتمش وشيخ كبير سيف الدين البقالى اونمازلرك آناره فرض اولمديغني
وبناء عليه قضا لازم كلاميه جكني افنا ايله كلمه انك بو فتواسى حلوانييه
واصل اولدقدده مشاراليه : بش نمازدن بريني اسقاط ايدن كيমে اكهفار
اولنزمي ؟ سؤالي بالواسطه ايراد ايلمش ايدى . شيخ كبير مشاراليه
اكا جواباً : قوللري ديرسكدرندن ياخود آياقلى طوئلرندن مقطوع
بولنان كيমে حقنده آبدستك فرضلري درنجييه محل اولمديغي ايچون
اوچ اولديغي كبي بشنجي نمازدخي انك وقتني بوله ميان نواحي اهلندن
ساقطدر . ديمش وحلواني دخي بوني استحسان وبو بابده شيخ كبير
بقالييه موافقت ايلمشدر اه ذكر اولنان حادثه فتوى برهان الائمة
زماننده دخي واقع اولهرف انك وظهير الدين المرغينانينك دخي بوجوله
افنا ايتمش اولدقلري شرح منيهده مذكوردر . نتيجة الفتاواده قول
ثاني دخي مأخوذ اولديغي حالده فتوى بونك اوزريتهدر . كما في سائر
الفتاوى .

(٢) بو قول كريم سوره نسانك يوز برنجي آيتي اولان [فإذا
قضيت الصلاة فاذكروا لله الخ] نك آخريددر . كتاب موقوتى قاضى :

منطوقنجه فرض عين اولمغله سفر ومطر کي (۱) برعذر سببيله ايکي فرضك بر وقتنده جمعي جائز اوله ماز . چونكه جمعك طربق يا تقدیمدرکه بر نمازی وقتی کیرمدین دیگر نمازك وقتنده قیلمقدر ویاخود تأخیردرکه وقتندن صکره یه بر اقمقدر . بوالرك ایکیسیده جائز اولمیان شیردر . زیرا تقدیم طریقیله جمعه بر فرضی وقتندن اول قیلمق وارددرکه صحیح دکلدر . تأخیر طریقیله جمعه بر فرضی وقتندن صکره یه بر اقمق وارددرکه حلال دکلدر .

بر فرض محدود الاوقاتدرکه انی وقتندن اخراج ایتك هیچ برحالده جائز اوله ماز . دیو تفسیر ایتمشدر . وهو حجة عليهم في تجویزهم الجمع . (۱) ادات تشبیه مرضی دخی ادخال ایتمشدر . امام شافعی - حضرتاری جم مذکورى هم تقدیم وهم تأخیر صورتیله تجویز ایتمشدر . نازله افضل اولان جم تقدیمدر . سائره افضل اولان جم تأخیردر . شو شرط ایله که صلات اولی تقدیم اولنوب اندن فارغ اولدین جمعه نیت ایدیلور واره لری عرفاً فاصل عد اولنان شی ایله فصل اولنماز . جم تقدیمده بویله در . جم تأخیرده برنجی نماز چیقمدین جمعه نیت ایداسکدن بشقه بر شرط یوقدر . بولجی باخصوص حاجی ، بونك مثلنه چوق کره مبتلی اولور . تقلیدده بأس یوقدر . کما فی البحر والنهر . لکن تقلید او مذهب صاحبك واجب قیلدینی خصوصاتك جمله سنی التزام ایتك شرطیه لا بأسدر . چونکه حکم ملفق بالاجماع باطلدر . تنکیم درمختارک دیاجه سنده مذکوردر . بناءً علیه مقتدی ایسه اوقور وابدست آلاقدن صکره عضو اسفلنه وفادینه ال سورمز ونجاست قلیله اصابندن احتراز ایلر . ملفقك بطلانته اجماع نقلی منظور فیهدر . زیرا مذهب امام مالکده اصح اولان انك جوازیدر . منهی عنه اولان : مذاهبك رخصتارینی آراشدر مقدر اه .

جواز جمعه دلیل اولی اوزره روایت اولئان شی (۱) برنجی نماز وقتک آخرندن اولجه به تأخیر ایدلمش اولمغه محمولدرکه بر نمازدن فراغی متعاقب دیگر نمازک دخی وقتی کیرمش اولمغه اودخی قیلنمش دیمکدر .

حجاجة خاص اولی اوزره یالکز ایکی یرده جمع صلاتین اولنورکه آلرک بری عرفاتده کی جمع تقدیم و دیگرى مزدلفه ده کی جمع تأخیردر . عرفاتده کی جمع تقدیمدن مقصد عرفه کونی ایکندی نمازینک وقتی کیرمدين ایکندی نی اوکله نک فرضی متعاقباً ابتداء وقت ظهرده علی العاده نیمرة مسجدنده قیلنمقدر . اوراده جماعت کبری ایله قیلنن اوکله و ایکندی نماز لری اشته بووجه اوزره جمعا قیلنور . بر اذان اوقوب ایکی اقامت آلنور . ایکنجی اقامت ایکندینک زمانى هنوز کیرمامش اولدیغی جهنله جمعه تذبیه ایچوندور . بوايکی فرضک ارسى صلات نافله ایله وحی مؤکده اولان سنت اخیره ظهر

(۱) وهو ماروی عن ابن حبان عن نافع قال : خرجت مع ابن عمر رضی الله تعالی عنهما فی سفرة وغابت الشمس . فلما أبطأ قلت : الصلاة یرحمک الله . فالتفت الی وهضی . حتی اذا کان فی آخر الشفق نزل فصلی المغرب ثم أقام العشاء وقد توارى الشفق فصلی بنا . ثم أقبل علینا فقال ان رسول الله صلی الله تعالی علیه وسلم کان اذا عجل به السیر صنع هكذا . وهذا حدیث صحیح . قال عبد الحق : وهذا نص علی أنه صلی کل واحدة منهما فی وقتها . وقال عبد الله بن مسعود : والذي لا إله غیره ماصلى رسول الله صلی الله تعالی علیه وسلم صلاة قط الا لوقتها الا صلاتین جم بین الظهر والعصر بعرفة و بین المغرب والعشاء بمجم . رواه الشيخان اه ط .

ایله دخی فصل اولنماز (۱) یعنی اوکون اوراده اوکله نك صوك سنتی ایله ایکنندینک سنتی قیلنماز .

مزدلفه ده کی جمع تأخیردن مقصد او کونک اقشام نمازینی مزدلفه یه کلوب اوراده یاتسویین یاتسو نمازیله براسکده براذان وبر اقامت ایله قیلقدرد . اولاقشام نمازینک فرضی وانی متعاقب یاتسونک فرضی قیلنور (۲) . وقتلر حاصل اولمغله جمعه تنبیه ایچون بونده ایکنجی اقامته حاجت یوقدر . ایکی فرضک ادهسی صلات نافله ایله وحقی اقشامک سنتی ایله فصل اولنماز . شاید ایکی فرض ادهسنده برشی ایله اشتغال ایدر ویاصلات تطوع قیلار ایسه اقامتی اعاده ایلر (۳) .

عرفاند کی جمع تقدیم عند الامام درت شرط ایله مشروطدر : برنجیسی عرفه اولمقدرد . ایکنجیسی قیلنغان ظهر صحیح اولمقدرد . شاید فسادی تبین ایدرسه انی و وقتک دخولنده ایکنندیی اعاده ایتمک لازم کلور . اوچنجیسی اک بیوک امام ویا ناتی بولنمق وهر ایکی نمازده جماعت آنسکه عقد اولمقدرد . مقتدی آنلرک هرایکیسنده مسبوقاً اولسون جماعتی مدرک اولمق لابد اولمغله فرضک یاالکز برنده جماعته یتشمکله جمع بجائز اولماز .

(۱) منلا مسکین السلامه ذخیره یه وعیطه وکافیہ تبعاً سنت ظهری استئنا ایتمشدر . اثر خلاف سنت ظهرك قیلنمسی صورتنده ظاهر اولورکه قول اوله کوره اوحالده عصر ایچون اذان اعاده اولنور . قول ثانی به کوره اعاده اولنماز . ظاهر روایت قول اولنرا ه ط عن شرح ابی السعود .

(۲) عشائی مغربدن اول قیلمه آلری علی الترتیب اعاده ایدر ه ط .

(۳) وعند زفر یعید الاذان ایضا . منلا مسکین ذکره السید ه ط .

در دنجیسی حال صلاته حاجی مُحَرَّم بولنمق (۱) و احرامی حج ایچون اولنقدر . عمره ایچون اولان احرام بوبابده کافی دکلدر .
عند الامامین حاجی منفرد دخی اولسه جمع مذکوری یاپار .
برهانده (۲) وهو الاظهر دیمشدر .

جمع تأخیره مکانک مزدلفه اولمشدن و مصلینک احرامده بولنمشدن
بشقہ شرط یوقدر . منفرد دخی بوجمعی یاپار .
حججه کوره اوکون افشام نمازی یاتسو ایله براسکده مزدلفهده
قیلنه چفشدن آنی عرفاتده یاخود مزدلفه یولنده قیللق جائز اولماز .
نسکیم ان شاء الله تعالی کتاب الحجده ذکر اولنور .

اوقات مستحبہ

اوقات خمسہ مذکوره ایچون برر مبدأ ایله برر منتها بیان
اولنمشدر که آنر وقت جوازدر . صحت وجواز اعتباریله برنماز
وقتک منتہاسی دیگر نماز وقتک مبدأ نه پیوسته اوله کلمسکده و یا اسکر
صبح نمازیله اوکله نمازی آرسنی وقت کراهندن صکره اپیجه بر وقت
مهمل فصل ایلمسکدهدر .

عصر اولی وقت ظهره منتها عد ایدن لرجه ظهر ایله عصر آرسنده
دخی وقت مهمل بولنمتمدهدر .

(۱) ولو احرم بعد الزوال فی الصحیح . ص

(۲) ۹۲۲ تاریخنده متوفی ابراهیم بن موسی الطرابلسینک (مواهب الرحمن
فی مذهب النعمان) اسمیه تألیف ایدوب بعده آنی شرح ایدرک (البرهان فی
شرح مواهب الرحمن) اسمیه ایلدیکی کتابدر .

«الدنيا ساعة فاجعلها طاعة» فحواسنه اوقات مهملة دخى انسانه زمان فراغ اولدقجه اهمال اولميوپ طاعاته صرف، ونوافل صلواته ظرف، قيلمق کرکدر (۱).

فرض اولان هر نمازی وقتک دخوانده قيلمق افضلدر . مکرکه تأخير بر فضيلتی متضمن اوله (۲) .
ايشته اوقات مستحبه متضمن فضيلت اولان وقتلدرکه بروجه آتی ذکر اولنور .

جماعت اولمق و اوقات مستحبه مراعات ايتمک ارککلره عائد فضيلتدر . قادينلره مستحب اولان : نمازلی آنلر ارککلر جماعت ايله اداء صلاتدن فراغ اولدقدن صکره اولرده قيلمقدر . يالکز صباح نمازینی ارککلر جماعتک فراغه انتظار ايتميه رک ایرککجه قيلارلر (۳) .

ارککلر ايچون صباح نمازینک اسفاری مستحيدر .
اسفار ، تغلیسک ضديدر . تغلیس : صباح نمازینی وقت غاسده يعنی دها قراکق ايکن قيلمقدر . اسفار : آتی آيدینلقدہ قيلمق يعنی اورتالغک آچلمسنه تأخير ايلمکدر . بر مرتبه ده که قيانان

(۱) متفق عليه اولان وقت مهملة اشراق وضعی نمازلی واردر . تکيم فصل نوافله مذکوردر

(۲) بونی محشی مرحوم قهستانیدن نقلاً زمن صيفک غريده صلات ظهرک استجاب تعجیلی بمونده ذکر ايتميدر .

(۳) که مستوريتہ اقربدر . فراغ رجاله انتظار صلات فجرک غريده در .
ص . علی قول قادينار ايچون افضل اولان : بتون نمازلرده مطلقا فراغ رجاله انتظار ايتمکدر . كما في التهر عن القنية ط .

فرضك فسادى تبين ايده جك اولورسه آنى طلوع شمسدن اول قرات مسنوننه ايله (۱) اعاده ممكن اوله .

حديث شريفده : « أسفروا بالفجر فانه أعظم الاجر . » (۲) و : « نوروا بالفجر يبارك لكم . » بيورلمشدر .

همده تغليس ايتيمكده تقليل جماعت اولوب اسفار ايتيمكده ايسه تكمير جماعت فضيلتي واردركه صباح نمازي جامعلهده كيججه قيلنور ايسه اويويالمر وضعيف الحال اولانلر دخي حقلرنده سعه (۳) حاصل اوله رق جماعته يتشورلر ، تكمير جماعتي مؤدى اولان حال تقليل جماعتي مؤدى اوله جق حالدن البته افضلدر .

همده اسفار حضرت انسدن (رضي الله تعالى عنه) مروى اولان فضيلتك سهولت حصولنه سببدر : مشاراليه حضرتالرينك روايتلرينه كوره پيغمبرمز على الله تعالى عليه وسلم افندمز حضرتلري بيورمشلردركه هر كيم صباح نمازيني جماعت ايله (۴) ادا ايتدكدن

(۱) سنن صلات بجهته باقكر .

(۲) بوني اصحاب سنن روايت ايتديلر . امام ابو جعفر الطحاوي دخي ابراهيم نخعي حضرتالرينه منتهى اسناد ايله روايت ايتمشدركه . اصحاب رسول الله صلى الله تعالى عليه وسلم صلات فجرى تنوير واسفار ايلمارى اوزرينه ايتدكارى اجتماع كى هيچ برشى اوزرينه اجتماع وانفاق ايتديلر . مستحب اولان : اسفار ايله ابتدا ايتمكدر . ظاهر روايت دخي بودر . على قول غلسته داخل صلات اولوب اسفار ايله ختم صلات ايلمكدر . كما فى ط عن البحر .

(۳) بزم وسعت ديديكمزدركه عربده او يوقدر .

(۴) ظاهرى : ولو كه كندى اهل بيتيله . ط .

صکره طلوع شمسہ قدر جناب حق ذکر ایدرک اوطورر (۱)
وبعدہ (۲) ایکی رکعت نماز (۳) قیلار ایسہ اکاتام بر حج
وتام بر عمرہ (۴) ثوابنک مثلی اولور . وینہ صلی اللہ تعالیٰ
علیہ وسلم افندمز حضرتلری بیورمشلردرکہ : صباح نمازینی
قیلوب (۵) آیابلری بوکک اولدینی یعنی بغدادش قورمدینی
حالدہ (۶) کلام ایتیمیه رک (۷) اون کرہ « لاله الا الله وحده لا شریک
له له الملك وله الحمد یحیی ویمیت وهو علی کل شیء قدیر . »
دیبان کیمسہ ایچون اون حسنات یازیلور واندن اون سیئات
محو اولنور (۸) و (جنتدہ کی مقامی آئی دیمیانلر اوزرینہ ط)

(۱) حصن حصین شرحندہ علی القارینک افادہ سنہ کورہ قعود شرط
اولیوب مقصود او وقتدہ ذکر ایله اشتغال اوزرہ اولقدر . ط .
(۲) یعنی طلوع شمسدن ، و وقت کراہتک خروجندن صکرہ .
(۳) بوکا : صلات اشراق ، تعبیر اولنورکہ سنت اولان صلات ضحادن
بشقہ در . ط .

(۴) یعنی کرک حجک کرک عمرہ نک ارتکاب محظور احرام و طریان
فساد کبی بر شی ایله ثوابلری اکسیلیمہ رک ویریلور . حجندن نفل مقصود در .
« کانت له کاجر حجة تامة وعمره تامة » دیو ایدیلان تآکید او اجرک حقیقہ
حصولنی مفیددر ترغیب قبیلندن دکلدر ط .

(۵) (ذکر بعد الصلاة) فصلندہ مؤلف بونی اقشام نمازی حقندہ دخی
ذکر ایلمشدر .

(۶) حدیث شریفدہ کی « وهو ثمان وجاہہ » قولنی طحطاوی مرحوم
عدم تربہم ایله تفسیر ایتدکدن صکرہ . آیابلرینی اویاقلاری التہنہ یایعق ضرر
ایتمز . دیمشدر اه بخذف .

(۷) أمثالندہ ظاهر اولان : کلام دنیا ایله تسکام مقصود اولدیغیدر . ذکر
آخر ایله فصل ضرر ویرمز . ط .

(۸) بوندہ و نظائرندہ مشہور اولان صفات ذنوب ارادہ

اون درجه ترفیع اولئور ، وارکون اوکیمسسه هر درلومکروهدن مصون ومکر شیطانندن محروس ومحفوظ اولور وشرکدن بشقه برکنه وزری کندیسسه ایرشمک اوزره اوکون اوکیمسسه تعقیب اولئماز^(۱) ، وینه علیه الصلاة والسلام افندمز حضرلری بیورمشاردرکه صباح نمازنی قیلدقدن صکره طلوع شمسه دکن نمازکاهنده مکث ایدن کیمسسه ولد اسماعیلدن^(۲) درت رقبه آزاد ایدن کیمسسه کبی اولور^(۳) .

اولندیغیدر . بعض اهل علم اطلاقی اوزره براغورلر . اوحالده کباره دخی شامل اولور . لایسائل عمایفعل اولان فاعل مختار تعالی حضر تلیینه کوره کوچلک یوقدر . ط . اللهم لاتدع ذنباً الا غفرته دقه وجله .
(۱) بوده یافه—لی مغفور واقم اولق ویاخود کندیسسی توبهیه موفی بولنق ایله اولور . شرکک استثنایی : اگر شرک واقم اولور ایسه انک وزری ایریشور اولدیغندندر . لکن او کون هر مکروهدن مصون اوله جفی حقنده کی وعد سابق مفتضاسنجه اوکیمسسه دن شرک واقم اولماز . مکر مکروهدن بالخاصه مکروه دنیا مقصود اوله . افاده ط .

(۲) یعنی اولاد عرب بدن : چونکه عتق عرب عتق عجمدن افضلدر . حدیث شریفک ظاهری : اوکیمسسه ذکر ایتمه دخی مجرد اوراده حبس نفس ایتمکله ثواب مذکوره نائل اولقدر . اگر ذکر دخی ایدرسه بونکله برابر ثواب متقدم دخی اکا حاصل اولور دیـمکدر . عتق عرب امام شافعی حضر تلینک قولیدر . بزه آنلر رقیق اولزلرکه آزاد اولسونلر . بوکی حدیثلر فرض وتقديره محمول اولور .

(۳) صلات عصر حقنده : « هرکیم بعد العصر غروب شمسه دکن نماز کاهنده مکث ایدرسه ولد اسماعیلدن سکز رقبه آزاد ایدن کیمسسه کبی اولور . » بیورلمشدر . بعد الفجر نفله ، وبعد العصر فرضه ، انتظار اولنه جتی جهتله ثوابلر تفاوت یعنی عصرککی اکثر اولمشدر . افاده المؤلف .

صلات فجرى اسفار ایتمک سفرأ وحضرأ (صیفأ وشتأ مفردأ
و مقتدیأ وامامأ ط) مستحیدر . انحق مزدلفه ده بولنان حجاج
اضحی کونی که قربان بیرامنک ایلک کونیدر طلوع فجر دن صکره
واجب اولان مزدلفه وقفه سندن طولای آ نره او کون صباح نمازینی
تخلیس ایتمک افضلدر .

اوکاه نمازینی هر یرده یعنی بلاد حاره یه مخصوص اولمیه رق یازین
ابراد و تأخیر ایتمک مستحیدر .

ابراد : صغومتق و سرنلتمکدر . بو بایده کی : « ابردو اباظهر فان
شدة الحر من فیح جهنم (۱) » حدیث شریفندن مأخوذدر . صلات
ظهری همان حین زوالده قیلمیوب جماعته کلایلر دیوار کولسکه لرنده
یوریه بیلمک اوزره کولسکه لرک برآز اوزادینغی زمانه تأخیر
ایتمک دیمکدر (۲) .

(ظاهر اولان بودر که محل استحباب وقتک اولنده جماعت
کنندیسنی فوت ایتمزایسه در . ا کر جماعت وقتک اولنده عقد
اولنمقده ایسه آنی فوت ایتمامک ایچون ظهری تقدیم و تعجیل (۳)
ایدر . زیرا جماعت یا سنت مؤکده در یاخود واجبدر . مستحب

(۱) الفییح بوزن البیم الفلیان . من فاحت القدر غلت . والمراد شدة حر
النار . ط .

(۲) حکم عام اولمقله بونده بلادک حار او اوب اولماسی و حرارتک مشدد
اولوب اولماسی و جماعته ناسک اوزاقدن یاخود یاقیندن کلور اولسی مساویدر .
خزانده مذکوردر که صلات ظهره کوره وقت مکروه حد اختلافه وارمقدر .
انی هر شیئک (بعد فی الزوال) کولسکه سی کندی مثلی اوله حق قدر
تأخیر ایلک حد اختلافه واردرمقدر کما فی ط .

(۳) بو بایده تعجیل تأخیر مقابلیدر . علی مایاتی .

ایچون ترک اولماز ، انجق امام مستحبی فوت ایتمش اولور . ط .
قیشین و بهارین و کوزین (۱) ظهری تعجیل ایتمک مستحبدر زیرا
صلی الله علیه وسلم افندمز حضر تلی سرین زما لرده ظهری تعجیل
بیوررلر یعنی وقتک دخولانی متعاقب قیلارلر ایدی .

بوندن یوم غیم مستئنادرکه بلوطلی کونلرده وقتندن اول واقع اولمق
خوفنه ، بنی قیشین دخی ظهرك تأخیری (۲) مستحب اولور .
صلات جمعه دخی هر ایکی زما نه کوره اصلاً واستحباً با صلات
ظهر کبیدر .

ایکندی نمازینی صیفاً و شتاء کونش تغیر ایتمش اولمیه جق قدر
تأخیر ایتمک مستحبدر . تا که مصلی قبل العصر اولان نفله یعنی
ایکندینک سنتی قیلغه دخی متمکن اوله بیلسون (۳) . علیه الصلاة
والسلام افندمز حضر تلی شمس ، بیضاء نقیه (آق ، پاک یعنی براق)
اولدقجه صلات عصری تأخیر بیوررلر ایدی .

کونشک تغیری کوز قاماشیمه جق حاله کلسیدر . صلات

(۱) قهستانیده بویله مذکوردر . و بو ، مجمع الروایاتده دخی مصرحدر .
خریفک صیفه و ربیعک شایه الحاقی لائق اوله جفته دائر بحر رائقه مذکور
اولان سوزکه مؤلف دخی درر طایفه سنده انک اوزریمه کیتمشدر بومنقوله
مخالفدر . ط -

(۲) إذ لا کراهة فی وقته فلا یضر . ص .

(۳) عبارة البحر : لما فی ذلك من تکثیر النوافل لکراحتها بعد العصر .

عصری او وقتہ قدر تأخیر ایتمک تحریماً مکروہدر (۱) .
 خسته لکه و یو جیلغه مبنی تأخیر مباح اوله ماز .
 وقت کراهنده وقوعندن احترازاً یوم غیمده ایکنندی نمازینی
 وقتک دخولی تیقن اولندقدن صکره تعجیل ایتمک مستحبدر .
 اقشام نمازینی صیفاً و شتاء تعجیل ایلمک مستحبدر .
 اقشامک اذانی ایله اقامتی ارهسی انجق اوچ آیت مقدار یله و یا خود
 برجلسه خفیفه ایله فصل اولنور (۲) .
 (ایکی رکعت نماز مقدار یله فصل اولنور سه آقشامک فرضندن
 اول ایکی رکعت قیلق کبی مکروه اولور . ط) ،
 بوندن یوم غیم مستثنادر که بلوطلی کونده شدت التباسه منی صلات
 مغرب قبل الغروب قیلنمق قورقوسی اولور ایسه انک عدم تعجیلی
 یعنی تیقن غروبه د کین تأخیری مستحبدر .
 خسته لک و بایو جلیق معذرتنه و حضور مائده به مبنی اولان
 تأخیر دخی مستثنادر که ذکر اولنان معذرت و سببه مبنی تأخیر

(۱) کراحت تأخیرده در . فعل اداه دکادر که او مأمور بهدر . برشی
 مأمور به اولقله برابر آ کا کراحت اثباتی مستقیم اوله ماز . ط . اصوله
 مقرر در که مأمور بهی امر اولندیفی وجهله ایفا اجزاء و کهایتی موجب اولایفی
 کبی انتفاء کراحتی دخی موجبدر . و کذا قبل التغير شروع ایندیکی عصری
 اطاله ایدرک شمس متغیر اولسه مکروه اولماز چونکه نمازه اقبال ایله برابر
 کراعتدن احتراز متعذر اولقله معفو اولور .
 (۲) لصلاة جبریل علیه السلام بالنبی صلی الله تعالی علیه وسلم اول الوقت فی
 الیومین . وقال علیه الصلاة والسلام : إن أمتی لن یزالوا یخیر ما لم یؤخروا المغرب
 إلی اشتباک النجوم . فكان تأخیرها مکروهاً . هـ ص یاصلاح والفصل المذكور
 یأتی ذکره فی الاذان .

قلیلہ کراہت تحریمیہ یوقدر (۱) . تأخیر کثیر ہر حالہ تحریماً مکروہدر . حدیث شریفہ صلات مغربی اشتباک نحوم یعنی کوا کبک کثرتہ کورنہی زمانہ قدر تأخیردن تذیر بیورلمشدر .

اقشام نمازی وقتندہ جنازہ دخی حاضر اولمق تقدیرندہ اولاً اقشام نمازینک فرضی ادا اولنور بعدہ صلاۃ جنازہ قلنور . دھا صکرہ اقشامک سنتی قیلنور (۲) .

یا تسو نمازینی کیچہ نک ایلک نلشنہ قدر وعلی قول نلشدن اولہ قدر تأخیر ایتمک (۳) مستحیدر (۴) .

- (۱) کراہت تحریمیہ مسلوب دکلدر . نص علیہ الحشی .
- (۲) بو ، افضلی بیاندر . تنکیم بحر رائقہ وغیرہ مذکوردر .
- وجه تقدیم دخی بودرکہ اقشام نمازی فرض عیندر فرض کفایہ اولان صلات جنازہیہ مقدمدر . فرض کفایہ دخی سنہ مقدمدر . ط .
- (۳) طحطاوی دیرکہ تأخیر عشا حقندہ اخبار صحیحہ کثیرہ وارد اولمشدر . صحابہ وتابعیندن اکثر اهل علمک مذہبلی دخی تأخیردر .
- وآنی تأخیرہ سمر منہی عنہی قظم ایتمک وارد . حدیث ابنی بردہ اولہرق روایت اولنان شیعہ بناءکہ علیہ الصلاۃ والسلام افسدہم حضرتلری صلات عشانک تأخیرینی سورلر وآنندن اول یاتوب اویومغی وآنندن صکرہ اوطورب قوشمغی کریہ کوررلر ایدی . چونسکہ یاتسودت اول یاتوب اویومقدہ اویاندیرلمسنی کیسمہیہ سپارش ایتیانلر ایچون یاتو نمازینی کچورمک ویاجماعتی فوت ایتمک قورقوسی اولدیغی کبی یاتسودن صکرہ اوطورب قوشمقدہ دخی اویقوسز قالوب صباح نمازینی کچورمک ، ویاخود کلام لغوہ طالوب یقطہیہ لغویات ایله ختام ویرمک ، وصلات تہجدی اعتیاد ایدنلرہ کورہ آنی فوت ایتمک خوفی او اور اھ بتصرف . کیچہ صحبتہ فتحتین ایله (سمر) ومفاعله وزندہ (مسامره) دینور .
- « لاسمر بعد العشاء » حدیثیہ منہی عنہ اولان سمر مؤلفک افادہ سنہ کورہ لغو وبی فائدہ اولان یاخود صلات تہجدی ویا

(محبتينك بيانته كوره تأخيرك استجابي برطاقم كتب معتبره ده
شتا ايله مقيد اولوب يازين كيجه لر قيصة اولديغندن جماعت آزالماق
ايچون تعجيل (يعني عدم تأخير) مستحبدر اه جوهرده دهخي بويله
مصر حدر (۱) .

ياتسونك وقت غيمده تعجيلي مستحبدر (۲) زيرا تأخيرنده مظنه
مطر وظلمته مبني تقليل جماعت محذوري اولور .

صلات صبحي تفويته بادي بولناندر . يوقسه آنك مصالح مسلميني تدبير
كبي برهمهيه مبني اولاني ياخود ذكر حقه ومذاكره علم دينه ومسافر
ايله كناهسز صحبته متعلق بولناني مثاب عليهدر . اداء عشاءدن صكره
منهيني صحيفه اعمال عبادت ايله ختم اولنمق ايچوندر . صباحين صلات فجر
ايله باشلايان دفتر اعمال وقت نومده صلات عشاء ايله ختم ايديلورسه
آرده اولان زلات (ان الحسنات يذهبن السيئات) وعد كريميله ممحو
اولش اولور . ياتسوي ثلث ليله تأخيرده ايسته بوفائده واردركه اووقته
قدر صحبت ايديله جاك ايسه ايديلوب يقظه ليه نماز ايله ختام و برلش اولور .
(۴) حديث شريفده امتمه مشقت اولسه عشايني ثلث ايله ياخود
نصف ليله تأخير ايدردم بيوراشدر كما في الاصل . جوهرده ديركه
ياتسوي نصف ليله قدر تأخير مباح وآندن صكرهيه تأخير مكر وهدر .
بولر هپ قيش حقه در . يازه كلنجه كيجه لر قيصة اولديغندن آنك تعجيلي
مستحبدر اه .

(۱) كما قد رأيت آتفا .

(۲) « وندب تعجيل مافيه عين يوم غين ويؤخر غير فية » دينلوركه
كنديسنده عين اولانك غين كوئنده تعجيلي مندوبدن اوكونده اندن ماعداسي
تأخير اولنور ديمكدر . عين اولاندن مقصد عصر ايله عشاءدر : غين دهخي غيم
كبي سحاب معناسنه در . ذكر اولندان معناده « آنك تقابل الامين بالعين ، وتؤخر
الباقى في يوم غين » دهخي دينوركه سن يوم غيمنده عيني غينه مقابل طوقار
وباقيني تأخير ايدرسين ديمكدر . عينك عينه مقابله سي عصر ايله عشانك
تعجيلندن عبارتدر .

صلات وترى اويانمغه کوکنانلر ایچون قبل النوم آنی قیلمیوب کیجه نك صوکندن اولجه یه تأخیر ایتمک مستحب اولور شو مآلده کی حدیث شریفه بناءً که « کیجه نك صوکنده قالقمقندن خوف ایدنلر وترى اول لیلده یعنی قبل النوم قیلسسولر و آخر لیلده قالقمغه امیدوار اولانلر آنی آخر لیلده قیلسونلر زیرا صلات لیل مشموده در (یعنی کیجه لین قالقیلوب قیلنن نمازه ملکر حاضر اولور) افضل اولان بودر . « بیورلشدر . (طحاوی دیر که « افضل اولان بودر » مآلنده کی « وذلك افضل » دخی تمه حدیثدر و آنی مسلم روایت ایتمشدر . امری وجوبدن صارف اولانده اودر . ایدی وترى قیلوبده اویویان کیسه کیجه قالقوب تنفل ایدر سه کراحت یوقدر . انجق افضلی ترک ایتمش اولور . چونکه اویانمغه کوکنندیکی ایچون وترى حدیث مذکور موجبجه افضل اولان صکره یه براتق ایدی . اکر اویانمغه کوکنامکده ایدی ایسه فوت افضلیت دخی یوقدر) اه بایضاح (۱) .

اوقات مکروهه

صلوات مکتوبه موقوتنه ک اوقات جواز واستحبابی اولدیغی

(۱) دأب صالحین : یاتسوی و صوئ سنتی قیلوب یاتقی و صلات وترى کیجه قالقوب تهجددن صکره قیلمقدر . قیام ایاه طامع اولمیانلر وترى قضایه اوغرا تمامق ایچون قیلوب یانارلر . تهجده قالقه ییلورلر ایسه آنده قیلرلر .

کبی مکتوب و غیر مکتوب جنس صلات ایچون اوقات مکروهه دخی وارد . و آنلر ایکی نوعدر . نوع اول : طلوع و استواء و غروب زمانلریدر . نوع ثانی : طلوع فجر ایله طلوع شمس آرهسی و صلات عصر ایله اصفرار شمس اثناسیدر . بونلردن نوع اولده آفتابپرستانه تشبهن احترازا شرع انور بزی جنس صلاتدن نهی ایتمش اولدیغی کبی نوع ثانیده و آتی التعداد دها بره اقام اوقاتده دخی بالخاصه نوافل صاواتدن و آنلرک بیان اولنه حق ملحقانندن بزه نهی شرعی وارد اولمشدر .

(اوقات مکروهه) عنوانی بوا یکی نوع اوقاتی جامع و کراحت طحطاوینک تصریحی و جهله معنای لغوییه محمول اولمغله مکروهدن مفسده دخی شامل بره معنی مقصوددر (۱) .

چونکه نوع اول حقننده کی نهی شرعی صلات جنازهیه دخی شامل اولمق اوزره فرض و واجب نمازلر و سجود سهو و تلاوتلر حقننده مانع انعقاد اولمغله آنلرک سبب وجوبی اوقات مذکوره ایچنده حادث اولمقدیجه نه ادا ونه قضاسی صحیح اوله مامقده و ماعداسنک صحتی نوع ثانیده اولدیغی کبی مع الکراهه اولمقدهدر .

معلومدرکه توسعاً اولسون صلات تسمیه اولنان شی : فرض و یا واجب یا خود نفلدر . فرض : یاعین و یا کفایهدر . فرض عین : مکتوبات خمس (۲) ایله صلات جمعه و سجده صلیبیهدر . فرض کفایه : صلات جنازهدر . واجب دخی یا الهینه و یا لغیرهدر .

(۱) هر جائز اولیان شی دخی مکروهدر . کما فی البحر و غیره .

(۲) بونلرک اداسی فرض اولدیغی کبی قضاسی دخی فرضدر .

واجب لعینه که ایجاب حق ایله واجب اولان و تعبیر دیگر ایله وجوبی فعل عبده متوقف اولمیا ندر (۱) : و تر و صلات عیدین و سجه ه تلا و ندر . واجب لغیره که ایجاب عبد ایله واجب اولان و تعبیر دیگر ایله وجوبی فعل عبده متوقف بولمیا ندر : سجود سهو و طواف نمازی و افساد ایدیلان نفلك قضاسی و نذر نمازیدر . نقل دخی رواتب و رغائب دیو باب نوافله تعداد ایده چکمز انواعه شاملدر .

ایمندی نوع اول اولان وقت کراهتده انشا و شروع اولندیغنه کوره ذکر اولنان صلات انواعنک هیچ بری منعقد اوله مدیغی کی (۲) اولجه باشلا لمش اولدیغنه کوره دخی او وقتلر طاری اولمقله آنلری ابطال ایلر . یالکز او وقتده حاضرلنان جنازه نك نمازی و او وقتده او قنن آیتک سجده سی و او کونک ایکندیسی و صلات نافله و او وقت ایله مقید اولان نذر نمازی و او وقتده بعد الشروع افساد اولنان صلات نفلك قضاسی مستثنادر که بو آلتی نمازک برنجیسی ابن عابدینک تعیینی وجهله بلا کراهه و ایکنجیسی کراهت تنزییه ایله و او چنجیسی و آندن صکره سی کراهت تحریمیه ایله منعقد اولور . و مکروه تنزیهی اولان تأخیر اولنوب تحریماً مکروه اولانلرک عصر یومدن ماعداسی وجوباً قطع و وقت غیر مکروهده قضا ایدیلور .

(۱) اولکیسی طحطاوینک و ایکنجیسی ابن عابدینک تعبیریدر .

(۲) بونک آتیا مبین الی مستثناسی واردر . درمختارده دهمشدر که وقت مذکورده فرض و واجب شروع ایله منعقد اولماز ایسه ده نقل شروع ایله منعقد اولور . فرضده کی کراهت مانع صحتدر . زیرا سبب کامل ایله مترتب ذلت اولان ناقصاً اودنمز ، واجبدرده اولیاده در تطوعده کی کراهت مانع صحت اولماز و لکن کراهت تحریمدر . حلبی .

(عصر يومك قطعی جائز اوله ماز چونسكه كراهت آنك فعلنده دكل ، اوزمانه قدر تأخیرنده در كما مر (۱) و سیانی .)

نوع ثانی اولان وقت كراهته ذكر اولنسان صلواتك جمله سی بلا كراهه منعقد اولور . یالسكز صلات نفل ایله واجب لغیره قسمی مستثنادر كه بونلر مع الكراهه منعقد اولمغله بونك دخی سجود سهودن ماعداسی (۲) قطع اولنه رق مكروه اولمیان بر وقتده قضا ایدملك لازم كلور .

بو اجمالك تفصیلی مؤلفك افادات آتییه سیدر :

اوج وقت واردركه انلك دخولندن اول ذمه ترتب ایتمش اولان فرائض و واجباتك (۳) هیچ بری انلرده (نه اداءً و نه قضاءً ط) صحیح اولماز : برنجیسی شمسك زمان شروق یعنی طلوعندن ارتفاعنه قدر اولان زمان ، ایکنجیسی شمسك استوا ایندیگی یعنی سمت رأسه كلوب هنوز زوال بولمادیگی زمان ، اوچنجیسی شمسك صاراروب غروب ایتك اوزره بولندیگی زمان ، در .

ذكر اولنان زمانلرده فرضلر یعنی كچمش نمازلر قلته مدیغی

(۱) یعنی فی الهامش المتعلق بكراهة تأخير العصر إلى وقت التغير فی فصل الاوقات المستحبة وذلك فی الصفحة الثلاثین

(۲) اوزرنده سهو اولان مصلی بعد السلام وقت كراهت داخل اولسه سهو ایچون سجود ایتیبوب او سجود آندن ساقط اولور .

(۳) وتر و نذر مطلق و طواف نمازلری و وقت غیر مكروهده شروع ایدوبده افساد ایلش اولدیگی نامله و آتی وقت غیر مكروهده اوقتان سجده تلاوت كبی ط .

کبی صلات وتر و نذر مطلق مثلی واجبلر دخی قلینماز (۱) وقت غیر مکروهده حاضرانسان جنازه نك نمازی وتلاوت اولنان آیتک سجده سی دخی ادا وایفا اولنماز . اجزاء صلاتدن اولدیغی ایچون انلرده سجود سهو دخی ایدلمز . عقبه بن عامر رضی الله تعالی عنه حضر تلرینک حدیثنه مبنی که حضرت مشارالیه : « رسول الله صلی الله تعالی علیه وسلم افندمز حضر تلری بزى اوچ و قتده نماز قیلماقدن و موتامزی کومکدن نهی بیوردی . » دیو ذکر اولنان اوقات ثلاثه پی تهداد ایتمشد . حدیث مذکوری امام مسلم روایت ایلمشدر . موتی کومک جنازه نمازی قیلماق دیمکدر ، چونسکه او وقتلرده دفن میت مکروه دکلدر . بیلارنده کی تلازمه مبنی دفن ، صلاتدن کنایه اولمشدر . تفسیر مذکور نفس سننده دخی وارد اولمشدر که راوی مشارالیه : « وان نقبر موتانا » بدائنده « وان نصلى على موتانا » دخی دیمشدر . صباح نمازینی قیلار ایکن کونش طوغمقله نماز باطل (فاسد) اوله جغندن مصلینک اندن صکره کی قهقهه سی آبدستی نقض ایتمز . اونمازک نغله انقلاب ایده چکنه دائر دخی برروایت اولمغله (۲) اکاکوره آبدستی قهقهه سیله منتقض اولور (۳) . عوام ناسک تذللرینی صباح نمازینی وقت طلوعده دخی قیلماقدن نهی ایتمیز . چونسکه انلر بسبتون انی

(۱) قیلنسهده صحیح اولمدیغی ایچون اعاده اولنور . کافی شرح النية .

(۲) هو قول الامام وابی یوسف کما فی البرهان ، ط .

(۳) کتاب الطهاره نك یوز سکرنجی صفحه سنه مراجعت .

ترك ايده بيلورلر . برجهتهدك قولنه كوره صحت (۱) بالاكليه تركدن اولادر .

اوقات ثلاثه مذكوره ده واجب يعنى ذمته مترتب اولانى انلرده ادا مع الكراهه صحيح اولور : آنلرك برنده حاضرلئان جنازه نك نمازى و اوقئان آيتك سجده سى و شروع ايدلمش بولئان نافله و انلرده قيلنمى نذر اولنش اولان نماز كى كه بولر اوكونك عند الغروب قيلئان ايسكنديسى مثلى مع الكراهه صحيحدر . كراهت ، تحريميه اولديغندن شروع ايدلمش بولئان نافله و صلات منذوره و جوباً قطع اولنوب وقت كاملده قضا ايديلور . اوقئان آيتك سجده سى وقت غير مكروهه تاخير اولنور . تاخير اولنمىوب ايدلسه ذمته ترتب ايتديكى وجهله اودنمش اوله جفئندن اعاده اولئاز . كافى شرح المنية (۲) .

حاضرلئان جنازه نك نمازى تاخير اولنمىوب قيلنور و انده تعجيل مطلوب اولديغيچون (۳) تاخير اولئاق افضل اولور (۴)

(۱) بوراسى مذهب امام شافعى به اشارتدر كه نزد امام مشار اليه فجر ك عصره قياسنه و : « من ادرك ركعة من الصبح قبل ان تطلع الشمس فقد ادرك الصبح ومن ادرك ركعة من العصر قبل ان تغرب الشمس فقد ادرك العصر » حديثه مبنى او صلات صحيحدر . بحثك تمامى كتب اصولده در .

(۲) آنك كراهتى ابن عابدينك تعيينى اوزره تحريميه دكلدر . كما قد عرفت .

(۳) الامناع كضورها فى وقت غير مكروه اه حلى .

(۴) حديث شريفده : « اوچ شى تاخير اولئاز : كلان جنازه ، قضا ايديله بيله جاك بورج ، كفؤ و مناسبى بولئان قيز . بيورلديفى ايچون آنك تاخيرى مكروه اولور ط .

اوكونك ايكنديسى مستثنادر كه او قطع و قضا اولنمىوب
ادا و اتمام اولنور . انك كراهي فعلنده دكل ، اووقته تاخير ندهدر (۱) .
صحت ، بقاء سببه مبنيدر كه اوده وقتدن ادا انك اتصال ايتديكي
جزمدر . مسبب ايسه سببك ثبوتنه كوره ثابت اولوب كامل ايسه
كامل و ناقص ايسه ناقص اولور . كچمش بر عصرى (نمازى) اووقت
قيلمق (قضا ايتمك) كبي دكلدر كه بو صحيح اوله ماز زيرا وقتنك
خروجى سببيله ذمه كامل اوله رق كچمشدر ناقص اوله رق
اودنه مز .

اوقات ثلاثه مذكوره نوافل قيلمق دخى كراحت تحريميه ايله
مكروهدر . بناءً عليه شروع اولنديسه قطع ايدىلوب وقت كاملده
(غير مكروهده) ادا اولنمق واجب اولور (۲) : شكر وضوء و تحييت
مسجد و سائر سنن كبي (۳) .

امام ابو يوسفك مفتي به اولان قواني كوره جمعه كوفى
استوا زماننده نافله قيلمق (۴) مكروه دكلدر . زيرا ذكر اولئان

(۱) قال للتأخير المنهى عنه لا لذات الوقت اه فانه وقت كسائر الاوقات
اعما النقص فى اداء الاركان المستلزم فعلها فيه التشبه بعبادة الكفار ، كذا فى ط
عن الفتح .

(۲) فى ظاهر الرواية . على قول اوقات مذكورهده كي نوافل دخى فرائض
كبي غير صحيحدر . چونكه دليل بخصوصه بر صنف صلاتك عدم صحتى دكل ،
مطلق منعى مفيددر ، ط .

(۳) زمان طلوعده سنت فجر متصور ايسهده استقوا و غروب زمانلرنده
سنن روائب اولديقى ايچون مؤلفك او محشينك اخطارى اوزرينه اخذ
اولنمىرق كلام ضحى و كسوفه دخى شامل قيلنمشدر .

(۴) مقصود تحية مسجد نمازيدر كه ناس اندن غافلدر .

حدیث عقبہ نیک بعض طرق روایاتندہ یوم جمعہ استثنائاً
ایدلشد (۱) .

ذکر اولئان اوچ وقتہ صلوات شریفہ او قومق و دعا و تسبیح
ایتمک قرات قرآندن (۲) افضلدر . کما فی الدر مع ط .

اوقات ثلاثہ مذکورہ دن ماعدا اولان آتی التعداد اوقاتہ بالخاصہ
نافلہ قیلحق (۳) مکروہدر . فرض یعنی قضا قیلحق کراہت یوقدر :
(۱) طلوع فجر دن صکرہ صباح نمازینک سنتندن بشقہ ، (۴) .
(۲) صباحک فرضنی قیلقدن صکرہ ،

(۱) ولہما انہا زیادہ غریبہ فلا یعتدبہا ، کما فی رد المحتار •
(۲) قال وکأنہ من ارکان الصلاة فالاولی ترک ما کان رکناً
لہا .

(۳) (نافلہ) فرض و واجب اولیان دیمک ایسہدہ منذورا وطواف
نمازی و افساد ایتدیکی نفلک قضای کبی لغیرہ واجب اولاندر دخی بو
حکمہ نافلہ کبیدر . اما واجب لعینہ کہ ایجاب حق ایلہ واجب اولوب
انی ایجابہ عبدک مدخی اولیاندر مکروہ دکلدر کرک مقصود لنفسہ
اولسون : سجود تلاوت کبی کہ اندہ مخالفت کفار و موافقت ابرار
واردر • کرک مقصود لغیرہ اولسون : صلات جنازہ کبی کہ اندہ قضاء حق
میت واردر • ط

(۴) لقوله صلى الله تعالى عليه وسلم : يبلغ شاهدكم غائبكم ألا لاصلاة بعد
الصبح إلا ركعتين • وليكون جميع الوقت مشغولاً بالفرض حكماً ، ولذا تخفف
قراءة سنة الفجر • س .

(٣) ايكندينك فرضندن صكره (١) ، كوش تغير ايتمش اولسه دخي ،

(٤) اقشام نمازينك فرضندن اول (٢) ،

(٥) بيرام نمازلرندن اول نه اوده نه جامعده ،

(٦) بيرام نمازلرندن صكره جامعده ، نمازگاهده ،

(صلات عيدي ادا دن صكره اوه كلوب نافله قيله بيلور . عليه الصلاة والسلام افندمز حضرتلري نوافله حريص اولدقلري حالده صلات عيدين اول نوافله قيلدقلري هيچ اولماشن (٣) و صلات عيدين صكره خانه سعادت آشيانه ارنده ايكي ركعت نماز قيلدقلري اولمشدر . ص .)

(٧) عرفاتده ومزدلفهده كي جملر ارهسنده (٤) ،

(٨) فرضه وقتك پك طار زمانه قالمش اولسي صورتنده (٥) ،

(١) لقوله عليه الصلاة والسلام : لاصلاة بعد صلاة العصر حتى تغرب الشمس ولا صلاة بعد صلاة الفجر حتى تطلع الشمس . رواه الشيخان . ص .

(٢) لقوله عليه السلام : بين كل اذانين (اي اذان واقامة) صلاة ان شاء الا المغرب . ص .

(٣) وجه الدلالة منه أنه صلى الله تعالى عليه وسلم كان حريصاً على النوافل مأمكناً فعدم فعله يدل على الكراهة اذ لولاها لفعل ولو مرةً بياناً للإباحة . ط .

(٤) اوقات مستحبه قيلنه مراجعت اولسون .

(٥) چونكه بونده فرض اولميان شي ايجون فرضي وقتندن فوت ايتمك واردر . قال ط وهذا ليس من فعل العقلاء . بل اذا كان الوقت الذي بعده وقت فساد كوقت الطلوع فانه يترك الواجبات ويقصر على ادنى ماتجوز به الصلاة . كافي المجتبى اه

(٩) فرضه اقامت آلتور ايكن ،
(بوندن صباح نمازينك سنتي مستثنادر . نتكيم باب نوافله
مذكوردر) .

(١٠) جمعه كوني خطيب خروج ايدركمندن اعتباراً نمازدن فارغ
اولنجه يه قدر (١) .

خطيبك خروجي منبره صمودي ديمك اوليوب منبره چيقيمق
اوزره اولديغي يردن ظوريدر . اندن اعتباراً نه قبل الخطبه ونه اثناء
خطبه ده نه ده ختام خطبه ده نافله قيلق وحتى جمعه نك سنت مؤكده سنه
طور مق يوقدر (مكروهدر) . اكر خطيبك خروجسندن اول
جمعه نك سنتنه شروع ايتمش ايسه قطع ايتميوپ خفيفجه يعنى تطويل
قراءت ايتميه رك انى اتمام ايلر .

صاحب ترتيبه كوره او ائناده قضاء فائنه ايتمكه كراحت يوقدر .
بلهكه جمعه سنك صحيح اولمسيچون فائنه متذكره سنى قضا ايلسي
واجبدر . نتكيم بابنده ميبندر .

مدافعه* اخشين يعنى بول ويا غائط صيقتيبي حالنده
على الاطلاق نماز قيلق مكروه اولديغي كبي نفسنك آرزوسى
وار ايكن حضور طعام مثلى نمازده خاطرى اشغال وخشوعى

(١) بو حكم خطبه يي مؤلف خطبه عيد و خطبه حج و خطبه نكاحه و حتى
منهبا معروف اوليان خطبه ختم و خطبه كسوفه وقول صاحبين اولان خطبه
استسقيه دخى شامل قيلمشدر .

اغلاق ایدہ جک شیدن اخذ حظ ایتمدین نمازہ طور مق دخی مکروہدر (۱) .

(لکن بونک کراہتی وقتک طارالماسندہدر و الا نماز تقدیم اولنور و کراہتدہ اولماز . ط)

طحاوی دیرکہ طلوع فجر دن صکرہ صباح نمازینی قیلوب بینرنبجہ قدر خیر اولان سوز مستثنی اولمق اوزرہ کلام ایتمه نک کراہتی دخی مکروہانہ الحاق اولنه جق شیلردندر (۲) صباح نمازینک سنی ایله فرضی آره سنی کلام ایله فصل ایتمه نک مبطل سذت اولوب اولماسی محل کلامدر . بعد الصلاة ایشنه کیتمکده بأس یوقدر (۳) .

(۱) لادخاله النقص فی المؤدی . ص .

(۲) چونکہ او بروقتدرکہ اندہ ہم ملائکہ* لیل ، ہم ملائکہ* نہار حاضر اولور . تنکیم [ان قرآن الفجر کان مشہودا] قول کریمک تفسیرنده وارد اولشدر . فلا یبغی أن تشهدہم الا علی خبر . ذکرہ ط فی فصل النوافل .

(۳) علی قول طلوع شمسہ و علی قول شمسک بعد الطلوع ارتفاعہ دکن کیتمک مکروہدر الی هنا کلامہ . لکن ، و کراہت ایشک اقتضاسیلہ مقید اولمق کرکدر . فان الخیر لا یؤخر ، وانت بخیر مادمت فی حاجتک الشرعیۃ .

اذان و اقامت

اوقات ، جناب حَقِّکِ نعمتِ آلهیه سی اولان صلوات ایچون
ظاهرأ اسباب و ایجاب غیبیسیچون علامات اولدیغی کبی اذان دخی
اوقاته علامت اولمشدر . اذان اعلامدر . اوقاتک اعلامی خواصه
واذانک اعلامی عمومدر (۱) .

بوابده ایراد ایدیله جک کلام : اذانک ثبوتنه و وجه تسمیه سنه
ولغۀ و شرعأ اولان تفسیرینه و فضیلتنه و سببینه و شرطنه و حکمنه
ورکننه و صفتنه و کیفیتنه و وقتنه و سبب و محل مشروعیتنه
دائردر .

اذانک ثبوتی کتاب و سنت ایله درکه کتاب کریمده
« و اذا نادیتم الی الصلاة » و « اذا نودی للصلاة » بیورلمش
اولدیغی کبی حدیث شریفده دخی حضرت عبد الله بن زیدک
(رضی الله تعالی عنه) آتی البیان رؤیاسی اوزرینه مشار الیه
خطابأ : « رؤیا حق ألقها علی بلال فإنه أندی منك صوتا » وارد
اولمشدر

اذان لغتده اعلامدر . قال تعالی : « و اذان من الله » .
شریعتده وجه مخصوص اوزره اولان اعلامدر : لفظ اذان سـلام
و کلام کبی اسماردندرکه تصریفی باب تفعیلدندر . تکلیمدن کلام
وتودیعدن وداع و تجهیزدن جهاز دینلدیکی کبی تأذیندن دخی اذان

(۱) مسلمۀ لائق اولان وقت ایله متنبه اولمقدر . وقت کندیسنی آگاه ایتیمان
کیسه نی اذان آگاه ایدر .

دینلشدیر که تأذین اذان او قومق و وقتی بیلدرمکدر . فاعلنه مؤذن دینور .

اذان او قومنه نك فضیلتی شو حدیث شریفار ایله ثابتدر :
« لا یسمع مدی صوت المؤذن جن ولا انس ولا شیء الا شهده
يوم القيامة ویستغفر له کل رطب و یابس سمعه » . « المؤذن له مثل
اجر من صلی معه » . « المؤذنون أطول الناس أعناقاً (۱) يوم
القیامة » (۲) .

امامت ، باینده مبین اولدیغی اوزره مؤذنلکدن افضلدر (۳)

(۱) آی اکثر الناس رجاءً ، وقيل اکثر الناس اتباعاً لانه یقبعهم کل من
صلی باذانهم ، ط .

(۲) بو حدیث شریفی ترجمهده صاحب کنز مخفی دیمشدر که : روز قیامتده
مؤذنلر شرف زائد اهل اولدقلری جهنمه مشار الیهم بالبنان اولسهلر کرکدر .
وبونده اهل دعوتک علو درجه لرینی بیانه اشارت واردر اه محشی دیرکه
حدیثده : ان المؤذن یحس يوم القيامة علی کثیر من المسک وانه لایهوله الفزع
الا کبر . دخی وارد اولمشدر اه [و من احسن قولاً ممن دعا الی الله] قول
کریمنی حضرت عائشه رضی الله تعالی عنها مؤذنین ایله تفسیر ایتمشدر . کما فی البحر .
صاحب درک و طحطاوینک بیانلرینه کوره پیغمبرم صلی الله تعالی علیه وسلم افندمز
حضرتلرینک دخی بر سفرده اذان او قیوب اقامت آلهرق او کله نمازی قیلدقلری
روایت اولمشدر . لکن بوروایت امام ترمذینک اختصارندن ایلر و کلهشدر
امام احمدک مسندنده روایت اصلیه : حضرت پیغمبرک او سفرده حضرت
بلاله اذانی امر ببورمش اولدقلریدر . کما فی رد المختار

(۳) نحر رازی سوره مؤمنون تفسیرنده ذکر ایتمشدر که علمادق برمی
کندینک اختیار امامت ایتدیکی صورلدقده : اقتدا حالده ترک فاتحه ایتسه
امام شافعینک و قراءت فاتحه ایتسه امام ابو حنیفه نك عتابندن قورقدیفندن
بو اختلافدن قورتلحق ایچون اماملغی اختیار ایلدم . جوابنی ویرمشدر . کما
فی البحر .

وكذا اقامت دخی تأذیندن افضلدر . ط حضرت عمر رضی الله تعالی عنہك : « لولا الخلیفی لا ذنت . » بیورمهش اولملری تأذینك امامته تفضیاتی استلزام ایتمز . چونكه آندن امامتی ترك ایتمك مقصود اولمیوب امر امامته مؤذنلكی دخی علاوه مقصوددركه معنی : كثرث مشاغل خلافت اولمه اذانی دخی اوقوردم . دیمكدر امامك همده مؤذن اولمی افضل اوله جفی افاده بیورلمشدر (١) .

اذانك سببی دخول وقتدركه اوقات صلات اذان ایچون اسبابدر (٢) .

دخول وقت اذان ایچون همده شرطدر (٣) .

اذانك لعظ عربی ایله اولمی (٤) وعافلدن صدور ایتمی دخی شرط صحیدر .

شرط كالی مؤذنك صالح ومواقیت صلاتی عالم وآبدستلی ونماز خصوصنده احوال ناسی متفقده وجماعتدن کیرو قالانلری زجره قادر وایی ویوكسك سسلی (٥) اولمی ویوكسكجه بر

(١) تكیم امام ابو حنیفه حضرتلری دخی تأذین وهم امامت ایدرلرایدی ، كما فی الفتح .

(٢) وقت ، اذان ایچون سبب بقائیدر . سبب ابتدائی : سبب مشروعیة اولمق اوزره آتیا مذکور اولاندر . ط .

(٣) وقت کیرمدین اوقنان اذان وقتك دخوانده اعاده اولنور .

(٤) لغت عربیه نك غیرى اوزره اولان اذانه اعتبار یوقدر . كما یأتی .

(٥) عمر بن عبد العزیز حضرتلرینك بر مؤذنه : « اذن حسنا والا فاعتزلنا »

دیمش اولدقلری مرویدر . ط .

برده قبله به قارشو طورب اوقومسیدر . نتکیم مستحبانندن اولوق
اوزره آتیا دخی ذکر اولنور .

اذانک حکمی : ا کالزوم اجابتدر . اجابت : فعلا اولدیغی کبی
قولاً دخی اولور . نتکیم بابلک آخرنده بیانی کلور .

اذانک رکنی ألفاظ مخصوصه در که درت تکبیر وایکشر شهادت
وایکشر حیمله وایکی تکبیر وبر تهلیلدر . نتکیم بیان اولنور .

اذانک صفت شرعیه سی : سنت مؤکده اولدیغیدر . اذان علی
الاصح واجب دکل ایسه ده واجب قوه سننده بر سنت مؤکده در .

اذانک کیفیتی یعنی صورت ادا وایفاسی ترسلدر که اقامت کبی
سرعت ایدلیوب تمهل اوزره اوقنمقددر .

اذانک وقتی اصلاً واستحباً اوقات صلاتدر (١)

اذانک سبب مشروعیتی (٢) نمازی رسول اکرم صلی الله تعالی علیه
وسلم افندمز حضر تلیله جماعه قیلله نك وفتنی بیلمک ایچون بر علامت
اتخاذنده صحابه نك مشاوره لیدر .

اذانک محل مشروعیتی مدینه منوره در . هجرت مقدسه نك ایلک
وعلی قول ایکنجی سنه سننده اذان مشروع اولمشدر . آندن اول

(١) وقت جواز واستحباب معلوم اولمشدر . مؤلفک ولو قضاء قولی قضا
ایچون وقت معین اولمديغه بناء وقت فعله محولدر که قضا ایدیلله جک اولان فرضک
اذانی دخی قضا اولنه جفی زمان اوقنور دیمکدر .

(٢) بو بوندن اول موعود اولان سبب ابتدائیدر ، محشی دیر که سبب اصلی
نبی علیه السلام افندمز حضر تلیرنک نماز وقتلرینی ضبط ایدمه مدکلرندن
طولانی صحابه به حاصل اولان مشقتدر .

بوللرده : نمازه نمازه . یاخود : جماعه نمازه . مآلنده اولمق اوزره :
الصلاه الصلاه ، یاخود : الصلاة جامعة . دیو ندالشیلور ایدی ، صکره
اذان امر ارلندی .

شویله که علیه الصلاة والسلام افندمز حضرتلری مدینه طاهره -
لرینه شرفرس قدوم اولدقلرندن صکره نمازی کاه ایرکن وکاه کیسیج
قیلقدله اولدقلری جهته قریب وبعید محللردن کلان اصحابک برطاقمی
کندیاریله برلکده جماعت اولهرق نماز قیلدق مزیتنه حرصاً اولجه کلوب
بکله ملک وایشلرندن قالمق محذورینه اوغرار و برطاقمی نماز کیسیج
قیلنور ظنیله کیسیجه کلوب نمازی قیلنمش بولهرق آتش اسف
آنلرک سینهلربی داغلار ایدی . بوکا بناء عقد جماعت وقتنه
برعلامت اتخاذ چون مشاورده بولندیار . بعضار ضرب ناقوس (۱)
اولنم- فی (چاک چالمنسنی) رأی ایتدیار . حضرت رسول اکرم
صلی الله تعالی علیه وسلم : « او خرسیتیانلر کدر . » بیوردیلر .
بعضار شبور (۲) چالمنسنی رأی ایتدیار ، نبی علیه الصلاة
والسلام : « او یهودیلر کدر . » بیوردیلر ، بعضار : آتش یاقارز
دیدیلر . اکاده علیه السلام افندمز « مجوسیلر شعاریدر » دیو
راضی اولمدیلر . میان مشاورده بیراق دیکرز کورنلر بری
برلرینه اعلام ایدرار دییان دخی اولدیسده افندمز آنیده

(۱) سلفده نصاری طائفه سنک آلت نداء معبدلری بری بیوک و بری
کوچک ایکی مصنع تحتدن عبارت اولوب بیوکنه ناقوس و کوچک و بیل
تعبیر اوانور ایدی اه اوقیانوس .

(۲) شبور تنور وزنده نفیر دیدکلری بوریدر اه اوقیانوس . بورییه
بوق دینور .

بکنم دیلر . رأیلر هنوز برشی اوزرینه متفق اولمدن قالقلش وقرار - سزلغه مبنی وجه سعادت حضرت سید الکائناتده کوریلان نشاطیزاق اوزرینه اهل مشاوره بی غم آلمش ایدی . راوی حادثه اولان حضرت عبد الله بن زید الانصاری^(۱) بیوررکه بن دخی غملی اوله رق یاتمش ایدم ، بین النوم والیقظة بکابری کلدی که اوزرنده ایکی ثوب اخضر وار ایدی^(۲) بر دیوار قطعاسی اوزرنده قائم اولدی . اننده برده نافوس وار ایدی . بونی بکا صابارمیسین ؟ دیدم . نه یاپه چقسین ؟ دیدی . نمازمز وقتنده چالارز دیدم . بن سنی ده خیرلیسته دلالت ایتسم اولمازمی ؟ دیدی . اولوردیدم . قبله یه قارشو طوردی و : الله اکبر . دیو باشلایه رق اذانی تمامیه او قودی بعده براز مکث ایدوب کلمات اذانی برده او قیوب صوکنه قریب ایسکی کره » قد قامت الصلاة » دیدی^(۳) .

مشار الیه حضرت عبد الله دیر که بن همان قالقوب رسول الله کیدرک واقعی عرض و اخبار ایلدم . « حق رؤیادر بلاله تلقین ایلله انک سسی سندن چوقدر » بیوردیلر . بنده انی بلاله تلقین ایتدم . حضرت بلال مدینه ایچنده الک یوکسک بر سطحک اوزرینه چیقوب

(۱) کنیه لری ابو محمد . کندیلری خزرچیلردن و اصحاب بدر دندر . بتون مشاهده - ضرت سلطان الانبیاء علیه و علیهم السلام ایلله بولنش وفتح مکده بنی الجرث بن الخزرجک رایتلرینی حامل اولمشدر . اوتوز ایکی تاریخنده التمش درت یاشلرنده ارحمال داربقا بیورب نمازینی حضرت عثمان قیلمشدر ، کما فی اسد الغابة . رضی الله تعالی عنه .

(۲) یعنی هم رداسی وهم ازاری یشیل ایدی .

(۳) بو اقامته اشارت اولدی .

اذانی اوقوردی^(۱) . حضرت عمر رضی الله تعالی عنه و عنهما کندی خانه سندن ایشتمکله ازار شریفلری ایچنده (یعنی بلارداء) هروله (سرعت) ایدرک حضور سعادتیه کلدیلر . و : یار سول الله سنی پیغمبر اوله رق مبعوث بالحق ایدن خدا حقیقچون بونک کوردیکنک مثلنی بن دخی کوردم شوقدرکه بوبندن اول کلش . دیدیلر (۲) پیغمبرمز

(۱) مناره اولدیغندن حضرت بلال مسجد شریف نبوی جوارنده بولنان بیوتک اک بوکسکی اولق اوزره بنی نجاردن برغاتونک خانه سی اوزرینه چیقوب اذان اوقوردی . بعده ظهر مسجد شریفده کندیسی ایچون بر موضع بنا بیورلدی اه من المنحة . مناره که مثله دخی دینور عشینک بیانه کوره انی مساجده اک اول احداث ایدن : اصحابدن سلمة بن خلف رضی الله تعالی عنه حضرت لریدرکه زمان جناب معاویه ده مصر امیری ایدی اه ابن عابدین دیرکه اذان اوقومق ایچون مصر مناره سنه ایلک چیقان : شرحیل بن عامر المرادیدر اه چفت اذان احداث ایدن : بنی امیه در . اذاندن صکره مناره ده نبی علیه السلام افندمز صلات اوقنمسی یدییوز طقسان بر تاریخنده مصرده زیاده ایدلشدر . بدعت حسنه در . کیجه نک ثلث اخیرنده کی تسبیح و تمجید (که بز ا کا الصلاة دیرز) او دخی اویله در . سلطان ناصر الدینک امریله باشلامشدر اه من ط مع رد المختار . در مختارده بعد الاذان اولان تسلیم یدییوز سکسان بر سنه سی ریسیم الآخرنده اولا بازار ایرتمی کیجه می یاتوسونده و بعده جمعه کوننده حادث اولوب اون سنه صکره اقام اذاندن ماعدا هپسندره اوقنور اولدی دبو مذکوردر اه .

(۲) حاشیه ده بویله مذکوردر . بو کلام ایسه روایت دیکرده وارد اولدیغی اوزره حضرت عمرک اولا : بن بوکلانک رؤیاسنی کوردم . دیو قصه واقعه ایتیش اولوبده حضورده بولنان عبد الله بن زید حضرت لرینک رؤیاسنی افندمز حضرت لرندن ایشتمش اوللرینی اقتضا ایدر . کما لایحقی .

صلى الله تعالى عليه وسلم اقتدوا بحضرت ناری : « فله الحمد وانه لا ثبت »
بیوردیلر اه .

او کیجه صحابه دن یدی ذاتک اورویانی عیناً کورمش
اولدقلری دخی مرویدر . رؤیا سبب اولدی . اذان ینه امر
نبی ايله ثبوت بولدی . واحتمالکه او سبب مقارن وحی دخی
اولدی (۱) .

اقامت دخی اذان کبی بوامتک خصائصندندر (۲) .
اذانک اولی تکبیر اولدیغی کبی عوداً للتعظیم آخری دخی تکبیردر .
اولنده درت کره الله اکبر دینور . آخرنده کی تکبیر سائر الفاظ
شریفه سی کبی ایکی کره اولور . حکمت تکبیر نفوس سامعینده شان
صلاقی اعلا و اعظا مدر (۳) .

اقامت دخی لفظاً ومعنی وصفه و سبباً اذان کبیردر (۴) . شو قدر که
اقامتک « حی علی الفلاح » ندن صکره ایکی دفعه « قد قامت الصلاة »

(۱) بونی شو روایت نایید ایدر که حضرت عمر اذان رؤیاسی کوروب
سویله مک اوزره کلدیکنده وحی بوبانده کنیدیغی سبق ایتش بولدی اه ط .
بحر رائقه دیمشدر که اذانک سبب ابتدائیسی ليله اسرا ده حضرت امام المرسلینک
علیه وعلیه السلام ملائکه یه وارواح انبیایه امامه نماز قیلدر دقلرنده حضرت
جبریل علیه السلام اذان اوقومسی واقامت ایتسیدر . بعده عبد الله بن زید
حضرت ناریک رؤیاسیدر اه .

(۲) حضرت آدم علیه السلام حین هبوطنده ارضده کوردیکی وحشت
اوزرینه حضرت جبریل علیه السلام اذان اوقودیغی حقنده کی روایت
بوخصوصیته منافی اولماز چونکه مقصود خصوصیت صلاتدر . ط .

(۳) وایسکون ادعی الی المسارعة الی الطاعة والاجابة . ط .

(۴) لفعل الملك النازل . س . ولا لحن ولا ترجیع فیها . ط .

دینور . کیفیت اداجه دخی بینلرنده بر فرق وارددرکه اذانه مؤذن تمهل ایدر یعنی هر ایکی جمله اده سنی برسکته ایله^(۱) فصل ایدرک^(۲) اوقور . اقامته ایسه حدر تعبیر اولنان سرعتی یاپارکه کلمات اقامتی صالدر صالدر اوقور^(۳) .

« الاذان جزم والاقامة جزم »^(۴) حدیث شریفی حکمنجه کلمات اذان واقامت مجزومدر که کرک تکبیرلر ، کرک سائر جمله لر بری برینه وصل اولنامق اوزره ساکن الآخر براغیلور . (تکبیرلرک وصلنده رالر نقل حرکه ایله مفتوح اولور : الله اکبر الله اکبر ، ناس بوندن غافلدر) اذانه حقیقه وقف و اقامته نیه وقف وارددر^(۵) .

کلمات اذان شونلدر : « الله اکبر الله اکبر ، الله اکبر الله اکبر ، أشهد أن لا اله الا الله ، أشهد أن لا اله الا الله ، أشهد أن محمداً رسول الله ، أشهد أن محمداً رسول الله ، حی علی الصلاة ، حی علی الصلاة^(۶) ، حی علی الفلاح ، حی علی

(۱) بوندن ایلك تکبیرلر مستثنادرکه انک سکنه سنی ایکی تکبیردن صکره اولور یعنی درت ایکی یه آیریلور . ط .

(۲) وعلى قول کلماتی بلا تخی تطویل ایدرک . ط . قال وکل ذلك مطلوب فی الاذان اه

(۳) بونک عکسی یعنی اذانه حدر و اقامته تمهل سکرومدر . کافی ط . قال والسنة ان يعاد الاذان لفوات تمام المقصود منه اه .

(۴) وتمام الحديث : والتکبیر جزم ، أى لافتتاح الصلاة . ص .

(۵) لانه لم يقف حقيقة لان المطلوب فيها الحذر . ط

(۶) هایدی نمازه ، هایدی نمازه دمسکر ، محشی دیرکه نمازه

الفلاح (۱) الله اكبر ، الله اكبر ، لا اله الا الله .
 خاصةً صباح نمازینك « حىّ على الفلاح » ندن صكره ايكى كره
 « الصلاة خير من النوم » دينوركه بوزياده يى حضرت رسول اكرم صلى
 الله تعالى عليه وسلم افندمز حضرت بلاله امر ايتمشار و صباح نمازینك
 زمانى وقت نوم وغفلت اولديغيچون « نماز اويقودن دها خير ليدر »
 نداسنى اونمازك اذننه خاص قيلمشاردر (۲) .
 كلمات اقامت شونلردر : « الله اكبر ، الله اكبر ، الله اكبر ،
 الله اكبر . أشهد أن لا اله الا الله ، أشهد أن لا اله الا الله ، أشهد أن
 محمداً رسول الله ، أشهد أن محمداً رسول الله ، حىّ على الصلاة ، حىّ
 على الصلاة ، حىّ على الفلاح ، حىّ على الفلاح . قد قامت الصلاة ،
 قد قامت الصلاة (۳) ، الله اكبر ، الله اكبر ، لا اله الا الله »

ندا اولديغى ايچون اصل اذان بودر . جزءك اسميله كله تسميه قيبيلندن اولهرق
 مجموعنه اذان دينلشدر چونكه مقصود اولان دخول وقتى اعـلام انـكله
 حاصلدر اه .

(۱) هايدى فلاحه ، هايدى فلاحه ديمكدر . محشى مرحوم مسلم شارحى
 نوويدن نقلاً ديوركه كلام عربده خيرى لفظ فلاحدن دها جامع بركله
 يوقدر . نصيحت لفظى دخى اكا ياقلاشور .

(۲) نوم دخى تحصيل طاعت ياخود ترك معصيته وسيله اولاقده عبادت
 اولهچغدن خيرتده علانه مشارك اولمشدر . نوم راحت دنيانى و صلوات راحت
 عقبانى بادی اولوب راحت عقبى راحت دنيادن افضل اولديغى ايچون خيريت
 و افضليت صلابده قالمشدر . فائنه " فجر ك اذافنده بو رياده يى ايتمليميميدر ؟ بوراسى
 محل توقدر اه ط .

(۳) « نماز قائم اولمشدر نماز قائم اولمشدر » يعنى نمازه شروع اولمقى
 اوزره بولالمشدر ديمك اولمغله جماعتك امامى بو ائاده نمازه شروع ايدر . جماعت
 موجوده دخى اكا اقتدا ايلر .

كلمات اذانیه و اقامیه نك ترجمه سی اصلی برینی طو نماز . یعنی لغت عربیه نك غیرى لسان اوزره اوقنان اذان هر نقدر اذان اولدیغی معلوم اولسه دخی کافی اولماز^(۱) . اقامت دخی اوله در .

اذان یوکسك بربرده اوقنمق مسنون اولور . و رفع صوت ایله اوقنور^(۲) . حتی رفع صوته مدار اولمق اوزره اذان ویرن کیمسه شهادت پارمقلرینك اوجلرینی قولاقلرینه ادخال ایتمك مستحب اولور . اللرینی قولاقلری اوزرینه قور ایسه اوده کوزادر^(۳) .

جامع ایچنده جمعه نك غیریده اذان اوقماز . اقامت عقد جماعت اولندیغی و نمازه طورلدیغی یرده اولور^(۴) . هرایکیسنده آباق اوزری و قبله یه قارشو طوریلور^(۵) . ضرورت

(۱) لوروده بلسان عربی فی اذان الملك النازل . ص . کان رسول الله صلی الله علیه وسلم أربعة مؤذنین بلال و عمرو بن ام مکتوم و ابو محذوره و سعد القرظ ، رضی الله تعالی عنهم . کما فی کتابنا الحقائق .

(۲) اوقیان رفع صوت ایچون کندیشنی زورلماز زیرا انسکه ضرر کوره ییلور اه بحر .

(۳) بونلر سنت اذاندر . اقامتده بو وضع سنت دکلدر . کما فی عبد الملیم .

(۴) اقامتی آلان امام دکل ایسه باشلادیغی یرده آتام ایدر . اگر امام ایسه یعنی نماز قیلدرمغه کچه جک ایسه باشلادیغی یرده بتورمک ایله موضع امامتده ختام ویرمک بیننده بخیر بونلور .

(۵) ترک استقبال ایدرسه حصول مقصوده مبنی اوده جائز و تنزیها مکروه اولور . ط .

سفر و وحله مبنی (۱) راکب بولند قجه قیام واستقبال ترك اولنماز (۲) .

اذانده اسماع و اعلان مقصود اولمغله اصل محل دعوت اولان حیّ علی الصلاة ندا سنده یوزینی صاغه وحیّ علی الفلاح ندا سنده یوزینی صوله چویرمک مؤذنه مستحب اولور (۳) .

مناره ده بولونیده صاغه و صوله تحویل رأس ایله مقصود حاصل اوله میه جغنه کوره طولاشور . طرز قدیم اوزره اولان تحته مناره لرده آرقه سنی قبله یه کتور میه رك (۴) باشنی صاغه و صوله چیقاروب اوقور . مؤذن موضع عالیده بولنه جغنی و مقرّ نساء اولان مواضعه مطلع اوله ییله جکی جهنله (۵) متقی و امین کیسه اولق و اذانده

(۱) سفر : یول یقدر . حضر ایله مقابله سندن ظاهر اولان سفر لغوی مقصود اولد یغیدر . شهر و قریه خارچنده راکباً تنفل جائز اولنجه اذان اولونیده در . وحل : چاموردر .

(۲) ترك استقبال تنزیها مکروه اولد یغنی محشی سویلدی . مؤلف دیرکه اذانی حال حضرده راکباً اوقومق دخی مکروهدر .

(۳) بونی کندی کندیته بولنه رق اذان اوقیان کیسه دخی یاپارکه سنت اذان بودر . س . و اوکه طوغان چوجقه اسم قومق ایچون و یاخود خوفه مبنی اذان اوقومش بولنسون . ط .

(۴) چونکه مکروهدر . ط .

(۵) خالد قسری که حجاج ثانیدر منارات مساجدی شاعرك شو قوله مبنی خانه ار سطوحندن اشاغیجه هدم و حط ایلمشدر :

لیتی فی المؤمنین حیاتی لهم یصرون من فی السطوح
فی شیرون أو تشير بهم بالهوی کل ذات دل ملیح
کما فی السکامل المبرد .

وجه مسنونی و اوقات صلاتی بیلور اولوب اذانی آبدستلی اوقومق مستحیدر .

اذانده تحسین صوت مطلوب اولمقله برابر تلحین و تغنی مکروهدر .

اذان اثناسنده مؤذنک کلام ایتمی (۱) و حتی سلام آلمی (۲) دخی مکروهدر .

مؤذنک بالغ اولمی دکل ، عاقل اولمی و مسلم بولنمی لازمدر (۳) صبیّ مرهقک و حتی صبیّ ممیزک اذانی

(۱) چونکه اذان خطبه کبی ذکر معظمدر . کلام ایسه تعظیمی اخلاص و نظم مسنونی تغییر ایدر . کلام کثیر ایسه اذان اعاده اولنور . بر وایکی کله قلیلدر . أفاده ط .

(۲) اذان اوقومقده اولان کیمسه کندینه ویریلان سلامی نه فی الحالونه بعد الفراغ نهده کندی کندینه رد ایتمز علی المعتمد . تلاوت قرآن ایدن و نمازده بولان و خطبه اوقیان دخی بوله در . درس ویرمکده اولان کیمسه ده دخی سلام آلمق لازم دکلدر اه من ط

(۳) کتاب المواکب العلیه فی توضیح السکواکب الدریهده مذکوردر که اذان واقامتده یدی شی شرطدر : «۱» اسلامدر . کافرک اذان واقامتی صحیح اولماز . «۲» تمیزدر . صبی غیر ممیزک اذانی واقامتی صحیح اولماز . «۳» کلمات اذان واقامتک ترتیبیدر . موضعندن تقدیم اولنانه اعتبار اولیوب بلکه علانه اعاده اولنور . «۴» کلماتی بیتنده موالاتدر . سکوت طویل و کلام کثیر ضرر ویردیکندن استیناف اولنور . «۵» دخول وقتدر ولوکه یالکز واقعده اولسون . بوندن صباح نمازینک ایلک اذانی مستثنادر . «۶» جاءت ایچون اولان اذان واقامتده جهر ایتمکدر . نفسی ایچون ایسه جهر مشروط اولماز . «۷» آنلردن هیچ برینک کلماتی آنلردن برازی اتیان ایدنک کلماتنه بنا ایتماکدر . تسکیم

بلا کراهه (۱) جائزدر

مجنونك و معتوهك و صبي غير مميزك و مسلم اولميا نك (۲) او قودقلى
اذان غير صحيحدر (۳) . اعاده اولئور .
سر خوشك (۴) و فاسقك (۵) و قادينك (۶) و قائم اولميا نك (۷) اذاني
مكروهدر .

اذانده عقل و اسلام شرط صحت ، و عدالت و ذكورت

جمعه نك اذان و اقامتنه اجتماع ايدن بعض كيمسه لر آنى يا بارلر (قوجه
مصطفى پاشا و حضرت هداى جامعلرنده اولديغى كى) . خاصة اذانده ذكورتك
اشراطى دخى زياده ايدلور . قادينك اذاني كافى اولماسز اقامتى صحيح
اولور اه

(۱) اى تحريمية . و التزيمية ثابتة لما ان غيره اولى منه . كذا
فى ط على الدر .

(۲) وهل يصير به مسلماً ؟ محل كلام . انظر الى البحر .

(۳) مكروه ديئانلر دخى كراهتن عدم صحتى قصد ايتملردر .
كافى ط .

(۴) سرخوش : كلامنده و مشينده استقامت اولميا ندر . طريق مباح
ايله اولق صورتنده اولديغى كى فاسق اولميه بيلور . آ نك ايچون تخصيص
بالذ كر اولئمدر . قاله ط فى حاشية الدر .

(۵) فاسق : ارتكاب كبيره ايله امر شرعدن خارج اولاندر . ط .

(۶) قادينك سسى فتنه در عورت دكلدر . جهل قراءت ايتميه
تمازى فاسد اوللاز . خشتاي مشر دخى قادين كبيرر . ط .

(۷) قاعده وراكبه و مضطجعه شاملدر . ضرورت سفرده راكب
مستثادر . قاعدك نفسيچون اولان اذاننده كراهت يوقدر . كافي ص .
بلا قيام اقامت مطلقا مكروهدر . ط

وقیام (۱) شرط کمال ، در . بناءً علیه انلک اذانی استجباً با اعاده اولنه بیلور (۲) .

اقامت دخی اذان کبیدر . شوقدرکه انده تکرار (یعنی اعاده) مشروع اولماشدر (۳) .

جنبک اذانی اقامتی کبی مکروهدر (۴) . آبدستسزک اقامتی مکروه و اذانی غیر مکروهدر . بونسلکه برابر نه اذانی و نه اقامتی اعاده اولنماز .

اذانه اقامتی وصل ایتمک هر نمازده بالاجماع مکروه اولمغله اذان ایله اقامت آرهسی وقت مستحبه مراعات ایله برابر (۵) . جماعته ملازمت ایدنلر حاضر اولنجهیه قدر فصل اولنور (۶) . اقشام نمازنده اذان ایله اقامت آرهسی اوچ قیصه آیت ویا بر

(۱) لصفة الملك النازل . کذا فی البحر . و ذکر المؤلف بدله الطهارة ، وحکمها مذکور بعد هذا .
(۲) قهستانیده اصح اولقی اوزره مذکور اولان قوله جنبک و مرأهک و مجنونک و سکرانک و صبینک و فاجرک و را کبک و قاعدک و ماشینک و منحرف عن القبلةک اعاده اذانلری مستحب و قول دیسکرده واجبدر .

(۳) بخلاف الاذان فانه معاد فی الجملة کما فی الجملة .

(۴) الاقامة أقوى من الاذان . ط .

(۵) فلا يجوز التأخير عنه الى المسکروه مطلقا . ط .

(۶) امر بويله در . ص . همده اذان ایله مقصود ناسه دخول وقتی اعلامدر تا که ناسطهارت ایله نمازده تهیؤ ایدرک جامعده کلسونلر . وصل حالنده بومقصود منتفی اولور . ط . سنتار جامعلرده قیلندیفی ایچون شمدی بوفصل مع زیادة حاصلدر .

اوزون آیت اوقته حق ویا اوج درت آدیم آنیلاجق قدر سگته ايله
فصل اولنور (۱) .

امور دینییه ده تکامل ظهورینه مبنی بش وقتده بعد الاذان « وقت
صلاه » دیمک کبی بر ندا ايله تشویب اولنور که ایکنجی بر اخطار
دیمکدر (۲) . هر بلده نك تشویی اهلنجه متعارف اولان وجهله در (۳)
(ولو بالنحنج لان المقصود الاعلام ط) .

اذان و اقامت سفر و حضرده فرض اولان نمازلك ادا وقضا -
سیچون ارککلره سنت مؤکده در (۴) . قادیلره مکروه در (۵) .
جمعه دخی فرائضدندر . بیرام و استسقاء و جنازه و وتر و تراویح
نماز لر بچون اذان و اقامت یوقدر (۶) .

(۱) بولر بری سربنه قریب حالدر و امام أبوحنیفه حضرتلرندن
روایتدر . عند الامامین ایکی خطبه آرمسندده اولدیغی کبی یره یراشمک
وهر عضو مفصلسندده مستقر اولق مقداری برجله خفیفه ايله فصل اولنور .
خلاف ، جوازده دکل افضلینده در . ط . وقد مر فی الأوقات المستحبة .

(۲) آنی ده مؤذن یاپار چونکه علمده ومرتبه ده کندینک فوقنده
بولنانه : نماز وقتی کلدی . دیمک مؤذندن بشقه کیمسه یه لائق اولماز
زیرا نفسی تفضیل چیقار . قاله ط .

(۳) متأخرین آنی مستحسن کورمشلدر . زمان سعادتده و زمان
صحابه ده صباح اذاندده کی زیاده دن بشقه تشویب یوغیدی . ط . والتشویب العود
إلى الاعلام بعد الاعلام .

(۴) علی التفصیل الآتی .

(۵) لما روی عن بن عمر من کراهتهما له . ص .

(۶) فلا یقع اذان المشاء للوتر علی الصحیح . ص . وقیل هو لهما
لأن الوقت لهما . ط .

فرض اولمیان نماز لره اذان و اقامت اولدیغی کبی (۱) فرض اولان نماز لره دخی اذان و اقامتک معاً مسنونیتی اهل مسجد حقننده و برده قیرده نماز قیلانه کوره در . اهل مسجد ایچون یعنی جامعلرک و مسجدلرک جماعت مستحبیه سیچون (۲) هم اذان او قنور همده اقامت آلنور اولدیغی کبی قیرده فرض قیلان کیمسه دخی منفرد بیلنه اولسه اذان او قور و اقامت آلور (۳) .

شوقدرکه اهل مسجد حقننده انلر مؤکداً سنت و هر برینک ترکی موجب کراهدر . قیرده نماز فیلالر حقننده انلر اکیدا سنت دکل ، موجب افضلیت اولدیغندن جماعت دخی اولسه لر مکروه اولان : اذان و اقامتک ایکیسی بردن ترک ایتمکدر . انلر اهل مسجدک غیری اولان جماعتلر کبی یا **المک**ز اقامت ایله اکتفا ایده بیلورلر (۴) .

(۱) مولودک و مهمومک و مصروعک و غضبانک و تیتیز خویلی انسان و حیوانک قولاغنه و حریق و یولجی آرقه سندن وارض خالیهده یوانی شاشیران کیمسه اذان او قومق مندوبدر . رد مختار .

(۲) قادیلر و عریالر جماعتندن و کذا شهرده صلات جمعیهی کرک بعذر ، کرک بغیر عذر فوت ایلسانلرک یوم جمعده صلات ظهر ایچون جماعت اولارندن احترازدر . کما فی ط . قید مذکور صوک جماعتلردن دخی احتراز اوله بیلور . کما استفهمه .

(۳) حدیث حضرت سلمانیه مبنی که : برکیمسه برارضده بوانوبده نماز وقتی اولورایسه آیدست آسون وصو بولمازایسه تیهیم ایتسون **اکر** یا **لک**ز اقامت آلورایسه کندیسیمله برابر ایسکی **ملک** نماز قیلار واکرهم اذان او قور و هم اقامت آلورایسه کندیسیمله برابر جنود الهیه دت ایسکی اوجی کورنمز جماعت نماز قیلار . بیورلش اولدیغی مشار الیه روایت ایله شددر . آنک حقننده بو علی سبیل الافضلیه در . ط .

(۴) لائر علی رضی الله تعالی عنه . کذا فی البحر .

اوده وقيرده اقامت ايله اکتقا جائزدر . اذان ايله اکتفا مکروهدر (۱) . محله نك وقریه نك مؤذن اهل محله واهل قریه ایچون نائب یعنی انك اذانی و اقامتی انلرده شامل اولمغله نمازی اونده ، دکانده قیلان کیمسه کرك منفرد کرك جماعت اوله رق (۲) قیاسون اذانی ترك ایتدیکی کی اقامتی دخی ترك ایده بیلور . ایکیسنك دخی ترکینده کراحت یوقدر (۳) مکرکه محله ده وقریه ده اذان او قنماش اوله . احوالده ایکیسنك بردن ترکی مکروه اولور . اقامت ايله اکتفا اولنه بیلور .

جمعه نك غیریده بروقت ایچون ایکی اذان مشروع اولدیغی کی هیچ بر فرض ایچون بردن زیاده اقامت دخی مشروع اولدیغندن جامعلرده فريضه وقت ، جماعت معتاده ايله علی وجه السنته ادا اولدقدن صکره قیلنه حق اولدقده جماعت بیله عقد ایدلسه اذان او قنمدیغی کی اقامت دخی آلتاز .

اذان و اقامت جماعت مستحبه سنتی اولدیغندن جماعت مکروهه (۴) ایچون اذان و اقامت دخی مکروهدر .

(۱) موضع سقوطده اولان اذاندر . اقامت دکلدر .

(۲) لافرق بین الواحد والجماعة . وفي رواية عن الامام فرق . قاله ابن نجيم .

(۳) صرح به ابن نجيم . بوندن قضا مستثنادرکه آنده ترك اقامت مکروهدر . تنسکیم بیان اولور .

(۴) بوندن اولکی مستحبه قیدینك هاشنه باقسکز . جمعه کوئی شهر ایچینده جمعه یی عزلی وعذر سز فوت ایدن منفرد دخی اوکون صلات ظهر ایچون اقامت ایتمسی محشینك افاده سنه کوره مکروهدر .

اذان واقامت ادا ده مشروع اولديغي كې قضا ده دخى مشروع و مسنوندر (١). متعدد كچمش نمازلك قضا سنده مجلس متحد اولديغنه كوره ايلك كنده اذان واقامت اوقيوب باقيسنده يالكرز برر واقامت آلق كافى اولور (٢). بوباده ترك واقامت مكر و هدر (٣) هر برى ايچون هم

كرك قبل الجمعه و كرك بعد الجمعه قيلمش اولسون . اهل سواده جمعه لازم اولديغندن انلره ظهر ده جماعت اولق دخى مكر وه اولماز . انك ايچون مسئله شهر ايله تقيد اولمشدر اه اهل سواد اهل قريه ديمسكدر . خاصة رستاق عراقه دخى سواد دينور . قال ابو الطيب :

بها نبطى من اهل السواد يدرسى انساب اهل العلا .

(١) چونكه اذان واقامت سنن صلاتنددر سنن وقتدن دكلدر اه ط . عليه الصلاة والسلام افندمن حضرتلى ليلاه تعريده كه مكه يولنده بر كچه آخر ايلده نوم واستراحت ايچون اولان نزولارنده ديمسكدر كچيرمش اولدقلى صباح نمازنى ارتفاع شمسدن صكره جماعت اصحاب ايله بر اكده قضا ايدرار ايكن حضرت بلاله اذان واقامتى امر بيور مشارددر . ص . او كچه حضرت بلالى ايفاظه مأمور ايتمشدر ايدى « من نام عن صلاة أو نسيها فليصلها كما كان يصلها : » حديثك سبب ورودى اولق حكمتنه مبنى حضرت بلال دخى بعد الهجد سائر صحابه ككى طنوعه دكين اويويه قالدى . رضوان الله تعالى عليهم . محشى ديركه افاده نك اطلاق قضانك مسجده و خانمده اولسنه شاملدر . لىكن اظهار تكاسلى بادر اولماق ايچون قضا مسجده اولمايدر . مكر كه وقعه احزاب ككى برامر عامه مبنى اوله . احواله مسجده دخى اولور . مسجده اولديغنه كوره اذانك دخى اخفاسى اولى اولور اه

(٢) لأنه اقتصر في بعض الروايات على ذكر الإقامة فيها بعد الاولى . ص .

(٣) لخالفته فعل النبي صلى الله تعالى عليه وسلم لانفاق الروايات على أنه أتى بالإقامة في جميع التي قضاها . ص .

اذان وهم اقامت او قومق افضلدر (۱) . مجلس قضا مختلف اولديغنه كوره مجلس ثانيده دخى ايلك فائته ايچون همده اذان او قور .

اذان مسنونى يعنى وقتنده اوقنان وتغير حروفى مؤدى لحن وتغنيدين خالى اولان اذاني ايشيدن كيچسه (۲) تلاوت قرآن اوزره دخى . اراسه طوروب اذاني استماع ركلمانه اجابت ايدر (۳) . نمازده اولان ولو جنازه نمازي اولسون وخطبه اوقويان (۴) وياديكله يان ودرسده ويمكده وياقضاء حاجت اوزرنده بولنان (۵) اجابت ايلز .

(۱) يوم احزابده كه خندق وقع سيدر اوكله وايكندى واقشام وياندو نمازلاندن مشغول قاللربله انلرى على الترتيب جماعة قضا ايتديلر وهربرنده حضرت بلاله هم اذان وهم اقامت اوقتديلر . س . (۲) اوزاقغه ياخود صاغراغه مبنى ايشتمانه اذان اولديغنى بيلسه دخى اجابت مشروع اولماز . مسنون قيدندن اكللاش بيلان سنت وجهه اوزره اوقتميسان ادانه اجابت دخى منسوب اولماز اولديغيدر . مفاهيم كتب چچندر . ط .

(۳) مسجدده دخى بولنسه افضل اولان بودر . فوائده : « مسجدده اولان (اجابت فمليهده بولنشديك اولغله) تلاوته دوام ايدر خانه سنده اولديغى زمان دخى اكر محله سى مسجدنيك دكل ايسه ينه اوليله در . » ديو مذكوردر . اذانلر تعدد ايتدكده يالكز ايلكنه اجابت ايلز . س . (۴) ولو خطبه نكاح اولسون .

(۵) بحر رائقده : يشمل الجماع والمستراح ، ديمشدر اه

جنب اجابت ايدر (١) جائز و نفساء اجابت ايلدز (٢) .
 كلمات اذانه اجابت مؤذنك دير يكني ديرك اكا متابعت
 ايلمكدر (٣) . يالـكز حيميله ارده يعنى حى على الصلاة و حى على
 الفلاح جمله ارده مستمع و لا حول ولا قوة الا بالله ، ديركه معصيتدن
 دونمك و طاعته قوتلنمك انجق فضل الـسى ايله در ديمكدر (٤) .
 (بعد الاجابه دعا مستجابدر ص) . صباح اذانك تشويبنده كه الصلاة
 خير من النوم ، جمله سيدر . صدقت و بررت . ياخود : ماشاء
 الله كان وما لم يشأ لم يكن . ديركه اولـكـنـك معناسى : طوغرى
 سويلهـكـ (٥) ديمك اولوب ايكنـجـينـك معناسى : جناب حقك ديله ديكني

-
- (١) چونكه آنك سويليه جكي ثنادر حقيقة اذان دكلدر :
 ط على الدر
 (٢) بولردن اجابت فعليه ساقط اولغله اكا تبعاً اجابت قوليه
 دخى ساقط اولور . ص مع ط
 (٣) سويله مكده مؤذن سبى ايتموب هر جمله ده آنى تعقيب ايلر .
 ط . بزم خلق بو خصوصـه ايكنى وجهله غالطدرلر كه اجابت قوليه يي جمعه
 اذانه اذانك صوك جمله سنه قصر ايدرلر همده آنى مؤذن اول سويلرلر .
 انصاف مخلندهده جهر ايدرلر .
 (٤) حيميله ايله حوافـنـك جمعى دخى تجويز اولمشدر و بو
 عملاً بالا حاديت مختار بن هاندر . كما فى البحر . قال و قولهم انه يشبه
 الاستهزاء لا يتم اذلامانـك من صحة اعتبار الجيب بهما داعياً لنفسه اهـ
 باختصار .
 (٥) بررت دخى صدقت به عطف تفسيردر . « بر » فى كلامه دينوركه
 صدق مناسندهدر ، « بر » فى يعينه دينوركه يعينه صادق چيقدى حانث
 اولمدى ديمكدر ، « صدقت و بالحق نطقـت » دخى دينور . كما فى ط .
 قال : ولا خفاء فى حسن الجمع .

اولور ، ديله مديكى اولماز ديمكدر (١)

ختم اذانه ثم مؤذن وهم مستمع كندی كندی نه صلوات شریفه
اوقیوب دعاء وسیله نی (٢) ایدرکه اوده شودر : «اللهم رب هذه الدعوة
النامة والصلاة القائمة آت محمداً الوسيلة والفضيلة وابعثه مقاماً محموداً
الذى وعدته .» (٣)

حكم اجابتده ائمهمز اختلاف ایدوب بعضلر آنك وجوبنی وبعضلر
استحبابنی تصریح ایتدیلر .

(واجب اولماسی معتمددر : «أشهد أن محمداً رسول الله» جمله
جلیله منك ایلکینه اجابتده : «صلى الله عليك يا رسول الله» وایکجیسینه
اجابتده : کرم سنکله روشن اولسون . مآلنده اولمق اوزره : «قرئت
عيني بك يا رسول الله» ديمك (٤) وبونلری دیر ایلکن باش پارمقلرينك
طرقاقلرينی یاخود شهادات پارمقلرينك اوجاری ایچنی بالتقبیل کوزلرينه

(١) بونده کی کان ویکن کلهلری تامه در . ط .

(٢) ذکر جزء و اراده کلددر . موصل مطلوب اولان هر شی وسیله در .
وسيله الى اللهك حقیقی : علم و عبادت و تحری مکارم شریعت ايله طریق حق
مراعاتدر . حاصلی : فعل .أمورات واجتناب منہیاتدر . بودعاده کی وسیله :
جنتده بر عالی مقامدر . کما فی ط .

(٣) الذى مقسامك صفتیدر اگر او مقام عظیمه علم قیلنمش
ایسه . والا ، بدلا . حرف تعریف ايله : المقام المحمود . دخی روایتدر .
ذکره ط . والفضيلة دن صکره « والدرجة الرفیعة » زیاده سی اولمدیفی کبی
صوکننده یارحم الراجین دخی یوقدر . ابن عابدین .

(٤) بوجله فعلیه نی اسمیه اوقومق منشأی دفعنزلکدن عبارت
اولان أغلاط خواصنددر .

سورمک دخی مستحب اولور . کما فی ط (١) .

اقامت آلان کیمسه اقامتدن صکره سنت قیلسه یاخود امام اقامتدن صکره حاضر اولسه اقامتی اعاده ایتمز (٢) .

مؤذن اقامت آلور ایکن جامعه کیرن کیمسه امام نماز کاهنده قائم اوانجه قدر اوطورر . آیافنده انتظار ایتمک اکا مکروه اولور . در مع الرد .

(١) ایسکنجییه « اللهم متعنی بالسمع والبصر » دعایی دخی علاوه اولور . « رضیت بالله رباً وبالإسلام دیناً وبمحمد صلی الله تعالی علیه وسلم نبیاً » دخی دینه یلور .

ابن عابدینک تصریحی وجهله بونلرهب اذانه عائد شیلردر . اقامتده بونلرک هیچ بری یوقدر عوام بونک عکسنه مبتلادرکه اذانه یاپیله حق شیئی اقامتده یاپارلر . صاحب بهجه (اذانه دخی) ذکر اولنابان ادعیه و وضع ظفر ابهامین خصوصی قهستانیدن نقل ایندیکی حالده : بونلر کتب معتبرده بولنمشدردر . دیور قلینظر .

(٢) اقامتک اره می غسل ایتمک کبی برشی ایله اوزار یاخود ارهیه اکل و شرب کبی قاطع عد اولنان شی کیرر ایسه اقامت اعاده اولنق کرکدر . در مع ط . سجده تلاوتده قاطع مجلس اولان کلام کثیر یاخود عمل کثیر دخی اولیله در . کما فی الرد .

شروط واركان صلوات

شروط : شرطك ، اركان : ركنك جمع عیدر .
 شرط (١) في الاصل بر خصوصده بر شئى آخره الزام و یا نفسنده
 التزام ایتمك معنائه باب اول و ثانیدن مصدر اولوب بر شئك خارج
 موقوف علیہ اولان متعلقه اسم قبله مشدر .
 ركن في الاصل جانب اقوى معنائه اولوب شئك متعلق داخله
 اطلاق اوله مشدر (٢) .
 نماز كنند سیله صحیح اوله بیله جك شیلره تیقظ حاصل اولمق
 ایچون شروط ایله اركان جمع ایدله مشدر آنلر هپ فروض صلاتدر (٣)
 و اون ایکی یه منحصر دكلدر .

(١) ساكن الراءدر . متحرك الراء اولان شرط علامت معنائه در
 و جمعی اشراطدر : سبب و اسباب كبی . شرائط شریطه نك جمعیدر . شریطه :
 دونه نك و غنمك یارق قولاقلیسیدر . كذا في المنحة .
 (٢) مشروعه متعلق اولان شی اذك ماهیتنده داخل ایسه ركن
 تسمیه اولنور : نمازه نظراً ركوع كبی . خارج اولدیفنه كوره انده
 مؤثر ایسه علت تسمیه اولنور : حلالیه نظراً عقد نسكاح كبی . مؤثر
 اولیوبده اكا في الجملة موصل ایسه سبب تسمیه اولنور : نمازه نظراً وقت
 كبی . موصل اولیوبده شی اكا متوقف ایسه شرط دینور : نمازه نظراً
 آ بدست كبی . متوقف دكل ایسه علامت دینور : اذان كبی . كما في الاصول
 و ذكره ابن عابدین في حاشية البحر الرائق .
 (٣) فرض : لزومی مقطوع به اولان شی معنائه اولهرق شرط
 ایله ركنندت اعمدر . شرط و ركن اولیان شئیته دخی اطلاق اولنور .
 كما في الدر مع الرد . انظر الى الفرض الحادى والعشرين من هذا
 الكتاب .

التیسی شروط خارجه والتیسی ارکان داخله اولمق اوزره مجموع
فروض صلاتی اون ایکی یه قصر ایدنلر متعلبه حفظی تقریب ایتمک
ایسته مشلدر . والا ، مصلی بزم ذکر و تعداد ایده جکمزه مع زیاده
محتاجدر .

صحت صلات ایچون یکرمی یدی شی لابدر :

(۱) حدندن طهارتدر (۱) .

(۲) مصلینک جسدی و لباسی و نماز قیلدیغی مکانی معفو اولمیان
مقدار نجسدن طاهر اولمقددر (۲) .

نمازده اولان کیمسه رب العالمینه مناجاتده اولمغله احسن
احوال اوزره اولمق لابدرکه بوده کتدینک و لباس و مکانک
طهارتیهدر . ط .

[وثیابک فطر] قول کریمیه نصاً مشروط اولان طهارت ثیابدن
زیاده بدن و مکانک طهارتی لازمدرکه بوازوم نصّ مسذکورک
دلالتیهدر (۳) چونکه مکانسز نماز موجود اوله ماز لباسز ایسه موجود
اوله بیلور (۲) .

(۱) کرک حدث اصغر و اکبر و کرک انک مزیلی اولان آبدست
و غسل و یا تیمم کتاب الطهارده مبین اولمغله تکراره حاجت
یوقدر . طهارت اُمم اولدیغیچون سائر شروطه مقدمدر چونکه مفتاح
صلاندر .

(۲) نجاست و انواعی و معفو اولوب اولمیان مقداری کتاب الطها -
رده مذکوردر .

(۳) دلالت نص هر اول معنادرکه علتده اشتراکنه و حکمه
اولویتنه مبنی عالم بالوضع بوانان کیمسه انی نصّ مذکوردن فهم ایدر . ط .

(۴) بونی مؤلف سترعورت قیلنده ذکر ایتمشدر . بوبابده

(بعض مسائل : بر کیمسه نك نجس اولديغی اعتقادنده بولنديغی
توبك (لباسك) ايچنده قيلديغی نماز ، توب كندينك خلاف اعتقادی
اوزره طاهر دخی ظهور ایتسه صحیح اولماز (۱) .

نجاست یابسه اوزرینه سریلان شی ماتحتی کوریلور درجهده اینجه
اولور ویاخود رائحهسی اولان نجاسته کوره قوقوطلویلور ایسه آنك
اوزرنده نماز قیلیق جائز اولمیوب ط سریلان شی ساتر عورت اولغه
صالح اولور یعنی ماتحتی مرئی اولماز درجهده بولنور وآندن نجاست
قوقوسی آنماز اولور ایسه اوزرنده قیلنن نماز جائز اولور .

نجاست رطبه اوزرینه کچه آتوب (۲) و قالین اولمیان شیئی ایکی قات
ایدوب ویاخود نجاستی طوپراق ایله اورتوب قوقوسنی آلهماز ایسه
تماز جائز اولور .

اوجنده کوبره قایغی (۳) کبی نجاست مربوط اولان ایپ مصلیده
اولق و اوجی نجس اولان صاریغك طاهر طرفی مصلینك باشلنده

درختارك افادهسی ایندرکه « لقوله تعالى وثيابك فطير فبدنه ومسكانه بالاولی
لانهما الزم » دینلشدر . آیت کریمه ایله وجه استدلال بودرکه ثیابدن
نمازده ملبوس اولان ثیاب مقصود اولق اظهر اولوب انك تطهیری دخی نجاستدن
پاك ایدلسیدر . وبوقول فقها وارجح تفاسیردر . مصلینك بدن ومسكانی
تطهیره اولی اولق انلرك كنديسنه مزید ملاستندن اوتوریدرکه لباسك اندن
انفصالی متصور وبدن ایله مسكانك اندن انفكاکی غیر متصوردر . أفاده ط
فی حاشية الدر .

(۱) بومسئلهینی مؤلف متعلقات شروط فصلنك استقبال قبله بچشده
ومحشی دخول وقعی اعتقاد شرطنك بیانی ائناده ذکر ایلشدر .

(۲) کچهدن مقصدقالینغی جهتله ایکی یه یارمغه هر صالح اولان شیدر :
طاش ، کرپیچ ، تحتہ کبی . ذکره ط . وسیاتی فی الفصل الآتی .

(۳) ویاخود نجس العین اولدیغنه قائل اولانه کوره کلب . ط .

بولنمق صورتلارنده اكر او ايپ ياخود صاريق براوجنك تحريك اولنمسييله ديكر اوجي حركت ايتمز درجده اوزون ايسه نماز صحيح، والا غير صحيح در .

نجس اولان خيمه يه (۱) باشي دكـكده اولان مصلينك نمازي كبي كه اودخى غير صحيحدر .

مصلينك قوجاغنده كنديني طوته بيلان (۲) صبي متنجسك بولنمسي ومتنجس قوشك راس مصلى يه قونمسي انلردن نجاست غير معفو آيريلوب مصلى يه كچمش اولدقجه صلاتنى ابطال ايتمز ، چونكه مصلى انى حامل عد اولنمديغى ايچون شرط اولان طهارت موجود اولمشدر

قسمتانيده مذكوردر كه آياق قابرينى نجاست اوزرينه قويه رق انلر اوزررنده طوروب نماز قيلق جائزدر انلرى آياقرينه كهرك نماز طوررق جائز دكلدر اه (۳) .

(۳) حتى (۴) مصلينك ايكي آياقلارينك موضعى طاهر بولنمقدر ، على الانفراد بر آياغلك وعلى التخمين جمعاً ايكي آياغلك الننده نجاست مانعه بولنان مصلينك نمازي باطل اولور ، نمازده بر آياق

(۱) سقف دخى اويلهدر . چونكه اكا تماس ايله حامل نجاست صاييلور . ط .

(۲) چونكه چوجق كنديني طوتار ايسه مصلى آنى حامل عد اولنماز . كنديني طوتهماز ايسه انده كي نجاستى اوحامل صاييلور واو حالده نماز صحيح اولماز . اؤده ط .

(۳) بزجه بو مسئله نك تطبيقى جامم خارجنده قيلنـان جنازه نمازنده در .

(۴) طهارت مكانك اشراطنه تفريره در . ط .

اوزره طور مق مع السكراهه صحيح اولوب موضع طاهر دن موضع نجسه انتقال ايله بر ركن ادا ايده چك قدر انده مكث ايتماش اولوق دخي نمازی ابطال ایتمز . اكر اوقدر مكث ايدماش اولور ايسه (بالفعل اداء ركن ایتمه دخي ط) نمازی قول مختار اوزره ^(١) باطل اولور .

(٤) مصلينك ايكي ال وديزلرينك موضعی دخي علی الصحيح طاهر بولنمقدر . چونكه سجده یدی كيك اوزرينه ايديله كلسدركه انلر : ايكي ال وایكي ديز وایكي آياق و برده جبهه در . بونلری وحتی قوللرینی سجده ده علی السكراهه یره یا یق تقدیر نده انلری نجاست اوزرينه وضع ایتك نجاستی حامل اولوق دیمكدر . حامل نجاست مانعه اولانك ايسه نمازی صحيح دكلدر ^(٢) .

(٥) موضع جبهه دخي طاهر بولنمقدر ، تاكه یدی عضو اوزرينه سجود تحقق ایتمش اولسون .

امام ابو حنیفه حضر تارندن بو بابده اولان ايكي روايتك اصحی بودر . و بو قول امامیندر . موضع جبهه نك اشتراط طهارتی هرايكي

(١) كه قول امام ابو یوسفدر . امام محمد : ركنی بالفعل ادا ایتمكجه نماز فاسد اولماز . دیمشدر ط .

(٢) مؤلف مسئله یی بویله تعلیل ایده چكنه مقام . تعلیلده سجده نك یدی كيك اوزرينه اولسی فرض اولدیغی سویله مشدر انلرك جملة موضعی فرض اولنجه برينك تركی مفسد صلات اولوق لازم كلوب حالوكه نمازده بر آياق اوزره بولنه نك مع السكراهه جوازینی بوراده ویا السكز برال و برديزك سجده ده فرضیت وضعی آتیده كنديسی تصریح ایتمشدر . ولسكن وضعی فرض اولیان عضو ك دخي وضعی تقدیر نده موضعك طاهر اولسی لازمدر . والا حامل نجاست عدا اولنور . نيه عليه الخشی .

قوله كوره يعنى كرك سجده ده وضع جبهه فرض اولمق قول راجعنه وكرك انك عدم فرضيتى حقننه كى قول مرجوحه كوره لازمدر چونكه فريضه سجود كرچه قول مرجوحه كوره ارنه (بورن اوجى) مقدارينك وضعيله دخى حصول بولمش اولور ولسكن وضع مذكور مع الجبهه واقع اولمق صورتنده (تطويل قراءت مسئله سننده اولديغى كى ط) جمله فرض واقع اوله جفتدن نجس اوزرينه كله كله حكماً معدوم اولوب مكان طاهرده دخى اعاده اولنسه نماز ظاهر روايته معتبر اولماز (۱)

(۱) امام ابو يوسفدن سجودك محل طاهر اوزرنده اعاده سى تقديرنده صلاتك جوازي روايت اولمشدر ط . اهليك معلومى اولديغى اوزره بو عسلم اصولده امر ايله نهيك اضدادنده اولان حكى حقننه كى ابخاندندر : سجودك طاهر اوزرينه اولسى مأمور به اولغله نجس اوزرينه اينديلان سجده كرچه فاسددر ولسكن مأمور بهى مفوت اولماغله و چونكه سجده نك طاهر اوزرينه اعاده سى ممكن اولغله صلات دخى او حالده امام مشار اليه چه جائز اولوب فاسد اولماز . طرفين عننده ايسه نماز متجزى دكلدر انك جميع اركاننده دوام طهارت مأمور به ايكن فرض اولان برعماننده كه ركن سجوددر بر مدت نجاست اولسى مقصود بالامرى مفوت اولغله نماز فاسددر . تسكيم دررده وتوضيح وتلو بحدده مييندر . لسكن تلويحى تأمل كر كدر كه ذكر اولنان اختلاف آنده مكان نجسه وضع وجه اولنقى صورتنده كوستريلوب وضع يدين يا خود وضع ركبتي صورتنده صلاتك عدم فسادى چون امام زفر دن بشقه مخالف يوق دينمشدر حال بوكه ال وآياق ودين مواضعيله آلن موضعنك نجاست مانع دن لزوم طهارتنجه يكدى كرندن فرق اوليوب درك مفسدات صلاتنده بونار ايله موضع سجود آره سننده فرق اولديغنه دائر اولان افاده سى شرنبلاليه ده مصرح اولديغى اوزره مرجوحدر . شوقدر بر فرق واردركه سجود تحقيق ايده ييلك ايچون توضيح وجهه لابد

ساتر محلل رینک طهارتیلہ برابر بورن محللک نجاستی بالاتفاق مانع دکلدر چونسکہ مقدار درهمدن اقلدر . انی (بورنی) سجدهده محل نجسه وضع ایتمک هیچ قویماش کبی اولمغله او کیسمسه سجدهده وضع جبهه اوزرینه اقتصار ایتمش کبی اولور که بوده مع الکراهه جائزدر (۱).

(۶) ستر عورتدر . (ستر اورنمکدر . عورت فصلل آئیده میندر .) نمازده ستر عورنک (۲) فرضیتی بجمع علیهدر : « خذوا

ووضع یدین ورکبتین غیر لابدر . سجدهده برال وبردیزایله بولنق دخی ممکن وسجود صحیحدر . فرض کندیسيله ممکن اوله بیلان شی دخی فرض اوله جغندن آتیا مذکور اولدیفی اوزره سجوده برالک وبر دیزک وضعی دخی فرضدر . بر جانبک عین وضعی ظاهر اولدقجه دیگر الی ودیزی موضعنده نجاست بوانسدهده اوزرینه وضع عضو ایتمش اولدقجه مصلی حامل نجاست صایلماز . بناء علیه نمازیده فاسد اولماز . فرض لازم اولیهرق هرایکی جهتجه وضع واقم اولق تقدیرنده نجاست اوزرینه واضم عضو اولان حامل نجاست دیمک اوله جغندن هپسنک مکان وضعی ظاهر اولق لابد اولور وترک وضع ایتمش کبی اولماز . عشی مرحوم کمال بن الهمامدن نقلاً بیان ایتمشدر که مکان یدین ورکبتینک عینم اشتراط طهارتی آنلرک عدم وضعلری حالندهدر .

(۱) کراهت تحریمهدر . آنک ده وجهی سجدهده انک جبهیه وجوب ضمیدر آتی نجس اوزرینه وضع ایدن هیچ وضع ایتماش کبی اولور . أفاده ط .

(۲) ازک غیریده دخی ستر عورت واجبات دینه دندر . هم حق خالق وهم حق مخلوق اولدیفیچون خلوتده دخی کشف تفوط واستنجا کبی غرض صحیح ایچون اولدقجه ستر علی الأصح واجب اولدیفی عشی مرحوم فصل آئیده ذکر ایتمشدر .

زینتکم عند کل مسجد» قول کریمندہ زینت : لباس ایله ، و مسجد : نماز ایله مفسر در .

(لفظ زینتہ مراعاة نمازی احسن ثياب مباحہ ایچندہ قیلق و مصلینک لباسی بیر تقارندن سالم اولق مستحبدر . ط) .
سترده شرط اولان محل عورتک اطرافدن اورتیلی اولمایدیر .
یاقه دن و یا اتسکدن باقله قله کورینور اولسی ضرر ایتمز (۱) چونکه بونک منعیچون تسکف ایتمکده حرج واردر . اوده شرعاً مدفوعدر .

کییلان شیئک طار لغندن ناشی عضو عورتک بللی اولسی دخی مانع دکلدر (اینجه اولوب آتی کورینور اولسی مانعدر) .
لباس حریر و لباس مغضوب ایله ستر عورت ایدوب نماز قیلق صحیح و انجیق ضرورتک غیریده تحریماً مکروه اولور (۲) .
بولاق صو و یا چامور (۳) یا خود یا پراق ایله تستر ممکندر .

(۱) بلا سراویل برقیص ایچندہ نماز قیلان کیمسه نک یاقه سی آچیق اولوبده اورادن کندی محل عورتی کورر اولسی علی الصحیح ضرر ایتمز زیر کندیسنه مس و نظار جائزدر . شو قدرکه خلاف ادب اولغله اونماز ناسد دکل ایسه ده مکروهدر . علی الصحیح قیدینک مقابلی : محل عورتک کندندن دخی ستری شرط اولدیغنه دائر بعض فقها دن منقول اولان سوزدر . اوقوله کوره لویه سی یاقه سی ستر ایتمکده ایسه صلاتی صحیح والا غیر صحیح ، در .
أفاده ط .

(۲) غصب هیچ کیمسه یه حلال دکلدر . لباس حریر ارککه حرامدر .
لکن اهو ن شرین اختیار اولور .

(۳) بونلرک ایچندہ نماز ایما ایله قیلنور . تکیم فصل آتیده متناً تصریح اولنور .

ظلمتک سترینه اعتبار یوقدر . جام کبی ماتحتی مرئی اولان شی دخی
ساتر عورت اوله ماز .

(۷) استقبال قبله در (۱) . نمازده استقبال قبله کتاب وسنت
ایله شرطدر ، اجماع دخی انک اوزرینه در . کتاب کریمده
(فول وجهک شطر المسجد الحرام و حیثما کنتم فولوا وجوهکم

(۱) استقبال بر شیئه یونله کدرکه استدبارک ضدیدر . بونده کی
سین وتاء طلب ایچون دکلدز چونکه شرط اولان طلب مقابله دکل ،
بالفعل مقابله در ، استفعال : استقرار واستمرار کبی ثلاثی معنسانده در ،
مکرکه حال اشتباهده اولدیغی کبی حصول مقابله متوقف طلب اوله .
کما فی الرد . قبله یونلمک حالیدرکه بر شیئه قارشو طورشددر : مکسور
الاولئل اولان جلسه ورکه و خره کبی مصدر بناء نوعدر . جهت
معنسانده کلودرکه بوراده مقصود اولان اودر وبالخاصه نمازده استقبال
اولنان جهتدر که مکّه مکرمهده کی کعبه معظمه در . ابتداء اسلامده
کعبه تبخانه حالنده اولمغه نماز بیت مقدسه متوجهاً قیل: ورایدی . محشی
دیرکه لکن علیه الصلاة و السلام افندمز حضرتلری مکّهده ایکن
کعبهیه ارقه ویرمیوب آتی نمازده بیت مقدس ایله کندی اره سنده
بولندیرر ایدی تنکیم حاکم و سائری تصحیح ایتشلردر . وحق جل
و علادن کندیلرینک جهت کعبهیه توجهلرینی طلب و توقم بیوررلر
ایدی چونکه کعبه بدزلری حضرت ابراهیمک قبلهسی اولدیغی کبی
قوم عربک دخی مفخری و محل زیارتی اولمق حسبیلہ ایمان ایتملرینه
دما داعی ایدی ، هجرتدن اون آتی آی و بر قاچ کون صکره که
ایکنجی سنه هجرت رجبک نصفی اولان بازار ایرنسی کونیدر (تاریخ کاملده
اون سکزنجی آی اولان شعبانک نصفی صالی کونی دبو مذکوردر)
جناب حق کندیلرینی کعبهیه تحویل بیوردی ، مسجد بنی سلهده صلات ظهرده
اصحابیلہ ایکی رکعتی قیلدقارندن صکره تحویل ایتدیلر ، ارککلر قادیلارک
وقادینار ارککلارک یرلرینه کلدیلر و او مسجد : مسجد القبلتین . تسمیه
اولندی اه .

شطره) بیورلدیغی کبی حدیث شریفده دخی « اذ اقم الی الصلاة فاسبغ الوضوء ثم استقبل القبلة الخ » و : « لا یقبل الله صلاة امریء حتی یضع الطهور مواضعه ویستقبل القبلة ویقول الله اکبر » بیورلدشدر .

مکی مشاهد یعنی مکده بولنوبده کعبه* مکرمه یی کورمکده اولان کیمسه ایچون فرض اولان : کعبه نك ذاته اصابت ایتمک یعنی طوغریدن طوغری به بیت معظمه یونلکدر (۱) . مشاهد اولمیا نه یعنی کعبه کوزینک اوکنده بولنمیا نه کوره فرض اولان مکه نك ایچنده دخی بولنسه وارده بنا و جبل کبی (۲) بر حائل اولسه : کعبه جهته طورمقدر .

(جهت دخی توسعه علی الناس عین کعبه کبی قبله در . حتی (آفاق به کوره) ارده کی مانع ازاله اولنسه استقبالك عین کعبه به واقع اولسی شرط دکدر . ط) (۳) .
قبله : کعبه نك بناسی دکل ، بقعه سی (عرصه سی) در . او بنا بشقه یره نقل اولنسه قبله کاه اولماز .

-
- (۱) اتفاقاً • چونکه یقیناً اکا قادردر • ص . بر جزء نه اولسون اصابت ایدرده کنه نك باقی اعضاسی مسامت جهت بولنور . ط •
(۲) بعضر جبل حائل اصلی اولغله آنک اوزرینه چیقوب عین کعبه یی استقبال ایتمک کرکدر دیدیلر . کما فی ط •
(۳) جهت دلیل ایله بیلنور . أمصار و قراده دلیل محاریب قدیمه درکه آثار اصحاب و تابعین اولغله ار استقبالده انره متابعت ایتمش اولورز . بحار و براریده دلیل دمیر قازیق دینیلان قطب شمالی بیلدیزیدر . کما فی ط •

کعبه منهدم دخی اولسه نماز ینه انک موضعهنه وجهتهنه متوجهاً
قلنور (۱) .

نیت قبله نمازده شرط دکلدر . اکا یونلک انی نیت ایله کدن
مغنیدر (۲) . بقیه مسائل فصل آتیده در .

(۸) فرائض خمس ایچون دخول وقتدر . صلوات مکثربه عبادات
موقوته اولمغله وقت مؤدایه هم ظرف وهم سبب وجوب همده شرط
ادا در (۳) .

(۹) دخول وقتی تیقن ایتمش اولمقددر . تاکه عبادتی نیت
جازمه ایله اوامش اولسون . چونسکه شک اوزره اولان جزم
ایتمش اوله ماز . حتی کندنجه وقت دخول ایتمش اولدیغی
حاله نمازی قیلوبده وقتک داخل اوامش بولندیغی صکره دن

(۱) جبال عالیهدده یاخود آبار عمیقہ سافلهده دخی قیلنسه اولور . تنکیم
سطح کعبهده وجوف کعبهده دخی نماز قیلنور . ذکره ابن عابدین .
(۲) چونسکه قبله وسائلدندر . وسائل ایسه آبدست کبی محتاج نیت
اولیوب شرط انک حصولیدر . ط .

(۳) اصولده مقرر اولان بودر . مؤلف مرحوم وقته سبب ادا
وشرط وجوب دیمشدر که سبب ادا اولسی وجوبک اکا تعلق ایتمسی
حیثیتدن و شرط وجوب اولسی وجوب فعل صلاتک وجود وقته متوقف
بولنسی حیثیتدندر کما فی الحاشیه . مؤلف دیرکه وقتک اشراطی کتاب
وسنت و اجماع ایله ثابتدر . کتاب کریمده « ان الصلاة كانت علی المؤمنین
کتاباً موقوتاً » بیورلمشدر . سنت دخی امامت حضرت جبریل حدیثیله فعل
رسول و اوقات صلاتده ذکر اولان قول رسولدر ، اجماع دخی صلوات
مکتوبه نیک عصر سعادتن برو اوقات معلومه سی ایچره ادا اولنمده اولسندن
عیارتدر .

كندیسنه تبين ايدن كيمسه نك قیلدیغی نماز کافی اولماز^(۱) .
(۱۰) نیت ایتمکدر^(۲) تا که عبادت عادتنن تمیز ایدوب
نمازده حق سبحانه و تعالی ایچون اولان اخلاص متحقق
اوله^(۳) .

نیت لغتده عزم معناسندهرکه اراده جازمه دن عبارتدر .

(۱) چونکه او کیمسه کندی نمازینک فسادینه دلیل شرعی اولان
تحریری به بناء حکم ایتمش اولقدن صکره آنک خلایق ظاهر اولقله
اوفساد جوازه منقاب اولماز و آنک کفرده وقوعندن قورقيلور . ص .
حلالیتنی اعتقاد صورتنده امر ظاهردر . حرمتنی اعتقاد ایتمک صورتنده
دخی بو حال آنی شیئی موضعی غیری به وضعه ؛ مثلاً نمازی نجاست ایله
وقبله نك غیری به قیلدهده سوق ایدر . بونلری یاپان کیمسه نك ایسه کفرنده
اختلاف واقم اولمشر . لکن مؤلفک تعلیلی حکمی بیلايه کوره ظاهر
در . کندنجه او نماز صحیح اولدیغنه کوره ظاهر اولماز . مکرکه :
او اعتقاد فاسد اولق حسبیه عدم منزله سننده اولدیغندن او کیمسه شرعاً
حکمک عارفی عد اولنه رق نمازی آندن طولای کندی تقصیری سببیه زجرأ
فاسد اولور . دینامش اوله ط .

(۲) واشتراطها بالاجماع لا بقوله تعالى وما امروا الخ فان المراد
بالعبادة هنا التوحيد ولا بقوله عليه الصلاة والسلام انما الاعمال بالنيات
لان المراد انما ثوابها ولا تعرض فيه للصحة اه ط على الدر وعامة
فی البحر .

(۳) عبادتک عادتنن تمیزنه مثال : مفطرتدن امساك ایتمک آکا
حاجت اولدیغنه ویا حمیه ایدلدیکنه مبنی دخی اولور . بناء علیه صومک
آندن امتیازی انجق نیت ایله اوله بیلور . بر طاقم عبادات دخی یکدیگرندن
تمیز ایتمکده محتاج نیت بوانور . آنکده مثالی : نهازک فرض ویا واجب یاخود
نافله اولانی اولقله بونلرک یکدیگرندن امتیازی دخی انجق نیت ایله
اوله بیلدیکیدر . ط .

شریعتده قصد طاعت ایتماک یعنی جناب حقہ خلوص اوزره (۱) نماز قیلخی اراده ایلسکدر .

اخلاص : سنکله ربک اره سننده بر سردر . ملک مطلع اوله ماز که انی دفتر اعمالکه قید ایتسون . شیطان مطلع اوله ماز که انی افساد ایده بیلسون . هوی کیرمز که اماله ایلسون . بوده طاعت حقده انجق حق ایستیوب حقندن بشقه برشیئی قصد و اراده ایتماکله اولور (۲) .

عمل قلبی تحقیق و قطع و سوسه ایچون لفظاً دخی نیت مستحب یعنی نظر مشایخده احب اولوب نیتده احضار قلبدن عاجز قالان و یاشک اوزره اولان کیمسه ایچون لسان دخی کافی اولور . کما فی ط . نیت تعیین و نیت متابعت شروط تحریمه میاننده مذکوردر .
(۱۱) تحریمه در که افتتاح تسکیرینی آلمقدردر (۳) .

(۱) قوله علی الخلوص المراد به الاخلاص لله تعالی علی معنی أنه لا یشرک معه غیره فی العبادة کذا فی ط دلی الدر .

(۲) بونی بخشی مرحوم حمویدن تفللاً ذکر ایتشدردر . لطائف المننک قرنچی صفحه سننده بونک ایچون مراتب مبیندر . مرحوم مشارالیه بورایه حکم صلاتده کچن ریا بخشی دخی قاتهرق اولابده اولان اقوال فناوایی ذکر ایتدکن صکره : ربانک حقیقی ناسدن خالی اولدقده نماز قیلماز و ناسایله اولدقده قیلار اولقدردر . بونک هیچ ثوابی یوقدر . چونکه تسکیرینه عبادتده شرک ایلمددر . نهازی اکر ناس ایچون کوزلجه قیلار ایه اکا اصل نمازینک ثوابی واردر کوزل قیلماسنک ثوابی یوقدر . دیبشدردر اه

(۳) تحریم حرام قیامق معناسنه مصدر ایکن افتتاح تسکیری یاخود آنک مقامنه قائم اولان لفظ معناسنه اسم اولوب تحقیق اسمیت ایچون ائرینه تا الحاق اولنشدردر . من . زیرا تا اولسه آنک مصدر اولسنی توهم

(نمازده) (۱) تحریمه رکن اولمیوب (۲) شرط اولمق صحیحدر (۳) وقول شیخیندر . ص (۴) .

تحریمه نك صحیحچون بروجہ آتی برطاقم شروط ذکر اولنور :

اولنه یلور . ط . قهستانی: مصدر اسم فاعل معنایه قیلنهرق بعده تسکیره^۱ اولایه نقل اولندی دیمشدر . تسکیره تحریم وسلامه تحلیل اطلاق حدیث آئیده وارددر . کلام واکل وشرپ کبی خارج صلاتنده مباح اولان شبلر آندن اعتباراً مباح اولماق باعث تسمیهدر . سلامه تحلیل تسمیه سنک وجهی دخی بونک عکسیدر . مؤلفک بو بابده کی استدلالی ایضاحده عشی مرحوم دیمشدرکه و ربک فیکبر قول کریئنده مأموربه اولان تسکیردن افتتاح تسکیری مقصود اولدیغنه مفسرین اتفاق ایتمش واجماع دخی آنک اوزرینه واقم اولمشدر چونکه امر وجوب ایچون اولوب افتتاحدن ماعداده اولان تسکیر ایسه واجب اولماقله تعطیل نصدن تحرراً ارادهیه اوتعین ایتمشدر . حدیث شریفده دخی: مفتاح الصلاة الطهور وتحريمها التسکیر وتحليلها التسليم بیورلمشدر .

(۱) صلات جنازه نك غیری اولان نمازده دیمکدر . کما فی الدر . صلات جنازهیه کلنجه آنده تحریمه کندیسیله شروع اولنمق اعتباریله شرطدر . سائر تسکیراتی کبی مقام رکعتیه قائم اولمق اعتباریله رکندر . ط .

(۲) کتزک صفت صلاتنده ارکان صره سنده ذکر اولنمسی رکن اولان قیامه اتصالی اعتباریلهدر . کما فی شرح العینی .

(۳) التحريمه شرط علی القادر . وخرج بقيد القدرة لا یوالاخرس اه من ط علی الدر .

(۴) چونکه [و ذکر اسمربه فصلی] قول کریئنده صلات ذکره معطوفدر عطف ایسه مغایرتی مقتضیدر . کلاک جزءه عطفی قبیلتدن دکلدرکه او برنکته^۲ بلاغیهیه مبنی اولور بوراده ایسه او نسکته ظاهر دکلدر . امام محمد حضر نلری آنک رکنیتیه قائلدر . تحریمه قیامده فرض اولان ذکردن عبارت اولمغله قراءت کبی رکن اولور دیمشدر . نمره^۳ خلاف معلوم اولان برقاج صورتده ظاهر اولور . انظر الى ط

برنجیسی تحریمہ نیتہ یا حقیقہً و یا خود حکماً مقارن اولوب (۱)
آرہ لرینی اکل و شرب و کلام کبی نمازہ اجنبی اولان شی فصل
ایتامکدرکہ بولر مانع اتصالدر . اما نمازہ طور مق ایچون یوریمک
و انتقاض وضوء حالندہ آبدست آلمق یا خود آلمقہ کیتیمک مانع
اتصال دکلدر .

(چونککہ بولر سبق حدث عمورتندہ داخل صلاتندہ معفو اولمقہ
خارج صلاتندہ معفو اولمقہ احرادر . ط .)
ایکنجیسی تحریمہ ی قائماً یعنی رکوع ایچون اولان انحنادن
اول ایتمکدر .

(قیام ، حقیقی و حکمی یه شاملدر . قیام حقیقینک
حدادناسی اللر دیزلره ایرمز درجہده اولمقدر . بناءً علیه) امامہ
رکوعده یتشمک قیدندہ اولان مستمجل آرقہ سنی اکہرک تسکیر
آلسہ اکر قیامہ اقرب ، یعنی اللری دیزلرینہ ایرمیور ، ایسہ شروعی
صحیح اولور ولوکہ آلدیغی تسکیری رکوع نیتیلہ آلمش اولسون (۲)
واکر رکوعہ اقرب ، یعنی اللری دیزلرینہ ایرمیور ، ایسہ شروعی
صحیح اولماز .

(۱) حین شروعده اولان نیت تحریمہ حقیقہً مقارندرکہ افضل اولان
اودر . شروعدن مقدم اولان نیت تحریمہ حکماً مقارندر . محشینک بیانہ کورہ
آبدست آلور ایکن مثلاً اوکله نمازی قبلہ جفنی نیت ایلسہ وبعد الیه اکل و شرب
و کلام کبی اعراضہ دلالت ایدر عملده بولنمسه و محل صلاتہ کلوب نمازہ طورسہ
ونیت خاطرنہ کلمسہ نمازی نیت سابقہ ایله جائز اولور . نیتک سائر شروط
صلات کبی وقتہ تقدیمی دخی آنی قطع ایدر برشی . وجود اولمدقجہ جائز
اولور اہ .

(۲) چونککہ امامہ رکوعده یتشان مقتدی ایکی دفعہ تسکیر آلمقہ محتاج
اولمدیقندن انک او نیتی لغو و بی اعتبار اولور . س . لان الذکر فی محله لا یتغیر
بغیریمتہ ، اما نية الصلاة فلا بد منها . ط .

اوچونجیسی نیتی تحریمه دن صکره یه پراقما مقدر . چونسکه صلات
بتامها بر عبادتدرکه تجزی ایتمز . نیتسز عبادت اولدیغی جهته اکر
نیت تحریمه دن صکره یه قالمش اولور ایسه آندن خالی اولان جزء ،
عبادت اولمیوب کندیسندنه نیت واقع اولان جزء ، عبادت اولمق لازم
کله رک تجزی ایتمش اولور .

عدم تأخیر مقارنتله اولدیغی کبی تقدم ایله دخی اولورکه
اوده حکماً مقارنتدر^(۱) . افضل اولان حقیقه مقارن اولمقدردر زیرا
اختلافدن چیه قیلهرق احتیاط ایدماش اولور^(۲) . تحریمه دن صکره
اولان نیتیه جماعاً اعتبار یوقدر .

دردنجیسی تحریمه یی کندیس ایشیدجک درجه ده تلفظ
ایتمکدر^(۳) .

دیلرسزه دبلانی تحریک ایتمک لازم دکلدردر . (امی دخی اویله در .
بونلر مجرد نیت ایله اکتفا ایدرلر . علی الصحیح ط) .
دیلرسز اولمیا نه کندی نطقنی بلا مانع ایشتمک شرطدر .

(۱) برنجی شرطک هامشنه باقکز .

(۲) چونکه ائمه ثلاثه (مالک ، شافعی ، احمد) تحریمه یی نه نیت
متقدمه ونه نیت متأخره ایله تجویز ایتمزله . ط .

(۳) سماع : ایشتمک ، اسماع : ایشندرمک ، دره تحریمه . قراءت سریه ،
تهد ، اذکار ، عند الذبح اولان بسماله ، سجده تلاوت ، عتاق ، طلاق ،
استئنا ، یمین ، نذر ، اسلام کبی متعلق نطق اولان شیلرده سماع شرط اولوب
حتی طلاق قلبندن کچیردیکی حالده ایشیدیلور درجه ده تلفظ ایتمیه رک
لساننی تحریک دخی ایسه طلاق واقم اولماز . ص . اسماع : بیع وهبه و نکاح
مثلی عقوددر شرطدر . ط . متعلقات قلبندن اولان نیتده آنلرک هیچ بری شرط
دکلدردر .

بلامانع قیدی کورانی و یا صاغرائی کبی بر مانع بولنمق صورتندن احترازدرکه او حالده تلفظك بالفعل ایشیدلمسی شرط اولمیوب مانعك ازالهسی تقدیرنده ایشیدیلله بیلور درجهده اولمی لازمدر

بشنجیسی مقتدی بولنان کیمسه (۱) اصل صلاتی نیت ایله برابر امامه متابعتی نیت ایلمکدر .

عبادتی عادتندن وفرضی واجبندن تمیز و معنای اخلاصی تحقیق ایچون اصل صلاتی نیت لازم اولدیغی کبی که - امام و مقتدی و منفرد بونده مشترک اولمق حسبیله بوکا نیت مشترکه تعبیر اولنور - متابعت اتی نیتسن تحقق ایده میه جکندن اکا دخی نیت لازمدر که امامك نمازی صحیح ایسه متابعتك نمازی دخی صحیح و فاسد ایسه فاسد اولمق متابعتك اثر مترتیبدر . بوکا نیت خاصه تعبیر اولنور که مقتدی به خاص اولان نیت دیمکدر .

بنام علی هذا مقتدی فرض وقتی و انده امامه متابعتی یا خود صلات امامه شروعی نیت ایدر (۲)

(۱) شرط خامسی مقتدی به تخصیصن نیت متابعت انجق مقتدی به لازم اولوب رجاله امام اولان ایچون امامی نیت شرط اولدیغنددر . س . چونکه امام کندی حقنده منفرددر . کورلزمی که کیمسه به امامت ایتماکه یمن ایدن کیمسه نمازه طور دینی وقت آرقه سنده جماعت دخی بولنسه حاث اولماز . زیرا حاث اولمهك شرطی امامت آنك مقصودی اولمقددر . او ایسه موجود اولماشدر . ط .

(۲) « یالسیکز امامه اقتدای نیت کفایت ایتمز » دینلش ایسهده اصح اولان آنك دخی جائز و کافی اولسیدر چونکه اونئی ایدن اقتداسنی اصل صلات ایله تقید ایتمهك کندیسنی امامه مطلقا تابع قیلمشدر .

(امامك نمازی معین اولدیغی جهته صلات امامه شروعی نیت هم اصل صلاته وهم متابعت و تعیینه نیتی متضمندر . جمعه نمازنده یا الکر صلات جمعه یی نیت ایدوبده اقتدای نیت ایلمسه اولور چونکه صلات جمعه امامسن اولماز ط) .

التمجیدی قیله جغی فرضی ابتداء شروعده تعیین ایلمکدر . (حتی بر فرضی نیت ایدوب اکا شروع ایلدکدن صکره اونودده انی تطوع ظن ایدرک او ظن اوزره اتمام ایسه اونماز ینه فرض اولوب عهدہ سندن ساقط اولمش اولور . بونک عکسی دخی بویله در که تطوع نیتله شروع ایدوبده صکره اونودرق فرض ظن ایلدیکی و او ظن ایله قیلوب بیتوردیکی نماز دخی نافله اولور . چونکه نیت معتبره جزء اوله مقارن اولاندر . ص مع ط) (۱) .

فرضلرک دخی تنوعنه مبنی (کرک امام ، کرک مقتدی و کرک منفرد ط) قیله جغی فرضک مثلاً فرض ظهر اولدیغی تعیین ایتمک دخی شرطدر .

فرض وقتی نیت ایلمک صلات جمعه نیک غیریده صحیحدر .

تابعیت دخی امامک مطلقاً یعنی اصلاً ووصفاً قیلدیغی نمازی قیلوق ایله تحقق ایدر . « امامک تکبیرینه انتظار ایله دخی اقتدا حاصل اولور » دینلمش ایسه ده صحیح اولان: انتظار مجرد ایله اقتدا حاصل اولدیفیدر . کما فی ص مع ط . (۱) محشی دیمشدر که ذات افعال اولان یعنی نماز کبی متعدد فعللری احتوا ایلیان عبادتده معتمد اولان آنک ایلک جزءنده ایدیلان نیت ایله اکتفا اولنوق و هر جزء چون نیت احتیاج اولماقدیر . او جزء لرپ اونیت اوزرینه منسحب اولمش اولقله اکتفا ایدلش اولور .

جمعه ده وقت ، ظهر اولدیغیچون انی فرض وقت نیتله قیلاق صحیح اوله ماز .

(نیت قضا ایچون قضاء فوائت بختنه باقکز) .

عدد رکعاتی نیت شرط دکلدر . چونکه فروض و واجبات محدود اولمغله نیت تعیین اندن مغنیدر (۱) .

(اصل صلاتی نیت بیلرلنده تلازم اولدیغنه مبنی اندن مغنی اولمغله عندالنیه فرض ایچون تعیین لابددر (۲)) .

مکتوبه و جنازه کی ایسکی فرضی نیت ، مکتوبه یه (۳) و برینک وقتی کیرمش و دیگرینک وقتی هنوز داخل اولماش بولانان ایسکی مکتوبه یی نیت ، وقتیه یه و ایسکی فائته یی نیت انلرک

(۱) حتی صباح نمازینی درت رکعت اولق اوزره نیت ایلسه نیتی لغو اولوب آنی ینه ایکی رکعت قیلار . تعیین مشروط اولمیان شیده کی خطا ضرر و یرمز اوط .

(۲) ایمدی بش وقت نمازک فرضیتی بیلیمبرک آنلری وقتلارنده قیلانک نمازی فرضی نیت ایتماش اولدیغی جهته جائز اولوب آنلری قضا ایتمک لازمدر . مکرکه امام ایله قیلمش اولوب امامک نمازینه دیو نیت ایلمش اوله . آنلرک فرضیتی بیلوبده فرضی دیگرندن یمنی واجبدن وسختدن تمیز ایده میان کیمسه اکر هپسندده فرضی نیت ایلر ایسه جائز اولور . کما فی الدر و حواشیه .

در مختارک صفت صلات قیبلنده مذکوردرکه جماعته نمازده یقشوبده فرضده یاخود تراویحده اولقلرینی بیلیمیان کیمسه فرضی نیت ایدرک امامه متابعا نمازه طورر . اکر آنلر فرضده ایسه لر آنک دخی فرضی صحیح اولور . و اکر تراویحده ایسه لر آنک قیلدیغی نفل اولور (فرض عشاءدن اول اولدیغیچون تراویحه محسوب اولماز . ط) .

(۳) چونکه مکتوبه فرض عیندر . همه صلات کامله در . ط .

برنجیلرینه وفاتنه ایله وقتیه یی نیت ، وقت واسع اولدیغنه کوره فاتنه یه و بر فرض ایله بر نفلی نیت ، فرضه وسنت فجر و تحیت مسجد کبی ایکی نفلی نیت ، هر ایکیسنه (۱) و نافله ایله صلات جنازه یی نیت نافله یه (۲) مصروف اولور .

یدنجهسی واجب اولان نمازی دخی نیتده تعیین ایلسکدر (نفلده تعیین شرط اولدیغی ختام شروط تحریمده مذکوردر) : کرك و ترو بیرام و طواف نمازلی اولسون ، کرك مطاق و مقید نذر نمازلی و کرك بعد الشروع افساد اولنقله واجب القضاء بولنان نافله اولسون . چونکه اسباب مختلفدر بر سببک مسببی مصلی انجق انک (سببک) تعیینله مؤدی اوله بیلور .

بیرام و وتر نمازلرنده الری صلات عید و وتر دیو تعیین کافیدر . واجب ایله تقیید لازم دکدر (۳) .

سجود سهوک صلاته اتصاله یاخود حرمت صلاته وقوعنه

(۱) ایکیدن زیاده صلات نالای یی مثلاً هم تحیت مسجدی وهم سنت وضوعی که شکر وضوء تعبیر اولنور همده صلات ضعی و کسوفی نیتده جم ایلمک دخی بویلهدر . و سائلك دخی نیتده جمعی جائزدر مثلاً حدث اکبر ایله بیرام و جمعه برلشمک صورتنده بولنرک هپسنه بردن نیت ایله ایتدیکی غسلك جمله سنک ثوابنه نائل اولور . صرح به ط .

(۲) چونکه نافله رکوعلی سجودلی صلات کامله اولدیغندن صلات جنازه دن اقوادر . مصلی امام اولدیغنه کوره صلات جنازه اعاده اولنور و آکا نافله اوله رق ایکی رکعت نماز قضا ایتمک لازم کلور . زیرا صلات جنازه دن سلام ویرمکله آنی قطع و ابطال ایتش اولدی . ط . اگر امام دکل ایسه و نیت قطع ایله سلام ویرممش ایسه نافله سنه دوام و آنی اتمام ایلر . چونکه بر رکعتک مادونی زیاده اورکعتی ابطال ایتمز .

(۳) للاختلاف فیه ص . آی فی وجوبهما کما یأتی فی بابیهما .

مبني اني تعين ايتكم لازم اولميو ب مسجده تلاتي مسجده شكر و مسودن
تميز ايچون تعين ايلر . افراد آيات ايچون افراد سجداتي تعين ايلكم
لازم دكلر .

(بوشروط سبعة نك جملة سى صلات واحدده اجتماع ايتمز .
مثلا وقت وانك دخواني اعتقاد فرض اولان نمازلك ماعداسنده
شرط اولماز . بر نماز هم فرض وهم واجب اوله رق نيت اولماز ،
نبه عليه المحشى . نيت كنديسنده نطق شرط اولميان متعلقات
قلبدندر (۱) .)

(۱) شروط صلاتك اونچيسنه مراجعت اولنه . محشى مرحوم
شرط رابع تحريمده مؤلفك شرح كيرندن نقلاً : تحريمى تلفظك
شرط قيلند مسنده نبتى تلفظ شرط اولمديغه اشارت واردر . ديش
اولدينى كى مؤلف مرحوم دخى اهل حديثدن نقلاً : رسول الله صلى الله
تعالى عليه وسلم افندمز حضرتلردن نمازه طورلر ايكن فلان نمازى
قيلدورم دير اولقلرى كنديلردن نه طريق صحيح و نه طريق ضعيف ايله
ثابت اولماشدر صحابه و تابعينك برندن (وائمه اربعه دنط) دخى روايت
اولماشدر منقول اولان بودر كه حضرت امام المرسلين عليه وعليهم
الصلاة والسلام نمازه قيام بيوردقلرنده هان تسكبير آلورلر ايدى نبتى
نطقه كتورمك بدعتدر . ديوب بعده بجم الرواياتدن نقلاً : نبتى تلفظ
ايتمكى بعضلر حضرت عمر رضى الله تعالى عنه آنى ياپانى تأديب (تسكبير)
ايتدى ديوكريه كورديلر و بعضلر تلفظ نيتده عمل قلبى تحقيق و قطع
وسوسه اولدينى ايچون آنى اباحه ايدوب : حضرت عمر آنى جهر ايدنى
زجر ايتمشدر خفية سويله مكدنه بأس بوقدردر . ديديلر بو حالده بزم
مشايخمزدن نبتى تلفظ سستدر (مستجدر) ديوانلر سفت نبى (و نرد
شارعه مستحب) معناسنى اراده ايتيويوب بلكه اختلاف زمانه و زمن
تابعندن صكره قلوب و اذهان اوزرنده كى كثر شواغله مبني بعض
مشايخك سستى (واجب كورديسكى) ديمك ايتديلر ديمشدر اه نيتك

سکزنجیسی تحریرہ قول صحیحہ قادریہ کورہ لغت عربیہ اوزرہ اولمقدر (۱).

ہم قلباً و ہم لساناً ایدلسنک بدعت اولسی حقندہ ابن نجیم مرحوم « حم مذکور عزیمت قصدیلہ اولورسہ بدعت حسنہ اولقی و قصد عزیمتک غیریدہ حسن اولماقی ا کلاشیلور » دیمشدر . زاده ط .

لفظاً نیتک کیفیتی بعض کتبہ : « اللہم انی ارید صلاة کذا فیہا لى و تقبلہا منى . » دینامک کرک دیو کوسترلمش ایسہدہ طلب تیسیر و قبول تلفظ نیتدن بشقہ اولہرق کثرت . شاقی و طول زمانى جہتیلہ حج (ویامرہ) ایچون احرامہ کیرلیدیکی وقت اولہجق شیدر . صلات ایسہ اولیلہ دکندر . صومک طول زمانى و فوق الصلاة مشقتى جہتیلہ طلب تیسیر و قبول خصوصندہ آنک حجہ الحاقى مناسب اولہ بیلور . بونى مؤلف مرحوم درر حاشیہ سندنہ ذکر ایتمشدر . نمازہ لفظاً نیتندہ نیت ان اصلى الخ دینور . در مختارندہ نیت لغت عربیہ نیک غیرى ایلہ دخى اولسہ لفظ ماضى ایلہ اولور . چونکہ انشا آتہ اغلب اولان اودر : « نیت صلاة کذا » کبى . صیغہ حال ایلہ دخى صحیح اولور : « اصلى صلاة کذا » کبى . دیمشدر اہ مہ رد المختار .

(۱) آندن عاجز اولانک لغات والسندن قادر اولدیغیلہ شروع ایتمسنک صحتندہ خلاف یوقدر . مؤلفک قول صحیح دیدیکى امامینک قول اولاریدز . امام حضرتلری عربیہ اقتدار ایسلہ برابر دخى لغت دیکرایلہ شروع صحیح اولور بیورمشدر . در مختارندہ تاتارخانیندن نقلاً : تلبیہدہ اولدیغى کبى نمازہ لغت فارسىہ ایلہ دخى شروع مطلقاً یعنی کرک عربیہدہ قدرت و کرک آندن عجز حالندہ اتفاقاً جائز اولور . دیو مذکور اولدیغنہ نظراً امامین حضرتانى شروع مسئلہ سندنہ قول امامہ رجوع ایتمشلردر . تکیم قراءت مسئلہ سندنہ حضرت امام دخى قول امامینہ رجوع بیورمشدرکہ عاجزدن ماعداسیچون نمازہ عربینک غیرى قراءتى تجویز بیورماشدر . ذکرہ ط هنا وفى فريضة السجود . لغت فارسىہ قیدى اتفاقیدر . جواز مذکورک اکادہ اختصاصى اولمديغى مؤلف فريضة سجوددہ سويلہ مشدر .

طغوزنجیسی تحریمده لفظه "جلاله نك همزه سنی وا کبر لفظنك باسنی
مد ایتمکدر (۱) . هانك حرکه سنی اشباع ایتمك لغه خطادر . آنسکه
نماز فاسد اولماز . های سا کن قیللق دخی بویله در .
اوننجیسی تحریمه جمله " نامه ایله اولمقدر (۲) .
اون برنجیسی تحریمه جناب حق محضا ذکر و ثنایه دال اولان تعبیر
ایله اولمقدر (۳) .

(اللهم اغفر لی کبی تعبیر ایله شروع صحیح اولماز . چونسکه
ذکر خالص دکل ، اکا حاجت قارشمشدر . ط) .
اون ایکنجیسی تحریمه بسمله دن عبارت اولماقدر (چونسکه
بسمله شریفه تبرک ایچون اولمقله بسم الله الخ دییان کیمسه
کویا که « باریک الله لی » دیمش اوله رق ذکر خالصده بولنامش
اولور . ط) .

(۱) مد همزه ایله آله اکبر دیو نمازه طورانك شروعی صحیح اولدیغی
کبی اثناء شروعده تکبیری درست آله رق شروعی صحیح اولقدن
صکره اثناء صلاتده کی تکبیر آده مد همزه ایتمکله دخی نمازی باطل
اولور . أفاده ط .

(۲) مؤلف « مبتدا ایله خبردن مرکب جمله " نامه » دیمش ایسه ده محشی
« لا اله الا الله » و « سبحان الله » کبی تعبییرات تعظیمیه ایله دخی شروعک
مع الکراهه صحیح اولدیغی بیانیله « مبتدا ایله خبردن مرکب » قیدینک حذفی
اولی کورمش وجهه مذکورده . بدایت لفظه "جلاله ایله اولاق عند الامام واجب
اولمقله « اکبر الله » دیوایدیلان شروعک نزد حضرت امامده عدم صحتی
بزازیه دن نقل ذکر ایتمشددر .

(۳) کیفیت ترکیب أفعال صلات فصلنه مراجعت اولنه .

اون اوچنجیسی تحریمده «الله اکبر» دینلدیکی وقت لفظه^۱ جلاله نك هاسنی مصلی حذف ایتیش اولما مقدر^(۱).

اون دردنجیسی هاوی بی اتمان ایلمکدرکه حذف ایدرسه صحیح اولماز. هاوی: لام ثانیه ده کی القدر.

(مقصود لفظه^۲ جلاله نك هاسندن اول اولان الی یعنی مدطبیعی ترک ایتامکدر)^(۲).

اون بشنجیسی تحریمه یه نمازی افساد ایدجک شیئی مقارن قیلما مقدر. مثلاً «الله اکبر العالم بالمعدوم والموجود» یاخود «العالم باحوال الخلق» دیر ایسه شروعی صحیح اولماز زیرا شبیه کلام ناسدر^(۳).

(۱) آنک عدم حذفی احتیاط اولدیغنی محشیدن تلاً اون دردنجی شرطک هامشده ذکر ایدرز.

(۲) محشینک بوراده و کیفیت ترکیب افعال صلات فصلنده بیاتنه کوره کرک عینده کرک حین ذبحده کرکسه نماز ایچون اولان تکبیرده لفظه^۳ جلاله نك لام ثانیه سنی مد ایتیمکدن حاصل اوله جق الفی که آکا هاوی تعبیر اولنور یاخود هاء لفظه^۴ جلاله بی حذف ایدت کیمسه نك انعقاد عیننده وحل ذبیحه سنده وصحت تحریمه سنده اختلاف اولمشدر. آنی احتیاطاً ترک ایتاملیدر اه مفسدات صلاتده لفظه^۵ جلاله نك همزه سنی مد ایتیمک مفسدات اولدیغنی ذکر ائنده محشی مرحوم: مدها خطا در ومدلام حدیثی تجاوز ایتمدکجه سندر مدده مبالغه اولنورسه مکروه اولور دیمشدر اه مختصراً

(۳) مؤلف علیه الرحمة بوشروط اخیری صاحب بزازیة فتاوا سنده ذکر ایلدی دیوب شروط تحریمه نك بووجهله جعنده کندیسنی سبق ایدن اولدیغنه بناءً جناب حقه شکر لر ایتمشدر. عبارته مطبوعه مفلوط اولغله بوراسی بزازیة به مراجعتله تصحیح اولمشدر. بزازیة ده: «العالم الغیب والشهادة» علاوه اولنورسه ضرر ایتمز دیمشدر.

صلات نفلده (نية) تعیین شرط د کلدرد (۱) ولوکه سنت فجر اولسون (۲) فی الاصح .

تراویح دخی عامه مشایخ فقها عندنده بویله در . صحیح اولانده بودر .

احتیاط اولان : آنلری تراویح یاخود سنت وقت (۳) دیو صفیلرینه مراعات وجهله تعیین ایلدکدر (۴) .

(۱۲) صلات نفلک غیریده قائم اولمقدر .

(نفلک مبتدای توسع اوزربنه اولدیغندن آنده قیام رکن)

(۱) مؤلفک بومسئله سی تحریرمه نك شرط سادس وسابعی تمهه سنسدن اولقله عل د کرى اوراسی ایدی . عشی دیرکه نفلدن مقصودی سنترلره دخی شامل اولان نمازدرکه آنلرک اوقات معینه سنسده وقوعی تعیینسدن مفیدر . آنلر تعیین ایله دکل ، وقتلرنده واقع اولقله سنت اولشاردر . علی الاطلاق نماز ایله الله ایچون نماز بیننده دخی فرق یوقدر . چونکه نماز قیلان کیمسه جناب سقدن غیریه نماز قیلماز اه

(۲) ابن عابدین دیرکه حتی ایسکی رکعت تهجد قیلوبده آنک طلوع فجردن یعنی تهجد وقتی کچدکدن مسکره قیلندیقی تبین ایتسه او ایسکی رکعت سنت فجر اولمش اولور . تهجدی دوت رکعت قیلوبده صوک ایسکی رکعتک بعد الفجر اولدیقی اکلاشامق صورتی دخی بویله در اه قالوبه یقی .

(۳) فرض وقتک سنتی دیسکدر . بوحالده لائق اولان : ایلك سنت یاخود صوک سنت اولدیغنی دخی تمیز ایتمکدر . ط .

(۴) یونی صاحب منیه سوبله مشدر . بوده فعل سنسده نیت سنتی شرط قیلانلرک خلافتدن خروج ایچوندر : صاحب منی تراویح حقنده دیسدرکه بعض متأخرین عندنده نه مطلق نیت نه ده نیت تطوع کافی اولیوب نیت تراویح مشروطدر وبونی فاضیلخان تصحیح ایلمشدر . ط .

دکدر . ص مع ط) . فرض و واجب (۱) اولان نمازلرده قیام رکن متفق علیهدر (۲) .

(و قوموا لله قانتین بیورلمشدر امر و جوب ایچوندر خارج صلاتده قیام واجب اولماغله بالضروره نمازده کی قیام واجب اولمشدر . قانتین : مطیعین یاخود خاشعین و یاخود ساکتین دیمکدر . کما فی شروح الهدایة) .

قیام : آیاقده دیکلمکدر . حد ادناسی اللر دیزلره ایرمامک درجهده اولمقددر (۳) .

(قیامک فرضیتی محشینک افاده سنه کوره ا کا و همده رکوع و سجوده قادر اولمق و قیام سببیلله شرط طهارت یاخود ستر عورت و یا قرااته قدرت کندیسنی فوت ایتماک قیدلریله مقیددر . بناءً علیه کندیسنه قیام متعسر اولان و یاخود قیامه قادر اولسهده سجوددن عاجز بولنان کیمسه یه قیام لازم اولمدیغی (۴) کی آیاقده اولدیغی زمان بولنی طوته ماق یاخود محل عورتندن

(۱) واجب تعبیرینک ظاهری افساد ایتدیکی نفلک قضاسنه ونذر نمازیه دخی شامل اولمقددر . ط .

(۲) همده رکن اصلیدر . قرات رکن زائددر . چونکه قرات قیامک زینتیدر . بوندن طولاییدرکه امام قراتی . متحمل اولورده قیامی متحمل اولماز ط . وسیندکره المؤلف .

(۳) نمازده بوجمله اوکه میللی بولنق خشوع ایراث ایدیجی شیردندر . ط .

(۴) لکن صورت ثانیهده اوکیمسه قائماً ایما ایله قاعداً ایما ایتمک بیژنده مخیر اولور . تنکیم یاره سی اولوبده سجده یه واردقجه سیلان ایدر اولسه اولوجمله مخیر بولنور . ط .

مانع صلات اولان مقدار کورنمک و یا خود اوقویه مامق مثلی
برعذر حاصل اولوب قعود حالنده بونلرک بری کندیسنه حادث
اولمیان کیمسه یه دخی (قیام لازم دکل) قعود واجبدر . قاعداً
قیلیدیغی زمان اتمامه قادر اولوب قائماً قیلدقدده قادر اتمام اولمیان
دخی بویه در (۱) .

(۱۳) فرض اولان نمازلرک ایکیشر رکعتنده قراءت ایتمک یعنی
قرآدن برآیت اولسون اوقومقدر (۲) .

قراءتک نمازده فرضیتی « فاقرأوا ماتیسر من القرآن » قول

(۱) قیامک مقدار فرض و واجب وسنت و مستحبی آندهکی قراءت
مقدارنجه در . امی کبیلر حقنده تقدیری اولورکه امی بولنان کیمسه تحصیل
فریضه قیام ایچون امامین قولنجه اوچ آیت قصیره و امام حضر تارینک قولنجه
برآیت طویله اوقویه جق قدر طورمق لازم کلور . قراءتک سقوطنده تحدید
دخی ساقط اولور : فرضک شفع ثانیسندهکی قیام کبی که آنده قراءت اولماغله
رکن ، اصل قیامدر امتداد قیام دکلدر بر عذر اولدقجه قیامده بر آیاق اوزره
بولنقی مکروه اولور . الی هنا کلام المحشی .

(۲) معلومدرکه نمازده قرآن عظیم الشانندن علی الاطلاق قراءت فرض
و علی التبعین سوره فاتحه یی قراءت اینمک و موضعنده اکا سوره و یا آیات ضم
ایلمک واجبدر . فریضه قراءت ایشته بونلرک بجوعیسله حصوله کلور . ووجه
مسنون اوزره سوره طویله و آیات عسیده دخی اوقنسه هپ فرضی اولورق
واقم اولور . فرض اولان قراءت صلاتیه و اجباتده کوستریلان نوع و مقداردن
دون اولماق واجبدر . آنندن آز اولورسه مکروه اولور . و آنندن مقادیر
مسنونه وجهله اولان زیاده سی سنت عد اولنور .

کریمیله در که قرآن ندن متیسر اولانی او قویکز دیمکدر (۱) . امر ، وجوب ایچون اولوب خارج صلاتده ایسه قرات بالاجماع واجب اولماغله نمازده کی قرات مأمور به اولمق تعین ایتمشدر . صلی الله تعالی علیه وسلم افندمز حضرلری دخی « لاصلاة الا بقراءة » بیورمشلردر . بونی امام مسلم حدیث حضرت ابی هریره دن اوله رق ذکر وروایت ایلمشدر . اجماع دخی بونک اوزرینه منعقد اولمشدر (۲) .

قرات که او قومقدر آنک حقیقتی آغزدن چیتانی صاغراق و کورلتی کبی برمالع اولمقدجه قولاق ایشیده جک درجه ده تلفظدر .
(تنسکیم شروط تحریمه نک دردنجویسنده ذکر اولنمشدر (۳) .
آیت لغتده علامت معناسینه در ، عرف شرعه : احکام

(۱) جمیع متیسرک عدم لزومی امرتیسره بنا ایدلش اولسندندر . محشینک افاده سنه کوره بعض مفسرین: دلیل سیاق ایله بو ایتده کی قرات صلات معناسینه در مفهوم نظم کریم صلات تهجددن متیسر اولانی قیلک دیمکدر . دیمشدر ایسه ده کلامی حقیقته حمل اولی اولدیغندن مقصود علی الحقیقه قراءتدر .

(۲) ابو بکر الاصم کبی « نمازده قرات اصلا فرض دکل سنتدر » دیمکله خرق اجماع ایدنه اعتبار یوقدر ط .

(۳) قرات تصحیح حروفندن عبارت اولماق صحیحدر . من . امام کرخی بوبابده تصحیح حروف ایله اکتفا ایدوب : کندی ایشتمسده جائز اولور چونکه قرات فعل لساندر سماع ایسه صماخدر فعل لسان دکلدر بناء علیه مورد قراءندن اوله ماز . دیمشدر بدائیده قول کرخی اصح و اقیسدر دیدی و بعضار آنی امام ابو یوسفه نسبت ایلدی . معتمد اولان قول اولدر . یالکز بعض حروفده کندی دخی ایشتمز درجه ده خفص صوت ایلمکله نمازی بوزلاز علی التصحیح لهوم البلوی ه ط .

اللهم برحمة دلالت ایدن هر جمله قرآنیه در . یاخود : فصل
توقیفی لفظی ایله (۱) ماقبل وما بعدندن منفصل اولان طائفه
قرآنیه در .

(ثم نظر) کبی ایکی کلمه دن مرکب اولان آیت قصیره دخی
حضرت امامدن ظاهر روایتده قراءت صلاتیه ایچون کافیدر (۲) .
اما (مدهامتان) کبی کلمه واحده دن و (ص) و (ق) و (ن) کبی
حرف واحده دن یاخود (حم) و (طس) مثلی ایکی حرفدن و یاخود
(المص) و (کهیمص) کبی برقاچ حرفدن عبارت بولئان آیتلرده (۳)
مشایخ فقها (قول امام اوزره ط) اختلاف ایتمشلردر . اصح اولان
بودرکه نماز آنکله جائز اولماز (۴) .

(۱) سورة "حجرک اون دردنجی و اون بشنجی آیتلری اولان
أستعین بالله تعالى : و لو فتحنا علیهم باباً من السماء فظلوا فيه یمرجون .
لقالوا انما سكرت أبصارنا بل نحن قوم مسحورون . کبی که انفصال
انجق انظآدر .

(۲) کندیلرندن دیگر روایتده فربضه قراءت برشی ایله مقدر
اویوب بلکه قرآن اسمک متناول اولدیغی شیک اقلی دخی کافی اولور .
قدوری بونی جزم ایتمشدر . اوچنجی برروایت : اوچ قیسه آیت یاخود
آنره معادل بر اوزون آیت اولقدردر . و بوقول امامیندر . خلاصه ده و آنک
غیریده حضرت امامک قول اولی اولماق اوزره کوسترلشدردر . ط .

(۳) بولره آیت اطلاق عند الکوفیندرکه آنلر (الم) لری و (المص)
و (کهیمص) و (طه) و (طس) و (یس) و (حم) ی برآیت
و (حمسق) ی ایسکی آیت عدایدرلر . زمخشری کبی بیضاوی دخی
دیشدرکه بوتوقیدردر رأی ایچون بونده بحال یوقدر . کوفیونک غیرلری عئندده
آنلردن هیچ بری آیت دکلدر . کما فی ط .

(۴) قدوری : صحیح اولان جوازدر . دیدی اه ص .

امام ابو یوسف و امام محمد حضرت النبی : نمازده فرض اولان بر آیت طویلہ یا خود اوچ آیت قصیرہ او قوم قدر دیدیلر (۱) .

قرآندن نماز جائز اوله جق قدرینی از برله مک هر مسلمہ فرض عین اولوب فاتحه و بر سورة حفظی واجب و جمیع قرآنک حفظی فرض کفایه در .

نمازده قراءت اکثر فقہا رأینجه رکن زائد اولوب (۲) مقتیدین بلا ضرورہ بزجه (۳) و امامه رکوعده یتشانندن بالاجماع ساقطدر .

قراءتک نمازده محلی قیامدر . لعدذر قعود و صلوات نافلهده اولان قعود دخی قیام حکمندهدر . رکوعده یا خود سجودده

(۱) احتیاط قول مشار الیه مادهدر . مطلوب اولانده - بخصوص عبادانده - احتیاطدر . ط . مرآتده مذکوردر که قرآندن هر کله حقیقه قرآندر حکماً و عرفاً قرآن دکلددر . هر آیت قصیرہ حقیقه و حکماً قرآندر عرفاً دکلددر . هر اوچ آیت قصیرہ یا خود آنک مقداری هم حقیقه و هم حکماً و عرفاً قرآندر . اصولیون اولسکینسی و حضرت امام قول مشهورده ایکنجی بی و امامین اوچننجی بی اعتبار ایتمشلدر در اه آیت کرسی و مداینه کبی اوزونجه آیتک جواز تبعیضی ابن عابدیندن نقلاً هامش واجباتده مذکوردر . انظروا الی ثانیتهما .

(۲) اصولده احکام وضعیه بحثنه باقیکنز .

(۳) شافعیارجه مقتیدین قراءت ساقط دکلددر . آنلراقتدا حالنده دخی امام کرک جهر ، کرک اخفا ایتسون قراءت فاتحه ایدرلر مکرکه قوت رکعت خوفی اوله . مالکیلرله حنبیلر حال اقتضاده آنی یالکنز مغافتهده او قورلر . تسکیم حلیینک متابعت امام فصلنده مذکوردر .
و ستمیده .

و یا خود قیامدن بدل اولمیان قعودده (۱) واقع اولان قرات ایله واجب (فرض) ساقط اولماز و او قرات تحریماً مکروه اولور چونکه تغییر مشروددر . اگر سهواً اولورسه سجود سهو لازم کلور . کذا فی ط .

نمازده فريضه قرات فرض اولان نماز لک ایکیشر رکعتنه منحصردر . یا لک رکعت واحده سنده قرات ایتمکله نماز صحیح اولماز (۲) .

(۱) قیام حکمی اولیق اوزره مبین اولان قعودک غیری مقصوددر :
قعدة صلات ،

(۲) امام زفرایله حسن بصری حضرتلری امرک تکرار اقتضا ایتیه جکی بیانیه رکعت واحده کی قراءتک دخی کفایتنه فائل اولمازدر .
لکن فرضک ایککی رکعتی یکدیگرینه من کل الوجوه متشاکل اولدیغندن (۳) بزجه قرات رکعت ثانیه ده دخی لازمدر (کک فرض ثنائی ، کک فرض ثلاثی و کک فرض رباعی اولسون . ط) قرات اولی عبارتۀ نص ایله و قرات ثانیه دلالت نص ایله در (**) .

(*) چونکه رکعت ثانیه کک و حوب و سقوطجه ، کک جهر و اخفاجه رکعت اولی کبیدر . صوک ایککی رکعتلر کک سفر ایله ساقط اولمجه ، کک صفت قرات و مقدار قراتجه مفارق اولمغه آنلره الحاق اولنه ماز . ط .
(**) مؤلفک ظاهر سوف کلامی فرضک قراتجه محل ادا ایککی رکعت اولی اولیق ایکن کنیدیسی : هانکی ایککی رکعت اولورسه اولسون . دیمشدرکه محشینک قهستانیدن نقلاً بیانه کوره بو قول بعض اولوب صحیح اولان : ایککی اولسکی رکعتلر محل قرات اولمغه علی سبیل القرض متعین اولقدردر . لکن مؤلف ایلک ایککی رکعتک محل قرات اولیق اوزره تعینی واجبات صلاتدن قیلش اولمغه محشی مرحوم بوراده کی منقوانی فصل واجباتده صیغه " تعریض ابله ذکر ایدوب : و صحیح . دیمشدر فلینظر .

(١٤) نفل اولان نمازك جميع ركعاته قراءت ايله سكر .
چونكه صلات نفلك هر شفهي مستعمل بر نمازدر (١) .

(١٥) وترك جميع ركعاته قراءت ايله سكر .
وترك سنت اولمى تقدير نده (٢) امر ظاهر در كه اوده نفل ديمكر .
واجب (يا خود فرض ط) اولمى تقدير نده (٣) جميع ركعاته لزوم
قراءت لاجل الاحتياطدر (٤) .

صحت صلات ايچون قرآن كريمدن برشى تعين ايتماشدر .
چونكه « فاقراوا ما تيسر من القرآن » قول كريمى مطلقدر كه مأمور به :
قرآندن متيسر اولانى او قومقدر . تعين ايسه تيسرى ساليدير .
على التعمين سورة فاتحه يى او قومق واجبدر . تكيم ذكر اولور (٥) .

(١) چونكه متنفل هرابكى ركعتده (سلام ويروب) نمازندن چيقمه
متمكندر . چونكه مشروعييت صلاتده ايكيشر ركعت اصلدر . زياده نك لزومى
انجق فرائض حقنده ظاهر اولمى نفل اصل مشروعييت اوزره قالمش
اولور . ط .

(٢) امام حضرت نلرندن روايت ثانيه اولورق وترك سنت اولدينى قول
اماميندر . كما مر وسبأنى .

(٣) بوده امام حضرت نلرندن روايت اولادر . بوروايات بينى مؤلف باب
وترده جم وتوفيق ايله سكر .

(٤) چونكه آنك قول حضرت امام اوزره عملاً فرض اولمى يالسكر
ايكى اولمى ركعتلرده قراءتى ايجاب ايدوب امين قولنجه سنت اولمى ايسه
قراءتى جميع ركعاتده ايجاب ايله احتياط ايله عمل ايدلشدر . زيرا سنتك بر
ركعتده ترك قراءت ايتك نمازى افساد ايدر . همدك مكلف كندينه لازم اولمى
تأديه ايتك لازم اولانى ترك ايتكندن اولادر . ط .

(٥) من قوله عليه الصلاة والسلام : لا صلاة الا بفاتحة الكتاب .
ولا تجوز به الزيادة على الكتاب لانه خبر آحاد . وهو يثبت الوجوب دون
الركنية اه ط .

مؤتمّم (مقتدی) بولنان کیمسه نمازده قرات ایتمیوب « واذ
قری القرآن فاستمعوا له وأنصتوا » قول کریمه بنام امامک
جهری حالنده استماع ، وانصراری (سرأ او قومسی) حالنده
انصات ایله (۱) .

صلی الله تعالی علیه وسلم افندمز حضرتلری دخی : امامک
قراقی **ک**رک جهری ، کرک غیر جهری اولسون سکا کفایت
ایدر . مآلنده اولمق اوزره « یکیمیک قراة الامام جهر أم خافت »
بیورمشلردر (۲)

امام اعظم واصحابی و امام مالک و امام احمد حضراتی مقتدینک
برشی قرات ایتمیهرک قیلدینی نمازک صحتنده اتفاق ایتمشلردر (۳)
بزم آنلرایله بوبابده فرقرز بودرکه بن : اکر مقتدی فاتحه یاخود
بشقه برشی اوقورایسه نهی اولندیینی ایچون (۴) تحریمأ مکروه

(۱) مؤلف آیت کریمه ده توزیم اولایغنه اشارت ایتمشدر اه ط .
استماع : دیکلمک ، انصات : دیکلمک اوزره سکوت ایلمک . دیمک
اولدیغیچون بری حال جهره و دیگرکی حال اخفایه مصروف اولمشدر .

(۲) وقال صلی الله تعالی علیه وسلم : الامام اسکم ضامن یرقم عنکم سهوکم
وقراءتکم . کما یأنی فی سجود السهو .

(۳) بوبابده مذهب امام شافعی ایچون اون اوچنجی فرضک اوننجی هامشنه
باقکنر .

(۴) بقوله صلی الله تعالی علیه وسلم : « لا یقرأ أحد منکم شیئاً من
القرآن اذا جهرت بالقرآن » ولا نقول بمفهوم المخالفة : ویقول زید بن ثابت :
لاقراءة مع الامام فی شیء . وروی : من کان له امام فقراءة الامام له قراءة .
وروی عن عمر : ایت فی فم الذی یقرأ خلف الامام حجراً . وروی عنه صلی الله
تعالی علیه وسلم : من قرأ خلف الامام فی فیه جرة . وقال من قرأ خلف الامام
فقد أخطأ الفطرة : ط .

اولور (۱) دیرز (۲) .

(۱۶) رکوع ایتمه کدر . آیت کریمه ده « ارکعوا » بیورلمشدر .
سنت سنیه ده دخی نماز رکوع ایله وارد اولمشدر . اجماع ده بونک
اوزرینه در .

رکوع لغته ده مطلق انحناء معنائه درکه اکلیک دیم کدر .
خرما آغاجی اکلدی مآلنده « رکعت النخلة » دینور . شریعتده
رکوع نمازده ظاهر ورأس ایله برابر اولان انحناء درکه هم باش
وهم آرقه اکله کدر . حدّ ادناسی اللر دیزله ایرر حیثیتده
اولمقدر . حدّ اعلاسی آرقه یی یا یوب باش ایله صاغری یی بر استقامتده
بولندر مقدر (۳) .

احدب (قانبور) اولوب خلفه رکوع حالنده بوانلر یالکز
باش اکرلر (۴) چونکه دها زیاده سندن عاجز درلر .

(۱) وفي بعض الروایات : أنها لا تحل خلف الامام : وانما لم يطلقوا اسم
الحرمة علیها لمّا عرف من أصلهم انه اذا لم یکن الدلیل قطعیا لا یطلقون لفظ
الحرمة وانما یعبرون بالسكرامة اه ط
(۲) استماع قرآن رد سلام کبی فرض کفایه اولدیغندن مقتدیاردن برطاقمه
قراءت وترك استماع حلال وجائز اولق کرک ایدیسه ده حالت صلات ذکر اولنان
آثار واحادیثه مبنی اوحکمدن مخصوص (مستثنی) بولندیغندن استماع وانصات
هرمقیدییه واجب اولور اه ط .

(۳) محشینک افاده سنه کوره تمام رکوع بودر . انحناء تام اولدیغی وقت
اعتبار اکثره در . حد ادنی بوکا فرب اولغله کافی ، وآنندن اقلی بوکا ابد
اولغله غیر کافی ، در . قاعدأ رکوع ایدن، جبهه می دیزلرینه محاذی اولور
درجه ده آرقه سنی اکک کرکدر .

(۴) مؤلف : احدب رکوع ایچون باشیله اشارت ایدر : دیمشدر اه محشی
دیرکه احدبک حدوتی (قانبورلغی) رکوع یرینه کچمز زیرا او آنک قیامیدر
تحقیقا لانتقال باشی براز اولسون اکک کرکدر . آنک حقنده ممکن اولان اودر .
آندن زیاده سی اکا لازم دکدر اه .

(۱۷) سجود ایتمکدر (۱) . آیت کریمه ده « واسجدوا » بیورلمشدر (۲) . سنت سنیه ده دخی صلات سجود ایله وارد اولمشدر . اجماع دخی بونک اوزرینه در .
 سجود لغته باش اکـکه واکـکه وخصوعه وتواضعه وسجود نخل کبی میلله وتحیت وتـکریمه اطلاق اولنور . شریعتده سجود : وجهک بر مقذارینی لاعلی وجهه السخریه یره وضع ایلمکدر . چونـکه هر طرفنی وضع متمدن اولغله مأمور به بعض وجه اولیق تعین ایدرکه اوده انف دخی داخل اولیق اوزره اعلائی وجه اولان جهه در . یاناق وشاقاق وناصیه (۳) وذقن (۴) خارجدرکه آنلر بالاجماع مقصود دکلدر . چونـکه آلمک وضعی صورتهله تعظیم مشروع اولامشدر بناءً علیه آنـکه فریضه سجود حاصل اوله ماز (۵) وضعک دخی علی وجه التعظیم اولمسی لابد اولدیغندن آیالربنی قالدیره رق وضع جهه ایتمک دخی تعظیم اولمیوب تلاعب اولدیغیچون خارجدر اه من البحر بزادات من ط .

- (۱) ایدنه ساجد دینور . سجود مصدر در ساجدک جمعی دخی اولور . سجده صیغه مره در .
 (۲) قیل کان الناس اول ماسلموا یسجدون بلا رکوع ویرکعون بلا سجود فیزل یا یا الذین آمنوا رکعوا واسجدوا . کذا فی ط .
 (۳) باشک آبدستده مسح ایدیلان موضعی که مأخذده مقدم الرأس تعبیر اولمشدر .
 (۴) چکه در . ویخرون للاذقان الخ آیتنده ذقن وجه مقصوددر کما فی المنحة .
 (۵) مطلقاً یعنی ولو برعذره مبنی اولسون . عذر واریسه ایما ایدلک لازم کاور . چونـکه محل سجده اولیانی اذن شرع اولیه رق محل سجده قبلحق جائز اوله ماز . ط .

سجده یا السکر وضع انف ایله دکل (۱) انجق وضع جبهه ایله (۲) و برده ال و دیزلرین بررینک وایکی آیاغک پارمق اوجارلندن بر مقدارینک (که ولو بر دانه سنک دیمکدر) وضعی ایله (۳) و بو وضعلرک طاهر یر اوزرینه اولمسی ایله تحقق ایدیه بیلور. والا سجده وجود بولماش اولور. بو مقدارجه اولان سجده قول مختار اوزره (۴) مع السکراهه صحیح اولوب تمام سجود آنده واجب اولانی اتیان ایله درکه اوده تمامیه ایکی اللرینی وایکی دیزلرینی وایکی آیاغک پارمق اوجارینی یره کتورمک (۵) و وضع جبهه (۶) و انف ایلمکدر. ص.

(۱۸) سجده ایدن کیمسه وضعده مبالغه ایتدکجه باشی

(۱) وضع انف بورنی یره کتورمکدر. بونک یا السکرجه عدم کفایتی جبهه عذر اولماق صورتنده. کما یأتی.

(۲) جبهه آتیا معرفدر. آنک هر طرفنی یره کتورمک اجاعاً شرط اولماغله اطراف جبهه دن یا السکر بر طرفک ییله یره کلمسی کافیدر. اکثر جبهه نک وضعی وضع انف کی واجبدر. کما فی ط.

(۳) بونلر حد ادنایی بیاندر. کما ستعرفه.

(۴) مؤلف آتیده قدم واحده نک وضعیه اولان سجده نک جوازی مختلف فیه اولدیفی دخی سویله مشدر.

(۵) وضع قدمینی عشی بو وجهله تفسیر ایتمشدر و خلاصه دن وفتح القیدردن نقلاً دیمشدرکه سجده ده وضع قدم فرضدر فرضه مابه الوصول اولان شی دخی فرض اولوب آ یاقلرینک ویا پارمق لرینک اوستنی یره وضع ایدرسه آ یاقلرندن هیچ برشی اوزرینه اعتماد ایتماش اولق حسیله صحیح اولماز. و بوتنییه اولمسی واجب اولان اموردندر. اکثرناس بوندن غالمردر اه مؤلف آتیده آ یاق پارمقنک ایچی یره کله رک قبله یه طوغرلمسی لزومی دخی ذکر ایتمشدر.

(۶) آندن ممکن اولان یری دیمکدر. ط. تنکیم ذکر اولندی :

اشاغیلاماق اوزره سجده یرک قاتیلغنی بولمق وجهه مستقر
اوله جق شی اوزرینه کلهکدر (کرک یرده ، کرک یر حکمنده
اولان کیرویت و آرابه اوزرنده اولسون . ط) . بناء علی هذا بموق
وقار وصمان وپرنج وکاری وکتان نخمی (۱) اوزرینه ایدیلان سجده
صحیح اولماز (۲)

آرپه و بغدادی دانه لرنده خشونت و جسمارنده رخاوت اولدیغی
ایچون بری برلری اوزره مستقر اوله بیلرله آنلرک اوزرنده سجده
صحیح اولور .

جهه : ایکی قاشک اوستندن صاچ یتمنه دکن حال سجوده یره
اصابت ایدن عضودر (۳) .

محلّ وضعی طاهر اولمق شرطیله (۴) سجده یی آوجی ایچنه
یاخود یکی ویا انکی اوجنه ایتمک (یرک صیجافلغی کبی برعذره

(۱) چونکه بولر دوز و سرت اولدقلر ایچون بری برلری اوزره مستقر
اولمازلر . بناء علیه بولرده تسفل نهایت بولمق وجهه مستقر اولمق ممکن اوله ماز .
مکرکه (چوال کبی) برقاب ایچره اوله . ط .
(۲) مکرکه پکلاک بولنش اوله . یاتاق ویاصدق کبی هرطوله شی دخی
بوله در ط .

(۳) بعضار جهه یی ایکی جبینک قوشاتدیغی یر دیو تعریف ایتدیار .
جبین : جبهه نك عین و شمالنده اولان شاداقلردر . ط . قال تعالی وتله للجبین .
(۴) لانصالة به . ص . اى فاخذ حکمه فکأنه وضع جبهته علی الارض
فیشرط حیثیذ الطهارة . والظاهر أنه یشرط طهارة مقدار الجبهة لاموضع طرف
الکم بتمامه و یحرر . ط .

مجبی بلا کراهه ط) صحیح اولوب (۱) عذر سزاوورسه صاریفک
آلن اوزرنده کی طولامنه ای دیلان سجود کی مکروه اولور (۲)
سجده واجب اولان سببه ایله برابر بورنک قاتی موضعنی (۳)
دخی یره وضع ایلسکدر. یالکیز جبهه نك وضعی هر حالده اتفاقاً
صحیح، و یالکیز بورنک وضعی جبهه ده عذر اولمقدجه قول اصحده
غیر صحیح، در. چونکه اصح اولان امام ابوحنیفه حضرتلرینک
بو بابت دخی قول امامینه رجوعلریدر (۴).

(۱) کتب سته ده حضرت انس رضی الله تعالی عنہن روایت مذکور
اولان شیشه بناء که حضرت مشار الیه بز رسول الله صلی الله تعالی علیه وسلم
ایله برابر یوانوب نمازده بعضی شدت حردن ثوبی اوجنی مکان سجوده وضع
ایدر ایدی دیمشدر . ط .

(۲) بونکده مع الکراهه صحتی طولامک بر منوال مذکور جبهه
اوزرنده اولسی صورتده در . طولام یالکیز باشده اولوبده سجده اکا کله رک
آننک هیچ برجزی ارضه اصابت ایتمزسه سجود علی اوزره واقم اولمدیغی
ایچون صحیح اولماز . ط .

(۳) چونکه بورنک اوجی محل سجود دکلدر . ص . بناءً علیه یالکیز
آنی یره دکر مکله سجود اجماعاً صحیح اولماز . ص .

(۴) مؤلفک افاده سنه کوره اوج مسئله واردرکه آنلرده امام و امامین
حضراتی آره سنده بدایه اولان مخالفت اخیراً مبدل موافقت اولمشدر : بری
تحریریه مسئله سیدرکه حضرت امام آنک تلبیه کی هر لسان ایله مطلقاً جوازینه
قائل اولمقده منفرد ایکن باخیره امامین حضرتلری دخی کندیلرینه موافقت ایتدیار
وبری قراءت مسئله سیدرکه حضرت امام آنک دخی هانکی لسان ایله اولور ایسه
اولسون علی الاطلاق جوازینه ذهابده منفرد اولوب مؤخرأً عربیدن عاجز
اولیان ایچون عدم جوازینه قائل اولمقده امامینک موافقتنه رجوع بیوردی .
ودیکری سجده ده افه اقتصار مسئله سیدرکه حضرت امام « سجده ده جبهه یه

(۱۹) سجده موضعی قدم موضعند نصف ذراعدن زیاده یوکسک اولمامقدر. تا که صفت ساجد تحقق ایتمش اولسون . ارتفاع قلیل ضرر ایتمز .

(اوده نصف ذراع ودها آز اولاندر . ط) .

موضع سجود موضع قدمدن نصف ذراعدن زیاده مرتفع ایسه ایدیلان سجده معتبر اولمامغله معتبر اوله رق اعاده اولنور ایسه نماز صحیح واکر معتبراً اعاده اولنمیه رق نمازدن اوسجده ایله چیقلمش اولور ایسه نماز غیر صحیح اولور .

مکرکه اورفعت زحام جماعتدن ناشی بیری دیگرینک صرته سجده ایتمک کبی بر ضرورنه مبنی اوله . اوحالده ساجد ایله مسجود علیه که سجده کنننک صرته واقع اولاندر بر نمازده اولق شرطیله (۱) اوسجده صحیح و معتبردر (۲)

اگر مسجود علیه نمازده دکل ، ویا صلات دیگری مصلی ایسه سجود بنه صحیح اولماز .

(۲۰) سجود حالنده ایکی ال وایکی دیزدن اولجسه دخی

اقتصار کبی انفه اقتصار دخی علی الاطلاق جائزدر ، قولنه قائل ایکن بوقولندن رجوع ایله امامین حضر تلی کبی : انفه اقتصار جبهه ده عذر اولق شرطیله جائز اولور . بیوردی اه بایضاح .

(۱) ساجدک ایکی دیزلری برده اولق و مسجود علیه یره سجده ایدر بولنق دخی شرط اولمغله جواز مذکور اوچنچی مصلی به شامل اولماز . کما فی ط . ویکون أشبه بالتلاعب منه بالتعظیم .

(۲) مستحب اولان زوال زحامه دکن تأخیر وتوقف ایدوب بعده لاحق صفتیله اتمام صلات ایله سکندر .

افاده اولديغى اوزره على الصحيح بررىنى وايكى آياغك بارمقلرندن
برمقدارنى قبله يه توجهاً يره وضع ايلمكدر .

ظاهر قدمك وضعى صحت سجود ايچون كافى اولماز . چونكه ظاهر
قدم محل سجود دكلدر شوحديث شريفه بناءً كه : « امرت أن أسجد
على سبعة أعظم على الجهة واليدين والركبتين وأطراف القدمين . »
بيورلمشدر ومتفق عليه بولنمشدر (۱) .

(۲۱) ركوع وسجود صحيح اوله بيلمك ايچون ركوعى
سجوده تقديم ايتمكدر . قراتى دخى شوبله برركوعه تقديم
ايلمكدر كه اوركوعدن صكره فريضه قرات صحيح اوله جق برقيام
قالماش اوله :

(صباح نمازينك ايسكنجى ركعتى كې كه آنك ركوعندن صكره
محل قرات بر قيام قالماش اولمغله آنده قبل الفراه ركوع ايدن
كيمسه ركوعدن رفع رأس ايتدكدن صكره قرات ايتمز ايسه اونماز
فاسد اولور . أما دوت ركعتلى فرضلك ايلك ايكي ركعتنده قراتى
ترك ايدوب ايسكنجى ايكي ركعتنده تأديه ايليان كيمسه نك نمازى
صحيحدر چونكه اوقيامدن صكره كنديسنده فريضه قرات صحيح
اولان قيام موجوددر . ط) (۲) .

(۱) مؤلف اون يدنجى شرطك شرحنده ذكر ايتديكى بوراده بونك ايچون
متناً تكرار ايتمشدر . بعده « وهو اختيار الفقيه واختلف في الجواز مع وضع
قدم واحدة » ديمشدر . مختار اولان آنك مع الكراهه صحيح اولديغى
دخى اوراده سوبله مشدر . وبو شرط سجده نك حد ادناسى ايچوندر . حد
اعلاسى اتيان واجيله اولديغى دخى ذكر اولنمشدر .

(۲) صورت سابقه ده (يعنى صباح نمازى مسئله سنده) دخى ركوعدن رفع
رأس ايتدكدن صكره قرات ايتمك تقديرنده اونماز اعاده ركوع ايله

(۲۲) سجوددن قرب قعوده قالقمقدر (۱) چونکه (بر شبنه مقارب اولانه آنک حکمی ویریلور اولدیغندن ط مصلی دخی ایکی سجده آره سنده) قعوده قریب اولور ایسه قاعد عد اولنهرق بعده سجده یه عودت اولنمقله آنک ده ایکنجی بر سجده اولدیغی تحقق ایتمش اولور . بویله اولماز ایسه اولماز (۲) .

صحت بولور . چونکه رکوع کندندن صکره قراءت بولنهرق منتقض اولمشد . الی هنا کلام ط . بوشرطک مقتضای ارکان صلاتده ترتیبه مراعات فرض اولقله مصلی اکر قبل القراءه رکوع ویاخود قبل الركوع سجود ایلرایسه نماز فاسد اولمقدر . سجود سهو باینده کی افاده دن اکلشیلان ایسه رکنلرده تقدیم وتأخیر وقوعی مستلزم سجود سهو اولقله ترتیب ارکانه مراعات فرض دکل ، واجب اولمقدر . بویسه تناقض اولدیغندن جامم الفصولین صاحبی شرح تسهیلده بوکا جواب ویروب دیمشدر که فرضیت ترتیبک معناسی : ایکنجینک صحتی برنجینک وجودینه متوقف اولق وحتی بعد السجود رکوع ایلان مصلینک سجودی معتبر اولماقله کندینه آنک اعاده سی لارم کلمکدر . وجوب ترتیبک معناسی ایسه : آنی اخلال ایتمک اعاده صورتده نمازی افساد ایلمامکدر . افاده ط ایضا ، ابن عابدین مرحوم ارکان وضوء بمختلعه فرضک رکن ایله شرطدن اعم اولدیغی صاحب درک ذکر ایتدیکی یرده حلبیدن نقلاً : فرض بعضاً نه شرط ونه رکن اولمایانده اطلاق اولنور ، دیوب شو مثالی ایراد ایلشد : بررکعتده غیر مکرر اولهرق مشروع اولانک ترتیبی کی که قراءت قیامه ورکوع قراءته وسجود رکوعه وقعه سجوده مرتبدر بوترا تیب ایسه ارکان وشروط اولدیغی حالده هپ فرضدر . دیمشدر اه .

(۱) ایکی سجده آره سننده کی فاصله نک مبدأیدر که فرض اولان بودر . اطعمشان اوزره جلسه واجبدر . تسکیم ذکر اولنور .

(۲) بعض مشایخ : جبهه یی یردن آییرمق وبهده آنی یره اعاده ایتمک جائز (کافی) اولدیغی ذکر ایتمش ایسه ده بونک ایچون تصحیح معلوم اولماشدر . قدوری آنی کندیسنه رفع اسمی اطلاق اولان شیء دیو ذکر ایلشد . ص .

(٢٣) ايكنجى سجدته وارمقدر چوانكه سجود ثانی دخى سجود اول كى بالاجماع فرضدر .

(ترك اولنورسه نماز صحیح اولماز . اونوداش اولمق صورتده سلامدن صكره دخى خاطر لنسه منافی وقوع بولمقجه اجرا اولنور وقعه" اخيره اعاده ايديلهرك سجود سهو اولنور) (١) .
سجودك تكرارى نمازلك عدد ركعاتى كى برامر تعبديدر كه حق جل وعلا بزی اويلهجه سكلف قيلمشدر . آنلری امر اولنديغمز وجهله ايشلرز ومعنى طلب ايلميز (٢) .

(٢٤) آخر صلاتده اوطومقدر . بوقعود اخير (٣) باجماع العلماء فرض اولوب (٤) اختلاف آنك مقدارندهدر . بزجه فرض اولان تشهد مقدارى قعوددر كه تحياتى اوقويه حق قدر اوطورمقدر (٥) ابن مسعود رضی الله تعالى عنه حضرتلرينك حديثنه بناء" كه ييغمبرمى صلى الله تعالى عليه وسلم اقمندمز حضرتلری

(١) تكيم يكرمى بشنجى فرضده وآلتنجى واجبه معلوم اولور .
(٢) وقيل ترغيماً للشيطان حيث لم يسجد مرة . وقيل لما أمر الله تعالى بنى آدم بالسجود عند أخذ الميثاق ورفع المسلمون رؤسهم ونظروا الكفار لم يسجدوا خروا سجداً ثانياً شكراً لنعمة التوفيق وامثال الامر . ص .
وقيل غير ذلك كما فى ط . والأول قول اكثر المشايخ كما فى البحر .

(٣) اخر صلاتده واقم اولان قعودكه اندن اول قعود اولسه دخى ديمكدر .
بوجهتله صلات صبحيه و صلات جمعه به و صلات مسافره دخى شاملدر . ط .

(٤) الامالىكا فانه روى عنه أنه سنة . ط . وستسم الخلاف فى كونه شرطاً أوركناً على القول بفرضيته .

(٥) بعض مشايخ قعدهده فرض اولان كلمه" شهادتى كنورجك قدر اوطورمق اولديفنى زعم ايلمشدر . ص .

مشار اليه تحياتي تعليم بيوردقلر نده : بونی (اوطوزوب) او قودینگك (*)
یاخود او قویه جق قدر اوطوردینگك وقت نمازکی قلمش اولور سین ،
دیو بیورب تمام صلاتی اكا تعلیق ایتمشلردر (۱) . برشی که فرض انجق
آنکله تمام بولمش اوله اودخی فرضدر .

(۲۵) قعودا خیری ارکانك اك صوکنده بامقدر . زیرا که ختم ارکان
ایچون مشروعدر . بناءً علی هذا اونودیلوبده صکره دن تذکر وایفا
ایدیلان (۲) سجده صلیبه دن (۳) صکره دخی قعود اخیر اعاده اولنور (۴)

(۲۶) نمارك ارکانی وغیر یسنى (۵) اویاق اوله رق (۶) ادا

(*) فانه لم یعهد تشهد الا فی قعود . ط .

(۱) چونکه قعودده تخیر یوقدر . تخیر انجق قراوت تشهدده در . آنده کی
تخیرکده معناسی واجب اولسده ماهیت آکا توقف ایتمز دیمکدر . ط .
(۲) ولو بعد السلام قبل الکلام . ط . وقد مرت الاشارة الى هذا فی
الفرض الثالث والعشرين .

(۳) صلب صلاتده وقم سجده دیمکدره هر رکعده ایکیشدر . بونک
محتزری سجود سهو وتلاوت ایسده محشی مرحوم : سجده تلاویه دخی سجده
صلیه کبیر سجده سهو اوبله دکرلر چونکه سجود سهو تشهدی رفم ایندر
قعودی رفم ایتمز . دیمشدر اه . فسدانک التمشجبهنه یا قکر .

(۴) تکیم واجبات صلاتك سادسنده مذکوردر . یکریم اوچنچی فرضده
دخی ایما اولندی .

(۵) محشی دیرکه و غیرها تعبیرینک ظاهری واجباته وسنن وآدابه شامل
اولمله آنلر دخی بلا یقظه معتبر اوله ماز .

(۶) اویاقنغه که یقظه در فقها : استیقاظ ، وتعبیر دیگر ایله : اختیار .
دیمشدر غفلت اولمیه .

ایلمکدر . اویویارق رکوع یاخود قیام (وکذا قرات علی الاصح ط) ویاخود سجود ایلمر ایسه معتبر اولمیوب (آنلری بیدار اوله رق اعاده لازم کلور) . اکر نوم اداء رکنده عارض اولور ایسه نومدن اول صحیح اولان مقداری سببیه اورکن صحیح اولور .

قعدة* اخیرده خلاف وارددر (۱) .

(۲۷) بش وقتده قیلدیغی نمازارك فرض اولانی بیلوب سائرلرینی نافله دیو فرق و تمیز ایتمک ویاخود جمله سنی فرض اعتقاد ایلمکدر . مثلاً صباح نمازینی ایکیشر ایکیشر درت رکعت قیلوب آنلرک دردیخی فرض بلامک واقشام نمازنده اوللا اوچ و صکره ایکی رکعت قیلهرق آنلری جمله فرض اعتقاد ایتمکدر (۲) تاکه فرض اولان نمازار نافله اولقی اوزره قیلنمش اولسون . چونکه صلات نفل فرض نیتیه ادا اولنه بیلور ایسه ده صلات فرض نفل نیتیه ادا اولنه ماز .

(۱) آنکده منشأی قعدة مذکورہ نك رکن یاخود شرط خروج اولسی حقنہ کی اختلافدر . ثمره* خلاف دخی رکن اولدیغنه کوره آنده یقظه نك اشراطی ، و شرط اولدیغنه کوره عدم اشراطی ، در . منیة المصلیہ نائمأ اولان قعدة ینی مستیقظا اعاده ایتمز ایسه نماز باطل اولور دیمشدر . جامم الفتاواده ایسه : قعدة* اخیرہ نائمأ دخی معتبردر چونکه رکن دکادر و بناسی استراحت اوزرینه اولغله نوم آکا (منافی دکل) ملائم اولور ، دینلمشدر اه ص بایضاح .

(۲) صلاتک مشتمل اولدیغی فروضی دیگرندن فرق و تمیز ایتمک و مثلاً قیامک فرضیتنی و ثنا و تسبیحک سنیتنی علم و اعتقاد ایلمک شرط دکلددر . ص .

واسکن یونلری بیلمکله فاسق غیر مقبول الشهادہ اولور . ط .

ذکر اولئان فروض ایچنده ارکان متفق علیہا در تدرکہ آنلر : قیام، قراءت، رکوع، سجوددر .

مقدار تشهد قعود اخیر دخی رکندر اکا شرط و تحریمه به رکن دبیان دخی اولماشدر .

باقیسی شروطلر . آنلرک بعضیسی صلاته شروعک صحتیچون شرطلرکہ آنلر خارج صلاتده اولانلردر : حدث وخبثدن طهارت، سترعورت، استقبال قبله، وقت، نیت، تحریمه .

دیگرلری (۱) صلاتک دوام صحتیچون شرطلر . آنلرده معلوم اولمشدر (۲) .

(۱) قراءتی قیامده ایقاع ایتمک ورکوع قیامدن صکره اولوق وسجود رکوعدن مؤخر بولنق وبولر مستیقظاً ادا اولنق کبی . ط .

(۲) محشی مرحوم بابک اولنده ذکر ایتمشدرکہ شروط درت قسمدر «۱» یالکز شرط انعقاددر : نیت، تحریمه، وقت، وجمعه کوره خطبه کبی . «۲» شرط انعقاد ودوامدر : طهارت، سترعورت، استقبال قبله کبی . «۳» یالکز شرط بقادرکہ داخل صلاتده وجودی مشروطدر بوده ایکی نوعدر . بری کندیسنده تعیین مشروط اولاندر : مکرراً مشروع اولمیانک ترتیبی لبی (۴) دیگرری کندیسنده تعیین مشروط اولمیاندر . بوده ایکی نوع اولوب بری وجودی، ودیکری عدمی، در . وجودیسی : قراءتدر . چونسکه قراءت رکن ایسهده نفسنده رکن وسائرچون شرطلرکہ ارکانک هپسنده تقدیراً موجوددر . بوکا مبنی امینی فرض قراءتک اداسندن صکره دخی استخلاف جائز دکلدر . کما فی الدر . عدمیسی : مقتدینک امامه عدم تقدیمی وصلت مشترکدهده مشتہانک عدم محاذاتی وصاحب ترتیبه کوره فائیهی عدم تذکر کبی . «۴» شرط خروجدر اوده قعده اخیردر اه .

(*) قراءت قیامده ورکوع قراءته وسجود رکوعه وقعده سجوده مرتبدر تسکیم ابن عابدیندن تقللاً یکرمی برنجی فرضک هامشده ذکر اولمشدر .

شروطك متعلقات وفروعه^(۱) دائر فصل

اوست یوزی طاهر وآلت یوزی نجاست مانعه ایله نجس اولان کچه^(۲) اوزرینه نماز قیلیق جائز یعنی صحیح اولور چونکه کچه قالینلیغی جهنله ایکی ثوب کبیر . قالین لوح (مثلاً تخمه) دخی بویله درکه آفده یاروب ایکی یایمق ممکن اولمغله آلتی نجس اولدیغی حالده طاهر اولان یوزنده نماز قیلیق عند الطرفین جائز اولور^(۳) چونکه او بری بر اوزرینه قونلش ایکی شی حکمده در^(۴) .

کندیسی طاهر وآستاری نجس اولان لباس اوزرنده نماز قیلیق آستار یوزه مضرب (یعنی هر طرفندن دیکشلی ویاشدیریلی) اولماق شرطیله صحیح اولور . چونکه اودخی بری بر اوزرنده اولان ایکی ثوب حکمده در^(۵) .

یا یغینک یا خود حصیرك طاهر اولان طرفنده نماز قیلیق او طرفنك

(۱) فروعك ماقبله عطفی خاصك عامه عطفند در ط .

(۲) کچه دیمکدن مقصد ایکی نصفه یارمه صالح اولان هر قالین شیدر : طاش ، کرپیچ ، یایغی کبی . ط . وقد مر فی أول باب الشروط .

(۳) خلافاً لابن یوسف . ص . بالاول أفنی الشیخ ابو بکر الاسکاف وبالثنانی أفنی الشیخ ابو حفص السکیر . فهما قولان مرجحان . ط .

(۴) محشی دیرکه حشوی (ایچنک طواغیسی) نجس اولوبده ایکی یوزی طاهر اولان شی دخی ذکر اولنان کبیر . یوننده نجاست فاحشه اولان قیون ویا کچی دریسی اویله در . كما فی البدائم والخصاصه اه .

(۵) قهستانیده دیمشدرکه متنسج البطانه قفنان کبی شمیک طیش یوزنده یافهسی اوزرنده طوروب انکنه سجده ایتک اوزره نماز قیامق کرکدر اه ط .

تحريك اولئسميله نجس اولان طرفی حرکت ایدر درجهده یایی
یاخود حصیر صغیر دخی اولسه قول صحیحده صحیح اولور . چونکه
مصلی آنی کینمش دکلر .

(مده یایی کبی یرده اولان شی یر حکمنده اولخله آنده شرط
اولان انجق مکان مصلینک طاهر اولسیدر . ط) .

(باشنه صاردیغی) صارینک یاخود (بورینوب نماز قیلدیغی)
یورغانک (۱) براوجی تنجس ایتمکله آنی باشندن و (بدنندن) القا
وتنجیه (۲) ایدرک طاهر اولان طرفی کیندیسندن ابقا ایلسه اگر
اوصاریق ویااورتی برطرفنک تحریک اولئسميله دیگر طرفی تحریک ایتمز
درجهده ایسه نماز جائز اولور چونکه بوحالده نجس اولان طرفی مصلی
تلبس ایتماش دیمکدر . اگر برطرفنی تحریک ایله دیگر طرفی دخی تحریک
ایدرایسه نماز جائز اولماز . چونکه اوحالده مصلی حکماً حامل
نجاست دیمکدر .

بوندن حال ضرورت مستثنادرکه ضرورتده ثوب متنجس ایله
ستر عورت ایدیلهرک نماز قیلنور .

صحت صلاته مانع نجاستی ازاله ایدهجک شیئی بوله میان کیمسه
نمازی اویلهجه قیلار . وبولدیغی وقت اعاده ایتمز . چونکه تکلیف
بحسب الوسعدر (۲) .

(۱) ملاحظه کرچه یورغاندر اسکن مقصود اورتی وبورکی اولقی ملایمدر .
صارمق وبورنمک فعللری تصویر تلبس ایچون زیاده ایدلشددر اصلک افاده سی
قاصر در .

(۲) تبعید .

(۳) کرک وقت باقی اولسون، کرک اولسون، ونجاست کرک لباسده ، کرک

ازالہ نجاست کندیسنہ نظری حلال اولمیان کیمسه نك یا ننده کشف عورتی ممکن اوله مامق صورتی دخی بویله در . زیرا اظهار عورت منہی عنہر . ازالہ نجاست مأمور بہر . امر ایله نہی اجتماع ایتدکده نہی اولادر .

ستر عورت ایتمک ایچون ولو حریردن یا خود حشیشدن اولسون برشی بوله میان کیمسه او حالده قیلدیغی نمازی اعاده ایتمز .

کرچه حریر تلبیسی^(۱) ارککه حلال دکلدر و لکن فریضه ستر منع انہس حریردن اقوی اولمغله حریردن بشقه ساتر عورت بوله میان کیمسه آنکله تستر ایدرک نمازی قیلق لازمدر^(۲) . او وارا یکن منکشف العوره اوله رق نماز قیلق جائز اولمدیغی کبی حشیش ایله که اوتدر تستر ممکن ایکن آنی و یا خود یا پراق ایله تستری ترک ایدرک قیلق دخی جائز اولماز .

چامور و بولاق صو^(۳) دخی فی الجمله ساتر اولمغله آنلرک

مکانده بولندون . ازالہ ایدیجی شیئی بوله مامق دخی کرک حقیق اولسون ، کرک حکمی اولسون : بولوبده حبس عدو کبی برمانه مبنی استعماله قادر اوله مامق حکماً بوله مامقدر . ط .

(۱) تلبس، تعبیری استعمالدن احتراز ایچوندر . کما قد قدمناه .

(۲) اییک جامه ایچنده قیلنان نماز صحیحدر و عند الضروره کنهه دخی یوقدر . بشقه سنه قدرت وار ایکن آنده قیلارسه کنهکار اولور . أفاده ط .

(۳) بولاق قیدی طوری اولان صو ستره صالح اولمدیغندندر . ط .

ایچنده نمازی ایما ایله قیلیق ممکن ایکن (۱) آچیقده قیلیق جائز اولماز .
 ماتحتی مرثی اولان جام و اینجه جامه ایله تستره اعتبار اولدیغی کبی
 ستر ظلمته دخی اعتبار یوقدر . نسکیم باب شروطه ذکر اولنمشدر .
 (ستر عورت هم حق خالق و هم حق مخلوقدر بناءً علیه خلوتده
 یعنی کئندندن بشقه کیمسه اولدیغی برده دخی کشف ، غرض صحیح
 ایچون (۲) اولدقجه ستر علی الاصح و اجیدر . (۳)
 ستر عورت ایده جک شیئی ولو برینک اباحه و اعاره سی ایله
 اولسون (۴) بولان کیمسه آنک بر ربهی طاهر اولدیغی حالده

- (۱) بوبابده صلات جنازه ایله سائر صلاتک فرقی ده یوقدر . ط .
 (۲) غرض صحیح قیدی رد مختارده نفوط واستنجا ایله تمثیل اولندقدن
 صکره : ه قنیه ده منفرداً یبقانقی ایچون موینمی حقنده اقوال عیدده حکایه
 اولندی : مکروه اولور ، ان شاء الله معذور اولور . آنده بآس یوقدر ،
 مدت یسیره ده جائز اولور ، کوچک برجام اولده (غسالخانه دروننده) جائز
 اولور . « دینلشدر اه .
 (۳) کئندن ستر واجب اولماز دخی دینلش و بوقولده تصحیح
 اولنمشدر . ط .
 (۴) مبیحک منی آلتنده قالمق ده اولماز که اباحه تملیک کبی موجب منت دکلدر .
 بونی مؤلف تیم مسئله سندن صکره : اذ لایاحقه المانیة « قوایله نابجمل افاده
 ایتمشدر . محمی دیرکه اباحه ایتمزایسه آنک اوزرینه قدرتی ثابت اولماش
 دیمک اولغله اوخلده نمازی عریان قیلار ، زیرا ملک غیر ایله انتفاع مسوغ
 شرعی اولدقجه جائز اولماز . غایه دن نقلاً شلییده مذکوردرکه : لزوم شراء
 نوبده صوم مسئله سنک خلافتنه اوله رق مشایخ اختلاف ایتمدیلر . ثوب سائر وعد
 اولنمقله اکا قدر ثابت اولش اولماز و لکن نماز قضایه قالمقدن قورقاندقجه
 تأخیر اولنمق عند الشیخین واجب اولور . امام محمد عنده مطلقاً انتظار واجب
 اولور اه .

نمازی عریان قیلمق علی الاصح صحیح اولماز . متیممه اباحه اولنان صوکی که آنک استعمالی متعین اولور .

شیئک ربعی برطاقم مواضعده کلی مقامنه قائم اولور . جمله دن بری بوموضعدر (۱) . نجس اولان اوچ ربعنک کل مقامنه قائم اولماسی لزوم ستره و طهارت ربع سببیلله سقوط حکم نجاسته مبنیدر .

ربعدن اقلی طاهر اولان ثوب ساتری بولان کیمسه نمازی آنسکه تستر ایدرک قیلمق ایله عریان قیلمق بیننده مخیر اولوب آنسکه وحتى تمامی نجس اولان ثوب ایله قیلمق عریان قیلمقدن احیدر . ایکی بلیه یه مبتلی اولان کیمسه آنلرک تساویسی حالنده تخییر اولنور اهورنی وار ایسه آنی اختیار ایدر (۲) .

عریان اولان کیمسه نمازی قائماً دخی قیله بیلور ایسه ده حقه افضل اولان صفت آتیه اوزره قاعداً قیلمق ورکوع وسجودی ایما ایله یاپمقدر .

غیر طاهر ایله تستراً اداء صلاتده شرط طهارت کرچه بالضروره اخلاص ایداش اولور ولکن هم ستر عورت شرطی یرینه کلمش وهم نمازک قیامی ورکوع وسجودی حقیله ایفا اولنش

(۱) احرامدن چیقمق واحرامه جنایت ایداش اولق مسائلنجه ربع رأسک حلق ویا نقصیری دخی اوجله دندر . ط . وقد مرأت من هذا فی صفحة ۱۹۸ من کتاب الطهارة .

(۲) تنکیم بر قادین نمازی قیاماً قیلمق تقدیرنده آندن بر عضوک ربعی منکشف وقعوداً قیلمق تقدیرنده مستتر اولور اولسه قعوداً قیلار . چونکه ترک قیام اهورندر . ثوب نجسده قیلمق دخی بویله در . ط .

اولمغله البته عریان قیلیمقدن بو افضل و آکاراجح بولنور .
 بعض عورتنی یعنی عورت موضعنک برازینی ستی ایدمچک
 شیئه دسترس اولان کیمسه ایچون آنی اخد واستمال ایتمک
 لازمدر (۱) . هیچ اولمازایسه عورت غلیظه سنی ستر ایدر (۲) .
 عریان اولان کیمسه نمازی آیاقلرنی قبله یه اوزاده رق
 اوطورب (۳) ایما ایله قیلیمق مندوب اولور . چونکه بوحالده
 اولدقجه ستر بولنور .

قائماً دخی ایما ایدم بیلور (۴) .
 قائماً رکوع وسجود ایدرک قیلار ایسه ارکان صلاتی ایفا
 ایتدیکیچون اوده صحیح اولور (۵) .

(۱) مؤلف اولاً وجوب ایله تعبیر ایدوب بعده آنی لزوم ایله تفسیر
 ایلشدر . ترجمه قوتی جهتیله لزومه قصر ایدلشدر . کما تقدم فی تمام أحكام
 الوضوء فی هامش الصفحة ۱۴۳ من کتاب الطهارة .

(۲) یا-لکز اوقدری ساترایسه آنکله اوکنی وارقه سنی اورتر .
 اگرآناردن انجیق برینی سترایده بیله چک ایسه : حالت رکوع وسجوده اغش
 اولدیفیچون ارقعی اورتر . دینلش اولدیفی کبی : قبله یه قارشو بواندیفیچون
 اوکی اورتر . دخی دینلشدر اه س .

(۳) ذخیره ده مذکور اولان بودر . منية المصايد : نمازک حال تشهدنده
 اوطوردیفی کبی اوطورر . دیمشدرکه بوکا کوره قادینک وارککک حال
 مختلف اولش اولور . خلاف اولویتده در اه ط باسقاط بعض .

(۴) صاحب هدایه نك ظاهر افاده سی بوضورتك منعیدر . کما فی ط .

(۵) دردنجی برصورت قالمشدرکه انده صاحب بحر ونهر ملتقى البحار دن
 نقلاً ذکر ایلشدر : قاعداً رکوع وسجود ایدرک قیلیمقدن . ط . زیلای مرجوم
 مارینک رکوع وسجود ایله یاخود بونلری ایما ایدرک نمازی قائماً ویا قاعداً
 قیلسی جائز اولدیفنی ملتقى البحار دن نقلاً ذکر ایتمشدرکه درت صورته شاملدر .

بوايكي صورتدن هانكيسني ديلرسه اكاميل ايدر . اولكيسي افضلدر (۱) .

ستر عورت ايده جك شئي (وار ايكن) اونودرق نمازي عريان قيلانك صحت صلاونده اختلاف اولنمشدر .

كرك حرّ اولسون ، كرك كنديسنده رقّ وعلوكيت بولنسون اركك قسمك (۲) عورتى (۳) كوبك ايله ديز قاباق منتهاسى مايئيدر (بولره هر طرفدن محاذى اولان محللر عورتدر .) (۴) .

(۱) قدسمت مافيه . فانه قال فى التى لايجد ثوبا : فان صلى قائما أجزاءه لأن فى القعود ستر العورة الغليظة وفى القيام أداء هذه الاركان فيميل الى أيهما شاء . قال الزيلعى ولو كان الایاء جائزاً حالة القيام لما استقام هذا الكلام اه . (۲) اركك تعبيرنده صبينك بويله اولديفنه اشارت واردر . سراجده ديمشدر كه پك كوچك چوجق ايچون (كه درت ياشنه قدر ديمكدر) عورت يوقدر وا كا نظر و مس ايله سكده دخى باس يوقدر . ط . (۳) عورت افتده عيب ونقص معناسنه اولان عوردن مأخوذ اولهرق ظهورى مستقبیح اولان هر شيدر : يکچشمکله عور وکامه قبيحه عوراء اطلاق اندندر . قبيح ظهورينه وکنديسندن غض بصر اولنديفنه مبنى سوانه : عورت . دينامشدر انمانك استنکاف ياخود استعيا جهتيله هرستر ايتديكى شي دخى عورتدر . نساء دخى عورتدر . تنکيم کتب لغتده مذکوردر . ط فى باب الشروط .

(۴) مبدأ سره دن ويا منيتندر . ط . ظاهر روايت ركبته نك تماماً عورت اولديفدر . شريعتده عورت سترى فرض اولان بردر كه شارع عليه السلام آتى « عورة الرجل ما بين سترته الى ركبته » و « الركبة من العورة » قول شريفلىله بيان بيورمشدر . ص . عورتك غايظه وخفيقه به تقسيمى محشينك

جاریه ده ذکر اولنان محل عورته ظهرايله بطن دخی زیاده ایدیلور (۱) کړک مملوکه محضه اولسون ، کړک ام ولد ویا مدبره ویاخود مکاتبه بولسون . و (حتی) عند الامام مستسمات (۲) دخی اولسون .

بولر باشلرینی اورتمیه رک وحتی کوکسلری دخی آچیق اوله رق نماز قیله بیلورلر کما فی رد المحتار .

حره اولان قادینک جمیع جسدی عورتدر . یوزی واللری وآیاقلری مستثنادرکه بولر عورت اولماغله نمازده یوزی آچیق بولندیغی کبی الی وآیاغی دخی عموم ضرورته مبنی آلتی واوستی

آتیاً اولان تصریحی وجهله نماز حقنده دکل ، نظر حقنده در . بحرده مذکوردرکه رکبه حقنده کی حکم عورت فخذ حقنده کی حکم عورتدن اخفدر . ثمره سی ده بودرکه مکشوف الرکبه کوردیکی کیمسه یه انسان رفق ایله انکار ایدوب اگر اوکیمسه مصر اولورایسه آنکله نزاع ایتمز : مکشوف الفخذ کوردیکی کیمسه یه علف ایله انکار ایدر . اصرار ایدرسه آتی ضرب ایلز . مکشوف السواء کوردیکی کیمسه یه ستری امر ، واصرار ایدرسه آتی تأذیب ایدر . کو بکنندن قاسیغنه قدر آچیق کوردیکی کیمسه یه رفق ایله انکار اوزره اولور . اصرار ایدرسه نزاع ایلر و آتی تأذیب ایتمز . زیرا مجتهد فیه در قول فضلی یه بناء که هر قدر ضعیف ایسه ده : « اوراسی عملده آچیق اولوق اوزره تعامل اولندیغنه مبنی عورت دکلدز . » دیمشدر اه من ط . وجه الضعف عدم اعتبار التماثل بخلاف النص .

(۱) یانلردن بطنه یاقین یرلر بطنه ۶ وظهره یاقین یرلر ظهره تابعدر . ط .

(۲) معتقۃ البعض اولاندرکه عند الامام آنده ینه رق موجوددر . عند الامامین او حره مدیونه در . مرهونه اولان جاریه یی راهن معسر آزاد ایتمش اولورسه او اتفاقاً حره اولور . کافی ط .

مساوی اولی اوزره آچیق بولنه بیلور . وایکن ال بشقه و قول بشته رد .
حره نك قولى ظاهر روایتده عورتدر (۱) .

(آباق دخی بشقه و باجاق بشقه در . باجاق عورتدر که نمازده
بر ربهنك بیله بررکن ادا ایدجک مدت منهکشف اولمسی مفسد
صلا تدر .)

حره نك صاچی و قول اصحده (۲) صاچنك صارققلری بیله
عورتدر . فتوی دخی و قول اوزرینه در (۳) .

(۱) امام ابوحنیفه حضرتلرندن قولک عورت اولدیغی دخی روایتدر .
ص . خدمت ایچون کشف ذراعہ حاجت اولدیغنه مبنی کتاب الاختیارده
بوروایت اختیار اولمشدر . کافی البحر . کمال دیمشدر که بعضار ذراعک
صلا تده عورت اولوب خارج صلا تده عورت اولدیغنی تصحیح ایتمشلردر .
عورت اولماقله اکا نظر جائز اولی بیننده تلازم یوقدر . چونکه نظرک حل
وجوازی عورت اولماقله برابر حس دیکر قورقوسی اولماغنه منوطدر .
بونک ایچون وجه امرده نظر دخی خوف مذکور حالنده حرامدر . حالبوکه
او عورت دکلدره ط .

(۲) مؤلف بویله دیمکله انک عورت اولدیغنه دائر اولان روایت منتقادر
احتراز ایتمشدر . عبد الله البلخی دخی اکا قائلدر . نهرده دیمشدر که الحاصل
آنک حقنده ایکی اعتبار وارد بری عورت خصوصنجه آنک بدنن اولی
اعتباری و دیگر اوریلی اولدیغنه کوره غسل حقنده انک بدنن اولماق
اعتباریدر . ط .

(۳) بناء علی هذا حره نك صارقان صاچنك برربی دخی نمازده آچیق
بولنق صحت صلا تده مانعدر . ص . قال : ولا یحل النظر الیه مقطوعا منها فی
الاصح . قال ط : وقيل یحل کما یحل النظر الی ریقها ودمها .

کرك اركك ، كرك قاديئك غليظ وخفيف (۱) اعضاء عورتندن
برعضوك ساترى وارا يكن (۲) ربعى (۳) آچيلق صحت صلاتى منع
ايدر (۴) ربعك مادونى منع ايتمز .
ركبه مع الفخذ (يعنى اويلق ايله برابر ديز) فى الاصح عضو
واحددر (۵) .

(۱) عورتك غليظه وخفيفه يه تقسيمى نظر حقندهدر . نماز حقنده هپسى
بردر . ط .

(۲) چونكه اكر ساترى يوق ايسه نماز چپلاق دخى قيلار . ط .

(۳) ربع قيدي صلاته كورهدر . حرمت كشف ونظر ربع عضو ايله مقيد
دكلدر . آنك قليل وكثيرى مساويدر . ط .

(۴) امام ابو يوسفجه بر ركن ادا ايدجك مدت اولور ايسه . وامام محمدجه
بافعل اداء ركن ايدر ايسه اه مختار اولان لاجل الاحتياط قول ابى يوسفدر .
منيه ده ركنك مع السنه اداسى اعتبار اولمشدركه اوچ تسبيح مقدارى ديسكدر .
ربعك اعتبارى عند الطرfindر . امام ابو يوسف اكثر انكشافنه اعتبار ايتمشدر .
نصفده آندن ايكي روايت واردر . ط . ربعدن زيادهسى اولويتله ربع حكمنده
اولوب زمن قليلده كي انكشاف كثير زمن كشيده كي انكشاف قليل (مادون
الربع) كبي مانم صحت دكلدر . زمن كشيده كي انكشاف كثير مانم صحتدر .

(۵) حقيقته ركبه مستقل بر عضو اوليوب اويلق كيسيله باجاق كميكنك
التقا كاهيدر . ديرسك دخى بازويه وييلك قوله تايم اولق كركدر . ط . قاديئك
تاويفى دخى باجاغيله برابر برعضودر . قولاغى باشدن آيرو برعضودر . صارقق
اولان مەسى دخى بر عضودر . اكرمه صارقق دكلده ناهد ايسه صدرينه
تايعدر . عضو تناسل خصيتيندن آيرو بر عضودر . كوبكدن قاسيفه قدر
جوانب بدن ايله برابر برعضو كاملدر . هر قيناق بشقه عضودر . مقعه آنلك
اوچنجيلريدركه او دخى مستقل برعضو عورتدر . فى الصحيح . ص .

انکشاف ، متفرق اولوبده مجموعی أعضاء عورتدن اک
کوپچکنک ربعنه مساوی اولور ومدت انکشاف بررکنی ادا
ایدهجک مقدار ممتد بولنور ایسه صحت صلاته مانع اولور .
والا (۱) مانع اولماز (۲) وبونده فقیرایله غنی مساوی بولنور .

خسته لکه یاخود بر تخته اوزرنده قالب غرق وتلف
قورقوسنه (ویاخود عند الاستقبال ضرر شدید حصولنه ط) یاخود
(فرض نمازله کرره ط (۳) حیوان اوزرنده بولنوبده یا
اختیارلغندن ویاخود حیوانک سرکشاسکندن ناشی کندی کندی
اینوب بینمک ممکن اولماغه (واینمکده یالکیز قالمق تلهکسی
یاخود یر چامور اولمق محذوری بولنمغه (۴) یاخود انساندن ویا
حیواندن کندی نفسی ویا دابه سی یاخود مالی ویا امانتی حقمنده
خوف عدوه ویاخود قتال ابچون اشتداد خوفه ویا دشمنندن
را کباً فراره (۵) مبنی استقبال قبله دن بنفسه (۶) عاجزاولانک

(۱) یعنی اصغر أعضاء عورتک ربعنه بالغ اولماز ویاخود اولسده مدت
انکشاف اومقدار اوزاما ز ایسه .
(۲) قال : للضرورة .

(۳) چونکه نوافلک خارج مصرده دابه اوزرنده اداسی عجز ایله مشروط
دکدر ، تکیم بیانی کملور .

(۴) زده بما ذکره فی الصلاة علی الدابة .

(۵) را کباً یعنی ماشیا فرارده صلات جائز اولدیفندندر . ط . صلات

ماشی یوقدر .

(۶) سیأتی بیان محترزه .

قبله سی ضرورتہ بنام کندیکنک قادر اولدیغی و امین بولندیغی
جهتدر (۱) . نمازی قاعداً قیلیق صورتنده دشمنک آنی کورمسندن
قورقارایسه امین اولدیغی جهتہ یان اوستی یاتهرق ایما ایله قیلار .
غیرک قدرتیلہ قادر اولان کیمسه عند الامام قادر صاییلماز (۲) .
امامین بوکا مخالفدرلرکہ آنلرجه اوکیمسه قادر عد
اولنور (۳) .

معینی اولمیان عاجزک قادر اولدیغی جهتہ متوجهاً قیلدیغی
نمازک صحتنده اختلاف یوقدر .
جهت قبلہ کندیسنه مشقبہ اولوبده (۴) یاننده (۵) اهل

(۱) قادر اولورسه حیوان طورر اولدیغی وقادر دکل ایسه حیوان یورر
بولندیغی حالده اوزرنده ایما ایدر . وقادرایسه متوجه قبلہ اولور ، دکل ایسه
اولماز . وبولر فرض نماز حقنده در . ط .
(۲) مثلاً اعماک یذنی اولسه دخی جمعیه چیمقی اکا واجب اولماز ، معینک
متبرع یاخود اجیر و یا مملوک اولسی بئنده عند الامام فرق دخی یوقدر . بوراسی
عشینک افاده سنه کوره . مله سابقه ده استقبال ونزولدن مجزک بنفسه اولقی قیدیله
مقید اولسنک علنی منزله سنده در .
(۳) بو مسئله جه مصحح قول امامین اولدیغی محشی مرحوم باب الجمعه ده
ذکر ایتمشدر .

(۴) محشی دیرک قبله نیک اشتباهی انطباس اعلامنه مبنی اولور . أما هوا
آچیق اولوبده ادله ظاهر ایکن کندیسى آنی ییله زایسه تعری جائز اولورمی ؟
وجهل ایله معذور طوتیلورمی ؟ بعضلر : نه تحری جائز اولور ، نه ده جهل ایله
معذور طوتیلور ، دیدیلر ظهیر الدین مرغینانی : جائز اولور . دیدی صاحب جوهره :
قدورینک ظاهر کلامی بونی کوستر . دیمشدر اه .
(۵) یاننده اولقی : باغرر ایسه ایشیدر یرده بولنقددر . عادلاک قبله حقنده کی

مکاندن و یا علی اولاندن (۱) خبر ویرن اولمیدیغی و یاخود
صوربده سویله مدیگی (۲) و محلك محرابده بولمیدیغی صورتده
مقصودی سجده تلاوت دخی اولسه (۳) تحری ایدر یعنی
اصابت قبله ایچون بذل بجهود ایدرك رأى غالبيله عمل ایلر (۴) .

(یاآنده اهل مکاندن و قبله یی بیلندن صوراجق کیمسه
وارایکن اكا صورمیوبده تحری ایتمك استخبار هم مستخبری
وهم دیکرینی ملزم اولوب تحری ایسه انجق متحری یی ملزم
اولمقدن ناشی تحریك فوقنده بولمیدیغی ایچون جائز اولمیدیغی کبی
زیلعی) محرابلر موجود ایکن (دخی) تحری جائز اولماز . چونکه
آنلك فی الاصل وضعی بحق در (۵) . اهل مکاندن و اهل

قولی قبول ایدر كرك عبد و كرك جاریه اولسون . فاسقك و مستورالحالك خبرنده
تحری ایدوب رأى غالبيله عمل ایلر . ذكره ط عن حظر الدر المختار .
(۱) شروط صلاتك سابقه باقكر .

(۲) اهل مکاندن و یاخود اهل علمدن ایکن دیمکدر : كما فی ط .

(۳) صلات جنازه دخی اویله در . ط .

(۴) خبر عدلك قولی کندی رأى واجتهادینه مخالف دخی اولسه آنی
طوتمق واجب اولور . چونکه اخبار تحریدن أعلادر : اخبارده مستعبد رط .
فیومی دیرکه تحری قصد معاسنه در و برایشده تحری ایتمك ایکی امرک احری
واولاسنی طلب ایلمکدر اه .

(۵) محارب قدیمه جمله ادله دندر خصوصيله مدینه منوره نك محرابی . چونکه
او ۶ وحی ایله موضوعدر . بو حوالده محرابه اتباع واجب اولوب او وار ایکن
تحری جائز اولماز . فتاوی قاضیخانده محاربك وجوديله برابر تحریك دخی
جوازی مذکوردر . ط .

علمدن اولميانك قولسه التفات ايتمز هر نه قدر مخبر ايكي دخي اولسه كه آنلر دخي كنديسي كبي بي وقوف يولچيلردر عن اجتهاد اخبار ايدرلر . ديكرينك اجتهاد چون كندى اجتهاد بى ترك ايلز .
 قپورلى چالوب قبله نى صوررق وهوام و حشرات يا خود
 محرابدن بشقه بر طاق بولنمق احتماله مبنى ديوارلى يوقلايه رق
 قبله آراشد ريق لازم دكلر .

مسئله : اعمى كي مسه قبله نك غيرى يه طوررق بر ركعت
 قيلدقدن صكره برى كلوب آنى قبله يه طوغرلئسه اكر نمازه
 طورديغى وقت قبله نى صوراجق كي مسه بولدى ايسه نمازى
 صحيح ، واكر صوراجق كي مسه بولوبده صورميهرق طورمش
 ايسه نمازى غير صحيح ، در . هرايكى صورتده كنديسى قبله يه
 طوغرلئمش اولان كي مسه نك اكا اقتداسى صحيح اوله ماز (۱) .
 قبله كنديسنه مشته اولان كي مسه بالتحرى قيلديغى نمازى
 قبله يه اصابت ايده مديكى تبين ايتمك تقديرنده اعاده ايتمز (۲) .

(۱) چونكه صورت اولاده دخي امامنك خطاى اولديغى بيلمشد
 شودخى بومسئله يه نظيردركه بر كي مسه قاراندده بر مسجده كيروب اقشام
 نمازى قيلدقدن صكره قنديل كتورالكله نمازى قبله نك غيرى يه قيلديغى تبين
 ايتسه اكر تحرى ايله قيلمش ايسه نمازى جائز اولوب اعاده لازم
 كلمز . ط .

(۲) صحابه حضراتى برايل مظلم سفرده صلات تهجدى هر برى
 بالتحرى بر طرفه متوجهاً قيلمش اولدقلى عند الصباح تبين ايدرك ذات حضرت
 رسالته عرض اولندقدده (فاينما تولوا فثم وجه الله) قوله كريمك
 نازل اولديغى عامر بن عقبه يا خود عامر بن ربيعة رضى الله تعالى عنه
 روايت ايلمشد . كافى صرمعط .

قبله تحریری آبدست آلتی ایچون طاهر صو و نمازده ستر هورت ایچون طاهر ثوب تحریری کبی دکلدرکه صویک یاخود ثوبک عدم طهارتی تبین ایدرسه نماز اعاده اولنور . چونسه صلاانده طهارت ، انتقال وتبدله احتمالی اولمیان برشیدر . قبله ایسه اولیه دکل ، انتقال ونحولی محتمل ، در . نسکیم بیت مقدسدن (۱) کعبه مکرمه به تحول ایلشددر .

اگر متحرری نماز ایچنده خطاسنی اکلار ویا اجتهدی تبدل ایلر (۲) ایسه استداره و بنا ایدر . یعنی صواب کوردیکی جهته دونه رک نمازینه دوام ایدر (۳) . اجتهدک تبدلی نسخ کبیدر (که عمل سابق ابطال ایتمز . بلسکه آنکله آنیاً عمل ممنوع اولور ط) اهل قباء (۴) نسخ قبله کندیلرینه بالغ اولدوقده نماز

(۱) بوراده مقدس ایکی وجهله ملفوظ اولوب آنلردن بری نفعلیدن اسم مفعول صیغه سی ، ودیکری مجلس وزنی ، در . اولسکنه کوره ترکیب وصفی ، وایکنجی به کوره اضافی ، در .

(۲) ولوالی الجهة الأولى علی الأوجه . ط .

(۳) استدارده مؤلف : من جهة اليمين لا اليسار . دیمش ایسه ده محشی مرحوم : بوعلی وجه الاستجاب اولقی کرکندر وجوبی دکلدر . دیمسکله برابر : بونسکده محلی صاغدن دونمک عملجه اکثر اولسامقی صورتنده در . والامستجب اولان قلیل العمل بولنان جهتدن توجهدر . دیمشدر اه مؤلفک بوراده بر مسئله سی دهاوارکه : بعد الاستداره سجده صلیبه ترک ایتدیکنی خاطرلار ایسه نمازی باطل اولور . دیبور آنکده وجهی بررکعت ایچون ایکی قبله اولسامسیدر . کما فی ط .

(۴) قباء قافک ضمی والفق قصیر ومدی ایله مدینه منوره قربنده وجهت جنوبنده در . منصرف وغیر منصرف اولور . کما فی المصباح .

ایچنده کعبه جهته دوندیلر . نبی علیه الصلاة والسلام دخی آنلرک بوفعللرینی حسن کوردیلر .

قبله کندیسنه مشته اولان کیمسه بلاقیری نمازه شروع ایدر ایسه آنک فعلی موقوف اولور . شویله که قبلهده اصابت ایتمش اولدیغنی اگر نمازدن فراغندن صکره اکلارایسه اونماز صحیح اولور زیرا استصحاب حال ایله اولان حکم (۱) صوابک ندینیه باطل ، و نمازک اولندن برو جوازی ثابت ، اولمش اولور . و اگر اصابتی نمازک ایچنده اکلار ایسه ولوکه ظن غالب ایله اولسون اونماز فاسد اولور زیرا آنک حالی او علم ایله قوت بولمش اولمغله قوی بی ضعیفه بنا ایلمش اولور (۲) .

تکیم اصابتی هیچ بیله مامک صورتنده دخی نماز فاسددر زیرا فساد استصحاب حال ایله ثابتدر (که اوده عند الاشتباه ترک تحری به مبنی اولان فساددر ط) (۳) .

تحریسی برجهته واقع اولوبده کندیسیدیکرجهته طوررق قیاسه اصابت دخی ایتسه کافی اولماز (۴) زیرا حقنده حکماً

(۱) حالدن قبله کندیسنه مشته اولانک حالی مقصوددرکه آنک عدم تحری عندنده حالی فساددر . چونکه عند الاشتباه تحریسز طوریلان نماز فاسددر . أفاده ط .

(۲) خلافاً لابن یوسف . ص .

(۳) و (صورت سابقهده اولدیغنی کبی) بردلیل ایله مرتفعده اولما مشدر بناءً علیه فساد مقرردر زیرا مشروط اولان شی نه حقیقه و نه حکماً حاصل اولما مشدر . ص . حقیقه حصول : یقیناً استقبال ایله اولور . حکماً حصول : تحری ایله اولور . کما فی ط .

(۴) وعن ابن حنیفة : ینحی علیه الکفر ولا یکفر . ط .

کعبه اولان جهتی که تحریر سنک واقع اولدیغی جهته در ترک ایلمشد (۱).

نیکم نجس اعتقاد ایتدیکی ثوبک ایچنده اولدیغی یاخود کندیغی آبدستیز بیلدیکی و یاخود وقتک عدم دخولی معتقد بولندیغی حالده نماز قیلوبده خلاف اعتقادی ظهور ایتک صورلرنده قیلدیغی نماز هر نقدر موجود الشرط ایسه ده کافی اولماز زیرا شرط آخر موجود اولماشدر که اوده کندیگ ایتداه اولان فعلنک فسادینه حکم ایتماش اولمسیدر (۲).

برجماعنک قاراندقه هربری برجهته بالتحریر طوروب اماملربنک حالنی (جهت قبله سنی) بیلهمیه رک (۳) قیلدقلری نماز کندیلرینه کافیدر (۴). یالکز ایچلرنده امامه تقدم ایتمش وار ایسه آنک نمازی جوف کعبه ده اولدیغی کبی (۵) غیر صحیحدر. وکم من مصل ماله من صلاته سوی رؤیة المحراب والکد والعنا وآخر یحظی بالناجاة دائماً وان کان قد صلی الفریضة وادنا

(۱) خلافا لابن یوسف فی ظهور اصابته . هو یجعله کالتحریر فی الاوانی اذا عدل عن تحریریه وظهر طهارة ما توضحه صحت صلاته . ص .

(۲) لانه حیثئذ لایكون نیتیه صحیحة لعدم الجزم . ص معط .

(۳) اکرامامتنک حالنه آگاه ایدیه آنک نمازی غیر صحیحدر چونکه آنک اعتقادنده امامی خطا اوزره در . جوف کعبه ده کی صلاته بوشروط دکادر زیراهرطرف قبله در . ط .

(۴) لما قدمناه . ص . من حدیث عامر . ط .

(۵) فان التقدم فیه مضر . ط . کما یأتی بیانه .

﴿فصل﴾

واجبات صلات

واجب لغتده لازم وساقط ومضطرب (یعنی متردد)
معنالرینه در . اصطلاح شرعده کندیسندده شبهه اولان دلیل
ایله بزه لازم اولان شیتک اسمیدر (۱) : یاعلماً بزدن ساقط
اولدیغی یعنی اعتقاد وجوبی بزه لازم اولدیغی ایچون یاخود
بزه ساقط یعنی عملاً لازم اولدیغی ایچون ویاخود فرض
ایله سنت ارسندده ویا عملاً لزوم ایله علماً عدم لزوم بیننده متردد
بولدیغی ایچون واجب تسمیه اولنمشدر .

واجبات اکمال فرائض ایچون (۲) وسنن اکمال واجبات
ایچون (۳) وآداب اکمال سنن ایچون (۴) مشروع اولمشدر

(۱) کتاب الطهاره نك بشنجی صفحه سنه باقکمز . ابن عابدین دیرکه
واجب ایکی قسمدر بری فرض عملی تسمیه اولنان قسم أعلا درکه کندینک فوائله
جواز فوت اولاندر : صلات وتر کبی . دیکری آنک فوائله جواز فائت
اولیاندر : بوراده مقصود اولان بودراه .

(۲) چونکه قراءت فرضدر . آنک فاتحه ومثلاً بر سوره ایله اولسی
اوفرزی متممدر . معنی آنی ترك ایدرسه تحرماً مکروه اولور . طمأنینت رکوع
وسجودی متممدر . وکذا قعدہ اخیرده تشهد قعدہی متممدر . سجدهده ضم
انف وضم جبههی متممدر . واجباتک بویله متمم رکن اولیانیده واردر : قعدہ
اولی وآندکی تشهد وسلام کبی . فلیتأمل . ط .

(۳) اوچ کره تسبیح ایتمک طمأنینتی متممدر . صلاة علی النبی تشهدی
متممدر . تهود وتسمیه قراءت فاتحهی متممدر . بوتتمیم جمیع سزنده ظاهر
اولماز . ط .

(۴) یعنی سنت ادب ایله کامل اولور : راکمک ظهر قدیمینه وساجدک

تاکه بولرک هر بری اکیلی ایچون مشروع اولدیغی شی حقهده برر حصن
(سور) اولسون (۱) .

واجبک حکمی : عمداً تارکی مستحق عقاب اولمق (۲)
ومنکرى اکفار اولنماق و فاعلى مشاب اولمق (۳) و سهواً
ترکینده نمازک نقصاننه مبنی سجود سهو لازم کلمک و عمداً
ترکینده اعاده صلات لازم اولمق (۴) و سهواً ترک صورتنده

ارنبه افنه نظری تسبیحاتی متممدر . چونکه بوحالده مصلی اطلاق نظر ایله
مشغول القلب اولمديغیچون تسبیحات مستحضر اولمش اولور . قاعدک کندی
قوجاغنه نظری دخی هیئت قعودی متممدر . بوتیم دخی جمیع آداب صلاتده
ظاهر دکدر . ط .

(۱) واجبات ، فرائضک وسنن ، واجباتک و آداب ، سننک سورى کبیدر .
سور احبى محافظه ایدن أسوار داخله یی دها زیاده حفظ ایدیجیدر . آتی ضائع
ایدن أسوار سائره یی دخی تضییعه و آنلری تهاونه منجر الحال اولور . ط .
(۲) بوعقاب ترک فرض عقابتک مادونی بر عقابدر . ط .
(۳) بوحکم اخرویدر . حکم دنیوی : سقوط مطالبه در . ط .

(۴) وقت باقی اولدقجه دیمکدر . سهو صورتنده دخی سجده ایتماش
ایسه بویله درک وقت باقی اولدقجه اعاده صلات ایدر . اعاده ایتمیه ترک
وقت چیقارایسه صلات مم النقصان و تحریماً کراحت ایله ذمتدن ساقط اولور
و کندیسی فاسق آثم بولور . کراحت تحریمیه ایله ادا اولنان هر نمازده حکم
بودر (ولو مدافعه) اخبیین حالنده کی نماز کبی سجود سهوی موجب اولسون .
رد) ترک واجبه مبنی اعاده اولنان نماز : نفل جابر اولمق مختاردر . فرض
ایلك نماز ایله ساقط اولمشدر . چونکه فرض تکرر ایتمز . نمازک ترک سفته
مبنی اعاده سی مندوبدر اه ط زیاده من رد المختار . ترک واجب مفسد صلات
دکدر . در مختار . ابن عابدین دیرکه وجوب اعاده یی « ترکک برعذره مبنی

سجده و عمداً ترك تقديرنده اعاده (۱) اول نماز ايسه فرض ناقص اوله رق ذمتدن ساقط اولمش بولمقدر .

نمازك واجبلری اون سكردر (۲) :

(۱) سورة فاتحه فی اوقومقدر (۳) « لا صلاة لمن لم یقرأ بفاتحة الكتاب » حدیث شریفنه بناءً كه حدیث مذکور نفی كماله محمولدر . « فاتحه » كتابی اوقومیاك كمال صلاتی یوق ، دیمكدر . بونك ايسه غایت مفادی وجوبدر ، فرضیت دكلدر (۴) .

اولماسی « قیديله تقييد لائقدر : امی یاخود آخر وقتنده مسلم اولوب فاتحه تعلمندن اول نماز قیامش اولقی كبی . برده تحریماً مكروه اولان شی صغائر - دنذر . صغیره ايله اسقاط عدالت ايسه اكا اصرار ايله مشروطدر اه .

(۱) ابن عابدنك افاده سنه كوره بونار بالذات واجبات صلات احكامیدر . وجوبنه قائل اولانلرجه جماعت كبی ماهیت صلاتدن خارج اولوبده بنفسه مستقل بولان ویاترتیب سور كبی واجبات قراءتدن اولان شيلرك احكامی دكلدر كه منفرداً قیلانه اعاده وسهواً قراءت منكوسه ده بولنانه سجود سهو لازم اولماز .

(۲) بوراده مذکور اولان اوقدردر . یوقسه واجبات صلات زیاده در . تنبع دخی حصری سلب ایدر . ط . زیادات دخی ذکر اولنور .

(۳) دیدیلر كه سورة فاتحه نك اكثرینی ترك ايله سهو ایچون سجود ایدر . اقلنی ترك ایدرسه دكل . نصفنی ترك ایدرسه انك حكمنی بن كورمدم . نهر . لکن مجتبا ده : آندن برآیتی ترك ايله سجود سهو ایدر . دیمشدر كه اولی اولان بودر . در مختارده بوكا كوره آنك هر آیتی واجبدر دیدی . فاتحه نی دعا قصدی اوزره دخی اوقوسه قراءت واجبه یرینه قائم اولور . کافی الفتاوی الصغری خلافاً لما فی المحيط اه من ط .

(۴) قراءت فاتحه ائمه ثلاثه جه فرض و بزجه واجبدر . فرض اولان قرآندن مطلق برشی اوقومقدر . آیت کریمه ده [فاقرأوا ما نيسر من القرآن] بیورلمش اولدنی كبی صحیحینده مذکور حدیث شریفده دخی « اذا قمت إلى الصلاة

(۲) ایکی رکعتی فرضک (۱) هرایکی رکعتنده ورکعتی ایکییدن فضله اولان فرض نمازک لاعلی التعمین یالکز ایکی رکعتنده (۲) وصلات و ترک وصلات نفلک جمیع رکعتنده سورہ فاتحہ برکوچک سورہ یاخود اک کوچک سورہ معادل اوچ قیصہ آیت (۳) ویاخود اوچ قیصہ آیت معادل براوزون آیت (۴) ضم ایلمکدر .

فاسبغ الوضوء ثم استقبل القبلة ثم اقرأ ما تيسر معك من القرآن « بیورمشدر . جناب حق ورسولی نمازده علی الاطلاق قراءت قرآنی امر ایتمش ونس کتاب قطعی به نص سنت موافق کیشدر . آیت کریمہ مذکورہ حکمنجه جواز صلات فاتحه او قومنه توقف ایتماکله نمازده فاتحه قراءتی فرض اوله ماز . ذکر اولنان « لاصلاة لمن لم يقرأ بفاتحة الكتاب » حدیثی خبر واحد اولوب قطعی الثبوت اولدیفندن آیت کریمه نك اطلاقنی تقييد ايده مزكه مطلقى تقييد نسخدر اوده خبر واحد ايله اولماز . خبر مذکور مشهور وقطعی الثبوت اولسه بيله ظنی الدلاله در . چونکه اوکی سلبی نفی جواز ایچون اولدیفنی کبی نفی فضیلت ایچون دخی اولفاله قطعی دکل ، احتمالی دیمکدر . « لاصلاة بحضرة طام » و « لاصلاة لجار المسجد الا فى المسجد » حدیثی ايله وجوبه بيله استدلال اولنماشدر . « من صلى صلاة لم يقرأ فيها بأم القرآن فهي خداج » حدیث شریفنده دخی فاتحه سز نمازک عدم جوازینه دلالت اولایوب بلکه دلالت آنک ناقصافنه درکه بزده آکا قائل اولانده ووجوب فاتحه ی اثبات ايله هم آیت وهم حدیث ايله عامل بولنمقده بز .

(۱) ایکی رکعتی فرض : صباح وجمه نمازلیدر . واجب اولان بیرام نمازلی دخی بحر رائقده بومیانده مذکوردر .
(۲) دیگر ایکی رکعتده دخی ضم مکروه اولورمی ؟ مختار اولان اولماقدر . ط .

(۳) اک کوچک سورہ سورہ کوئردر . اک قیصہ آیت سورہ مدشرده کی [ثم نظر] در . طفسان بشجی صفجه یه یاقکز .
(۴) آیت کرسی وآیت مداینه کبی اوزون برآیتک برپارچه سنی

چونكه حديث شريفده « لا صلاة لمن لم يقرأ بالحمد لله وسورة في فريضة أو غيرها » بيورلمشدر (۱) .

(۳) قراءت واجبه ي (۷) كه فاتحه نك و آكاضم اولنه جق شيمك قراءتيدر ركعتي ايكيدين فضله اولان فرض نمازلك على التعيين ايكي اولسكي ركعتلرنده ايضا ايلمكدر (۲) مواظبت سنيه

بر ركعتده و بر پارچه سني ديكر ركعتده او قوسه هر نقدر هر بر ركعتده بر آيت تامه او قومامش اولدسه ده بو آيتلك بر پارچه سي اوچ قيصه آيتدن زياده يا خود اكا معادل اولغله قراءتي اوچ آيتدن اقل دوشميه رك جائز اولش اولور . كافي رد المختار .

(۱) دليل مدعان اخصدر . آياتك سورمه الحاقى دلالت نص ايله در دينه بيلور . ط . حديث شريف مذكور فاتحه نك فرضيته قائل اولانلري رد ايدر زيرا ضم سورمه نكده فرضيته قائل اولق لازم كلور . حالوكه ضم مذكور آتارجه واجب بيله دكل ، سنندر . محشينك افاده سنيه كوره كرك فاتحه نك ، كرك اكا ضم ايديله جك سورمه ويا آيتك نم ازده وجوب قراءتي سعه وقت ايله مقيد اولوب اكر مصلى قراءت فاتحه وسوره يا خود قراءت فاتحه ويا بر آيتدن زياده قراءت تقديرنده فوات وقتدن خوف ايدرايه كانه صلات حقنده هر ركعتده بر آيت ايله اكنما ايلر اه فاتحه نك وجوب سورمه نك وجوبندن آكددر چونكه فاتحه نك ركعتينده اختلاف اولمشدر . لكن آكدت انجق ائمه ظاهر اولور وجوب اعاده ده دكل . چونكه وجوب اعاده واجب مؤكديك دكل ، مطابق واجبي تركك حكيمدر . بوكا مخالف اولهرق بعض كتيده مذكور اولان سوز بحر رائقه رد اولمشدر . كافي رد المختار .

(۲) وجوب مذكور دن بعض تراويح قبلديرانلر غافلدر . محشي ديركه قراءتك فرضه و واجبه وسننه تقسيمى ايقاعدن اوله نسبيله در . ايقاع قراءتدن صكره مصلى ركعت واحده ده قرآنك كافه سني دخي او قوسه قراءت فرضدن بشقه برشي اولماز اه

(۳) محشي بوراده : « تعيين مذكور فرضدر ايلك ركعتلك غريمده

بویله واقع اولمشدرکه علیه الصلاة والسلام ائندمز حضرئلزی قراتی دائماً او رکعتلرده ایتمشدر (۱) .

قراءت واجبه نك محلی شفیع اول (۲) اولمغله آنده فاتحه یی و ضمی اوقومیان مصلی شفیع ثانیده آنلری علی الترتیب اوقور و جهر واجب ایسه (۳) جهر دخی ایدر و سهویچون سجود ایلر (۴) قراءت واجبه یی محنده قسماً ترك ایتمش ایسه متروك اولان یالکیز سوره اولدیغنه کوره آنی شفیع ثانیده کی فاتحه دن صکره اوقور (۵) متروك اولان یالکیز فاتحه اولدیغنه کوره شفیع ثانیده آنی تکرار ایتمیوب آنده کی فاتحه ایله اکتفا ایلر : نماز صلات مغرب اولدیغنه کوره شفیع اولدن یالکیز بر رکعتنک سوره سنی قضا

واقم اولان قراءت قضا اولور . « دخی دینلدی و تصحیح اولندی دیمشدر اه انظر الى الشرط الثالث عشر »

(۱) نقلده اولدیغی کی فرضک جیم رکعاتنده قراءت لازم اولماق حضرتعلینک رضی الله تعالی عنه « القراءة فی الاولین قراءة فی الاخرین » قول شریفلرینه منبی اولوب ابن مسعود وعائشه رضی الله تعالی عنهما حضرتلرندن دخی فرضک دیکر رکعتلرنده تخبیر روایت اولمشدرکه مصلی دیلرسه آنلرده قراءت و دیلرسه تسبیح ایدر . ط .

(۲) فتح شین ایله شفیع : جفت دیمکدر : شفیع اول ابکی اولکی رکعتلردر .

(۳) جهرك وجوبی صلوات جهریه ده امام اولانه کوره در .

(۴) سجود سهو معلوم اولدیغی اوزره سهوه مترتدر . عمدده کراحت تحریمیه واردز .

(۵) جهر واجب ایسه هم آنی وهم فاتحه یی جهر ایدر زیرا رکعت واحده ده جهر ایله اخفانک جمعی شنیع عد اولمشدر . کما فی الدر المختار .

ایده بیلور چونکه ایکنجی قضایه محل یوقدر . کافی ط فی آخر الفصل .

(۴) فاتحه‌ی سوره قراءتیه قدیم ایله کدر . مواظبت سنیه یه مبنی که حضرت رسول اکرم صلی الله تعالی علیه وسلم دائماً سوره فاتحه‌ی اول او قوملردر . حتی سوره دن (۱) ابتدا ایدوبده بعده خاطر لاسه فاتحه‌ی او قور و صکره ضم سوره ایدر و سهو ایچون سجود ایلر . فاتحه‌ی تکرار ایدوبده صکره سوره‌ی او قومق دخی بویله در . فاتحه‌ی ترک ایتمش اولدیغنی سوره‌ی او قودقدن صکره و رکوعه و ارمازدن اول خاطر لار ایسه آنی او قور و سوره‌ی اعاده ایدر (۲) . رکوعه و اردقدن صکره فاتحه‌ی یا خود سوره‌ی ترک ایتمش اولدیغنی خاطر لامق صورتده دخی قیامه عودت و قرات ایدوب رکوعی اعاده ایلر .

(۵) سجوده انی جبهیه ضم ایلک یعنی آن ایله برابر بورنی دخی یه کتورمکدر (۳) .

(۶) ایکی سجده ارسنده کی ترتیبه مراعات ایتمک یعنی فرض و سائر نمازلرده هر رکعتک ایکنجی سجده‌نی صلاک سائر افعاله انتقالدن اول یامقددر . مواظبت سنیه بو وجهله در .

(۱) یعنی ا نك بر مقدارینی و حتی بر حرفی او قودقدن صکره دیمکدر . سوره‌ی تمایله او قومق دخی بعضی او قومق کبیدره سوره دن آیاته دخی شامل اولان معنی مقصوددر . ط .

(۲) بینلرنده ترتیب واجب اولقله اعاده سوره وجوبیدر . کما فی ط علی الدر . بو مسأله مؤلف نالمحل اولهرق آخر واجباتده ذکر ایتمشدر .

(۳) مواظبت سنیه بو وجهله در . شروط صلاک اون یدنجیسنه و اون سکرنجیسنه باقکزر .

بو ترتیب کندبسی فوت ایلله سجده^۱ ثانیه^۲ی کچهرک بشقه بر فعل
صلاته انتقال ایدن کیمسه آنی قعود اخیردن و حتی بلا کلام
سلامدن صکره دخی خاطر لاسه ایفا ایدر وقعه^۳ اخیره^۴ی
اعاده ایلر (۱) .

(۷) ارکانده اطمئنان اوزره اولمقدرکه رکوعده وسجودده
مفصللر مطمئن یعنی سبحان الله دیمک مقصداری هر عضو کندی
محلنده مستقر اولنجه قدر سکون و آرام اوزره بولنمقدر (۲) .
مقتضای دلیلکه اداء صلاتنده اسامت ایدن کیمسه به خطاباً
صادر اولان : « صل فانک لم تصل . » حدیثیدر (۳) ومقتضای
مواظبت رکوعدن صکره کی قوموده وایکی سجده آره سنده کی

(۱) تسکیم شروط صلاتک یکرمی اوچ ویکرمی بشنجیسنده ذکر اولندی .
عشی دیرکه سجده^۵ ثانیه^۶ نک طریق اتیانی بودرکه آنی بعد السلام یاخود بعد القعود
وقبل السلام تذکر ایتدکده اوسجده^۷ متروکه بی ایتک^۸ وبعده قعود ونشیدی
اعاده ایلوب سلام ویرمک وسجود سهوه واروب قعود ونشید ایلر سکدر .
چونکه سجده^۹ صابیه هودت ایتک قعود ونشیدی رفم وابطال
ایدر . سجده^{۱۰} تلاویه دخی بولدر . قعودی اعاده ایتیه رک سجده دن قالفار
قالقماز سلام ویرر ایه نمازی باطل اولور . زیرا فرض اولان قعود اخیری ترک
ایلمشدر اه ابن عابدینک افاده سنه کوره قعه^{۱۱}ده^{۱۲} اخیره^{۱۳}ی اعاده سنه یالکدر
تیمانی آخرینه قدر اوقیوب صلوات ودعواتی سجود سهوک نشهدنده اوقور .
(۲) بوکا تعدیل ارکان تعبیر اولورکه ارکانک تتمیم وتسکیمی دیمکدر
تسکیم رکن اولدیغیچون واجبدر . نه جرجانینک تخریجی وجهله سنندر ، نه ده
رأی ابی یوسف وجهله فرضدر . ص .

(۳) هذا ما هو الظاهر من سياق كلام المؤلف . وقال المعشى الدليل هو الحديث
السابق اه ولم يسبق حديث يدل على وجوب الاطمئنان .

جاسده دخى اطمئنانك وركوعدن رفعك وجوبيدر (۱) چونكه بونلر هب مأمور به ديمكدرد (۲) .

(۸) قعود اولدر . (يعنى الكسر عتله تحيات او قويه جق مقدار قعدة* اولاده بولمقدرد . ط .)

مقصود : صوك اولميان قعوددر . مسبوقك صكره دن ايتديكى قعود دخى حكماً قعود اولدر (۳) . مواظبت سنيه يه و اونودب

(۱) ركوع وسجودك تخصيص بالذكر اولنمى آنلرمظه* تخفيف اولديفنندرد . قيام طول قراءت ايله امتداد ايدرد اولغله آنى ذكره حاجت بوقدر . محشينك نفلنه كوره ركوعده وسجودده وقومده و جاسده طمأنينت واجب اولايى كې ركوعدن نفس رفع وايكى سجده آره سنده كى قعود دخى واجيدرد . ركوعدن اولان رهم رأس ايله سجوددن اولان رفع رأس آره سنده شو فرق واردركه ركوعدن اولان رفع رأس واجب وايكى سجده آره سنده قرب قعوده دكين رهم رأس ايتك فرسدر . چونكه بر سجده دن بر سجده يه انتقال وتعبير ديكر ايله ايكى سجده نك يكدى كرندن تمايزى سجده* اولادن رفع رأس ايتمكله اوله جفننن سجوددن قرب قعوده قدر قافى نمازك فروضندن اولوب ركوعدن سجوده انتقال ايسه بدون الرهم متحقق اولغله ركوعدن رهم رأس ايتك فرض دكل ، تعديل اركانك دليل وجوبى اولان حديث مذكورك ومواظبت سنيه نك مقتضاسى اوله رقى نمازك واجباتندن معدوددر اه مؤلف بوراده بويله ديمش اولديفى حلاله سنن صلاتده : ركوعدن رهم على الصحيح سنندر امام ابو حنيفه دن آنك فرض اولديفى دخى روايت اولندى . ديمشدر اه .

(۲) امر ضميدركه اساءت صلات ايدنه اعاده يى امر آنك ترك طمأنينت ايتمسنه مبيدرد . بوده اطمئنان ايله امرى مقتضيدرد . امر ايسه وجوب ايچوندر اه ط . وأما قولهم ان مكمل الفرض واجب ومكمل الواجب سنة فاعترض عليه فى العزيمة . انظر الى رد المحتار .

(۳) درت ركعتلى فرضك اوچيله مسبوق بولنان يعنى اوچنه يتشمه يان مقتضى

قالقد قلرنده سهو ايچون سجود ايلدكرينه مبنى قعود اول قول صحيحده واجبدر (۱) . وبوبابده فرائض وواجبات ونوافلجه فرق يوقدر . ط (۲) .

(۹) قعود اولده تشهد (تحيات) اوقومقدر (۳) . بودخى مواظبت سنيهيه مبنى قول صحيحده (۴) واجبدر .

(برمقدارينك سهوا تركنده دخى هپسنى تركنده اولديغى كېي سجودسهو لازم كلور . ط .)

(۱۰) قعود اخيرده تشهد اوقومقدر . بودخى مواظبت سنيهيه مبنى واجبدر .

(۱۱) قعود اولده قرامت تشهددن صكره بلاناخرركعت

امامه متابعه او طورديغيله برابر اوچ قعدمه ياعمش اولوركه آنلردن اك صكره كندن ماعداسى واجبدر . سيد ابو السعود بويله دييور ايسده آنك ايلك قعودى مقتضاي متابعتجه فرضدر اه ط .

(۱) امام كرخى وطحاوى آنك سنت اولديغنى اختيار ايتديلر . اكثرمشايخ دخى يانبوت وجوبى سنت ايله اولديغنه وياخود سنت مؤكده واجب قوه سنده بولنديغنه مبنى آكا سنت نامنى ويرديلر . ط .

(۲) استجساناً عندهما . وهو ظاهر الرواية والاصح . وقال محمد وزفر والشافعى هو فرض فى النوازل . وهو القياس . كما فى القهستانى وسكب الانهر . الى هنا كلام الطحطاوى .

(۳) اوقومقده اولديغمز تحيات : تشهد ابن مسعوددر . تكيم تركيب افعال صلات فصلنك صوكنده ذكر اولنور .

(۴) صحيح قيدى قعودى ايله تشهددن هربرينه متعلقدر . واو آنلرك هرايكيسنك ياخود يالكز تشهدك سنت اولمى حقندهكى قولدن احترازدر . ص .

ثالثه یه قیام ایتمکدر . حتی تشهد اوزرینه سموأ (۱) بر رکن ادا ایدجک قدر برشی زیاده ایتمسه قیام واجبی تأخیر ایتمش اولدیغندن سمو ایچون سجود ایلر (۲) .

(بو فرائض و برده وتر حقننده در . درت رکعتلی سنت مؤکده لک قعده^۱ اولاسنک تشهیدینه سموأ او مقدارک زیاده سنه سجود سموک لزومی مختلف فهدر (۳) .)

(۱۲) ختام صلاتنه (۴) ایکی کره یعنی صاغه وصوله (۵)

(۱) بوقید عمددن احتراز ایچوندرکه اوحالده نماز کراهت تحریمیه ایله مکروه اولور . ط .

(۲) محشی دیرکه لزوم سجود سهوده بررکن ادا ایدجک قدر شی زیاده ایدملک صحیحدر (°) آنیده « اللهم صل علی محمد » دینلمک مقداريله بیان ایتمشلردر . مؤلف بونی علیه الصلاة والسلام افندمز حضرتلرینه صلوات اوقومقدن منعی ایهام ایدر شیدن تباعداً ذکر ایتماشدر اه .

(۳) بونی محشی . رحوم باب نوافله ذکر ایتمشدر . آنک کلامنده وتر مذکور دکل ایسهده مؤلفک باب الوترده کی کلامنک ظاهری بودر .

(۴) حتی جنازه نمازنده وسجود سهوده . تنسکیم بابلرنده مصرحدر .

محشینک : « سلام رکوعلی سجودلی نماز ایچون واجبدر » دیهسی سهوه مبیدر .

(۵) بو سوزایکی طرفه دونهنک دخی مواظبته مبنی وجوبی اشعارایدر

حالوکه نص بونک خلافنده در . ط . أراد بالنص تصریح الفقهاء فان التحویل یهیناً وشیالاً مثل علیکم فی عدم الوجوب . کما فی ط علی الدر وفی ادعاء الاشعار نظر .

(*) وقیل یسجد بزیادة حرف .

«السلام» دیمکدر (۱) لفظ سلام مواظبتہ مبنی واجب اولوب (۲) آنکله مقصود حاصل اولمغله «علیکم» لفظی واجب دکلدر (۳) مصلی سلامه بدل اومعنادہ بشقه بر لفظ ایراد ایتسه سلام مقامنه قائم اولماز ط .

(۱۳) صلات وترده قنوت اوقومقدر (۴) .
(قنوت مطلق دعادر . وترده واجب اولان دخی مطلق دعادر . بالخاصه «اللهم انا نستعینک الخ» دعاسی سنندر ، بشقه بردعا اوقوسده اولور ط .)

(۱۴) بیرام نمازلرینه مخصوص اولان تکبیراندرکه آنلرک هر بری واجبدر سهوا ترکنه سجود سهو مترتبدر .
(هر رکعنده اوچر تکبیردر ط .)

(۱) سلامک ایکیسی دخی واجب اولق اصحدر . علی قول ایکنجیسی سنندر . کما فی الفتح . نمازدن خروج عندالعامه سلام واحد ایلدر . علی قول ایکی سلام ایلدر ، کما فی مجمع الانهر . بناءً علی هذا سلام اولی تلفظدن صکره و «علیکم» دن اول برکیمسه آکا اقتدا ایلده عندالعامه (عفی قول مشهورده کما فی الدر) صحیح اولماز . علی قول برنجی سلامدن صکره وایکنجی سلامدن اول آکا یتشان کیمسه آنکله برابر نمازه یتشمش اولور . کما فی السراج اه ط . سلامک حکم وجوبیچون آئیده استخلاف . سائلک ذیلنده اثنا عشریه مسائلک مقدمه سنه مراجعت اولنه .

(۲) حدیث ابن مسعوده مبنی فرض اولماشدر . ص . حدیث ابن مسعود «اذا قلت هذا الخ» درکه آئده سلام ذکر اولماشدر . اعرابییه اولان تعلیم صلاآده دخی سلام تعلیم بیورلماشدر . فرض اولیدی آئده تعلیم بیورلر ایدی ط .
(۳) مواظبتہ مبنی اکاده واجب دیمکه وجه اوله یلور ایلده خلاف منصوصدر . ص مع ط .

(۴) قنوت وقنوتک تکبیری عندالامام واجبدر . امامین عندنده آنلر وتر کبی سنندر . ص .

(۱۵) هر نمازك افتتاحی ایچون لفظ تکبیری تعیین ایتمکدر
(که بالخاصة الله اکبر دیمکدر . شروط صلاتك اون برنجیسنه
باقکاز) (۱) .

(۱۶) بیرام نمازلرینك ایکنجی رکعتنك رکوع تکبیریدر .
تکبیر مذکور تکبیرات زائده واجبه به اتصالدن طولانی آنلره تبعاً
واجبدر (۲) . رکعت اولاك رکوع تکبیری سنیدر .

(۱۷) صباح نمازینك هرایکی رکعتنده و آقشام و یاتسو
نمازلرینك ایلك ایکی رکعتلرنده قضا دخی اولسه امام قرائتی جهر
ایتمکدر . زیرا صلی الله تعالی علیه وسلم افندمز حضرلری بونلرک
قضاسنده دخی جهر قراءت ایتمشلردر .

جمعه و بیرام نمازلرنده (۳) و تراویحده و رمضان مخصوص
اوله رق جماعت ایله قیلنمقده اولان وتر نمازنده (۴) دخی امام

(۱) مواظبت سنیه بویله در . ذخیره ده آنک غیرسهله شروع فی الاصح
مکروه اولور دیمشدر . من . و ترک واجبه مبنی کراهت تحریمیه در . مکروه
الثغ اولوب رای لامه یاخود غینه قلب ایدر اولق کبی تکبیری کوزلجه تلفظ
ایده مز اوله . وجوب مذکورک بیرام نمازلرینه اختصاصی اولیوب بتون نمازله
شمولی وارددر . وجه عموم دخی هر نمازك افتتاحنده تکبیر اوزرینه اولان
مواظبت سنیه در . ط .

(۲) بو انجق ایکنجی رکعت تکبیراتی عملاً بالندوب تأخیر ایتمک
صورتنده ظاهر در . ط .

(۳) لکن سهواً ترک جهر ایدیلور ایسه دفعاً الافتئات بونلرده
سجود سهو ساقطدر . ط .

(۴) کرک تراویحدن مقدم ، کرک مؤخر قیلنسون کرکه تراویح

قراعتی جهر ایتمک مواظبتہ مبنی واجبدر .

(۱۸) اوکله وایکمندی نمازلرینک جمیع رکعاتنده ولو عرفاتده بونلر جمعاً قیلنمش اولسون (۱) و آقشام ویاتسو نمازلرینک ایکی اولسکی رکعتلرندن صکره کی رکعتلرند که اقشام نمازینک اوچنچیی ویاتسو نمازینک هم اوچنچیی وهم دردنجیی رکعتلریدر قراعتی اسرار ایتمکدر . کوندز نوافلنده دخی اسرار واجبدر .

جهر : بشقه سنه ایشتمدرمکدر (۲) ، اسرار : کندیسنه ایشتمدرمکدر (۳) .

ترك ايديش اولسون . كما في الدر . وترك رمضانده اولسی قیدی رمضانک غیریده آنک جاءت ایله قیلنمسی بدعت مکروهه اولسنددر . بدعتده ایسه جهر مطلوب اولماز . ط .

(۱) مؤلف بویله دیمکله امام مالک حضرتلرینک مخالفتنه اشارت ایتمشدرکه امام مشارالیه آنلرک جمعاً اداسنده قراعتک جهرینه قائلدر . ط .
(۲) اشته واجب اولان بودر . برکشی دخی ایشتمه اولورکه جهرک ادنا مرتبه سیدر . کئنددن بشقه کیمسه ایشتمز ایسه امراردر .
اسرار اظهار وزنده وآنک ضدیدرکه قراعتی جهر ایتمیوب اخفا ایلمکدر . مخافته دخی دینور . أحياناً بعض کلماتک اسماعی ضرر ویرمز زیرا که نبی علیه السلامده دخی واقع اولمشدر . همده جهر و اخفانک قیلندن احترازده اولسه ماز . قراءتده آغزدن چیقانی قولاق ایشتمک لازم اولدییی شروط تحریمه نك دردنجیسنده وفروض صلاتک اون اوچنچیسنده ذکر اولندی .

(۳) بوتعریفار آنلرک حد ادناسی ایچونددر . قراعتی یاقیننده بوانان برویا ایکی کشییه ایشتمدرمک دخی جهر دکل ، مخافته در . جهر هرکسه یعنی صف اولده بوانانلرک جمله سنه ایشتمدرمکدر . ابن عابدین بویله

جهر قرات اولئان نمازله : صلوات جهریه . واسرار
قرات اولئان نمازله : صلوات سریه . تعبیر اولور .
کړك صلوات جهریه ده کی جهرک وکړك صلوات سریه ده کی
اسرارک وجوبی مواظبه مبنی اولوب (۱) صلوات جهریه ده
جهرک وجوبی حصراً امامه و صلوات سریه ده اسرارک وجوبی

تفسیر ایتمشدر . آنک افاده سنجه جهرک تعریفنده اولان : اسماع غیره کی
غیردن یاقیننده اولیانلر معناسی مقصوددر اه مستحب اولان : جماعته
کوره جهر ایتمشدر . حاجتک فوقنده جهر ایدرسه اساعت ایتمش اولور .
کافی ط . جهر مذکورک کنسای نفسنه مشقت و آخره اذی و مضرت
اولدقجه افضل اولدیفی حقنده دخی در حواشیسنده بر قول واردر .
محشینک بیانته کوره جهر واسرارده اصل بودرکه رسول اکرم
صلی لله تعالی علیه وسلم افندمز حضرتلری بدایه هر نمازده جهر قرأت
ایدرلرایدی . مشرکین أشعار و اراجیز ایله رفم أصوات و کلام لغو ایله
مقابلات ایدرک اذی و انزال قرآن ایدنه وایدیلانه سب و ازدراء ایدر
اولرلیله (ولا تجهر بصلاتک ولا تخافت بها وابتغ بین ذلک سبیلاً) قول
کرمی نازل اولدی . یعنی نمازلیسکک نههپسندده جهر ونههپسندده اخفاء
قراءت ایتمیوب (صلات لیله جهر و صلات نهاده اخفاء ایتمک طریقیله)
جهر و مخافته بیننده بریول آرا بیورلدی . آنک اوزرینه علیه الصلاة
والسلام افندمز حضرتلری اوکله وایکندی نمازارنده بووقتلر مشرکین
اذایه مستعد بولندقلریچون قراءتی اخفاء و آقشام نمازیوقتی آنلر اکل
ایله مشغول اولدقلری و یاتس و و صبح و قتلرنده اووقوده بولندقلری
ایچون بو نمازارده قراءتی جهر بیورر اولدیبار . جمعه و بیرام نمازارینی
مدینه منوره افامه بیوردنلری و کفارک ایسه اوراده قوتلری اولمدیفی ایچون
آلمرده دخی جهر قراءت بیوردیار .

(۱) مقصود قراءتدر جهر واسرار مقصود اولماقنه آنلر سندنسدر
دخی دینلشددر . بو قوله کوره انلرک ترکنه سجود سمو ترتب ایتمز .
کافی ط عن الزیامی .

هم امامه وهم منفرده عائددر (۱) .

صلوات جهریه ده امامه جهر قراءت واجب اولمغله فاتحہ بی یاخود آنک بر مقدارینی وحتی سورہ نك بیله بر مقدارینی سرأ او قودقدن صکره کسندیسنه اقتدا اولنسه آنلری جهرأ اعاده لازم اولور . کما الدروحو واشیه .

فرضی منفردأ قیلان کیسه امامک جهر قراءت ایتمسی واجب اولان نمازلرده جهرایله اخفا بیننده بخیردر (۲) .

(دیلرسه جهر ایدرکه نفسنک امامیدر . شوقدرکه جماعت امامی کبی جهرده مبالغه ایتمز . جهر ایتمک جماعت هیئتنده اولدینیچون افضلدر . ط . « من صلی علی هیئۃ الجماعة صلت بصلاته صفوف الملائکة » بیورلمشدر .)

جمعه و بیرام نمازلرنده مسبوق بولنان مقتدی دخی ماسبق قضاده جهرایله اخفا بیننده بخیردر . متنفل باللیل کبی که کیجه لین

(۱) طحطاوی مرحوم واجبات درک خنامنده دیمشدرکه امام صلوات جهریه نك ادا وقضاسنده جهر ایتمک واجب اولدینی کبی صلوات سربیه نك دخی ادا وقضاسنده ایلا دخی اولسه اسرار ومخافته واجبدر .

(۲) کلامک ظاهری نهارأ قضا دخی اولسه تخیر اوزره اولمقدر . علی قول منفرد وقت مخافته ایتدیکی قضاده قراءتی وجوباً اخفا ایدر . اما امام اداء وقضاء جهر ایدر . منفرددن وجوب جهرک سقوطلی بعض کتب اصولده اداء قاصرک قصرینه دلیل کوسترلمشدر چونکه اداء کامل مع الجماعة اولان ادا درکه نماز انجق جماعه مشروع اولمشدر . صلوات جهریه نك صفت کمالی دخی جهردر . حتی ترکنه سجود سهو مرتبدر . منفردک اداسی قاصر اولمغله صفت کمال اولان جهر دخی آنده وجوباً مراعی اولامشدر .

نوافل قیلان کیمسه دخی (قیلدیغی تراویح بیلله اولسه ط علی الدر)
قراآت جهر و یا اخفا ایتمک بیلننده منخیر بولنور (۱) . جهرک حد
ادنامیله اکتفا ایدوب اویویانی اضرار ایتمز (۲) .

قنوت و صلات عید تکبیراتی کبی و جوبی بعض صلواته
مختص اولانلر آیرلدیغی حالده بالعموم نمازلرایچون مذکور اولان
واجبات شوو جهله خلاصه اولنه بیلور :

- (۱) فاتحه او قومق .
- (۲) ضم سوره و یا ضم آیات ایتمک .
- (۳) ذکر اولنان قراآت واجبی ایکی رکعتلی فرضلرک غیریده
علی التعمین شفیع اولده یا یمق .
- (۴) فاتحه یی سوره یه تقدیم ایتمک .
- (۵) سجده ده بورنی آله ضم ایتمک یعنی ایکیسنی دخی بره کتورمک .
- (۶) سجده ثانییه یی دیگر افعاله انتقالدن اول یا یمق .
- (۷) ارکاده اطمنان اوزره اولماق
- (۸) قعدہ اولی .
- (۹) آندہ تحیات او قومق .
- (۱۰) قعدہ اخیرده تحیات او قومق .

(۱) تخیر حال اقرارده در . امام اولورسه جهراید . شوقدرک
تراویحک غیرى نوافلده جماعت علی سبیل التداعی ایسه مسکروهدر . کما فی
الدر و حواشیه و سنفسر التداعی .

(۲) علیه الصلاة والسلام افندمز حضرتلری کیجه تهجدده جهر ایدرلر
اویوما یانه انیس اولورلر اویویانی اویاندرمازلر ایدی . ص .

(۱۱) قعدہ* اولاده تحیاتی متعاقب رکعت ثالثه به قیام ایتمک .

(۱۲) ختام صلاته السلام دعاء .

(۱۳) افتتاحی الله اکبر لفظیله ایتمک .

(۱۴) فاتحه* نام او قوموق (۱)

(۱۵) تحیاتی نام او قوموق (۲) .

(۱۶) صلوات جهریه ده امام جهر ایتمک .

(۱۷) صلوات سریه ده مصلی اسرار قرات ایتمک .

(۱۸) مقتدی هر ایکی نوعدہ ساکت اولمق . در مختار .

(۱۹) نمازده سجده آبتی او قنورسه سجده به وارمق . ح (۳) .

(۲۰) موجینک وجودنده سجود سهو ایتمک . حلبی .

واجبایک اون سکره انحصاری اولدیغنی شو خلاصه دخی ارائه
ایتمکده اولدیغنه وازجمله قنوتک تکبیری دخی قنوت کبی عند الامام
واجب ایکن حساب به قولمدیغنه بناماً بوبابده طحطاوی مرحومک
در مختار حاشیه سنده کی افاداتی بوجه زیر اخذ و تحریر اولنور :

معلوم اولسونکه ایکی رکعت افتتاح و قعود و تشهد و تسلیمی مشتمل
اولدیغی کبی هر بر رکعت دخی قیامی و قرات فاتحه و ضم آیاتی و بر رکوع
و ایکی سجودی مشتملدر . بولردن هر بری دخی بر طاقی واجب الفعل
و بر طاقی واجب الترك شیلری مشتملدر . افتتاحده یا الکر بر واجب
واردرکه اوده آتک لفظ تکبیر الیه اولمسیندر (۴) . فاتحه به کانیجه آنده

(۱) اصلده کی الیک واجبک هامشنه باقکر .

(۲) اصلده کی طقوزنجی واجبه نظر ایدیکنز .

(۳) بونک تفضیلی سجده* تلاوت باینده در .

(۴) اصلده اون بشنجی و خلاصه ده اون اوچنجی اولمق مذکوردر .

اوج واجب واردر. برنجیسی آنی تمامیلہ اوقومقدر (۱) ایکنجیسی آنی محلندہ یعنی تکبیرہ افتتاحک ایقاع اولندیغی قیامده و رکعت ثانیه یه کوره رکعت اولانک ایکنجی سجده سندن صکره حاصل اولان قیامده ایقاع ایلمکدر بناء علی هذا افتتاح تکبیرینی آلوده رکوعه واروب رکوعدن قالقدقن صکره فاتحه یی اوقوسه آنی محلنک غیریده ایقاع ایتمش اولاق سببیلہ سہو ایچون سجود ایتمک لازم کلور. کذلک ایکنجی رکعتہ قیامنده اول رکوع ایدوب بعده قیام ایلیهرک فاتحه یی اوقوسه ینہ سجود سہو لازم اولور وایکی رکوعی دخی باطل اولمقلہ آنلری ده اعاده ایلر. اوچنجیسی ضم سوره ویا ضم آیاتدن اول فاتحه یی تکرار ایتمکدر. اگر تکرار ایدرسه سوره ویا آیاتی محلندن تأخیر ایتمش اوله جغی جهتلہ سجود سہو لازم کلور. دیمک که ایکی رکعت ایچنده فاتحه نک الی واجبی بولنمش اولور. قراءت آیانه کلنجه (۲) آنده هر رکعت ایچون درت واجب واردر. برنجیسی قرات آیات ایتمکدر (۳) برآیت قصیره اوقومقلہ واجبی ایفا ایتمش اولماز. ایکنجیسی آیاتی فاتحه دن صکره اوقومقدر. اگر فاتحه دن اول اوقورسه فاتحه یی اوقودقن صکره آنلری اعاده ایتمک وسہو ایچون سجود ایلمک لازم کلور، چونکه فاتحه نک تقدیمی و اجبدر. اوچنجیسی آیاتی محلندہ یعنی محل فاتحه دخی

(۱) فاتحه نک هرآیتی نمازده واجب القراء اولدیغنه نظراً آنده یدی واجب کورینور. ایکی رکعتنده اون درت ایدر. بونی طحطاوی وراء صفحده تصریح ایتدیکی حالده بومقامده: قراءتها أوقراءة اکثرها. دیمشدرکه بوسوز کندنیک حاشیه مراقی الفلاحده ذکر ایتدیکی قول مرجوحه مبنیدر.

(۲) آیات تعبیرنک سوریه شمولنده شک یوقدر.

(۳) اوج آیتک اوچیده واجبدر. تکمیل طحطاوی هندیه دن نقل آنده آبروجه تعداد ایتمشدر.

اولان قیامده ایقاع ایلمکدر . قیام رکوعده که قومه در ایقاع ایدر سه تسکیلاً للواجب قرات بری برینه ملتحق اولمغله ابتدکی رکوع باطل اوله رق آنی اعاده وسجود سمو لازم اولور . (تسکیلاً للواجب تعبیری فاتحه بی و آیاتی مخلنده اوقیوب رکوعه واردقن وطوغرلدقن صکره بشقهجه اوج آیت اوقورایسه رکوعی باطل اولمیه جفنه اشارتدرکه سجود سموک بوصورته ازومی سجودی مخلندن تأخیر ایتمش اولمسته مبنیدر) دردنجیسی آیاتک تکریرینی ترک ایتمکدر . چونسکه آنلری تکریر ایتمکده رکوعی مخلندن تأخیر ایلمک واردر^(۱) . اشته ایکی رکعنده آیاته عائد سکز واجب بولنمش اولدی . بولره ایکی واجب ده پبرو اولورکه اوده اگر صلی امام ایسه صلوات جهریده اداء وقضاء ولو نهاراً جهر ایتمک وصلوات سریده اداء وقضاء ولو لیلاً اسرار ایلمکدر رکوعه کینجه آنده هر رکعت ایچون درت واجب واردر . برنجیسی رکوعی قرءندن صکره یا مقدر . اگر قرءندن اول ویا خود اثناء قراءته رکوع ایدر سه مخلندن اول ایتمش اوله جفندن سجود سمو لازم کلور . ایکنجیسی رکوعی تعدیل ایتمک یعنی جوارحی (اعضائی) آنده تسکین ایلمکدر . اوچنجیسی رکوعدن رفعه تعدیل ایتمکدرکه قومه ده انتصاب تام اوزره بولنمقدر^(۲) . دردنجیسی رکوعی تکرار ایتامکدر

(۱) بونده نظر واردر چونسکه قرآنی تماماً اوقوسه هپسی فرض واقع اولور . مکرکه : اطاله قرات ایله تکریر قرات آره سنده فرق واردر ، دینله اه ط .

(۲) مأخذه « قیامه اقرب اولمقدر » دینیلوب بعده « وفیه نظر لان هذا ليس تعديلاً بل التمدیل الانتصاب التام » دینلدیکی ایچون بویه أخذ اولنشدرد . قال : وهو الذى يدل عليه لفظه . یعنی لفظ التمدیل .

زیرا تکریر رکوع غیر مشروع است. و برده رکوعی تکرار ایتامکدن سجودی تأخیر ایتامک لازم کلور. سجوده کلنجه آنده هر رکعت ایچون التی واجب وارد. برنجیسی آنی رکعتدن صکره ایقاع ایلسکدر چونکه اگر قبل الرکوع ایقاع ایدر ایسه معتبر اولمیوب آندن رکوعی دخی محندن تأخیر و او سجودی زیاده ایلش اولمق لازم کلور رکوع ایتامکدن صکره ایکی سجده ایلک و سهو ایچون سجود ایتامک اقتضا ایدر. ایکنجیسی هم آن و هم بون اوزرینه ایقاع ایتامکدر اوچننجیسی سجودی تعدیل یعنی اعضایی آنده تسکین ایلسکدر. دردنجیسی سجوددن رفعه تعدیل ایتامکدر که جلسه ده قعود نام اوزره بولمقدرد (۱). بشننجیسی سجودی اوچ ایتامکدر زیرا غیر مشروع است. برده آندن دیگر رکعتنه قیامی و یا قعدنی محندن تأخیر ایتامک لازم کلور. التنجیسی هرایکی سجده بی رکعت ثانیه به یا خود قعدنه به تقدیم ایلسکدر. چونکه اگر رکعت ثانیه بی ایکی سجده دن اول ایفا ایدر چک اولور یعنی رکعت اولانک رکوعدن طوغریله رق قراءت و رکوع و سجود ایتامش بولنور ایسه انجق بر رکعت قیلش اولوب آنده بر رکعتک مادوننی زیاده ایتامش اولور که اوده قابل رفضدر. رکعت ثانیه بی ایفا ایتامک و سهو ایچون سجود ایلک لازم کلور. اگر ایکنجی رکعتی ایکنجی سجده دن اول ایفا ایدر سه رکعت اولی صحیح و شوقدر که آنک بر سجده سی ناقص اولمغله سجده متروکه بی دخی ایفا ایتامک و سهو ایچون سجود ایلک لازم کلور. قعودی ایکی سجده دن اول و یا ایکی سجده آره سنده ایقاع ایتامش اولور ایسه سجود متروکنی قضا ایتامکده قعودی باطل اولوب واجباتیله برابر دیگر بر قعودها یا پهن و سهو ایچون سجود ایلک لازم کلور. والا سجود صلیبی ترکندن طولانی نمازی باطل اولور (۲).

(۱) مأخذده « قعوده اقرب اولمقدرد » دینلمکله برابر « وفیه مامر » اولدیفیچون بویله یازلشدرد.

(۲) بو وجوه سنه اوق التی واجبی تضمن ایتامشدر چونکه ایکی

واجباتك برى دخى تشهد (تحيات) او قوم مقدر . آنى او قويه جق قدر
 او طور دقدن صكره سلام ویرسه ده او قوم ماش بوانسه آنى او قومق
 و آندن صكره سلام ویرمك لازم كلور . بعده سهو ايچون سجود
 ايدوب تحيات او قويه رق ينه سلام ویرر . واجباتك برى ده تشهدى
 قعوده ايقاع ايلمكدر . شايد آنى عدوك سجده ده او قوسه محلنك غير يده
 ايقاع ايتمش اوله جفغندن قعودك اجر اسندن صكره سجود سهو ايتماك
 لازم كلور (١) . واجباتك برى ده تحياتى ابتداء قعوده ايقاع ايلمكدر .
 شايد آنى بر آيت ويا دعا قراءتندن صكره او قوسه واجبي محلنك ناخير
 ايتمش اولور و سجود سهو لازم كلور . واجباتك برى ده تشهد ده ترك
 قيام ايتمكدر . قعود ايدوبده قائم اولمقده شو تفصيل واردر : اكر
 مقدار تشهد قعوددن صكره قالمش ايسه قعوده تشهد و سلام ايچون
 عودت ايتماك و سهو ايچون سجود ايلماك لازم كلور و اكر مقدار تشهد
 قعود ايتماش ايسه فرضيته مبنى قعوده قوده ايچون عودت ايتماك
 و تحيات او قيوب سلام ویرمك و صكره سجود سهو ايلماك لازم كلور .
 واجباتك برى ده ايكي كره ايقاع سلام ايلمكدر . برنجيسى بالانفق
 و ايكنجيسى على الاصح (٢) واجبدر ، ايمدى تشهدى او قيوب سلامى

ركعتده درت سجده اولمقده آنلك ايكي ركوعدن صكره اولق اوزره
 درت ايقاعى واردر . جبهه وائف اوزره اولق وجهله درت دخى اوضاعى
 واردر . درت ده تعديلى واردر . ايكي ده جلسه تعديلى اولمقده برابر آنلك
 ترك ثلثلى و هر سجده نك مابعدينه تقديمى واجبي واردر . كذا فى المأخذ .
 (١) تشهدى قيامده قراءنه شروعدن صكره او قومق دخى بويله در .
 اما قبل القراءه او قوسه برشى لازم كلز زيرا قراءتك ماقبلى محل ننادر .
 صرح بذلك بعد سطور .

(٢) وقيل : الثانى سنة . كما تقدم عن المحشى . وتنقض قنوة بالاول
 قبل عليه كم على المشهور . قاله الحصكى . وقبل لا يخرج لاجلها . ط . وقد
 تقدم فى الواجب الثانى عشر .

اونئسه وساکت اوله رق قالسه وبعده خاطر لاسه آنی ویرر و محلندن تأخیر ایتدیکیچون سجود سهو ایدر ، وکدا سهواً محلنک غیریده (مثلاً قعدهٔ اولاده) سلام ویرسه یاخود لسانی اوزره کله شهادت و باتسبیح سهواً جاری اولسه ذمتنده اولانی اتیان ایدر و سلامی ویرر و صلاته منافی حال کندیسندن واقع اولدقجه. (۱) سهواً یچون سجود ایلر واجباتک بریده رکعت اولانک ایکی سجده سنی متعاقب رکعت ثانییه قیام ایتمکدر . آندن بررکن ادا ایدجک قدر تأخیر ایتسه موضع قیامده قعود ایتمش اولدیغندن سهواً یچون سجود ایتمک لازم کلوره واجباتک بریده رکعت ثانییه نلک ایکی سجده سندن صکره ترک قیام ایتمکدر (بوسهوک قعدهٔ اولوی یا قعدهٔ اخرادن اولسینه کوره بشقه بشقه حکملری سجود سهو فصلنده در) . واجبات صلاتک بریده بعض آیاتی رکوعده او قومخی ترک ایتمک یعنی قرائتی قیامده بیتروب رکوعه کورتورماکدر زیرا محلندن تأخیر ایتمش اولور (۲). واجباتک بریده قعده لرده مقدار تشهد قعود ایتدیکی حالده تحیاتک برازینی ترک ایتمیوب آنی نام او قومقدر (۳) واجباتک بریده نمازده سجده آیتی اوقنور ایسه سجده یه وارمقدر اه ملخصاً .

سجدهٔ نلاوت نفسنده واجب اولمقله رابر آیت سجده نمازده اوقنورسه سجده یه وارمق دخی محلندن سهواً تأخیرینه سجود سهو ترتب ایلدن واجبات صلایدن اولدیغی حایده مصرحدر .

نمازده بررکن ادا ایدجک مقدار سهواً سکوت ویا تفکر صورتیله

(۱) بوقید بوندن اولکی صورتده دخی معتبردر .

(۲) بونی مؤلف مکروهانده ذکر ایتمشدر .

(۳) تحیاتده عدم تقص قعدهٔ اولی و ثانییه واجب اولدیغی کی عدم زیاده دخی خاصةٔ قعدهٔ اولاده واجبدر .

مشغول قالماق ومقتدی به کوره امامسه متابعت اوزره اولمق (۱)
وامامك كرك جمهوركرك اسرار قراءت ایتمسی صورتنده مقتدی
انصات (۲) ایلکم دخی جمله واجبات صلاتدن اولمق اوزره درمختارده
مذکوردر .

وجوبنه قائل اولالرجه جماعت دخی واجب ایسه ده (۳) واجب
مستقل اولوب ماهیت صلاتدن خارج بولندیغی وترکنه اعاده ترتب
ایتمدیکی ایچون آنی واجبات صلاتدن صائماش اولدقلری کبی سور
قرآنده ترتیب دخی واجب و منکوساً قراءته آئم مترتب ایسه ده واجبات
صلاتدن دکل ، واجبات قراءتن اولدیغنه وسهواً ترکنه سجود سهو
لازم اولدیغنه مبنی (۴) آنی دخی واجبات میاننه ادخال ایتماشلردر .
کما فی رد المحتار .

سجود سهو صلاتده سهواً واقع اولان خللی جابر اولمغله واجبات
صلاتندر (۵) .

(۱) وجوب متابعت، مخالف مذهب اولانه کوره متفق علیه ویاجتهد فیه اولان
خصوصاتده اولمق قیدله مقیددرکه قنوت فجر کبی منسوختی یاخودعدم مسنونیتی
مقطوع به بولنان خصوصدن احترازدر زیرا آئیه متابعت مکروهدر .

(۲) دیکله مک اوزره صومقدرد . خلاصه سابقه نک اون سکن نجیسنه باقکیز .

(۳) آنک سنت مؤکده اولایغی اصحدر .

(۴) بو تعلیل حکمک تخلفیه برابر وجوب انصات مقتدی مسئله سننده دخی
جاریدر . تأمل اولنه .

(۵) تسکیم یکرمنجی اولهرق خلاصه متقدمه ده ذکر اولنمشدر .

سنن صلوات

سنن سنتك جمعيدر . سنتك تعريف وتقسيمي كتاب الطهارة
كچمشدر (١) :

سنتك حكمي: نمازده سنت اولان شيتك تركي نه ترك فرض كبي فسادى
ونه ترك واجب كبي سجود سهوى ويا كراهت تحريميه في موجب
اولميوب عمداً اولديغي واستخفاف ابدلديكي حالده اسامتي موجب
اولمقدر . كما في الدر المختار (٢) . عمداً اولديغي حالده اسامات دخي
يوقدر (٣) . اسامات تحريماً مكروه اولانك مادوني وتنزيهاً مكروه
اولانك مافوقيدر . كما في رد المختار .

سنت استخفاف اولنور يعنى نظر شارعده آنك اهتمام اولنميان
برشي اولديغي اعتقاد ايديلور ايسه كناه اولور . ط (٤) .

(١) احكام تكليفه بحثنه وسنن وآداب وضوءه باقـ كز .
(٢) غلطواى ديركه بوسوز اتمك مناطى واجب يعنى كناه انجق ترك
واجبه تعلق ايدر اولق رايته مبيندر . مسئله ايسه خلافيدر . ابن نجيم مرحوم
ترك سنته دخي اثم ترتب ايتك ظاهر در . چونكه « بلاعذر ترك جماعت ايدن
آثم اولور » ديدلرديشدر . جماعت ايسه على الصحيح سنت مؤكده در .
ولكن اثم متفاوتدر سنتك تركيله اولان اثم واجبك تركيله اولان اثمـ دن
اخفدر اه بالمعنى مختصراً .

(٣) بلـ كه اعاده صلوات مندوب اولور اه رد . وقد مر في الواجبات .
(٤) ولو أراد الاستخفاف . بالشارع كفرـ لمبى . وفي البرازية او لم ير
السنة حقاً كفر لانه استخفاف . ابو السعود اه ط على الدر . ووجهه ان السنة
أحد الاحكام الشرعية المتفق على مشروعيتها عند علماء الدين فاذا أنكر ذلك

نمازك سەنتلىرى اللى بردر : (۱)

(۱) افتتاح تەكبىر ئىندە و كىداصلات عىمد تەكبىر ئىندە و قنوت و ترده ارکك قىسمى ايکى اللزىنى ايکى قولالرىنىه و حرّ اولان قاديئلر (۲) اوموزلرىنى محاذى قالدردمقدر . (اللرى فوق الرأس رفع ايتمك مكروه اولور . رفع مسنونہ قادر اوله ميان ياخود بر اللى قالدىروب دىكر اللى قالدیره ميان قادر اولديغى قدر قالدبرر . ط) (۳)

رفع يد ايله تەكبىرك جمعئندە حىكت : صاغر و اعشى كې معذورلره اعلامدر . كه جهر تحريمه (۴) اعمالرى و رفع يد

ولم يرها شيئاً ثابتاً ومعتبراً فى الدين يكون قد استخف بها واستهانها وذلك كفر تأمل اه ابن عابدين .

(۱) مقصود تقرىيدر تحيدد دكلدر . ازجله و ترده مطلق قنوت واجب ودعاء مشهور سنت ايكن داخل تعداد دكلدر . ركوع سئندندە دخى مؤلفك كچدىكى شيلر اولشدر . تەككىم يكرمنجى ويكرمى اوچنچى سئندلردە ذكر اولنور .

(۲) رفع يد خصوصندە جاريه ارکك كبيدر . ركوع وسجودده حره كبيدر . ص ۵

(۳) قولاف يوشاغنه باش پارمقلىرىنى دكرمك محشيك كىفيت تركيب افعال صلات فصلندەكى بياننه كوره فتاواى قاضىخان ايله ظهريه دن ماعدا كتب منداولده مذكور اولمىوب صاحب فتاويه نك تعليلى وجهله اودخى تحقيق محاذات ايچوندركه مقصود حقيقه مس ايتمك دكل ، قرب تام ايله تقريب ايلمكدر . الارك قولافلره محاذى اولديغى تحقيق ايتمك ايچون « باش پارمقلىر آناره دكبريلور » دىنلشدر . (۴) امامك جهر تەكبىر ايتمى دخى سنن صلاتندرد . كما يأتى .

صاغر لری شروع صلاته آگاه ایدر (۱) .

(۲) اللربنی حین رفعده نشر اصابع ایتمکدر . آنکده کیفیت
پارمقارینی نه بسبتون بری برینه بتشدرمش ونهده بسبتون
آچمش اولمیوب بلسکه حالی اوزره بولندرمقدر .

(۳) کرک الک ، کرک پارمقارک ایچ یوزی قبله یه قارشو
کلمکدر .

(۴) مقتدینک افتتاح تکبیری امامنک افتتاح تکبیرینه عند
الامام مقارن اولمقدر (۲) وعندالامامین مقتدینک افتتاحی امامک

(۱) بونی عشی مرحوم باب الوترده ذکر ایتمشدر . ترکیب افعال صلات
فصلنده دخی بخاری شرحی عینیدن اقلاً دیمشدرکه حکمت رفعده اختلاف اواندی
کیمی : توحیده اشارتدر دیدی . وکیمی : امور دنیایی آرقیه آتوب کایته
نمازه اقبال ایتمه اشارتدر دیدی . وکیمی : جمیع بدنله مستقبل قبله اولق
ایچوندر دیدی : ابن عمر رضی الله تعالی عنهما - ضرترندن مرویدرکه مشار
ایه : «رفع یدزینت صلاتدر هر رفعده اون حسنات وارددر هر پارمغه برحسنة»
بیورمشدر اه .

عدة ارباب الفتوی اسمنده اولان فتاواده مذکور اولان بودرکه افتتاح
تکبیرنده ال قالدیرلسنده کی حکمت منافقیندن مسابین ایله برابر نمازه طورانلارک
قولتقلری آلتنده صنماری اولدیفی حضرت رسول الله معلوم اولغله علیه الصلاة
والسلام اقدمزک والابتداء صحابه حضرتانک الله اکبر دیو رفع ایدی اینملارینه
متابعة آنلر دخی رفع بدایتدکلارنده زیر بغلده کی بتلر دوشمه کله آنلارک
مسجددن چیقوب بردها بردها کلمامش اولملاریدر . بوکاکوره رفع مذکور
طوافده کی رمل وسعیده کی هروله کبی عانی متنی اولان احکامدندر .

(۲) چونکه حدیث شریفده «اذا کر فکبروا» بیورمشدر . اذا ایسه
حقیقه وقت ایچون اولغله : امامک تکبیری زماننده تکبیر ایدک دیمکدر .

افتتاحندن صکره (یعنی بلا فاصله آنی متعاقب) اولمقدر (۱) .
 (جوازده علی الصحیح (۲) خلاف یوقدر . اختلاف امامک
 حالی تیقن اولنمقله برابر (۳) اولویتدهدر .)
 (۵) ارکک قسمی اللرینی صاغی صول اوزرنده اولهرق
 کوبکی آاتنه وضع ایلمکدر . صفت وضع صاغ الک سرچه وباش
 پارمقلرینی صول بیلا-کک ایسکی طرفندن حلقه له مق اوزره (که تحلیق
 تعبیر اولنور) صاغ الک ایچنی صول الک اوزرنده قیلیمقدر (۴)
 (نمازده ال باغلامق افتتاح تکبیرینی متعاقباً اللرینی یانلرینه

فاحرفی مقارنت ایچون دخی استعمال اولنور] واذا قرىء القرآن فاستمعوا له
 الخ [کبی که استماع وانصانتک وجوبی بعد القراءه دکل ، زمن قراءتدهدر .
 لکن مقتدینک اسم جلالدن ولفظ اکبردن فراغی امامک آتاردن فراغندن اول
 اولماق مشروطدر . ط .

(۱) شویله که مقتدینک لفظه اللهمک الی امامک لفظ اکبرینک راستنه پیوست
 اولور . ط . آنلر فانی تعقیب ایچون قیلیمشاردر . ص .
 (۲) علی قول اختلاف جوازدهدر ثمره دخی مقتدینک افتتاحی امامنک افتتاحنه
 مقارن اولقی صورتنده ظاهر در که عند الامام جائز اولور وعند الامامین اوناز .
 امام مقتدینک افتتاحی امامنک افتتاحندن صکره اولقی صورتنده کی حواز متفق
 علیهدر . ط .

(۳) یوراسی : « مقارنده تکبیر مقتدینک تکبیر امامی سابق اولسی
 احتمالی اولور » دییانلری رددر که کلام عدم سبقک تیقن اولمسی صورتندهدر .
 کما فی ط .

(۴) چونکه روایت حدیثده الی ال اوزریه قویق وارده اولدیغی کبی اخذ
 ساعد ایتک دخی وارد اولمسه مشایخ فقهانک چوغی عملاً بالروایتین صفت
 مذکوره یی مستحسن کورمشاردر . ص . وضع مذکوره فقها « اعتماد » تعبیر
 ایدرلر .

ارسال ایتیمیه رکدر . مصلی نمازک هر قیامنده ال باغلار ولو حکماً
قیام اولسون (۱) .

(۶) قادین قسمی الارینی صاغی صولی اوستنه کتوررک
بلا تخلیق کو کسی اوزرینه وضع ایلمکدر (۲) .

(۷) ائنا ایتیمک یعنی سبحانک الخ او قومقدر .

(ترکیب افعال صلات فصلنه باقکز) .

(۱) قاعداً نماز قیلان دخی بونده داخلدره حکماً قائم دیمکدر . واو
قیامده ذکر مسنون اولیق لابدر . ذکر مسنون اولیان قیامده ال باغلامق
دخی مسنون دکدر . امام محمد: مصلی قراءته شروع ایتیمکجه ال باغلاماز دیمشدر
شیخینه کوره ال باغلامق کندیسنده ذکر مشروع اولان قیامک سئیدر . تنکیم
ترکیب افعال صلات بابنده ذکر اولور . امام محمد کوره قراءتک سغنی اولمقله
مصلی حالت ثناده و نوتوده و صلات جنازه ده الارینی یا نلرینه ارسال ایدر . وعند
الشیخین بونلرک هپسنده مصلی ال باغلار . قومه ده و بیرام نماز لرینک تسکیراتی
آره لرنده ذکر و قراءت اولمقیقندن بونلرده الارینی یا نلرینه بالاجاع ارسال ایدر .
کرچه قومه ده تسمیع و تحمید واردر و لکن قرار اولمقیقندن قومه کندیسنده
ذکر مشروع اولان قیامدن ممدود اولماز . تسبیح نمازینک قومه سی قرارلی
قیام اولدیفنی و آنده ذکر مسنون دخی بولندیفی ایچون مصلی ال باغلارمی ؟
مراجعت اولسون . ط . مختصراً . والمعهود فیها ایضاً الارسال .

(۲) وضع الرأس تعبیرنک ظاهری جاریه ده دخی شامل اولمقدرد . لانه ائسترلها
تعبیری محل تأملدر . قادین قسمی برطاقم مسائلده ارکک مخالف بولور . تنکیم
(ظاهر علم حالی) نامنده کی اثر مزده ذکر اولنمشدر . محشی دخی بومقامده
آلردن بعضلرینی ذکر ایتمشدر .

(۸) قراءت ایچون تعوذ ایتمک یعنی «أعوذ بالله من الشيطان الرجيم» دیمکدر (۱).

(۹) هر رکعتک اولنده فاتحه دن اول تسمیه ایتمک یعنی «بسم الله الرحمن الرحيم» دیمکدر .

(۱۰) ختام فاتحه ده تأمین ایتمک یعنی «آمین» دیمکدر (۲) .
(۱۱) مقتدی ومنفرد اتفاقا وعندالصاحبین (۳) امام دخی تحمید ایتمکدر (۴) .

(۱۲) بوفلری یعنی ثنا وما بعدینی اسرار ایتمکدر .
(۱۳) تحريمك ابتدا وانتهاسته باش اكثيرك اعتدال اوزره بولمقددر .

(۱) ظاهر مذهب بودر . یاخود موافق آیت اولقی اوزره «أستعین بالله من الشيطان الرجيم» دیر . تعوذ سنت قراءت اولدیفندن آنی امام ومنفرد اوقور . صلات عیده ده امام آنی تسکیرات زائده دن سکره اوقور . مقتدی اوقوماز . مسبوق قضاء ماسبقه قیامنده اوقور . امام ابو یوسف : تعوذ ثنایه تابعدر دفع وسوسه شیطان ایچون سنت صلاتدر . دیدی . ص .

(۲) تأمین هم امام وهم مأوم همه منفرد ایچون سنتدر . خارج صلاتده فاتحه اوقویان ایچون دخی سنتدر آمین : دعا می مستجاب ایت معناه در . ص . مأومك تأمینی امامك جهر قراءت ایتمسنده در .

(۳) صاحبین دخی امامین دیمکدر .

(۴) رکوعدن طوغریلور ایکن «سمع الله لمن حمده» دیمکه تسمیم و «ربنا لك الحمد» دیمکه تحمید دینیلور . بونلرك هر ایکیمی منفرد ایچون ویاالکز تحمید مقتدی ایچون ویاالکز تسمیم امام ایچون اتفاقا سنتدر . امام ایچون تحمید دخی عند الامامین سنتدر .

(۱۴) تکبیر و تسمیعی (۱) امام جهر ایتمکدر (تکبیر تعبیری بیرام و جهنازه نماز لرینک تکبیر لرینه شاملدر . ط . (۲) امامک نمازه شروعی صحیح اولمق ایچون تکبیره افتتاح ایله قصد تحریمه ایتمی لایددر . یالکز اعلام جماعتی قصد ایدرسه صحیح اولماز (۳) . (۴) آچیق (۱۵) قیامده ایکی آیاغک آرهسنی درت پارمق قدر (۴) آچیق

(۱) تکبیر « الله اکبر » دیمک اولدینی کبی تسمیع دخی « سم الله لمن حمده » دیمکدر . کما مر آنفا .

(۲) شروع وانتقالی جماعته اعلام ایچون جهر مذکوره حاجت واردر . منفرد ومقتدی ایچون بوحاجت یوقدر . مکرکه مقتدی مبلغ اوله . تبلیغ ضرورتنه مبنی اکاده حاجت اولور ایسه ده امامک سسی جماعته بالغ اولایقی حالده تبلیغ باخصوص که سنی عالمه بکندرمک قصدیله لزومندن زیاده رفع صوت ایله اوله بالانفاق بدعت مکروهه وکنندی حقننده مفسد صلاتدر . صرح به ابن عابدین فی مسئله صحة اقتداء القائم بالقاءد وقبیل مسائل زلة القاری .

(۳) اگر امام هم تحریمه یی وهم اعلامی قصد ایدرسه آندن شرعاً مطلوب اولان اشته اودر . وایکی اجره نائل اولور . مبلغ دخی بویله درکه عند الشروع مجرد تبلیغ قصدیله الله اکبر دیر ایسه آنک نمازی اولدینی کبی اوحالده آندن اخذ ایله نمازه طورانک دخی نمازی اولماز . زیرا نمازده اولمان کیمسه یه اقتدا ومتابعت ایتمش اولور . اما امامک تسمیعی ومبلغک تحمیمی وهر ایکیمسنگ انتقال تکبیراتی بولرده قصد ذکر صحت صلات ایچون شرط اولیوب بلکه ثواب ایچون آرانور . وبوبابده قول مبلغی اخذ ایدن . صلینگ نمازی فاسد دخی اولماز . زیرا نمازده اولانه اقتدا ایدییدر صورت اولی کبی دکادر . الی هنا کلام ط .

(۴) محشی دیرکه بوتحدید عذری اولمان ایچوندر . اگر شیخما القسدن ویا دبه علتدن اوتوری آیاقلرینی دهازیاده آچیق بولندرسه ده محتاج ایسه ایش اکاکوره سهدر اه

بولندرمقدر (۱) . (آچیه قلقده آیا فلرینه قبله استقامتنده بولنور . مکروهاک اوتوز دردنچیسنه باقکمز .)

(۱۶) فاتحه یه ضم اولنه جق سوره صباح وظهر نمازلرنده طوال مفصلدن ، وایکندی ویاتسو نمازلرنده اوساط مفصلدن ، و آقشام نمازنده قصار مفصلدن اولمقدر .

طوال طویلک و قصر قصیرک و اوساط وسطک جمعیدر . مفصل کثیر الفصول و یا کثیر الفواصل معناسنه اوله رق (۲) مصحف شریفک مسبع سابعیدر که مبدای عند الاکثرین سوره حجراتدر (۳) . ایمدی مبدأ مفصلدن سوره بروجه قدر : طوال مفصلدر . سوره بروجدن

(۱) چونکه خشوعه اقریدر . قیامده ایکی آیانی دیکه کندن ایه تراوح ایتک افضلدر . تراوحک نفسیری : برکره برا یاغنک و برکره او برآیاغنک اوزرینه طورمقدر . چونکه بودها قولایلقی و طول قیام ایچون دها مکتئیدر . ص . امام ابوحنیفه حضرلرینک جوف کعبهده قیلدقلری ایکی رکعتده ختم قرآن ایتمش اولملری بوصورتله در . علت مذکوره قیام قصیر اولق صورتنده ظاهر اولماز . ط .

(۲) یا کندی قیسه اقلرندن بسامل شریفه ایله بینلری چوقچه فصل اولنش و یا آیتلرینک قیسه لغندن فواصلی چوغالمش بولان سورهلر دیمکدر . علی قول منسوخی قلیل اولان سورهلر دیمکدر . اصلده مذکور اولان وجه اول ایله وجه ثالثدر . وجه ثانییه طحطاوی صرحوم در مختار حاشیه سنده ذکر ایتشددر . وجه ثالث ایچون بوراده دیمشدر که بوکا کوره تفصیلک معناسی احکام وعدم تغیردر اه

(۳) وعلی قول سوره محمددر . صلی الله تعالی علیه وسلم . یاخودسوره فتحدن ویاخود سوره قافنددر . ص .

مفصل قرآن باوله آتی خلاف فصافات و فاف و سبج

وجائیة ملک وصف قتالها وفتح ضعی حجراتها ذا المصحح

(ابن عابدین) .

لم يكن سورة شريفه سنه قدر : أوساط مفصلدر . لم يكن دن نهايته
قدر : قصار مفصلدر (۱) .

منفرد وامام بونده مساویدر . امامده جماعته ثقلت ویرمامک
قیدی معتبردر .

(تا که خلقی تنفیرایله تقلیل جماعتی مؤدی اولمیه . ط (۲) .)
حال سَمَه واقامتده سنت اولان بودر (۳) حال سفر و ضرورتنده
مصلی هانکی سورہنی دیلرسه اوقور و مسنون اولور . حضرت
رسول اکرم صلی الله تعالی علیه وسلم افندمز حضرت تری برصباح
نمازینی معوذتین ایله قیلدر مشار و : نمازی ایجاز ایتدکز ؟ سؤالنه
جواباً : برچرجق آغلامه سی ایشتم والدہ سنک مفتونیتندن
قورقدم . بیورمشاردر (ضعیف و مریض و صاحب حاجت دخی
علت مذکورہ یه مبنی اکا الحاق اولنور . ط) . سفردہ دخی
صلات صبحی معوذتین ایله قیلدمشاردر .

(۱) علی قول طوال مفصل : حجاتدن عبس یه قدردر . أوساط مفصل :
کورت سورہ سنسدن ضعی سورہ سننه قدردر . قصار مفصل : آندن
صکره سیدر . ص .

(۲) حضرت معاذک ناسه سورہ بقره و یاخود سورہ نسا ایله نماز
قیلدر دقلری مسوع عالی نبوی اولمغه اوچ کره : یا معاذ سن فتاحین ؟ نمازی
سبح اسم ربك الاعلی والشمس وضحاها سورہ اریاه قیلدره لی دکلمین زیرا
سنک آرقه کده اختیار و ضعیف و صاحب حاجت اولانلرده قیلار . بیورمش
اولدقلری صحیح بخاریده مذکوردر .

(۳) قراءتک واجب و سننه تقسیم ایقاعندن اوله نظر آدر . بعد الايقاع
قراءت قدر اولورسه اولسون هپ فرض واقم اولور . تکم واجبانه
دخی ذکر اولندی .

(سفرده صباح نمازینی سورہ کافرون وسورہ اخلاص ایلہ
قیلقلری دخی مرویدر . ط)

حال سفر دوت رکعتی فرضلرک برشطارینی (نصفی) اسفماطده
ایقاع اثر ایدرسه تخفیف قراءتده مؤثر اولوق اولویتده قالور .

(بوبابده حال قرارایله حال استعجال مساوی اولوب سفر بر بولنان
کیمسه امن وقرار اوزره دخی اولسه ینه دیله دیکی سورہ یی اوقومق
اکا مسنون اولور . ط (۱) .)

(۱۷) انجق صباح نمازینک برنجی رکعتنی ایک:جی رکعتندن استجاباً
ثمان وثلث نسبتده اطاله ایتمکدر (۲) . عهد رسالتدن الی یومنا هذا
بویله توارث ایتمشدر (۳) و بونده اتفاق واردر (۴) .

(۱) حل ضرورتده کی تخفیف سورہ یه ده مختص اولیوب ضرورتک درجه -
سنه کوره فاتحه وسورہ یه بدل یالکزر برآیت بیله اوقته ییلور . امام ابو یوسف
امام ابوحنیفه حضرتلر نه بر صباح نمازنده اسنت ایدوب وقت طار اولدیفیچون
هر رکعتده سورہ فاتحه دن یالکزر برآیت اوقومش نماز ختام بولاقده امام
ابوحنیفه حضرتلری : یعقوبز فقیه اولمش . دیمشار الی هنا من ط . یعقوب :
اسم امام ابی یوسفدر . ابن عابدین دیرکه هر نمازده بویله میدر ؟ یوقسه جواز
تخفیف صلات فجره بی مخصوصدر ؟ بونده خلاف واردر . اظهر اولان صلات
فجرک غیرده قدر واجبه مراعات اولمقدیر زیرا واجبی اخلاص خروج وقت کبی
دکل . بعض ائمه عندنده مفسد صلاتدر . خروج وقت ایسه صلات فجرک
غیرده اتفاقاً مفسد دکلدر اه .

(۲) قرب و تفاوته کوره نسبت کاه عدد آیات اعتباریله وکاه کلمات وحروف
اعتباریله اولور . کما فی ط .

(۳) حکمتی بودرکه صباح نمازینک زمانی وقت نوم وغفلتدر رکعت
اولابی اوزانمیدرکه ناسی جماعته یتشه یلسون . ط .

(۴) « انجق صباح نمازی » تعبیری امام محمدک مخالفتلرینه اشارتدرکه

- (۱۸) رکوعه وارر ايکن « الله اکبر » ديمکدر .
 (۱۹) رکوعده اوچ کره « سبحان ربی العظيم » ديمکدر (۱) .
 مصلی رکوعده بشقه برشی اوقوماز .
 (۲۰) حال رکوعده ديزلرینی اللریله طوتمقدر (۲) .

• اشار الیه : بنجه بتون صلوات مکتوبه نیک ایلک رکعتارینی ایکنجیاریندن اوزون ایتیمک احبدر . دیمشلسر ص . درایه ده مذکوردرکه اولی اولان : فتوی امام محمد قولنه دکل ، شیخین قولی اوزره اولمقدر . محیط رضویده : امام رکعت اولاده قراءتی ناس یتشه بیامک ایچون تطویل ایدرسه جماعته ثقلت ویرمزدرجه اولقی شرطیله بآس بوقدر . دیندی جمعه وعیدین خلاف اوررهدر . ط .

(۱) رکوع وسجود تسبیحلرینک مراتبی واردر : اقلی اوچ ، اوسطی بش ، اعلاسی یدی اولمقدر . تسبیحی بسبتون ترک ویا اوچدن اکسیک ایتیمک تنزیها مکروهدر . زیرامخالف سنئدر . مؤاف دیرکه منفرد تک عدد ایلله ختم ایتیمک اوزره تسبیحی نقدر زیاده ایدرسه افضلدر امام جماعته ملال ویرر وجهله تسبیحی اوچدن زیاده ایتمز اه اکر کلان یتشسون ایچون رکوع تسبیحی زیاده ایدرسه مکروه اوور دینلش ایسه ده زیاده مذکوره قصد قربت ایلله اولورسه (تعاونوا علی البر والتقوی) قول کریمنه بناء مکروه اولقی شوپله طورسون مستحسن بیله اولور . کما فی ط . ابومطیم بلخی قولنجه رکوع وسجود تسبیحلرینک ترکی ویا اوچدن تنلیلی نمازک مانم کفایتیدر . کما مر فی فرض ال رکوع .

(۲) اخذ رکبه ارکه سنئدر . بیرام نمازینک برنجی رکعتنده امامه انجی رکوعده یتشان کیمسه بوسفتی ترک ایتماک ایچون تکبیرات زائده یی رکوعده ال قالدردیه رق یا پارکه بوکا ادایه شبیه قضاء تعبیر اولنور . باب عیدینده بیانی کلور .

(۲۱) ارککل رکوعده دیزلری اوزرنده اللارینک پارمقلرینی
تفریج ایتیمیک یعنی آراق بولندرمقدر .

(قادیلر پارمقلرینی بری برندن آیرمیهرق اللارینی دیزلری
اوزرنه همان وضع ایدوب اخذ رکبه دخی ایتملر . کافى الرد .)

(۲۲) ارکک قسمی رکوعده اینجکلرینی دیک طوتمقدر .
(قادیلر رکوعده دیزلرینی بولندرلر . کافى الرد .)

(۲۳) ارکک قسمی رکوعده آرقهسنی دوز بولندرمقدر .
(دیزلرینی و دیرسکلرینی دیک طوتمله بسط ظهر حاصل اولور .
قادیلر بونده دخی ارکک مخالف اوله رق مائل الظهر بولورلر . کما
فی ردالمحتار .)

(۲۴) رکوعده باشنی صاغریسیله بر طوغریلقده بولندیروب
نه بوقارییه دیکک ، نه ده آشاغییه اککلر .

(۲۵) رکوعدن قالقمقدر .

(۲۶) رکوعدن صکره بروجه اطمئن قائم اولمقدر (۱) .

(۲۷) سجدهیه وارر ایکن بره ابتدا دیزلرینی و صکره
اللارینی و صکره یوزینی وضع ایتمکلر .

(۲۸) سجدهدن قیامه قالقار ایکن بونک عکسنه اوله رق
ابتدا یوزینی و صکره اللارینی قالدیروب (دیزلرینه قویه رق وایکی

(۱) بوندن اولسکی نفس رفع و بو تعدیلر . مؤلف واجباتده : مقتضای
دابل بونک وجوبیدر . دیمشیدی دیمک که بونده اقوال واردر بری ده فرضیتدر .
نفس رفع دخی واجباتده مذکوردر .

- آیاغنه بردن اعتقاد ایدرک . ط (دیزلرینی یردن قالدرمقدر (۱) .
- (۲۹) سجده لره وارر ایکن « الله اکبر » دیمکدر .
- (۳۰) سجده لردن قالقار ایکن « الله اکبر » دیمکدر .
- (۳۱) سجودی ایکی اللری آره سنه ایتیمکدر (۲) .
- (۳۲) سجده لرده اوچر کره « سبحان ربی الاعلی » دیمکدر (۳) .

(۱) بولر امکان و قدرت ايله . قیددرکه کندنده عذر یوق ایسه دیمکدر .
اما کندیمی ضعیف و یاخود آیاغنده مانم بولور ایسه کرک هبوط و کرک نهوضه قادر اولدینی ایشار . هبوطده یعنی سجده به اینر ایکن مستحب اولان اولجه صاغ دیزی قومی نهوضه یعنی سجده دن قالقار ایکن مستحب اولان اولجه سول دیزی قالدرمقدر . ص مع مذ .

(۲) یعنی سجده ده الار کیروده اوزاقده بولمبوب یوزه قریب و محاذی اولمقدر کرک بو و کرک بوندن اولسکی سنتلر ارکه که مختص اولماغله بولرده مؤلفک ضمیری مذکر ایرادی مطابق مصلی یعنی من یصلی اعتبارله در .

(۳) بواقل مراتبدر . بوندن اقلی بسون ترکی کبی مکروهدر . اون طقوزنجی سنتک هامشنه باقکمز . محشی دیرکه رکوع و سجوددن هر برنک تسبیحه دائر کندینه تخصیص اولان شیئه مناسبتی خفی دکلدر چونکه رکوع تذلل و خضوعدر بناء علیه مقابله جناب حقک عظمتی ذکر اولنق مناسب اولشدر . سجود دخی غایت تسفلدر بناء علیه اکا مقابل جناب حقی علو ايله یاد ایتمک مناسب اولشدر . علودن مقصود قهر و اقتداردر . علو مکان دکلدرکه تعالی الله عن ذاک اه تحفه شرحی عبیده مذکوردرکه [فسبح باسم ربک العظيم] قول کریمک نزولنده علیه الصلاة والسلام افندوز حضرتلری : « اجملوها فی رکوعکم » و [سبح اسم ربک الاعلی] قول کریمک نزولنده : « اجملوها فی سجودکم » بیورمشلدر اه .

« سبحان ربی الاعلی » دیمک بوقدر .

مصلی سجودده بشقه برشی او قوماز . امام شافعی حضرت اتری
دیشلرکه مصلی رکوعده شونی : « اللهم لك ركعت ولك خشعت
ولك أسلمت وعليك توكلت . » وسجودده شونی : « سجد وجهی
للذی خلقه وصوره وشق سمعه وبصره فتبارک الله أحسن الخالقین . »
زیاده ایدر (۱) .

علی قول رکوع وسجود تسبیح لری و تسکیر لری واجبدر (۲)
(۳۳) ارکک قسمی سجودده قارانی او یلقارندن و دیرسک لری
یانلرندن و قوللری یردن اوزاق طوتمقدر (۳) .
قوللری یانلردن آییرمق ازدحامک غیریده مسنوندر . ازدحام
جماعته حرام اولان ایذارن احترازاً ترک اولنور (۴) .
(۳۴) قادین قسمی سجودده آلاچالوب قوللری یانلرینه
بتشدرمک وقارانی او یلقارینه یا پشدر مقدر .

-
- (۱) تسکیم حضرت علیدن م ویدر . بزآنی حال تهجدده (تنفله) حل
ایلمغزدر . ص .
- (۲) بوکا کوره آنارک سهواً متروکینه سجود سهو ترتب ایدر . ط .
- (۳) حدیث شریفده : یره یایلمه ، ایکی الارک اوزرینه اعتماد ایلمه ،
بازولرکی چیقار اکر بویله ایدر سهک هر عضوک سجده ایتیش اولور .
بیورلمشدر ص . چونکه بوخالده ه عضو بنفسه ظاهر اولوب اداء عبادتده
کنندینک غیرییه اعتماد ایتمز اولور همه بو حال تواضعه اشبه . وجبهه نک
یره تمسکینه ابلاغ ، وتنبللر هیئتندن ابعده ، در . ط .
- (۴) قوللری یره یانلرینه قید احترازییه احتیاجی یوقدر چونکه آنک
ازدحامده دخی کیمسه یه ضرری اولماز . ط . اذی آنلری یره یانلرینه در .

- (۳۵) سجوددن طوغریلوب اوطورمقدرکه مقصود ایکی سجده آره سنده کی جاسده در (۱) .
- (۳۶) جاسده تحیات حالی کبی ایکی اللربنی اویلفلری اوزرینه قومقدر (۲) .
- (۳۷) کرک جاسده وکرک قعدهده ارکک قسمی صول آیاغنی یره یایوب صاغ آیاغنی پارمقلر قبلهیه متوجه ارمق اوزره (۳) دیکمکدر .
- (۳۸) قادین قسمی آنلرده تورک ایتمک یعنی قایناغی اوزرینه اوطورب آیاقلربنی صاغ جانیه یاق چیقارمقدر .
- (۳۹) تحیاتک تشهدده یالکز صاغ انک (۴) شهادت پار مغیله (۵) اشارت ایلمکدر .

(۱) مؤلف بونی دخی واجباتدن عدا ایتمشیدی . بوراده کی « چونکه سجوددن قرب قعوده قالمق فرض وآنک اتمامی سئندر » دیو واقه اولان تعلیلی دخی مقتضی وجوبدر . زیرا که متمم فرض واجبدر . بوده برقول دیگر دیمکدر . غریبدرکه مؤلف بوکا قومه اسمی وبروب جاسهینی بشقهجه ذکر ایلمشدر .

(۲) الاریله دیزلربنی طوتماز . اصح اولان بودر . ص . والربنی دیزلرندن اوزاق طوتمیوب پارمقلربنک اوجی دیزلربنک اوجی اوزرینه کلور . ط .

(۳) بقدر الاستطاعة دیمکدر چونکه انک کوچک پارمقلر قبلهیه توجیهی کوجلاکدن خالی اولماز . ط .

(۴) چونکه ایکی انک شهادت پارمقلربنی قالدیرانه حضرت رسول الله صلی الله تعالی علیه وسلم «أحدأحد» دیو توحیدی امر ایتمشلردر . ص . والتأکید لغة فی التوحید .

(۵) محشینک اناده سنه کوره شهادت پارمقلر غیرسیله اشارت ایتمک یوقدر .

اشارت : اثناء شهادته « لا اله » ديرا يكن صاغ النك شهادت پارمغنی فالدرمق و « الا الله » ديرا يكن ايندرمکدر (١) .

(٤٠) قرات تشهدى اسرار ايلسکندر .

(٤١) اوج ودرت رکعتلى فرضله کوره ايلک ايکى رکعتک ماعداسنده فاتحه اوقومقدر .

(٤٢) قعدة اخيره تحياتدن صکره عليه الصلاه والسلام افندمز حضر آلرينه صلوات اوقومقدر . شو وجهله اوقنور : اللهم صل على سيدنا محمد وعلى آل سيدنا محمد كما صليت على سيدنا ابراهيم وعلى آل سيدنا ابراهيم فى العالمين اىك حميد مجيد وبارك على سيدنا محمد وعلى آل سيدنا محمد كما باركت على سيدنا ابراهيم وعلى آل سيدنا ابراهيم فى العالمين اىك حميد مجيد (٢) .

اوده صاغ الك شهادت پارمغنه مخصوصدر . حتى صاغ الك شهادت پارمغى مقطوع ويا معلول ايسه نه اوانك ديكر پارمغيله ونه صول الك شهادت وسائر پارمغيله اشارت ايتمز .

(١) ديكر پارمقار على حالها طورر . على قول آنلر بوكيلوب باش پارمق ايله اورته پارمق حلقه ايديلوركه مفتى به اولانده بودر . كما فى ص مع ط .
(٢) فى العالمين مم العالمين معناسنه دركه آنلر ايله برابر توفى عالمه دعادر ط .
« فى العالمين » ك زياده مى و « اىك حميد مجيد » ك تىكرارى صحيحدر .
« سيدنا » نك علاوه مى مندوبدر . چونكه واقى اخبار عين سلوك ادبدر .
بنابرین انك ذكرى تركندن افضلدر . « لانسودونى فى الصلاة » ديو منقول اولان شى يلاندر . لا « تسيدونى » روايتى همده ياكلسدر . كما فى الدر المختار .

(۴۳) صاواتدن صکره دعا او قومقدر نمازده لغت عربیه‌ک غیرى اوزره دعا حرام اولوب عربی اولان دعا دخی کلام ناسه شبیه اولماق ایچون آیات و احادیثدن مقتبس اولور : «ربنا آتنا من لدنک رحمة وهی» لنا من امرنا رشدا . ربنا آتنا فی الدنیا حسنة وفی الآخرة حسنة وقنا عذاب النار . ربنا لاتزعج قلوبنا بعد اذ هدیتنا وهب لنا من لدنک رحمة انک أنت الوهاب رب اجمعنا فی مقیم الصلاة ومن ذریقتی ربنا وتقبل دعاء ربنا اغفر لی ولوالدی وللمؤمنین یوم یقوم الحساب . ربنا هب لنا من أزواجنا وذریاتنا قره أعین واجعلنا للمتقین اماما » . کی .

بونلر آیات کریمه در (نماز صوکننده دعا قصیدله اوقنور . قرآن قصیدله اوقنور ایسه مکروه اولور تحرماً ط) . شونلر احادیث شریفه در : (اللهم انی ظلمت نفسی ظلماً کثیراً وانه لا یغفر الذنوب الا أنت فاغفر لی مغفرة من عندک وارحمنی انک أنت الغفور الرحیم^(۱)) . (اللهم انی أسألك من الخیر کله ما علمت منه ومالم أعلم وأعوذ بک من الشر کله ما علمت منه ومالم أعلم^(۲)) .

(۴۴) برر سلام ایله اولاصاغه و صکره صوله باشنی چو برمکدر (۳)

(۱) بودعایی حضرت ابو بکره تعلیم بیورمشلردر ص .

(۲) بودعایی حضرت ابن مسعودک نماز ادعیه سندفدر ص .

(۳) اکر اولاً سهواً و یا عمدأ صوله سلام و یرمش اولورسه صاغه دخی سلام و برر . صوله و یردیکي سلامی اعاده ایتمز . عمد صورتنده کندینه اساءتدن بشقه برشی ترتب ایلمز . و اکر اوکنه طوغری سلام . و یرمش ایسه

(۴۵) هرايکي طرفه « السلام عليكم ورحمة الله » ديو سلام ويرمکدر (۱) .

(۴۶) امام هرايکي طرفه سلام ويرر ايکن « عليكم » خطايله کنديسنه مقتدی بولنان بالجمله جماعتی وحفظه ملکری نیت ايلهکدر .

(۴۷) مقتدی سلامنده جماعت ايله برابر امامی نیته آلمقدر

(۴۸) منفرد سلامنده ملکری نیت ايلهکدر (۲) .

(۴۹) امام ايکنجی سلامده سنی برنجی سلامدن پست ایتمکدر .

(۵۰) مقتدینک سلامی امامک سلامنه مقارن اولمقدر (۳) .

(۵۱) مسبوق اولان مقتدی امامک نمازدن فراغه یعنی ايکنجی سلامنه منتظر اولمقدر .

صول طرفنه دخی سلام ويرر . صول طرفنه ویره جکی سلامی اونودبدنه قالقار ايسه قبله یه آرقه چويرمکجه ويانکلم ايامدکجه اوطورب صوله دخی سلام ويرر . من . (۱) اکر مصلى آندن اکسيك اوله رق يالکز . السلام عليكم . (ياخود : عليكم السلام : ط) وباخود : سلام عليكم . دير ايسه سفتی ترک ايتمک سبيله اسامت ايلمش اولور . فرضی صحیجدر . « وبرکانه » لفظنی زیاده ایتمز . من . مؤلف « آنک زیاده سی بدعتدر » ديمش ايسه ده مخشی آنک دخی سنتده ثبوتی ذکر ايلمشدر .

(۲) مؤلف ديرکه بوسنتلره دقت اولنق کرکدر چونکه بوناره دقت ايدن اهل علم بيله قيلمدر . فضلا عن غيرهم اه .

(۳) وهذا عند الامام وفيه خلافا كما في التحريمه . افاده المؤلف .

(انتظار ایلمیان مواضع سجود سمو با بنده ذکر اول نور . مسبوق
او انتظارنده تحیاتدن صکره کی صلواتی او قورمی؟ بعضار : اوت ، حتی
دعای دخی او قور . وبعضار : آنلری او قومیبوب شهادت کتورر .
وبعضار : بعد التحیات هیچ برشی او قومیبوب سکوت ایدر . دیدیلر
تحیاتی تانی اوزره او قوردخی دینلدی . لائق اولان بونکاه افتا
اولمقدر اه من ط .)

آداب صلات

آداب ادبک جمعیدر . ادب (۱) رسول علیه الصلاة والسلامک بر ویا ایکی کره ایشلیوب (۲) مواظبت بیورمدقربدر : رکوع وسجود تسبیحاتنک زیاده سی وقرات مسنوننه نک فضلہ سی کی که اکمال سنت ایچون مشروع اولمشدر (۳) .

شونلر آداب صلات جمله سندندر (۴) :

(۱) ارکک قـمـی افتتاح تکبیری عندنده الارینی یکلرندن

(۱) ادب لغتده برملکه درک قائم اولدنی کیمسه یی موجب شین اولان شیدن مصون ایدر . یاخود ادب : حسن اخلاق وفعل مکارمدر . علوم عربیه ادب اطلاق مولدر ، اسلامده حادث اولمشدر . ادب فعلی کرم کبی باب خامسندر . اسم فاعلی ضارب وزندده آدبدر اھط . اسم تفضیلی مفتوح الدالر . قال الزمخشری : من کان آدب ، کان رحمه أجذب .

(۲) مندوب دخی بویله در . مستحبه کلنجه ، مستحب : رسول علیه الصلاة والسلامک برکره ایشلیوب برکره ترک ایتدکاریدر . اهل فروغجه بویله در . اولایی اهل اصولک رأیلردرکه مندوب ایله مستحبک فرقی اولماقدیر . ترکی نه اسامت ونه عتایی موجب اولیوب انجیق فعلی افضلدر . کما فی الدر اھط . (۳) سنت دخی اکمال واجب وواجب اکمال فرض ایچوندر . کما مر مع مافیہ اھط .

(۴) مؤلف من تبعیضیه ایسلمه أفراد آدابی استیفا ایتمدیکنه اشارت ایتمشدر . ط .

چېقارمق (۱) مکرکه صفوق کبی بر ضرورتیه مبنی اوله .
 (۲) مصلی ارکک ویا فادین اولسون قیامده (۲) سجده موضعنه (۳)
 ورکوعده آیاقلربنک اوزرینه (۴) وسجودده بورنک اوجنه وقعودده
 قوجاغنه باقوب (۵) « اعبدا لله کانتک تراه فان لم تکن تراه فانه یراک »
 حدیث شریفی (۶) مؤداسنی ملاحظه ایدرک ماسوی الله ایله مشغول
 اولماق وسلامده اوموز باشلربنه باقق .

والک ان ارسلت طرفک رائداً لقلبک یرماً أتعینک المناظر
 رأیت الذی لا کله أنت قادر علیه ولا عن بعضه أنت صابر

اگر مصلی بی بصر ، یاخود قاراندلقدده ، ایسه عظمته الیهی ملاحظه
 اکا کافی اولور (۷) .

(۱) یکدن ال چېقارمق بخارالیر و مصر خلقنک عوامی وزی مراسمه
 اولان علمیه کبی اوزون قوللی لباس کبیانلر ایچوندر اه
 فادینک قولی عورت اولدیندن آچلماق ایچون انلر اللربنی اخراج ایتدیلر .
 بوده حره حقنده در . جاریه حقنده دکلدر . س م ط :
 (۲) ولو حکماً قیام اولسون : قاعداً نماز قیلیمده اولدینی کبی
 اه ط بایضاح .

(۳) حفظاً له عن النظر الی ما یشتغل به الخشوع . س .
 (۴) بواذب قاعداً نماز قیلانده حصول بوله ماز . ط .
 (۵) حضور کعبه ده دخی بویله یایار : علی المذهب . ط
 (۶) وهو غیر ماورد فی تعریف الاحسان .
 (۷) مؤلفک فیلاحظ عظمته الله ، قولنی محشی مرحوم هر مصلی
 ایچون عظمت حق ملاحظ اولمق بیانیله خلاف اولی بولوب اکا بدل افاده کفایتی
 اولی کورشدیر .

- (۳) اوکسورکی قاد: اولدیغی قدر دفع ایتمک (۱) .
 کسکر مک دخی اوکسورمک کبیدر .
 (۴) اسنه مکدن اغزینی طوتمق (۲) .
 (۵) اقامنده « حی علی الفلاح » دینلیدیکی وقت (۲) جماعت و محراب
 قربنده بولندیغنه کوره امام نمازه قیام ایتمک .
 اگر امام محراب قربنده دکل ایسه هرصف امام کندیلربنه
 منتهی اولدقده قیام ایلر .
 و اگر امام جماعتک اوکلرندن دخول ایدرسه جماعت آنی کوردکلری
 کبی قیام ایدرلر (۴) .

- (۱) مفسده واقم اولماق ایچون مقتضای ادب بودر چونکه اوکسورک
 بلا عذر اولور و حصول حروفی مؤدی بولور ایسه نمازی افساد ایدر .
 ص مع ط .
 (۲) آغز طوتمق دوداقرینی دیشیله ایصرمق ایله اولور . بومکن ایکن
 آغزینیه ال یاخود یک طوتمق مکروه اولور . حضرت امامدن بویله مرویدر .
 اسنه مک انسانه کسل و اویقلامه زماننده عارض اولور شیدر . انبیاء علیهم السلام
 جملة آندن مصونلردر . ط . بومعنائی ملاحظه دخی دفع تناؤبده مجربدر . کما فی
 الرد . مکروهاتک انزالالتنجیبه باقکمز .
 (۳) امام حسن بن زیاد ایله امام زفر : « حی علی الصلاة » دینلیدیکی
 وقت . دیمشدر . ط .
 (۴) بونی محشی مرحوم ذکر ایتمشدر . اقامت آلور ایکن جماعه
 کیرن کیمسه قائماً منتظر اولماق اکام مکروه اولمقله اوطورمق لازم
 کله جکمه دائر بزم شروط وارکان قیلنده در مختارندن نقلاً ذکر
 ایتدیکمز مسئلهیی دخی قهستانیمدن نقلاً ذکر ایدوب : بوندن ابتداء
 اقامنده قیام ایتمه نک کراهتی مفهوم اولور ناسر بوندن غافلردر . دیمشدر اه

(٧) قد قامت الصلاة دینیلور ایکن امام نمازه شروع ایتمک .
(ابو یوسف حضرتلری : اقامتدن فارغ اولنمنی متعاقب امام
نمازه شروع ایدر . دیمشدرکه ائمه ثلاثه نك دخی رأیلری بودر .
کما فی ط (١) .

(١) دیمککه امام نمازه شروعی اقامت بیتنجه قدر تأخیر ایتمه اتفاقا بآس
یوقدر . س . اختلاف استعجابدهز . ط .

(فصل)

کیفیت ترکیب افعال صلات^(۱)

بوفصلده نمازك ابتداسندن اتماسنه قدر اولان افعال و اوضاع
ذکر اولنوب آلرک فرض و یا واجب یا خود سنت اولمسندن عبارت
اولان اوصافی اولجه ذکر اولندیغی ایچون بیان اولنمییه جقدر :

ارکک قسمی نمازه - هانکی نماز اولورسه اولسون - طور مق
قصد ایتدکده اللربنی یکلرنندن چیقارار^(۲) بعده قولاقلی
حذاسنه قالدیرر تاکه باش پارمقلری قولاقلرینک یومشاغنه
محاذی اولور^(۳) .

حره اولان قدیلر اللربنی اوموزلری حذاسنه رفع ایدرار^(۴)
حال رفعمده کرک ارکک ، کرک فادین اللربنک ایچنی قبله یه قارشو
بولندیرر . پارمقلربی دخی نه آچار ، زده صیقار .

-
- (۱) بوفصل کتب سائره ده (صفت صلات) عنوانیله معقوددر . محشی
دیرکه افعالن اقواله دخی شامل اون معنی مقصوددر اه
(۲) آداب صلاتک برنجیسنک هامشنه باقکر .
(۳) سنن صلاتک برنجیسنه و آنک هامشنه باقکر .
(۴) جاریه ارکک کی رفع یدایدر . ص .

هر مصلی بعدہ نیت (یعنی عقد قلب) ایدرک بلامد (۱) :
« الله اکبر » دیر (۲) .

(۱) اگر مدھمزه ایدر سه نمازه شروع ایدیچی اولماز ومدھمزه بی
اثناء صلاتده کی تکبیرده ایدر سه نمازی فاسد اولور . ص . محشی دیرکه
تکبیری مد یا لفظه الله ویا اکبر لفظنده اولور . لفظه الله اولدیفنه
کوره بالولنده ویا اورته سننده یاخود آخرنده اولوب اولنده اولور سه
مفسد اولور . چونکه صورت استفهامدر . حتی متعمدی کبریاءده شک
ایتدیگیچون کفره وارر . وسطنده اولور سه صوابدر . شوقدر که مبالغه
ایله مد ایتماملیدر . اگر مبالغه ایدوب مد طبعی اوزرینه زیاده ایدر سه
مکروه اولور ، مفسد اولماز . سراجده خلاف اولی دیمشدر که کراحت
تزییه دیمشدر . آخرنده اولور یعی هانک حرکه سی اشباع ایدیلورایسه
من حیث اللغة بر خطا ایدلش اولوب آنکله نماز فاسد اولماز . هانک
تسکینی دخی بواله در . مد اکبر لفظنده اولدیفنه کوره اولنده ایسه
مفسد صلات بر خطادر . آنکله نمازه شروع ایتش اولماز . اورته سننده
ایسه یعنی اکبار دینمش ایسه دونبه لک دیمک اولان وفتحین ایله ملفوظ
بولنان کبرک جمعی اولدیفیچون یاخود اولاد شیطان اسمارندن بری بولندیگیچون
نمازی فاسد اولور دینلدی . اشباعدر اوده بر لغتدر دخی دینلدی . زیلعی بونی
شعرك غبریده جائز اولماز دبو استبعاد ایتدی . آخرنده اولورایسه نمازی فاسد
اولور دینلدی . بونک قیاسی : آنکله شروع صحیح اولماقدر . نماز فاسد
اولماز دخی دینلدی اه بخذف بعض فی الوسط .

(۲) اصح اولان بودر که اولال قالدیرر بعده تکبیر آلور . تکبیردن
فارغ اولنجه قدر الاریفی قالدیرماز ایسه محانی فوت ایتش اولدیفندن آرتق ال
قالدیرماز . اگر اثناء تکبیرده خاطرلارایسه رفع ید ایدر . ص . الار مع
التکبیر وحتى بعد التکبیر دخی رفع اولمق حقتده دیکر ایکی قول اولدیفنی
محشی مرحوم ذکر ایدوب : عامه مشایخک رأی وعملی قول اول اوزینه در اصح
اولانده اودر چونکه رفع یدده حضرت خداوندک غبریدن نفی کبریاء ایتمک
و« الله اکبر » دیمکده کبریائی (عظمتی) حق جل وعلایه اثبات ایتمک واردر
نفی ایسه اثباته مقدمدر . دیندی اه

نمازی نیت ایدیچی اولمق صحت تکبیر ایچون دخی شرطدر . معلومدر که مصلی نه یا الکر تکبیر ایله نه ده یا الکر نیت ایله نمازه شروع ایتمش اولماز . بلکه هم تکبیر آلمق همده نیت ایلمک ایله شروع ایتمش اولور . آرهارى نمازه اجنبی اولان قول ویا فعل ایله فصل ایداش اولمقدج نیتی تکبیردن اول ایتمک دخی صحیحدر زیرا که حکماً مقارن دیمکدر . نیتی تکبیردن صکره ایتمک صحیح دکلدر . تکبیر شروط تحریمه نك برنجیسنده و اوچنجیسنده ذکر اولمشددر

«الله اکبر» بدلنده «سبحان الله» یاخود «لااله الا الله» و یاخود «الحمد لله» کبی هر ذکر خالص ایله نمازه شروع ایتمک صحیح اولوب (۱) واجب اولان تکبیر ترک اولندیغی ایچون تحریماً مسکروه اولور . ذکر خالص : حاجت طالب ایله قاریشق اولمیان ذکر محض خالفدر . «اللهم اغفر لی» کبی طلب مغفرت ایچون و «لا حول ولا قوة الا بالله» کبی طلب حول وقت ایچون و «ما شاء الله کان» کبی طلب دفع سوء ایچون و بسمله شریفه کبی طلب برکت ایچون اولان جمله لر ایله نمازه شروع ایتمک صحیح دکلدر

(۱) صحت شروعه اسماء خاصه الیه ایله کریم وجلیل کبی اسماء مشترکه آره سنده قول اظهر واضح اوزره فرق دخی یوقدر . ذکر خالص خدائک لغت عربیه دخی انحصاری اولمانله بوبابده علی الاطلاق یعنی عربیه دن کرک عاجز اولسون کرک اولسون لغت سائرهنک دخی مع الکراره کفایتی واردر . لغت سائر اوزره جواز قراءت لغت عربیه دن عجز ایله مشروطدر . بومسئله لرده حضرت امام ایله امامین آره سنده بوجهله موافقت حاصل اولمشددر . افاده ط . فروض صلاتک اون طقورنجیسی قبیلنده کی هامشه باقکز . مؤلفک افاده سی اصابتسدر .

مصلی افتتاح تکبیرینی متعاقب بلامهله یعنی اللربنی یا لربنه صالیویرمیه رک کیفیتی سنن صلابه مهذکور اولدیفی وجهله ال باغلارکه بوکا « اعتماد » تعبیر اولنور . اعتماد ظاهر مذهبده سنت قیامدر ولو حکماً اولسون (۱) .

هر قیام که آنده قرار و ذکر مسنون وارددر مصلی آنده اعتماد ایدر : حال ثنا و قنوت و صلات جنازه کبی .

قومه ده قرار و تکبیرات عید آره سننده ذکر مسنون اولدیغندن مصلی آنلرده اعتماد ایتمیوب اللربنی یا لربنه ارسال ایدر .

اعتمادی متعاقب مصلی افتتاح ایدر (۲) یعنی شونی او قور : « سبحانک اللهم وبحمدک وتبارک اسمک وتعالی جددک ولا اله غیرک . » (۳) .

بونهر مصلی او قور . مقتدی دخی امام قراءته شروع ایتمش اولمدقجه او قور . قراءتی کرک جهر و کرک اخفا ایتسون (۴) .

دعاء توجهی که استعین بالله : (انی وجهت وجهی للذی فطر

(۱) قعوداً نماز قیلمقده اولدیفی کبی که آنده ده سنت ال باغلامقدر . در مختار . امام محمد عندنده اعتماد سنت قراءت اولدیغندن مصلی حال ثناده اللربنی ارسال ایدر . کما مر فی السنن .

(۲) سبحانک الخ او قومغه ثنا دینلدیکی کبی افتتاح دخی دینور . آتی الذکر دعاء توجهه دخی افتتاح اعلاق اولدیفی اولمشد .

(۳) بونده « وجل ثناؤک » جمله سی بوقدر . آتی دیرایسه منم اولنماز دیرایسه امر اولنماز . ص ، صلات جنازه نک غیریده آنک ترکی اولادر . احتمال که وجه فرق : صلات جنازه ده دعاء مطلوب اولمغانه جمله مذکورده حال جنازه به البق اولدیفیدر . ط .

(۴) دیک که مسبوق آتی صکره به براغور یعنی قضاء ماسبقه قیامنده او قور . امامه رکوعده یتشان آنکیله اشتغال ایله رکوعی قاجرماز .

السموات والأرض حنیفاً وما أنا من المشرکین) آیت کریمه سیدر (۱)
مطابقا یعنی نه قبل الشروع و نه بعد الشروع او قوماز (۲) .

« سبحانک اللهم وبحمدک » نیک معناسی : « یا الله منی تسبیح
ایله صفات نقصدن تنزیه و سبکاتحمید ایله صفات کمال و نعوت
جلالی اثبات ایدرم (۳) : « وتبارک (۴) اسمک » سنک اسم پاک

(۱) سوره « أنعامک یتمش طقوزنجی آیتیدر . حضرت ابراهیم علیه
السلامک ادعیه سندن حکایه در .

(۲) آنی صلات تهجدده ثنایه ضم ایده بیلور . ص . بوندت متبادر
اولان ثنائک اکا تقدیمیدر . ط .

(۳) سبحان فی الأصل مصدر در فعلی یوقیدر . برامت و نزاهت
معناسنه در . بعده تنزیه دیمک اولان معنای تسبیحی متضمن اولدی .
انتصابی واجب الحذف بر فعل محذوف ایله در که « سبحنک سبحانا .
(یاخود) أعتقد سبحانک أى نزاهتک عن کل ما لا یلیق بک « دیمکدر .
تقدر اوله کوره مفعول مطلق و تقدیر ثانی به کوره مفعول به اولور .
« وبحمدک » بر محذوفه متعلق اولوب واو ، عاطفه در « اسبحک وأبتدی
بحمدک (یاخود) وأصفک بحمدک تقدیرنده در واو . زائده دیمک
لائق وله از . چونکه قیاسی دکلدر . کما فی القهستانی . حضرت امامدن
واوک حذفله « سبحانک اللهم بحمدک » دیمک دخی جائز اولدی فی روایت
اولنشدیر . یوکا کوره با حرفی ملابسسه ایچون اولوب « أسبحک تسبیحاً
ملتبساً بحمدک » دیمکدر . یاخود مصاحبت ایچوندر . ذکره المحشی
رحمه الله تعالی .

(۴) تبارک غیر متصرف بر فعلدر . جناب حقک غیری ایچون ذکر اولنماز .
خیر دایم کثیر دیمک اولان برکنندر که سنک اسماء حناکاک خیوری متکثر
اولدی دیمکدر . برک الماء فی الحوض تعبیرندن مشتقدر که دام معناسنه در .
یاخود بروک ابلدن مشتقدر که ثبوت دیمکدر . ط .

ثابت و سرمدیدر . « و تعالی جدک^(۱) » و سلطنت و عظمتک رفعتلیدر .
قدرت قاهره کله غنی و متعالیین . « ولا اله غیرک » و سندن بشقه بحق
معبود یوقدر . دیمکدر .

تنزیه ایله که آنک ده مآلی توحیددر باشلانوب توحید ایله ختم
اولمشدر . ثناء علی الله خصوصتده موت سلبیه و صفات ثبوتیه نک
ذکرندن جلال و جماله و بتون افعاله غایت کماله ترقی حاصل اولمشدر که
اوده الوهیت^(۲) ایله انفراد و احدیت و صمدیت ایله اختصاص
و امتیازدر .

مصلی استفتاحدن صکره تعوذ ایدر . یعنی « أعوذ بالله من الشیطان
الرجیم » دیو شیطان مطروددن جناب حقه التجا ایلر^(۳) .

تعوذ قرات ایچرندر . بناءً علی ذلك آنی امام و یامنفر اولان
اوقور . مقتدی بولنان اوقوماز چونکه آنک قراتی یوقدر . مسبوق
آنی حال انمرادنده یعنی ماسبقی قضایه قیامنده بعد الثناء اوقور^(۴) .

(۱) جد بابا باباسی و آنا باباسی و نهر کناری معنایینه اولدینی کبی عظمت
و جلال معناسنده اولور . بوراده مقصود اولان معنی دخی بودر . ط .
تعالی جد ربنا .

(۲) بو کلمه فی مؤلف دخی ربوبیت معناسنده استعمال ایتمشدر .
اهل لغتک ایسه بیانی الاهت و الوهت و الوهیت کله لری و زنا و معنی عبادت و عبودت
و عبودیت کبیر . والله عز و علا رب الأرباب وله الربوبية .

(۳) چونکه حضرة اللمدن شیطان مطروددر . عقابده سنی کندیسنه
شریک قیلحق ایستدر . سن آنی کورمزسین . تعوذ ایتمسکله آنی کورن جناب
حقه سنی حفظ ایچون اعتصام ایتمش اولورسین . ص .

(۴) امام ابویوسف : تعوذ ثنایه نابعدر آنی مقتدی دخی اوقور .
دیمشدر اه ص .

بیرام نماز لرنده امام تعوذی تکبیر اتدن صکره یه تأخیر ایدر زیرا
قراءت تکبیر لردن صکره در .

مصلی بعده تسمیه ایدر یعنی « بسم الله الرحمن الرحيم » دیر . تسمیه
دخی تعوذ کی قراءت ایچوندر . بولك آندن فرقی شودرکه تعوذ قبل
القراءة یا الیکز ایلك رکعتده اولور (۱) تسمیه ایسه هر رکعتده وانجق
قبل الفاتحه اولور . فاتحه ایله سوره آره سنده تسمیه مسنون اولماز (۲) .

بعد البسملة مصلی قراءت فاتحه ایندر وختامنده « آمین » دیر . آندن
صکره ضم سوره ویا آیات ایلر .

(تعوذ و تسمیه کی قراءت دخی مقتدی اولمیان مصلی به عائددر .
مفتدینک تأمین امامک جهری - النده در .)

بعده هر مصلی « الله اکبر » دیو رکوعه وارر .

بو تکبیره الکلمکه باشلامقله ابتدا ایدوب ختام انحناده تکبیر دخی
نهایت بولورکه تمام انحناده تسبیحات رکوعه شروع ایتمکه
حالات صلاتک هیچ بری بروجه اطمنان ذکردن خالی اولماش بولور .

ارکک قسمی رکوعده دیزارینی اللریله قاورایه رق و پارمقربنی
ارالق بولندیره رق آرقه سنی دوز و باشیله صاغریسنی بر استفامده

(۱) صلوات مندوبه نك اوچنجی رکعتلری دخی ابتداء شفع اولوق اعتبارله
ایلك صاییلور .

(۲) سوره ایچون دخی تسمیه ایدرسه مکروهده اولماز . ص (محشینک
آداب صلاتک فصلی اولنده بنانه کوره آنی آداب صلاتدن عدایدنلریله اولمشدر) .
سوره قیدی آیات ایچون تسمیه اولنه نك کراحتی افاده ایدر . ط .

ودیزلربنی و دیرسکلربنی دیک طوتار . یای کبی بوکمک تنزیهاً مکروه اولور .

قادین قسمی اللربنی دیزلری اوزرینه قور . پارمقلربنی آراتی بولندرماس و دیزلربنی دیک و آرقه سنی استقامت مذکوره وجهله دوز طوتماز .

رکوعده هر مصلی لا اقل اوچ کره « سبحان ربی العظیم » دیر . بعده « سمع الله لمن حمده » دهرک رفع رأس ابدوب اطمنان اوزره طوغربلور (۱) . « ربنا لك الحمد » دخی دیر .

مصلی امام یاخود منفرد ایسه بونلرک ایکیسینی ده سویلر . مقتدی تحمید ایلله اکتفا ایدر .

تحمیدده افضل اولان : « اللهم ربنا ولك الحمد » دیمکدر (۲) « اللهم ربنا لك الحمد » یاخود « ربنا ولك الحمد » و یاخود « ربنا لك الحمد » دخی دینور .

(تفاوت ثواب تفاوت حروف نسبتنده در .)

(۱) جناب حق حمد ایدنک حمدینی قبول ایدر دیمکدرکه سماع قبول معناسنده در . تکیم حدیث شریفده « أعوذ بك من دعاء لا يسمع » بیورلشددرکه لایقبل دیمکدر . حمده لفظنده کی ها ، سکت ایچونددر . ضمیردیانلر دخی اولمشدرکه احوالده جناب حق کندیسنه حمد ایدنک حمدینی قبول ایدر دیمکدر . لام من معناسنده در . سوره « مائده » (سماعون للکذب) قول کریمی تفسیرنده کشفه وقاضی حاشیه سی شهابه مراجعتله معلوم اولور .

(۲) ولك الحمدده کی واو حقنده اختلاف ایتملشددر ، زائده در ، عاطفه در دینلشددر تقدیری « ربنا حمدناك ولك الحمد » در . كما فی التبيين . اولسکی اظهاردر . ط .

بعده مصلى « الله اكبر » ديو سجوده وارر . جبهه سنى يره وضع ايله برابر تكبیرى ختم ايدر . سجوده وارر ايكن برعذر مانعى اولمقجه يره اولاديزلرينى و صكره اللربنى وضع ايدوب يوزينى ايكى النك آره سنه قويه رق آلنى و بورنى يره كتورر . واطمئنان اوزره اوله رق تسبح ايدر كه لا اقل اوچ دفعه « سبحان ربى الاعلى » دير .

اركك قسمى سجوده قارنى اولقرندن و قوللربنى قولقرندن اوزاق طوتار (۱) قادين قسمى سجوده آچالوب قوللربنى يالربنه ضم وقارنى اولقرلربنه الصاق ايدر كرك اركك و كرك قادين سجوده اللربنىك پارمقربنى قبله يه توجه ايدى اولوب آلرى برى برينه بتشديرر (۲) آياقاربنىك پارمقربنى دخى يره ديكرك قبله يه توجه ايدر . بعده الله اكبر ديهرك رفع رأس ايدوب اطمئنان اوزره جلسه ياپار (۳) واللربنى اولقرلى اوزربنه قور ، صكره ينه « الله اكبر » ديو ايكنجى سجوده برنجى و جمله ايضا ايدر .

بعده ركعت ثانيه يه قيام ايچون « الله اكبر » ديهرك رفع رأس ايدر واولا باشنى و صكره اللربنى ودها صكره ديزلربنى قالدوروب

(۱) ويلرو اوزانه رق قوللربنى يره يانرمامقيله اوزرلربنه اعتماد ايدى اولوركه حال ازدحامك غيريده جيم اعضا ايله سجود ايتمكده بوسورت ابلغر . ازدحام حالده ياننده كنى آزرده ايتماك ايچون طويل بولنور .

(۲) اصابعك يكديكركه ضم تاي ياكز بوراده مندوبدر . ص .

(۳) بوجلسه ده اركك وقادينك وضع قومدارى بشقه بشقه در . قده اوده اكاكوره در . تكسيم سنن صلاته تعريف اولمشدر .

بلا عذر اللریله یره طایانمیه رقی قالقار . رکعت ثانیه دخی رکعت
اولی کبیدر . شوقدرکه آنده رفع ید و ثنا و تعوذ یوقدر .
ایکنجی رکعتک ایکنجی سجد و سندن صکره قعود ایدوب ارکک
وقادین کندیلرینه مخصوص صفت جلسه وجهله بوانور و تحیات اوقور .
وشهادته کلدیکنده عند النفی شهادت پارمنی رفع وعند الاثبات وضع
ایلدک صورتیله اشارت ایدر . کیفیتی سنن صلانده ذکر اوانمشدر .
قعدہ اولاده تحیات اوزرینه برشی زیاده ایتمز . زیرا آنی متعاقب
اوچنجی رکعتہ قیام واجیدر .
رکوعده وسجودده وتشهدده قراءت قرآن اجماع ائمہ ایلہ
مکروهدر (۱) .

تحیات : تحیه نك جمیدرکه عند الملاقاة سلاملا شفق قبیلندن اولان
وفی الاصل « بیاك الله » دیو بقاء حیات تمنیسنی متضمن بوننان دعای
ایتمک دیمک اولوب بوراده مقصود ملك وعظمتہ دال اولان الك عزیز
الفاظ وعبادات قولیده در . آنده مستحب اولان دخی ابن مسعود
حضر لرینک تحیاتنی اوقومقددرکه مشار الیه حضر لمی : رسول اکرم
صلی الله تعالی علیه وسلم افندمز حضر لمی المی مبارک اللری آره سنه
آلہرق قرآن دن سورہ تعلیم ایدر کی بکا تعلیم تحیات بیوردیلر و دیدیلرکه
سزک برکز نمازده اوطوردیغی وقت «التحیات لله والصلوات والطیبات»
الح دیسون . بیورمشدر بوکا (تشهد ابن مسعود) دخی دینور .

(۱) بعد الصلوات الفاظ قرآن ایلہ ایدیلان ادعیهده قراءت دکل ، دعا
قصد اولنقددهدر . والا تحریماً مکروه اولور . کما فی ط وقد مر .

بو نلرک بیان معانیسنه ککنجه ؛ «التحیات لله» : بتون عبادات قولیه ، « والصلوات » و بتون عبادات بدنیه ، « والطیبات » و بتون عبادات مالیه حق جلّ وعلایه مختصدر . دیمک اولوب کلمات شریفه مذکوره لیلّه معراجده حضرت خاتم الانبیاء (علیه وعلیه السلام) افندمزدن صادر اولمشدر . کندیلری الهام ربانی ایله بوتحیات و تعظیبات ایتدیکلرنده جناب ذو الجلال والا کرام : ای نبیّ عالی جاه سکا سلام ورحمة الله وبرکات الله اولسون . مآلنده اولان : « السلام عليك أيها النبي ورحمة الله وبركاته . » قول قدسیسیله ردّ تحیت بیورمشدر (۱) . تحیاته تحیت اهل اسلام اولان سلامی وصلواته او معناده اولان رحمتی (۲) و طیبانه مناسبی بولنان برکاتی مقابل قیلبشدر . حضرت نبی اکرمک تحیات و صلوات و طیباندن عبارت اوچ کلمهسنه مقابل حضرت خلاق کریم سلام و رحمت و برکاتدن عبارت اوچ کلمه ایله افاضه انعام و تکریم بیورمش اولوب نبی علیه السلام دخی اکرم واجود خلق الله اولمغله ارفیض ربانیدن اولان احسانی بالجملة انبیا اخواننه و ملکوره و انس و جنندن اولان صلحاء مؤمنینه

(۱) « لا يؤمن أحدكم حتى يحب ل أخيه ما يحب لنفسه » حدیث شریفنک شرحنده شیخ اسمعیل حق قدس سره نک : سلام انبیا مشروع اولدی زیرا انبیا أهواء ناسه مخالف وجه ایله امر ایتلریله مقام نبوت مظنه اعتراض اولدی مؤمنک « السلام عليك أيها النبي » دیدیکی یارسول الله بو خصوصده بنم اعتراضدن با امان و بی خوف اول دیمکدر دیملری بو افادهیه ملایم دوشمز .

(۲) فیه نظر فتأمله . ط .

عطف ایدرک (۱) : « السلام علينا وعلى عباد الله الصالحين . »
 بیور مشلردر . بونک اوزرینه بتون ملکوت اعلى وسموات عالى (۲)
 اهلی وبالخاصه حضرت جبریل وحی والهام حضرت ربّ جلیل ایلہ :
 « أشهد أن لا اله الا الله وأشهد أن محمداً عبده ورسوله » دیوکلتهین
 شهادتینی ترتیل ایللمشلردر .

اشته تشهد ابن مسعود تعبیر اولئان اتحیات الخ بوبله درت
 طاقم قدسی کلماندر (۳) . شهادت ایدرم که الخ دیمک : بیلور و بیان
 ایدرم که الخ دیمکدر . شهادت ثانیه ده آناردخی ذات حضرت رسالت
 حقنده اوچ شی جمع ایتلمشلردر که بری اشرف اسماء نبی اولان محمد

(۱) تسکیم حدیث شریفده « انکم اذا فلتموها أصابت کل عبد صالح
 فی السماء والأرض » بیورلمشدر . صفات مخلوقین ایچنده عبودیتدن اشرف
 برشی یوقدر که اوده ربک فعلنه رضادر . عبادت رنی راضی ایدن شیدر . عبودیت
 عبادتدن اقوادر چونکه عقیده باقی اولان اودر . عبادت اوبله دکلدر (یعنی
 عبادت علی سبیل التکلیف آخرتده فالماز . اما انک تنفس کبی بلامشقة صدوری
 واقمدر انکار اولماز زیرا انسان حضرت حقه قریب اولدقجه طاعتجه مزداد
 اولور . ط . ص) صالح : حقوق الاهی و - فوق عبادی کوزه دندر . ص .
 (۲) اعلانک، وثنی اولان علیانک جمیدر . اکبر و کبری و کبر کبی . قال
 تعالی وانها لاحدی الکبر .

(۳) آغاز فقیهه مژک و اخرنده مذکور اولدغی اوزره تشهد ابن مسعود
 ایکی واو ایلهدر که « وأشهد أن محمداً عبده ورسوله » در . برده تشهد
 ابی موسی واردر که علی قول تشهد ابن عباسدر او و او واحده ایلهدر وشوبله در :
 « التحیات المبارکات الصلوات الطیبات لله . سلام علیک ایها النبی ورحمة الله
 وبرکاته . سلام علينا وعلى عباد الله الصالحين . أشهد أن لا اله الا الله وأشهد أن
 محمداً رسول الله » مذهب امام شافعیده اولانلرک اوقودقلمی تحیات بودر

نام عاليسی وبری اشرف اوصاف انسان اولان عبدیت و دیگر بری انسان
ایچون اک شرفلی وصف اولوب مستلزم نبوت بولنان رسالتدر .
مصلی التحیات الخ اوقور ایکن جناب حقّه تحیت ونبی علیه
السلامه ونفسنه واولیاء الله سلام ایدرکی اوالفاظ مبارکینی
موضوع اولدیغی معانی قصد ایدرک علی وسبعه الانشاء اوقور (۱) .

فرائضک ایکی اولسکی رکعتلرندن صکره سنده که صلوات
مغربک اوچنجی رکعتنه دخی شاملدر فاتحه اوقور . وصفت
متقدمه اوزره اوطورب ذکر اولنان آشمدی اوقور (۲) وبعده
نبی علیه السلامه صلوات کتورر و صکره الفاظ قرآن وسنته
مشیه شی ایله دعا ایدرکه نبی علیه الصلاة والسلامه صلواندن
صکره اولان دعا مقبول اولور . بعده آولا صاغنه و صکره صولانه :
« السلام علیکم ورحمة الله » دیرک و بیانی بحمدہ تعالی ومنته تقدم
ایتدیکی وجهله کندیسیله برابر اولان جماعتی وحفظه نی نیت
ایلیه رک سلام ویرر .

(۱) بعضار انک حکایهٔ سلام الله اولوب مصلینک سلام ابتدائیسی اولدیغنه
قائل اولق ایسته مشلدر . کافی ص اه ابن حجر دیمشدر که تشهدجه متواتر اولان
الفاظ : پیغمبر علیه السلامک دخی « وأشهد أن محمداً عبده ورسوله » بیورر
اولدقلریدر اه « وانی رسول الله » بیورر اولدقلرینه دائر اولان سوزک اصلی
یوقدر . تشهدک غیریده وانی رسول الله بیوردقلری اولمشدر . ط .

(۲) زیامینک افاده سنه کوره انک تعیینی مستحیلدر . ط .

﴿ باب ﴾

امامت یعنی صلات جماعت

امامت : نمازینک برجزء نده امامه اتباعدر (۱) . او اتباعی
ایده مقتدی تعبیر اولئورکه آنک مدرک ومسبوق ولاحق انواعی
آئیده در (۲)

امامای بزجه مؤذنلکدن افضلدر . نبی علیه الصلاة والسلام
افندمر حضرتلربنک وخلفاء راشدین رضوان الله تعالی علیهم اجمعین
حضراتنک مواظبتلری امامتدر (۳) .

افضل اولان : امام همدہ مؤذن اولمقدر . امام ابوحنیفه
حضرتلری مزیت امامت ایله فضیلت تأذینی جمع ایتمشلر ایدی .
نماری جماعتله قیللق بلا عذر اولان (۴) رجال أحرار

(۱) بو تعریفه کوره امام کلمه سی کتاب وبساط کبی فعال بمعنی مفعول
ایسه ده مأوم دخی فقهده مقتدی معناسنه در . بو موضعک غیرده امامت : اماملق
معناسنه در که نمازده امام اوللق و اماملق ایتلک دیمسکدر .

(۲) استغلاف بخونده کی استطرادی اوقویکز .

(۳) حدیث شریفده : « الامام ضامن والمؤذن مؤتمن اللهم أرشد الائمة
واغفر للمؤذنین . » بیورلمشدر .

(۴) چونکه جماعت عذر ایله ساقط اولور . ص. أعذار فصل آئیده در.

ایچون (۱) قول اصح اوزره (۲) قوتده واجبه شبیه سنت مؤکده در (۳) . چونکه جماعت اوزرینه مواظبت سنییه واقع اولمدر . وحديث شریفده : جماعتک نمازی سزک برکزک یا لکیزجه قیلدیغی نمازدن یکریمی بش جزء وروایت دیکرده یکریمی بش درجه افضلدر . بیورلمشدر (۴) مکلفه آنی بلاعذر ترك ایتمک

(۱) چونکه عبد خدمت مولی ایله مشغولار . ص . افندیسی اذن ویرسده اکا واجب ولماز . کما فی ط علی الدر . رجال قیدی نساءدن احترازدر چونکه انار آتیا . صرح اولدیغی اوزره حضور جماعتدن ممنوعدرلر . مقصود خروجه قادر اولان احرار بالغیندر . کما فی الدر .

(۲) محشینک افاده سنه کوره بو بایده کی اقوالک اعدلی واقواسی جماعتک واجب اولدیغیدر . انی فرض کفایه وفرض عین دیانلر دخی اولمدر . فرضیتنه قائل اولانلر صحت صلات ایچون انی شرط قلما شلردر . جماعت سنت مؤکده در دیانلرجه سنت فجردن ده مؤکد برسنندر . و تراویحک غیرده سنت عیندر . تراویحده سنت کفایه در . وتررمضانده جماعت مستحب اوواب رمضانک غیرده اولان وترده و تراویحک غیره تطوعده جماعت علی سبیل التداعی ایسه مکروهدر کما بآتی بیانه .

(۳) صلات جمعه وعیدیندن ماعداده دیمکدر چونکه بونلرده جماعت شرط جوازدر . ط .

(۴) زیلعیده مذکور اولان حدیث شریفک مآلی شودر : ارککک جماعتله قیلدیغی نماز خانه سنده و بازارگاهنده قیلدیغی نماز اوزرینه یکریمی یدی درجه زیاده اولور . بخاریده دخی مذکور اولان شودر : « صلاة الجماعة افضل صلاة الفذ بسبع وعشرين درجة » فی رواية عبدالله بن عمر . وفی رواية ابی سعید الخدری : « صلاة الجماعة افضل صلاة الفذ بخمس وعشرين درجة »

بونلر مساجد ثلاثه نك غیره حقنده در . مساجد ثلاثه که مسجد حرام ومسجد شریف نبوی ومسجد انصار انلرده کی فضلت جماعت ییکلرجه متفاوتدر . تنکیم آتیا ذکر اولور .

اوله ماز . بر شهر اها لیدی آئی بلا عذر ترك ایدرلر ایسه امر اولورلر . قبول و امتثال ایدرلر ایسه فها . ایتمدکلری تقدیرده قتال اولورلر . زیرا جماعت شعائر اسلام دندر . و بو دین مبینک خصائصندندر .

فضیلت جماعت برکشیلده حاصل اولور و لوکه صبی میز (۱) و یا قادین (۲) و حتی آو ایچنده اولسون (۳) .

اما جمعه نمازی ایچون جماعتک امامدن بشقه اوچ یا خود (۴) ایکی کشی اولسی شرطدر . تکیم باینده مذکوردر

(جماعتک حکمت مشروعیتی اهل صلات آره سنده نظام

(۱) سن تمییز یدی یاشدر . ا کا صبی عاقل دخی دینور . صاحب جوهره انی نمازه عقلی ایرن چو جق دیو تفسیر ایتمشدر . محشی دیرکه بوندن منتفل مقتدی ایله دخی جماعت فضیلتی حاصل اوله جفی فهم اولور اه

(۲) خانه سنده زوجه سی یا خود جاریه سی و یا خود ولدی ایله نماز قیلان کیسه فضیلت جماعتی انیان ایتمش اولور . شرحده بویله مذکوردر و لکن فضیلت مسجد اندر . ط . بونی مؤاف دخی فصل تراویحده تراویح حقنده ذکر ایدوب : و کذا الحکم فی الفرائض . دیمشدر .

(۳) لکن اوده جماعت اولنق جماعتی قاجرمق یا خود جامعه چیقلماق صورتنده اولور . والا بونی عادت اینمک شویله طورسون احياناً یا یقنی ییله بلا عذر اولورسه بدعت و مکروه اولور . تکیم بحرده مصر حذر . (۴) یا خود تعبیری حکایه خلاف ایچوندن . معتمد اولان قول اولدر ط .

الفتك قیامی (۱) و برده جاهلك عالمك افعال صلاتی تعلمه
تمسکینیدر . ط .

رجال اصحابه (۲) نماز قیلدیرمق ایچون امامتک شروط صحتی
التیدر : اسلام ، بلوغ ، عقل ، ذکورت ، قرامت ، أعداردن
وفقدان شرط صحتدن سلامت .

(اسلام) شرط عامدر (۳) . منکر بعث اولمق یاخود حضرت
صدیقک خلافتنی ویا صحبتنی منکر بولنمق ویاخود حضرت شیخینمه
عیاذاً بالله تعالی سبّ ایلک یاخود شفاعتی انکار ایتمک کبی (۴)

(۱) بوندن طولاییدرکه محلهلرده مسجدرل مشروع اولشدیرناکه اوقات صلاتده
بین الجیران ملاقات حصولیله هرکس بری برینی یوفلامش اولسون . بحر .
(۲) اصحاء اطباء وزندده صحیحک جمعیدرکه معذور اولیان ارکهکلهردیمکدر .
چونکه صاحب عذرک کندی امثاله امامتی صحیح اولدیغنی کبی قادینک عدم
تقدمی شرطیله فادینلره امامتی دخی مع السكراهه صحیح اولغله بو شروطک
جمله می انلرده معتبر دکادر . أفاده ط .
(۳) ذکرینه بیله حاجت یوقدر . ط . مؤلف انی تفریعات آتیه سنه بناءً
ذکر ایتمشدر .

(۴) اسرا می یاخود رؤیتی ویاخود وجود کرام کاتبینی انکار کبی . لیکن
منکر رؤیت اولان جلال وعظمتنه مبنی رؤیت اولنماز دیر ایسه انک صحت
امامتی شرح أبی السعودده مذکوردر . بر زمان امامت ایدوبده بعده کندینک
کافر ویا حامل نجاست یاخود عمداً بلا طهارت اولدیغنی جماعته سویلیان کیسه نک
جماعته اعاده صلات ایتمک یوقدر چونکه انک باب دیانانده اولان خبری کندینک
اعترافیله اولان فسقی سببیله مقبول دکادر . قیلدردیغنی نمازک نجاست یاخود عدم
طهارت سببیله فسادی نبین ایتمک کبی دکل که انی اخبارده اعاده لازم
اولور . ط .

کنندینی اکفار ایدیچی صفتی ظاهر اولمشیکن اظهار اسلام ایدلرک
امامتی صحیح اولماز .

(بلوغ) چونکه صیبتک صلاحی نفلدر . آنک نفلی ایسه
کنندینه لازم دکلدرد .

(یعنی بالغک صبییه اقتداسی نه فرضده و نه نفله صحیح
دکلدرد . چونکه فرضده آنی نیت ایتسه دخی صیبتک نمازی
نفلدر . نفله دخی آنک نفلی اکا لازم دکلدرد . مقتدینک نفلی ایسه
لازم مضمون علمدر . بناءً علی هذا هرایکی حاله کوره قوی بی
ضعیفه بنا ایتمک لازم کلور . کما فی ط .)

(عقل) چونکه عذیم العقلک نمازی صحیح دکلدرد : سکران
کبی (۱) .

(ذکورت) که ارککلدر بوشرط ایله قادینلر خارج قلمشدر .
(قادینک کندی حقنده نمازی صحیح اولدیغی حالده ارککلک اکا
اقتداسی صحیح اوله ماز ط)

چونکه قادینلرک تأخیرلری امر اولنمشدر (۲) .
(تأخیرلریتک امری ایسه آلرک آرقه لر نده و یانلر نده نماز قلیمه قدن
نهی دیمکدر . ط .)

خنثی دخی (حکمه ط) قادیندر (۳) قادیندن غیرسی اکا

(۱) و مجنون مطبق کبی . أما کاه مجنون اولوب کاه افات بولانک حال
افاتنده امامتی صحیح اولور . معتوهک امامتی صحیح اولماز اه ط .

(۲) بقوله علیه السلام : أخروهن من حیث أخرهن الله . أي کما أخرهن
الله تعالی فی الشهادات والارث و همیم الولایات اه جوهره .

(۳) حکماً قادین اولان خنثی محشینک باب اذانده کچن افاده سنه کوره خنثای
مشکل ایکن بو بایده کی افاده آیه سی اعمدر .

افتدا ایدهمز (۱) .

(قرامت) که او قومقدر اختلاف امام وامامین اوزره نماز صحیح اوله جق مقدار آیتک (۲) از بر اوقتمسیدر (۳) .

(بوشرطه بناءً قارئک امی به یا خود اخرسه) دیناسره (اقتداسی صحیح اوله ماز . امینک اخرسه اقتداسی دخی صحیح اوله ماز چونکه آمی افتتاح تکبیرینی آله یله جکی جهتله اخرسدن افوادر . أما امینک آمی به واخرسک اخرسه اقتداسی صحیحدر . ط .)

(أعذارن سلامت) چونکه معذورك صلاتی ضروریه در (یعنی ایجق ضرورت عذرینه مبنی صحیح اولمشدر . ط .) آرتق اکا معذوردن غیر یسنک اقتداسی صحیح اوله ماز .

أعذار : رعاف دائم ، انفلات ریح ، فأفأة ، تمنمة ، لثمة کبی شیلردر .

(رعاف ایله انفلات ریح کتاب الطهاره نك احوال

(۱) یعنی نه ارکک اکا افتدا ایده ییلور چونکه انک انوثی محتملدر . نهده کندی کبی خنی افتدا ایده ییلور چونکه کیرویه قالانک ذکورتی وایلو وکچنک انوثی محتملدر . اما فادینک خنثایه اقتداسی صحیح اولور خنثی کرک ارکک (غالب الذکورة) ، کرک قادین (غالب الانوثة) اولسون . حضرت نبی اکرم علیه الصلاة والسلام حضرت جبریه اقتدالری صحت امامته مشروط بولنان ذکورتدن عدم انوث مقصود اولدیندندر . یاخود بو بر خصوصیتدر . أشباهه : خنثایه اقتدا صحیحدر . دیو مذکوردر اه ط .

(۲) هی عنده آیه ولو قصيرة . وعندها ثلاث آیات . کما مر .

(۳) از رنده اولیانی مصحفدن اوقومق مفسدات صلاتنددر . وپونده امام ومنفرد مساویدر .

معدورین فصلندہ ذکر و تفسیر اولنمشد . فأفاه : فاحرفنی ،
وتمتہ : تا حرفنی تکرار لایق صورتیله اولان کی مکمل و پیکر کی مکمل .
انفہ کہ لقمہ وزنندہ در فتحین ایله لثغ دخی دینور : سینی ثا ، و را
حرفنی غین یا یاقی مثلی اولان پلتسک کی مکمل (۱) .

انفلات ربحہ مبتلی اولانک سلس بولی اولانہ افتداسی صحیح
اولہ ماز چونسکہ اوایکی عذر لیدر (کہ آنک ہم حدی و ہم خبی و اردر .
کافی الدر (۲) .

پلتک پلتسک غیر ییہ امام اولہ ماز . قرآنندہ لثغدن خالی
برشی بولہ میوبده ساعات لیل و نهارده اسانی اصلاحدن عاجز
قالان کیمسہ نک نمازی کندی نفسی چون جائزدر . جهد و تصحیحی
ترك ایدرسہ نمازی فاسددر .

(محشینک افاده سنہ کورہ عجز حالندہ صلاتنک کندی
نفسی چون جائز اولہ بیلمسی دخی بشق سنہ افتدا ایتسی ممکن
اولہ مامق ایله مقید اولوب اگر افتداسی ممکن اولور ایسه نمازی
نفسی چون دخی صحیح اولہ ماز (۳))

(۱) كما قيل في واصل بن عطاء العديم الرأ :

ويجمل البر قجاً في تصرفه وخالف الرأ حتى احتال للشعر
ولم يطق مطراً والقول يجمله فعاذ بالقيث اشفاقاً من المطر

(۲) عشى ديركه بونك عكسي يعنى سلس بولى اولانك انفلات ربحہ مبتلی
اولانہ افتداسی صحیح اولور . قان آلدیرانه کمانجه یاره سندن قان چیمبور ایسه
انک اصحابه امامتی صحیح اولور اه .

(۳) لکن جهد و تصحیحی ترك ایتمک مسئله سی دخی مدة العمر او کیمسه
تصحیح لسانته جهد اورره اولقی دیمک اولوب بوده خرج عظیم اولدیفندن

(فقدان شرط صلاتدن سلامت) طهارت وسترعورت کبی
 شروط صلاتدن برینک مفقود اولماسی دیمکدر .
 بوشروطه بناءً حدثن (۱) ویا نجاست مانعه دن (۲) طاهر
 اولمیانک (۳) و مستور العوره اوله میانک طاهره و مستوره امامتی
 صحیح اوله ماز (۴) .

افقدانک شروط صحتی تقریباً اون درتدر :
 (ابتدا لغتده مطلق ملازم تدر اصطلاحده برکیمسه نمازینی
 امامک نمازینه ربط ایتمکدر ط . اوکیمسه یه مقتدی دینلدیکی کبی
 مؤتم و مأموم دخی دینور)
 (برنجیسی) مفتدی کنندی تحریمه سنه مقارناً امامه متابعتی
 نیت ایتمکدر .

فتواده شرط مذکور مقتضاسنه کیدله . ز . فتاوی ابی الیثدن منقولدرکه الحمد لله
 یرنده الحمد لله و قل هو الله یرنده کل هو الله دیمک بونک غیرسنه قادر اولیان
 و یا خود لساننده عات اولان کیمسه ایچون جائز او اوب لساننده عذر اولدیغی
 حالده آغزیدن بویه چیمق صورتنده ده عاز فاسد اولماز . دیمک که شرط
 مذکورده خلاف واردر . چوقلری ده اتی ذکر ایتماشلردر . زیرا انده خرج
 عظیم واردر . ط .

(۱) وان كان كلام المؤلف قاصراً على الثاني اه ط .
 (۲) يان زاد على قدر درهم أو بلغ ربع أثواب اه ط .
 (۳) ظاهری بودرکه طاهر اوله مامق کرک مزیل نجاستی بوله مامق ، کرک
 بولسه ده انکشاف عورت کبی بر مانم حاصل اولق صورتیله اولسون . ط .
 (۴) تقييدک ظاهری نجاست مانعه یی حامل اولانک اکا و عربانک عربانه
 اقتداسی صحیح اولمقدر . فاله ط .

مقارنت یا حقیقی و یا خود حکمی اولور (۱) . تکیم بیانی شروط
تحریمده گذران اولمشد .

مقندی هم صلاتی وهم متابعتی نیت ایله دیسکدر (۲) .

امامك (۳) امامتی نیت ایله قادیلرک اکا اقتداری صحیح
اوله بیامک ایچون شرطدر ، محاذات ایله لازم کلمه جک فساد
صلاته بنام که آنک مسئلهسی مشهوردر مفسداتده ذکر
اولنور (۴)

قول اکثره کوره جمعه و بیرام نمازلی دخی اولسه بویلهدر .

(یعنی جمیع صلواتده بلا فرق قادیلرک صحت اقتداسیچون امامک
نیت امامت ایله شرطدر . تکیم محشی فصل مفسداتده کافیدن و تبییندن
نقلاً تصریح ایتمشدر) (۵) .

(ایکنجیسی) امامک اوکچهسی مقندیلرک اوکچهسندن ایله بولمقددر .

(۱) بان لایفصل بینهما بفواصل اجنبی کذا فی الشرح اه ط . انظر إلى اول
شروط التحريم وثالثها .

(۲) شروط تحریمه نك بشنجهسنه باقكر .

(۳) لفظ امامك تذکیر و تأنیثی مساوی ایهده کلام امام مذکر حقیقهدر .
امام اثابه سوزک شمولی یوقدر . أفاده ط .

(۴) محشی دیرکه امام آنلری التزام ایتدکجه فساد اولماز . التزام دخی
آنک نیت ایتسیلهدر . امام اکا امامتی نیت ایله دکجه قادیلرک صلات امامه داخل اولمش
اولماز . خنئی دخی اتی کبیر . بر ایله متعددک فرق ده یوقدر اه .

(۵) بوراده ایه دیسدرکه : نهرده خلاصه دن نقلاً صلات جمعه وعیدینده
عدم اشتراطک ترجیحی مذکوردر . جنازه نمازنده قادیلرک امامتی نیتک عدم
اشتراطنه اتفاق ایتمشدر اه .

(بو ، مقتدی بر اولمق صورتنده ظاهر در که امام ایله یان یانه و آنک صاغنه طورر شو قدر که اوکچه سی امامک اوکچه سندن کیرو بولنور . صوانه یا خود آرقه سنه طورر ایه مخالف سنت اولدیغیچون مکروه اولور . کما فی الدر .)

اعتبار اوکچه به در (۱) حتی مقتدینک طول قدمی جهتیه آباغنک پارمقلری اوکچه سی کیرو اولمقله برابر امامک آباغی پارمقلرینی تجاوز ایتسه ضرر ایتمز (۲) .

(اوچنجیسی) امام مقتدین حالاً ادنی اولما قدر : مقتدی ، مفترض و امام منتفل بولنمق کی (۳) .

(دردنجیسی) امامک قیلدیغی فرض مقتدینک قیلدیغی فرضدن

(۱) ایما ایله نماز قیلاندره اعتبار باشه در . حتی مقتدینک باشی امامدن کیروده اولوبده آیاقلری آنک آیاقلردن ایرو بولنمه اقتدا صحیح و عکسی تقدیرنده غیر صحیحدر ط .

(۲) معلوم اولسونکه مؤلفک اشتراط تقدم امامه دائر افاده ابتدکی شی خلاف مذهبدر . مقتدی امامه محاذی دخی اولسه اقتدا صحیحدر . ط .

(۳) محشی دیرکه و ترک وجوبی رأی ایدنک سنیتی رأی ایدنه اقتداسی بوقیلدن دکلمر . چونکه بواققتدا اتحاد صلاانه مبنی صحیحدر ، اتحاد صلات اختلاف اعتقاد ایله مختلف اولاز ، و کذا بر سنت قیلانک بشقه بر سنت قیلانه مثلاً یا تسونک سنیتی قیلانک تراوخ قیلانه و اوکاهنک صوک سنیتی قیلانک ایلاک سنیتی قیلانه اقتداسی صحیحدر . تنکیم بحر رائفده و غیریده مذکوردر . ظهیریده ده دیمشدرکه ایکندینک ایکی رکعتی قیامش و کونش غروب ایتمش بولنان کیمسه یه نمازینک صوک ایکی رکعتنده اقتدا ایدسه هر قدر مقتدی ایچون بونماز قضا ایدسه اولور . چونکه ذات صلات بر در اه .

بشقہ اولما مقدر : برى اوكله نك فرضنى قضا وديكرى ايككندى نك
فرضنى ادا وياخود برى بركونك اوكله سنى وديكرى بشقہ بركونك
اوكله سنى قضا ايتمك كې (۱) .

چونكە مشاركت واردر آندەدە اتحاد لابددر .

(يعنى مقتدى امامه مشارك اولمغله نمازلى متحد بولنمق
لازمدر تاكه امامك نمازى مقتدى نك نمازىنى متضمن اوله -
بيلسون . ط .)

بنام على هذا برنمازى نذر ايدنك بشقہ برنمازى نذر ايتمش
بولنانه اقتداسى صحيح اولماز زيرا نذرلر دة اتحاد يوقدر (۲) . اختلاف
نذرين ايسه اختلاف فرضين كبيدر (۳) .

(۱) بولر فرض اوله رق صحيح اولماز ديمكدر . يوقسه مقتدى نك نمازى
نافله اوله رق صحيح اولور . عشى مرحوم مفسداتك محاذات مسئله سنده نصريح
ايتمشدركه ايكندى قيلان بر كيمسه نك آرقه سنده اوكله نيت ايدنك نمازى
نافله اوله رق صحيحدر .

(۲) « امامك نذر ايتدىكى نمازى قيلمق نذرم اولسون » ديمش بولنور
ايسه اتحاد صلاته مبنى اقتدا صحيح اولور . كافي الدر .

(۳) بو تحليل محشينكدر ويانى وجهله مؤلفك تعليملر دظهردر . مؤلف
« زيرا ناذرك التزام كرده سى اولان خصوصده غير اوزرينه ولايتى يوقدر »
ديمشدركه وجوب انجق ناذر حقنده ظاهر اولوب ديكرى حقنده ظاهر اولمغله
كندى نذريك غيريده بشقہ سە اقتدا ايدرسە مقتضاك متفله اقتداسى كې اولور
ديمك ابسته شدرك . بوحالده مسئله نك اوچنچى شرطه تفريعى ظاهردر .

ناذرك حالفه اقتداسی دخی صحیح اوله ماز . چونكه صلات
مندوره اقوادر (۱) .

حالفك ناذره و حالفك حالفه واتحاد نذرین صورتنده ناذرك
ناذره اقتداسی صحیحدر .

(بشنجیسی) درت ركهتلی بر فرضك وقتی چیققدقن صكره
(قضاسیچون عقد اولنان جماعتده (۲)) امام مقیم اولوبده مقتدی مسافر
اولما مقدر . امام حالاً مقتدین ادنا اولماق شرطنه بناء كه بو حالده
یا بعده و یا قراءت حقنده مفترض متفله اقتدا ایتمش اولور .

(معلوم اولسونكه وقت داخلنده مقیمك مسافره و بالعكس
مسافرك مقیمه اقتدالی جمیع صلواتده صحیحدر . ایکی واوچ
ركهتلی فرضار سفرأ و حضراً متغیر اولماغله آنلر مستثنی اولماق
اوزره درت ركهتلی فرضاره كوره مقیم بولنان مقتدی مسافر
بولنان امامك سلامندن صكره نمازینی بلا قراءه اتمام ایدر .
مسافر بولنان مقتدی مقیم بولنان امام ایله برابر نمازی تام قیلار
چونكه وقت باقی اولماق مقتدینك نمازی امامك نمازینه مربوطاً
تمامه تغیر ایدر . عدم تغیر خواص قضادندر . وقت خارچنده
ایسه درت ركهتلی فرضاره كوره مقیمك مسافره اقتداسی

(۱) چونكه قصدأ واجبدر . مخلوف علیها اولان نماز ایسه فعل و تركی
جائز بر نفل ایكن ایکی جهتك بری یمین ایله قوت بولمشدر . انك وجوبی برك
تحقیق ایچوندور . ط . بو تعلیل مسئلهك شرط ثالثه تفریعنی اقتضا ایدر . كالایخنی .
(ناذر) نذر ایدندر . (مندوره) نذر اولنان نمازدر . (حالف) شو نمازی قبله جغم دیو
یمین ایدندر . (مخلوف علیها) اشته او نمازدر . (بر) یمینی یرینه کتورمكدر .
(۲) چونكه قضا ایچون دخی عقد جماعت مشروعدر . كما سیدكر .

صحیح ، و مسافرك مقيمہ اقتداسی غیر صحیح ، در . چونکہ آندہ قویٰ ضعیفہ بنا ایتک محذوری وارد . زیرا اقتدا شفع اول و یا شفع ثانیدہ اولمقدن خالی اولمیوب شفع اولدہ یعنی ایلمک ایکی رکعندہ اولدیغنه کورہ مسافرك قعدہ سی نمازینک آخری اولدیغیچون فرض ، و مقیمک قعدہ سی قعدہ اولی اولدیغیچون واجب ، در : فرض ایسہ واجبدن اقوادر . اقتدا شفع ثانیدہ وقوع بولدیغنه کورہ مقیم بولنان امام فریضہ قراتی شفع اولدہ ایما ایتمش اولمغله (۱) اکا کورہ شفع نانینک قراتی نافله ایکن مسافر بولنان مقتدی حقتدہ قرات هنوز فرضدر .

(التنجیسی) امام مسبوق اولماقدر . زیرا آنک شبہہ اقتداسی وارد (۲).

(امامک لاحق اولماسی دخی مشروطدر چونکہ لاحق حکماً امام آرقہ سندہ دیملکدر ، حتی قرات ایتمز اھ ط .)
بولنرك کندی مثلارینہ دخی اقتداری صحیح دکلدر . تکیم در مختارده مصر حدر (۳)

(۱) ولو لم یقرأ الامام فی الشفع الاول ففي صحة الاقتداء روايتان . وسيا لى تحقیقه فی صلاة المسافر ان شاء الله تعالى . ط .

(۲) یعنی کندی تحریمہ سنی امامک تحریمہ سنہ بنا ایتدیکی ایچون مسبوق قضاء مسبقہ قیامندن سکرہ دخی من جهة مقتدی دیملکدر . محشی دیرکہ اکا قراءتک لزومی شبہہ افرادہ مبیدر اھ دیملک کہ اندہ جهت افراد دخی وارد و مثلاً خسروک تعبیرنجه انک جهت انفرادی حقیقی و جهت اقتداسی موریدر و هر ابکی جهتک تفریعاتی وارد . تکیم ذکر اوئور .

(۳) بحر رائفده دیملکدر کہ ایکی مسبوق متساوینک بری کندی اوزرندہ اولانک کیتنی اونفتمش اولمغله دیکرینہ اقتدا ایدرك ذکلده اکا کوز اوجیلہ باقہرق قیلسه صحیح اولور اھ .

(یدنجیسی) امام ایله مقتدینک آره سنی صفّ نسا فصل ایتمش
اولماقدر (۱) . شو ماآلدەکی قول شریف نبوی یه مبنی که : « امام ایله
کندی آره سنده نهر یاخود طریق و یاخود قادینلردن برصف بولانان
کیمسه نك نمازی یوقدر » بیورلمشدر .

اگر آرده اولان قادینلراوچ اولور ایسه آخر صفوفه دکی هر صفدن
اوچ کشینک نمازلی فاسد اولور (او قادینلرک صاغندن و صواندن برر
کشینک دخی نمازلی فاسد اولور . ط) . سائرلرک اقتدالری جائز
(صحیح) در . فتوی دخی بونک اوزربنده در (۲) .

واگر آرده اولان قادینلر ایکی اولورسه یالکز آلرک
آرقه لرنده کی ایکی کشینک نمازلی فاسد اولور (یعنی فساد صلات

(۱) کشینک بیانته کوره مقتدین ارکک مقتدی مقصوددر . ایکی مقتدی
اره سی دخی امام ایله مقتدی اره سی کییدر که انلرک اره لرنده دخی قادین بولنور
ایسه اقتدالری صحیح اولماز اه . موضعا .

(۲) علی قول اوچ قادین آرقه لرنده بولنان جمیع صفوف رجال ایچون مانع
اقتدا برصف نسا دیمکدر . ص . صف تام اولتی صورتنده اولایفی کی که اوصورتده
ارقه ده بولنان صفوف رجالک کافه نمازلی . منطوق حدیث وجهله وجهله فاسددر
، مؤلف کلامی اطلاق ایتمکله نسا ایله مقتدی اره سنده حائل بولنوب بولنماقه سوز
شامل اولمشدر (لکن ارده حائل یاخود فرجه بولنقی مانع فساددر) تنکیم
ان شاء الله تعالی مسئله ماآذاندە ذکر اولنور . ط . مقتضای قیاس قادینلرک
آرقه لرنده بولنان ارککلردن یالکز آلرک صفدن او قدر کیمسه لرک نمازلی
فاسد اولوب انلر دیکرلرینه حائل اولمقله انلردن صکره کیلرک نمازلی فاسد
اولماقدر لکن یوقیاس مؤلفک قول آتیسندن دخی ظاهر اوله جغی اوزره صف
نساء غیر تام حقنده اولوب صف تام اتباعاً للاث خارج از قیاس اولمقله وراء صف
نساء قالان جماعت یکره صف دخی اولسه ار انلرک نمازلی استحسناناً فاسددر .

آنلرک ما بعدینه کچمز قادیلرک یمین و یسارندن ایکی کشینک دخی
فساد صلاتلرینه بوسوز منافی دوشمز . ط . (

وا کر صفده یالکیز قادین وار وار کیکه محاذی ایسه یمین و یسارندن
آنک محاذی بولندیغی برر ارکک ایله آرقه دن بر ارککک نمازلری
فاسد اولور (۱) .

(سکرنجیسی) امام ایله مقتدی آره سنده نه قایق کچه چک

(۱) اناردن زیاده سنک نمازلری فاسد اولماز چونکه هر (اوچ) جهتدن
فاسد الصلاة اولان کیمسه ار او قادین ایله دیگر رجال آره سنده حائل اولمش
اولورار . ط . بوجنک ماخصی اولقی اوزره طحطاوی مرحوم در مختارک مسئله
محاذاتده ابو السعود المصریدن تقللاً دیمشدرکه . رأه واحده صاغندن وصولندن
برر کشیله آرقه سندن برکشینک که جمعا اوچ کشیدر نمازلرینی فساد ایدوب
بولردن زیاده سنک نمازلرینی فساد ایلمز چونکه اوچ جهتدن نمازلری فاسد
اولان برر کشی او قادین ایله دیگر جماعت رجال آره سنده حائل اولمش
اولور . ایکی قادین کندی صاغ وصول جهتلرندن برر کشیله آرقه لردن
کندیلرینه محاذی ایکی کشینک که جمعا درت کشیدر نمازلرینی فساد ایلمز . چونکه
مثنی جمع نام اولدیغندن ایکی قادین دخی رأه واحده کییدر . فساد آخر صفوفه
قدر تعدی ایتمز . اکر قادیلر اوچ اولور ایسه کندی صاغ وصول جهتلرندن
برر کشیله آرقه لردن کنیدیلرینه محاذی اوچر کشینک صوک صفه قدر نمازلری
فاسد اولور . و بو جواب ظاهر الروایه در . قادیلردن امام آرقه سنده بر صف
تام اولوب آنلرک آرقه لرنده دخی متعدد صفوف رجال بولنسه بتون اوصفلرک
نمازلری فاسد . اولور . اکر قادین صفنک آرقه سنده دیوار اولوب اودیوارک
آرقه سنده صفوف رجال بولنور ایسه آنلرک نمازلری علی الأصح فاسد اولماز .
قادین صفنک آرقه سنده صف رجال اولوب دیوار آنلردن صکره اواسه و اودیوارک
آرقه سنده دخی صفلر بولنسه جمله سنک نمازلری فاسد اولور اه .

نهر (۱) نهده اوزرنده صفوف متصله اولدیغی حالده (۲) آرابه کچه جک طریق بولنما مقدر .

(۱) طریق تدن طریق عام مقصود اولدیغی کبی نهر دن دخی نهر کبیر مقصوددر . نهر کبیر ایله نهر صغیر فرقه سوزک صحیحی بودر . یعنی مرور زورقه صالح اولوب اولما مقدر . علی قول نهر صغیر : شرکاسی احصا اولاندر . و علی قول قوتلی کیمسه نك آتلايه بيله جکی نهر صغیردر . ط . نهرده صو اولقی شرط دکلدر . طریقده دخی یولک آرابه مرورینه صالح اولسی مقصوددر . آرابه نك بالفعل کچمسی دکلدر . آرابه یه بدل مرور اوقارک امکائی دخی معتبردر . اوقار : یوک معناسنه اولان و قرق جمعیدره دوه یوکنده وسق اکثر اولدیغی کبی استر ویا حار یوکنده دخی وقر اکثردر . رد المختار .

ابن عابدینک افاده سنه کوره حوض کبیر دخی نهر کبیردک اطرافنده صفوف پیوست اولماقچه مانع اقتدادر . اطرافدن صفوف متصله اولانارک آرقه نرنده کیلرک اقتدارلری صحیحدر و حوض صغیر قدر اولان فرجه مانع دکلدر . نهر اوزرنده اتصال صفوف : کوپری بولنق ویا خود یکدیگره مربوط قایلر اولوب اوزرلرنده صف باغلامق ایله اولور .

(۲) چونکه اتصال صفوف حالنده یول صفوف ایله طولاش و آرده آرابه کچه جک طریق قالماش اولور . محشی دیرکه مصلیار پیوست اولوب یوله طور دقلرنده بر کیمسه کلوب یولک عرضنه طوره رق امامه اقتدا ایتسه جائز و مکروه اولور : اقتداسنک جوازی کندی بيله امام آره سنده آرابه کچه جک طریق قائم دیندر . کراهتک وجهی ممر ناسده نمازه طور لمیدر . ایسندی بو مقتدینک آرقه سنده یولک اوتیه جهنندن بری امامه اقتدا ایتسه صحیح اوله ماز زیرا یول اوزرنده طورانک نمازی مکروه اولنله برابر اوکیمسه بر صف دخی اولمیدن کنندی آرقه سنده کی حقنده معدوم حکمندهدر . و بو اتصال عس اولماز . ایکی دخی اواسه اوله در . اکر عرض طریقده اوچ کشی طور مش بولور ایسه آنلرک آرقه لرندن اقتدا ایدنلرک اقتدارلری صحیح اولور چونکه اوچ کشی بعض روایانده بر صفدر . اتصال صفوف حالنده ایسه طریق مانع اقتدا دکلدر اه بتصرف .

مانع اولان فاصل قول مفتی به اوزره ایکی صف صیغه جق قدر اولان آچیققلقدر (۱)

(ایکی صف آرسنده کی آچیققلق ایسه برویا ایکی ذراع مقداریدر ،
بوده هر صفک محل سجودی ایله دیگر لرینک محل قیامندن معتبر اولور (۲)
جامع ایچنده کی فضاء واسع بر چوق صفوف صیغه جق قدر دخی
اولسه مانع اقتدا دکلدر ، زیرا مسجد ایچون بقعه واحده حکمی
واردر . بیرام نماز کاهلری دخی مسجد حکمنده در (۳) .)

(طقوزنجیسی) امامك انتقالاننه اطلاعی اشکال ایدر درجه ده
آرده حائط (دیوار) کبیر اولما مقدر .

اگر ایشتمك (۴) ویا کورمك سببیلله امامك انتقالاننه اشتباه
قالیمور ایسه اقتدا قول صحیحده صحیحدر (۵) . شور وایت بناه که نبی
اکرم صلی الله تعالی علیه وسلم افندمز حضر تلی خانه حضرت عائشه
داخلنده نماز قیلارلر و ناس (یعنی جماعت اصحاب) مسجد شریف
نیویدن کند یارینه اقتدا ایدر لر ایدی .

بوکا کوره مسجد حرامه متصل اولوبده قیولری خارجدن اولان
بیوت و منازلدن حرم شریفده عقد اولنان جماعتك امامنه اقتدا ، سماع
ویارؤیته مبنی امامك حالی شتبه اولمیدی و آرده دیواردن ماعدا

(۱) علی قول بر صف صیغه جق قدر اولان آچیققلقدر . ط .

(۲) بویله اولقی ظاهر در . زیرا ذراع بر صفك محل قیامندن دیگر صفك
محل قیامنه قدر تحدیدده کافی دکلدر . ط .

(۳) جامع شریفك حولی دخی جامع حکمنده در . صفوف متصله اولسه ییله
اورادن اقتدا صحیحدر اه من ط .

(۴) یا امامدن ویا مقتدین . رؤیت دخی بویله در . ط .

(۵) وبو شمس الأئمة الحلوانینك مختاریدر . ص .

حائل (۱) بولمديغى حالده صحیحدر (۲) .
 (اونجیسی) امام ، راکب ومقتدی ، راجل (۳) اولمامقدر .
 (اون برنجیسی) امام راجل ومقتدی راکب اولمامقدر .
 (اون ایکنجیسی) امام بر دابه ومقتدی بشقه بردابه اوزرنده
 اولمامقدر . زیرا اختلاف مکان وارد . امامنک دابه سنده بولمور ایسه
 اتحاد مکانه مبنی اقتدا صحیح اولور (۴) .

(۱) طریق عام وصف نساء کبی
 (۲) تنکیم شمس الائمة بونی شویله ذکر ایتمشدرکه مسجد متصل
 اوینک سطحینده طوریده یانی باشنده کی مسجدک امامنه ، واونک ایچنده
 طوریده خانه سینه متصل فقط آرده بردیوار بولان مسجدده کی امامه
 اقتدا ایدرکه نماز قیلان کیمسه نک نمازی اگر امامک تکبیرینی یا کتندندن
 ویا مبلغدن ایشتمکده ایسه جائز اولور . صاحب هدایه نک تجنیس
 ومزیدنده بویله مذکوردر . طام اوزرنده طورانک دخی او ایچنده
 اولان امامه اقتداسی امامک حالی اکا خفی اولمديغی حالده صحیح اولور . س .
 دیمک که اعتبار اختلاف مکانه دکل ، اشتباهه در . خانه سی مسجددن
 منفصل بیله اولسه آرده آراهه بولی کبی مانع اقتدا بولمديغی وامامک
 حالی مشته اولمديغی حالده او ایچندن مسجدده کی امامه اقتدا صحیح اولور .
 کما فی ط . اختلاف مکانه اعتبار دابه اوزرنده وسفینه ده قیلنه جق نماز
 حقنده در . کما یأنی .

(۳) راجل راکب اولمیاندر تنویرده اکا بدل نازل واقع اولمشدر اه
 نازلک را کبه اقتدا سنده بر مانع دها واردرکه رکوع وسجود ایله نماز قیلان
 آنلری ایما ایدرک قیلانه اقتدا ایتمش اولور . مکرکه نازل دخی ایما ایدیچی
 اوله ، رد مختار .

(۴) کوریلورکه بو مسائلده علت اختلاف مکاندر اشتباه انحق حائل
 مسئله سنده علتدر . محشی دیرکه مقتدینک دابه سی امامک دابه سینه قریب اولور
 ایسه جواز صلاتی امام محمد حضرتتاری مستحسن کورمشدر اه .
 صلات علی الدابه مسائلی آتیده در .

(اون اوچنچیسى) امام بر سفینهده ومقتدى اكا مقترن اولمیان
 . بشقه بر سفینهده اولما مقدر . چونکه آنلرده ایکی دابه کبیر . اکر
 اقتران ایدرلرایسه اتحاد حکمی به مبنی اقتدا صحیح اولور .
 (جماعت ساحلده وامام طوران کیمیک ایچنده بولمق صورتنده
 آرده طریق ویانر کبیر^(۱) مقداری فاصله اولورسه اقتدا صحیح
 اولمیه جغنی ابن نجم مرحوم بحرده ذکر ایتمشدر .)
 (اون دردتجیسی) مقتدی مخالف مذهبی بولنان امامنک حالندن
 دم سانلک خروجی ویا آغز طوایسی قییمک ظهوری کبی کندی مذهبجه
 بر مفسد^(۲) وقوعی بیلوب آندن صکره تجدید وضوء ایتدیکنی دخی
 تیقن ایتمش اولما مقدر .

(حتی مقتدی کندی مذهبجه ناقض وضوء اولان شیئک آندن
 صدرربنی مشاهدهن صکره امام اعاده وضوء ایده جک قدر غائب
 اولسه وارمیتجه آنک حالی مقتدینک معلومی اراسه صحیح
 اولان: آنک حالی بسبتون مجهول بولمق صورتنده اولدیغی کبی اقتداک
 مع الکراهه^(۳) جائز اولمسیدر زیرا آبدست آماش اولمق محتملدر واکا
 حسن ظن ایتمک اولادر . ط .)
 اما مواضع خلافة آنک احتیاط ایتمز اولدیغنی بیلور ایسه

(۱) ایچنده قایق یوزه بیلان نهردر . کلام .

(۲) معلومدرکه بولنر بزجه ناقض وضوءدر .

(۳) کراهتک کراک بوراده ، کراک آتیده کی اعلانندن ظاهر اولان تحریمیه

اولمسیدر . ط .

اقتدا صحیح اولماز كرك او اقتدا سنده کی خصوصیت حالنی بیلمش اولسون و كرك بیلسون (۱) .

اكر مواضع خلافده احتیاط ایدر اولدیغنی بیلور ایسه اكا اقتدا ایتمك قول اصح اوزره صحیح و مکروه اولور (۲) . کما فی المجتبى (۳) . مقتدی امامدن آنك مذهبینجه مفسد صلات اولان برشیئک ، مثلاً قادینه طوقنمه نك و یا خود درهم مقدارنده اولان نجاستی حامل اولمه نك (۴) وقوعنی امامك خبری اولدیغنی حالده بیلسه اكا اقتدا ایتمك قول اکثر اوزره جائزدر (۵) .

مسئله امام کنندینك او حالنی بیلماش اولمقله تقیید اولنمشدر تا که جازم نیت اولوب صحت صلاتنی دخی کنندی معتقدینه حمل ایتمك ممکن اوله بیلسون .

(۱) بان ع—لم أنه لا یحتاط بالعاده و لکن فی هذه الصلاة جهل حاله فی الاحتیاط . ط .

(۲) قد علمت أن الظاهر من اطلاق الکراهة التحريم .

(۳) دبری آنك شرحنده : اكر مذهب حنفیده آنك احتیاطنی بیلور ایسه اقتدا مکروه اولماز . دیمشدر اه ص .

(۴) معلومدر که بونلردن بری مذهب شافعیده ناقض وضوء و دیکری مانع صحت صلاتدر .

(۵) بعضی جائز اولماز دیدیلر هندوانی آنلردندر . چونکه امام (آگاه اولسه) او نمازك بطلانی رأینده اولور . مقتدینك نمازی دخی اكا تبعاً باطل اولور . قول اکثرک که اصح اولانده اودر وجهی بودر که مقتدی (کنندی مذهبینجه) امامنك او نمازی جائز اولقی رأینده در . آنك حقنده معتبر اولان دخی کنندی رأیدر . بناء علیه صلات مذکورہ نك جوازینه قائل اولقی لازم کلور . کما فی التبیین والفتح . ص .

أما مذهبناك معتقد ومقلد إيمانك (۱) امامدن كندينك معلومي اوله رق خلاف مذهبي صدور ايتمش اولور ايسه نلاعب كبي اولوب متلاعبك ايسه نيتي اولميه جعفرندن صلاتني صحتيه حملك بر وجهي اوله ماز (۲) .

(كوريليور كه شرط اخير مذهبناشك غيري يه اقتدا يه عائد اولوب مخالف مذهب بولنان اهل سنته اقتدا مانع متيقن اولمديجه جائز (۳) وائمه يه مواضع خلافده احتياط واصحاب مذاهبه مراعات ايتمك لازمدر . مثلاً موضع خروجني تجاوزايدن دم مذهب حنفيده ناقض وضوء اولديغندن حنفي يه امامت ايدچك اولان شافعي قان آلديردقه يا خود حجات اولدقه ويا بورني قانادقه وكنذا قى ايتدكه آبدست آلتق لازم كلور (۴) .

(۱) أما مقتديناك مذهبي تقليد ايتمش ايسه ايسكيسناك اعتقادي اتحاد ايتمش اولغله آنده كلام يوقدر . ط .

(۲) محشى ديركه اولي اولان حمل لفظني حذف ايتمك (يعني صحت صلاتيچون بوجه اوله ماز ديمك) در .

(۳) ابن عابدينك نقلنه كوره صحابه وتابعيندن برچوقلري آنلر هپ ائمه مجتهدين اولدقاري حالده تباین مذهبليله برابر امام واحدك ارقه سنده نماز قيلارلر ايدى . فتاوى خيريه صاحبي خيرالدين الرملى رملى شافعيدين نقله : موافق ممكن ايسكن مخالفه اقتدا مكروه اولغله برابر انفراددن افضلدر فضيلت جماعت حاصل اولور . ديمشدر اه . وترده مخالفه اقتدا ايتمك مانع متيقن اولغله موافق اولماز .

(۴) مراعات ايچون مهم اولان مواضع ابن عابدينك تعدادينه كوره بولنلر . انتقالاتده ال قالديرمق وبسمله يي جهر ايتمك كبي آنلرجه سفت وبزجه موجب كراهت اولان شيلر ديكلدراھ نمازده ترك سوره

صلوات فجرده شافعی المذهب امامه اقتدا ایتمش بولنان حنفی آنلر
صباح نمازینک ایکنجی رکعتی رکوعندن صکره قنوت ایتمکده اولملریله
او حالده ساکت اوله رق طورر والیرینی یانی باشلرینه صالیویرمش
بولنور . بونی فقها باب وترده ذکر ایتمشلردر .

آبدستلینک (۱) تیمملی یه اقتداسی عندالشیخین صحیحدر امام محمد :
صحیح اولماز . دیمشدر بوخلاف شوخلافه مبنیدرکه (۲) خلقت تراب

ایتمک ویاقعه اولاده بحیاته برشی ضم ایلمک دخی مانع دکل ، موجب
کراهدر . جلوس استراحت نزیها مکروهدر . کافی ط .

صاحب فتاوی خیرالدین رملی ابن عابدینک نقله کوره : شافعیکنک
حنفی یه اقتداسی نه ایسه حنفینک دخی شافعی یه اقتداسی اودر آنلرک بزه
اقتداسنده صحت وفساد وافضلیتجه نه وارایسه بزم ایچون دخی آنلره اقتدا
تقدیرنده آنک مثلی واردر . دیمش وشو بیت لطیفی سویله مشدر :

وانا رملی فقه الحنفی لامرا بعد اتفاق العالمین

یعنی : بنده فقه حنفینک رملیسم ایسکی مذهبک اهل علمی اتفاق ایتدکن
صکره شبیه قلماز اه شافعی یه امامت ایدجک حنفی دخی مسّ مرأه
خصوصنده تجدید وضوء ایتمک کرکدر .

(۱) بومسئله درمختارده : یاننده سو اولیان متوضی . دبومقیماً
مذکوردر . چونکه یاننده سو بولنان متوضک متیم اولان امامی
صویه قادر دیمک اولقله اقتدا صحیح اولماز . امامنک آنی بیلدیکنی
کرک ظن ایسون ، کرک ایتسون . کافی ط علی الدر . وأنت خبی بان
العجز عن الماء لیس بفقده فقط .

(۲) معلوم اولسونکه طهارت تیممده برجهت اطلاق وبرجهت
ضرورت واردر . جهت اطلاق : تیمم مثلاً مستحاضه نك طهارتی کبی
اولیه رق وقت صلات ایله موقت اولماق اعتباریلهدر . جهت ضرورت

ایله ماء دن عبارت اولان ایکی آلت آره سنده میدر؟ یوقسه آبدست
ایله تیمم دن عبارت بولنان ایکی طهارت آره سنده میدر؟ عند الشیخین
خلفیت بین الایتیندر . نهـ کریمک ظاهری دخی بوکا دلالت
ایتمکده در (۱) . بنا برین ایکی طهارت مساویدر . امام محمد عندنده
خلفیت بین الطهارتیندر (۲) بناءً علیه (متوضئک متیممه اقتداسی مصور تنده)
قوی ضعیفه بنا ایداش اولور . بوایسه جائز اوله ماز

صلات جنازه ده متیممه اقتدانک صحتنده خلاف یوقدر .
غاسلک ماسحه یعنی اعضاء مضموله وضوئی یسقایه رق آبدست
آمش اولانک مسح ایله آبدست الماش بولنانه اقتداسی صحیحهدر .

تیممه انجق صودن عجز ضرورتنه مبنی میورت اولنق اعتباریله در
بونده خلاف یوقدر . خلاف انجق تعلیلده در . امام محمد حضرتلری متوضئک
تیممه اقتداسنک عدم جوازیی احتیاطاً جهت ضرورت ایله تعلیل ایتمشدر .
شیخین حضرتلری ایسه اقتداء مذکورک صحتی جهت اطلاق ایله تعلیل ایلمشدر
چونکه تیممک طهارتی دخی او حیثیتدن صو ایله طهارت کبیدر . بو اختلاف
دخی مؤلفک ذکر ایتدیکی اختلافه مبنیدر . ط .

(۱) زیرا حق جل و علا [فلم تجدوا ماء فتیمموا صعیداً طیباً] بیورمغله ایکی
آلت ذکر ایتمش وخلفیتی آنلرک آره سنده قیلشدر . ط .

(۲) وحالبوکه طهارتک بریسی ضروریه و دیگری اصلیه در وشبهه یوقدرکه
طهارت اصلیه یی مشتمل بولنان کیمسه طهارت ضروریه یی مشتمل بولناندن حالاً
اقوادر . بو حالده متوضئ یا ننده صو اولمغله برابر متیممه اقتدایتمش کی
اولورکه بوجائز دکلدر . شیخین ایچون دیمک واردرکه تیمم طهارت مطلقه در
یعنی وقت صلات ایله موقت دکلدر . بوندن طولانی قدر حاجت ایله ده مقرر
اولماز . ط . راآته محکوم به بخشنه باقکمز .

کړک 'خښه کړک جبيره يه وياخود آقاری اولميان ياره (۱) صارغيسنه مسح ايتمش اولسون (۲) .

قامک قاعده (يعنی آياقده طورارق نماز قيلانک او طورديغی یرده رکوع وسجود ايدړک (۳) قيلانه) اقتداسی صحیحدر . زیرا صلی الله تعالی علیه وسلم افندمز حضرترلی مرض موترلنده کندیلری قاعد وآرقهلرنده جماعت قائم اولهرق قیلدشلردر (۴) .

(۱) هوا آلدیرلامق ایچون باغلامش دیمکدر . محشی دیرکه اکر آقاری وارایسه صاحب عذر اولمقله اکا انجق کندی ممائلی ویا آتک اشدی اقتدا ایده ییلور اه بالمعنی .

(۲) محشی دیرکه غاسل ایله مسحک حاللری یکدیگره مساویدر جبيره مسحی خف مسحندن اولادر . زیرا جبيره نك مسحی ماتحتی غسل کبیدر خف اوپله دکلدرا اه .

(۳) بوقیدی محشی علاوه ایتمکله برابر دیمشدرکه قامک قاعده اقتداسنک صحتی عند الشیخین اولوب امام محمد آنلره مخالفدر وآتک قولى احوطدر اه .

(۴) مؤلف او نمازک صلات ظهر اولدیغی تعیین ایله برابر یومک جمعہ ایرتسی یاخود بازار اولدیغنده ایراد کله " تردید ایلمشدر و : علیه الصلاة والسلام افندمزک امام اولهرق قیلدقلری نمازک اک صکره سی بودر . دیوب بعده محشینک تعبیرنجه فائده زائده اولهرق : بازار ایرتسی کون (که یوم وفاتلریندر) صباح نمازینک رکعت ثانیه سنی خلف ابی بکرده قیلدیله ومسبوق اولهرق امام صلات ییوردیلر . دیمشدر اه عن البيهقي .

قاعداً امامت حضرت نضر رسالت صحیحینده مذکور اولان « مروا ابا بکر فليصل بالناس » حدیث شریفنک شرحنده مبین اولان حالندرکه حضرت صدیق امر حضرت نضر کائنات ایله نمازه کچدکلرنده علیه الصلاة والسلام افندمز حضرترلی کندیلرنده خفت بوللریله حضرت عباس ایله حضرت علییه طیانهرق خانه حضرت عائشه دن مسجد شریف نبویلرینه چیقوب حضرت ابو بکرک صول طرفنه او طورمشلر ونمازی قاعداً قیلدشلردر . حضرت صدیق قائماً صلات رسول الله وسائر ذوات صلات ابی بکره اقتدا ومتابعت

قانبور لغی حدّ رکوعده اولمیان قانبوره اقتدا صحیحدر . اتفاقا
 علی الاصح (۱). قانبور لغی حدّ رکوعده اولان دخی رکوع ایچون براز
 آلچالور اولدیغی حالده اکا اقتدا عند الشیخین جائز اولور . عامه
 علما بونی اخذ ایتمشلردر . اصح اولانده بودر . قائمک قاعده اقتداسی
 منزله سنده درکه (قاعده نصف اعلی (۲) و بونده) نصف اسفل
 مستوبدر (۳) .

مومینک (ایما ایله نماز قیلانک) کندی مثلنه اقتداسی صحیحدر .

بر مصلی* مومی دیگر مصلی* مومی به مثل اولق هرایکی
 اوطوردقلری یاخورد یان یاندقلری حالده ایه ایدر اولمقله اولور .
 امام اطوریحی و مقتدی یان یاتیحی اوله رق ایما ایتمکده دخی امامک

ایتمشلردر . زیلدی دیرکه امام المرسلین افندمک جانب یسار حضرت صدیق جالس
 اولملری کندیلرینک امامت ایتدکلرنده صریحدرکه حضرت صدیقی صاغرینه
 آلمشلردر . ناسک صلات ابی بکره اقتدا ایدر اولملری بر نمازک ایکی امامی
 اولق جائز اولیه جفی جهنله حضرت ابو بکرک اوحینده مبلغ بولندقلرینی بیاندراه
 (۱) یعنی حکایه اتفاق حکایه* خلافتن اصحدر . ط .

(۲) بوزیله بدین علاوه در دیمک ایستکه استواء نصفیندن عبارت اولان
 قیام بولنرک هر برنده نصف اوله رق بولنمشدر .

(۳) امام محمد عندنده جائز اولماز . ص . صاحب ظهیربه نک : اصح اولان
 بودر . دیدیکی امام محمدک ایکی قولندن اصحه محولدر . مطلق اصحه محول
 اوله مازکه اکثر علما شیخین قولنی اخذ ایتمشلردر . ط . در مختارده « احده
 اقتدا حدی حد رکوعده بیله اولسه علی المتمد صحیحدر . اگرچه (طوفا)
 اقتدا دخی بویله در . « دیمشدر . قال : وغیره اولی .

حالی مقتدین اقوی اولوق جهتیله اقتدا ینه صحیح اولور (۱) .
متنفلک مفترضه (یعنی نافله قیله جوق اولانک فرض قیللمقده اولانه)
اقتداسی صحیحدر زیر ا ضعیفی قوی ینه بنا ایتمکدر (۲) قراء تده امامنه تابع
اولمش اولور (۳)

(بوندن صلات تراویح مستثنادرکه ارجح اولان آنک مفترضه
اقتداء قیلنمسک عدم جوازیدر ، چونکه صلات مذکوره

(۱) تعلیله نظراً بونک عکسی صحیح اولماز دیمک اوله جوق ایسه ده محشی
دیمشدرکه مومینک مومی ینه اقتداسی صحیحدر کرک هرایکیسی قائم ، کرک قاعد
ویا مستلقی (آرقه اوستی یاتان) یاخود مضطجع (یان اوستی یاتان) اولسونلر
ویاخود مختلف بولسونلر . فی الاصح بونلرک هپسی جائزدر . کما فی النهایة .
تمرتاشی بونک اوزرینه اجماع اولدینی بیله تصحیح ایتمشدر . کرچه امام قاعد
ومقتدی مضطجع اوله رق ایما ایدیجی اولوق مسئله سنده شرح کبیرده مؤلف :
بونک عکسی صورتنده اقتدا صحیح اولماز . دیوب زیلعی دخی مختار اولانده
بودر دیمشدر ولسکن نهرده تمرتاشیدن نقلاً مذکوردرکه اظهر اولان آنک
دخی قول شیخین اوزره جوازیدر . فی الاصح قول امام محمد اوزره دخی
جائز اولمقدر مؤلفک اطلاق کلامنه مناسب اولانده بودر . « بمثلہ » قوانک اکا
منافاتی دخی یوقدر زیر مقصود مطلق ایمایه نظراً اولان مثلیتدر اه .
(۲) شروط صحت اقتدانک اوچنچبسی بونک عکسی یعنی مفترضک متنفله
اقتداسنی مبطلدر .

(۳) مؤلف بویله دیمکله شواشکالی دفع ایتمش اولدی که : شفع نانیده
قراءت متنفله فرض ومفترضه نقل ایکن متنفلک مفترضه اقتداسی نصل صحیح
اولور ؟ جواب شو اولمش اولدی که مقتدینک نمازی اقتدا سببیه امامک نمازی
حکمفی آلمش اولور . وحقی شفع نانیده دخی یتشسه درت رکعتی آتام لازم کلور .
بوکا بناء شفع نانیده کی قراءت آنک حقننده دخی نقل اولور دیمکدر . أفاده ط
فی حاشیتیه .

هیئت مخصوصه اوزره مشروع اولمش بولندیغندن اقامه سنت عمده -
سندن چیقلمق ایچون آنک وصف خاصنه که امامک نیت تراویح
ایتمسیدر مراعات اولنمق لازم کلور . کما فی الدر (۱)

بر شرط و یا رکعتک فواته مبنی امامک نمازنده مانع صحت
اولان شی (۲) ظاهر اولدوقده (۳) نماز ازموماً اعاده اولور (۴) . حدیث
شریفده : امامک نمازی فاسد اولدوقده آرقه سننده کیلرک نماز لاری دخی
فاسد اولور بیورلمشدر

اعاده دن بوراده مقصود بین الفقهاء مصطلح اولدیغی وجهله
مؤداده اولان بر نقصانی جبر واکمال ایدیجی اعاده دیمک

- (۱) مقصود او متفلك اقتداسی باطل اولور دیمک دکل ، آنک اونمازی
تراویحه محسوب اولماز دیمکدر . ط علی الدر .
(۲) قبل التحريمه سبق حدث صورته دخی شاملدر . ؤلف ایسه : امامک
بطلان صلاتی ظاهر اولدوقده . دیمشدرکه بطلان سبق انعقادی مقتضی اولمائه
صورت مذکوره به شامل اولماز . نه علی هذا ط فی حاشیه الدر .
(۳) « آبدست بوزدی ده آبدست آلمدین نمازه طور دی » دیو شاهد لر شهادت
ایتمک و یا خود بر عادل کیمسه آنک نفسندن اخبار ایتمک طریقله اه ط علی الدر .
(۴) یعنی امامه اعاده لازم اولدیغی کبی مقتدی به دخی اعاده لازم اولور .
نتکیم آتیدن اکلایشیلور . امام ۶ مخالف مذهب اولوبده مقتدی عندنده آنک
فساد صلاتی ظاهر اولمش ایسه لزوم اعاده مقتدی به عائد اولور . کما یفهم من ط
علی الدر .

اولیوب (۱) بلکه او فرضی یرینه کتورمک اکا فرض اولور دیمکدر .
اگر امامک نمازینی مبطل اولان شیء طاری اولمش یعنی
صکره دن وقوعه کلمش ایسه جماعته اعاده یوقدر : امام نمازی
متعاقب ارتداد ایتمک ، بعد اداء الظهر یا الکزجه جمعه یه سعی
ایلمک ، جماعت طاغله دن صکره امام سجده تلاوته عودت
ایدوب قعده اخیره یی اعاده ایتماک کی (۲) .

فساد صلاقی تبیین ایدن امامه ممکن اولدیغی قدر - ولو تذکره
یازمق یا خود خبر کوندرمک طریقله اولسون - جماعته نماز لینی
اعاده ایتملرینی بیلدرمک قول مختارده لازمدر .

بونک وجوب اخبارده نظیری بر کیمسه دیکرینی ماه نجس
ایله آبدست آلورایکن کورمک یا خود اوزونده نجاست بولمادیغنی
کورب خبر ویرمکدر (۳) .

درايهده (۴) جماعت غیرمعین کیمسه لر اولدیغنه کوره (۵)
آنلره بیلدرمک امامه لازم اولمادیغنی مذکوردر .

(۱) چونکه بو معناجه اعاده برنجینک صحتنی اقتضا ایدر . فرض ایسه آنک
بطلانیدر . ط .

(۲) ایشته بومسئله لرده امامک نمازی فاسد و مقتدینک نمازی غیر فاسددر . بونلر
الغاز اولنه رق : هانکی نمازدر اوکه امامک نمازی فاسد اولدیغنی حالد جماعتک
نمازی فاسد اولماش اوله ؟ دبیلور . ص .

(۳) ومحل ذلك اذا علم منه الامتثال والا فلا كما لا يخفى . ط .

(۴) معین الهروینک هدایه شرحیدر . بواسمده برده ابن حجر عسقلانینک
احادیث هدایه حقنده برائری واردر : کما فی کشف الظنون .

(۵) طحطاوی مرحوم در مختار حاشیه سنده دیرکه جماعت معین اولماه نک

(فصل)

اون سکز (۱) شیتک بریله حضور جماعت (۲) ساقط اولور :

(۱) یاغمور (۳) .

(۲) شدتلی صفوق (۴) .

(۳) خوف متمدی (۵) .

تحتنده ایکی صورت وارد ، بری اصلا معین اولماقدیرکه بوراده مقصود اولان اودر . دیکری قسماً معین اولماقدیر . بوصورنده معین اولانلره اخبار ایتک لازمدرا ه بتصرف . اخبار ایتک تقدیرنده جماعته اعاده لازمدیر ؟ مخبر اکر عادل ایسه اوت . والا ، اعاده مندودیر . کذا فی الدر المختار .

(۱) مدافعهٔ اخبئین ایله مدافعهٔ ریغ دخی ضم ایدیلرک بونلرک یکرمی به ابلاغ اولندیغنی ابن عابدین بحر رائق حاشیه سنده سوبله مشدر . آنلری مؤلف اون بشجی عذرک ضمننده ذکر ایلمشدر .

(۲) جماعته چیقمی دیمکدر . محشی دیرکه ظاهر افاده جمعه ویرام نمازلی جماعته دخی شامل اولور . آرتق جمعی ظهر اولورق قیلار وصلات عید ساقط اولور . قال : ویحیر .

(۳) شرح مشکأه مذکوردرکه « حدیبه وقعه سنده رسول الله صلی الله تعالی علیه وسلم ایله برابر ایدک بزه یاغمور اصابت ایتدی آیاق قابلمزک الی ایصلاندی منادی رسول الله : هرکس نمازی بولندیغنی محله قیلسون . دیو ندا ایلدی » دینلیدیکی صحیحدر . ط .

(۴) مناعلی (علی القاری) امام محمدک شرح موطننده حرشیدی دخی برد شدید الحاق ایتمشدر . ط .

(۵) یعنی برینک بغیر حق کندی جائنه ویا مالنه تعدیسندن قورقمق یاخود مالنک ضیاعندن یاخود جماعهٔ نماز قیلعله مشغول اولوق تقدیرنده قافله نک کوچوب کیتمسندن قورقمق . ط . مالندن مقصود تحت یدنده بولنان مالدر ولو امانت اولسون . ط علی الدر .

- (۴) ظلمت شدیده . (فی الصحیح)
 (۵) حبس مُعَسِّر^(۱) .
 (۶) کورلک^(۲) .
 (۷) مفلوجلک^(۳) .
 (۸) بر الک وبر ایاغک کسیکلکی^(۴) .
 (۹) خسته لک .
 (۱۰) آغسافلک^(۵) .

(۱) یعنی مدیون معسّرک تأدیة دین ایتمسیچون محبوسیتی . تکدست دغک اولان معسر قیدی صاحب یسار معناسنه اولان موسردن احترازدر چونکه اهل یسار اولان مدیون ترک جماعتده معذور اوله ماز معسّرک ایسه معذورتینده محشینک افاده سنه کوره کندینک بالفعل محبوس اولسی شرط اولیوب حبس اولنقدن قورقمسی دخی جماعته چیقامامق اچون عذردر .

(۲) یدنی بوق ایسه اعمادن جماعتک سقوطی اتقاقیدر . یدنی وار ایسه امامینه کوره جماعته چیقماق کا لازم ، وعند الامام یدنی اولسه ده اعمی ترک جماعته معذور ، در . أفاده ط .

(۳) فلج : اینمه ، مفلوج : اینمه لی دیمکدر . محشینک افاده سنه کوره فلجک ترک جماعته عذر اولسی صاحبینک مشیه مقتدر اوله مامسیله مقیددر . نسأل الله تعالی العافیة .

(۴) چپ و راست اوله رق کسیک دیمکدر . ایکسینک کسیکلکی برطرفدن ایسه اولویتله عذردر . یالکیز بر آیاغک کسیکلکیله دخی جماعت ساقط اولور . ط .
 (۵) مؤلفک عبارده سننده کی افعادی که کوتورملکدر محشی مرحوم کساح ایله تفسیر ایتمشددر . کساح کلاه وزنده آیاقدده اولان آغسافاق ویوریمکده کی عاجز- لکدر . کوتور . لکی مؤلف زمانت لفظیله ذکر ایتمشددر . اون ایکنجی به بافکیز .

- (۱۱) انقطاع مطردن صکره کی چامور (۱) .
 (۱۲) کو نور ملک (۲) .
 (۱۳) اختیارلق (۳) .
 (۱۴) نحو و لغتک دکلده علم فقہک ، طاقم کیمسہلر ایله
 تکراری (۴) کہ آملر کنیدیسی فوت ایدرلر (۵) .

(۱) انقطاع مطردن صکره دبمسی مطر حنقده کلام کذران اولقله بو عذر
 مستقل اولری ذکر اولمش اولدیغندیر . ط . وقال ابو الطیب :
 اذا اعتاد الفتی خوض المنايا فاهون ما یمر به الوجود
 حدیث شریفده : « اذا ابتلت النعال فالصلاة فی الحال » بیورلشدر ص .
 نعال محشینک افاده سنه کوره صلب اولان اراضیدرکه یاغموور آز دخی اولسه
 ایچمیوب ایصلانور . رحال : منازلدر .
 (۲) مؤلفک ذکر ایندیکی زمانت قاموسده کرچه مطلق عاهت (آفت)
 ایله میندر ولسکن سید مرتضی مرحوم تاج العروسده او آفتی بووجهله تعیین
 ایتمشدر . اوقیانوسه باقکزر .
 (۳) یوریمکه قادر اولیان اختیاردن جماعت ساقط اولور . ط . صاحب
 تنویرک تعبیرنجه : شیخ کبیر عاجز .
 (۴) یهنی مذاکره سی . محشی دیرکی وکذا فقه کتابلرینک مطالعه سی . کذا
 فی الفتاوی اه .

(۵) یعنی جماعته چیقارسه اوکیمسہلری بولماز اولور : اشته بو حال علی
 الدوام اولماقی اوزره عذردر . س . اکر ترکه مواظبت ایدرسه معذور اولماز
 تمیز اولنور . مؤلف نحو و لغتی مقابلی طونمق ایله فقہدن علم عقائد و تفسیر
 وحدیثه دخی شامل بر معنی مقصود اولدیغنی افاده ایتمش اوله بیلور . حالبوکه
 درمختارده افاده فقہه مقصوددر . برده « بر طاقم کیمسہلر ایله » تعبیری کنیدی
 کندینه تکرار فقہ ایدنه بو حکم ویریلهز اولدیغنی افاده ایدرکه بویلهده دکلدر .
 یونیدر مختارده ذکر ایتماشدر . ط . درمختارده مذکور اولان تعلیم و تعلمه
 وتالیفه شامل اولقی اوزره مطلق فقہ ایله اشتغالدر . کما فی ط علی الدر .

- (۱۵) نفسنك ايسنك ايتديكى طعام حاضر اولمى (۱) .
 (۱۶) تهيؤ ايتديكى يولچيلغى قصد ايتمك (۲) .
 (۱۷) برخسته يه باقى كه كندينك غيبوبتنده او خسته متضرر اولور (۳) .
 (۱۸) كوندز دكلده كيجه اين (۴) روزكارك شدتى .

أعذار مبيحه دن^(۵) برعذر مبنى جماعتدن منقطع اولان كيমে اكر عذرى واقع اولسه جماعته بولنمغى نيت ايتمش ايسه اكجامعت ثوابى حاصل اولور . « وانما لكل امرئ ما نوى » حديث شريفنه كشينك نيت خيرى فعله كلمه بيله كنديسنه نافعدر ديو معنى دخو، ويرلشدر .

- (۱) كرك اقشام طعامى اولسون ، كرك اقشامك غيرى اولسون . طه ظاهر افاده ولوكه آندن صكره جماعت بولسون . ط على الدر .
 مؤلف : چونكه مشغول البال بولنور مدافعه اخشين ايله مدافعه ريخ دخي بويله در . ديمشدر اه اوقات مكروهه يه وبو فصلك اولنده كي هامشه باقكر .
 (۲) تهيؤ : حاضر لانتقدر . محشى ديركه فعله قريب اولان حاضرلقى مقصود اولمى كركدركه مصالحيله مشغول البال بولمش اولور .
 (۳) بويله دكل ايسه عذر اولماز . أفاده ط .
 (۴) يعنى ليل مظلمده . زاده ط فى حاشيته على الدر .
 (۵) ترك جماعتى مباح قيلان عذولردن ديمكدر .

(فصل)

امامته احق اولانک و ترتیب صفوفک بیاننه دائر

بر قوم یعنی جماعت رجال (۱) اجتماع ایدوبده ایچلرنده صاحب خانه (۲) یاخود صاحب وظیفه (۳) ویاخود امیرمملکت وقاضی کبی صاحب ولایت عامه بولنمدقده (۴) اماملغه بقیه علومده متبحر اولسه بیله فواحش ظاهره دن مجتنب اولمق شرطیله احکام

(۱) لفظ قومک معنای رجاله اختصاصی سورة حجرانده کی [لا یسخر قوم من قوم الخ] قول کریمندن وزهیرک : « أقوم آل حصن أم نساء » قواندن نمایاندر . کما فی الکشاف .

(۲) محشینک افاده سنه کوره صاحب خانه دن مقصود خانه ده ساکن اولاندر ایستر کراجی ، ایستر عاریه سکون ایدیجی اولسون . خانه ده بولندیغنه کوره صاحب خانه وجامعه ده بولندیغنه کوره صاحب وظیفه مطلقاً تقدیم اولنور . ذکر اولنه حق فضائل آنلرده کړک اجتماع ایتسون، کړک ایتسون صاحب خانه وصاحب مجلس وامام مسجد دیگرى آندن افقه وقرأ واورع وافضل دخی اولسه امامته سائرندن احقدر . یا کندی کچر ویاخود بری کچورر . کچردیکی کیسه سائر حاضرینه نسبتله مفضول دخی اولسه بویله در . اکا مستحب اولان افضلی مأذون ایتمکدر اه بتصرف .

(۳) او محلك امامی دیتمکدر . کما فی ص . زیرا صاحب وظیفه واقفک منصوبیدر . دیگرى تقدیم اولنقله واقفک مقصدی فوت اولور . آنک شرطی ایسه شارعک نصی کبیدر . ط .

(۴) بولنلرک بری بولنور ایسه و احقدر نتمکیم آتیا تصریح اولنور . محشینک بیاننه کوره ولایت عامه صاحب اولان هپسندن احقدر . صاحب خانه یه وصاحب وظیفه یه بیله مقدمدر .

صلاته أعلم (۱) وقرأت مسنونه فی حافظ (۲) اولان احقدر .

امیرمملکت وقاضی وصاحب خانه بریرده بمنعماً بولندقلرنده
امیرمملکت مقدم اولوب آندن صکره قاضی وآندن صکره صاحب
خانه امامته احق اولور (۳) . قاضی دخی امام محله به تقدیم اولنور (۴) .

بونلر بولنمدیغنه کوره امامته برمنوال مذکور احکام صلاته اعلم
اولان احق اولوب آندن یعنی علیده مساوا آندن صکره افرأ اولان (یعنی

(۱) مقصود صحت وفساد وسائر صورته أعلم احکام صلات اولقدر : «فقهه
واحکام شریعتہ اعلم اولان احقدر» دیانک دخی مقصودی بودر . چونکه
بوندن زیاده سی بوبایدہ محتاج الیه دکلدر . ط .

(۲) قرأت مسنونه فی حافظ اولنق قرأت صلاتده مسنون اولان مقدار آنک
مخفوظی بولمقدر . فرض اولان مقدارک حفظی معلوم اولدیغی اوزره شروط
صحتنددر . بونلر ایسه شروط کمالنددر . امام ابو یوسف اقرأ حقنده وارد اولان بر حدیثه
مبنی (کف « یوم القوم اقرأهم لکتاب الله » حدیثدر بحر) آنی تقدیم ایتمشدر .
معتمد علیه قول طرفیندر . چونکه قراءته احتیاج الحق رکن واحدی اقامه ایچوندر
فقهه ایسه جمیع ارکان و واجبات وسنن ومستحبات ایچون احتیاج واردر . ط .
همده اقرأ او وقتک اصطلاحنجه أعلم دیمکدر . چونکه آنلر قرآنی احکامیه
برابر تلقی ایدرلر ایدی . علماء اصحابه دخی (قراء) تعبیر اولنور ایدی . فلا یتم
الاستدلال بالحديث .

(۳) خانه ده مستأجراً ساکن اولان مسافر بولنان او صاحبته تقدیم اولنور .
کافی ص .

(۴) حدیث شریفده : « کشی کندی محل ولایتنده مأوم اوله ماز مکرکه
کندی اذنیله اوله و خانه سی داخلنده کندیته مخصوص موقعده آنک اذنی اولمدیجه
اوطور یله ماز . » بیورلشدر . ص .

- تلاوة و تجويداً احسن بولنان) احقدر . كما في الدر (۱) .
بعده أروع (الك زباده اهل ورع) اولان احقدر (۲) .
بعده اسن (دها ياشلي) اولان احقدر (۳) .
بعده خلقاً يعني بين الناس الفة احسن اولان احقدر (۴) .
بعده وجهاً احسن اولان يعني الك صبيح حلي بولنان احقدر .

(۱) اقرأ : ۱- كما منه علمسز اوله رق مجرد حفظاً اكثر اولان ديمك دكل ،
بلسكه وقف وابتدا ووصل وکيفيت اداء حروف کب احکام قراءته اعلم اولان
ديمکدر . بونلری بيلمديکي حالده ادابي احکام ايدن دخي بيلان حکمنده در .
كما في ط .

(۲) ورع شبهاتدن اجتناب ديمك اولفله تقوانن اعلا در . چونکه تقوي
حرماندن اجتنابدر . ص .

(۳) حديث شريفده ايکي ذاته خطاباً : « وایؤمکما اکبرکما » بيورلمشدرکه
سزه بيوککزر امامت ايتسون ديمکدر ص . حديث ديمکدرده : « فإن كانوا في الهجرة
سواءً فاقدتهم اسلاماً » بيورلمش اولديغنه مبنی نهرده اسندن اسلاماً اقدم اولقي
معناسی قصد اولنه رق : صکره دن مسلم اولان اختيار اسلام اوزره نشأت ايدن
کنجه تقديم اولنه ماز ديلمشدر . بونده شووارکه مرتبه اسن ذکر اولنماش
اولور . بونک ايچون بعضدر اسلاماً اقدم اولقي رتبه سنی رتبه اسنه تقديم ايدرك
آنلری بشقه ايکي مرتبه اعتبار ايتمشدرکه اوکوزلدر . قاله ط .

(۴) معشى ديرکه حسن خلقی حسن الفت ايله تفسير تفسير باللازمدر . چونکه
خلقى حسن اولانه ناس الفتکير اولورده جماعت چوغالور . مؤلف حسن خلقی
حسن وجهه تقديم ايتمکده صاحب مواهب الرحان ايله فتح القديره تابم اولمشدر .
صاحب خلاصه وملا خسرو وملا مسکين ايسه آنی عکس ايتشاردر . زیرا
صفات کمالدن ايلک ادراک اولنان : ظاهر در . ياخود حسن وجه حسن خلقه
دليل کبی اولديغندندر . چونکه ظاهر عنوان باطندر اه .

زیرا حسن صورت (غالباً ط) دلیل حسن سیرتدر (۱) . همدہ ناسک
جماعتہ رغبتلرینی مزداد ایدن شیردندر .

بعده نسباً اشرف اولان احقدر (۲) چونکہ احترام و تعظیم اولنور .

بعده صوتاً احسن اولان احقدر . چونکہ صوت حسنک سماعته
خضوعه مبنی رغبه واردر (۳)

بعده ثوباً انظف اولان احقدر . نظیف لباس اولان کیمسه
دنس ووسخدن دور اولق جهتیلہ رغبتی (کثرت جماعتی)
موجب اولور (۴)

(۱) کافیده وجہاً احسنی کیجه نمازینی (کہ تہجددر) چوق قلبیجی اولق
ایله تفسیرایتمشدر . حالوکہ « من کثرت صلاته باللیل حسن وجهه بالنهار »
حدیثی محدثلر « من صلی خلف عالم تقی فکأنما صلی خلف نبی » حدیثی کبی ثابت
قیلہامشدر اھ ط .

فلا تجعل الحسن الدلیل علی الفقی فا کل مصقول الحدید یمان

(۲) بعضلر بوکاحسباً اکثر اولانی تقدیم ایتمشلردر . حسب : شرف آباء ویاشراف
مال ویاشراف دیندر . حسب ایله کرم شرفلی پدرلری اولمایانلرده دخی اوله ییلور که
عقل و ذکایه وفعال صالحیه حمل اولنور . اما شرف ایله مجد آنلرسز اولماز . کما
فی ط . در مختار حاشیه سنده محشی مرحوم : عباسی وحسنی وحسینی وزبیری
کبی أصحاب أنساب مجتمع اولدقلرنده کیم تقدیم اولنور ؟ باقی . دیمشدر اھ .

(۳) زیرا خضوع کوزل سس ایشتمک عندنده اولور . دیمک که حسن
صوت حسن قرآنی مزداد ایدن شیردندر . ط .

(۴) بعضلر بونی قیمته غلابه حمل ایتمشلردر . ط .

بعده باشی بیوک اولان احقدر (که کبر رأس دلیل کبر عقدر . ط علی الدر) .

بعده مالا کبر (۱) وبعده جاها کبر (۲) بولنان احقدر .
اگر ذکر اولنان صفتلرجه هپ مساوی بولنورلرایسه بینلرینه
قرعه آتیلور . کیمک قرعه سی چیقار ایسه اوکچیریلور . یاخود
اختیار وانتخاب جماعته عائد اولور . اگر آنلر اختلاف ایدرلر
ایسه اعتبار اکثرک اختیارینه در (۳) . احق اولمیانی اختیار ایدرلرایسه
اسماء ایتمش اولورلر . آثم اولمازلر . تجنیدسه بویله مذکوردر .
مقیم ایله مسافرک اجتماعنده اختلاف اولنمشدر : آنلر مساویدر
دینلدی مقیم اولادر دخی دینلدی (۴) .

(۱) زیرا نفسی عقیف اولوب مال غیره نظر ایتمز و نماز ایچنده اشغالی آز
اولور . بونک اعتباری ورع کبی اوصاف متقدمه نك اعتبارندن صکره اولسندن
اکلاشیلور که مقصود مال حلالدر والا آنکله فاسق اولمش اولور . کما فی ط
مع حاشیته علی الدر .

(۲) آنی خشنود اولنه حق خصوصه صرف ایدرسه دیمکدر . والا آنکله
فاسق اولمش اولور . ط علی الدر .

(۳) شرح مشکاتده دیمشدر که بو احتمالکه بواندقلرینه کوره علمادن اولان
اکثره محمولدر . والا جاهلینک کثرته اعتبار یوقدر . قال تعالی واسکن اکثرهم
لا یعلمون . ط .

(۴) در مختارده قول ثانی اختیار اولنهرق « بعده مقیم مسافره و بعده حر
اصلی آزادلی به وبعده حدندن متیم اولان جنبه کدن متیم اولانه تقدیم اولنور »
دینامشدر . وتمام کلامه : لایقدم أحد فی التراحم الا بمرجح ومنه السبق الی
الدرس والافتاء فان استووا فی الحجی أقرع بینهم .

صاحب هدايه تجنيسته ديمشدرکه جماعتک ايسته مدکلری کيمسه نك
آنلره امامتی اوچ وجه اوزره در . شويله که اکر آنلرک ايسته ماملری
اوکيمسه ده اولان برفئالغه مبنی ايسه ياخود کئيدیلرینک امامته آندن
زیاده اهلیتلیرینه بناءً ايسه مکروه اولور (۱) واکر او آنلردن احق
اولوب کئندنده برفئالقی دخی اولمديغی حالده آنلر آنی کريه کورمکده لر
ايسه کچوب آنلره نماز قیلدرمق مکروه اولماز . چونکه جاهل وفاسق
اولانلر عالم وصالح بولنا نلری کريه کوره بيلورلر . حديث شريفده
ايسه « ان سرکم ان تقبل صلاتکم فليؤمکم علمائکم فانهم وفدکم (۲)
فيما بينکم وبين ربکم » بيورلمشدر . « فليؤمکم خيارکم » دخی روايتدر .

کوله نك و آزادليته نك واعمانك امامتی کئيدیلرندن افضلی

(۱) حلبی دیدی که خبر ابی داوده مبنی کراحت ، تحريمیه اولقی کرکدرکه
« اوچ صنف واردر آنلرک نمازینی جناب حق قبول ایتمز » بيوریلوب کئيدینی
کريه کورنلره کچوب امامت ایدن آنلردن عد اولنمشدر . ط . تمام حديث
درمختار حاشیه سنی طحطاویده مذکور اولديغی اوزره شويله در : « ثلاثة لا يقبل
الله منهم صلاة من تقدم قوماً وهم له كارهون ورجل أتى الصلاة دباراً ورجل
اعتبد محرره » . دياردالک کسریله : نمازه وقت کچدکدن صکره کلکدر .
اعتباد : آزاد ايتديکی کوله دن قوللی طلب ایلکدر .

(۲) الوفد بمعنى الوافد وهو السابق . والمعنى انهم السابقون الى الله تعالى ليحصل
لهم ماآرهم فيشفعون لکم . او الوفد بمعنى الوفود وهم القوم يقدون أى يقدمون
الى الملك بالحاجة والارسال . أى الرسل بينکم وبين ربکم . والكلام على التشبيه
اه ط بتصرف فى العبارة .

موجود اولدیغنه کوره تنزیهاً مسکروهدر . آنلردن افضل یوق ایسه کراحت دخی یوقدر (۱) .

بدوی جاهاک (۲) یاخود حصّری جاهاک و علم و تقوای اولمیان وادزنانک (۳) دخی امامتلی مسکروهدر .

بولارک کراحت امامتلی هپ قییدجهل ایله مقیددرکه کراحت نقائصه مینیدر . حتی بدوی حضرتیدن وعبد حردن

(۱) کوله وکندا آزادلی اولانلرده وجه کراحت آنلرک افندیلی خدمتیه اشتغاللردن تحصیل علمایچون بوش وقتلری قالمیهرق کندیلارنده جهلک غالب اولمیدر امامت اعماده کی وجه کراحت دخی قبله به طوغریله مامق ولباسی صیانت ایدمه ماکدر . بو تعلیه کوره تحصیل کورمش کوله آنک امامتده کراحت اولدیغی کی صاحب فطانت و نظافت اولان اعمانک امامتده دخی کراحت اولماز . [ان آکر مک عند الله أنقا کم] اولدیغی کی حضرت رسول اکرم صلی الله تعالی علیه وسلم افندمز دخی حضرت ابن ام مکتومی کرار او حضرت عتب بن مالکی غزوه تبوک خروجلارنده مدینه منوره اوزرینه استخلاف ایتمشار یعنی کندی مقامارینه براقملردر .
حالبوکه مشار الیهما اعمی ایدیلر . رضی الله تعالی عنهما .

(۲) کلام مؤلفده واقع اعرابی : بادیه نشین . دیکدرکه محشینک تصریحی وجهله ترکانه واکراده شاملدر . مجالس علمدن بعید بولندقاری ایچون بولرده جهل غالبدر . مؤلف حضری جاهلی دخی اکا عدیل ایتمشدر .

(۳) محشی آنک کراحت امامتی تعلیمده : چونکه پدرسزلسکی جهتله آنده جهل غالب اولور علم اولسه کراحتده اولماز . دیدکدن صکره : عینی آنک وجه کراحتی کنیدیسی متهم اولدیغیچون ناسک آندن نفرت ایدر اولماریله بیان ایتمش وصاحب نهردخی آنی مقرر قیلهشدر بوکا کوره کراحت مطلقا یعنی جاهل اولمسهده ثابت اولق کرکدر . دیدی درحاشیه سنده بچردن نقلاً عبدحقنده دخی بویه بر سبب سویه دی .

وولدزنا ولدردشدن واعمی بصیردن افضل اولورسه حکم برعکس
(اوله رق کراحت حضری جاہلی وحر جاہلی وولدردشد جاہلی و بصیر
جاہلی تقدیم ایتیمکده ط) اولور . کذا فی الاختیار
فاسقک علی دخی اولسه امامتی مکروهدر . چونکه دینه اهتامی
اولدیغیچون شرعا اهانتی واجبدر امامته تقدیم صورتیله تعظیم
اولنه ماز (۱) .

منعی متعذر اولدیغی تقدیرده جمعه وسائر نماز ایچون بشقه
جامعه کیدیلور . اکر آندن بشقه جمعه قیلدیران یوق ایسه آنکه قیلنور .
مبتدع که حضرت رسول اللہین (صلی الله تعالی علیه وسلم)
تلقى اولنان حقک خلافتنه برنوع شبهه ویا استحسانه مبنی (۲) علم (۳)
ویاعمله (۴) ویاخود حاله (۵) متعلق شی احداثی ارتکاب ایتیمک (۶)
سببیلله اهل بدعت اولاندر آنک دخی امامتی مکروهدر (۷) .

-
- (۱) بونک مفادی کراحتک تحریمیه اولسیدر . ط . فاسق بوندن صکره کی
مبتدع هامشده تعریف اولنور .
(۲) یعنی عناداً دکل ، والا کفر . کما فی الدر مع ط .
(۳) رؤیة الاهی انکار ایتیمک کبی . ط .
(۴) « حی عل خیر العمل » دیو اذان ویرمک کبی . ط .
(۵) مطلق سکوت طاعتدردیو اعتقاد ایله سکوت ایلمک کبی . ط .
(۶) وانی دین قویم وصرط مستقیم قیامق . ط .
(۷) مبتدعک بشقهجه ذکر اولنسی قرینه سیله اندن اول مذکور اولان
فاسقندن فاسق بالجارجہ مقصود اولوب فاسق بالعقیده مقصود دکلدر . فسق
لغته استقامتدن خروجدر . شریعتده کیره یی ارتکاب ویا صغیره یه اطرار

(امام محمد حضرت تری شیخیندن اهل بدعتك آرقه سنده نماز قیلحق جائز اولمیدیغنی روایت ایلشدر . مشبار الیهمادن منقول اولانك صحیحی بودرکه بدعتی کندیسنی اکفار ایللیانك^(۱) آرقه سنده نماز قیلحق مع الکراهه صحیح اولور . شوقول شریف نبوی به مبنی که : «صلوا خلف کل برّ وفاجر وصلوا علی کل برّ وفاجر

ایله طاعت حقندن خروچدر نیمه ، ریاء ، شرب خمر کی . کما فی ط . «لاصفیة اذا قابلك عدله ، ولا کبیرة اذا قابلك فضله» قاله عطاء الله قدس سره .

(۱) بوقیده بناءً شفاعت نبی علیه السلامی یاخود کاتبین کرامی ویا رؤیة الاهی انکار ایدنك ارقه سنده نماز قیلحق جائز اولماز چونکه او کفر اوزره در . اکر : جناب حق جلال وعظمتی اجلندن رؤیت اولتماز . دیر ایسه او مبتدعدر . مشبهه - جناب حقک الی یاخود آیاغی واردر دیو خالق مغلوقة تشبیه ایدندر - کافر در . اکر : جناب حق اجسام کبی اولمیان بر جسمدر . دیر ایسه او مبتدعدر . حضرت صدیقک صحبتی انکار ایدن اسراء ی انکار ایللیان کبی کافر اولور . فتح القدرده حضرت فاروق دخی بو حکمده حضرت صدیقه الحاق ایتمشدر . برهانده حضرت عثمان دخی انلره الحاق اولمشدر . مسح علی الخفیني انکار یاخود شیخین معظمینه - که حضرت ابوبکره و حضرت عمره دیمکدر سب ایللیانك و یاخود حضرت صدیقه یی قذف ایدنك ارقه سنده نماز قیلحق جائز اولماز . دیندن اولایضی ضرورۃ معلوم بوانان بعض شیئی انکار ایللیان کیسه نك دخی کفرینه مبنی ارقه سنده نماز قیلحق جائز اولماز . وکنندینک تأویل واجتماعینه التفات اولتماز حضرت علی یی سائرینه تفضیل ایدنك ارقه سنده نماز قیلحق جائز اولور . ط . بوندن شیعیلره اقتدانك جوازی اکلشلمسون که آنلر مفضلده دکل ، مکفر صحابه درلر . الا ما استثنوه من خمسة . هم : علی وأبو ذر وسلمان وحذیفة ومقداد . رضوان الله تعالی علیهم وعلی غیرهم من اصحاب رسول الله اجمعین .

وجاهدوا مع کلّ بر وفاجر . « بیورلمشدر . وجمع الروایاتده
دمشدرکه فاسقک یاخود (بدعتی کفری موجب اولمیان) مبتدعک
آرقه سنده نماز قیلان ثواب جماعتی احراز ایتمش اولور (۱) ولکن امام
متقینک آرقه سنده نماز قیلانک ثوابنه نائل اوله ماز .

امردک (۲) سفیهک (۳) مفلوجک (۴) برخصی شائع اولان ابرصک (۵)
مراثینک ، متصنعتک (۶) مجذومک (۷) آرقه سنده نماز قیللق مکروه
اولور (۸) .

اجرت ایله امامت ایدنک آرقه سنده نماز قیللق متأخرینک افتالری
اوزره مکروه اولماز . ط .

امام تطویل صلات ایتمک (یعنی نمازی قرات ویا تسبیح ایله یاخود
بونلرک غیر یله ط اوزاتمق) مکروهدر (۹) .

(۱) بشقه لری بولنقله برابر ایسه مع الکراهه والا بلا کراهه . ط .
(۲) ظاهری بوکه ولو غیر صبیح اولسون . ط علی الدر . حدائاته واروبده
لیه سی نابت اولمیان امرد دکل ، ائط یاخود منوطدر . انک امامتده کراهت
اولدیفی کتاب العده ده مصرحدر .

(۳) سفیه ضد رشیددر . هر سغه مستلزم فسق دکلدر .

(۴) مفلوج : اینمهلی

(۵) ابرص : ابرش که تنی لکه لی .

(۶) متصنع مراثیدن اخصدر که تحسین طاعت تکلفنده اولاندر . ط علی الدر .

(۷) مجذوم : مسکینلک علتنده اولاندر .

(۸) بونلرک علت کراهتی کیمنده مفسدت وکیمنده نقص وکیمنده فسق

وکیمنده نفرت اولسیدر .

(۹) جماعت کرک راضی اولسون ، کرک اولسون . چونکه تخفیف صلات

عریان اولانلرک جماعت اوله رق نماز قیلعلری مکروهدر (۱) .

قادینلرک کندیلرندن بری امام اولق اوزره جماعت اولملری
مکروهدر (۲) .

حقنهدکی امر معالقدر . ط . تطویل صلات ایتمکده تنفیر جماعت واردر . حدیث شریفده ایسه امامت ایدن تخفیف ایتسون مآلئده اولق اوزره : « من أم فلیخفف » بیورلمشدر . ص . مؤلف شرح کبیرنده صاحب صحیحینک روایتکرده لری اولان شو حدیثی : یاأیها الناس ان منکم منقرین من صلی بالناس فلیخفف فان منهم الکبیر والضعیف وذا الحاجة » ذکر ایدرک : بو حدیث شریف امامک حال جماعته مراعاة قدر مسنوننی بیله ترک ایده جکئی افاده ایدر . دیمشدر ط . بونی سنن صلاتده کچن حدیث صحیحین دخی مؤیددرکه برچوجفک بکاسی اوزرینه صلات فجری معوذتین ایله قیلدرمشلدر .

(۱) چونکه بونده یکدیگرینک عورتنه مظم اولق واردر . ص . اذان واقامت جماعت مستحبه سننندن اولق ملاسه سیله بومسئله باب اذانه دخی ذکر اولنمشدر . مستور العوره اولانک عریانه اقتداسی اصلا صحیح اولماز . تنکیم شروط صحت امامتدن ظاهردر وجوهرده مصرحدر . محشی دیرکه عریانلرک جماعت اولملری تحریماً مکروهدر زیرا ایکی محظورک برینی مستلزمدر : یا امامک ایلرو طورمسی واجب ایکن انی ترک ایدوب صفدن آیرلامسی ویاخود مزید انکشاف وقوع بولسی لازم کلور . افضل اولان انلر نمازی منفرد وبری برلرندن متباعد اوله رق قاعداً ایماه ایله قیلقدر اه تنکیم صفت قعود ایله برابر ذکر اولنور .

(۲) جماعت نساء دخی احد محظورینه مبنی تحریماً مکروهدر : یا امام صف اول ارسنده بولنور ویاخود ایلرو طور . اولسکیسی مکروه اولدیفی کبی ایکنچیسی دخی آنلر حقنهد مکروهدر . اگر انلره بر ارکک امام اولورسه کراحت اولماز . مکرکه او ایچنده اولوبده بشقه بر ارکک دها ویاخود امامک محرمی ویا حلیله سی برابر بولنیه . بونلرک بری برابر اولورسه کراحت اولماز . تنکیم مسجده ایچنده (انلرک جماعته چیقمش اولملرندن بشقه) مطلقاً کراحت یوقدر . ط .

(قادینلر جماعته حاضر اولمازلر . ص . آنلرک جماعته چیقملری ولوکه جمعه و بیرام نمازی قیلیق و یا وعظ دیکله مک ایچون اولسون مطلقا یعنی قادین کرک کینج و کرک عجوز و کیجه و یا کوندز اولسون مکروهدر . در مع الرد . قادینسک محتاج اولدیغی حادثه مسئله سنی زوجی بیلیور ایسه اهلندن اوکرونوب زوجہ سنه سویلر .)

قادینلر مع الکراهه جماعت اولورلر ایسه اماملری کندی اره لرنده یعنی صف صره سنده طورمق واجب اولوب (۱) امام اولان قادین انلره اوکچه سیله تقدم ایدر . اگر ارکک کبی ایلرو طورر ایسه آثم اولور . نماز صحیحدر .

عریان کیمسه عریانلره امامت ایتمک صورتنده اولدیغی کبی که اودخی ایلرو طور میوب آنلرک آرهارنده یعنی صف صره سنده بولنور . بونلر نمازی قعوداً ایما ایله قیلارلر (۲) .

مقتدی بر ارککدن عبارت اولور ایسه ولوکه صبی ممیز

(۱) خشی امامت ایدرسه انک ایلرو طورمی واجبدر . حوی مرحوم خزانه دن قادینلر امامنک دخی انلره تقدمنک چوازیقی نقل ایتمشدر . ط .
(۲) صفت قعودی مؤلف مهما امکن تستر حاصل اوله یلمک ایچون آباقلر قبله یه طوغری اوزادملق اوزره بیان ایتمشدر . محشی ایسه ذخیره ده بویله مذکور ایسه ده اولاسی منیه ده مذکور اولاندرکه قعده صلات وجهله ارکک افتراش وقادین تورک ایتمکدر بونده تستر دها زیاده اولقله برابر بلا ضروره قبله یه آباق اوزادلامش اولور دیمشدر .

اولسون امامك صاغنه اكا مساوی طورر (۱) صولنه وارقه سنه طورمق مخالف سنت اولدینچون مکروهدر . قادین بر دخی اولسه ارقه ده طورر .

(مکرکه کندی کبی قادینه افتدا ایتمش اوله ، کامر .)
بر ارکک ایله بر قادین بولنور ایسه امام اولان رچل ارککی صاغنه وقادینی ارقه سنه طوردیرر . بردن زیاده مقتدی ایکی دخی اولسه امامك ارقه سنده طورر بر ویا دها زیاده قادین دخی بولنسه آنلرک ارقه لرنده طورر (۲) .

جماعت چوغالوب صفلر حاصل اولدقده ترتیب صفوف شویله اولور : اولا اوککلر (۳) صکره ارکک چوجقلر (۴) دها صکره قادینلر صف اولور (۵)

امام آنلره بونی امر و اشارت ایدر . صیق طوروب آچیق یر براقاملرینی وطوغری ودرست طورملرینی سویلرکه بولنر سنن صفوفنددر . صلی الله تعالی علیه وسلم افندمز حضرتلری : « استموا تستو قلوبکم وتماسوا تراحموا . » بیورمشلردر .

(۱) مؤلفک « وانجق اوکجه سیله متأخر بولنور » دیدیکنی محشی مرحوم مؤلفین سائر افادانه مخالف بولمشدر .

(۲) کما فی ط علی الدر . ایکی ارککک بری ویا هر ایکسی صبی نابالغ و بولنان قادین عجز دخی اولسه بویله در .
(۳) ولوکه انلر کوله اولسونار . ط .

(۴) اگر صف اوله جق قدر دکل ایسه صبی ارککلرک ارسنده طورر . ص .
فیچر چوجقلر قادینلر صفنده طورمق کرکدر .

(۵) اگر جماعته چیمشار ایسه دیمکدرکه انلر جامعاره چیمقدن عجز دخی اولسه لر ممنوعدرلر . ص مم ط . وقد مر عن الدر .

طوغرا لکزکه قلیلرکز دخی طوغراسون و صیقلاشکزکه یکدیگر کزه رحم و شفقت حاصل اولسون دیمکدر . « اقیموا الصفوف وحاذوا بین المناکب وسدوا الخلل ولینوا بأیدیکم اخوانکم لاتذروا فرجات للشیطان من وصل صفأ وصله الله ومن قطع صفأ قطع الله » دخی بیور مشلردرکه صفلی اقامه (تبدیل ط) ایدرک و اوموزلری محاذی طونک و آچینی قاپایک و اخوانکزی اللرکز ایله تلین ایدک یعنی اخوانکک اوموزلرینی اوقشایه رق صفه صوقلک (۱) شیطانله فرجه لر براقیک صفی وصل ایدنی جناب حق وصل ایدر (۲) صفی قطع ایدنی (۳)

(۱) بومعنی مؤلفک شرح کبیرنده واقم اولدیفی وجهله « لینوا » کلمه سنک مشدد اوقتمسنه کوره دره امام احمدک و ابوداودک ابن عمر رضی الله تعالی عنهما حضرتلرندن اولان روایتلرنده ایسه « لینوا بایدی اخوانکم » واقع اولاشدرکه صفده بولناتلره امر اولق اوزره مخففدر . و : اخوانکک اللری سببیله یوشایک . یعنی صفه صوقللق ایچون اوموزکزه وضع ید ایدناره کره قبولده خشونت ایتمه یک دیمکدر کما فی ط . حصکفی دیرکه : « خیارکم الینکم منا کب فی الصلاة » حدیثی دخی صحیحدر اه .

(۲) « وصله الله » جمله سی یابویله خردر . و یاخود : جناب حق دخی انی خیر ایله وصل ایتسون . مآئنده دعادر . کما فی ط . بو ایکی وجه « قطع الله » جمله سنده دخی جاریدر .

(۳) قطع صفدن مقصد صفده بولمشیکن بلا حاجه چیمقددر . یاخود صفه طور دینی وقت کندی ایله صفده اولان اره سنده فرجه براقمقددر . قطع صفدن ایلاک صفده آچیق وار ایکن ایکنجی صفده قیلغه شامل بر معنی اراده اولتق دخی بعید اولماز . ط عن المناوی .

الله تعالیٰ دخی قطع ایدر دیمکدر (۱)

ایکنجی صفده آچیق بولموبده برنجی صفده بولان کیمسهیه
او آچیقی طومق ایچون صفّ ثانی یاروب کچمک واردر .
زیرا آنلر صفّ اوّلی سد ایتمکی ترک ایتمشلاردر .

(کندی تقصیرلری سببیه حرمتلری یوقدر . ط .)

ارکک مقتدی به کوره کیروده یالکز طور مق مکروه اولدیغندن
صفی طولون بولان کیمسه بر دیکرک ورودینه منتظر اولوب (۲)
فوت رکعتدن خوف ایتدیکی تقدیرده صفدن حکم مسئلهیه
عالم اولوب متأذی اولمیه حق برنی یانته چکر (۳) والا یالکز طورر .

(یالکز طور مق فی زماننا اولادر چونکه جمل مسائل
غالب اولمغله چکیلانک نمازی فاسد اولق احتمالی واردر . ط .)

(۱) بونکله (یعنی ولینوا یا دیکم اخوان) کول شریفیه ط ، معلوم اولورکه
داخل صف اولق ایستیانه مانع دخول اولق اوزره یان طوتانلر ویر آچمغی
ریا یا خودمفسد صلات ظن ایدنلر جهالت ایتمکده درلر کیره یر آچمق امر نبی
اجرایه اعانه واکا امتثالدر . ص .

(۲) اصح اولان رکوعه قدر انتظار ایتمکدر . ط .

(۳) تا که انکله برابر اودخی بر صف اولسون . جذب اولتان کیمسهیه
لائق اولان اجابت ایتمکدر . جاذب کندی وسعنده اولانی ایشله مش و بو
صورته کراحت اندن منتفی اولش اولور . ط .

صفوفك افضل صف اولدر (۱) بعد صف ثاني وبعده
صف ثالث الخ . افضليت امامه اقرب اولمق مراتبجه در (۲) .

(۱) جنازه نمازینک غریده . همه رجال حقنده . ط . کما قد علمت .
(۲) روایت اولنان شیعه بناء که : رحمت اول امامه وبعده
اندن کچه رک صف اولده اکا محاذی (یعنی ارقه سننده) طورانه وبعده
صاغ جهتله و صکره صول جهتله واندن صکره صف ثانی به نازل
اولوریورلشدر . صلی الله تعالی علیه وسلم افتدمز حضر تدرندن شومآ لدخی
روایت اولمشدر که : امامک ارقه سننده اکا محاذی بولتانه بوز و صاغ
جانبنده کنه یتمش بش وصول جانبنده کنه الی وصفوف سائرده اولانله یکر می
بش نماز اجری یازیلور . ص . بوراسی اقل مضاعفه یی بیسان اولمق ظاهر در
زیرا جماعتدن هریرینک ثواب صلاتی بو مضاعفه دن زیاده در . ط .

﴿فصل﴾

مقتدینک امامه متابیع اولوب اولیه جغنی

مسائلنه دائر (۱)

ارکان فعلیهده متابعتک لزومنده خلاف یوقدر . رکن قوی
اولان قراءته کلنجه بزجه مقتدی انده امامه متابیع اولماز .
بلکه انی استماع وانصات ایدر . امام کرک جهر قراءته بولسون
کرک صلات سریهده اولسون (۲) .

قراءتدن ماعدا اذکارده مقتدی امامه متابیع اولوب آنلری
امام اتیان ایتدیکی کبی مقتدی دخی اتیان ایدر :
ارکانده متابعتک لزومنه شو مسئله بنا اولنورکه مقتدی
قبل الامام رکوعدن یاخود سجوددن رفع رأس ایدرسه عودت
ایتمک کرکدر . انک رکوعی بو صورتله ایسکی وسجودی اوچ
اولمش اولماز .

(۱) کرک بو عنوانده کرک اوائل فصلده شرح منیهه متابعت
اولنشدیر .

(۲) عند الشافعی فاتحهده مطلقا متابعت لازم اولور مکرکه فوت
رکعت خوفی اوله . امام مالک وامام احمد عندنده امام جهر ایدرسه
دکلده اخفا ایتمک صورتنده مقتدی اکا متابیع بولنور امام ارقه سننده
جواز قراءته کلنجه امام محمد صلات سریهده جوازه قائل اولمش
وعندالطرفین انده دخی خلف الامام قراءت کراحت تحریم ایله مکروه
بولنشدیر اه حلبی .

مقتدی رکوعده اوچ کره « سبحان ربی العظیم » وسجودده
 اوچ کره « سبحان ربی الاعلی » دیمدین امام رفع رأس ایدرسه
 صحیح اولان بودرکه مقتدی بونلرده امامه متابعت اولوب قالقار (۱)
 قعدده اولاده مقتدی تحیاتی بتورمدین امام اوچنجی رکعتده
 قیام ایتسه مقتدی وجوب اتمام ایله وجوب متابعت بیننده
 بخیردر : دیلرسه اتمام تحیات ایدر ، دیلرسه امامنه متابعا قالقار (۲)
 قعدده اخیرده مقتدی تحیاتی بتورمدین امام سلام ویرسه (۳)
 مقتدی تحیاتی اتمام ایدر (۴) صکره سلام ویرر . زیرا حرمت

(۱) اوچر تسبیحی اتمام ایدر دیالردخی واردر . چونکه تسبیح
 اوچدن اکسک اولورایسه نماز جائز اولماز دییان دخی اهل علمدندر . س .
 کچمشدر که انی دییان حضرت امامک تلمیذی اولان ابومطیع بلخیدر .
 حجتی : حدیثده اوپله امر اولمش اولسیدر . ط .

(۲) تعارض واجبینه مبنی مذهبه مشهور اولان بخیرلکدر . ط .
 فتاوی فضلیده و کتاب نجیسه ایسه شویله مذکوردر : مقتدی فوت
 رکوعدن خوف ایتسه بیله تحیاتی وجوباً اتمام ایدر امامه متابعت ایتمز .
 چونکه انک بر مقدارینی اوقومقی طاعت اولهرق . عروف اولمامشدر .
 رکوعی ایسه او حقیقته فوت ایتمیوب انده انجق امامه مقارنتی فوت
 ایتمش اولور . زیرا انی لابد اجرا ایده جکندن ینه امام ارقه سننده
 رکوع ایتمش دیمکدر . ایکی واجبک ایکسینی دخی اتیان ایتمک وجهله
 برینی تأخیر ایتمک که اوده متابعتده مقارنتدر برینی بسبتون ترک ایلمکدن
 اولادر . ص .

(۳) یاخود کلام ایتسه . ص . انک آخر صلاتده کلامی سلام کبیدر .
 حدث عمده اوپله دکدر که او مفسددر . ط .

(۴) آی علی قولهما . وقال محمد لا یتمه لخروجه من الصلاة بسلام
 امامه . ط .

صلات كندی حقنده باقیدر . وهرایکی واجبه یعنی تحیات ایله سلامك بو صورته جمعی ممکندر .

اگر صلوات ایله دعوات (دعالر) قالمش ایسه مقتدی انلری ترك ایدوب امام ایله برابر سلام ویرر . زیرا ترك سنت ترك واجبدن اهو ندر .

اصل علانندن اولمیان شیده مقتدی امامه متابعت ایتمیوب مسکت ایدر : امام نمازده هانکی رکعتده اولور ایسه اولسون بر سجده زیاده ایتسه یاخود قعود اخیردن صکره سهواً (۱) قالقسه مقتدی اكا متابعت ایتمز (۲) وامامی متنبه اولوق ایچون سبحان الله دیر . اگر امام قالقیدیگی رکعت زائده بی سجده ایله تقیید ایتمدین (۳) قعوده عودت ایدرسه مقتدی برابرجه سلام ویرر (سجود سهوا ایدرلر) . واکر امام رکعت زائده سنی سجده ایله تقیید ایدرسه مقتدی آراق اكا انتظار ایتمیوب (۴) یالکدرجه سلام ویرر .

اگر امام قعود اخیردن اول یعنی انی اونودرق رکعت زائدهیه قیام ایلر ایسه مقتدی منتظر اولوب امامی متنبه اولوق ایچون تسبیح ایدر (امام آگاه اوله رق قعدیه کلورسه نه اعلی

(۱) عمداً دخی اولسه سجده ایله تقیید ایتمش اولدوقجه قعوده عودت ایدیهیلور . کراحت ایله نماز فاسد اولاز . چونکه بررکعتک مادونی نمازی افساد ایتمز ط .

(۲) تسکیرات عیدده وجنازه نمازی تسکیرلرنده ایدیلان زیاده دخی متابعت اولتماز . کما فی ط .

(۳) وکذا اذا سلم بعده . وانما نص علی التوضوء اه ط .

(۴) لخروجه الی غیر صلاته . ص .

برابرجه سلام و یروب سجود سهو ایدرلر) . شاید مقتدی کندى
کندینه سلام و یرر ایسه فرضی فاسد اولور . مقتدینک سلامی
کرك امام رکعت زائده سنی سجده ایله تقييد ایتمدين اولسون
و كرك بعد التقييد بولسون (۱) .

امامك تشهيدندن صكره وسلامندن اول مقتدینك سلام
و یرمسی مكر و هدر (۲) چونكه متابعت واجبه ترك اولمش اولور .
فرض اولان قعوداخیر موجود اولديغیچون نماز صحیحدر (۳) .

﴿ فصل ﴾

صلات فرضدن صكره وارد اذكارك صفتنه و فضيلتنه

وسائره به (۴) دائر

صوك سنتی اولان نمازله كوره فرضی متعاقب اتولى ایدن
سنته قیام ایتمك مسنوندر . فرض ایله سنك اره سنی یالکیز :

(۱) چونكه صورت اولاده كندیسى هنوز مقتدی بولنديفی حالده
ركن قعود ایله افراد ایتمش اولدی . و صورت ثانیه ده امام قعود اخیری
مخلنده ترك ایتمش اولغله كندی فرضی فاسد اولديفی كبی مقتدیسك
دخی فرضی فاسد اولش اولدی . مؤلفك عباره سی بوراده پك
قاصردر ایضاح اولندی .

(۲) أى تحریماً . ط

(۳) حتی صلات فخرده كوش طوغمق و متیم صویي بولمق ایله
نماز باطل اولماز . ص .

(۴) امامك محرابده تحویل ایتمسك و عند الدعاء ال قاهیرلسك
ویوزه مسح ایلسك بیانی كبی . ط .

« اللهم أنت السلام (١) ومنك السلام (٢) تباركت (٣) يا ذا الجلال (٤) والاكرام (٥) » تناسيله فصل ايتكم مستحب اولور .

بوندن (٦) وصحيحينده مذکور روایت حضرت مغیره به کوره
 « لا اله الا الله وحده لا شريك له له الملك وله الحمد وهو على كل شيء قدير .
 اللهم لا مانع لما أعطيت ولا معطي لما منعت ولا ينفع ذا الجد منك
 الجد . » (٧) وصحيح مسنده مذکور روایت حضرت ابن اربيره
 کوره رفع صوت ايله (٨) « لا اله الا الله وحده لا شريك له
 له الملك وله الحمد وهو على كل شيء قدير . ولا حول ولا قوة الا
 بالله العلي العظيم ولا نعبد الا اياه وله الفضل وله الثناء الحسن
 لا اله الا الله مخلصين له الدين ولو كره الكافرون . » ديمکدن زياده

(١) أى ذو السلامة من كل نقص . فهو اسم مصدر اخبر به «
 للمبالغة . ط .

(٢) أى والسلامة من كل شر حاصلة منك لامن غيرك . وأما
 مايزادهنا من نحو : « واليك يعود السلام فحينما ربنا بالسلام وأدخلنا دار
 السلام . » فلا أصل له . كما فى ط .

(٣) أى كثر خيرك . ط .

(٤) أى العظمة . وهو جامع لجميع الفضائل . ط .

(٥) أى الانعام . وهو اسداء النعم . وهو جامع لجميع الفواضل ط .

(٦) كره روایت حضرت عائشه در رضى الله تعالى عنها . كما فى ص .

(٧) أى لا ينفع ذا الفنى عندك غناه وانما ينفعه العمل بطاعتك اه فيومى

(٨) ويستفاد منه جواز رفع الصوت بالذكر والتكبير عقب

المكتوبات بل من السلف من قال باستجابته وجزم به ابن حزم من
 المتأخرين . ط .

فاصله ایله صوک سنئی فرضدن فصل ایتمک مکروه-در (۱) .
صلات مغربی متعاقب صباح نمازی عقبنده اولدیغی کبی (۲) اون
کره « لااله الا الله وحده لا شریک له له الملك وله الحمد یحیی ویمیت
وهو علی کل شیء قدير » دیمک و صلات جمعه یی متعاقب یدیشر
فاتحه و اخلاص و معوذتین او قومق (۳) حقنده کی روایات ترغیبیه سنئدن
صکرده محمولدر (۴) .

فرض ایله سنت آره-سند کلام کثیر یا خود اکل و شرب
ایتمک (۵) اصح اولان بودر که آنی ابطال ایتمز بلکه ثوابی
نقص ایدر .

سنلرده افضل اولان : آیلری (۶) کرک اوده ، کرک اوک

(۱) محشینک بیانته کوره کراهت تنزیهیه در . و عمل کلام سنئدر جامعده
قلندیقنه کوره در . اما سنت قیلمق ایچون خانه سنه کیتک ایستیان حقنده فصل،
قدر مسنوندن زائد دخی اولسه مکروه اولماز اه .
(۲) اوقات مستحبه فصلنه باقکر .

(۳) جمعه دیکره و اوچ کون فضلهیه قدر قن و بلاه دن امین بولنق و بتون
کناهلره کفارت اولق آنک عمراتی جمله سننددر اه من ط .

(۴) فقراء مهاجرینه خطاباً وارد اولان « تسبیحون و تکبیرون و تحمدون
دبر کل صلاة » حدیثی کبی که بوده آنلرک فرضه و صلی مقتضی اولیوب بلکه
سنئدن صکره توابع صلاتدن اولیان شی ایله اشتغال اینته هرک اوقومغه محمولدر .
کما فی س .

(۵) مؤلفک ظاهر کلامی ابلک و صوک سنئاره شاملدر . ایکسینده ده افضل
اولان و سندر . قاله ط .

(۶) افاده روایب حقنده اولق اظهر ایکن محیی مرحوم لفظک عمومیه
باقهرق تراویح ایله تحیت مسجدی استثنایه لزوم کورمشدر که تراویحده مسجد
افضلدر . تحیت مسجد دخی مسجد مختصدر

غیریده ریادن ابعء و خلوصی اجمع (یعنی اخلاصاً اکثر ط)
اولان محله قیلقدر .

اداء فرضدن صکره فرض محلندن تحول ایتمک . « ایتعجز
أحدکم أن یتقدم أو یتأخر أو عن یمینه أو عن شماله فی الصلاة » (۱)
حدیثنه مبنی مستحب اولمغله صوک سنت اولدیغنه کوره امام
آنی محرابک صاغ طرفنه که کندینک صوانه مقابل اولان جهندر
چکیلرک قیلار (۲) . صوک سنت اولدیغنه (واولوبده قیلندیغنه)
کوره امامه مستحب اولان اگر اکا قارشو نمازقیلان یوق ایسه
یوزینی جماعته چویرمکدر (۳) . دیلرسه امام صاغ یاخود صول
جهنه دوتر . و دیلرسه کنه ی ایشنه کیدر . [فاذا قضیت الصلاة
فانتشروا فی الارض وابتغوا من فضل الله] بیورلمشدر امر اباحه
ایچرندر (۴) .

بمع الروایاتده : « نمازندن فارغ اولدقدن صکره وردینی دیلرسه
جالساً و دیلرسه قائماً او قور . » دیو مذکوردر .

-
- (۱) أى فی السبعة . رواه ابو داود وابن ماجه ط .
(۲) صاغک فضیلتی واردر . همد امامک تحول ایتمسند آتک فرضده
اولمسی ظنیله کندیسنه اقتدا اولتی اشتباهی دخی منافع اولتی واردر . برده
مکان مصلی یوم قیامتده کندیسیچون شهادت ایدر روایتنه مبنی آنده تکثیر شهود
واردر . س .
(۳) اگر قارشوسنده نماز قیلان واریسه جماعته استقبال مکروه اولور .
مکرکه آرهده آرقه سی مصلیه اولهرق اوطوران کیمسیه اوله یعنی مصلی صف
اولده بولنمیه . کما فی ط .
(۴) قول کریم مذکورک صلات جمعه حقنده اولمسی سائر صلات حقنده
اولسنه منافی اولیوب آنی بطریق الدلالة اثبات ایدر . ط .

نماز دن صکره امام و جماعت اوچ کره : « أستغفر الله لا اله الا هو الحي القيوم وأنوب اليه . » دیوب (۱) آیت کرسی بی وقورلر (۲) معوت ذاتی دخی اوقورلر (۳) . و جناب حق ۳۳ کره تسبیح ۳۳ کره تحمید ۳۳ کره تکبیر ایدرلرکه بولر ۹۹ در . تمام یوز اولمق اوزره . « لا اله الا الله وحده لا شریک له له الملك وله الحمد وهو على کل شیء قدير . » دیرلر (۴) . بعده اللربنی کوکسلی

(۱) اللهم أنت السلام الخ ثنای صوکه سنت اولدیفته کوره استغفار دل صکره اولور . تنکیم حدیث ثوبانده اوله وارد اولشدر . علی مارواه مسلم . مؤلفک ذکر ایتدیکی حدیثده : هرکیم هر صلاتک (یعنی بش وقت نمازک) صوکنده بواسطغفاری اوقورسه که اهلری مغفور اولور صف حربدن فرار ایتمش اولسه بيله . بیورلش اولدیغندن محشی . رحوم حدیث مذکورده بواسطغفاریک کبائر ذنوبی دخی مکفر اوله جفنی افاده ایدرشی وارد زیر فرار من الزحف کبائر دندر . دیمشدر اه .

(۲) شومالاه کی حدیث شریفه بئاه که « هرکیم بش وقت نمازک صوکنده آیت کرسی بی اوقورسه دخول جنتدن آتی انجیق موت منم ایدر و هرکیم آتی یاتار ایکن اوقور ایسه الله تعالی اوکیمه بی کندی خانه سی و قوم شوسنک خانه سی و اطرافده کی خانه جککیرک اهل حقیقه امین قیلار » بیورلشدر . ص . یعنی حق تعالی آنلری حفظ ایدر . ط .

(۳) معوذات تعبیونده تغلیب وارد کره مقصود : سوره " اخلاص " وایکی معوذهلردر . ط . عقبه بن عامر رضی الله تعالی عنه : هر نمازک عقبنده معوذات اوقومقلغمی رسول الله صلی الله تعالی علیه وسلم بکا امر ایتدی . دیمشدر . ص . (۴) امام مسلهک روایت ایتدیکی حدیثده بولری بش وقت نماز صوکلرنده اوقویانلرک خطایابی دکر کوپوکی قدر دخی اولسه مغفور اوور بیورلشدر . ص . یعنی دبرکه اکثر ادا ایتده ترتیب بوله درکه اوله تخلیه قیلندن اولان تسبیح و صکره تخلیه قیلندن بولنان تحمید ودها صکره تعظیمدن عبارت اولان

حذاسنه قالديروب و آوجلرینی یوزارینه طوغری میللی اوله رق
آچیق طوتوب (۱) خشوع و سکون ایله هم کندیلری و هم جمیع مسلمین
ایچون ادعیه مأثوره جامعہ ایله دعا ایدرار و دعائی « سبحان ربك
رب العزة عما یصفون و سلام علی المرسلین و الحمد لله رب العالمین »
دیوختم و یوزلرینی اللریله مسح ایلار (۲) .

تکبیردر . بعض روایاتده خاصه تکبیر تحمیده مقدمدر . برروایتده تحمید تسبیحدر
اولدر . بونلر آنلرده ترتیب اولدیغنه دلالت ایتمشدر . « أربم افضل الکلام
لا یضرك بایمن بدأت سبحان الله ، و الحمد لله ، ولا اله الا الله ، والله اکبر »
حدیثی دخی بونی مؤید بولنمشدر . هر برلرندن اون برر و اونر و آلتیش
و برر و یتیش و یوزر دخی روایتدر . و صحیحدر که صلی الله تعالی علیه و سلم
افندمز حضر نلری صاغ اللریله عقد تسبیح ایتمشلردر . و وارد اولمشدر که تسبیحی
انامل ایله عقد ایدکز چونکه آنلر مسئولات و مستظفاندر بیورمشلردر . سند
ضعیف ایله حضرت علیدن « نعم المذکر السبحة » وارد اولمشدر که تسبیح آتی کوزل
مذکر اولدی دیمکدر . ابن حجر دیمشدر که چکر دک و اوفاق طاشلر ایله تسبیح ایداک
روایاتی صحابه دن و بعض امهات مؤمنیندن اولقی اوزره کثیردر . افندمز آتی
کوروب تقریر بیورمشلردر . شارح مشکات علی القاری ذکر ایدر که ابو هریره
حضر نلرینک بریجه دوکلی ایله کی وار ایدی که آنکله تسبیح ایدر ایدی . آتی
بدعت زعم ایتک طوغری اوله ماز . اصابعه ایله عقد تسبیح ایتک تسبیح طوتمقدن
افضلدر . علی قول غلطدن ابن ایسه عقد اصابعه ایتک اولادر . والا تسبیح
طوتمقی اولادر اه مکروهات دررده مذکور اولان : بلا ریاء سبحة آنخازنده
بأس اولدیغیدر .

(۱) دعا اوضاعنک انواعی مؤلف باب وترده بیان ایتمشدر .

(۲) مسح وجه دعاده رفیع ید اولمه نك سنیدر . ال قالدر لیه رق ایدلش
اولان دعاده مسح وجه دخی لازم دکادر . مسح وجهده کی حکمت برکت
کندیسنه عودتی و باطنه سرایتیدر و دهم بلا و حصول عطائی تفألدر . برال ایله
مسح ایدلر چونکه او متکبرلر فعلیدر . کذا فی ط .

حدث في الصلاة^(۱)

که نماز ایچنده حدث واقع اواق دیمکدر سبق و عمد صورتلرینه شاملدر . نمازده آبدستک بلا اختیار بوزلمسنه (سبق حدث) و بالاختیار بوزلمسنه (حدث عمد) تعبیر اولدیغی کبی نمازی براقدیغی بردن باشلا یوب قیلیمغه دخی (بناء) و یکی باشدن قیلیمغه (استیناف) تعبیر اولنور (۲) .

سبق حدث صورتنده بنا جائزدر که نمازده ایکن بلا اختیار آبدستی بوزیلان کیمسه همان بلا تکلم کیدوب اک یاقین صودن آبدست آلهرق یاخود شرطی متحقق ایسه تیمم ایدرک کلوب براقدیغی بردن بدء ایله حدث واقع اولدیغی رکنی - مثلا رکوع و یا سجودی - اعاده ایلیه رک اتمام صلات ایده بیلور .

حدث عمد انفاقا مانع بنادر . سبق حدث صورتنده بنانک جوازی دخی علی الاطلاق دکل ، آقی اتمداد شروط ایله مقیددر . مذهب شافعیده : حدث منافی صلات اولدیغی و قبله دن

(۱) مؤلف مرحوم بوراده مفسدات صلات بجهته کچه رک روماً للاختصار مفسداتک مانع بنا و موجب استیناف اولانی اولمایندن تفریق ایتامش و برچرق مسائلی دخی فوت ایتمش اولدیغندن بز او قارشقلغه و فوت مسائله میدان ویرمامک ایچون بوابده کندیلرینه پرو اولیوب حدث فی الصلاة و استخلاف و اثنا عشریه مسائلندن باشلا یه رق مفسداتی آنلردن آیرمش و اک صکره یه براقمشزدر . والله تعالی الهادی الی سواء الصراط .

(۲) استینافه استقبال دخی دینور و کل شیء جعلته تلقاء وجهک فقد استقبلته .

آیرلئق و یوریمک نمازی مفسد و لندیغی ایچون بنا جائز دکلدر استیمناب لازمدر .

مقتضای قیاس دخی بودر . انجق بز (حنفیلر) بو قیاسی اثر آتییه مبنی ترك ایتمشزدر که حدیث شریفده «من قام أو رجع (۱) أو أمدی فلینصرف ولیتقضاً ولین علی صلاته مالم یتکلم» بیورلمشدر . «نمازده کندندن فی و یامدی کلان یاخود بورنی قانایان کیمسه کیتسون آبدست آلسون و تکلم ایتدکجه نمازینه بنا ایتسون» دیمسکلدر (۲) .

حدیث مذکورده کی من الفاظ عمومندن اولمغله منفردده و امامه و مقتدییه شاملدر (۳)

کندیسنه سبق حدث واقع اولان مصلی منفرد ایسه بنا و امام ایسه

(۱) رعب من بابی قتل و انقم .

(۲) ابن نجیم دیرکه حدیث مذکورک مرسل اوله رق صحتنده نزاع یوقدر . اوده بزجه و اکثر اهل علمجه حجتدر . امر بنا حضرت عائشه و ابن عباس و ابوبکر و عمر و علی و ابن عمر و ابن مسعود و سلمان فارسی رضی الله تعالی عنهم حضراتندن مرویدر که بونلر اجله اصحابدر . و علقمه و طاوس و سالم بن عبدالله و سعید بن جبیر و شعبی و ابراهیم نخعی و عطاء و مکحول و سعید بن المسیب رحمهم الله تعالی حضرتندن دخی مرویدر که بونلر اجله تابعیندر . و کنی بهم قدوة . فوجب ترك القیاس به . و البلوی فیما یسبق دون سائتمنده فلا یلحق به اه .

(۳) وجه الاستدلال بالحدیث ان قوله ولین امر و أدنی درجاته الاباحه فیثبت شرعية البناء . ولا یقال قوله فلیتوضاً للوجوب فینبغی أن یکون ولین للوجوب أيضاً . قلنا لا یضرنا لانه لو کان للوجوب یکون المدعی أثبت . لکن البناء غیر واجب بالاجماع اه کاکی . کذا فی حاشیة التبیین للشلبی . و ینبغی أن لا یکون واجباً لضیق الوقت . کما فی ط عن المهر ♦

استخلاف و بنا ایدر . مقتدی ایسه (۱) لاحق اوله رق بنا ایلر .
 شو قدر که مسئله بر منوال مذکور خلافيه اولدیغندن شبهه خلافدن
 تحرراً هر حالده استیناف صلات ایتمک افضلدر .
 علی قول مقتدی حقننده بنا فضیلت جماعتی صیانت ایچون استینافدن
 اولادر بوده بشقه جماعت بوله مامق قید یله مقیددر .

چراز بنا نك شروطی اون اوچدر :

- (۱) حدث ، سماری اولمق .
- (۲) مصلینك بدنندن ظهور ایتمک .
- (۳) غسلی موجب اولماق .
- (۴) نادر الوقوع اولماق .
- (۵) مصلی حدث حالیه بر رکن ادا ایتمش اولماق
- (۶) منی حالنده ادا رکن ایتمش اولماق .
- (۷) صلاته منافی ایش یا پاماق .
- (۸) لابد اولمیان ایشی یا پاماق اولماق .
- (۹) حدث وقوعندن صکره بلا عذر کجکامک .
- (۱۰) سبق حدثندن صکره مصلینك حدث سابق ظاهر اولماق .
- (۱۱) مصلی صاحب ترتیب اولدیغی حالده اوزرنده کچمش نماز
 اولدیغنی خاطر لاماق .

(۱۲) مفتی نمازینی مکانهک غیریده اتمام ایتماک .

(۱) مقتدی تعبیرینک امام عدنه دخی شمولی اوله جقدر تکیم شروط جواز
 بنانک اون ایکنجه سنک شرحنده مبیندر .

(۱۳) امام صالح امامت اولمیانى استخلاف ایناماك .

بواجمالك تفصیلى شویله در كه « حدث ، سماوى اولمق » ديمك عبدك
آنده و آنك سببنده اختیاری اولماق ديمكدر : صنعى اولمیهرق
كندنه ن ریح چيقمق . بورندن قان كلمك كبی .

عَضّه وَضْرِبَه (۱) سببيله قان چيقمق عمداً اولان حدث مثلى ذات
فعلده اختیاری عبد اولمق حسبيله حدث سماوى دن خارج اولديغى كبی
طامده برينك كز مه سيله طاش دوشوب مصلينك باشى ياراق دخى
سببنده اختیاری عبد و لئمق حسبيله خارجدر . چونسكه طاشك دوشمه سی
اختیاری دكل ايسه ده آنك سببی اولان مشی اختیاریدر .

« مصلينك بدنندن چيقمق » قیدی خارجدن نجاست مانعه
اصابندن احترازدر كه كندیسنه خارجدن نجاست مانعه اصابتيله

(۱) ضربه : وورمق ديمك اولديغى كبی عضه دخى ابصرمقدر .
كرك كندی كندی ابصرمق ، كرك بشقه سی آنی ابصرمق ویا وورب
قان چينارق . چونكه عیددن عند الطرفین مصلیه وديكرينه شامل
اولان معنی مقصوددر . امام ابویوسفجه مقصود مصلیدر . كما فی ردالمحتار .
درمختارده آغاچدن آيوا دوشوب زده له مك و آقسروب حدثلك دخى
على الصحيح مانم بنا اولمق اوزره مذکوردر . لکن رد مختارده رملیدن
نقلاً : تنجیح ايله حاصل اولان حدث مانم بنا ايسه ده عطاس (آقسرق)
ايله حاصل اولان حدث مانم بنا اولمق اظهاردر ديمشدر . حضرت
فاروق افندمزاك مجرايه مجروح ايدلاری اوزرينه عبدالرحمن بن عوف
حضرتلری استينافاً امامت ايتمشلردر . رضى الله تعالى عنها .

نمازی فاسد اولان مصلی صلاتنه بنا ایدمهز (۱) .
«غسلی موجب اولماق» قیدی نمازده اویقلا یوبده محتمل اولمق
ویا خود نظر و تمسک رکبی بر حال ایله انزال وقوع اولمق مثلی حدث
اکبردن احترازددرکه بولر مانع بنادر .

«نادر الوقوع اولماق» قیدی فمقهه و اغما (۲) کبی نمازده وقوعی
نادر اولان شیلردن احترازددرکه بویولده سبق حدث مانع بنادر .
جنون دخی اویله در .

«مصلی حال حدثه اداء رکن ایتیش اولماق» قیدی سبق حدث
قیامده واقع اولدیغنه کوره مصلی قرائتی کسمیوب تجدید وضوءه کیدر

(۱) لکن نجاست خارجییه حدث اطلاق ایداش اولدی که
تساحدر (۳) بونکله برابرکه سبق حدثک غیری بر طریق ایله نجاست
مانعه ک مصلی به اصابتی کرک آنک بدتندن ، کرک خارجدن اولسون
مانع بنادر مصلی آنی اراله واستیناف صلات ایلر . مصلی به سبق حدث
طریقله اصابت ایدن نجاست مانعه مانع بنا اولیوب (**) مصلی آنی
بیقرار و تجدید وضوء ایدوب صلاتنه بنا ایلر . کندیسنه نجاست مانعه ک
اصابتی صرف خارجدن یا خودهم خارجدن وهم کندندن ایسه بنا
ایدهمز . ط علی الدرهم الرد .

(۲) بونلردن فقهه داخل صلاته اولمق و صلات کامله و مصلی
بالغ و یقظان بوماق شرطله ، و اغما که بایلمقدره حالده ، ناقض وضوءدر .
کتاب الطهاره به باقکمز .

(*) وقد یقال اتمز به عن الجنون فانه حدث من غیر البدن اذا
کان من الجن لا من مرض . والا کاز من البدن کلا غما . تأمل اهل البین .
(**) وجه فرق بودرکه بوسورتده کی تطهیر تبعاً للوضوءدر .
بوندن اولی صورتلرده ایسه ثوب و یا بدنی ابتداء غسل دیمکدر .
تتکیم مفسداتده دخی ۴۸ مذکوردر .

ایکن دخی قرات ایتمکدن ، و سبق حدث رکوع و یا سجود حالده و وقوع بولدیغنه کوره قصدادام ابله^(۱) باش قالدیرمقدن احترازدرکه بونلری یاپان مصلی حدث حاليله اداء رکن صلات ایدرک نمـ ازینی افساد ایلش اولمغله بنا ایده میوب بعدالوضوء استیناف ایلک لازم کاور . بنا ایده بیلک ایچون قیامده سبق حدثی متعاقب قراتی قطع ایتمک^(۲) ورکوع و یا سجوده سبق حدثی متعاقب نمازدن چیقعی لازمدر^(۳) . اورکوع یاخود سجود صکره اعاده اولنور^(۴) .

« مشی حالده اداء رکن ایتمش اولماق » قیدی آبدست آلوب کاور ایکن قرات ایتمکدن احترازدرکه رکن صلات اولان قراتی حدث

(۱) قصد اداء قیدی بچردن اخذاً در حاشیه لرندمه مصرحدر . لکن بچرده مجتبانک ظاهر افاده سی قصد ادانک عدم اشتراعی اولایغی دخی مذکوردر .

(۲) تمبیح ایتمک مانع دکلدر . تسبیحدن ، قصد قرآنک غیری اولان ذکر درکه تهلیل واستغفاره دخی شاملدر . تنکیم محشی مفسدات صلاک ۵۴ نجیسنده بیان ایتمشدر . چونـ که بونلر ارکان صلاتدن دکلدر . ابن نجیم دیرکه ارکاندن اولان قرات دخی حال قیامک غیریده رکن اولدیغندن رکوع و یا سجودنده سبق حدث واقم اولان مصلی اثناء ذهاب و یا بنده قرات قرآن ایتـ مـ کـ له نمازینی افساد ایتمش و مانم بنا بر حالده بولتمش اولماز .

(۳) بنية التطهير لابنية آتمام الرکن واضعاً یده علی أنه تستراً . علی مایائی فی المفسدات ۴۷ .

(۴) سبق حدث قعده اخیره ده وقوع بولدیغنه کوره آنک اعاده سیچون بر روایت یوقدر . کما سنذکره فی آخر مسائل الاستیغلاف فی الهامش عن الفهستانی .

حالتده ایتمک مانع بنا اولدیغی کبی بعد الوضوء مشی حالتده ایتمک دخی مانع بنادر .

« صلااته منافی ایش یا پاماق » قیدی حدث سماویدن صکره حدث عمدده بولنمق یاخود اکل و یا شرب و یاخود کلام ایتمک کبی منافی صلات اولان بر شیئی یا بمقدن احترازدر ، کشف عورت دخی منافی صلات اولغله استنجا لازم کلهش ایسه آتی تحت الثیاب یا پار ، اگر کشف ثوب ایدرک استنجا ایدرسه نمازی فاسد اولوب آلدیغی آبدست ایله آتی بنا و اتمام ایلیه مز (۱) . ظن حدث ایله جامعدن چیتقمق و خارجه کوره موضع صفوفی تجاوز ایتمک دخی منافی صلات اولان مفسداندن اولغله مانع بنادر .

« لابد اولمیان ایشی یا پامش اولماق » قیدی تجدید وضوء ایچون کندینه قریب اولان صوبی براغوبده ایکی صفلق مسافه دن زیاده آدن اوزاغه کیتمک کبی لزومسز ایش یا بمقدن احترازدرکه بوده مانع بنادر . مکرکه قریب اولان صوبی اونودوب کچمیش و یاخود قریب اولان صو قیرده اولق کبی اخذ و استمالی کلفغلی بولنمیش اوله (۲) .

(۱) قادین قسمی آبدست آلق ایچون قوائی آچمغه مضطر اولق دخی کشف عورت اولغله آتدر ایچون بنسا ممکن اولیه جق دیمکدر . مکرکه اعضاسنی آچمیه رق آبدست آلق کندیسنه ممکن اوله . کما فی مفسدات الاصل بزیاذه من القهستانی . والفساد مقید فی تنویر الابصار بعدم الاضطرار .

(۲) چونکه مفسدانده (۴۸) مین اولدیغی اوزره بشقه صو موجود ایکن قیودن صوچکمک مانع بنادر . علی المختار کما فی الدرمعط .

« حدث وقوعندن صکره بلا عذر کجکامک » قیدی سبق حدثن صکره بررکن ادا ایده جک قدر بلا عذر تراخی ایتمکدن احترازدر که برجز صلاتی حدث حالده ادا دیمک اولدیغیچون مانع بنادر بلا عذر قیدی عذر ازدحامه ویا عدم انقطاع حدثه مبنی کجکامک و سبق حدثن نوم ایله وقوعی تقه-یرنده بر مدت صکره اویانمق مانع بنا اولدیغیچو اندر. چونکه ناظم حال نومده برشی ادا ایدیچی دکلدنر .

« سبق حدثن صکره مصلیتک حدث سابقی ظاهر اولماق » قیدی مدت مسجی کبذران اولمش بولنمق کبی شیلردن احترازدر که مثلاً مصلی صاحب عذر اولمعله وقت صلات خروج ایتمک ومصلی متیمم اولدیغنه کوره صویه دسترس اولمق وماسح بولندیغنه کوره مدت مسح منقضى اولمق^(۱) مانع بنادر .

« صاحب ترتیب اولان مصلی سبق حدث اثناسنده صلات فائته-نی خاطر لامق » قیدی یا کندینک ویا کندی کبی صاحب ترتیب بولانان امامنک کچمش نمازی اولدیغنی خاطر لامقدن احترازدر که تذکرفائته مبحثنده مبین اولدیغنی اوزره موجب فساد و بناء علیه مانع بنادر^(۱) .

(۱) تکرار لما علم .

(۲) چونکه تذکری متعاقب آنقضا ایدرسه که مشروع اولانده بودر وقتیه فاسد اولور . تأخیر ایویده التنجی نمازک وقتی خروج ایلر ایسه صاحب ترتیب اولماز . اوخالده بنا صحیح اوله ییلور . فافهم اه رد المختار . فکأنه أجاب عما آورده ط بکون الفساد موقوفاً ومتعلقه وصف الفرضية .

« مقتدی نماز بنی مکانک غیریده اتمام ایتمامک » قیدی شواک
 ایچوندرکه نماز کندیسنه سبق حدث واقع اولان کیمسه منفرد ایسه
 نماز بنی بعد الوضوء همان بولندیغی موضعده اتمام ایدیورمک ایله موضع
 صلاتنه کلوب امام ایلک بیننده بخیردر^(۱) افضلنده اختلاف اولمشدر.
 مقتدی ایسه که بو تعیر امام محدثه دخی شاملدر^(۲) امامی^(۳) نمازدن
 فارغ اولدیغنه و آرده حائل بولندیغنه کوره محل صلاتنه عودت
 ایتمیه رک همان موضع وضوء ندن اقتدا ایده بیلور. آرده حائل یعنی
 مانع اقتدا بولندیغنه کوره محل صلاته عودت ایله اقتدا ایتمک لازم کلور.
 اگر عودت ایتمیه رک اقتداسی صحیح اولمیه حق موضعدن (مثلا صف
 نساء رراسندن) ابتدا ایدرسه نمازی فاسد اولور. زیرا اقتدا کندیسنه
 واجب ایکن آنی صحیح اولمیان موضعدن یا بمشدر. انفرادی ده جائز
 اوله ماز چونکه موضع اقتداده انفراد مفسد صلاتدر. کندیسی تجزید
 وضوء ایدنجه قدر امامی نمازدن فارغ اولمش بولنور ایسه محل صلاته
 عودت ایتمز^(۴).

(۱) چونکه صورت اولاده قلت مشی و صورت ثانیه ده نمازی
 مکان واحده قیلقی واردر اه بحم الانهر.

(۲) چونکه کندیسنه حدث واقع اولوبده استخلاف ایتمش
 بولنان امام دخی بعد الوضوء کندی مستخفنه مقتدی اولور. وقد أشرنا
 الی هذا فیما مضی و سنعبده فی الاستخلاف.

(۳) و کندی امام ایدوکنه کوره مستخفی.

(۴) بحم الانهر دن و درمختار دن اکلا شیلان عودت وعدم عودت
 بیننده منفرد کی مخیر و اقدر. طحطاوی ایسه بچردن نقلاً : اگر عودت
 ایدرسه آنک فساد صلاتنه اختلاف ایدیلر. دیعیدر اه مفسداتک
 اللنجیسنه کی هامشی اوقویکز.

« امام صالح امامت اولمیان استخلاف اینامک » قیدی قادنی (۱)
یاخود صبی و یاخود امی بی استخلاف ایتمکدن احتیاردرکه بولنر
کبی صالح امامت اولمیان استخلاف اینامک هم کندی نمازی وهم
جماعتک نمازی هاسد اولمغله استقیناف لازم کلور زیرا بو استخلاف
اعمال صلاندن اولمیان عمل کثیر در . ردالمحتار

مسئله استخلاف دخی مسئله جواز بنایه . تفرع اولمغله ذکر
اولان شروط جواز بنا آنده دخی عیناً مراعی (۲) اولمغله برابر سخت
استخلاف ایچین امامک جاعدن یاخود نماز کاهدن خارجه چیقمش
اولماسی وصحرا ده بولنلدیغنه کوره موضع صفوفی وایلر طوغری
بوریمک تقدیرنده موضع ستره بی تجاوز اینامسی دخی مشروطدر .
نتسکیم مفسدات صلانده مذکوردر .

استخلاف

انداء صلانده کئنددن سبق حدث واقع اولان کیمسه امام ایسه
نمازی بنا واتمام ایتمک اوزره یرینه بشقه سنی کچیررکه بوکا :

(۱) زاد فی الدرة: واولمغه نساء . وقال زفر صلاة النساء صحیحة
لانها تصلح لامامتهن . كما فی الشرع النبلیة .
(۲) رعایت واعتبار معناسنه اولان مراعاتدن اسم مفعولدر .
مدارات غلطی اولورو زبانزد بولنان مدارا کبی ملفوظدر .

(استخلاف) تعبیر اولنور ویرینه کچن کیمسه یه (مستخلف) دینور (۱).

کندیسنده سبقت حدث واقع اولان امام همان بلا تأخر (۲) بورنی قانا یورایمش کبی اکیلهرک والنی بورننه طوتهرق موقعندن آیریلور وکندینه قریب اولان جماعتدن صالح امامت اولان بر کیمسه یی (۳) یا اشارت ایله ویا خود طوتوب محرابه چکمک ایله یرینه کچیرر (۴). کلام ایله استخلاف ایتمز . اکر کلام ایدرسه هپسنگ نمازی فاسد اولور . مستخلف اولان کیمسه امامتی قلباً نیت ایدرک اتمام صلات ایلر (۵)

(۱) روی عن عمر رضی الله تعالی عنه أنه دخل فی الصلاة ثم أخذ بيد رجل وانصرف ثم قال لما دخلت فی الصلاة رأيت شیء فلمست بيدي فوجدت بلة اه حلی .

(۲) چونکه مکان امامک امامدن خالی اولمسی ولوکه حکماً اولسون صلات مقتدی بی انساد ایدر . حکماً خلو : بعد الحدث بر رکن ادا ایدر جک قدر توقدر . کافی الدرر والشر نبلا لیه .

(۳) قادین وصبی صالح امامت اولدیغی کی امی کیمسه دخی قرامت صاحبی اولان جماعت ایچون صالح امامت دکلدر . نااهلی استخلاف ایسه مانم بنادر . کمار .

(۴) کندیس دخی شروط بنا وجهله کیدوب آبدست آلهرق نمازینی لاحقاً بنا وتمام ایدر . نیکیم اون ایکنجی قیدک شرحنده ذکر اولندی .

(۵) اصلده امامتی نیت صحت اقتداء نسواندن ماعداده لابدا ولایوب خلفده ایسه نیتسز امامت اولماز . صرح به ط . مکرکه جماعت مقتدی ایله امامدن عبارت اوله . او حالده امامه سبقت حدث واقم اولورسه مقتدی صالح استخلاف بولندیغنه کوره امام استخلاف ایتسه بیله امامته متعین

استخلاف امامك حقیدر .

امام استخلاف ایتمزایسه جماعت ایچلرندن برینی کچیرمك ویاخود جماعتدن بری کچیویرمك اولسکی امام جامعدن چیقممدین خلقی آنك مقامنه قائم اولمق شرطیله جائز اولور . اكر او آنك یرینه کچممدین امام اول جامعدن چیقویرر ایسه امام اولدن ماعداسنك نمازلی فاسد اولور (۱)

امام استخلاف ایتدکدن صکره جماعت دخی بشقه برینی استخلاف ایدرسه مستخلف امام کیمی استخلاف ایتمش ایسه اودر . جماعتك استخلاف فسکرده سنه اقتدا ایدلرک نمازلی فاسددر . استخلاف اولنه جوق کیمسه نك مدرک اولسی اولادر (۲) .

اولفله اكا نیت لازم اولماز . کما هو المصروح فی الدر . مجمع الانهرده دیرکه زیر ا بونده صیانت صلات واردر چونکه مکان امامدن حاوی صلات مقتدی بی افاد ایدر . حتی امام کندیسنه سبق حدث وقوعنده یرینه کیمسه بی کچیرمیه رك مسجددن چیقه جماعتك نمازلی فاسد اولور . امامك استخلاف ایچون بر شخص تعین ایتمسی کثرت جماعت حائنده قطع مزاحه ایچوندر . مقتدی شخص واحد اولدیغنه کوره بلا مزاحم استخلاف اولنغه متعین اولفله استخلافه حاجت یوقدر اه .

(۱) امام اولك نمازی بنا موانندن یرینه مصادف اولمقچه فاسد اولماز . (۲) چونکه مدرک اولیانی استخلافنده بعض مشکلات اولور . مثلاً مسبوق استخلاف اولنورسه نمازه امامك منتهی اولدیغی بردن باشلایه رق آقام صلات ایتدکدن صکره کندی نقصانی اکمال ایتمک مجبوریتیه سلام ویره . یوب سلامی و برمك ایچون بر مدرکی یرینه کچیر .

لاخق دخی اولافی مافات ایلمک کندیسنه واجب اولفله همان متابعت ایتملر ایچون جماعته اشارت ایدر . شاید ترك واجب ایدرک تلافی مافات خصوصی

مسبوقك ولاحقك دخي استخلاف اولنمسي وجود مشاركته
مبني صحيحدر . امام اكا قاج ركعت قالدیغنی پارمقاریله ، ورکوعی
اولدیغنی النی دیزینه وسجودی اولدیغنی النی آلهنه وضع ایلسکله ،
اشارت ایدوب قرأتی ایچون آغزینه وسجود سهویچون کوکسنه
وضع ید ایدرك وسجود تلاوتی وایسه هم آلهنه وهم دیلنه
وضع ید ایلیهرك اشارت قیلار (۱) .

استطراد — معلوم اولدیغنی اوزره مصلی یامنفرد ویا امام
یاخود مقتدیدر . مقتدی دخي یامدرک ویا لاحق یاخود مسبوقدر .
(مسبوق دخي لاحق اوله بیله چکندن هم مسبوق وهم لاحق
اولق اوزره بر قسم ده اوله بیلور (۲) .)

مدرک : رکعاتک هپسینی امام ایله برابر قیلمش اولان مقتدیدر .
لاحق : نمازه امام ایله برابر داخل اولوب کندیسنه نوم
یاخود غفلت ویا زحمت (۳) ویاخود سبق حدث عارض اوله رق
یاخود کندیسینی مسافره اقتدا ایتمش بر مقیم بولنه رق جماعت
یا کلیاً ویاخود قسماً کندیسینی فوت ایلیان مقتدیدر .

سکره یه براغور ایسه حین سلامده مسبوق مثلی برینه بشقه سنی کچیرر . اشته
بو مشکلاته مبني مسبوقة ولاحقه لائق اولان امامنه کچماکدر . امامده لائق اولان
انلری استخلاف ایتمکدر . کما فی الدر وحاشيته مع الشرنبلالية .
(۱) بولر مستخلافک معلومی اولدیغنی صورتده در . معلومی ایسه بولنره
حاجت یوقدر . ط تفصیل صور مطلولاتده در .

(۲) حتی لاحقک تعریفنه ابن همام مرحوم مسئله عاذا تده : « بو تعریف
لاحق مسبوقة شامل اولماز » دیو اعتراض ایتمشدر . انظر ان شئت الیه مع البحر .
(۳) زحمت : صیقه شدر . مثلاً ک از دحام اولغله مسجدیه وارده میوب قالمق .

آنک حکمی بودر که لاحق بالفعل مقتدی کبیر . قضا ایتدیکی
شیلرده نه قراءت ایدر ونه سجود سهو ایلر . ومسافر بولندیغنه
کوره نیت اقامت ایله فرضی ایکیدن درده تغیر ایتمز . وممکن
اولور ایسه (۱) فوت ایتدیکنی فضادن باشلا یوب (۲) بعهده
امامه متابعتله برابرجه سلام ویرر . امامه یتشمک آکا ممکن
اولیه جق ایسه همان متابعت ایدوب امام نمازندن فارغ اولانجه
قدر قضاء مافات ایله اشتغال ایتمز . وامامک سهوینه مبنی آنکله
برابر سجود ایتمیوب قضایه قیام ایلر . سجود سهوی ختام
صلاتندن صکره ایدر .

مسبوق : امام کندیسنی جمیع رکعات ویا بعض رکعات ایله
سابق اولمش اولان مقتدیر .

حکمی بودر که مسبوق قراسته کوره نمازینک اولنی وقعهده کوره
نمازینک آخرینی قضا ایدر . قضا ایتدیکی رکعتلرده کندیسنی منفرددر .
بناءً علیه ابتدا سبجائک او قوروتعوز ایدر وهر رکعتده تسمیه وقراءت
ایلر . سجود سهوی موجب بر حال واقع اولور ایسه سهو ایچون
سجود دخی ایدر .

مسبوق یالکیز درت خصوصده منفرد عد اولماز .

(۱) امامه یتشمک ممکن اولور ایسه دیمکدر ولو آخر صلاتده یتشه بیامش
اولسون . قاله ط فی حاشيته علی الدر .

(۲) مسبوقک عکس وخلافه اولهرق که مسبوق اولامامه متابعت ایدوب
آنک فراغندن صکره مسبوق قضایه قیام ایلر . بونک عکسینی یاپارسه نماز فاسد
اولور ، کما فی الدر وحاشيته لط .

(۱) مسبوق قضاء ماسبقده نه کیمسه یه اقتدا ایدیه بیلور نه ده
آکا اقتدا اولور (۱) .

(۲) شریق تکبیرانی اجماعاً اتیان ایدر (۲) .

(۳) استیناف صلات نیتیه تکبیر آلهه مستأنف اولمش
اولور (۳) .

(۴) قضاء ماسبقه قیام ابتد کدن صکره امامی سجود سهوه
وارسه رکعتی سجده ایله قیدلاماش اولدجه آکا متابعت ایلر .
اگر متابعت ایتمزایسه نمازینک صوگده سجود سهو ایدر (۴) .
تم الاستطراد .

بنا واستخلاف بعدالتشهد دخی اولورکه مصلی قعده اخیرده
تحیاتی او قوددن صکره کندیسنه سبق حدث واقع اولسه سلام
واجبی آبدست اوزره ایفا ایچون همان کیدوب آبدست آلهرق

(۱) شروط صحت اقتدانک بری ده امامک مسبوق اولماسی ایدی . اما ایکی
مسبوق متساوینک بری اوزرنده قاج رکعت اولدینی اونوش اولغله قضاء ماسبقده
بلا اقتدا ارقداشی نظر ملاحظه به آلور ایسه صحیح اولور . کما فی الحلی وغیره .

(۲) منفرد ایسه عند الامام اتی اتیان ایتهز . ابن عابدین .

(۳) که صلات اولایی قطع ایله عازه یکیدن باشلامش اولور . منفرد ایسه
دیگر نمازه انتقالی عزم ایتمدکه مجرد عزم استیناف ایله استیناف صلات ایتمش
اوله از . چونکه ایکنجی نماز برنجی نمازک من کل وجهه عینیدر . مسبوقه
کلنجه او من وجهه منفرد بولندینی صلاتدن من کل وجهه منفرد اوله جفی صلاته
انتقال ایتمش اولغله صلات نانیه صلات اولایه مغایر بولور . کما فی رد المحتار .

وسند کره فی المسندات . انظر الی الثالث والخمین منها .

(۴) اشته بو مسائلده مسبوق مقتدی کبیر . کما فی الدر .

کلور و اوطورب سلام ویرر^(۱) امام ایسه سلام ایچون جماعتدن برینی استخلاف ایدر .

نمازده سبق حدثه مبنی استخلاف جائز اولدیفی کی حصص وقوعنده دخی عند الامام استخلاف جائزدر . یعنی قدر مفروض قراءتدن عارض اولان خجله یاخود خوفه مبنی^(۲) امام طور تیلوب قالدیفنده استخلاف ایده بیلور^(۳) . امام اگر قدر مفروض قراءتدن صکره محصور اولمش ایسه استخلاف بلا خلاف جائز اولماز . زیرا آکا حاجت قالمامشدر .

فعله^(۱) اخیره نمازك خاتمه ارکانی اولمغله^(۲) مصلی آنده مقدار تشهد بعد الحقود سلامه بدل نمازده منافی (یعنی مانع بنا)

- (۱) فعله^(۱) اخیره نك اعاده سیچون بر روایت یوقدر . ابو جعفر اعاده اولنور دیمشدر . حکم مسئله عند الامام بودر که خروج بصنعه بولنممشدر . امامین دیدیلر که او مصلی آبدست آماز چونکه بعد التشهد اولان حدث سببیله نمازدن چیقمشدر اه قیستانی . بوندن صکره کی اثنا عشریه مسائلنک مقدمه سنه باقسکر .
- (۲) اگر بویله بر سببیله محصور اولیوبده قراءتی سبتون نسیان ایدرک طو تیلور ایسه امی اولمش اولمغفندن اتفاقاً استخلاف ایدمز . در مختار .
- (۳) بوبایدہ عند الامام قائمک قاعده صحت اقتداسی مسئله سنده کچن حدیث حضرت صدیقہ تسک ایدلر کی ذکر اولنمشدر (وعندی فیه نظر) . امامین دیدیلر که حصص مفکور نمازده نادر الوقوع اولدیفنندن شرط جواز بنا تحقق ایدمه یهرک نماز فاسد اولور . کما فی الدر وحاشیته لط .
- (۴) متعلقات شروط فصلنک قبیلنه باقسکر .

فعل وعمله بوائسه^(۱) فرائض صلاتی تام اولدیغچون نمازی صحیحدر . شوقدرکه سلام واجبی ترک ایتمش بولندیغندن آنک اعادهسی لازمدر^(۲) .

نمازه منافی و بنایه ممانع^(۳) اولان فعل عمل مصلیدن کندینک صنعی اولمیهرق واقع اولسه قعده^(۴) اخیرهدن اول ایسه انفاقا نماز فاسد اولوب قعده^(۵) اخیرهدن صکره ایسه نماز عندالامام ینه فاسد وعندالامامین صحیحدر^(۶) .

امام ابوحنیفه حضرلری آتی التعداد اون ایکی مسئلهده نمازک فسادینی حکم ایتمش اولدنلرندن حضرت مشار الیهک اوحکملرندن ختام صلاتده خروج بصنعهک^(۷) دخی فرضیتی استنباط اولنهرق^(۸) مصلیدن کنندی صنعی اولمیهرق صادر اولان

(۱) ولوکه کندیسنه سبق حدث وقوعندن صکره اولسون . در مختار .

(۲) یعنی ترک سلام سببيله آنده تقرر ایدن نقصانی جبر ایچون اونماز وجوباً اعاده اولنور . کراحت تحریم ایله ادا اولنان هر نمازک حکمی بودر . ط .

(۳) سبق حدثدن احترازدرکه آنک مسائلی کذران اولمشدر .

(۴) لانه معنی مفسد لها فصار کالمحدث والکلام . ط والتون علی قوله وهو الاحتیاط علی مایاتی بیانه عن ابن عابدین .

(۵) ومستنبط ذلك ابو سعید البردعی فانه ذهب الى ان الامام انما قال بالبلان لان الخروج يصنع المصلي فرض عنده لانها لا تبطل الا بترك فرض ولم يبق عليه سوى الخروج بصنعه . وتبعه علی ذلك العامة . كما فی العناية . وقال السرخی هذا غلط لان الخروج قد يكون بمعصية كالحديث العمدة ولو كان فرضاً لاختص بما هو قرينة وهو السلام ولم يثبت الخروج به اصحته بغيره فصار واجباً لا فرضاً .

منافی بعدالتشهد دخی صادر اولسه عندالامام مفسد صلات
اولور دینلشدر .

مسائل اثنا عشریه^(۱)

- (۱) تیمم ایله نماز قیلقدده اولان کیمسه نمازک صوکنده تحیاتی
او قویه جق قدر او طور دقدن صکره صو استعمالنه قادر اولمق .
- (۲) تیممه مقتدی بولنان کیمسه قعود مذکور دن صکره صوی کوروب
امامی آنک استعمالنه کندنجه قادر بولنمق (۲) .
- (۳) ماسح علی الحف اولان مصلینک مدت مسحی قعود مذکور دن
صکره منقضی اولمق (۳) .
- (۴) آیا غنده کی خفی آندن صکره عمل سیر ایله چیقاره ق (۴) .
- (۵) مصلی اتمی قعود مذکور دن صکره خاطر لاق ویا کوروب
اکلامق طریق یقیده (۵) سوره تعلم ایتمک .

- (۱) مرکب اولان اسم عددک بو صورتله استعمالی غیر جائز ایکن مسائل
آیه عند الفقهاء بو نسبتله اشتهاار ایتمشدر . ط .
- (۲) بیاورکه کندی اخبار یله امام آتی استعماله قادر در . امامک خبری
اولمدیقی ایچون نمازی تامدر . قاله الارر . وسیاتی فی المفسدات ۲۶
- (۳) لان وجد ماء ولم یخف تلف رجله من برد . والا فیمضی . ذکره فی
الحر . وعلیه کلام مذکره فی المفسدات ان شاء الله تعالی .
- (۴) خفله واسم اولفله اخراجی محتاج عمل دکل دیعکدر . زیلمی .
عمل کشیده خروج بضمنه تحقیق ایتدیکیچون خلاف یوقدر . حلی . یعنی
نماز اجاعا تامدر .
- (۵) اگر بشقه سندن اوکرنور ایسه خروج بضمنه متحقق اولفله خلاف
فالماز . حلی .

(۶) مصلى عريان ايكن قعود مذکوردن صکره ساتر (يعنى ستر عورت ايديجى شى) بولمق .

(۷) مصلى نمازی ایما ايله قيلمقده ايكن رکوع وسجوده بعده قادر اولمق .

(۸) صاحب ترتيب اولان کيمسه نمازك قعدہ* اخيره سنده قعود مذکور حصواندن صکره کندينك (ويا صاحب ترتيب اولان امامنك) کچمش نمازی اولديغنى (وقتک اتساعيله برابر) خاطر لاقم^(۱) .

(۹) امام قارىء شخص امي قعود مذکوردن صکره استخلاف ايتمک .

(۱۰) صلات فجير آندن صکره کونش طوغمق .

(۱۱) صلات عييده کونش زواله ايرمک^(۲)

(۱۲) صاحب عذرک عذرى منقطع اولمق^(۳) .

(۱) وقتده طارلق وار ايسه نماز اتفاقا تامدر . ط .

(۲) بونى صاحب در مختار ذکر ايتمشدر . حلييده بوکا بدل واصلاک مفسداتنده بونکله برابر : صلات جمعهده وقت عصر داخل اولمق « مذکوردر . وقت عصرک دخوانده قول امامين قول امامه مخالف ايکن بو مسئله يى بونابک فروغندن قيلمق محل تأملدر . محشينک مفسداتنه باقکمز .

(۳) وکذا وقت صلاتى چيقمق وجبيرهسى عن بره ساقط اولمق .

مسائل مذکوره ده (۱) حکم عند الامام فساد (۲) وعند الامامين
صحت (۳) در .

(در مختارده مرجع در دينش ايسه ده رد المختارده صحت
عبادته مطلوب اولان احتياط انجق قول امامده اولديغي ومتون دخي
قول امام اوزره بولنديغي بيان اولنمشدر (۴) .)

(۱) آنلره شونلر دخي الحاق اولنور : فقد مزيله مبنى نجاست
مانعه ايله نماز قيلمده اولان كيمسه قعود مذکوردن صكره آنى ازاله به
قادر اولمى . قضاء فائنده اوقات ثلاثه مكرهه دن برى داخل اولمى .
جاربه باشى آچيق نماز قيلمده ايكن آنندن صكره آزاد اولوب وعلى الفور
عمل يسير ايله اورنهامك .

(۲) ولا تنقلب الصلاة فى هذه المواضع تفلاً اذا بطلت الا فى ثلاث
فما اذا تذكر فائنة أو طلعت الشمس أو خرج وقت الطهر فى الجمعة .
كما فى الدر .

(۳) لها أن هذه المعانى انما حدثت بعد التمام بدليل ما فى حديث
ابن مسعود : اذا قلت هذا أو فعلت هذا فقد تمت صلاتك . حيث علق
التمام بالعمدة فن شرط شيئاً آخر فقد زاد على النص وهى النص وهى نسخ ولم يجز
بالرأى اه من ط على المراقى .

(۴) شوقدر كه فساد صلات خروج بضمنه نك كنديلر نجه فرضينه
مبنى اولمى زعمى بر دعينك يا كلش بر استنباطى اولوب حضرت امام ايله
امامين آرهنده خروج بضمنه نك عدم فرضيتى خصوصنده خلاف
يوقدر . مسائل مذكوره ده حكمت عند الامام بطلان اولمى بشقه بر
معنايه مبنيدركه : عوارض مذكوره نيت اقامت كى فرضى مغير اولان
شير اولفله حدوننده صلاتك اول ايله آخرى مساوى اولمشدر . مثلاً
متممك صوتى كوروب استتمائه قادر اولمى له نمازيتك بطلانى آنك
فرضى تيمم ايكن وضوء اولمش اولسندندر . بقيه مسائل دخي بوكا كوره در .
كلام قاطم اولوب مغير اولنديغى جهتله بونلره مقيس اوله ماز . حدث عمد
وقهقه دخي مغير دكل ، مبطلدر : كذا ذكره .

مفسدات

فساد : صلاحك ضدیدر . فساد ایله بطلان عباداتده سیاندرکه صحیح اولمیان عبادتده فاسد دنیلدیکی کی باطل دخی دینور . مناکحات دخی منوجه عبادت اولمغله فاسد اینه باطل اندهده مساویدر . بیع مثلی معاملاتده المرفترلردرکه عقدك اقتضا ایتلدیکی شرط ایله بیع ایتمک کی باصله مشروع اولوبده بوصفه مشروع اولمیان : فاسد ، و بیع میتة مثلی نه باصله ونه بوصفه مشروع اولمیان : باطل ، در .

صلواتده صحت که شرعاً معتبر ومسقط فضا اولمقدشروط وارکاته مراعات ایله اولوب ذاتاً صحیح اولمیان ومثلاً آبدستمن یاخود قبله یه استقبالمن قیلانان نمازه فاسد وباطل دنیلدیکی کی شروطنه مراعات ایله شروع اولندقدن صکره مفسدانان برینه مقارنتله صحیح اولمیان نمازه دخی فاسد وباطل ومانع صحت اولان شیتة مفسد یاخود مبطل دینور .

بزشمیری آلردن بحث ایده جکز مؤلف المری (حدث فی الصلاة) عنوانیله زیاه ایتدی کمز فصلده مذکور اولانلره دخی شامل اولمق وجهله تقریباً (۱) النمش سکره ابلاغ ایدیورکه بروجه آتی تعداد اولنور :

(۱) قال : لاتحدیداً . وستصدق . وان امکن ارجاع بعضها الى بعض .

(۱) نمازده عمدأ تکلم .

(۲) سهواً تکلم (۱) .

(۳) خطأ تکلم (۲) .

(۴) عن جهل تکلم (۳) .

(۵) عن نوم تکلم (۴) .

(۱) سهودن مقصود نسیاندرکه نمازده اولدیغی اوتتمقدیر .
اگر دینورسه که فاطم صلات اولقده سلام دخی کلام کی ایکن انده
عمداً یله سبانی نیچون فرق ایتدکر ؟ جواب ویریلورکه سلامده اذکاره
مشابهت واردر . چونکه سلام اسماء الاهدندر وتشهدده مذکوردر .
دیمک که جنس صلاتندر . کلامه کندبسیله خطاب قصد اولندیغنه
ملحق اولور . عملاً بالشبهین حال نسیانده اذکاردن وحال عمدده کلامدن
اعتبار اولمشدر . ط .

(۲) خضاً یا کلمقدر : یاأها الناس دیه جک ایکن یا فلان دیمک کی .

(۳) کلامک مفسد صلات اولدیغی بیلیمه رک دیمکدر .

(۴) اویقلایهرق دیمکدرکه نمازده نائمک قراعتی معتبر اولدیغی

حاله کلامی وقفه ته می مفسد صلات اولاق مختاردر .

حدیث شریفده : « ان هذه الصلاة لا یصح فیها شیء من کلام
الناس انما هو التسمیج والتسکیر وقراءة القرآن . » بیورلدیغی و نسکره
سباق نفیده بواندیغی جهتله کلامک صدوری سهور و خطأ و جهل
ونوم حالارینه شامل قلنمشدر . سبب ورود حدیث راویسی اولان
معاویة ابن الحکم حضرالرینک بر عاطسی نمازده تسمیت ایتمی اولمشدر .
تسکیم مؤلف یکرمنجی مفسده ذکر ایتمشدر . حاجی دیرکه تکلمدن مقصد کلام
ناسدن ایکی و یا ده زیاده حرفی تلفظ ایلکدر . کلام نحوی دکدر اه محشینک
بیانته کوره کلمه مفسد صلات اولاق ایچون آنده حروفک تصحیح اولمسی وایشیداش
اواسی شرط قیلنورکه بونارک بری مفقود اولورسه کلام عد اولندیغیچون فسادده
اولماز . امام خواهرزاده : نماز بلا حروف مسجوع اولان نفخ یله ده فاسد اولوز .
دیمشدر اه .

کلام نمازی افساد ایتدیکی کبی مسجد سهر و نلاوتی و سجده شکره قائل اولانه کوره اتی دخی افساد ایدر . قاله ط فی حاشیه الدر .
کلامک قلیلی دخی کثیری کبی مفسددر . کلام عمل قلیل کبی دکلدکه عمل قلیلدن احتراز اولنه میه جخی جهته او معفودر (۱) .

(۶) کلام ناسه مشابه دعا : اللهم البسني کذا = یا الله بنی شویله اکسا ايله . یا خود : اطعمنی کذا = بنی شویله اطعام ايله . و یا خود : ارزقنی فلانة = فلا تجبه خاتونی بکا نصیب ايله . کبی که و البرک جهت عباددن طلب و تحصیل ممکن اولمغه ادعیه مذ کوره علی الصحیح مفسد صلاتدر (۲) « اللهم عافنی و اعف عنی و ارزقنی » . یعنی : یا الله بکا عافیت ویر و بنی عفو ايله و مرزوق ايله . دیمک کبی دکلدک (۳) .

(۱) چونکه ذی حیانت بدن حرکتدن طبعاً خالی دکلدک . کلام ایسه حرکت کبی طبعی اولدیغندن انک قلیلی دخی ممکن الاحترازدر . ناسیاً اکل صومده معفو ایکن صلاتده غیر معفودر . زیرا حال صلات صلاتی مذ کردر . حال صیام ایسه صومی مذکر دکلدک . ط .

(۲) تکلمده کلام ناسه مشابه دعا دخی داخل ایکن مؤلفک آنی تخصیص باقد کر ایتمی آنده خلاف وقوعنه مبنیدر که امام شافعی حضرتلری آنکله عدم فساد قائلدر . اگر دینورسه که دعا خطاب آدمی اولدیغیچون کلام ناسدن نصن اوله بیلور؟ جواب و بریلور که آنده مخاطبه شرط دکلدک . کورمز میسین که نمازده مثلاً : قرأت الفاتحه . دیبان کیسمه ناک حضورنده مخاطب اوله جق کیسمه بولنمسه بیله نمازی باطل اولور . ط .

(۳) مؤلف بویله دیمکله رزق مقیدی طلب ايله رزق مطلق طلب آرهنده کی فرقه اشارت ایتمشدر که اولکیسی مفسد و ایکنجیسی غیر مفسددر : « اللهم اقض دینی » دعاسنی دخی مؤلف ادعیه مفسده امثله سی میانه ادخال ایتنش ایسه ده

(۷) تحیت نیتیلہ سلام^(۱).

هر نقدر علیکم لفظی سویله مامش و لفظ سلام کنديسندن سهوا
صادر اولمش اولسون .

(۸) لسانا سلام آلمق^(۲) ولو که سهوا اولسون زیرا کلام ناسدر .

(۹) مصاحفة ايله سلام آلمق^(۳) . چونکه عمل کثردر .

« اقض عنا الدين وأغننا من الفقر » سنتده وارد ادعيه دن اولغله دهاء مذکور
دخی مفسد صلات دکلدرد . قولدن طالبي مستجیل اولوب اولماق آره سننده کی
تفصیل قرآنده وسننده وارد اولیان ادعيه حقنده در . ط . نمازده محل دعا قعده
اخيره منتهای ايسه ده مفسدات آندن اوله اولمق قیدبله مقید بولنديفته نظرأبونلرك
افسادی دخی اثناء صلانده وقوعی صورتنده در . شوقدر که او کی ادعيه یی
آخر صلاته قبل السلام دخی ایتک جائز دکلدرد چونکه نمازدن انکله خروج
ایدلش اولغله واجب اولان خروج بالسلام فوت ایدلش اولور . برده نمازده
لفت عربيه نك غیری ايله دعا ایتک حرام اولديغندن رجه لر مقصود بالا فاده دکلدرد .

(۲) تحیت نیتی تعظیم و آشنالقی قصدی دیمکدر که قید مذکور سلام
تحلیلدن احتراز ایچوندرد . زیرا سلام تحلیل که نمازدن چیقماق سلامیدر سهوا اولورسه
نمازی افساد ایتمز : قعده^۱ اولایی قعده^۲ اخيره ظنيله سلام ویرمک کبی . اگر
قطع صلات قصدبله ویریلور ايسه نمازی قطع و افساد ایدرد . یانسوی تراویح
یاخود صلات فجر ظنيله ایکی رکعتده سلام ویرمک کبی صلات جنازه نك غیریده
قائماً ویریلان سلام دخی مفسددر . ط .

(۳) ال و اشارت ايله رد سلام مکروه ايسه ده مفسد دکلدرد . لما روی
أنه علیه السلام خرج الى قباء فجاء الانصار نسلموا عليه فجعل يبسط كفه مشيراً
للرد فجعل بطنه اسفل وظهره الى فوق . وفعله لا يوصف بالسكراهة لانه لتعليم
الجزز . او هی تزيهية . أفاده ط .

(۱۰) عمل کثیرده بولنمق (۱) .

عمل قلیل مفسد صلات اولماز عملک کثیرینی قلیلدن فارق اولان شی شودر که عمل کثیر : آنک فاعلنی کورن نمازده اولمديغنه شدک ایتمز (۲) . اگر شک ایدرایسه او عمل قلیلدر (۳) .

رکوعه وارر ایکن ورکوعدن قالقدقه ال قالدیرمق بزجه مکروهدر ، مفسدکدر (۴)

برچوجق نمازده بولنان امزکلی قادینک ممسه سنی اوچ کره امر

(۱) مقصود اعمال صلاتدن اولیان واصلاح صلات ایچون اولیان هر عمل کثیردر سبق حدنه مبنی شرطجه تجدیدوضوء وامامده استخلاف و صلات خوفده تبدیل صف عمللری مستقنادر . نمازده دوشن فسی آلوب کیمک عمل کثیرکدر وباش آجیق قالمقدن ایسه آنی باشه آلتی افضلدر . تنکیم مکروهات درده مذکوردر . (۲) فاعلنک نمازده اولمديغنه شک ایتامک نمازده طوردیغنی بیلمبانه کوره در . یوقسه بر کیمسه برینک نمازده طوردیغنی مشاهده ایندوبده بعده آندن نمازده منافی بر حال کورسه مثلالنه طارانی آلوب باشنی یاخود صفالی مرات متوالیه طاراسه نمازی قطعیا فاسد اولور . مع هذا که آنک نمازده اولمديغنی تیقن متعیدر . ط .

(۳) دیگر در اودخی تعریف اولنه رفی : اوچ حرکت متوالیه کثیر ، و آنک مادونی قلیلدر . یاخود : ایکی ال ایله یا بلسی عادت اولان شی رال ایله دخی یا بلسه کثیر ، بونک عکسی قلیلدر . یاخود : فاعله مقصود اولان کثیر و فاعلک مقصودی اولیان قلیلدر . و یاخود رأی مبتلایه مفوض اولوب آنک کثیر کوردیکی کثیر و قلیل کوردیکی قلیلدر . دینیلدی اه من ط و ص

(۴) علی الصحیح . ص . و ذکر روایة مکحول عن الامام أنه یفسد . ط . و هی روایة شاذة . کما یأنی فی المکروهات : ۸۲

وسوت کولور ایسه او قادینک نمازی فاسد اولور (۱) .
 (نمازده اولان قادینی ارکک تقبیل ایتمکله دخی قادینک نمازی
 بوزیلور نتمکیم فصل آتیده ذکر ارنور) .
 (۱۱) قبله دن کوکس چویرمک (۲) .
 مکرکه سبق حدنه یا خود صلات خوفده صف دکشدرمکه مبنی اوله .
 (۱۲) خارج فمدن برشی اکل ایتمک ولوصوصام دانه سی قدر
 اولسون .

(۱۳) دیشلری آره سنده کی شیء کثیری اکل ایتمک .
 نخود دانه سی قدر اولان شیء کثیردر آنی عمل قلیل ایله دخی
 اکل ایتسه نماز فاسد اولور . صوصام دانه سی قدر اولان شیء قلیلدر .
 آنی داخل فمدن بلع ایتمک توکریک یوتمق قبیلندن اوله رق ضرر ویرمز .
 اکر چیسکینه یه چیسکینه یه بیرایسه نمازینی عمل کثیرایله ابطال ایتمش
 اولور .

آعزده رشی چیسکینه مک وکوله مک نمازی مفسد اولدیغی کبی
 آغزینه شکر آلوب نمازه طور مق واریدکجه یوتمق دخی نمازی مفسددر .
 کما فی الدر (۳) .

(۱) علی الاصح . و تم افرا فیقال : ای شخص شرب فسدت صلاة غیره ؟
 ط . ولا یشرط فیها یفسد لصلاة الاختیار فان من دفم فغشی ثلاث خطوات بسبب
 الدفع من غیر أن یملك نفسه تفسد صلاته . و کذا لو حمل رجل المصلی فوضعه علی
 الدابة اه حلی .

(۲) کوکس تعبیری یوزدن احترازدرکه یالکز باش چویرمک نمازک
 مکروهاتنددر . قال ط ولا تفسد الا بالحویل الی المغرب أو المشرق . و بعد
 مستقبلاً باستقبال جزء منه .

(۳) مؤلف بونی مکروهاتک ۴۴ نجیسنده ایما ایتمشدر .

- نمازده ساقز چيكنه مك دخي مفسد صلاتندر . صرح به ط .
 (۱۴) برشي ايچمك (۱) .
 (۱۵) بلاعذر تنجنح ايتمك (۲) .
 اكر مانع قراءت اولان بلغمى ازاله كي بر عذره مبنى اولورسه
 نمازى افساد ايتمز (۳) .
 (۱۶) نفخ تراب ويا تضجر ايدر كسي تأفيف ايلهك . يعنى
 اف ياخود 'تف ديوتوز اوفاهمك وياخود برشيدن بزكيتلك
 كوسترمك (۴) .

- (۱) چونكه شرب دخي اكل كي منافي صلاتندر . باشنى سياه
 قالد يروب آغزنى آچمق له بوغازينه طولو ياخود يغمور دانه سى دوشه رك
 جوفنه واصل اولسه نمازى باطل اولور . ص . لوصول شىء من خارج
 الى جوفه . كذا فى البرازية . ط .
 (۲) تنجنح : بوغازى خردلادوب ساندردمكدر كه طبقة قلنده
 و برده باعه او كسور كده اولور . عذر : مكلفه طارى اولان بروصفدر كه
 حقنده سبب تخفيفدر . صوتك اصلاح و تحسينى ايچون ياخود كندى
 امامى خطاسنى اكلايوب طوغرلتمى ايچون وياخود كندينك نمازده
 بولنديغى بيلدرمك ايچون ايدلان تنجنح دخي على الصحيح عذره مبنى
 اولان تنجنح حمله سندندر . كما فى ط .
 (۳) در مختارده : بلاعذر اولان ياخود بر غرض صحيحه مبنى
 اوليان تنجنح مفسد صلاتندر . ديفله رك تكافله اوليوبده طبعندن نشأت
 ايدن تنجنح عذره و تحسين صوت ايچون الخ اولان تنجنح غرض صحيحه
 مثال كستور لمشدر .

- (۴) أبو الطيب : ولذيد الحياة أنفس فى النفس وأشهى من أن يعمل وأحلى
 وإذا الشيخ قال اف فامل حياة وانما الضعف ملا
 آلة العيش صحة وشباب فاذا وليا عن المرء ولي

(۱۷) انین ایتمک یعنی آه دیو اینله مک .

(۱۸) تاوّه ایتمک یعنی آه واوه دیمک (۱) .

(۱۹) بکاسی یوکسلوب (۲) حروف مسموعه (۳) حاصل

اولق .

بوالر یعنی کړک انین ، کړک تاوّه وکړک ارتفاع بکا (که عویل تعبیر اولور) مصلینک کنندده اولان بر وجهه یاخود سودیکنی غائب ایتمک ویا ضیاع ماله اوغرامق سببیلله اولان بر مصیبتیه مبنی ایسه معنی کلام دیمک اولدیفیچون (۴) نمازی افساد

(۱) مجرد مذکوردرکه آه ، اوه کبی اصواتسز نمازقیلمق کندیسنه ممکن اولیان مریضه نمازی قیلمق واجب اولور وبرکون برکیجه دیلی طوتیلهرق نمازی دیلسز نمارکی قیلان وصرکه دیلی آچیلان کیمسه به اعاده لازم اولماز. کذا فی مریض طه وساعیده هناک .

(۲) بکا مرتقم اولق مسموع اولق دیمکدره اگر حروفی کنندی ایشتمدی ایسه نماز بوزلماز تنسکیم مؤلف مسموعه قیدیلله بوکا اشارت ایتمشدر . ط .

(۳) جمعدن مافوق الواحد مقصوددر . بو قیده صوت مجردک مفسداولدیغنه اشارت وارددر . حصول حروف صورتنده محل فساد دخی آندن امتناع ممکن اولق حالیدر . اگر امتناع ممکن اولماز ایسه فساد دخی اولماز : انین وتاوهدن کندیسنی منع ممکن اولیان خسته کبی که آنک او انینی حرف حاصل اولان آقسرقت قیلندن اولور اراط باختصاره .

(۴) کویا که : « خستهیم بنی معذور کورک . » یاخود : « مصاب بنی تعزیه ایدک . » دیمش اولور . دلالت کندینه مخالف صریح اولمدیجه صریح کبی عمل ایدر . بونلری آچیق سوبله مکمله نماز فاسد اولدیفی کبی دلالة سوبله مش اولقله دخی فاسد اولور . یاخود بونلرده اظهاراصف وارددرکه اوده کلام ناس جنسندندر . ط .

ایدر . جنت ویا جهنمی تذکره مبی ایسه خشوعه (۱) دلالت
ایتدیکچون افساد ایتمز . حدیثده : « جناب حقہ آغلایه رق اطاعت
ایدن کوله رک داخل جنت اولور و کوله رک کناه ایشله یان آغلایه رق
داخل نار اولور. » بیورلمشدر .

فروع : امامک قرامتی خوشنه کیدوبده آغلایان و : نهم (۲) .
یاخود : بلی . دییان کیمسه نکه نمازی فاسد اولماز . شیطان وسوسه
ویروبدہ : « لاحول ولا قوۃ الا بالله » دیمک اکر امور آخرت
ایچون ایسه نمازی افساد ایتمیوب امور دنیا ایچون ایسه نماز فاسد
اولور . کندیسنی عقرب صوفققله بسم الله دییان کیمسه نکه نمازی
فاسد اولماز . علی ماعلیه مفتوی . ط .

(۲۰) آقسرائه « یرحمک الله » دیو (۳) دعاء بالخیرایله خطاب
ایتمک (۴) .

(۲۱) شریک باریدن سوال ایدنه « لاله الا الله » دیو جواب یرمک

- (۱) یعنی خوف الله .
(۲) آغاز فقهیه مزدن کتاب الصلواتک الننجی مسئله سنه مراجعت اولنسون .
(۳) بوکا : تسمیت یاخود : تسمیت تعبیر اولنور اولسکیسی افصحدر . ص .
(۴) بو عند العارفین مفسددر . امام ابو یوسفجه دکلدر . ص . خطاب قیدی
شونک ایچوندرکه آقسرائان مصلی آنی کندی ایچون سویلر ایسه « یرحمی الله »
دیمش کبی اوله رق نمازی فاسد اولماز . زیرا یرحمی الله دیمکله نماز فساد
کیتمز . آقسرائوب الحمد لله دیمکله دخی نماز بوزلماز . ط .

(۲۲) فنا خبره جواباً (انا لله وانا اليه راجعون) ديمك .
 (۲۳) اي خبره « الحمد لله » ديو مقابله ايتمك .
 (۲۴) تعجب اولنه جوق خبره « لا اله الا الله » ياخود « سبحان الله » ديمك .

(۲۵) قرآن دن هرشی که آنسکه جواب قصد اولنمشدر (۱) :
 مثلاً کتاب کبی برشی آریانه (یا یحیی خذ الكتاب) (۲) و برشی
 اتیاننی استیذان ایدنه (آتنا غداءنا) و برشی اخذیچون استیذانده
 بولنانی نهیاً (تلك حدود الله فلا تقربوها) ديمك کبی که بولنر
 عند الطرفين مفسد صلاحدر .

اگر جواب قصد ایتمیوب کنی ديمك نمازده اولدیغنی اعلام
 ایتمك ایسترسه نماز اتفاقاً فاسد اولماز .

(۱) مؤلفك بو افاده سی تعمیم بعدالتخصیصدر . چونسکه انا لله
 الخ ولا اله الا الله دخی قرآندر . محشی دیرکه قرآن قیدی غیرسنک حکمی
 اولویتله معلوم اولق ایچونددر : مؤذنه مقابله مصلی کلمتین شهادتینی
 تلفظ ایتسه و اسم اللهی ایشیدرك « جل جلاله » واسم نبی ایشیدرك
 « صلى الله تعالى عليه وسلم » وامامك ختم قراءتنده « صدق الله العظيم »
 واستماع حدیث ايله « صدق رسول الله » دیسه وشیطانك اسمی کچمکله
 اكالعت ایتسه وجرر تسکیر ایتسهیچون واقع اولان طلبه اجابة جهر
 تسکیر ایلسه نماز فاسد اولور اه

(۲) درمختارده بو وشو (ومانلك بیمنك یا موسی) آیتلر یحیی
 و موسی اسملرنده کی شخصلره خطاب قصدیله اوقنمغه مثال کتورلمشدر .
 شاعرك شوقولی کبی عینی قرآنده موجود اولان برشعری مصلی اوقوسه :
 رأيت الذي يكذب بالدين فذاك الذي يدع اليقيا
 دیگر :

وینخرم وينصرکم علیهم ویشف صدور قوم مؤمنینا
 وآنسکه انشادشعر ایتمك ایسترسه نماز فاسد اولور . کافی حاشیته لط .

(۲۶) تیمم ایله نماز قیلقدن اولان کیمسه صوی کورب استعمالنه قادر اولمق یاخود متیمم اوله رق امامت ایدن کیمسه صوی کورمدیکی حالده اکا مقتدی بولنان کیمسه کورب امامده آنی استعماله قدرت بولمق (۱) و کذلک تیممی مباح قیلان هر عذر زائل اولمق.

(۲۷) مدت مسح نماز ایچنده ختام بولمق .
 (۲۸) آیا غندن عمل قلیل ایله دخی نزع "خف" ایتمک (۲).
 (۲۹) برقارنه مقتدی اولمیان امی (۳) نماز ایچنده بر آیت تعلم ایتمک ، کرك تاقی طریقيله تعلم ایتمش اولسون ، کرك تذکر صورتيله تعلم ایلش بولسون .
 (۳۰) عربان کیمسه نمازده شول ساتری بولمقدن که نمازی انکله قیلق کندیسنه لازم و متحتم اوله (۴) .

(۱) پو صورتده فاسد اولان مقتدینک نمازیدر ولوکه کندیسى متوضی بولسون . امام عديم القدره (بیخبر) اولمق جهتيله تام الصلادر . وهی ثانیة الاثنی عشریه قاهر .

(۲) قدمک ساق خفه خروجی دخی نزع حکمنده در . تسکیم کتاب الطاهره نك نواقض مسجنده مذکوردر . نزع خف عمل کثیرایله اولورسه مسئله اوننجییه عودت ایدره . اثنا عشریه نك دردنچیسنه باقکز .

(۳) بو مسئلهده امینک قارنه مقتدی بولنش اولمیی صورتنده اختلاف اولنوب عامه آنک دخی بطلان صلاتی اوزره در لکن ظهیریهده عدم بطلانی تصحیح اولنشدر . فقیه ابواللیث دخی وبه ناأخذ دیشدر . ط . امی : اوقومه بیلیاندر . مصحف اولمدقچه قراسته قادر اولمیان دخی عشی امی عد ایتمشدر . الهی بشنجییه باقکز .

(۴) ساتر : ستر عورت ایدنجی شیدر . قید مذکور ایله هر طرفی نجس اولان یاخود مالکیکی انی مصلییه اباحه ایتمش اولمیان ساتر خارج

(۳۱) ایما ایله رکوع وسجود ایتمکده اولان کیمسه نماز ایچنده رکوع وسجوده قادر اولمق (۱) .

(۳۲) صاحب ترتیب کچمش بر نمازی خاطر لاق .
کرك كندی کچمش كرك امامك کچمش اولسون وحی
صلات و تردن عبارت بولسون .

(انی وقت واسع اولدیغی حالده خاطر لاق قیلانان صلات وقتیه یی
فساد موقف ایله افساد ایدر . نسکیم قضاء فوائت با بنده بیان اولنور .)
(۳۳) ای و معذور مثلی صالح امامت اولمیان امام استخلاف
ایتمک .

(۳۴) صباح نمازی قیلار ایکن کونش طوغمق (۲) .
(۳۵) بیرام نمازی قیلنور ایکن شمس زواله ایرمک .
(۳۶) جمعه نمازی قیلنور ایکن ایکندی وقی اولمق (۳) .

قالشدر . ص . اگر کندی مالی اولدیغی ویا کندیسنه اباحه اولندیغی
حاله . بر ربعی طاهر ایسه یاخود هر طرفی نجس ایسه مصلیده انی
تطهر ایدنه جک شی موجود ایسه صلاتی آنسکله قیلمق لازم اولور .
متعلقات شروذ فصلنه باقکز .

(۱) چونکه نمازک باقیعی قوت بولش اولمقله ضعیفه بنا ایدله مز . ص .
راکباً باشلانیلان نافله نازلان بنا و اتام اولنوب نازلان باشلانیلان راکباً
اتام اولنه مامق مسئله سی بوکا مخالف کورینور . باب نوافله باقکز .

(۲) کونش طوغمق قرص شمس تمامله کورنمک دیمک دکلدر .
بلکه شعاع شمسی کورمک دیمکدرکه آرده جبل کی بر حائل بولنسه
قرص شمس دخی کورنه جک درجه ده بولمقدر . قضا قیلمقده ایکن
اوقات ثلاثه مکروهه دن برینک دخولی دخی بویه در . ط .

(۳) مسئله یی جمعه ایله تقیید وقت عصرک دخولله صلات ظهر باطل
اولمدیغیچو قدر . ط . اثنا عشریه دن اون برنجینک هامشنه باقکز .

- (۳۷) برء والتیامه مبنی جبیره ساقط اولمق (۱) .
- (۳۸) معذورک عذری زائل اولمق .
- انک زوالی بروقت کاملک اندن خالی اولمسیله معلوم اولور (۳) .
- (۳۹) عمداً یاخود صنع غیرایله نمازده حدث واقع اولمق .
- عمداً قیدی سبق حدث صورتنده مصلی صلاتنه بنا ایده بیله چکننددر .
- صنع غیرک مثالی برشی دوشوب ویاایلشوب مصلی یقانا تمقدر .
- (حدث فی الصلاة بحشه باقکر .)
- (۴۰) بایلیق . } بونلر نواقض وضوء ندر قلیل وغیر .
- (۴۱) چیلدرمق } معتد دخی اولسه مفسدد .
- (۴۲) نظرایله ویاخود ناتم متمکن اخلام ایله جنب اولمق (۳) .
- (۴۳) مصلی یه مشتہات محاذی اولمق .
- بو (محاذات مشتہات) مسئلہ سی متون قدماء ومتأخرینده
- ترتیب صفوف فصلانده مندرج ایکن مؤلف انی مفسدتا صلات
- فصلانه کچیرمشدر . انجق شروط معتبره سی احصاده تقصیر ایلش

-
- (۱) برء قیدی لا عن برء اولان سقوطدن احترازدر . ط .
- کتاب الطهاریه مراجعت .
- (۲) مثلاً مستحاضه سیلان دم ایله برابر آبدست آلوب ایکندی
- نمازینہ طورمش وتشهد اخیردن اول کنندیسندن دم منقطع اولمش اولوب
- غروب شمسہ دکن انقطاع ممتدا وایله نمازی فاسد اولمش اولور . ط .
- (۳) نظردن نمازی ابطال ایتیمان نظر مقصود اولدیفی کبی نومدن
- دخی انی ابطال ایتیمان نوم مقصوددر . تسکیم تمکن قیدی آنی ناطقدر .

اولديغندىن مسئله نى بروجە آتى تحرير ايتىمك لازم كىلىدۇ (۱) :
(محاذاة المشتهاة) تركىيىتىدە مصدر كىندى فاغلانمە مضاف ومفعول
محذوف اولمىغە تركىيب مذكورك معناسى مشتهاك مصلى يە محاذاتى
دىمىكدر .

محاذات : معلوم اولدىغى اوزرە بر حىزادە اولمى .
و مشتهاك : اشتها اولنان قادين دىمك ايسەدە بولر بو بابدە
تعيم اولنەرق مشتهاندن مطلقا مصاحبت رجالة صالح اولان قىز
وقادين معناسى قصد و ارادە اولدىغى كىي محاذاتدن دخى قادين
قسمى نمازدە اركىكك يانئە ياخود ايلروسنە طورمىق معناسى
قصد و ارادە اولنمىدۇر

محاذات مشتهاك بالخاصە مفسد صلات رجال اولمى خلاف
قياس اولوب (۲) بر طاقم شروط و قيود ابلە مقيددر . شويلا كە

(۱) شروط صحت اقتدانك برنجىسىندە بومسئله يە اشارت اولنشىدى .
(۲) مقتضى قياس قادينك صلاتنە وامردك محاذاتنە اعتباراً
مذهب شافىدە اولدىغى كىي اركىكك دخى نمازى فاسد اولماقدۇر .
وجه استحسان : امام مسلمك حديثدركە رسول الله صلى الله عليه وسلم
افندىمىز حضرتلرىك خانە حضرت انسە بر يتيم چوجق ابلە حضرت
انسى آرقەلرنە و اختيار بر قادينى دخى آلرك آرقەلرنە بولندىرىق
نماز قىلىش اولدۇلرىنى امام [مشارايە تخرىج] وروايت ايلمىدۇر . اكر
قادينك اركىكە محاذاتى [مفسد صلات اولمىدى او اختيار قادينى ك ارقدە]
يالگىزجە طوردرمازلر ايدى . چونكە صف آرقەسىندە يالگىز طورمىق
بزجە مكروهاندىن ومذهب امام احمددە مفسداندىن . برده حديث
حضرت ابن مسعوددە رضى الله تعالى عنه : « أخروهن من حيث
أخروهن الله » دىو اركىكلرە طائفە نسانك كىرطوردىرلمىر امر اولنمىدۇر .
ايمىدى تأخيرى ترك ايدىن اركىك كىندى موقعى ترك ايتىش اولوب

بين الاثنين مشاركتي مفيد اولان محاذات ارکک ايله قادين آره سنده اولمق وبالخاصه جماعت ايله قيلتان نمازه عائد بولنمق اوزره حصراً ارککک نمازینی (۱) افساد ايديجي اولوب محاذات مذکوره موجب فساد اوله بيلمک ايچون :

اولاً مصلينک مکلف اولمسی شرطدر . صلات صبی محاذات مشتهات ايله فاسد اولماز . مشتهاتده سن معتبر دکدر . طقوز ياشنده کی قیز چورجفی نصل اولسه مشتهات یعنی مصلحت رجاله صالحه در . یدی سکن ياشنده کيلر عیله (وجودلی) اولمق شرطيله مشتهاتدر . آندن کوچکی مشتهات دکدر . عجز شوهام یعنی پک چرکین اختیار قادين دخی حال ماضی اعتباريله مشتهاتدر . و مشتهات ، مطلقدر : حره یه و جاريه یه و محرمه واجنبيه یه و سلميله یه شاملدر . یعنی مهلی یه جماعت اوله رق محاذی طوران قیز و یا قادين اکا کرک اجنبی و نامحرم اولسون ، کرک والده و یا همشیره کی محرم بولسون ، کرکسه کندی زوجیه سی و یا جاريه سی اولسون مفسد صلات اولمقده بولر

امامنه تقدم ایدن مقتدی و کلام و حدث عمد مثلی منافی صلاتی مرتکب کی اوله رق فاسد الصلاة بولنوره قادينک نمازی ایسه بویه دکدر چونکه امر تأخیر آنره دکل . ارککله در . وللرجال علیهن درجه . اگر حین محاذاتنده ارکک اکا تأخیری اشارت ایدرده او تأخر ایتمایسه او حالده موقعی او ترک ایتمش اولمق جهتيله یالکز قادينک نمازی فاسد اولور . برده محاذات ایندیکی ارکک کندی امامی ایسه آنک نمازی فاسد اولمقده مقتدیی بولنان قادينک دخی نمازی بالطیم فاسد اولور . کافی التبین والبحر .
(۱) مکرره ارکک قادينک دخی امامی اوله . او حالده هرا یکسینک نماز لریفی . کامر .

هې يکديکړه مساویدر . (مشتہات) قیدی اسم مفعول مؤنث اولوق
اعتباریله امر ددن احترازدرد^(۱) .

ثانیاً آره لرنده محاذات وقوع بولان مذکر ومؤنث ایکی شخصک
ایکسی دخی نمازده بولنمق شرطدر^(۲) . نمازده بولنان برا ککک یا ننه
بر مشتہات کلوب مجرد طور مق ایله مصلینک صلاتی فاسد اولمديغی کبی
کلان مشتہات مجنونه اولوب مصلی یه بروجه محاذات نمازده دخی طور سه
مجنونه نک نمازی منعقد اولمديغیچرن مصلینک صلاتی یننه فاسد اولماز .

ثالثاً بولندقلری نماز صلات مطلقه^(۳) اولوق شرطدر . جننازه نمازی
رکوعسز وسجودسز اولدییی ومیتہ دعادن عبارت بولندیی ایچون

(۱) کرچه طباغ غیر سلیمه اسحابچه او دخی مشتہا اوله بیلور ولکن
فساد صلات عروض اشتهایله معلل دکدر بلکه بو بابده علت فرض مقامی
ترکدر . کما مر بیانہ .

(۲) نمازده بولنقی مؤلفک افاده سنه کوزه نمازی ایما ایله قیلغہ دخی شاملدر .
محشینک بیانته کوره شو صورته دخی شاملدر که مثلاً ایکندی نمازی قیامده
اولان برار ککک یا ننه بر مشتہات کلوب اوکله یی واکا اقتدایی نیت ایدرک
علی وجه المحاذاة نمازده طور سه مشتہاتک قیلدیغی نماز نافله اولورق صحیح اولقله
نمازده محاذاة اشتراک حاصلی و نمازله فاسد اولمش اولور اه بالا صاله ارککک
وبالتبع قادینک نمازی فاسد اولمدر . کما مر . بو مسئله ایچون شروط صحت
اقتداتک دردنجیسنه مع الهامش نظر اوانسون .

(۳) وهی ماعهد مناجاة للرب سبحانه وتعالى وهی ذات الركوع والسجود
أو الاعاءه للعذر اه بحر .

صلات مطلقه یعنی صلات کامله و حقیقیه اولدیغندن محاذات مشتہات ایله فاسد اولماز (۱) .

رابعاً بولندقلری نماز بینلرنده تحریمه و اداء مشترک اولمق شرطدر . نمازده اشتراک ایکیمی بر امامه اولمق و یا خود مشتہات کلوب محاذی طور دیغی ارککه اقتداده بولنمق ایله اولورکه بوکا من حیث التحریمه اشتراک تعبیر اولنور . صورت اولاده آنلرک هر ایکیمی کندی تحریمه لرینی بر امامک تحریمه سنه و صورت ثانیه ده بری امام و دیگرکی اکا مقتدی بولنمقله مقتدیه اولان مشتہات کندی تحریمه سنی اقتدا ابتدکی مصلینک تحریمه سنه بنا ایتمشدر . بو اشتراکده مشتہاتک اول صلات امامه یتشمی شرط اولمیوب حتی امام برویا دها زیاده رکعت قیلدقدن صکره مشتہاتک مسبوقة اوله رق کلوب اقتدا ایتمسندن دخی محاذات مفسده سی معتبردر . و اشتراک مذکور مفترضک مفترضه و متنفلک متنفله اقتداسی مثلی اتحاد حقیقی ایله اولدیغی کی متنفلک مفترضه اقتداسی مثلی اتحاد ضنی ایله دخی اولور . اداء اشتراک تعبیرنک معناسی المړک قیلدقلری نمازده حقیقه و یا حکماً امام بولنمق دیمکدر . مثلاً مدرک اولان مقتدینک امامی حقیقه موجود اولدیغی کی لاحق اولان مقتدینک امامی دخی حکماً موجوددر (۲) . بناءً علیه انار هم تحریمه لرینی امامک

(۱) وانما لا یصح اقتداء الرجل بالمرأة فیها تشبهها بالصلاة المطلقة فی اشتمالها علی التحريم والتجلیل . ط .

(۲) آنک ایچون او اوقوماز و کندی سهوی سببیه سجود سهو ایتمز .

تحریمه سنه و هم ادا لرینی امامك ادا سنه بنا ایتمش بولندقلرندن قیلدقلری نماز بیلنلرده تحریمه و اداء مشترک اولمش اولور . منفرداً قیلنان نمازده تحریمه اشتراک اولدیغی کبی مسبورک بعد فراغ الامام قضاء ماسبق حالتده کی انفرادنده (۱) دخی من حیث الاداء مشارکت اولدیغندن اندن صکره کی محاذات مشتهات افساد صلات ایتمز . لاحقک لاحقه طریق تجدید وضوءده محاذانلری دخی المر اولوقت حقیقت صلات ایله دکل ، اصلاح صلات ایله مشغول بولندقلرندن (۲) بیلنلرده من حیث التحریمه مشارکت موجود ایسه ده من حیث الاداء مشارکت مفقود اولدیغندن موجب فساد اولماز .

خامساً ایسکیسی بلا حائل بر مکانده بولنمق شرطدر . اکر مکان مختلف اولوب مثلاً بری بر آدم بونی یوکسکده و دیگر آجاقدی بولنه رق مشتهاتک هیچ بر عضوی مصالینک هیچ بر عضوینه محسادی کلز ایسه فساد صلات دخی اولماز . کذلک مکان متحد اولوبده آرده حائل بولنمق دخی رافع محاذات ودافع فساددر . حائلک ادناسی مصلی به ستره اوله بیلان مقداردرکه لا اقل بر ذراع رفعتنده اولور (۳) . آرده

(۱) آنک ایچون او اوقور و کندی سهوی سببیه سجود سهو ایدر .

(۲) آنلر کرچه حرمت صلاتده درار ولکن حقیقت صلاتده دکلدرلر .

زاده ابن الهمام علی ماذکره الزیلعی

(۳) ستره بی معرف اولق اوزره اثرده وارد مؤخره رجل بووجهله مفسر

اولوب محشینک بوراده کی « أی فی غلظ اصبع » قولی اتخاذ ستره فصلنده کندیبی خلاف مذهب بولدیغیچون ترك ایتمشزدر .

مُقرِّبه (فاصله) بولنمق دخی حائل مقامنه قائمدر . انکده ادنی مرتبه سی بر آدم صیغه جق قدر اولان آچیققلقدر . مکانک حکماً اتحادی محاذانک مفسد صلات اولمیچون کافیدر . مثلاً مشتهات برقامت مادونی مصلیدن آشاغی ویا یوقاری بوانسه محاذات قسماً موجود اولمغله مکانلر حکماً متحد عدد اولنور . مصلینک نمازی فاسد اولور .

سادساً امام وقت شروعده (۱) او مشتهاتک ویاخود علی الاطلاق طائفه "نسانک امامتنی نیت ایلش اولمق شرطدر . اگر امامده نیت نسیاق ایدیسه مشتهات داخل صلات اولمغله شرط رابع تحقق ایتماش (۲) یعنی مشتهات محاذیه ایله مصلی* محاذی آره سنده اشتراک صلات بولنماش اولور .

سابعاً آنلر جهتلری دخی متحد اولمق شرطدر (۳) . جهتلر مختلف اولور ایسه نماز فاسد اولماز .

(۱) لایعده . وقال زفر لا يشترط نية امامتها قياساً على الرجال . وانما أنه يلزمه الفساد من جهتها فلا بد من التزامه بالنية كالمتدنى لما يلزمه الفساد من جهة الامام لا بد من التزامه بالنية بخلاف الرجال اه من التبيين باختصار .

(۲) وبعضهم «هذه الشرط متسقة عنه لعلمه من قيد الاشتراك اذا اشتراك الابنية الامام امامتها لانه اذا لم ينو امامتها لا يصح اقتداؤها . ط .

(۳) اختلاف جهت انجق جوف کعبه ده اولور و برده ایله مظلمه ده هر بری بالتحریر بر جهته متوجهاً نمازه طورمق تقدیرنده تصور اولنه بیلور . زیلعی . بونک ایچون اولمیدر که مؤلف بو شرطی ذکر ایتماشدر . شروط محاذات اکا کوره هم ساق وهم کعب ایله اولمق اوزره ینسه طغوزدر . حمیدیه من حیث التحریمه ومن حیث الاداء اولان اشتراک آبرو آبرو صابیلهرق اونه ابلاغ اولنمشدر .

ثامناً مصلی محاذات ایدن مشتھاته کیر و طور مسیچون اشارت ایتمش اولماق شرطدر .

اگر مصلی (۱) او اشارتی ایتمش اولوبده مشتھات کیر و طور مامش بولور ایسه مشتھاتک نمازی فاسد اولور (۲) . مصلینک نمازی فاسد اولماز (۳) . انک ایلروله مسی دخی لازم کلز (۴) . چونکه انده کراحت واردر .

ناسعاً محاذات بر رکنده اولماق شرطدر (۵) .
(۴۴) نمازده کنندیسنه سبق حدث واقع اولان کیسه انک (۶) تجدید وضوء قیدنده اولدیغی صروده عورتی ظاهر اولماق (۷) .

(۱) مصلی تعبیری امامه دخی شامل ایسهده سوز مقتدی حقننده اولوق متبادردر . چونکه امام نمازده ایلرولیه یلور . آنده تقدم مطلوبدر . کما فی الفتح وط .

(۲) چونکه فرض مقامی او ترک ایتمشدر . کما فی الفتح وط .
(۳) مکرکه مصلی آنک امامی اوله . کما قدور .

(۴) بومقتدی حقنندهدر . چونکه امامک مشتھاته تقدمی مطلوبدر . ط .
(۵) مؤلفک بیانته کوره امام عمده بالفعل اداء رکنی شرط قیامشدر . امام ابو یوسف اداء رکن مقداری توفقی کافی کورمشدر . زیلعی دیرکه مشتھات کلوب برصفا افتتاح تکبیری آسه و دیگر صفا رکوع وصف دیرکه سجود ایله هر صفدن آنک صاغ وصوله وآرقه سنه محاذی بولنان برر مصلینک نمازلی فاسد اولور .

(۶) کرک ارکک ، کرک قادین . ط .

(۷) مؤلف دیرکه ظاهر روایتده بحال ولوکه اضطراری اولسون : قادین آبدست ایچون قولانی آچمه مضطر اولوق کی . علی الصحیح اه نیبنده مثال اوله رق ارکک سبق حدثن صکره لاجل الاستیجاء انکشافی دخی ذکر ایدلمشدر . محشی دیرکه خانیهده حال اضطرار

(۴۵) نمازده کندی سنی حدث سبق ایدن کیمسه آبدست آلمه کیدر ایکن قرات ایتمک .

(۴۶) یاخود بعد الوضوء اتمام صلا نه کلور ایکن قرات ایتمک . چونکه صورت اولاده بر رکنی هم مع الحـ حدث وهم مع المشی و صورت ثانیه ده مع المشی ادا ایتمش اولور^(۱) . تسبیح وتهلیل واستغفار مانع دکلدر .

(۴۷) سبق حدثدن صکره بر رکن ادا ایده جک قدر بیدار اوله رق بلا عذر طور مق .

اما زحام جماعته بناء یاخود بور نئدن کلان قانک انقطاعنه انتظاراً مکث ایدرسه و یاخود متمکناً او یومق انئاده بورنی قانامش اولوبده او حال اوزره بر مدت نائم قالمش بولنور ایسه نماز فاسد اولمیوب بنا جائز اولور . تنکیم شروط جواز بنانک طقوزنجیسنده ذکر اولندی . حال رکوع و یا سجوده کندی سنیه سبق حدث واقع اولان کیمسه افساد صلاتدن احترازاً اتمام رکن نیتیه دکل ، نیت تطهر (توضؤ) ایله رفع رأس ایدر^(۲) .

استثنا اولوب « او کیمسه کشف عورته مضطر اولور ایسه نمازینه بنا ایده بیلور والا ایده مز » دینلشدیر . تنویرده و شرحنده دخی بویله مجزوم بولنشدیر اه شروط بنادن یدنجینک شرحنه باقکز .

(۱) بوده سبق حدث حال قیامده واقم اولمق صورتنده ظاهر در . اما بعد الركوع یاخود بعد السجود واقم اولورسه وجه مذکور ظاهر اولمه مز . مکرکه « او حالده ده اداء رکنه شبه اولور » دیبه لم . عبارله مطلقدر . ط . شروط جواز بنادن بشنجینک و آلتنجینک شرحرینه باقکز . (۲) شرح کیرده « بنایتیه رفع رأس ایدر و سترأ قانبورلشهرق

(۴۸) نمازده کند یسنه سبق حدث واقع اولان کیمسه آبدست آلتی ایچون یاقین اولان صوتی آلتی موجود ایکن عمداً کچوب ایکی صفدن زیاده اوزاقده کی صویه کیمتک (۱).

نمازده کند یسنه سبق حدث واقع اولان کیمسه ایچون عند الحاحه قاپو آچمتی وحدثندن حاصل اون نجاستدن (۲) ثوبی تطهیر ایتمک وکندندن القاء نجس ایلک (۳) و آبدسته فروض ایله اکتفا ایتمیوب

والی بورنه طوتهرق کیوله یوب بعده تجدید وضوء کیدر « دیو مذکوردر . هیچ برشی نیت ایتماش اولق صورتنده نماز ایکی روایتک برینه کوره فاسد اولور . رکوعدن تسمیع ایله رفع رأس ایدن اداء رکن قصد ایتماش دیمک اولقله بنا ایده مز . کافی ط .

(۱) قیود مذکوریه نظراً مصلی کندینه یاقین اولان صوتی آله حق آلت بولندیغی و اوزاقده کنده بولندیغی ایچون کچرسه نماز فاسد اولماز . مؤلف عامداً دیمکله بلا عذر معناسی قصد ایتماشدر . مثلاً صو موقعک طاراقنه یاخود اورایه آوصولک کوچلکنه و یاخود قریب اولان صو اونودلایقنه و یاخود قیودن چکمک لازم کله جکنه مبنی آلتی براغوب اوزاغه کیدرسه از فاسد اولماز . ایکی صفدن زیاده اوزاق قیدینه نظراً ایکی صفق یر قدر اوزاغه کیدرسه نماز ینه فاسد اولماز . صو موجود اولیان یرده تیمم ایتمک دخی آبدست آلتی کیدر . ط . شروط جواز بنادن سکزنجینک شرحنه باقکر .

(۲) اگر اونجاست کندی حدثندن حاصل دکل ایسه عند الطرفین صلاتنه بنا ایده مز . فرق بودرکه صورت اولاده کی تطهیر تبعاً للوضوءدر . بو صورتده کی تطهیر ایسه ثوب و یا بدنی ابتداءً غسل دیمکدر . اگر هم خارج بدن و هم سبق حدثن کند یسنه نجاست اصابت ایتماش ایسه ایکیسی موضع واحدده دخی اولسه بنا ایده مز . ط . شروط جواز بنادن ایکنجینک شرحنه باقکر .

(۳) حدثنک غیریدن متنجس اولان ثوبی ساتر عورت بشقه بر ثوب طاهری وار ایسه اوزرندن آتمق کافی اولور . ط .

سنت وضوءى دخى ايشله ملك واردر (۱) .

(۴۹) مصلی ظنّ حدث ايله - مثلاً بورندن نازل اولان صوبی
قان ظن ايدرك - مسجددن چيتمق .

چونكه بلا عذر نمازك منافيسى موجود اولمشدر كه اوده مشيدر .

(مسجد تعميري سامعه و خانه و عرصه درونه شاملدر . كافي
التبيين .)

اكر مسجددن و ياداخل عرصه و خانه دن و نماز كاهدن خارجه
چيتماش ايسه قصد اصلاحه مبنى استحضاتاً نماز فاسد اولماز (۲) .
مسجدمكن صلات اولمق اعتباريله انك هپسى مكان واحد حكمنه در . كافي

(۱) مؤلف بو ميانده قوغه نك دليكنى ديمك اولديغى دخى ذكر وزياده
ايتمش ايسه ده محشى مرحوم : « بحرده مذکور اولان بودر كه او كيمسه دليك
قوغه يي ديكر ايسه نمازينه بنا ايده مز . صوبى اشارت ايله طلب ايتمك و ياخود
بيع تعاطى طريقيله اشترا ايلمك دخى اكا جائز اوله ماز . » ديمشدر اه .

(۲) امام محمد قولنجه او كيمسه مسجددن چيتماسه استيناف صلات ايلر .
زيرا نفس الامرده ثابت بر عذر مبنى اولميه رق نمازدن آيرلشدر . مقتضاي
قياس دخى بودر . تنكيم اللى برنجى مفسده مذکور اولديغى اوزره ماسح مدت
مسحقى منقضى ، و متميم كورديكى سربانى صو ، ظن ايدر و ياخود مصلی اوزرنده
نجاست مانعه وبا صلات فائنه بولنديغى توهم ايله رك نمازدن آيرلمق مفسد صلات
ومانم بنادر . وجه استحضات ذكر اولنديغى اوزره قصد اصلاحدر كه او كيمسه
نمازيني ترك ايتمك اوزره موضعندن آيرلامشدر . توهم ايتديكى شى تحقيق ايتمك
تقديرنده تجسسديد وضوء ايچون مسجددن دخى خارجه چيتمق آبدستنى

مسجد سهو الطحطاوی - (۱) .

قادرین قسمی ظنّ حدثه مبنی نمازی براغوب نمازکاهندن اینر یعنی خانه‌سی دروننده نمازگاه اتخاذ ایتدیکی یردن چیقار ایسه نمازی فاسد اولور . چونکه اکا کوره اوراسی ارککه کوره مسجد منزله سنده در . حتی قادرین اوراده اعتکاف دخی ایدر . کما فی التبتیین وفتح القدر . نماز قیرده قیلندیغته کوره مکان صفوف یاخود موضع ستره مسجد حکمنده در . عدد آتی ایشته بو حکمی ناطقدر :

(۵۰) مسجدک و او حکمنده اولان مواضع مذکورہ نک غیریده یعنی صحرا ده نماز قیلان کیمسه ظنّ حدثت ایله صفوفی یاخود اوکننده کی ستره فی تجاوز ایتک .

آلوب نمازینہ بنا ایدر اولدیغی کی توهم مذکور صورتندہ دخی مسجددن خروج ایله مکان مختلف اولدیغجه قصد اصلاح حقیقت اصلاحه الحاق اولنور . تسکیم حق بغانده تأویل فاسد تأویل صحیحہ الحاق اولنهرق آنلرک انلاف ایتدکلی افس و اموال کندیلمرینه بعد التوبه تضمین ایتدیرلمز . واسرای مسلمین ایله تترس ایدن کفارہ سلاح آتیلور . مسامینه اصابت ایتک ظنی غالب اولسه ده کفاری وورق قصدی حقیقه آنلره آتقی حکمنده طوتیلهرق رمی مذکور مباح اولور . نهاییه دیمشدرکه امام محمدک مخالفی مسجدک قیوسی قبله دیوارنده اولدیغنه کوره در تاکه انصراف متحقق اولسون . أما مسجدک قیوسی قبله دیوارنده اولوبده ظنّ حدثت ایله یوریان مصلی داخل مسجدده یوزی قبله یه اولهرق یوریمش بولنور ایسه نماز اتفاقاً فاسد اولماز . کذا فی التبتیین والفتیح والعنایة .

(۱) نمازی افساد ایتیمیان شیاره دائر اولان فصل آتیده مسجد کبیر حقنده اولان هامشی اوفویکز .

قیرده نماز قیللمقده اولان کیمسه جماعتده اولدیغنه کوره هر طرفدن مکان صفوف ، ومنفرد بولندیغنه کوره هر طرفدن موضع سجودی مقدار محل انک ایچون مسجد حکمنده در . اوکده ستره وار ایسه کرك جماعت وکرك منفرد حقننده اوک جپندن حدمنتهی اودر . ستره یوق ایسه منفرد ایچون ارکدن حدمنتهی : موضع سجده ، وجماعت ایچون آرقده کی صفر مقداری محل ، در . ایدمی ظن وقوع حدث ایله مسجددن چیقماق اوزره محل صلاتدن آیرلق جامعده کی مصلی یه کوره مغفر (معفو) اولدیغی کی قیرده کی مصلی یه کوره مسجد حکمنده اولان مذکور حدودی تجاوز ایتامک اوزره موضع صلاتدن آیرلق دخی معفو اولوب انلری کچمک مسجددن چیقماق کی مفسد صلات ومانع بنادر . أفاده ط هنا وفي سجود السهو .

(۵۱) کندیسنی آبدستسز یاخود مدت مسحی منقضى ظن ایدرك ویاخود اوزرنده فائته ویا نجاست مانعه بولندیغنی تخیسل ایلمیه رك^(۱) موضع صلاتدن آیرلق .

بونده مسجددن و امثالندن خروج ایتسه بیله نمازی فاسد اولور . زیرا نمازدن انی اصلاح عز میله دکل ، ترك ایتمک اوزره آیرلشد^(۲)

(۱) فائته کچمش نمازدن . صاحب ترتیب اولان کیمسه ظهیری قیلار ایکن فجری قیلدیغنی توغم ایتمک اکا ، واوزرنده کوردیکی لالی خون خولیا ایتمک نجاست مانعه به ، مثال اولور . متعم کوردیکی سرابی صو ظن ایتمک دخی بو نوعک امثله سندندر . قرق طقوزنجینک قیلانده کی هامشه باقکز . (۲) وقوع حدث ظننه مبنی نمازدن آیرلق ایله بو ظنونه مبنی آیرلنهك

(۵۲) مصلی امامنک غیری به فتح قرات ایتمک (۱) .
 زیرا بلا ضروره اکا تعلیم دیمکدر . فتحک تکرار ایدلش
 اولسی دخی فساد صلات ایچون علی الصحیح شرط دکلدر .
 زیلعی

امامنه فتح ایتمک جائزدر (۲) هر تقدیر امام قسدر مفروضی

آرهمسندگی فرق اشته بودر . ص . مؤلف بوراده « بزم بو ذکر ایتدی کمز
 شیلر ایله سبق حدث سماوی به مبنی بناء صلاتک شروطی معلوم اولوب آنلری
 آبرو بابده ذکر ایتمک حاجت قالمدی » دیمش ایسه ده ششی مرحوم : مؤلف بو
 خصوصده قومه مخالفت ایتدی و ذکر ایتدیکی شی ایله بیانته احتیاج اولان
 حدث فی الصلاة احکامنی استیفا ایلش اولمادی . دیمشدرا ه حسد اولسون بو
 عبد عاجز اثر قومه افتنا ایله باب مخصوص عقد ایدرک حدث فی الصلاة احکامنی
 وجواز بنا شروطنی ومسائل استخلافی استیفا ایلدی . أحمد و استغفره .

(۱) او غیر کرک نمازده اولسون ، کرک اولسون . بوده اکا تعلیم قصد
 ایتدیکندهدر . چونکه بلا ضروره جواب واقم اوله رق کلام ناسدن اولش
 اولور . اکر تعلیم قصد ایتمیوبده قرات قصد ایتمش اولور ایسه نماز فاسد
 اولماز . کنندیسيله برابر نمازده اولمیانندن امامک اخذ قرات ایتمبيله دخی نماز
 فاسد اولور اه من ط . دامادک « وفیه اشاره إلى ان صلاة المفتوح علیه لم تفسد
 بالاخذ » دیمسی علی الاطلاق دکلدر اه « امامنک غیری به » تعیری مقتدینک
 مقتدی به و نمازده اولمیان و منفرداً نمازده بولنانه و امامک و منفردک هانکی شخص
 اولورسه اولسون اکا فتح قرات ایتمبيله شاملدرکه بولنرک جمله سی من غیر
 ضرورة تعلیم و تعلم دیمکدر . کما فی التبيين .

(۲) مقتدی کنندیسيله برابر نمازده اولمیانندن ایشیدوبده امامنه فتح ایدرسه
 هپسنک نمازی باطل اولق لازم کلور . چونکه خارجدن تلقینسدر . ط . فتح
 قرات قراتی آچمق دیمکدرکه او قویان یا کلدقده یا خود طوند قده اولور . نمازده

اوقومش ویاخود آیت اخرايه کچمش بولنسون . علی الصبح .
چونکه بونده هم امامنک وهم کندیکنک نمازینی اصلاح واردر (۱) .

(صحیح اولان بودرکه امامنه فتح ایدن مقتدی قراتی
دکل ، فتحی نیت ایلر . زیرا فتح مرخص فیهدر . قرات
مقتدی ایسه محظوردر . ط (۲) .)

محصور اولان فتح قرات اکا تعلیم دیمک اولدیغندن مفسد صلات اولق مقتضای
قیاس ایسه ده مقتدی کندی امامنه فتح ایدرسه نماز استعساناً فاسد اولماز .
حضرت خواجه عالم صلی الله تعالی علیه وسلم نمازده سورہ مؤمنینی اوقورلر
ایکن برکله کچمشلر ایش . بعد الصلاة : ایچکرده ابی یوقمیدی ؟ دیو اقرأ
اصحاب اولان ابی بن کعب حضرتلرینی صورمشلر . حضرت مشار الیه : بلی
یا رسول الله . دیو عرض موجودیت ایتدکده : بسکا فتح ایتملی دکلمیسنک .
بیورمشلر حضرت ابی : بن او کلمه یی منسوخ اولمش ظن ایتدم . دیمکله ائندمز
حضرتلری : اکر منسوخ اولسه سزه بیلدیرر ایدم بیورمشلردر . حضرت علی
کرم الله تعالی وجهه دخی : « اذا استطعمک الامام فاطعمه » بیورمشلردرکه امام
سنک فتحکه محتاج اولورسه فتح ایت دیمکدر . مؤلفک تعلیل آتیبسی عقایدنر .
(۱) چونکه فتح ایتماش اولسه احتمالکه امامک اسانندن مفسد صلات
اوله جق برشی جاری اولور . فتح قراءنده صلات امامی اصلاح اولغله آنک صلاحیله
صلات مقتدی دخی صالح اولمش اولور .

(۲) مقتدینک کندی امامنه فتحی تعجیل ایتیبسی احتمالکه امام درخاطر
ایدیوره جکندن بلا حاجه بر تاقین دیمک اوله رق مکروه اولدیغی کبی امام بعد
الحصر سکوت ایدوب طورمق ویاخود آیتی تکرارلامق طریقيله مقتدی یی فتحه
مجبور ایتمک دخی مکروهدر . یاشقه برآیته کچرکه اکا آتلامقده صلاتی افساد
ایدن برشی لازم کلمز اوله . یاخود سورہ اخرايه انتقال ایدر . ویاخود مقدار
مستحب وعلی قول مقدار مفروض قرات ایتمش ایسه رکوعه کیدر . ط مع

(۵۳) بر نمازی قیلدقده ایکن انک غیری بر نمازه (۱) انتقال قصدیله (۲) تکبیر آلق (۳) .
اما قیلدیغی نمازی استیناف عزمیله آلدیغی تکبیر نیتی تلفظ ایتدکجه انی افساد ایلز (۴) مکرکه مسبوق اوله . چونسکه مسبوق ایله منفرد حکماً متخالفدر .
(استخلاف بحثنده کی استطرادی اوقوبکز) .

بومسئله نك ایضاحی شویله درکه : بر کیسه بر نمازی مثلاً بر رکعت قیلدقدن صکره « الله اکبر » دیو ایکنجی بر افتتاح تکبیری آلق و تعبیردیگر ایله نمازه بر ایکنجی باشلاش یا بق (۵)

البحر . ظاهر اولان قول اولدر . زیرا صلی الله تعالی علیه وسلم افندمز حضرتاری بعد الفاتحه سورہ مؤمنینی اوقومش اولدقاری حاده حضرت ابیه « هلا فتحت علی » بیورمشلردر اه من الشر نبالیة .

(۱) ولو من وجه غیری اولسون . مثلاً صلات جماعت صلات واحدک فی الجملة غیریدر . امامت نسایی یاخود صلات واجبی نیت ایدرک تکبیر آلق دخی بوبله در . ط .

(۲) آنی تحصیل ایتمک و بولندیغی نمازدن چیقماق ایچون : منفرد اقتدایی و بالعکس مقتدی انفرادی نیت ایتمکده اولدیغی کبی . و تکبیر ایله بر فرضدن دیگر فرضه یاخود نقله و یاعکسنه بانیته انتقال ایتمک کبی . ص .

(۳) تکبیر ایله تقبید شونک ایچوندرکه زیرا یالکز قلیله نیت ایدرسه نمازنی قطع ایتمش اولماز . ط .

(۴) ماضی فاسد اولینجه آنکله نمازینک آخر اولدیغی شی اوزربنه (که صوک رکعتدر) قعود ایتمک لازم اولور . کندی ظننه اعتماداً آنی (یعنی قعودی) ترک ایدرسه نمازی باطل اولور . ولایفسده الجلوس فی آخر ماظن أنه افتتاح به . ص . و سنوضح ذلك .

(۵) معلومدرکه ال قالدرمق سنئدر . افتتاحک شرطی دکلددر .

ایسکین خالی اولمیوب : ایکنجی باشلادیغی نماز اولکینک یاعینیدر ویاخود غیریدر .

عینی اولدیغنه کوره لفظاً نیت ایتمش اولدقجه (۱) اولجه قیلدیغی رکعت فاسد اولمیوب نمازینک عدد رکعاتنه محسوب وقلباً ایتدیکی نیت تحصیل حاصلی نیت دیمک اولدیغیچون اغو اولمش اولور (۲) و آرتق قعده* اخیره ار محسوبیتنه کوره اجرا ایدمک لازم کلوب شاید اولجه قیلدیغی رکعتی کندی زعمنجه فاسد بیلرک اندن صکره (مثلاً) صلات ظهره کوره اوچ برینه درت قیلار و اوچنجی رکعتده اوطورماز ایسه قعده* اخیره یی ترک ایتمش اولدیغندن فرضی باطل اولور .

غیری اولدیغنه کوره اولجه قیلدیغی رکعتی افساد ایتمش اولور (۳) . بوناک معاملاندن نظیری اموال متقومه دن اولان برشیقی ایکی اهل عقد ثمن مسعی اوزرینه آلم صاتم ایدوپ بعده ثمن مسمای تزبید ویا تنقیص وجهله تجدد عقد ایلک ، ویاخود

(۱) چونکه لفظاً نیت کلام ناس اولدیغیچون مفسد صلاتدر . بونی صلات دیگره انتقال صورتنده ذکره حاجت یوقدر . زیرا صلات مغایره یه انتقالک حکمی تلفظ و عدم تلفظ ایله اختلاف ایتمک اوزره فساددر . صرح به ط فی حاشیه الدر . (۲) مؤلفک استدراک ایتدیکی مسئله اشته بودر . بوندن مسبوق مستثنادر . تنکیم استطراد سابقده کی مسبوق احکامندن معلوم اولشددر . وسنعبده فی الهامش الذی بعد هذا .

(۳) چونکه ایکنجی یه شروع صحیح اولغله اولکندن بالضروره چیقلش اولق لازم کلور . برنجیدن خروجک مناطی اکا مغایر اولان ایکنجی یه شروعک صحیحدر . کما فی الفتح والبعر . بو بابده مانحن فیه بو صورتدر .

ینه او ثمن اوزرینه عقد سابق تکرار ایتمک، در که صورت اولاده عقد ثانی و صورت ثانیه ده عقد اول معتبر در (۱).

غیر یتده من وجه مغایرت کافی، (۲) و عینیتده من کل الوجوه عینیت لابد، در که اوده بر نمازی عیناً استیناف ایله اولور. (۵۴) تکبیرده یعنی الله اکبر دیمسکده، مدهمزه ایتمک (۳).

(۱) تبیینده بویه مذکور و بر کوله آتش و بر شیله ممثل اولوب شلبي :
تغایر عقد کمره سی ملک عقار حقه ده کی شفعه ده ظاهر اولور که بیم اولده شفیع
آنی تسلیم ایتش ایسه بیم ثانیده طلب ایده یلور. دیمشدر اه بابضاح .
(۲) مثلاً نافله قیلار ایکن فرضه و بالعکس فرض قیلار ایکن نافله به و کذا
بر فرضدن دیگر فرضه (مثله جمعه قیلار ایکن ظهره و ظهر قیلار ایکن جمعه به ط)
یا خود واجبه نیتلنهرک تکبیر آلمقده مغایرت محققه به مبنی اولسکنی ابطال ایتمک
اولدیفنی کبی بر نماز ایچون منفرد اقتدایی و یا بالعکس مقتدی انفرادی نیت ایدرک
تکبیر آلمقده دخی نماز لر متحد ایکن آره لر نده کی مغایرت صوریه به مبنی اولسکنی
ابطال و افساد واردر . امامت نسایی نیت ایله تجدید افتتاح ایلیان دخی ایکنجی
منویسنه شروع ایتش اوله رق اولسکینسی ابطال ایلمش اولور . کما فی التبین .
شو دخی آنک کبیر که بر کیمسه جنازه نمازی قیلقده ایکن بشقه بر جنازه ده
کله کله هرا یکس نیتله و یا خود ایکنجی جنازه نک نیتله تکبیر آلسه ایکنجی
ایچون استیناف ایتش اولور . کما فی ط ط علی الدر .

مسبوق دخی قضاء ماسبق اتاده عیناً استیناف ایتدیکی صلاتده مستأنفدر که
اولجه باشلا دیفی قطع ایله دیگر بر نمازه شروع ایتش دیمسکدر . زیرا مسبوق
اولا من وجه منفرد ایکن استیناف صلات عزمیه تکبیر آلمقده من کل وجه
منفرد اولقله صلاتی بننده مغایرت صوریه حاصل اولمشدر . تنکیم مسنونک
منفرد عد اولمدیفی درت خصوصدن بری بو اولقی اوزره باب استخلافده کی
اسطراده ذکر اولمشدر .

(۳) تنکیم شروط تحریمه نک طقوزنجیسنده و کیفیت ترکیب افعال صلات
فصلنده ذکر اولمشدر .

(۵۵) حفظنده اولمیان مصحفدن اوقوق (۱) .

هرقدر حامل مصحف اولسه ده . چونکه دیگر نندن تلقیدر .
اما اوقودیغنی حافظ بولنور و مصحفی حامل اولمازایسه تلقی
و عمل اولدیغیچون نماز فاسد اولماز . چونکه اوقورات انک
مصحفدن تلقیسنه دکل ، کندی حفظنه مضافدر . حل اولدیغی
ایچون عمل دخی یوقدر .

(مصحفدن اوقومدقجه قرائنه قادر اولمیان کیسمه امی دیمک
اولدیغیچون (۲) نمازی بلاقراوه قیلار . مصحفدن اوقویهرق
قیلیق اکا جائز اولماز . ط .)

(۱) محشینک افاده سنه کوره قرائت مطلقدر کرک آز ، کرک چوق
اوقوسون . ظاهر روایت بودر . علی قول سوره فاتحه قدر اوقومدقجه
فاسد اولماز . علی قول برآیت قدر اوقومدقجه فاسد اولماز ، اظهر اولان
بودر . ومثله ده امام ایله منفردک فرقی یوقدر (صاحب هدایه انک
مسئله بی امام ایله تقید ایتمی اتفاقیدر . ط .) مصحفدن مقصود ایچنده
قرآنندن برشی یازیلی اولاندرکه محرابدن اوقومغه دخی شاملدر . مؤافک
« هرقدر حامل مصحف اولسه ده » قوی بوکا و برده بو باده موجب
فساد عملی کثیر دکل ، تلقی من الغیر اولدیغنه اشارتدر . و بو وجهله
فساد مذهب حضرت امامدر . امامین وامام شافعی حضراتنجه قرائت
مذکوره فسد دکل ، مکروهدر . نمازده ایکن قویننده کی مصحفی
آچوب باقمق و یاخود الله مصحف بواندیروب رکوع وسجوده واردقجه
آنی الدن برامق و قیامده آلمق و تقلیب اوراق لیدوب باقمق عمل کثیر
اولدیغندن فسد صلات اولمق بخلافتدر .

(۲) اکا ای اطلاق بلا قراوه جواز صلاتنه نظر آدرکه نمازده
مصحفدن قرائت جائز اولیدی آنک بلاقراوه صلاتی اباحه اولمازایدی .
یکرمی طقوزنجی مفسده کچن هامشه عطف نظر .

(۵۶) انکشاف عورت ویا نجاست مانعه ایله برابر ولوسهوا
بررکنی ادا ایتمک .

(۵۷) یاخود ادا ایدجک قدر زمان کچمک .

(انی بسته ادايه کافی اولان مدت مقصوددرکه اوده اوچ
تسبیح ایدجک قدر اولان زماندر . وبومذهب امام ابو یوسفدر .
مختار اولانده بودر . ط . بالفعل اداء رکعتک افسادنده اتفاق واردر .)
اگر نجاستی وقوعی متعاقب دفعه ایدر (۱) ومثلاً هبوب ریح
ایله انکشاف ایدن محلّ عورتی در حال سترایلر ايسه ضررايتمز (۲) .

(۵۸) مقتدی بر رکنده امامه مشارک اولمیه رق انی سابق
بولنمق : امامدن اولرکوع ایدوب قالمق وانی امام ایله برابر
یاخود اندن صکره اعاده ایتمیهرک نمازه دوام ایله مع الامام سلام
ویرمک (۳) کچی که نمازی اتمام ایتمش اولق زعمیله عمداً سلام

(۱) بوراده مؤلفک « ولا اثر لها » قوی فضله در . چونکه بقاء اثر
مانم طهارت دکلدیر .

(۲) انکشاف عورتدن ربم عضو عورتک انکشافنه دخی شامل
اولان معنی مقصوددر ، وآنده درت صورت واردر : زمن کثیرده
کشف کثیر مضردر ، زمن قلیله کشف قلیل غیر مضردر ، زمن قلیله
کشف کثیر ایله زمن کثیرده کشف قلیل دخی غیر مضردر .

صور مذکوره اصابت نجاستده دخی جاری اولوب زمن کثیرده
نجاست کثیره مضردر . زمن قلیله نجاست قلیله غیر مضردر . زمن قلیله
نجاست کثیره ایله زمن کثیرده نجاست قلیله دخی غیر مضردر . أفاده ط .

(۳) مم الامام سلام ویرمک تعبیری طحطاوی مرحوم درمختار
حاشیه سنده « لاجأه الیه » دیهرک زائد کورمش ايسه ابن عابدین
مرحوم : قید مذکور ایله تقیید شونک ایچوندرکه زیرا سلامدن آنک
کچی هر منافی صلاتدن اولر فساد ظاهر اولماز . چونکه احوالده ترک
رکن تحقق ایتامش اولور فانهم . دیعشدر اه سلامه منافی تعبیری
تساهلدرکه سلام نمازه منافی دکل ، انی منهیدر . بضم المیم .

ویرمیش اولدیغیچون فاسددر (۱) .

اما اورکوعی اولوجهله اعاده ایتمدیکی کبی امام ایله برابر سلام دخی ویرمیوب هر رکعتک رکوع وسجودنده امامی سبق ایتمش بولنور ایسه صلات امامک ختامنده بلاقراوه بر رکعت قضا ایدر (۲) که اول صلات امامی مدرک اولدیغیچون لاحق دیمکدر . لاحق ایسه امام اینه فوت ایتمدیکی امامک فراغندن اول قضا ایتمک کرچه کندیسنه متحتمدر (۳) ولکن رکعت اولی انک رکوع وسجودنده امامه متابعی ترک ایتمش اولمق سببیه کندیسنی فوت ایلمش بولندیغندن رکعت ثانیه دهکی رکوع وسجودی رکعت اولادن ، ورکعت ثالثه دهکی رکوع وسجودی رکعت ثانیه دن ، ورکعت رابعه دهکی رکوع وسجودی

(۱) درمختارده وردمختارده مذکوردرکه نمازده بر رکنی مثلاً بر رکعتک بر سجده سنی ترک ایدوبده انی قضا ایتمدین سلام ویرمک برشرطی بلاعذر ترک ایتمش اولمق قبیلندن مفسد صلات اولدیغی کبی بر رکنی امامه ، شارک اولیهرق اندن اول یاقی ومثلاً امامدن اول کندی کندینه رکوعه واروب فالقمی دخی یا امام ایله برابر ویانندن صکره اورکوع اعاده اولماز ایسه مفسد صلاتدر . کرچه بونده بر رکن ترک اولنماشدر ولکن صورة ایفا اولنان رکن وقوع مسابقته مبنی معتبر اولنماشدر . اگر امام ایله برابر ویامامدن صکره ینه رکوع ایدرسه ویاخود اولجه واردیغی رکوعده امام کلوب کندیسنه یتشور ایسه نمازی صحیح فقط مکروه اولور .

(۲) قال ابن عابدین بعد ذکر هذه الصورة مانصه ولورکم معه وسجد قبله لزمه رکعتان ولو رکم قبله وسجد معه یقضى اربعاً بلاقراءة اه وتامیه فی شرح المؤلف الکبیر کما بیننه المحشی . رحمه الله تعالی وایاه .
(۳) ان أمکنه ادراکه . ط .

رکعت ثالثه دن قضا اولمغله امامک سلامندن صکره دخی بلاقراوه
بر رکعت قضا ایدرک نمازی نام اولمش اولور (۱) .

(۵۹) مسبوق اولان مقتدی امامک سلامندن (۲) و بامقدار
تشمه قعودندن (۳) صکره قضاء ماسبقه قالقوب رکعتنی سجده ایله
تقیید ایدرک (۴) امامدن آیرلمش و آیرلدیغی تا کد ایتمش ایسکن
امامک بالتذکر واردیغی سجود سهوده (۵) اکا متابعت ایتمک .

چونکه انفراد موجود و واجب اولدقدن صکره اقتدا
ایتمش اولمغله نماز فاسد اولمشدر .

(۶۰) مصلی قعود اخیردن یعنی نمازک صوکنده مقدار

(۱) و تمام تفریعه فی الأصل . ط .

(۲) امامک سلامته انتظار ایتمک مسبوق ایچون سنن صلاتنددر . کما مر .
(۳) بوقید امامده او مقدار قعود حاصل اولمازدن اولن مسبوقک قیامی جائز
اولدیفیچونددر . چونکه او حالده امامک اوزرنده هنوز بر فرض باقیدرکه مسبوق
انده منفرد اولماز . اگر انفراد ایدرسه نماز فساد کیدر . ص .

(۴) بوقید شونک ایچونددرکه شاید سجدهیه وارمدين امامدر خاطر ایتدیکی
سجود سهوینه کیدرسه مسبوق دخی آکا متابعت اولماق لازم کلوب اورایه قدر
اولان مؤدائی مرتض اولور . متابعت ایتمیوبده کندی نمازینه دوام ایدرسه
اوده صحیدر . چونکه متابعت مذکوره بر واجبه متابعت دیمک اولدیفیچون
واجب ایدی . ترک واجب ایسه نمازی افساد ایتمز . قضاء ماسبقدن فارغ
اولدقدن صکره سهو ایچون استعسانا سجود ایله اهر من ط .

(۵) بعد السلام قبلدن دونمک ویا کلام ایتمک کبی منافی صلات بر حال
اولدیفیچه سجود سهوی صکره دن اجرایه بر مانم یوقدر .

تشهد او طور د قدن صکره خاطر لادیغی سجده* صلیبیه (۱) ویا سجده* تلاویه (۲) بی ادا وایفادن صکره قعده* اخیر بی اعاده ایتمامک .

چونکه قعود اخیر انجق تمام ارکاندن صکره معتبر اولور که ختم ارکان ایچوندر (۳) .

(۶۱) مصلی نائما ادا ایتمش اولدیغی رکئی بعد الانباه اعاده ایتمامک

چونکه فروض صلاتده مذکور اولدیغی اوزره انک شرط صحئی بیدار اوله رق ادا اولنمقدر .

(۶۲) مسبوق اولان مقتدینک امامی قعود اخیر دن صکره عمدا اولسه دخی کولمک (۴) .

(۶۳) مسبوقک امامی قعود اخیر دن صکره قهقهه نك غیرى بر طریق ایله حدث عمدده بولنمق .

(۱) سجده* صلیبیه : ذات صلاته عائد سجده ، درکه نماز سجده سی دیمکدر .
(۲) سجده* تلاویه : تلاوتدن منبعث اولان سجده . دیمکدرکه نمازده سجده آیتی اوقونوبده سجده سی اسقاط اولنمدیغی واونوددیغی صورتده آخر ارکانده دخی خاطر لانس ایفا وبعده قعده* اخیر اعاده اولنور .

(۳) یکر می بشنجی فرضه نافکز . سجده* تلاوت دخی اثر قراءت اولدیغیچون اکاده حکم قراءت ویریلور . اصح اولان بودر . علی قول سجده* تلاوت قعود اخیرى رفع والما ایتمر چونکه او واجبدر . قعود اخیر ایسه فرضدر . ذکره ط .
(۴) یعنی قهقهه ایتمک .

نزد حضرت امامده صلات امامدن مفسدك حاصل اولديغی جزء ،
فاسد اوله رق صلات مسبوقدن دخی انك مثلی فاسد اولمغله کچمشی اكا
بنا ایتمك ممکن اوله ماز (۱) .

(۶۴) ایکی رکعتلی اولان فرضك غیریده یعنی اقشام نمازنده ودرت
رکعتلی فرضلرده مقیم ایکن کندینی مسافر یاخود :

(۶۵) قیلدیغی ظهري جمعه ویاخود :

(۶۶) قیلدیغی یاتسوی تراویح یاخود :

(۶۷) عهد قریبده مسلم اولدیمیچون جهلا دردی ایکی ویاخود :

(۶۸) مسلم جاهل اوله رق نشأت ایتدیکیچون ینه دردی ایکی ظن
ایدرك قعده اولاده سلام ویرمك .

چونکه سلام مذکور اوآنندن اول قطع صلات ایتمك اوزره

(۱) امام وانی مدرك اولانلر محتاج بنا اولدقلرندن ثمره فساد انجق مسبوقده
ظاهر در . محشی دیرکه عند الامامین امامك قعود اخیردن صکره کی قهقهه سیله
صلاتی فاسد اولدیغی ایچون مسبوقك صلاتی دخی فاسد اولماز . مؤلفك مسئله یی
قعود اخیر ایله تقییدی قعود اخیردن اول اولان حدث عمدهك بالاتفاق مفسد صلات
اولسندندر . صلات مسبوقك عند الامام فسادی دخی کندینك انفرادی تأکد
ایتماش اولقله مقیددر . اگر مسبوق ترك واجب ایدرك سلام امامدن اول قضاء
ماسبقه قیام ایدوب بر رکعت قضا وانی سجده ایله تقیید ایتدکدن صکره امام انی
(یعنی قهقهه یی وحدث عمدی) ایشلر ایسه مسبوقك نمازی فاسد اولماز زیرا امامدن
آیرماش وانفرادی مستحکم اولشددر اه مسبوقك سلام امامه انتظاری سنت ایکن
محشینك ترك واجب دیمسی مسبوقه واجب اولان اتمام قعوده عائددر . ترك
واجب ایسه مفسد صلات دکلددر . کما لایحقی .

عمداً اولديغیچون مفسد صلاتدر . قعدہ* اولای قعدہ* اخیرہ ظنیله
سلام ویرمک کبی دکلدرکه بومفسد دکل ، سجود سهوی موجبدر (۱) .

زلة القاریء احکامی مفسداته ذیل اوله جق اهم مسائلدن ایکن مؤلف
انی کچمش و محشی مرحوم ملخصی بوجه زیر اولق اوزره ذکر ایتمشدر:

زلة القاریء

قارئك سورچمه سی یعنی اوقیانك خطاسی دیمکدرکه مقصود نماز
ارکانندن اولان قرامتی ادا وایفاده ای دیلان یا کاشقندر .

زله مذکورہ تعمیدی اولور و تغیر معنای دخی مؤدی بولنورایسه
بالا اتفاق مفسد صلات اولوب معنائك قیمته کوره انك تغیری
تقدیرنده فساد صلات اقل احوالدر (۲) . اختلاف : خطا و نسیان
صورتنده در . شویله که :

(۱) اونجی واون اوچنجی مفسدك ضمننده برقاج مفسد دهها مذکور اولدیغی
کبی در مختارده صف نساذه یاخود پیش امامده بولمق و ذکر الحاس بعد العام
قیلندن اوله رق نجس اوزرینه سجده ایتمک خصوصاتی دخی ذکر و تعداد
اولمشدر . نجاست مانعه ایله اداء رکن الی آلتنجیده مذکوردر . بونک ایچون
فروضك بشنجیسنه باقکز .

محشی مرحوم مفسداتدن شولرقالدی : «قلباً ارتداد : موجب وضوء و غسل
اولان هر شی ، رکعی بلا قضا و شرطی بلا عذر ترک ایتمک.» دیمش ایسه ده
بولردن بعضی ۴۰ و ۴۱ و ۴۲ و ۵۸ ده ذکر اولمشدر .

(۲) قال اذا کان مما یفسد الصلاة . أما اذا کان ثناء فلا یفسد ولو تعد ذلك اهـ .

خطأً اولان زله نك مفسد صلات اولوب اولماستنده امام ابو حنیفه
وامام محمد حضر نلری نظیری قرآنده موجود اولسون، اولسون معنا نك
تغیر ایدوب ایتماسنه باقشالردر . امام ابو یوسف حضر نلری لفظ
متغیرك الفاظ قرآنیه دن اولوب اولماستنه باقش و اعرابه وضبط کلماته
ومعنايه اعتبار ایتماشدر .

فتوی امام ابو یوسف قوی اوزرینه در .

بو بابك مسائلی اوچ وجه اوزره در .

برنجیسی : اعرابده خطادر . بونده تخفیف مشدد و تشدید مخفف
وقصر مدود ومد مقصور وفك مدغم و ادغام مفكوك دخی داخلدر .
بولرله معنی متغیر اولمديغی تقدیرده نماز بالاجماع فاسد دکلدر . (واذ
ابتلی ابراهیم ربه) و (انما یخشی الله من عباده العلماء) قول کریملرنده
منصوبی مرفوع وبالعکس مرفوعی منصوب قیلیق کی معنی متغیر اولمق
صورتنده عند الطرفین صحیح اولان فساد صلات ایسه ده امام ابو یوسف
حضر نلرینك قوی قاعده سنجه نماز فاسد اولماز . چونکه امام مشار
الیه اعرابه اعتبار ایتماشدر . فتوی دخی بو وجهله در (۱) .

ایکنجیسی : وقف و ابتداده اولان خطا، درکه بو نلری موضعلرینك
غیریده یا پوب کچیله جاک یرده طور تی و طور یله جق یرده کچمکدر .

(۱) محمد بن سلام واسمعیل الزاهد و ابو بکر بلخی وهندوانی کبی متأخرین:
اعرابده کی خطا اعتقادی کفر اولان شیلردن دخی اولسه نمازی افساد ایتمز . دیو
اجماع ایلمشالردر . چونکه اکثر فاس و جوه اعراسه بیتمیز ایتمز لرا اعرابده
صوابی اختیار ایتمکده ایسه ناسنی حرج و کلفته ایقاع ایتمک واردر . اوده شرعاً
مدفوعدر . ط .

بونکله معنی متغیر اولماز ایسه متقدمین ومتأخریندن بالاجماع نماز فاسد اولماز. معنی متغیر اولمق صورتنده اختلاف وار ایسه ده فتوی هر حالده عدم فساد اوزرینه در. زیرا وقف ووصله مراعاتی لازم قیلبدقه خالق وخصوصیه عوام ناسی دشواره دوشورمک واردر^(۱). کله بی بولمک مثلاً والعاديات ديه جک ایکن والعا دیوب الت طرفی اوتتمق یاخود نفی کسيلمک وبعده تماملامق ویا آیت اخرايه کچمک دخی عامه مشایخ قولنجه مطلقاً یعنی کرک معنی متغیر اولسون، کرک اولسون ضرورته وعموم بلوايه مبنی مفسد صلات دکلدر.

اوچنجه بی: بر حرفه بدل بشقه بر حرف تلفظ ایتمه کده کی خطادر. اکر کله لفظ قرآنیدن خارج اولماز ومعنی دخی دکشمز ایسه نماز اتفاقاً فاسد اولماز: (ان الظالمين) ی «ان الظالمون». (ومادحاها) بی «ومادحاها» او قومق کبی. واکر معنائک عدم تغیر یله برابر کله لفظ قرآنیدن خارج اولور ایسه عند الطرفین نمازینه فاسد اولماز: (قوامین بالقسط) قول کریمنی «قیامین بالقسط». و (دیارا) لفظنی «دوآرا» او قومق کبی^(۲). بونلر العاط قرآنیه دن خارج اولدیغیچون قول امام

(۱) اوده مدفوعدر. حتی: جميع قرآنده وقتی ترک ایتسه بیله نمازی فاسد اولماز دیمشلدرد. ط.

(۲) دیار فیعال من الدور لافعال. وقرأ سیدنا عمر: الحی القیام، کما فی تفسیر سورة نوح من صحیح البخاری.

ابن یوسف، مفسد صلاتدر (۱) . واکر کلمه لفظ قرآنیدن خارج
اولامقله برابر معنی متغیر اولور ایسه خلاف بونک عکسنه درکه امام
ابویوسف قولنجه نماز غیر فاسد و طرفین نزدنده فاسددر : (وآنتم
سامدون) بداند « وآنتم خامدون » او قومق (۲) کی (۳) .

❖ فصل ❖

نمازی افساد ایتیمیان شیلره دأر (۴)

نمازده اولان کیمسه قرآندن و غیریدن بر یازویه باقوب
انی اکلامقله اکلامق کنندینک کرك مقصودی اولسون ، کرك
اولسون اسامات ادب ایتمش اولور (۵) .

(۱) تنسکیم (هذا الغراب) بداند « هذا الغراب » او قومق اتفاقا
مفسددر .

(۲) والحدود غیر السمود فان الاول السكون والثاني رفع الرأس .
(۳) سیفی ثادن ویاصاددن وضادی ظاءدن تفریق ایتمک مشکل
اولدینیچون هر قدر او ابدالارک مفتفر اولدیغی رد مختارده مذکور
ایسه ده مخارج حروف عربیه بی أفواه محسنه دن اخسن ایتمش اولدقلى
بیانیله محسن بولندقلى بی مدعى اولان برطاقم متشدقلى (ولا الضالین) ی
باللزام « ولا الضالین » او قومقلى قواعد محرره ایجابنجه بالاتفاق مفسد صلات
اولش اولور . هدهم الله تعالى وأراحنا .

(۴) مؤلف بونی مکروهاته ادخال ایتمش اولیدی اولی واخصر
اولور ایدی . ط .

(۵) اسامات اولسی نمازدن اشتغالی متضمن اولسندندر . کراهت
تزییهه دیمکدر . بوده انجق قصد ایله اولور . من غیر قصد نظری اکا
واقع وفهم حاصلی اولیورر ایسه مکروه دخی اولماز . قاله ط .

تلفظ ایتیمش اولمادیغی ایچون انیکله نماز فاسد اولماز (۱) .
 مصلی دیشلری آرمسندنه نخود دانه سندن دون اولورق قاش
 اولان شیئی عمل کیشیرمز اکل ایتیمک مکروهدر (۲) مفسد دکلدر .
 (مفسدانک اون ایکنجی واون اوچنچیسنه مراجعت .)
 آغزنده اولان شکرک اریمانی یودار ایسه نماز فاسد
 اولور (۳) . قبل الصلاة یوتدیغی شکرک حلاوتی نمازده بولورسه
 صلات فاسد اولماز .

مصائینک موضع سجودندن کچک کچمه سیله نمازی فاسد

(۱) عدم فسادک وجهی بودرکه فساد آنجق قراءت ایله تحقق
 ایدیه یلور : نظر وفهم ایله ایسه قراءت حاصل اولماز ، ولفک
 « لعدم النطق بالکلام » دیمکله اشته بوکا اشارت ایتمشدر . « ا کلامق
 مقصدی اولسون . اولسون قولیه معلوم اولورکه نرک خشوع نمازک
 محل صحتی دکل ، بلکه مغل کمالیدر . بونک ایچون فتاوی قاضیخانده
 و خلاصه ده : نمازده دوشونوب برشمر و یا خطبه خاطر ایهرق اتی قلباً
 اوقویان ولساناً تلفظ ایتیمان کیمسه نک نمازی فاسد اولماز . دیو
 مذکور در راه ط .

(۲) خلال آنسانده اولان شیئی قلیلی نمازده عمل قلیل ایله اکل
 ایتیمک مکروه اولدیغی کبی مسجده برافق دخی مکروهدر . مقتضای
 نظر فقهی : نمازدن فارغ اوانجه قدر اکا تعرض ایتیموب بعده اتی
 بر موضع مباحه برافقدر . خارج صلانده دخی اتی اکل ایتیمک مکروهدر .
 باخصوص که دیش آرمسندنه طول مکث ایله تغیر ایتیمش اوله .
 « کلوا الوغم واطرحوا الفغم » بیوراشدرکه حین تناولده دوشنی آلوب
 ییکرز دیش آرمسندن چیقانی آتکز دیمکدر . ط . دیش آرمسندنه کی
 طعام بقیه سننه فغم دینلدیکی کبی خلالانوب چیقارلدیغی ایچون سلاله
 وزانده خلاله دخی دینور . یقال : تحال واکل خلااته .
 (۳) کما فی المفرد الثالث عشر .

اولماز . كچن كرك قادين ، كرك اركك ، كرك كلب وياچار اولسون (۱) .

كچن كيسمه مكلف ومتعمد (۲) ايسه كنهكاردر . حديث شريفده : « مصلينك اوكندن كچن كنديسنه نقدر كناه اولديغنى بيلسه اورادن كچمكدن ايسه قرق سنه طورمق اكا خيرلى ايدى . » نيورلمشدر (۳) .

مسجد كپرده (۴) وصحراده مصلينك اوكندن مكروه اولان

(۱) اشاربه الى خلاف الظاهرية المستدين بظواهر الآثار الواردة

في ذلك .

(۲) مكلف ومتعمد قيدى ضدندن احترازدركه كچن مكلف ومتعمد اولدقجه كنهكار اولماز ديمكدر . مسئنه ديت وجه اوزره در : (۱) كچنه اوزاقدن طولاشمق ممكن اولديغى ومصلى مروره متمرض بولمديغى حالده مصلينك اوكندن كچمكدركه بونده انجق كچن كنهكاردر . (۲) بونك ضد ومخالفيديركه مصلى مرورگاهه طورمش واوزاقدن كچمك ممكن اولماش بولمقدرد . بوحالده وبال مصلينكدر كچنك دكلدر . (۳) هم مصلى مروره متمرض همد كچهجك ايچون ير ككيش ايسكن مصلينك اوكندن كچمكدرد . بونده هرايكيسي كنهكاردر . (۴) نه مصلى مروره متمرض نه در مرور ايديجينك ككيش يري موجود اولمديغى حالده مرور وقوع بولمقدركه بوضورته هيج برى كنهكار دكلدر . ط .

(۳) رواه الشيخان . وفي رواية البزار : أربعين خريفاً . ص .
أى عالماً من تسمية الكل باسم جزئه المتوسط في الحس عن باقى أجزائه . ط .
(۴) قرق ذراع ودها زياده اولاندر . على قول الشمس ذراع ودها زياده اولاندر . صغير بونك عكسيدر . مختار اولان قول اولدر . خانه وعرصه دخى بوتفصيل اوزره اولق كركدر . ط . مسجدك بعض احكامجه بقعه واحده اعتبار اولنسى امر حسبك تغييرى يعنى بعيددن اولان مرورك دخى قريب قيلنسى استلزام ايتمز كفاى الفتح . قرق طقوزنجى مفسده بافكر .

مرور موضع سجودندن و بر قامت مادونی اولان محلدن مرورد .
مسجد صغیره ارده اسطوانه کبی بر حائل بولنمديغنه کوره مطلقاً
اوکندن کچمکدر .

انلرک اوتەسندن کچمک کچيچيلر تضيق ايدلامک ايچون
مکروه دکدر .

پيشگاهه نظر مانع صلات اولمديغندن نمازده بولنان کيمسه
باقديغی قادينک (حاييله سنک) موضع اسفلنی دخی کورسه
وقول مختاره کوره نظرده اشها دخی اولسه نماز باطل اولماز (۱) .
لمس و تقبيل عمل کثير اولمديغندن مانع صلاتدر .

نمازده اولان قادینی ارکک تقبيل (۲) و يابشهوۃ لمس ايتسه
قادينک نمازی فاسد اولور .

نمازده اولان ارککی قادین تقبيل ايدوب ارککده حس
ديکر حاصل اولماز ايسه ارککک نمازی فاسد اولماز (۳) .

(۱) داخله نظر له اجنبیه حقنده حرمت مصاهره ومطلقه رجويه حقنده
رجعت ثابت اولور . ص و ط .

(۲) تقبيله حس ديکر قییدی معتبر دکل ، لمسه معتبردر
کماهو المرحبه فی الاصل .

(۳) عشينک افاده سنه کوره آرده کی فرق نساده اولان آرزونک
ابليغيتدرکه ارککک تقبيلی قادينک احساسی مستلزمدر . همده اوقاع
فعل زوج اولغله انک دواعیسی دخی وقاع کبی معتبر اولوب فعل زوج
اولمديغندن اندن واقع اولان دواعی (مقدمات) دخی زوجی ایفاظ
ایتمدکجه وقاغ قوه سنده عد اولماز .

﴿ مکروهات ﴾

کراهتک تعریف و تفسیمی کتاب الطهاره ده کچمشر .
 فعل مصلی ترک واجبی متضمن ایسه تحریماً مکروه اولوب ترک
 سنتی تضمن ایتمش ایسه تنزیهاً مکروهدر . لکن انکده کراهتی
 سنتک تا کدی نسبتنده شدت و قرب تحریمجه متفاوتدر (سنت
 اکر مؤکده قویه ایسه انک ترکی ترک واجب کی تحریماً مکروه
 اولتی بعید اوله ماز . و اکر غیر مؤکد ایسه انک ترکی تنزیهاً
 مکروه اولور : سجدیه وارر ایکن اللرینی دیزلرندن اول
 ایندرمک و قالقار ایکن دیزلرینی اللرندن اول رفع ایلمک
 و بسمله و آمینی جهر ایتمک و بلاعذر اللرینی مواضع مسنونته سنه
 وضع ایتماک کی (۱) . اکر انلردن هیچ برینی متضمن
 اولمیوب بونیکله برابر نمازه اجنبی ایسه و انده تعمیم صلات و دفع
 ضرر دخی یوق ایسه او دخی مکروهدر : لباس و بدن ایله
 اوینامق و قلبی هر مشغول ایدن شی کی . اهل تکبرک عادتندن
 و صنیع اهل کتابدن اولان شیلر دخی بویلهدر . و انک کراهتی
 دلیلک اقتضاسنه کورهدر . اکر دلیل ظنی الثبوت اولان نهی مفید
 ایسه کراهت تحریمیهدر . مکرکه تحریمدن صارف برشی موجود
 اوله . و اکر نهی مفید اولمیوب بلکه ترک غیر جازمی مفید ایسه
 کراهت تنزییهدر .

(۱) یونی محشی در حاشیه سننده ذکر ایتمشر . هالاین خارجنده کی
 اقادات اصل حاشیه سننددر

کندیسندہ تنعم صلات اولان عمل قلیل اجنبی به کلمتہ خلاصہ مذکوردرکہ صاریفی بروجہ تمکن سجودینہ (۱) مانع اولان کیمسه بر الیلہ اتی رفع ویاتسویہ ایتسه مکروه اولماز . چونکہ اورفع ویاتسویہ متمات صلااندندر . دفع ضرر دخی قتل حیه وعقرب کبیدرکہ اوده نمازده مکروه دکلدن اه صارفک وجودینہ یعنی کراہتی معنای تحریمدن صرف وتحویل ایدیچی شیئک موجودیتنه مثال : سزک برکز نمازده بولندیغی زمان کوزلربنی یومسون . مآلندہ اولان شو حدیث شریفدر : « اذا قام أحدکم فی الصلاة فلا یغمض عینیه . » اشته بونمی نبوی ظاهرندن مصروفدر چونکہ نمازده کوز یومعنک کراہتی سجدهکاهه باقمق فعل مندوبنی فوت ایتدردیکی ایچون اولدیغندن تزییهدر (۲) .

دلیلک نمی اولمیوب مفید ترک غیر جازم اولدیغنک مثالی حضرت عمرک رضی الله تعالی عنه قول آتیلربردکہ حضرت مشارالیه ثیاب بذله ممتنه ایله (۳) نماز قیلقدہ اولان برکیمسهی کورب اکا خطاباً : بکا خبر ویرکه سنی بعض ناسه کوندرسهه

(۱) بروجہ تمکن سجود قیدی که درمختارده سجود تام ایله تعبیر اولمشدر اصل سجوده مانع اولان شیئی ازاله واجب اولدیغندندر . قلب حصا (*) مسئلهسندہ محشی بونی تصریح اتمشدر . کور عمامه (صاریفک طولامی) اوزرینه سجده بوبابک مسائلندن اولقی اوزره آتیا مذکوردر: ۴۰ . (۲) اونوز یدنجی مکروهی اوقویکز .

(۳) ثیاب بذله : کیردن صاقینهمیان خوارلباسدر . ثیاب ممتنه : لباس خدمتدر . وسیندر فی المسکروه الحامس والخمسین .

(۴) مکروهاتک اوچنجیسنه باقکز .

بولباسکله کیدرمیسین ؟ بیورملری اوزرینه اوکیسه : لا .
دیو جواب ویردکده حضرت عمر : جناب حق کندیسچیون
تزین اولمغه احقدر . بیوردیلر . ط .

مؤلف دیرکه مکروهات صلات (تحریمی و تنزیهی قسملرینه
عام وشامل اولوق اوزره ط) ترك واجب ویاترك سنت ایتمک
کبی (۱) شیلردرکه تحدیدأدکلده تقریباً یتیمش ییدر . وسنن بدعایها :
(۱) مصلی نمازده لباسیله اوینامق (۲) .

(۲) بدنيله امینامق (۳) .

بونلر روح صلات اولان خشوعه (۴) منافی اولدیفیچون

(۱) « ترك واجب ویاترك سنت » تعیری مابعدیچون جزئیات کثیریه
منطبق امر کلی منزله سندهدر . مثلاً ارکانده اطمنان اوزره اولوق واجب ایکن
انی ترك ایتمک مکروه اولدیگی کبی اقتدا حالنده امامه مسابقت ایتمک دخی
« أما یخشی أحدکم اذا رفع رأسه قبل الامام أن يجعل الله رأسه رأس حمار » (۵)
وعیدینه . بنی واجب اولان متابعتی ترك دیمک اولدیغیچون مکروهدر . اللربنی
بلا عذر قولالرنندن یوقاری قالدرمق یاخود اوموزلرنندن آشاغی طوتمق دخی رجال
ایچون وضع سننه مخالف اولمغه مکروهدر .

(۲) کوسنتکیله ویوزکیله اوینامغه شاملدر .

(۳) بیق بوکمکه وصاليله اوینامغه شاملدر . یتمش اوچنچییه دخی باقکزه .

(۴) خشوع حضور قاب وتسکین جوارح ومحافظه ارکاندر . ط . صلی الله

تعالی علیه وسلم افندمز حضرتلری بر کیسه یی نمازده صقاليله اوینار کوروب :
« اکر قلبی خاشع اولیدی جوارحی (اعضاسی) دخی خشوع وسکون اوزره
ولوردی » . بیورمشلر . ص .

(۵) « أو يجعل الله صورته صورة حمار » . قال علی مافی الصحیحین اه

ارجع لتأویل هذا الحديث إلى المثل السائر لابن الأثير .

مکروه در (تحریماً ط) حق جلّ و علا (قد أفلح المؤمنون الذين هم في صلاتهم خاشعون) بیورمشدر . حدیث شریفه دخی « ان الله کره لکم العبث فی الصلاة والرفث فی الصیام والضحک عند المقابر » بیورمشدر . جناب حق نمازده عبثی (۱) واورجده رفثی (۲) و عند المقابر ضحکی (۳) سزک ایچون کریه کوردی دیمکدر .

(۳) قلب حصا ایتک . یعنی قیر یرده نماز قیلندیغنه کوره مصلی اوفاجق طاشلری چو یروب یری دوزله مک (۴) .
مکرکه بروجه تمسکن (۵) سجود ایده بیلمک ایچون بر دفعه ده اوله (۶)

(۱) عبث : کندیسنده فائده وائی اقتضا ایدر هر حکمت و مزیت اولیان عملدر . بوراده اندن مقصود افعال صلاتدن اولیانی ایشله مکدرکه صلاته موافق دوشن . بدر الدین کوردی دیمشدرکه عبث : کندیسنده غرض شرعی اولیاندر . سغه : کندیسنده اصلاً غرض اولیاندر . جوهره ده : عبث کندیسنده لذت اولیاندر لذت اولان شی ایدر . دیو مذکوردر صحاحک عباره سی عبث ایلله اعبک ترادفی مفیددر . ط .

(۲) عبث وزننده رفث : فحشکولقدر .

(۳) ورد أنه من الموبقات . لان المحل للاتعاظ . ط .

(۴) حدیثه قلب حصی بدلنده مسح حصی دخی وارد اولمشدر .

(۵) صاحب درک تعبیرنجه سجود تام ایلله سجده ایده بیلمک ایچون دیمکدر . قید مذکوری عشی زباده ایتمشدر و دیمشدرکه : اگر اصل سجود اکا ممکن اوللاز ایه قلب حصی واجب اولور . تسکیم تسویه عمامه مسئله سننده دخی ذکر اولندی .

(۶) بونک حقنده کی حدیث حضرت جابر حضرت ابوذر دن دخی مروی اولغله صاحب بزازیه انی مسجع اوله رق شویله افاده ایتمشدر : « سأل أبوذر

- (۴) پارمق چیتلا تمق ولو بر دفعه ده اولسون (۱) .
 (۵) پارمقلری تشبیک ایتمک . یعنی ایکی الک اصابعنی بری
 برینه چاتمق (۲) .
 (کرک بو، کرک بوندن صکره کی تخصر نمازده ال باغلامق موقعنده
 اولور .)
 (۶) تخصر ایتمک . یعنی الی بو کرینه قومق (۳) .
 نمازده بوندن نهی اولنمشدر . همده بونده وضع ساته مخالفت
 وجباریه تشبه واردر .

خبر البشر عن تسوية الحجر فقال ياأباذر مرة والا فذر . « كما في ط . تسوية حصار
 قبل الشروع دخي ممکن اولغله حدیث شریفده انک ترکی تقصیر اولدیغنه اشارت
 واردرکه حضرت جابر خطاباً « ولأن تمسك عنها خير لك من مائة ناقة سود
 الحدق » بیورلشدر .

(۱) پارمق چیتلا تمق که عربیه سی فرقه ده در ابن عابدینک بیاننه کوره
 خارج صلانده دخی مکروهدر . محشی دیرکه انک نمازده منتهی تحریماً کراحتنی
 مفیددر . مجتبا ده منتظر صلات اولانی و نمازده ماشی و منتهی بولانی دخی نمازده
 اولانه ملحق طوتمشدر اه .

(۲) خارج صلاتده تشبیک اراجه مفاصل کبی بر غرض صحیحه مبنی ایسه
 مکروه اولماز علیه الصلاة والسلام افندمز حضرت لرندن ر تمثیلده واقم اولمشدرکه
 « المؤمن للمؤمن كالبنيان يشد بعضه بعضاً » بیوروب اصابع شریفه لرینی تشبیک
 ایتملشدر . كما في رد المحتار .

(۳) تخصرک اک مشهور واک صحیح معناسی بودر . من . اهل لغت و اهل
 حدیث و اهل فقهک معظمی بوکا قائلدر . تخصر برده عصا معناسنه اولانده خصره
 انکا ایتمکدر . نمازده عصایه انکا نفلده مغتفر ایسه ده فرضده بلا ضرور
 ایسه انک کراحتنده شبهه یوقدر . كما في ط .

- (۷) کوزيله دكبل ده (۱) بيونيله دونوب باقنى (۳) .
 (۸) توكر ك بر اققى (۳) .
 (۹) اقماء ايتمك . يعنى قعودده قايناقلربنى يره قويوب ديزلربنى ديكرك او طورمق (۴) .
 (۱۰) ار كك قسمى سچورده قوللربنى يره يايتمق .
 (۱۱) ار كك قسمى نمازده قولى آچيق بولندرمق (۵) .

(۱) كوز اوجيله باقمق عند الحاجة مباح اولديغندن مؤلف انى بوراده استئنا وفصل آتيده انيان ايتمشدر .

(۲) محشى فصل آتيده قاضيخانك بونكله فساد صلاته حكم ايتديكى سويله - مشدر . مؤلف ديركه حديث شريفده : « نمازده اولان عبد باقند قچه جناب حق اك (مزيد رحمت واحسانيله ط) اقبال اوزره در . باقند قده انصراف (يعنى او احسانى منم ط) ايدر . » بيورلشدر اه .

(۳) تعبيره دقت اولنسون كه توكرمك دكلدر . چونكه نمازده توكرمك حرف حاصل ايدرسه مقصد صلات اولور . مؤلف حال اضطرارى استئنا ايدرك : مكره توكر ك بر اقمغه مضطر اوله . او حالده انى ثوبه آلور . بيايانده قيلديغنه كوره صول آياغذك الله پراغور . ديمشدر اه نمازده جيب قميصه اخذ براق ايتمك اهل مصرجه متعارفدر .

(۴) قعوداً تنفل اوضاعنده احتبانك جوازي باب نوافلده مذكور اولديغنه نظراً اقماءك كراهتى اون در دنجى تربيم كى تشهد حالته ويا بلا احتباء اقماءه خاص اولسه كر كدر . زيرا اقماسز احتبا اولماز .

بعضى جلوس البدوى المصطفى

(۵) كرك نمازده قولى آچيق طورسون ، كرك طور دقدن مكره قولنى عمل يسير ايله آچسون . رابن عابدينك افاده سنه كوره انك دخى يك كبيدر . انى انكى چمره يوب آبدست آلفى متعاقب امامه ركعده يتشمك اوزره استعجال ايدرك اوبله جه نمازده طورمش اولان كيمسه حقنده افضل اولان انلرى عمل قليل ايله اينديريويرمكدرك اه كشف ذراع قادين حقنده مقصد صلاتدر .

(۱۲) کوملك کیمکه دخی قادر ایکن (بلاد حاره ده) نمازی یالاکز
شلوار یاخود ازار^(۱) ایچنده قیللق .
(بولک کراحتی دخی ارککه کوره در . قادین حقنده بو مفسد
صلاندر .)

(۱۳) اشارت ایله سلام آلمق . (مفسدانک سکزنجیسنه باقکز .)
(۱۴) بلا عذر تربیع ایتمک^(۲) .
(۱۵) ارکک قسمی عقیص شعش ایتمک . یعنی صاچلرینی بر باغ
و با صمغ ایله طوپلاوب تپیه یاخود اکسهیه آلمق^(۳) .

(۱) ازار : رداء مقابلدرکه رداء : اوموزه آلتارق بلدن یوقاریسی
اورتان ، وازار : بلدن اشاغیسی ستر ایدن شیردر .
(۲) تربیم : بغدادش قورمقدیر . خارج صلاتده مکروه دکل ،
سندیر . ص . عذره منی اولورسه نمازده دخی مکروه اولماز . چونکه
عذر ترک واجبی ابامه ایدر . ترک سنت اولویته قالدورط . بو تمبله
وقعوداً تنفل اوضاعنده حضرت امامدن جواز تربیم دخی نوافل ملحظاویده
مروی اولدیغنه نظراً کراحت تربیم طقوزنجی اولان اقامه کی حال شهده
عائد اولور .

(۳) بونده اشعار واردرکه صاچلری ارسال ایتمکله برابر اورمکده
بر مانع یوقدر . کراحت مذکوره اتی قبل الصلاة یاپوب نمازه او حالده
طورمقددر . کرک آتی عمدأ نمازایچون یاغش اولسون ، کرک اولسون .
اما اگر آتی نماز ایچنده یاپارسه بالاجماع عمل کثیر اولغله نماز فاسد
اولور . ص . علیه الصلاة والسلام افندمز حضرتلری بر کیمه یی صاچلری
معقوس اولورق نماز قیلار کوروب : « دع شعرك یسجد معك » بیورمش
اولدقلری کی بن نمازده کف شعر وکف ثوب ایتمکله امر اولندم دخی بیور-
مشدردر . کافی ص . ارککه صاچ صالیویرمه نك وبائی آچیق نماز قیلمه نك
جوازینه بالاشاره دلالت ایتمکده اولان بوکی مسائل اصحابدن براء
ابن مالک رضی الله تعالی عنه حضرتلری مثلی « رب أشعث أغبر لو أقسم

(۱۶) اعتجار ایتمک (۱) .

(۱۷) کفّ ثوب ایتمک . یعنی سجده به وارر ایکن اثوابنی (عمل قلیل ایله) (۲) اوکنندن ویا آرقه سندن رفع ایللک . علی قول : یکی وانکی چمر نمش اولدیفی حالده نمازه طور مق (۳) .

(۱۸) سدل ثوب ایتمک . یعنی (مهملی مستور العوره اولدیفی حالده) لباسنی باشنک و اوموزلرینک یاخورد یا لکز اوموزلرینک اوزرینه آله رق جو انبنی صالیویرمک .

بوتسکبراً و یا تنها و نأ (۴) اولورسه مکروه اولوب بر عذره مبنی ایسه مکروه اولماز .

خارج صلاتده سدل ثوب علی الصحیح مکروه دکلدر (۵) .

علی الله لایره ، مدیحہ سنیه سنه و ظہر اولان برهنه سر سعادت افسران خقلرنده در . حقانقمزی او قویکز . والا باش آچیق نماز قیلقی بزم ایچون مکروه در . کما یأتی فی ۵۷ .

(۱) اعتجار : ماشه مندیل یاخود صاریق طویلاوب تپنی آچیق براقمقدر . علی قول صاریقینه نقابلانوب بورنی اورتمکدر . س .

(۲) هذا القید زده من شرح المنیة .

(۳) شرح منیه دن مأخوذ اولان بو اناده اصلک عباره سندن اوضه در . بوکا بدل مؤلف : علی قول اثوابنی طویلاوب بلنه باغلامق . دیمشدر اه بحررائقندن آکلشیلان کفّ ثوب : فوق القمیس ایتزار . درکه طونی انتارینک اوستندن چکوب باغلامقدر .

(۴) عبادتی اهمیتسز طوته رق .

(۵) محشی دیرکه سدل لغتده ارخاء وارسالدر . شرعه : لباسی معتاد اوزره کیمیه رک بدنه ارسال ایلکدر . بونک نمازده کراهتی بلاعذر اولدیفنه کوره در . اما شدت حرارت ویا برودت کبی برعذره مبنی ایسه مکروه اولماز . ابن امیرحاج عذره عدم کبری دخی علاوه

(۱۹) ثوب ایچنده مندرج بولنمق . یعنی اللریتی چیقاراجق
بر فرجه بر اقامق اوزره احرام کبی بر شیتک ایچنه بورنمش اولمق .
(که اشتاله صماء تعبیر اولنور^(۱)) خلاصه سی اللریتی چیقاراجق بر
براقمه رق ثوبی جسمدینه طو پلا یوب قیا کبی قالمقدر . کافی ط علی الدر .
(۲۰) بوراتی ایچنده بولنا نلر آنی صاغ قولتغنک آلتندن آلهرق
ایکی اوجنی صول اوموزی اوزرینه ویاخود صول قولتغندن
طولاشدیررق ایکی اوجنی صاغ اوموزی اوزرینه آتمش اولمق که
اوموزلرینک بری نمازده آچیق قالمش اولور .
(۲۱) حال قیامک غیریده قراءت ایتمک : قرانی رکوع حالده
تماملامق .

(۲۲) انتقالده مشروع اولان اذکاری تمام انتقالدن صکره

ایدرک : عدم کراحت عذر وعدم کبر حالده در . اگر بر عذر مهی
اولور وکبردن ده غاری بولنور ایسه مطلقاً (یعنی صلاتده وخارجنده)
کراحت اولاز . واکرمم العذر متکبر دخی اولورسه ویاخود محض کبر
ایچون ایسه مطلقاً مکروه اولور دیمشدر اه محشی مرحوم سدی اوموز
ویبون ائقیلرینه دخی شامل قیلهرق : بولنلرک شندی لبسی معتاددر
وبولنلرده کبر دخی اولاز دینیله بیلور . اوموزینه مندیله آتمفی اعتیادیدن
کیمسه یه لاتی اولان نمازده طورر ایسکی مندیله اوموزندن ایندرمکدر .
دیمشدر اه .

(۱) اشتاله صماء : أعرابک ثوب ایله بورندکاری کبی بورنمکدر که
احرامی صاغ جانیندن صول قولنک وصول اوموزینک اوزرندن کتوروب
بعده آرقه دن صاغ قولنک و صاغ اوموزینک اوزرندن آتمقله تماماً
بورنمکدن عبارتدر . اللری ویاقلری وجله اعضایی مسدود قالور اه
اوقیانوس بتصحیح .

یا یحییٰ . مثلاً حمد رکوعه منتهی اولدقدن صکره رکوع ایچون
الله اکبر دیمک و «سمع الله لمن حمده» بی رکوعدن تمامیله قائم
اولدقدن صکره سوبله دیمک (۱) .

(۲۳) صلات نفلک هرشفعمنده (چفت رکعمنده) برنجوبی
ایکنجیدن اوزون ایتمک (۲) .

(۲۴) بتون نمازلرده رکعت ثانییه بی رکعت اولادن اوچ ودها زیاده
آیت ایله (۳) اطاله ایتمک .

(نفلک اوچنجی رکعتی اتنا صلات دیمک اولدیغندن (۴))

(۱) چونکه بونده ایکی خلل وارد بری شیئی موضعمنده ترک ایتمک
و دیگرى موضعنک غیریده اتیان ایلمکدر . ص . سنت اولان ذکرک ابتدایی
ابتداء اتفاله و انتهای انتفاء اتفاله اولمقدردر . بوکا مخالفت ایدرسه ترک
سنت ایتمش اولور . أشباهده دیمشدرکه محلنده فوت ایدیلان هر ذکر محلنک
غیریده اتیان اولنماز . ط .

(۲) مکرکه نبی اکرم صلی الله تعالی علیه وسلم افندمز حضر تلرندن مروی
ویا بر صجاییدن منقول اولمش اوله : و ترک ایلمک رکعمنده سوره «أعلائی» وایکنجی
رکعمنده سوره «کافرونی» و اوچنجی رکعمنده سوره «اخلاصی» اوقومق کبی . وتر
دخی من حیث القراءه نفلک ملحقدر . ص . کراحت مذکوره عند الشیخیندر
امام محمد اطالهی اختیار ایتمشدر . فرضه کلنجه اطاله مذکوره صلات فجرده
بالاجماع مسنوندر . امام محمد عندنده صلات فجرک غیریده دخی مسنوندر . ط .
سنن صلاتک اون یدنجید ، باقکمز .

(۳) بونکله تعیید آندن اقلده کراحت اولمدیغنددر . وارد اولان اثره
بناءکه صلی الله تعالی علیه وسلم افندمز حضر تلرینک صلات فجری مودتین ایله
قیلقلری اولمشدر مع هذا که ایکنجی سوره برنجی سورهدن برآیت اوزونددر . ط .
(۴) چونکه نفلک هرشفعی مستقل بر نمازدر .

آنی اولکیلدن اوزون ایتمک مکروه اولماز .

کراهت مذکوره سفنده وارد اولانک غیریده اولمق اوزره تنزیهیه در . نص وارد اولان یرده کراهت یوقدر . صلی الله تعالی علیه وسلم افندمز حضرتلری جمعه ویرام نمازلرینک ایلك رکعلرنده سوره اعلایی وایککنجی رکعتلرنده سوره غاشیه یی اوقورلر ایدی . مع هذا که سوره غاشیه سوره اعلادن یدی آیت اوزوندیر . ط (۱) .

(۲۵) فرضک رکعت واحده سفنده بر سوره یی تکرار ایتمک (۲) .

(۲۶) حفظنده بشقه سوره واریسکن بر سوره یی ایسکی رکعتده عمدأ اوقورق .

اگر حفظنده بشقه سوره یوق ایسه انی قرات واجب اولور زیرا فاتحه یه ضم واجبدیر . حفظنده بشقه سوره وار ایسکن بیله عمدأ اولمیهرق باشلار ایسه براقاز (۳) .

(۱) زاهدی بوکا جواب ویروب : زیاده اختلاف سور ایله مختلف اولور اکر سوره لر قصیر ایسه اوچ آیت زیاده کثیره مکروهه در واکر سوره لر طویل ایسه یدی آیت زیاده بسیره غیر مکروهه در . دیعش وحلی آنی حسن کورمشدر . الی هنا کلام ط .

(۲) نمازی فرض ایله تقبیدشان نوافل اوسع اولمغه نافله ده تکرار سوره مکروه اولمیدندیر . زیرا صلی الله تعالی علیه وسلم افندمز حضرتلرینک صلات تمجدده آیت واحده یی تکرار لیهرق صباخلادقلری اولمشدر . سلف صالحیندن بر طاقم ذوات دخی آیت عذابیی ویا آیت رحمتی یاخود آیت رجا ویا خوفی تکرار ایله احیاء لیل ایدرلر ایدی . ص .

(۳) حدیث شریفده «ان فتحت سورة فاقرأها علی نحوها» بیورمشدر . ص . بر سوره به باشلار ایسه ک انی قصدک وجهله اوقو و تغیر ایتمه دیمکدر . ط .

(۲۷) او قودینگی سورہ نک ویا آیتک اوستندہ کی سورہ نی ویا آیتی او قومق .

بوکا (قراءت منکوسہ) تعبیر اولنور . کرک رکعت واحده ده ، کرک ایکی رکعتده اولسون مکروهدر (۱) .

رکعت اولاده لاعن قصد (۲) فل أعوذ برب الناس سورہ سنی اوقیان رکعت ثانیہ ده انی تکرار ایدر . وبونده قراءت منکوسہ کراہتندن حذراً کراہت دخی یوقدر (۳) .

رکعت اولاده قرآنی ختم ایدن رکعت ثانیہ ده سورہ بقرہ دن باشلار . حدیث شریفده : « خیر الناس الحال المرتحل . » بیورلمشدر که خیر ناس خاتم مفتتحدر دیمکدر (۴) .

سورہ یه دائر اولان سوز محشینک تصریحی وجهله آیتده دخی جاریدر . بو کراہتک نقله شمولی اولمیدینی مؤلف فصل آیتده اکتامشدر . فرض حقنده بیله تکرار سورہ و آیت ایتک قراءت منکوسہ ده بولمقدن اولادر . وبونده کراہت دخی یوقدر . تشکیم بوندن صکره کی مکروهده میندر .

(۱) ابن مسعود رضی الله تعالی عنه : قرآنی منکوس اوقیان منکوسدر . دیدی بوسوز خارج صلاته دخی شاملدر . انک تعلیم أطفالده مشروعیتی سورہ لک قیصه لغی سبیلله حفظ قولایلافق ایچونددر . ص .

(۲) اما عن قصد او قورسه مکروه اولور ولسکن رکعت ثانیہ ده ینه آنی اوقور . اوست طرفدن اوقوماز . بزازی دهمشدر که زیر تکرار ایتک منکوس اوقومقدن اھونددر . ط . مؤلف قراءت منکوسه نکلده بلا کراہه جوازینی خلاصه دن نقلاً آیتده (۳۰) ذکر ایدر .

(۳) وهذا الذي ذكرناه قبل . وأشرنا اليه في هامش المكروه الذي قبل هذا .

(۴) خاتم مفتتح : ختم ایدوب ینه باشلاياندر . ختملرده سورہ ناسدن صکره سورہ فاتحه یه وصددر سورہ بقره یه عودت اولنسی اشته بوحدیث شریفه میندر .

(۲۸) ایکی رکعتده اوقودیفی ایکی سوره آردهنی یالکز
برسوره ایله فصل ایتمک (۱) .

اردهده کی سوره اوزون ایسه انی کچمک ایکی سوره قصیره یی
کچمک کی مکروه اولماز .

(۲۹) برسوره نك آیتندن بر ویا برقاچ ایت کچهرک بشقه
آیته اتلامق (۲) .

(۳۰) رکعت واحدهده ایکی سوره یینی آرهدن بر ویا متعدد
سوره اتلایه رق جمع ایلمک (۳) .

(۳۱) کوزل قوقولی شیئی قصداً قوقلامق (۴) .

(۱) چونکه بونده سور کریمه نك برینی ترک ومهجور ایدوب دیکرینی اکا
تفضیل وترجیح ایتمک شههسی واردر . ص . فصل مذکورک دخی جم آتی
کی نقلده کراحتی اولیه جغنی مؤاف صاحب خلاصه دن تقلاً ذکر ایدجکدر .
انظر الى هامش الثلثین .

(۲) کراحت بونی تعدده در . نسیانده دکدر .

(۳) بلا فاصله جمع مکروه دکدر . مؤلف دیرکه خلاصهده بونلر (یعنی
کرك قراءت منکوسه ، کرك ذکر اولنان فصل وجم ط) : نافلهده مکروه
اولماز . دیو مذکوردر اه خلاصهده شو دخی مذکوردر که رکوع ایچون تکبیر
آوبده بعده قراءته زیاده ایتمک کننسینه لائح اوورسه رکوع ایتمدکجه
ایده بیلور . بأس یوقدر . ط .

(۴) قصداً قیدینه باقیلورسه قوقو مصلینک مقصودی اولیه رق بورننه کلور
ایسه کراحت یوقدر . کراحت آتی موضع سجوده بولندروب سجدهیه واردقجه
قوقلامق سورتنده در . یوقسه قوقولی شیئی نمازده الهه آوب قوقلامق عمل کثیر
اولغله انده ظاهر اولان فساد صلاتدر . چونکه انی کورن نمازده اولمدیفینه حکم
ایدر . منیه نك بعض شراحتی ایسه عمل کثیر ایله اولمدقجه نمازک آنکله فاسد
اولیه جغنی افاده ایلشدر . ط .

(۳۲) لباسیله بر ویا ایکی کره روز کارلنمک .
 (۳۳) یلپازه ایله بر ویا ایکی کره روز کارلنمک .
 چونسکه بو عمل قلیل دخی اولسه منافی خشوعدر (۱) .
 (۳۴) سجدهده و مسجدنک غیریده النک یاخود آباغنک پارمقلربی
 قبله دن تحویل ایتمک .
 (سنن صلاتک اون بشنجیسنه باقکنز .)

(۳۵) اللربی رکوعده دیزلرینه و جلسه و قعدهده اویلقلری اوزرینه
 وخال قیامده (۲) صاغ الی صول ال اوزرینه وضعی ترک ایتمک .
 (۳۶) اسنهمک .

چونسکه اسنهمک رخاوتدنذر . اکر غالب کلور ایسه مصلی دوداغنی
 دیشیله طوتمق ، و او صورتله منع ممکن اولمیدیغنه کوره (۳) قیامده
 صاغ النک ترسنی یاخود یکنی (۴) و قیاسمک غیریده صول

(۱) مؤلفک بو افاده سی عمل کثیر اوچ حرکتدر آنک مادونی عمل قیلدر
 دیو ایدیلان تعریفه مبنی او اوب تعریف مختار ایسه مفسداتک اوننجیسنده ذکر
 اولمشدر . ا کا و ذخیرهده ذکر اولندیغنه کوره نمازده یلپازه ایله روز کارلنمک یکن
 و اتک ایله روز کارلنمک کبی اولمیوب تکرر ایتمه بیسله مفسد صلاتدر چونسکه
 آنی کورن نمازده دکل دیو تیقن ایدر . کما فی ط .
 (۲) کرک قیام حقیقی اولسون ، کرک حکمی اولسون : نمازی قاعداً قیلقدده
 اولدیشی کبی . ط .
 (۳) بو قیدی عشی زیاده ایتمش و دیمشدرکه دیشیله اخذ شفیه مقتدر
 آغزینی ایله اورتمک دخی مکروهدر . کما مر فی الآداب
 (۴) وضع ید حدیث مسلمده ثابتدر . وضع کم ا کا قیاسأدر . ط .

النی^(۱) آغزینہ قومق ، طریقہ اولسون انی منع وامساک ایدر .
شومآلدہ کی قول شریف نبوی یہ مبنی کہ : « جناب حق آفسریخی سور^(۲) »
اسنہ مکی کریہ کورر^(۳) اسنہ یان کیسمسہ قادر اولدیغی قسدر انی رد
ایتسون هاهاه دیمسون . روایت دیگرده : « الی آغزینہ قوسون . »
بیورلمشدر .

(۳۷) کوزلرینی یومق . مکرکه بر مصلحتہ مبنی اوله^(۴) .
چونکہ کوز یومق محمل مندوبہ نظری مفوتر^(۵) هر عضوک

(۱) بعض مذاق دیدیلرکه بو قید معتمد اولق کرکدر چونکہ جناب شارع
صاغی شریفه وصولی خبیثه تعین ایتمشدر . اسنہ مک خبائی دخی صول ال ایله
دئم اولنور . کما فی الجواهر النفیسه . لکن حال قیامده آغزی صول ال ایله
اورتمکده تکثیر عمل واردر . آندن اجتناب اولنور اه بوکا کوره حال قیامک
غیریده علت مذکوره اولدیغدن صول ال ایله آغز اورتیلور . اسنہ مک
خارج صلاتده دخی مکروه اولور . انبیاء علیهم السلام حضراتی اسنہ مکدن
محفوظدلر اه من طه آداب صلاتده کچدی که بونی خاطرہ کتورمک دفع تاؤبده
مجربدر . ابن عابدین .

(۲) یعنی صاحبی مثاب ایدر . چونکہ آنی محدودعا تعقیب ایدر . ط .
(۳) یعنی اکا ثواب ویرمز . سببی اعتباریله « صاحبی مؤاخذه ایلر »
معناسی دخی محتملدر . چونکہ اکا سبب اولان رخواستک اسبابی امور اختیاریه -
دندر . ط .

(۴) مصلحت : سبب صلاح و موافق نعم و فلاح اولان شیدر . عشینک
بیانته کوره بو بابده مصلحت : مصلینک مانع خشوعی یاخود مانع کمال خشوعی
اوله جق شیئی کورمامک و یاخود اغیاردن نظری قطع ایله جانب ملک غفاره توجه
قصد ایلمک مثلی شیلدرکه بو کی مصلحه مبنی کوز یوملمش اولورسه مکروه
اولماز .

(۵) بو تعلیل کراهتک تنزیهیه اولدیغی مشهر در . نکیم صارفه مثال
اولهرق کچمشدر .

وحتى كوزك دخى عبادتدن حظى واردر . خشوعى مغوت وخاطارى
مفروق^(۱) اولان شئي رويت سبيله بعضاً اغماض ، نظردن اولى
اولور^(۲) .

(۳۸) كوزلربنى كوكه (ياخود طوانه) قالدرمق .

(۳۹) كرينمك .

(۴۰) نمازه منافى عمل قلیله بولنمق^(۳) .

(۴۱) بلا عذر اخذ قله ایتمك (بیت طوتمق) .

(۴۲) آنى اولدرمك .

اكر قارنجه وپیره کبی ایصرمقله مصلی فی متأذی و مشغول ایتمکده

(۱) قلبی مشقت دیمکدرکه حالى محله اطلاق قییلندندر . یاخود حقه متملق
خطور ایدن شینك ذاتی متفرق اولور دیمکدرکه بو حالده خاطر کندی حقیقی
اوزره بوانور . ط .

(۲) وکنت اذا ارسلت طرفک رائداً لقلبک يوماً أتعبتک المناظر
رأيت الذى لاکله أنت قادر علیه ولا عن بعضه أنت صابر
من أرسل طرفه استدعى حثفه . وهذا فى خارج الصلاة فكيف فى داخلها .
انظر فى آداب الصلاة الى الصفحة ۱۷۳ .

(۳) نمازه منافی قیدی آنده مطلوب اولان عمل مکروه اولدیغیچوندن :
تسبیح نمازده تعداد تسبیح ایچون تحریک أصابع ایتمک کبی . ط . التمش ایکنجی
مکروهه باقکز .

باشدن دوشن فسی (برال ایله) آلوب کیمک دخى نمازه منافی اولمیان
عمل قلیلدن . تسکیم در مختارک کشف رأس مسئله سننده کی افاده سنندن مستفاددر .
اللی یدنجی مکروهک ذیلنه باقکز .

مؤلف عمل قلیل مذکورک افراد کثیره سی واردر دیوب برقیل چکمکسی
مثال کتوردکدن صکره صلات خوفده یوریمکی و براوق آغمی دخى مثال کتورمشدن .
حاواکه بونلر صلات مذکوره جه مباحاتندندر . کما فی ط .

- ایسه اخذی مکروه اولمیوب^(۱) فائندن احتراز اولنور^(۲) .
- (۴۳) آغزی بی بورنی اورنیلی بولندرمق^(۳) .
- (۴۴) آغزنده اریمز برشی بولندرمق که قرات مسنونه مانع یاخود شاغل خاطر اولور : آقچه کی^(۴) .

(۱) چونکه اخذ ایتمیوب ترك ایتمك خشوعی کیدرر و قلبی الم ایله مشغول ایدر . حضرت امامدن و امام ابو یوسفدن اخذك اساءت و کراهنه دائر اولان روایت انی من غیر عذر قصداً اخذ . حل اولنور .

(۲) چونکه امام شافعی حضرتلری قمله نك قانی و قبوغنك نجس اولدیفته قائلدر . بزجه دخی قمله نك قشرینی مسجد برامق جائز اوله ماز . ص .

چونکه مسجدی شیء طاهر ایله دخی تقذیر ایتمك منیدر . قمله بعد الاخذ اولدیر ایوب نماز کاهک غیری به دفن و یا القا اولنور . افاده ط . مؤلف مسئله بی قمله حقنده سوق ایدوب پیره بی و قارنجیه بی ضمناً ذکر ایامشدر . فصل آئیده بونلرك قتلنده بأس اولدیغی سوبلهرک بوراده کی افاده سندن ده بحث ایامشدر .

(۳) اون التنجی مکروه اولان اعتجارك تفسیر ثانیسیله اون سکرنجی اولان سدل ثوبده کی استدلال مؤافه باقلسون که مؤاف مرحوم اوراده حضرت ابوهریره روایتله سدلک و آغز اورتمه نك منهیتنی سوبلهرک : فعلی هذا اركك قسمی نمازده نقابلی و یا شماقلی بولنمق و آغزی بی و بورنی اورتمك دخی مکروه در زیر آتشپرستانك آتسه طاپنمق زماننده اولان فعللرینه بکزر . دیمش و بوراده کی لما روینا قوليله اکاتلیج ایامشدر . کراحت مذکورہ متنیته :

سأطلب حقى بالقنا ومشايخ
كأنهم من طول ما انثموا مرد
مدیحه سنده اولان رجال ملثمینہ کوره در .

- (۴) اریمز قیدی مقسددن احترازدر . مفسداتك اون اوچنجیسی اوقویکز و (نمازی افساد ایتیمان شیلره دائر) اولان فصله باقکز .
- محشی دیر که قرات مسنونه قیسی آغزده اولان شی اصل قراته مانع اولمده و یاخود اوسبیله فساد صلاتی موجب تغییر حصوله کلمکده ایسه نماز فاسد اولوب واجبی منع ایتمکده ایسه تحریماً مکروه اوله جفته منیدر اه .

(۴۵) صیجاق یا خود صفوق و یا خشونت ارض ضرورتی اولمدیغی حالده سجده بی صار یغک طولامی اوزرینه ایتمک .

بوده طولامک جبهه اوزرنده بولندیغنه کوره درکه سجوده مانع اولمیان بر حائل دیمکدر . اما طولام باشده اولوبده مصلی آنک اوزرینه سجده ایدرک جبهه سی یره دکز ایسه نمازی صحیح اولماز .

(متمات صلاتدن اولان عمل قلیلده کراحت اولماغله تمسکین سجود ایچون برال ایله تسویه و رفع عمامه نك جوازی و مانع اصل سجود اولان شیتک وجوب ازاله سی ذکر اولنمشدر . مقدمه^۱ فصله و اوچنچی مکروهه مراجعت ایدکز .)

(۴۶) بوزنده بر عذر یوق ایکن سجودی یالکز آن اوزرینه ایتمک .

چونکه سجدهده انفک جبهه یه ضعی واجبات صلاتندر . بشنجی واجبه باقکز . بولک عکسی یعنی سجودهده انغه اقتصار جبههده عذر اولمدقجه غیر صحیحدر . فروضه باقکز : ۱۷
۱۸

(۴۷) یول اوزرنده نماز قیلیق^(۱) .

(۴۸) حمامده نماز قیلیق^(۲) .

(۱) چونکه حق عامه بی اشغال و اناری مروردن منع ایتمش اولور . ص . هده خاطری خشوعدن معدول اولارق حق بر اغوب خلق ایسله اشتغال ایلمش بولنور . ط .

(۲) محشی دیرکه حمام صیجاق صو معاسنه اولان حیمدن مشتقدر . مقتسل (غسلخانه) دخی حمام حکمندهدر . جامکان و حاجینک اوطوردیغی یرحمام دکلدر . علت کراحتده اختلاف اولنمشدر . بعضار : چونکه محلی ازاله^۱ نجاسات و مصب

(۴۹) آیاق یولنده نماز قیلیق .

(۵۰) مقبره ده و امثالنده نماز قیلیق (۱) .

چونکه شارع محترم صلی الله تعالی علیه وسلم یدی یرده نماز قیلقدن نهی ایتمشلردر : مزبله ده ، مجزره ده ، مقبره ده . قارعة الطریقده ، حمامده ، معاطن آبلده ، کعبه ناک اوزرنده .

(مزبله : کوبره لک ، مجزره : سلخخانه (۲) در . مقبره دن مقابر انبیاء علیهم السلام مستثنادرکه آنلرده نماز قیلیق بلا کراهسه جائزدر (۳) . قارعة الطریق : مقروع بالنعال اولان ایشلک یولدر . معاطن ابل : کرچه دوه لرک پک صبحاق زما نلرده بر کره صوایچیر یلوب ایکنجی دفعه بردها

غسلاندر دیدی . بوکا کوره حمامک بر موضعی غسل و تطهیر ایتسه اوراده نماز قیلیق مکروه اولماز . علی قول علت کراهت حمامک مأوی الشیاطین اولمسیدر . بوکا کوره داخل حمامده نماز قیلیق موضع صلاتی غسل و تطهیر ایتسه ده ایتسه ده مکروه اولور اه بتصرف . بو تعلیلدن معابد کفارده نماز قیلیمه نیک کراهتی دخی اخذ اولنور چونکه انلری ده مأوی الشیاطیندر اه من رد المختار . التمش طقوزنجینک هامشنه باسکز

(۱) امثال : حدیثده مذکور اولانلردر . ط .

(۲) جزار دوه قصابی دیمک اولدیقنه نظراً مجزره دخی دوه بوغازلسان موضع معناسنه ایتسه محل نجاسات اولق جامعیه مقصود اعمدر . حاشیه ده لفظ مجزره کسرزای ایله مضبوطدر .

(۳) معلوم دکلیدرکه حضرت اسمعیل علیه السلامک مدفن مبارکی حرم شریفده حطیم داخلنده تحت المیزابدر . حجر اسود ایله بئر زمزم آره - سنده یتمش نبی قبری وارددر . بونلر ایتسه نماز قیلیق ایچون اک کوزل موضعلردر . ابن الهمام مرحوم زاد الفقیرده مقبره دن نماز ایچون مهیا اولان موضع طاهری استثنا ایتمشدر . ط .

صولانمق اوزره حوض قربنده چو کدکلری یرلردر^(۱) و لکن بوراده
مطلقا مبارک ابل مقصوددرکه دوهلرک علی الاطلاق چوکوب
اوطوردقلری یرلردر . ط^(۲))

(۵۱) صاحبک رضاسی اولمیهرق ارض غیرده نماز قیلیمق^(۳) .
بشقه سنک مزروع اولمیان یرنده یاخود یول اوزرنده نماز قیلیمق
ابتلاسنده بولنان کیمسه اکر یرک صاحبی مسلم ایسه اوراده^(۴) و مسلم
دکل ایسه یول اوزرنده^(۵) قیلار .
(۵۲) بحاسته قریب موضعهده نماز قیلیمق^(۶) .

-
- (۱) فاذا برد الزمان فلاعطن للابل . کافی ط .
(۲) مرايض غنم واکا ملحق اولان مرايض بقدره کرچه صلات اباحه ایدلمشدر
ولکن طاهر ویافوق السجاده اولمق شرطیلهینه مع الکراهه در . الکراهه
الرائحة . أفاده ط .
(۳) صاحب ارض ذمی ایسه مطلقا (یعنی ارض کرک مزروع ویا مکروب
اولسون . کرک اولسون) انده نماز قیلیمق مکروهدر . زیرا ذمینک اکا رضاسی
یوقدر . صاحب ارض مسلم اولدیفنه کوره ارض مزروع ویا مکروب ایسه یاخود
بینلرنده دوستلق یوق ایسه ویا صاحب ارض تیتیزخوبلی ایسه انده بشقه سنک نماز
قیلمسی مکروهدر . او ایچنده بیله احسن اولان استیذان ایتمکدر . صاحب
خانهدن بلا استیذان دخی قیلمه بآس یوقدر . ط .
(۴) زیرا ظاهر اولان : صاحب ارضک اکا رضاسیدر . چونکه بلاا کتساب
فائل اجر او اور . طریقهده ایسه اذن یوقدر . چونکه انده هم مسالمک و هم غیر مسالمک
حق یوارددر . ط .
(۵) چونکه غیر مسلم کندی ارضنده نماز قیلیمغه راضی اولماز . یول ایسه
بالخصوص انک دکلددر . ط .
(۶) چونکه بر شیشه قریب اولان اوشی حکمندهدر . بز ایسه نجاساتدن
ومکان نجاساتدن تجنب ایله امر اولنمشدر . ص .

(۵۳) مدافعهء اخبثین^(۱) حائذه یعنی بول و یا غائط صیقتنیسی وار
ایکن نماز قیلمق^(۲) .

(۵۴) ریح صیقتنیسی وار ایکن نماز قیلمق .

بونلر ولوکه نماز ایچنده حادث اولمش اولسون^(۳) .

(۵۵) نجاست غیر مانعه ایله نماز قیلمق^(۴) .

مصلینک کرک لباسنده . کرک بدن و یا مکاننده اولسون^(۵) .

لسکن بواوچ حالد مع السکراهه ادا قضادن اولادر^(۶) .

(۵۶) نمازی ثیاب بذله ایچنده قیلمق^(۷)

(۱) بوتعبیر حدیث آتیدن مأخوذدر . الی سکننجینک صوکنه
باقکنز .

(۲) بونده و بوندن صکرهکنده علت کراحت تشویش بال و شغل
خاطر درکه محل خشوعدر . بوبابده نهی نبوی دخی وارددر .

(۳) اوحالده نمازی قطع ایدوب راحتندکدن صکره استیناف
ایدر . ط .

(۴) نجاست غیر مانعه : مخففهده ربم ثوبک مادونی و مغالظهده درهم
مقداریدر . ط . کتاب الطهاریه مراجعت اولسون .

(۵) خروجاً من الخلاف اونماز قطع واستیناف اولنور . ص و ط .

(۶) زیرا نمازی وقتندن چیقارمق حرامدر . ص . اخف ضررین ارتکاب
اولنور . مؤلف جماعتک دخی سنت مؤکده و یا واجب اولایقی بیانیله انک فواتی
خوفی دخی فوات وقت خوفنه الحاق ایتمشدر .

(۷) بذله بانک کسری و ذالک سکونی ایله کیردن صاقینلیان خوار
لباسدر . علی قول کرایه کیدلیه جک قیافتدر . ص . محشینک افادهسنه
صکوره کراحت تنزییهه اولقی ظاهردر . تکیم بابک اولنده ذکر
اولنمشدر . نمازده مستحب اولان : لبس معتاددر . چونکه متواتر
اولان اودر . عبدالحلیم یونی درر حاشیه سنده قنبه دن نقلاً ذکر ایتمشدر .
کیجه لکدر لبس معتاد اولغله انکله نماز قیلمقده کراحت اولماز .

(۵۷) تذلل وتضرع قصدیله دکل ده تکاسلا^(۱) باشی آچیق اوله رق نماز قیلیق (۲) .

(کراحت وعدم کراحت ارککه کوره در . حره نک نمازده باشی آچیق بوانمسی مفسد صلاتدر .)

باشندن قلنسوه سی^(۳) دوشن کیمسه یه افضل اولان آنی باشته املقدر . مکرکه تکویره (طولامه یه) وعمل کثیره محتاج اوله . در مختار .

(۵۸) کندینک مشتهی اولدیفی طعام حاضر ایکن نمازده طوررق . مصلیه مباح اولوب اکلی آرزو ایتدیکی یمک دیمکدر^(۴) اما مال غیر اولوبده صاحبی دخی آنی اکله مأذون ایتامش ایسه نماز مکروه اولمیوب ظاهر اولان : او کیمسه یه آندن تباعد ایتمک لازم اولمقدر . کندیسنه مباح اولوبده طبعنک مائل اولمدیغی طعامک حضوری دخی موجب کراحت دکلمدر ط .

سنن ابی داودده نمازک نه طعام ایچون ونه بشقه برشی

(۱) یاخود صیجاقدن ویاتخفیف رأس ایچون . ط علی الدر . تکاسلا اولمیوب استخفافاً اولور ایسه نعوذ بالله تعالی کفر اولور . نقله المجشی عن الشرح الکبیر .

(۲) اون بشنجی مکروهک هامشنه مراجعت .

(۳) قلنسوه حجازه مخصوص باش کسوه سیدر . حکم مسئله بزم فسلره دخی شاملدر . حاجی مرحوم قلنسوه یی باشه کیلان شی دبو تعریف ایتمشدر . مسئله قرنجی مکروهک واونجی مفسدک هامشارنده دخی گذران اولدی .

(۴) که شروع اولنان نمازک دخی انک حضورنده قطعی حقنده کی حکم نجاست قبله یی حامل کیمسه نک قطع صلات ایتمسی حقنده کی حکم کیدر . ط . الی بشنجی مکروهک ایکنجی هامشنه باقکر .

ایچون تأخیر اولنمیه جفنه دائر مذکور اولان حدیث صاحب صحیحینک روایت کرده لری اولان « اذا وضع عشاء أحدكم و اقيمت الصلاة فابدؤا بالعشاء ولا يعجل حتى يفرغ منه » (۱) حدیث شریفنک صراحتنه مبنی نمازی وقتندن تأخیر ایتمه که محمولدر (۲) . حدیث صحیحینده طعامک نمازه تقدیمی مصلینک فکری آنسکه مشغول اوله رق خشوعی زائل اولماق ایچون امر اولنمشدر . تنکیم : « لا صلاة بحضرة طعام ولا هو يدافعه الا خبثان » (۳) . دخی بیورمشدر .

(۵۹) زینت کبی خاطرینی مشغول ایدن { شیلرک حضورنده
(۶۰) هو و لعب کبی خشوعی اخلال ایلیان { نماز قیلیق (۴)
بوکا مبنیدرکه علیه الصلاة والسلام اقدمز حضر تلی نمازه قوشارق کله کی دخی نهی بیورمشدر (۵) .
(۶۱) آیتلری ال ایله صایمق .

-
- (۱) لفظ دیکرده : « إذا قدم العشاء فابدؤا به قبل أن تصلوا صلاة المغرب ولا تعجلوا عن عشاءكم . »
(۲) کذا حمله الکمال . وحمله غیره علی ما إذا کان لا یشتهیه . ط .
(۳) الی اوچنجینک هامشده ذکر موعود اولان حدیث شریفدر .
(۴) جامعلرده آفاق قابلرینی ارقهیه براغهرق نمازه طورمق دخی بوقیلدن مکروه اولدیفنی ابن عابدین مرحوم ذکر ایتمشدر .
(۵) سعی الی الجمعه بنی آمر اولان آیت کریمده سعی : سکرتمک دکل ، صلات جمعهیه وقار و سکینت ایله کیتمکدر . ص . لتکن مشیتک الی المسجد أوقراً مشیة ، ولتکن خشیتک فی الصلاة أوفر خشية .

- (۶۲) رکوع وسجود تسبیحاتی ال ایله صایمق (۱) .
- (۶۳) امام تمامیلله محرابک ایچنده قائم اولمق .
- کراحت (۲) امامک حالی جماعتیه مشتبیه اوله بیله جکی
- ایچوندر (۳) . امامک قیامی محرابدن خارجده اولوبده سجدی
- داخل محرابده واقع اولورسه (۴) کراحت قالماس . تنکیم امامک
- محراب دروننه صوقولسی زحام جماعتدن ایلر و کلبش ایسه ینه
- کراحت یوقدر .
- (۶۴) امام برذراع مقداری (۵) یوکسک { بر محله یالکزجه
- (۶۵) یاخود بالعکس او مقدار آلچاق { بولنمق .
- اگر برکیمسه امام ایله برابر بولنورسه کراحت اولماز .
- (۶۶) آچیغنی اولان صفک آرقه سننده نمازه طورمق (۶) .

- (۱) ال ایله صایمق ایسکی درلودر بری پارمق بومهرق صایمقدركه
- بو عند الامام مکروهدر . بری ده پارمق او جارینی باصهرق و تعبیر دیگرله تحریک
- اصابه ایدرك صایمق و قلباً احصا ایتمکدرکه بواتفاقاً مکروه دکلدر . تنکیم
- تسبیح نمازینک تسبیحاتی دخی بوسورتله صایلور . لساناً صایمق اتفاقاً مفسددر .
- کافی ص . قرئنجی مکروهده باقی .
- (۲) تنزییهدر . کافی البحر .
- (۳) محراب زمینی مسجد زمیندن مرتفع اولان جوامعه کوره اشتباه اولماز .
- عشی دیگرکه اشتباه منتفی اولورسه کراحت دخی منتفی اولور .
- (۴) که بتون جوامع شریفهده حال بوموال اوزرهدر . و مسکان
- صلاتده اعتبار موضع قدمینه در .
- (۵) علی قول اورتیه بویلی انسان قامتی مقداری . ص .
- (۶) چونسکه فرجانتک سدی مأمور بهدر . همدیه حدیث
- شریفده : صفک آچیغنی قاپایانه اون حسنه یازیلور و کنسیدن اون

(۶۷) صورت ذی روح اوزرینه سجده ایتمک (۱) .

(۶۸) ذی روح صورتلی لباس ایچنده نماز قیلیق (۲) .

(۶۹) مصلینک باشنک اوستنده یاخود آرقه جمتهنده ویاخود اوک ویایان طرفلرنده (صاغنده ویاصولنده ط) صورت ذی روح بولنمق .

کراحت جمتهله اشدی مصلینک اوکنده ، صکره فوقنده ، صکره صاغنده ، صکره صولنده و صکره آرقه سننده بولنمقد (۳) .

مکرکه صورت تفاصیل اعضاسی متبیین اولیوب یرده ایکن (۴)
آیاقده طوران دقت ایتمکجه کوره میه جک درجهده کوچک

سیئه محو اولنور و اوکیسه اون درجه ترفیع ایدیلور . بیور لمشد . ص .
محشی دیرکه فرجه آراتی دیمک ایسهده اندن آدم صیغه جق قدر اولان آچیقلاق
معناسی مقصوددر . والا آچیق یر یوق دیمکدر . کراحت مذکوره دخی اقتدا
قصد اولندقددر . انفراد قصد اولندیغنده حکم بالعکسدر اه .

(۱) یاغیلرده وسجادهلرده یازی بولنمق دخی مکروه اولدیغی
محشی فصل آتیده ذکر ایتشد .

(۲) صورت ذی روح لباسده کرک منقوش ، کرک منسوج اولسون .
مؤلفک : چونکه حامل صنمه بکزر . دیو ذکر ایتدیگی علت اونوع لباسک
خارج صلانده دخی کراحتی اتاج ایدر . ط .

(۳) صورت یالکز مصلینک آیاقلری آلتنده ویا اوطوردیغی یر
اوزرنده ایسه کراحت یوقدر چونکه مهاندر (محقردر) کما فی الدر . کلیسالر
همده موضعه تمانیل اولدیغیچون انلرده نماز قیلمه نك کراحتی تأ کد ایتمش اولور .
فرق سکرنجینک هامشنه باقکزر .

(۴) هذه العبارة زدتها من الدر المختار في الاستثناء .

اوله : پاره اوزرنده کی صورت کی (۱) . باخود بیوک ایسه ده
مقطوع الرأس بولنه (۲) . یاخود صورت غیر ذی روح اوله (۳) .

(۱) که اکاپرسنش اولنماز . ص . سوز آچیقده اولان صورتلر
حقنده در . کیسه وچیقن کی شیرده صاقلی اولانلرده کراحت اولدیغی
درمختارده مصرحدر . مؤلف دیرکه نماز قیلانک اوستنده قرال صورتلی
پاره لر بولنسه بآس یوقدر چونکه اومقوله صورتلر کوزدن کوچک
قالوراه عشی دیرکه خاتمه منقوش غیر مستبین (بلورسز) صورت دخی
بوله در . غیر مستبین قیدیه تقید خاتمه بللی اولان صورتک نمازده کراحتی
افاده ایدر . اومقوله صغیر صورتلر یایقیلرده و آیاق آلنلرنده اولوبده امتهان
ایتمکده (خوارلنمده) بولنان بیوجک صورتلر کی مانع دخول ملائکه
دخی دکلدر . حدیثلر مخصصدر . حضرت ابو هریره نک رضی الله تعالی عنه
خاتمه ایکی سینک صورتی واریعش . دانیال علیه السلام خاتمه دخی
بر ارسلان و برده دیشی ارسلان ، ارلرنده کی بر اوغلان چوجقی
یا لار اولقلری مصورایعش . سببی ده بخت نصر کندینک هلاکی آنک النده
اوله جق بر چوجق طوغه جفی ایشیدرک طوغان چوجقلری قتل ایتمکده
اولدیغی صرده حضرت دانیالک والده سی دانیالی طوغرمش و : بلکه
سلامت بولور . دیو انی براورمانه براقمش ایمش . حق جل وعلا اکا
محافظ اولق اوزره بر ارسلان و مرضه اولق اوزره برده دیشی
ارسلان تعین ایدرک اوله جهله نشوونما ویرمش اولدیغندن حقک
بو نعمت و قدرتی کوزی اوکندن آیرماق ایچون حضرت دانیال صورت
حالی خاتمه نقش ایندرمشدر . خاتم مذکور عهد حضرت فاروقده اله
کچمش و حضرت عمر انی کوروب کوزلری یاش ایله طولارق ابو موسی
الاشعری (رضی الله تعالی عنهما) حضرتلرینه اعطا بیورمشدر اه من موضعین
بزیاذه من حاشیته علی الدر .

(۲) قطم رأسدن مقصد آنی یاشایه میه جق حالده بولندر مقدر . آنی
اویعق یاخود سیلوب محو ایتمک دخی قطم رأس حکمنده در . اوزرینی بویایوب
باشنی بلورسز ایتمک دخی او دیمکدر . کما فی ط .

(۴) روایت اولنان شیئه بنساء که حضرت ابن عباسه (رضوان

(صورت ذی روحك كرك حرمت تصوير واتخاذنجه وكرك نمازده کی كراهتنجه منقوش ویا منسوج اولانیله محكوك ویا منجوت بولناتی بیننده فرق یوقدر .)

بشقه سنك خانه سنده صورت ذی روح كورن كیمسه یه انی محو و تغیر ایتمك جائز اولور (۱).

(۷۰) مصلینك اوکنده ایچنده قور اولان (۲) تنور (۳) بولنمق .

الله تعالی علیهما (بری کلوب : بن صورت یاپارم بکا بونك فتواسنی وبر . دیدکده حضرت ابن عباس « کل مصور فی النار الخ » حدیثی (۱) اوقویه رق : اکر سن صورت یاپاجق ایسهك آغاج وسائر جائنز شیلری تصویرایت . بیوردیار اه من ط . آغاجك متمر اولانی ایله اولیسانی آره سنده کافه علما رحمهم الله تعالی عنده فرق اولیوب یالکز امام مجاهد متمر اولان آغاج صورتی مکروه کورمشد . کذا فی حاشیه الدرر لعبد الحلیم .

(۱) لائق اولان واجب اولمقد . برکیمسه بر مصور استیجار ایتسه اکا اجرت یوقدر چونکه عملی معصیتدر . ایچنده تصاویر اولان بر خانه یی هدم ایلسه صورتلردن خالی اوله رق قیمت ییتی تضمین ایدر . ط .

(۲) جرك تركچه سنه بز قور دیرز . طشرده کوز دیرار . مجوسیلرك عبادتی نارموقدهیه دکل ، جرهدر . تنکیم محشی بوندن صکره کی فصلده ذکر ایتمشد .

(۳) بر نوع فرن .

(۱) وتمامه . یجعل له بكل صورة صورها نفس فتعذبه فی جهنم . كما فی الجامع الصغیر .

- (۷۱) مصليٰ نيك او كنده ايچنده قور اولان اوجاق بولنمق (۱) .
 موم وفنديل (۲) وفانوس بولنمق قول صحيحده مكرره
 دكلدر (۳) چونسكه پرستشه بگزه مز (۴)
 (۷۲) مصليٰ نيك او كنده اويور كيمسه لر (۵) بولنمق (۶) :
 (۷۳) آلنندن كندينه ضرر ويرميان طوپراغي سيليك
 (۷۴) تر سيليك .
 چونسكه بولنر برنوع عبثدر (۷) .

- (۱) چونسكه بو حالده مصليٰ مجوسيلرك آتسه پرستش ايتدكلري
 حالده انلره بگزه مشراولور . ص .
 (۲) فوق المصليٰ معلق اولان قناديله سوز يوقدر .
 (۳) فناواي حجتده اولي اولان انكده تركيدر ديمشدر . رمضان
 كيجه لري مساجدده ياپلديغي كبي موم مصليٰ نيك ياتنه طوغري اولورسه اتفاافاً
 كراحت اولماز . ط .
 (۴) مؤلف بوكلامي بوندن صكرهكي فصلده تكرر ايدر .
 (۵) محشي ديركه ظاهر اولان شخص واحدك دخي بولنسي محذورلي
 اولديغنه كوره حكم بويله اولمقدر .
 (۶) بونك كراحتي كولنه جك ويا اوتانيله جق ويا خود موجب اذا
 اوله جق برحالك ظهورندن قورقلق يا خود نائم ايله يوز يوزه كلك تقديرنده در .
 والا كراحت يوقدر . زيرا حضرت عائشه رضي الله تعالى عنها : رسول الله صلى
 الله تعالى عليه وسلم بتون كيجه نماز لريني (يعني تهجد لريني) كنديسييله قبله
 ازه سنده بن (ياتعده) بولنديم حالده قيلارلر ووترى ادا ايدجكلري وقت بني
 اويانديرلر بن دخي وتری قیلارم . بيورمشر اه ص .
 (۷) نمازده عند الايذاء وجهدن تری ويا ترابي سيليك داعي حاجته مبني
 اولديغيچون عبث عداولتماق لازم كلور . تسكيم فصل آتیده ذكر اولنور .
 مؤلف بورادهده آنك استثناسنه اشارت ايتمشر . عبثك تعريفیچون برنجی
 وايكنجی مكررهك شرح وهامشنه باقكر .

اگر کندینه ضرر ویریور ایسه سیله بیلور .
 (مؤلف بونلری فصل آئیده تکرار ایدر .)
 (۷۵) نمازده فاتحه وجوباً متعین اولمغله او ، و مسنون
 معین (۱) مستثنی اولوب اندن بشقه بر سوره تعین ایدرک دیکرینی
 او قوماق (۲) .
 چونسکه بونده باقی مهجور ایتمک واردر . مکرکه کندینه
 قولایلق اولمق یاخود قراءت نبی علیه السلام ایله تبرک ایتمک ایچون
 تعین سوره ایلمش اوله . او حالد کراحت اولماز ونبی علیه
 الصلاة والسلامک قراءت لرینه متابعت مستحب اولور .
 (۷۶) امام مقتدی فی فتحه مجبور ایتمک .
 (تسکیم مقتدی فتحی تعجیل ایتمک دخی مکروهدر . مفسداتدن
 الی ایکنجینک صوک هامشنه باقکز .)
 (۷۷) اوکندن کچلسی مظنون اولان یرده مصلی ستره
 اتخاذینی ترک ایتمک .

(مؤلف بوراده اتخاذ ستره فصلنی عقد ایتمش ایسهده بز
 شمدیلک انی تأخیر ایدرک حاشیهده ودرختارده وحواشیسنده کوریلان
 مکروهاتی زیاده ایدکز) :

(۱) وترده مسنون اولان سورهلری قراءت کی . ط . یکرری اوچنجی
 مکروهه باقکز .
 (۲) امام طحاوی تعین سوره کراحتی « بشقه سوره ایله نماز قیلنور ایسه
 جائز اولماز » اعتقادیه تقیید ایدوب : بویه اعتقاد ایتدکجه کراحت اولماز ، دهمشدر اهط

(۷۸) سجده به وارر ایکن الیرینی بلاعذر دیزلرندن اول
یره ایندرمک وقالقار ایکن دیزلرینی الارندن اول رفع ایلک .
(۷۹) رکوعده باشنی یوقاری دیکمک یاخود آشاغی اکمک .
(۸۰) بسمله یی و آمینی (و کذا ثانی و تعوذی ح) جهرا یتمک .
(۸۱) رکوع یاخود سجود تسبیحاتنی ترک یاخود اوچدن
اکسیک ایتمک .

(۸۲) رکوعه وارر ایکن یاخود رکوعدن قالقار ایکن
ال قالدرمق (۱) .

(۸۳) جمله استراحتی یایمق (۲) .

(۸۴) فرض اولان نمازده بلاعذر دیواره یاخود عصایه
طیانوب طورمق (۳) .

(۸۵) بلاحائل وجه انسانه طوغری نماز قیلیق (۴) .

(۸۶) قوجاغنه بلاحاجه چوچق آلوب نمازه طورمق (۵) .

(۱) بونی مؤلف مفسداتک اوننجیسنده ذکر ایتمشدر . بونک مفسد صلات
اولسی حقنده کی روایت شاذدر . نصوا علی ذلک .

(۲) جلسه مذکوره شافعی المذهب اولانلرک ایکنجی رکعتیه قیام صرہ سنده
ایتدکلری قعوددر . زدت هذا العدد من كتب الاصول مضاهاة لما قبله . و تقدم
من المحشى فی آخر شروط صحة الاقتداء انها مکروهة تنزیهاً . انظر فی الصفحة
۲۱۰ السطر الثاني تحت الجدول .

(۳) نفلده علی الاصح مکروه دکلدر .

(۴) استقبال کیمک طرفندن واقع اولمش ایسه کراحت اکادر و تحریمیه در .
بلا حائل قیدی ارهده بر شخص بولنوب انک آرقه سی مصلینک یوزینه کلش اولمقندن
احترازدرکه او حالده کراحت اولماز .

(۵) حلّی قوجاغه آلنان شیئی چوجغه حصر ایتمیه رک «أو غیره مما يشغله»

- (۸۷) لباس مغضوب ایچره نماز قیلیق (۱) .
 (۸۸) بلا ضروره لباس حریر ایچره نماز قیلیق .
 (۸۹) ارککه حریرک حرمتی و نمازده کراحتی لبسنده در ، استعمالنده دکلدر . ایپک سجادهده کراحت یوقدر .
 (۹۰) امام صوگ جماعتک غیریده محرابدن بشقه یره طور مق .
 (۹۰) مصلی جامعده کندیسیچون بریر تعیین ایدرک نمازی دائما اوراده قیلیق .

قولنی زیاده ایتمشدیر . بلا حاجه قیدی حاجت و ضرورته مبنی اولانی استئنا ایچوندیرکه انده کراحت اولماز . علیه السلام افندمز حضرتلری کریمهلری زینب افندمزک قیزی امامه افندمزی باقه جق کیمسه بولمیدیچون نمازده قوجاقلربنه آلوب سجدهیه ایندکلرنده یره قورلر و قیام ایدرلر ایکن ینه آلوزلر ایدی . افعال متوالی اولمدقجه نمازه ضرر ایتمز . کما فی رد المحتار .

(۱) بشقه سنی بولسه ییله مکروهدر . زیرا غیرک اذنددن و یا اداء ضماندن اول آنک ملکیله انتفاع ایتمک جواز یوقدر .

(فصل)

مصلی ایچون مکروه اولمیان شیلره دائر

مصلی یه بلنی باغلامق^(۱) مکروه اولماز . چونکه ونده محل عورتی ستر وصیانت ایتمک و عبادت ایچون چمرنمک واردر . حتی ، برقباه ایچنده^(۲) بلی باغلی اولمیهرق نماز قیللق اسامتدر^(۳) .

مصلینک بویننده قلیج و امشالی طاقیلی بولنمق^(۴) حرکتی کئندیسنی مشغول ایتمیور ایسه مکروه اولماز . اگر حرکتی اتی مشغول قیلیور ایسه حال قتالک غیریده مکروه اولور .

چپکن کیمیانلر قولارینی کچیرمیهرك نمازه طورمق مکروه اولماز . مصحفه یاخود سیفه قارشو نماز قیللق مکروه اولماز . مصلینک اوکنده اکا مواجه اولمامق اوزره آدم بولنمق مکروه اولماز^(۵) .

مومه یاخود قندیلله ویافانوسه قارشو نماز قیللق مکروه اولماز^(۶) .

(۱) نمازده چوزیلان و ماتحتی مکشوف اولق احتمالنده اولان قوشاغنی دیمک ایستر .

(۲) قباه : اوکنندن آچیق اولان هر لباسدر انتاری کبی . مقصوده بلنی باغلامیهرق اوکلرینی قاوشدرمقدر . کما فی ط .

(۳) چونکه آلتنه بشقه برشی کیماش دیمک اولدینیچون انکشاف عورت وقوع بوله بیلور .

(۴) قیاجی بیوندن آصغه تقلد و بلدن قوشاغنه توشج دینور .

(۵) سکسان بشنجی مکروهه باقکز .

(۶) یتمش برنجی مکروهه باقکز .

اوزرینه سجده ایدلماکجه سورخی روحی حاوی یایغی اوزرنده
نماز قیللق مکروه اولماز^(۱) .
نمازده ییلان اولدرمک مکروه اولماز^(۲) .
ذات صلاته نظرأحیه نک جمیع انواعی بردر^(۳) . عقرب اولدرمک
دخی ییلان اولدرمک کبیدر .

اوابی رکوعده جسدینه یاپشه رق اعضاسی بللی اولماق ایچون مصلی
عمل قلیل ایله انی سیلکله مکده ولباسنی تر ابدن صاقتمقده بأس یوقدر^(۴)

(۱) مؤلف نماز قیللق بداندنه : سجود ایتمک . دیشدرکه سجده تلاوته
دخی شاملدر . محشی دیرکه یایغیره وسجاده لر حروف مقطعه ییله اولسه وحقی
حرف واحددن دخی عبارت بولنسه یازی یازمق مکروه اولور اه التمش طقوزنجی
مکروهک هامشنه باقکمز .

(۲) محشینک افاده سنه کوره عدم کراحت خوف اذی حاننده آیاغنک قابیله
اوزرینه باصمق مثلی عمل قلیل ایله مقید اولوب امن حاننده عمل قلیل دخی
مکروهات صلاتندیر . کک خوف وکک امن حاننده انلر عمل کثیر ایله اولدیریلور
یاخود قبله دن انحراف وقوع بولور ایسه نماز فاسد اولور . امر بالقتل صحت
صلاتی استازام ایتمیوب مصلی اکا مباشرتله آتم اولماز دیمکدر .

(۳) « اقتلوا الحیات کلهن فن ین ین خاف ثأرهن فلیس منا » بیورلمشدر .
ثا فی جامم السیوطی . « اقتلوا ذا الطفتین والابتر » حدیثک « وایاکم والحیه
البیضاء فانها من الجن » زباده سی یوقدره اکا بدل جامع صغیرده « فانها یتمسان
البصر ویسقطان الحبل » موجوددر .

(۴) بو ووبامدی لابس قیلندن اولدییچون ماقبلندن مفصول اولمشدر .
لابأسک ترکی اولی اولدییی معلومدر .

مصلی آلتنه یاپشان ترابی یاخود نباقی نمازدن فارغ اولدقدن صکره سیله بیلدیکی (۱) کبی کندیسنه ضرر ویرمکده و خشوع صلاتدن انی مشغول قیلقدده ایسه قبل الفراغ دخی انی سیلمکده تر سیلمک کبی بآس یوقدر .

مصلی یوزینی چویرمیه رک کوزینک اوجیهله بایمقدده بآس یوقدر . حاجت اولدقجه اولی اولان انی ده ترک ایتمکدر . چونکه مخالف آداب صلاتدر .

سجدهده حجم ارض (یرک پکلیکی) بولندقجه نمازی یتاق و یاغی اوزرنده قیلقدده بآس یوقدر .

افضل اولان بلا حائل یر اوزرنده یاخود حصیر و اوت کبی یردن نابت شی اوزرنده قیلقددر .

کحر و برددن و خشونت مضره دن اتقا ایچون بز پارچه سی قویوب (۲) مثلاً مندیله یایوب انک اوزرینه سجده ایتمکده بآس یوقدر .

نفلك ایکی رکعتنده تکرار سوره ایتمکده یعنی ایلک رکعتده او قودینغی ایکنجی رکعتده دخی او قومقدده بآس یوقدر (۳)

(۱) روایت حضرت انسہ کوره پیغمبر صلی الله تعالی علیه وسلم افندمز حضرتلری نمازدن فارغ اولدقلرنده جبهه مبارکه لرینی صاغ الریله مسح ایدوب: «أشهد أن لا إله الا الله الرحمن الرحيم اللهم اذهب عني الهم والحزن» بیوررار ایمش . انار مصلینک الننده قالدقجه ملکار کندبسیچون استغفار ایدر اولدقلری ده مرویدر . کما فی ط . لکن روایت سابقه یه ومؤلفک «تنظيفاً عن صفة المثلة» قولنه نظراً انک ازاله می اولادر . بعض زوار کعبه نك صیجاق قومده بالوضوء ايله نماز قیلوب آنلرنده اثر سجود ابقا ایتلمی مباح اولیان تصنم جمله سندندر .

(۲) افاده نك ظاهری بوکه انک بلا سبب وضعی مکروهدر . ط .

(۳) بکرمی بشنجی و بکرمی التنجی . مکروهلره مراجعت .

﴿فصل﴾

اتخاذ ستره یه و مصلی او کندن کچنی دفع ایتمه که دائر

ستره که عقده و زننده در مابه الاستتار معناسنه اوله رق مصلی او کندن کلوب کچنه سپر اولق اوزره اتخاذ ایتدیکی شیدر . بر ذراع ودها زیاده ارتفاعده اولور (۱) .

نماز قیله جق کیسه او کندن مرور و قوعی محتمل اولان موضعهده

(۱) علیه السلام افندمز حضرتلری ستره مصلیدن سؤال اولندقلرنده : « مثل مؤخره الرجل » بیور مشلردر که مؤخره مؤمنه و زننده دوه سمرینک ارقه طرفنده را کبک رأسنه محاذی بواناق آغاجدر و انده خایی مشدد قیامق خطادر . بر ذراع و مافوقیله تفسیر اولمشدر . ص . مؤلف انک حداقل عرضنی دخی بر یارمق قالینقی اولق اوزره کوسترمش ایسه ده محشی انی خلاف مذهب بولهرق : قالینق ایچون حد یوقدر چونکه مؤخره رحل طولنده اولان شی بر قیل اینجه لکنده دخی اولسه کفایت ایدر دیمشدر . طول ستره حقنده مقدار ذراعدن اقلنه اعتبار اولنوب اولنیه جفی مختلف فیهدر . اکثرنده خلاف یوقدر . ستره آیاقده طوران ویا اوطوران انسان ویا دابه کبی هر دیکیلی شیئه شاملدر . کما فی القهستانی و الحلی . قنیهده ارکسکیک ارقه سنی تجویز و وجهنی منه ایدوب جنینده تردد ایلشدر . عرم اولیان قادینی دخی منه ایدوب عارمهده اختلاف کوسترمشدر . نائم و مجنون و غیر مسلم ستره اتخاذ اولنماز . کما فی العینی علی البخاری . قهستانیده مذکوردر که : بتر صغیر و نهر صغیر و حوض صغیر قول اصحده ستره دکادر بونلرک کبیری طریق کییدر . طریق مظنه مرور اولدیفندن ستره اوله مدیفی کبی بونلرده ستره اوله نماز دیمکدر . الی هنا کلامه .

ستره اتخاذ ایتمک مستحبدر^(۱) که کند یسنه یا برستونی و یا بر آغاچی و یا خود دیکدیکی دکنکی و وضع ایتدیکی صندالیه یی سپرایدینور .
« لیستتر اُحدکم ولو بسهم » بیورلمشدر . او کندن کچن اولسه بیله مصلی آنک ماوراسندن کف بصر ایله قوه متخیله سنی انتشار ایتماک اوزره اکا ربط ایله جمع خاطر ایلمش اولور .

یر سرت اولدیغنه کوره یا تنده اولان شیئی (مثلاً عصا و یا شمشیه یی) دیکشده دوشمش کبی اوزو نلغنه براغور^(۲) .

ستره اولقی اوزره او کنه رکز و یا وضع ایدجک بر شی بولمسان مصلی بر خط چکر که مقصود قوه متخیله منتشر اولماقی ایچون ربط اولنه رق مصلیده جمع خاطر حاصل اولمقدر^(۳) . آئی او کنه دیکلش برد کنک کبی طولانی چیز که او حالده ظل ستریه شبیه اولور . و یا خود عرضاً هلال آسا بر خط مقووس چکر^(۴) .

(۱) امام احمد انک وجوبنه قائلدر . ط .

(۲) امام ابو یوسف حضر تارینک حج یولنده نمازه طور دقجه او کنه قامچیسنی آثار اولدقاری مرویدر . کما فی ط .

(۳) خط ستره نک اولماسی بویله دکلدر که او حالده خیال بصره تابم اوله رق فکر چوغالور . ط .

(۴) علی قول محراب کبی تدویری چیز . کما فی القهستانی . علی القارینک شرح مشکانده مذکوردر که ائمه حضراتی سرش سجاده نوعندن اولان نمازلی خطه قیاس ایتملردر بوده بر قیاس جلیدر چونکه نمازلی خطدن زیاده دافه مرور اولور . ط . ابن عابدینک بیاننه کوره مصلی او کنه ثوبی یا خود کتابی وضع ایتمک دخی کافیدر . انجق رکز ممکن ایکن وضع ، و وضع ممکن ایکن خط ، کافی دکلدر .

جماعتله قیلانن نمازده امامک ستره سی آرقه سننده بولنانلر ایچون دخی ستره در (۱) .

سنت اولان: ستره یه قریب طور مقدر . و پک طوغریسنه طور میوب
آنی ایکی قاشلرندن برینک (افضل اولان صاغ قاشنک ط) حداسنه
آلمقدر .

مصلی اتخاذا ستره ایتسون ، ایتسون اکا مستحب اولان اوکندن
کچنی دفع تشبثنده اولما مقدر . باش یاخود کوز و یا ال ایله اشارت
ایدرك یاخود « سبحان الله » ديهرك دفعه رخصت ویرلمشدر . اشارت
ایله تسبیحی جمع ایتمک مکروه در (۲) .

ارکک قسمی دفع مار (۳) ایچون جهر قراءت دخی ایده بیلور .
قادین جهره بدل تصفیق ایدر (۴) .

(۱) چونکه صلی الله تعالی علیه وسلم افندمز حضرتلری ابطلعه
رکز ایتمش اولدقلری عنزه یه - که اوجی دمیرلی اولان عصادر - طوغری نماز
قیلدیلر حالبوکه جماعتک ستره لری یوق ایدی . ص .

(۲) بوبابده جواز مقاتله حقنده وارد اولان اثر عنف ایله مدافعه یه
محول اولوب اوده ابتداء اسلامده داخل صلاتده اکا منافی عملک مباح
اولدیفی زمانده ایدی مؤخرأ « ان فی الصلاة لشغلاً » حدیثیله نسخ اولندی .
کما فی ص مع ط .

(۳) مار : رانک تشدیدیلله (مارین) ک مفردیدر که مروردن
اسم فاعلدر .

(۴) تصفیق ال چریمق دیمک ایسه ده بوراده مقصود ایسر عمل
اولق اوزره : صاغ ایله صول النک اوزرینه اورمقدر . کما فی ط .
قادیلردن تسبیح ویا جهر قراءت طریقله دفع مطلوب اولماز . ص .

مصلینک اوکندن کچلیسکه نمازی فاسد اولمیوب کچن مکلف متممک
آثم اولهجنی نمازی افساد ایتیمان شیر فصلنده ذکر اولنمشدر . ابن
عابدین مرحومک بیانه کوره کعبه یی طواف ایدنار مصلی عد اولنمغله
مطاف کنارنده نماز قیلا نلرک اوکنده ستره یه حاجت اولمدیغی کبی
داخل کعبه ده ومقام ابراهیمده دخی مصلینک اوکندن مرور ایدن
منع اولتماز .

(فصل)

قطع صلاتی ایجاب واجزه ایدن شیلره وجواز تأخیر صلاته دائر

قطع صلات که نمازی بوزمقدر حرام ايسه ده عارض شرعی به
مبني بعضاً جائز و بعضاً واجب اولور (۱) :

ملموفك اشتغائیهسی اوزرینه اغائیه قادر اولان مصلی نمازی
فرض دخی اولسه قطع ایتك واجب اولور (۲) . صكره
استیناف صلات ایدر .

(ملموف : بر متعدی تسلط ایتك یاخود صویه دوشمك
ویاخود حیوان صالمق کبی کندیسنه موجب هم اولان بر شی
اصابتيله باشی صیقیلان کیمسه در . استغائیه : فریاد ایدوب یاردمه
چاغر مقدر . اغائیه : یاردم ایدوب قورتار مقدر .)

طواره قورد وسائر جانور کلك حالنده واعمی اولان یاخود
مخاطرهیه آگاه اولمیان کیمسه قوی مثلی برتهلکیه دوشمك خوفنده
دخی قطع صلات واجب اولور . نسکیم قابله (ایه) آله جفی چوجفك

(۱) بو فصلك عقدیاشته بو نوع مسائل ایچوندر . محشی دیمشدر که :
مؤلف مفسدات محرمه دن فارغ اولقله مفسدات جائزهیه شروع ایلدی آرهیه
مکروهاتی ادخال ایتدی که انلر فساد ایله صحت کامله ارسنده مرتبه متوسطه در .
(۲) بوندن ظاهر اولان فرض اولقدر . قاله ط فی حاشیه الدر
وأقره ابن عابدین .

ويا آناسنك هلا كئندن ويا برعضوينك تلفنندن ظن- غالب ايله خوف اوزره اولديغى وقت نمازده ايسه قطع ايتمك و دكل ايسه نمازى وقتنندن تاخير ايلك (يعنى قضايه براقمق) واجب اولور . خوف مذكور اوزره ظنى غالب اولديغى تقديرده دخى قابله نمازى صكره يه براغهرق چورجقله مشغول اولمقده مـمـذرتـه مبنى باس يوقدر (١) .

قيرده بولنان كيـمـسـه دخى خرسزلردن ويا رهزألردن ياخود جانور ويا سيل تـهـلـكـهـسـنـدن (٢) خوف اوزره اولمقده نمازىنى وقتنندن صكره يه تاخير ايده بيلور (٣) .

مصلى صلات نافله ده اولوبده ابوينندن برى (٤) آنك نمازده اولديغنى بيلهرك ندا ايدرسه اجابت ايتامـكـده باس اولماز (٥) .

(١) چوجنك آناسى دخى قابله كبيدر . بلكه تاخير صلاته اندن اولادر . آرتق كلان چوجنك باشى يره دكـامـك ايچون بر چقورجقز حفر اولنهرق تيمم ايله اولسون نمازى اكا لازم قيلمهـك بروجهى يوقدر . قاله ط .
(٢) بوتـهـلـكـه كوى وشهر ايچنده دخى اوله بيلور . يانقين تهـلـكـهـسى دخى بوكا الحاق اولنور . كما صرحوا به فى صلاة الخوف .

(٣) مقابله اعداده بولنان محاربلىر كى كه سوارى اولدقلى حالده ايمايه قادر دكلار ايسه عذره مبنى نمازلىرىنى صكره يه براغورلر . ص . چونكه نمازايله اشتغال صورتنده حرباً فوت ايدجكلرىنى تدارك ايتمك (صكره دن اله كچيرمك) انلره ممكن اولهـماز . نمازك ايسه اداء فوقى تقديرنده قضاء تداركى ممكن اولور . ط .

(٤) ابوينندن مقصود اصولدركه اجداد و جداته شاملدر . كما فى رد المحتار .

(٥) « باس اولماز » ديمكـله عند العلم اجابتك اولى اولديغى افاده ايتمشدر . ط .

اگر نمازده اولدیغنی بیلیمیه رک چاغیرر ایسه وجوباً اجابت ایدر (۱).

مصلی صلات فرضده اولوبده ابویندن بریتک بلااستغائه (۲) مجرد نداسی سببیلله قطع صلات ایتمک جائز اولماز. چونکه آنک جوازی ضروره در.

بر درهم کوش دکرنده اولان شی بشقه سنک دخی اولسه چالتمق قورقوسی اوزرینه نمازی فرض بیلله اولسه بوزمق جائز اولور. چونکه اومقدار شی مالدر (۳). چالتمق شی بشقه سنک

(۱) فرع : نمازده نبی علیه السلامه اجابت ایتمک مصلیه فرض اولور. او حالده کی نمازک بطلانده اختلاف اولمشدر. ابونی بدرالدین العینی شرح بخاریده و ابو السعود العمادی تفسیر سوره انفالده ذکر ایلشدر ا ه ط. اصحابدن ابو سعید بن المعلی که - اسمی حارث، یاخود رافم و یاخود اوس، در - (رضی الله تعالی عنه) نداء نبی علیه السلامه نمازده بولندیغیچون عدم اجابتندن طولایی معاتب اولشدر. تنسکیم صحیح بخاریده أستعین بالله تعالی (یا ایها الذین آمنوا استجیبوا لله ولارسله اذا دعاکم لما یحییکم) آیت کریمه سنک تفسیرنده و کتب اصولده صیغه امرک موجبی وجوب اولدیغی بحثنده مذکوردر. لکن ابو السعود مرحوم زحشریه و بیضاویه تبعاً قصه ابی بن کعب رضی الله تعالی عنه حضرتلری حقنده ذکر ایلشدر. ایچنده اجابت نبی واقع اولان نمازک عدم بطلانی راجعدر. چونکه صلات، اجابتدر. کما فی القاضی والقسطانی.

(۲) بو حالده ابونیک حکمی سائرلری کبیرر ط. عند الاستغائه آنلر ایچون قطع صلات وجوبده مؤکددر.

(۳) مدافعه مال ایچون مقابله ببله مشروعدر. «قاتل دون مالک» بیورلشدر. قول اصحده درهمک مادونی دخی اولیلدر. زیرا بردانقک دخی آخذی حبس اولنور. ص.

اولق تقدیرنده دخی عند القدره قطع صلات ایتمکده دفع تعدی ونهی منکر ایلمک مزیتی واردر.

قادرین نمازده ایکن آتش اوزرنده کی چوملیکنک قابنا یوب طاشمه سندن وچو جغنهک آغلا یوب حایق رمق کبی شیلرایله المناک اولمسندن خوف ایله نمازی قطع ایتمک جائز اولور .

برکافر کندیسنه عرض اسلام (تلقین دین) ایتمکی مصلیدن طلب ایتمکله قطع صلات ایلمک مصلیه جائز اولور (۱) .

کچمش نمازلرک قضاسی علی الفور واجب ايسه ده سعی علی العیال کبی عذرده مبنی آنی تأخیر ایتمک دخی جائز اولور (۲) .

تارك صلاتك حکمی

نمازک فرضیتنی اقرار ایله برابر آنی تنبلیسکندن ناشی ترک ایدن فاسقدر (۳) . مذاهب سائرده اولدیغی کبی حدّا یاخود کفرأ قتل اولنمیوب ضرب وحبس اولنور . ومهمل براغلیوب حال تفقد اولنهرق ایجابنه کوره نصح یاخود عتف ایدیلور . یامصلی اولور ویاخود حبسده اولور (۴) .

(۱) نمازده قالمق دخی اکا مباح دیمکدر . وجه امامه تعارض عبادتیندر . بونکله او مصلی انک کفر اوزره بقاسنه راضی عد اولماز . نمازده دکل ایکن آنی اسلامدن تأخیر ایتمک کبی اوله ماز . أفاده ط .

(۲) اورجک قضاسی رمضان ثانی تقرب ایتدکجه علی التراخیدر . سجده تلاوته واذر مطلقده اختلاف اولنوب کیمی : موسع ، وکیمی : مضیق ، دیمشدر . ص .

(۳) تنکیم اوقات صلات قیلنده ذکر اولندی ، ترک تعبیرنک عمدی اشعار ایتدیکی معلومدر . فسوق : استقامتدن خروجدر . طاعت باریدن خروج ایدن مسلم عاصیه : (فاسق) دینور .

(۴) برنجیسی اولق وایکنجیسی اولک مصدرندندر .

جامع صغیر سیوطیہ کتب ستہ اصحابندن امام بخاری ایله
امام نسائیدن ماعداسنک رمزیه مذکور حدیث حضرت جابرده :
« بین الرجل (۱) و بین الشک (۲) و الکفر (۳) ترک الصلاة . » (۴)
بیورلمشدرکه ترک صلات کشی ایله کفر آره سنده مابه الوصول
اولمغله آره ده حائل انجق نمازدر انسان آنی ترک ایدرسه حائل
زائل اولور دیمکدر (۵) .

عیاذاً بالله تعالی نمازی انکاراً و یا استخفافاً تارک اولان
مرتد معامله سی کورر .

خسر الذی ترک الصلاة و خابا	و ابی معاداً صالحاً و ما با
ان کان یجدها فحسبک أنه	أضحی بربک کافراً مرتابا
أو کان یرکها لنوع تکاسل	غطی علی وجه الصواب حجابا
فالشافی و مالک رأیا له	ان لم یقب حدّ الحسام عقابا
و الرأی عندی الامام عذابه	بجميع تأدیب یراه صوابا

(۱) امام مسلمک روایتنده « ان بین الرجل » در . رجلدن انسان مقصوددر .
غالباً خطاب ارككه اولدنیچون رجل تخصیص بالذکر بیورلمشدر . کما فی التیسیر .
(۲) لفظ شک مؤلفک عباره سنده مذکور دکلدر .
(۳) بونک ماقبلنه عطفی عطف العام علی الخاصدر . بین لفظنک تکراری
مزید تأکید ایچونددر . قاله عبد الرؤف .

(۴) قال المناوی أى ترکها وصلة بین العبد و بین الکفر یوصله الیه و قد یقال
لما یوصل الشیء بالشیء هو ینهما وأن الصلاة حائلة بینة و بین الکفر فاذا
ترکها زال الحائل أو ان فعله فعل الکفرة اه .

(۵) امام احمد حضر نلری ظاهر حدیثه تمسکاً تارک صلاتی تکفیر ایتمشدر اه تیسیره

باب الوتر

بوابك مسائل و ترك معناسنه وصفت شرعيه سنه و حكمه
و كيت و كيفيته متعلقدر .

وتر واوك فتح و كسرى ايله جفت معناسنه اولان شفعاك
ضديدركه تك ديمكدر (۱) صلوات خمسك ذكرى صره سنه
كذران اولديغى اوزره التنجى بر نماز و واردركه وقت عشاءده
صلوات عشاءدن صكره قيلنور . تك ركعتلى اولديغىچون وتر
تسميه اولنور .

وتر قول اصح اوزره واجيدر . و بو آخر اقوال حضرت
امامدر . كنديلرندن آنك سنت اولديغى دخى روايت اولنمشدركه
او قول اماميندر . فرض اولديغى دخى روايت اولنمشدر (۲) .
مشايخ بورواياتك بينى جمع و توفيق ايدرك : « عملاً فرضدركه
ترك اولناز . اعتقاداً واجيدر (۳) كه منكرى اكفار اولناز . دليلاً
سنتدركه ثبوت وتر سنت سنه ايله در . » ديديلر (۴) .

(۱) قال تعالى : [والشفع والوتر] أى الاشياء كلها شفعا و وترها أو
الخلق والخالق . كما فى تفسير القاضى وغيره .
(۲) محشيتك بيانسه كوره حضرت امامدن برنجى روايت بودر . سنت
روايى ايكنجيدر .

(۳) بحر رائقه اعتقاد وجوب حنفيه واجب اولناز دينلشدركه بواكا
منافيدر ؟ جواب ويريلوركه بوراده مقصود اعتقادجه اكاهم واجب جريان ايدركه
افتراضى منكر اولان اكفار اولناز ديمكدر . ط .
(۴) وجه وجوب سالف الذكر : « ان الله زادكم صلاة وهى الوتر فصلوها
فيما بين العشاء الى صلاة الصبح » حديثه : « الوتر حق فمن لم يوتر فليس مني »

وترك حكى بونماز بلاعذر قاعداً وراكباً قيلنمازق واعاده
عشايه مبنى اعاده اولنمازق^(۱) وكية اقسام نمازی كی اولدیغیچون
قعدہ اولایى اونودوب طوغریلان یاخود طوغریلغه قریب
اولان کیسه قعوده عودت ایتمک^(۲) وآنك جمیع رکعاتنده
قراءت فرض اولمقدّر .

وترك كیتی صلات مغرب کی برسلام ایله اوچ رکعتدن عبارت
اولمیدر .

وترك کیفیتی هر رکعتنده فاتحه وسوره یاخود آیات اوقتمق
واوچنجی رکعتنده فضله اوله رق قبل الركوع قنوت ایلمکدر .
ایلمجی رکعتنده وجوباً او طوریلوب یالکز تحیات اوقنور .
اوچنجی رکعتده سبحانك اوقنماز . زیرا بشقه بر نمازك ابتداسی
دکدر . فاتحه قراءتندن واکا ضمّ سوره ویا آیات ایتدکدن صکره
الله اکبر^(۳) دیو ال قالدیریلور^(۴) و یانه صالیویرلیهرك باغلانوب

الوتر حق فن لم یوتر فایس منی الوتر حق فن لم یوتر فلیس منی « و برده :
« الوتر واجب علی کل مسلم » حدیثلریدر . امر وکلمه حق و لفظ علی
وجوب ایچوندور . کذا فی ص مع ط .

- (۱) اگر سنت اولیدی فرضه تبعاً اعاده اولنور ایدی . درر .
- (۲) چونکه فريضه قیام ایله مشغول دیمکدر قعود ایسه واجبدر . اگر وتر
قل اولیدی قیامت سجدده ایله تکیید ایتدکجه قعوده عودت ایلمک لازم کلور
ایدی زیرا نفلک هر شفعی باشلیجه بر نمازدر . در مع ط .
- (۳) بو تکبیر کرچه تکبیر انتقالدر چونکه حال دعایه انتقال اولنمشدر
ولکن واجباتده مذکور اولدینی اوزره واجبدر . کما هو المصريح به فی الجوهرة .
- (۴) مکرکه عند الناس قضاء وترده بولمش اوله که احوالده کندینک تقصیری
ظاهر اولماق ایچون رفع ید ایتیمه ییلور . کذا فی ص . رفع ید معلوم اولدینی
اوزره سنندر .

قنوت ایدیلور . بعده رکوعه واریلور .

اوچنجی رکعتده قنوتی اونودبدنه رکوعده یاخود رکوعدن
رفع رأس ایتدکده خاطرلیان کیمسه (صورت ثانیهده اتفاقا
و صورت اولاده علی الصبیح ط) نه رکوعده نهده رکوعدن
صکره قنوت ایتمیوب ختام وترده سهو ایچون سجود ایلر .
قنوتی سهو آرکوعدن صکره ایدن کیمسه رکوعی اعاده ایتمیوب^(۱)
قنوت محل اصلیسندن زائل اوله رق واجب تأخر ایتدیکچون
سجود سهو ایدر^(۲) .

قنوت عبادت و طاعت و اقامه طاعت و اقرار عبودیت و سکون
وصلات و قیام و طول قیام معنالرینه اولوب جمله معانیسندن
بریده وترده اولان دعادر^(۳) و او ، ابن مسعود رضی الله تعالی

(۱) بونک ظاهری اعاده رکوعک حرام اولمیدر . زیرا نمازده اولیانی
یا مقدر . شرح سیدده ایسه : « رکوعک عدم اعاده سندن مقصد او کیمسه نیک
صحت صلاتی اعاده رکوعه توقف ایتمز دیمکدر یوقسه او کیمسه اعاده رکوعدن
ممنوع دیمک دکلدر » دینمیدر . ظاهر اولان بزم دیدیکمزدردر . ط .

(۲) اواخر فصل واجباتده : مصلی بر رکعتده ترک ایتدیکی سورهدی
اورکمتک رکوعنده خاطرلار ایسه طوغریلوب انی اوقور و صکره ینه رکوع
ایدردر . دیو مذکوردر . قراءت ایله قنوتک فرقی بودر که قراءت هر نه واقع اولورسه
فرضدر : بعد الرکوع اولان قراءت دخی فرض واقم اولمقله رکوع انکله مرتفع
اوله رق لازم الاعاده بولنور . چونکه قراءت ایله رکوع اره سنده ترتیب
فرضدر . رکوع اعاده اولماز ایسه نماز فاسد اولور . قنوت ایسه واجب اولدیفندن
بویله دکلدر . بونی ابن عابدین . رحوم در مختارک جهر امام فصلنده ذکر ایتمیشدر .
(۳) دعاء القنوت تعبیرنده کی اضافت بیان ایچوندره ذکره طفی واجبات الصلاة .

عنه حضرتلرندن مروی اولان الفاظ ايله (۱) بروجہ آئیدر .
 قانت : انی اوقویاندر . دعا هلالین آره سنه آلهرق ترجمه وایضاح
 اولمشدر : (اللهم) یاالله (انا نستعینک) محقق که بر طاعتک
 اوزرینه سندن اعانه ایسترز (ونستهدیک) وسندن سنی راضی
 ایدجک شیئه هدايت ایسترز (۲) (ونستغفرک) وسندن مغفرت
 طلب ایدرز که عیب وذنمزی سترایدوب بزى عیوب وذنوبمزله
 رسوای ایتیمه سین (وتوب الیک) وسکا توبه ایدرز . توبه :
 کناهق دونمکدر . شرعاً توبه : کچن کناهه ندامت ایدوب (۳)

(۱) مؤلف بویله دیملکه الفاظ قنوتده دیگر روایات، دخی اولدیغه اشارت
 ایتمشدر وایله در . جلال الدین سیوطی انی درمنشورده الفاظ مختلفه ايله ذکر
 ایلمشدر اهط . تبیین محشیسی شلبي دیرکه قنوتده حضرت عمردن مروی اولان
 کندیلرینک شویله باشلار اولدقیدر : « اللهم اغفر للمؤمنين والمؤمنات والمسلمين
 والمسلمات وألف بین قلوبهم وأصلح ذات بینهم وانصرهم على عدوك وعدوهم . اللهم العن
 کفرة أهل الکتاب الذین یکذبون رسولک ويقاثلون أولیاءک . اللهم خالف بین
 کلماتهم وزلزل أقدامهم وأنزل علیهم بأسک الذی لا یرد عن القوم الجرمین .
 بسم الله الرحمن الرحيم اللهم انا نستعینک الخ » حضرت عمرک بسمله سی قنوت
 مذکورک ایکی سورہ قرآنیہ اولمی حقنده کی روايته یاخود تبره مبیدر .

(۲) بو جمله بزم حفظمزده کی قنوتده بوندن صکره کی جمله دن صکره در . او
 بوندن اولدر . مأخذده ومتداول اولان کتب فقهیه نک اغلبنده بو وجهله مسطور
 اولوب برم محفوظلر اولان ترتیب ایسه انجق حلبیده وجمع الانهرده در . محشی دیرکه
 هدايتدن یالکزر دلالت دکل ، همده ایصال مقصوددر .

(۳) ندامت توبه نک اعظم ارکانیدر . ط .

اندن فی الحال کسبیلک^(۱) و بردها ایشلماکه تعظیماً لامر الله عزم ایلکدر^(۲) . اکر حق آدمی تعلق ایتمش ایسه انک مساحه وارضاسی لایدر^(۳) . (و نومن بک) و سکا ایمان ایدرز . یعنی قلبلرمز ایله اعتقاد ایدرک تصدیق ایدر و لسانمزله دخی نطق ایدرک^(۴) سکا و سمنک جانبکدن کلان شیئه^(۵) که - پیغمبرلره و کتابلره و ملیکله و یوم آخرته و خیر و شرک مقدریتنه^(۶) دیمکدر - ایناندق دیرز^(۷) (و نونکل علیک) منفعتمزی جلب و مضرتمزی دفع ایده بیلکدن عجز مزجهتیه امورمزی تفویض ایدرک سکا اعتماد ایلرز . (و نشی علیک الخیر که) و محض فضل و کرمکدن واحسان ایلدیکک جمیع نعمتارکی اعتراف ایدرک سنی ثنا و بتون خیر ایله یاد ایدرز (نشکرک) انعام

-
- (۱) آلت فعل حاضر ایسه دیمکدر که مثلاً ایچکی آلتی اوکنده ایکن توبه ایدوب انی دوکمک وکندندن اوزاق ایلکدر . ط .
- (۲) أفاد العارف ابن عربی أن هذا الشرط لا يلزم لانه غيب فالاولی فيه التسليم . وفيه ان الغيب هو العود فلا ینافی فی طاب العزم علی عدمه فی التوبة . ط .
- (۳) انی ارضا ایتکم ظلامه سنی یعنی بغير حق آلدیغنی ممکن ایسه کیرو ویرمک ایلدر . ممکن دکل ایسه اموالدن اولدیغنه کوره اومقدارشی تصدیق ایدر اهرامن ط .
- (۴) هذا جرى فيه علی أن الايمان قول وعمل . ونسب الى الامام . أو هو بیان لشرطه الدنیوی الذی تجری علیه الاحکام الظاهرة . ط .
- (۵) لما كان الايمان به تعالى لا يتم الا بالايمان بما ذكر بعد قال ذلك ط .
- (۶) القدر ايجاد الله تعالى الاشياء علی وفق ماأرادہ وکله من الله تعالى . وهو من هذه الجهة جميل . وانما يقبح باکتساب العبد ونسبته اليه . ط .
- (۷) بوجه دخی محفوظ اولان قنوتنده بوندن مقدمکی جمله دن مقدمدر .

ایتدیکک جوارح و اعضا ک هپسنی ما خلق لهنه صرف ایدرک
سکا شکر ایدرز . سن منز و متعالی سین . حمد و ثنا سکا خاصدر .
بز سکا احصاء ثنا ایده میز . سن کندکی ایتدیکک ثنا وجهله
سین . (ولا نکفرک) بزم اوزرمزه اولان هیسچ بر نعمتکی انکار
ایتیمیز وانی سنک غیری یه اضافه ایلیر . (ونخلع) و ربقه کفری
وسنی راضی ایتیمیه چک اولان هر شیتک رابطه سنی بیونلرمزدن
القا و طرح وازاله ایدرز (۱) . (ونترک من یفجرک) و سنک
نعمتکی انکار و غیره پرستش لر ایله سکا فجور ایدنی ترک واندن
مفارقت ایلرز . (اللهم ایاک نعبد) یا الله بز آنجق سکا عبادت
ایدرز . (ولك نصلی) و نسجد (۲) و نمازی انجق سکا
قیلارز و سجده یی انجق سکا ایدرز . (والیک نسعی ونعقد)
و بزنی سکا تقریب ایدجک و سائله شتابان (۴) و تحصیل عبادتک
امرینه کمال نشاط ایله (۵) پویان اولورز (۶) . (نرجو رحمتک)

(۱) بو سوزک ظاهری نخلتمک مفعولی محذوف اولقدیر : مقتضای عبارت
ایسه انک مفعولی من یفجرک اولقدیر . ط .

(۲) عبادتدن صکره صلاتک تخصیص بالذکر اولنمسی صلات انواع عباداتی
(قیامی ، رکوعی ، سجودی ، قعودی ، تسکیری ، ثنایی ، دعایی ، قرائتی ،
تسبیحی ، تهلیل ، صلاة علی النبی ، مؤمنینه دعایی ، خشوعی ط) متضمن
اولقدن ناشی انک شرفنه بناء در . ص .

(۳) سجودک دخی بشقه جه ذکر عبده جناب رب معبوده اقرب حالاتی
حال سجده اولدیفندیر .

(۴) سلاته سمی صوری که قوشمقدیر منهی اولدیفندن مقصود بذل مجهود
ایتمکدر . ط .

(۵) نشاط تعبیری مؤلف مقامدن اخذ ایتمشدر . قاله ط .

(۶) والیک نسعی حدیث قدسیده کی « من أتانی سعیا أثبتته هرولة » قول

خدمتک قیام و طاعتکده عمل و اهتمام ایله برابر (۱) رحمت و احسانک دوام و ازدیاد بی وعطاء عظیمکی امل ایدرز . سن ایسه کریمسین کندکدن اومانی خائب ایتمزسین . (ونخشی عذابک) نهی ایتدیکنک شیلردن اجتناب ایله برابر عذابکدن خوف ایدرز . مکرکدن (۲) امین اولما یز . بز بین الخرف والرجام یز (۳) . ایمدی نعمت ایمانی بزه انعام ایله برابر عمل بالارکانه دخی بزى موفق بیورمهک سببیه بز دخی طمع کاذبین وجهله بلاعمل مجرد قلب و لسان ایله امیدده قالمیوب امر شریفکه

شریفه اشارتدرو : بز عملده کندمزی سکا تقریب ایدجک شئی تحصیل ایچون جهد ایدرز دیمکدر . حقه دخی سرعتر . خدمتکارلر ایتدیلمک خدمتلینه مسارعت ایتدکار ایچون آنلره : حقه . اطلاق اولنور . ص . اولاد اولادی دخی خدمه وزننده حقه در چونکه کوچکاسکده انلرده خدم کبدر . ط .

(۱) بونی مؤلف شونک ایچون زیاده ایتمشدرکه رجاء : اسبابه تشبث ایله برابر بر مرغوب فیه قلبک تعلیقدر . اگر تشبث اسباب اولماز ایسه او : طمع . دراه ط .

(۲) مکر خدمه ایسه ده جناب حقک أفعال ما کرین اوزرینه جزاسی دخی مکرسمبه اولنور . تکمیل جزاء سیئه دخی سیئه در . [ویمکرون ویمکر الله] آیتنک تفسیرنده بیضاوی مرحوم : « ولستناد أمثال هذا الى الله انما يحسن المزاجه ولا يجوز اطلاقها ابتداء لما فيه من ايهام الهم » دیمشدر . محشینک مکرى انقلاب حال ایله تفسیر ایتمسی دفع اشکال ایلز .

(۳) مذهب حقه اشارتدر زیرا رحمتدن نومید اولق کفر اولدیغی کی مکردن امین بولنق دخی کفردر . رجاء ایله خوفی جم ایتمشدر چونکه قادرك شانی مرجو النوال ومخوف النکال اولقدر . حدیثده وارد اولمشدرکه : خوف ایله رجاء بر عبد مؤمنک فلبنده اجتماع ایتمز الا که جناب حق اکا اومدیغی اعطا ایدر وقور قدیغدن انی امین قیلار . ص .

امثال ایدیچی اوله رق اعتقاد ایدر و دیرزکه : (ان عذابک الجدة) منک حق عذابک^(۱) (بالكفار ملحق) کفارہ لاحقدر^(۲) .

مصلی به بوندن صکره اولی اولان « اللهم صلّ علی سیدنا محمد وعلی آله وسلم » یاخود : « وصلى الله على النبي وآله وسلم » دیوب حضرت حسن بن علی رضی الله تعالی عنهما افنده زک قنوتی دخی او قومقدرکه حضرت مشار الیه : بکارسول الله صلی الله تعالی علیه وسلم برقاچ کله تعلیم بیوردیلر بن المری قنوت وترده او قورم بیورم شدرد اوده شودر : « اللهم اهدنی فیمن هدیت وعافنی فیمن عافیت وتوانی فیمن تولیت وبارک لی فیما أعطیت وقنی شرّ ما قضیت انک تقضی ولا یقضی علیک وانه لا یذلّ من والیت^(۳) تبارکت ربنا و تعالیت . »

مصلی قانت بوندن صکره دخی صلوات او قور .
قنوتی اوقیه میان کیمسه (ربنا آتانا فی الدنیا حسنة وفی الآخرة حسنة وقنا عذاب النار) یاخود اوچ کره : اللهم اغفر لی ویاخود اوچ کره : یارب دیر .

(۱) الجدة اتفاقا کسر جیم ایله اولوب حق معناسنه در . مراسیل ابی داودده نابندر • « علاوه اولتماز » دیانه التفات اولتماز • من محفوظمز اولان قنوته بو دخی یوقدر •

(۲) ملحق لفغانده حانک کسری افصحدر • فتح جاء ایله ملحق دخی دیلمشدرکه حق تعالی عذابی آنلره ایرشدیریمی اولدیغندن عذاب دخی آنلره ملحق دیمکدر • من •

(۳) روایت بهمقیده « ولا یعزم من عادیت » زیاده سی دخی واردر • من •

وتریا لکنز شهر رمضانده جماعتله قیلنور^(۱) و آنده اولوقت جماعت اولادر . اجماع مسلمان بونک اوزرینه در . جماعتله قیلله میان کیمسه ایچون احبّ واولی اولان آنی آخر لیلده (وقت سحورده) قیلنقدیر . چونکه او وقتده جماعت بولماز و نری رمضان شریفده جماعتله قیلحق آخر لیلده منفرداً قیلنقدن افضلدر^(۲) .

حال جماعتده قنوتی هم امام و هم جماعت کیزی اوقور^(۳) مقتدی قراءت قنوتدن فارغ اولمیدین یا خود قنوته هنوز شروع ایتمیدین امام قنوت ایدوب رکوعه وارمش اولحق صورتده امام ایله برابر اداء رکوعی

(۱) رمضانک غریبه و ترایچون جماعت مکروهدر . شمس الأئمه دن منقول اولدیفنه کوره آنک کراهی دخی تراویحدن ماعدا اولان نقلده کی جماعت کبی علی صبیل التداعی اولسی صورتده در . اما برکشی برکشی به و یا یکی کشی برکشی به اقتدا ایتمش اولورسه مکروه اولماز . چونکه علیه السلام افندمزک صلات تهجدده حضرت ابن عباسه و صلات وترده حضرت عایشه به امامت ایتدکاری اولمشدر . حضرت انس به و بر یتیمه برده عجزه امامه ایکی رکعت ناخله قیلدقاری دخی ذکر اولنمشدر . اوچ کشی برکشی به اقتدا ایدرسه انده اختلاف اولنمشدر . اصح اولان عدم کراهندر . اگر درت کشی برکشی به اقتدا ایدرسه اتفاقا مکروه اولور . کافی ص مع ط . ابن عابدین مرحومک افاده سنه کوره حضرت عمر حضرت ابوبکری رضی الله تعالی عنهما دفن ایتدکاری کیجه و نری جماعتله قیلمشدر . کراحت بویله أحياناً اولانده دکلدر . علی صبیل المواظبه اولاننده در که خلاف متواتر اولدیفنیچون بدعت مکروهدر .

(۲) وترده مخالف مذهبه اقتدا موافق اولماز چونکه ایجه فرقلر اولنله مانع متیقن دیمکدر . شروط اقتدانک صوکنه باقکدر :

(۳) لکن عجمی اهل بلاد ایچنده امامه منتخب اولان جماعت تعلم ایده یامک ایچون آنی جهر ایلمکدر . تنکیم حضرت عمر کندیلرینه وفد عراقک ورودنده سبهانک یی جهر ایتمشلردر . ص .

فوت ایتمک قورقوسی اولورسه قنوت ایله اشتغال ایتمیوب امامنه متابعت ایلر^(۱) اکر امامه رکوعده مشارک اولغی فوت ایتمکدن قورقور ایسه قنوت ایلر^(۲).

امام قنوتی ترک ایدرسه مقتدی امامه مشارک اوله بیلک کندیسنه ممکن ایسه بحسب الامکان جمع بین الواجبین ایتمش اولق ایچون قنوت ایلر. اکر مشارکت کندیسنه ممکن اولمیه چی ایسه امامنه متابعت ایدرکه او اولادر.

وترک رکعت ثالثه سی رکوعنده امامه یتشسان کیمسه که مسبوقدر قنوته حکماً یتشمش اولمغله ماسبقی قضا ایدر ایکن قنوت ایلر. نسیکیم وترده بر ویا ایکی رکعت ایله مسبوق اولان کیمسه اوچنچی رکعتده امام ایله برابر قنوت ایتمش بولنمق جهتیه قضا ماسبقده بالاجماع برکره دها قنوت ایتمز^(۳) چونکه ایکی دفعه قنوت مشروع اولمامشدر.

(۱) قنوت ظاهر روایتده معین اولمیدیچون صورت اولاده آنک او قودیفی کندیسنه کافی اولور. صورت ثانیهدده دینه ییلورکه قنوت دخی واجب اولمغله مقتضای مسئله: او کیمسه متابعت امام ایله قراءت قنوت بیننده مخیر اولمقدیر. بلکه ده: قنوت او قومق رکوعک تدارکی ممکن اولق جهتیه اولادر، دیو ادعا اولنه ییلور. ط.

(۲) قنوت واجب دعادن عبارت اولوب بالخاصه اللهم انا نستعینک الخ دعاسنک سنت اولدیفی واجباتده ذکر اولنمشدر. دعاده تمین اولماز دیمشدر ایسه ده محشینک ائده سنه کوره اولی وافضل اولان دعانک معین اولسیدر زیرا اولورکه داعی جاهل اولورده بیلیمه رک نمازینی قطع وافساد ایدر صورتله دعاده بولنور. (۳) در مختارده شو دخی مذکوردرکه وترک ایلک ویا ایکنجی رکعتده

امام قنوتی او قود قدن صکره ذکر اولنان دعایه شروع ایدر وانی
جهر ایلر ایسه امام ابو یوسف : جماعت دخی متابعت ایدوب انی
اوقور لر دیمشدر (۱) .

دعاء مذ کورده روایت بر منوال مذ کور افراد ایکن ابن الهمامک
بیانی و جمله فقها امام حقه و ارد اولوب قنوته خاص اولمیان بر حدیث
عامدن تلفیق ایله انی جمعا دخی ذکر ایتمشلردر : اللهم اهدنا فیمن
هدیت الخ. بونده «اهدنا» دن صکره «بفضلك» دخی زیاده ایدلمشدر (۲) .

معنای دعا بودر : یا الله هدایت ایتمش اولدیغک کیمسه لر ایچنده
یعنی آنلر ایله برابر بنی (۳) دخی هدایتله (۴) و مظهر معافات قیلدیغک

سهوا قنوت ایدن اوچنجی رکعتده قنوت ایتمز . اما وترك ایکنجی ویا اوچنجی
رکعتنده بولندیغنده شک ایدن مم القعود قنوتی تکرار ایدر . بولرک فرق شودر که
سهو ایدن موضع قنوت اولقی اوزره قنوت ایتمش اولغله آنی تکرار ایلر .
شک ایدن ایسه قنوت ایچون محل تعیین ایتامش اولغله اوله دکلدر . حللی
بولرک ایکیسده دخی تکرار قنوت اولغنی راجح کوسترمشددر .

(۱) امام محمد جماعتک متابعت ایتمیوب آمین دیملرینه قائلدر . کما فی ص .
عند الاطلاق قول امام ابی یوسفی قول امام محمد اوزرینه تقدیم ایتمک قواعدنددر . ط .
(۲) زیاده مذ کوره نک معناسی واجب اولدق دکل ، محضاسنک فضل
واحسانک سببیلر دیمکدر . کما فی ص مم ط .

(۳) اهدنا اوقندیغنه کوره : بزی .

(۴) هدایت : راهحقه توفیق وایصالدر . مظهر توفیق ربانی بولنان مؤمنلرک
طلب هدایت ایملری انده نباتی و معنای مزیدی طلبه محمولدر .

کیمسه ار ایله برابر بنی دخی عافیتله^(١) وولایتکه یعنی نظر عنایتکه
آلدیغک ذوات ایله برابر بکاده مددکار اول واعطاوا احسان بیوردیغک
شیلری حقمده مبارک و متیمن قیل و حکم و تقدیر بیوردیغک شیتک
شرینی دفع ایله بنی وقایه آیت سن دیله دیکک وجهله حکم ایدرسین سکا
کیمسه حکم ایده مز (چونکه سن مالک واحد سین ملسکده سکا شریک
یوقدر بزه سنک موالاتکی ایسترز) شبهه یوقکه سنک مظهر موالات
واعزازک اولان کشی ذلیل اولماز و معادات و اذلال ایتدکک ایسه
عزیز اوله ماز . متبارک و متعالیسین ریمز !

قبل النوم وتری قیلوبده بعده تمجد ایدن کیمسه وتری اعاده ایتمز .
حدیث شریفده : « لا وتران فی لیلة » یعنی : برکیجهده ایکی وتر
اولماز . بیورلمشدر^(٢) .

وترک تقدیم و تأخیر مسائلیچون اوقات مستحبه فصلنک صوکنه
باقلسون .

(١) عافیت و تعبیر دیگر ایله معافات : بتون أسقام و أمراضدن و دنیوی
واخروی بلایا و محندن سلامتدر . و بتون خیر و فضیلت بونلرک تحت معانیسنده در .
کما فی س مع ط :

(٢) لا عاملة عمل لیس أو عمل ان وجرى على لغة من يلزم المثني الالف في
جیم أحواله . والمعنى لا یوتر لليلة وتران . فلا ینافی أنه یقضى وترین و أكثر فی
لیلة . ط .

(فصل)

بیان نوافله دائر

نوافل : نوافله نك جمیدر . نوافله و نفل : فرض و واجب اولمیان عبادتدر (۱) كه زیاده معنا سندن مأخوذدر (۲) فرضدن و واجبدن فضله اولان نمازار دیمكدر . اكا تطوع دخی دینوركه كشینك بلا وجوب طوعاً قیلدینی نمازدر .

سننر بو جمله دن اولدینی حالدده فصل سنن دینلیوب فصل نوافل دینلسی نفل تعبیرینك دها شمولی اولمسنددر . چونكه هر سنت نفلدر . هر نفل سنت دكلدر .

نوافلك رواتب و رغائب نوعی وارددر . رواتب : مؤكد و غیر

(۱) كرك نماز ، كرك اورج ، كرك زكات یاخود حج اواسون . بوراده مقصود نمازدر .

(۲) غنیمته فتحین ایله نفل اطلاق بوندندركه موضوع جهاد اولان اعلاء كلمة الله اوزرینه زیاده در . ان تقوی ربنا خیر نفل . جمعی أنفادر . قال تعالی [یسألونك عن الأنفال] . ولدك ولدینه دخی نوافله اطلاق اولنور . [ووهبنا له اسحاق و یعقوب نافلة] قول کریمی بو معنادندرکه بز عظیم الشان ابراهیمه مطلوبی اولان اسحاقدن فضله عطیه اوله رق یعقوبی دخی بخش و عطا ایلدك دیمكدر . متنبینك .

شیخ یری الصلوات الخمس نافلةً ویستعمل دم الحجاج فی الحرم بیتنده کی شیخدن سیف مقصوددر . قدمنه یاخود بیاضنه بناء شیخ یعنی پیر تسمیه اولنشدر .

مؤکد اوله رق فرضلردن اوّل یا خود صکره قیلنمقده اولان سننلردر (۱)
رغائب : ضحی و تهجد کبی سائر نوافلدر .

سنن مؤکده

بولرک بر قسمی ایکیش و بر قسمی دردر رکعتدر .
ایکی رکعتلیلر شونلردر :

صلات فجر دن اول
صلات ظهر دن صکره
صلات مغرب دن صکره
صلات عشاء دن صکره .

درت رکعتلیلر شونلردر :

صلات ظهر دن اوّل
صلات جمعه دن اوّل
صلات جمعه دن صکره

سنن غیر مؤکده

که آکا سنن مندوبه دخی دینور (۲) شونلردر :

صلات عصر دن اوّل
صلات عشاء دن اول

(۱) تکمیل احباء علومک نوافل فصلنده روائب صلوات خمس : راتبه صبح ، راتبه ظهر الخ دیو ذکر اولنمشدر .

(۲) مندوب و مستحب و مرغب فیه و حسن الفاظ مترادفه اوله رق هپ بر معنایه درکه فعلی ترکنه شرعک ترجیح ایتدیکی شیدر . ط .

بونلر دردر رکعتدر (۱) اوکله نك ویا تسمو نك ایسکیشر رکعتدن عبارت اولان صوگ سننلرینی آنلره ایکیشر رکعت دها ضم ایدرک دردر قیلیق دخی سنن مندوبه دندر (۲) . اقشام نمازینک سنن مؤکده سی اولان ایکی رکعتدن صکره آلتی رکعت نماز قیلیق دخی سنن مندوبه یعنی غیر مؤکده در .

سنن مؤکده نك اقواسی اتفاقا صباح نمازینک سننیدر . زیرا آنک حقه ده وارد اولان مرغبات کئیردر (۳) . وجوبی بيله مرویدر . و دیمشلردرکه : مرجع فتوی اولان عالمه حاجت ناسه

(۱) رواتبک بونلر ایله رکعات معتاده سی ایام عادیه ده بکری به بالغ اولمقه وجهه کونلری یکری یی کچمکده ورمضان شریف کیجه لری بر یکری دها ضم اولمقه در . وتر ایله برابر عدد رکعات فروض دخی یکری اولمقه بش وقتنه بش دها قاعق تعبیری اشته بو حسابه مبیدر . بونلردن ابلک سننلر مؤلفک نقلنه کوره طعم شیطانی قطم و فرض الهی به نفسی توطن ایچون اولوب صوگ سننلر دخی جبرمافات کبی بر معنایه مبیدر . بناء علیه بونلر سفرده دخی حال نزول وقراردہ ترک اولنماز و بونلره قصر تعلق ایشمز . تنکیم صلاة المسافر بابنده ذکر اولنور .

(۲) عشی مرحوم : انی قیلان برویا ایکی سلام ایله قیلیق بیننده مخیردر . دیمش ايسه ده شریابلیه ده مختار اولان آنک بر سلام ایله اولدینی مذکوردر . « من حافظ علی أربع رکعات قبل الظهر وأربع بعدها حرمه الله تعالى علی النار » حدیث شریفنک ظاهری دخی بونی مؤیددر .

(۳) حدیث شریفده : سزی آتیلر (یعنی جیش عدو) قوغالاسه بيله او ایکی رکعتی براقمیک . بیورلشدرکه مقصود انی قیلغه حث وترغیدر . والا اويله مخاطره لی وقتده تمکن اولمديغیچون ترک فرض بيله مباح اولور . ص مع ط . « فجزك ایکی رکعتی (یعنی سنن) بکا دنیا وما فیها دن سوکیلی (ولفظ دیکرده خیر لی) در » دخی بیورلشدر . ص .

مبنى سائر سننلى ترك ايتمك جائز اولور صباح نمازينك سننى ترك ايتمك جائز اولماز . كما فى الفتح .

سنت فجرده افضل اولان آتى وقتك اولنده مع التخفيف قبلقدر . عليه الصلاة والسلام افندمز حضرتلى كاه سورہ كافرون و اخلاص ايله وكاه خاتمه سورہ بقره و (قل يا اهل الكتاب تعالوا الى كلمة سواء بيننا وبينكم الخ) آيتيله قيلارلايدى . ألم نشرح وألم تر سورہ ليله قيلنمسى دخى مستحسندر (۱) .

آندن صكره افضل سنن مختلف فيه اولمق اوزره اقسام نمازينك سننى اولوب بونده اطاله قراءت مستحيدر . زيرا صلى الله تعالى عليه وسلم افندمز حضرتلرينك آنك ايلك ركعتنده ألم تنزيل سورہ سننى واينجى ركعتنده سورہ ملكى اوقودفلى اولمشدر .

سنت مغربدن صكره افضل سنن ظهر ك صوك سننيدر . آندن صكره ياتسونك صوك سننى ودها صكره اوكله نك ايلك سننيدر (۳) .

سنن مندوبه ايچنده ايكندينك سننى ياتسونك ايلك سفتندن افضلدر (۳) .

(۱) ادراك الفريضة بآبته باقكر .

(۲) لكن مجمل الانهرك باب المهرنده بو دخى مانم صحت خلوت اولمقده فجر كى فرائضه ملحق كوسترلشدر . كما ساذكره .

(۲) بو ايكى سنت مندوبه دى سنت عصر ك ايكى ركعت دخى قيلندي يانيله قدورى انك ياخود درت قيلنمسى بينى تحيير ايتمش ايسده جوهرده درت ركعت قيلنمسنك افضليننه اشارت اولمش وبجر راقده افضليت مذكوره مصرح بولمشدر . در اختارده مندوبه عشانك دخى ايكى قيلنمسى بيلنده مصلى

اقشامک سنت مؤکده سندن صکره سنت مندوبه اولارق ذکر اولنان آتی رکعت (صلات آوایین) دیو معروف اولان نمازدر (۱). وجه تسمیه شومآلده کی حدیث شریفده : « هرکیم بعد المغرب الی رکعت قیلارسه آواییندن یازیلور . » بیوریلوب (إنه کان للأوایین غفورا) قول کریمی اوقتمشدر . آواب برکناهنده بولندیغی وقت درحال توبه به مبادرت ایلیادر . ابن عمر رضی الله تعالی عنهما حضرلرندن مروی اولدیغی اوزره حضرت رسول الله صلی الله تعالی علیه وسلم افندمز بیورمشلردرکه بعد المغرب تکلم ایتمدین الی رکعت نماز قیلانک الی سنه لک ذنوبی مغفور اولور (۲). عمار بن یاسر رضی الله تعالی عنه حضرترلرندن مرویدرکه رسول الله صلی الله تعالی علیه وسلم افندمز حضرترلری : بعد المغرب آلی رکعت نماز قیلانک ذنوبی دکر کوپوکی کبی (چوق) دخی اولسه مغفور اولور . بیورمشلر وقبل التکلم قیدیله تقييد دخی ایتماشلردر (۳) .

«خبر کوسترلشدر ولسکن اصلده مذکور اولدیغی اوزره حضرت عائشه رضی الله تعالی عنها : « رسول الله صلی الله تعالی علیه وسلم قبل العشاء درت رکعت قیلارلر وبعد العشاء دخی درت رکعت قیلوب یاآولر ایدی . » بیورمشدر . (۱) صلات ضحایه دخی آوایین تسمیه سی صلات مذکوره حقنده کی حدیث آتیدن استنباط اولنور .

(۲) ذنوبی اکثر علماء (رحمهم الله تعالی) صفائره حل ایتمشلردر . بعضلر اطلاق ایتمکله کباره دخی شامل اولمشدر . ط .

(۳) یاآحاد حادته به مبنی مطلق مقیده حل اولنور . یاخود : قید مذکور اصل موعود بهی تحصیل ایچون دکل ، حصول کمال ایچوندر . دینیلور اھط .

رواتبده افضل اولان آنلری رغائب کبی خانده قیلمقدیر .
سنن ابی داودده مذکور حدیث شریفده « کشینک خانہسندہکی
مازی بنم شومسجدمدہلی نمازندن افضلدر فرائض مستشار »
بیوراشدر . منیة المصلیة : مسجدده تطوع حسن و خانده
احسندر . دیو مذکور اولوب فقیه ابو جعفر دخی بووجهله افتا
ایتمش ، و : مکرکه خانہسنه عودتده سنت قیلمهی اونودوب بشقه
شیله مشغول اولمقدن خوف ایتمش اوله . دیمش ، در . ط (۱) .

الئی رکعتی سنت مغرب ایله برابر صایانلر اولمش ایسهده مؤلف مغایرتہ قائلدرکه
انکله سکرز ایدرهر رکعتده سلام ویریلور . بعضلر سکرزی ایکییه بولهرک :
درتده بر سلام ویریلور . دیمشلر کما فی س . یوکا کوره اقشامک سنتی درت
قیلمهرق بعدده درت رکعت ده قیلنهجق دیمکدر . درتده انک بر سلام ایله
اولمیهی مذکوردر .

(۱) خوف مذکور اولماز ایسه خانده قیلمق افضلدر . بوندهکی حکمت
دخی خانهلرک نمازندن حالی قالماسیدر . تنکیم علیه الصلاة والسلام افندمز
حضرتلری : خانہ کزی صلات ایله تنویر ایدک قبور قیلمیک . مآئنده اولان
« نوروا بیوتکم بالصلاة ولا تجعلوها قبوراً » قول شریفلریله بو معنایه آگاه
ایمشلدر . الی هنا کلام ط . ترجمه سیر کبیرک صلات خوف فصلنده « رسول
اکرم صلی الله تعالی علیه وسلم افندمز حضرتلری سعاد تخانه لرنده نمازده قیلارار
اهل بیتلری خدمتده سعی دخی ایدرلر ایدی . امترلرینه دخی بونی امر ایدوب
یوتکزی قبور اتخاذا ایتمیک بیورمشلدر . بعض علما بیوتی اتخاذا قبور ایشمکدن
منصد نمازی جامعده حصر ایدوب خانهلرده نماز قیلمامقدر دیدیلر . وبعضلر من
غیر حاجه خانهلرنده ناثم اولوب حوائج اهل بیته مهین وقائم اولمامقدر دیدیلر .
دیو مذکوردر .

درت ركعتی سنت مؤكده لك يعنى ظهرك ايلك سفتی ايله
جمعه نك ايلك وصوك سنتلرينك قعده اولاسنده مصلى تشمده
اقتصارايدر يعنى يالكز تحيات او قور (۱) و اوچنچى ركعت قيامنده
سبحانك او قوماز (۲) .

بونلر برسلام ايله دركه دردنچى ركعتك نهايتنده قعده اخيره نك
اجراسيله تحيات وصلوات او قونهرق سلام ويريلور .
رباعيات مندوبه بويله اولميو ب آ نارك قعده اولاسنده مصلى
تحياتدن صكره صلوات و اوچنچى ركعت قيامنده سبحانك او قور (۳) .

(۱) انك اوزرينه بر شى زياده ايده سجود سهوك وجوبنده اختلاف
اولنمشدر . ط .

(۲) سنن مذكوره تا كدى جهته فرائضه بكره مشدر . انلر فرائض
رباعيه كى صلات واحده اولديغندن مصلى صاحب شفقه اولديغنه كوره شفعم ثانيه
انتقال ايتمكله شفعمسى باطل اولماز فراغ صلاتدن صكره طلب شفقه ايده بيلور .
مصلى طلاق ايله تخيير ابدلش قادين اولديغنه كوره شفعم ثانيه انتقال ايله خياري
باطل اولماز . چونكه مخيره ايچون باجماع الصحابه خيار مجس واردر . مصلى
زوجه سنه هنوز داخل اولماش زوج بولنديغنه كوره منكوحهسى تك ونه اوله رق
شفع اولده يانه كيروب مصلى دخى شفعم ثانيه انتقال و درت ركعتي آتام ايلمكله
فرض ظهرده اولديغى كى خلوت صحيح اولميه جفتدن او نمازدن بعد الفراغ
مواندن خالى خلوت صحيحه بولمقدجه تمام مهر لازم كلز اهر ص موضوعاً . باب
المهرده مذكوردركه فرائض مانم صحت خلوت ايسه ده نوافل مانم دكلسدر
يالكز صباح نمازبك سفتی ايله اوكله نك ايلك سفتی شدت تا كدارى سبيله مانم
صحت خلوتدر . كما فى مهر مجمم الانهر .

(۳) و خلوت مسئله سنده شفعم ثانيه قيام ايتمكله كا تمام مهر لازم

سنلرك مؤكد اولانلرى وقت داخلنده وصباح نمازينك كي اوكونك زوالندن اول فرضيله برابر قضا اولمق وغير مؤكد اولانلرينه شروع وقوع بولمقجه قضا ترتيب ايتامك مسائلى ادراك الفريضة بابنده در .

فرض ايله سنت آره سنده تسكلم ايتمك (كرك ايلك سنت ، كرك صوك سنت اولسون ط) سنتى اسقاط ايتمز ولسكن سنتك ثوابى اكسيلدر . على قول سنت ساقط اولمغله اعاده اولنور . منافي تحريمه اولان هر عمل دخى بويله در يعنى كلام ايتمك كميدر (۱) كما فى الدر مع ط .

ايكى ركعتدن زياده مثلاً درت ركعت نافله قيلان كيمسه يالكر صوك ركعتده او طورسه مقتضاي قياس فساد صلاتدر (۲) ولسكن اونماز استحساناً صحيحدر (۳) .

كلور . وشفعه مسئله سنده كندينك حق شفعه سى ساقط اولور . ونفويض مسئله سنده مخيره نك خياري باقى اولماز . ايكنجى ركعتده قعودى ترك ايدرسه اوچنجى ركعتده ثنا و تعوذ ايتمز . ط . بو صورتله قيلان نالنه نك استحساناً صحتنى مؤلف آنفا تصریح ايدر . محشينك شرح منيه دن نقلنه كوره رباعيات مندوبه نك بوجهله بولمسه سى ائمه متقدميندن مروى اوليوب اوانجق بعض متأخرينك اختيار ايدره (۱) برينى عمل كثيره وديكرينى عمل قليله حمل ايتمك صورتيله ايكى قولك آره سنى جمع و توفيق ايتمك دخى ممكندر . كما فى ط على الدر . قال والفارق العرف اه .

(۲) امام زفر دخى بوكا قائلدر . بوده امام محمددن بر روايتدر . ص . چونكه هر شفعك صوكي بر خاتمه اولمغله قعده اخيره ترك اولنمش ديمكدر . (۳) چونكه صلات واحده اولمشدر . زيرا تطوع ايكى ركعت اوله رق

ایکی رکعت اوزرینه ایدیلجهك قعود سهواً قالمش ایسه
اونقصان سجود سهواً یله منجبر اولور . رکعت ثالثه یه بعد القيام تذکر
اولنورسه سجده یه وارلمش اولدقجه قعوده عودت واجب اولور .

اگر مصلی ایکی رکعتدن زیاده قیلق ایستدیکي ناله نك
یا لکز اوچنجی رکعتنده اوطوروب سلام ویرر ایسه اونمازک
صحته اختلاف اولنمشدر . خلاصه ده مصحح اولان فساددر (۱) .

اوقات مکروهه مستثنی اولق اوزره کیچه وکوندز ایستلدیکی
قدر نوافل قیلنه بیلور . ایکیده برویاخود درنده برسلام ویریلور .

مشروع اولدیفی کبی درت رکعت اولارق دخی مشروعدر . صلات واحده ده
ایسه فرض اولان قعود اخیردر . ص . واورکعتلر بتمامها محسوبدر . ط . بوندن
تراویح مستثنادرکه او هیئت مخصوصه اوزره مشروع اولدیفندن انده او درت
رکعت شفع واحد اولارق محسوب اولور . تنکیم بابنده بیان اوانور . درمختارده
مذکور اولدیفنه کوره بو صورتله بیک رکعت دخی قیلسه بویله در . لکن ابن
عابدینک بیانته کوره بوبنده تصحیح مختلف اولوب بعضلر بو حکمی اعتباراً بالفرض
درت رکعت - صر ایدرک ؛ اکر الی یاخود سکر رکعت تطوعی قعدہ واحده ایله
قیلارسه فرائض ایچنده برقعدہ ایله قیلنمسی جائز اولان الی رکعتلی نماز اولدیفندن
ایش قیاسه عودت ایتمکله او نماز جائز اولماز . دیمشدر اه مؤلفک ظاهر
تمثلی دخی بو قوله میلانی مشرودر .^۵

(۱) چونکه او کیمسه قعدہ مشروعه یی ترک ایتمشدر . انک اجرا ابتدکی
قعدہ ایسه محلنده دکلدر . بعده اکا واجب اولان ایکی رکعتی قضا ایتمکدر .
اوچنجی رکعت فاسده بنا اولنمش اولدیفیچون قضا ایدلر . قاله ط .

کوندز نوافلنده درت^(۱) و کیجه نوافلنده سکر رکعتن زیاده سنی بر سلام ایله قیللق مکر و هدر^(۲).

کیجه و کوندز نوافلنده عند الامام افضل اولان درتده بر سلام و یرمکدر. عند الامامین کوندز نوافلنده افضل امام ابو حنیفه حضرتلرینک دیدیکلری کی اولوب کیجه نوافلنده ایسه افضل اولان ایکیشر ایکیشر قیلقدرد. و: « صلاة اللیل مثنی مثنی » حدیث شریفنه بناءً بوبابده فنوی دخی امامین قولیلهدر.

کیجه نک و خصوصیه نلک اخیرینک نوافلی کوندز نوافلندن افضلدر. چونکه نفسه دها مشقتلیدر. حدیث شریفده ایسه « انما أجرك علی قدر نصبک » و: « أفضل الاعمال أجهدها ». بیورلمشدر. صلات لیل نفسه أشقّ اولمقله برابر ریادن دخی ابعدر. همدده جوف لیل نجلی و عرض احسان زمانیدر. جناب حق قائم باللیل اولان صلحاء

(۱) بونک کراهتی اتفاق روایات ایله در. علیه الصلاة والسلام افندمز حضرتلرندن زیاده سی روایت اولنمادرد. اگر کراهت اولییدی تعالماً للجواز زیاده ایدرلر ایدی دیمشدر. بوده کراهتک تحریمیه اولدیغنی افاده ایدر. ط. (۲) اکثر مشایخک مختاری بودر. معراج الدرایده ایسه زیاده مذکوره وصل عبادتی متضمن اولدیغیچون مکروه اولماق اصحدر دیو مذکور اولوب سرخی دخی عدم کراهتی تصحیح ایتمشدر. س. اولکینک کراهتی اتفاق روایات ایله اولدیغینه نظراً بو اختلاف ایکنجی به معنی کیجه نوافلنه عائد اولقی کرکدر. احیاء علومده اون ایکی رکعت اوله رق ذکر اولنان لیله معراج نفلی هرایکی رکعتده نجیانه اوطورلق و فقط الک نهایتنده سلام و یرنک اوزره میندرکه اوانجق بونصیحجه توافق ایده ییلور. سکرده بر سلامک جوازندن تراویح مستثنا در.

عباد بنی (تنجانی جنوبیہم عن المضاجع) قول کریم سلمہ شتایش
بیورمشدر (۱) .

إذا ما الليل أظلم كابدوه * فيسفر عنهم وهم ركوع
أطار الخوف نومهم فقاموا * وأهل الأمن في الدنيا هجوع

ليلاً ونهاراً نمازده طول قیام کثرت سجوددن احیدر (۲) . حدیث
شریفده « افضل الصلاة طول القنوت » بیورمشدر . طول قنوت طول
قیام معناسنددر . همده طول قیام ایله قرات قرآن مزداد اولور .
کثرت رکوع وسجود ایله تسبیحات چوغالور قرات ایسه تسبیحدن
افضلدر (۳) .

(۱) که یاناری یتاقلردن متباعد اولور دیمکدر . آخر آیت [فلا تعلم نفس
مأخذه من قرأ عين] درکه کوزار روشنلکنه دائر انلر ایچون اخفا وآماده
ایدلش اولان شیلری هیچ کیمسه بیلهمز دیمکدر .

يا أيها الراقد كم ترقد قم يا حبيبي قد دنا الموعد
وخذ من الليل ولو ساعة تحظى اذا ما هجم الرقد
من نام حتى ينقضى ليله لم يبلغ المنزل لو يجهد

(۲) یعنی نوافل لیل ونهارده عدد رکعاتی چوغالتمقدن ایسه قراتی تکثیر
ایدرک قیامی اوزاتمق افضلدر .

(۳) قرات و قیام رکنلرینک اجتماعی دخی افضلدر چونکه انلر اجزاء
صلاتنددر . بنابراین رکن سجود ایله سنت تسبیحک اجتماعندده افضل اولش
اولور ، ط . مجتاده امام محمدن بونک خلاقی یعنی کثرت رکوع وسجودک افضل
اولدیفی نقل اولندی . ص . طحطاوی شرح معانی آثارده امام محمدن شیخینک

(فصل)

تحیت مسجدہ و صلوات ضحایہ و احیاء لیالیہ

و ماعدایہ دائر^(۱)

ایکی رکعت نماز ایلہ (۲) مسجدہ تحیت ایتامک^(۳) مسنوندرکہ وقت
وقت کراہتک غیریدہ (۴) داخل مسجد ارلان کیمسہ او طور -

دخی کندیسنه موافقتلرینی نقل ایتمش و بدائعده انی تصحیح ایلمشدر . عبارہ
برهانک ظاہری ده بودر . امام أحمد تعارض ادلیہ مبنی توقف ایلمشدر . تساوی
دلیلنه مبنی امام ملاک انلری مساوی طومشدر . ط . قال ووجه مافی المجتہی قوله
صلی اللہ تعالی علیہ وسلم للسائل : عليك بکثرة السجود . والآخر :
أعن علی نفسك بکثرة السجود . وقوله صلی اللہ تعالی علیہ وسلم : أقرب
ما يكون العبد من ربه وهو ساجد ولأن السجود غاية التواضع
والعبودية اه .

(۱) صلوات ایل واستخاره کی . ط . بونلرهب رغائب انواعندندر . کماہر .
(۲) بوکا تحیت مسجد تہیر اولنور . محشینک افادہ سنہ کورہ
درت رکعت دخی قیلانہ ییلورسہ ده ایکی رکعت افضلدر .

(۳) رب المسجدہ تحیت دیکدر . چونکہ تحیت - کہ تعظیمدر -
مکانہ دکل ، انجیق صاحب مکانہ او اور . زیرا آندن مقصود تقرب
الی اللہدر ، تقرب الی المسجد دکلدر . وبوندن مسجد حرام مستثنادرکہ
انک تحیتی طوافدر . بوده اوزرنده طواف اولانہ یاخود طواف قصد
ایدنہ کورہدر ، طوافی ارادہ ایتام یاخود کیروب او طور مق ایستیان
بویله دکلدرکہ او کیمسہ صلوات تحیتی قیلدقجہ او طور ماز اه ط من حاشیتہ .

(۴) اوقات مکروهہ بحشہ باق-کز و اتوز طقوزنجی صفحہ انک
سوکارینی اوقویکز . محشی دیر کہ مسجدہ بعد الفجر ویا بعد العصر
کیرن تحیت مسجد نمازینی قیلماز بلکه تسبیح و تہلیل ایدر

مدین^(۱) آنی قیلار . اوطورلمش اولمقله اونماز کچمش اولمیوبینه قیلنور ایسه ده قبل القعود قیلنمق افضل اولور . فرضک اداسی آنک یرینه قائم اولور . وکذا هر نمازکه داخل مسجد اولان آنی جامعہ دخولده تحیت مسجد نیتی ایتیمه رک قیلش اوله اودخی آنک یرینه قائم اولور^(۲) .

برکونده بر مسجدده دخول تکرر ایدرسه بر صلات تحیت کفایت ایدر .

(او کیسمه مخیردر دیلرسه آنی ایلاک دخولنده و دیلرسه صوک دخولنده قیلار . ط علی الدر .)

مسجدده عند الدخول صلوات شریفه قراءتدن صکره : « اللهم افتح لی أبواب رحمتک » دیمک و عند الخروج : « اللهم انی أسألك من فضلك . » دیمک امرنی به مبنی مندوبدر . علیه الصلاة والسلام .

وصلوات شریفه اوقور و بوحالده حق مسجدی ادا ایتمش اواور . تنکیم فرض قیلنق ایچون کبردیکنده تحیت مسجد قیلنقله مأمور اولماز . آبدستزلکه و یاخوف و ازدحام کی سبب آخره مبنی تحیت مسجد قیله میان کیسمه درت دفعه « سبحان الله والحمد لله ولا إله إلا الله والله أكبر » دیراه .

(۱) قبل القعود قیدی اولایی بیاندر . حدیث شریفده : سزدن برکز مسجدده کبردیکی وقت ایکی رکعت نماز قیلنمقجه اوطورمسون . بیورلمشدر . اوطوررده صکره قیلار دییان دخی اولمشدر . حدیثده کی نهی تنزیهه محولدر . ط .

(۲) چونکه تحیت نمازی مسجدک تعظیم و حرمتی ایچوندر اوایسه قیلدیغی شی ایله حاصل اولور . ص . مم مثوبته دیمکدر تنکیم محشینک شکر و ضوء ده کی افاده سنندن ظاهردر .

در مختارک مکروهاتند مذکور در که جامعک خوف سرقت اولمذقجه
قبوسنی کلیدله مکروه اولدیغی کبی قبوسی بردن زیاده اولان جامع
شریفی یول اتحاد ایتمک دخی مکروهدر . و بونی بلا عذر اعتیاد ایدن
فاسقدر . اگر عذرواضطراره مبنی ایسه جائز اولوب او کیمسه کونده
بر دفعه تحیت مسجد قیلار .

آبدستی (۱) متعاقب یا شلفی قوریمدین (۲) ایکی رکعت نماز قیلماق
مندوبدر (۳)

مسجده حین دخولده قیلانان فرض (ویاسنت) ایله تحیت مسجدنوابی
دخی حاصل اولدیغی کی آبدستی متعاقب قیلانان فرض (ویاسنت)
ایله دخی بوفضیلت حاصل اولور . ط .

ضحی یعنی قوشلق و قی درت ودها زیاده رکعت نماز قیلماق علی
الراجح مندوبدر .
(بوکا صلات ضحی تعبیر اولنور وقت مختاری ربع نهارک کنذرانی
زمانیدر (۴) .

- (۱) وکذا غسلی . کا تقدم فی آدابہ .
- (۲) یعنی قوریلانغدیغنه کوره قوریهجق قدر زمان کچمدین .
- (۳) بوکا (شکر وضوء) تعبیر اولنور . وقت کراحتک غیریده قیلنور .
حدیث شریفده « مامن مسلم يتوضأ فيحسن وضوءه ثم يقوم فيصلي ركعتين يقبل
عليهما بقلبه الا وجبت له الجنة » بیورلشدر . کا فی ص .
- (۴) لحدیث زید بن أرقم ان رسول الله صلى الله تعالى عليه وسلم قال صلاة
الأواين حين ترمض الفصال رواه مسلم وترمض بفتح التاء والميم أى تبرك من شدة
الحر في أخفافها اه وهذا الذى ذكرته فى هامش الصفحة ۳۶۸

در مختارده اقلی ایکی و اکثری اون ایکی و اوسطی سکر اولوق
اوزره مذکور اولوب افضلی اوسطیدر دینلشد (۱)

صلات لیل (۲) دخی مندوبدرکه کیجه این و خصوصیه کیجه نک
صوکنده قیلنور (۳). اقلی ایکی و اکثری اون ایکی و اوسطی سکر
رکعتدر (۴). فضیلتنه حد و حصر اوله ماز. حق جلّ و علا منهجین
حقارنده (فلا تعلم نفس ما أخفی لهم من قرّة أعین) بیورمشدر. صحیح
مسلمده دخی مذکوردرکه صلی الله تعالی علیه وسلم افندمز حضر نلری :
صلات لیلله ملازمت ایدکز زیرا سزدن اولسکی صالحلرک دأب
ومعتادلریدر وربکزه سزی مقربدر وسیمانک سبب کفار اتیدر
وکناهدن باعث نهی نفسدر. بیورمشلردر.

- (۱) وبعجبتی قول ابن الملوّح العاصری :
- (۲) اصلی فلا ادری اذا ما ذکرتها أننتین صلیت الضعی أم ثمانیا
(۳) بوکا صلات تهجد تعبر اوانورکه او یقوده بولنامق یعنی کیجه یی اویقو ایله
کچیرمامک نمازی دیمکدر. یقال تهجد اذا جانب الهجود أى النوم. کما یقال تأتم .
(۴) عشینک افاده سنه کوره کیجه الی قسم اعتبار اولنورسه آخر لیل
بشنجی سدس اولورکه احادیثده وارد اولان وقت نزول الهیدر. مقصود نزول
امر حقدر. احیاء لیلله نصف شعبان حدیثده باقکزر .
(۵) علیه الصلاة والسلام افندمز حضر تدرینک صلات لیلی و ترايله برابر بش
ویدی و طقوز و اون بر و اون اوچ رکعت قیلدقاری حاشیهده مذکور اولایقی
کی تهجدی اون ایکی رکعت قیلدقاری دخی سیدنا ابن عباس روایتله صحیح
بخاریده مذکوردر. مع الوتر اون بش ایدر. مؤلف کیجه تنفل اولنمسی لائق
اولان نمازک اقلی سکر رکعتدر دیمشدر .

صلوات استخاره دخی مندوبدر (۱). بولك بيمانى سنت سنیه افصاح
ایتمشدر : حضرت جابر رضی الله تعالی عنه دیمشدرکه حضرت رسول
الله صلی الله تعالی علیه وسلم بزه قرآندن سوره تعلیم ایدر اولدقلری کبی
بتون امورمزه استخاره تعلیم ایلیوب (۲) دیرلر ایدی که : سزک برکز
بر ایش یامق ایستدیکی وقت ایکی رکعت نماز قیاسون (۳) بعده شویله
دیسون :

« اللهم انی استخیرک بعلمک (۴) وأستقدرک بقدرتک وأسألك من
فضلک العظیم فانک تقدر ولا أقدر وتعلم ولا أعلم وأنت علام الغیوب.
اللهم ان کنت تعلم (۵) أن هذا الامر (۶) خیر لی فی دینی ومعاشی وعاقبة

(۱) استخاره کندیسند خیر اولان شیئی طاب ایلسکدر مستقبلده اوله جق
برشی ایچون اولورکه جناب حق ایکی امرک خیر لیسنی اظهار ایلیه . بر مطلوبک
تحصیلی ویا بر مکروهک دفعی ایچون اولان : صلات حاجتدر . کما یأی .
(۲) وقال صلی الله تعالی علیه وسلم : من سعادة ابن آدم استخارة الله عز وجل .
زاد الحاکم : ومن شقاوة ابن آدم تركه استخارة الله عز وجل . ط .
(۳) ایلک رکعتنده سوره " کافرون " وایکنجی رکعتنده سوره
اخلاصی اوقور . بعضلر : ایلک رکعتنده (وربک یخلق ما یشاء وینتار) الخ
آیتلرینی وایکنجی رکعتنده (وما کان لمؤمن ولا مؤمنة) الخ آیتنی اوقور دیدیلر .
وبعضلر : سوره ایله آیت بیئنی جم ایدر دیدیلر . نماز قیلحق متعذر اولور ایسه
دعا ایله استخاره ایدر . رسول اکرم صلی الله تعالی علیه وسلم افندمز
حضرتلرینک « اللهم خری واختری » دیو استخاره بیوردقارینی دخی حضرت
ابو بکر رضی الله تعالی عنه روایتیه امام ترمذی ذکر ایتمشدر . ط .
(۴) أى أطب منک تحصیل خیر الأمرین ، والباء فی قوله بعلمک للقسم أو للتعلیل .
أی لأنک عالم بذلك . וכذا یقال فیها بعد . ط .

(۵) شک داعییه نسبتله در . علام الغیوبه نسبتله دکلدر .
(۶) شوایش دیمکدرکه اوراده مستغیر تسمیه حاجت ایدر . ط .

امری وعاجله وآجله (۱) فاقدرو لی ویسره لی ثم بارک لی فیه (۲) وان کنت تعلم أن هذا الامر شرّ لی فی دینی ومعاشی وعاقبة امری وعاجله وآجله فاصرفه عنی واصرفنی عنه واقدر لی الخیر (۳) حیث کان ثم رضنی (۴) به « وحاجتني سویلسون (۵) .

بونی امام مسلمان ماعدا محدثین روایت ایلدیلر . دعاء مذکورہ حمد وصلوات ایلہ باشلامق مستحیدر . حین استخارہده قلبنک منشرح اولدیغی شی ایلہ عامل اولور (۶) .

- (۱) «وعاجله وآجله» روایت دیگر ایسهده دعاده ایکینسی برلشدیریلور . س .
- (۲) «أی اجعل لی منه خیراً زائداً علی خیریه أصله . وثم بمعنى الواو . ط .
- (۳) اقدر کلمهسنی معنی بوندن اول : دالک ضم وکسری ایلہ دیو ضبط ایتمشدر .
- (۴) رضنی تفعیلنددر . افعالندن اولق اوزره أرضنی دخی روایتدر . ط .
- (۵) « ویسمی حاجته » تمام حدیثندن اولدیغی ایچون بویله یازلدی . یوقسه تسمیه حاجت « ان هذا الأمر » بدلنددر . کما مر .

(۶) بو بعد الاستخاره احد امرینک بهمه حال حصولنی مفید اولوب مقصود انک قلبی هوا ی نفسدن خالی اولان انشراح ایلہ منشرح اولنددر . ط . مؤلف حضرت انسدن مروی اولان شیئه بناءً استخاره بی یدی کرهیه قدر تکرار ایتلمک لائق اولور دیمشدر که حضرت مشار الیه خطاباً افندمز حضرتلری : یا انس بر شیئی قصد واراده ایتدیکنک وقت ربکدن یدی دفعه استخاره ایلہ بعده قلبکه سابق اولان شیئه باقی که خیر اندهدر بیورمشلر اه .

حجده و جهادده و بتون انواع خیرده استخاره نفس فعله دکل ،
تعبین و فته محمول اولور (۱) .

صلات حاجت دخی مندوبدر . اوده ایکی رکعتدر (۲)
عبدالله بن ابی اوفی رضی الله تعالی عنه حضر لرندن مرویدر که
حضرت رسول اکرم صلی الله تعالی علیه وسلم افندمز : برکیمسه نك
حق جلّ و علایه یاخود بنی آدمندن برینه (۳) بر حاجتی
اولدیغنده کوزلجه آبدست آلسون (۴) بعده ایکی رکعت نماز
قیلسون صکره حق تعالی یه ثنا ورسولنه صلات ایدرک شویله
دیسون بیورمشاردر « لا اله الا الله الحلیم الکریم سبحان الله
رب العرش العظیم الحمد لله رب العالمین أسألك موجبات

(۱) معلوم اولسون که استخاره نك مندوبتی عبد ایچون وجه صواب معلوم
اولیان امورده در عبادات و حسنات کی خیری معروف اولان و معاصی و منکرات
مثلی شری معروف بولنان ایشلرده استخاره ایتمه که حاجت اولماز و ایدلر . خصوص
وقتی بیان ایچون امر خیرده دخی استخاره اولنه یلور : بوسنه حجه کیتمک
ایچون احتمال عدوه و یا احتمال فتنه یه مبنی استخاره ایتمک کی . ط .

(۲) یاخود درت رکعتدر ، حاوی ، قدسیده « سلام واحد ایله اون ایکی
رکعتدر » دیدی . ط . بوده ماسبقده احیاءدن منقول اولان لیلّه معراج نفی
قیلندندر . حاجت ایله استخاره نك فرقی ایچون صلات استخاره هامشنه باقکر .
(۳) حاجاتک هبسی حق جل و علا دندر . اولسکیسی بلا واسطه و بوبالواسطه
دیمکدر . افاده ط .

(۴) احسان وضوء آبدستک سنن و آدابنه مراعات ایله بولور .

رحمتك (۱) وعزائم مغفرتك (۲) والغنيمة من كل برٍّ (۳) والسلامة من كل اثم لان دع لي ذنباً لا اغفرته ولاهماً لا افرجته ولا حاجة لك فيها رضا الا قضيتها يا ارحم الراحمين .

بونی او قور بعده امر دنیا و آخرتدن دیله دیکنی ایستر (۴) .
شو دخی بعد الصلاة اولان طلب حاجت دعا سندن در (۵)
« اللهم انی أسألك وأنوجه اليك بنبيك محمد نبي الرحمة صلى الله تعالى عليه وسلم يا محمد انی توجهت بك الى ربك فی حاجتی هذه لتقضى لی اللهم فشفعه فی » .

(مؤلف مرحوم مکروهات صلاته ۶۳ : صلات تسبیح معلومدر .
دیوب کچمش و بوبابده انی ذکر ایتما مش اولدیغندن محشینک اوراده کی
بیانندن اخذا بزآنی بوراده ذکر ایدجکز) :
اصحاب سنن حضرت عکرمه دن (۶) و او دخی حضرت

(۱) أى الاشياء التى تقتضى الرحمة منك والاحسان . ط .
(۲) أى الاشياء التى تقتضى مغفرة الذنوب اقتضاء تاماً كأما تحتّم ذلك . ط .
(۳) أى خير . أى أسألك أن تجعل غنيمتى وعطيتى كل خير . ط .
(۴) وکنديسنه مقدر اولور . ابن امير حاجده بويله مذکوردر . ط .
(۵) ياخود بوشول دعا درکه انی پيغمبرم صلى الله تعالى عليه وسلم افندمز
حضرت لری کندیلرینه دعاء معافات طلبيله کلان بر اعمايه تعليم بيورمشلردر . رجل
ضرير دخی تعليم حضرت نذير وبشير وجهله کوزله آبدست آلوب ايکی رکعت
نماز قيله رق دعاء مذکورى ایتمکله باذن الله تعالى بصير اولشدر . کما فی ط .
(۶) عبد الله بن عباس رضى الله تعالى عنهما حضرت لری کوله لری
وترييه کرده لری برتابيدو . رحمه الله تعالى .

ابن عباسدن روایت ایتمشلردرکه حضرت رسول اکرم صلی الله تعالی علیه وسلم عم محترم لری عباس بن عبد المطلب حضرت لرینه بیورمشلر : « یاعم سسکا اون خصال اخباریله اکرام ایتمش اولایم که انی ایشله دیکک وقت ذنبکک اولی و آخری ، جدیدی و قدیمی ، خطاسی و تعمیدیسی ، صغیری و کبیری ، کیز لیدی و عاغیزی مغفور اولسون درت رکعت نماز قیلار سین هر رکعتنده سورهُ فاتحه نی و دیگر بر سورہ نی اوقور سین و قبل القراءه اون بش کره « سبحان الله والحمد لله ولا إله إلا الله والله أكبر » دیر سین بعد القراءه دخی اون کره « سبحان الله والحمد لله الخ » دیوب رکوعه وارر سین رکوعده اولدیغک حالده دخی انلری اون کره ورکوعدن طوغرلدیغکنده دخی اون کره وسجدهیه واردیغکنده اون کره وایکی سجده اره سنده اون کره وایکنجی سجدهده دخی انلری اونر کره اوقور سین که مجموعی هر رکعت اچون یتمش بشدر بونی رکعتلرک دردنده دخی یاپار سین (درت رکعتک مجموع تسبیحاتی اوجیوزدر) (۱) رکوع وسجودک اصل تسبیحاتی بشقهجه واولجه اوقنور نتکیم آنیا تصریح اولنور .) مقتدر اولورسک بو نمازی هر کون قیل هر کون قیلهماز ایسهک آیده بر کره قیل انی ده یاپاماز ایسهک سنهده بر کره قیل انی دخی یاپاماز ایسهک عمر کده بر کره قیل (۲) . »

(۱) عبد الله بن المبارك حضرتلرندن : بونمازده سهو ایدن سجود سهوده دخی اونر تسبیح اوقور می ؟ دیو سؤال اولندقدہ حضرت مشارالیه : لا ؛ اونمازانجی اوجیوز تسبیحدر . بیورمش اه .
(۲) شارح مشکاتک بیانته کوره ابن جوزی بوحدیث موضوعانده ذکر ایلدیکندن طولانی اساءت ایتمشدر .

صلات تسبیح مرغب فیہا در . انی ہر زمان اعتیاد ایتہمک
واندن تغافل و تسکسل ایتہامک مستحب اولور . انی قیلان
رکوعہ اوچ کرہ سبحان ربی العظیم و سجودہ اوچ کرہ
سبحان ربی الاعلیٰ دیمکدن باشلار واندن صکرہ تسبیحات
مذکورہ فی اوکور .

رمضان شریفک عشر اخیرى (۱) کیجہ لوبی احیسا ایتہمک (۲)
مندوبدر . حضرت عائشہ (رضی اللہ تعالیٰ عنہا) دن مروی اولدیغی
اوزره حضرت رسول اکرم صلی اللہ تعالیٰ علیہ وسلم افندمز
رمضانک عشر اخیرى داخل اولدقدہ لیلی احیا واهانی ابقاظ وشد
مشر (یعنی عبادتہ اجتہادط (۳)) ایدرلر ایدی اہ مقصد لیلہ
قدری احیاددر . « لیلہ قدری رمضانک عشر اخیرندہ
آرایکز » حدیثی متفق علیہدر . اولیلہ مبارکہده کی عمل اندن
خالی اولان بیک آیدہ کی عملدن خیرلیدر . حدیث شریفہ :
لیلہ قدرہ ایماناً و احتساباً قائم اولانک ذنوبندن کچنی وکلہ جہکی

(۱) بو تعبیر صاحب مصباحیہ غلطاً ایسہده لسانہزجہ اخفدر .

(۲) کیجہ بی احیا : اندہ عبادت ایچون قائم اولقددر . مؤلف احیاء
لیل صلات شہانده تعریف ایدر .

(۳) عشی دیمک ایسترکک : شدمشردن متبادر اولان اعتزال نساء
معناسی مقصود دکلددر . کتاب الطہارہ دن ۱۷۵ نجی صفحہنک ایکنجی
ہامشنہ بافکز . اعتکافہ مناسب اولان معنیہ اودر .

مغفور اولور . بيور لمشدر (احقسابآديمك ثواني عند الله ادخار قصديله
ديمكدر ط) (۱) .

ايكي بيرام كيجه لريني يعني عيد فطرك وعيد اضحانك ايلك كيجه -
لريني احيا ايتمك مندوبدر . حديث شريفده « من احيا ليلة العيد
احيا الله قلبه يوم تموت القلوب » بيور لمشدر (۲) .

سحر لرده استغفارارى چوغا ثنمق مستحيدر : جناب حق مستغفر
بالاسحار اولانلارى (وبالاسحار هم يستغفرون) قول كريميله مدح
بيور مشدر .

(۱) ليله قدرك ذنوب عمرى مكفر اولديغنى مؤلف احيا ليله
نصف شعبانده دخى ذكر ايدر . معلومدركه (ليله قدر) شرف كيجهسى
ديمكدر . حديث شريفلر ناطق اولايغى اوزره رمضان شريفك عشر
اخيرنده مكنونددر . احيا ليالى به اجتهاد اولنمق اپچون اخفا بيور لمشدر .
معتكفاً احيا عشر اخير رمضان ايله تفقده اولنمق كركددر . نووينك
بياتنه كوره اك اميدلىسى او عشرينك اوتارى يعني تك كيجهلريددر .
اوتارك ارجاسى دخى يكرمى يدينجيسيدر . سيدنا ابن عباسك وصحابه دن
دها برطاقم ذواتك قوللارى بودر .

(۲) ليله عيى احيا ايدنك قلبنى جناب حق قلوبرك اولديكى كون
احيا ايدر ديمكدر . قلوبرك موتى عبت دنيا ايله دركه صاحبنى آخرتدن
منم ايدر . تشكيم « موتى ايله مجالسه ايتميك » وارد اولمشدركه اهل دنيا ايله
ديمكدر . بونى عشى احيا ليله نصف شعبان حديثنده مؤلفك شرح كيرندن
قلا ذكر ايتمشدر .

سيد الاستغفار دخی شودر : « اللهم أنت ربی لا اله الا أنت خلقتنی وأنا عبدك وأنا على عهدك ^(١) ووعدك ^(٢) ما استطعت أعوذ بك من شر ما صنعت أبوء لك ^(٣) بنعمتك علیّ وأبوء بذنبي فاغفر لی فإنه لا یغفر الذنوب الا أنت . »

بیرام کیجه لرنده دعا مستجابدر .

(احياء ليله نصف شعبان احاديثی اوقویکز .)

عشر ذی الحجه کیجه لرینی ^(٤) احياء ایتمک مندوبدر .
حدیث شریفده « مامن أيام أحبّ الى الله تعالى أن يتعبد فیها من عشر ذی الحجة بعدل ^(٥) صیام کل يوم منها بصيام سنة وقيام کل ليلة منها بقيام ليلة القدر » بیورلمشدرکه . جنساب حقه تعبد ایچون عشر ذی الحجه دن احب ایام اوله ماز المردن هر بر کونک اورجی صوم سنه یه وهر بر کیجه نک قیامی ليله قدر قیامته معادل طوتیلور . دیمکدر وحدیث دیسکرده : صوم عرفه ^(٦) بری ماضی وبری مستقبل ایسکی سنه یه کفارندر و صوم يوم

(١) أى أنا مقيم على الوفاء بما عاهدتني في الازل اه من ط .

(٢) أى أنا موئن بما وعدتني من الثواب . وأنا مقيم على وعدى اياك بالامتثال . ط .

(٣) أى أقر وأعترف . ط .

(٤) او کیجه لر [ولیال عشر] قول کرینده مقسم به واقع اولشدر . ایامی دخی : ایام معلومات مبارکاتدر . ایام معدودات : ایام تشریقدر . وعبه بها عن أيام الصيام .

(٥) بالبناء للمجهول . ط .

(٦) عرفه صدقه وزنده ذی الحجه نک طقوزنجی کونیدر . عید فطرک ماقبلته اطلاق اولنماز .

عاشوراء (۱) برسنه^{*} ماضیه به کفار تدر . بیورمشدر (۲)

لیلہ^{*} نصف شعبانی احیا ایتمک مندوبدر (۳) . او لیلہ^{*} مبارکه
ذنوب سسنه^{*} و لیلہ^{*} جمعه ذنوب اسبوعی و لیلہ^{*} قدر ذنوب عمری
مکفردر . همدہ او لیلہ^{*} مبارکه ده أرزاق و آجال و اغناء و افقار و اعزاز
و اذلال و احیاء و اماتہ و عدد حجاج تقدیر او لنور . حق جل^{*} و علا انک
حقنده (فیها یفرق کل أمر حکیم) بیورمشدر . او لیلہ^{*} مبارکه ده جناب
حق خیری سح^{*} ایدر یعنی یا غمور کبی یا غدیرو (۴).

بش کیجه واردرکه انلرده دعا مردود اولماز : جمعه کیجه سی ،
رجبک ایملک کیجه سی ، شعبا مک نصفی کیجه سی ، عید فطر کیجه سی ،
عید اضحی کیجه سی (۵) .

(۱) محرمک اونجی کونیدر . طقوزنجی کوته ناسوعاء دینور .
(۲) دلمدی که بو تفاوتک حکمتی اولسکیسی شرع خاتم الانبیاء و ایکنجیسی
شرع حضرت موسی اولسیدر . البته اولسکیسی افضلدر اه من ط . لکن
ذی الحجه نک یوم عاشری یوم نحر اولمغله انده صائم اولقی جائز اولمدیفی کبی
عرفه کوئی دخی عرفانده بولنان حجاجه کوره صائم اولقی مندوب اولماز .
زیرا حاجی انک صومی سببیلہ او کون کندیسندن مطلوب اولان خصوصندن
ضعیف قاله بیلور . کذا فی ط .

(۳) احیاء علومده او کیجه نک نمازی (صلاة الخیر) اسمیلہ بوز رکعت اولهرق
کوسترلمشدرکه هر رکعتی بعد الفاتحه اونر اخلاص او قومقله قیلنور . مجموع عدد
اخلاص بیکندر . سید مرتضی مرحوم شرح احیاده سلف صالحینک صلاة الخیرده
جماعت اولدنلرینی دخی ذکر ایتمشدر . فطوبی لمن حذا حذوهم من الخلف الصالح .

(۴) السح الصب والسیلان من فوق کالسج بالضم اه قاموس^{*}

(۵) هو الجد حتی تفضل العین اختها و حتی یصبر الیوم لیوم سیدا

بر حدیث شریفده « بش کیجه نی احیا ایدنه جنت واجب اولور:
 « ترویه (۱) کیجه سی ، عرفه کیجه سی ، عید فطر کیجه سی ، عید
 اضحی کیجه سی ، نصف شعبان کیجه سی . » بیورلمشدر . حدیث
 دیگرده علیه الصلاة والسلام افندمز حضر تلمی بیور مشلدر که شعبانک
 نصفی اولدیغنده کیجه سنی قائم و کوندزنی صائم اولک زیرا او کیجه نک
 غروب شمسندده امر حق نازل اولوب طلوع فجره د کین : مستغفر
 یوقی که مغفرت ایدهم مسترزق یوقی که مرزوق ایدهم . دیو ندا
 واقع اولور . وینه صلی الله تعالی علیه وسلم افندمز حضر تلمی
 بیور مشلدر که نصف شعبان کیجه سی وایکی بیرام کیجه سی قائم اولانک
 قلبی قلبک میت اولدیغی کون میت اولماز (۲) .

قیامک معناسی معظم لیلده یعنی کیجه نک قدم اعظمندده علی قول
 بر ساعتندده طاعتله مشغول اولمقد . قرآن یاخود حدیث او قور یاخود
 بونلری دیکر ویا تسبیح ایدر ویاخود نبی علیه الصلاة والسلام صلات
 وسلام چکر (۳) .

(۱) ترویه تریبه وزندده ذی الحجه نک سکزنجی کونی آدیدر . اوقیانوسده
 شویله مذکوردر : (یوم التروی) تفعله وزندده ثامن ذی الحجه که عرفه کوندن
 مقدم اولان کوندنر حجاج اول کون منایه عزیمت ایدوب انده صواولماغله کندیلرینی
 وها بلرینی کرکی کبی صویه فاندردقلری ایچون اطلاق اولندی اه میخدف .

(۲) قلبک موتی مانع آخرت اولان محبت دنیا ایله در . بعضار : قلبی اولماز
 دیمک او کیمسه نه حالت نزعده ونه قبرده نهده قیامت کوندده متحیر اولماز
 دیمکدر دیدیلر . ط .

(۳) یاخود دعا ایدر . اک کوزل دعاده بودر : « اللهم انک عفو تحب العفو
 فاعف عنا » . ط .

ابن عباس رضی الله تعالی عنهما حضرت تارندن مرویدر که : قیام لیل ایکی بیرام کیجه سنی احیا ایتمه کده اولدیغی کبی یانسو نمازینی جماعتله قیلیق و صباح نمازنده دخی جماعت عزمنده اولمقدر بیوردیلر . صلی الله تعالی علیه وسلم افندمز حضرت لری بیورمشلردر که « یانسوی جماعتله قیلان کویا که نصف لیلی قائم اولمشدر و صبحی جماعتده قیلان کویا که بتون کیجه یی قائم اولمشدر (۱) » بونی امام مسلم روایت ایتمشدر.

مؤلف علیه الرحمه لیلہ رجبی بالکمز دعائک رد اولنمیه جنفی لیالی خمس میاننده ذکر ایلدی . احیاء علومک تکرر سنین ایله متکرر اولان نوافل قسمنده صلات رجب و صلات شعبان مذکور اولدیغی کبی لیالی و ایام فاضله بیانی حاوی اولان فصلده رجبک ایلک و نصف و یکرمی یدنجی کیجه لری و صلات ایله معراج دخی مذکوردر . بونلردن فصل نوافلده کی صلات رجب شهر رجبک ایلک جمعه کیجه سنه عاتدر که بزم (ایله

(۱) احتمالسه معنی صلات ضیح ابله کیجه نک نصف اخیری ثوابی حاصل اولمقله بتون کیجه نک ثوابی یانسو و صباح نمازلرینک جموعندن حصول کلور دیمکدر که سیدنا ابن عباسک کلام متقدملرینک دخی مؤداسی بودر زیرا حضرت مشار الیه یانسوی جماعتله قیلغی و صباحی دخی جماعتله قیلیق عزمنده اولغی احیاء لیل مقامنه قائم قلمشدر و احتمالسه حدیث مذکور صلات صبحک صلات عشان افضل اولدیغه اشارتدر که یانسوی جماعتله قیلان نصف لیلی و صباحی جماعتله قیلان تمام لیلی کویا قائم و محیی اولمش اولبور . ط .

رغائب (دیدبسمز کیجه در (۱) . صلات مذکورہ صلات لیله^{*}
معراج کی کیجه اون ایکی رکعتدر . انک کیفیتی احیامده مبیندر

محشینک بیانسه کوره یولجیلغه چیقار ایکن ویولجیلقدن عودتده
وبرمنزله نزولده همان ایکی رکعت نماز قیللق دخی (وقت کراحت
اولماق شرطیله) مندوبدر .

صلات استغفار دخی مندوبدرکه واقع اولان معصیتہ مبنی کوزلجه
آبدست آلتوب ایکی رکعت نماز قیلتهرق استغفار ایدیلور (۲) .

مؤلف دیرکه ذکر اولتان کیجه لردن برینک احیاسیچون

(۲) رغائب قسم روانب اولق اوزره باب نوافل هامشده بیان اولمشدر .
او کیجه نیک لیله^{*} رغائب اولسی حقنده افواه عوامده دائر وسائر اولان سوزکه
سید الکائنات علیه ازکی الصلوات افندمز حضرتلرینک صلب پدردن رحم پاک
مادره او کیجه نزول بیورمش اولاریدر عقلاً وقللاً بی اصلدر . اربعین نوونیک
حدیث خامسی شرحنک اواخرنده شیخ اسمعیل حق قدس سره دیمشدرکه اول
کیجهده خصوص اوزره تجلی افعال واقم اولوب جناب نبوت صلی الله تعالی
علیه وسلم غرقه نور افعال اولغله شکرأ لله تعالی اون ایکی رکعت صلات رغائب
قیلمشدر . واول کیجه به لیله الرغائب دیمک لسان ملائکه دن صادر اولمشدر .
تسکیم امام نسفینک یاقوته نام کتابنده مصرحدر اه .

(۲) عن علی عن ابی بکر الصدیق رضی الله تعالی عنهما أن رسول الله صلی
الله تعالی علیه وسلم قال : مامن عبد یذنب ذنباً فیتوضأ ویحسن الوضوء ثم یصلی
رکعتین فیتستغفر الله الا غفر له . قال کنذا فی القهستانی اه .

مساجده و مساجدك غير يده اجتماع ايتمك مكروه اولور (۱) چونكه او
اجتماعى نبى عليه الصلاة والسلام وصحابه كرام يامديلر اه .
اجتماعدن متبادر اولان معنى على سبيل التداعى اولمقدر . نوافلده
لاعلى وجه التداعى اولان اقتدائك عدم كراهتنى مؤلف باب الوتر
آخرنده ذكر ايتمشدر (۲) .

-
- (۱) كرك او كيجهلرك نمازلرنده ، كرك رغائبدن اولان سائر نمازلرده
جماعت نذر ايدلش اولقله دخى كراهتدن چيقماز . قاله ط .
(۲) عشى : صلات نفل فى نفسها صفت افراد ايله مشروع اولوب انده اقتدا
دخى على وجه التداعى اولدقه مع السكراهه صحيح اولور . ديمشدركه لا على
وجه التداعى ايسه بلا كراهه صحيح ديمكدر . تداعى معلوم اولديفى اوزره
دعوتلشمكدركه جماعت چوغاللى اوزره برى برينه خبر ويرمك ياخود اذان اوقتمقدر .
۳۶۰ نجى صحيفه نك هامشى اوقويكز .

* فصل *

صلات نفلی قاعداً قیامه و دابه اوزرنده قیامه و صلات ماشی به دایر

صلات نفلی قیامه قادر ایکن قاعداً قیامق (۱) بلا کراهه جائز
اولور (۲) ولکن بلاعذر قاعداً متنفّل اولانه قائماً متنفّل اولانک
نصف اجری وارد (۳) .

عاجزک و معذورک نمازده قعودی کندی عجز و عذری صفتیه
مقید اولوب قادرك صلات نافلهیه کوره موضع قیامده صفت قعودی
متشدد کی اولمق افضلدر .
(سنن و مکروهاته باقلسون .)

(۱) لامضطجماً الا بعذر . در مختار .

(۲) بو نفلک فرائض و واجبانیه مخالف اولدیفی شیلردندر . چونکه
فرائض و واجبانیه بلاعذر ترك قیام اولنه ماز . نفل مطلقدر سنن مؤکدهیه و تراویحه
شاملدر . ط علی الدر . مؤلفک تصریحی اوزره صباح نمازینک سننی دخی
مستثنی دکلدر .

(۳) حدیث شریفده : « من صلی قائماً فهو افضل ومن صلی قاعداً فله نصف
اجر القائم » بیورلمشدر . بوفدن کندیلری مستثنی اولدیفی کی عدم اقتدارندن
فاشی قاعداً قیلان دخی مستثنادر خصائص نبویلرندن اولدیفی اوزره کندیلرینک
قاعداً اجر صلاتلری قائماً اجر صلاتلری مثلی اولدیفی کی بر عذرده مبنی قیامدن
عاجز قالان دخی اوطوررق و حتی عذرینک اقتضاسنه کوره یان وارقه اوسنی
یاتهرق ایماء قیلیق قائماً و رکوع و سجودایدرك قیامه مساویدر . بلکه جهدمقل
اولدیفیچون بو اندن افضلدر . کما فی ص مه ط . قال : ونیة المرء خیر من
أعماله .

بعضلر پیغمبر من علیه السلام افندمزك آخر عمر لر نده قیلدقلری نو افلده
محتبی بولنور اولدقلری و برده محتبی اوله رق و طور انك اعضاسی توجه
قبله جهتیهله اکثر اوله جغی بیانیهله محتبی اوله رق و طور مق افضل
اولدیغنی سویله مشلر در .

(محتبی احتیاء دن اسم فاعلدر . احتیاء : قایناقلری اوزرینه و طور ب
دیزلرینی دیکدرك قوللریله قوشاقلا مقدر .)

قادر علی القیام اولان کیسمسه قائماً باشلادیغنی صلات نفلی كرك
رکعت اولی و كرك رکعت ثانیهده قاعداً اتمام ایتمك علی الاصح (۱)
بلا کراهه اولمق اوزره جائز اولور (۲) . (قاعداً باشلادیغنی نفلی
قائماً اتمام ایلمك دخی بویله در . كما فی الدر)

علیه الصلاة والسلام افندمز حضر تاری صلات تطوعه
باشلار لر بعده قیامدن قعوده و قعوددن قیامه انتقال بیور لر
ایدی (۳) . معراج الدرايهده : « قاعداً قیلنان هر تطوعده سنت

(۱) بو قید صاحب هدایه نك بور غنلق کبی بر عذر اولدقجه انده کراهت
اولدیغنی اختیار ایلمش اولسندندر . كما فی ط .

(۲) قیام و قعود شفعدن شفعه اولورسه جواز مذکور انفاقیدر . چونکه
هر شفیع بر صلاتدر . شفیع واحد ایچنده اولورسه خلافیدر که جواز عندالامامدر .
امامین اکا مخالفدر . انظر لی س مع ط .

(۳) یعنی رکعت واحدهده . ط . چونکه روایت حضرت عائشهده علیه الصلاة
والسلام افندمز حضرتلرینك تطوعه قاعداً باشلابوب معتادلرینی اوقور لر بش
اون آیت قالدیغنده قیام بیور لر و ابکنجی رکعنده دخی بویله یا بار اولدقلری وارد
اولدیغنی کبی قائماً باشلابوب صکره اوطور و قراءت لرندن یکر می یا خود اوتوز آیت
قالدیغنده قالفوب انی اوقور و بعده رکوع و سجوده اینر اولدقلری دخی مجم
الروایانده مذکوردر . كما فی ص و ط .

سَنِيهِه موافقت ایچون بویله یا پمق مستحب اولور . « دیشدر اه
قالقوب طوغرلسه وقرات ایتمیهرك ركوعه وارسه اولور .
طوغرلیهرق قالقوب (۱) ركوع ایدرسه اولماز . چونكه او ركوع
نه قائماً ركوعدر نهده قاعداً ركوعدر .

عمران خارچنده (۲) حیوان اوزرنده ناهله قیللق جائزدر (۳) .
حیوان هانکی جهته کیدجك ایسه اوجته متوجهاً راكب افتتاح
ایدوب نمازی ایما ایه قیلار (۴) . ظاهر روابته افتتاح تکبیری ایچون
حیوانی طور درمقدن عاجز اولق و قبله نی استقبال ایتمك شرط دکلدر .
(متعلقات شروط فصلنه باقكز) .

(۱) الری دیزارینه دکر درجهده قائم اولق طوغرلیهرق قالقمقدر . قاله ط .
(۲) مقصود اول محلدركه یولجی اولان کیمسه اقامتکاهندن چیقوب اورایه
واصل اولدقده دت رکهتلی فرضلی قصر ایدر . كرك بالفعل مسافر اولسون ،
كرك برایش ضمننده براز خارجه چیقمش بولسون . علی قول بر میل قدر و علی
قول ایکی فرسخ مسافه خارجه چیقارسه حائز ولا فیر جائزدر . امام ابوبوسفدن
شهر ایچنده دخی دابه اوزرنده تنفلك حوازی مرویدر . ص .
(۳) زیرا نمازخبر موضوعدر اینمك کبی کوچلکلكر شرط قیلنسه خیردن منقطع
اولق لازم کلور . دابه اوزرنده تنفل ایتمکده لسانی فضول کلامدن - فظ ایتمك
مفعلندن بشته برشی اولسه بيله انك جوازینه اودخی کفایت ایدر . تنفل علی
الدابه نبی علیه السلام افندمزده چوقواق اولدیغیچون همده مندوبدر . ط ، ص .
(۴) شاید اکر اوزرینه یاخود یانته آلدیغی برشی اوزرینه سجده ایدرسه
عبث اولوب قائلده سی اولماز و مکروه اولور مفسد اولماز . ط .

حيوان يورتمك عمل قليل ايله اولورسه ضرر ايتمز (۱) .
سنن مؤكده وحتى سنت فجر ايچون دخى دابه اوزرنده ايما
جائز اولور .

را كبا باشلاديغى نافله ياكى آياغنى بر كوب قولايجه اينيويررك
عمل كثير حاصل اولماش ايسه نازلانا و اتمام ايدر .
نازلانا يعنى يرده اولديغى حالده باشلاديغى نافله يي ظاهر روايتده (۲)
را كبا بنا و اتمام ايله مز (۳) .

(۱) مؤلفك تعبيرى شوبله در : آياغنى تحريك ايدر و ياخود حيوانى ضرب
ايلر ايسه چوق برشى يامديغنه كوره باس يوقدر .
(۲) وقال زفر يجوز له ذلك . ط .

(۳) چونكه بر نمازك عندالاختلاف بر پارچه سنى ديكر پارچه سنيه بنا ايده ييلمك
هر ايكي پارچه يي بر تحريمه اشمال ايتمش اولق صورتنده جائز اولوب ايكي يي
بر تحريمه داخلنده اولماز ايسه جائز اولماز . ايمدى صورت اولاده را كيك
تحريمه سى هم رخصت اوله رق را كبا ايما ايله قيلمى وهم مزمت اوله رق نازلانا
ركوع وسجود ايدرك قيلمى مجوز اولق اوزره منعقد اولمغله انلرك ايكي سى بر
تحريمه داخلنده بولنه رق برينى ديكرينه بنا ايتمك جائز اولمشدر . صورت ثانيه ده
ايسه تحريمه انجق ركوع وسجود ايچون منعقد اولمغله را كا ايمايه شامل
اولمغله رق انى كا بنا ايتمك صحيح اولماشدر . زيرا نمازه يرده افتتاح ايتمك
جميع شروطنك التزام ايدوب ركوب ايتمكده ايسه استقبال قبله ومكانك
اتحاد وطهارتى و حقيقت ركوع وسجود فوت ايداش اولوراه صورت اولى
حقده كي افاده دن بوبابده كي بنالك جوازي ايله بالايما نماز قيلمقده اولان مريضه
اثناء صلاتده عافيت عاجله حاصل اوله رق ركوع وسجوده قدرت كلكم مسئله
سنده بنانك عدم جوازي فرق اولنوركه مريضك ركوع وسجوده قدرتى اولمديغىچون

دابه اوزرنده نجاست کثیره (۱) بوانمق صحت صلاته مانع اولماز
ولوکه اکرده وایکی اوزنکیده اولسون . علی الاصح (۲) .

نافله قیلانه تعب کلهک تقدیرنده عصا و دیوار و خدمتکار مثلی
بر شیشه طایانوب طورمق بلا کراهه جائز اولور . چونکه تعب
عذردر .

اگر منتفل بلاعذر آنکا ایدرسه اسامت ادب ایتدیکیچون تنزیها
مکروه اولور .

ماشینک یعنی یوریمکده اولانک وکذا سابعک یعنی یوزمکده
اولانک نمازی اتفاقاً صحیح اولماز (۳) .

تحریمه سی انلره شامل دکلدر . نازلایرده افتتاح صلات ایدنک افتتاحی کبی
اولشدرکه انک تحریمه سی را کباً ایمایه شامل اولدیغی کبی بونک تحریمه سی دخی
رکوع وسجوده شامل دکلدر . ص ، ط . مفسدانک اوتوز برنجیسی اوقوبکز .
(۱) کتاب الطهاره یه مراجعت .

(۲) چونکه ضرورت واردر . من همد نوافله ارکان اصلیه نک اعتباری
ساقط اولنجه طهارت مکان شرطنک سقوطی اولی قالور . ط .

(۳) چونکه کرک یوریمک کرک یوزمک منافی صلاتدر . ارکان صلاتک ایسه
مع المنافی اداسی صحیح اولماز . ط . مؤلف تعلیل مسئله ده «لاختلاف المكان»
دیکله اکتفا ایتمشدر .

﴿ فصل ﴾

صلوات فرض و واجبی دابه و محمل اوزرنده

قیلیق حقهده

دابه اوزرنده بر منوال محرر شهر خارجی اولیق شرطیله انجیق نافله قیلنور . فرض اولان نمازلی و صلات وتر و نذر و عیدین و نافله اوله رق شروع اولنوبده (۱) افساد ایدلدیکندن طولانی قضا اولثان نماز کی واجب بولثان نمازلی و جنازه نمازینی دابه اوزرنده قیلیق و یرده او قودیغی آیتک سجده سنی دابه اوزرنده ایتکم صحیح اولماز (۲) . مکرکه بر ضرورته مبنی اوله (۳) .

لاجل الضرورة فرضك دابه اوزرنده قیلنمسی (فان خفتم فرجالاً أو رکبانا) قول کریمیله منصوص اولوب (۴) واجب دخی فرضه ملحقدر .

(۱) ولوکه قاعداً شروع ایدلش اولسون . ط .

(۲) آیتنی دابه اوزرنده او قومش ایسه سجده سنی دخی دابه اوزرنده ایتکم صحیح اولور . ط . یعنی بالایما .

(۳) خلاصهده دیمشدرکه دابه اوزرنده فرض قیلیق عذریله جائز اولور . حیوانی طوردرمی ممکن اولورسه مستقبل قبله اوله رق طوروب ایما ایدر . ممکن اولماز ایسه حیوانک متوجه اولدیغی جهته ولوکه قبله ارقدهده قالسون قیلار . ط . (۴) قول کریم مذکور سوره بقره آیاتندندر (حافظوا علی الصلوات الخ)

قول کریمندن صکره در . خوف ایدرسه کز نمازلی راجلین یا خود را کین اوله رق قهلسکز . دیمکدر . رجال رجلک جمی اولدیغی کی راجلک دخی جمی اولور : قائم ایله قیام کی . کما فی أنوار التنزیل .

ضرورت : اينمك تقديرنده رفينلري طورماز ايسه (١) نفسي و يادابهسي ياخود لباسي حقنده خرسز قورقوسي و ياخود نفسي و يادابهسي حقنده جانور قورقوسي و يغمور سبيله يرك يوز غائب و ياملوث اوله چق درجه ده چامور اولسي و اوزرينه سريله چك شيئي اتلاف ايلسي كي شيلارد .

يرك مجرد ياشلغي حيوان اوزرنده نماز قيلغي اياحه ايلز (٢) .
دابهسي اولميان دخي چامورده نمازي قائماً ايما ايله قيلار .
حيوان سرکش اولق و سرکش اولسه بيله راكب عاجز اولق جهتيله ايندكدن صكره اني بيندير چك كي مسه بولنامق دخي عذر در .
عذرک زواليله نماز اعاده اولماز .

نزول و رکوب سبيله خسته ليكي زياده لسه چك و يا ايلمكي كجيكه چك اولان خسته دخي فرضي دابه اوزرنده قيلق جائز اولور .
ممکن اولور سه حيواني مستقبل قبله اوله رق طورديرر . ممکن اولماز سه طوردير ميوب حيوانك متوجه اولديغي جهته طوغري ايما ايدر .
(بو خسته به مخصوص دكلدر . بلکه فرض و آکا ملحق اولان

(١) بو قيد غاليدز رفقانك طرملرينك دخي منع اصوله فائدهسي اولمديني اولور . او حالده نمازي حيوان اوزرنده قيلق ينه جائز بولور . ط .
(٢) هذا مسلم في حق الرمل وأما في حق التراب فلا لوجود التلوين المبيح .

واجب نمازی حیوان اوزرنده قیلنه نك على الاطلاق حکمی طین مکان
ایچون دخی بودر . ط ، ص . عاجزك قبله سی جهت قدر تیدر . ()
بعد النزل رکوبدن عاجز اولان کیمسه معین بولمق مسئله سی قدرت
غیر ایله قادر اولمق مسئله سیدر که او عند الامام عاجز وعند الامامین
قادر عد اولنور . محرم سز و یا زوج سز نزوله قادر اولمیان قادی کبی که
اودخی قدرت غیر ایله قادر دیمکدر .

(بوابده قول امامین مرجع اولدیغی باب الجمعة مذکوردر .)
مشقده ایچنده بولنان ایکی ارقداشك بری ایندیکی وقت دیکری
یاخود آرده اولان چوجق کندی مقامنه قائم اوله مامق دخی نمازی
دابه اوزرنده قیلغی جائز ایدن حالاندندر .

دابه یه محمول اولان محمل^(۱) ایچنده نماز قیلق دخی حکمجه دابه
اوزرنده نماز قیلق کبیدر . دابه کرک کیدیچی ، کرک طور یچی
اولسون .

اگر حیوان طور دیر یله رق محمل التندن بر دستك ابله یره یر لشدیر یلور
ایسه ارض حکمنده اولور و آرتق آنده قیلنان فرض نماز رکوع وسجود
ایله انجق قائماً صحیح اولور . قاعداً اولماز . اگر قیام یاخود نزول
ممکن اولماز ایسه قاعداً قیلار .

(۱) شقده و تحروانه شاملدر . محمل خفیف حجازی به شقده و محمل ثقیل
مراقبه شقده اسمی ویرلدیکی زخمی سری سوره فاتحه تفسیرنده زیاده حرف
زیاده معنایه دلالت ایتمک مسئله سنده ذکر ایتمشدر .

(فصل)

سفینه ایچنده نماز قیامغه دائر^(۱)

بوفصلک ما قبلته مناسبتی : سفینه نك دابهیه مشابہتیدر (۲) . زیرا
سفینه مرکب بحر ، ودابه مرکب بر ، در . بوکا بناء صلاة علی الدابهیه
اولدینگی کی صلاة فی السفینه ده دخی قیام ساقط اولور . سفینه نك ،
ایچنده علی وجه القرار او طورلدینگی ایچون ارضه دخی مشابہتی واردر .
بناء علیه بونده رکوع وسجود واستقبال قبله لازمدر . ط .

حیوان اوزرنده کی نماز ایله سفینه ایچنده کی نمازک بر قاج فرقی
واردر که حیوان اوزرنده عذر اولدقجه انجق نافه قیلنه بیلور . کمیده
ایسه فرض دخی قیلنور . حیوان اوزرنده بولنا نلر جماعت اوله مازلر .
شروط صحت اقتدایه باسکز . کمیده کیلر جماعت اولورلر . حیوان
اوزرنده رکوع وسجود ساقط اولور . کمیده ایسه ایما جائز اولمیسوب
قاعدأ اولسون رکوع وسجود اولنور . حیوان اوزرنده بالضروره
استقبال قبله دخی ساقط وکمیده باقی اولور . حیوانک اوزری طاهر
اولمیه بیلور کمیده ایسه طهارت مکان آرانور .

(۱) بوبابده اصل : حضرت جعفر بن ابی طالب (رضی الله تعالی عنه)
حبشستانه مهاجرتنده سفینه ده نماز قیلسی حقنده کی امر نبویدر . کما فی الدر .
معنه کی دعاء ایسه ده فقها نك ظاهر افاده لری سب و که دخی شاملدر .
(۲) اکثر کتب فقهیه ده بوبابک مسائل صلاة المریض بابنده مندرجدر .
دررده مستقندر .

کینک ایچنسه نماز قیلیق مسئلهسی کی کیتمکده ویا انکر انداز اولوب اورتهده طورمقده ویا ساحله مربوط بولنمقده یاخود ساحل بوی کیتمکده ایکن اولیق اعتباراتیله مختلف الاحکامدر شویله که :

فرض و واجب اولان نمازی (۱) کی کیدر ایکن باش دونمک و آیاقده طورمماق کی برعذر اولدیفی (۲) حالده ایما ایله دکلده رکوع وسجود ایدرک قاعدا قیلیق امام ابوحنیفه حضرتلری عنندنه بلاکراهه صحیحدر (۳) چونکه قیامده غالب اولان باش دونمکدر غالب ایسه متحقق کیدر (۴) امام ابویوسف و امام محمد حضرتلری : کی کیدر ایکن نمازی قاعدا

(۱) بوندن نافله اولان نمازک حکمی اولیتله معلوم اولور . ط .
(۲) مؤلف بوراده « وچیقوب ساحله قیلقه قدرت موجود اولدیفی » قولی دخی زیاده ایتش ایسهده رد مختارده شرح منیهدن قلا یوریان سفینهده قارهیه چیقماق ممکن ایکن نماز جائز اولماق کرک اولدیفی ذکر اولنهرق « بو مسئلهدن ناس غافلردر » دینلش وبونی محشی مرحوم دخی آتیده ساحله مربوط سفینهده نماز قیلیق مسئلهسنده ذکر ایتش اولدیفندن قول مذکور اخذ اولنماشدر .
(۳) عند الامام صحتک بلاکراهه اولدیفی مؤلف درر حاشیهسنده سویلهشدر . مضمرآنده و بحررائقده ایسه بدائعدن قلا آنده اساعت اولدیفی ذکر اولنمیشدر . مؤلفک بوندن صکره کی کلامک مفادی دخی بودر . ط .

(۴) سوبدن غفلتدن مرویدرکه « سفینهده نماز قیلیق خصوصی ابو بکر و عمردن (رضی الله تعالی عنهم) سؤال ایتدم مشارالیهما حضرتلری : کی یوریمکده ایسه قاعدا قیل ، طورمقده ایسه قائما قبل . یوردیلر » دیشدر اه درر .

قیلوق عذر متحقق اولدوقجه صحیح اوله ماز . دیمشلردر (۱) .
قائماً قیلوق شبهه خلافدن ابعدا اولدیفیچون بلا عذر قاعداً قیلقدن
افضلدر .

سفینه ده ایما ایله نماز قیلوق رکوع وسجوده قادر اولان کیمسه
ایچون انفاقا جائز اوله ماز . چونکه نه مریضده اولدیفی کبی حقیقه
ونه دابه اوزرنده اولدیفی کبی حکماً مبیح ایما یوقدر .
وسط بحر (ویانه) ده ایپلر ودمیرلر ایله باغلی اولان سفینه اکر ریاح
وامواج انی شدیداً تحریک ایتمکده ایسه یوریان سفینه کبیدر . واکر
امواج انی شدیداً تحریک ایتمیور ایسه (۲) ساحلده طوران سفینه کبیدر .
ساحلده مربوطاً طوران سفینه ده قیامه قدرت وار ایکن قاعداً

(۱) امام حضرتلرینک دلیلی قول امام مجاهد درکه مشارالیه :
اصحابدن حضرت جناده ایله سفینه ده قعوداً نماز قیلدق ، ایستسیدک قائم
اولور ایدک دیمشدر . امامین حضرتلرینک دلیللری حدیث ابن عمر درکه :
رسول الله صلی الله تعالی علیه وسلم افندمز حضرتلری سفینه ده صلاتدن
سؤال اولندقلرنده : کیده نمازی قائماً قیل مکرکه غرقدن خوف ایده سین .
بیورمشر وبونک مثلنی حبشه کیدر ایکن حضرت جعفر طیاره دخی
سوبله مشلردر . همده انار قیام بر رکندر عذر موهوم ایله دکل ،
انجق عذر محقق ایله ترک اولدیلور دیرلر . مؤلف حدیث ابن عمر ده کی
« صل فیها قائماً » امرینک ندبه حل اولندیفی و قول حضرت امام صحابی ایله
برابر برتابی به موافق بولندیفی بیانیله ده قوی اولدیفندن اتباع اولنور
دیمشدر .

(۲) کرک خفیفاً تحریک ایتسون ، کرک هیچ تحریک ایتسون .

فرض قبلتق اتفاقا جائز اوله ماز . چونكه مقتضى* جواز مفقوددر . قائماً قبله نك جوازی بيله على الاطلاق اولمىوب بلكه سفینه قسمأ قارهده اولمق یاخود ساحله خروج ممکن اولماق قیديله مقیددركه سفینه اوحالده سریر منزله سنده اولمغله انك ایچنده قائماً قیلنان نماز صحیح اولور . والا ، یعنی سفینه نك هیچ بر قسمی قارهده دكل ایسه انك ایچنده قیلنان نماز قائماً دخی اولسه ساحله چیقوب قبلتق ممکن اولدقجه قول مختار اوزره صحیح اولماز (١) چونكه بو حالده سفینه دابه منزله سندهدر . اكر نفسی ویا مالی ایچون بلا ضرر سفینه دن ساحله خروج ممکن اولماز ایسه اوحالده خرجه مبنی داخل سفینهده نماز قائماً قیلنور .

بوندن ساحله جاری سفینهده فی نمازك حکمی دخی مفهوم اولوركه قارهیه چیقوب قبلتق ممکن اولدیغی حالده داخل سفینهده قیلنمسیدر (٢)

کمی یورر ایکن نماز قیلان کیمسه افتتاح صلاتده فریضه* استقباله قادر اولدیغیچون قبلهیه قارشو طورر کمی دوندکجه اودخی خلال صلاتده قبلهیه متوجهاً دور . تا که نمازینی مستقبل قبله اولهرق اتمام

(١) تنسکیم محیطده و بدائعه مذکوردر . هدایه ونهایه نك ظاهری ساحله مربوط اولان سفینهده نمازی قائماً قبله نك على الاطلاق جوازیدر یعنی کرک سفینه برلشمش اولسون ، کرک اولسون . ص . مصلیه دخی قارهیه چیقمق کرک ممکن اولسون ، کرک اولسون . ایضاحده ایسه جواز مذکور ایکی امرک بریه مقیددر : یا کمی مستقر اولمق ویاخود ساحله خروج ممکن اولماق . ط .

(٢) على اختلاف القوانين في التفصيل الذي مضى .

ایدر . اگر استقبال قبله یی ترك ایدرسه جمله سنك قولنجہ نمازی کافی اولماز .

انجق قبله یه ازوم استقبال (متعلقات شروط) فصلنده مبین اولدیغی اوزره قید قدرت ایله مقید اولوب عند الامکان بیلہ استقبالک عذره مبنی ساقط اولدیغی واردر : دشمندن خوف اوزره اولانک نمازنده اولدیغی کبی . عدم امکان صورتنده انک سقوطی اولویتده در (۱) .

(۱) بناءً علی هذا مؤلفك « استقبال قبله دن عاجز اولان نمازندن امساك ایدر » قولنك (كه مأخوذ دكلدر) محلی حالتوجا اولسه کرکدرکه وقتك خروجندن اول عذرک زوالی مأمول بوانمق صورتیدر . والا اشتداد ریاح زمانلرنده کی أسفار بحرده نمازلری تأخیر ایتمك لازم کاور . قاله ط .

(فصل)

صلات تراویحه^(۱) دائر

تراویح قیلمق رجال و نسا به سنت عین مؤ کده در^(۲) آنده جماعت اولوق سنت کفایه در .

تراویح وقتک سنتیدر^(۳) صومک سنتی دکلدر . بناءً علی هذا اورج طوته میان خسته ویولجی به تراویح قیلمق سنت اولدیفی کی آخرنهارده اهل صلات اولانه^(۴) دخی او آقشام تراویح قیلمق مسنون اولور .

(۱) صلات تراویح بعض کتیده بویله فصل مستقلده و اکثر متداولانده باب نوافل مسائلی صره سنده و قدوریده و هدایه ده (قیام شهر رمضان) عنوانی الفسده مذکوردر . تسبیح تسبیحک جمعی اولدیفی کی تراویح دخی ترویجک جمیدر . ترویج : نفسی راحتلدیرمکدر . تراویح قیلدرمق معناسنده کاور . کما فی الصباح . انک بناءً مره سی اولان ترویجه لیالیه رمضانیه مخصوص اولان نمازک هر درت رکعتنه اطلاق اولمشدرکه انی بر ترویج تعقیب ایتمکده یعنی هر درت رکعتده براو طور یلوب استراحت اولمقده در مجاورت و یا استازام مناسبته مبنی او نمازک هر درت رکعتنه ترویجه دینلشددر تراویح یکریمی رکعت اولدیفی چون بش ترویجه در . بونده وسائر نمازلرده هرا یکی رکعت بر شفع دیدیکمز کی بالخاصه بو نمازک هر درت رکعتنه بر ترویجه دیه جکر .

(۲) سنت عین سنت کفایه مقابلدر : فرض عین و فرض کفایه کی . کتاب الطهاره نک احکام تکلیفیه بحثنه باقکزر .

(۳) حدیث شریفده جناب حق سزه رمضانک صیامی فرض قیلدی بنده قیامی سزه سنت قیلدم بیورلشددر . ص .

(۴) ظاهر اولان حاضی و یا قضا خاتونه و اهتدا ایدنه و بلوغه ایرنه .

تراويحده جماعت سنت کفایه اولادیندن بر طاقم کیمسه لر آنی
مسجده جماعت اوله رق قیلوب سائر اهل محله^(۱) دخی خانه لر نده منفرد
اوله رق قیلسه لر ترك سنت ایتیش اولماز لر^(۲) .

تراویحی جماعت اوله رق خانه سنده قیلان کیمسه صحیح اولان
بودر که ایکی فضیلتک برینه نائل اولمشدر ، جماعت بر فضیلتدر .
مسجده جماعت ایسه دیگر بر فضیلتدر . تراویحی اوده جماعته قیلان
فضیلتک برینی ایشیله مش و او برینی ترك ایلمشدر . جماعت مشروع
اولان هر نمازده البته مسجد افضلدر چونکه آنده تکثیر جماعت و اظهار
شعار اسلام وارد^(۳) .

تراویحک وقتی صلات عشاء دن صکره طلوع فجره قدر اولان زماندر .

(۱) فقہانک مقتضای اطلاق افاده اری تراویحده جماعت محله اهلچون دکل،
بلده اهلچون سنت کفایه اولقی ایکن . و لک مفاد کلامی مسجدی اولان
هر محله اهلچون اولقدر که مساجدی متعدد اولان بلدهده یالکیز بر محله مسجدهده
جماعت اولنقله دیگر لرندن سنت ساقط اولیه جق دیسکدر . ط .

(۲) افراد اصحاب و تابعیندن تخلف مرویدر . کافی ص .
(۳) محشی دیر که تراویحده جماعت مطلوب اولقدن انی جماعته قیلمه نک
فضیلتی منفرداً قیلمه نک فضیلتندن اکثر اولدینی اکلاشیلور . بو فضیلت فرضده
اولان جماعت فضیلتی کی بکرمی یدی و یا بکرمی بش درجه مضاعف اولقی وجهله
میدر ؟ یوقسه بونده متحقق اولان : عدد ایله مقید اولیه رق مزید ثوابیدر ؟
بو سؤال لا علی وجه التداعی جماعته قلنان سائر تطوعده دخی ابراد اولنور .
تحریر اولنه اه .

تراویح عشایه تابع اولدیغندن^(۱) وتری تراویحیدن اول
و صکره قیلوق صحیح اولوب صکره قیلوق افضلدر . اول
قیلوق دخی صحیح اولغله تراویحک بر مقداری جماعته کندیسینی
فوت ایدن کیمسه امام وتره قائم اولیویرایسه وتری برابرجه
قیلوب^(۲) بعده تراویحدن قالانی قیلار . آنک بر مقدارینی اونودب
بعد الوتر خاطرلیان منفرد دخی بویله یاپار .

علی قول تراویحک وقتی بعد العشاء وقبل الوتردر . وبقول
مرجحددر^(۳) .

تراویحی ثلث لیلیدن اولجهیه یاخود نصف لیلدن اولجهیه
قدر تأخیر ایتمک مستحب اولور . نصف لیلدن صکره تراویح
قیلوقده اختلاف اولمیشدر : بعضلمکروه اولور زیرا تراویح

(۱) حتی صلات عشائک فسادی تبین ایدوب تراویحک ووترک
فسادی اولسه اول صلات عشایی و صکره صلات تراویحی اعاده ایدرلر .
عند الامام وتر محلک غیریده اولدیغندن طولانی نافله مطلقه واقع اولدیغیچون
انی اعاده ایتمز لر . صحیح اولان بودر . ص .

(۲) چونسکه انی رمضانده جماعته قیلوق کیجهنک ثلث اخیرنده بیله
منفرداً قیلقدن افضلدر . جماعته تراویح قیلوبده وتری استعجالاً علی الانفراد
قیلانلر اصابت ایتمز لر .

(۳) كما فی ط علی الدر . تراویح قیاملیل اولدیغیچون کیجهنک
تمامی یعنی کرك بعد العشاء ویا قبل العشاء و کرك قبل الوتر ویا بعد الوتر
اولسون اکا وقت اولوق اوزره دخی اصلده بر قول غیر مصحح
مذکوردر . دیمک که بونده اوچ قول وارددر . انلردن ایسکی اولکیلر
مصححدر . ثمره خلاف بر ویا ایسکی ترویجهنک فوائی صورتده ظاهر
اولورکه انسکه اشتغال تقدیرنده وتری مع الجماعه قیلومیهجق اولورسه
قول ثانیه کوره انسکه اشتغال ایدر . قول اوله کوره وتری قیلار .

عشایه نابعدر سنت عشاء کبی اولمشدر دیدیلر ، وبعضلر مکروه اولماز زیرا صلات لیلک حد ذاننده (۱) افضل لیلک آخرنده قیلنایدر دیدیلر . علی الصحیح مکروه اولماز (۲) ولسکن احب اولان خوف فواته مبنی آنی اوقدر تأخیر ایتماسکدر .

تراویحک کیت وکیفیتی

تراویح اجماع اصحاب ایله یکریمی رکعتدر (۳) ومنوارث

- (۱) یعنی تراویحه نظراً دکل . ط .
- (۲) تحریماً مکروه اولماز دیمکدر . والا ، اولایه مخالفت ثابتدر . بوکا مؤلفک ولسکن الاحب الخ قولی دلیلدر . ط .
- (۳) تراویحده جماعتک علی الکفایه سنت اولسی حقنده مؤلفک : نبی علیه السلام حضرتلرینک تراویحی سائر نوافل کبی طومبواب انده علی سبیل التداعی جماعت اولهرف وتر ایله برابر اون بر رکعت قیلمش وبعده جماعه قیلغی ترک ، وترک ایتمکدهکی عذرلرینی اتمه انک دخی فرض اولسی خوفندن عبارت اولقی اوزره بیان ، بیورمش اولدقلرینه دائر اولان افادهسی روایت حضرت عائشه ایله جامع صحیح بخاریده مذکور اولانه ، بنیدر که حضرت مشارالیهسا ذات حضرت رسالتک رمضانده ورمضانک غریبه کیجهلری اون بر رکعتدن زیاده قیلدقلرینی سویه مشدر . بوکا کوره تراویحک سکر رکعتی سنت واون ایکی رکعتی مجرده مذکور اولدغی وجهله مستحب اولوب مجموعتک سننتی « علیکم بسنتی وسنة الخفاء الراشدين من بعدی » حدیثله ثابت اولمش دیمکدر .
- حالبوکه حضرت مشارالیهانک بیانی اغلب احواله مصروف اولوب چونکه حضرت نبی اکرمک (علیه الصلاة والسلام) صلات لیلی غیراز وتر اون ایکی رکعت قیلدقلری دخی صحیح بخاریده مذکوردر که! مم الوتر اون بش ایدر . ذات هایون رسالتپناهیلری یکریمی رکعتی ایکی کیجه قیلوب ترک

اولدینگی و جهله اون سلام ایله در . یعنی هراییکی رکعتده سلام ویریلور^(۱) . سلام ویرمیهرك رکعتاری بری برینه وصل ایله قیلوب صوکننده سلام ویرمش اولوق صورتنده مصلی هر ایکی رکعتده قعود ایلمش اولور ایسه اصح اولان بودرکه^(۲) اگر ععداً وصل ایتمش ابسه مکروه اولوب^(۳) تراویح صحیح ، و تمامی

ایتدکاربچون حضرت عائشه انی ذکر ایلامشدر . کذا فی النحة . تنفذه دیمشدرکه تراویح ایسکیده بر سلام ایله یکریمی رکعتدر ورسول الله صلی الله تعالی علیه وسلم انی حیاتلرنده منفرد اولهرق قیلدیلر . حضرت عمر زمانه قدر صحابه حضراتی دخی اوילה یاپدیلر . حضرت عمر شهر رمضانده تراویح ایچون ایکی امام نصب ایدوب ابی بن کعب رضی الله تعالی عنه حضرتلربی ارککلره و ابن ابی حشمه رضی الله تعالی عنه حضرتلربی قادیلره تراویح قیلدرمی ایچون تعیین ایتدیلر . صکره جماعت نسائی قالدریلر اه تراویح یکریمی رکعت اولسنده کی حکمت (اسم فاعل صیغه سیله) مکملک که سنندر (اسم مفعول صیغه سیله) مکمله که وتر دخی داخل اولوق اوزره فرائضه دیمکدر حصول مساواتیدر . ط . تراویح هر تقدیر و تردن اول قیلنمقده ابسه ده انی مکمل اوله ییلک ایچون برمانه یوقدر . و هر تقدیر روانت دخی مکمل ابسه ده شهر شریف رمضانک مزید کماله مبنی انده بو مکمل زیاده ایدلمش دیمکدر . ابن عابدین .

(۱) دیمک که تراویحی درنده بر سلام ایله قیلوق متوارنه مخالف بر بدعتدر . نقل لیل حقنده سلامک سکنجی رکعتقدر جواز تأخیری تراویحک غیری اولان نوافله کوره اولدینگی تصریح اولنمشدر .

(۲) بونک مقابلی منیه ده انک عدم کراهنه دایر اولان سوزدرکه^۱ مزید مشتبه مبنی انک اکلیتی بیان اولنمشدر . اتباع سنت اولمدقچه مجرد مشقت ایله کمال حاصل اولماز دیو رد دخی ایدلشدر . ط .

(۳) چونکه متوارنه مخالفدر . بونکله برابر که ایلا اولان سائر تطوعده سکنزه برسلامدن زیاده سنک کراهنی مصرح اولنجه بونک کی اولویتده در اه بحر .

یرینه قائم ، در . واکر ایکی رکعتده بر اوطورمیهرق وصل
ایدر ویا لکز هر درت رکعتده بر اوطورر ایسه اودرت رکعت
برسلام منزله سنده قاله رق هر قیلدیغی ددی ایکی قیلش اولور .
فی الصحیح . یا لکز یکر منجی رکعتده اوطورمش اولور ایسه یا لکز
ایکی رکعت قیلش اولور . ط .

تراویح قیلقدہ هر ترویحه دن صکره اومقدار اوطورمق
مستحب اولوب صوڪ ترویحه ایله وتر آره سنده دخی استحباً بینه
اومقدار اوطوریلور . سلفدن متوارث اولان بودر (۱) .

اوطورمقدہ تسبیح وقرات و سکوت یاخود فرادی اوله رق صلات
یفتنده تراویح قیلانلر بخیر بولنور .

رمضان شریفده علی الصحیح بر کره اولاق اوزره قرآن کریمی
تراویحه ختم ایتمک مسنوندر (۲) . هر رکعتده امام اون ودها زیاده
آیت او قور (۴) .

(۱) ختام تراویحه وتردن اول دعا متوارث دکلدر .

(۲) منفرداً جواز صلات ترویحه لردن صکره خاص اولوب انک
شفعلردن صکره شولی یوقدر که شفعلراره سنده نماز قیلق دخی مکروهدر .
کافی ط .

(۳) اکثر فقهانک قولی بودر . بونی حضرت امامدن حسن بن زیاد
روایت ایلشدر . ص . محشی دیرکه ختمک بر کره سی سنت وایکی کره سی
فضیلت و اوچ کره سی افضلدر . محله سی مسجدینک امامی ختم ایله قیامبور ایسه
انی براغوب بشقه جامع کیتمک وارد راه بخذف .

(۴) چونکه عدد رکعات تراویح اوتوز کیجه ده التیوز ایدر .
عدد آیات دخی اونزدن اتی ییکه وارر . آی یکر می طقوز اولدیفنه کره
التیوزدن یکر می اکیلمکله عدد آیات بشبیک سکزیوزه اینر . آی اوتوزیله
اولسه مجموع آیات قرآنیه اتی بیک التیوز التمش اتی دینلدیکنه کوره

اگر رمضانده بر ختم ايله تراويح قيلقدن جماعت ملال ايدرلر ايسه امام قول مختارده ايلرحقنده مؤدى تنفير اولميه جق مقدارى او قور (۱) تىكشير جماعت تطويل قراءتدن افضلدر (۲) . و به يفتى .

قراءنده فاتحه دن صكره اوچ آيتدن ويا او مقدارده اولان بر آيتدن يا خود ايكي آيت متوسطه دن آزه قصر ايتىك ترك و اجبه مبنى (۳) مكروه اولور .

جماعته موجب ملال اولسه بيله امام تراويحك هر تشهينده صلوات شريفه او قومغى ترك ايتمز . چونىكه صلاة على النبى بزيه سنت مؤكده در . بعض مجتهدين قولنجه فرضدر كه آنسز اولماز (۴) .

التبؤز التمش التى آيت حسابدن فضله اولغله انلرى ده تماملاق ايچون اونر آيتدن زياده او قومق لابد اولور . مؤلف ديركه امام ابو حنيفه حضرتلرى رمضانده التمش بر ختم ايدرلر ايدى : هركون بر ختم ، هر كيجه بر ختم برده تراويح ختمى . حضرت مشار لايه قرآن كريمى جوف كعبه ده ايكي ركعتده ختم ايتمشلر و قرق سنه ياتسو آبدستيله صباح نمازى قيامشلردر اه ولايتلرينه بوندن بيوك دليل اولماز چونكه بونلر قوه قدسيه سز اولماز . نفعنا الله تعالى بعلومه .

(۱) تنفير جماعتى مؤدى اولان شى : طول قراءت و تسبيح و ادعيه تشهددر . ط .
(۲) يعنى دها چوق ثوابلدر چونكه ثواب هر فردك صلاتيله مزداد اولور .
جماعتك جاهلى عالمندن تعلم ايدر . كامل اولانك بركنى ناقصه دخى عائد و شامل اولور . ط .

(۳) مؤلف بويله ديمىكه كراهتك تحريميه اولديغى افاده ايلمشدر . ط .

(۴) مولانا امام شافعى او جمله دندر . و فرض اولان « اللهم صل على محمد » دبنلكدر بو مقدار ايله اكتفا اولنه بيلور . ط .

امام تراویحه هذر مه ایتمکدن (یعنی پک سرعتی او قومقدن ط)
 و ترک ترتیل ایلمکدن (یعنی تلاوتک حقن ویر مامکدن ط)
 و ترک تعدیل ارکاندن و بونلردن بشقه ترک تعوذ و ترک تسمیه
 و هر تراویحه دن صکره ترک استراحت کبی خشیتی اولمیانلرک
 یا پدقلری شیلردن حذر ایدر . چونکه بونلر عین کسلدر . جماعتده
 ملال اولسه ده امام بو بایده اناره علی المختار التفات ایتمز (۱) . و کذا
 هر شفعلک ایتمده سبحانک بی ترک ایلمز (۲) . رکوع و سجود
 تسبیحاتنی دخی ترک (و یا اوچدن اکسیک) ایتمز . چونکه تسبیح
 رکوع و سجود عند البعض فرغدر (۳) . بزجه سنت مؤکده در . صلوات
 شریفه دن صکره کی دعای (یعنی انک اوزونجه سنی ط) جماعت ملال
 ایدر سه او قوماز . بسفون ترک دخی ایتمیوب تحصیلا للسنة قیصه جه
 او قور .

تراویح وقتندن فوت ایدلمش اولمقله فضا اولنماز (۴) اصلا : نه
 منفرداً و نه جماعت ایله . علی الاصح (۵) .

(۱) اوچ اولکیلرک کراهتی تحریمیه و دیکر لرینک کراهتی تنزیهیه در . ط .
 (۲) چونکه جماعت ایچون سنت ترک اولنماز . ثنائی منفرد و مقتدی دخی
 ترک ایلمز . ط .

(۳) او بعض : تلمیذ امام اعظم اولان ابو مطیع بلخیدر . واجب دیان
 دخی اولمدر . ط .

(۴) چونکه تراویح اقشام و یانسو سنتلرندن دعا مؤکد دکلدر . انلر
 قضا اولنمجه تراویح قضا اولنماق اولونده در . ط .

(۵) وقیل تقضی مالم یأت وقتها من اللیلة المستقبلة ، وقیل مالم یمض الشهر . ط
 فی غیر هذا الموضع .

اكر قضا ايدرسه تراويح دكل ، نفل مستحب اولمش اولور .
فرض عشاء ده جماعتی ترك ايدنلره تراويحه جماعت اولمق يوقدر .
چونسه او اكا تابعدر . ط .

تراويحي امام فيليمان وترى امام ايله قيله بيلور . نسكيم تراويحي
بر امام ايله ، وترى ديكر بر امام ايله قيله بيلور . على الصحيح . ط .
مقتدى ايچون تراويحه اوطور بده امام ركوعه كيدر ايكن
قالقمق مكروه اولور . ط .

غلبه نوم ايله برابر تراويح قيلق دخى مكروهدر .
وبو كراهنك تراويحه اختصاصى اولميوب هانكى نماز اولورسه
اولسون انى اويوقلا يهرق قيلبقده تهاون واردر . ط (١) .

(١) قال فينصرف حتى يستيقظ لان في الصلاة مع النوم تهاونا وغفلة وترك
التدبر ولا خصوصية لها بهذا بل كل الصلوات كذلك اه .

﴿باب﴾

جوف کعبه ده و فوق کعبه ده نماز

کعبه نك كرك جو فنده ، كرك فوقنده هر طرف قبله در (١)
چونكه كعبه بناء معلومدن عبارت اولمبوب آنك موضمنك
وعنان سمايه دكين هواسنك اسميدر . اوستنده سپر اتخا ذينه دخي
حاجت يوقدر . جوف كعبه ده نماز قيلق حضرت رسول اكرم صلى الله
تعالى عليه وسلم افند مزده واقع اولمش (٢) و فوق كعبه ده نماز قيلق
ظاهرده اولان حرمتسز اسكه مبنی اسامات ادبه حمل اولمشدر .

کعبه نك كرك جو فنده ، كرك فوقنده جماعتله نماز قيلنمق
صورتمده هر طرف قبله اولمغله يالساكن بر جهته توجهأ صفوف

(١) كعبه نك سمت قدی دخي بو حكمده اواق لازم كلور . كاتب چلي
كندينك بو بابده بهائی افندی مرحومدن اولان استفتاسنی (ميزان الحق في اختيار
اللاحق) اسمنده كي رساله سنده ذكر ايتمشدر . تجاوز الله سبحانه عنه وعن أمثاله
من المسلمين المتفلسفين .

(٢) حديث حضرت، بلالده وارد اولديني وبخاري شرحي عيبنده تصريح
اولنديني اوزره يوم فتحده عليه الصلاة والسلام افندمز حضرتلري جوف كعبه ده
ايكي ركعت نافله قيلمشدر . شروط جواز جه فرضك دخي نفلدن فرق اولنديني ايچون
نفل قيامق جائز اولان يرده فرض قيامق دخي جائز اولور . همده سورة بقره نك
يوز يكرمي التمتع نظم مبنی اولان (واذ جعلنا البيت الخ) آيتندن (أن طهرا
بقي للطائفين والعاكفين والركع السجود) قول كرىمنده نماز ايچون بيت معظمك
تطهير وتنظيفي امر انك داخلمده قيلنمق نمازك صحتنده ظاهر در . چونكه
ايچنده نماز جائز اولميه جق مكاني نماز ايچون تميز طوتمق معناسزدر . ص ،
ط بزيادة من شرح البخاري .

تشکيلي لابد اولميوب هر نصل طور لسه اولور و امامك بولنديغي
جهتك غيريده اكا تقدم و تأخر دخي آرانميوب آرقه سي امامك
يوزينه كليمان مقتدينك اقتداسي هر نصل طور سه صحت بولور :
كرك كندى و جهتي امامك ظهرينه يا خود ياننه كلسون ، كرك
كندى ظهري امامك ياننه و يا آرقه سنه كلسون ، كركسه كندى ياني
امامك يوزينه و يا خود كنديسي امامك متوجه اولنديغي جهتك غيري يه
توجه ايتمش بولنديغي حالده ياني امامك ياننه كلش اولسون^(۱) و يا خود
امام ايله يوز يوزه كلش بولسون . بويدى صورتك هپسنده اقتدا
صحيح اولور . شوقدر كه امام ايله بلا حائل يوز يوزه كلمك صورتك پرستليك
مشابهتندن طولاني مكر و هدر .

اكر مقتدى كندى آرقه سنى امامك يوزينه كتورر ايسه
امامنه كندى جهتده تقدم ايتمش اولق حسييله اقتداسي صحيح
اولماز .

باب كهبه مفتوح اولديغي حالده داخل كهبه ده بولنان امامه^(۲)
عين كهبه ني استقبال شرطيله خارجدن اقتدا ايتمك صحيحدر .

(۱) بو صورت ارکان كهبه نك برنده ايكي سي (امام ايله مقتدى) اجتماع
ابوبده هر برى بر جهتي استقبال ايتمش اولق طريقيله اولور . « غيري جهته »
قيدى امامك متوجه اولديغي جهته متوجه اولورق يان ياننه كلمك صورتك جوازي
اولونده اولديغي چوندر : ط .

(۲) بوراده مؤلف : كرك برابرنده جماعت اولسون ، كرك اولسون . ديمش
ايسه ده برابرنده جماعتدن كيمسه بولنماق صورتنده امام جميع جماعتدن آيري
اولورق يوكسك بر يرده بولنمش اولق جهتييله كراحت واردر . كما في ط .
مكروهاتك ۶۴ و ۶۵ نجيسنه باقبكر .

چونکه امامك داخلده بولنمسی مساجد سائرده نظرأ محرابده بولنمسی کبیدر . باب کعبه نك آچیق اولمسی قیدی دخی اتفاقدیر . قیوقپالی اولدینغی حالده تبلیغ ایشیدیلور ایسه صحت اقتدایه مانع یوقدر^(۱) .

امام وجماعت خارج کعبه ده حلقه اولق یعنی کعبه* مکرمه نك أضلاع اربعه سنی خارجدن احاطه وجمله عقد جماعت ایدرک نمازه طورمق دخی جمله جماعت حقنده صحیح اولور یالکز امامك جهتنده یعنی انك بولندینغی ضلعده جداره امامدن اقرب اولانك اقتداسی امامنه تقدم ایتمش اولمسی جهتیه صحیح اولماز . اما امامك جهتنده اولمیه رق دیواره امامدن اقرب بولنانك اقتداسی صحیحدر . زیرا تقدم وتأخر انجق امام ايله مقتدینك توجه ایتدکلری جانبك اتحادی صورتنده ظاهر اولور .

(۱) تنکیم شروط صحت اقتداده کچمشدرکه انتقالات امامه اشتباه اولوب اولماغه اعتبار اولنمق اصعدر . ط .

(باب)

صلات مسافر

بوابك مسائلى مسافرك وسفرك تعريفلىرىنه وبونلرك احكامنه
وحال سفرد قىلننه جق نمازلرك انفراد واقتدا وادا وقضا صورتلرىنه
كورده اولان حكمنه ومسافرت مقابلى اولان اقامته ومنزل اقامته
داىردر .

مسافر : يولجىدر . مقابلننه مقيم تهپير اولغور . سفر
ومسافرت يولجىلقدردر . مقابلى حضر واقامتدر (١) .
سفر لغته مطلق قطع مسافه دركه مدت ايله مقدر دكلدر .
شريعته مسافه مخصوصه نك قطعيدر كه مدت ايله مقدردر .
مدت سفرك اقل : سير معتدل ايله اوچ كونلك يعنى اون سكر
ساعتلك مسافه در (٢) .

(١) مصباحدن اقلاً محشى ديركه مسافر لفظى مسافرتدن اسم فاعلدر .
مسافرت وزناً ومعنى كشف كى اولان سفر معناسنه در . اخلاق رجالى كشف
ايتدىكچون قطع مسافه ايتكه باب نائيدن مصدر اوله رق سكون فاء ايله سفر
وايدنه سافر دينوركه مسافر ديمكدردر . لفظ سفر سافرك جمعى دخى اولور :
صاحب وصحب وراكب وركب كى . لىكن بوندن فعل واسم فاعل استعمالى
مهوردر . فتحتن ايله اولان سفر يولجىلىق معناسنه اندن اسم اولوب جمعى
اسفاردردر . يولجىلغه سفر تسميه سى يولجىلىق اخلاق رجالى كشف ايدر اولديغندردر .
بر حالده مفاعله كندى معناسنه اوليوب واحد ايچوندر . راغب اصفهانينك
فولججه مسافر مكاندن ومكان مسافردن منكشف ديمك اولمله مفاعله ينه على
باهادر اه .

(٢) مدت سفر مؤلفك افاده سنه كوره ايام ايله مقدر اولوب مراحل

سیر معتدل که سیر متوسط دخی دینور سیرك ابطاً و أسرعند
احترازدر .

ابطاسیر : قاکلی تعبیر اولسان آرابه سیریدرکه اوکوز
آرابه سنک کیدشیدر .

اسرع سیر : سیر برید درکه استرسیریدر .
بونلرک آره سنده متوسط اولان سیر معتدل دخی دوه ویابا
پوریشیدر .

دوه دن قافله دوه سی مقصود درکه مشی أقدامه مساوی اولان
اودر .

اوده دوز یره کوره در . جبلك چیقشی واینشی وطار
وصرب یری اولور . مناسبی اعتبار اولنور .

و فراسخ ایله مقدر دکلدور . انی اوچ مرحله ایله تقدیر ایدنلر اولمشدرکه بوده
اکا قریبدر چونکه سیرده معتاد اولان هرکون برقوناق اولمقدر . اون بش
فرسخ (۴۵ میل) ایله تقدیر ایدنلر دخی اولمشدر . کافی ط . لیل ونهار یولجلیق
ایدله میوب یولجیلقدن نزول واستراحتلر دخی اوله جفتدن مسافه سفر کونده الی
ساعتدن زیاده کیدلامک اوزره حساب اولنور . وسنه نك اقصر ایامی نظره
آلنورکه یولجلیق اطول ایامده دخی اواسه اقل مدت سفر اولان اوچ کون ین
اقصر ایام اعتباریله حساب ایدیلور . اصلده ودر حاشیه سی طحطاویده بویه
مذکوردر . ابن عابدینک نقلنه کوره صاحب حلبه اقصر ایام سنه قیدینه ایلشه رک :
ظاهر اولان انی (ایامی) اطلاقی اوزره براقق یعنی وسط اولان ایام معتدله ایله
تقدیر مدت اولمده یغنه کوره سفرک واقم اولدیفی ایام طول وقصر واعتدالجه
هر نه ایسه اکا اعتبار اولنمقدر دیدی . ایام معتدله شمسک برج حمل ویامیزانده
اولدیفی زمان ایامیدرکه طول وقصر بیننده متوسطلر . قهستانینک دخی میلی
بوکا ، یعنی ایام معتدله یی اعتباره ، در اه .

دکړده اعتدال هوا معتبر اولور .
طريق بری و بحریسی اولان مسافه لږده یولجینک سالك
اولدیغی طریقه اعتبار اولنور . تنکیم بری مسافه سفر و دیگرې
اندن اقل برأ یکی طریق اولان محلك یولجیسی دخی انجق مسافه
سفر اولان طریقه سلوکنده شرعاً مسافر اولور . کافی الجوهره .
مسافرت مسافه سفری بالفعل قطع ایله دکل ، انی قطع
ایتمک عز میله مسافرك اقامتکاهی عمرانندن مفارقتندن اعتباراً
باشلار (١) .

مسافرت ایچون ذکر اولنان مسافه سفر دن اقله اعتبار
اولدیغی کبی عزم سفر اولیهرق مسافه مذکوره قطع ایلمش
اولغه دخی اعتبار اولمیوب عمران مقامندن بلانیة آیرلمش
اولان کیمسه دنیای طولانشه مسافر صایلماز (٢) . تنکیم
فعلاً مسافرت اولدقجه نیت مجرده یه دخی اعتبار اولنماز .
عمران مقام (٣) اقامتکاه معصوره سی دیمکدرکه بلده و یاقریه نك

(١) مقتضای قیاس احکام سفر مدت سفرک گذرانندن صکره ثابت اوله
یلمکدر چونکه علتک حکمی اندن اول ثابت اولماز . لکن بو قیاس اثره
مبنی متروک اولمشدرکه اوده علیه اسلام افندمز حضرتلرندن وصحابه سندن بطریق
الشهره منقول اولدیغی اوزره انلر عمران مقاملرندن مفارقتلرندن اعتباراً سفره
مخصوص رخصتله ایله عمل ایدر اوللریدر . کما فی المرأة .

(٢) دشمن طلبنه چیقان امیرجیش کبی که دشمنه نهده یتشه جکئی بیللمدیکی
صورته کیدر ایکن نمازی معیتله برابر نام قیلار . عودنده مسافه سفر ایسه
نصر ایدر . ط علی الدر .

(٣) ضم میم ایله درکه اقامتکاه معناسنه اسم مکاندر .

منازل و مساکنندن و خیمه نشین اولدیغنه کوره اوبا اولرندن عبارتدر .

عزم سفر ایله چیقدیغی جهندن انلری تجاوز ایتمش اولمق حصول مسافرت ایچون کافیدر (۱) . دیگر جهندن انلره محسادی بولنمق ضرر ایتمز . عمران مقام انک کوزندن غائب اولمق دخی مشروط دکلدر (۲) .

فناء که بناء وزنده اوله رق کنار شهر معناسنه اولوب شهرک حیوان قوشدرمق و دفن موتی ایتماک مثلی مصالحی ایچون معنی اولان مکانیدر شهردن آیرو اولدقجه شهره ملحقدر (۳) . اگر ترلا و یا فضا ایله شهردن برغلو (۴) آیرو ایسه عمران مقامدن

(۱) چیقدیغی جهته شهردن منفصل بر محله بولنسه که او محله ذاتاً شهره متصل اولسه انی که چمدکجه مسافر اولماز . حلبی .

(۲) علی بن ربیعۃ الاسدیدن مروی اولان شیئه بناء که مشار الیه : بز حضرت علی ایله بربر کوفه دن چیقراق ، حضرت فرضی ایکی رکعت اوله رق قیلدردی حالبو که بز کوفه نی کوریورایدک ، عودتمزده دخی کوفه کورندیکی حلاله فرضی ینه ایکی رکعت قیلدیر ، درت قیلمایه لمی ؟ دیدک ، داخل اولمده اویله ، بیوردیلر . دیمشدر اه ط .

(۳) مؤلفک بیاننه کوره هم بو بابده وهم صلات جمعه بابنده ا کا ملحقدر که نیت سفر ایله اورادن آیریلان : مسافر ، واورایه واصل اولان : مقیم ، اولور واوراده جمعه دخی قیلنور . بعض کتیده فناء ، صلات جمعه حقنده شهره الحاق اولنور ایسه ده سفر حقنده الحاق اولنمه از زبرا جمعه شهر مصالحندندر نساء دخی شهر حواچیندن اولان شیلرده شهره ملحقدر . قصر صلات ایسه شهر اهلانک حواچیندن دکلدر دینلشدرا

(۴) اوق آتمی معناسنه اوله رق اوچبوز آدیمن درنیوز آدیعه قدر اولان مسافه دن عبارت اولدیغی کتاب الطهاره نک تیمم بمحنده که چمشدر .

معدود اولمامله مسافر تده انی کچمک آرانماز .
ربض که حطب وزنده اولارق اطراف بلده ده اولان بیوت
ومنازلدر (۱) عمراناتدن اولمامله انی تجاوز ایتمک مسافر تده شرطدر .

شهر خارجنده اولان باغ وبوستانلر شهرک ابنیه پبوست بیله اولسه
واهل بلده بتون ییل یاخود سنه ک بعض شهرنده (۲) انلرده ساکن
دخی اولسلر بلده معموره سندن صاییلماز . بکچیلرک واکینچیلرک
سکناسنه اتفاقا اعتبار اولماز .

نیت سفرك صحتی ایچون قطع اولنه جق مسافه ک ذکر
اولنان مقداردن اقل اولماسی شرط اولدیغی کی نیت ایدنک
بالغ ومستقل بالحکم اولسی دخی شرطدر . عازم سفر اولرق اقامتکاهی
معموره سندن آیرلش اولان کیمسه هنوز نابالغ بولنور ویاخود
حکمه غیر مستقل اولور ایسه سفراحکامیه عامل اولماز ؛
مهر معجلنی اعطا ایتمش اولان زوج معیتنده زوج (۳) وافندی

(۱) جمعی اولان أرباض متنبینک شو قولنده واقعدر :
حتى أقام على أرباض خرسنة تشقى بها الروم والصلبان والییم
(خرسنة) آماسیه اولق اوزره میندر .
(۲) آی معناسنه اولان شهرک جمعیدر . بلده معناسه اولان شهر عربی
دکلدر .

(۳) اگر مهر معجلنی ایفا ایتاش ایسه زوجهنه داخل اولش بیله اولسه
حق مهر ایچون زوجهنه عند الامام کنديسنی وطء واخلراجدن زوجنی منم ایده-
یلدیکیچون تابع عد اولماز . س . عند الامام قیدی بعد الدخول زوجهنه عند
الإمامین حق ممانعت قالمدیغندندر . کما فی ط علی الور .

وافندی معیتندہ کولہ (۱) و امیر معیتندہ جیش کی . (۲) کہ بونلر مستقل بالحکم دکل ، تابعدرلر . نیت سفر واقامت انلرک انجق متبوعلرندن معتبر اولور .

افندی یاننده خدمتسکار و اوستا ایلہ برابر بولنان چراغ واستسار اولنوب دار الحربہ کوتورلمسکده اولان اسیر (۳) و سفر اوزرہ جبر واکراہ ایدن جبار ایلہ برابر بولنان مکرہ و تبرعاً یدمکده اولان یدیچی ایلہ برابر اعھی دخی تابعدر . اکر یدیچی اعمایہ اجہیر ایسہ اوحالده اعتبار نیت اعمایہ در .

احکام سفرہ کلمنجه یولجیلقده آز ، چوق مشقت اولوق و مشقت تیسیری جالب بولمق جہتیلہ مسافر حقمنده سفر اسباب تخفیفدن اولمش و قصر صلات و اباحہ فطر و امتداد

(۱) کولہ دن عبد مکاتبک غیری مقصوددر کہ ام ولده ومدبرہ شامدر . س . اما عبد مکاتب انک ایچون اذن مولی اولیہرق مسافرت جائز اولغله تابع اولماق کرکدر . ط .

(۲) مقصود متطوع اولیاندرکہ رزق ایدن ویا بیت المالندر . کافی ص مع ط . بجرده دیمشدرکہ متطوع بالجہاد اولان یعنی حربده کواکلی بولنان کیمسہ طلب رزق ایچون دیلہیکی یرہ کیده بیلدیکیچون تابع دکلدر اه .

(۳) لکن کیدیلہجک محاک مسافہ سفرده اولدیغنی صوب اکلاقدن صکرہ انک قصر صلات ایتمسی لزومی محشی مرحوم آتیده درایہ وخانیہ دن قلاہ ذکر ایلمشدر . تعدیا بریرہ کوتوریلان کیمسہ کی کہ نرہ یہ قدر کیدجکئی بیلدیکی وصوربدہ جواب آلہ مدینی حالده اتہام صلات ایدوب اوچ کون کیتدکدن صکرہ قصر ایار . کافی شرح المنیہ .

مدت مسح (۱) و سقوط جمعه و عیدین و سقوط اضحیه کبی غیر احکامی
موجبت بولنشدر (۲) .

بزه بولمردن شمدیلک یا لکز قصر صلات بحی تعلق ایتمسکده در :
مسافر اولان کیمسه اركك اولسون قادین اولسون و مطیع
باخود عاصی بولنسون (۳) فرض رباعی بی قصر ایدر . فرض
ثلاثی (۴) و فرض ثنائی (۵) ایچون قصر اولمیدیغی کبی وتر ایچون
وستنلر ایچون دخی قصر یوقدر (۶) .

فرض رباعی که درت رڪعتلی فرض دیمسکدر قصر اولوق

(۱) آی الى ثلثة أيام . علی مامر فی کتاب الطهارة .

(۲) ترك جمعه وعیدین ایتمک و تیمم ایتمک و صلاة علی الدابة کبی احکام
ایچون سفرك مسافه مذکورده اولسی بیلر شرط دکادر . نص علیه ط .
(۳) چونکه سفر : حج و جهاد کبی طاعت ، و تجارت کبی مباح ، و اباق
کبی معصیت اوله بیلور .

(۴) فرض ثلاثی که صلات مغربدر مقصور اولیوب غائب انی شاهد کبی
یعنی مسافر مقیم کبی قیلیدیغی ایچون (صلاة الشاهد) تسمیه اولندیغی زحشرینک
اساس البلاغه سندن تقلاً اوقات صلاة بختنده ۱۶ نجی صفحنک هامشده ذکر
ایتمشیدک . حریرینک دخی بو بابده ۳۲ نجی مقامه سندکی کلامی مع شرحه
بورایه قید و تحریر ایتمک مناسب اولمشدر : « قال أیدخل القصر فی صلاة الشاهد ؟
قال لا والغائب الشاهد . » صلاة الشاهد صلاة المغرب سمیت بذلك لاقامتها عند
طلوع النجم لأن النجم يسمى الشاهد اه .

(۵) فرض ثنائی که ضم ثاء ایله ثلاثی وزنده در صلات فجر در .

(۶) مسافر حال نزول و قرارده و امنده اولورسه سنترلی قیلار . قرار و امن
حالده دکل ایسه قیلماز . مختار اولان بودره هی . علی قول انلری تقریباً قیلوق
و علی قول ترخصاً ترك ایتمک افضلدر . علی قول صحت فجر و مغربدن ماعداسی
اوله در . ط .

بالکرا ایکی رکعت قیلتمقدرد (۱) . مقابله اتمام یا خود ا کمال تعبیر اولنورکه تام قیلتی دیمکدر .

قصر بوجه یعنی مذهب حنفیده عزیمتدر . اکا رخصت دییانلر (رخصت اسقاط) دیمک ایسته مشلدرکه اوده عزیمت دیمکدر (۲) . چونکه عزیمت اهلنک معلومی اولدیغی اوزره اعدار عبادہ مبنی اولمیان حکم اصلی ، ورخصت : اعدار عبادہ مبنی ثانیاً مشروع اولان حکم تیسیری ، در . بونک بر قسمی (رخصت ترفیه) وبر قسمی (رخصت اسقاط) اولوب اولکیسی حقیقه رخصتدرکه عزیمت اصل اولقله برابر مسکله یسر وسهولت دخی اولمش دیمکدر : یولجیلقلده افطار وبالا کراه (۳) کله کفری نفوه کبی که بونلرده عزیمت باقی وموجب ثوابدر . ایکنجیسی مجازاً رخصتدر که عزیمت آنده ساقط اولقله رخصت عین عزیمت اولمش دیمکدر : مکرها شرب خمر وسفرده قصر صلاة کبی که بالا کراه شرب خمر دن امتناع ایله اولمکده ثواب اولدیغی کبی حال سفرده فروض رباعیه یی تام قیلتمقدرد دخی ثواب اولمیوب کناه واردر (۴) .

(۱) عشینک در مختار حاشیه سنده اولان نقلنه کوره عصر سعادتده ایلاک قصر اولنان صلات ایکندی نمازدر که پیغمبر صلی الله تعالی علیه وسلم افندمز حضرتلری غزوه اُمارده عسکان نام موضعه قصر ایتمشلدر اھ عسکان عثمان وزندده مکه مکرمه یه ایکی مرحله اولان برموضع اسمیدرکه افواه ناسده اصفهان اولشدر .

(۲) قاله فی الفتح . ومثله فی تفسیر انی السعود .

(۳) مقصودا کراه کاملدر چونکه اکراه غیر حاجی محرماتی مباح قیلماز .

(۴) مسئله مجتهدینک اختلاف ایتدکلری مسألنددر . امام ابو حنیفه

فرض رباعی بی عمدأ تام قبلان مسافر اگر قعدہ اولایی اجرا
ایتمش ایسه آنک نمازی مع الکراره صحیح اولور . چونکه فرض
کندی موضعهنده موجود اولمشدرکه اوده ایکی رکعت اوزرینه
اولان قعوددر (۱) . صکره کی ایکی رکعت نافله اولمش اولور .
وجه کراحت : واجب اولان قصر ترك وسلام تأخیر اولنمق
وافتاح نفل ترك اولنوب نفل فرضه قارشیدرلمش اولمقدر . اگر

حضرتلری قصر عزیمدر اتمام جائز اولماز دیمشدر . امام شافعی حضرتلری
قصر رخصتدر اتمام واتیان عزیمت دخی جائز اولور دیمشدر سورة نساء
آیاتندن اولان (واذا ضربتم فی الارض فلیس علیکم جناح أن تقصروا
من الصلاة) قول کریمک ظاهری امام شافعی حضرتلریله برابردر . کما فی
شهاب البیضاوی . لکن ابو داود تخریج ایتمشدر که یحیی بن امیة
رضی الله تعالی عنه حضرتلری : « بن عمر بن الخطاب رضی الله تعالی عنه
حضرتلرینه ناسک بو کونده قصر صلات ایتملرینه تعجب ایتدم چونکه
جناب حق (أن خفتم أن یفتنکم الذین کفروا) بیورمش و او یوم خوف
کچمشدر دیدم . بیوردیلر که سنک تعجب ایتدیکنک شیدن بنده تعجب
ایتمشیدم رسول الله صلی الله تعالی علیه وسلم سؤال ایتدم « صدقة
تصدق الله تعالی بها علیکم فاقبلوا صدقته » بیوردیلر . « دیمشدر .
قول امر اولمقله شرعاً خیاردیلر قالمشدر زیرا امر وجوب ایچوندیر .
تملیکی محتمل اولیان شیده تصدق دخی اسقاطدن عبارتدر . کما فی العینی
هل البخاری . آیت کریمهده قصرک نفی جناح ایله ورودی اتمام مألوف
اولمقله قصرده نقصان اولمق خاطره سنک ازاله سیله مخاطبینجه طیب وطماً نیت
حصولی ایچوندیر . تنکیم (فمن حج البيت او اعتمر فلا جناح علیه أن یطوف
بهما) بیورلمشدر مع هذا که سمنی بزجه واجب وعند الشافعی رکندر .
وعن ابی جعفر أنه تلا هذه الآية لمن استبعد الوجوب بنفی الجناح . کما
فی تفسیر الآلوسی . رحمه الله تعالی .

(۱) چونکه مسافرک فرضی ایسکی رکعت اولمقله قعدہ اولی اکا فرضدر .
او موجود اولورسه فرض تام اولمش اولور . درر .

قعدة^۱ اولای اجرا ایتماش ایسه فرض اولان قعودی محلنده ترك ایتمش اولدینی و فرضی قبل تمامه نفل قارشدرینی ایچون آنک نمازی صحیح اولماز (۱). مکرکه اوچنجی رکعت قیامنده اقامتی نیت ایتمش اولوب بولندینی یردخی آتیا معرف اولدینی و جمله صالح اقامت بولنمش اوله . چونکه بوحالده نیت ایله مقیم اولمغله قیلدینی فرض دوت رکعت منقلب اولور . قعدة اولانک ترکی ایسه مفسد صلات اولماز . شفع اولک یالکیز بر رکعتنده قرات ایتمش اولق کبی که اودخی مفسد صلات اولمیوب چونکه نیت اقامت سببیله فریضه^۲ قراتی شفع ثانیده تدارک ایده بیلور .

اتمام سهوا اولدیغنه کوره سجود سهو لازم کلور . حکم سفرکه مانحن فیه نظراً قصر صلاتدر حصول اقامته دکین مسافر اوزرنده مقرر اولوب حصول اقامت دخی منزل مقصوده وارمق و یاخود اثناء طریقده صالح اقامت بریرده اون بش کون اقامتی نیت ایلمک و یاخود منزل اصلییه دونمک ایله در . منزل مقصوده وارمق صورتنده حصول اقامت اوراسی کندینه قرارگاه اولدیغنه کوره محتاج نیت اولمیوب قرارگاه اولدیغنه کوره اثناء طریقده کی منزل اقامت کبی لا اقل اون بش کون اقامتی نیت ایلمدکجه مقیم اوله میهرق قصر صلات ایله . اون بش کوندن ولو بر ساعت اقل اقامتی نیت ایلمسه و یاخود حین دخولده آز و چوق اقامتدن برشیشی نیت ایتمیه رک یارین یاخود بعد الجمعة خروجی نیت ایتمدیکی حالده سنه لرحه احوال اوزره قالورسه ینه مقیم صایله میهرق قصر صلات

(۱) یعنی فرضی باطل اولوب هپسی نافله اولمش اولور . زیرا کندیسنه فرض اولان قعدة اولای او ترك ایتمشدر . کذا فی الدرر .

ایدر (۱). منزل اصلی به عودت بویله اولمیبوب اورایه دخول وحتى فنامنه وصول (۲) ولوکه اقامتدن بشقه برحاجته مبنی اولسون (۳) محتاج نیت اولمیه رق اتمام صلاتی موجبدر اوچ کون کذرانیله مسافرتی مستحکم اولمیان مسافردخی منزل اصلی به عودتی قصد ایدرسه نقض سفر ایتمش اوله جفتدن واصل اولسه بیله مجرد رجوع سببیله اتمام صلات ایلم (۴).

(۱) اون ش کون مدت ابن عباس وابن عمر رضی الله تعالی عنهم «حضرتینک تقدیر کرده لریدر که حضرتین مشار الیهما : «سن مسافرا بکن بر بلدهیه قدوم ایروب اون بش کون اقامت ایتمک منوی ضمیرک ایسه نمازی اوراده تام قبل واکر نه وقت اورادن رحلت ایدجکسکی بیلیمورایسه ک قصر صلات ایت . «دعشار . بو کبی شیرده اثر (حدیث صحابی) خه . (حدیث نبی) کیدر . چونکه مقدرات شرعیه ده رأی ایچون بحال یوقدر . وهو حجة علی الشافعی فی تقدیره باربعة ایام غیر یومی الدخول والخروج . کذا فی التبیین اه ط .

(۲) منتهای دخول فنامه وصول ایله درکه اورادن آیرملقه مسافر اولان اورایه عود ووصول ایله مقیم اولور چونکه انتها دخی ابتدا کیدر . افاده ط .

(۳) محشی دیمشدر که کلامک اطلاق دخولک اقامت ایچون اولوب اولامسندن یاخود اوتندیغی برحاجته مبنی اولسندن وکندیسی نمازده بولنوب بولنماقندن اعم اوایغنه دالدر . نمازده بولنقی سبق حدث صورتنده اولورکه صوبولنوب آبدست آلتی ایچون وطننه داخل اولاش بولنور . بو صورتلرک هپسنده نمازی تام قیلار . مکرکه کندیسی امام مسافره اقتضا ایتمش لاحق اوله . چونکه او حالده حکماً امام ارقه سنده اولغله اتمام ایلمز اه بایضاح .

(۴) چونکه نقض سفر ترک سفر دیمکدر تروک ایسه مجرد عزم ایله حصول بولور . سفر بویله دکلددرکه او مجرد نیت ایله وجود بولماز زیرا که فعلدر . ص ، ط .

صالح اقامت دینیلان یر اهل اخییه نلک غیری حقننده انجق شهرلر وقریه لر در . بیابانلک آلرجه اقامته صلاحیتی یوقدر . اما اهل اخییه که بدویان عرب و ترکان وخیمه نشین اکراد کبی بادیه پیما اولالردر آلر ایچون مفازده (۱) نیت اقامت صحیحدر . اکر اوراده اقامت مدتده صودن و اوتدن کندیلرینه کافی اوله جق شی وار ایسه نیتلری و جهله اقامت مدتجه نزوللری حالنده آلر مقم اولوب اورادن مسافه سفر برحله کیتمکی نیت ایدرک قالقدلرنده مسافر اولورلر ح .

عسکر اسلام دار حرب ایچنده بر شهری محاصره بیله ایتسه لر قرارایله فرار آره سنده متردد اولوب عزیملری قطعی اوله مدیغی و دشمنه مدد کلک و آزدن چوغه غلبه حاصل اوله جق مکیدت بولنمق احتمالی اولدیغی جهتله آلرا ایچون اوراده نیت اقامت صحیح اوله ماز (۲) . اثناء طریقده منزل اقامت اوله جق محلك صالح اقامت اولسی لزومی مسافرتک اوچ کون کذرانیله مستحکم اولسی صورتده در . سفر مستحکم اولمدین یعنی مسافه سفر هنوز قطع اولنمدین ایدیله جک اقامته موضعک صالح اقامت اولسی شرط دکلدر زیرا که دفع

(۱) مفازه بیاباندر . مهلكه اطلاقه شایان ایکن تنالاً مفازه دینلشددر که محل فوز و نجات دیمکدر . محشی دیر که اطه و دکزومکی دخی مفازه کبیدر . کمیچی مسافدر . انک کمیسی اکا وطن دکلدر . الاعتدالین اه لکن جزیره ردالمحتارده مسکون اولماقده مقیددر که ظاهر اولانده اودر . (۲) چونکه او حاللر قطعیت قصده مانم اولغله اوراسی دار اقامت اوله ماز . اما بر کیمه امان ایله دار حربه کبرر و صالح اقامت اولان موضعده اقامتی نیت ایلر ایسه نیتی صحیح اولوب نمازی تام قیلار . ط .

سفر دیمکدر . دفع ایسه رفعدن اسملدر . کما فی المرأة .
 نیت اقامت دخی نیت سفر کبی اصلدن یعنی زوج وافندی
 وامیرجیش مثل متبوعدن معتبر اولوب زوجه وکوله وافرادی
 جیش مثلی تابعدن معتبر اولماز . متبوع اقامتی نیت ایتمش اولماق
 ویاخود آنک حالی بیلنهامک تقدیرنده تابع اقامتی نیت ایتمکه اتمام
 صلات ابلز . کما فی ط علی الدر . قول اصحده تابعک نیت متبوعه
 اطلاعی لابدر . اصلک اقامته نیت ایتدیکی تابعک معلومی اولدقجه
 مسافرتی زائل اولماغله اتمام صلات ایتمک اکا لازم اولماز (۱) کما
 فی الدر .

منزل اقامت دیمک اولان وطن : اصلی ، اقامت ، سکنی .
 اسملر بله اوچ قسمدر .
 وطن اصلی : اودرکه انسان اوراده تولد ویا تزوج (۲) ایتمشدر .
 یاخود تولد ویا تزوج ایتماش ایسه ده تعیش قصد ایدوب اورادن
 انتقال ایتمک ایسته مامشدر .

(۱) تابعک قبل العلم متبوعه مخالف قبلدینی نماز قول اصحده صحیحدر .
 فوجه خطاب شرعی و عزل وکیل مسئله لرنده اولدینی کبی که دار کزده مسلم
 اولوبده شرائع اسلامک جاهلی بولنان کیمسه دار اسلامه انتقاله اوراده کچوردیکی
 قضا ایتمک لازم اولدینی کبی وکیل دخی خبر عزل کندینه اصل اولدقجه
 عزل موکل ایله منعزل اولماز . ص ، ط .
 (۲) باقاسون که تسری دخی تزوج کیمیدر ؟ تسری به دخی اعتبار اولنق
 تقدیرنده وطن اصلی درتدن زیاده اوله یلمک تحقق ایدر . ط .
 تسری : اوطه لقی اتخاذ ایتمکدر .

وطن اقامت : صالح اقامت اولوب مسافرك اون بش كون ودها
زياده مدت اوراده اقامتی نیت ایلدیکی موضعدر .

وطن سکني : مسافرك اون بش كوندن آزمدنده اقامتی نیت ایلدیکی
موضعدر .

شی کندی مادونيله منتقض اولمیوب بلکه کندی مثلی ویا فوق
ایله منتقض اوله بیله چکندن وطن اصلی انجق کندی مثلی ایله
منتقض اولور . وطن اقامت ایله منتقض اولدیغی کبی مسافرت
ایتمکله دخی منتقض اولماز . اورایه نه زمان عودت اولنسه نیت
اقامت اولنسه بیله نمازلر قصر اولنماز . اهلی نقل ایتیهرك بشقه
بربلده دخی اهل پیدا ایتسه اولکی وطنی منتقض اولمش اولمیوب
هرایکسی اکا وطن اصلی اولور (۱) .

وطن اقامت هم کندی مثلی ایله (۲) وهم آندن چیقوب مسافر اولق
ایله (۳) همده وطن اصلی یه معاودت ایله منتقض اولور .

(۱) ظاهر اولدیغنه کوره دیگر اوج موضعه دخی اهل پیدا ایتسه حکم
بردر ط . روایت اولمشدرکه حضرت عثمان رضی الله تعالی عنه حج ایتدیکنده
عرفانده نمازی تام قیلمش وکندیلرینه متابعت ایدنلر اولمش ایدی . اعتذار ابدوب :
بن مکده ناهل ایتدم نبی اکرم صلی الله تعالی علیه وسلم افندمز حضرتلری
« هرکیم بربلده دن ناهل ایدرسه اورادندر » بیوردیلر . دیمشدر اه بحر .

(۲) ولوکه ایکسینک اده سنده مسانه سفر اولسون اه حلی .

(۳) حتی بر حاجته مبنی دونه ینسه قصر ایدر . سفری کرک اورادن ،
کرک اورادن چیققدن صکره مقیم اولدیغی دیگر موضعدن انشا ایتمش اولسون ط .

وطن سکنایه اعتبار یو قدر . آنکله نه وطن اقامت نه ده حکم مسافرت
منتقض اولماز . وطن اصلینک عدم انتقاضی اولویتده در .

مسافر تده قیلانن نماز انفراد و یا اجتماع حالنده ادا و یا قضا اولمقدن
خالی اولیوب مسافر منفرداً قیلدیغی فروض رباعیه یی قصر آ قیلار .
انلر مجتمعاً قیلندیغنه کوره مقیمک مقیمه اقتداسی علی الاطلاق صحیح
اولدیغی کبی مسافرك مسافره اقتداسی دخی علی الاطلاق صحیح اولور .

ادا صورتنده مقیمک مسافره و بالعکس مسافرك مقیمه اقتداسی
صحیح اولوب صورت اولاده امام مسافرك فروض رباعیه ده ایکی رکعت
اوزرینه سلام و یرمسندن صله مقتدی . مقیم نمازینی آتیا ایضاح
اولنه جنی و جمله اتمام ایدر . و صورت ثانیه ده مقتدی . مسافر نمازینی
امامه تبعاً نام قیلار چونکه وقت باقی ایکن نماز قابل تغیردر . مسافرك
نمازی (فرض رباعیسی) نیت اقامت ایله ایکییدن درده تغیر ایدر اولدیغی
کبی انده ولوکه قعدہ اخیرہ سنده اولسون مقیمه اقتدا صورتنده
دخی سبب تغیر اولان اقتدا سبب صلات اولان و قته اتصال
ایتمش بولندیغنه بناءً نمازی درده تغیر ایدر . قبل الاتمام وقت
چیقسه بیلہ صلات اتمام اولور . امام بولنسان مقیم ایکی رکعت
اوزرینه عمداً و یا سهواً (۱) اطورمه بیلہ که قعدہ اولابی ترك
ایقسه دیمکدر قول صحیحده مسافرك فرضنه خلل کلز چونکه

(۱) بو تعمیم اصلده موجود دکل ایسه ده مجرد مصرحدر .

قعدة اولی انک حقنده دخی واجب اولمشدر ترک اولنمقله فرض باطل اولمش اولماز (۱) .

قضا صورتده وقت چیقمش ونماز هانکی صفتده ایسه اوصفت اوزره دمت عبده کچمش اولدیغندن قضاء صلات رباعیه ایتمکده مقیم مسافره اقتدا ایده بیلور ایسه ده مسافر مقیمه اقتدا ایده مز (۲) چونکه مسافرک ذمتنه او فرض رباعی ایکی رکعت اوله رق کچمش اولدیغندن نیت اقامت ایله درده تغیر ایتمدیکی کبی مقیمه اقتدا ایله دخی تغیر ایتمامکله مفترض متغله اقتدا ایتمش اولمق لازم کور : اقتدا شفیع اولده واقع اولدیغنه کوره مقیمک قعدة اولاسی واجب ومسافرک قعدةسی فرض اولدیغندن قعدة حقنده ، وشفیع ثانیده واقع اولدیغنه کوره صوک ایکی رکعتده مقیمک قراءتی نافله بولندیغندن قراءت حقنده مفترض

(۱) ابن نجیم دیرکه تغیر ضرورت اقتدایه مبنی اولدیغندن مسافر مقیمه بعد الاقتداء نمازی افساد ایسه اقتدا زائل اولغله ایکی رکعت قیلار . نیت نفل ایله مقیمه اقتدا ایتمک بویه دکلدیرکه انده صلات امامی التزام ایتمش اولغله افساد ایندیکنده درت قیلحق لازم کور . مانحن فیهدیه ایسه مسافر کنسیدی اوزرینه فرض اولانی عهدسندن اسقاط ایتمکدن بشقه برشبئی قصد ایتماشدر شوقدرکه متابعت ضرورتنه مبنی او فرض ایکیدن درده تغیر ایلماشدر اه .

(۲) عشی درکه عدم صحت نمازک هم امام وهم مقتدی حقنده فائنه اولسلیله مقیددر . اما نماز امام حقنده فائنه ومقتدی حقنده مؤدات اولسه که بو ، صلات ظهر حقنده مقتدی قول حضرت امامه وامام قول امامینه وقول شافعییه قائل اولغله اولور انک بعد المثل وقبل المثلین انکله برابر صلات ظهره دخولی جائز اولور اه .

متنغله (۱) اقتدا ایتمش اولور . بو ایسه جائزدر کدر . (شروط صحت اقتدایه باقکزر .)

بونک عکسی یعنی مقیمک مسافره اقتداسی هرایکی صورتده یعنی کرك وقت ایچنده کرك وقتک خروجندن صکره صحیحدر . زیرا صلات مسافر ایکی حالده دخی اقوادر . مسافرك قعودی فرض اولدیغیچون مقیمک قعود اولندن اقوادر . ضعیفک قوییه بناسی ایسه جائزدر .

امام مسافر کندینک مسافر اولدیغی دفع اشتباه ایچون نمازه طور مدین جماعتنه سویلر . نبی علیه السلامدن اولان روایت آتیه وجهلهانی بعد السلام (۲) سویله مک دخی مندوب اولور .

صاحب سعادت افندمز صلی الله تعالی علیه وسلم فتح مکده مسافر بولندفلری حالده اهل مکیه نماز قیلدیروب ایکی رکعتده

(۱) متنغلدن مقصود مقرض اولیاندرکه واجبه دخی شاملدر چوفکه قعده اولی واجدر . کذا فی ط فی فصل شروط صحة الاقتداء . والتعبیر ببناء القوی علی الضعیف اولی .

(۲) ایکی علی قول بر سلامدن صکره . کافی ص . چونکه ایکنجی سلام ایلک سلام کی اولیوب اندن صکره جماعت بر شیئی انتظار ایتمیه جکازی جهتله نماز لری بوزمق خوفی وارددر . ط . تکیم هرون رشده حجه کیتدیکنده امام ابو یوسف برابر بولنهرق نمازی سفری قیلدیروب سنت مذکوره ی اجرا ایچون « آموا صلاتکم فانا قوم سفر » دیکله جماعتدن بری : « بونی بز سندن اینی یلورز » دهرک نمازینی افساد ایلشددرکه امام مشار الیه : « لو علمت ماتکلمت فی الصلاة » یعنی بیامش اولدک نمازده تکلم ایتمز ایدک دیمش وهرون دخی جواب مشار الیهی کمال استعساندن : اکر بویله بر جواب بداهت جناب حقه بکا عطا ایتمش اولدیغی ملکه بدل اولسه بن دها مسرور اولور ایدم . دیمشدر کما حکاه المحشی عن شرح المؤلف .

سلام ویردیلر و: «نمازکزی سز اتمام ایدک بزمسافر ز .» بیوردیلر .
مقیم بولنان مقتدی امام مسافرک نمازدن فراغدن صکره اتمام
صلاته قالقوب قول اصح اوزره اتی بلا قراه تماملار (۱) چونکه مع
الامام نمازک اولته یتشمش و فریضه قرات یرینه کلمشدر . مسبوق
کبی دکلر (۲) .

بر نمازک وقتی باقی اولدقجه وقتک صوک جزء نه قدر اکا سببیتی
باقی اولمغله تغیره قابلیتی دخی اورایه منتهی اولور : جزء اخیر وقتده
مقیم اولان مسافر نمازی اتمام ، و مسافر اولان مقیم قصر ، ایدر .
وقت چیققدن صکره تغیره وجه قالمیوب مکلفک سفر و اقامته دائر حال
هر نه ایسه نمازی دخی اوصفت اوزره ذمتنه کچر . بوکابناء در که کرک سفر
و کرک حضر صلات فائیهی (کچمش نمازی) تغیر ایچون انقاع اثر
ایده میوب فائیه رباعیه سفر حضرده دخی ایکیشر رکعت اوله رق
وفائیه رباعیه حضر سفرده دخی دردر رکعت اوله رق قضا اولور .

(۱) واکا اقتدا صحیح اولماز . ص . زیرا لاحق دیمکدر . مؤلف بوراده:
«انلره سجود سهو دخی یوقدر» دیمش اولدیفی حالده سجود سهو باندنه
سهو ایندکلی حالده انلره سجود سهو لزومی اصح اولدیفی سواله مشدر .
مسافره اقتدا ایتش بولنان مقیمک سجود سهو خصوصجه مسبوق یا خود لاحق
حکمنده اولسی حقنده کی ایکی قولک مرجوحنی مؤلف بوراده و راجحنی باب سجود
سهو فکری ایتمشدر . محشی بو توفیقدن ساکتدر . سبحان من لایسهو .
(۲) چونکه مسبوق قرات نافله یه یتشمشدر اندن فریضه قرات ساقط
اولامشدر . بعض مشایخ مقتدی ، مقیم دخی اتمام صلاته مسبوق مثلی قرات ایدر
دیمشدر . ط .

مريض ایله صحیحک فائته لری بویله دکلدرکه صحت بولان
خسته فائته^۱ مرضی یعنی خسته لکده کچوردیکی نمازی عجزه مبنی
اولان رخصت عجز سز بقا بوله میهرق رکوع وسجود ایله قضا
ایدر . ومريض اولان کیمسه فائته^۱ صحتی ایما ایله دخی قضا
ایله^(۱) زیرا رکوع وسجود عجز ایله ساقط وقدرت ایله
لازم اولور .

(۱) لثلا یلزم تسکلیف مالیس فی الوسم . ط .

(باب)

صلات مريض

خسته به مريض و مقابله صحيح دينديكي کي خسته لکه مريض و مقابله صحت تعبير اولنور . مريضك جمعى دعوى وزننده مريض و صحيحك جمعى اطباء وزننده اصحاء کلور . خسته لك بدنك استمرار طبيعيسندن خارج اولان حائضدر . استثناء : آرقه اوزرى ياتمقدر . اضطجاع : يان اوزرى ياتمقدر . آرقه اوزرى ياتانه : مستاق ، ويان اوستى ياتانه : مضطجع ، ديه جگن . احتباء : ديزلرني ديكوب قوللريله قوشاقلایه رق . قايناقلى اوزره اوطورمقدر (۱) . ايماء : نمازده رکوع وسجوده اشارت اولمق اوزره باش اکه کدر . احتباء ايدنه محتي دينلديكي کي ايماء ايدنه دخي معطى وزننده ومي دينور (۲) . اغماء : باييلقدر . مومي اليه موازنى اوله رق مغمى عليه : باييلندر . طاعت طاقته کوره اوله جغندن خسته نك نمازى کندی مکنيله مقدر اولوب مرضك اشتداد وازديادى نسبتنده صورت

(۱) كما مر في الصفحة ۳۹۳

(۲) همزه نك حرف علت ابدالى راكاندر : البادى ، البارى ، انقارى .
(ايماء) مهموز الام اولمغه اندن ماضى اولان اوماً فعلنى اعطى کي ناقص صورتنده يلزمق ياکلش اوله جفنى طعطاوى مرحوم در مختار حاشيه سنده در بخشى نوح افندى مرحومندن نقلا ذکر ايتمش ايسده مادح حاتم طائى اولان شاعر جاهلى :
أومى إلى السكواء هذا طارق نحرني الاعداء ان لم تنحرى
ديمشدر .

اداده نقص حاصل اولور : قائماً قیلا میان قاعداً قیلار قاعداً دخی قیلقدن یعنی رکوع وسجود ایتمه سکنن عاجز اولان نصل ممکن اولور ایسه او یله او طور دیغی یا خود آیا قده طور دیغی حالده ، و طور مق و او طور مقدن دخی عاجز ایسه یا ندیغی یرده ، ایما ایدر .

بحر را نقده مذکور اولدیغی اوزره اُستعیند بالله تعالی (الذین ینذرون الله قیاماً و قعوداً و علی جنوبهم الخ) قول کریمی ابن مسعود و جابر و ابن عمر رضی الله تعالی عنهم حضراتندن مروی اولدیغنه کوره نماز حقننده نازل اولوب قادر اولورلر ایسه نمازی قائماً و قیامدن عاجز اولورلر ایسه قاعداً و آنندنده عاجز ایسه لر یا ندقلری حالده قیلارلر دیمه کدر . اصحابدن عمران بن حصین رضی الله تعالی عنه حضرت نرینک حدیثی دخی بومعنائی موضعدرکه مشارالیه : خسته لکم جهنمه نمازی نصل قیلا یم ؟ دیو حضرت رسول الله سؤال ایتدم « قائماً قیل ، قادر اوله ما ز ایسه ک قاعداً قیل ، قادر اوله ما ز ایسه ک مضطجعاً یا خود مستلقیاً قیل ، لایکلف الله نفساً الا وسعها . » بیوردیلر . دیمشدر (۱) .

خسته یه آیا قده طور مق کلیاً متعذر اولدقده که بو تعذر حقیقی سدر یا خود الم شدیدیه مبنی (۲) متعسر اولدقده که بو تعذر

(۱) حدیث مذکور ی امام مسلمان ماعدا ائمه حدیث ذکر و روایت ایتمه شلردره اضطرار جاعدن صکره استلقانک زیاده سی روایت امام نسأیدر . کافی ص .
(۲) محشینک بیانته کوره باش دو نهمه سی و دیش آغریسی و یارم باش آغریسی و کوز آغریسی کبی شیلر الم شدیددر . المی شدت ایله تقیید مجرد مشقتدن طولانی ترک قیام جائز اولدیغندندر . مانم قیام اولان حالک نماز ایچنده و یا نمازدن اول حادث اولسی مساویدر . و قائماً اداء صلات حالنده عدو آدمیدن و یا غیر

حکیمدر و یا خود تجربه سابقه سببیلله غلبه ظننه و یا طایب مسلم
حاذقک (۱) اخبارینه و یا ظمور حاله معنی خسته اسکک قیام ایله آرتمه سندن
و یا طول مدت اوزامه سندن خسته خوف ایتدکده نمازی او طور ورق رکوع
و سجود ایله قیلار . و قول اصحده کراحت دخی اولمیه رق نصل ایستر ایسه
یعنی کندیسنه ضرر سزا اولمق اوزره نصل متیسر اولورسه او یله او طورر:
دیزچوکر ، بغدادش قورار ، احتیبا ایدر (۲) .

اگر خسته قیامک هپسندن عاجز دکل ایسه زیاده مشقت اولمیه رق
کندیسنه ممکن اولدیغی قدر ولو که افتتاح تکبیرینی آله جق و یا بر آیت
اقویه جق قدر اولسون قائم اولوب الم شدید حاصل اولدقده قیامدن ابتداء
عاجز اولان کبی قعود ایدر .

قادر اولدیغی قدر قیام ولو بر آیت و یا بر تکبیر مقداری

آدمیدن نفسته و یا مالنه ضرر الحوقندن خوف ایتمک دخی الم کبیر . چرکه ایچنده
اولوبده نمازده بلنی طوغرلتمه قادر اولوبوب خارجه دخی چاموردن و یا یغموردن
ناشی قیلاماق دخی اوله در که قاعداً قیلار . نمازده قیام کندیسنی صومدن و یا فریضه
قراءتدن عاجز قیلان یا خود قائم اولدقده بولنی طوته میان و یا خود یاره سی سیلانه
کلان کیمسه دخی نمازی قاعداً قیلار . یا صلا نه رق یا خود دکنسکه و یا دیواره
طایانه رق قیامه قادر اولانه اوله جه قائم اولقی لازم کلور . خصوصاً قول امامین
اوزره که انار قدرت غیری دخی کندیچون قدرت صایا ولر اه من مواضع .
(۱) فسق ظاهر اولماق و علی قول عادل اولماق دخی شرطدر . ط .
(۲) چونکه مریضک عذری اندن ارکانی اسقاط ایدنجه هیثاتی اسقاط
ایتمش اولقی اولویتده در . ط .

اولسون اكافرض اولديغندن قيامه قادر وركوع وسجوددن عاجز اولان مريض نمازه قائماً طوروب وقرأت ايچون قائم اولوب ركوع وسجود ايچون ايما ايدر . ايما قائماً دخى جائز ايسه ده حال قعود ارضه اقرب اولديغىچون انك قعوده قدرتي تقدير ننده قاعداً ايما ايتمسي قائماً ايما سندن افضل اولمغله ركوع وسجود زماني كلكجه اولوروب ايما ايدر .

ايماده ركوع وسجودك معاً تعذري شرط اولميوب يالكز سجودك تعذري دخى كافيدر (١) . سجوددن يالكز بورني اوزرينه دخى سجوده ايدمه مامك وجهله عاجز اولان هر نقدر ركوعه قادر اولسه ده ركوع كنديسندن ساقط اولور يعني اني ده ايما ايدر (٢) .

سجود ايچون اولان ايما ركوع ايچون اولان ايمان اخفض (اشاغيجه) اولور . تاكه ركوع ايله سجود يكدى كرندن متميز اولسون . اكر سجود ايماسني ركوع ايماسندن فرقلي ايتميوب انلري يكدى كرينه مساري قيلارسه نمازي صحيح اولماز . زيرا بو حالده حقيقتاً اولان سجود مفقود اولديغي كبي حكماً اولان سجود دخى مع القدره مفقود اولمش اولور .

(١) تمذر قيام ترك ركوع ايچون كافي اولميوب قعود لازمدر . در مختار . (٢) چونكه قيام وسيله سجوددر . مقصود بالذات اولان سجود فوت اولدوقده انك مادوني بولنان ركوع دخى واجب اولماز . من . شقيقه سي يعني يارم باش آغريسى اولوبده سجوده وارايمان كيمسه ايما ايدر . سجوده قادر اولوبده ركوعدن عاجز اولانك حكمتي بن كورمدم . كوياكه او غير واقمدر . قاله ابن نجيم في البحر .

ایما ایچون اکلکده مبالغه لازم اولمیوب بری برندن فرقلی براز اکلک کافیدر (۱) .

سجوددن عاجز اولان خسته نك سجده ایده بیلیمسیچون اوکنه برشی یوکسلیتمک دخی لازم اولمیوب ایما کافیدر . لازم اولمدیغی حالده یا پلق صورتده باشنی رکوع ایچون اولان ایماسندن اشاغیجه اکلکده اولدیغنه کوره خسته نك نمازی ایمام وجود دیمک اولدیغیچون صحیح و لکن بو حال حدیث ایله منہی بولندیغیچون مکروهدر (۲) . سجودده باشنی رکوع ایماسندن زیاده اکما مکده اولدیغنه کوره سجود ایچون اولان فریضه ایمان ترک ایتدیگیچون اوکنه برشی وضع اینمیه رک ایمالری مساوی قیلقدده اولدیغی صورتده کی نمازی صحیح اولماز . ایما قیاماً و قعوداً جائز اولدیغی کبی یا تلدیغی حالده دخی جائزدر . انجق قیام ممکن اولدقجه ترک اولنق جائز اولمدیغی کبی

(۱) ایماء حقیقی باشا کملدر . صوگ درجه اکیلرک جبهه سنی یره یا قلاشدر مق لازم دکلدر . ایمادن عاجز اولان خسته باشنی (اکیه رکط) تحریک ایتسه امام ابوحنیفه حضرتلرندن مروی اولدیغنه کوره جائز اولور . صاحب فتاوی این الفضل : جائز اوله نماز زیرا انده فعل موجود اولدی دیشدر . ص .

(۲) صلی الله تعالی علیه وسلم افندمز حضرتلری برخسته یی عبادت بیوروب اوکنه یاصدق آلهرق نماز قیلقدده کورمشلر ، یاصدیغی آتمشلر ، خسته اوکنه برتخته آلمش ، انی ده آتوب : مقتدر ايسهك ارض اوزرنده (یعنی ارضه و ضم جبهه ایدرک) قیل ، دکل ايسهك ایما ایت و سجودک ایچون اولان ایما کی رکوعک ایچون اولان ایما کدن اشاغیجه یاپ . بیورمشلر . ص .

بر شیئه استناد ایله اولسون قعود ممکن ایکن یا نه رق ایما ایتمک دخی جائز اولماز .

یاره و سلس بول کبی عذرینی قعود ایله طوته بیلوب قیام ایله انلر آقار اولسه یا خود ایما ایله طوته بیلوب سجود ایله آقار ایسه قیامی و سجودی ترک ایدوب نمازی قاعداً ایما ایله قیلار .

جماعته چیقمه قله قیامدن عاجز اولوب خانه سننده قیلار سه قیامه قادر اولوق مسئله سننده ترجیح مختلف فیهدر (۱) .

یا تدفی یرده ایما ایلک مستنداً اولسون او طور مقدن عاجز اولانلره کوره جائز اوله بیله چککدن خسته کندیسنه قعود متعسر اوله رق نه یا صلا نه رق نه ده دیواره و سائر یه طایانه رق او طور مغه بلا ضرر قادر اولماز ایسه استلقا و یا اضطجاع ایدرک - که عند الامکان صاغه یا تمق اثرده وارد اولدیفی اوزه صوله یا تمقدن افضلدر - ایما اندر . اولسکی اولادر یعنی استلقا ایتمک بلامشقه میسر اولدیغنه کوره اضطجاع ایتمکدن و حتی صاغ یانی اوستنه یا تمقدن اولادر (۲) مستنداً قعوده قادر اولوبده اتی ترک ایله استلقا و یا اضطجاع حالنده ایما ایدر سه قول مختارده جائز اولماز .

(۱) مفتی به اولان او کیسه خانه سننده منفرداً قیلقدیر . اختلاف اوئده جماعت متیسر اولمیانلر حقه در . اگر خانه سننده جماعت دخی متیسر ایسه انک ایچون جامعه چیتوب قیامی ترک ایتمک بالانفاق جائز اولماز . ط .

(۲) مؤلفک بیاننه کوره حدیث . ریضه او مذکوردر . برده توجه قبله انده اکثردر . (حدیث مریض آتیا ذکر اولنور .)

مرض وسائر عذرايه استقبال قبله فريضه سی ساقط اولوب معذورك بلاعسر قادر اولديغی جهته متوجه اولمسنك جوازی متعلقات شروط فصلنده ذكر اولنمشدر .

استلقاء حائنه مريض مصليتك باشی الله ياصدق کي برشی وضع اولنور . تاكه قاعده بکزه به رك (۱) يوزی سمایه دکل ده قبله به متوجه وکنديسی ایمایه متمکن اوله بيلسون . چونکه حقیقت استلقاءكه اكسه نك يره کله سیدر اصحابه بيله مانع ایمادر . مرضایه نصل اولسون .

مستأقی اولان مريض مصلي قادر ایسه آیاق لرینی قبله به اوزاتمامق ایچون دیزلرینی دیکمك لانقدر . چونکه قبله به آیاق اوزاتماق چکمه كه قادر اولالمر ایچون مکروهدر (۲) .

ایماء باش اکمکله اوله بيله چکندن باشيله ایماءدن عاجز اولانه نه کوزيله و نه قاشيله نه ده قبليله ایما ایتمك اولماز . چونکه سجده باشه تعلق ایتمشدر . کوزه وقاشه و قبله تعلق ایتماشدر . انك خلفی اولان ایما دخی اله وآیاغه تعلق ایتمديکی کي کوزه وقاشه و قبله دخی تعلق ایتمز (۳) . حدیث شریفده : مريض نمازی

(۱) زده من الدرر .

(۲) مکرکه مصنی عریان اولمغه مزید انکشاف محذوری اوله . کمار .

(۳) وقال زفر : يومی بعینه فان عجز قبله . وهو رواية عن ابی يوسف . لان العینین فی الرأس فتأخذان حکمه ان قدر وان عجز قبله لان النية التي لاتصح الصلاة بدونها انما تقام به فتقام به الصلاة عند المعجز . ولنا أن نصب الابدال بلرأی ممنوع والنس ورد بالایماء بالرأس طی خلاف القياس فلا يقاس عليه . ط .

قائماً قیلار ، قادر اولمازایسه قاعداً قیلار ، قادر اولمازایسه ارقه‌سی اوزری یاتهرق ایما ایدر (۱) ، اکاده قادر اولمازایسه جناب حق انک عذرینی قبوله احق‌در . بیور لمشدر (۲) « جناب حق انک عذرینی قبوله احق‌در » تعبیرنده اختلاف اولنوب فقهانک برطاقی انی عذر تأخیرک قبولیله تفسیر ایدرک لزوم قضایه قائل اولدیلر . برطاقی عذر اسقاطک قبولیله تفسیر ایلیهرک عدم لزوم قضایه قائل اولدیلر . و بونلر اکثردر (۳) .

باشیله ایما ایتیمک دخی کندیسنه متعذر اولان کیمسه دن صلات قلیله که برکون وبرکیجه‌لک ودها آزا اولان نمازدر اتفاقاً تأخیر ایدر . برکون وبرکیجه‌لک نمازدن زیاده‌سی بر روایتده تأخیر ایلرکه مریض مضمون خطابی فاهم اولدیغی یعنی عقل و فہمی برنده بولندیغی مدتجه الیری صکره قضا ایدر . روایت دیگرده بش نمازدن زیاده مدت عجز دوام ایدر سه مضمون خطابی خسته فہم ایدر دخی اولسه مغمی علیہ کبی قضا کندیسندن ساقط اولور (۴) . قضا ساقط اولنجه انک اسقاطی دخی اولماز .

تسکیم فصل آئیده ذکر اولنور .

(مسئله درت وجه اوزره در : (۱) اگر ایمادن عجز الی نماز دوام

(۱) قاعداً ایمانی بوحدیث ناطق دکل ایسه‌ده حدیث دیگر فاطقدر .

(۲) وهذا الحدیث هو الموعود فیما مر .

(۳) اختلاف ترجیح صورتنده اعتبار اکثرک بواندیغنه در . ص .

(۴) اولکیسینی صاحب هدایه هدایه‌سننده وایکجیسینی کتاب تجنیس

ومزیدنده ذکر ایتمشدر . ص . تجنیس هدایه دن متأخر اولدیغیچون انده‌کی تصحیح معتبردر . ط .

ایدر وخسته دخی لا یعقل بوانور ایسه قضا اندن اجماعاً ساقط
اولور (۲) اگر عجز اندن آز دوام ایدر وخسته نك عقلی باشنده
بوانور ایسه اونمازلری صکره اجماعاً قضا ایلر (۳) عجز الی
نماز دوام ایدوب خسته دخی متعقل ایسه (۴) ویاخود عجز الی
نمازدن آز فقط خسته لا یعقل ایسه بوایکی صورته مشایخ
اختلاف ایدوب کیمی : قضا ایتمک لازم اولور . وکیمی : اولماز
دیمشدر . ط (۱) .

نمازه صحیح اوله رق طوروب (وصلانک بر جز ثنی قائماً قیلوب
درر) نمازده ایکن کندیسنه مرض عارض اولسه قادر اولدیغی
وجهله ولوکه ایما ایله اولسون اتمام صلات ایلر .
(یعنی قادر ایسه او طور دیغی برده رکوع وسجود ایدرک ورکوع
وسجوده قادر دکل ایسه قائماً ویا قاعداً ایما ایلیه رک و قیام ویا قعوده دخی
قادر دکل ایسه یان دیغی برده ایما ایدرک نمازینی تماملار . زیرا مومینک
صحیحه اقتداسی کبی ادنانک اعلایه بناسی دیمکدر . درر مزیداً)
نمازک بر پارچه سنی رکوع وسجود ایله قیلیقانی ابطال ایدوبده
بعده استینافاً هپسنی ایما ایله ادا ایتمکدن اولادر .
قاعداً رکوع وسجود ایدرک نماز قیلقدیه اولان مریض

(۱) اولکیسی صاحب هدایه نك مختاریدر . ایکنجیسی پردوی صغیرک مختاریدر .
هذا ماذکره الحشی . وقد تقدم ماذکره المؤلف .

نمازده صحت بولسه بنا ایدر (۱) . چونکه بنا اقتدا کبیر (۲) .
قائمك قاعده اقتداسی صحیح اولدیغی کبی قعوداً قیلنان نمازده دخی
قیامی بنا ایتمک عند الشیخین صحیح اولور .

(نماز قیلمقده اولان تعبیرنده شوکا اشارت واردرکه قعوداً
رکوع وسجود ایتمزدن اول خسته به طاقت کلش اولورسه قوی بی
ضعیفه بنا ایتمک اولماغله اتفاقا بنا ایدر . ص .)

نمازك بر مقدار بی ایما ایله قیلمش اولان خسته به نمازده
قعوداً اولسون رکوع وسجود ایتمکه قدرت کلورسه بنا ایدهمز
یعنی استیناف صلات ایتمک لازم کلور . چونکه بونده قوی بی
ضعیفه بنا ایتمک واردر .

(رکوع وسجود ایدرک نماز قیلانک ایما ایله نماز قیلانله اقتداسی
جائز اولدیغی کبی بوبنا دخی جائز اولماز . درر .)
مضطجماً ایما ایتمکده اولان مصلی دخی قعوداً ایما به قادر
اولدقده بنا ایدهمیوب استیناف ایلر . علی المختار .

مجنون ویا مغمی علیه اولان کیمسه کندینک جنون ویا
اغماسی بش نماز زمانی مستمر اولورسه بعد الافاقه آنلری قضا
ایتمک لازم کلور . بش نمازدن زیاده سورر یعنی آلتنجی نمازك

(۱) یعنی استیناف صلات ایتمیوب نمازینی اصحاء کبی قائماً اتمام ایلر .
(۲) قائم ایسه قاعده اقتدا ایدهمیلور . منفرد دخی آخر صلاتی اول صلاتنه
بنا ایله بیلور . درر .

وقتی دخی اوحال اوزره خروج الیرایسه (١) کچیردیکی نمازلی
قضا ایتمک لازم اولماز (٢).

(١) بو امام محمد حضرتلرینک قولیدر . اکثر معتزانه مصحح اولانده
بودر . عند الشیخین ساعات لیل ونهار اوزرینه ولو بر لحظه اولسون زیادهک
معتبردر . ثمره* خلاف عند الضحی مغنی علیه اولان کیمسه ایرتسی کون زوالدن
براز اوله افاقت بولمق صورتنده ظاهر اولورکه بونده من حیث الساعات برکون
برکیجه دن زیادهک موجود اولغله عند الشیخین قضا لازم اولوب امام محمد عندنده الی
وقت کذران اولدیغیچون قضا واردر . کجای ط .

(٢) ابن عمر رضی الله تعالی عنهما حضرتلرندن اغفاء حقنده بویه روایت
اولمشدر . جنون دخی اغفانک مثلیدر . صحیح اولان بودر . ص . دررک
قضاء فوائت و صلات مریض بابلرنده مذکوردرکه حضرت علی برکون و برکیجه دن
اقل مغنی علیه اوله رق قضاء صلوات ایتمش اولدقلری کبی حضرت
عمار بن یاسر دخی برکون و برکیجه مغنی علیه اولمش اولدقلری حالده قضاء صلوات
ایلمشدر . ابن عمر حضرتلری ایه برکون و برکیجه دن اکثر مغنی علیه اولوب
قضاء صلوات ایتمشدر . رضوان الله تعالی علیهم أجمعین اه عشی دیرکه
أعذار اوچ درلودر . بری جداً ممتدر : چوجقلق کبی که انکله جمیع عبادات
ساقط اولور . بری جداً قاصردر : نوم کبی که انکله هیچ برشی ساقط اولماز .
دیگر بری ایکیمی اره سنده متردد درکه اوده اغفادر . امتداد ایدر سه جداً ممتد
اولانه الحاق اولنور . امتداد ایتمر سه جداً قاصر اولانه الحاق اولنور اه

(فصل)

اسقاط صلاته دائر

اسقاط كه ساقط قيلق ديمكدر فرض و واجب اوله رق
ذمت ميتده قالان نمازله تعلق ايدركه فريضه ليل و نهاردن
هروقت نمازی و برده صلات و تر ايچون اولور . يومی آلتی نمازدر .
مكلف بونلری ایما ایله اولسون ادایه قادرایکن ادا ایتمديکی
کبی قضا دخی ایتمیهرک عمری انجامه ایررسه اکا بونلرک اسقاطنی
وصیت ایتمک لازم کلور .

عبادت بدنیه محضه نیابت قبول ایتمز اولدیغندن ثواب صلاتنی
بری حی و میتدن دیکرینه باغشلايه بیلور ایسه ده کیمسه نك نمازینی
کیمسه قیلاماز . حدیث شریفده : برکیمسه نك اورجنی بشقه بر
کیمسه طوته ماز و نمازینی قیلاماز و لکن طرفندن تصدق ایدر
بیورلمشدر .

متروکات میتک ثلثی کندینک تقصیرینی تدارکه مدار اولمق
اوزره کندیسنه عائد اولدیغندن آندن اسقاط صلاتی وصیت ایدرسه
ویريله جک فدییه یوزندن حصوله کله جک طیب غلوب فقرا سببيله
بفضل الله تعالی آنک عفوی اومیلور . میت وصیت ایتماش اولدیفی
حالدده ولی یاخود بر اچنی آنک طرفندن اسقاطی تبرع ایدرسه ان
شاء الله تعالی جاؤز اولور .

کرچه صلات ایچون فدییه اعطاسی مخصوص دکلدر و مخصوص

اولان فديه صومه آنی قیاس ایتمک دخی حکم مقیس علیه معقول اولدیفی ایچون صحیح دکدر (۱) واکن باب عباداته بو بر احتیاطدر (۲). فديه صلات عند الله صلاته کافی ایسه فها . والا ، میت ایچون ثواب صدقه حاصل اولور .

مینک وایسی یعنی وراثت ویا وصایته مبنی مالک کندندن صکره متصرفی آنک وصیتی اوزرینه (۳) متروکاتنک ثلثندن (۴) هرکونلک آلتی نمازدن هر بریچون بر فقیرک اقشاملی صباحلی ییه چکنی اخراج ایدر یعنی اکا برر صدقه فطر مقداری شی اعطا ایلر . صدقه فطر کتاب الصومده مبیندر . انی یاعیناً ویا قیمه

(۱) حتی حال مرضده صلاتیچون فديه ویرمک اولماز . صومیهچون اولور . بونی محشی فصلک صوکنده سوبله مشدر .
(۲) بونک ایچوندرکه فديه صلاتک میتة کذابی « ان شاء الله تعالی » دینلهرک مشیتة تعلیق اولنمشدر . مسائل قیاسیه مشیتة تعلیق اولنماز . محشی دیرکه صلات صومندن دهامهم اولدیفیچون بو استحصانده مشایخ فقهاک کلاملری متفق اولوب اره لرنده کی اختلاف انجق : برکونک نمازی دخی برکونک اورجی کبی ؟ ویاخود هر نماز بر اورج کبی ؟ اسقاط اولنور اولسنددر . معتمد اولان ایکنجیدر . اسقاط صلاتک اصلی یوقدر دیانلر جهالت ایتمکده درلر اه باختصار .

(۳) وصیتی اولماز ایسه وارنه اخراج ایتمک (یعنی اجرای اسقاط ایلک) لازم اولماز . انلر اولاباده متبرع اوله ییلورلر . کمار . صدقه فطر و نفقه واجبیه و کفارات و وصیه بالحق و صدقه مندوره و صوم فرض و واجب مثلی سائر حقوق واجبیه ایچون دخی اسقاط یاپیلور . کافی س .

(۴) چونکه انک حق مرض و تنده انجق ثلث مالنده در . ثلثانه حق وارث تعلیق ایتمشدر . ثلث وفا ایتدیکنه کوره زیاده سی اجازت وارثه توقف ایدر . وارثک اجازتی اولدقجه حقنه تجاوز اولنماز .

ویرر . حاجات فقیرک تنوعنه مبنی (۱) قیمت اعطاسی افضلدر .
 بونده عدد منصوص اولدیغیچون آنلری متعدد فقیرلره ویرمک
 جائز اولدیغی کبی هپسینی بر فقیره ویرمک دخی جائز در (۲) .
 میتک وصیت ایتدیکی مال اوزرنده اولان حق الله وفا
 ایتدیکی یاخود آنک ثلث مالی اسسقاطنه کافی اولدیغی ویاخود
 کندسی وصیت ایتامش اولمغله برکیمسه آنک طرفندن مال قلیل
 ایله تبرع ایتمک ایستیوب مال یتشمیدیکی تقدیرده میتک ذمتی
 اوزرنده اولان حق اللهک هپسندن ابرا ایچون چاره : دور
 اصولیدرکه میتک اورچندن و نمازندن وسائر حق اللهندن مال
 موجودک تقابل ایدجکی مقدار تقدیر اولندقدن صکره او مال
 او مقدارک میتدن اسقاطی قصدیه فقیره ویریلور (۳) . فقیر آنی
 اخذ و تقبلدن صکره معطی کیم ایسه اکا هبه ایدر . موهوب له
 دخی هبه تمام اولوب تملک حاصل اولماق ایچون آنی بعد القبض

-
- (۱) چونکه فقیر صدقه فطرك تعلق ایتدیکی شیلرک عینلرندن بعضاً
 مستغنی اولوب یارهیه محتاج بولنورکه انی حوایینه صرف ایدر . ط
 (۲) قدیده اباحه کافی اولورمی ؟ قولک مشهوری : اولور . ط .
 (۳) مثلاً نماز بورجی چوق و بغدادی آز اولسه برکونک الی نمازینه بدل
 بر فقیره اوچ صاع بغدادی ویریلورکه هر نماز ایچون نصف صاع اولان بشریوز
 یکر میشر درهمدن اوچ بیک یوز یکر می درهم بغدادی یاخود آنک بدلی بولان مثلاً
 ایکیشر غروشدن اون ایکی غروشدن فقیرانی اخذ و قبض ایتدکدن صکره اعطا
 ایدنه هبه ایتمک و هبه اولانان ذات که اولجه معطی وشمیدی موهوب لیدر انی
 بعد القبض ینه و فقیره ویرمک الخ صورتیه نمازلر اودننجه قدر بو وجهله دور
 اولنور . کما فی الحلې .

تبرعاً (۱) بروجہ اسقاط فقیرہ اعطا ایدر . فقیر آتی اخذ
وتقبلن صکرہ معطی بہ ہبہ ایدوب معطی اوہبہ فی قبض ایلہ
تملك ایتدکدہ ینہ تبرعاً اسقاط وجملہ فقیرہ اعطا ایلرکہ اومال
میتک اوزرنده اورجدن و نمازدن وسائر حقوق واجبه دن ظن
وتخمین اولئان مقدارہ تقابل ایدنجہ قدر ارده دوران ایدر (۲)
وہر دورده مال مقداری حق اسقاط ایدلش اولور (۳) .

ایما ایلہ (۴) دخی اداہ صلاندن عاجز اولان خستہ آنلری
قضا ایدجک مدت ایام صحتہ ایرمدین وفات ایدرسہ صلات
فائتہ سی برکون وبرکیچہ لکدن آز دخی اولسہ (۵) آنلری
وصیت ایتک کندیسہ لازم اولماز . چونکہ لزوم وصیت لزوم
(۱) دور اولنان مال موصی بہ دخی اولسہ دفعہ اولادن صکرہ معطی
متبرعدر . ط .

(۲) قبض و دفعک تکراری لابدر . فقیرک بری انی اخذ ایتدکدن
صکرہ ہبہ اولہرق دفع ایلمسہ اکا علی الظاہر نائل اولش اولور . ط .
(۳) درہ نقادہ مذکوردرکہ میتک عمری مقدارنجہ اسقاط یا بقی ایتدکدہ
مدت عمری حساب ایدوب ارکسکدہ انک اول ایکی سنہ سی وقادیندہ طقوز سنہ سی
چوجق ق مدتی اولق اوزرہ بالتذیل باقیہ چون اسقاط اولنور . پارہ سی وفا ایدرسہ
فہما . ایتمز ایسہ دور یاپلور . ط .

(۴) معلوم اولشددرکہ ایماباش ایلہ اولور . قاش ایلہ ایمایہ اعتبار یوقدر .
انکله قادر عد اولتماز و وصیت لازم اولماز . قول زفرک قیاسنجہ قاش ایلہ الخ
ایمایہ قادر ایکن نمازی ترک ایدرسہ وصیت ایدر . کما فی ط .

(۵) مؤلفک بونی ذکر ایتسی شونک ایچوندرکہ کندیسندہ کوچک
اولیان قلیل اوحالہ ساقط اولنجہ کندیسندہ کوچک اولان کثیرک ساقط اولجنی
اولویتدہدر . ط .

قضا نك فرعى اولوب مسئله مزده ايسه اوخسته آنى قضا ايدجك زمان
صحته ايرمامشدر .

سالف الذكر « آنك عذرينى قبوله جناب حق احقذر » حديثى
عذر سقوطك مقبوليتيله تفسير ايدنلره كوره معنى ظاهر اولديغى كې
عذر تأخيرك مقبوليتيله تفسير ايدنلره كوره دخی ظاهر دركه اوخسته
نمازینى قضا ایتمه زمانى ادراك صورتيله قادر اوله مامشدر .

(باب)

قضاء فوائت

قضا لغتده حکم معناسنه درکه حاکمه قاضی دینور . اصطلاحده قضا : ادا مقابلیدر . واجب بالامرک عیننی تسلیم واتیانه : ادا ، و واجب بالامرک مثانی تسلیم واتیانه : قضا ، دینور^(۱) .

صلات عبادت موقوته اولمغله آنی وقتنده قیلیق واجب بالامرک عیننی ایفا اولدیغیچون ادا ، و وقتک خارچنده قیلیق واجب بالامرک مثانی ایفا دیمک اولدیغیچون قضا ، در .

فوائت فائته نک جمعیدرکه کچمش نمازلر دیمکدر . فائته نک مقابلی و قیه درکه وقتنده قیلننن و یا قیلنه جق اولان نماز دیمکدر . اکا صلات حاضرده دخی دینور .

فوائت تعبییرنده مسلمینه حسن ظن وارددرکه متروکات دینلماشدر . زیرا ظاهر حال مسلم نمازی ترک ایتمک دکل ، بلکه هر فصل ایسه نماز بر عذرده مبنی بلا قصد کچمش اولمقدر^(۲) . بلاعذر تارک صلاتک حکمی باب الوتر قیللنده ودها اول

(۱) بز بوبابده دخی مؤلفه پیرو اولمیهرق طریق استقلاله سالک اولمشزدر . مؤلف : « القضاء لغة الاحکام و شریعة اسقاط الواجب بمثل ما عنده » دیمکله اغراب ایلمشدر .

(۲) قال نعلب ما یکاد وقت الصلاة الا نذکرت قول أبی تمام : وأحق الفتیان أن یقضی الدین امرؤ کان الاله غریما . کما فی محاضراته الراغب الاصفهانی .

ذکر اولنمش اولدیغی کبی بر عذرہ مبنی قطع و یا تأخیرک جوازی دخی اولجه ذکر اولنمشدر .

ادا اصل وقضا اکا خلف وعوضدر . بر نمازی بلاعذر وقتندن صکره یه براقمق برکبیره درکه قضا ایله زائل اولمیوب بلکه قضا ایتمسکله برابر توبه دخی ایلهک و یا حجه کیتمک ایله زائل اولور (۱) قضا ، نمازی ترک ایتمه نك کنهانی کیدرر . تأخیر ایتمه نك کنهانی کیدرمز . کما فی الدر مع الرد .

شمدی یه قدر ادا انواعی بیان ایدلمش اولمغله نوبت بیان قضایه یعنی وقتنده قیلنه میان نمازک صوت تأدییه سنی افاده یه کلمشدر .

مقصود فرض اولان نمازک قضا سیدرکه وتره دخی شاملدر چونسکه اوده فرض عملیدر . قضاء سننک بیانی (ادراک الفریضة) باینده در (۲) .

اداسی فرض اولان نمازک قضاسی دخی فرض و واجب اولانک واجب وسنت اولانک سنندر . کما فی الدر (۳) .

قضا ادایه کوره اوله جغندن فائته ربا عیه سفرک حضرده دخی ایکیشرفائته ربا عیه حضرک سفرده دخی دردر رکعت اوله رق و حال صحت ایله حال مرض بویله اولمیوب مریضک نمازی کندی مکنتیله مقدر اولمغله فائته صحتک حال مرضده

(۱) معصیتدن کسبک شرط توبه دندر . حج مبرور کبأثری دخی مکفر اولور . کما فی رد المحتار .

(۲) اناره قضا اطلاقده مجازدر . کما فی الدر . انظر الى المرأة .

(۳) وهذا لا ینافی وجوب اداء ما شرع فیہ من النفل .

مريضانه و فائده مرضك حال صحتده صحيحانه اوله رق قضا اولنه جني
صلات مسافر بابتده ذكر اولمشدر .

قضا ايچون وقت معين اولميوب اوقات ثلاثه نهيدن ماعدا جميع
اوقات عمر قضا ايچون وقتدر .

انجق ترتيب لازمدر كه بر فرضي فوت ايدن كيمسه كرك
بر عذر غير مسقط ايله كچيريش و كرك بلاعذر ترك ايتيش اولسون
اني قضا ايتمك كنديسنه فرض لازم اولديغي كبي صلات حاضره سندن
اول قيليق دخي لازمدر كه (۱) بو كندينك فواتيله جواز دخي فائت اولور
بر فرض عمليدر .

فائده ايله وقتيه آره سنده ترتيب مستحق اولديغي كبي نفس فوائت
آره سنده دخي ترتيب مستحقدر (۲) كه فروض خمسه ايله و نر اداء و قضاء
ترتيب اوزره قيلنور .

(۱) مكره و فتيه نك دخي فواتي خوفي اوله . تكيم بياني كلور .

(۲) مستحق لازم معناسنده . جوهرده شرط لفظنك دخي علاوه سيله
«شرط مستحق» دينلشدر . صاحب هدايه : عندنا مستحق و عند الشافعي مستحب .
ديمشدر اه تبيننده واقع مستحق شاي مرحوم واجب ايله تفسير ايتمشدر مؤلف
اني لازم ايله تفسير ايدوب : چونكه او ، كندينك فواتيله جواز دخي فوت اولان
بر فرض عمليدر . ديمشدر و به صرح صاحب الدر . عشي ديركه مؤلفك مستحق
دييويده فرض دينامسي فرضك مطلق قطعي اولانته مصروف اولديندن . محطده
اولديغي كبي شرط دينامسي حقيقه شرط اولان شي نسيان ايله ساقط اولماز
اولديغندندر . بو ايسه نسيان ايله ساقط اولور . معراج الدرايهده اولديغي كبي
واجب دينامسي واجبك فواتيله جواز فائت اولماز اولوب بو ايسه انك فواتيله جواز
دخي فائت اولور اولديغندندر . بو بابتده عبارات مشايخ مختلف اولغله مؤلف لفظ
مستحق اتيان ايتمشدر . لانه يمكن ان يتمشي على كل منها اه .

فائده ايله وقتيه ارسنده لزوم ترتيبه دليل شومآلده کی قول شریف نبویدر : « بر نمازی نوم ویانسیان ايله کچیروبده جماعت ايله نماز قیلبدقه ایکن انی خاطر لیان کیمسه ایچنده بولندیغی نمازی قیلسون^(۱) بعده تذکر ایتدیکی نمازی قضا ایتسون وبعده امام ايله قیلدیغی نمازی اعاده ایلسون^(۲) . »

نفس فوائت ارسنده لزوم ترتیه دلیل دخی یوم خندقدقه کچمش اولان نمازلی رسول اکرم صلی الله تعالی علیه وسلم افتدمز حضرتارینک علی الترتیب قضا بیورمش اولمربدرکه مدینه منوره حوله حفرخندق ایتدکری احزاب وقعه سنده اولکه وایکندی واقشام ویانسو نمازلرندن ذات حضرت رسالت و حضرات اصحاب مشغول اولمشلر ایدی . مشرکین من عند الله مهزوم ومنذفع اولوب کیجه دن بر مدت کچدیکنده حضرت بلاله اذانی امر ایتدیلر . بلال حضرتلری اذانی اوقیوب اقامت آلمقله حضرت امام المرسلین اصحابیله جماعت اوله رق اولاصلات

(۱) او نماز او کیمسه ایچون نائله اولور . ط .

(۲) بو بر خبر مشهور درکه علما انی تلقی بالقبول ایتمشلر در انکله فرض عملی ثابت اولور . ص . چونکه علم استدلالی موجب بولور . ولهم انکری تفصیل اولنور . تفصیل ایسه انجق قطعاً ثابت اولان خموصده اولور . عبد الحلیم . محشی : کمال انک شهرتده نزاع ایلدی دیور اه حدیث حضرت جابرده دخی واقعه درکه رسول الله صلی الله تعالی علیه وسلم افتدمز حضرتاری بر صلات عصری غروب شمسدن صکره قضا بیوروب بعده صلات مغربی قیلمشلر . بوده ترتیب مذکورکه دلیل استحقاقیدره اگر ترتیب مستحب اولیدی تأخیری مکروه اولان صلات مغربی امر مستحب ایچون تأخیر بیورمازلر ایدی . زیلعی .

ظهری وبعده ینہ حضرت بلالک اقامتیلہ صلات عصری وبعده ینہ بر اقامت ایلہ صلات مغربی قضا ایتدیلر وبعده بر اقامت دها آلہرق صلات عشائی قیلدیلر^(۱) .

ترتیبک استحقاقی فائتہ قلیل اولمق وخاطرده بولنمق ووقتیه نک وقتی طارالمش اولماق قیداریلہ مقیددر .

فائتہ غیر از وتر الی ودها زیاده اولورسه کثیر^(۲) والتییدن آز اولور ایسه قلیل تسمیه اولنور . بو صاییده وتر حسابہ قولماز . لکن بر فائتہ ولوکه وتر اولسون خاطرده ایکن قیلنن بش وقتیه ایلہ الی صاییلور .

ایمدی بر فائتہ سی وار وخاطرنده ووقت دخی واسع ایکن اتی براغوبده وقتیه یی قیلان کیسه نک وقتیه سی لزوم ترتیبه مبنی فاسد اولور .

فساد عند الامامین قطعیدر^(۳) عند الامامین موقوفدرکه تقرر

(۱) تکیم باب اذاندہ کذران اولدی . محشی دیرکه حاصل کلام علیہ الصلاة والسلام افندمز حضرتلرندن بر نمازی نه اداء ونه قضاء ماقبلته تقدیم ومابعدندن تأخیر ایتمک واقم اولماشدر . اگر ترتیبه مراعات بعض ائمه نک دیدکاری کی مستحب اولیدی ترک ترتیبک دخی جوازی بیان ایچون برکره اولسون ترک ایدرلر ویاثرکه اشارت بیورلر ایدی . بو ایسه نه کندیلرندن ونه صحابه حضرتلرک برندن نه قولاً ونه فعلاً نقل اولتماشدر اه .

(۲) چونکه وظیفه وقتیه بش ایکن اتی اولقله حد تکراره واروب تکثر ایلمش اولور . وتر دخی لازم القضاء بر نماز ایسه ده بو حسابده داخل تعداد اولماز . کما سندکره .

(۴) یعنی بلا توقفدر . لکن عند الثانی فاسد اولان وصف فرضیتدر . وعند الثالث اصل صلاتدر . کما فی الدرر وسیاتی .

ایدوب قالمق ومندفع اولمق بیننده متردد اولوب آنک تقرر ی عدد صلواتک حدقلته قالمسنه واندفاعی حد کثرته وارمسنه متوقف بولور (۱).
اگر او کیمسه وقتیه دن صکره فائته بی قضا ایدرسه قیلدیغی وقتیه نک فساد ی تقرر ایتمکله آنی ده اعاده ویا قضا ایلک لازم کلور . واکر او وقتیه دن صکره فائته سنی قضا ایتمیوب ایکنجی و اوچنجی و دردیجی و بشنجی وقتیه اری دخی قیلارسه آنلرده برر برر فساد تقرر ایدوب فاسد دخی متروک حکمنده اوله رق عدد متروکات صلات مع الفائته آتی اولمغله بشنجینک که حکمجه آتنجیدر وقتی چیقدیغندن اعتباراً سقوط ترتیبیه مبنی فساد مندفع و نمازلر صحیح اولمش اولور .
مثلاً :

صبح نمازینی نوم ایله کچیرن کیمسه اوکله نک اداسندن اول
آنی قضا ایتمک لازم ایکن براغوب اوکله بی قیلارسه اوکله سی
وایکندی بی قیلدقه ایکندیسی الخ فساد موقوف ایله فاسد اولوب
اگر نمازلر حد کثرت اولان آتییه وارمدين فائته سی اولان صباح
نمازینی قضا ایدرسه لازم اولان ترفینی اخلال ایتمش اولدیغی
جهتله فساد تقرر ایلمه رک قیلدیغی وقت نمازلرینی صره سیله
قضا ایتمک لازم کلور . واکر اونمازلر حد کثرته وارمش یعنی
فائته سنی قضا ایتمیه رک براغوب وقتیه اره دوام ایله ایرتسی کونک
صبح نمازینی دخی قیلوب کونش طوغمش بولورسه ترتیب
ساقط و بی لزوم قاله رق تقرر ایتمک اوزره اولان فساد مندفع

(۱) درر محشیسی عبد الحلیمک افاده سندن فساد مذکورک وجوب ترتیبی
یلانه گوره اولدیغی اکلشیلور . نسیانده بوکا دائر کلام کلور .

اولمغله قیلدینی فرضار صحیح (واتیق ایلک کونک صباح نمازی متحتم القضاء) اولور .

اشته بواول نمازدرکه خقنده « بر نماز بش نمازی افساد ، و بر نماز بش نمازی تصحیح ایدر » دینیلور . مفسد اولان بر نماز شول فائتهدرکه خاطرده ایکن براغیلوب وقتیه لر قیلنهرق انلردن بشنجی نمازک وقتی چیقمدین قضا اولنمشدر . مصحح اولان بر نماز دخی ادا اولنان بش نمازک شول بشنجیسیدرکه قیلنمش و وقتی دخی چیقمش اولمغله فائته متروکه ایله برابر مجموع عدد التیه بالغ اولمشدر .

قیود مذکوره موجببنجه ترتیب اوچ شیتک بریله ساقط اولور :

برنجیسی ضیق و قندرکه وقت طارالوب هم فائتهی و هم وقتیهی ایغایه کافی اولمامقدر (۱) . بو حالد متواتر ایله عمل

(۱) مؤلف مع الوقتیه فوائتک هپسی استیعابه وقت کافی اولمامق دیمش اولدیفندن عشی دیمشدرکه بوندن اکلاشیلان وقت جمیع فوائتدن طار اولوبده وقتیه ایله برابر بعض فائتهیه دخی واسم اولورسه قادر اولدینی قدرده ترتیب ساقط اولمامقدرکه بوده ایکی قول آتینک بریدر اه مؤلف آتیا صورت محررده دخی سقوط ترتیبی تصریح ایتمشدر . مؤلف وقتی مستحب ایله تقیید ایدوب فی الاصح دیمشدر . عشینک بیانه کوره ظاهرروایتده مستحب قیدی ذکر اولنماش اولدیفندن بین المشایخ اختلاف واقع اولوب امام طحطاوی اصل وقتک اعتبارینی شیخین حضرتلرینه و وقت مستحبک اعتبارینی امام محمد حضرتلرینه نسبت ایلمشدر . محیطده قول امام محمد ترجیح اولدینی کی فتاوی ظهریهده دخی حاکم شهیدک

لازم و چونکه مشهور ايله عمل ابطال قلمی بی مسئلزم اولور (۱). سعه وقت سبيله بیلرینی جمع مکن اولدوقده انکلهده عمل اولور. ضیق وقت سبيله جمع متعذر اولدوقده البته کتاب مقدمدر. مفقودی طلبده موجودی اضاعه معقول دخی دکلدر.

مثلا قضاء ظم ايله مشغول اولمق تقدیر نده صلات عصر یا خودانک برمقداری وقت کراهته واقع اوله جق ایه ترتیب قول اصحده ساقط اولوب وقتک خروجه یله عودت دخی ایتمز.

وقتک طارلقنه اعتبار شروع زماننده در. فائته خاطر نده ایکن وقتیه به شروع ایدوبده انی اطاله ایدرک وقت طارالر ایه وقتیه جائز اولماز. مکرکه انی قطع ایدوب صکره ینسه شروع

منتقلسنده مذکور اولان شو مسئله به مبنی قول امام محمد ترجیح اولمشدر: «اوکله بی اونودرق ایکندی به وقت عصرک اولنده باشلا یوبده احرار شمس زمانته دکن صلات عصری امتداد ایدن کیمسه اوکله بی اوزمان خاطر لاسه ایکندیسنه دوام ایدر» ظهیر الدین البخاری که صاحب فتاوی ظهیره در: اشته بر حکم مسئله ضیق وقتده معتبر اولان وقت مستحب اولدیفنی نص وتصریح دیملدر دیدی. بو حالده اختلاف مشایخ دخی منقطعدر زیر مسئله ظاهر روایتده ذکر اولنوبوده روایت دیگرده ثابت اولور ایه اورایه عدول اولنمق تعیین ایدر. ثمره خلاف دکر اولندیفنی اوزره «صلات ظهیری اونودرق صلات عصره شروع ایدوب اونندیفنی اوکله بی شویله بر زمانده خاطر لاق» مسئله سنده ظاهر اولور که اوکله سیله اشتغال ایتسه ایکندیسنی وقت مکر و هده واقم اوله جق. عند الشیخین انی قطع ایدوب اوکله بی قیلار. امام محمد اعندنده ایکندی به دوام ایدوب اوکله بی غروب شمسن صکره قضا ایلر اه.

(۱) متواتر: صلات مکتوبه نک وقتی صلات حاضره ایچون اولمقدر که (ان الصلاة كانت علی المؤمنین کتاباً موقوتاً) نص مبینک مدلول ایدر. مشهور: حدیث سابقدر.

ایلمش اوله . فائته خاطر نده دکل ایکن وقتیهیه شروع اید و بده ائی بالا طاله وقت طار الدقدن صکره فائته یی خاطر لارا یسه وقتیه او حاله جائز اولور (١) .

فائته متعدد اولوبده وقت المردن یا الکرز بر مقدارینه مع الوقتیه کافی اوله بیلک صورته ده دخی ترتیب قول اصحده ساقط اولور . چونکه وقتی فوائتک شو بعضنه صرف ایتمک دیکر بعضنه صرف ایلمکدن اولی اوله ماز .

ایکنجیسی نسیاندر . یعنی اوزر نده فائته اولدیفنی او تمقدر (٢) .

(١) واکا قطع لازم اولماز زیرا اکا اولاً اولان شروع (نسیان اولدیفچون) جائزدر . قطع ایتسه ده ثانیاً شروع ایده بیلدجکی جهته قطعک فائده سی یوقدر . بقا ابتداءن اسهل اولدیفچون جوازه دخی اولی اولمشدر . ط .

(٢) معلومدرکه نسیان بشقه و جهل بشقه در . محشینک بیانته کوره بونده جهل ائمه ثلاثه مزجه معتبر اولیوب حسن بن زیاد امام ابو حنیفه حضرت لرندن بیلمیانه ترتیب واجب اولدیفنی روایت ایتمش و بر چوقلر دخی ائی اخذ ایلمشدر . مذهب معینی اولیان بر جاهل وقتیه یی قیلوب بعده فائته یی خاطر لاره بر مجتهدی تقلید ایتدیکی و بر فقیهین استفتا ایلمدیکی صورته ده غازی مجتهد فیه مصادف اولق جهته صحیحدر . اما امام ابو حنیفه حضرت لرینه مقلد ایسه انک کندی امامنک مذهبه مخالف بولنان رأینه اعتبار یوقدر . امام شافعی حضرت لرینه مقلد ایسه نمازنده فساد اولیوب انک بر شیعه توقفی دخی یوقدر . زیلعینک « ظن معتبر نسیانه ملحقدر » دیدیکی مجتهدک ظنیدر که اکا آخرک اجتهدی لازم اولماز . یاخود مصلی بر منوال محرر جاهل بی مذهب بولنور اه و قد تقدمت الإشارة الى هذا فيما تقدم عن عبد الحليم . قالیکه لزوم ترتیبده قیلنان وقتیه لرک هپسنده فائته یی متذکر اولق شرطدر بعضینده اونودوب بعضینده خاطر لارا ایسه عدد مسقطه بلوغ تذکر ایتدیکی صلاندن اعتباراً اولق ظاهردر . نص علیه ط .

ترتیب بوسبيله دخی ساقط اوله رق قیلانان وقتیه صحیح اولور . چونکه مع الیسیان فاتیه ایانه قدرت اولماز . حق جلّ و علا دخی برنفسه آنک قادر اولدیغنی تکلیف ایتمز . برده فاتیه آنک درخاطر اولمامسی سببيله وقتی هنوز موجود اولماش و بناءً علیه وقتیه ایله اجتماع ایتماش دیمکدر .

اوچنجیسی فوائتک کثرتیدر . فوائت کثیر اولماق غیر ازوتر عددأ الییه وارمق ایله اولور (۱) که وظائف وقتیه حدّ تکراره وصول ایله تکرار ایتمش بولنور . بوحالده ترتیبه رعایت مؤدی حـرّاج وکلفت اولور . بوايسه نصاً مدفوعدر . همده ترتیبک اوحالده اشتراطی وقتیه آنک فوت ایلمسنی مؤدی اوله بیلور که بوده حرامدر .

سقوط ترتیبده معتبر اولان التنجی نمازک وقتی حقیقمقدر . فی الصحیح (۲) .

(۱) کَرَک حقیقه الی اولسون ، کَرَک حکماً الی بولسون : برفائنه اوزرندن انی متذکر اولدیغنی حالده بش وقت نماز قیلنهرق کذران اولماق کبی . وتر بو حسابیه ادخال اولتیه جفندن استئنا ایلمشدر . چونکه وترهرنقدر حد ذاتنده لازم الترتیب اولوب یاتسودنی اول قیلماز وفجردن صکرهیه براغاما ايسه ده کثرت فوائتجه بالاتفاق مسقط عد اولماز . امامین حضرتینی وترک سنیتنه فائل اولدقلری جهتله انلرجه مسقط عد اولمامسی ظاهردر . نزد حضرت امامده وتر کرچه فرض عملیدر ولکن وظیفه لبل ونهارک تمامندندر . کثرت ايسه انلر اوزرینه یا من حیث الاوقات ویا من حیث الساعات زائد اولقله در . بولرده ايسه وترک بر وجهله مدخلی یوقدر .

(۲) التنجی نمازک وقتی دخول ایتمک ایله اولدیغنی دخی روایت اولمشدر چونکه بش نماز اوزرینه زائد اولان تکرار حکمنده در . ص .

فوائت کثیرہ ایلہ (۱) وقتیہ آرسندہ ترتیب ساقط اولدیغی
کبی کثیر اولان نفس فوائت آرسندہ کی ترتیب دخی علی الاصح
ساقطدر .

« الساقط لا یعود » یعنی کیدن کیرو کلز قاعده سنه کثیر
اولان فوائت قضا اولنه اولنه قلیل اولمق یعنی عسددجه آزالهرق
الئیدن اقل قالمق ایلہ ترتیب عودت ایتمز (۲) اولدیغی کبی الی
فائتہ قدیمه سی واریسکن یکی بر فائتہ سی دها پبدا اولان کیمسه نك
دخی ترتیب ساقطی عودت ایلز (۳) . (بعضلر علت سقوط

(۱) لا اقل التي وقتلك فائتیه کثیر وانك مادونته قلیل دیبورز .
(۲) اصح اولان بودر . ص . بونك خلافته یعنی فوائت قلته عودت
ایتمکله ترتیبک دخی عودت ایدجکنه قائل اولانلر صاحب بحرك بیانته کوره بونی
عود ساقط قیلندن قیلمیوب بلکه زوال مانع قیلندن قیلمشلردر: حق حضانه کبی که
والده ایچون ثابت اولوبده انك تزوجیله زائل اولدقدن سکره تزوجك زوالیله
ینه اکا عودت ایلر . بو قوله کوره بر آیلق نماز قضای اولوب انلری اودهیه
اودهیه یالکیز بر نمازی قالمش اولانك او نمازی خاطرنده ایکن قیلدیغی وقتیه سی
جائز اولیه جقدر . کما فی العینی . فتوی بونك خلافته در . نسکیم متنده وبوندن
سکره کی هامشده مصرحدر . ابن نجیم مرحوم عدم عودی شوبله تعلیل ایتمشدر:
ساقط تلاشی ایدرك یعنی شیئا فشیئا معدوم اولهرق عودتی احتمال ایتمز اولور
ماء قلیل کبی که تنجس ایدوب اوزرینه ماء جاری داخل اولهرق کثیر وسائل
اولدقدن سکره قلیل قالسه نجس اولهرق عودت، ایتمز .

(۳) فوائت جدیده ایلہ فوائت عتیقه اسقاط ترتیبده مساویدر . اولسکنده
اصحاب ومشایخمک متقدمین ومتأخرینی متفقلردر . ایکنجیده خلاف وارد شوبله که
بر آیلق نمازی قضایه براغهرق وقتیانته اقبال ایتمش اولان کیمسه وقتیه لرینه دخی
پرینی کچبرك او خاطرنده ایکن دیگر وقتیه یی قیلسه بعض متأخرین دیملردر که

کثرت اولوب او ايسه زائل اولمش بولنديغي بيانيله ترتيبك عودتنه قائل اولملردر . ط (١) .

فساد موقوف اولجه دخي افاده ايدليکي وجهله مذهب حضرت امام اولوب متونده مسذکور اولانده اودر . انک موقوف عليهي وقتيله بشه بالغ اولمدين فائمه نك قضا اولتميسيدر .

انی تهاوندن زجرأ بوناژ جائز اولماز . بعضلر جائز اولور ديشملردر . زمانمزه بونکله افتا ايتمک اولادر . زیرا عباداتده تهاون فاشيدر . کما في الکرماني وعليه الفتوى . ايمدی اوتوز صباح نمازی قضا ايدوب صکره دخي اوکلهلری وایکندیلری الخ قضا ايلسه هيسي صحيح اولور ، فوائت بعد الکثره قلته عودت ايتمش اولقله دخي ترتيب عودت ايتمز . تسکيم بر آيلق نمازی قضا ايدوبده يالکمز ير کونلکني قضا ايتمدين وقتيهيه شروع ايتسه وفائتهسي دخي خاطرنده بولنسه شروعي جائز اولور . وعليه الفتوى . بتون فوائتي قضا ايتسه دخي ترتيب عودت ايتمز . لکن مؤلف (صاحب تفايه) وسأرى فوائتک هيسي قضا ايدلش اولق صورتده ترتيبك عودت ايدجکني ذکر ايتملردر . کذا في القهستاني .

(١) ذکر اولان ايکي صورتمده اصح روايتين عدم عودتدره فتوى دخي بونک اوزرينه در . ص . وجهي دخي بودر که بو فائته ايله اشتغال او فوائت اباه اشتغالان اولی دکلدر . هيسيله اشتغاله ايسه فريضه وقتي فوت ايتمک واردر . انرک ديدکلری تهاوندن زجرى دکل ؟، تهاوني مؤدی اولور چونکه تقويت صلاتي اعتقاد ايدوبده نفسنه نکاسل غالب اولش اولان کيمسه : « ترتيب اولماز ايسه جوازه اولماز » ديوا فتا ايدلسه ديگر نمازی دخي تقويت ايدوب هلم جراً فوائت حد کثره وارر . ط . ومثله في المعربلالية .

بوتحقق ايتمدكجه فساد موقوف موقوف علمني بوله ميه رق مندفع اولمغله مستنداً الى اولها نمازلك جمله سي صحيح اولور (١) . نزد امامينده فساد بات (قطعي) دركه هيچ بر شيته متوقف

(١) چونكه صحتدن عبارت اولان حكم كتردن عبارت بولنان علتله افزان ايتمش اولوركه كثر بطريق الاستناد بوجموعك صفتيدر زيرا فاسد متروك حكمنده اولمغله متروكات حكماً التي اولمش اولور . فقيره دفع زكاتي تعجيل ايتمك كي كه انك فرض واقم اولسي نصابك تمام حوله دكين بقاسنه متوقف اولوب نصاب اكسيلارك سنه تمام اولور ايسه اعطاسي تعجيل ايدمش اولان زكات نافله اولمش اولور . حس . حكمك تبين ايدجك حاله كوره برامره توفقنك بشقه نظائري ده واردر : عرفات عودتنده اقشام نمازي قى مزدلفه يولنده قىلان كيمسه نك اقشام نمازي مزدلفه ايندكك نفعه منقلب اولوب ياتسوي قيله جفى وقت انى اعاده ايتمك لازم ايكن طلوع فجر ايله فرض يريني بولمش اولوركه انك فرضيتي قبل الفجر انى عدم اعاده به توقف ايتمش ديمكدر . جمعه اوكله سنى جمعه نمازندن مقدم خانه ده قىلان كيمسه نك صلات ظهري جمعه به چيقما سنه متوقف اولوب جمعه نمازينه چيقمسييله نافله اولمش اولور . صاحب هذرك نماز ايچنده عذرى منقطع اولاق صورته نمازبنك صحتى وقت ثانيده عذرك عودتنده متوقفدركه عذر عودت ايدرس نماز صحيح . وعودت ايتمزه غير صحيح ، در . عادتدن فضله اولان دمك حيض اولسي اون كوني تجاوز ايتماكه متوقف اولمغله عادتي ختام بولديني حاله دمي كيسيله رك غسل ايدوب نماز قيلهش اولان خانونك صحت صلاتي موقوف اولوب اكر دم اون كوني كچر ايسه استجاضه اولديني قين ايتماكه صحت ، واون كوني كچمز ايسه حيض اولديني اكلاشلمغله فساد ، تقرر ايدر . دى عادتدن دون مدينه كيسيله رك غسل ايدوب نماز قيلهش اولان خانونك دخى نمازي دم عودت ايتمك تقديرنده فاسد ، ودم عودت ايتماك تقديرنده صحيح ، در . كما فى شرح السكز للهيى والزيلعى وابن نجيم .

اولیه رق متقرر و غیر زائلدر (۱) او کی مسه او نماز لری یعنی هم او متروکه کی
همه او خاطر نده ایکن انی قضا ایتمیه رک اذا ایتدیکی بش نمازی
قضا ایتمک لازم کلور .

فوائذ ذکر اولانان صورتله الی اولدقده (۲) ترتیب ساقط اولمقله
اندن صکره کی نماز ار اتفاقا صحیحدر .

قالدیکه امامینه کوره فساد بلا توقف اولمقله برابر نزد امام
ابویوسفده رأی حضرت امام وجهله وصف صلاته و نزد امام
محمدده اصل صلاته متعلق اولمق اوزره مختلف فهدرکه امام ثانی
امام اول کبی (علی اختلاف قولها (۳)) نمازک فرضیتی فاسد
اوله رق صلات نافله اولور دییور امام ثالث ایسه نماز اساسندن
باطل اولور دییور . ثمره خلاف قهقهه ایله انتقاض وضوء

(۱) چونکه قلتیله برابر فقدان ترتیبه مبنی فاسد اولان نماز لره علت صحت
اولان کثرنک صکره دن حصولی فائده بخش اولماز . ثبوت علتیه مبنی حکمک
نبوتنده علتک تأثیری انجق مابعدینه در : آو ایچون معلم اولان کتب کبی که انک
تعلمی اوچ کره ترک اکل ایتمسیله ثابت اوله رق اندن صکره طوتدیفی آو صالح
اکل اولور . اندن اول طوتدقارنده او صلاح و حلالیت اوله ماز . کوله سنی بیسم
و شراده کوروب سکوت ایدن اندن صکره کی تصرفی حقنده کوله به دلالة اذن
و یرمش اولور . او تصرفی حقنده دکل . کما فی التبین والدرر .

(۲) سقوط ترتیبده صواب اولان متروکه دن بشقه بش نماز اولمقله اعتبار
اولمقدرکه انکله الی صاییلور . خلافا لما یوهمه ظاهر عبارة بعض القوم من اعتبار
ست سواها . قاله ط .

(۳) اعلم أن ابا یوسف قد وافق الامام فی عدم بطلان أصل الصلاة اذا قضی
الفائتة قبل مضی الخمس وخالفه فی توقف صحتها علی تأخیر قضاء المتروکه الی مضی
الخمس فقال لا تصح فرضیتها ولو أخرها بعد مضیها . ط .

مسئله سنده ظاهر اولور که نزد شیخینده قهقهه داخل صلاتده واقع اولمغله آبدست منتقض اولور . نزد امام محمدده خارج صلاتده واقع اولمغله آبدست منتقض اولماز (۱).

فائته متروکه وتر اولمق دخی فرائضدن بری اولمق کبیرکه صاحب ترتیب اولان کیمسه وتری قیلیدیخی خاطرنده ایکن صباح نمازینی قیلارسه صلات فجر عند الامام موقوفاً فاسد اولور (۲).

فوائت کثیر اولدقده (۳) تراحم فروض و اوقاته (۴) مبنی قضا ایدیلجهک هر نماز : فلان سنه نك فلان آیتك ... نجی فلانجه کوننك اوکله سنی قیلایورم . دیمک کبی محتاج تعیین اولوب بونده ایسه کلفت درکار اولمغله مصلی کندی حقنده تسهیل امر ایتمک ایستدکده « وقتنه يتشوبده قیلهمدیخی ایلک اوکله ی الخ » ویاخود

(۱) قول امام محمد استحقاق ترتیب مسئله سنده متمسک اولان حدیث سابق ايله عجز و درکه امام ارقه سنده فائنه سنی تذکر ایدن کیمسه صلاتنه دوام ايله مأموردر . همده وصفه مختص اولان شی ايله انک بطلانی اصلک بطلانی ایجاب ایتمز : کفارت معسرک صومنده اولدیخی کبی که معسر اولان کیمسه صوم ايله کفارت ایدر ایکن یعنی صیام کفارت مدتک تمامندن اول بساره ایرمک تقدیرنده طوتدیخی اورج کفارت اولماز ایسه ده نافله واقع اولور .

(۲) خلافا لها . لان الوتر واجب عنده فیراعی الترتیب و عندها سنة فلا یراعی اذ لا ترتیب بین الفرائض والسنن اه عینی علی الکفر . وهذا غیر الخلاف الذی نحن بصدده .

(۳) مقصود : مطلق کثرتدر و اوکه مسقط ترتیب اولسون . ط .

(۴) التي هي اسبابها فاختلقت الاسباب كما اختلفت المسببات . ط .

ایسترایسه « صوك اوكله بی الخ » دیو نیت ایلرکه هر قیلشدیه ایلک یاخود صوك قالانی قضا ایتمش اوله رق تعین حاصل اولمش اولور^(۱).
کنزده بوکامخالف اوله رق تعینده حاجت اولدیغی ونیتده « اوزرمده اولان براوکلہ ویا ایاکندی بی قضا ایدیورم » دیمک کافی اولدیغی ذکر اولنمشدر.

ایکی حکمک ایکیسی دخی مصحح اولغله^(۲) اختلاف تصحیح جهتله ایش اتساع ایتمش دیمکدر. والله رؤف رحیم واسع علیم.

فوائذک کمیتمی بیلیمان کیسه اکبر رأیله عمل ایدر. اکر رأی یوق ایسه اوزرنده فائذ قالدیغی تیقن ایدنجه قدر قضا ایدر.
قضاء فوائذ ایله اشتغال ایتمک نوافل قیلقدن اولی واهمدر.
یالکز سنن معروفه مستثنادرکه انلری نیت نقل ایله قیلار^(۳).

(۱) مؤلف مرحوم تعین تاریخه مثال اوله رق بیک الی درت سنه سی جادی الثانیه سنک اون سکرنجی بازار ایرنسی کونی کوسترمشدرکه انده محشینک افاده سی وجهله بو محکک تألیفی تاریخنه اشارت نکهته سی واردر. بو اثر کترک شوکونکی تاریخ تحریری دخی بیک اوچبوزیکرمی بره سنه سی ذی القعدة سنک اون برنجی جمعه کونی صباحیدر. فاطر السماوات والأرض أنت ولی فی الدنیا والاخرة توفی مسلماً والحق بالصالحین.

(۲) بوراده مذکور اولان زیلعینک وکنزده مسذکور اولان زاهدینک تصحیح کرده سیدر. ص.

(۳) محشی مرحوم بونی قدوری شرحی مضمرا تندن نقلاً ذکر ایندیکی صره ده

ديگر نوافله اكا بدل قضاي نيت ايلر (١) .

بر نمازی قیلوب قیلدیغنده شك ایدن کیمسه وقت باقی ايسه اعاده ايدر . زیرا سبب وجوب اولان وقت قائمدر . ادايه ايسه شك واردر . وقت حقیقه قدن صکره شك ایتمش ايسه بر شی لازم کلز . زیرا سبب وجوب کچمشدر . عدم ادا دخی مشکوکدر . مسلمک ظاهر حالی دخی نمازی وقتنده قیلش اولمقددر .

نقصان صلاتده ، مثلاً بر رکعت اکسیک قیلش اولدیغنده شك ایدن کیمسه اگر نمازدن فارغ اولمامش ايسه انی تماملار وهر رکعت آخرنده اوطورر . واکر نمازدن فارغ اولدقدن

صلات ضعی و صلات تسبیحی و اخبار واحادیثده وارد سائر نمازلری ده بومیانه ادخال ایتمشدر . فلینظر ماذا یبقی ؟

(١) هیچ بر نمازی کچیر مامش اولان کیمسه مدت عمری نمازلربنی احتیاطاً قضا ایتسه مکروه اولور دینلدی . مکروه اولماز دخی دینلدی . چونکه سلفدن چوق کیمسه لر انی یابدیلر . افضل اولان او کیمسه درت رکعتلی فرضلرک صوگ ایکی رکعتارنده مم الهاتحه سوره اوقومقددر چونکه من وجه نوافلدن ، فرض اولوق احتماله کوره انک درت رکعتنده دخی ضم سوره ایتمش اولوق نغله واجی ترک ایلمکدن اولادر . وترده قنوت ايدر و اوچنجی رکعتک صوکنده تشهد مقداری اوطورر وبعده دردنجی اولهرق بر رکعت دها قیلار . قیلدیغی وتر ايسه انی قیلش اولور . دکل ايسه درت رکعت نافله قیلش اولور . قنوت وعود اكا ضرر ویرمز . اقشام نمازی ده درت قیلار و اوچ قعده یاپار . بونوع قضای نافله نک مکروه اولدیغی زمانده قیلماق کرکدر اه ط بتقدیم و تأخیر .

صکره شک ایدرسه بر شی لازم کلز (۱) .
معلومدرکه شک بشقه وظن بشقه در . جزمی اولمیان حکم ایکی طرفی
مساوی ایسه شکدر . مساوی اولدیغنه کوره طرف راجحی ظن
وطرف مرجوحی وهمدر .

دار حربده یعنی دیار اجنبیهده مسلم اولوبده احکام شرعیه نی جاهل
اولق جهنیه نماز قیلامش الخ اولان کیمسه جهلی مدتیجه معذور اولورکه
دار اسلامه کلمدیکنده انلری طویوب اوکر نمکه قضا ایتمک لازم کلز .
چونکه خطاب انجق انی بیلکه ویاخود انک دایلی ایله متوجه اولورکه
اوده دار اسلامده بولتمقدر . انده بونلر موجود اولسامشدر .
دار اسلامده شرائع ظاهر وشائع اولمخله بوراده اهتدا ایدن جهنیه
معذور اوله ماز .

جماعت اداده مشرع اولدیغی کی قضاده دخی مشروع اولق واذان
یاخود اقامت اوقتمق مسائلیچون باب اذان و اقامت و امامته مراجعت
اولسون .

(۱) بونوع بعض مسائلی مؤلف سجود سهوآخرنده ذکر ایشمدر . بونلری
عممی مرحوم بگردن نقلایان ایشمدر

﴿ باب ﴾

ادراك فريضة

ادراك فريضة تركيبي مصدر ك مفعول له اضافت يدركه شخصك فرضه يتشمه سي ديمكدر . مقصود فرض اولان نمازی مع الامام قبله يتشمك واومزيتي تحصيل ايلسكدر . چونكه جماعتك منفرد اوزرينه يكرى يدى درجه فائق مزيتى واردر .

بو بابده منفرداً شروع اولسان فرض ايچون جماعت عقد اولنویرر ايسه انى جماعته حاصل ايتمهك كيفيتندن يعنى طريق تحصيلندن بحث اولنه جق ديمكدر .

مسائل باب بوندن عبارت دكل ايسه ده اك مهمى بو اولمق اعتباريله عنوان بحث بو اولمشدر (١) .

بو بابده اصل بودر كه قصداً وبلا عذر (٢) نقض عبادت ايتمك يعنى شروع اولشمش نمازی بوزمق (ولا تبطلوا اعمالكم) قول كريمه بناءً حرام ايسه ده احراز فضيلت جماعت ايچون بوزمق تجديد واصلاح ايچون هدم مسجد ايتمك قبيلندن اوله رق جائزدر . چونكه اونقض صورته نقض ايسه ده معناه اككادر .

(١) يوقسه تنوع مسائل اعتباريله بوباب (مسائل شتى) عنوانه احرازدر . كما قاله السكاه .

(٢) قطع صلاتى موجب ويا مجوز عذر لر اولدينى ماتقدمه ميندر . مثلاً استغاثه ملهوف وتخليص غريق ويا حريق كى برامر مهمه مبنى قطع صلات واجب وحيوان بوشانق وتنجره قاينا يوب طاشمق مثلى أعذاره مبنى قطع صلات جائزدر كما فى الدر .

ایمدی جماعتله نماز قیلنور اولان موضعه بر فرضه منفرداً شروع ایتمش بولسان کیمسه اوراده (۱) اوفرض ایچون جماعت عقد اولنه رق امام افتتاح تکبیرینی آلدقده هنوز سجده ایتماش ایسه همان قطع ایدوب امامه اقتدا ایلر (۲) که بو قطع واقدا مستحیدر . کافی ط علی الدر . اکمال ایچون اولان قطع اکالدر . رکعت دخی هنوز غیر نام اولاق جهتیله محل رفضده درکه براغیله بیلور . نماز قیلماغنه یمین ایدن کیمسه غیر نام بر رکعت قیلوق ایله حانت اولماز (۳) .

هر فرض علی الصحیح . بویله در (۴) فراضک قضاسی دخی اداسی کبیدر .

(۱) بشقه یرده دکل . ص . بو قیده کوره کنندی خانه ده اولوب جماعت مسجدده اقامه اولنوق و یا خود کنندی بر مسجدده بولنوب جماعت دیگر بر مسجدده اقامه ایدملک صورتنده نماز قطع اولنماز . کافی الشرح وغیره . شوراسی وارکه جماعت کنندی فوت ایدن کیمسه به جماعت طای و جماعتک بر مسجد ایله مقید اولماق اوزره وجوبی وقطعک اکمال دیمک اوله جفی . صرح ایکن فرق ظاهر اولماز . قاله ط ولا یذهب علیک ما أراد بالوجوب .

(۲) مؤلف او کیمسه نلک قطع صلاتی قائماً بر سلام ایله اولوق قیدیه تقیید ایتمش ایسه ده قهستانیده و بجم الانهرده قطع مطلق اوله رق مذکور اولمغه سلام ایله اولوب اولمغه و قائماً یا خود را کعاً اولمغه شاملدر . کافی ط .

(۳) چونکه اکا رکعت دینلر . و او محل رفضده اولدیفنددرکه مسبوق انی براغهرق سجود سهوده امامنه متابعت ایدر . بشنجی رکعت قیام ایدن ساهی انی براغوب قعوده عودت ایلر . ط .

(۴) علی قول مصلی ا کر درت رکعتی فرضه طوردهش ایسه صلات جنازه نلک فواتندن خوف ایتمیان متفل کبی بر شفعی اتمام ایتمدن انی قطع ایلر . ص .

نذر متحد دخی فرض کبیدر . نذر مختلف فرض مختلف کبی اولد یغندن
انده اقتدا جائز اوله ماز .

اگر مصلیٰ نیک شروع ایتدیکی نماز نفل ایسه انی ایکی رکعت
تمام لایوب سلام ویرمد کجه قطع ایلر (۱) . مکرکه یا ننده فوانندن
خوف ایتدیکی صلات جنازه اقامت ایدلمش اوله . او حالده نافله سنی
قطع ایدوب صلات جنازه امامه اقتدا ایلر زیرا که انک خلنی یوقدر .
قطع ایتدیکی نفلی ایسه صکره قضا ایلر . و بو صورتله صلات جنازه
ثوابنده دخی بولنمش اولور .

مصلیٰ شروع ایتدیکی فرضک ایلک رکعت سجده سنی ایتمش ایسه
مسئله قیلنن فرضک رباعی و یا غیر رباعی اولسنه کوره مختلف الحکم
بولور . شویله که قیلننه حق فرض درت رکعتلی اولمدیغنه کوره مصلیٰ
قیلدیغی و سجده ایله تماملادیغی ایلک رکعتی هنوز سجده سنی ایتماش
اولق صورتده اولدیغی کبی همان (برسلام ایله) (۲) قطع ایدوب امامه
اقتدا ایلر . چونکه انک شروع ایتدیکی فرض غیر رباعی صباح نمازی

چونکه کندیسنه ایکی فضیلتک جمعی ممکن اولور که او کیسه هم ایکی رکعت
نافله قیلمش و هم جماعته یتشمش بولور . فرضی رباعی ایله تقیید فرض ثنائی و ثلاثیه
رکعتیه اتمام اولنیه جفته مبذر . کما یأتی . أفاده ط .

(۱) درت رکعتلی نفله کوره کرک شفع اولده . کرک شفع ثانیه بولنسون .

(۲) وهذه عبارة المؤلف هنا وفيما مضى . وقد أسمعك ما ذكره المحقق فيما
كتبته وراء هذه الصفحة .

ایسه ایکی رکعتدن عبارت اولدیغنه ومصلى انك بر رکعتی قیلش بولنمق حسبلله بر رکعت ده قیله جق اولسه نماز تمام بوله جغنه مبنی جماعت کندیسنی فوت ایتمش اولور زیرا که فرضی تام اولدندن صکره انك بالافتداء قیله جفی نماز نافله اولوب صباح نمازندن صکره ایسه مطلقاً یعنی کرک منفرداً کرک مع الامام تنفل اولنماز . اقشام نمازی اولدیغنه کوره بر رکعت ده قیله جق اولور ایسه صلات مغربک اکثری قیلنمیش اوله جغنه و اکثر ایچون حکم کل اولدیغنه (۱) مبنی ینه جماعت کندیسنی فوت ایلش اولور . رکعت بتیراء (۲) ایله تنفل دخی صلات فجر دن صکره کی تنفل کبی ممنوع (۳) اولمغله بونده دخی بعده امامه اقتدا ایده مز (۴) . مصلى اکر بولرده ایکنجی رکعت ایچون سجده یه وارمش ایسه قطع ایتمیوب اتمام ایلر . کما فی الملتقی .

قیلنه جق فرض درت رکعتلی اولدیغنه کوره مصلى قیلدیغنی وسجده ایله تماملا دیغنی ایلک رکعتیه انی صیانه بر رکعت ده

(۱) انده شبهه فراغ حاصل اولش دیمکدر . حقیقت فراغ محتمل نقض

اولدیغنی کبی انك شبهه سی دخی محتمل نقض دکلدر . ط .

(۲) بتیراء بتیراء که مصغریدر . بتیراء ایسه منقطع مناسنه اولان ابرک مؤثیدره

دیگردن منقطع اولدیغیچون ایکنجیسی اولیان تک رکعتیه بتیراء تسمیه اولنمشدر .

اه ط موضعا .

(۳) منر ایله مقصود یالکز کراهت دکل ، عدم صحت اولق محتملدر کراهت

اولق دخی محتملدر . ط .

(۴) رکعت رابعه اضافه سنده امامه مخالفت واردر . ص . لکن بو مخالفت

سننه مخالفتدن اخفدر تشکیم محشی سید ابوالسعود کشر حندن تقلا ذکر ایتمش

ومؤلف دخی بو بابک آخر زده بویه سوبله مشدر .

علاوه سیهله تشهد ایدرک سلام ویرر . بعده فضیلت جماعتی اسرار
ایچون فرض قیلجی اوله رق امامه اقتدا ایدر . اولجه منفرداً قیلش
اولدیفی ایکی رکعت نافله اولور .

امام اقامه صلات ایتدیکی وقت (۱) مصلی کندی کندینه ایکی
رکعت قیلش بولنق صورتده دخی حکم بودرکه همان ایفاء تشهد
ایله سلام ویروب مفترض اوله رق امامه اقتدا ایلر . اگر اوچ رکعت
قیلش بولور ایسه کندی نمازینی حکماً لاکثر منفرداً درده
تمام لایوب (۲) بعده ایستر ایسه نافله قیلجی اوله رق امامه اقتدا ایدر (۳) .
هروض رباعیه دن اولان صلات ظهر و صلات عشاء دن صکره
نافله قیلقدده کراحت اولدیفیچون اقتدا افضلدر . صلات
عصر حکم مذکور دن مستثنا درکه ایسه کندی نمازینی قیلدقدن
صکره نافله قیلق منهی اولمعله مصلی انده متغفل اوله رق اقتدا ایتمز .

(۱) اقامه صلات و اقامه جماعت تعبیرندن مقصود قامت آلی دکل ، بالفعل
نمازه طور مقدر . تشکیم بوندن مقدم « افتتاح تکبیرینی آلی » ایله تعبیر اولمشدر .
(انظر الصفحة ٤٧١) .

(۲) امام محمد دن او نماز دردنجی رکعتک قیامی ترک اولنقله نقله منقلب
اولق و نقل ایله فرض بالجماعه ثوابی جمع ایلمک اوزره مصلینک انی اوطوررق
تماملار اولدیفی دخی مرویدر . ص م ط .

(۳) حاوی قدسیدن نقلاً بحر رانقده دیمشدرکه او کیمسه بونافله ایسه
فضیلت جماعته یتشمش اولور . خارج رمضانده جماعتله نافله قیلمه نک کراحتی امام
و جماعت علی سبیل التداعی متغفل بولنق صورتده در اه « فضیلتنه یتشمش اولور »
دیدیکی جماعتدن مقصود نه اولدیفی بیان ایلمدی که فضیلت فرض و یا فضیلت نقل
میدر ؟ فضیلت نقل اولق ظاهر در چونکه فرضی نیت ایلمامشدر . ط .

مصلی فرض رباعینک او چنجنی رکعتنه منفرداً قائم اولوبده انک سجده سنه وار مدین او فرض ایچون جماعت اقامه ایدیلور ایسه همان قائماً بر سلام ایله نمازی قطع ایدر^(۱). یاخود قعوده عودت ایدوب سلامی قاعداً ویرر. وهر ایکی صورتده قیلنان ایکی رکعت فی الاصح^(۲) فاسد اولوب نغله منقلب اولور.

مصلی جمعه نیک سنتنه شروع ایتمش اولوبده خطیب خطبه یه باشلامق^(۳) یاخود سنت ظمیره طوروبده فرض ظاهر ایچون جماعت اقامه اولنمق صورتنده ایکی رکعت قیلوب او طورقدن ونجیات او قودقدن صکره سلام ویرر^(۴) صورت اولاده خطبه یی

(۱) چونسکه قعود تحال ایچوندیر بو ایسه قطعدر . ص .

(۲) سرخسی دیمشدرکه قعوده عودت ایتیز ایسه نماز فساد کیدر زیرا قیلنان ایکی رکعت نغله منقلب اولق ایچون قعود لابدر . اولجه ایفا اولنان قعده ایسه فرض اولهرق واقم اولامشدر . ص . بوکا کوره علی قول تشهدی دخی اعاده ایدر وعلی قول اولکی تشهد اکا کفایت ایلر . و سلامی ایکی وعلی قول بر ویرر . ط . فخر الاسلام ایسه دیمشدرکه اصح اولان او کیمسه امامک نمازینه شروعی نیت ایدرک همان قائماً تسکیر آورکه صلات امامه شروعی ضمننده کندی نمازینک دخی ختمی حاصل اولش اولور . وایستر ایسه سنت شروعی دخی برینه کتورمک اوزره رفم ید ایلر اه . ص بایضاح .

(۳) مؤلفک خروج خطیبدن مقصودی خطیبک بالفعل خطبه ایتیمی دیمک اولدیفی حاشیه ده برفاچ سطار صکره مصرحدر . خطیب منبره متوجهاً برندن حرکت ایتدکدن اعتباراً سنته طورمه نیک کراهتی اوقات مکروهه فصلنده مذکوردر .

(۴) بونده ایکی فضیلت اجتماع ایدجکی ایچون اوجه اولان بودر .

ديکله يوب جمعہ يي قيلدقدن و صورت ثانيه ده ادا فرض ظهر دن صکره سنتي درت رکعت اوله رق قيلار و صوڪ سنتي دخي بشقه جه قيلار . اولجه مشروع فيها اولان نقل بر شفع اوله رق امام ايدلمش اولمق جه تيله بونده اتی ابطال ايتمک دخي بو قدر .

ايکندينک فرضندن صکره نافله قيلقي مکروه اولديغندن صلات عصرک سنت مندوبه مشروع فيماسی فرضک جماعة اقامه اولمسه مبنی بر شفع اوله رق قطع ايدلمش بولنور ايسه انکله اکتفا اولوب ادا فرضندن صکره قضا اولنماز . اما ياتسونک ايلک سنتي بو اقتضايه مبنی فرضندن صکره قضا ايتمه که (١) بر مانع بولنماز . (کايانی في الصفحه ٤٨٠) .

جوامع ومساجدک وضعی جماعة اقامه فروض ايچون اولديغندن (٢) سنلرده اصل اولان انلری اولرده قيلمقدر . سنتي اوده قيله ميه رق جماعة چيتمش اولان کيمسه ايچون سنته شروع اقامه فرضندن اول اولمق حقه ده کی مسائل ذکر اولندی . اقامه فرض سنته شروعدن

بعض فقها انک شروع ايتديکی سنت صلات واحده اولمائه درده تاملانمق لزومنی تصحيح ايتملردر . س . ايسکی فضيلتک بری ايفاء نقل وديکری وجه اکمل اوزره استماع خطبه ويا اداء فريضة جمعه در . مؤايف سنت جمعه حقه ديرده مؤذنلک تلحين ايله اشتغال ايتدکاری صره ده سنتي بر شفعه قصر ايتمکن ايسه اکمال ايلک اولادر زیرا اوزمان استماع خطبه زمانی دکدر اه .

- (١) بولنره قضا اطلاق ايچون مرآة الاصوله مراجعت اولنسون .
- (٢) ولا ينافيه عقد حلق الذکر فيها كصلاة النفل ففي مكروهات المخطاوی على الدر : أن الجهر بالذکر في المجد لا يمنع عنه احترازاً من الدخول تحت قوله تعالى (ومن أظلم ممن منهم مساجد الله أن يذكر فيها اسمه) .

مقدم واقع اولق حقهنده کی مسائله کلهجه ، معتاد اولدیغی و جمعه سنتی دخی جامعهده قیلوق اوزره داخل مسجد اولان کیمسه یا اودرکه امام فرضه شروع ایتمشدر یا خود ایتماشدر . ایتدیکنه کوره مؤذن اقامته یا باشلامشدر یا خود باشلامشدر . مؤذن اقامته باشلامش ایسه او کیمسه سنتی جامعک ایچنده یا خود خارچنده (صولک جماعت یرنده) هر نرده ایستر ایسه قیلار . اگر مؤذنک اقامت آلق زمانی ایسه سنته طور مق مسکروه اولور (١) . بوندن امامک فرضه شروع ایتمش بولنمسی صورتده سنته طور مه نك کراحتی دخی مفهومدر (٢) . امام فرضده ایکن جامعده بولنسان کیمسه فرضدن برشیشتی قوت ایتیمیه چک دخی اولسه جامعک ایچنده سنت قیلوقله اشتغال ایتعیوب همان امامه اقتدا ایلر . جامع خارچنده بولندیغنه کوره قوت رکعت خوفی واریسه ینه اقتدا ایدوب قوت رکعت خوفی اولمادیغی صورتده ایکی فضیلتک یینتی جمع ممکن اولمخله اقتدای سنتی قیلوقدن صکره ایدر .

جامعهده اقامت آلمق اوزره ایکن سنته طور مه نك کراحتندن صباح نمازینک سنتی مستثنادرکه انی اوده قیلوه میهرق جامعه کیرن کیمسه امامی فرضه طور مش دخی بولسه تحیاتده اولسون

(١) چونکه جماعته مخالف کی کوریلور . موضع تهمت ایسه مجتنبدر . ص .

(٢) کراحت موضع وقوف اعتباریه متفاوت اولوب اک شدید صفة مخالط اوله رق طور وب سنت قیلقددر . صف ارقه سننده بلا حائل قیلوق دخی کراحتده انی ولی ایدر . کما فی ط .

یتشهرک فضیلت جماعتی فوت ایتمامک اوزره صفوقدن اوزاق برعاده اوله لا انی قیلار (۱) بعده امامه اقتدا ایدر . « اذا اقيمت الصلاة فلا صلاة الا المكتوبة » حدیثی باب نوافلده مذکور مزایایه مبنی صلات فجرک غیریه محمولدر .

جامعه سنت فجر ایله اشتغال تقدیرنده فرضده امامه یتشمکدن امین اوله ماز ایسه (۲) سنتی ترک ایدوب (۳) امامه اقتدا ایلر . چونکه ثواب جماعت سنت فجر ثوابندن ده اعظمدر (۴) .

افضل اولان انی اوده قیلقدیر زیرا صلی الله تعالی علیه وسلم افندمز حضر تلی انی خانه لرنده قیلارلر و مسجد شریفده قیلارلری خوش کورمز لر ایدی (۵) .

(۱) سنت قیلقی ایچون صفه مخالط و یا خود بلا حائل صب ارقه سنده طور مق مکروهدر . کما فی ط علی الدر وغیره .

(۲) تحیاتده یتشمک دخی کافیدر کما مر . بر رکعتیه یتشمک ایله تقید ایتمز . بو بابده امام محمد ایله شیخین ارسنده اختلاف دخی اولیه رقی او کیمسه فضیلت جماعتی اتفاقا احرارز ایتمش اولور ، امام محمد مخالفتی جمعه نمازنده درکه اندن رکعت ثانیه نکه اقلنه یتشان جمعه به یتشمش اولماز حتی اکا ظهری بنا ایدیه بیلور . أفاده ط .

(۳) ترک ایتمک تعبیریه اکا شروع ایتمامش اولغنی افاده ایلشدیرکه شروع ایتمش یسه انی مطلقا اتمام ایدر چونکه او حالده قطع ، ابطال ایچون اولش اولور . ط .

(۴) چونکه فضیلت جماعت منفرداً قیلنان فرضه بیکرمی یدی درجه فائقدیرکه سنت فجر اودر جائزک برینه بیله بالیم اوله ماز . ص .

(۵) حدیثده وارد اولشدیرکه : سنت فجری خانه سنده قیلانک رزقی توسیم اولنور و کندی ایله اهلی ارسنده امر منازع فیسه قلیل اولور و او کیمسه ایمان ایله ختم عمر ایدر . وصلی الله تعالی علیه وسلم افندمز حضر تلی بیورمشردرکه : کشینک کندی خانه سنده کی نمازی

احب اولان انى ابتداء طلوع فجرده قيلمقدده^(١) چونكه سبب موجود اولمشدر . و فعل نبييه (عليه الصلاة والسلام) اوفق بولنمشدر . على قول قرب فرضده قيلمقددر . چونكه اكا تابعدر .

سنت فجرانچق فرض ايله برابر فوت ايدلمش اولمق صورتنده قميل زواله قدر قضا اولنور . امام محمد طلوع شمسدن صكره وزوالدن اول يالكز دخى قضا اولنور ديمشدر . ديمك كه طلوعدن اول وزوالدن صكره اتفاقا قضا اولناز . على الصحيح . فرضى كرك منفرداً و كرك جماعت ايله قيلش اولسون .

بنم بو مسجدده كي نمازندن افضلدر فرض مستثادر . حالبوكه ديسكر حديث شريفده : بنم بو مسجدده قيلنان بر نمازندن ماعداده قيلنان بيك نمازندن افضلدر مسجد حرام مستثادر مسجد حرامده قيلنان بر نماز بنم مسجدده قيلنان يوز نمازندن وييت مقدسده قيلنان بشيوز نمازندن افضلدر . ببورمشارددر ص . ذكر اولنان حديث شريفه مبنى صاحب هدايه : جميع سنن و نوافله افضل اولان خانه ده قيلنمقددر . ديدى اه مكره عودتنده بشقه شيله اشتغال ايدوب صوك سنتى اونتمق خوى اوله . بعصلر : اوكله نك واقشامك صوك سنتلرينى مسجدده قيلار انلردن ماعداسنى دكل . ديمشارددر . فقيه ابو جعفر بونكله افتا ايتمشدر . ط .

(١) اى مم التخييف كما مر فى النوافل . عشى ديركه ايلك ركتمده بعد الفاتحه سورة كافرونى وابسكنجى ركتمده سورة اخلاصى اوقور . ابو هريره حضرتلرندن بويله روايت اولنمشدر . ركت اولاده الم نشرح سورة سى . و ركت ثانيه ده الم تر سورة سى اوقنورايسه الله كافى اوله جفى روايت كرده امام غزاليدر . بو ايسكى روايتك ايسكىسنى يئنى جم ايدرسه كوزل اولور و امر نقل متسم اولدنيچون جمع مذكوره كراحت دخى اولماز اه .

قبل الظهر اولان سنتی فرضه طورلیدیغی ویا طورلمق اوزره اولدینی ایچون اولجه قیله مامش اولان کیمسه وقتی داخلنده (۱) فی الصحیح قضا ایدر (۲) و قول مفتی به اوزره انی صوڪ سئندن اول قیلار (۳) .
بعضلر فصل واحد فصلیندن اولی اوله جعفرنه وحضرت عائشه نك بوبابده کی بر حدیثنه مبنی (۴) صوڪ سئتك اول قیلنمسنه قائل اولمشلردر.

قبل الجمعة اولان درت رکعت سئتك دخی حکمی قبل الظهر اولان سئتك حکمی کبیدر .

قبل العشاء اولان درت رکعتك بعد العشاء قضا سئنده برمانع یوقدر (۵) . قبل العصر اولان درت رکعت بویله دکلدر که او بعد العصر قیلنمه ماز . (کامر فی الصفحة ۴۷۶) .

(۱) بعض فقها انی فرض ایله برابر فوت ایتمک صورتنده وقتدن صکره دخی قضا ایدر دیملشردر . چونکه نیجه شی واردر که قصداً ثابت اولدینی حالده تبعاً ثابت اولور . کذا فی الشرح اه ط .
(۲) علی قول اصلا قضا ایتمز چونکه اکا مواظبت انجق فرضدن اول اوابق اوزره ثابت اولمشدر . ط .

(۳) چونکه ایلك سنت صوڪ سفته مقدم اولان فرضه، تقدمدر . انك مسئله، زده فرضه تقدمی تعذر ایتمش ایسه ده سفته تقدمی تعذر ایتمشدر . او تقديم اولور، کذا فی شرح الجمع اه ط .

() که حضرت مشارالیهما : علیه الصلاة والسلام افند، زحضر تلری ظهرک ایلك سنتی کندیلرینی فوت ایتدکده انی صوڪ سئندن صکره قیلارلر ایدی، دیملشدر . ص .

(۵) سید ابو السعود کندی شرحنده دیملشدر که مسئله یی درمختاره اولدینی وجهله قبل الظهر وقبل الجمعة اولان سئتلر ایله تقیید قبل العشاء اولان سئندن احتراز ایچونددر چونکه او سنت مندوبه اولدیغیچون

ادراك فضيلت بشقه وادراك جماعت بشقه در . تشهدده دخى امامه
يتشان اتفاقاً فضيلت جماعته يتشمش اولور . حالبوکه درت رکعتلى
فرضك بر وياايكى رکعتنده امامه يتشان بالاتفاق وانك اوچنه وفرض
ثلاثينك ايکيسنه يتشان على الصحيح جماعته يتشمش اولماز .

ثمره يمين صورتنده ظاهر اولورکه انى جماعته قيلمغه يمين ايدنك
صور مذکورده يمينى يرينه کلمش اولماز وجماعته قيلمغه يمين ايدن
يميننده حاث چيقماز .

کرك مقيم ، کرك مسافر وقتك ياخود جماعتك فواتندن امين اولديغى
حاله فرغدن اول نطوع ايدر يعنى سنت مؤکده وغير مؤکده ي
قيلاز (۱) .

وقتك ياخود جماعتك فواتندن امين اولماز ايسه سنت قيلماز
اولديغى کي نجاست قيلمه ي (۲) غسل وازاله ايله اشتغال تقدیرنده
وقتك وياجماعتك فواتندن امين اولماز ايسه اوده غسل ايتمز
چونسه وفته کوره اصل ادایى وجماعته کوره کمال ادایى فوت

اصلاً قضا اولماز . قبل العصر اولان سنت دخى بويله در . بلکه او بعد العصر
تغله کراحت اولدينيچون قضا اولنماغه اولادر امله . لکن مؤلفك «ولا
مانع» قولى بوكاده جواب اولغله ابو السعود المصرينك بو سوزى تفسير الشىء
بما لايرضاه صاحبه قیلندن اولسه کرکدر .

(۱) بشرط كون المسافر تازلاً قاراً آمناً . كما مر فى بابہ .

(۲) كتاب الطهارة به باقكر .

ایتدیویچی شی ایله اشتغال جائز اوله‌ماز (۱). اکر بشقه بر جماعت بوله بیله‌جک ایسه نجاست قلیله‌نی دخی غسل وازاله ایدرک استقبال صلات ایلمک افضلدر. تا که نمازی بالاتفاق صحیح اولسون (۲).

امامه رکوعده یتشوب مشارک اولان کیمسه رکعته یتشمش اولور. رکعتنه یتشمک ایچون شرط: یا قیامک جزء نده ویاخود قیام حکمنده اولان رکوعک جزء نده امامه مشارک اولمقدرد.

جزء قیامده امامه مشارک اولوبده انکله برابر رکوع ایده‌میان کیمسه او رکعته یتشمش، و فقط لاحق اولمش، در. لاحقک حکمی امامه متابعتدن اول تلافی مافات ایتمکدر (۳).

امام رکوعده ایکن یتشوب جزء رکوعده اکا مشارک اولمق کندیسه ممکن ایکن قائماً الدیفی افتتاح تکبیرندن (۴) صکره امام رکوعدن رفع رأس ایدنجه قدر اویالانان مقتدی او رکعته یتشمش دکادر.

(۱) مقصود شرعک اذن ویرمدیکی مفوتدر. یوقسه مفوت جماعت ایله اشتغالک جائز اولدیفی دخی وارددر: نجاست مانعه‌ده وحفر خندق حادثه‌سند اولدیفی کی. ط.

(۲) زیرا امام شافعی حضرتلری نمازک نجاست قلیله ایله دخی فسادن حکم ایدر. ط.

(۳) انی امامک فراهندن صکره‌یه تأخیر ایتمک مکروه‌در. کما بأتی عن المحشی فی الصفحة ۴۸۵

(۴) اکر تکبیری اکیلرک آلوو ورکوعه اقرب بولنور ایسه شروع صحیح اولاز.

اقتدا صحیح ، ورکعت فائت در . او کیسه مسبق اولقله امامك فراغتدن
صکره اورکعتی قیلار^(۱) .

امامه رکوعده یتشمک ایستیان کیسه سنت اولان ثنائی اوقومغه
محتاج اولدیغی کبی^(۲) بری افتتاح و دیگرى رکوع ایچون اولق اوزره
ایکی تکبیر آلمغه دخی محتاج اولماز^(۳) بر تکبیر آلوب انسلکه افتتاحی
دکلده رکوعی نیت ایلسه دخی جائز ونیت لغو اولور^(۴) .

امامه سجدهده یتشمک اورکعتنه یتشمک دکلدر . بناءً علیه
امامی سجدهده بولان کیسه نك همان بالاقتداء سجدهده امامه
مشارکت ایتمسی نمازینه محسوب اولماز . بونسلکه برابر سجودهده
امامه مشارک اولق اکا واجب اولقله او کیسه همان تکبیر

(۱) حضرت ابن عمر دن (رضی الله تعالی عنهما) وارد اولان شیئه بناءً که
حضرت مشار الیه « امام را کع اولدیغی حالده یتشوبده رفع رأس ایتمدین سن
دخی رکوع ایدرسهک او رکعتنه یتشمش اولورسین . سن رکوعه وارمدین امام
رفع رأس ایدرسه او رکعت سنی فوت ایتمش اولور » بیورمشدر . حضرت
ابو هریره نك حدیث آتیسنده دخی : « ومن أدرك الركوع فقد أدرك الركعة »
بیورمشدر اه ط .

(۲) اصح اولان بودرکه امام قراءته شروع ایتمش اولقدن صکره صلات
سریهده دخی سبحانک اوقومق یوقدر . کما فی ط .

(۳) سجود و قعودده امامه یتشان بویله دکلدرکه او کیسه بری افتتاح
و دیگرى انحطاط ایچون اولق اوزره ایکی تکبیر ایدر . وجه فرق دخی احتمالکه
بودر : رکوع قیامه قریب اولدیغیچون افتتاح تکبیری رکوع تکبیردن معنی اوله بیلور
ایسهده انحطاط ایله قیام اوله اولدیغندن انحطاط محتاج تکبیر بولنور . ط .

(۴) نیت رکوع لغو اولقله نیت افتتاح ایچون واقع اولش اولور چونسلکه
غلنده اولان رکن قصد ایله تعیر ایتمز . کذا فی الفتح اه ط .

افتتاحی متعاقب سجده یه اینر (۱) . اگر سجده یه اینمیوب کندی
کندینه رکوع ایتدکن صکره سجده یه وارر و امامه سجوده مشارک
اولور ایسه ایکی سجده ده مشارک اولدیغنه کوره المر نمازینه محسوب
اولدیغی کبی نمازی ده فاسداولماز . اگر یالکزر بر سجده ده امامه مشارک
اولور ایسه نمازی باطل اولور .

بو ایکی صورت بیننده کی فرق شودرکه صورت اولاده انجق بر رکوع
زیاده ایتمش اولورکه انک زیاده سی ضرر ایتمز (۲) . صورت ثانیده
ایسه کنندی باشنه بر رکعت زیاده ایلش اولورکه او مفسددر .

امام نمازده بولندقجه مسبوق اکا مقتدی و متبعدر . انک
قضاء ماسبق ایچون انفرادی انجق امامنک تشمیدن فارغ اولمسندن
صکره در . بنساء علیه امامی قعده "اخیره ده بولوب اکا اقتدا این
کیمسه آیاقده طوررق قیام و قرات رکنلرینی یاپسه انک امامک

(۱) مؤلفک ظاهر افاده سی او کیمسه قصد رکوع ایدوبده رکوع کندیسی
نوت ایتک صورتنده دخی سجوده امامه مشارکتک وجوبیدر . بونی ابوداودک
حضرت ابو هریره دن ذکر ایتدیکی حدیث دخی تأیید ایدرکه حضرت رسول
الله صلی الله تعالی علیه وسلم ائندمز: سز نمازه کلوب بزی سجوده بولورسه کر
همان سجده ایدکر وانی برنی (یعنی نمازکزه محسوب) عد ایتیکز رکوع
یتشان رکعته یتشمش اولور . بیورمشاردر اه سجده یه وارمیهرق توقف ایدوب
امام سجده دن قالدقدن صکره اقتدا وبقیه " صلاتده متابعت ایتمش اولانک دخی
نمازی صحیحدر . امامک فراغندن صکره قضاء مافات ایدر . ط .

(۲) ضرر فساد ایله ضرر ایتمز دیمکدر یوقسه امامه بعد الاقتداء اندن
انفراد دیمک اولمقله مکروه اولور . ط .

تشهددن فارغ اولسندن اول اولان قیام و قرائتی معتبر اولماز .

مقتدی امامدن اول رکوع ایدر ، وانک رکوعی امامک نماز جائز اوله جق قدر قراءتندن (۱) صکره واقع اولور ، وامام دخی رکوعده اکا یتشور ایسه انک رکوعی وجود مشارکته مبنی صحیح وجود مسابقته مبنی مکروه اولور .

بویله اولماز ایسه یعنی یا امام رکوعده اکا یتشمز ایسه و یا خود نماز جائز اوله جق قدر قراءت ایتامش ایسه او کیسه نک رکوعی او ائندن اول اولدیغیچون صحیح اولماز . بناءً علیه امامک رکوعندن صکره بر رکوع ده ایتمک اکالایم اولور (۲) اگر بر رکوع ده ایتمیه رک نمازی اوله جه قیلوب بیتورر ایسه صلاتی باطل اولور .

امامدن اول سجده به واران مقتدی اگر سجده به امام رکوعدن رفع رأس ایتدکدن صکره وارمش وامام دخی سجده ده اکا یتشوب مشارک اولمش ایسه انک سجودی صحیح (فقط مکروه) اولور .

اگر امام سجده ده اکا یتشوب مشارک اوله ماز ایسه

(۱) وهو آیه . ص . أى عند الامام الاعظم . ط .

(۲) او رکوعی امامه متابعتدن اول ایدر زیرا که لاحقدر . اگر امامک نمازدن فراغه دکن انی تأخیر ایدر سه او دخی صحیح و لکن مکروه اولور . فتکیم حکم لاحق بودر . بوندن صکره مذکور اولان سجود مسئله سنده دخی بویله سویلتور . ط . وهذا ما وعد مجيئه عن المحشي في هامش الصفحة ۴۸۴ .

مقتديك سجودی اوانندن اولديغیچون صحیح اولمیوب انك لاحق صفتيله برسجده دها ایتمتسی لازم ایکن اوسجده بی ایتمه رك نمازینی اویله جه قیلوب بیتورر ایسه صلاتی صحیح اولدیغی کبی (۱) امام رکوعدن رفع رأس ایتزدن اول مقتدی سجده ایتمش اولمق صورتده دخی امام ابوحنیفه حضرتلر ندن اوسجودك کافی اوله میه جفی روایت اولنمشدر . چونکه اوسجود امام حقنده اوانندن اول اولدیغی کبی مقتدی ا کاتب اولمق جهتيله انك حقنده دخی اوانندن اولدر (۲) .

امام سجده بی اوزاتمق صورتده مقتدی سجده دن قالقوب امامی ساجد بولمقله (ایکنجی سجده ده ظن ایدرك) ینه سجده به وارسه سجده ٬ ثانیه بی وامامه متابعتی نیت ایتمش اولورسه سجده ٬ اولایی نیت ایتمك (۳) ویاخود هیچ برایتی اولماق صورتلرنده

(۱) زدته علی المؤلف مما به علیه المحشی فیما نقلته عنه فی الهامش الذی قبل هذا .

(۲) محشی دیرکه رکوع مسئله سنه قیاساً سجود مذکور دخی کافی اولور . چونکه او مسئله ده انك رکوعی دخی امام قراءتدن هنوز فارغ اولدیغی جهتيله انك حقنده اوانندن اول اولدیغی حالده معتبر اولمش ایدی . روایت مذکور به اعتبار ایدر ایسه انك صلاتنك دخی بطلانته حکم ایدرز . برده اوروایت حضرت امامدن مشهور اولانه موافق کلمزکه رکوعدن رفع رأس ایتمك سقتدر . امام انی ترك ایتسه هر قدر او ان مسنونندن اول سجود ایلش اولور ایسه ده نمازی قاسد اولماز . بونك مقتضایی مقتدی حقنده دخی بویله دینلکدر اه .

(۳) امامك اولدیغی سجده بی نیت ایتمك دخی بویله در . ط .

اولدیغی کبی جانب متابعتی ترجیحاً انک او سجده سی سجده اولادن اولور . (و صکره بر سجده دها ایتمک لازم کلور) . واکر یالکیز سجده ثانیه یی نیت ایلرسه سجده سی سجده ثانیه اولوب بو حالده امام (سجده اولاسندن رفع رأس ایدوب سجده ثانیه یه وارمقله) اکا او سجده ده مسرک (و مشارک) اولور ایسه سجده صحت بولور (۱) والا انی اعاده ایدر . اکر اعاده اینمز ایسه رکوع مسئله سننده اولدیغی کبی نمازی فساد کیدر . ط .

حاصل مسئله : امام برنجی سجده ده ایکن مقتدی ایکی سجده ایتسه انک ایکنجی سجده سی سجده ثانیه صلوات اوله رق کند یسیچون کافی اولماز (۲) .

(۱) امام رکوع دن رفع رأس ایتدن مقتدی سجده یه وارمق مسئله سننده او سجودک کافی اولیه خفی حقنده امام اعظم حضرت تدرندن کچن روایت کوره مقتدینک بوسجده سی دخی هر تقدیر امام انده کند یسنه یتشوب مشارک اولش اواسه ده اوانندن اول ایداش اولایغندن کافی اولماق لازم کلور . ص .

(۲) درمختارده بویله ذکر اوانوب : تمامی خلاصه ده در . دینلش اولایغندن طحطاوی مرحوم خلاصه ده اولانی بحدن فلا شویله جه ذکر ایتمشدر : مقتدی قبل الامام سجده دن رفع رأس ایدوب امام سجده یی اوزاقش اولغله مقتدی انی ایکنجی سجده ده ظن ایدرک ایکنجی سجده یه وارسه و حالبوکه امام برنجی سجده ده اولسه اکر مقتدی متابعت امامی و یا خود امامک بولندیغی سجده یی و یا سجده اولانی نیت ایتش ایسه جائز اولور : واکر سجده ثانیه یی نیت ایلش و حالبوکه امام سجده اولاده اولغله اندن رفع رأس ایدوب ایکنجی سجده یه وارد قده جبهه سی یره وضع ایقمدین مقتدی ایکنجی سجده دن رفع رأس ایتش بولور ایسه مقتدینک سجده سی جائز اولماز واکا او سجده یی اعاده ایتمک لازم کلور . اعاده ایتما یسه نمازی فاسد اولور .

باب الاذان آخریده ذکر اولندیغی اوزره جامعده ایسکن اذان اوقندقدن یعنی نماز وقتی اولدقدن صکره نمازی قیلدین چیقماق « لا یخرج من المسجد بعد النداء الامنافی اورجل یخرج لحاجة یرید الرجوع » حدیثنه مبنی تحریماً مکروهدر . مکرکه جامع دیکرک امامی ویاہؤذنی کبی جماعت اخرا ی اقامه ایدیچی برکیمسه اوله (۱) .

اذان اوقندیغنده جامعده بولنان کیمسه نمازی منفرداً قیلوب چیقمارسه داعی حقہ اجابت ایتمش دیمک اولمغله انک خروجی مکروه اولماز . شوقدرکه اوکیمسه ترک جماعت کراہتندہ بولنمش اولور . اگر انک خروجندن اول اقامه جماعت ایدلمش اولور ایسه نماز صلات ظهر وعشاء اولدیغنه کوره خروج ینہ مکروه اولور . چونسکه انلرده متنهلاً امامه اقتدا ممکن ایسکن ایریلوب چیقماقده خارجیلر وشیعیلر کبی جماعته مخالفتله اتهام اولنور . حدیث شریفده ایسه جناب اللہ و آخرته ایمان ایدن مواضع تہمتده طور مسون بیورلمشدر . اقتدا ایتمیوب اوطور مق دخی

(۱) انک خروجی سورة ترک ایسه ده تحصیل مزید ثواب ایچون اولدیغندل معنی تکمیل دیمک اولمغله مکروه اولماز . محشینک بیانه کوره مؤلف شرح کیرده مسجد آخرک امامی اولقی تعبیرنده کبی امامی انک غیبتنده جماعتک طاغیله جفی امام اولقی اوزره تقييد ایتمشدر . قید مذکورک مفادی او منزلده اولیان امامک چیقماقسیدر . ظاهر اولان : مؤذن دخی اگر غیبتنده بشقه سی انک مقامنه قائم اولقده ایسه انک دخی خروجی مکروه اولقندر . حکم مسئلهده جامعده ایکن اذان اوقتمش اولقی ایلہ بعد الاذان جامعہ کیرلمش بولنمق بینده فرق دخی یوقدر . مفهوم حدیث اکا دخی متناولدر اه .

مخالفت جماعته مبنی خروج کی مکروهدر . صباح وایکندی واقشام نماز لری ایکی اولسکیلردن صکره نفلک واقشام نمازنده امامه مخالفتک کراهتنه مبنی بویله دکلدیرکه انلرده تنفلاً اقتدا اولنه‌ماز (۱) .

بر نمازدن صکره انک مثلی بر نماز قیلنماز .

بو مال لفظ حدیثدرکه : « لا یصلی بعد صلاة مثلها » بیورلمشدر .

حدیث مذکورک معناسی طلب اجر ایچون اعاده صلاتدن نهیدر . مجرد توهم فساد مبنی دفع وسوسه ایچون اعاده صلاتدن نهیدردخی دینلدی . علی قول حدیث مذکور جوامع ومساجده هیئت اولی اوزره یعنی اذان واقامت ایله تسکرار جماعتدن ویاخود قیلنلنده خلل اولمق خوفنه مبنی اعاده فرائضدن نهیدر .

(۱) کرچه صلات مغربدن صکره تنفل جائزدر ولسکن نک رکعتلی نافله بو قدر . اقتدا صورتنده انی درده تماملامقده ایسه امامه مخالفت واردر . لکن بو مخالفت بعد الفراغ اولغله مغتفر اولدیفندن مقیمک مسافره اقتداسی صورتنده اولدیغی کی مقتدی انی درده تماملار ورکعت رابعه‌ده مسبوق کی بولنور . امام ایله برابر سلام ویرمک تقدیرنده نمازک فسادی دخی روایت اولنمشدر . وواحالده انی درت رکعت اولهرق قضاایدر . چونسکه اوچ رکعتده اقتداسی سببيله اونمازا کالازم اولمشدر . تسکیم اوچ رکعت نذر ابدنه درت رکعت قیلقی لازم کلور . ص مم ط .

انک بروجہ مذکور جوامعدہ تکرار جماعتدن نہی اولمغلہ محمول
اولمی اظہردر (۱) .

(۱) کتب حدیثہ وارددرکہ پیغمبر علیہ الصلاة والسلام افتدیر
حضرنلری انصار کرامدن بر جماعتک ارہلرنده حادث اولان براختلانک
ازالہ سیچون خروجلرندن عودتلرنده نمازی اولبابده سبق ابدن امرلری
وجہلہ جماعۃ ادا ایداش بولملریلہ مسجد شریف نبویلرینہ دکل ازواج
طاہرہلرندن برینک خانہسنہ دخول وانارلہ عقد جماعت ایدوب قیلہشلردر .
جامعدہ تکرار جماعتک وجہ کراہتی تقلیل جماعتی مؤدی اولقدیر . چونکہ
ناس کندیلرینی جماعت فوت ایدجکی بیلورلری ایسہ استعجال ایدوب
چوغالورلر . والا تأخر ایدرار . مؤلف نہی مذکور ہیئت اولی اوزرہ
اولق قیدیلہ تقیید ایتمشدرکہ طوغریسیدہ اودر . اذان واقامت اولتاق
ومحرابدن عدول اولتیق ایلہ ہیئت اولی تغیر ایتمش اولور . الی البوم
معتاد اولانده بودر . درمختارده : « اذان واقامت ایلہ تکرار جماعت
علہ مسجدندہ مکروہ اولور . جادہ جامعندہ ویاخود امامی ومؤذنی اولبال
مسجددہ مکروہ اولماز . » دیو مذکوردر .

(باب)

سجود سهو

سجود السهو ترکیبی شیتک سبینه اضافتیدر (١) مقصود جنس سجود در که سجده تینه شاملدر (٢) .

بوابك مسائلی سجود سهو ك حقیقتنه ، صفت شرعیه سنه ، شرطنه ، ثبوتنه ، کیفیتنه ، حکمنه ، موجبنه ، محلنه ، سقوطنه متعلق اولق اوزره متنوعدر (٣) . سهو ایدنه ساهی دییه جکز .

(١) سهو وغفلت سببیه اولان سجود دیعکدر . مؤلف کی حکم سبینه اضافتی دیانلر سجود حکم اولدیغندن طولانی یا کشاردر . مکرکه حکم محکوم به معناسنه اوله . محشی دیرکه برشی برشیته اضافه ایدلکده اصل اولان مضاف الیه مضافه سبب اولقدردر . مکرکه خلافه دلیل قائم اوله : صدقه فطر وحجة الاسلام کی که بولدرده کی اضافت شرطه در . برنجیسی شرط وجوب وایکنجیسی شرط سختدراهم صدقه نک فطره اضافتده وجه دیگر دخی وارددر . کتاب الصومده مذکوردر .

(٢) بابك اكا اضافتی جفس ایچوندر . عهد ایچون اولق دخی محتملدر . معهود اولان دخی وارد اولان سجده تیندر . ط . سجده سهو دینلما سنك نسکتیه سی ظاهر اولشددر .

سهو ایله نسیان ذکرك ضدیدر که شیتی عند الحاجة استحضار ایدهمامکدن عبارتدر وعند الفقهاء من حيث الحكم برذر . بینارنده من حيث المفهوم فرق وارددر که نسیان اوتتمق دیمك اولدیغیچون شیتک ذهنده بعد الحضور عزوب وغیوبتیدر . سهو ایسه یا کلمق دیمك اولدیغندن انسانك بیلدیکی شیده اولور بیلدیکی شیده دخی اوله بیلور . کافی الجوهره والبحر .

(٣) مؤلف نماز انواعندن و انلرك صور ادا و قضا سندن فارغ اولقله جابر نقصانی بیانه شروع ایتمش و فقط مسائلی تشتیت ایلمش

سجود سهو ك حقیقتی : ایکی سجده و تحیات و سلامدن عبارت اولوب نمازده سهودن نشأت ایدن نقصانك جابریدر . جبر و اكالم جنس كسر و نقصانندن اولمق اصل اولوب باب حجده مالك مدخلى اولمق جهتيله آنك نقصانى دم ايله منجبر اولمقده و نمازك نقصانى آنده مالك مدخلى اولماق جهتيله جنس صلاتدن اولان شى ايله جبر اولمقدهدر .

سجود سهو ك صفت شرعیه سی : وجوبدر . كه سجود سهو نقصان سهوى يه مبنى مطلق صلات ایچون (١) واجبدر . زیرا بر فائتك ضما نیدر . ضمان فائت ایسه انجق واجب اولور (٢) . سئندن مواظبت سنیه نبویه و صحابه و آنسكه امره دائر اولان احادیث صحیحه دخی دلیل وجوبدر (٣) . سجود سهو ك وجوباً و صحةً شرطی : سهواً متروك اولان شى واجب اولمق و سجود سهو شروط صلات ايله تأدیه اولمق و ادا اولمق بر ركن خاطرده ایكن نمازدن سلام ویرلمش اولیوب

اولدیغندن بز انلری تنویم و ترتیب ایتمشدر . جمعه و عیدین کبی بقیه انواع صلاته سجود سهو تعلق ایتسهده ساقط اولور . تنكیم بیانی كلور .
(١) یعنی آنك فرض اولان نمازله و یا انلك اداسنه اختصاصی یوقدر .

(٢) چونكه فائت اولان شى وجوب ايله موصوفدر . ط . انك بدلیده واجب اولور . تعبیر دیگر ايله سجود سهو نمازده تمکن ایدن نقصانك رفیع چون مشروع اولمقله انك رفعیده واجب اولور . كما فی البحر .
(٣) چونكه امرده اصل اولان وجوب ایچون اولمقدر . قاله ابن نجیم علی قول سجود سهو سئندر . تشهد و سلام کبی واجباری رفع و ابطال ایتسی دخی انك وجه وجوبدر . قاله المؤلف .

اڪ صڪره يه براغلق وبعد السلام كلام وانحراف عن القبلة کي مانع بنا اولان شي طاري اولماق ووقت ناقص کير مامکدر (۱) .
سجود سهوڪ ثبوتی : هم قول رسول وهم فعل رسول ايله در .

ياسائلي عن رسول الله كيف سهها والسهو من كل قلب غافل لاه قد غاب عن كل شيء سره فسهها عما سوى الله في التعظيم لله
سجود سهوڪ کيفيتی : يکديکرنندن برجلسه ايله منفصل ايسکي سجده دن و تحيات وسلامدن عبارت اولوب نمازک صوکننده جالسا اجرا اولنورکه سلامی متعاقب الله اکبر ديو سجده يه واريلور و ايسکيجي سجده دن صڪره تحيات او قنوب سلام ويريلور (۲) .
سجده لرك ايسکيسي واجب اولديغي کي (۳) تحيات وسلام دخي واجب و وضع رأس و رفع رأس اثناسنده کي تسکير لر و سجود ده کي تسبيح لر (۴) بين السجدين اولان جلسه کي سندر . تحيات دن

(۱) سلامی سجود سهو قصديله ويرمک انک شرطندن دکلدور . قطم صلات قصديله ويريلان سلامدن صڪره دخي مانم بنا اولدقجه سجود سهو اولته ييلور .
کما يأتی .
(۲) نمازک سلامنه سلام صلاتی و بونک سلامنه سلام سهوي تعبير اولنور .
قہستانی .

(۳) يالکيز بر سجده ايدن واجبي يرينه کتورمش اولماز . سهووا ايسه برشي لازم کلميوپ عمدأ ايسه کنه سکار اولور . ط .
(۴) سبحان ربی الاعلی دن عبارتدر که افلی نمازده اولديغي کي اوچ کره در .
عشيتک افاده سنه کوره بمضاردن سجود سهوده « سبحان من لا ينالم ولا يسهو » دينلک مندوب اولديغي منقول اولوب حاله مناسب اولمله بونی مهلي سجده تسبيح لرندن صڪره زياده ايلک کر کدر .

صکره صلوات ودعا اوقنورسه آنلر قعدہ* صلاتده اولدیغی کبی سنت اولور (۱) .

سجود سهوک حکمی : سهواً متروک اولان واجبی جابر اولمقدر .
عمداً متروک اولان واجبی سجود سهو جابر اوله ناز . چونکه
عمد اقوادر . اقوی ایسه اضغفک جابر یله منجبر اولماز . بناءً علیه
عمداً ترک واجبه مصلی سجود سهو ایتمز (۲) انجیق کندیسی
کنهسکار اولوب حقنده تغلیظ اولق اوزره نمازی جبر نقصانی
ایچون اعاده ایتمک اکا واجب اولور (۳) .

فرض برنجی نمازایله ساقط اولوب ایکنجی نماز آتی مکمل
اولمش اولور ، علی قول ایکنجی صلات فرض اولمغنه مسقط اولان
اودر .

سجود سهو عمداً متروک اولان واجبی جابر اوله مدیغی کبی نه

(۱) در مختارده صلوات ودعائک قعدہ* صلاتده اوقنمسی مختار اولدیغی
ذکر اولوب . علی قول انلرک هرایکی قعدده دخ اوقنمسی احتیاطدر ،
دینلمشدر اه .

(۲) علی قول اوچ مسئله مستثنادر که انلرده سجود اولنور : قعود اولی
عمداً ترک ، بر رکعتک ایکی سجده سندن برینی مابعدینه عمداً تأخیر ، بررکن
مقدارندن مشغول اوله جق قدر عمداً تفکر . ص .
بونلره شونلر دخی زیاده ایکیلور : قعدہ* اولاده عمداً صلوات اوقومق ،
عمداً ترک فاتحه ایتمک . ط .

نفر الاسلام البدیعی : عمد ایله سجود سهو نصل واجب اولور ؟ سؤالنه :
« او سجود سهو دکل ، سجود عذر در . » جوابی ویرمشدر . ص .
واقم اولان شیدن اعتذار ایچون ایکیلان سجود دیمکدر . ط .
(۳) اگر اعاده ایتمیه رک وقت چیقار ایسه نماز کراحت تحریمیه ایله ساقط
اولمش اولور . معتمد اولان بودر .

عمداً و نه سهواً متروك اولان فرضی دخی جابر اوله مازچو نسكه فرضك تركی صفت صلاته دكل ، اصل صلاته عائد بر نقصان اولدیغندن آنك سجود سهو ایله جبر و اكالی ممكن اوله ماز .
ترك سنت سببيله نماز علی الاطلاق نقصان ایله وصفلماز اولدیغندن اكاده سجود سهو ترتب ایتمز .

سجود سهو ك موجی : سهواً ترك واجبدر (١) . تأخیر فرض دخی ترك واجب جمله سندندر . (واجبات صلات بحثنه باقكز .)
موجبنك تكرر ایله سجود سهو تكرر ایتمز . مثلاً سهواً ترك فاتحه و ركوع و سجوده ترك اطمئنان و ترك قعده اولی و آنده تحیات اوزرینه ولو ساكت اوله رق بر ركن ادا ایدجك مقدار زیاده ایله اوچنجی ركعتیه قیامی تأخیر ایتمك صورتیله سجود سهو ك اسبابی تكرر و تنوع ایتمسه دخی واجب اولان ینه بر سجود سهو در بالاجماع (٢)
سجود سهوده سهواً ایدن دخی سجود سهوی تكرر ایتمز (٣) .

-
- (١) مؤلف دبركه ترك واجب تقدیم و یا تأخیر یا خود زیاده و یا نقصان ایله اولور اه فاتحه دن اول سهواً سوره اوقومق تقدیم و یا تأخیردر . فرض غیر ثنائیده ركعت ثالثه ك بعد التحیات تأخیری زیاده ایله درأ تحیانك و وتره كوره قنوتك تركی نقصاندر . محشی تفصیل صور ایتمشدر .
- (٢) سبب سجود كرك بر جنسدف، كرك ایكی جنسدن اولسون مصلییه ایكی سجوده دف (یعنی بر سجود سهودن) زیاده سی لازم اولماز . ط . سجود سهو ك صور تكراری محلك ذكرنده مذکوردر .
- (٣) مجرده بویه مذکوردر . مضمرا تده دشمشدر كه سجود سهوده سهو ایدن كیمسه تحری ایله عمل ایدر تسلیل لازم كلامك ایچون اكاً سجود سهو

سجود سهو ك تخلي : شرطنده مذکور اولديغى اوزره صلاتك
آخريدير . حتى كنديسنه سجود سهو لازم اولان مصلی آنى
نمازينك صوكننده اجرادن صكره كندينك صلي ويا تلاوى بر
سجده متروكهسى اولديغى خاطر لاسه آنى قضا و سجود سهوى اعاده
ايدر (١)

سجود سهوده سنت اولان آنى بعد السلام يامقدر (٢) . سلام
واحد ايله اکتفا اولنوركه صاغ طرفه ويريلان سلامى متعاقب سجده
واريلور (٣) .

واجب اولار . همده متبوعده مغتفر اوليان تابعده مغتفر اولور .
حكيدركه امام محمد حضرتلى كندى تيزه زادهسى اولان امام كسائى به :
فقه ايله نچون اشتغال ايتمزسين ؟ سؤالى ايتدكده كسائى : بر علمى محكم ييل
سائر علومه مهتدى اولور . جوابى ويرمكه امام محمد حضرتلى : بن سكا نه
مسائلندن بر مسئله اقا ايده يده سن بكا انك جوابى نمودن بول . ديوب شو
سؤالى ايتمشدى : سجود سهوده سهو ايده نه ديرسين ؟ امام كسائى
براز دوشونوب : اكا سجود سهو لازم اولار ديمشدر امام محمد حضرتلى :
سن بو جوابى علم نجوك هانكى باندن استخراج ايتدك ؟ ديدكده امام كسائى :
المصغر لا يصغر باندن . ديكده امام محمد حضرتلى كسائى فطننده تعجب
ايلشدر . متأخرين اصطلاحنجه صرف مسائلندن اولان شيلره دخى اصطلاح
مقدمينجه نحو اطلاق اولنور ايدى . بزم (المنتخب فى تعليم لغة العرب) ك
مقدمه سنى اوقويكز .

(١) « مسبوق كې دكل ، بونده حقيقه و حكماً واحد اولان نمازده سجود
سهو تكرر ايتمش اولدى » ديلمسون زيرا كه بو تكرار دكل ، بلكه اولسكى
سجود مخلنده واقم اولديغىچون مرتقم اولان قعود اخيمى اعاده قيبلىندى .
كما فى ط .

(٢) بونك وجوبنه قائل اولان دخى واردر . كما فى س .

(٣) وبو اعدل اقوالدركه قبل السلام اولاق ايله بعد السلامين اولاق

نماز دن ايلك سلام ايله تحليل حاصل اوله رق آندن صكره كي قهقهه نقص وضوء ايتمديكي كي آندن صكره مصلی يه اقتدا دخي صحيح اولماز ايسه ده نمازده كنديسنه سجود سهر لازم اولان كيمسه نك ختام صلاتنده سلام ويرسي آني عند الشیخین نماز دن خروج موقوف ايله اخراج ایتمش اولور كه او كيمسه سجود سهری ایدرسه نماز عودت ایتمش بولور . ایتمز ايسه عودت ایتمش اولماز . كافي الدر مع ط .

فعلي هذا اوزرنده سجود سهر اولان كيمسه سلام ويرديكنده بری كنديسنه اقتدا ايله سهر ایدن كيمسه سجود سهرینی ایضا ایدرايسه مقتديك اقتداسی صحيح اولور (١) اكر ساهی سهریچون سجود ایتمز ايسه اكا اقتدا صحيح اولماز (٢) . امام محمد ايله امام

حقنده كي ايكي قول ديكر ك متوسط ايدر . منلا خسروك بياننه كوره منفرد ايچون مختار اولان ايكي ، امام ايچون بر سلام ويرلك اولديفته قائل اولانده واردر اه اونودلماق اوزره احتياط ايچون اصمن واحسن اولان سلام واحد ايله اکتفادر . سلام قطع ايله سهری فرق ايچون انی او كه ويرر ديپانده اولمش ايسه ده معروف اولان صاغه ويرمكدر . وانكله تحليل حاصل اولوب ديكرينه حاجتده اولماز . خصوصاً كه سلام ثانی تحت عد اولنه رق آندن صكره سجود سهر ساقط اولور ديپانده اولمشدر . كافي الدر .

(١) چونكه ساهينك نماز دن خروجی قطعی اوليوب موقوف اولديغيچون او كيمسه حرمت صلاته عودت ایتمش ديكمدر . مقتدی دخي سجود سهرده اكا متابعت ايدر . وهرقدر او سجود مقتدی ايچون خلال صلاتنده واقم اولمش ايسه ده امامی ايچون محنده واقم اولديفتن انی ختام صلاتنده مقتدی اعاده ایتمز . ص .

(٢) چونكه او ساهی سلام ايله نمازینه ختام ويروب سجود سهره وارماق له عند الشیخین نماز دن انك خروجی تحقق ایتمش اولور . ص .

زفر ایچون خلاف واردر (۱) .

امامه سجود سهو ائناسنده وحقى انك تشهدنده اقتدا صحیحدر .
 سهوك ایکنجی سجده سنده امامه اقتدا ایتمش اولان انك ایلك
 سجده سنی و تشهدنده اقتدا ایدن انك ایکی سجده سنی قضا ایتمز (۲) .
 نافله نك هر شفعی مستقل بر نماز (اولوب حقى درت رکعتی
 اولاننك قعدہ اولاسندن سهو ایدلک صورتنده تماماً قالقلش
 اولسه بيسله قعدہ یه عودت لازم) ایسهده سجود سهوك موضعی
 نمازك اك صوکی اولدیغندن بر تحریمه ایله درت رکعت نافله
 قیسله حق اولان کیمسه انك ایلك شفعنده سهو ایدرسه سجود
 سهوی قعدہ اولاده ایتمیوب قعدہ اخیره دن صکره یه تأخیر ایدر
 تا که سجود سهو وسط صلاتده واقع اولمش اولسون . شاید
 شفع اولدمکی سهو یچون انك قعدہ سنده سجود ایدرسه اکا شفع
 ثانینی بنا ایدمز . چونکه بسلا ضروره بنا (۳) سجود سهوی
 وسط صلاتده واقع قیسله رق لغو و ابطال ایدر (۴) اگر بنا

- (۱) که انلر : جابر وار ایکن سامی سلام ویرمکله نمازدن چیقمش اولار
 سجود سهو ایتمسهده اکا اقتدا اولتور . دیدیلر کما فی ط علی الدر .
 انلرجه صحت اقتدانك ثمره سی قهقهه ایله انقاض وضوء مسئله سنده ظاهر
 اولور که امام محمد وزفر عندلرنده آبدست بوزیلور . شیخین عندنده بوزلاز .
 حرمت صلات قهقهه سببيله فوت ایدلمش اولدیغندن سجود سهو انلرک جله سی
 عندنده ساقط اولور اه ط من حاشیتیه .
 (۲) مسبوق امامی کندیسنه سجود سهو لازم کلمش ایکن ایتمش اوله ییلور .
 (۳) اما مسافرك مسئله آتیه سنده اولدیغنی کبی ضرورت موجود اولورسا
 صحت صلات ایچون بنا تعین ایدر . ط .
 (۴) ابطال واجب ایسه جائز اوله نماز . مکرکه انك تصحیحی صلات

ايدرسه تحریمه باقی اولدیغیچون بنا مع السکراهة التحریمة صحیح اولوب
سجود سهوی اوکیسه قول مختارده اعاده ایلر (۱) .

بو بایده فرض دخی نقل کبیدر . کما فی الدر .

انیق مسافر بولنان کیسه درت رکعتلی فرضی ایکی قیلوب سهو
ایدرك سجود سهو ایلدکدن صکره اقامتی نیت ایلک صورتده کندیسنه
اتمام لازم اولمغله فرضی تصحیح ایچون (بلا کراهه) بناو اوسبیله سجود
سهوی خلال صلاتده واقع اوله رق باطل اولدیغیچون اعاده ایلر (۲) .

سجود سهوک سقوطی شرطنده بیسان اولدیغی اوزره وقت ناقص
کیرمک و یا خود مانع بنا بولنمق ایله در : صباح نمازنده بعد السلام کونش
طوغمقله وایکندی نمازنده کونش تغیر ایتمش اولمقله سجود سهو
ساقط اولدیغی کبی هانکی نماز اولورسه اولسون بعد السلام عمداً
ایقاع حدث ایتمک وضحک یا خود کلام ویا اکل ویا خود شرب یا خود
انحراف عن القبلة مثلی منافی صلات و مانع بنا ایش ایشله مک ایله دخی
سجود سهو ساقط اولور . چونکه شرط صحت فائت اولمشدر .

مسافر مسئله آیه سنده اولدیغی کبی مافوق اولان فرضک نقصی مستلزم اوله .
طهلی الدر .

(۱) طاری اولان بنایه مبنی اولبی سجود باطل اولدیغندن اصح اولانده
بودر . س . علی قولہ انی اعاده ایتمز زیرا او سجود سهو حین وقوعنده
جائز اوله رق واقم اولمغله معتدبه اولشن اولور . ط .

(۲) چونکه اگر نیت اقامت سببیله کندیسنه اتمام لازم اولدیغی حالده
بنا و اتمام ایتامشن اولسه فرضی باطل اولور . واجب اولان سجود سهوی ابطال
ایسه ابطال فرضدن اهورندر . ایکی بلیهیه مبتلی اولان انلرک محظوراً اقلنی اختیار
ایدر . ط .

جمعه و بیرام نماز لرنده کثرت جماعت سببيله (۱) قارشقلغی موجب اولماق و ازوم متابعت رأینده اولانه کوره (۲) جماعتدن متابعت ایتیمیا نلرک نماز لری فساد و ارماق ایچون امام سجود سهوی اجرا ایتمز (۳) مقتدی امامه متابعت اولمغله اودخی ایتمز . ط .

سلامی سجود سهو قصدیه و یرمک الیک شرطندن اولمدیغندن نمازی قطع و سجود سهوی ترک قصدیه سلام و یرمک سجود سهو مانع دکلدر . مصلی سلامی قطع صلات عزمیه و یرسه بیه مانع بنا برایشده بولنمدقجه سهویچون سجود ایدر . چونکه مشروعک تغیرینی نیت فعله کلمدکجه انی ابطال ایتمز . سلام دخی ذکر دن عبارت اولمق جمعیله انسکه نیت عمله اقتران ایتمش اولماز . عمل عد اولندیغنه کوره دخی لابد اولان بر عملدرکه آنسز سجود سهو تمکن اولنماز . حرمت صلات باقی دیمکدر (۴) .

اوزنده سجده صلیبه کبی بر فرض بولنان مصلینک او

(۱) وانی مرحوم حاشیه دررده بو سببتدن عدم سجود کثرت جماعت ابه مقید اولوب جماعت کثیر اولماز ایسه داعی ترک اولان تشویش بولنمیه جفی جهته ظاهر اولان سجود اولنقدر معناسنی اخذ ایتمشدر . فاله ط .

(۲) عدم لزوم متابعت رأینده اولانی ذکر ایتمدکلری جهته بو کلامک بنجه مفهومی یوقدر .

(۳) ایدرسه ظاهر اولان بودرکه تنزیهاً مکروه اولور . عات محرره کراهنک تحریمیه اولسنی مشعر ایسه ده کراحت تحریمیه دکلدر چونکه بعضر : اجرا ایدر . دیشلردر فتأمل اه ط .

(۴) مانع بنا اولان شیلر تحریمیه یی ابطال ایتدیکچون مانع سجود سهودر . علی قول قبله دن تحول مسجوددن چیقلمدقجه یاخود تکلم اولنمدقجه سجود سهو مانع اولماز . ص .

خاطر نده ايكن عمدأ سلام ويرمى نمازىنى مبطلدر . چونكه
اوسلام مسئله* سابقه دهكى كې حقيقت صلاتك تمامندن صكره
دكل ، بلكه فرائض صلات اړه سنده وحق صلاتده واقع اولمشد .
درت ويا اوچ ركعتلى فرض قيلان كيمنسه ولوكه فرض عملى
اولان وتر اولسون نمازىنى اتمام ايتمش اولمق توهميله سلام ويروېده
نمازه منافي برشيدده بولنمدين هنوز ايكي ركعت قيلمش اولديغنى وياخود
ركعات عددأ نام ايسه ده بر سجده* صليبه ويا نلاويه سى قالمش بولنديغنى
خاطر لاسه حرمت صلاتك بقاسنه مېنى نمازه بلا تحريمه عودت ايدوب
نقصاننى اكال ايدرك نمازىنى اتمام وبهده سهو ايچون سجودايلر (١) .

(كندىنى مسافر ويا قيلديغى ظهري جمعه وعشايى تراويح ظميله
سلام ويرمك بويله دكلدر . تشكيم مفسدات صلاتده ذكر اولمشددر .)
متروكنى تيقن ايتمك ايچون سلام ويرميه رك دوشونوب تيقن
ايله اتمام صلاته قيام ايدك صورتنده اكر تشهيددن (٢) زائد
اولان زمان تفسكرى بركن ادا ايدمك قدر (٣) امتداد ايتمش
اولور ايسه اوچنجى ركعتيه قيام ايتمك واجېنى (وقعده* اخيره اولديغنه

(١) محشينك بياته كوره سجده* صليبهك تركى مسئلهسى سلامك سهواً
ويرمش اولميله مقيددركه سلام سهواً اوللاز ايسه مفسددر . اما متروك سجده*
نلاويه اولديغنه كوره عمدأ ويريلان سسلام ايله ساقط اولغله معلى اكا عودت
ايتمز وفساد دخى اوللاز اه .

(٢) كرك قعوداولك وكرك قعودثانينك تشهيدى اولسون ، كركسه صلوات
وادعيه دن قبل الفراغ ويا بعدالفراغ بولسون . ط :

(٣) ركن مع سفته معتبردركه اوده اوچ تسبيح ايله مقدردر . كفا فى ط .

کوره سلام واجبی ط (تاخیر ایلمش اولدیغندن طولانی سجود سهو
ایتمک اکا واجب اولور (۱) . او قدر امتداد ایتماش ایسه اوتفسکر
معفو اولدیغندن سجود سهو لازم کلمز .

مقتدی کندی سهوینه مبنی سجود ایتمز (۲) امامنک سهوینه مبنی
ولوکه انا بعد السهو اقتدا ایتمش بولنسون مع الامام سجود سهو ایدر .
مسبوق اولان مقتدی متابعتی ملتزم بولندیغی ایچون امامنک سهوینه
مبنی انکله برابر سجود سهو ایدر . و سجود سهوده امام ایله برابر سلام
و یرمیوب (۳) سلام امامدن صکره مسبوق اولدیغی رکعتی قضا الیر .

(۱) سبق حدث صورتنده اوچ یاخود درت رکعت قیلش اولسی
حقنده کندینک شکلی تجدید وضوءدن اومقدار مشغول ایتمک تقدیرنده
دخی سجود سهو لازم اولور . ط .
(۲) کلامده شوکا اشارت واردرکه لاحق دخی حکماً مقتدی اولقله
قضا ایتدیکی شیده سهو ایدرسه سجود ایلمز . ط . چونکه مقتدی کندی
سهو ایچون (مثلاً قعده* اولاده تحیاته صلوات ضم ایتدیکیچون یاخود قعده*
اولادن سهواً قیام ایدوب طوغرلدقندن صکره قعوده عودت ایلدیکیچون)
کندی کندینه قبل السلام سجده ایدرسه امامه مخالفت ایتمش اولور . امام
کندیسه متابعت ایتمه اساس تابعیت بوزیلور . ص .
بعد السلام دخی سلام امام سببیه نمازدن چیقلمش اولور چونکه اولسلام
اوزرنده سهو اولمیان کیمسه نك عمداً اولان سلامیدر . ط علی الدر .
(۳) اگر عمداً سلام ویررسه نمازی فاسد اولور . سهواً سلام ویررسه
فاسد اولیوب سلامی امام ایله برابر ویا اندن اول ویرمش اولدیغنه کوره
سجود سهو دخی لازم کلمز . بونده ظهور علتیه مبنی نماز سلامی دخی

امام مسافره مقتدی بولنان مقیم دخی بوبابده مسبوق کبیدر (۱) که اکا سجود سهو کزومی اصحدر (۲) .

لاحق اولان مقتدی سجود سهوده امامه متابعت ایتمیوب کندی نمازنی تلافی مافات ایله اتمام ایلدکدن صکره سهو امامیچون سجود ایدر . سجودی امامیله برابر ایدر سه محلتک غیریده واقع اولدیغیچون اوسجود اکافی اولماز . اوزرنده اولانی قضا ایتدکدن صکره اتی اعاده ایلمک لازم کلور (۳) .

صلات خوفده طائفه اولی لاحق و طائفه ثانیه مسبوق بولنور تشکیم بابنده بیان اولنور .

سجود سهو سلامی کبیدر که مسبوقک مع الامام و یا قبل الامام ویردیکی سلام نماز سلامی دخی اولسه سجود سهو لازم اولماز . سجود سهوده امامدن صکره سلام ویرمش ایسه سجود سهو لازم اولور زیرامنفرد اولمشدر . بونده نماز سلامی سجود سهو سلامی کی دکادر چونکه امامک نماز سلامندن صکره مقتدی سهو سلام ویرکله اکا سجود سهو لازم اولماز زیرا سجود سهو امام ایله برابر وارمقله اقتدایه عودت ایلمش اولور مقتدی به ایسه سجود سهو یوقدر . (۱) چونکه حکماً منفرد اولمشدر . ص . یعنی انک مقتدی کی امام ایله برابر نمازده بولندیغی قدردر . ط .

(۲) مؤلف بوبابده صلاة المسافر بابنده ذکر ایتدیکنک غیری سويله مشدرکه اوراده مسافره اقتدا ایدن مقیماره سجود سهو یوقدر دیمشیدی . اصحدر تعبیرندن بو خصوصده ایکی قول اولدیغی و هربری برابده ذکر اولندیغی اکلا شیلور که محشی دخی : وهو اصح الروایتین و صححه فی البدائم . دیمشدر اه دیمک که خلف مسافرده اولان مقیم بر قوله کوره مسبوق و بر قوله کوره لاحق کبیدر . کما فی الدر . لاحق کبیدر دیانلر بلاقراعه امام صلاتی دلیل طوتمشدر . کما فی طعلی الدر .

(۳) نمازی فاسد دخی اولماز زیرا حال اقتداده اوکیسه انجق ایکی سجده زیاده ایتمش اولور . ص .

مسبوق قضاء ماسبق ائناسنده سهو ایدر سه ینه سجود سهو ایدر .
انک امام ایله برابر ایتدیکی سجده کندیسنه کافی اولماز . سجود سهو
بر نمازده تکراری ، مشروع اولدیغی حالده مسبوقک نمازی حکماً ایکی
نماز کی اولق اعتباریله در . چونکه مسبوق امامه یتشدیکی رکعتده
مقتدی وقضاء ماسبقده منهدر در . بو ایکی اعتبار ایله انک نمازی
ایکی نماز کی اولشدر .

مسبوق سجود سهوده امامنه متابعت ایتمیوب همان قضاء ماسبقه
قیام ایلهش ایدر سه نمازینک صدوکنده ایتدیکی سجود سهو اکا کافی
اولور . چونکه تحریمه متحد اولغله نمازک جمله سی صلات واحده کی
عد اولنور . کافی ط علی الدر .

مسبوق امامنک سهوینه مبنی برابرجه سجود ایده بیلک
ایچون اکا لائق اولان امامک اوزرنده سجود سهو اولوب اولدیغی
بیلجهک قدر مکث ایلکدرکه بوده امام ایکنجی سلامی ویرمک
اولور (۱) .

مسبوق ایچون اخف ضررینی ارتکاب قبیلهندن اوله رق مواضع
آتیهدده مقدار تشهد قعوددن صکره سلام امامه منتظر اولمیوب قضاء
ماسبقه قیام ایتک وارد: مدت مسحک کنذرائندن قورقتی ، صاحب عذر
وجهه و بیرام وصباح نماز ارنی فیلانیه کوره خروج وقت خوفنده اولق ،
اوکنندن مرور وقوع بولمقدن قورقتی (۲)

(۱) علی الاصح . ط . ا کر مکث ایتمیوب قالقار ایسه کراحت تجربه
ایله مکروه اولور . تنسکیم آخرسنن صلانده ذکر اولنشدر .

(۲) عشی دیرکه مرورناس ضرورتندن ماعدا اولان صورتلرک

امام ياخود مفرد بوانان كيمسه (١) فرضك (٢) ولو كه فرض عملي اولان وتر اولسون قعده اولاسندن سهو ايدر يعني آني اونودرق قيامه طاورانور ايسه (٣) تماماً طوغرلمش اولمده قجه (٤) ظاهر روايتده وجوباً قعوده عودت ايدر ودر ختارده مصرح اولديغي اوزره قول اصحده سجود سهو لازم كلمز. اكر تماماً طوغرلمش اولور ايسه فريضه قيام ايله مشغول ديمك اولديغندن قعوده عودت ايتميوب ترك واجبه مبني ختام صلاتده سجود سهو ايدر ..

(بو صورتده قعوده عودتي فرض اولميان شي ايچون فرض رفض اولنش اولديغنه مبني مفسد صلات عد ايدنلر اولمش ايسه ده عدم فساد ارجحدر چونكه قعوده يه عودتك غايتي نمازده بر قيام زياده ايدلمش اولمقدر ، گرچه بوحلال دكلدر (٥) ولسكن مغل صحت دخي دكلدر (٦))

هيسده « مسبوق قيام ايتمز ايسه نماز فاسد اولور » دينيله جكندن مقتضاي مسئله قيامك جائز اولسي دكل ، واجب اولسيدر . فليحرر اه سنن صلات آخرنده كنديسي دخي بو مسائلي : وقد يباح القيام الخ ديرك ذكر ايتميشدي فلي نظر .

(١) مقتدي اولانك حكمي كله جكدري . ط .

(٢) نافله نك حكمي دخي كله جكدري . ط .

(٣) قعده اولايي عمداً ترك ايدنك حكمني مؤاف بان ايتما مشدركه قعوده عودت ايدر مي ايتزمي ؟ قعده اخيره ده عمذك حكمني آتياً بيان ايتمشدر . ط .

(٤) يني كرك قعوده اقرب اولسون ، كرك يلى منحنى اولديغي حالده قيامه اقرب بولسون . كما في ط . بخلاف قول صاحبي الهداية والكنز علي ما حكاه المؤلف فان فيه التفصيل .

(٥) لكونه زاد فيها ماليس منها . ط .

(٦) چونكه بر ركعتك مادوني زياده ايتمك نمازي افساد ايتمز

مقتدی بولنان کیمسه قعدہ اولادن سموا یدرسه آنک حکمی متنفلك
حکمی کیمدرکه قالفوب تماماً طوغرلمش اولسه بیله مقتدی حکم متابعته
ومتنفل قیلدیغی نافله نك^(۱) هر شفعی مستقل بر صلات اولدیغنه مبنی
قعوده عودت ایدر^(۲) .

تمازك قعود اخیرندن یعنی فرض اولان صوك قعدہ سندن^(۳) سمو
ایدوب زائد رکعتہ قیام ایتمش بولنان کیمسه تماماً طوغرلمش دخی
اولسه او رکعتی رکوع وسجود ایله تماملامش اولدقجه ترك ایدوب

ودیفیله بیلورکه او کیمسه بعد القیام قعوده عودتی کندنی نمازینی احکام ایچون
یاغش اولدیغندن انك زیاده قیامدن مبارت اوله رق حاصل اولان نقص فعلی اکمال
ایچون حصوله کلش بر نقص اولغله حلال اولماق بیله مسلم دکلدر . أفاده المؤلف .

(۱) عشی دبرکه مؤلف نفلی اطلاق ایتمش اولغله کلام سنت مؤکدهیه
وسائریه عام اولمشدر اه لکن نفلك هر شفعی مستقل بر صلات اولماق دلیلی شو
مقدمه نك انضمامیله نام اوله بیلور: « علی حدة اولان هر تمازك قعدہ سی ایسه فرضدر .
فریضه قیامك رفضی فریضه قعود مکانی ایچون اولغله رکعت ثلثه سجده ایله
تقیید اولمدقجه جائز اولور . » بو مقدمه ایسه منظور فیها در چونکه قعود غیر
اخیرك فرض اولماق احتمالی ده واردر اولماق احتمالی ده واردر . فرض اولسی اجرا
اولنسی صورتده در . اجرا اولنماسی صورتنده واجبدرکه او قعود ترك
اولنهرق بر شفع بنا ایدیلورسه نماز فاسد اولماز . أفاده ط .

(۲) طحطاوینك در حاشیه سنده کی تصویرینه کوره امام بعد التشهد رکعت
ثالثیه قیام ایتمش اولدقه ارقه سنده کیلردن تشهدی اونودرق برابرجه قیام
ایدنلر دخی قعوده عودت و تشهدی قراعت ایدوب بعده امامه متابعت ایلدک کرکدره
(۳) لیشمل مافیه قعدہ واحده کالفجر . أفاده ط فی حاشییه .

قعوده عودت ايله تحياتی او قور و تأخير فرض ایتمش اولدیغندن طولانی (۱) سجود سهو ایدر . بونده فرض ايله نفل برذر (۲) .

قعودك بر مقدار نندن سهو ایتك مثلاً نصف تحیات قدر او طور ووب قالقمق دخی تمامندن سهو ك ایتك کبیر . کما فی الدر مع ط (۳) .

اگر قعوده عودت ایتمه رك ركعت زائده نی سجده ايله تقیید ایدر یعنی اور ركعتك ركوع و سجودینی كرك عامداً و كرك ناسیاً ایفا ایلر ایسه (۴) فرضی نغله منقلب اولور (۵) و آرتق دیلر سه او طور ووب سلام

(۱) أشار به الى الرد على من قال ان الميب ترك واجب السلام لانه لم يؤخره عن محله لانه بعد القعود ولم يقعد اه ط على الدر .

(۲) عمد دخی سهو کبیر . شوقدر كه عمدده انسان کبکار اولوب نماز اعاده ايله و سهوده سجود سهو ايله منجبر اولور . ط .

(۳) و مقدار تشهد قعودك دفعه واحده اولسی شرط اولدیغندن آخر صلاتده براز قعوددن صکره قیام و قعوده عودت ایدوب براز او طور دقدن صکره ینه قیام و قعوده عودت و صکره ینه قیام و عودت ايله مقدار تشهد قعود بو صورتله تمام بولسه صحیح اولور . ص .

(۴) ركعتی سجده ايله تقییدك معناسی بو اولدیغنی طحطاوی مرحوم در مختار حاشیه سنده و بوراده ذکر ایدوب : ركوع ایتمه رك سجده و وارمش اولور سه قعوده عودت ایدر زیرا ركعتك مادونی عمل رفضده اولغله او سجوده اعتبار اولنماز . دیمشدر اه جماعته اعتبار امامه در . حتی امام قبل السجود قعودیه عودت ایدوب جماعت انی بیلمیه رك سجده و وارسه لر نمازلی فاسد اولماز . چونكه امامك قعوده عودت ایتمه سیله ركوعی مرتفض اولدقده جماعتك ركوعلی دخی اكا تبعاً مرتفض اولور . بو حالحه انلر بر سجده زیاده ایتمش اولورلر كه اوده متممداً اولدقجه مفسد دکلدر . اگر امام سجده و وارمش اولور سه مقتدی مدرك و یاه سبونی اولسون قعوده عودت ایتسه ده ایتسه ده انك نمازی فاسد اولور . قاله المحشی .

(۵) عدم وصف عدم موصوفی استلزام ایتدیکی چون اصل صلات مفتی به

ویردک من غیر قصد تک رکعتی بر نافله قیلش اولور و دیلرسه بر رکعت دها ضم ایدرک تام رکعتی بر نافله قیلش بولور . قصد شروع ایتمش اولدیغی جهتله او نافله نی تماملامق اکا لازم دکل ، منسوب اولور .

صلات عصر دخی اولسه ضم رکعت ایده بیلور . چونکه قیلدیغی عصر نفلہ منقلب اولدیغیچون انی ادایه بورجلی قالدیغندن قبل العصر بر نافله قیلش اولورکه انک قصداً قیلنمسنده بیله کراحت یوقدر . من غیر قصد اولاننده کراحت اولماسی اولویتدهدر .

صلات مغرب رکعت زائده سببیلہ درت اوله جغندن انده ضمه حاجت اولمیوب زیاده مذکورہ صلات فجرده وقوع بولور ایسه اکا دردنجی بر رکعت ضم ایدیلہ بیلور .

کرك ضمی و كرك ضمسن قیلنمش اولان بو نماز لر نافله اولمغله فرض لر یکیدن قیلنور .

کرچه طلوع فجر دن صکره صلات فجرک سننندن بشقه نافله

اولان قول شیخین اوزره باطل اولماز . مبدأ بطلان بو خصوصده فتوی ایچون مختار اولان قول امام محمد اوزره سجده دن رفع رأس ایتک زمانیدر . امام ابویوسفجه بطلان سجده یه وضع جبهه ایتمکلهدر . بو خلافک ثمره سی وضع جبهه حالنده سبق حدث وقوع بولمق صورتنده ظاهر اولورکه مصلی امام محمد کوره علی شرطه تجدید وضوء دن صکره نمازینه بنا وقعوده عودت ایله فرضنی تدارک ایده بیلور زیرا انک عندنده تمام رکعت سجوددن رفع رأس ایتمکله اولوب او ایسه حاصل اولماس ایلدیغندن بطلان تحقق ایدهمز . وهو المفتی به . امام ابویوسفه کوره فرض اوله رق بنا ایدهمز چونکه وضع جبهه ایتمکله وصف صلاتی فاسد اولشدور .

قیلمق وغروب شمسدن صکره صلات مغربدن اول نافله قیلمق
مکروهدر و لکن بولر کندیلرینه شروع قصدی اولدیغندن صلات
فجرک رکعت زائدهسته عدم ضم و صلات مغربک رکعت زائدهسته
بلا حاجه ضم صورتلرندهکی تک رکعتلر کی مکروه دکدر . بر رکعت
تهجد قیلمغی متعاقب طلوع فجر وقوع بولمق صورتنده اولدیغی کی که
انی مصلی چفت اولهرق بلا کراهه انمام ایدر .

ذکر اولئان ضملرده مصلی ترک قعود ایتمش اولمسندن طولانی
فی الاصح سجود سهو دخی ایتمز . چونکه فساد ایله حصوله کلان
نقصان سجود ایله منجبر اولماز (۱) .

اگر مقدار تشهد قعود اخیردن صکره رکعت زائدهیه قالقمش

(۱) ضم حالنده او مصلی به بر کیمسه اقتدا ایدوب بعده قطع و افساد ایلمسه
درت رکعتلی اولان نمازله کوره او کیمسه به الی رکعت اوده مک لازم کلور
زیرا بو تحریمه ایله نأدیه اولان او ایدی . مقتدی به اولان ساهیدن انک سقوطی
(یعنی مضمون اولماسی) ظنه (یعنی ساهیا شروع ایدلمش اولمق عارضنه) مبنی
ایدی . مقتدی حقنده اوطن موجود اولدی . انک اقتدا سندن صکره مقتدی
بهک (رکعت زائده بی سجده ایله تقیید ایتمیه رک ط) قعوده عودت ایتمش اولمسی
صورتی بونک خلافتنه درکه انده مقتدی به درت رکعت قیلمق لازم اولور . چونکه
مقتدی به قعوده عودت ایتمکله رکعت زائدهیه قیام ایتمش کی عد اولنور . ص .
عشی دیرکه مؤاف درت رکعتلی اولیان نمازلردن سکوت ایتمشدرکه اوده
صلات فجر ومغربدر بوکا قیاساً انلرده دردت رکعت لازم اولقندر اه امام محمد
بعد السجده صلاتک باصلها بطلاننه قائل اولقله اکا کوره قضا متصور اولیه جفتندن
بو مسئله قول شیخین اوزرهدر . کما فی البحر .

ایسه ولوکه عمدأ قیام وقرامت ورکوع ایتمش اولسون قعوده عودت ایدوب تحیات ااعاده ایتمیه رک سلام ویرر (۱) چونکه بررکعتک مادونی ترک اولنه بیلور . قائماً دخی سلام ویرسه اولور شوقدرکه ترک سنت ایتمش بولنور . چونکه صلات مطلقه عذر اولدیغی حالده سنت اولان قاعدأ سلام ویرمکدر .

قعود اخیردن صکره رکعت زائده یه قیام ایدن امام اولدیغنه کوره جماعت اکا اتباع ایتمیوب قعوداً منتظر اولورلر چونکه بدعتده اتباع یوقدر . اگر رکعت زائده سنی سبده ایله تقییدن اول قعوده عودت ایلر ایسه جماعت سلامده اکا متابعت ایدر یعنی بکله یوب برلرکده سلام ویرر . واکر رکعت زائده سنی سبده ایله تقیید ایتمش اولورسه جماعت انی بکله میوب درحال سلام ویرر .

قعود اخیر موجود اولدیغی ایچون اندن صکره حاصل اولان رکعتک سجده ایله مقید اولمسی فرضی ابطال ایتمز . اوکیسه رکعت زائده سنه بر رکعت دهه ضم وعلاوه ایدر (۲) تا که ایکی رکعت

(۱) زیرا تحیات قیام ایله باطل اولامشدر . ناطی : انی اعاده ایدر دیمشدر . ص .
(۲) ضم مذکور استعجابأدر . علی قول وجوبأدر . ص . استعجابی اولقی ظاهر درکه قطعنه قضا ترتب ایتمز . محل خلاف وقت کراحت اولماقی صورتنده اولقی کرکدر اگر وقت کراحت ایسه ضم مذکور نه مندوب ونه واجب اولیوب : مکروه اولورمی ؟ اصح اولان بودرکه مکروه ده اولماز . وعلیه الفتوی . ط . اوکله وایکندی ویاتسو نمازلینه کوره ضم ایدیلرک رکعت التنجی و اقشام نمازینه کوره بشنجی و صباح نمازینه کوره دردنجی اولور . تنکیم در مختارده مصرحدر .

کندیسیچون نافله اولمش اولسون .

سلامی تأخیر ابتدکیچون ذکر اولنان صورتلرک ایکیسندده

ایکندی و صباح نماز لریک دخی مساواة ذکرندن اکلاشیلان بودرکه ضمک مشروعینی خصوصنده اوقات مکروهه ایله اوقات غیر مکروهه ارسنده فرق اولدینی کی صلات عصر ایله صلات فجر ارسنده دخی ضمک عدم کراهتنجه فرق یوقدر . کما فی رد المحتار . بوندن اولکی مسئلهده یعنی قعدہ آخره اونودلق صورتنده «دیلر سه» قیدی اخذ ایدلرکی حالده بو مسئلهده قید مذکورک اخذ و اعتبار اندامسی بوضم اوضمن مؤکد اولدیندندر . چونکه بو مسئلهده مصلینک فرضی قعدہ آخره نک تحقیق سببیه تام اولوب رکعت زائده سیچون سجده ایتمکله فاسد اولدیندن شروع ایتدیکی نقلی نصابنه ابلاغ ایلیه رک سلام ویردکن صکره سجود سهر ایلر بوندن اولکی مسئله پویه اولیوب آنده فرضیت قالدیفیچون نقصانی تدارک ده دخی حاجت اولاز . بوکا بناء اوصورتده سجود سهر دخی لازم کلامز . کما فی الدرر والدر وارد . بو مسئلهده کی یکی رکعت زائده ائناسنده اوکیمسره بری اقتدا ایتسه امام محمد عندنده نمازیفی الی رکعتہ تاملار چونکه تحریمه منقطع اولاشدر انکله تأدیہ اولنان ایسه الی رکعتدر . وعند الشیخین یکی رکعت قیلار چونکه مقتدی به کندیکن فرضدن خروجی مستحکم اولفله او یکی رکعتہ مستقل تحریمه ایله باشلامش کی اولشدر زیرا که فرضک تحریمه سی فله انتقال سببیه منقطع اولشدر مقتدی مذکور نمازیفی افساد ایتسه امام محمد عندنده انک مقتدی به کی کندیسنه قضا لازم اولاز . شیخین عندنده یکی رکعت قضا ایدر . فتوی دخی بونک اوزینه در . ص . لزوم سنده مصحح اولال دخی قول امام محمد در . ط .

اقتدام مسئله سنده دخی بو صورت ایله بوندن اولکی صورتک فرق واردرکه بو صورتده مفترض اقتداسی مفترضک متنقله اقتداسی دیمک اولدیفیچون صحیح اولیوب بوندن اولکی صورتده ایسه مقتدی به رکعت زائده یی سجده ایله تقیید ایتدکجه فرضدن خروج ایتمش اولماقی جهتیه صحیحدر . کما فی البحر .

یعنی کړک رکعت زائده دن قعوده عودت وکړک رکعت زائده بی سجده ايله تقييد صورتنده سجود سمو ایدر .

نافله اولان او ايکي رکعت زائده قول صحيحده فرضک صوک سنتي مقامنه قائم اولماز . چونکه اکا مستقل تحریمه ايله مواظبت اولنه کلبشدر .

(فصل)

بر نمازك اكمالندن اول انك عدد ركعاتنده شك ايتمك يعنى اوچ ويا ايكي قيلديغنى كسديره مامك مصليجه معتاد حكمنده اولنديغنه كوره اونمازى ابطال ايدر . مترتب ذمتى اولان صلاتى مصلى بروجّه يقين اسقاطه قادر اولديغنه وحديث شريفده « اذا شك أحدكم فى صلاته أنه كم صلى ؟ فليستقبل الصلاة » بيورلدیغنه مبنی اوکیمسه نمازینی یکیدن قیلار . تنکیم وقت باقى ایکن نمازى قیلوب قیلدیغنده شك ایدن اونمازى قیلار (۱) .

صلاتك اكمالندن صكره اولان شك اعتبار يوقدر . بناءً عليه مصلی سلام ويردكدن وياخود قعده اخيره ده تحيياتى او قودقندن ياخود اوقويه حق قدر او طور دقندن صكره عدد ركعاتنده شك ايدرسه انك حالى صلاحه يعنى اتمام صلاتنه حملاً اوشكى معتبر اولماز و برشى ا كالازم كلز . مكره تركى متيقن اوله . او حالده متروكنى اتمام ايدر .

شك مذکور معتاد درجه ي بولور يعنى مصلى به كثير الوقوع اولور ايسه اوکیمسه باخصوص موسوس بولنديغنه كوره دفعاً للخرج اعاده صلات ايله مكلف اولميوب تحرى ايدر (۲) كه

(۱) وتنکیم برکون وبر کيجه لك نمازلردن برينك تركنى يقن ايدوبده تعيننده شك ايليان کيمسه عهددن يقيناً خروج ايتمك ايجون برکون وبر کيجه لك نمازلرى قضا ايلر . کذا فى الفتح اه ط .

(۲) تحرى : طلب اخرى ايتمكدن . اخرى دخى رأى غالب هر نه ايسه اودره عشينك افاده سنه كوره آندن بعضاً ظن وبعضاً غالب ظن ايله تعبير اولنور .

حصول شکدن صکره کند یسنه لائخ اولان (۱) رأی غالبه عامل اولور (۲). اگر رأی غالبی یوقایسه اقلی اخذ ایدوب فرض و یا واجب قعودی تارک اولماق ایچون کند نیجه آخر صلات توهم اولنان هر رکعت صوکنده او طور و تحیات او قور و ختام صلاتده سجود سهو ایدر (۳).

مصلی یه بعد السلام بر عادل کیمسه اکسیک قیلدیغنی اخبار ایدوب حالبوکه مصلی کندینک تام قیلدیغنی متیقن بولنسه او کیمسه نک اخبارینه التفات ایتمز (۴). اگر ایکی عادل کیمسه اخبار ایدر لر ایسه انلرک قولنی اخذ و اعتبار ایتمک لازم کلور (۵).

امام ایله جماعت اختلاف ایتمک صورتنده امام یقین اوزره

(۱) بوقیدک علاوه سنه مبنی «موضوع مسئله صاحب شک حقننده در ظنی غالب اولان حقننده دکلدر» اعتراضی وارد اولماز. قاله ط.

(۲) اگر تحری ایله عمل بر رکن ادا ایدجک قدر تفکری مستلزم اولمش ایسه سجود سهو دخی ایدر. ذکره ط هند ذکر الصورة الآتیة.

(۳) بوبابده ذکر اولنان حدیثدن بشقه دیکر ایکی حدیث ده مذکور اولدیغنه مبنی فقها انلرک هر برینی بر صورتیه حمل ایله بینلرینی جم و نوفیق ایتشاردر. حدیثک بری: إذا شك أحدكم في الصلاة فليتجر الصواب فليتم عليه. و دیگری: إذا شك أحدكم في صلاته فلم يدر واحدة صلى أو ثنتين فليبن على واحدة فان لم يدر ثنتين صلى أو ثلاثاً فليبن على ثنتين فان لم يدر ثلاثاً صلى أو أربعاً فليبن على ثلاث و بسجد سجدتين. كما في ص و صور الشك مذکوره فی ط.

(۴) چونکه انک یقینی بشقه سنک یقینیه زائل اولماز بونکله برابرکه اوغیرک قولی ملزم دخی دکلدر. ط.

(۵) چونکه بو اخبار نصاب شهادنده در. انلرک ایسه نیجه احکامده ملزمدر. ط.

ایسه جماعتك سوزینی اخذ ایتمز . یقین اوزره دكل ایسه اخذ ایدر .
جماعت اختلاف ایدر بده امام آنلردن برفرقه ایله برابر اولمق تقدیرنده
برکشی دخی برابر اولسه امامك بولندیغنی فرقه معتبر اولور .

نماز ایچنده عدد رکعاتك غیریده مثلاً افتتاح تکبیرینی آلدیغنده
ویا خود کندیسنه نجاست اصابت ایلدیگنده ویا کندیسندن حدث
واقع اولدیغنده شك ایلان کیمسه دخی شك ایتمك کیندجه معتاد
ویا کثیر الوقوع دكل ایسه استیناف و معتاد کبی ایسه صلاتنه دوام ایدر .

نمازك افتتاح تکبیرنده شك ایدوب انی و سبحانك بی اعاده ایتدکدن
صکره تکبیر افتتاحی آلمش اولدیغنی خاطر لیان کیمسه قطع و استیناف
صلات ایتمش اولمیوب سجود سهو ایله مکلف بولنور . اکر تکبیر
افتتاحی اولجه آلمش اولدیغنی خاطر لاماز ایسه سجود سهو دخی
لازم اولماز ط .

(باب)

سجود تلاوت

بو ترکیب شیتک سبینه اضافتیدرکه تلاوت سببیه اولان سجود دیمکدر . مقصود قرآن کریمده کی آیات سجده دن برینک اوقنمسی سببیه واجب اولان سجده در .

سماع دخی تلاوت کی موجب سجود ایسه ده سبب سجودک انجق تلاوت اولسی مختار اولدیغنه و برده سماعک دخی سببی تلاوت اوله جغنه مبنی انک ذکرى من وجه ذکر سماعی دخی مشتمل اولمغله انکله اکتفا اولنمشدر (۱) .

تلاوت اوقومق دیمک اولدیغی کی سماع دخی ایشتمکدر . اوقویانه تالی وایشیدنه سامع دییه چکز .

سجده تلاوتک شرطی ، رکعی ، حکمی ، صفتی ، سببی ، کیفیتی وارد .

شرطی : تحریمه ونیت تعین مستثنی اولق اوزره شروط صلاتدر (۲) .

(۱) محشی دبرکه تلاوت تعبیرنده آیت سجده یی یازان ویا هجالیان کیمسه به سجده واجب اولدیغی ایما وارد . آیت سجده یه من غیر تلفظ نظر دخی موجب سجود دکلدر اه موضعین . و سیاتی متنا .

(۲) حدثن طهارت ونجاستدن طهارت وستر عورت وعند الاختیار استقبال قبله بونده دخی شرطدر . صلاتیه اولاننده انک وقتی مدت صلات یا خود صلاتک

رکنی : عن وجه التعظیم وضع جبهه ایتماک یاخود رکوع
ایلمک^(۱) ویاخود بونلر مقامنه قائم اوله جق ایمانی^(۲) ایتمکدر .
حکمی : دنیاده سقوط واجب ، وعقباده نیل ثواب ، در .
صفتی : نماز ایچنده علی الفور^(۳) و نماز خارجنده علی التراخی^(۴)
واجب اولمقدر .

سجده^۵ تلاوت واجبدر . چونکه آیات سجود اوچ قسمدر .
بر قسمی صریحاً امر سجدهدر . وبر قسمی کفارک سجود حقدن
استنکافلرینی متضمندر . وبر قسمی انبیا علیهم السلام حضراتک امر
سجوده امثاللرینی حکایهدر . بونلردن هربری ایسه یعنی کرک امثال
امر وکرک اقتداء انبیا وکرک مخالفت کفار واجبدر^(۵) .

قبل المنافی اولان مابعدی وصلانیه اولیاننده مدت عمردر . اوقات ثلاثه^۶ مکروهه نک
برنده اولماق دخی مشروطدر . مکرکه انده تلاوت اولنهرق ادا ایدلش اوله .
نیتده انک هانکی آیتک سجده سی اولدیغنی تعیین لازم اولیوب سجده نک شکر
وسهو ایچون اولان مزاحنه مبنی تلاوت ایچون ولدیغنی تعیینده سوز یوقدر .
قاله ط فی حاشیه الدر .

(۱) آیت سجده نمازده اوقندیغنه کورهدر . تنسکیم معلوم اولور .
(۲) خسته یه ودابه اوزرنده اولانه کورهدر .
(۳) یعنی آیتنی بعد القراءه سجده سی اوچ آیتدن صکره یه براغلامق اوزره
همال ایفا ایدلمک .

(۴) یعنی اول اوقات امکان ایله مقید اولماق اوزره موسماً ایفا اولنقی .
(۵) آیتنی اوقویوب ویا ایشیدوبده سجده کندیسنه ممکن اولیان کیمسه یه
مستحب اولان : سمعنا وأطعنا غفرانک ربنا والیک المصیر . دیمکدر سجده یی
صکره قضا ایدر . ص .

سببی : تالی حقننده اتفاقا و سامع حقننده علی الصحیح (۱) تلاوت آیت سجده در (۲) .

سجده اینلری قرآن کریمک : (۱) أعراف (۲) رعد (۳) نحل (۴) اسراء (۵) مریم (۶) حج (۷) فرقان (۸) نمل (۹) سجده (۱۰) ص (۱۱) حم السجدة (۱۲) نجم (۱۳) انشقاق (۱۴) علق سورة لولنده اولوق اوزره اون درت آیت جلیله در .

آنلردن برینی مکلف بالصلاة اوله رق او قویانه وایشیدنه سجده* تلاوت واجب اولور تالی حقننده فهم و سامع حقننده قصد سماع شرط دکادر . تالی آیت سجده اولدیغنی کرک فهم ایتسون ، کرک ایتسون سجده ایله مکلف اولدیغنی کبی سامع دخی سماع کنندینک مقصودی کرک اولسون کرک اولسون ایشتمکله مکلف بالسجود اولور (۳) .

(۱) علی قولی حق سماعده سبب سجود سماعدر . ط . قولی صحیحه کوره سماع تالینک و مقتدینک غیر حقننده شرط اولمله صاغر اولوبده او قودیغنی ایشتمیانه سجده لازم اولور دیکرینک تلاوتی سببیه سجده ایتمک هر قدر ایدنی کورسه بیله ا کا لازم اولماز . کافی ص و ط یایضاح من الدر مم ط .

(۲) سبب سجود تلاوت بجرده مذکور اولدیغنی وجهله اوچ امرک بری اولوق ظاهر در : یا کندی او قومق (۹) یا خود بشقه سنک او قودیغنی ایشتمک و یا خود او قویان ایشتمه دخی مقصدی بولنقد در . حقیقته سبب ، تلاوتدر . سامع حقننده سماع و مؤتم حقننده اقتدا انک شرط عمل و تأثیریدر .

(۳) لکن لایجب علی الاجمعی مالم یعلم یعنی أنه یعذر فی التأخیر مالم یعلم بها . کما فی المنحة لابن عابدین .

(*) ولولم یوجد السماع كتلاوة الاصم اه بحر .

آیت سجده ترجمه او قنمق صور ننده دخی تالی فهم ایتسه ده ایتسه ده
انفاقا کاو علی المعتمد فهم ویا اخبار شرطیله سامعه سجده واجب اولور .
حرف سجده بی یعنی سجده آیتندن اکا دال اولان کلمه بی ماقبلندن
ویاما بعدندن برکله ایلله برابر او قومق قول صحیحده بتمامها اوقنان آیت
سجده کبی موجب سجود در (۱) .

آیت سجده بی یازمق ومن غیر تلفظ آیت سجده به نظر ایتمک ایلله
سجده واجب اولماق . چونکه کاتب وناظر اولان کیمسه آیت
سجده نکه نه تالیسی ونده سامعیدر .

هجاله مک دخی بویه در . نه آنی هجاله یانه ونه هجاله سنی ایشیدنه
سجده واجب اولماز . چونکه هجاله مک حروفی تعداد ایتمکدر ،
قراءت دکلددر (۲) .

کیفیتی : بلا رفع ید «الله اکبر» دیو سجده به واروب اوچ کره
«سبحان ربی الاعلی» دیمک (۳) وینه الله اکبر دیو قالمدر .

(۱) علی قول آیت سجده نکه اکثری اوقنمدقجه سجده واجب
اولماز . ص . اکثر کرک کلمه سجوددن اول وکرک صکره اولسون ویاخود
کلمه سجده متوسط بولسون . بو امام محمدن بر روایتدر زیلعی بونی اختیار
ایتدی . صاحب در دخی اکا تابع اولدی . ط .

(۲) بوکا مبنی نمازده تهجی قراءت یرینه کچمز واو حرفلر قرآنده موجود
اولدیی ایچون نماز انکله فاسدده اولماز . بر کیمسه آیت سجده بی هر برندن
برحرف اولقی اوزره بر جماعتدن ایشته حروف متفرق اولهرق تلاوت تحق
ایتدیکیچون اکا سجده واجب اولماز . اه ط بتصرف .

(۳) ویقال فی السجود فی النفل وخارج الصلاة : سجد وجهی للذی خلقه
وصوره وشقی سمعه وبصره بحوله وقوته فتبارک الله أحسن الخالقین . أو : اللهم
اجعلها لی عندک ذخراً وأعظم لی بها أجراً وضع عنی بها وزراً وتقبلها منی کما
تقبلها من داود . ص بتحریر ط .

بونده تشهد وسلام یوقدر . تسکیر و تسبیح هر سنتدر . سجده
واجبدر و سجود سهو کی یکی دکلدر .
جالس بولانه کوره سجود تلاوت ایچون قالمق مندوب اولوب
بعد الفراع دخی قیام ایتک مستحب اولور .
اوزرنده متعدد سجده اولان کیسه دخی هر سجدهده قیام ایلر .
آیتی جماعت ایچنده اوقونهرق مجتمعا سجده ایدلک لازم
کلدکده اوقویان ایلر طورمق و ایشیدنلر صف باغلامق لازم دکلدر .
هرکس بواندیغی موضعده مستقبل قبله اولهرق سجده ایدر . شوقدرکه
سامع تالیدن اول سجدهدن قالمق مندوب اولور .
سجده ایچون منتهی اولمیانندن آیت سجده فی اخفا ایتک تالییه
مندوبدر .

وجوب سجده مکلف بالصلاة اولانه کوره اولدیغندن حائض
ویا نفساء بولنان قادین سجده آبتنی ایشتمک و یا تلاوت ایلک ایله اکا
سجده واجب اولماز .

جنب اهل صلات اولمغله اکا سماعاً و تلاوةً و آندن و حائض
و نفساءدن و کافردن وصی میزدن آیت سجده فی ایشیدنه سجده واجب
اولور .

مجنوندن یاخود نائمندن ایشیدنه سجده واجب اولماز عل الاصح^(۱)

(۱) لعدم صحة التلاوة بفقد التمييز . ص . هذا إذا كان المجنون مطبقاً واختلف
التصحيح في السماع عن غير المطبق . كما في ط على الدر . والغمی علیه مثل النائم بل
الاغماء أشد من النوم . ولا علیه أبضا إذا أخبر أنه قرأها في نومه في الصحيح .
ذكره المؤلف .

سرخوشك تلاوتی هم کنند یسنه وهم سامعنه موجب سجده در .
کاتب آیت سجده اولانه آنی یازمقله سجده واجب اولمدیغنی کبی
دیلسمزه وصاغرہ دخی سجده ایدنی کورمکله سجده واجب اولماز .
صاغرہ وکاتب آیت سجده یه سجده نک وجونی انجق تلاوت ایله در .
سجده محاکاته دکل، تلاوته ترتب ایله جکندن آیت سجده یی قوشدن
ومعلم ماموندن وصدادن^(۱) ایشیدنه دخی سجده واجب اولماز (۲) .
مصلی نمازده او قود یغنی آیت سجده نک سجده سنی نمازده ایتمک
لازم کلور .

قرات امتداد ایدجک ایسه آیت سجده دن صکره مستقل سجود
یاخود رکوع اولنور که در حال سجوده ویا سجده* تلاوت قصد یله
رکوعه وار یلوب قالقیلور وقراته دوام اولنور .
قرات امتداد ایتیمیه جک ایسه آیت سجده یی ویا آندن بر ویا ایکی
یاخود اوچ آیت صکره یی متعاقب^(۳) ایدیلان رکوع صلات

(۱) صدی : صوت منعکسدر . قال أبو الطیب :
ودع کل صوت بعد صوتی فانی أنا الصائح المحسکی والآخر الصدی
محشی دیرکه بونلر هپ محاکاتدر تمیز اولمدیغیچون تلاوت دکلدر اه .
(۲) وقیل تجب بالسماع من الطیر وصحیح بانه سمع کلام الله تعالی . س .
(۳) معلوم اولسونکه فور آیت سجده دن صکره بر یاخود ایکی آیت ایله
اتفاقا منقطع اولماز درت آیت ایله اتفاقا منقطع اولور . اوچ آیتده اختلاف اولمشدره
منقطع اولماق راجحدر . بدائمه بوبایدہ تقدیر اولیوب رأی مجتهدہ تفویض
اولدیغی یاخود طویل عد اولنانه اعتبار اولنه جنی دخی مذکوردر . کما فی ط .
سوره* انشقاؤک سجده سندن صکره موجود اولان درت قبسه آیت قول اخیرجه
مانع فور دکل دیمکدر .

مع النية^(١) وسجود صلوات بلا نية أنك سجده سي مقامنه قائم اولور .

خارج صلاته اوقتان آيت سجده نك سجده سي موسعا واجب اولديغي حاليه وقت مكروه اولدقجه تأخير ايدملك طول زمان ايله اونودلق احتماله مبنی تنزيهاً مكروه اولديغي كبي نمازده اوقتان آيت سجده نك سجده سي فورياً واجب اولديغنه مبنی تطويل قراءت ايله آني تأخير ايتملك دخي قضايه براقق ديمك اولديغندن تحريماً مكروه در . سموأ تأخر ايدرسه ولو بعد السلام منافي وقوع بولميه رق حرمت صلوات باقي اولدقجه قضا اولنور . نماز خارجنده قضا اولنماز . چونكه جزء صلاتدن اولمش وكسب مزيت ايلشدر . ناقصاً تأديه اولنه مازكه خارج صلاته كي سجده داخل صلاته كي سجده يه مانند اوله ماز. أنك بوصورتله تاركنه عمداً ترك واجب ايدرك كنه كار اولديغينچون توبه لازم كلور .

نمازده ركن قراءت ركن قيامه خاص اولديغندن مصلی حال قيامك غيريده تلاوتدن محجوردر . محجورك تصرفي ايسه حكمسن اولمغله حال ركوع وياسجوده ياخود تشمده وياخود قومده آيت سجده تلاوت ايتمكله اكا سجده واجب اولمديغي كبي مقتدى دخي حال اقتداده قراءتدن محجورايكن سجده آيتني تلاوت ايتمش اولمقله نه كندينه ونه امامنه نهده كنديسييله برابر نمازده مشارك بولئان ديكر مقتدى به سجده واجب اولماز . اما آنكله نمازده مشارك اولميان كي مسه دائره

(١) وينبغي أن لا ينويها الإمام في الركوع لانه ان نواها فيه ولم ينوها المقتدى لم يجزه ويسجد اذا سلم الإمام ويعيد القعدة . كما في الدر .

خجردن خارج اولمغله كرك جماعت ديسكردن و كرك منفرد و ياخود نمازدن بالكلية خارج اولسون آيت سجده في او مقتديدن ايشتمكاه اكا سجده واجب اولور .

نمازده اولميا نك نمازده اولاندن ايشتيديكي آيت سجده نك سجده سني خارجده ايتكم لازم اولديغي كبي نمازده اولانك دخي خارجدن ايشتيديكي آيت سجده نك سجده سني نمازدن صكره ايتمسي لازم كلور .

اكر نمازده كيلر آني نمازاچينده ايدرلر ايسه نمازه اجنبي ايكن (١) ادخال ايتمش اولملري نقصانته ميني او سجده كنديلرچون كفايت ايتمز (٢) ومع مافيه جنس صلاتدن اولق حسييله نمازلري آنكله فاسدده اولماز (٣) .

نمازده اوقتان آيت سجده نك سجده سني نماز خارجنده اولماز (٤) ايسه ده خارج ازصلات اولان كيمسه امامدن آيت سجده في ايشيدوب اكا اقتدا ايتمامك ياخود امامك سجده سندن صكره ديكر ركعتده اكا اقتدا ايلك صورتده سجده في نماز

(١) حيث لم تسكن من قرائتها . ط . ويقال مثله في الصورة الاولى .

(٢) وجه كامل ايله تأديه ايداش اوله ييلك ايجون اني اعاده ايدرلر . كما في ط .

(٣) وزيادة سجدة واحدة لا تعطل التحريم . ط .

(٤) مكره نماز قبل السجود حيثك غيبي بر سبيله فاسد اوله . او حاله

بجود تلاوت قماش اولمغله خارج صلاتده سجده ايديلور . افساد دخي فساد كبيدر

مفسد صلات حيز اولديغنه كوره سجود تلاوت قاديندن ساقط اولور . كما

في الدر مع ط .

خارجنده ایدرکه بوضو رتله هم سجده بی ضیاعدن وهم صلاتی زیاده دن صیانت ایتمش اولور .

اگر او کیسه امامک سجودندن اول اکا اقتدا ایدر سه انکه برابر سجده ایلر . و اگر امام سجود تلاوتی ایتدکدن صکره اور کعتده اکا اقتدا ایتمش اولور ایسه مقتدی سجده به حکماً یتشمش اولمقله تلاوت ایچون ارتق سجده ایتمز (۱).

خارج صلاتده بر سجده آیتی اوقیوب و یا ایشیدوب سجده سنی ایتدکدن صکره ینه او مجلسده نمازه طوروب او آیتی اوقوسه نمازده اوقنانک مزیتنه مبنی خارجده کنه تابعیتی اوله میه جغندن ینه سجده ایدر . اگر اولجه سجده سنی ایتما مش ایدیه نمازده کی سجده اکا ایکی تلاوت ایچون کفایت ایدر .

مجلس واحدده آیت واحدده تکرار ایدن کبی اولور که اکاده سجده واحد کافیدر (۲) کرک ابتداء تلاوته ، کرک اثناء

(۱) أصلاً باتفاق الروایات یعنی لافی الصلاة ولا خارجها لانه لا یمكنه أن یسجدھا فی الصلاة لما فیہ من مخالفة الامام ولا بعد فراغه منها لانها صلوٰۃ صمعة .
(۲) مجلس متعدد اولما زسه سجده واحد کفایت ایتمز . مجلس خارجده ولو بزچوزمک صورتیله اولسون اوج آدم آتقله وآغاج اوزرنده بردالین برداله کچمکله ونهر ویا حوض کبیرده یوزمک و حیوان اوزرنده کیتمک ایله وخرمن دوکک ودرکرمان اطرافنی طولاشمق ایله تبدل ایدر .
اوطه نك وییوک دخی اولسه مسجدك گوشه لرینه وارمقله وکمی یورعکله و بر ویا ایکی رکعت نماز قیلقی و بر ویا ایکی جرعه ایچمک ویا بر ایکی لقمه بییمک و بر ایکی آدم آتمق ایله واتکاء و قیام و قعود ایله و محل تلاوته رکوب و نزول ایله و مصلی اولورق سیردابله تبدل ایتمز .

تلاوته وکړک بعد التلاوه ایدلمش اوسون^(۱) .
سامع حقنده مجلسک اختلاف واتحادی تالینک دکل ، کنندینک
تبدیل مجلس ایدوب ایتماسیله در . علی الاصح .

خطیب منبرده آیت سجده بی اوقوسه اینوب سجده ایدر . جماعت
دخی برابرجه سجده ایدر لر . ط علی الدر^(۲) .
رکننده افاده اولندیغی اوزره سجود حال مرض ورکوبده^(۳)
ایماء ایله دخی اولور .
سجده^{*} تلاوت واجب اولدیغنه مبنی انک بلاعذر دابه اوزرنده
ایماء ایفاسی کافی اوله ماق مقتضای قیاس ايسه ده تلاوت تطوع کبی امر دائم
اولدیغندن انک سجده سیچون نزولی اشراطده کلفت اوله جغنه مبنی ایمانی
استحسان ایتمش لر در .
آیتی یرده اوقته رق نازلان واجب اولان سجده را کباً اوله ماز^(۴) .

(۱) لان تکرار القراءة محتاج الیه للحفاظ والتعليم فلو تکرر الوجوب
لزم الحرج وهو مرفوع بخلاف ما اذا تعدد المجلس أو التلو حيث يتکرر
الوجوب عملاً بالقیاس لعدم الحرج . ط . وهو تداخل فی السبب بال یجمل
الکلا کتلاوة واحدة وهو ألیق بالعبادة کما أن التداخل فی الحكم ألیق بالعقوبة .
کما فی ص والدر .

(۲) قال لما روى فی الموطأ أنه علیه الصلاة والسلام قرأ آية السجدة
وهو علی المنبر يوم الجمعة فنزل وسجد وسجد الناس معه اه عن الفتح .
(۳) أى علی الدابة خارج المنبر اذا تلاها أو سمعها اه من ط
علی الدر .

(۴) لان ما وجب علی الارض وجبت قامة فلا تسقط بالایماء اه بحر

آيتي حيوان اوزرنده اوقنهرق را كبا واجب اولان سجده را كبا
اوله بيلديكي كبي نازلان دخی اولور .
دابه اوزرنده آيت سجده ي اوقيوب ايندكدن صكره ركوب ايدرك
سجده ي ايما ايتسه دخی اولور . كما في البحر .

سجده سي اولان سوره ويا آياتي اوقيوبده سجده آيتني كچمك
نظم آيتي بوزمقله برابر سجده دن استشفاف ايتمك كبي اولديغيچون
مكروهدر .

بونك عكسي يعنى يالكز آيت سجده نك قراتي سجده به
مبادرت ديمك اولديغيچون مكروه دكلدر . ولسكن تفضيل توهمني (١)
دفع ايچون تلاونده اكيا اول ويا صكره برويا دهازياده آيت ضم
ايتمك مندوب اولور . ص مع البحر .

جمعه وپيرام نمازلرنده قرات صوكنه كلكدكجه آيت سجده ي
اوقومق امامه مكروه اولديغي كبي صلات سريده دخی
مكروهدر (٢) .

حدث عماد وكلام وقمقه كبي مفسد صلات اولان شيلر

(١) أى تفضيل آية السجدة على غيرها اذ الكل من حيث أنه كلام
الله تعالى في رتبة واحدة . وان كان لبعض زيادة فضيلة لاشتماله على ذكر
صفات الحق جل جلاله . ط .

(٢) لانه لايفك عن مكروه من ترك السجدة ان لم يسجد أو التلبس
على القوم ان يسجد اه ط على الدر .

سجده* تلاوتی دخی مفسد اولوب اعاده لازم کلور . شوقدرکه تهنهده آبدست آلق لازم کلر . محاذات مشتهات دخی صلات جنازهده اولدیغی کبی انی افساد ایلر . بحر^(۱) .

(مهمة لدفع کل مهمة) : سجده آیتلرینی جمعة مجلس واحده اوقیوب هر بری ایچون بشقه ویاخود هپسنه بردن اون درت دفعه سجده ایلیانک امر دنیا و آخرتجه کندینه مهم اولانه جناب حق کافی اولور . کذا فی ص والدر المختار .

سجده شکر

سجده* شکر دخی قورل مفتی به اوزره طاعت مثاب علیها - درکه وقت سرور و تبشیرده^(۲) شکرأ لله تعالی سجدهیه وارمق

(۱) قال ولو نام فیها لانتقض طهارته کالصلیة علی المصیح اه
(۲) بونلرک بری رؤیت و مشاهده حاله وبری عدم مشاهده حاله مصر و فدر . نعم الهیه عبادہ مستمدر . سجده* شکر تجدد نعمته ویا اندفاع نغمته مینی اولمش اولور . جناب رسالتآب برنغاشینی (جوجه) مشاهده لرنده سجده* شکره وارمش اولقلری کبی امتلری حقنده مقبولیت شفاعتلیله من عند الله مبشر اولقلرنده دخی اوچ دفعه سجده* شکره واروب هر دفعه سنده کندی دعاء شفیمانه واستشفاع عالیجاهانه لری اوزرینه امتلرینک برنلثی کندیلرینه بخش اولندیغی استبشارینه تشکرأ بارگاه بروردکاره جبهه سایی شکران اولقلرینی بیان بیورمشردر . صلی الله تعالی علیه وسلم .

وارد روئوا بدر (١) حضرت سجد الكائناتده وصحابه سنده واقع اولمشدر (٢).
سجده شكر بشروطها سجده تلاوت كيدر . تكبير ايله واريلور
وجناب حقه حمد وشكر وتسبيح اولنوب تكبير ايله قالقيلور .

(١) وفي الدر وسجدة الشكر مستحبة به يفتي لكنها تكره بعد الصلاة
لان الجهلة يعتقدون أنها سنة أو واجبة وكل مباح يؤدي اليه فهو مكروه اخط .
(٢) حضرت فخر كائنات رأس مقطوع ابن جبهلى مشاهده لرنده
بش دفعه سجده شكر ايتمشلر وحضرت ابوبكر رنامه نك فتحنده ومسيلمه نك
قتلنده وحضرت عمر يرموكك فتحنده وحضرت على رئيس خوارج اولان
ذوالثديه بنى مقول كوردكارنده سجده شكره وارمشلردر . كما فى ط .

(باب الجمعة)

اجتماعدن جمعه افتراقدن فرقه (۱) کبیدر . اکا یوم وصلات اضافہ ایدیلہ رک : یوم الجمعة (۲) وصلاة الجمعة دینیلور . کثرت استعمال ایلہ مضاف محذوفده اولور . بوراده مقصود صلوات جمعه در .

صلوات جمعه معلوم اولدیغی اوزره جمعه کونی وقت ظهرده صلوات ظهره بدل اولان ایکی رکعتدن عبارتدر . جماعتله قیلنور و جهر اولنور و اولجه خطبه اوقتور . او فرضدر . انک دوت رکعت ایلک سنتی و دوت رکعت صوکه سنتی واردر . ایکیکی دخی

(۱) بضم الفاء کما فی حدیث الخوارج : یخرجون علی حین فرقة من الناس .
 ائی علی زمان افتراقهم . وروی : علی خیر فرقة من الناس . بکسر الفاء فلا شاهد .
 (۲) یوم جمعه نیک اسم قدیم عربیسی عروبة ایدی که افصح وتحسین معنایسنه اولان اعرابدنر ناسانده تزیین ایتدکلریچون اولیله دینلمشدر .
 [عرباً أتراباً] قول کریمی دخی بوندندر که زوجلریچون متحسن اولوب کندیلرینی انلره سودیرنلر دیمکدر . اکا یوم جمعه نامی ابتدا ویرن کعب بن لؤی در . « ان یوم الجمعة سید الايام وأعظمها عند الله من ايام الاضحی والفطر » حدیث شریفی منظومنیجه یوم جمعه سید الايام اولوب سورده بروجده کی (یوم موعود) یوم قیامت و (یوم مشهود) یوم عرفه و (یوم شاهد) یوم جمعه ایلہ مفسردر . کندیسند خیرات متزاید اولدیغنه . بنی یوم المزید دخی تسمیه اولنور . عید المؤمنین وحج المساکین در . کما فی ط بزیادة من حاشيته علی الدر مع شیء من البحر . قال أبو الطیب :

هو الجد حتى تفضل العين اختها * وحتى یصیر الیوم لیوم سیدا

و جمع الجمعة بضم ففتح قال ابو تمام :

ویضحک الدهر منهم عن غطارفة * کأن أيامهم من حسنہا جمع

مؤکددر . نتکیم باب نوافله ذکر اولئمشددر .
جمعه نمازی شروطی کنیدیسنده مجتمع اولان هر کیمنسه ایچون
فرض عیندر .

فرضیتی کتاب وسنت واجماع امت ایله ثابتدر . عقل دخی بوکا
دلیلدر .

کتاب کریمده (اذا نودی للصلاة من یوم الجمعة فاسعوا الی ذکر
الله وذروا البیوع) بیوریلهرق ذکر الله سعی ایله امر صلات ایچون
ندایه مترتب قیلنمشدر . ذکر دن مقصد صلات اولمق ظاهر در . خطبه
مقصود اولمق دخی جائز در . وعلى کل التقديرین آیت مفید فرضیتدر .
تقدیر اوله کوره بو ظاهر در . تقدیر ثانی یه کوره دخی ظاهر در که
شرطه سمیک فرضیتی مشروطک فرضیتنک فرعیدر . اوزرینه جمعه
لازم اولمیاننه سعی لی الخطبة دخی بالإجماع لازم اولماز (۱) .

حدیث شریفده : « اعلوا أن الله تعالى فرض علیکم الجمعة فی یومی
هذانی مقامی هذا فی شهری هذا فریضة واجبة الی یوم القيامة فن ترکها
جحوداً واستخفافاً بحقهما فی حیاتی وبعد موتی وله امام عادل أوجائر (۲)
فلا جمع الله شمله ولا أتم له فی أمره ألا فلا صلاة له ألا فلا زكاة له

(۱) تفاسیرده مذکور اولان : ذکر دن عموم مجاز طریقله هم خطبه
وهم صلات مقصود اولدیتدر . احق اولانده بودر . زیرا که انلرک
ایکینسنده ذکر اطلاق صادقدر . همده جناب حق جمعه نك فرضیتی
بر مباحک تحریمله تأکید ایلمشدرکه اوده ییعدر . تحریم مباح ایسه
مقتضای حکمت اولدیفی وجهله انجق برامرواجب ایچون اوله ییلور . ط .
(۲) قوله أوجائر اشاره الی مساواة الحالین فی الوجوب والا فلاستخفاف مکفر
وان لم یکن امام أصلاً . کافی ط .

ألا فلا صوم له إلا أن يتوب فن تاب تاب الله عليه . » بیورلمش (۱)
اولدیغی کبی دیگر بر حدیث شریفده دخی : « من ترك ثلاث جمع
متواليات عن غير عذر طبع الله على قلبه ومن يطبع الله على قلبه يجعله
في أسفل درك جهنم » بیورلمشدر (۱) .

مسلمین دخی عصر حضرت رسالتدن بوکونه قدر صلات جمعه ناک
فرضیتی اوزرینه کیمسه ناک انکاری اولمیه رق اجماع ایلمشدر .

شومعنی دخی معقولدرکه بزیوم جمعهده صلات جمعهنی اقامه
ایچون صلات ظہرک ترکیله امر اولمشدر . صلات ظہر ایسه فرضدر .
بر فرضک ترکی انجق اندن دها مؤکد واولی بر فرض ایچون

(۱) حدیث مذکور ایلك خطبه نبویه دندرکه انی حین مهاجرتده قیلدقاری ایلك
جمعهده ایراد بیورمشدر . معلوم اولدیغی اوزره هجرت سفیه سنین نبوتک اون
دردنجی سالی ربیع الاولی اوائلنده ایدی . بر بازار ایرتسی کونی قرب مدینه
طاهرده بنی عمرو بن عوف یوردینه نزول ایله صالی وچهارشنبه وپنچشنبه
کونلری اوراده اقامت وانلره مسجدلرینی تأسیس بیورمشدرکه مدینه منوره ناک
جنوب جهننده واقع مسجد شریف قبا در . جمه کونی اورادن خروج ایله سالم
ابن عوف یوردینه وصوللرنده جمه وقتی اولغلہ (رانونا) دیتیلان وادی بطننده واقع
مسجدینی سالمده ایلك دفعه اوله رق خطبه بلیغه ایرادیلہ صلات جمعهنی ادا بیورمشدر .

(۲) آخر حدیث شدت عذابہ محولدر . اويله بیورلمسی اوکیمسه وحدانیتی
وانک توابعی اقرار ایتمکله برابر ترك جمعه ایتمش اولق جهتیه فعل منافقینده
بولمش اولسندندر . منافقون ایسه جهنمک درک اسفلنده درلر . یاخود جمعهنی
انکاراً ترك ایدنلر ویاخود او عقیده اوزره وفات ایدنلر حتنده در . ط .

اوله بیلور . دیمک که صلات جمعه فرضیتجه صلات ظهر دن دها تا کیدلی
بر فرضدر .

صلات جمعه ایچون شروط وجوب وصحت اوله رق ایکی نوع
شروط وارد که الر بالمله نمازلرده معتبر اولان شروطن فضله در .

شروط وجوب مصلیده و شروط صحت مصلینک غیری حقنده در .
ارده کی فرق دخی شروط وجوب منتفی ومسلوب اولمقله ادا صحیح
وشروط صحت منتفی اولدقده ادا غیر صحیح اولمقدن عبارتدر .

(شروط وجوب) التیدر : برنجیسی ذکور تدر (ارککک) (۱) .
قادیلره جمعه لازم دکدر . ایکنجیسی حریتدر . ملوک اولانلره
جمعه لازم دکدر (۲) . اوچنجیسی اقامتدر که شهر ایچنده یاخود
شهر دن معدود اولان کنارانده (۳) مقیم بولنمقدن . کویلیلره و بر

- (۱) خنثای اخراج ایچون ذکور تی قیدتحقیق ایله تقيید ایتماش ايسه ده محشی :
خنثی معامل بالاخر اولقی جهتیله مقتضای حال جمعه اکا واجب اولمقدن . دیور اه .
(۲) افندی کندی کوله سنی جمعه و جماعتدن منم ایده بیلور . مأذون ایدرسه
کوله جمعه قیلمقدن غیر بولنور . حیوانی حفظ ایچون افندی ایله برابر جامعه
کاورسه حفظ خلل کتور مامک اوزره جمعه قیله بیلور . اجرتلی خدمتکاری مستأجر
جمعه دن منم ایده مز . شوقدر که جمعه محلی اوزاق ايسه انکله اشتغال ایتدیکی
مدتک اجرتی اسقاط ایده بیلور . یاقین ايسه ایده مز . ط .
(۳) صلاة المسافر باینه باقکز .

شهرده هیچ اولماس ایسه اون بش کون اقامتی نیت ایلماش
اولان مسافره جمعه لازم دکلدر (۱) . دردنجیسی صحتدر . جامعه
چیقمقدن عاجز اولان یاخود خسته لککنک آرتمنسندن ویا کیج
انی اولمنسندن قورقان مریضه جمعه لازم اولدیغی کبی جامعه
چیقمسیله خسته سی ضائع قالدیجق اولان مریضه (خسته یه باقانه) دخی
جمعه لازم دکلدر . پیرناتوان دخی مریضه ملحقدر بشنجیسی
سلامت عیندر . کوزسزه جمعه لازم دکلدر . مکرکه یندیجیسی
اوله (۲) . التنجیسی سلامت رجئلدر . کوتورمه وآیاقسزه جمعه
لازم دکلدر . اکر برآیاغی مفلوج ویا مقطوع اولوبده بلامشقه
مشیه قادر ایسه جمعه یه چیقار (۳) .

(شروط صحت) دخی التیدر : جمعه قیلانانیر شهر ویا

(۱) حدیث شریفده : « لاجمعة ولا تشریق ولا صلاة فطر ولا أضحی الا
فی مصر جامع أو مدینة عظيمة » بیورماش اولدیغی کبی فتح بلاد وامصار ایدن
صحابه جضراتندن دخی شهرلردن ماعدا مواضعده نصب منابر ایدلدیکی وجمعه اقامه
اولدیغی نقل وروایت اولنماشددر : ص .
کوبلی جمعه کونی شهره کبررواوکون اوراده قالمغی نیت ایلر ایسه جمعه یی
قیلار . والا ظهیری قیلار . کما فی الجوهره .

(۲) وهی مسئله القادر بقدرة الغير . والمصحح فیها قول الامامین . کما مر .
قال فی البحر ولم أر حکم الاعمی اذا کان مقیماً بالجامع الذی فیہ الجمعة هل یجب
علیه ؟ لعدم الحرج اه .

(۲) جماعتک أعذار مسقطه سندن اولان مطر عظیم وقار وچامور جمعه
ایچون دخی أعذاردندر . اشتراط عقل وبلوغ صلات جمعه یه خاص اولماسغله
ذکر اولنماشددر . ص مم ط .

کنار شهر اولمقدن (۱) . کویده و قیرده جمعه قیلناز (۲) .

بر شهرک متعدد مواضعنده جمعه قیلنور (۳) .

ایکنجلیسی جمعه قیلدرمق ایچون وظیفه دار کییمسه بولنمقدن .
مأموریت و مأذونیلری جهتیله جمعه اقامه سنه مالک اولان ائمه
و خطبا کندی یرلرینه بشقه لرینی اقامه یه دخی مالکدرلر .

(۱) شهر : اکبر مساجدی جمعه ایله مکلف بولنان اهلینسی
استیعاب ایتمیان یردر . دیو تعریف اولندیغی کبی بو تعریفک بر چون
فرايه دخی صادق اوله جفی ادعاسیله شویله ده تعریف ایدلشدر
« شهر : ایچنده مقیم امیری و مفتیسی و تنفیذ احکامه قادر قاضیسی اولان
یردر . » مقصود معرفت احکام اولوب کثرت ذوات اولدیغندن قاضی
یاخود امیر بلده مفتیلک ایشتی دخی کوریوریر ایسه عدددن استغنا حاصل
اولور . مسالینه ولات کفار غالب اولان یرده اقامه جمع و اعیاد ایتمک
جائز اولور . قاضی تراضی مسالین ایله قاضی اولمش اولور . ولی مسلم
التماسی کندیلرینه واجب بولنور . ط . کنار شهر تعرییچون باب صلاة
المسافر صراحت لازم کلور .

شهر ایچنده جمعه نمازینک جامعده قیلنسی شرط اولوب نماز کاهلرده
ومنبر اتخاذیله اوق میدانی کبی آچیق یرلرده دخی جمعه قیلنور .

(۲) موسم حجده مناده امیرکه موجود اولقله برابر ابنیه دخی
بولندیغندن جمعه قیلیق جائز اولور . عرفات قیر اولدیغیچون اوراده جمعه
قیلیق جائز اولماز . کما فی الدر وغیره .

(۳) بو صراحت کوره اعتبار سبقه و احتیاطاً ظهر اخیر قیلمه
لزومده قالملازکه انک اعتباری و ظهر اخیر احتیاطی تعدد جمعه نک منعی
حقنده کی قول ضعیفه منیدر . اکا کوره که - قول ابی یوسف و مذهب امام
شافعیدر - جمعه ایلاک قیلانکدر . بناءً علیه احتیاط اوله رق آخر ظهر
یاخود ظهر اخیر فیتیله درت رکعت نماز قیلنور . انی قیلان هر رکعتنده
فاتحه اوقور و ضم سورته و یا آیات ایدر . قیلان اگر فرض واقم
اولورسه ضمک ضرری اولماز . و اگر نقل واقم اولورسه ضم مذکور

اذننامه لرنده بوکاده مأذونیت مذکور اولمق شرط دکلدر (۱) .
اوچنجیسی اوکسله نمازی وقتی اولمقددر . وقت ظهرك
دخولندن اول جمعه قیللق صحیح اولدیغی کبی انک خروجه یله

واجب بولنور . قعده اولاده تشهده اقتصار ایدر . شفع ثانی اولنده
سبحانک اوقوماز . مؤاف دیرکه احتیاط انی قیلقدده دکلدر چونکه احتیاط
اقوای دلیلین ایله عملدر بو بایده اقوای دلیلین ایسه تعدد جمعه نك
اطلاق جوازیدر . همده انی قیلقدده جهله جمعه یی فرض دکل اعتقاد
ایتمک ویاخود جمعه وقتنده فرض اولان نمازک متعدد اولدیغی اعتقاد
ایلمک محذوری واردر . انی قیللق ایچون خواصدن ماعدایه افتا اولماز .
انلرک دخی او نمازی قیللمری اولرنده اولور اه

بو افاده یه کوره صلات ظهر اخیر صوم یوم شک کبی کارخواص
ایکن تعمیم وعوام ناس تکلیف کثرت رکعات ایله تنغیر ایدیلرک صلات
جمعه نك صوک سفت مؤکده سنندن دخی محروم براغلقده در

محمی کتاب الصومده دیمشدرکه صوم یوم شکده فرض نیت اولنیوب
صلات ظهر اخیرده فرض نیت اولنق اره سننده کی فرق صلاتک وقتی ظرف
اولدیغندن انده نیت تعیینک لزومی وصومک وقتی معیار اولدیغندن انده
نیت تعیینک عدم لزومی جهتیه در . بوده باب جمعه ده کی قول ابی یوسفه
کوره در . قول معتبره کوره دکلدر اه

ابن نجیم دخی بحررائفده : صلات ظهر اخیر صلات جمعه نك مصر واحدده
عدم جواز تعددی روایتی سببیه صحتنده ایدیلان شک اوزرینه بعض متأخرینک
وضعه ایتدکلریدر روایت مذکوره ایسه مختار دکلدر وبعد الجمعه ظهر اخیر
نمازی نه امام اعظمندن و نه صاحبینندن روایت اوانامشدر « یوم جمعه نك
فرضی اودر جمعه فرض دکلدر » دیو اعتقاد اولنمق خوفنه مبنی بن اوانازک
عدمی کراراً ایتلایتم . دیمشدر اه
ولابن عابدین کلام علی هذا فی المنحة ورد المختار لایلزنا مع هؤلاء
الفعال الاخیار .

(۱) بعد الخطبه کرک بر عذرہ مبنی وکرک بلا عذر نمازه کچیرمک
ایستدکلری کیمسه نك خطبه اوقنور ایکن بولنمش ویاخود خطبه نك

دخی باطل اولور (۱) . دردنجیسی نمازدن اول خطبه اوقتمقدر (۲) .
بشنجیسی اذن عام اولمقدر (۳) . التنجیسی جماعت اولمقدر (۴) .

بعضنه یتشمش اولسی شرطدر نمازه بعد الشروع سبق حدث صورتنده
صالح امامت هرکیم اولورسه امام انی استخلاف ایده بیلور .

ایکیسی شیء واحد کی اولدیغیچون خطبه یی بری اوقیوب نمازی
بشقه سی قیلدرمق لائق دکل یعنی تنزیهاً مکروهدر . صحت خطبه ده بلوغ
شرط اولدیغندن نمازه کچماک اوزره خطبه یی صبی ممیز دخی اوقویه بیلور .
کافی تنویر الابصار .

(۱) ولوکه خروج وقت مقصدار تشهد قعوددن صکره اولسون
وارقی او نماز ظهر اوله رق ده آتام ایدیلهر . قول شیخین اوزره نفل
اوله رق آتام ایدیلهر بیلور . خلافاً لحمد أفاده ط . مفسداته وائنا عشریه دن اون
برنجینک هاشمه باقکز .

(۲) محشینک بیانته کوره صدر اسلامده خطبه بیراملرده اولدیغی کی
نمازدن صکره ایدی . ترک استماع خطبه ده برشی یوق ظنیله أستعید بالله تعالی
[واذا رأوا تجارةً أو لهواً انفضوا إليها وتركوا قائماً] قول کریمده
محکی اولان حاک حادث اولسی اوزرینه خطبه تقدیم بیوریلهر رق تأخیر
منسوخ اولدی .

(۳) چونکه صلات جمعه شعائر اسلامدن وخصائص دیندندر .
وبرطاقم خصوصیات ایله مشروعدرکه انلرسز اولماز . علی سبیل الاشتهار
اذن عام ایله اقامه اولتمق دخی اوجله دندر . کلانلر ایچون جامع قیولرینک
آچیق بولنسی اذن عامدر . جامعک قیوسنی قیایهرق ایچنده جمعه قیلان
جماعتک و باب تصریفی سائرینه سد ایدرک و یاخود نماز قیلدیغی محله
کندی اعوان واصحابیله قیانه رق جمعه اقامه ایلیانک جمعه سی جائز دکلدر .
اگر ختی دخوله مأذون ایتمش ایسه انلر کیرسه لرده کیرسه لرده جمعه
صحیح و فقط او کیمسه مسجد جامعک حققی قضا ایتامش اولمق حسبیه
گراهنده بولنمش اولور : کافی ص و ط .

(۴) منفردک جمعه سی بالاجماع صحیح دکلدر . جمعه جماعتدندر .
جماعت عندالامام جمعه نلک شرط انعقاد اداسی اولدیغندن رکوعده افتنا

جماعتک اقلی امامدن بشقه اوچ ارکک اولمقدرد (۱) . ایکی ارکک ایله برقادین یاخود برارکک چوجق بوبابده کافی دکلدر .
امام ابویوسف : امامدن بشقه ایکی کشی جماعتدر . دیدی اه

خطبه

خطابدن اولمغله فی الاصل متکلم ایله مستمع آرمشده اولان

ایتمش اولسه ار بیله امام ایلاک سجدهیه وارنجه قدر برابر بولنلری لازمدر . اندن صکره نمازلرینی بوزوب طاغیلورار ایسه امام نمازی جمعه اولورق یالکیزجه اتمام ایدر . واکر امام سجدهیه وارمدین انلر طاغیلوب امامک ارقهسندده ایکی ارککدن بشقه قالمیهجق اولورسه جمعه باطل اولور . عندالامامین جماعت شرط انعقاد تحریمه اولوب او دخی تحقق ایتمش اولغله انلردن صکره امام یالکیزجه جمعه یی اتمام ایلر .

علی خلاف لابن یوسف فی اشتراط الثلاثة فانه أجاز الجمعة باثنين كما يأتي ذكره فلا تبطل في تلك الصورة مع بقاء رجلين خلفه . وقال زفر يشترط دوامهم كالوقت الى تمامها . كما في ص مع ط .

(۱) عند الطرفين . چونکه جمعه - اکا دلالات ایدن صیغه تثنیه ومفرد صیغه لرینه مخالف اولدیغیچون - حقیقه اوچدر . ایکی یه جمعه اطلاق مجازدر . اصل اولان حقیقت ایله عملدر . همده [فاسعوا الى ذکر الله] قول کریمنده طلب حضور لفظ جمعه تعلق ایتمشدر . سمیک مسند الیهی اولان ذکر دخی بر ذا کری مستلزمدرکه او مطلوب الحضور اولان جمعه غیریدر . انلرک خطبه ده حاضر اولش اولملری وجمعه ایله مکلف بولنلری مشروط دکلدر . حتی خطبه یی دیکله یانلر کیدوب بشقه اوچ کشی کلمه خطیب انلره ظاهر روایتده اعاده خطبه ایتمیه رک جمعه یی قیلدرمق جائز اولمیشی کی جماعت اولان اوچ کشینک جمله ویا مختلطاً کوله یاخود مریض ویا مسافر اولمیشی دخی جائزدر چونکه بولنلر جمعه ایله مکلف اولسه لرده امامته صالح کیمسه لردر اقتدایه صالح اولملری اولویتده در . کما فی ص مع ط .

کلامدن عبارت اوله رق موعظه یه و مقدمه یه (۱) اطلاق اولنمشددر .
بوراده مقصود معنای موعظه در .

خطبه نك ركنی جناب حقلك ذكر خالصیدر . لغت عربیه به اقتدار
ایله بر ابر عربینك غیری لغت ایله ایرادی دخی جائزدر .

خطبه ایکیدر که بری دیگرندن بر جاسه* خفیفه ایله مفصولدر .
هر بری حمد و ثنایی و تشهد و صلواتی مشتملدر . خطبه* اولاده آیت
اوقنوب و عظ و تذکیر ایدیلور . خطبه* ثانیهدده و عظه بدل مؤمنین
و مؤمناته دعا اولنور .

شروط خطبه

خطبه نك شروطی شونلردر : (۱) نمازدن اول اولق . (۲) خطبه
قصیدیه اوقنمق (۲) (۳) وقت داخلنده اولمق (۳)
(۴) خین خطبه ده لا اقل بر کی مسه بولنمق (۴) (۵) او کی مسه کند یسیله

(۱) فی الاصل مقدمه* زواج (طلب ازدواج) اولوب کتاب دیباجه
لرینه ده اطلاق اولنه کلشدر . هرا یکی معناده باب اولدن مستعملدر . معنای
موعظه ده ضم خاء و معنای طلب زواجده کسر خاء معروفدر . معنای اولده
« خطب القوم و علیهم » و معنای ثانیه « خطب المرأة الى القوم » دینور .
اولسکینك فاعلی خطیب ، وایکنسینك فاعلی خاطب ، در . خطاب بونك
مبالغه سیدر . نقول : خطبه احسن خطاب و خطب الخطیب خطبه حسنه*
و خطب الخطاب خطبه جمیله* .

(۲) آتیا* مذکور اولدیغی اوزره* خطبه ده عند الامام بر ذکر خالصه
اقتصار جائز اولمغه بوشرطك اشتراطی انده ظاهردر . خطیب آقسیرونده
الحمد لله وبر شئنه تعجباً سبحان الله دیمك خطبه عد اولماز . کما فی ص .
علی قول خطبه ده قصد شرط دکلدر . . کما فی ط .

(۳) وقتدن اول خطبه اوقنوب وقتك دخوانده نماز قلنده اولماز . ط .
(۴) در مختارده مذکور اولدیغی اوزره خطیبك کندنی کندنه
اوقوددیغی خطبه صحیح دکلدر . خطبه نك جماعت حضورنده اولسی لازم

جماعت جمعہ منعقد اولہ بیلہ چکر دن اولیٰ (۱) (۶) خطبہ ایلہ تمارک
آرہ سی عمل قاطع ایلہ فصل اولہ نامق (۲) .
خطبہ صلات اولدیغی و شطر صلات دخی اولدیغی ایچون (۳)
آندہ طہارت و استقبال قبلہ شرط اولدیغی کبی کلام دخی آتی مفسد
دکدر (۴) . طہارت آندہ سنت اولغله آبد ستمزک و حتی مبتلای حدث
اکبر اولانک خطبہ سی خطبہ ده استقبال قبلہ ایتمک کبی مکروه اولوب
استقبال جماعت مسنوندر .

ایسده مؤلفک افاده سنه کوره خطبہ برکشی حضورند دخی صحبهدر ولو نائم
یاخود صاغر ویابعد بولسون اه جماعت جمعہ نک شرطیدر .
(۱) بر عبدک ویابر مریضک ویاحود بر مسافرک حضوریده کافیدر . بالکیز
بر ارکاک چوجغک یاخود قادینک بولنمسی کافی اولماز . س .
(۲) مؤلف اکلی قاطم عد ایتمشدر . خطیب بعد الخطبہ غسل جمعہ ویاتجید
وضوء ایچون اوینه کیمش اولیٰ صورتند خطبہ نک صحتند اختلاف اولندی
دیمشدر . لکن اغتسال وتوضی أعمال صلاتند اولغله قاطم عد اولنامق مختاردر .
عدنک وحتی جنبک خطبہ سی هم الکراهه صحیح اولغله بعد الخطبہ اغتسال ایدرک
نمازی قیلار واغتسالی أعمال صلاتند اولدیغیچون قاطم عد اولماز . کافی الدر
وحواشیه . محشینک افاده سنه کوره بعد الخطبہ صلات تطوعه شروع (حرام
اولغله برابر) عمل قاطم اولدیغندن خطبہ یی ابطال ایتمز ایسده اعاده اولی اولور .
قائمه سی خاطر لیهرق قضا ایلہ مشغول اولیٰ دخی بویلهدر اه بمحذف بعض .
(۳) اثرده خطبہ نک شطر صلات کبی عد بیورلمسی حکم نواب اعتبار یله دره . س .
(۴) حضرت عمر بر جمعہ خطبہ سننده حضرت عثمان مسجد شریفه اثناء
خطبہ ده کلمدیکیچون : بونه وقت کاش ؟ دیو بیوروب مقام اعتذارده حضرت
عثمانک : اذانی ایشدکدن صکره آبدست المقدن فضله برشی یاعدم . دیمسی
اوزرینه حضرت خلیفه : رسول الله صلات جمعہ ایچون غسلی امر ایتمش اولدقلری
حاله همده آبدستمی ؟ بیورمشدر . ط .

سنن خطبه

خطبه نك سننلرى شونلردر : (۱) خطيب قبل الخطبه منبر
جهتنده بولنمق (۱) (۲) سياه كييتمش اولمق (۲) (۳) منبره
چيقديفنده اوطورمق (۳) (۴) حضورنده اذان اوقمق (۴)
(۵) بعد الاذان خطيب قيام ايدوب هرايكي خطابه ي قائمأ (۵)
او قومق (۶) حربأ آلتان هر بلده ده خطيبك صول آنده برسيف
بولوب خطبه ي اكا طيانهرق او قومق (۶) (۷) صلاحأ فتح
اولتان بلادده خطبه بلا سيف او قمق (۷) (۸) خطبه ي جماعته

(۱) منبرك صاغ جهتنده خطيبه مخصوص حجره وار ايسه خطيب انك ايچنده ويوق
ايسه منبر جهتنده بولنور . قبل الخطبه محرابده نماز قيلمق اكا مكروه اولور . ط .
(۲) اقتداء بالخلفاء للتوارث وهو مهجور في هذه الازمان . ط على الدر .
وقال المؤلف : أو البياض . وأما الاخضر فلم يذكر .

لم يشك السواد بل زدت حسنا لما يلبس السواد الموالى

(۳) بو قعود اذان ايچون اولديغندن بيرام خطبه سنده يوقدر .

(۴) خطيبك حضورنده يعنى منبر او كنده او قنور . محشيك باب اذانه
كى بيانه كوره يوم جمعه ده او كه وقتى ايچ اذاندن بشقه اذان او قنماز ايدى
اذان اولى حضرت عثمان ايتدى اه او كونك اقامتى دخى داخل حساب
ايديلهرك حضرت عثمان بر او چنجى ندا زياده ايتمش دينلدى . كما فى ط على الدر .
ولعل السبب فى تلك الزيادة ما قس عنه وعن سيدنا عمر رضى الله تعالى عنهما فيما
مضى وراء هذه الصفحة فى الهامش .

(۵) بلا عذر قعودأ خطبه مكروه در . كما فى ص . والاضطجاع أولى بالكرامة .
(۶) دينلدى كه بونده كي حكمت دينك سيف وشوكت ايله قائم اولديفنه اشارت در . ط .
(۷) مكه . مكيمه عنوة يعنى قهر و غلبه ايله آنديفندن مسجد حرامده خطبه
سيف ايله در . مدينه منوره مفتوح بالقرآن اولفله مسجد شريف نبويده خطبه
بلا سيفدر . ص .

قارشو طوروب اوقومق (۱) (۹) خطبه‌یه کیزایجه تموز ایدرک
حمدخدا و ثناء جناب ذی کبریا. ایله باشلامق (۱۰) شهادتین
اوقومق (۱۱) حضرت رسول اکرم صلی الله تعالی علیه وسلم
افنده زه صلوات اوقومق (۱۲) وعظ و تذکیر ایتماک (۱۳) قرآندن
برآیت اوقومق (۲) (۱۴) خطبه‌ی ایکی یایماق (۱۵) ایکی خطبه
اره‌سنده اوچ آیت اوقویه‌جق قدردن زیاده اولماق اوزره
اوطورومق (۳) (۱۶) ایکنجه خطبه‌یه دخی حمد خدا و ثناء
جناب ذی کبریائی و صلوات حضرت نبی مجتبیائی اعاده ایدرک
باشلامق (۴) (۱۷) مؤمنین و مؤمناته مغفرت و نصرت و عافیت
ایله دعا ایتماک (۱۸) خطبه‌ی ثانیه‌ده خطبه‌ی اولادن دون اوله‌رق
جهر صوت ایلمک (۱۹) هرایکی خطبه‌ی پک اوزا تیموب خفیف
طومتق (۵) (۲۰) فراغ خطبه‌ی متعاقب اقامت آلمق .

(۱) اگر خطیب خطبه‌ی مستقبلاً للقبلة جهاته ارقه‌سنی دونه‌رک اوقورسه
مکروه اولور . ط . بزم خطبا حین دعاده جهاعتدن بلا وجه منحرف اوللریله
مکروه‌ده بوانیورار و قبله‌ی دعاییده بیلیورار دیمکدر .
(۲) علیه الصلاة والسلام افندمز حضرتارینک (واتقوا یوماً ترجعون فیه الی
الله) الخ قولی کریمنی تلاوت بیوره‌ش اولدقاری مرویدر . خطیب آیت اوقویه‌جفی
زمان دخی تموز ایدر . سوره باشی اولدقجه بسمله چکمز . ص .
(۳) بونده دعا اولدیغی کبی منبر قیوسنده و منبره چیقلمدیغنده دخی دعا ایتماک
یوقدر .
(۴) خطبه‌ی ثانیه‌ده خلفاء راشدینک و عیین محترمینک اذکار علیه‌لری مستحسندر .
بین المسلمین توارث بویله جاری اولشد . ص . بزم دیارده‌بونلر ایلمک خطبه‌یه
کچمشدر .

(۵) فقه و سنت تقصیر خطبه و تطویل صلات ایکن بزده بوده بر عکس

ذكر اولئان سنلردن برینی ترك ایتك وخطبه بی طوال
مفصلدن اولان (١) بر سورهدن زیاده نطویل ایلک مکر وهدر .
خطیب منبره چیقدیغی وقت جماعته سلام ویرمک یوقدر (٢) .
خطبه ده بر تسبیح ویا تحمید یاخود تهلیل ویا تکبیر کی ذکر
خالص الاهی یه اقتصار ایتك عند الامام صحیح ولسکن ترك سنت
ایدلش اولق جهتیه مع السکراهدر . امامین اکا خطبه اطلاق
اولنمیه جغی بیانیله : خطبه دینیه جک قدر طویل اولق لابدر
انکده اقلی التحیات الخ مقداری حمد وصلوات ودعاء مسلمیندر .
دیدیلر (٣) .

جمعه کونی تکبیر مطلوبدرکه جمعه نمازیچون جامعہ ایرکنجه
چیقیلور (٤) . ایکی رکعت تحیت مسجد قیلنوب او طوریلر ق
اولشدر . صلات جمعه ده سورہ جمعه و منافقون یاخود سورہ اعلی و غاشیه
اوقنمق مسنوندر .

(١) سنن صلات بمحتنه باقکر .

(٢) والمرؤى من سلامه عندنا غیر مقبول . ص . وقال الشافعی اذا استوی
على المنبر سلم على القوم اه بحر .

(٣) وله قوله تعالى (فاسمعوا لى ذكر الله) من غیر فصل بین كونه ذكر
طویلا یسمى خطبة أولا . ولفضیه عثمان رضى الله تعالى عنه أنه لما صعد المنبر
أول جمعة ولى الخلافة قال الحمد لله فارتج عليه . فقال : ان أبا بكر وعمر كانا
یعدان لهذا المقام مقالا وانکم الى امام فعال أحوج منکم الى امام قوال وستأبیکم
الخطب بعد وأسئفر الله العظيم لى ولسکم . فنزل وصلى بهم ولم ینکر علیه أحد .
فكان اجماعا منهم . ص م ط .

(٤) حتى صاحبدر : طرناق کسمک و تراش اولق جمعه دن صکره افضل اولور .
دعش ايسه ده محشی مرحوم انی مغالب نص حدیث بولعرق رد ايامشدر وهو
حدیث : من غسل يوم الجمعة واغتسل ثم بکر وابتکر ومشى ولم یركب ودنا من
الامام واستتم ولم یبلغ كان له بكل خطوة عمل سنة أجر صیامها وقیامها .

تلاوتی یوم جمعه مندوبانندن اولان سوره* کھف (۱) دیکلنور .
اوکون اوکله اذانندن اعتباراً اداء صلات جمعه به دکین ایش
وآلش ویرش مکلف بالجمعه اولانلره (۲) نحریماً مکروه اولور .
سعی الی الجمعة فريضه سنک ثوابی اکا مبادرتده کی تفاوت
اعتباریله متفاوتدر (۳) .

جامعه ماشیاً کیدوب کلمک را کبآدن افضلدر .
« واذا خرج الامام فلا صلاة ولا كلام » (۴) فحواسنجه
سنت جمعه قیلنوب خطیب منبره صعود ایتلمک اوزره حجره سنندن
چیقدیغندن و حجره سی اولدیغنه کوره قیام ایتدیکنندن اعتباراً
ختم خطبه و صلاته دکین سوز ایتلمک و حتی سویلیانه صوص دیمک
جائز اولدیغنی کبی نماز قیللق دخی جائز دکلدر (۵) . مکرکه اوزرنده

(۱) ذکر فی أحكام الاشباه : مما اختص يوم الجمعة قراءة الكهف فيه .
در مختار .

(۲) قادیانر مکلف بالجمعه اولامقله ایشلرندن قالانلر .

(۳) اثرده وارد اولدیغنی اوزره جمعه نمازیچون غسل ایدوب جامعه ایلک
ساعتده واران بر دوه وایکنجی ساعتده واران بر اینک و اوچنجی ساعتده واران
برقچودردنجی ساعتده واران بر طاق و بشنجی ساعتده واران بر مورطه تصدق ایتمش
اولور . محشینک افاده سنه کوره ساعتلردن مقصد لحظات لطیفه یعنی برطاقم اجزاء
زمانیه درکه مبدای زوال شمس و منتهای خطیک منبر اوزرنده اذان دیکلمک
ایچون اوطوردیغنی او اندر . ایدی کاتبین کرامده جمعه حسنا تیچون مفتوح اولان
دفتر ثواب اندن صکره دوریلور .

(۴) نص النبی علیه السلام . س . والمعروف کونه من کلام الزهری . ط .

(۵) خطبه* ثانیه اثناسنده قالقوب سنت قیلانلر بو مسئله نک جاهل لریدر .
سنت فرضدن صکره دخی قیلنه ییلور .

ترتیب ساقط اولمقد فائنه اوله . او حالده جمعه صحیح اوله بیلیمک
ایچون آنی لدی التذکر قیلقد لازمدر .

کلامدن تسبیح واجابت مؤذن کبی اخروی قسمی خارج ایسه ده
بو قسمک جوازی دخی خطبه به شروعدن اوله کوره در . خطیب
خطبه به شروع ایتدکدن صکره کلام باقسامه حرام اولور (۱)
کما فی ط علی الدر (۲) .

نمازده حرام اولان هرشی خطبه ده دخی حرام اولمغله اثنا .
خطبه ده امر بالمعروف نوءندن دخی اولسه کلام (۳) وحتی
تعاطی . سلام جائز اولمدیغی کبی اکل و شرب و سائر شغل و تلاوت
ومطالعه (۴) دخی جائز اوله ماز . وعدم جوازده خطبه به قریب
اولان ایله آندن بعید بولنانک فرقی اولماز (۵) او ائنا ده مأمور به

- (۱) ولا بدع فی اطلاق الحرام علی المکروه التجرعی کما هو المصرح به فی الدر المختار .
(۲) بناءً علی هذا خطیبک حین صعودنده مؤذنک (ان الله وملائکته الخ) آیت
کریمه سنی تلاوت ایتمسنده - که ترقیه تعبیر اولور - وامتثالا لامر الآیة صلوات
و تسلیات کتورلسنده بأس یوق ایسه ده مؤذنک اثناء خطبه ده کی ترضیلری
وصلوات و آمینلری بدعت مکروهه در . کما هو المصرح به فی عامة الکتب
(۳) إذا قلت لصاحبک سه والامام یخطب فقد لغوت . الا اذا کان من الامام
کما کان من سیدنا عمر لعثمان رضی الله تعالی عنهما کما مر . ولا بأس بأن یشیر
برأسه أو یده عند رؤية منکر . قاله فی الدر .
(۴) وعن أبي یوسف أنه کان ینظر فی کتابه ویصححه . والمعتمد حرمة ذلك
لهذه القاعدة کما فی ط علی الدر .

(۵) محشینک قلنه کوره شمس الأئمة : خطیبک اوکنده بولنان اکا استقبال
ایدر صاغنده یاخود صولنده بولنان ا کا طوغری انحراف ایلر . دیمش ایسه ده
سرخی : بزم زمانزده رسم و عادت، جماعتک قبله به متوجهاً ا طورملزی و خطبه

اولان اتصالات و سکوتدر (۱) . اسم نبی کچدکجه نفسندن صلات و سلام ایدر . افسیررایسه حقه حمدایلر . ساعت اجابت (۱) اولمغله قلمبندن دعاده ایدر . اثناءخطبهده اویومق دخی مکروهدر (۳) . اطرافنه باقتمقده مباح اولماز (۴) .

خطیبک خروجندن اول باشلامش اولدیغی جمعه سنتی قراءتی تطویل ایتمیهرك یعنی واجبه اقتصار ایلیهرك بیتورر .

جمعه کونی قبل الزوال و یاخود صلات جمعه دن بعد الفراغ مسافرت ایتمکده بآس اولیبوب انجق مکلف بالجمعه اولانه کوره یوم جمعهده اوکله اذاتی اوقندقدن صکره صلات جمعه یی قیلیدین چیقماق مسکروه اولور (۵) .

انحرافی ترک ایتملریدرزیرا کثرت زحامه مبنی بعد الخطبه تسویه صفوفده کوچلک چکیلور احسن اولان ده بودر . دیمشدر اه .

(۱) هلاکندن خوف اولنانک تحذیری مستثنادرکه انک ایچون نماز ییله قطع اولنور . کما مر . چونکه اوحق آدمیدر . انک مبناسی احتیاج اوزرینه در . (۲) وهی من خروج الامام الی فراغه من الصلاة علی الصحيح . ط .

(۳) مکرکه اویقو اکا غالب اوله . ط علی الدر .

(۴) خطبه اوقنور ایکن نمازده اوطورر کی اوطورمق دخی لازم اولیبوب ختام خطبهده نمازدن چیقار کی ایکی طرفنه سلام و یرمک بستیون فضله در .

(۵) مؤاف کراهی اطلاق ایتمکله انک تحریمیه اولدیغی اکلاشلدی . مکلف بالجمعه اولیانلری اخراج ایتمش اولمغله انلرک خروجنده کراحت اولدیغی دخی ثابت اولدی . ط .

مريض ومسافر ومملوك واعشى كفي مكلف بالجمعة اولميا نلر
صلوات جمعه في قيليش اولورلوايسه فرض وقتدن اولمق اوزره
چائز يعني آنسكه فريضه وقت عهدهلرندن ساقط اولمش اولور .
چونسكه جمعه نك آنلردن سقوطل كنديلريچونرخصتدر . قيليلري
صوم مسافر كفي عزيمت وافضلدر (١) .

جمعه ايله مكلف اولميا نلر حقهنده مستحب اولان جمعه قيليندقدن
صكره آنلر صلات ظهري منفرداً قيلمقددر . وقتنك دخولنده
ظهري جمعه قيلينمدن دخي قيله بيلورلر (٢) . هر حاله جماعت
اوله مازلر (٣) .

جمعه ايله مكلف اولانلر جمعه قيلميوبده ظهري جمعه قيلينمدن
قيليق حرامدر . كرچه وقتنك تحقهنه ميني صلات ظهر منعقددر
ولكن او ساعته مأمور به صلات جمعه اولمغله صلات ظهرك
عقدى حرام وانعقادى جمعه ايچون سعي اولنمامغه موقوفدر .
اكر ظهري قيلدقدن صكره ندامت ايدرك جمعه يدهده چيقارسه
خانه سندن آيرلديغى وقت (٤) امام صلات جمعه ده بولنوب هنوز
اتمام ايتماش ياخود آنك خروجندن صكره جمعه اقامه ايدمش

-
- (١) قادينلر جماعتدن ممنوع اولدقلريچون بوندن مستثنادر . ص .
(٢) أى مع الكراهة التنزيهية لمخالفة المستحب أفاده ط فيما بعد .
(٣) لما تسمعه من كراهة الجماعة وقتئذ لغير الجمعة .
(٤) وقيل اذا مشى خطوتين في البيت الواسع يبطل . ص . وإن لم ينفصل
عن الدار . ط .

اولیٰ صورتی که قیله یعنی ظهرك صفت فرضی باطل اولور (١)
 کندیسی کلوب جمعه به کرك یتشمش ، کرك یتشماش اولسون (٢)
 یتشور ایسه جمعه بی قیله رق فرضی یرینه کتورمش اولور
 یتشمز ایسه ویاخود یتشوبده آنی افساد ایتش اولور ایسه ظهري
 اعاده ایتمک لازم کلور .

معذور اولان یعنی جمعه ایله مکلف بولنمیان دخی بوبابده
 بویلنه درکه ظهري قیلدندن صکره جمعه به حقیق آتک دخی
 فرضی ابطال ایدر (٣) معذور ایله غیر معذورک فرقی جمعه قیلنمیدن
 اداء ظهرك غیر معذوره کوره حرمتی و معذوره کوره عدم
 حرمتی خصوصنده در .

جمعه ایله مکلف اولمیانلره (٤) و محبوسلره (٥) جمعه کونی

(١) آنک خروجی امامک جمعه دن فراغه مقارن اولاق ویا بعد فراغ الامام سمعی
 اولونقی ویاخود جمعه هیچ اقامه اولنماقی صورتلرنده ظهري باطل اولماز . س .
 (٢) قایلطلان به مقید بامکان ادراکها وهذا عند الامام . وقالا لا یبطل ظهري
 حتی یدخل من القوم وفي رواية حتی یتمها وحتی لو أفسد الجمعة قبل تمامها لا یبطل
 ظهري علی هذه الرواية . ویقتصر الفساد علیه لو كان اماماً ولم یحضر الجمعة من اقتدی به
 فی الظهر . كما فی ص والدر . وفيها یلغز : أي صلاة فسدت علی الامام ولم تنفسد
 علی المأموم ؟ ط علی الدر .

(٣) وقال زفر والشافعی لا یبطل ظهري المعذور بإداء الجمعة بعده وتتم الجمعة
 نفلاً . ط . وظاهر ما فی الحیط أن ظهري المعذور إنما یبطل بحضوره الجمعة لا بمجرد
 سعيه كما فی غیر المعذور . قاله ط فی حاشیة الدر .

(٤) إنما قید بهم لیعلم حکم غیرهم بالاولی . ط .

(٥) إنما صرح بهم مع دخولهم فیمن قبلهم للخلاف فیهم . كما فی ط علی الدر .

شهر ایچنده (۱) صلات ظهري كرك جمعه نمازی قيلندقدن صكره
و كرك آندن اول جماعت ايله قيلمق مكروهدر (۲) .

اهل بلده دن جمعه كنديلرینی فوت ایتمش اولانلردخی بویله دركه
آنلر صلات ظهري اذانلر و اقامتسز و جماعتسز اوله رق قيلارلر .
در مختار (۳) .

صلات جمعه یه تشهده (۴) دخی یتشان آنی جمعه اوله رق اتمام
ایدر (۵) و جهر ايله اخفا بیننده مخیر بولنور .

(۱) أما فی حق أهل السواد فغير مكروه لانه لاجمة عليهم . وكذا ان كان
المكان بعيداً عن المسجد . وجعلها في البحر مستثناة . ط علی الدر .

(۲) أي تحريماً . وكذا يكره الاذان والاقامة . ط علی الدر .
(۳) چونكه جماعت اولقده معذور اولیان دخی معذوره اقتدا والتحاق ایدرك
جماعت مطلوبه اولان جمعه جماعتك تقلیلانی مؤدی اولاق مخذوری اولور . همه
اندن بشقه جماعت اقامه اولتمقله اكا صورت معارضه كورینور . ط .

(۴) یاخود امام سجود سهوی ترك ایتمدیكنه كوره انك سجده سننده
ویا تشهده . ص .

(۵) « وما فاتكم فاقضوا » بیوراشدركه صلات امامدن سزی فوت ایدنی قضا
ایدك دیمكدر . صلات امامدن فائت اولان شی ایسه جمعه در ظهر دكلدر . ص
مع ط . قال المؤلف : وهذا عندهما وقال محمد ان أدركه قبل رفع رأسه من ركوع
الثانية أتم جمعه والا أتم ظهراً وفي اليديته اتفاقاً .

احكام عيدین

(عیدین) لفظی بیرام معناسینه ارلان عیدک تثنیه سیدر . بری فطر و دیگرى اضحی اولمق اوزره سنهده ایسکی بیرام واردر (۱). آنلرک ایکیسینک بردن واجبات و مندوباتی کبی احکام شرعیه سنک بیانی قصد اولهرق (احکام عیدین) دینلشدر .

عیدتسمیه سی جناب حقک او کون مؤمن قوللرینه دینی و دنیوی عوائد احسانی اولدیغنه و یا خود تکرار فرح و مسرت ایله تفال عودتته مبنیدر (۲) .

بیراملرک واجباتی نمازلر و نمازلرینه مخصوص تکبیرلر ایله عید

(۱) اهل مدینه نك ایکی یوم لهو و سرورلری اولدیغی حلوانده بالسؤال معلوم عالی نبوی بیورلدقده انلره خطاباً : حق تعالی سزک ایچون او ایکی یومه انلردن خیری ایکی کون یدل ایتمشدرکه یوم اضحی و یوم فطر در . بیورلش اولدیغی حضرت انس روایتیله سنن ابی داودده مذکوردر .
(۲) روحدن رخ و خوفدن خیفه کبی معلدر . بیرام ایتمهک تعیید دینور . قال أبو الطیب .

هنيئاً لك العيد الذي أنت عيده وعيد لمن سمي وضحي وعيدا مقامات حرییه نك (برقعیده) سنه باقکز . لزوم یایه مبنی عیدک جمعی ظاهری اوزره اعیاددر . ابن الراوندى :

عن الزمان كثيرة لا تنقضي وسروره يأتيك كالأعياد
اصلى اوزره أعواد اولماسی عود لهو و خشبك جمعی اولان أعواده التباس ایتامک
ایچون اولدیغی حقنده ای افاده اطرا دسدر چونکه ارواح روحک جمعی اولدیغی
کبی ریحک دخی جمعیدر . قال میسون :
وبیت تحفك الارواح فيه أحب إلى من قصر منيف

اضحاده کی تشريق تکبير لرندن وعيد فطرده کی صدقه فطر دن عبارتدر .

پيرامرك مندوبانی شو لر در :

- (۱) ایرکن قالقمق .
- (۲) غسل ایتمک .
- (۳) مسواک طو تنمق .
- (۴) طیب سورتمک
- (۵) کیمه سی مباح اولان البسه نك أحسننی کیمک (۱) .
- (۶) نعمت حقه تشکراً اظهار فرح و سرور ایتمک وخاتم طاقنمق (۲) .
- (۷) عيد فطرده جامعه چيقمدين طاتلی برشی ییمک .
- (۸) بینان شی قوری خرما اولمق .
- (۹) تک عدد اوزره ییمک .
- (۱۰) عيد اضحاده قربان کسه جک کیمسه آندن ییمک ایچون اکلی نمازدن صکره یه تأخیر ایتمک (۳) .
- (۱۱) نمازه ایرکنجه طاوراوب صلات لجرى محله مسجدنده قیلهرق صلات عيد ایچون نمازگاهه وجامع کبیره کیتمک .
- (۱۲) سکون و تمکین اوزره یوریمک (۴) .

- (۱) کرک جدید ، کرک غسیل (بیقائش) اولسون .
- (۲) صحابه دن آیام سائرده خاتم طاقنمبانلر یوم عیدده طاقنورلرایدی . ط .
- (۳) قال فی الدر وان یضح فی الاصح . ولو اکل لم یکره ای تحریرا ه .
- (۴) مشی رکوبدن افضلدر . عودنده قاصد قربت اولمديغیچون رکوبده بأس یوقدر . کما فی الدر مع ط .

(۱۳) نماز کیدر ایکن عید فطرده سرأ وعید أضحاده^(۱) جهراً
تکبیر آلمق^(۲) .

(۱۴) عودتده بمسکن ایسه دیکر یولدن کلک^(۳) .

(۱۵) مؤمنینه ملاقی اولدقجه اظهار بشاشت ایلمک^(۴) .

(۱۶) قادر اولدیغی تکثیر صدقات ایتمک .

عید فطر واجباتندن اولان صدقه^۵ فطرك اعطاسیچون افضل
اوقات بیرام نمازندن اول ویرمکدر^(۵) .

(۱) عشر ذی الحجه ده بیله زقافلرده تکبیر آلمقدن ناس منع اولماز .

درمختار . بر طاقم مشایخ فقها انی مستحب کورمشرایمش . کما فی طعلیه .

(۲) مؤلفک افاده سنه کوره تکبیری نماز کاهه وارنجیه وعلی روایة

نمازه باشلار ایکن قطع ایدر . ناسک عملی الیوم ایکنجی روایت اوزره دراه

نماز کاهلرده جمأ وجهراً تکبیرلر آنور دیمکدر . بزم خلق بوندن غافلدر .

(۳) اقتداء بالنبی صلی الله تعالی علیه وسلم و تکثیراً للشهود لان مکان

القربة بشهد اصحابه . ص مع ط . اولیتصدق علی فقرائهما . وینفی أن

یکون ذلك علی الوقار مع غض البصر . ط علی الدر .

(۴) « تقبل الله منا ومنکم » یاخود « غفر الله لنا ولكم » مثلی

تعبیرلر ایله تهنئت ایتمک محشینک افاده سنه کوره منکر دکل ، بلکه

مستحیدر . دباء بالتقبل اصحاب رسول الله وه واقم اولشدر . مصاحفه دخی

مطلوبدر اه معانقه مکروهدر .

(۵) مأموره مطلق نوعندن اولدیغیچون انی رمضان شرطیله

وعلی قول رمضان شرطی دخی اولیه رق یوم فطرندن اول ویرمک بیله

جائز و یوم فطرده قبل الصلاة مستحب و اوکون بعد الصلاة دخی جائز

و یوم فطرك خروجندن صکره اعطا ایتمک دخی جائزدر ولیکن بوتأخیر

بر کناهد رکه ادا ایله مندفم اولور . تکمیل بعد القدره تأخیر حج ایدن

کنهکار اولقله برابر او کنه اداء حجدن صکره زائل اولور . کما فی ط .

صلات عید

بیرام نمازی ایکی رکعتدن عبارتدر و جمعه نك شروط و جوبنی حائز اولانله واجبدر (۱) شروط صحنی بالجمله نمازلك شروط صحنی اولوب فضله اوله رق بونده شروط صحت جمعه دخی معتبردر . آندن یالسکر خطبه مستثنادرکه صلات جمعه ده خطبه شرط صحت و نمازدن مقدم اولوب صلات عیدده شرط دکل ، سنت و نمازدن مؤخردر . کیفیتنجه سائر نمازلردن فرقی بونك هر رکعتده اوچر فضله اولمسندهدر . او تکبیرلر واجبدر .

بیرامك ایلک کونی (۲) بعد الطلوع وقت کراحت چیققدن صکره (۳) جماعت صف باغلا یوب : بیرام نمازینه . دیونیت ایدیلهرک طور یلور (۴) مقتدی یه کوره نیت اقتدا دخی زیاده ایدیلور . افتتاح تکبیرینی متعاقب

(۱) سنت مؤکده دییان دخی اولمشر . جمعه کی فرض دکل ایسه ده ترکی صلات و بدعتدر . کما فی الجوهره . [ولتکبروا الله علی ما هداکم] قول کریمندن صلات عید فطرک و [فصل لربک وانحر] قول کریمندن صلات عیداضحانک وجوبنه استدلال اولمشر .

(۲) عذره مبفی صلات عید فطر ایرتسی کونه و صلات عیداضحی ده ایرتسی کونه تاخیر اولنه بیلور .

(۳) مبدأی بو و منتها سی ماقبل الاستواءدر . بعد الزوال صلات عید قیلناز .

(۴) وجوبی بر منوال محرر مختلف فیله اولدیفیچون واجب اولان بیرام نمازینه دیمکه لزوم یوقدر . ط . طقوز تکبیر ایلله دیمک معنا سدر . چونکه تکبیرات زائده طقوز اولدیفی کی اصلیه دخی طقوز دکلدر . زائده مه الاصلیه ایسه ده زیادهدر .

ال باغلانه رق سبحانک اوقنور . بعده « الله اکبر » دیو اللر رفع (۱)
ویانلره ارسال اولنور . حین ارسالده اوچ سبحان الله دینه چک قدر
ساکتاً توقف اولنور (۲) . بعده ینه الله اکبر دیو رفع ید و ارسال ید
اولنوب اوچنجی دفعه تکبیرده اللر رفع اولندقدن صکره ارسال
اولنمیوب باعلانور . امام کیزلیجه تعوذ و تسمیه دن صکره قراءته
جهر آشروع ایدوب سوره فاتحه یی اوقورو کیزلیجه جمله آمین دینیله رک
ضم سوره و یا آیات ایدر . رکعت اولاده اوقونه جق سوره نیک سبح
اسم ربک الاعلی الخ اولسی و رکعت ثانیه ده سوره غاشیه نیک اوقنمسی
مندوبدر . رکوع و سجود اولنوب رکعت ثانیه یه قیام ایدلدکده قراءتدن
صکره ورکوعدن اول الله اکبر دیو اللر رفع و ارسال اولنور . بعده
ینه الله اکبر دیو رفع ید و ارسال ید ایدیلوب اوچنجی تکبیر دخی
بووجهله آلدقدن صکره الله اکبر دیو رکوعه و اریلور (۳) سجده لردن
صکره قعوداً تحیات و صلوات و ادعیه اوقنهرق سلام و یریلور .
نمازدن صکره امام منبره حیقوب اوطورمیهرق (۴) خطبه اوقور
و جمعه خطبه سنده کی حمد و ثنایه بدل : « الله اکبر الله اکبر لا اله الا
الله والله اکبر الله اکبر والله الحمد » دیر . جماعت دخی برابرجه

(۱) رفع ید سنن صلاتده مذکوردر .

(۲) کما فی الدر . قال وهذا يختلف بکثرة الزحام وقتله اه لان
المقصود منه ازالة الاشتباه . ط علیه .

(۳) رکعت ثانیه نیک تکبیرات زائده سنی دخی رکعت اولاده اولدیفی کبی
قراءتک اولنه آلمق جائز ایسه ده ذکر اولنان صورت اولوومستحیدر .
کما فی واجبات ط .

(۴) چونمکه بونده جمعه خطبه سی کبی اذان یوقدر .

بو تکبیری آلور (۱) و خطبه یی ایکی یاپوب آرله ربی جلسه خفیفه ایله فصل ایدر .

خطبه نك نمازه تقدیمی ترکی کبی مکروهدر (۲) .
خطبه عید فطرده خطیب صدقه فطر احکامی (۳) و خطبه عید اضحاده اضحیه یی و تکبیر تشریق تعریف ایدر (۴) .

بیرام نمازندن اول اوده و جامعه و بیرام نمازندن صکره جامعه نافله قیاق مکروهدر ، اوه کلد کدن صکره قیله بیلور (۵) .

(۱) تکبیر ایچون ظاهر روایتده عدد معین یوفا یسهده خطیب اکثر خطبه یی تکبیردن عبارت قیماز . عید اضحی خطبه سنده عید فطر خطبه سندن زیاده تکبیر آلور . ص . متن در مختارده خطبه اولابه علی التوالی طقوز و خطبه ثانیه یدی تکبیر ایله استفتاح ایتمک مستحب اولور دیو مذکوردر . ظاهر روایت مؤلفک ذکر ایتدیکیدر . کما فی ط علی الدر . (۲) در مختارده خلاف سنت اولدیغی بیانیله اساءت تعبیر اولمشدر .
ومثله للمؤلف .

(۳) کیمه ونه مقدار واجب اولدیغی و کیمه ویریله جکئی و وقت وجوبی ذکر ایدر . ص . لکن صدقه فطرک اداسیچون وقت مستحب نمازه چیقلمدین اول اولان زمان اولدیغیچون احکام مذکوره یی بیرامدن اول اولان جمعه خطبه سنده ذکر ایتمک کرکدر . ط .

(۴) عید اضحایه کوره تکبیر تشریق دخی یوم عرفه دن بد ایتدیکیچون انی دخی بیرامدن اولسکی خطبه ده تعریف لازم کاور . کما فی ط علی الدر . (۵) علیه الصلاة والسلام افندمز حضرتلری نوانله حریص اولدقلری حاده صلات عیددن اول نافله قیله امشدردر . خانه سعادت آشیانه لرینه عودت بیوردقلرنده ایکی رکعت قیلدقلری اولمشدر . ص مع ط .

وقتی کچمک و امامه یتشه مامک (۱) صورتیله صلات عید
کندیسی فوت ایدن کیسه اتی قضا ایدمز ومنفرداً قیلاماز (۲)
دیلرسه دوزر کیدر و دیلرسه نافله قیلار . افضل درت رکعت
قیله قدرکه انک ایچون صلات ضحی اواش اولور (۳) .

صلات عیدک رکعت اولاسنده امامه تسکیرلردن صکره افتدا
ایتمش اولان کیسه تسکیرلری فی الحال ایدر . رکعت اولانک
رکوعنده یتشان کیسه قائماً بالافتداه افتتاح تسکیرینی آلور
وامامه رکوعده مشارکت ایده بیله چکی تقدیرده تسکیرات زائده سنی
دخی قائماً ایدر . امامه رکوعده مشارک اوله میه جفی تقدیرده
افتتاح تسکیرلردن صکره رکوعه واروب تسبیحات رکوعه بدل
ال قالدیر میه رق تسکیرات زائده نی آلورکه رکوع ایچون حکم

(۱) سواء كان لعذر أم لا لأنه يأثم في الثاني دون الاول . ط .
(۲) چونکه جماعه مشروعدر . بعدالشروع انسادایتمک صورتنده
دخی قضا لازم کلز . بو مسئله الفاز اولنه رق : هانکی کیسه در اوکه
اوزرینه واجب اواش نمازی انساد ایتمشدرده قضا لازم کلاماشدر؟ دینیلور .
صلات عید اتفاقاً جائزالتعدد اولغله بر امامه یتشه میان دیگر بر
امام جمعه ایله اتی قیله ییلور . کندیسی امام جمعه ایسه جماعت بولوب اقامه
ایلر . کما فی ط .

(۳) ابن مسعود حضرتلرندن مروی اولان شیئه بناءً که مشارالیه
حضرتلری : صلات عید کندیسی فوت ایدن کیسه درت رکعت نماز
قیلار رکعت اولاده سورہ اعلانی ورکعت ثانیده سورہ والشمسی
ورکعت ثالثه سورہ والابی ورکعت رابعه سورہ والضحی وقرآن .
بیورمش و بوبابده حضرت رسول الاهدن صلی الله تعالی علیه وسلم وعد
جلیل واجر جزیل روایت ایلمشدر . ص . يعطى ثواباً بعدد كل ما نبت
فی هذه السنة . ط .

قيام واردر وواجبی اتمان مسنونى اتماندن اولادر . اكر انك
تسکیرات زائدهسى ائناسنده امام ركوعدن رفع رأس ایدرسه
قالان تسکیرلر مقتدینك اوزرندن ساقط اولور .

صلات عیدك ایکنجی رکعتنده امامه یتشان کیمسه رکعت اولای
سلام امامدن صکره قضایه قیام و تسکیرات زائدهنى قراءتدن صکره یه
تأخیر ایدر (۱) .

تعریف-که عرفه کونی عرفاتده کی حجاجه تشبهاً بلده خارجه
حقیقوب باش آچیق طورمق ولیمیکخوان اولمقدر (۲) - هیچ
برشی دکلدر (۲) .

(۱) وهو مخصص لقولهم : ان المسبوق بقضى اول صلاته في حق
الاذکار . ص .

(۲) عینک بیاننه کوره تعریف طیب سورنکه وانشاد ضاله
ایتمکده اطلاق اولور .

(۳) بوندن درمختارده اولدیفی وجهله فرض یاخود واجب ویا
مستحب اولان عبادت انواعندن دکلدر معاسی آلنهرق تعریف مذکور
مباح ظن اولنسون که مؤلف تصریح کراحت ایتمش و عیسی کراحتک
تحریمیه اولدیفی سوبله مشدر . که به نك غیریده طواف جائز اولدیفی کبی
عرفاتک غیریده دخی بوم عرفه ده وقفه اولماز . نیکیم قربان کسمکه قادر اولماته
طواف یاخود خروس قربان ایتمک اولماز . مقامه بصریه سنده حریرنک
« وبکم اقتدی فی التعریف ، و عرف التسخیر فی الشهر الشریف » قولندن
اکلاشلدیفنه کوره بو بدعت تعریف بصره دق ظهور ایتمشدر . شرح
مقاماتده بدعت مذکوره سیدنا ابن عباسه عزو اولنمش ایسه ده مشارالیه
حضر تلرندن منقول اولان کندیلرینک بصره ده استسقا (یغفور ایچون دعا) یه
حقیقش اولمایدرد . والتسخیر الايقاظ للسجود .

تسکیر تشریق که ایام تشریق تسکیری دیمکدر (۱) واجبدر .
(واذکروا لله فی ایام معدودات) بیورمشدر (۲) . اراکه کوره
انک جهری دخی واجبدر . عرفه کونی (۳) صباح نمازندن
اعتباراً بشنجی کونک که ذی الحجه انک اون اوچنجی کونیدر

(۱) تشریق : آتی کونشلنوب قیدیتمکدر ، عادت عربان قربان انلربی
ذی الحجه انک اون برنجی واون ایکنجی واون اوچنجی کونلری کونشه سرمک
اوزرمجاریدر . بواوچ کونه انک ایچون ایام تشریق تعبیر اولنور . ذی الحجه انک
طفوزنجی واوننجی کونی ایام تشریق دن دکل ایسه ده تسکیرک اکثر اوقاتی
ایام تشریق اولق اعتباریله تسکیر اکا اضافه ایدلشدر . تشریق برده
تسکیرایله رفع صوت ایتمکه اطلاق اولنور . بوکا کوره اضافت تشریق دن
عبارت اولان تسکیر دیمک اولارق بیانیه کی اولور . کما فی ط .

(۲) انما لم یکن فرضاً بهذه الآية لما قيل ان المراد به ذکر
الله تعالى عند رمی الجمار بدلیل [فن تعجل فی یومین الآية] فلم یکن
الكتاب قطعی الدلالة فیفید الوجوب لا الافتراض وقد واطب علیه
صلی الله تعالى علیه وسلم من غیر ترک وکذا الخلفاء والصحابه أجمعون . ط .
(۳) ذی الحجه انک طفوزنجی کونیدر . راسی مفتوحدر . عرفت موضع
اسمی اولدیفی کبی عرفه دخی ، یوم مذکورک اسمی اولغله یوم عرفه
تعبیرنده کی اضافت بیانیه در . رمضن بیرامنده عرفه یوقدر . ذی الحجه انک
عشر اولی موسم یعنی وقت حج اولغله ایام معلومات تسمیه اولنوب انلردن
سکزننجی کون که حجاجک مکهدن منایه چیقده قاری کوندر یوم تربیه
تسمیه اولنور . نمازلر عقبنده تسکیر آلان کونلره مبدأی اولان عرفه دن
اعتباراً ایام معدودات دینور . قربان بیرامی معلوم اولدیفی وجهله
ذی الحجه آینک اوننجی واون برنجی واون ایکنجی واون اوچنجی کونندن
عبارت اولق اوزره درت کوندر . ایلک کونی صرف یوم نحر درکه
یوم ذبح دیمکدر . صوک کونی صرف یوم تشریقدر . ارده کی ایکی کون
انلرده قربان دخی کسیره ییلدیکیچون هم یوم تشریق همده یوم نحر در . تسکیم
ان شاء الله تعالی کتاب الذبائحده ذکر اولنور .

ایکندى نمازینہ دکن ہر فرض عقبینہ آلنور . یعنی ذکر اولنان مدت ایچیندہ کی یکرمی اوچ وقت نمازی متعاقب برر کرہ : « الله اکبر الله اکبر لا آله الا الله والله اکبر الله اکبر والله الحمد . » دینیلور (۱) وبونده منفرد ومقتدی وامام ومقیم ومسافر وبلدی وقروی وکذا اړکک وقادین مساوی بولنور (۲) .

مسبوق دخی لاحق کبی قضاء مافات عقبیندہ تکبیر مذکورى آلور . مسبوق اتی مع الامام دخی آلسه نمازی فاسد اولماز .

امام اوزرنده سجدوسهو وار ايسه اولانی ایفا ایدوب بعده تکبیر تشریق آلور . احرامده ايسه تلبيهی (لبیک الخ دیمکی) دها صکره یاپار .

تکبیر تشریق ذکر اولنان ایام تشریق اوقاتنده قیلنان نمازلرک ادا وقضاسنده واجب واکونلره خاص اولدیندن ایام تشریقک نمازلری اوقاتنده فوت ایدیلرک ایام سائرده قضا اولنه جق اولورسه تکبیرلر قضا اولماز .

(۱) تکبیر تشریق بزجه قبل التهلل ایکی تکبیر ایلہ بعد التهلل ایکی تکبیر وبرجهلدن عبارتدر . وعند الشافعی قبل التهلل اوچ تکبیردر . قاله الحلی .
(۲) مفتی به اولان قول امامین بودر . نزد حضرت امامده تکبیر تشریقک وجوبی جماعت مستحبہ ایلہ قیلنمق شرطیلہ یالکز سکز وقتک فرضلری عقبہ خاصدرکه انلری عرفہ کونی صباح نمازندن اعتباراً ایرتسی کونک ایکندبسی نهایتنه قدردر . جماعت مستحبہ قیدیلہ جماعت نسا وعرات خارج قالمشدر . شهرده مقیم امامه اقتدا ایتمش اولدقجه مسافرده واجب دکلددر . کافی ص ۴۰ ط .

صلات کسوف

کسوف و خسوف و زلزله و ریح شدیدہ و امطار دائمہ و صواعق محرکہ و ظلمت ہائلہ و ضوء ہائل و عموم امراض کبی ہول و فزع زمانہ زندہ بالجملہ حادثاتک مبدع کائناتہ اضافہ سنی تحقیقاً وقت کراہتک غیریدہ نمازہ طور مق و ایکی و یادہا زیادہ جفت رکعت نماز قیلوق سنتدر (۱) بیورک سورہلر اوقویہ رق و رکوع و سجود تسبیحانی چوغالہ رق بو نمازلری تطویل ایتمک دخی سنتدر (۲) علیہ الصلاة والسلام افندمز حضر تلی : « اذا رأیتم شیئاً من هذه الافزاع فافزعوا الى الصلاة » بیور مشلر و ولد مکرم لری جناب ابراہیمک یوم وفاتندہ واقع کسوفی موت مشار الیہ بنا و اسناد ایتمک ایستیانلرہ جواباً مع الجماعہ ایکی رکعت

(۱) أجرامه تأثیر اثباتی زعمندن خالی اولیان انسانلر خسوف و کسوفدہ دخی درلو توہمانہ نابہ اولہ کلدکلرندن تأثیری وارد قہارہ حصر و ہر بار صبر و صلات ایلہ استعانہ یامر ایدن دین عالی بزہ او اوہامدن فراغی و بوکبی برر سبب و وسیلہ بہ مبنی دخی نماز ایلہ اشتغالی توصیہ بیورمش دیمکدر . تفن و تفلسف داعیہ سندن بولنان بعض ابناء عصرہ بو بایدہ « احذر من الخسوف و الکسوف ، ولا تستمع لقول الفيلسوف » دیمکدن قطع نظر لہ موعظہ حسنہ اولوق اوزرہ ، طبوع (قافلہ شمار) نک حرف الجیم فصلندہ (۱۰۶۵) تاریخندہ متوفی صاحب ملجمہ منظومہ ابراہیم جووری نام شاعر شہرینک ترجمہ حالی اوقوملرینی توصیہ ایدرم . (۲) رکوعی علیہ السلام افندمز اطالہ بیوردقلری ایچون ایکی یابدی ظن ایدیلرک حدیث حضرت عائشہ دہ صلات کسوف ایکی عشر رکوع ایلہ قیاندی دیو روایت اولنش و او روایت مذهب امام شافعی اولمشدر .

نماز دن صکره خطبه صورتيله : « شمس و قمر جناب حقك آياتندندر
هيچ کيمسه نك وقاتي ياخود حياتي ايچون طوتلمازلر . » بيورمشلردر .
عصر حضرت رسالته خسوف دخي مراراً واقع اولمش ايسه ده
انده جماعه نماز قيلنديغي روايت اولنماشدر .

کسوف جماعتی دخي جمعه امامنك موجوديتيله مشروط اولوب
انده ده اذان واقامت و جهر قراءت مشروع دکلدر . اذانه بدل : « الصلاة
جماعة » ديو ندا اولنور .

بو نمازلك هيچ برنده خطبه اولنديغي کي (۱) دعا ايچون منبره
چيقيمق دخي يوقدر .

صلات کسوف جماعه قيلنديغنه کوره امام بعد الصلاة او طورديغي
رده قبله يه قارشو اوله رق و ياخود دها کوزل اولماق اوزره آياق
اوزري اولنديغي حالده جماعته يولله رك دعا ايدر . جماعت قعوداً آمين
ديرلر .

(۱) وحطبتہ صلی اللہ تعالیٰ علیہ وسلم ایست لالا لارده علی من نزم
ما ذکرناه . کما فی ط .

﴿ باب ﴾

الاستسقاء

طلب سقيا (١) ايتمك يعني برندن صو ايتهمك ديمك اولان استسقاء اصطلاح فقهاه حق جل وعلا دن وقت قحطه يغمور طلب ايتمك معناسنده استعمال اولنمشدر كه تركجه سي يغمور دعاسنه چي قمقدر (٢) دعا واستغفاردن عبارت ايسه ده قبل الدعاء مفتي به اولان قول حضرت امام وجهله بلا جماعة وامامين قولنجه جهراً مع جماعة ايكي ركعت نماز قيلق دخي جائز اولديغندن باب الاستسقاء كتاب الصلاة ابوابندن اولمشدر .

ايجه جلك وقوللانجه حق وماشييه (٣) ومزرعه لريني صولا به حق آبار وأنهارى اولميان وياخود اولسه كفايت ايتميان يرلر اهالي سي (٤)

(١) والسقيا بالضم الماء . ط . قال تعالى : ناقة الله وسقياها .

(٢) قال الحموى ويعجبنى ما قيل :

خرجوا ليستسقوا فقلت لهم قفوا * دمي ينوب لكم عن الانواء

قالوا صدقت فني دموعك مقنع * لكنها ممزوجة بدماء

اه ط في حاشيته . وفي مرثية المعري أباحزة الفقيه ما يشاكل هذا المعنى حيث قال :

و دعا أيها الخفيان ذاك الشخص ان الوداع أيسر زاد

واغسله بالدم ان كان طهراً * وادفناه بين المشا والفؤاد

(٣) حيوانات .

(٤) استسقاؤه فى بولنديرلار وانلرك كنديلرينه استسقا

ايتديرلر . كما فى ص .

حاجت وقتنده استسقاء ایتمک جائز ، وسنت سنیه ده واقع ، در (۱) .
استسقاء مستحب اولان اوج کون (۲) علی التوالی صحرايه چيقوب
دعا ایتمک واولجه صدقه لر ویرمک و معاصی یه توبه ایتمک و تتمه توبه
اولق اوزره بغیر حق اخذ اولنمش شیلر وار ایسه انلری اصحابنه رد
واعاده ایلک و حین خروجه ماشی وپاک واسکی وحتی یامه لی لباسلری
لابس بولنق و بیونلر بوکیله رک کمال ذل و خشوع و تواضع اوزره
اولق و دواب و مواشی نی دخی یاوریلر یله چیقاروب انلری یاوریلرندن
آیرمق (۳) و چوجقلر و پاک یاشلی اختیارلر دخی دعا یه چیقمقدر (۴)

مکه مکرمه ده ناس مسجد حرام و مدینه منوره ده مسجد شریف
نبوی و قدس شریفده مسجد اقصی داخلنده اجتماع ایدرلر (۵) .

(۱) صح فی کثیر من الآثار أنه صلی الله تعالی علیه وسلم استسقی
وکذا الخفاء بعده . ط . انظر لاستسقاء سیدنا عمر فی تاریخ ابن الاثیر
الی وقائم سنة ثمان عشرة . و ذکرته انا فی الحقائق فی ترجمة سیدنا ابن
عباس رضی الله تعالی عنهما مع الاشعار التي فیله .

(۲) اندن زیاده سی منقول دکلدر . ص .

(۳) تاکه دعاء بنی آدم ایلله حاصل اولان غریبو و فریادک مثلی
یهائیدن دخی انالک یاوریلر اوزرینه و یاوریلرک انالراوزرینه رفع اصوات
ایتمسینه حاصل و احتیاج خلق ظاهر اولسون: کذا فی ص مع ط .

(۴) چونسکه نزول رحمت ضعفا یوزندندر . حدیث شریفده
« هل رزقون وتنصرون الا بضعفائکم » بیورلشددر . رواه البخاری ص .
وقد استسقی به صلی الله تعالی علیه وسلم وهو صغير . وفي ذلك يقول ابوطالب :

وابيض يستسقي الغمام بوجهه ثمال اليتامى عصمة للارامل

(۵) و توقف الدواب عند الابواب . ص .

قبله استقبال اولنوب امام قائماً ال قالديررق (١) دعا ايدر (٢)
وجامعت قاعداً آمين دير .
استسقاد قلب رداء ايتمك يعنى لباسى ترس كيملك بو قدر (٣) .

(١) برشيئك طلب وتحصيلي ايچون ايديلان هر دعاده سنت اولان
الرك ايچ يوزيني سمايه طو تقدر . ط .

(٢) دعاده لازم اولان متضرعانه طلبدر . بربابده مأثور اولان
دعا شولردر : « اللهم اسقنا غيثاً مفيداً هنيئاً مريئاً غيثاً مجللاً سحاً
طباقاً دائماً . » يعنى يارب بزي شدتن قورناريجي وحقمزده ظاهراً
وباطناً نافع و محود العاقبه وبادى نمو ورضا بر يرمور ابلة صولاكه
صفانا قلى واطرافى محيط وتأثيرلى و انتهاء حاجته دكن دائم اولسون .
« اللهم اسقنا غيثاً مفيداً نافعاً غير ضار عاجلاً غير آجل . اللهم اسق عبادك
وبهائمك وانشر رحمتك وأحي بلدك المي . اللهم انت الله لا اله الا انت
الغنى ونحن الفقراء أنزل علينا الغيث واجعل ما أنزلت لنا قوة وبلاغاً الى خير . »
يغمورك نزولنده « اللهم صيباً نافعاً » دينرر . فوق اللزوم نزولى سبيله رفعى
مطلوب اولدنده « اللهم حوالينا ولا علينا » ديو دعا ايديلور . كما فى ص والدر .
(٣) جماعتك قلب البسه ايتاملرى اتقايدر . امامك قلب لباس ايتمسى
مسئلهسى اختلافليدرك امام محمد وبر روايتده امام ابو يوسف تبدل حاله
تغلاً انك قلب لباس ايدرك دعا ايتمسنه قائلردر . كما فى ص .

(باب)

صلاة الخوف

حال خوف و خطر ده بجمعاً اذا اولنه جق نمازك صورت اداسنى بيان ايچون معقود اولان بابدر كه مقصود استعین بالله تعالى (و اذا كنت فيهم فاقمت لهم الصلاة فلتقم طائفة منهم معك الخ) آيت كريمه سنده امر بيوريلان كيفيت تأديه در .

صلات خوفك اصل مشروعيته نظراً تركيبه كى اضافت شيتك سببته اضافتيدركه خوف سببيله كيفيت آتیه اوزره قيلنان نماز ديمكدر . عصر كزين رسالتدن صكره يه نظراً شيتك شرطنه اضافتيدركه سبب خوف اولان وجود عدو شرطيله (۱) او صورتده قيلنمسي جائز اولان نماز ديمكدر . بلا حضور عدو صلوات خوف جائز اولميو بحتي كوريلان قارالتى دشمن ظن اولنه رق صلوات خوفه طور لسه ده بعده ظنك خلافى تبين ايتسه جماعتك اعاده صلوات ايتمارى لازم اولديغى كى (۲) اشتداد خوف وصفه مأموره اوزره عقد جماعتدن عجز حالنده نماز لر (فان خفتم فرجالاً أو ركبانا) قول كريمنده (۳) مأموره

(۱) ولو بدون خوف وهو قول العامة لان للمعتبر فى تعلق الرخصة هو السبب الظاهر دون الحقيقة . ط .

(۲) مكره خرقه اولى صفوقى تجاوز ايتمدين ظنلرتك خلافى تبين ايتمكله نماز رينه بنا ودوام ايتمشراوله لر . چونكه انلرايچون استحسانا بنا جائزدر . امامك نمازى هر حالده صحبدر زيرا انك حقنده مفسد بو قدر . ط .

(۳) قول كريم مذکور (صلوات فرض وواجب دابه و محمل اوزرنده قيلقى) فصلنده كچمشددر . باقكز (۳۹۷) .

اولديغى وجهله پياده وياسواری اوله رق (۱) كندیلرینك . مقدوری اولان وجه وجهت اوزره علی الانفراد (۲) اداء صلات ایتمك ویاخود خندق وقعه سننده اولدیغی کبی وقتدن بالتأخیر صکره دن قضا ایلمك لازم اولور .

کیفیت صلات خوف

انسان ویا حیواندن اولان دشمن مواجهه سننده یاخود سیل ویا حریق کبی خوف وخطاره حالنده [مجمع بولسان مسلمان اداء فریضه صلات ایچون حصراً برامام محترمه افتدا آرزو سننده متنازع اولدقلرنده اوامام محترم انلری ایسکی فرقه یه آییره رق (۳) برفرقه سنی دشمنه مواجهه براغوب دیگر فرقه سیله نمازه طورر . قیلنه جق نماز سفری یاخود صلات فجر ویا جمعه یاخود صلات

(۱) ماشیاً نماز اولدیغی جهتله پیاده حالنده قیلنان نمازه واقف بولنق لازم اولدیغی کبی وکوب حالنده ایما ایله قیلنه جق نمازك دخی شهر خارجنده بولنق شرطیه قیلنمش اولسی لازمدر . چونکه شهر ایچنده راکباً تنفل صحیح اولمینه فرض لضروره دخی اولسه صحیح اوله ماق اولادر . ذکره ط . حال رکوبده لضروره قیلنان فرض نمازه کوره حیوانك یورر اولسی مانم دکلدلر . مؤلف « ولو مع الیر مطلوبین لضروره لاطالبین لعدمها فی حقهم » دیمشدر .

(۲) اذ لا یصح الاقتداء باختلاف المكان الا أن یکون رديفاً لامامه . ص .

(۳) لافرق بین أن تكون إحدى الطائفتين اکثر عدداً من الاخری أو تساویا لان الطائفة تطلق علی الکثیر والفیل حتی علی الواحد فلو كانوا ثلاثة جاز لاحدهم أن یصلی بواحد ویحرس واحد ثم یصلی بالآخر . وهو أقل ما یتصور فی صلاة الخوف . ط .

عید (یعنی ایکی رکعتی) اولدیغنه کوره اوفر قهیه بر و حضری یاخود اقسام نمازی (یعنی ایکیدن زیاده رکعتی) اولدیغنه کوره ایکی رکعت قیلدر دقدن صکره کندیبی امام قالوب جماعتی اولان فرقه یوریه رک صف حرب اوزره دشمنه مواجه اولورلر (انلرک امام آرقه سندن آیرلماری صلات ثنائیه یه کوره ایلک رکعتک سجده ثانیه سندن امامک رفع رأس ایتدیکی و صلات ثنائیه نک غیریده قعدہ اولی تشهدندن قیامه طاوراندیغی زمانده اولور . ط) . دشمن قارشو سنده بولنان دیگر فرقه کلوب اقتدا ایدرک اوامام محترم انلره بقیه صلاتی قیلدیرر و کندی باشنه سلام ویرر . بونلر کیدوب دشمنه مواجه اولدقلرندن صکره اولسکی فرقه کلوب لاحق اولهرق بلاقراہ اتمام صلات ایدرلر و سلام ویروب دشمنه قارشو کیدرلر . بعده دیگر فرقه ایسترلر ایسه کلوب و ایسترلر ایسه اولدقلری یرده طوروب مسبوق اولهرق ایفاء فریضه قراءت ایله اتمام صلات ایلرلر و سلام ویروب نمازدن چیقارلر (۱) .

صلات خوف بلا وجود عدو جائز اولمادیغی کبی موجودیت

(۱) اشته سورة جلیله نساء یوزنجی آیت کریمه سی اولان أستعین بالله تعالى (واذا كنت فیهم فاقت لهم الصلاة فلتقم طائفة منهم معك وليأخذوا أسلحتهم فاذا سجدوا فلیکونوا من ورائکم ولتأت طائفة أخرى لم یصلوا فلیصلوا معک الخ) قول کریمله امر بیوریلال صلات خوفک کیفیتی حقنده کی روایانک اولاسی و ظاهر آیته اقربنی بودر . علیه الصلاة والسلام افندمز حضرترلی ذات الرقاع و بطن نخل و عسفان و ذی قرد و قاعنده انی اقامه بیوردیلر . کندیلرندن صکره صحابه حضرانی دخی مجوسیلر جنمکنده انی اقامه ایتدیلر . کما فی ص والدر . و هذا دلیل علی من لا یحیزها بعد الذی علیه السلام وهو الامام الثانی . کما فی الملتقی و شرحه .

عدو حالنده شروع اولندقدن صكره مواجههٔ اعدايه آيريلان و نمازلى هنوز تام اولمامش بولنان هرايكى فرقه كيرو دونمك وموقع دكشدرمك وذهاب ويا ايا بده حيوانه بينمك وحرب وقتال ايتمك (١) ايله دخى بوزيله رق آنلرك استيناف صلات ايتملرى لازم اولور .

صورت مشروحه اوزره صلات خوف اقامه سنى موجب اولان حال اولجه دخى افاده اولنديغى وجهله جماعتك منحصراً بزمام آرقه سنده نماز قيلق ايچون يكديكره متنازع بولنملريدر . اكر آنلر اوبابده متنازع دكلر ايسه افضل اولان : هر طائفه مستقل برامام آرقه سنده حال امنده اولديغى كبي نماز قيلمقدور .
سفر بر عاصى ايچون بو نماز صحيح اوله ماز (٢) .
عند الخوف نمازده سلاحلى بولنمق مستحبدر (٣) .

-
- (١) واستثنوا القليل كرمية سهم . كما فى الدر .
(٢) فلا تصح من البغاة لان العاصى فى السفر عدو الله وهى مشروعة لغيره عند حضوره . ط .
(٣) امام مالك وامام شافعى حضرتينى (ولياخذوا أسلحتهم) أمرينه بى صلات خوفده حمل سلاح ايتمه نك وجوبنه قائل اولمشلردر . بز ايسه حمل سلاح أعمال صلاتدن اولمامق حسبيله امر مذكورك ندب ايچون اولديغنه حكم ايتمشلردر . ص .

(باب)

أحكام جناز

احکامك جنازه اضافتی شیتك سبینه اضافتیدر . چونكه ميت متعلق احكامك كافه سی میت سبینه مترتب و آنزده وجود میت لا بددر . رسائل وزنده مفتوح الجیم اولان جنازك مفردی بولنان جنازه لفظنده جیمك كسروفتحتی جائز وكسری افصحدر (۱) .
محضرى (۲) یعنی حالت نزعه كلكش خسته یی اكا مشقت

(۱) مصباح منبرده بویه ذکر اولنش و : اشتقاقی سترمناسنه اولان جنزدر دینلمشدر . میت جنازه اطلاق اولندیفی کبی ایچنده میت اولان تابوته دخی جنازه دینلور . علی قول : الاعلی للاعلی والاسفل للاسفل . دركه جیمك فتجه اولان جنازه تابوته اولان میتدر . جیمك كسریله اولان جنازه میتك تحتنده بولنان سریر یعنی تابوتدر . ایچنده میت اولان تابوت مناسنجه جنازه به نعش دخی دینور . ایچنده میت اولدقجه اسمی سریردر . میت منعوش تعیری دخی واردركه نعشه یعنی تابوته قونلش میت دیمكدر . دیوان حماسه نك مذمت نساء فصلنده کی شوقطعه خوشدر :
دمشق خذیها واعلمی أن لیلۃ تمر بعودی نعشها لیلة القدر
أكلت دماً إن لم أركع بضرة بعیده مهوی الفرط طیبة الذشر
تابوت معلوم اولدققی اوزره قیاقبدر . ا کثر بلادده نقل میت قیاقمز آلت اوزرنده اولدقندن سریر اطلاق اولنور . کم ابن زهیر حضر تلری ا کا آلت حدباء تعیر ایتمشدر :

كل ابن اثی وان طالت سلامته یوماً علی آلة حدباء محمول
(۷) محضر مختصر وزنده دركه كندیسنه موت حاضر اولش خسته در . قدوسی قدس سره :

سن ایدرسین کرچه دنیا بحثنی تطویل بوکون
بو مظلوم بحثنی یارین اختصار ایلر اولوم

اولدقجه قبله یه قارشو صاغ طرفنه چویرمک سئندر (۱) وجهی
اولدقجه قبله یه کلک اوزره باشی یوکسلدیلرک قبله یه طوغری
آرقه اوزری یاترمق دخی جائزدر (۲) . مختصره تلقین کلمه توحید
ایتمک دخی سئندر (۳) .

تلقین تفهیم معناسنه اولوب مقصود کلمه توحیدی اکا اوقو -
مقدر (۴) . سنده سویله دیو خسته یه امر والاح ایتمک یوقدر .
تلقینی ایدن کیسه خسته نلک اولومنه سوینه جملکردن اولماق
واکا حسن ظنی بوانمق کرکدر .

توبه هر زمان لازم اولدیغی (۵) واولوی اشعار ایتدیگی (۶)

(۱) نومه ولحده دخی مستون لولان وضع بودر . ط .

(۲) غسلده واوزرینه نماز قیلنهجق اولدیغده دخی میت بو حال اوزره
بولور . وونده کوزلری قایماق وچکسنی باعلامق خدمتری قولای اولور .
اعضانک تقوسنه بوسورت دها مانم بولور . اولکیسی سنت اولق جهتله
افضلدر قصاصاً قتل اولنهجق کیسه دخی قبله یه توجیه اولور . رجم اولنان
قبله یه توجیه اولماز . ط .

(۳) زمانی عند النزع وقبل الفرغدر . بالکز « لا اله الا الله » دیمک
کافیدر . حدیث شریفده امر اولنان اودو . خسته غیر مسلم ایسه کتبین شهادتین
تلقین اولور . أفاده ط .

(۴) اشته « اقنوا موتا کم لا اله الا الله » حدیثنده مندوب الیه اولان تلقین میت
بوندن عبارت اولوب موتادن مجاز اول طریقاه حال احتضارده اولان خستکان
مقصوددر . تتمه حدیث بوکادیلدرله « فانه لیس مسلم یقولها عند الموت الا انجته من
النار » بیورلمشدر . کافی ص . بعد الدفن دخی تلقین مشروددر . آتیا ذکر اولور .
(۵) زیرا توبه هر گناهک عقبنده واجیدر . یأسک ایمانی مقبول دکل ایسه ده
توبه سی مقبولدر . (وهو الذی یقبل التوبة عن عباده) قول کریمی مطلقدر .
بخلاف الکافر لعدم الایمان بالغیب . ط .

(۶) چونکه خسته کندینک حال احتضارده بولندیغی اشعار ایدن سوزدن
متضرر اوله یلور . ص .

جهنله تلقینى : « أستغفر الله العظيم الذى لا اله الا هو الحى القيوم . »
ديمك كې استنابه طرزنده ايتمك دخى كافى ومناسبدر .

مختضر ك اقر باسنه واصدقاسنه وجيرانه مستحب اولان حقنى يربنه
كتورمك ايچون ياننده بولنمقدر . چونكه مسلك مسلم اوزرنده
اولان حقوقندن برى ده خسته لىكنده آنى عيادت ايتمكد (۱) .
كنديسنه تلقين توحيد واستغفار ايله برابر جناب حقه ظننى تحسين
واعتمادى تقويه ايدجك سوزلر ايله تذكير وتسليته بولنورلر حرارتى
وار ايسه آزجه آزجه صو ويرلر وممكن ايسه آنى قبله يه چويرلر
وياننده يس شريف اوقورلر (۲) سوره رعدك اوقنمى دخى
مستحسندر (۳) .

وفاتى وقوعنده چكهمى اكليجه بر بزايله چكيلوب آغزى
قپاديله رق تپه سندن باغلانور وكوزلرى بومديريلور .
عند الموت آغز وكوز آچيق قالور اولمغه تحسين شكل ايچون بويله
امر اولمشددر .

بوايشلرى ياپان كييمسه : « باسم الله وعلى ملة رسول الله .
اللهم يسر عليه أمره وسهل عليه ما بعده وأسهله بلقائك واجعل
ماخرج اليه خيراً مماخرج عنه . » دير .

-
- (۱) خسته يى زيارته عيادت وخسته يه باقمغه تبريض تعبير اولنور .
كم من عليل قد تخطاه الردى فنجا ومات طبيبه والعود
(۲) للامر به . ص . وهو : اقرأوا على موتاكم يس . ط . وفى خبر :
ما من مريض يقرأ عنده يس إلا مات ريانا وادخل قبره ريانا . ص .
(۳) استحسنها بعض الآخرین لقول جابر رضى الله تعالى عنه : فانها تهون عليه
خروج روحه . ص .

بعده میتک اوزرینه بر اورتی چکیلور ویا ننده طیب بولند -
یریلوب توتسو یا قیلور .

شیشامک ایچون قارنمک اوستنه دمیر پارچه سی یا خود آینه وضع
اولنور .

الری یا ندرینه کتورلمش اولور . قوللرینی کوکسنه قویق
جائز دکلدیر (۱) .

بعد الوفاة غسل اولنجه قدر یا ننده قرآن او قنمق مکروه اولور (۲) .
وفاتی تیقن ایدلدکن صکره تجمیزی تعجیل اولنور (۳) .

(۱) صنیع اهل کتابدر ص . بز ایسه اناره مخالفتله مأمورز . عدم جواز
تعبیری حرمتی افاده ایدر . ط .

(۲) تنزیها للقرآن عن حدث المیت . ص . ولو آیه . ط .

(۳) میتک دفنی لوازمه جهاز وانی ندارکه تجمیز تعبیر . اولنور غسل دخی او
جمله دندر . تعجیل اکا اکرامدر . « وعجلوا به فانه لاینبغی لجیفة مسلم آن
تحبس بین ظهرانی أهله » بیورلمشدر . وجوب تعجیل صارف اولان شی مریض
حقنده کی احتیاعدر تا که موتی متحقق اوله . کما فی ص .

غسل میت (۱)

میت بر سریر اوزرینه واولمديغنه کوره غسل وتقليبی ممکن اوله جق بوکسکجه بریره آرقه اوزری یا تیریلوب اطرافى تک عدله توتسولنور . موضع عورتى اولان دیزندن کوبکینه قدر ستر اولندقدن صکره لباسی چیتقاریلور . موضع عورتى اله بریز صاريله رق (۲) اورتینک التندن وبز بولمديغنه کوره وار تینک اوستندن ییقانور . بعده میته بر آبدست آلديریلور (۳) . اللربنی آیروجه بیلسکرینه قدر ییقامغه حاجت اولمیه رق (۴) یوزندن باشلانور . مضمضه واستنشاق دخی عسرتلی اولدیفیچون ایدیلیوب دوداقلرینک

(۱) غسل میت فتح غین ایله در . ا کا تغیل دخی دینور . غسل میت ایدن ارککی غاسل وفادینه غاسله دیبه جکزه میت مشدد الیه اوله رق سید وزنده در . تخفیف دخی اولنور . تنکیم شاعر ایکی لغتی دخی جمع ایدرک :
لیس من مات فاستراح بمیت انما المیت میت الاحیاء
دیمشدر . وأما قولهم کل حی میت فثقل لا غیر . وعلیه قوله تعالى (انک میت وانهم میتون) اى سیموتون کما فی المصباح . وفی شرح البخاری للقسطانی فی صفحة ۵۱۴ من جزئه السادس :

أيا سائلی تفسیر میت ومیت فدوئک قد فمرت ان کنت تعقل
فما کان ذا روح فذلک میت وما المیت الامن الی القبر یحمل

(۲) چونکه باقی جائز اولمیان بره ال سورمسی دخی جائز دکلدر .

(۳) حی ومیته غسلده سنت اولان ایلك آبدستدر . غسلدن صکره تکرار آبدست آلق وآلدرمق زاندر . حلبینک اناده سنه کوره میت دها نمازی تعقل ایتیمان چوجق ایسه آبدست آلدرملاز .

(۴) چونکه یوزینی وشائر اضاء وضوء فی غسل ومسحه کندبسی مباشرت ایدجک دکلدر .

ايچى وديشلىرى و بورن دليسكرى و كوكبك چقورى پارمغه
صاريلان برىز پارچه سيله مسح اولنور . يوزى ومع اليد قوللىرى
غسل وباشى مسح ايديلوب آياقلىرى دخى ييقانمق (١) صورتيله
آبدستى على الترتيب تام اولدقدن صكره اوزرينه ممكن ايسه
ايصداش (٢) طاتلى صودو كيلور . صاچى وصقالى خطمى ايله (٣)
وموجود اولمديغنه كوره صابون ايله ييقانور (٤) باشى وبدنى
تنظيف ايدلدكدن صكره ميت صول طرفنه چوريلهرك ابتدا صاغ
طرفى ييقانور . دو كيلان صولر صرتنك سريره كلان يرلرينه قدر
وارديريلور . بعده صاغ طرفنه چوريلهرك صول طرفى دخى
اوصورتله ييقانور . اندن صكره غاسل اتى كندينه ياصلايه رق
قارنى ياواشجه مسح ايدر وبرشى ظهور ايدر مسه اتى ييقار .
ويرديكى آبدستى وغسل اعاده ايتمز (٥)

غسلك هر دفعه سى اوچردن اكسيك اولماق مستندر . حاجته
مبنى زياده دخى ايديلور . صو بلا حاجه اسراف اولماز .
طاغلق اوزره شيشمش وطوقلق متعذر بولش اولان ميتك
غسلنده همان اوزرينه صو دوكلمله اكتفا اولنور .

(١) صو بريكتينينده اولمديفچون آياقلىرى غسلى اك صكره يه
براغلاز . ط .

(٢) چونكه صويك صيچاغى تنظيفده ابلغ اولور . ص .

(٣) عراقده قات خوشبو بر نئاندر صابون ايشنى كورر . ص .

(٤) قبل يوق ايسه بوتكليفده حاجت اولماز . ص .

(٥) لانه ليس بناقض فى حقه . ص . وفى المصمرات عن الخزانة إذا
كفن فى كفن نجس لاتبوز الصلاة عليه بخلاف مالو تنجس بنجاسة الميت لان
فيه ضرورة وبلوى ولا كذلك الكفن النجس ابتداء . ط .

جنازه نك ييقانديغى محل اورتيلي اولوب اتى غاسلدىن ويار -
دجيسندن بشقه كيمسه كررمز (۱) .

ييقايان كيمسه فريضه غسلى اسقاطه نيت ايدرك (۲) بسمله ايله
باشلايوب نهايت غسله دكين : « غفرانك يا رحمن » دير . وميت
حقنده مطلع اولوبده نثرى لائق اولميان احوالى غاسل ستر
وكتم ايدر (۲) .

ميتى كندينه اك ياقين اولان قريبي وياخود ورع وامانت
اهلى بر كيمسه غسل ايدر وچاناً ييقار (۴) .

(۱) ميتك خانه سنده غسلى كندى حوائجندن اولمله مقدم اولديغندن
ورنه نك بز اتى بوراده غسله راضى اولمايز ديلرينه باقلماز . كما فى ط
على الدر .

(۲) اولولرى بيقامق ديريله فرض كفايه در . غسل ميتده نيت
ميتك تطهيري ايچون دكل ، بوفريضه نيت مكلفيندن اسقاط ايچون
لازمدر . اتى بلانيه غسل ايتكم دخى طهارت ايچون كافيدر . كما فى الدر .
سوده بوغوش بولنان كيمسه دخى نيت مذكوره ايله صوبك ايچنده
ايرغالنه رق چقاريلور . عند الاخراج غسلى نيت ايدلش اولديغنه كوره تحريك
اولمامش بيله اولسه فرض ساقط اولوب بهد الاخراج ايبي كره بيقامقله سنت
دخى يرينه كلمش اولور . كما فى ص مم ط .

(۳) بوزينك نورلانمى ورائحه سنيك كوزلانمى وقولايقله چوراسى
كبي ميتك خوشه كيدجك احوالى اولورسه غاسل اتى سويله ملك مستحيدر .
فنا قوقسى وقارارسى وقورقنج اولمى كبي خوشه كيتمه جك حالانى اولور
ايسه اتى سويله ملك حرامدر . حديث شريفده « اذكروا محاسن موتاكم
وكفوا عن مساوئهم » بيورلشدر . حيك عفو واستحلالى ممكن اولقله مبنى
ضيت حبي غيبتدن فنادر . ط .

فمناك ان تر مايشين فواره كرماً وان تر مايزين فافشه

(۴) من غسل ميتا غفرله سبعون مغفرة او قسمت مغفرة منها على
جميع الخلاق اوسعتهم . كذا فى حديث على رضى الله تعالى عنه على ما ذكره ط .

اجرت ایسته مک کنديسندن بشقه غاسل بولنمق تقدیرنده
جائز اولور . بولنماق تقدیرنده ییقامغه کنديسی متعین اولمغله
اجرت ایسته مک جائز دکلدر .

ارککی ارکک وقادینی قادین غسل ایدر . غاسل ویاغاسله نک
حدث اکبر حالنده اولسی مکروهدر (۱) .

قادین قسمی کندي زوجنی ییقایه بیلور (۲) رجعیاً مطلقه سی
دخی اولسه عدتی باقی اولدقجه زوجیه سی دیمکدر . بانئاً مطلقه سی
وعدتی منقضیه اولمش (۳) بولنان مطلقه* رجعیه سی غسل
ایدهمز (۴) .

ارکک کندي زوجیه سی ییقایه ماز (۵) . ییقایه جق قادین

(۱) غیر مسلمک ییقامسی دها زیاده مکروهدر مکرکه مسلم حقنده اندن بشقه
ارکک و مسلمه حقنده اندن بشقه قادین بولنمیه . ط *

(۲) حضرت ابوبکری کندي وصیتلری وجهله زوجهلری اسماء خاتون غسل
ایتمشدر . اووصیت حضرت ابو موسی الاشعری ده دخی واقم اولمشدر . رضی
الله تعالی عنهم .

(۳) زوجی وفات ایدن قادین متعاقباً وضعمحل ایتمکله دخی منقضیه العده اولور .
(۴) ظاهرده وایلاده دخی مس و نظر حلال اولمغله غسل جائز اولور . علی احدی
الروایتین فی الظهار علی ما ذکره الحموی رحمه الله تعالی .

(۵) ائمه* ثلاثه حضرت علینک حضرت فاطمه یی غسل ایتمش اولدقلری بیانیله
بونک دخی جوازینسه قائلدر . جواباً دینیلور که حضرت فاطمه یی حضرت ام
ایمنک غسل ایتمکلی دخی مرویدر : ثابت اولدیفنه کوره حضرت علینک
غسلی بقاء زوجینه محمولدره شو حدیث شریفه بناءً که « کل سبب ونسب ینقطع
بالموت الا سببی ونسبی » بیورلشددر . بونکله برابر که حضرت علینک مشار
الیهای غسل ایتمسی حضرت ابن مسعود منکر کورمکله حضرت علی اکا جواباً

بولناز ایسه زوجی اکا تیمم ایتدیرر (۱) .

جاریه کبی که ام ولد بیله اولسه (۲) افندیسی اتی غسل ایدهمز . جاریه دخی افندیسی غسل ایده میوب الله بریز آلهرق تیمم ایتدیرر (۳) .

صو بولناز ایسه میتہ تیمم ویریلور (۴) اولدیغی کبی ارککلر ایچنده اولن قادیته انلردن بری وقادینلر ایچنده وفات ایدن ارککه دخی انلردن بری محرم اولدیغنه کوره اتی بر بزه صارارق و (قادینک) قوللرینی کورمامک اوزره کوزلرینی یومارق و محرم بولندیغنه کوره اتی بزه صارمیهرق و کوزلرینی یومایهرق تیمم ویرر (۵) .

« أما علمت أن رسول الله صلى الله عليه وسلم قال إن فاطمة زوجتك في الدنيا والآخرة » بیورمشدر . حضرتک ادعاء خصوصیت ایتمسی دخی بینلرنده انک عدم معرفتته دلیلدر . ط .

(۱) واجتی کبی الله بز صارماز وقوللرندن غض بصر ایتمز . ص مع ط .
(۲) وكذا المسكابة لزوال ملكة عن الامه والمسكابة الى الورثة وبطلانها في أم الولد والمذبذبة لعتقهما بالموت . وعدة أم الولد لم تجب قضاء لحقه بل للتعرف عن براءة الرحم ولوجوبها بزوال الفراش أشبهت عدة النكاح فلم تكن بحيضة . كفا ط .

(۳) تیمم کتاب الطهارهده میندر . انک ایچون میتی تجریدهده اقتضا ایتمز .
(۴) واذا عم وصلى عليه ثم وجد اذاء يفسل . وهل يعاد الصلاة عليه؟ فيه قولان من أبي يوسف . ص مع ط بتصرف .

(۵) والختی اما ذکرولما اتی . والمشكل حکمه حکم ماذکر هنا . فلا یجرد وییم .

مشتات اوليان قيزچوجنى (١) اركك ومراهق اوليان
 اركك چوجنى قادين غسل ايده بيلور (٢) .
 محبوبك (٣) وخصيتك (٤) خلدن فرقى يوقدر .
 ميتك طرناقى كسيلز (٥) صاحى ، صقالى ياخود بينى
 قيرپلماز وطارانماز وباشنه صارق صارماز (٦) واقلف يعنى غير
 مختون اولان ميت ختان ايدلمز (٧) .

-
- (١) مفسدات صلات بحثنده مسئله محاذاته مراجعت ايدكز .
 (٢) وعن أبى يوسف أنه قال : أكره أن يفسلهما الاجنبى . ص .
 (٣) محبوب : آلت تناسلى مقطوع اولاندر .
 (٤) خصى : متزوع الخصية . دركه حيوانده ايكدش تعبير اولنور .
 قال أبو الطيب يهجو الاخشيدي :
 لقد كنت أحسب قبل الخصى أن الرأس مقر النهى
 فلما نظرت إلى عقله * البيت ...
 (٥) طرناق قوبق اولورسه آلنوب آتلقده بأس اولماز . ط .
 (٦) واستحسنها بعض للتأخرين بالعلماء والاشراف لما روى أن ابن عمر رضى
 الله تعالى عنهما كان يعمم البيت ويجعل العذبة على وجهه . من مع ط .
 (٧) ذكر ذلك فى المتن .

تکفین میت

اولو ییقاندقدن صکره کفنی ایصلانماق ایچون قوریلانور .
قوریلانقدن صکره کفن کوملکی کیدیریلور . بعده بقیه اکفال
یاییلارق باشنه وصقالنه (۱) حنوط (۲) ومساجدینه یعنی سجدهده
یره کلان مواضعنه - آلتنه ، بورننه ، اللرینه ، دیزلرینه ، آیاقلرینه -
کافور قونیلور (۳) .

پموق استعمالی روایات ظاهرده یوقدر (۴) .
کفن اوچ نوعدر . برنجیسی (کفن سنت) درکه ارکه
کوره (۵) قیص و ازار و لفافه دن عبارت اولیق اوزره اوچ
قادر (۶) .

(۱) وسائر جهته بعد أن یوضع علی الازار . ط .

(۲) طیب انواعک مخلوطی .

(۳) کافور قوردی دافندر . وبونده احرامده بولنان بولنمیانہ مساویدر .
چونکه احرام موت ایله منقطعدر . و ذکر اولنان اعضا سجده انلر ایله حاصل
اولدیغیچون سرعت فساددن صیانت صورتیله اولان مزیداکرام انلره خاص قیلنمشدر .

(۴) هله اسفله پموق وضعی مشایخ فقها كافة قبیح کورمشلردر . س .

(۵) ارکک بالغ دیمکدر . مراهق دخی بالغ حکمندهدر . مراهق اولیان بقی
هنوز اون ایکی یاشنده بولنمیان ارکک چوجوق حقننه یالکیز بر قات کفن
جائز ایسهده احسن اولان اودخی اوچ قات اولقدر . دوشوک واولوطوغمش اولان
چوجوقلر میتدن موجود اولان بر عضوکی بریز پارچه سنه صاریلور . انلرایچول
حرمت کامله اولدیقندن وجه کفنه مراعات اولماز زیرا شرعه وارد اولان تکفین
میتدر بولنره ایسه میت نامی ویرلر . ط .

(۶) اوچدن اکیسک اولورسه کفن سنت عد اولماز . محشینک افادهست

قمیص : بیون کو کنندن آیاقلره قدر اولور . یکی ویاقهسی اولماز و اطراف او یولغا نماز .

ازار ایله لفافه باشندن آیاغه اولور^(۱) . لفافه الك اوسته كله جکی و باش و آیاق طرفلرندن دو کوملنه جکی ایچون ازاردن دها اوزون طوتیلور . قادینه باش اورتیسی ایله کوکس اورتیسی دخی زیاده ایدملکه قادینه کوره کفن سفت بش قاتدر .

ایکنجیسی (کفن کفایت) درکه ارکه کوره ازار ایله لفافه دن عبارت اولمق اوزره ایکی ، وقادینه کوره برده باش اورتیسی ایله اوچ ، قاتدر .

مالك قلتي وورثهك كثرتي صورتنده کفن کفایت وعکسی صورتنده کفن سنت اولادر .

اوچنجیسی (کفن ضرورت) درکه ارکه و قادین هر نه بولنه رق اکا صاریلور ایسه اودر^(۲) . بلا ضرورة کفن واحده اقتصار اولتماز .

کوره اوچدن زیاده سی دخی^۱ مکروه اولور . قال الا أن یوصی بالا کثر فلا یکره . ولایراعی شرطه إذا أوصی بالاقل لانه خلاف السنة اه باختصار .

(۱) قمیص که بوبابده اکا دیرع دخی دینور : کوملک ، وازار : طون و اتکلک ، و لفافه : صارغی و بورکی مقامنده در .

(۲) صحابه دن بر طاقم ذوات بر قاندن عبارت اولا کندی لباسلری درونته تکفین اولندیلر که باشلری اورتلسه آیاقلری و آیاقلری اورتلسه باشلری آچیق قالمغه افندمز صلی الله تعالی علیه وسلم انلرک باشلری اورتیلوب آیاقلری اوزرینه اخراوتی قونلمسی امر بیوررلر ایدی . منهم حزة ومصعب بن عمیر رضوان الله تعالی علی جمیعهم .

کفنک بیاض پوق بزندن اولسی افضلدر . یکیزی ویمقانمشی مساویدر (۱) .

کفنلر دخی میت ایچنه وضع اولنمازدن اقدم تک عددله توتسولنور (۲) .

کفن سننه کوره ابتدا لفافه یاییلور . انک اوستنه ازار یاییلور . بعده میت مقمص اوله رق یعنی کفن کوملکی ایچنده اولدیغی حالده ازاره قونیلور . واولا ازار میتک صولنه و صکره صاغنه کتوریلرک صاریلوب بعده لفافه دخی ینه اویله صاریلورک میتک صاغی صولندن براز قابارتیلی اولور . آچیلق قورقوسی اولورسه کفنه باغ (قوشاق) دخی اولور .

قادین قسمنک صاچلری ایکی اورکو ایدیلرک کوکی اوزرینه قمیصی اوستندن قونور . انک اوزرینه باش اورتیسی یوزیله برابر اورتیلور ودها اوستنه ازار کلور . ازارک اوزرندن کوس اورتیسی (۳) باغلانوب دها صکره لفافه صاریلور .

تجهیز میت (۴) عامه مسلمینه نظراً فرض کفایه در .

(۱) لایعجبین مضیاً حسن بزته * وهل يروق دفینا جودة الکفن
(۲) بشی تجاوز ایتدیرلر . ص . حدیث شریفده « جروا کفن الميت ثلاثاً »
بیورلشدیر . میت اوچ یرده تجهیز اولنور . (توتسولنور) : روحنک خروجنده ،
حین غسلنده ، حین تکفیننده . ط .

(۳) مهلردن کویکه علی قولده دیز قیاقلرینه قدر واکلیجه اولور .
(۴) غسلندن دفننه قدر اولان تدارکاتدرکه میتک دفنی لوازمندن عبارت
اولق اوزره تعریف اولنور .

هر كسك كهفنى حيا تونده كى لباسى كې كنديسنه عائد ودينه دخى
مقدمدر .

زوجه نك كهفنى و مؤنت دفتى معسر دخى اولسه زوج اوزرينه در .
مالى اولميان (١) ميتك كهفنى نفقه سى كيমে لازم ايديسه
اكادر (٢) .

نفقه سى اوزرينه واجب اولان كيমে سى بونمازايسه تجهيزى
بيت المالدن - اصحابك وارثى اولميان تركات اموالندن - اولور .
بيت المال يا عجزاً ويا ظلماً ويرميه جك اولور ايسه تجهيز ميت
اهل اقتدار اولان ناسه عائد و قدرتى اولميان قدرتى اولانندن ايسه ملك
لازم اولور (٣) .

حديث شريفده وارد اولمشدركه : هر كيم بر ميتى غسل ايدر و نثرى
لائق اولميان احوالى كتم ايلر ايسه جناب حق او كيমে نك قرق بيوك
كناهنى مغفرت ايدر و هر كيم بر ميتى كهفلى ايسه جناب الله اتى سندس
و استبرق ايله كسوه لر و هر كيم بر ميته قرقازوب اتى دفن ايلر ايسه كويا كه
الى قيام الحشر بر مسكنه اسكان ايتمش اولور .

(١) چونكه مالى اولانك تجهيزى كنديسنه واجبدر . دينه و وصيته و ميراثه
تقديم اولنور . مالم يتعلق بعين ماله حق الغير كالرهن والمبيع قبل القبض والعبد الجانى . ط .
(٢) نفقه سى اوزرينه واجب اولانلر متعدد اولديغنه كورمكهف دخى نفقه كې
حصه ميراث مقدار نجهدر .

(٣) أى يجب أن يسأل له التجهيز من لا يقدر عليه غيره من القادرين بخلاف
الحى إذا عرى لايجب السؤال لاجله لانه قادر بنفسه على السؤال بل يجوز لانه من
التعاون على البر . ص مع ط .

مواعید مذکورہ اخذ اجرت ایتیمیانارہ کورہ در .

میت مسلم بدنک اکثری و یا خود باش ایله برابر نصی
 موجود ایسه (۱) غسل و تکفین اولنوب نمازی قیلنور . بدنکه
 کوده در اکثریتله مفقود و یا خود باشسز اوله رق نصفاً موجود
 ایسه غسل و تکفین اولنماز و اوزرینه نماز دخی قیلنماز . بر بزه
 صار یله رق دفن اولنور .

(۱) بخلاف مالو وجد نصفه مشقوقاً بأطولاه حلبی .

صلاة علی المیت

جنازه‌نك نمازی دخی تجهیز و دفنی کبی منفرد بالخطاب اولمیانہ کورہ (۱) فرض کفایہ در (۲) واندہ جماعت شرط دکلدر . کبیر اوزرینہ قیلنان نماز صغیر اوزرینہ قیلنان نمازدن افضلدر . وصالات جنازه امر تجهیز کبی اولمیوب قربت مقصوده اولمغلہ اتی نذر ایتکم صحیحدر (۳) .

جنازه بلا صلاة دفن اولمیش اولیق صورتندہ بیقائامش بیلہ اولسہ نمازی قبری اوزرندہ قیلنور . بعد الدفن قبر آچمق حرام اولدیغیچون میتك شرط طهارتی ساتط اولاش دیمکدر . قبل الدفن بلاغسل قیلنان نماز اعاده اولنور .

(۱) اگر منفرد بالخطاب اولورسه که یالکاز بر کیمسه دن بشقه بوانمازایسه دیمکدر . امر تجهیز و دفن اکا نهین ایدر . کما فی ط . (۲) بحکم علیہ اولدیغندن منکری ااکفار اولنور . بو بابده أصل [وصل علیهم] قول کریمیلہ « صلوا علی کل بر وفاجر » حدیث شریفدر . فرضیتک علی الکفایہ اولسی بر میت مدیون حقندہ « صلوا علی صاحبکم » بیوراش اولدیغیلہ ثابتدر که اگر فرض عین اولسه کنیدیاری دخی ترك ایتعیوب قیلارلر ایدی . همدہ صلات جنازه‌نك هرکسه فرض عین اولسنده کلفت [و محالیت واردر . بعض ایلہ ااکتفا اولمشدر : صلات جنازه بو امت خصائصنددر . حضرت خدیجه‌نك رضی الله تعالی عنها وفاتندہ هنوز مشروع اولماشیدی که وفات مشاورایها نبوت حضرت خاتم الانبیاء دن اون سنه سکره در . ط .

(۳) تسکین و تشییع بویلہ اولدیغندن انلرک نذری صحیح دکلدر . بوناری مجردن نقلاً محشی مرحوم ذکر ایتمشدر . شروط نذر کتاب الصومده مذکوردر .

قبر اوزرنده صلاتک جوازی میت مدفونک چوریوب
طاغلمش اولماسی تقدیرنده در . بوندهده معتبر اولان زمانک ومکانک
وسمیزلک وضعیفلک جهتیله انسانک حالتیه کوره ظن غالبدر .

صلات جنازهک شروطی سائر نمازلرده اولان شروطدن
بشقه التیدر : برنجیسی میت مسلم اولمق (۱) ایکنجیسی طاهر
بولمق (۲) اوچنجیسی میتک تمامی یاخود اکثر بدنیه وهیچ
اولماز ایسه باشمیه برابر نصفی موجود اولمق (۳) دردنجیسی

(۱) اسلام یا بنفسه اولور یاخود ابویندن بری مسلم بولمقله اولور
ویاخود داره تبعاً اولور . کندیسندن اسلامک تهریفی ایستیلوبده تهریف
ایتمیه رک اولن بالغک نمازی قیلماز . ط . مؤلف دیرکه صلات جنازه
میت حقنده شفاعت دیمکدر اوده کافره اولماز اه همدیه [ولانصل
علی أحد منهم مات ابدا] بیورلشددر . ط .

زید مسلمک زوجهسی هند نصرانیه حامل ایکن فوت اولسه بطننده فوت
اولمش ولد مسلم اوزرینه اجماعاً نماز قیلماز اه فیضیه .
اوقادین کنار مقبره اهل ذمته کوموله رک چوجنک یوزی قبله یه کلک
ایپون قادینک ارقهسی قبله جهتنه کتوریلور . أشباه .

(۲) اوزرینه نماز قیلانلرک طهارتلی شرط اولدیغی کبی میتک دخی
طهارتی شرطدر . چونکه جماعتک منوجه امامی دیمکدر . طهارت نجاست
حقیقه و حکمیه دن عاری اولمقدیر کرک کندی کرک کفی کرک مکانی .
گفتک میتدن ظهور ایدن نجاست ایله تنجیسی معفودر . کمار .
وقید الامامة بوجه لصحة الصلاة علی الصبی کما فی ط عند ذکر الشرط
الذی یلی هذا .

(۳) عضو اوزرینه نماز قیلنمدیغی کبی غائب اوزرینه دخی نماز
قیلماز . ملتقی . اگر غائب اوزرینه نماز قیلنمق اولیدی حضرت نبی اکرم
انتقال بیوردقلرنده واقم ومنقول اولوردی . مجمم . کرچه نبی اکرم
صلی الله تعالی علیه وسلم افندمز حضرتلری نجاشینک نمازینی غایبا قیلشلردر

میت جماعتک اوکلرنده اولوق آرقه لرنده اولورسه اولماز (۱)
 بشنجیمی جنازه نمازینی قیلان کیمسه بلاعذر راکب ویا قاعد
 اولماق (۲) التنجیمی جنازه یره وضع اولنمش بولنمقدر . جنازه
 الده ویا اوموزده یاخود دابه اوزرنده ایکن نمازی قیلنماز (۳) .
 (مفسدات صلات صلات جنازه یی دخی مفسد اولوب
 جماعات سائرده شرط اولان بلوغ امام بونک جماعتنده دخی
 شرط معتبردر . میتک مستور العوره اولمی شرط اوله رق
 مذکور (۴) و اوقات ثلاثه مکروهه جنازه ایچون دخی
 بیانی تقدم ایتدیکی وجهله مکروهدر .)

ولکن کرامة من الله میت مشار الیه ظاهراً غائب ایدیهده معجزة للنبي
 حاضر ومشهود بولنشددر . س . احد وقعه سنده یتمش پارچه ایدیلان
 حضرت حمزه نك هر جزءی اوزرینه بر نماز اولوق اوزره یتمش دفعه
 صلات نبی وقوع بولدیفی مرویدر . تنکیم اصولک اشارت بمحنده مذکوردر .
 (۱) لانه کلام من وجه . طه

(۲) چونکه قیام انده رکی اولدیغدن بلاعذر ترک اولنماز . س .
 (۳) مکرکه وضم میت ممکن اوله میه جق درجهده یرچامور اولوق کبی
 بر معذرته مبنی اوله . س مع ط .

جنازه نمازنده مسبق بولنانلر جنازه یردن قالیدرلقدن صکره
 دخی تکبیرلره قصر ایدرک اکمال صلات ایده بیله جکیرینه نظراً شرط
 مذکور مدرك حقنده ظاهر دن . کما فی ط .

(۴) کفنده جمیع بدنک مستوریتی فرض اولدیفی حانده سترعورتک
 اشتراطاً ذکرى اومیته تکریم وحقی ادا حیثبتندن وبو اوزرینه نماز قیلنق
 حیثیتنددر . امام میتک بر جزءنه محاذی بولنق دخی شروط معتبره دن
 ایسهده شرط مذکور موتانک عدم تکثرنده مرعی اولوب موتی متعدد
 ومتکثر اولوق تقدیرنده امام انلری صف واحد قیلهرق افضلاری
 حناسته طوره یلور اولقله انی اشتراط محتاج الیه دکلدر . أفاده ط .

صلات جنازه نك ارکائی تکبیرات و قیامدر (۱) انده رکوع و سجود اولدیغی کبی قراءت (قرآن) و تشهد دخی یوقدر .
تکبیرلر درتدر (۲) برنجیسی کمنه یسیله شروع اولنمق یعنی افتتاح صلات اولمق اعتباریله شرط ورکعت مقامنه قائم اولمق اعتباریله تکبیرات باقیه کبی رکندر .

قائماً قیلمیسی دخی ارکائی جمله سندن و شروط صحتنددر . کابر .
دردنچی تکبیردن صکره ایکی طرفه سلام و یرمک واجبددر .
سلامده جماعتله یرابر میت نیت اولنور . جماعت سلامده امامی ده نیت ایلر .

صلات جنازه نك کیفیتکی بوندن و سننلرندن معلوم اولور .
سننلری درتدر : برنجیسی میت ارکک اولسون قادین اولسون
امام انک صدرینه محاذی طورمق . ایکنجیسی ایلك تکبیری
متعاقب ال باغلا یوب سبحانک الخ او قومق (۳) . اوچنچجیسی

- (۱) دعا انک ارکاتندن دکدر . علی التحقیق . ط .
(۲) امام بش تکبیر ایدرسه جماعت متابعت ایتمیوب سلام امامه منتظراً طورر ،
چونکه او قنوت فجر مثلی منسوخدر مفسوخده ایسه متابعت یوقدر . درت تکبیر
آخر فعل نیلدر . اجماع صحابه دخی انک اوزرینه مستقر اولشدر . امام اوچ تکبیره
اقتصار ایدرسه صلات جنازه فاسد اولور . اوچنچی تکبیرده
سهواً سلام و یررسه دردنچی بی دخی آلهرق سلام و یرر . سجود سهوک لزومی
بیان ایتمیشلدر . کاف فی ص مع ط . والظاهر عدم لزومه .
(۳) «وجل ثناؤک» جمله سنک صلات جنازه نك غیریده ترکی اولادر . ط .
ثنا قصدیله فاتحه او قومق دخی جائزدر . ص . محال دعا اولوب محل قراءت
اولدیغندن فاتحه بی قراءت نیتیه (قرآنیت قصدیله) او قومق فیر جائزدر . ط .

ایکسجی تکبیردن صکره نماز اړک قعدہ اخیرہ سندہ او قنات « اللهم صلّ الخ » لوی او قومق ، درد نجیسی او چنجی تکبیردن صکره میت ایچون وکندی نفسی و جماعت مسلمان ایچون دعا ایتمک (۱) در .
تکبیرلر جهر و دعا لر اخفا اولنور .

ایلك تکبیردن ماعداده ال قالیدر لماز . و دردنجی تکبیردن صکره دعا ایدلر (۲)

او چنجی تکبیرده ایدیلر جک دعائک امور آخرته متعلق اولمسندن بشقه سی تعین ایتمز (۳) . شوقدر که دعاء مأثوری او قومق البته احسن و ابلقدر . اوده شودر :

« اللهم اغفر لحینا ومیتنا وشاهدنا وغائبنا و ذکرنا واثاننا وصغیرنا وکبیرنا (۴) . »

امام ابوحنیفه حضرت لری مسندنده حدیث حضرت ابوهریره اولماق اوزره بونی روایت ایدوب امام احمد، و نسایدن ماعدا اصحاب سنن شو زیاده نی دخی ذکر و روایت ایلشلردر :

« اللهم من أحييته منا فأحيه على الاسلام ومن توفيته منا فتوفه على الايمان (۵) . »

(۱) نفسی ایچون اولان دعایی میت ایچون اولان دعایه تقدیم ایدر زیرا دعاده سنت اولان اودر . ط .

(۲) هو ظاهر المذهب . وقيل يقول (ربنا لا تزغ قلوبنا الخ) أو (سبحان ربك رب العزة الخ) أو (اللهم لا تحرمنا أجره ولا تفتنا بعده واغفر لنا وله) . ط علی الدر .
(۳) چونکه تعین دعا ایلر اشتغال وقت قلبی ازاله ایدر .

(۴) وقوله وصغیرنا أى الصغیر من الذنوب والکبیر منها . أو ان المغفرة لا تقتضى سبق ذنب اه ط .

(۵) وانی مرحوم حاشیه دررده دیعدر که اسلامک حیاته و ایمانک موته مناسبی

روایت اخرا ده شو دخی : « اللهم ان كان محسناً فزد في احسانه وان كان مسيئاً فتجاوز عن سيئاته . اللهم لا تحرمنا أجره ولا تفتنا بعده » زیاده ایدلمش اولمغله بوروایتاری هب برلشديرک اوقومق کوزلدر (۱) .

میت مؤنث ایسه ضمیر لر تأنیث اولنور .

دعا بیلیمان : « اللهم اغفر لی وله وللمؤمنین والمؤمنات » دیر (۲) .
بعض مشایخ فقها موضع دعاده : (ربنا آتسنا فی الدنیا حسنة) الخ (ربنا لاترغ قلوبنا) الخ آیتلرینک اوقنمسنی مستحسن کوردیلر .

خفی دکلدیر چونکه اسلام أعمال مکلفه ایله درکه اوده انجق حال حیاته اولور . ایمانک مداری ایسه اعتقاد اوزرینه در عند الموت معتبر اولان ده اودر اه . اسلامک بر معنای شرعیسی وبرده معنای لغویسی واردر . معنای شرعیسی ایماندر . معنای لغویسی استسلام وانقیاددر .
وتحریر الوانی مبنی علی المعنی الثاني . کما فی حدیث : الاسلام علانیة والایمان فی القلب .

(۱) صحیح مسلمده وسنن ترمذی ونسائی ده مذکور اولدبغی اوزره اصحابدن عوف بن مالک رضی الله تعالی عنه حضرتلری بر جنازه نمازنده حضرت سید المرسلین ائتمزک شودعایی : اللهم اغفر له وارحمه وعافه واعف عنه واکرم نزله ووسم مدخله واغسله بالماء والثلج والبرد ونقه من الخطایا کما ینقی الثوب الابيض من الدنس وأبدله داراً خیراً من داره وأهلاً خیراً من أهله وزوجاً خیراً من زوجته وأدخله الجنة وأعذه من عذاب القبر وعذاب النار . اوقومش اولدقربی ذکر وایدوب : کاشکی او میت ابن اولیدم . دیو تمی ایتم دیمشدر . ص .
(۲) یاخود کندینه قولای کلانی اوقور . ط .

صیبتک و جنون اصلی ایله مجنون اولانک^(۱) نماز لرنده مغفرت دعاسنه بدل «فتوفه علی الایمان» دن صکره مصلی: «اللهم اجعله فرطاً واجعله لنا أجراً وذخراً واجعله لنا شافعاً مشفعاً» دیر^(۲).

جنسازه نمازنده اوچ صف اولق افضلدر . حتی جماعت یدی کشیدن عبارت بیله اولسه بری امام اولوب باقی التینک اوچی بر صف وایکیسی بر صف و دیگر بری دخی بر صف اوله رق طور یلور . حدیث شریفده: «من اصطف علیه ثلاثة صفوف من المسلمين غفر له» . بیورلشدیر^(۳).

جنسازه نمازینی قیلدرمه احق اولان ولایت عامه اصحابیدر^(۴).

(۱) یعنی مجنون اوله رق بلوغه ایرمش بولنانک . چونکه بعد البلوغ مجنون اولانلر امراض سائرله ایله معلول اولانلر کبی دعاء مغفرتدن استغنا اولنمازلر . بخلافهما لاذنوب لهما . کما فی ط مع ص .
(۲) المشفع بفتح الفاء مع تشدیدها المعناه مقبول الشفاعة . کما فی ص . والسقط یصلی علیه ویدعی لوالدیه بالمغفرة وفي رواية ناعافیه والرحمة . کما فی الحديث الذی ذکره ط عن تخريج الهدایة . وشیأتی ذکر من یصلی علیه . ومن لا یصلی علیه .
(۳) فقد جعل الواحد صفاً . وهل الحكم كذلك فيما اذا كانوا ثلاثة فيجعل کل واحد صفاً ؟ یحیر . ط . وخیر صفوف صلاة الجنائزة آخرها لانه أدمی الاجابة بانواعهم . قاله المؤلف رحمه الله تعالى .
(۴) اصل حق ولی مینک ایهده ولایت عامه سی اولانی اولیاء میت تعظیماً

کندیلرینه تقدیم وترجیح ایدرلر . حضرت حسین افندمز برادرلری حضرت

انلردن صکره امام الحی یعنی قبیلہ نك و یا محله نك امامی (۱) و بعده ولی جنازه بولنان اردر. قادی نك وارکک چورج نك و معتوهک بوبابده حق یوقدر .

اولیاء میتک یا قینی اوزاغنه تقدیم اولنور . محله امام نك ولی به تقدیمی افضل اولسی شرطیله در .

کوله نك افندیسی کندی قریبندن اولادر (۲) . عبدک قریبی دخی معتقنه مقدمدر (۳) .

قادی نك ولیسی یوق ایسه زوجی احقدر (۴) .

حق تقدیمی اولان دیگرینه اذن ویره بیلور (۵) انک اذنی اولیسه رق بشقه سی قیلدیروبدہ اقتدا ایتامش اولق تقدیرنده ایستر ایسه کندی کندینه و یا خود دیگر جماعت ایله اودخی بر نماز قیله بیلور (۶) چونکه فرض تأدیبه اولنمش ایسه ده انک حق ساقط اولماشدر .

حسن افندمک جنازه نمازارینه مدینه منوره والیسی بولنان سمید بن العاص حضرت نظیری کچبر مشر و : تقدم ولولا السنة ما قدمتک . پیور مشر در . کما فی ط .

(۱) امام جمعه اولادر . (نتیجه) .

(۲) علی الصحيح . س . لانه مالک له . ط .

(۳) لانه قد خرج عن ملکه فنتعبر القرابة . ط .

(۴) لما بينهما من المودة والرحمة . ط . ثم الجیران . س . أى من بعد فی العرف جاراً . فی الحديث : الجار إلى أربعین داراً . لما بينهم من مزيد الحقوق المأمور بها شرعاً دون غیرهم من الاجانب . ط .

(۵) لان له ابطال حقه . وان تعدد فللثانی المنع . والذى يقدمه الاکبر أولى من الذى قدمه الاصغر . س .

(۶) ولو علی قبره کذا فی الدر . ط .

اما اذن ويرمش اولمق وياخود اكا افتدا ايتمش بولنمق تقدیرنده
حق ساقط اولمغله قيله ماز .

نمازی قیلنسان جنازه به ولایتی اولمیا نك كلوب نماز قیلنسی جائز
اولمديغی کی بشقه سیله نمازده بولنانلر ولینك اعاده صلات ایتسی
صورتنده بئکرار جماعت اولمق دخی جائز اولماز چونکه بونده تنفل
مشروع دکلدر .

ولی جنازه انك نمازینی قیلدقدن صکره کندی مرتبه مننده بولنان
دیگر اولیانك اعاده صلات ایتملری دخی اولماز چونکه قیلانك
ولایتی متکاملدر .

حق تقدیمی اولان کیمسه صلات میتة میتك وصیت ایندیکی
کیمسه دن احقدر .

باب امامتده کچن کراهت جماعت نساء مسئله سنندن صلات
جنازه مستثنادرکه ارکک بولنمیوبده جنازه نمازینی قادیئر قیله جق
اولدقلرنده آنلرک بری وسط صفده بولنمق اوزره امام اولوب
دیگرلری اكا اقتداء جماعت اوله رق قیلملرنده کراهت یوقدر .
چونکه آنلرک علی الانفراد قیلملری صورتنده بری اولجه ختم
صلات ایدیورمکه فرض انسکه یرینه کلش اوله رق (۱) دیگرلرک
نمازی نافله اولور (۲) . صلات جنازه ایله تنفل ایسه مکروهدر (۳) .

(۱) حتی لو أمت المرأة في صلاة الجنازة رجالاً لانعدام لسقوط الفرض بصلاتها .
ذکره المحشی فی باب الامامة فی فصل بیان الأحق بالامامة .

(۲) فیکون فراغ تلك موجباً لفساد فرضية صلاة الباقيات . ولا يقال :
قد یفرغن معا . لانه نادر اھ ط علی الدر .

(۳) صلات جنازه فرض وامامك ترك تقدی مکروه اولوب ایش فرضی یرینه

حضرت سيد السادات عليه ازكى الصلوات افندمز غسل
وتكفين اولنوب (١) سريره وضع اولندقلرنده حضرت ابوبكر
وعمر رضى الله تعالى عنهما يانلرنده مهاجرين وانصار دن خانه
سهادنك الهجنى قدر ذوات برابر اوله رق داخل اولوب جناب
رسالتمآب افندمزه قارشو صف اولديلر . مشاراليهما حضرت بنى « السلام
عليك أيها النبي ورحمة الله وبركاته » ديديلر . مهاجرين وانصار حضرت اى
دخى انركى سلام ويرديلر . بعده مشاراليهما حاصل اولان صفوفك
ايلكى اوله رق : « اللهم انا نشهد أنه بلغ ما انزل اليه ونصح لامته وجاهد
فى سبيل الله حتى أعز الله دينه وتمت كلمته واومن به وحده لا
شريك له فاجعلنا الهنا ! من يتبع القول الذى معه واجمع بيننا
وبينه حتى تعرفه بنا و تعرفنا به فانه كان بالمؤمنين رؤفاً رحيماً
لا يبتغى بالايمان بدلا ولا يشترى به ثمناً أبدا . » ديديلر . صفوف
سائر آمينخوان اولديلر . هر كس فوج فوج كلوب عليه الصلاة
والسلامه صلاتخوان اوله رق چيقارلر ايدى . ار ككار وقادينلر
وحتى چوجقلر رسول الله نمازىنى بو وجهله قيلديلر . يوم
وقالرى اولان بازارايرتسى كونك وقت زوالندن صالى كونك
زوال وقتنه دكين يو صورتله اداء صلات اولنمشدر (٢) . قيلنان

كتورمك ايچون مكروه ايشيله مك ايله ترك مكروه ايچون ترك فرض ايتك
بيننده دائر اولغله اولكيسى اخذ اولنمشدر . كذا أفادوا فى حواشى الدر عن الفتح
والبحر فى باب الامامة وعليه كلام لط وابن عابدين انظر اليهما ان شئت .
(١) وكفى صلى الله تعالى عليه وسلم فى ثلاثة أثواب بيض سحولية . بفتح
السين قرية باليمن . ص . ولا ينافيه غسله فى ثيابه كما لا يخفى .
(٢) توفى صلى الله تعالى عليه وسلم يوم الاثنين ضحوة ودفن ليلة الاربعاء .
كما فى ص .

نماز وجه مذکور اوزره فرادی اولوب عقد جماعت صورتيله اولمديغی بجمع علمدر اه ط .

جنازه نمازینه صکره دن کلوب امامی ایکی تسکیر ارسنده بولان کیمسه نمازه همان داخل اولیوب امامک تسکیرینه منتظر اولور .

امامک افتتاح تسکیرنده موجود ایکن متأخر اولان کیمسه ایکنجی تسکیرینه انتظار ایتمیه رک مقتدیی اولور .
دردنجی تسکیردن صکره کلان کیمسه جنازه نمازینه یتشمش اولماز .

جنازه نمازنده مسجوق بولنان کیمسه امامک سلامندن صکره جنازه مصلادن ده قالدیرلماش ایسه دعالر ایله برابر وجنازه همان قالدیرلیویرر ایسه یالکیز تسکیرلر ایله اتمام صلات ایلر .

متعدد جنازه لرک اجتماعنده هر برینه آیری نماز قیلیق اولادر . هانکیسی سابق ایسه انک نمازی اول قیلنور . سابق یوق ایسه افضلی تقدیم اولنور (۱) .

هپسینه بر نماز قیلیق دخی صحیحدر . احواله جنازه لر یابرصف عریض اولوب امام آنلرک افضلی پیشگاهنه طورر ویاخود قبله یه طوغری برصف طویل اولوب هر برینک صدری امامک اوکنه

(۱) نمازلی مجتمعاً قیلینق تقدیرنده کی صف عریض ترتیبه نظر اولنسون .

مخاذا بولنور . وترتيبہ مراعات اولنہرق میتلک افضل ، (۱)
وختلط اولدیغنه کوره ارککی ، امامہ یاقین بولندیریلور . ارککلردن
صکره ارکک چورچقلر جنازه سی وآنلردن صکره خنتالر و صکره
قادیلر ودها صکره مراقهه لر و قیزچورچقلر جنازه سی قوللش
اولور .

جنازه نی جامع شریفک ایچنه آلہرق نمازینی قیللق مکروہدر (۲) .
بوندن مسجد حرام مستثنی اولدیغی کی (۳) صلات جنازا ایچون
معد وایچنده صلات جنازه اقامه سی معتاد اولان خصوصی مسجد
ونمازکاهلر دخی مستثادر . نتکیم شدتلی یغمورکی برعذرہ مبنی

(۱) علم وتقوا جه اکثر وسنجه اکہ اولوق کی . کما فی ص .
ولافضل لئالک فی التقوی علی مملوک ولالغنی علی صعلوک .

(۲) کراہت تزہیہ اولوب وجهی دخی جوامع ومساجدک
مکتوبات خمس وتوابی ایچون بنا ایدلش اولسیدر . بوکامنی مؤلف
جنازه بعض جماعت ایله خارجده اولوق صورتنده بیله داخلدن نمازی
قیلنوق دخی علی المختار مکروہدر دیمش ایسده عشی مرحوم
شمس الاعمدن نقلاً : « مقتضای مذهب کراہت جنازه نی جامعہ ادخال
ایتمکده اولوب خارجده جماعت ایله قیلنان صلات جنازه نک امامنه داخلدن
اقتدایه برمانع اولدیغیدر . » دیمش والیوم عمل ناسک دخی بووجهله
اولدیغی سویله مشدر .

(۳) مسجد شریف مذکور عقدکاه جم جماعت ومصلای انواع
صلواتدر . [انما یعمر مساجد الله الخ] آیت کریمه سنده اکا صیفه جم ایله
مساجد اطلاقنده مبین اولان وجوهک بریده بودر . علی قول ظاهرأ
وباطناً اولان عظمتنه وعلی قول قبله مساجد اولدیغنه وعلی قول هرجهنی
مسجد بولندیغنه مبنی مساجد دینلشددر . کما فی ط .

جنازه مسجد جماعت داخلنه دخی آلتور (۱) .

جاده لرده و خلقتک ملوکی اولان اراضی داخلنده دخی جنازه نمازی
قیلقت مکر و هدر . اولکنده حق عامه یی و ایکنجیده حق مالکی
مشغول ایتمک واردر .

جنازه نمازینی قبرستانده قیلقت دخی لائق اولماز (۲) .

حین ولادتنده حایقران یعنی صاغ طوغوبده اولان چورجنتک
اسمی قونیلور و غسل و تسکینی (همان ییقانق و برکنفه صارلق
صورتیله) اجرا اولنوب نمازی قیلنور .

اگر مولود حایقرمامش و اسنه مک و آق سمرق کبی حیات
مستقره سنه دلیل اوله جق برائر کورلماش ایسه (۳) بر اسم

(۱) محمد بن ابی وقاص رضی الله تعالی عنه حضرتلرینک جنازه سنک
حضرت عائشه رضی الله تعالی عنها مسجد شریف نبوی داخلنه ادخالی امر
ایدوب نمازینی سائر ازواج طاهرات ایله برابر قیلمشلر و صحابه دن یونی
منکر کورنلره حضرت مشارالیه : بیضاء خاتونک اوغللری سهیل
و برادرینک نمازلرینی ضرب رسول الله داخل مسجدده قیلدیلر . دیو
جواب ویرمشدر و لکن تمسک بالنسوخدر . کما فی کتابنا الحقائق وهو
رضی الله تعالی عنه لکونه من العشرة من أحياء الدارين کما یأتی ذکره عند
ذکر نقله بعد موته فی عقیق الی مدینته علیه الصلاة والسلام .

(۲) حضرت علی و ابن عباس اتی کریه کورر اولدقلری بیانبله
حضرت امام بویله سویله مشلردر . مرمافیه قیلنور ایسه کافی دخی اولورکه
حضرت عائشه و حضرت ام سلمه نک نمازلری مقابر یقبع اده سنده قیلنوب
امامتی حضرت ابوهریره ایشمش و مصلیلر میاننده حضرت ابن عمر دخی
بولنمشدر . کما فی ط .

(۳) النی مجرد یومقی و آچمقی کبی حرکتنه اعتبار یوقدرکه انلر
مذبوحک حرکتی قیلنلندر . ط .

ویریلهرک غسل ایدیلور وبر بزه صاریلهرق دفن اولنور (۱) .
نمازی قیلماز .

دوشوک دخی بویلهدر (۲)

دارحربدن حال کفر اوزره اولان ابویئذک بریله برابر سبی
ایدیلوبده داراسلامده وفات ایلیانصبی کی که اودخی اوزرینه نماز
قیلمیهرق دفن اولنور (۳) .

مسئله : رحمنده چوجق اولان قادین اولور وچوجق حرکته
بولنور ایسه قادین یاریلوب چوجق آلنور (۴) .

دیگر : برمسلم وایسنندن بشقه کیمسه سبی اولیان برغیر مسلم
وفات ایدرسه ولی مسلم آئی لاعلی وجه السنه غسل ودفن ایلر (۵) .

(۱) اکراماً لبی آدم . ط .

(۲) خلعتی ظاهر ومیتاً واقم اولان سقط اوزرینه نماز قیلماز
لازم اولورمی ؟ الجواب اولماز . ابن نجیم . وقدر فی الکفن ایضا فی الهامش .
(۳) چونکه او چوجق احدا بویئنه تبعاً غیرمسلمدر . اگر کنیدیسی
یاخود ابویئندن بری مسلم اولمش ویاخود بلا بویئ سبی اولمش ایسه
نمازی قیلنور . چونکه صورت اولاده اصالة و صورت ثانیه ده احدا بویئنه
تبعاً و صورت ثالثه ده داره تبعاً مسلمدر . کما فی ص .

(۴) مال غیری (مثلاً برینک شهدانه اینجوسنی) بودان کیمسه
اکا مقابل مال ترک ایتیمیه رک اولمش اولماق صورتنده انک اخذیچون
او کیمسه نک یارلمسی مختلف فیهدر . تعدیسی سببیه احترامی ساقط
اولایفئندن یارلمسی جائز کورن اولمشدر . اگر مال ترک ایتمش ایسه
او کیمسه اتفاقاً شقی اولماز . کما فی ط .

(۵) یاخود انی اهل ملتنه دفن ایدر . ص . بوده کافر اصلی به
کوره در . مرتدک حکمی آتیا مذکوردر . مؤلف دیگره : او غسل انی
نظیر دکل ، بایسه علیهنه حجت اولماق اوزره جنس لبی آدم حقنده کی

بر غیر مسلم و لیسندن بشقه کیمسه سی حاضر اولمیان میت مسلهک
جنازه سی اکا براغلماز چونکه میت مسلهک تجهیز و نمازی
بتون مسلهینه فرض کفایه در .

رجماً و یا قصاصاً اعدام اولنانلر غسل اولنوب نمازلی
قیلنور اه ملتق فی باب الشہید .

شدت وجهه مبنی اولمیه رق عمداً کندیسنی اولدیرن کیمسه
غسل اولنوب نمازی دخی امام ابو یوسف قولنک غیریده قیلنور (۱)
انتحار خطاً یا خود شدت وجهه مبنی وقوع بولش اولق صورتده
نماز انفاقا قیلنور (۲) .

باغی و قاطع طریق اولان مسلهینک حین مقاتلهده مقتول اولان
میتلری اوزرینه نماز قیلنماز ایسهده بعدالاحد قتل اولنانلرینک
اوزرلرینه دخی نماز قیلنور .

ابوینندن برینی عمداً وظلماً (بغیر حق) اولدیرن کیمسه نک
نمازی قیلنماز (۳)

تسکرمدرکه بشقه سی سنک جیفه کی تطهیرہ تثبیتدی حالبوکه سنفسکی
تطهیرہ مأمور ایکن تطهیر ایلمدنک دیسکدر اه مم ط .

(۱) نفسی قتل ایدن کسنه غسل اولنوب نمازی قیلنق جائز
اولورمی ؟ الجواب : اولور . ابن نجیم .

(۲) کندینی اولدیرنک کنایه بشقه سی اولدیرنک کنانندن
اعظمدر . ص . وفی جنازہ البخاری : کان برجل جراح قتل نفسه فقال الله
عز وجل بدرنی عبدي بنفسه حرمت عليه الجنة .

(۳) عمداً قیدی خطاً اولان قتلی اخراج ایتدیکی کبی ظلماً
قیدی دخی حربی یا خود باغی اولان بابانک قتلی اخراج ایتمشدر .

قصاصدن قورتلوق ایچون فعل قتلی شبه عمد صورتنده ایقاعه دادانانلرک (۱) وبغیر حق تشهیر سلاح ایتمش اولدیغندن طولانی مقابله قتل اولنانک و بعض صنوف وطوائف وشعوب وقبائل آرمسند اولدیفی کبی عصییت مقتوللرینک دخی نمازلری قیلتماز مرتدا قتل اولنان کیمسه نیک نمازی قیلنمیدینی کبی لاشه سی دخی نه مقابر مسلمینه نه ده انتقال ایتدیکی ملت اهلنک قبرستانه دفن ایتدیرلیوب بر خالی یرده حفر اولنان چقوره کومیلور .

غزوه بدرده حضرت ابو عبیده پدری عبدالله نام عبدالصنمی غضباً و لرسوله قتل ایتشدیر . بزم الحقائقه وسوره مجادله آخرنده تفاسیره باقکیز . (۱) بونلر سیاست اعدام اولنور . کما فی آخر قطم الطریق من الدر .

دفن میت

جنازه نك موتی تحقق ایند کدن صکره تجهیز و دفننده تعجیل مستحب (۱) اولمغه جمعه صباحی حاضران جنازه نك نمازینی جماعت چوق اولمق ایچون جمعه نمازندن صکره به براتق مکروهدر . اکر جماعت دفن سببیله جمعه نك فواتندن خوف ایدرلرایسه دفنی تأخیر ایده بیلورلر .

جنازه نك دفنی کی حملی دخی فروض کفایه دندر . متعین اولانلره اخذ اجرت جائز اولماز .

جنازه کورتورمک عبادتدر . هر کسه لائق اولان اکا مبادرتدر . سیدالمرسلین صلوات الله وسلامه علیه وعلیهم اجمعین افندمز حضرتلری دخی جنازه کورتورمشلر یعنی سعد بن معاذ رضی الله تعالی عنه حضرتلرینک تابوتنه اوموز و یروب کیتیمشلردر (۲) .

جناز کورتورمکده سنت اولان انی درت طرفندن درت کشی

(۱) اکراماً له لا فی الحدیث : و محبوا به فانه لا ینبغي لجيفة مسلم أن نجس بين ظهرائی أهله . والصارف عن وجوب التعجیل الاحتیاط . قال بعض الاطباء ان کثیرین ممن يموت بالسكرته ظاهراً یدفنون أحياء لانه یمسر ادراك الموت الحقیقی بها الا علی أفضل الاطباء . فیتعین التأخیر فیها الی ظهور الیقین بنحو التفریر . ص .

(۲) جنازه به کیتیمک قرابتیه یاخود قومشولنه و یاخود میتده اولان صلاح معروفه مبنی ایسه نافله قیلیمقدن افضلدر . چونکه هم حیه و هم میتیه ایلسکدر اکا ترتب ایدن ثواب دخی اکثردر . در مع ط .

اوموزلامقدر . بونده هم جنازه يه تسکريم ، هم کوتورنلره تخفيف واردر .

معذرت اولمديقه، (۱) جنازه يي آرقه يه ياخود حيوانه (وبا آرابه يه) يوکله مک ودرت کشيدن اکسيک کوتورمک مکروهدر . کوچک چوجق جنازه سنی برکشی اللری اوزرنده کوتورر . راکب دخی اوله بيلور . درختار . چوجق کوچک اولمازسه بالغ کبيدر . ط .

لائق اولان درت کشيدن هر بری جنازه يي قرقر آديم کوتورمکدر باش طرفندن باشلايه رق ابتدا صول طرفنه کچرب تابوتک صول قولنی کندينک صاغ اوموزی اوزرينه آلور (۲) بعده آياق طرفنه کله رک تابوتک صول قولنی کندينک صاغ اوموزينه آلور . صکره تابوتک صاغ طرفنه کچهرک ابتدا اوک قولنی وبعده آرد قولنی صول اوموزی اوزرينه آلور . وهر قولده اونر آديم يورر .

جنازه يي قرق آديم کوتورن کيمسه حقنی ایفا ایتمش اولوب (۳)

(۱) اماعل بعید اولوب کوتورنلره مشقت اولق ویاخود برحاملدن بشقه کيمسه بولنامق کبی معذرت اولورده اوده ارقه سنه آلورسه کراحت اولماز . ط .

(۲) میت تابوتده ارقه اوزری اولقله بوصورتله ایشارتیامن ایدلش اولور . کما فی ص مم ط .

(۳) یعنی دین قرنداشنک کندینه مائد حصه حقوقی تعبیر حضرت ابو هريره وجهله قضا ایتمش اولقله اندن صکره ارقه سندن يورر . چونکه تمام مطلوب قبره قدر کيتمک ودفن اولمديقه دونمامکدر . مکرکه ولی میت اکا اذن ويرمش اوله . أفاده ط .

حديث نبوی ناطق اولدیغی اوزره کندیڭک فرق کبیره سی دخی کفارت بولمش اولور^(۱).

جنازه کوتورمکده براز سرعت ایتک مستحبد^(۲) نابوت ایچنده میتک صارصیله جفی درجهده سرعت ایتک مکروهدر .
جنازه نک ارقه سندن یوریمک اوکندن یوریمکدن فرض اولان نمازک نافله اولان نمازه فضل ورجحانی کی افضلدر .

ککشلاک حاصل اولق ایچون اوکنه دخی کچیلور .
هرکسک اوکده بولنمسی مکروه اولدیغی کی هرکس کپروده قاله رق جنازه نک یالکز بولنمسی دخی مکروهدر .
کیمسه یی اضرار ایتماک اوزره جنازه نک ارقه سندن راکباً کیمه مکده دخی باس یوقدر^(۳).

(۱) لفظ حدیث : « من حمل جنازة أربعين خطوة كفرت عنه أربعون كبيرة . » اولغله فعل مذکورک کئاره کفارت اوله جفی مصرحدر بونی افاده دن صکره معنی : ولایبئک مثل خیر . دیمشدر اه (۲) لقوله صلى الله تعالى عليه وسلم : أسرعوا بالجنازة (أى مادون الخبز كما فی رواية ابن مسعود) فان تك صالحة فخير تقدمونها اليه وان تك غير ذلك فشر تضعونه عن رقابكم . ص

(۳) راکبک اوک کچمسی مکروهدر . چونکه توز قالدرمسیله ناس متضرر اولور . « باس یوقدر » تعبیrende یوریمک افضل اولدیغه اشارت واردر . زیرا تواضعه اقرب وحال شفیع الیق اولان اودر . رسول اکرم افندمز حضرئلری ابن الدحداحک جنازه سنده ارقه دن یوریهرک بولنوت عودده آته یینمشلدر . سنن اربعهده مذکور « الراكب يسير خلف الجنازة ولماشي أمامها قريباً منها عن يمينها أو عن يسارها » حدیث شریفی جنازهده راکب اولانلره ارقه دن کلکی وماشی بولنانلره اوکده یاخود صاعده وصوله یوریوب جنازه دن اوزاق

جنازه ارقه سندن قادینلر کلمک تحریماً مکروه اولدیغی کبی (۱)
ذکر ویا قرآن ایله رفع صوت ایدرک جنازه کونورمک دخی
تحریماً مکروهدر .

موضع غفلت اولمادیغی جهته عواقب حال اهل دنیا یی ومیتک
ملاقا اوله جغی احوالی دوشونه رک جناب حق قلباً ذا کر اولوق
وبی لزوم سوزه بدل صوصیق لازمدر .

جنازه ارقه سندن « کلّ حیّ سیموت » کبی اندالر بدعتدر .
جنازه یه فریاد ایتمک دخی مکروهدر (۲) .

جنازه یی کورن برابر کیدجک دکل ایسه قیام ایتمک لازم
دکلدر . بو بابده اولان امر منسوخ وجنازه یه قیام مکروهدر .

قبرستانده جنازه ایندی رلمدین اوطورمق مکروه اولدیغی کبی
ایندی رلدکدن صکره (بلاعدر) آیاقده طورمق دخی مکروهدر (۳) .

قلمامفی توصیه بیورمقدهدر . ص ، ط . (سنن اربعه) ابو داود و ترمذی
ونسأی وابن ماجه درکه صحیحینک ضمیمه جموعندن کتبسته حاصل اولور .
(۱) حضرت انسدن رویدرکه بر جنازه ده رسول الله صلی الله تعالی علیه
وسلم حضرتلریله برابر چیقمشیدق بر طاقم قادینلر کوردیلر . جنازه یی
کوتورلرمی ؟ سؤال عالینه : لا . جوابی ویرلمکله : کومرلرمی ؟
سؤال عالینه دخی : لا . دینمکله : مأجور اوله رق دکل ، موزور (وزرلی)
اوله رق دونکز . بیوردیلر اه ط عن شرح البخاری للعینی .

(۲) انما یعذب اللیت بیکاه أهله اذا أوصی بذلك . درمختار .

(۳) حدیث شریفده « من تبم الجنازة فلا یجلس حتی یوضه »
بیورلش وقل الوضع قعود جنازه حقنده احتقار عداولمشدر . میت قبره
قونیلجه قدر رأس قبرده مم الاصحاب قائم بولنلق عادت سنیه دن ایکن
بر یهودینک : بز دخی اولولرمزده بویله بولنورز . دیمسی اوزرینه :

دفن كوندز اولقى مستجبدر . كيجه دخی مكروه دكلدر
كما هو المصرح به فى الدر مع ط (١) .

جنازه اوموزدن اينديرله كدن صكره قيامده بهوديلره مخالفت ايدك
بيورلشدر . كما فى ص و ط .

(١) لان النبي صلى الله تعالى عليه وسلم دفن ليلة الاربعاء و عثمان
وفاطمة وعائشة رضى الله تعالى عنهم دفنوا ليلاً . كما فى ط عن الجوهرية .
بعد ذكر مارواه ابن ماجة من قوله عليه السلام : لاتدفنوا . وتاكم بالليل
الا أن تضطروا .

قبر

قبركه انسانك بعد الوفاة مدفوندر ومحل زيارت اولمق اعتراباريله مزار تسميه اولنور^(١) برقامت عمقنده ونصف قامت عرضنده حفر اولنور تاكه أجساد بنى آدم بعدالمات دخى صيانت ايدلمش اولوب هم قوقو ويرمامش همده طعمه وحوش اولمق احتقارندن حفظ اولنمش اولسون .

صلايتلى ير اولورسه قبرك ايچى قبله جانبدن لحد ياپيلور كه قبر تماميله قازلدقن صكره قبله طرفى اوييلوب جنازه صيغه جق قدر بر بيت مسقف قيلنور .

شق ياپلهاز يعنى قبر تماماً حفر اولندقن صكره اورتهسى ميت يرلشه جك قدر بر حفيره قيلنماز^(٢) .

(١) قبر بو معناه اسم اولوب جمى قبور اولديفى كې دفن ميت معناسنده باب اول وئانيدن مصدر دخى اولور . « وأنت غداً مقبور وتقول ثقلوا من القصور الى القبور ومن المناجر الى المقابر » وهذا مقبر فلان . قال :

لسكل اناس مقبر بفنائهم فهم ينقصون والقبور تزيد
كل قريب لك عليك رقيب ، يود أن تقبر عما قريب « قاله الزمخشري في أساس بلاغته و نوابه كله . وقال في تفسيره سورة عبس فاقبره ففجئه ذا قبر يوارى فيه تكرمه له ولم يجمله مطروحاً على وجه الأرض جزراً للسباع والطيور كسائر الحيوان يقال قبر الميت اذا دفنه وأقبره الميت اذا أمره أن يقبره ومكنه منه ومنه قول من قال للاعجاج أقبرنا صالحاً ام وبسمى القبر جدثاً ورمسا . تقول شرا لحدثات نزول الاجداث هذا الى الرمس كأن لم يغن بالامس .

(٢) حديث شريفده : الاعد لنا والشق لغيرنا . بيورلمشدر من كه

مکرکه بر رخاوتلی اوله . اوحالده شق یا پوب اوزرینه تحتہ
چکمکده ویا خود جنازه بی تابوتیلہ دفن ایتہ سکہ باس یوقدر (۱) .
میت ممکن اولورسه قبرہ قبلہ طرفندن ادخال اولنور .
وانی قبرہ وضع ایدن کیسه « باسم الله و علی ملة رسول الله
صلی الله تعالی علیہ وسلم » دیر (۲) وازومنه کوره بر ویا برقاچ کشی
قبرہ اینر . بونک ایچون عدد معین وانارک تک ویا جفت اولمارنده
تعیین اولم یوب (۳) قدر کفایه ده اولماری وقوت وامن وصلاح اربانی
بولنملری آرانور .

اغیر المسلمین دیمکدر . ط . لحدکه فتح لام ایله فاس وضم لام ایله قفل
وزلرنده اولوب اولسکینک جمعی لحد وایکنجینک جمعی الحاد کلمشدر :
شول حفره درکه قبرک قبلہ جانبندن آچیلوب ایچنه میت وضع اولندقدن
صکره آغزی کرپیج ایله قیادیلور . شق : شول حفره درکه قبرک قمری
استقامتده آچیلوب ایچنه میت یرلشدیرلدکن صکره اوزرینه تحتہ ویا
قامش اورتیلور بعده طوپراق آتیلور .
(۱) هم تحتہ دیزمک وهم میتی تابوتله کومک فضلہ اولدینی کبی
عشینک بیانته کوره قبرده میتک الننه عوقلی ویا حصیر سرمک دخی
مکرومدر .

(۲) أى باسم الله وضعناک و علی ملة رسول الله سامناک . ص . قال
الامام الماتریدی هذا لیس بدعاء له لانه لا تبدل عن الی مات علیہ
غیران المؤمنین شهداء الله فی الأرض یشهدون بوفاته علی الایمان وبهجرت
السنة کذا فی البحر . ط . وفی الطهیریه اذا وضعوه قالوا باسم الله وبالله
وفی الله و علی ملة رسول الله صلی الله تعالی علیہ وسلم . ص . أى وضعناک
متبرکین باسم الله وبه آمنا وفی رضاه رغبتا ونحن فی ذلک کله علی ملته
ودینه . قهستانی اه ط .

(۳) قبر منیر حضرت رسول الله درت ذات محترم داخل اولمشدر .
انلردن بری حضرت علی وبری حضرت عباس و دیگر بری حضرت

قادینی قبره ادخالده کنندیته قریب محرمی اولادر . قادینی^(۱)
قسمی میتک اک یاقینی دخی اولسه قبره کیرمز^(۲) .

میت داخل قبرده ارقه اوزری یاخورد یوز اوستنه ویاخورد
صول طرفی اوزرینه یا نیرلیوب بلسکه صاخ یانی اوزرینه قبله یه
قارشو بولندیلور^(۳) .

حتی ترس قونلش اولق صورتنده لحدی اورتلش وتخته سی
دیزلش بیله اولسه اوزرینه طوپراق آنلش اولدقجه آچیلوب
یوزی قبله یه کتوریلور .

حضرت رسول اکرم صلی الله تعالی علیه وسلم افندمز بوبله
امر ایتمشلر و : بیت حرام سزک حیاً و میتاً قبله کزدر . بیورمشلردر اه
بعده کفنک دوکومی چوزیلور^(۴) ولحدک کرپیچی وقبرک
تخته سی دیزلدکدن صکره ال وکورک وهر ممکن اولان شی ایله
طوپراق آتیلور .

بولنالمز میتک باش طرفندن اوچر آوچ طوپراق آتمق
وایلك آتشدن ایتباس طریقیله : (منها خلقناکم) ، وایکنجیده :

عباسک اوغلی حضرت فضل اولوب دردنجیلری حضرت صهیب یاخود حضرت
مغیره ویاخود حضرت ابو رافع اولق اوزره مختلف فیهدر . ط .
(۱) ولا کافر . ط .

(۲) قادینی جنازه سنی تابوتدن قبره وحتی بیقانبوب کفنلندکدن صکره تابوته
آلق دخی ارککلره عانددر . حیاتنده مداوات مثلی پر حاجته مبنی قادینه اجنبی
ارکک برحائل ایله وضع ید ایده بیلدیکی کی حال نماتنده کی حاجته مبنی دخی مع الحائل
وضع ید ایده بیلور وضع ید ایده بیلدیکی . ص ، ط .

(۳) ویسند المیت من ورائه بنحو تراب لثلا ینقلب . ط .

(۴) للاستغناء عنها بوقوع الأمن من الانتشار اه در مع ط .

[وفيها نعبدكم] ، و اوچنچييده : [ومنها نخرجكم تارة أخرى] ديمك مستحب اولور .

برقبره كندی ايچندن چيقان طوپراقدن زياده سنی آتمق مكروه در .

طوپراغی زميندن برقارش قدر وياده از ياده جه يوكسلدوب قبری دوه اوركجي كي ياپمق مندوبدر كه بوكا (تسنيم) و او قبره (مسنم) تعبير اولنور . پكشمك ايچون اوزرينه صو سر پيلور . قبر مسطح اولماساز وكيرجلممز . خراب اولان قبرلر چامور ايله تعمير اولنور .

قبر بللی اولمق و خوارلانماق ايچون اوزرينه آعاج ديكيلور . اوافق برطاش ديكوب اسم يازمقده دخی بأس يوقدر (۱) .

موتی دفنی مقابره مخصوص اولوب اولن چوجق دخی اولسه قبرستانه كوتورلك لازم اولديفی كي (۲) برقبره ضرورت اولدقجه

(۱) شاعر معری دنيايه ذريت كنورمكي جنایت عدايتديكندن هيچ تاهل ايتميهرك وفات ايتمش اولديفیچون سنك مزارينه شوييتك :

هَذَا جَنَاهُ أَبِي عَلِيٍّ وَمَا جَنَيْتَ عَلَيَّ أَحَدٍ

يا زلسنی توصيه ايتمشدر . بو (قبر) بيم بابامك بكا جنایتيدر ، بن بوجنایتي كيمسه يه ايتدم ديمكدر . تشكيم قول جيدمзде مذكوردر .

عشى ديركه اهل مصر قبری لری اشيلدكدن ومندرس اولمقدن حفظ ايچون اوزلرينه أحجار وضعی اعتياد ايتمشلردر و بونده بر بأس يوقدر اه .

(۲) خانه درونه دفن انبيايه خاص اولمغله صغیر وكير ميت مقابر مسلمينه نقل اولنور . بونك مقتضاسی مدن منصوصه دخی دفن اولنماقدر . تشكيم مدرسه مثلی بنا يانلر انك قرينه كنديلاريچون برده مدفن ايدنورلر ، قاله ابن عابدين .

برمیتدن زیاده دفن اولنماق دخی لازمدر . دافنلرک قلاتی و یاضعفی یاخود دها مهم شیهه اشتغاللری ضرورت مبیحه دندر (۱) .

اوحالده شهداء اُحد کبی هر ایکی میتک ارهسی ممکن ایسه علی وجه النذب تراب ایله فصل اولنماق اوزره قبر واحده متعدد میتی دفن جائز اولوب مدفونلر متحد الجنس اولدقلرینه کوره افضلی تقدیم اولنورکه قبله جانبته طوغری ایلرو او قونیلور . متحد الجنس اولدقلرینه کوره اولارکک ، بعده ارکک چوجق ، بعده خنئی ، وانندن صکره قادین وضع ایديلور (۲) .

میت چوریوب طوپراق اولدقدن صکره دیکرینی انک قبرینه دفن ایتمک جائز اولور (۳) .

موجود کیمیکلری قیرمق یاخود بشقه یره نقل ایتمک جائز اولماز (۴) .

مؤاف علیه الرحمه خانهیه ، وتی دفنک کراحتی سوبلدیکی صرهدده : فساق تعیر اولنان لغم واری قبرلره دخی موتی دفنی مکروه اولور . دیش و محشی مرحوم وجوه کراحتی تعداد ایلمشدر . (فساق) بلاد شامیهجه معروفدر .

(۱) بر کیمسه نک قربی ایله برابر مدفون اولق ایستلمسی عذر اولدیغی کبی بشقه مقبره موجود ایکن اومقبره ده یرک طارلفی دخی مجاورت صالحینه بباء دفن متبرک بیلله اولسه عذر دکلمدر . ط .

(۲) علی عکس الوضع القی عند الصلاة علیهم . کما مر فی (۵۹۴) .

(۳) صاح هذی قبورنا تملأ الرب فأین القبور من هذه الاجساد

خفف الوطاء ماأظن أديم الأرض الا من هذه الأحساد

رب لحد لقد صار لحداً مراراً ضاحک من تراحم الاضداد

ودفن علی بقایا دفین فی طویل الازمان والآباد

(۴) مقابر أهل ذمت دخی بویله در چونکه انلر احیاء و أمواتاً اتباع مسلمیندر .

بخلاف أهل الحرب اذا احتیج الی نبشهم فلا بأس به . ط . فتنبش وترفم العظام

والآثار وتتخذ مقبرة للمسلمین أو مسجداً . ابن عابدین .

میتى وفات ايتديكى ويا مقتول اولديغى محلك مقبره سنه دفن ايتمك مستحيدر (١) .

بر بلده ويا قريه دن ديكر بلده ويا قريه مزارلغنه نقل جنازه ايتمك مفيد اولميان شيله اشتغالدر چونكه هريرميت ايچون كهفادر (٢) . همدن نقلده تأخير دفن واردركه اوده كراحت كافيه در .
مدينه منوره مقبره سى قريب اولديغى حالده شهداء احذك كندى مشهدلرينه دفنلرينى عليه السلام افندمز امر ايتمشلر ودمشق فاتحى اولان اصحاب حضراتى ابواب دمشق قريبه دفن اولنوب جمله سى محل واحده مدفون اولاق اوزره نقل اولنما مشلدر . ابن عابدين (٣)

(١) متعدد مزارلغى اولان بلده به كوره دخى ميكن جهت مواته اك قريب بولان مقبره به دفن اولنسى اولادر . ط على الدر . بر ياخود ايكى ميل قدر اوزاغه كوتورمكده باس بوقدر . رد مختار .

(٢) كهفات كتاب وزننده كنديسيله ضم وجم حاصل اولان شيدركه ضام وجامع معناسنه در . [ألم نجعل الأرض كفاً احياءاً وأمواتاً] قول كريمى منطوقجه يرك يوزى احيائى وايچى أمواتى جامعدر . مؤلف ديركه حضرت ابوبكر اكوفلى عبد الرحمن شامدن مكه به كلور ايكنى اون ميل قدر مسافه قالهرق وفات ايدوب مكه مكه ميه به نقل اولنمش ايدى همشيره سى حضرت عائشه مكه ده بولنوب قبر مشار اليه زيارت ايتديكنده : بكا قالايدى سنى بورايه نقل ايتميوب وفات ايتديكك محله دفن ايدردم بپورمشدر اه بتصحيح بلاراجعة الى اسم الفأبة .

(٣) كچه عشره دن سعد بن ابى وقاص رضى تعالى عنه حضرتلرى مدينه منوره به درت فرسخ مسافه ده كائن عقيده كي خانه سنده وفات ايتمش اولديغى حالده أعناق رجالده اولهرق مدينه مشار اليها به نقل ايدمش وبيانى كذران اولديغى اوزره جنازه سى مسجد شريف نبوى داخلنه آنهرق نساى قيلنمشدر

میتى بعدالدفن بشقه یره نقل ایتىك أصلاً جائز اوله ماز (۱) .
 مکرکه دفن اولندیغی یر برینک ملکی ایکن غصب اولنوب دفن میت
 ایدلسکله صاحب ارض میتک اورادن اخراجنی طلب ایتمش اوله .
 او حالده صاحب ارض ارضک ظاهرینه مالک اولدیغی کبی باطنه
 دخی مالک اولدیغندن دیلرسه مدفونی اخراج ایدر و دیلرسه قبری
 دوزله یوب اوزرنده زراعت و سائر صورته انتفاع ایلر .
 دفن میت اولنان یرمیتک و یا وارثنک ملک مشتری اولمشیکن
 شفیهی طویوب طالب و بالشقه مالک اولمق صورتده دفننه رضا
 داده اولماق دخی بویله در .
 کیمسه نك ملکی اولمیان یرده بریسیچون حفر اولنمش قبره
 بشقه بری دفن اولنمق صورتده مدفون اخراج اولنمیوب قیمت
 حفر تضمین اولنور (۲) .
 برکیمسه کندى نفسیچون حاضرلا دیغی قبره بشقه سی دفن
 اولنمق صاحب قبری ممنون ایتیه چکی جهته یرککش ایسه مکروه
 اولوب طارایسه بلا کراهه جائزدر (۳) .

ولکن حضرت مشار الیه أحياء داریندن اولغله سائرینه مقبس علیه دکلمدر :

جسد پاک اولیا چوریز .

(۱) وأما نقل موسى عليه السلام ثابت يوسف عليه السلام من مصر الى الشام
 وكذا ماروى من نقل يعقوب عليه السلام منها اليها فليس شرعاً منقولاً البنا .
 كما في الفتح وغيره .

(۲) والضامن اما الوارث أو بيت المال أو اغنياء المسلمين . كما في س .

(۳) جامع ایچنده و یا مجاس علمده برکیمسه کندى نفسیچون سجادده سرمک
 و یاغی یاغق کبی که بر واسم ایسه بشقه سی انک اوزرنده نماز قیله ماز و اوطوره ماز

انسان نروده اوله جکئی بیله مدیکچیچون موتندن اول قبر حاضرلامق
کندیڭک اکا حاجتی متحقق اولیان شیئی یامقدر .
انسانه لازم اولان حضرت صدیقک بیوردقلری کبی کندینی
قبره حاضرلامقدر .
کفن نروده اولسه لابد اولمغله آنی احضارده بآس یوقدر (۱) .

نبش قبر حرامدر یعنی اولو دفن اولنوب اوزرینه طوپراق
آتلدقدن صکره قبری آچمق (۲) جائز دکلدرد . مکرکه ذکر اولنان غصب
مسئلهسی مثلی حق غیره مبنی اوله .
وضع مسنونه مراعات اولنمیهرق کومیلان ومثلاً باشی آباق
طرفنه کلمش ویاخود صول یانی اوزره یاتیرلمش اولان میتک وضعنی
دکشدیرمک ویوزینی قبله یه کتورمک ایچون بیله نبش قبر جائز

ایسهده یر طاز اولدیغنه کوره آنی عندالضیاح داخل ضحانی اولامق ایچونال صونوب
قالدرمق صورتیله اولیهرق بر طرف ایدوب اوراده نماز قیله بیلور واطورر . ص
مع ط .

(۱) قبر حاضرلامق دخی عمر بن عبد العزیز حضرتلری کبی بعض سلف
صالحینده واقم اولدیچیچون بی بآس وبلسکدهده موجب اجر در . کما فی ص .
(۲) بولت واریکن فتح میت دیمک لزومسز و معنامزدر . یقال نبش الارض عما
تحتها نبشاً من باب قتل . قال الفضل بن العباس بن عتبة بن ابی لهب :
مهلاً بنی عمنا مهلاً موالینا لاتنبشوا بیننا ما کان مدفوناً
وانتباش العروق استخرجها من الارض . قال الکمیت :
موتهن انتباشهن من الارض ومحین ماسکن القبورا
ای مادامت العروق تحت الارض کانت حیه فإذا نبشت ماتت .

اوليوب انجق حين دفنده ايچنه دوشش ويا بالخاصه برابر كوملمش
بر ماله و صاحبك طلبى اوزرينه ~~كفن~~ مغصوبه مبنى قبر
آچيله بيلور^(١) .

(١) لأن النبی صلی اللہ تعالیٰ علیہ وسلم أباح نبش قبر ابی رغال لذلك . م .
أى لال وهو قضيب ذهب وضع معه ط . و ابو رغال ككتاب دليل أبرهة وقبره
بموضع فی طریق الطائف يقال له المغس كعظام ومحدث يرجم واسم ابی رغال نفيل
بغنية التصغير .

تلقین

دفن ایشندن فارغ اولدقدن صکره جماعت دوه بوغازلنوبده پایلاشیله جق قدر مدت اوطوروب قرآن اوقومق مستهجدیر : ایچلرندن بری تجوید اوزره یس شریف سوره "جليله سيله تبارک الذی بیده المملک سوره" شریفه سنی واون بر اخلاص وهرر معوذتین ایله سوره "فاتحه یی وسوره" بقره نك اولنی و آخرینی اوقور و ثوابی جنازه نك روحنه اهدا ایدرک عفوومغفرتی ایچون دعا ایدر . سائرلری دخی بخلوص البال آمین دیوب بعد الفاتحه هرکس ایشنه کیندر .

تلقین میته اصل اولان اشته بوتوقف وتلاواتدرکه میتک دفنی متعاقب قبری یانندن انفسکاک ایدلمیه رک کندبسیله استیناس ایدرجه سنه روحنه اهداء ثواب تلاوته بولنمقدر .

سنن ابی داود و بیهقیده حضرت عثمان رضی الله تعالی عنه رواقیلله مذکوردرکه رسول اکرم صلی الله تعالی علیه وسلم افندمز حضرتلری دفن میتدن صکره همان عودت بیورمیوب مدفنده بولنورلر وحضاره خطاباً : قرنداشکیز ایچون جناب حقندن مغفرت ایستیکز و کندیسنه تمکین احسانفی طلب ایلیه کیزکه اوشمدی سوال کورر . بیوررلر ایدی اه .

صحيح مسنده دخی مذکور درکه عمرو بن العاص رضی الله تعالی عنه حضرتلری وصیتلرنده : بنی دفن ایتدی که کز وقت دوه بوغازلنوب اتی تقسیم اولنه جق قدر مدت قبرم یاننده بولسکز

تاکه بن سزکله استیناس ایدیم و ربکم ملهکارینه نصل جواب ویره بیله جکم باقیم دیمشدر (۱) .

صکره لری بوکا کیفیت آتیه دخی منضم اوله رق « مارآه المؤمنون حسناً فهو عند الله حسن » قاعده سنه کیرمشدر .

کیفیت تلقین

دفندن و ذکر اولئان تلاوت و دعادن صکره بر صالح کیمسه قالوب قبرک باش طرفنه میت مدفونک وجهی مقابلنه طوررق اکا خطاباً اسمیه : یا فلان یا ابن فلانة . (مثلاً) یا محمد یا ابن ام کلثوم دیو (۲) اوچ کره ندادن صکره : « اذکر ما کنت علیه من شهادة أن لا اله الا الله وأن محمداً رسول الله وأنت رضىت بالله رباً وبالاسلام ديناً وبمحمد صلى الله تعالى علیه وسلم نبياً وبالقرآن اماماً . » دیر .

(۱) تلقین سؤال قبره بیتیکین دیک اولایغنه نغراً قبر سؤالی کورمیه جکله یعی انبیایه و اطفاله تلقین اولئامق کرکدر . معرکه کفارده . فتول اولان و سرحد بکلیروک یا خود طاعونه طوتیلر و ذات ایلان و حتی زمن طاعونده اولان و مبطون و یا مجنون اوله رق وفات ایدن و جمعه کونی و یا کیچه سی وفات ایلان و هر کیچه سورهُ ملک اوقیان و طالب علم اوله رق اولان کیمسه لر دخی سؤال کورمیه جکلردندر . حکمت سؤال شرف مؤمنی و خذلان کافری اظهاردر . ذکره ط .

(۲) دیتک هم کندی اسمی آکار همده انی والده سنه اضافه ایدر . چونکه مولودک والده سنه نسبتی پدرینه اولان نسبتندن دها محققدر . والده سنک اسمی معلوم دکل ایسه حضرت حوایه اضافه اولنور . قادینه کندی اسمندن صکره صیغه تأیید ایله یا بنت فلانة دینور .

سالف البیان تلقین مختصره متعلق افاداتی متعاقب مؤلف بو وجه
اوزره اولان تلقین میت حقمنده اوچ قول درمیان ایدرک دییودکه :
میتی قبره کومدکدن صکره دخی تلقین مشروعدر (١) علی قول میت
بعد الدفن تلقین اولنماز (٢) و علی قول تلقین میت نه امر اولنور
نه ده نهی اولنور (٣) .

سماع موتی کلام الخلق قدوردت * حقا و جماعت به الآثار فی الکتب
و آیه النفی معناها سماع هدی * لایقبلون و لایصغون للادب

-
- (١) بواهل سنت و جماعته منسوب سوزدر . « لقنوا موتاكم » حدیثك
حقیقتی ده بودر . س . بو حالدله تلقین مختصره نظراً جم بین الحقیقه
و المجاز ایدلش اولور . و لا مانع منه فی مثل هذا . قاله ط .
(٢) بو سوز معتزله به نسبت اولنمشدر . س .
(٣) حلی بوکا قصر کلام ایتمشدر .

تعزیت

تعزیت حسن صبر معناسنه اولان عزاءدن مصدر متعددر (١)
که اهل میتہ ومصیبتزدهیه : « جناب حق سزہ صبر جمیل واجر جزیل
ویرسون . » کبی سوزلر سویله مک و تسلیتده بوانمقددر .

مطاوعتی تعزیدرکه صبر و تحملدن عبارتدر . انکده شعاری
(انا لله وانا الیه راجعون) دیو حقه توسلدر (٢) .

تعزیت رجال ونسایه مستحجدر ومینک جمیع اقاربی تعزیت
اولنور (٣) .

حدیث شریفده . بر مصیبت مقابلهده اخوان دینندن برینی

(١) والعزاء مثل سلام اسم من التعزية مثل سلم سلاما وكلم كلاما قاله الفيومي .
(٢) وروی الطبرانی وغيره : إذا أصاب أحدكم مصيبة فليذكر مصيبتها في
لأنها من أعظم المصائب . وفي لفظ ابن ماجه : فليتعز بمصيبتها في فان أحداً من أمتي
لن يصاب بمصيبة بعد أشد عليه من مصيبتی .
ولله در القائل :

اصبر لكل مصيبة وتجلد واعلم بأن المرء غير مخلد
واذا ذكرت مصيبة تسلوبها فاذكر مصابك بالنبي محمد
وأنشدت فاطمة الزهراء رضى الله تعالى عنها بعد موت أبيها صلى الله تعالى عليه وسلم :
ماذا على من شم تربة أحمد أن لا يشم مدى الزمان غواليها
صبت على مصائب لو أنها صبت على الأيام عدن لياليها
كذا في ط والحفوظ صرن وكلاهما بمعنى .

(٣) لیکن قادیبی ارککک تعزیتی خوف فتنه اولامق قیدیله مقیددر . وفي
الحديث : من عزى نكلى كسى بردين في الجنة . كما في ص .

تعزيت ايدن كيمسه ني جناب حق يوم قيامته تسكرمه دال اولان
حلله ايله كسوله بيورلشدر .

تعزيتك بعد الدفن اولسي افضلدر چونسكه قبل الدفن اهل ميت
تجوين ايله مشغوللردر . انلك وحشتي بعد الدفن مزداد اولور .
قبل الدفن دخي جزع ايتدكلري تقديرده تعزيت اولنور .
تعزيتك عند القبر اولسي مكروه اولور .
بركره تعزيت ايدنه بردها اينمك لائق دكلدر .

ولي ميته مسنون اولان دفندن صكره ايلك كيجه كچمدين
متيسر اولاني تصديق ايتمك وبرشي بوله مديغنه كوره ايكي ركعت
نماز قيلوب ثوابي مينك روحنه اهدا ايلسكدر .
ميتي بعد الدفن هركون متيسر اولاني ويرمك اوزره يدنجي
كونه قدر روحه چون تصدقه بولنمق مستحبدر .
ولي ميتك يملكار ياپوب ضيافت ايتمسي (حلواء ياپمسي
ولقمه دوكمه سي) مكروهدر (١) .

ميتك قومشولرينه واوزاقده دخي اولسه اقرباسنه مستحب
اولان اوكون واوكيجه طعام ترتيب ايدوب انلري يعني اهل ميتي
طوبور مقدر (٢) .

(١) لانها شرعت في السرور لا في الشرور وهي بدعة مستقبحة . ص . قال
في البزاية يكره اتخاذ الطعام في اليوم الأول والثالث وبعد الاسبوع ونقل الطعام
الى المقبرة في المواسم واتخاذ الدعوة بقراءة القرآن وجمع الصلحاء والقراء للختم
أو لقراءة سورة الأنعام أو الاخلاص . ط .
(٢) شرعهده مذكور اولديغنه كوره حضرت حمزه نك واصلده مذكور

کمیده وفات ایدن مسلم قاره اوزاق اولدیغی وجنازه
طورد قجه تغیر ایتمسکدن قورقلدیغی تقدیرده (۱) غسل اولنوب
کفنلندکدن (۲) و نمازی قیلندقدن صکره صاغ جانی اوزره
قبله یه قارشو اوله رق دکزه براغیلور و امام احمد بن حنبل حضرتلرندن
منقول اولدیغی اوزره قعر بحره باتمق ایچون اکا آغر برشی
ربط اولنور .

دار حربه یعنی دول اجنبیه سواحلمنه قریب اولان دکرار ایچون
ائمہ شافعیه دن دخی منقول اولان بودر .

دار حربه قریب دکل ایسه صولر اتی ر ساحله آنه رق ایصال
ایادی اسلامیان ایتمکله انلاردن ایدر لر دیومیت ایکی تحنه اره سنه
صیقیه جه باغلانوب دکزه براغیلور .

بزم اهل مذهبمزدن دخی بویله منقولدر . کذا فی ص مع ط .

اولدیغنه کوره حضرت جعفر طیارک (ولا مانع من الجمع) وقوع شهادتارنده رسول
اکرم صلی الله تعالی علیه وسلم افندمز حضرتلری کندی اهل ینلرینه آل حمزه
و آل جعفر ایچون طعام ترتیبی امر ایدوب : زیرا انلره کندیلرینه باقمیه جق حال
حاصل اولدی . مآئند و فقد جاءهم ما یشفلهم بیوردیلر . مؤلف دیرکه وانلره
اکل ایچون الحاح ایلمایدر چونکه حزن کندیلرینی اکلدن منم ایله اضعاف ایدر .
جناب حق ملهم صبر و معوض اجر در اه .

(۱) قاره اوزاق اولسه ده میتک تغیرندن قورقلدیغی و یاخود قاره قریب اولوب
چیقماق دخی ممکن بولندیغی تقدیرده جنازه دکزه آنلاز . ط .
(۲) ویشد علیه کفنه . ط .

زيارت قبور

دفن و زیارت کبی بر حاجت صحیحہ اولمہ دچہ قبرلری چیکنہ مک
کناہدر .

آتش قورینہ باصمق قبرہ باصمقدن وقور اوزرینہ اوطور مق قبر
اوزرینہ اوطور مقدن خیر لیدر بیورلمشدر (۱) .

قبرستانی زیارت تذکیر آخرت ایتدیکچیچون مندوبدرکہ حدیث
شریفہ زوروا القبور تذکرکم الموت . یاخود : تذکر الآخرة .
و: کنت نہیتکم عن زیارة القبور فزوروها . بیورلمشدر

خوف فتنہ اولماق شرطیلہ مندوبیت زیارت نسوانہ دخی
شامل اولوب « لعن الله زائرات القبور » حدیثی تجدد حزن
وبکا ایتمک عادت جاهلیہ سیچون زیارت قبور ایدن قادیملره عائد
بولنمشدر .

زیارت قبر قائماً وقاعداً اولور (۲) . زائر قبرہ مستحب اولان

(۱) ولفظ الحديثين : لان يطاء الرجل على جرة خيره من أن يطاء إلى قبر . لان
يجلس أحدكم على جرة فتحترق ثيابه فتخلص إلى جلده خيره من أن يجلس على قبر
كما في جامع السيوطي الصغير . والكلام في غير حالة الضرورة .

وقبيح بنا وان قدم العهد هوان الآباء والأجداد
سمران استطعت في الهواء رويداً * لا اختيلاً على رفات العباد

(۲) رسول اکرم صلی اللہ تعالیٰ علیہ وسلم افندمز حفصرتلری مقبرہ مدینہ
منورہ لری اولان بقیع شریفہ چیقہ قلدنہ قائم بولنورار و : « السلام علیکم دار
قوم مؤمنین ولانا ان شاء اللہ بکم لاحقون أسأل الله لی واسکم العافیة » بیوررار

اوطورب^(۱) یس شریف اوقومقدر .

قائماً زیارتده اون بر اخلاص شریف اوقنور .

حدیث حضرت انسده : داخل مقابر اولان کیمسه یس سورده سنی اوقیوب ثوابی امواته اهدا ایدرسه حق جل وعلا انلره آسانلق ویرر و اوقویانه اموات عددنجه حسنات اعطا ایدر . بیورلمش اولدیفی کبی حدیث حضرت علیده دخی : قبرستانه اوغرایان کیمسه اون بر سورده اخلاص اوقیوب اجرینی امواته اهدا یلرسه اواموات عددنجه کندیسنه اجر ویریلور . بیورلمشدر^(۲) .

قبرستانک آغاچنی کسمک ویشیللککنی یولمق مکر وهدر^(۳) قوریلری قلع اولنه بیلور .

ایدی . ص . موتایه التجاق محقق ایکن ان شاء الله قیسی آتم حالات اوزره التجاقی تمیدر . عافیتدن متعدد سخط الهمیدن ومکروهات آخرتدن معافاتدر . ط .
(۱) لتأدية القرآن على الوجه المطلوب بالسكينة والتدبر والانتعاض . ط .
(۲) قبرستانه داخل اولوبده : « اللهم رب الاجساد البالية والعظام النخرة التي خرجت من الدنيا وهى بك مؤمنة أدخل عليها روحاً منك وسلاماً منى . » دیان کیمسه ایچون عهد آدمدن برو وفات ایدن میت مؤمن استغفار ایدر . یاخود : الی قیام الساعة وفات ایدن مؤمن وغیر مؤمن ولد آدم عددنجه اکا حسنات یازیلور . روایتلریده واردر . کافی ص .
(۳) لانه مادام رطباً یسبح الله تعالى فیؤنس المیت وتنزل بذکر الله تعالى الرحمة . ص .

غضبه ياخود ضيق معيشته وياخود دوچار اولديغى زياته مبنى
موتى تمنى ايتمك مكر وهدر . قضايه عدم رضا ديمكدر (۱) .
بخارينك كتاب المرضاسنده حضرت انس رضى الله تعالى عنهن
رواية مذکوردر كه حضرت رسول الله صلى الله تعالى عليه وسلم
« سرك برکز كندينه اصابت ايدين ضرردن طولايى موتى صاقين
تمنى ايتمسون اكر تمنى موتدن بشقه چاره سى قالماش ايسه :
يارب حقمده حيات خير اولدقجه بنى ياشات و حقمده وفات
خير اولدقجه بنى متوفى ايله . ديسون » مآلنده اولمق اوزره
« لايتمنين احدكم الموت لضر اصابه فان كان لابد فاعلا فليقل اللهم
احينى ما كانت الحياة خيراً لى وتوفنى ما كانت الوفاة خيراً لى »
بيور مشلدر .

مى الايام و الغير و امرالله منتظر
أتأس أن ترى فرجاً فأين الله والقدر

(*)

احکام شهید

شهید که مقصود شهید کاملدر : فی سبیل الله مقتول اولاندر .
فعلیل یا بمعنی فاعل و یا بمعنی مفعولدر . اعتبار اوله کوره
عندباریده صحیح اوله جق معنی وجهله حاضر اوله رق مرزوق
بولنمق کبی بر معنایه مبنی و اعتبارثانی به کوره مشهودله بالجمله
بولندیخنه مبنی شهید اسمیه اولنور . جمعی شهداء کلور (۱) .

سوره بقره نك یوزاللی بشنچی آیتی اولان استعین بالله تعالی :
(ولا تقولوا لمن یقتل فی سبیل الله اموات بل احياء ولسكن لانشعرون .)
وسوره آل عمرانك یوزالتمش طقوز ویوزیتمش ویوزیتمش برنجی
آیتلری اولان استعین بالله تعالی : (ولا تحسبن الذین قتلوا فی سبیل الله
امواتاً بل احياء عند ربهم یرزقون . فرحين بما آناهم الله من فضله
ویستبشرون بالذین لم یلحقوبهم من خلفهم ألا خوف علیهم
ولاهم یحزون . یستبشرون بنعمة من الله وفضل وأن الله لا یضیع
أجر المؤمنین) . قول کریملری خاویسنجه شهدا نازل سعادت
عظمی اولوب عالم آخرتجه ممتاز اولدقلری کبی احکام دنیاچه دخی
بلا غسل نمازلری قیلنمق و « زملوهم بسکومهم » حدیث شریفی
موجهنجه دملریله دفن اولنمق امتیازیه اموات سائره مسلمیندن
ممتازدرلر .

(۱) شاهد معانسنه اولان شهیدك دخی جمعی شهداءدر . أشهاد دخی
کلور . [والله علی کل شیء شهید] کلمته علی رؤس الاشهاد .
شاهدك جمعی شهوددر . انلر بتم شاهدلرمدر دیمک ایچون : « هم شهودی »
دینلدیکی کبی وهم شهدائی . (یاخود) : هم أشهادی « دخی دینور .

انلرك بوامتياز دنيويلرى آتى التعداد شروط ايله مشروط ومقيد اولديغى كى كيمى احكام دنياده وكيمى ثواب آخريته انلره ملحق بر طاقم ممتازين دخى اولمغله شهدا : شهيد دنيا وشهيد آخرت وشهيد دنيا و آخرت . ديو اوچه تقسيم اولنوب انلردن شهيد كامل انجق قسم ثالثدر كه حكم دنيا واجر عقباباني جامعدر . قسم اول يالكر حكم دنياجه وقسم ثاني يالكر اجر عقباجه انلره ملحقدر . قسم اول افرادنده بفضل الله تعالى اجر آخرتى احراز ايدنلر دخى اولور .

شهيد كاملك وحكم دنياجه اكا ملحق بولنان قسم اول افرادينك افرادينك ذكر اولنان احكام وجهله بلاغسل نمازلى قيلنمق التى شرط ايله مشروطدر : عقل ، بلوغ ، حدث اكبردن طهارت ، بغير حق مقتوليت ، قتل محاربائك غيريده وقوع بولديغنه كوره انك تعمدي قسيميله واقع اولمش اولمق ، مقتول مرتك اولماق . شرط اول ايجابنجه مجنون ومجنونه وشرط ثاني موجببنجه صبي وصبيه وشرط ثالث موجببنجه جنب وياحائض ياخود نفساء اولانلر حكم مذكوره معروض اوله ميوب غسل وتسكفين اولنهرق نمازلى قيلنمق لازم اولديغى كى شرط رابع موجببنجه رجم وقصاص مثلى برحقه مبنى مقتول اولانلر دخى غسل وتسكفين اولنمق ونمازلى اندن صكره قيلنمق لازم كلور .

مقتوليت قيدي بريردن يوارلانهرق ويا آتسه يانهرق ويا اوزرينه برشى ييقيلهرق ويا صويه بوغيلهرق اولن يعنى آخرك مقتولى اولميان ميت مصابدن احترازدر كه اندن ومقتول بولنوبده

قاتلی معلوم اولمامغله بحق ویا بغیر حق اولدیرلدیکی بیلنه میانندن غسل ساقط اولماز .

کندی نفسی ویا مالی یاخود مسلمیندن ویا اهل ذمتدن برینی مدافعهٔ مقتول اولانلر بغیر حق اولدیریلانلر جمله سندندرکه انلر قتل تعمدی ایله مقتول اولمق یعنی آلت جارحه ایله عمداً اولدیرلش بولنمق شرطیله بلا غسل اوزرلرینه نماز قیلنور .

قتل تعمدینک غیری اولان اقسام قتل ایله — که انلر شبهه عمد وخطاوجاری مجری الخطأ و تسبیاً قتلدر و موجبلری قصاص دکل ، عوض مالیدر — مقتول اولانلر حکم مذکورہ معروض اولمیه رق غسل اولنورلر .

بوندن یعنی قتله عوض مالی دکلده قصاص ترتب ایتمک مسئله سندن کندی اصولنک مقتولی اولان ولدایله افندیسنک مقتولی بولنان کوله ویا جاریه مستثنی اولوب بولنده و قصاصه بدل اخذ مال صورتنده قصاص اعراض ساقط اولمش اولدیغنه مبنی حکم اصلی اولان بلا غسل صلات جاری اولدیغی کی محاربه مقتوللری دخی قتلك تعمدی اولمسی قیدندن مستثنادرکه انلرک قاتلی کرکسه باغی ویا قاطع طریق اولسون و قتل کرک مباشرة و کرک تسبیاً وقوعه ککش بولنسون غسللری اجرا اولشمیه رق نمازلری قیلنور .

شرط سادس اولان مقتول مرتک اولمامق قیدینه کلمنجه ، (مرتک) لفظی مہتز کی باب افتعالدن اسم فاعلدرکه مصدری اولان ارتثا : موتی مؤدی جرح ایله مجروح اولان کیمسه همان وفات

ایتمام کله انقضاء حربدن صکره یا لاجل المداواة (۱) بشقه یره نقل اولندقدن ویاخود یمک یمیک و صوا یچمک یاخود اویقوا و یومق ویاخود لقر دیلر و یا آاش و یرش لر ایتمک کبی منافع حیاتدن برشیله منتفع اولدقدن و یاخود عقلی باشنده اوله رق اوزرندن بر نماز وقتی کچد کدن صکره وفات ایتمکدر .

ارتثاک ترک غسله مانعدر . حضرت عمر و عثمان و علی و ضوان الله تعالی علیهم هپ شهدا ایکن حضرت عمر و علی مرتث اولدقلرندن غسل اولندیلر . حضرت عثمان مرتث اولدیغندن غسل اولنمندی .

شروط مذکوره کندیسنده مجتمع اولان شهید شهداء اُحد کبی (۲) دمیله تسکفین اولنوب یعنی قاتلی اولان لباسندن صویلیوب و بلا غسل نمازی قیلنوب دفن اولنور .

اوزرنده کورک و خرقة کبی صالح کفن اولمیان فضله لباسی و ارایسه چیقاریلور . سلاحی و زرهی آلنور . آیاق قابی و باش کسوه سی دخی چیقاریلور . کفن سنتدن ناقص اولانی اتمام وزائد اولانی تنقیص ایدیلور .

ایچنده مقتول اولدیغی لباسی تماماً اوزرندن آلق وانی بشقه بر کفنه صارمق مکروه اولور .

(۱) کندیسنه باقلق اوزره دکلده آیاق التنده قالب چیکنمک ایچون بر طرفه قالدیرلق ارتثاندن معدود دکدر . صایلان منافع انقضاء حربدن اول اولسی دخی ارتثاک عد اولماز . کما فی ص . (۲) الذین قال فیهم رسول الله صلی الله تعالی علیه وسلم : زملوهم بدمائم فانه لیس کلمة تسکلم فی سبیل الله الا تأتی یوم القیامة تدمی اونه لون الدم والریح ریح المسک .

(۳) اعلم أن بعضهم کصاحب البدائم جعل الملة فی ارتثائه أن نقله

شروط مذكوره في جامع اولميان ميت آتشده ياتحق وباصويه
بوغلق ياخود طاعونده اولمك كبي شهيد آخرت دخي اولسه (١)
انك احكام دنيا دن اولان امرتجه يزي اموات عادته مسلمان وجهله
اولور.

(١) ممن وردت في حقهم الآثار مثل : أيما امرأة ماتت بجمع فهي
شهيدة . أي بشيء مجموع فيها غير منفصل عنها من حمل أو بكارة . ومن
مات بالسل أو بالصرع أو بالحمى أو دون أهله أو ماله أو بالشرق أو بافتراس
السبع أو بالبطن أو الفرق أو الهدم أو بالجذب أو مات على طلب
العلم الشرعي أو مؤذنا محسباً أو تاجراً صدوقاً ومن سعى على امرأته
وولده وما ملكته يمينه يقيم فيهم أمر الله تعالى ويطعمهم من حلال كان حقاً
على الله تعالى أن يجعله مع الشهداء في درجاتهم يوم القيامة والمأثد في البحر
فله أجر شهيد أي ان مات من ذلك ومن مات صابرة على الغيرة لها أجر شهيد
ومن قال كل يوم خمسين مرة اللهم بارك لي في الموت وفيما بعد
الموت ثم مات على فراشه اعطاه الله أجر شهيد ومن صلى الضحى وصام
ثلاثة أيام من كل شهر ولم يترك الوتر سفراً ولا حضراً كتب له أجر شهيد
والمنسك بسنتي عند فسادتي له أجر شهيد ومن قال في مرضه أربعين مرة
لا إله إلا أنت سبحانك أني كنت من الظالمين اعطى أجر شهيد وان برىء
برىء مغفوراً له اه من ط بتصرف .

من المعركة يزيد ضعفاً وبوجب حدوث ألم فيكون النقل مشاركاً للجراحة
في اثابة الموت فلم يمت بسبب الجراحة بقينا فلا يسقط الغسل بالشك
وحينئذ فلا فرق بين ان ينقل للمرض او للخوف وطء الحيوان وبعضهم
جعل العلة في الارثااث نيل شيء من مرافق الدنيا فعلى هذا يظهر
وجه الفرق بين ما لو حمل للتداوى او للخوف من وطء الحيوان . ط .

بو بنا داخلیدر باغ نعم
 داخلی اهل هدایتدر هپ
 فرضدرا یتمه صاقین فوت صلات
 قیل ادا سنده درونی تک وتاز
 اوله کردنکش فرمان غنی
 مؤمنه خلعت دیندر قات قات
 سری وارهر برینک حکمتی وار
 ایلش حضرت وهاب کریم
 حق غنیدر سنک أعمالکدن
 وقتی کلدکده همان ایله وضو
 کیدر اندامکه پیراهن نور
 مؤمنک اولدی چومعراجی نماز
 سن قیاس ایتمه نمازی تکلیف
 دین عمادینی اقامت ایله
 پیش حقه یوزگی یرلره سور
 بی توجه یاراماز کاره نماز
 محوومستغرق دیوان حق اول
 اوله حیرتزده جنت ونار
 یاتمه هنکام سحر بیدار اول
 نه سعادت وارب ال باغلایه سین
 قیلده قالماز ایدی آرامک
 خارجی ناحیه نار جحیم
 خارجی اهل غوایتدر هپ
 اقتدارک وارایسه حج وزکات
 برینک فوتنه کوسترمه جواز
 هر نه امر ایتدی ایسه ایله انی
 واجبات وسنن ومنذوبات
 حصره کلز نیجه خاصیتی وار
 هر برین واسطه لطف عظیم
 یتنه سانسین یتیه چک مالکدن
 ما سوادن دهن ودستکی بو
 اوله سین لائق دیوان حضور
 دیده کی ایله بومعراج ایله باز
 جانب حقدن اولور برتشریف
 قصر اسلامی عمارت ایله
 بنده درکپی اول دولتی کور
 ایله هر سجده ده بیک سوزو کداز
 مست لایمقل وحیران حق اول
 اوله کور صاحبنه عاشق وزار
 وقف سجاده استغفار اول
 حق حضورنده طوب آغلایه سین
 ا کلاسه ک قدرین اکر اسلامک

طبع فی ۱۵ شعبان سنة ۱۳۲۲

بو بنا داخلیدر باغ نعیم
 داخلی اهل هدایتدر هپ
 فرضدرایتهمه صاقین فوت صلات
 قیل ادا سنده درونی تک و تاز
 اولمه کردنکش فرمان غنی
 مؤمنه خلعت دیندر قات قات
 سری وارهر برینک حکمتی وار
 ایلش حضرت وهاب کریم
 حق غنیدر سنک أعمالکدن
 وقتی کلد کده همان ایله وضو
 کیدر اندامکه پیراهن نور
 مؤمنک اولدی چومعراجی نماز
 سن قیاس ایتمه نمازی تسکلیف
 دین عمادینی اقامت ایله
 پیش حقه یوزکی یرلره سور
 بی توجه یاراماز کاره نماز
 محو و مستغرق دیوان حق اول
 اولمه حیرت زده جنت و نار
 یاتمه هنسکام سحر بیدار اول
 نه سعادت وارب ال باغلایه سین
 قیلنده قالماز ایدی آرامک
 خارجی ناحیه نار جحیم
 خارجی اهل غوایتدر هپ
 اقتدارک واریسه حج و زکات
 برینک فوتنه کوسترمه جواز
 هر نه امر ایتدی ایسه ایله اتی
 واجبات و سنن و مندوبات
 حصره کلز نیجه خاصیتی وار
 هر برین واسطه لطف عظیم
 ینمه سنسین بیهجک مالکدن
 ما سوادن دهن و دستکی یو
 اوله سین لائق دیوان حضور
 دیده کی ایله بومعراج ایله باز
 جانب حقدن اولور برتشریف
 قصر اسلامی عمارت ایله
 بنده درکپی اول دولتی کور
 ایله هر سجده ده بیک سوز و کداز
 مست لایعقل و حیران حق اول
 اوله کور صاحبنه عاشق وزار
 وقف سجاده استغفار اول
 حق حضورنده طوب آغلایه سین
 ا کلاسه ک قدرین اکر اسلامک

طبع فی ۱۵ شعبان سنه ۱۳۴۳

فهرست	صفحه
۳ صلوات مکتوبه (فرض اولان نماز لر)	
۷ صلاتك حكمت اقتراضی	
۱۱ اوقات صلوات	
۲۳ اوقات مستحبه	
۳۳ اوقات مكروهه	
۴۴ اذان واقامت	
۴۷ اذانك سبب مشروعیتی	
۶۷ شروط واركان صلوات	
۱۱۲ شروطك متعلقات وفروعی	
۱۲۹ واجبات صلوات	
۱۵۳ سنن صلوات	
۱۷۲ آداب صلوات	
۱۷۶ کیفیت ترکیب افعال صلوات	
۱۸۰ سبحانك اللهم الخ نك معناسی	
۱۸۶ التحیات الخ نك تفسیری	
۱۸۹ امامت وجماعت	
۱۹۲ امامتك شروط صحتی	
۱۹۶ اقتدائك شروط صحتی	
۲۱۷ جماعتی اسقاط ایدن أذار	
۲۲۱ ترتیب صفوفه وامامته احق اولانك بیاننه دائر فصل	
۲۳۷ مقتدینك امامه متابع اولوب اولمیه جفی مسائلی	
۲۴۰ صلوات فرزدن صکره وارد اذكارك صفتنه وسائره به دائر	

صحیفه

- ۲۴۶ حدث فی الصلاة
 ۲۵۵ استخلاف فی الصلاة
 ۲۵۸ مدرک ، مسبوق ، لاحق حقننده استطراد
 ۲۶۳ مسائل اثنا عشریه
 ۲۶۶ مفسدات صلات
 ۳۰۲ زلة القاری.
 ۳۰۵ نمازی افساد ایتیمیان شیلر
 ۳۰۹ مکروهات صلات
 ۳۴۰ نمازده مکروه اولمیان شیلر
 ۳۴۳ ستره اتخاذینه و مصلینک اوکنندن مروره داتر
 ۳۴۷ قطع صلاتی ایجاب واجازه ایدن شیماره وجواز تأخیر صلاته داتر
 ۳۵۰ تارک صلاتک حکمی
 ۳۵۲ صلات وتر
 ۳۵۳ اللهم انا نستعینک الخ دعاسنک تفسیری
 ۳۶۴ نوافل
 ۳۶۵ سنن مؤکده و غیر مؤکده
 ۳۷۵ تحیت مسجد نمازی
 ۳۷۷ شکر وضوء نمازی و قوشاق نمازی
 ۳۷۸ تهجد نمازی
 ۳۷۹ استخازه نمازی
 ۳۸۱ حاجت نمازی
 ۳۸۲ تسبیح نمازی

صحیفه

- ۳۸۷ لیلہ نصف شعبان و صلاة الخیر
 ۳۸۹ لیلہ رغائب (۳۹۰) وجه تسمیہ
 ۳۹۲ صلات نفلی قاعد اقیلغہ و دابہ اوزرندہ قیلغہ و صلات ماشی بہ دائر
 ۳۹۷ صلات فرض و واجبی دابہ و محل اوزرندہ قیلغہ حقیقہ فصل
 ۴۰۰ سفینہ دہ نماز
 ۴۰۵ تراویح
 ۴۰۸ تراویح کیمیت و کیفیتی
 ۴۱۴ جوف کعبہ دہ نماز
 ۴۱۷ صلات مسافر
 ۴۳۷ صلات مریض
 ۴۴۷ اسقاط صلات
 ۴۵۲ قضاء فوائت (کچمش نماز لڑک صورت قضاسی)
 ۴۷۰ ادراک فریضہ و مسائل شتی
 ۴۹۱ سجود سہو
 ۵۱۳ نماز ایچندہ شک ایتیمک
 ۵۱۶ سجود تلاوت
 ۵۲۷ سجود شکر
 ۵۲۹ جمعہ نمازی
 ۵۳۷ خطبہ
 ۵۳۸ شروط خطبہ
 ۵۴۰ سنن خطبہ

۵۴۹ احکام عیدین

۵۵۲ صلات عید

۵۵۹ صلات کسوف

۵۶۱ استسقاء

۵۶۴ صلات خوف

۵۶۸ احکام جناز

۵۶۹ تلقین مختصر

۵۷۲ غسل میت

۵۷۸ تکفین میت

۵۸۳ جنازہ نمازی

۵۹۹ دفن

۶۰۴ قبر


۶۱۳ تلقین

۶۱۶ تعزیت

۶۱۸ کیمیدہ وفات ایدن مسم

۶۱۹ زیارت قبور

۶۲۲ احکام شہید



کتابخانه ملی

شماره ۱۹

۲۷-۲۹

۱۳۰۲

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

این کتابخانه در سال ۱۳۰۲ تأسیس شد و از آن زمان به این سو فعالیت می‌کند.

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

این کتابخانه در سال ۱۳۰۲ تأسیس شد و از آن زمان به این سو فعالیت می‌کند.

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

این کتابخانه در سال ۱۳۰۲ تأسیس شد و از آن زمان به این سو فعالیت می‌کند.

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

این کتابخانه در سال ۱۳۰۲ تأسیس شد و از آن زمان به این سو فعالیت می‌کند.

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

این کتابخانه در سال ۱۳۰۲ تأسیس شد و از آن زمان به این سو فعالیت می‌کند.

در این کتابخانه، کتب و اسناد ارزشمند تاریخی و ادبی نگهداری می‌شود.

از جمله کتب موجود در این کتابخانه می‌توان به کتب نفیسه و کتب خطی اشاره کرد.

۱۳۷۸

- ۱۷۱- ...
۱۷۲- ...
۱۷۳- ...
۱۷۴- ...
۱۷۵- ...
۱۷۶- ...
۱۷۷- ...
۱۷۸- ...
۱۷۹- ...
۱۸۰- ...
۱۸۱- ...
۱۸۲- ...
۱۸۳- ...
۱۸۴- ...
۱۸۵- ...
۱۸۶- ...
۱۸۷- ...
۱۸۸- ...
۱۸۹- ...
۱۹۰- ...
۱۹۱- ...
۱۹۲- ...
۱۹۳- ...
۱۹۴- ...
۱۹۵- ...
۱۹۶- ...
۱۹۷- ...
۱۹۸- ...
۱۹۹- ...
۲۰۰- ...

صوموا تصحوا

کتاب الصوم

— نعمت اسلام —

مما من الله تعالى به على عبده
محمد زهني

لب فروبند از طعام و از شراب • سوی خوان آسانی کن شتاب

تقول أنا صائم ، وأنت في لحم أخيك سائم

جاء الصيام بجاء الخير أجمعه ، ترتيل ذكر و تحميد و تسميح
فالنفس تدأب في قول وفي عمل • صوم النهار و بالليل التراويح

باب والای فتوانهایجه مصدق

باب عالی جاده سنده شرکت مرتبه مطبعه سنده طبع اولمشر

طبعة ثانية

سنة هجرية

١٣٢٨

بِسْمِ اللَّهِ الرَّحْمَنِ الرَّحِيمِ

— کتاب الصوم —

صوم — کہ اورچدر — نماز کی عبادت بدنیہ اولدیغندن انی متعاقب مذکور اولمشدر [۱] .

بو بابده مبدأ مسائل صومك لفة و شرعاً اولان معناسی ، سببی ، شرطی ، رکنی ، حکمی ، حکمت شرعی ، صفی و اقسامیدر .
صوم [۲] اغنده امسا کدر [۳] شریعتده : زمان مخصوصده

[۱] برچوق کابلرده صلائی متعاقب زکات واندن صوم ذکر اولنمشدر . آنکده وجبی آیات کثیرده و « بنی الاسلام علی خمس الخ » حدیث شریفده زکاتک صلاته مقارن بولنمشدر . ترتیب فرضیتجه دخی زکات صومه مقدمدر . مدح مسلمین ایچون مسوق اولان شو آیت جلیله دخی ترتیب فرضیت اوز مدر : (والشافعین والشافعات والمتصدقین والمتصدقات والصابغین والصابغات) . ماوردی مرحوم کتاب ادب الدینده صومی ترتیب فرضیتجه زکاله مقدم کوسنمشدر .

[۲] صیام دخی صوم کی مصدردر . آنی صومك جمعنی ظن ایدیلر یا کلمشاردر (صیام) جمع دخی اولور . صومك دکل ، صائمک جمعیدر : قیام هم مصدر و هم قائمک جمعی اولدیغی کی . قال نابغة بنی ذبیان :

خیل صیام وخیل غیر صائمة * تحت العجاج واخری تماک [*] اللجما .
صومك ضدی فطردر . اورجلی به صائم واورجسزه فطر دنلایکی کی صائمة تسمیه بالمصدر طریقله صوم و ضدینه بنه اوطریق ایله فطر دخی دینور .
[۳] امساك طوتغندرکه مقصود كف نفس ایتمکدر . كرك

[*] بوکلمه تفسیر ابن جریر ده غلط اوله رق لاهه بدل راء ایله (تمرك) طبع اولنمشدر .

وجه مخصوص اوزره اشیاء مخصوصه دن امسا کدر .
 « زمان مخصوص ، نهار شرعیدن عبارتدرکه طلوع فجر دن [۱]
 غروب شمس قدر اولان مدتدر .

« وجه مخصوص ، نیتدن یعنی قصد طاعت ایتمکدن عبارتدر [۲]
 « اشیاء مخصوصه ، اکل و شرب و وقاع کبی شیلردرکه (مفطرات)
 عنوانیه آتیا ذکر اولنور [۳] .

طعامدن ، کرک کلامدن و کرک سیر و اقدامدن . کما فی ط علی الدر . صمته صوم
 اطلاق (انی نذرت لارحم صوماً فلن اکلم الیوم انسیا) قول کریمندن و عربک
 « شاخ فصامت عنه النساء » دیلرله ابو النجمک « فصرن بعد الفطر عن صبا »
 قولندن و امساك عن السیر معناسی اصطبله مصام و مصامة اطلاقندن ظاهر در .

[۱] کتاب الصلوات اوقات بحثنه باقکدر .

[۲] چونکه مفطراتدن امساك اکا حاجت اولدیغه ، یاخود حیه ایدلدیکنه
 مبنی دخی اوله نیلهسکه امساك اورج اولسی آنجق لوجه الله اولمیلدر .
 عبادتک عادتدن تمیزی نیت ایله در . تسکیم شروط و ارکان صلات بحثنده ذکر
 اولمشدر . رمضانده هر کونک اورجی محتاج نیتدر . کما فی الدر . نیت ، جزمی
 اولور . یارب دعوتنه جاغریلور ایسه ییمک ، چاغریلور ایسه اورج طوعق
 اوزره نیت ایلیان کیسه او نیت ایله اورجلی اوله ماز . کما فی ط علی الدر .
 نیت اهلندن صادر و محلنده واقع اولقله معتبردر . آکا اهلیت اسلام ایله و حیض
 و نفاسدن طهارت ایله در . آکا محلیت شرعاً معتبر اولان وقت اجزاسندن برجزءه
 واقع اولقله در . تسکیم آتیا معلوم اولور .

[۳] اورجی طوعقه (امساك) و آچمه (افطار) دینلدیکی کبی افساده
 دخی افطار دینیلور تسکیم آتیا ذکر اولنور . وقت سحرده یینیلان طعامه
 (سحور) و افطارله (فطور) تعبیر اولنور . بونلر وفود و طهورکی
 مفتوح الاوائلدر .

صومك سببي : منذور قسمنده نذر وصوم كفارنده موجب
كفارت اولان شى [۱] وصوم تطوعده شروع وصوم رمضانده
شهود شهر در .

(شهر) دن شهر صيام اولان رمضان مبارك مقصود دركه اكا
(شهر صبر) دخى دينور [۲] . (شهود) دخى اتى ادراكدر [۳] .
سبب قضا عين سبب وجوب ادا در .

[۱] من نحو الحنث والجناية والافطار والعزم على الوطء في الظهار .

[۲] كافي حديث الجامع الصغير : « صوم شهر الصبر وثلاثة أيام من كل
شهر يذهبن وحر الصدر » . شهر رمضان هو الذى بين شعبان وشوال والمعين
منه للصوم الايام دون الليالى وحد اليوم ما ذكرناه .

[۳] رمضان شريفه يتشمك آتده صائم اولمق ايچون سبيدر . على قول
سبب ايام رمضاندر . جمعاً بين القولين دينيلوركه سببيت انك هر كوتندن انشاء
صومه صالح اولان جزء ايله قائمدركه اوده طلوع فجر دن ضحوة كبرى قيلنه قدر
اولان جزء زمانيدر . هر كوتنك اورجته آنك تمامى سبب اوله ماز . والا كوف
تمام اولدقچه وجوب تحقق ايتامك لازم كلور اولديقى ككى كنديسنده انشاء
صوم ممكن اولوب اولمامقدن اعم بولنان جزء دخى سبب وجوب اوله ماز .
و الا رمضان كوني بعد الزوال بالغ اولان صبيته او كوتنك اورجى واجب اولق
لازم كلور . قال المحشى عند قول المؤلف « وسبب وجوب رمضان شهود جزء
منه وكل يوم منه سبب لادائه » مانصه : وحاصل ما ذكره المصنف أنهم اتفقوا
على ان رمضان انما يجب بشهود جزء منه واختلفوا بعد فذهب المرخسى الى أن
السبب بطلاق شهود جزء من الشهر حتى استوى فيه الايام والليالى وذهب غير
الاسلام ومن وافقه الى أنه الجزء الذى يمكن انشاء الصوم فيه من كل يوم كافي
الدر وهو ما كان من طلوع الفجر الصادق الى قبيل الضحوة الكبرى . فما بعدها
الى الفجر لا يلزم بشهوده شىء اهم ثم ذكر ثمة الخلاف راجعه ان أردت .

- صومك شرط وجوبی : اسلام ، عقل ، بلوغدر [۱] .
- شرط وجوب اداسی : صحت واقامتدر [۲] .
- شرط صحتی [۳] حیض ونفاسدن طهارت [۴] ونیتدر .
- نیت جمیع انواع صومده شرط صحتدر ووقتنده اولمق معتبردر [۵] .
- صومی افسادایدیچی شی اکا عارض اولماق دخی جمله شروط

[۱] وجوب صومی بیلک یاخود دار اسلامده اولمق دخی جمله شروط وجوبدن اولمق اوزره زیاده ایدیلرک دینامشدرکه : دار حربده مسلم اولان حربی صوم رمضانک فرضیتنه آگاه دکل ایدیه دار اسلامه کلوب آگاه اولدوقدن صکره آتی قضا ایتمز . دار الاسلام شائع الاحکام اولغله آنده بولنمق وجوب ایچون کافیدر . جهل عذر دکلدر .

[۲] صحت مرضک واقامت مسافرتک ضدیدر . طهارت آتیہ دخی بوجمله دندر . کما سنهکره .

[۳] بو صحت صحت ادا درکه شرعاً مقبولیت معناسندهر . فساد وبطلان مقابلی اولهرق مسقط فضا اولمق دیکدر .

[۴] انلردن طهارت م شرط وجوب ادا وهم شرط صحتدر . بوبابده اشتراط طهارتدن مقصد عدم حیض وعدم نفاسک مشروطیتیدر . بوقسه آنلردن اغسال ایدلمش اولمق دکلدر . کما هو المصرح به فی البحر . وفی المقامة الثانية والثلاثين : « قال فان ضحكت المرأة فی صومها ؟ قال بطل صوم یومها » ضحکت ههنا ای حاضت ومنه قوله تعالی فضحکت فبشرناها باسحاق اه وفی الاستدلال بالآیة نظر .

[۵] وقت نیت آتیاً تفصیل اولنه جفی وجهله مختلفدر . محشی دیرکه اداء صوم رمضانہ نظراً نیتک وقتی غروب شمسدن صکره دن اعتباراً (چونکه قبل الغروب نیت اولماز) قوشاق وقتندن اولجهیه قدر اولان زماندر . زمان زکورتک هر هانسی جزئنده نیت واقع اولورسه صوم صحیح اولور . قضاء صوم رمضانہ نظراً زمان نیت بتون کیچهدر . طلوع خردن صکره کی نیت کافی اولماز اه .

صحتند [۱] .

صومك ركني : امساك مخصوصدن عبارت اولان حقیقت شرعیه سیدر .

صومك حکمی : واجبك ذمتدن سقوطی و دار آخرتجه ثواب حصولیدر [۲] .

صوك حکمت شرعیتی : مباشرینه تقوی حصولیدرکه آیت صیام [لعلکم تتقون] قول کریمیه ختام بولمشدر [۳] . تقوی درجه کماله ارتقا ایچون درکه طایفهندن انقا اوزره اولمقدردر . انسانک کالی ملکیت و نقصانی بهیمیتدر . بهیمیت قویه مانع ظهور

[۱] صحت و اقامت شروط صحتدن دکلدر . مریضک و مسافرك طوته بیلدکلری اورج صحیددر . عقل و افاقه دخی شروط صحتدن قیلنماشدر . چونسکه کیچه دن صومه نیت ایدوبده کوندزین چیلدیران و یا بایلان کیمسه ناک اوکونسکی اورجی صحیددر . ایرنسی کونی اورجنگ صحیح اولماسی نیتک عدمنه میبیدر . بلوغ دخی شرط صحتدن دکلدر . کما فی البحر .

[۲] بولردن حصول ثواب منهی عنه اولیان صومه کوره تسکراً من الله تعالی حکم اخرویدر . سقوط واجب حکم دنیویدر . واجب لازم معناسنه در کرك فرض و کرك فرضک غیری اولسون . رمضان و کفارات اورجلرنده وجوب ایجاب حق الله در . نذور و نوافله وجوب ایجاب عبد و شروع ایله در . کما فی ص و ط .

[۳] قال الرازی فی تفسیر قوله تعالی [یا ایها الذین آمنوا کتب علیکم الصیام کما کتب علی الذین من قبلکم لعلکم تتقون] ماملخصه الصوم بورث التقوی لانه یسکسر شهوة البطن والفرج وانما یسعی الناس لهذین فن اکثر الصوم هان علیه أمر هدی فکان ذلك رادعاً له عن ارتکاب المحارم ومهوناً علیه أمر الریاسة فی الدنیا وذلك جامع لاسباب التقوی اه .

احکام ملکيه اولمله انسان کندينک مانع کلی اولان حاله بغض ایدوب انی کسر ایتک کرکدر .

بو بایده کنديسنه اورجدن اعلى معین بوله مازکه نفسی ضبط وتهذیب وانقیاد حق ملکة سنی تحصیل ایچون صوم بر حسنة عظیمه در .

مرض نفسانیسنى ازاله یه اندن اعلى علاج اولمازکه بهیمینک سبب قوت وشدتی لوازم حیوانیتة انهماک اولوب اورج اکا مضاد اولمله بالعکس ملکیتی تقویه و بهیمیتی تضعیف ایدر .

وجه روحه صیقله وطبیعة غلبه امرنده وخصوصیله عواقی اونتدیریجی اولان شهوات خداعه نک حرارتی اطفالا باینده صومک مثلی یوقدرکه حدیث شریفده « فانه له وجاء » بیور لمشددر [ه] .

وکا مبنیدرکه نفس طویارسه اعضا آجیقر و نفس آج قالور ایسه اعضا طوق بولور دینلمشددر .

اعضانک آجانی لائق اولمایانی ایشلمکه آماده لیکیدر . طوقانی او آماده لیکک یوقلغیدر . (فالنفس ان أعطینها هواها « فاعرة بحو هواها فاها) قلب او یوزدن صفا بولور و مراقب او امر و نواهی اولور .

(صوم) ذهنی تصفیة ایتدیکیچون حدیثده وارد اولدغی وجمله باب عبادتدر . صائمک نومی دخی عبادت و سکوتی تسبیح و عملی مضاعف و دعاسی مستجابدر .

(صوم) صبردر . صابرینک اجرى ایسه با نص کتاب بغیر

[۴] و اول الحدیث : « ومن لم یستطع (أى التزوج) فعلیه بالصوم فانه له وجاء . » أى اختصاء . کذا فی هامش حجة الله البالغة . والمحفوظ کما هو المذكور فی الجامع الصغیر : علیکم بالبائة فمن لم یستطع فعلیه بالصوم فانه له وجاء .

حسابدر [۱] .

(صوم) اعمال سائرہ کبی ظاہر دکل ، برسر باطندر . انک ایچون اعمال سائرہ اسلامیه دن جناب حقہ نسبت خاصیتیلہ متمیز درکہ احادیث آلمیہ دہ کل عمل ابن آدم لہ الا الصیام فہو ولی وانا أجزی بہ ، وارد اولمشدر . (صائم) موعود باللقاء درکہ حدیث نبویہ : للصائم فرحتان فرحة عند افطاره وفرحة عند لقاء ربه ، بیورلمشدر [۲] .

عبادت صومیہ بی ایفا ایدہ میان عبد بطلمر کندیلرینی اصحاب عزم عد ایتسونلر کہ انلر ساقط ہمت واسیر شہوتدرلر [۳] . سعدی :
ندارند تپور و ران آ کہی * کہ بر مہدہ باشد ز حکمت نہی
صائمینک غروب قبیلندہ بیہ جک و ایچہ جسکری اوکلرندہ آمادہ
وایستکری کالہ اولدیغی حالہ اندن بر ذرہی تناولہ دنیا لر جہ
ترغیب دخی کورسہ لر کونش غروب ایتمدکجہ متناول اولماسملری
اجمل خصال فاضلہ اولان صبر و متانتلرینی و ضبط نفسہ مز بدقدر تلرینی
کویستررکہ صومک ہیچ بشقہ مزیتی اولسہ شرفنہ بو کافیدر . مثنوی :
باش در روزہ شکیمیا و مصر * دمبدم قوت خدایا منتظر
کان خدای خوب کار و بردبار * ہدیہ ہارا میدہد در انتظار

[۱] أراد به قوله عز من قائل : أما يوفى الصابرون أجرهم بغير حساب .
[۲] (كلوا واشربوا هنيئاً بما أسلفتم في الأيام الخالية) قول کریمندہ کی
ایام خالیہ بی امام و کیم ایام صوم ایلہ تفسیر ایدوب : اہل صیام لوجہ اللہ ترک
اکل و شرب ایتدکری ایام عوضندہ دار نمیدہ او خطاب عزت ایلہ اکرام
اولنورلر دیمشدر . کما فی الاحیاء ومثلہ فی الکشاف عن مجاہد .
[۳] ماہو الا — کما قال الزحمری — عبد مقدہ ، ہمتہ اصابہ مستلذہ ،
برضیہ بطنہ اذا شبع ، ولا یسخطہ عرضہ اذا سبغ .

ومع هذا که صوم ، الصيام جنة الخ [۱] ، حدث شریفی وفقه‌نجه
سپر معاصی و مانع مالایعنی در .
فم صائمک متغیر رائحه سی عند الله ریخ مسکدن اطمیندر .
صومده انسان کنندینک شیء قلیله احتیاج ذلنده [۲] بولندیفی
اکلامق مزیتیلہ برابر شوفائده دخی وارددرکه صائم اولان کیمسه
آچلغک المی طویوب اکثر اوقانده اوالمی طائمهده اولان فقر اومسا کیمه
رقت ورحمت [۳] اوزره بولنور وانلرک تحمل ایتمکده اولدقلرینه
أحياناً اولسون متحمل اولوب انلرله همحال بولنش وعندالله رفعت
بولمش اولور [۴] .

[۱] وتمام الحديث : فلا يرفث ولا يجهل وإن امرؤ قاتله أو شاتمه
فليقل أني صائم . مرتين والذي نفسي بيده . الخوف فم الصائم أطيب عند الله من
ريخ المسك يترك طعامه وشرابه وشهوته من أجلي الصيام لي وأنا أجزي به
والحسنة بعشر أمثالها . كما في مختصر البخاري للزيدي .
[۲] ماوردی دبرکه حضرت عیسا بنی و والده سنی (علیهما السلام) آله اتخاذ
ایدنلر علیهنه جناب حق قرآن کریمده آنلرک اکل طعام اندر اولدقلرینه احتیاج
ایتمشدر . (مالمسیح بن صریح الا رسول قد خات من قبله الرسل واهمه صدیقه
کانا یا کلان الطعام .) بیوره رق بیمک وایچمک احتیاجنده اولانک آله اوله میه جفی
وچونکه برشیته محتاج اولان آندن طولانی ذلیل اوله جفی آ کلاتشدر اه اکل
طعامه دفع فضلات دخی لابد اولوب انسانک آکا مجبوریت مذاتی ایسه اکل
وشربه اولان احتیاج ذلندن اشددر . قرآن کریم بونی تصریحدن نکرماً ساکت
وقفط بیان ضرورت طریقله بونکنه نی اسلوب حکیمانه ایله ناطقددر .
[۳] رحمت — که آجیمقدر — آنک انسانه کوره حقیقی برنوع الم باطندرکه
انسان آجیدیفی کیمسه یه ایبلک ایتمکله او المی کنندیندن دفعه مسارعت ایدر
وبوصورتله عند الله اولان حسن جزایده نائل اولور اه فتح القدر .
[۴] اگر « آخلق انسانی طاعاته دخی حرکتدن منع ایدر » دینلور

معرفتنامه :

نور وظلمتدن یوغورمشلر سنی * جانکی نور آکلاظلمت بوتنی
تن مرادی اکل و شرب و ملک و مال * جان تمناسی جهان ذوالجلال
لاجرم ادنا یری ادنا سور * یعنی تن دنیا و جان مولی سور
عاریت کوملکدر اون کونلک تمک * بسله جانی عاریت نسکدر سنک
صومک صفقی اقسامیله معلوم اولور .

صومک فرض و واجب و نفل قسملری واردر [۵۵] . او

ایسه : آپقدن احوالی مؤدی اولان جوع مفرط مقصود دکلدر . جوابی
ویریلور . ط .

الحقائق [*] مطالعه سندن معلوم اولورکه صحابه حضراتندن سفرد و حتی
حال حرب و خطرده صائم بولنالر اولش و جنک و صواشه ایسه فوت بدیهنک
نرویی درکار بولمشدر .
مثنوی :

قوت از قوت حق می زهد * نه از عروقی کز حرارت می جمد
این چراغ شمس کوروشن بود * نه از فتیل و پنبه و روغن بود
همچنان این قوت ابدال حق * اوز حق دان نه از طعام و نه از طبق
جسمه شان اهر ز نور اسرشته اند * تا ز روح و از ملک بگذشته اند

[**] نفلک دخی مسنون و مندوب و مکروه قسملری واردر تسکیم افادات
آتیهدن معلوم اولور . تنفده صوم ، صوم عین و صوم دین اسملریله ایکی نوعه
آیریلوب هربری اوچه تقسیم اولمشدر . (صوم عین) رمضان و نفل و نذر معین
اورجلریدر . (صوم دین) قضاء رمضان و صوم کفارات و نذر غیر معین
اورجلریدر دینلشددر اه .

[*] احادیث شریفه و تراجم صحابه دائر (الحقائق) مما فی الجامع الصغیر و المشارق
من حدیث خیر الخلائق (استنده کی اثر عاجزانه مدر . أسأل الله تعالی اتمامه .

اعتبار ایله صفت صوم : فرضیت ، وجوب ، ندب و یا کراهتدر .
 رمضان اورجی اداء و قضاء فرض عیندر . کفارت اورجلی [۱]
 دخی فرضدر [۲] . نذر اورجلی واجبدر [۳] . تطوعاً طوتیلان
 ارجدن افساد ایدیلنک قضاسی [۴] و اعتسکاف منذور اورجی دخی
 واجبدر .

بونلردن ماعداسی نقلدر [۵] . انسکده مسنون و مندوب [۶]
 و مکروه اولانی وارددر .

مسنونی : محرمک هم طقوزنجی و هم اوننجی کونلری طوتیلان

[۱] کفارت ظهار ، کفارت افطار ، کفارت قتل خطا ، کفارت ینک
 بونلرده توالی دخی شرطدر اه احرامده جزاء صید و فدیہ اذی اورجی دخی
 بوقسمنددر . کافی ص .
 [۲] لکن عملاً فرضدر اعتقاداً فرض دکلددر . بونک ایچون منکری
 اکفار اولنماز . ط .

[۳] کرچه (ولیوفوا نذورهم) بیورلشدر ولیکن عبادت مریض کی
 جنسندن واجب اولیانلر مخصوص اولغا آیت مذکوره قطعی قالمیهرق وجوب
 افاده ایتمشدر . مؤلفک بیانتجه بودخی بوندن اولکی صیام کفارات کی فرض
 قلمنددر . محشی هرایکیسی قول سرچیدر دیور . ملتقاده نذور و کفارات
 واجب کوسترلشدر .

[۴] صوم نفلک بعد الشروع اتعاسی دخی واجبدر . کافی ط . ای ان لم
 یکن منهياً عنه .

[۵] قاهین قسمی فوجه سنک رضامی اولدقجه نافله اورج طوتهماز .
 قادیبک نفللاً طوتدیفی اورجی زوجی بوزدیره بیلور . آنک قضاسی دخی
 زوجنک اذنیله اولور . فرض اولان اورج فرض عملی دخی اولسه زوجک
 راضاسنه توقف ایتد . چونکه آنک ترکی معصیتدر . خالقه معصیتده مخلوقه
 اطاعت بوقدر . ص مع ط .

[۶] (مندوب) مستحب کی سنت غیر مؤکده به اطلاق اولنور .

اورجد [۱]

مندوبی : صوم ایام بیض [۲] و حاجک غیری ایچون صوم يوم عرفه و صوم يوم الاثنين والخميس و صوم داود [۳] و صوم ستة شوال [۴] در. مکروهی : ایکی نوع اولوب بری تنزیها و دیگرى تحریماً مکروهدر.

[۱] یالسکز عاشوراء اورجی قسم مکروهدر . کما یأتی .

[۲] بانک کسر ومدیله ایضک جمی اولوب لیالی بیض ایامی دیکدرکه هر شهر قربنک اون اوچنجی و اون دردنجی و اون بشتنجی کونلریدر . ایام بیض اورجی سنه اورجنه معادلدر . حدیث شریفده : « صوموا ایام البیض ثلاث عشرة واربع عشرة وخمس عشرة هن کثر الدهر . » و حدیث دیگرده « صیام ثلاثة أيام من کل شهر صیام الدهر وهی ایام البیض » بیورلشدر .

[۳] (صوم داود) برکون بیوب برکون طوتمقدرکه حدیث شریفده وارد اولدیغی اوزره افضل صیامات نافلهدر . وحضرت داود علیه السلامه مضافدر . حدیث نبویه « افضل الصوم صوم اخی داود کان یصوم يوماً ویفطر يوماً ولا یفر اذا لاقى » بیورلشدر . کما فی الجامع الصغیر . نفس انده مألوفه برکون مصادف و برکون مفارق اولمله صوم مذکور نفسه مشقتلی اولمله برابر صوم دهر کبی موجب ضعف کلی ده دکلدر . آخر حدیثده کی « ولا یفر اذا لاقى » بوکا اشارتدر . کما فی التیسیر .

[۴] صوم ستة شوال ماه شوال ایچنده علی التوالی یاخود لاعلی التوالی الی سكون اوج طوتمقدرکه بره اون ثواب حسابیله مع رمضان سنه اورجی کبی اولور . وفی الحدیث : صیام شهر رمضان بعشرة أشهر و صیام ستة أيام بعده بشهرین فذلک صیام السنة . کما فی الجامع الصغیر .

طحطاوی مرحوم هرایی حاشیهده صوم ست شوال کرب متفرق و کرب متتابع اولسون عند الامام مکروهدر لکن عامه متأخرین آنده بأس کورماملردر دیور .

تنزیماً مکروه اولان : محرمک طقوزنجی ویا اون برنجی کونلرنی
علاوه ایتیمیه رک یالکز اوننجی کونی طوتیلان اورجدر [۱] .
یالکز جمعه و یالکز جمعه ایرتسی و بالخاصه نوروز و مهر جان کونلری [۲]
اورج طوتمق دخی مکروهدر .

تحریماً مکروه اولان : عید فطرك ایلک کونی و عید اضحانک درت
کونی اورجیدرکه سنهده بش کون اورج طوتمق حرامدر دینیلور .

سنهده ذکر اولنان بش کونی استثنایا ایدرک بتون کون اورج طوتمق
دخی بوندن اولکی قسمدن اولمق اوزره مکروهدر [۳] .

کرك صوم فرض و کرك صوم واجب و نفلك وصالی دخی
مکروهدر [۴] که (صوم وصال) غروبده افطار ایتیمیه رک برکونک
اورجینی ایرتسی کونه اولامقدر .

[۱] حدیث شریفده « صوموا عاشوراء و خالفوا فيه اليهود صوموا قبله
یوماً و بعده یوماً » بیورلمشدر .

[۲] (نوروز) ایلک بهار و (مهر جان) صوک بهار اولدینی کونلدرکه
بجوسه مخالفه تعظیمندن نهی اولندیغمز کونلدر . ذکر اولنان کونلرده صوم ،
نعمدی اولمازسه یاخود معتاده مصادف اولور ایسه مکروه اولماز .

[۳] بوکا (صوم دهس) تنبیر اولنور . صاحبی ضعیف دوشورر یاخود
آکا عادت اولور . عبادتک میناسی ایسه عادتیه مخالف اوزره در . ص .

[۴] و کراسته لغیره صلی الله تعالی علیه وسلم اما هو فلا یسکره له . ط .
روی أنه علیه السلام واصل فواصل أصحابه فانسکر علیهم الموافقة فی وصال الصوم
فقال : أیسکم مثلی ؟ یطعمنی ربی و یسقینی . یعنی آنتم لالاستطیعون الصیام متوالیاً
اللیل والنهار ولی قوة روحانیة من عند الله تعالی أطعم عنده وأسقی من شراب
الحبة . کما قال قائل شعراً :

(صوم صمت) دخی مسکرو هدرکه صائم اولوب سکوتی عبادت
 اهتقاد ایدرک [۱] سوز سویله مامسکدر [۲] . خیر وحاجت اولان
 سوزی سویله مک لازمدر من صمت نجا لکن نه بهرجا .



ودرکک للمشتاق خیر شراب * وکل شراب دونه کمراب .
 ولذا تري الامة المجاهدين يقطرون بشرب قطرة في أربعينيات ليخرج
 عن حد السكرامة . وهذا في صوم الفرض والنفل سواء . کذا فی شرح المار
 المسمى بنور الانوار .

[۱] اما عادت وجهله سکوتده کراحت یوقدر . ط . ضروب أمثال
 عربیهده : « الصمت حکم وقلیل فاعله . » دینلورکه استعمال سکوت حکمتدر
 آنی ایشلیان آزدرد دیمکدر . بوراده کی (حکم) [وآتیانه الحکم صبیحا] فوله
 کریمنده اولدیفنی کبی حکمت معناسندهدر . « الصمت یکسب أهله المحبة »
 دخی دینور . کما فی مجمع الامثال .

تکلم وسدد ما استطعت فانما * کلامک حی والسکوت جماد
 فان لم تجد فولا سدیداً تقوله * فصمتک عن غیر السداد سداد

لسان الفتی نصف ونصف فؤاده * فلم یبق الا صورة اللحم والدم
 المرء باصغریه لسانه وجنانه . وسیاتی الکلام علی السکوت والکلام
 فی باب الاعتکاف .

[۲] محشی باب اعتکافده ذکر ایتمشدرکه : عبادت صوم صمتک بیانندن
 حضرت امام سؤال اولندقلرنده : « صائم اولوب کیمسه کلام ایتماکدر (صوم
 صمت) بزم شریتمزده یوقدر منهی عنهدر . » دیو جواب ویرمشلردر .

﴿ فصل ﴾

— نیتك تبییت و تعیینی کنندیلرنده شرط اولوب اولیان —

— اورجلر —

(تبییت) کیجه لئمکدر . (تعیین) بللی ایتمکدر [۱] .
شواور جلرده نیتی تبییت و تعیین ایتمک شرط دکلدر : اداء رمضان ،
نذر معین ، اداء نفل .

بواوچ نوع اورچك نیتی کیجه دن اولدیغی کبی [۲] کوندزین
قوشلق وقتنه قدرده اولور [۳] . ونیتده رمضان اورجی دیو

[۱] تبییت برخصوصی کیجه تدبیر ایتمک و کیجه این دشمنی باصمق معنالربنده
کلور . بوراده کیجه لئمکدن مقصد نیتی کیجه دن ایتمک دیمکدر .
[۲] کیجه بعد الغروب طلوع فجر قبیلته قدردر . قبل الغروب وعند الغروب
نیت صحیح اولماز . ط . کیجه دن نیت ایدوب طلوع فجر دن اول نیتندن رجوع
ایدنك رجوعی بتون صیامانده صحیحدر . ط علی الدر .

[۳] غایت مفیاده داخل دکلدر . و بویابده صحیح ایله مریض و مسافر ایله
مقیم بیمنده فرق یوقدر . ط علی الدر . قوشلق وقتی — کی ضحوة تعبیر اولنور
وقید کبری ایله توصیف اولندیغنه کوره قبا قوشلق دینیور — مبدأ طلوع فجر
اولق اوزره نصف نهار شرعیدر . نصف نهار عرفی اولان وقت استواء دن
برساعت قدر واطول ایامه کوره دها زیاده مقدمدر . کیجه دن ذکر اولنان
وقت قبیلته قدر اولان زمان ظرف نیت اولقله آنک هانکی جزئنده نیت واقع
اولورسه طلوع فجر دن صکره صومه منافی اولان شی وقوع بولماسم اولق
ش طیله صوم صحیح اولور . افضل کیجه دن نیت اولنقددر . نیتك حقیقی
یارینسکی اورجی قلباً قاصد اولقددر . لیالی شهر رمضانده بر مسلم دیانتکار
بوندن خالی اولماز .

تعمین دخی لازم اولمیوب صوم رمضان مطلق صوم نیتیه له حتی نیت نفل کبی وصفده خطا ایله دخی صحیح اولور [۱] .
شهر صیامه کوره اداء صوم رمضان بویه اولدیغی کبی ایام سائریه کوره صوم نفلك [۲] وکونی معین اولان صوم نذرك اداسی دخی بویه در [۳] .

شو اورجلرده نیتی هم تیبیت وهم تعمین ایتمک شرطدر :
صوم رمضانك قضاسی ، صوم نفلكن افساد ایدیلنك قضاسی ،

تسحر دخی نیتدر . نطقاً نیت شرط دکل ، سنت مشایخدر . کافی س مع ط بزبان من البحر . کیجه دن عازم صوم اوله مامق وسجوره دخی قالمامق تقدیرنده نیت کوندزه یعنی ضحوة کبری قبیلنه قالور دیککدر . وفیه خلاف الامام الشافعی .

[۱] وشهر صیامده صوم آخری نذر معتبر اولماز . بونلر عند الامام مقیمه کوره در . مسافر واجب آخری نیت ایدرسه مستثنادرکه صومی نیتندن وانع اولور . نفلده آنعن ایسکی روایت وارددر . صبیض قول صحیحده مسافر کبی دکلدر .

عند الامامین مسافر دخی بوبابده مقیم کبیدر * مختار اولانده بودر . نیکیم موضعهده میندر .

[۲] نفلدن فرض وواجب اولیان مقصوددر کرک سنت ویامندوب یاخود مکروه اولسون . ط .

[۳] یعنی محتاج تعمین دکلدر . چونکه ایام رمضان صوم آخر کندیسنده مشروع اولیان برمباردر فرض ایچون متعین اولماقه محتاج تعمین اولدیغی کبی نذر دخی ایجاب حق ایله معتبر اولدیغیچون آندهده او حکم جاری اولور . نفل ایسه آنده تخصیصه احتیاج اولدیغندن نیت مطلقه ایله حصوله کلور . ط . منذورمعین اطلاق نیت ایله ونیت نفل ایله صحیح اولور ایسهده واجب آخری نیت ایله صحیح یعنی ذمتدن ساقط اولماز . می .

بانواعها کفارت اور جلری ، حج تمتع وقرانده قربان اور جی ، نذر مطلق اور جی [۱] .

صومك وقى اولان نهار شرعى صلاتك وقى كى فضللى اولمىوب مؤدايه مساوى بولنديغندن (معيار) تسميه اولنور كه فعل مأمور به وقى مستغرق وانسكه مقدر اولوب وقت اوزار ايسه اوده اوزار وقيصالور ايسه او دخى قيصالور اولور .

وقتك مؤدايه معيار اولسنك حكى : اكر شريعت اكا وقت تعيين ايتمش ايسه او فعل جنسندن بشقه بر فعلك او وقتده عدم صحت وجوب واداميدر . و اكر شريعت اكا وقت تعيين ايتماش ايسه عبد ايچون اكا وقت تعيين ايتمك اولماسيدر .

ايمدى شرع منير ايام شهر رمضان صوم رمضان تخصيص ايتمش اولمغله انده صوم آخرى نذر معتبر اولمىوب طوتيلان اورج نه نيت ايله اولسه رمضان مصروف بولنور .

[فعدة من ايام اخر] قول كريمجه قضاء رمضان نذر معينى ادادن ماعدا اولان صيامات سائر كى وقت معينه تابع اولمديغندن عبدك قضاء رمضان ايچون تعيين ايتمش اولديغى كولرده صوم كفارت وصوم نقل وقضايى يوم آخره نقل جائز اولور . عبد ايچون نفسنه برشيئى ايجاب ايتمك وار ، تغيير حكم شرع ايتمك يوق ، در .

بنابرين بولنورده وجود مزاحمه مبنى تعيين نيت لازم كلور [۲]

[۱] كفارت وقربان او جلری موضوعلر نذر و نذر اورجى آئیده کی فصل مخصوصه میندر .

[۲] اشتراط تعیینه تفرع ابدن مسائلندركه هم كفارتی وهم قضايى نیت ایلان کیمسه آنلر هیچ برینه شروع ايتمش اولوب متغفل اولور . ط علی الدر .

ذکر اولین صیامات ایچون شرعاً معین اوقات اولیامغله اونهارک
انک ایچون تعینی مبداندن اولمق لازم کلوب مبدأ اولان طلوع فجر
تحریده ایسه درکار اولان عسرتیه مبنی نیتک بالضروره تبییقی یعنی فجره
تقدیمی لازم کلهشدر [۱].

نیت اوزرینه دوام وثبات دخی شرطدر . نیتندن کیجه رجوع
ایدن کیسه صائم اولمش اولماز [۲].
کیجه دن ایدیلان نیتی اندن صکره کی قبل الفجر اکل و شرب الخ
ابطال ایتدیگی کی یارین ان شاء الله تعالی صائم دیو نیتیه مشیت
علاوه سی دخی انی ابطال ایتمز . چونکه بو . ان شاء الله ، استشنا
دکل ، استعانه و طلب توفیقدر .
مکرکه حقیقت استثنای قصد و اراده ایتمش اوله [۳].

[۱] ایعدی ذکر اولان صیاماته نهاراً نیت ایلیان کیسه تطوعاً اورج
طوتمش اولوب آتی اتمام ایتماک کندیسنه مستحب بولنور . افطارینه قضا
لازم اولماز . ط علی الدر .

[۲] طلوع فجر دن مقدم نیتدن رجوع — اولجه دخی افاده اولندیگی
اوزره هر صومده — صحیح نیت رجوع ایله منقطع اولدیغندن اداء رمضان
کوره آنک اوکونکی افطارینه قضادن بشقه برشی ترتب ایتمز . مکرکه تجدید
نیتیه عودت ایتمش اوله . ص .

[۳] او حالده نیتی جزمی اولماش اولور . محمی دیرکه بجرده مسئله
« چونکه مشیت آنجق لفظی ابطال ایدر . نیت ایسه فعل فلبدر » دیو تعلیل
ایلمش اولدیغنه باقبور ایسه مشیتک حقیقی دخی قصد اولنسه نیت باطل اولماق
لازم کلور . لکن مؤلفک کلامی ایچون بوجه واردرکه قصد تعلیق ایدن
کیسه حازم بالیه اولمش اوله ماز . بوده ظاهره در اه .

﴿ فصل ﴾

— ثبوت رمضان وشوال —

عربی آیلر معلوم اولدیفی اوزره شهر قریه در . شهر قریه نك
ثبوتی ایسه اهله سیله در .

(ائمه) امامك جمعی اولدیفی کبی (اهله) دخی هلالك جمعیدر .
(هلال) ماه نودرکه وقت غروبده قمرک مشاهد اولان نور
قوسیدسیدر [ه] .

هوا مغموم اولدقجه انی رؤیت هراهل بصره میسر اولور . هوا
مغموم بولنوب رؤیت ثابت اوله ماز ایسه حساب ایام لازم کله جکندن
هر شهر قریه نك اولی معلوم ومضبوط اولماق اقتضا ایدر .
شهر قریه کاه یکرمی طقوز رکاه اوتوز اولمغه هر شهر

[*] آبك یکیسنه اطلاق اولدیفی کبی طلوع قییلنده مهری اسکیسنه
یمنی یکرمی آلتنجی ویکرمی یدنجی کیجه لکنه دخی اطلاق اولنور . بوراده
مقصود معنای اولدر . اوچنجی کیجه یه قدر (هلال) وآندن صکره (قر) در .
دیشده وقولاقده استعمال اولنان (خلال) در .

هلالك مستتر بالسحاب اولاننه (ابن حزمه) تعبیر اولنور تکیم معری
منك الصدود ومني بالصدود رضا * من ذا علی بهذا فی هواك تضى
مطلع لطیفنده کی قصیده سنده :

وليلة سرت فيها وابن مزنها ه کیمیت عاد حیا بعدما قبضا

دیشدر . سحاب ایله استتارینی آك ایچون موت ونحت سحابدن خروجی
آکا اعاده حیات کبی قیامشدر . ومما يستحسن من تلك القصيدة قوله :
جربت دهری وأهلیه فما تركت ه لی التجارب فی ودامری غرضا

قمرينك ابتداسى ياهلانى كورمك [١] وياخود اندن اولسكنك ايامنى
اوتوزه ابلاغ ايتمك ايله ثابت اولور .

حديث شريفده هلال رمضانى كوروب صائم وهلال شوالى
كوروب مفطر اولقى و رؤيت ممكن اولمديغنه كوره عدد ايام شعبانى
اوتوز ياقى ايله امر اولنديغمزدن شعبان آخرنده هلال رمضانى
ورمضان آخرنده هلال شوالى رؤيت قيدنده اولقى على الكفايه
واجبدركه فرض كفايه ديمكدر [٢] .

هلال رمضانى رؤيت ممكن اولورسه نه اعلى ؛ ممكن اولمديغنه
كوره شعبان ايامى اوتوزه تماملانون ايرتسى كون رمضان طوتيلور .
ماه شوال دخى بويله دركه اذك هلالنى رؤيت واقع
اولورسه بيرام ايديلور . رؤيت ممكن اولماز ايسه رمضان اوتوز
طوتيلور [٣] .

[١] هوا آجيق بولنديغنه كوره هانكى آى اولورسه اولسون جمع عظيمك
كورملرى لابد اولوب هوا آجيق اولمديغنه كوره رمضانك غيرىنى ايكى
شاهدك كوروب شهادت ايتملرى لازمدر . هلال رمضانى عادل واحدك كوروب
اخبار ايتمى كافيدر . تنسكيم تفصيل اولنور .

[٢] (قوله يجب كفاية التماس الهلال) الظاهر منه الافتراض لانه يتوصل به
الى الفرض ط . واذارأوا الهلال يكره تنزيهاً أن يشيروا اليه لانه من عمل الجاهلية .
كما فى الدر وغيره .

[٣] حديث شريفده « صوموا لرؤيته وأفطروا لرؤيته فان غم عليكم فاكلوا
شعبان ثلاثين » بيورلدينى كى « اذا رأبتم الهلال فصوموا واذا رأبتموه فافطروا
فان غم عليكم فصوموا ثلاثين يوماً » دخى بيورلشدر . كما فى المشرق .

بويابده يعني نه ايجاب صومده ونه ايجاب فطرده اهل توقيت وحسابك قوللرينه باقلماز [١] .

رمضان ٢٩ و ٣٠ اولور . رمضان مترتب ثواب انك ايامنه باقلميه رق هرايكي صورتده بر اولور [٢] .

صوم رمضان سال هجرت سنه نك ايكنجيسنده فرض اولوب عليه الصلاة والسلام افندمن حضر نلري طقوز رمضان طوتمشدر . انك دردي يكرمي طقوز وبشي اوتوز اولمشدر [٣] .

[١] ولو كانوا عدولاً . كما في الدر . ولو لانفسهم . كما في ط عليه . ولا يجوز للمنجم أن يعمل بحساب نفسه . هندية .

وقول اولى التوقيت ليس بموجب هـ وقيل نعم والبعوض ان كان يكثر قاله ابن وهبان . ولعل من قال بالعمل بموجب قول الحساب تمسك بقوله تعالى [وقدره منازل لتعلموا عدد السنين والحساب] والامام السبكي الشافعي تأليف مال فيه الى اعتماد قولهم لان الحساب فطمي والشهادة ظنية . ورد . متأخرو أهل مذهبه . كما في ردالمحتار .

[٢] أما ما يترتب على صوم الثلاثين من فرضه ومندوبه عند سجوره وفطره فهو زيادة يفوق السكامل بها الناقص اهـ ط على الدر . فلرمضان فضل من حيث هو يقطع النظر عن مجموع أيامه كمغفرة الذنوب لمن صامه ايماناً واحتساباً والدخول من باب الجنة لمعد لصائمه وغير ذلك من التكريم وهذا لا فرق فيه بين كونه ناقصاً أو تاماً . وأما الثواب المترتب على كل يوم بخصوصه فامر آخر قد ثبت للسكامل بسببه ما لا يثبت للناقص . ط .

[٣] على قول بردن وعلى قول ايسكيدن ما عدا سي يكرمي طقوز كلشدر . بوني اجهوري مرحوم نظم آتي ايله بيان ايلمشدر :

وفرض الصيام ثانی الهجرة * فصام تسعة نبي الرحمة

فاربعا تسعاً وعشرين وما * زاد على ذابالكامل اتسما

كذا لبعضهم وقال الهيثمي * ما صام كاملاً سوى شهر اعل

وللدميري أنه شهرات * وناقص سواء خذنياني

والحكمة في ذلك زيادة طمأ نيفة نفوسهم على مساواة الناقص للسكامل فيما قدمناه . ط على الدر

رؤيت هلال محتاج اثبات ايسه ده [١] صوم رمضان امر ديني اولديغندن هوا مغموم اولديغنه كوره ايك هلالنى رؤيته عاقل وبالىغ برعادلك وقول صحيح اوزره [٢] برمستورك خبرى مقبول اولور . فاسلك خبرى اتفاقا مقبول اولماز [٣] .

(عادل) : حسناتى سيئاتنه غالب اولاندر [٤] .

(مستور) : فسق وعدلى ظاهر اولماش اولان مجهول الحالدر .

عادل ويامستور اولان مخبر واحد كرك قادين [٥] ياخود مملوك اولسون وكرك محدود فى القذف اولوب [٦] توبه ايتمش

[١] اما بجمع عظيم اذا لم تكن بالسماء هلة أو بشهادة شاهدين ان كانت . كما تقدم وسيأتى .

[٢] مقابله ظاهر الرواية أنه لا يقبل خبر المستور . ط . زاد فى حاشيته على الدر قوله : وهو المعول عليه . وفى الرد ما يؤيد ما فى الاصل ويفيد أنه هو ظاهر الرواية .

[٣] وفى البحر قول الفاسق فى الديانات التى يمكن تلقبها من العدول غير مقبول كالهلال ورواية الاخبار ولو تعدد كفاسقين فاكثروا . ط على الدر .

[٤] صفت عند تلك ادناسى بودر . شرط اولانده بودر . ط . حقيقت عدالت : انسانى ملازمت تقوى و صوته سوق ايدر برملىكدردر . شرط اولان آلك ادناسيدركه كباى واصرار على الصغائر واخل صوته اولانى ترك ايتمكدردر . ومسلم عاقل وبالىغ اولقى لازمدر . ط على الدر . قيد عدالت اسلامدن مغنيدر .

[٥] قادين مخدره دخى اولسه ومملوكه اولديغنه كوره ولبسك اذنى دخى بولنسه بوبابده اخبار ايجون تعين ايتدكده چيقوب اخبار ايتمك لازم كلور . چونسكه فروض عيندندر . كما فى ص مع ط .

[٦] اهل عفته عزوزنا ديك اولان قزى ثابت اوله رقى آلك عقوبت شرعية - نى كورمش اولاندر كه بعد التوبه دخى مقبول الشهادة اولماز .

بولسون [۱] .

اخبارده لفظ شهادت [۲] وسبق دعوی دخی شرط دکدر [۳] .

صورت دعوی : وکالت معلقه ادعاسی یاخود دین مؤجل دعواسی اوزرینه اولور . وکالت معلقه ده برکیمسه شخص آخرک مدیونی علمینه رمضان (یاخود) شوال اولدیغی کون دائن قبض دینه بنی وکیل ایتمشدر ، دیو دعوی ایدوب مدیون ایسه دینی و وکالتی اقرار ودخول رمضان ویاشوالی انکار ایلمکله رؤیت هلال شاهد لری اداء شهادت ایدرلر . دین مؤجل مسئله مننده دخی برکیمسه آخر اوزرنده حلول شهر رمضانه دکین مؤجل دین دعوی ایدوب مدعی علیه دینی مقر وحلول شهر رمضانی منکر اولمغله مدعی هلال رمضانک رؤیت اولندیغنه شاهد اقامه ایدر [۴] .

[۱] نوبه ایتماش اولورسه ثابت الفسق دیسکدر . خبری مقبول اوله مازاه و یوبابده بونلردن برینک دیگرینک شهادتی اوزرینه شهادتی دخی قبول اولنور . سائر احکام حقنده کی شهاده علی الشهاده مسئله سی بویله دکدر . کما فی ص مع ط .

[۲] شهادت : برحق حضور حاکمه (أشهد) لفظیله خبر ویرمکدر .

حقوق ناسه شهادتده سبق دعوی شرطدر . وحکم حاکم لازمدر . مانحن فیه اولان اخبار شکل شهادتده اولمدیغدن رؤیت هلال رمضان ایتدیکنی ظاهری العداله برکیمسه حاکمه اخبار ایدر ایکن حضور حاکمه بولنوب ایشیدن کیمسه به حکم حاکمه حاجت اولیهرق صوم لازم اولور کما فی ط .

[۳] هذا علی قولها . وأما علی قول الامام فیضی أن يشترط تقدم الدعوى . ط .

[۴] رمضان دخی ضمناً ثابت یعنی داخل حکم اولاش اولور .

طحطاوی دیرکه بوکا حاجت مذهب حضرت امام اوزره در . بوخصوصده

عید فطره تقع عباد تعاق ایتمکده اولدیغندن هوا مغموم اولدیغنه کوره هلال شوالی رؤیتده تقدم دعوی شرط اولسه ده لفظ شهادت و نصاب شهادت شرطدر .

(لفظ شهادت) : شهادت ایدرم که دیو خبر ویرمکدر .

(نصاب شهادت) : مسلم مکلف اولوب محدود فی القذف اولمیان عادل ایکی حر ارکک یاخود وصف مذکور اوزره برحر ارکک ایله ایکی حر قادیندر .

شهادت مذکوره عتق امه [۱] و طلاق زوجه حقنه کی شهادت کبی شهادت حسبیه اولدیغندن حقوق ناسه شهادت مسئله سنده اولدیغی کبی بونده سبق دعوی لازم اولماز .

جاریه کندینک آزادینی [۲] و زوجه طلاقنی دعوی ایتمسه دخی شاهدلر نزد قاضیده حسبیه الله شهادت ایدرلر هم شاهد وهم مدعی بوانورلر .

هوا مغموم اولمیدیغنه کوره کرک رمضان ، کرک شوال هلالنک نبوت مرئیقی ایچون جمع عظیمک شهادتلیر لابدر .

چونکه مقتضی موجود و مانع مفقوددر [۳] . انجق جمع عظیمک

مشار الیه دن خلاف دخی سرویدر . مذهب امامین اوزره بوتکلفه حاجت یوقدر . چونکه تقدم دعوی اولسه دخی نزد مشارالیه هاده شهادت مقبولدر . اه

[۱] (عتق امه) جاریه آزادی دیمکدر .

[۲] اما ارکک کوله نک آزادینه شهادتده آنک ادعاسی شرطدر . ط .

[۳] وهذا خلاصة ما ذكره المؤلف بقوله لان المطلع متحد في ذلك المحل والموانع منتفية والابصار سليمة والهمم في طلب رؤية الهلال مستقيمة (أي متوفرة متهيئة ط) فالتفرد في مثل هذه الحالة يوهم الغلط فوجب التوقف في رؤية القليل حتى يراه الجمع الكثير .

مقداری اختلاف اوقات و اما کن ایله مختلف و صدق خصوصاً ناس متفاوت اولدیغندن عدد ایله مقدر اولمیوب [۱] رأی امامه [۲] مفوضدر [۳] .

سائر شهر قمریه نك ثبوتی دخی بویله درکه هوا مغموم ایسه نصاب شهادت [۴] و آچیق ایسه جمع عظیمک شهادت لری لازمدر [۵] .
لکن هوا آچیق اولدیغنده دخی نصاب شهادت کفایت و مقبولیتی حضرت امامدن مروی اولمقله فی زماننا ناسک اهله کوزله مک مثلی اموره کی تکاسلارینه مبنی جمع عظیمی اشتراطده عسر عظیم اوله جفندن روایت مذکوره ایله عمل اولتی کرکدر .
کما فی الدر مع الرد .

مغموم هوا ده کویلیکده هلال رمضانی رؤیت ایدن برکیسه موثوق به ایسه اوراده نه والی و نه قاضی بولنماق ضرورته مبنی ناس بالاستقلال انک سوزیله رمضان ط. و تارلر [۶] . رؤیت هلال شوالی

[۱] ولا فرق فی ظاهر الروایة بین اهل المصر ومن ورد من خارج المصر .
س . ای اذا لم یکن تفاوت فان هواء الصحراء اصفی من هواء المصر و قد یری الهلال من أعلى الاماکن ما لیری من الاسفل کما فی رد المحتار .

[۲] أو نائبه . ط علی الدر .

[۳] وفي فتح القدير والحق ماروی عن محمد وأبي يوسف أن العبرة بتواتر الخبر ومجيئه من كل جانب . س .

[۴] بوندن ثبوت رمضان مستثنادرکه آنده اعظم شهادت و نصاب شهادت شرط اولمیرق واحد عدلك اخباری کافیدر . کما مر .

[۵] جمع عظیمک خبرلرنده اسلام مشروط اوله ماز . نوارده ناقللرک فسق شویله طورسون کفرلری بیله آرانماز . س .

[۶] أي افتراضاً . ط .

ایسکی عادل اخبار ایدرسه بیرام دخی ایده بیلور لر [۱] .

هلال رمضان (مغموم هواده) یالکز حاکم کوردهش اولوق
صورتنده طرفندن برنائب نصب ایدوب اکا حکم ایتدیرمک
ویاخود طوغریدن طوغری به ناسه صومی امر ایتمک بیننده
مخیر اولور .

هلال عیدی رؤیت بویله دکدرکه انده رائی یالکز حاکم اولوق
صورتنده نه کندیسی بیرام ایده بیلور نه ده ناسه بیرام اعلام
ایلیه بیلور [۲] .

عادل واحدک یاخود بره ستور الحالك اخبار یله ثابت اولان رمضانک
ایامی اوتوزه تماملانو ب هوا دخی اچیق اولدییی حالده هلال شوال
رؤیت اولنهمسه فطر حلال اولماز وشاهد رمضان تعزیر اولنور .

صورت مذکورده رمضان نصاب شهادت ایله ثابت اولمش بولوق
تقدیرنده فطرک حلالیتجه ترجیح مختلف ایسه ده اصح اولان حلالیتدر .

تسکیم ایام رمضان نا و هوا مغموم اولوق صورتنده فطر بلا
خلاف حلالدر ثبوت رمضان کرک شاهد واحدک اخبار یله وکرک
نصاب شهادت ایله وقوع بولمش اولسون .

[۱] عبر فی الاصل بلاأس . فالظاهر الجواز لا الوجوب . كما فی ط علی الدر .

[۲] كما فی الدر مع الرد . قال ط : ولا یفطر لاسراً ولا جهرأ .

هلال رمضان یا خود هلال شوالی یا لکز کوروب اخبار ایتمهکه
قولی نزد قاضیده رد اولنش اولان [۱] مکلف ایچون [۲] صائم اولوق
یعنی رؤیت هلال رمضان صورتنده اورجی طوتمق [۳] ورؤیت هلال
شوال صورتنده اورجی بوزماق لازمدر . چونکه صورت اولاده
اوکیسه [فن شهد منکم الشهر فلیصمه] قول کریمک تحت حکمنده
بولنه رق مکلف بالصوم اولدینی کبی صورت ثانیه ده دخی . صومکم یوم
تصومون وفطركم یوم تفطرون [۴] ، حدیث شریفی حکمنجه ینه
مکلف بالصومدر [۵] طوتماز ایه قضا لازم کلور [۶]

[۱] مردودیت هوانک آجیق ویا قبالی اولسی بیننده فرقی اولماق اوزره
اوکیسه نک یانفسنه ویا افرادینه مبنی اولور . ص . نفسنه مبنی اولوق فسقنه
و یا غلطنه بناءً قولی مردود اولمقدرد که هوانک متغیم اولسی صورتنده اولور .
انفرادینه مبنی اولوق رائی متعدد اولدینه بناءً رد اولنمقدرد که هوانک آجیق اولسی
صورتنده اولور . دلیل شرعی ایلر رد دیسکدر . کما فی الدر مع الرد .

[۲] وکذا کندی بی . مصدق اولان صدیقنه اخبار ایتمهکه اکا دخی صوم
لازم اولور . اودخی افطار ایتمز . ایدرسه ده کفارت لازم کلز . ط .

[۳] قولی رد اولنماق صورتنده صائم اولوق بالطریق الاولادر . ط .

[۴] بفتح التاء بدلیل الفطر ولو کان بضمها لقل وافطارکم . وفی القاموس :
فطر الصائم أكل وشرب کانظر وفطرته مخففاً ومشدداً وأفطرته . ط .

[۵] و آورد أن الحديث یقید أن الصوم یوم صوم الناس ومن رأى هلال
رمضان وحده ورد قوله وجب علیه صومه مع أن الناس لم یصوموا . واجب
بأن الصوم ثبت بدلیل خاص وهو الآیه المتقدمة . ط .

[۶] کفارت شبهه مبنی نه آکا ونه آنک مصدق ومتابعی بولسان

قَرَك شمسدن نور استفاده ایلکه باشلامسی اختلاف اقطار ارض ایله مختلف اولسه ده لزوم صومده اختلاف مطالعه اعتبار اولیوب ثبوتاً اسبقه اعتبار اوله جغندن بر بلده ده رمضان ثابت اولدیغی کون بلاد سائرده ده دخی رمضان دیمک اولمغله اولمده نك ثبوت هلالی طریق موجب ایله — که شهادت و یا استفاضه — خبر طریقیدر — کندیلرینه واصل اولان دیگر بلده اهالیسی یکریمی طقوز طوتش اولورلر ایسه برکون قضا ایدرلر [۵] .

صدیقته لازم کلز . چونکه صورت اولاده شبهه رد اولدیغی کی صورت ثانیه ده دخی اوکون آنلرجه بوم عید اولق شبهه سی واردر . کفارت ایسه شبهه ایله منفعدر . کما فی ص مع ط علی الدر .

رائی هلال نزد قاضیده مردود القول اولمازدن مقدم افطار ایتمش اولق صورتنده دخی حکم مسئله قول راجحه کوره ینه بودر که یالکیز قضا لازم کلور کفارت لازم کلز . وکذا نزد قاضیده شهادت ایتیمه نك صائم اولوب صکره افطار ایتمش اولق صورتنده ده کفارت لازم کلز . چونکه آنک کوردیکی هلال دکل ، خیال اولق محتملدر . مرویدر که حضرت عمر رضی الله تعالی عنه « بن هلالی کوردم » دیان برکیمسه نك فاشلری صو ایلله مسح ایدلسنی امر ایتمش وبعده : هلال نرده ؟ دیو سؤال غالیلریله اوکیمسه نك : غائب ایتدم . دیو جواب ویرمسی اوزرینه : سنک ایکی فاشلرندن بریاض قبل قالمش ایدی سن آنی هلال ظن ایلدک . بیورمشدر اها اما قولی قبول اولندقدن صکره افطار ایدنه نفسنده فاسق دخی اولسه کفارت لازم کلور . کما فی الدر . بوم مسئله دخی دلالت ابتدیکی اوزره تعلیل سابق هلال رمضان مسئله سنده ظاهر اولوب هلال فطری رؤیت مسئله سنده کفارتک سقوطنه علت آکا کوره اوکون بوم عید دیمک اولمقدر . کما فی رد المختار .

[*] بر بلده اهالیسی هلال رمضان رؤیت ایدوب یسکریمی طقوز

شهر رمضان پنجشنبه کلوب يوم عرفه [ه] دخی پنجشنبه کلسه
اوكون يوم عرفه در ، يوم اضحی دکلدر . حتی حضرت علیمنک
رضی الله تعالی عنه دیوم نحرکم يوم صومکم ، قولنه اعتماداً اوكون اضحیه
جائز اولماز حضرت مشارالیه احتمالکه اوسنه بی اراده بیورمشدر .
الی الابد بویلدر دیمک ایسته مامشدر . کذا فی اعتکاف الهندیه .

کون صائم وبلدهٔ اُخری اهالیسی کذلک رؤیت ایدوب اوتوز کون صائم اولسه لر
بکرمی طقوز کون صائم اولان بلده اهالیسنه برکون قضا ایتمک لازم اولورمی ؟
الجواب : اولور . فتاوی ابن نجیم .

[*] ذی الحجه نك طقوزنجی کونی اسمیدر . رمضان بیرامندن برکون اوله
اطلاق عامیدر .

— يوم شك —

مغموم هواده شعبانك يكرى طقوزيني ولى ايدن كون يوم شكدرکه
هلال رمضانك مغموميتي سببيله کمال (۳۰) ويا نقصاني (۲۹)
اولمسی (محتمل اولمقدن ناشی حقیقت حاله علم و جهل کنديسنده مساوی
اولان یعنی رمضان و یا شعبانندن اولديغی بیلنه میوب مشکوک فيه بولانان
گون دیمکدر .

— صوم يوم شك —

يوم شکده اورج طومق رمضان نیتيله یاخود واجب آخر نیتيله
اولورسه مکروهدر [۱] .

نیتی تعیین ایتمیوبده : اوکون رمضان ایسه فرض و دکل ایسه
واجب یاخود نقل اوله رق صائم . دیو فرض ایله واجب یاخود
فرض ایله نقل و یا واجب ایله نقل اره سنده زیدد ایلک صورتيله
صائم اواق دخی من وجه فرضه و یا شبیهنه نیت دیمک اولدیغندن
مکروهدر [۲] .

[۱] ایسکنچینک کراهی برنجینک مادونیدر ، هندیه . محیی دیرکه مذهب
ابی یوسف اوزره صحت جمعه ده شک اولنق صورتنده قیلنان ظهر جمعه ده فرضه
نیت اولنق ایله بونده فرضه نیت اولنه مامق آراسنده کی فرق نمازک وقتی
ظرف و اورجک کی معیار اولفله صلاتده تعیین لازم اولمندنر .

[۲] در مختاردن آکلاشلدیغنه کوره علی تعیین فرضه و علی التردید
فرض ایله نقله نیتک کراهی تحریمی ، و واجب نیتک کراهی تنزیهی ، در .

یوم شکک صومندن بزى نهی ایدن حدیث شریفده که « لا تقدموا [۱]
رمضان بصوم یوم ولا یومین الا رجل کان یصوم صوماً فی صومه »
حدیثیدر [۲] شهر صیامی اندن اول بر ویا ایکی کون اورج
طوته رق استقبال ایتیمیک . بیورلمش اولدیغی جهته یوم شک ایله برابر
اندن یالکز بر کون اول اورج طوته قی دخی مکروهدر [۳] .

وبوکراحت تنزیهیه مقیم جعندهدر . مسافرك واجب آخری نیت ایتسنده کراحت
دخی یوقدر . ای عند الامام کما فی ردالمحتار .
[۱] بجذف احدی التاین ای لا تقدموا . ط علی الدر .

[۲] هذا ما فی الفتح . قال رواه الستة فی کتبهم اه واما ما فی الدرر وغیره
لفظه : لا تقدموا الشهر بصوم یوم ولا یومین الا أن یكون بشیء یصومه أحدکم .
والذی فی البحر : لا تقدموا رمضان بصوم یوم أو یومین الا أن یوافق صوماً
کان یصومه أحدکم . واما حدیث من صام یوم الشک فقد عصی أبا القاسم فقل
انه لا أصل له . וכذا حدیث : لا یصام الیوم الذی شک فیہ الا تطوعاً . وقد
ذکرها صاحب الهدایة انظر حاشیة الدرر للحدادی و ط علی الدر .

[۳] بونلرده صرجمع وجه کراحت عوام ناسک آتی فرض رمضان
زیاده ایدلمش اولق ظنیه صومنی اعتیاد ایتملیدر . صورت اخیرده
کراحتک بر ویا ایکی کون اورجته انحصاری استقبال مذکورک یالکز
شعبانده یاخود همد رجبده نقصان اولق توهمنه مبنیدرکه آنرله
تلافی ایام شهر صیام ایچون احتیاط ایدلمک ظننده بولیلور . وجه کراحت
تحریم صاحب بحرک بیاننه کوره اهل کتابه تشبهدرکه آنرکندی اورجلرینه
زیاده ایتمشدر . حدیث متقدمک محلی ده اودر اه آیت صیامده کی
[کما کتب علی الذین من قبلکم] قول کریمله مبین اولان سمائل اصل
وجوبده اولیوبده همد مقدار ووقتده اولدیغنه کوره تفاسیرده دینلشدرکه
نصاری صوم رمضان حر ورد شداندندن فور تارقی مقصدیه شمسک
برج حله نزولی زماننه تحویل ایدوب بسو تحویل وعلی قول دوچار

حدیث شریف مذکورده نهی برو ایکی کون ایله مقید بولنش اولدیغندن اندن زیاده صائم اولمقده کراحت اولمیه جغنه اشارت اولدیغی کبی [۱] بوم شک اورجی تطوعاً صومی اعتیاد اولغان کونه مصادف اولاق صورتده کراحت اولمیه جغنه دخی صراحت واردر .

عدم کراحت ایچون کار خواص اولاق ارزره بر صورت دهه .
قالمشدرکه اوده اوکون رمضان خاطره سی اولمیه رق صوم نفل محضی نیت ایلسکدر [۲] .

اشته بواوچ صورتده صوم یوم شکده کراحت اولمیوب مکروه وغیر مکروه نیت ایچون مذکور اولان وجوهده اوکونک رمضان

اولدقلری موتانه (قرانه) کفارت اولاق اوزره آکا یسکرمی کون زیاده ایتدیله ا ه یهود ونصارانک صیامات و اعیادندن اخذ معلومات ایچون تاریخ انی الفدایه مراجعت اقتضا ایدر .

[۱] وانما لم یکره صوم ثلاثة منه وما فوقها لانها کثیرة لا یستحبها غیرها فلا یتوهم زیادتها بخلاف یوم اوبومین ا ه عبد الحلیم علی الدرر . وبالاولی ادا صام شعبان کله . ط علی الدرر .

[۲] کفیت صوم یوم شکی بیلان خواصدن و یلمیان عوامدندر . قاله فی التنویر . خواص دخی آنی عوامدن کیزلی طوتارلر . امام ابویوسفی یوم شکده باب هارونده سیاه صابرق و سیاه لباس ابله سیاه اکرلی سیاه آت اوزرند . اوله رق ناسه افطاری افتا ایدر ایکن کوروب : سن دخی مفطر میسین ؟ دیو سوال ایدن اسد بن عمرو اوکون امام مشارالیهده صقالندن بشقه بیاض اولمدیغی و ذکر اولنان سوالنه جواباً مشار الیه : بکا یا فلاش . دیوب اودخی باقلاشدقده : بن صائم . دیو قولاغنه سولمیدیکنی حکایه ایتمشدر . کما فی ط . سیاه لباس شعاردوات بنی عباس ایدی . قال الصابی فی غلام له أسود :

لم یشمک السواد بل زدت حسناً * انما یلبس السواد الموالی .

اولدیفی ظاهر اولورسه طوتیلان اورج رمضان دن اولمق اوزره صاحبنه کفایت ایدر [۱] یوم مذکورک رمضانیتی ظاهر اولمازسه طوتیلان اورج نفل غیر، ضمون اولور .

یوم شکده صوم ایله فطر آره سنده تردید نیت ایدن یعنی رمضان ایسه اورجلی و دکل ایسه اورجسز اولمق اوزره نیتلننن کیمسه صومی تصمیم ایتمش اولمادیفی جهته صائم دکلدر [۲] . بناءً علیه یوم مذکورک رمضانیتی ظاهر اولور و او کیمسه نیتی نصف نهار شرعی اولان ضحی وقتندن اول صورت قطعیه ده تجدید ایله ماش بولور ایسه انی قضا ایتمک لازمکلور . کافی الرد .

و أغنانی فی هذا البحث عن ذکر التلوم [۳] ما أوردہ المناوی فی التیسیر عند شرح قوله علیه السلام : الا ناة من الله تعالى والعجلة من الشیطان ، من قول المرقش [۴] :
یا صاحبیؑ تلوما لا تعجلا . ان النجاح رهین أن لا تعجلا .

[۱] چونکه اصل نیت موجوددر . اوده رمضان ایچون کافیدر . کفایت مذکورہ مکروه اولان وجوه نیتده مع الکراهه و وجوه غیر مکروهه ده بلا کراهه در .

[۲] تکمیل بارین دعوتہ کیدر یاخود اوکله یکی بولور ایسه مفطر والا صائم اولمق اوزره نیت ایلیان کیمسه دخی صائم دکلدر .

[۳] وهو الانتظار بلانیه صوم فی ابتداء یوم الشک ثم الافطار اذا ذهب وقت النية .

[۴] (سرافش) قول جید مزک طبعه ثلثه سندن ۲۷۵ نجی صحیفه سنده مذکوردر .

— مفطرات وانك لوازمی —

صوم که لجام متقین و ریاض ابرار و مقرّ پندرز جوهره نیروده مبین
اولدیفی و جهله صوم عموم و صوم خصوص و صوم خصوص الخصوص
اولق اوزره اوچ درجه در .

عمومك صومی نفسی مفطراتدن منع ایتمکدر . خصوصك صومی
منع مفطرات ایله برابر سمعی و بصری و لسانی و الی و آباغی و الحاصل
جمیع جوارحی آثامدن منع ایتمکدر . خصوص الخصوصك صومی قلبی
دخی هموم دنیه و افکار دنیویه دن صائم قیلوب انی ماسوادن بالکلیه منع
ایتمکدر اه

(افطار) صومك حقیقت شرعیه سی اولان امساك مخصوصك ضدی اولمغله
لفظ مفطراتدن مقابل امساك اولان شیلر معناسنی قصد ایدرك افطاری
هم بعد الامساك افساده وهم عدم امساك شامل قیله جهز .

افطارك صوم رمضان یا خود صیامات سائریه تعاق و عمد یا خود
خطا صورتیله و قرعی و بر عذره مبنی اولوب اولماسی و مفطرك نوعی
اعتباریله لوازمی دخی مختلفدر که کیمنده یا لکز قضا و کیمنده همده
کفارت یا خود فدیة و یا خود بقیة نهاری امساك لازم کلور .

(مفطرات) مأ کولات و مشروبات تناولنه و بالفعل موافقه
اجراسنه منحصر دکادر . كرك اغذیه [*] كرك ادویه نوعندن

[*] بدنده بدل ما یتحل اولان غذانك جمیدر . بونده و مفردنده

اولسون اکل و یا شرب ایتمک و حتی نه غذا ونه دوا اوله رق صالح اکل و شرب اولمیا نی بلع ایله ک ناقض صوم اولدیغی کی حقه نه نوعندن جو فیه شی ابصالی و بوغازه یا خود ککزه — بیان آنی وجهله — برشی وصولی دخی صومی ناقض و مفسد در .

احتلام مستثنی اولق اوزره بلا مواقعه نزول منی دخی مفسد صومدر .

استقامه دخی استمناء کی مفسد در [۵] .

مفطراتدن اولوبده نسیانه اقتراندن طولانی اورجی نقض و افساد ایتمیان و مفطراتدن اولیوبده بعض اجتهاد و یا توهمه مبنی مفطراتدن اولان شیلر دخی اولمغله اولانلر و صکره موجب قضا الخ اولان مفطراتلر ذکر اولنور .

و تغذی کله سنده ذالی اهل ایتمک غلطدر . دال مهمله ایله سماء و زننده اولان غداء صباح طعامیدر . تغذی انی تناولدر . آفشام طعامنه او و زننده عشاء وانی تناوله تمشی دینور .

[*] (استقامه) فی کتور مکدر . (استمناء) منی کتور مکدر .

﴿ باب ﴾

— اورجی افساد ایتیمیان شیلر —

شونلر اورجی بوزماز :

۱ ناسیاً اکل

۲ ناسیاً شرب

۳ ناسیاً وقاع

۴ ناسیاً هم اکل و شرب و هم وقاع

ناسی نسیانندن اسم فاعلدر . نسیان : اونتمقدر . انسان اورجلی اولدیغنی اونوده بیلور . ناسیاً اکل حقننده نبی علیه الصلاة والسلام : « اذا أكل الصائم ناسیاً فانما هو رزق ساقه الله الیه . » بیورمش اولدیغندن اكا قضا یوقدر . شرب دخی اکل کیدر . وقاع دخی اکل و شرب معناسنده در [۱] . همدہ حدیث دیکرده « من أفطر فی رمضان ناسیاً فلا قضاء علیه ولا كفارة » بیورلمشدرکه جمیع مفطراته شاهلدر . صومنی خاطرلار ایسه فی الحال امساک ایدر [۲] .

ناسیاً اکل صوم ایدن اتمام صومه قادر ایسه کورنه انی اخطار

[۱] لانه من شهوة البطن کالاکل والشرب . ط .

[۲] فان تذکر نزع من فوره ای افتراضاً فان مکث بعده فسد صومه ای من غیر کفارة فان حرك نفسه ولم ينزع أو نزع ثم أوج لزمته الکفارة أنزل أم لا . ص مع ط .

ایتمک لازم و ترک اخطار مکروه اولوب اتمام صومه قادر اولمیان ایسه کوروب اخطار ایتمک اولادر [۱].

۵ مس وملاعبه ویا تقبیل ایله دکلده مجرد نظر ویا تفکر ایله

انزال [۲]

۶ بلا انزال تقبیل [۳]

۷ ایویوب احتلام اولق

۸ جنب اوله رق صباحلامق وحق او کون ویا کونلرجه

جنب قالمق [۴]

۹ آغزه کلان لمغمی یوتمق

۱۰ بورنی داخلنه اینان آفتی یی چکوب یوتمق [۵]

[۱] لافیه من قطع الرزق واللطف به سواء كان شیخاً أو شاباً . ص .
وعبارة الفتح وسعه أن لا یخبره . ط .

[۲] بونده کی و آلتنجیده کی فودک فوائدی باب آتیده ظاهر در . آنک
اوتوزنجیسنه بافکزر .

[۳] تقبیلده و مس وملاعبه نزل منی مفسد صوم ایسه ده هر حالده نزل
منی مجرد نظر و تفکر ایله اولان نزل منی کی مقصد صوم دکلدر . تسکیم
موجب قضا اولان مفسداتک اوتوزنجیسی هامشده منقولدر . مکروهاته ده بافکزر .

[۴] چونکه (احل لکم لیلة الصیام الرفث الی نسائکم) آیت کریمه سی
ایله صیامده مباشرت ازواجک جواز وحلالیتی ناطق اولوب کیجه این یعنی
طلوع خردن اولجه یه دکن مباشرتک جواز وحلالیتی ایسه غسلك بالضروره
خردن صکره یه قاله بیامسنی استلزام ایدر . حدیث شریفده دخی « وأنا أصبح
جنباً وأنا أريد الصیام وأغسل وأصوم » بیورلشدر . ص .

[۵] آغزدن چیقان توکرك دخی آغزدن منقطع اولمدن یودیور ایسه
چکبه . طوغری ایپلک کی اینمش بیله اولسه اورجی بوزماز . ص .
لائق اولان آتی مندنله آلقدر .

- ۱۱ صویه طالبوب قولاغنه صو قاجمق [۱]
- ۱۲ کندی صنعی اولمیه رق بوغازینه دومان کیرمک [۲]
- ۱۳ بوغازینه توز کیرمک [۳]
- ۱۴ بوغازینه سینک قاجمق
- ۱۵ آغزینه آلدیغی علاجک اثرطعمی بوغازه واصل اولمق [۴]

[۱] « زید صائم ایسکن قولاغی ایچنه خلال صوقوب قاریشدرسه صومی فاسد اولورمی؟ الجواب: اولماز. فیضیه. » خلال ولوکه کیری اولسون.

[۲] کندی صنعیه کیرن دومان مفسد صومدر. هانکی صورتله کیررایسه کیرسون. اگر عود و یاغبردومانی ایسه ایچلان توتون کی آکا کفارت لزومی بیله بعید اولماز. کذا قال المؤلف فی باب ما یفسد الصوم ویوجب القضاء.

[۳] چونکه بونلردن امتناعه قدرت یوقدر. آغزینی قاپار ایسه بورنندن کیرر. بنابرین بونلر بعد المضمضة آغزده قالان یا شلق حکمنده اولمشدر. صر. کورجیلک و قالبورلایبجیلک کی توزیوتمق مقتضای صنعی اولانک حکمی بوندن معلوم اولورکه آلرک اورجیلری فاسد دکدر. کما فی ط.

[۴] بونلر ممکن الاحتراز اولماغنه صومی افساد ایتمز. ص. « زید نهار رمضانده صائم ایسکن دیشی آغزینقله وجهی تسکین ایچون دیشنه قرنفل قوردقن صکره حاصل اولان براق جوفنه داخل اولوب لسکن قرنفل داخل اولسه صومی فاسد اولورمی؟ الجواب: اولماز. » علی افندی. قرنفل خطأ حلقنه داخل اولوب بوتسه صومی فاسد اولوب قضا لازم کلور اولدیغی دخی بوندن صکره تصریح ایتمشدر. محشی دیرکه کوزندن آقان یا شلر ویوزندن کلان ترلر و بورنندن آقان قان و یاغان یاغفور و یا قار — بونلردن آغزینی یومهرق احتراز اولمق ممکن اولمقله — صائمک آغزینه قاجارایسه صومی فاسد اولور. عمداً یودار ایسه کفارت بیله لازم کلور اه.

۱۶ دیشلری آره سنده سحور بقیه سی اوله رق قالان ونخود دانه سندن کوچک اولان شیئی بییمک [۱].

۱۷ خارج فدن صوصام دانه سی قدر بر شیئی آلوب آغزده تدریجاً منمچی (نابود) اوله جق و بوغازده طساد ی بولنیه جق و جمله چیکنه مک [۲].

۱۸ احلیله علاج آتمق [۳].

۱۹ بیق یاغلامق (صائم ایچون مکروه ایله دکلدیر کما یاتی)

۲۰ کندی کندینه چوق دخی اولسه قی کلک

۲۱ کلان قی کیرو کیتمک

۲۲ بارمق صالوب آزا جق قی کتورمک

۲۳ آغزه آز مقدارده کتوریلان قی کیرو کیتمک یاخود کیرو آلفی

[۱] انی یوتمش و یا چیکنه مش اولق مساویدر . یوتق مقصودی اولوب اولامق دخی مساویدر . ط . او قدر شیء قلیل خلال آسانده قاله بیلور . و آنک اکللی انسان کندی آغزی داخلنده اولان رق و لعابی یوتق قیلندن اولور کما فی ص . قالان شیء نفود دانه سی قدر ایسه آنک اکللی صومی مفسد اولق آتیده مذکرر اولدیغی کبی نخود دانه سندن کوچک اوله رق خلال آسانده قالان شیئی آغزندن چیقاردقن صکره اکل ایتمه نک مفسد صوم اولدیغی دخی ملنقاده و بلاخلاف یالکز موجب قضا بولندیغی شرحی مجموعه مذکوردر .

[۲] چیکنه مک قیدی یوتقندن احتراز درکه خارج فدن آغزه آلانان شیء کوچک دخی اولسه آنی یوتق اورجی مفسددر . و جوب کفارتده ایسکی قول مصحح واردر . کما فی ط . مؤلف انی موجب کفارت اولان مفسدات میانده ذکر ایتمشدر . کما یاتی فی بابہ . بوخصوصده افساد صوم ایله افساد صلات متخالف المعنی در . کما لایحقی .

[۳] قید بالاحلیل لانها لو صبت فی قبلها ذلک أفسد بلاخلاف فی الاصح قاله السید . ط .

(كتاب الطهارة مزده معلوم اولديغى اوزره قيمك چوقلغى آغزى طولدرمق و آزالغى او مقدارده اولماقدردر . حديث شريفده « من ذرعه القى » وهو صائم فليس عليه القضاء وان استقام عمداً فليقض ، بيورلمشدر . ذرع : قيمك طبعاً كلسيدر . استقامه : قى كتور مسكدركه مقهى علاج آلمق وياخود بوغازه يارمق صالمق ايله اولور . مانحن فيه اولان صوم مسئلهسنده ايسكنجى صورت متعيندر چونسكه صورت اولى بلا شبهه مفسددر . كرك ذرع و كرك استقامه (كه اكا تقيو دخى دينور) آغز طولوسى اولوب اولماق احتماليه عودت واعاده صورتلرينى محتملدر . بو صور محتملهدن آغز طولوسى استقامه ايله آغز طولوسى كلان ويا كتوريلان قىئى اعاده صورتلرندن ماعداسنده اورجه خلل كلامك مجمع عليه ويا قول مختاردر . آغز طولوسى استقامه بالاجماع مفسد صوم اولديغى كى [١] كرك ذرع كرك تقيو طريقيله كلان آغز طولوسى قىئى اعاده دخى بالاجماع مفسد صوم اولوب آغز طولوسى اولميان قيمك اعادهسى صورتنده ايسكى روايت واردر اصحى عدم افساد در . كما فى ص مع الدر .)

٢٤ حجامت اولمق [٢]

[١] وفى المفامة الثانية والثلاثين : « قال فان استنار الصائم السكيد ، قل أفطر ومن أحل الصيد . » السكيد القى واستناره استدعاء ا هـ .
[٢] لانه صلى الله تعالى عليه وسلم احتجم وهو محرم واحتجم وهو صائم . وحديث « أفطر الحاجم والمحجوم » مؤول بذهاب الاجر . ص . بل محمول على مص الدم فى الحاجم وبلعه وعلى المجاز الاول فى المحجوم بايراث الضعف ا هـ قال فى الدر : وكذلك الافتصاد . ولكن لامص فيه . والحجامة مذكورة فيما يكره للصائم وما لا يكره له على ما يأتى .

۲۵ سورمه چکمک [۱]

۲۶ غیبت ایتمک [۲]

۲۷ اورجی بوزمغه نیت ایلک (چونکه فعل یوقدر) [۳] .

[۱] قال ولو وجد طعمه في حلقه ولونه في براقه أو نغامته في الاصح وهو قول الاكثر وسواء كان مطيبا أو غيره اه ويذكر فيما لا يكره للصائم .

[۲] غیبت - که انسان چکشدرمکدر - مستور الحال اولان کیمسه نک غیا بندن آنی غملندیره چک سوزسویله مکدر اورجک صحنه دکل ، اوابنه هاوقنور : سویلنان سوز صادق ايسه (غیبت) وکاذب ايسه (بهتان) در آنک کناهی دها زیاده در مجاهرک غیبتی یوقدر .

[۳] ولا اثم عليه أيضا إلا إذا عزم . والذي يكتب في العزم على السيئة اثم العزم لافعل المعصية .

مراتب القصد خمس هاجس ذکر و ا . فطائر فحیث النفس فاستمعها
یلیه هم فعزم کلها رفعت ه . سوی الاخیره فیه الاخذة وقعا

فالهاجس هو الذي يمر على القلب ولا يملك . والخطار الذي يتردد
تردداً ما وحديث النفس ما تسكلم به والهم الارادة . والعزم التصميم
اه من ط .

﴿ باب ﴾

— اورجی انسداد و قضایای ایجاب ایدن شیلر —

هر اورج که عبادتدر [۱] شروع ایله متحتم ذمت اولور نقصنه
قضا ترتب ایدر [۲] که مصاحبت فائنه نی تدارك دیمکدر .

شروع ایدیلن اورج اداء رمضان اولمق صورتنده موجب کفارت
اولان مفسدات بوندن صکره مبین اولمق اوزره بوراده یالکز موجب
قضا اولان مفسدات ذکر اولور کرك اداء رمضان و کرك صوم رمضان
قضایه کرکسه صیامات سائریه تعلق ایتمش اولسون .

صوم رمضان تعلق ایتسهده مفطر اولوب موجب کفارت اولمیان
شیلرک ضابطی بودرکه کندیسنده غذائیت یاخود او معناده اولان
دوائیت و یا لهو و یا فاکهیت اولمیان و یاخود اولسهده مقارن
عذر [۳] یاخود مقارن تصور [۴] اوله رق صائمک جوفنه

[۱] بوقید شرعک نهی ایتدیکی اورجدن احتراز اچوندرکه ایام منیهک
صیامی شروع ایله واجب اولار .

[۲] اوزرنده قضا یعنی اورج بورجی وار ظنیه قضایه نیت ایدرک اورجه
شروع ایتمش اولان کیمسه بورجی اولدیغی تبین ایتمکله باشلادیغی
اورجی بوزه بیلور و هیچ رشی لازم گلر . تکمیم الغاز فقهیه مرک
کتاب الصومندن اوچنچی مسئلهدر .

[۳] کطرونحو حیض . ط .

[۴] کما اذا أعاد اللقمة المضوغة المستخرجة وابتلعها فانه افطار قاصر فی
الغذائية لان النفوس تعافه . ط .

ویا دماغنه ایصال ایلدیکی شی وقضاء وطره متعلق خصوصده کمالی احتوا
ایتمیان شی مفطر و موجب قضا در . موجب کفارت دکدر .
اشته بو ضابطک فروعی شونلردر :

۱ چیک پرنج ییمک (چیک ات اکنه کفارت لازم کلهجکی
آئیده مذکوردر .)

۲ ساده اون اکل ایتمک

۳ ساده یوغرلمش خمیر ییمک [۱]

نه اون اولورسه اولسون [۲] ساده اولمیوبده یاغ یاخود بال ویا
پکمز (ویا شکر) ایله قاریشق اولورسه کفارت دخی لازم کلور .

۴ دفعه چوق طوز ییمک [۳]

۵ کل ارمینک غیری اولان طوپراغی اعتیاد ایتمیه رک ییمک [۴]

[۱] (قوله أوعجینا) عند أبي يوسف وبه أخذ الفقيه أبو الليث خلافاً لحمد
فانه يلزمه الكفارة . واذا كان اكل هذه المذكورات إنما يوجب القضاء فكيف
يوجب الكفارة اكل لحم الميتة . ط . نعم لا يوجبها ان كان منتناً يستقذر .

[۲] یعنی کرک بزدای ویا آریه وکرک داری ومصر وچاودار ویا پرنج
اون اولسون . کما فی ط . ایلمی اونی — مذکور دکل ایسه ده — معتاد الاکل
اولغله ساده دخی اولسه آنک اکنه کفارت لازم کلور .

[۳] اگر برقاچ دفعه ده اکل ایدرسه ایلك دفعه قلیله ایله اورج بوزیلهرق
قضا وکفارت لازم کلور . ط .

[۴] چونکه غذا اولدیغی کبی دوا دخی دکدر . ص . اگر اکلی اعتیاد
ایتمش ویاخود اعتیاد اینسون ، ایتمسون کل ارنی اکل ایلمش ایسه

- ۶ چکر دك ييمك [۱].
- ۷ پوق وکاغد کبی اکل معتاد اولمیان شیئی یوتیق [۲].
- ۸ آیوا کبی کالندن اول اکل اولنمیان شیئی خام وچیک اوله رق و طوزلا میه رق ییمک [۳].
- ۹ هنوز لی اولمیان تازه جوزی یوتیق [۴].
- ۱۰ قوری جـوزی (وقوری فندق و فستق و بادامی) قاتی قابوغیله یوتیق [۵].

کفارت لازم کلور . ط چونسکه کل ارمی دوا اولق اوزره اکل اولنور .
جمع الانهر . آش بیرن قادیلرک کل یاخود کول ویا کور اکل ایتملرینه دخی
کفارت لازم کله جکی قید اعتیاددن آکلاشیلور . مفاهیم کتب حجتدر .

[۱] آتی الذکر لوزمء رطبه مسئله سی قرینه سیله مقصود کرازوزیتون
چکر دکی معتاد الاکل اولمیان چکر مـکدر . قایسی وشفقالو چکرده کی کبی تفکه
ویا تدای ایچون معتاد الاکل اولانته کفارت دخی لازم کلور .

[۲] ومثله اکل نحو التبن . قال ابن الشحنة .
ومستفذر مع غیر ما کول مثلنا هـ ففی أکله التـکـفیر یلغی ویمجر

کافی ط علی الدر .
[۳] أما اذا وجد أحدهما (یعنی الطبخ أو الملح) فلزم الکفارة كما یؤخذ من
مفهومه لانه مما یؤکل عادة . ط .

[۴] لوزمء رطبه که جفاله ادا میدر آنک لب پیدا ایتمش اولانی یوتقه کفارت
لازم کلور . چونکه آتی قشر یله ییمک معتادر . لی یوق ایسه تازده سی وقوری سی
مساوی اولق اوزره یالکـز قضا لازم کلور . ص مع ط .

[۵] جوزی قابوغیله برابر چیکنه مک ومضوغی جوفه واصل اولق صورتنده
لـزوم کـفـارتـه اختلاف اولنوب مشایخ فقهانک افاده لرندن مفهوم اولان : اکر
صائمک بوغازینه قابوق اول واصل اولمش ایسه کفارت لازم کلماک ولب اول
واصل اولمش ایسه کفارت لازم اولمقدر . وعن محمد وأبي يوسف تجب مطلقا
من غیر تفصیل کما فی ص مع ط .

- ۱۱ ولو زمره اولسون طاش و یادمیر یاخود باقرو یاخود آلتون و یا کموش یاخود طوپراق یوتیق [۱]
 ۱۲ حقنه ایتمک [۲]
 ۱۳ بورننه علاج چکمک [۳]
 ۱۴ بوغازینه خونی ایله برشی آقتمق [۴]
 ۱۵ قولاغی داخلنه یاغ طاملا تمق [۵]
 ۱۶ آغزنده کی بویالی ابریسیم کی برشیشک بویامیله تغیر ایتمش
 اولان توکرکنی یوتیق
 ۱۷ بوغازینه یغمور یاخود قار قارچربانی کندی صنعیه یوتماش اولمق [۶]

- [۱] لم تلزمه الکفارة لقصور الجناية وعليه القضاء لصورة الفطر . ص .
 [۲] مخرجه دوا ایصالیدرکه کندی فعلیه اولاننه احتقان تعبیر اولنور .
 [۳] محشی دیرکه حکمک علاج اختصاصی اولمبوب صو هخی استنشاق اولنورق کسکزه واصل اولورسه ارج بوزیلور اه اون سکرنجی به باقکز . انه کشلرک آتی چکه لری وتوتون اچمک کی موجب کفارت اولان افطار کاملدر . کما یأتی .
 [۴] (علی الاصح) متعلق بالاحتقان وما بعده . وهو احتراز عن قول أبي يوسف بوجوب الکفارة . وجه الصحيح أن الکفارة موجب الافطار صورة ومعنی والصورة الابتلاع كما فی الکافی وهی منعدمة والنفع المجرد عنها یوجب القضاء فقط . ص . وفي اعدام الصورة فی الایجار بالمیجر نظر ولو عللوه بقصد الذوق لکان أحسن .
 [۵] اتفاقاً أو أقطر فی أذنه ماء فی الاصح . ص . الحاصل انه لاخلاف فی افطاره باقطار الدهن وأما الماء فاختار فی الهدایة وشروحها والوالجی عدم الافطار مطلقاً دخل بنفسه أو أدخله وفصل قاضیخان بین الإدخال قصداً فافسد به الصوم والدخول فلم یفسد . ط وقد مر (فی ۱۱) مما لا یفسد .
 [۶] اگر کندی صنعیه یوتماش اولورسه کفارت لازم کلور . ط .

۱۸ مضمضه و یا استنشاق صوتی بوغازینه و یا ککزینه قاهره
خطأ افطار ایتتمش اولمق [۱] .

۱۹ صائم او یور ایکن بریسی انک آغزینه صو آقندق [۲]

۲۰ مکرهاً افطار ایتتمک [۳] .

۲۱ قالدین بالا کراه موطوده اولمق [۴] .

۲۲ قالدین او یور ایکن وطء اولمق یا خود قالدین کیچه دن
صومه نیت ایتتمش ایکن [۵] کندیسنه نه اراً جنون طاری اولدق دن

صومی مفسد اولما نلرک اون بشفه جیسی هامشندعلی افندی نوا سندن کچن مسئله به باق کز
[۱] حدیثه مرفوع اولان : خطا نك حکم اخرو یسیدر . ص . حساً متحقق
اولان صورتی و برده حکم دنیویسی دکلدر . ط .

[۲] نأءك انئای نومده صو ایچمسی کی منظر آنك جو فنه واصل اولمدر .
(نأءم) ناسی حکمنده اوله مازکه افطار ایتماش اولسون چونکه ناسیء بسمله اولانك
ذبیحه سی بینور . زیرا که شارع آنی ذا کر منزله سنه تنزیل ایتمشدر . مجنونك
و نأءك ذبیحه لری اکل اولتماز . مادام که بعض احکامجه بینلرنده بویله فرق واردر .
برینك حکمی دلیل اولدقجه دیکری اوزرینه جاری اوله ماز دلیل ایسه موجود دکلدر
ص مع ط .

[۳] ولو که اکراه زوجہ سی طرفندن وقاع اوزرینه وقوع بواش اولسون .
انتشار آلت نأءمه دخی تحقق ایتدی سکندن دلیل طواعیت دکلدر . کما فی ص
مع ط . تمثیل مذکور اکراهک کامل وقاصر قسملرینک بو خصوصده مساواتی
ارائه ایتمکده در . اکراه غیر ماجبیء محرمی مباح قیلماز ایسه ده شبهه ایرائنه
مبنی کفارتی دفع ایدر .

[۴] یعنی قالدینبغزك اورجی جبراً وقاع صورتیله بوزلمق . بعد الایلاج
مطاوعتی اولسه ده او مطاوعت صومنك فسادندن صکره اولدیغندن موجب
کفارت اوله ماز . کما فی ص .

[۵] بوقید ایله تقیید شونك ایچوندرکه اگر کیچه دن صومه

صکره و طء اولمق [۱] وبعده افادت بولوب موطوءه لسکندن خبردار اولمق [۲] .

۲۳ جاریه وارکه منکوحه غیر اولسون خدمتدن خسته نمک خوفيله [۳] افطار ایتمک [۴] .

۲۴ دیشلری ارسنده نخود دانه سی قدر قالان شینی ییمک .

۲۵ آغز طولوسی قی کتورمک

۲۶ اوقدرجه کلان ویا کتوریلان قیئ معده یه اعاده ایتمک .

نیت ایتیمه رک کوندزن مجنون اولمش ایسه کفارت لازم کلامک بالطریق الاولادر . ط .

[۱] ذکر اولنان ایکی صورتده قادینک صوم رمضانہ جنابی اولدیغندن کفارت لازم دکلدیر . عروض جنون صورتده مفسد بولنمه آنک اوکونکی صربی صحیحدر . چونکه جنون طاری مفسد صوم دکلدیر . ص .
[۲] و طء اولمقدن صکره سی شرح ملتقادن مأخوذدر .

[۳] توهم مجرده اعتبار اولدیغندن غلبه ظن درجه سته ارتقا ایتمش اولان خوف مقصوددر . کما فی ط .

[۴] کوربلیورکه بو مسئله تحت قهر مولاده معذوره اولان جاریه حقنده در . تسکیم کفارتہ وآنی ذمتدن اسقاط ایدیجی شیئه دائر اولان فصلده دخی مذکوردر . رنجبر و حال کبی اتعاب نفس بدن أحراره حکم مسئله شامل دکلدیر . لکن محشی فصل عوارضده قهستانیدن تقلا دیشدکه حر اولان خادم یاخود کوله ویاخود سد نهر کی آغر ایشه کیدن کیمسه حرارت اشتداد ایدرک هلاکدن خوف ایتمک صورتنده یک پیشورمکدن ویا چماشیر بیقاه قدر بیتاب دوشن قادین ویا جاریه کبی اورج بیه بیلور اه کوله و جاریه فرائض حقنده اصل حریت اوزره ایقا اولمشلردر . بناء علی ذلک اداء فرضدن کندیلرینی عاجز قیله جق امرده افندیلرینه امثال ایتیمه بیلورلر . ط . قال ولذا علم الحکم فی الامة یعلم الحکم فی الحره بالاولی اه .

۲۷ کندی صنعيله جو فیه یاخود ککزینه دومان ادخال ایتمک [۱] .

۲۸ فجر طالع اولمشیکن انک طلوعنده شک ایدرک سحور

ییمک [۲] یاخود وقاع ایتمک [۳]

۲۹ شمس باقی اولدیغی حالدده غروب ایتدی ظنیه افطار ایتمک [۴]

[۱] کندی صنعی اولیهرق داخل اولان دومان مفسد اولدیغی کبی مفسد اولان ادخاله کفارنک عدم لزومی دخی ادخال اولنان دومان عود و غیر وایچیلن توتون دومان کبی نفع و تداوی و یا تفک و تلهی ایچوت استعمال اولنش اولماق قیدیه مقیددر . کما فی ص . وقد مر فی ۱۲ مما لا یفسد . ویاتی فیما یفسد و یوجب الکفارة .

[۲] و ذکر الفهستانی أنه یتسحر بقول عدل و کذا بضرب الطبول . و اختلف فی الیدیک . و اما الافطار فلا یجوز بقول واحد . و ظاهر الجواب أنه لا بأس به اذا کان عدلاً . ط .

[۳] بونده شبهه یمنی کفارت لازم کلز . زیرا شبهه دافع کفارتدو چونکه او کیمه ایشی اصله بنا ایتمش اولقله جنایاتی کامل اولماشدر . اصل ایسه بقاء لیلدر . شوقدرکه عند الشک مثبت و احتیاطی ترک ایتمک کرک ایکن ترک مثبت ایتمش اولقی و بالنده بولنش اولور . اورج ییمک کناهی قازاغش اولماز . اگر فخرک طلوعی تبین ایتمدیمه قضا دخی لازم کلز . کما فی ص مع ط .

[۴] بوبابده اصل بقاء نهار اولدیغندن شک کافی دکل ، ظن لازمدر . کفارنک عدم لزومی دافع کفارت اولان شبهه یمنیدر . در مختارده دیرکه تسکیم ایکی کشی غرویه وایسکی کشی عدم غرویه شهادت ایدوب شهادت اثباته اعتماداً افطار ایابان کیمسه عدم غرویه تبیین صورتنده بالکسر قضا ایدر . بوحال اگر طلوع فجر حقهنده واقع اولسه هم قضا وهم کفارت ایلر . چونکه بینه اثبات ایچون اولوب ننی ایچون اولدیغنه یمنی شهادت ننی شهادت اثباته معارض اوله ماز ایکن او کیمسه شهادت نغیه اعتماد ایله تعدیده بولنش اولور اه مع ط مختصراً .

۳۰. تفخیم [۱] یاخود تبطین [۲] ویا لمس ویا تقبیل ایله یاخود عبث بالید طریقله انزال اولمق [۳]
 ۳۱. ناسیاً اکل ویا شربدن صکره عامداً اکل ویا شربده بولمق [۴]
 ۳۲. ناسیاً وقاعدن صکره عامداً وقاع ویا اکل یاخود شرب ایتمک [۵]
 ۳۳. صوم رمضانہ نیت ایتیمیه رک اورجی یمک [۶]

[۱] اولغه سورمک .

[۲] قارنه سورمک .

[۳] بولرده جنایت فاصر اولغله قضا لازم کلور . کفارت لازم کلز .
 زوجہ سنی تقبیل ایله انزال بی ایلیان صائمک اورجی بوزیلور . مجرد تقبیل ایله اورج بوزماز اولدیغی کبی قبیل ایدوبده یا کئندندن ویا زوجہ سندن مذی ظهور ایتمکله دخی اورج بوزماز . کافی ط . بوندن اولکی بابک بش و آلتی رقلرینه باقکز .

[۴] چونکه ناسیاً اولان اکلیله اورجی قیاساً بوزلمش اولدیغنه نظراً شبهه شرعیه قائم اولوب مخالف قیاس اوله رق وارد اولان : « من نسی وهو صائم فاکل أو شرب فلیتم صومه . » حدیث شریفنه - که خبر واحد در - کئندینک علمی اولسه دخی شبهه منتفی اولماقله کفارت لازم کلز . امر بالاتمامی متضمن اولان خبر مذکور موجب عمل اولغله قضا لازم کلور . ظاهر روایت بودر . روایت دیسکرده کفارت دخی لازم اولور . کافی ص مع ط .

[۵] سواء ظن أن جماعه الاول بفطره أم لا علی المعتمد لما ذکرناه علی لاسقاط الکفارة من قیام الشبهة نظراً الی فطره قیاساً . ص مع ط . وهذا غیر مناف لما سبق فی هامش ما يتعلق بالجماع ناسیاً من لزوم أحد الاصرین اما امساک النفس عنده التذکر واما الکفارة .

[۶] نقض صوم رمضان ایتمک جنابتی اولدیغیچون اعتیاد اولنماق شرطیله بوکا کفارت لازم کلز .

۳۴ صوم رمضان کیجه دن نیت ایتمامش ایسه ده کوندزین داخل وقت نیتده انشاء نیتدن صکره نقض صوم ایتمک [۱]

۳۵ صوم رمضان نیتلند کدن صکره نهاراً نقض ایدوب بعده خسته لک یاخود حیض و یا نفاس کی برعذر شرعی^۳ سماوی عارض اولمق [۲]

۳۶ نهار رمضانده مسافر صائم ایکن [۳] صالح اقامت بر یرده اقامتی نیت ایدوب بعده افطار ایلمک [۴]

۳۷ صائم مقیم ایکن انشاء سفر ایدوب اکل و یا وقاعده بولمق [۵]

« زید مقیم رمضان شریفده صومه نیت ایتمدین صباحه داخل اولوب بعده اکل و شرب ایسه زیده کفارت لازم اولورمی ؟ الجواب : اولماز . بهجة الفتاوی . »

و عندهما تجب الکفارة أيضا . ملتقى . أى ان أكل قبل الزوال وبمده لا . شارح .

[۱] بوضورته دخی کفارتک عدم ازومی کیجه دن نیت اولمقجه صوم رمضانک عند الشافعی عدم صحی سببیله اوکیسه نیک ولو برجهت قولنجه اولسون غیر صائم اولمق افطار ایتمش اولسندندرکه شبهه عدم صیام واردر . کافی ص . [۲] بونی مؤلف (کفارتک و انی مسقط اولان شی) فصلنده ذکر ایتمشدر .

[۳] یعنی کیجه دن نیت ایتمش ونیتی بوزمامش ایکن . ص . نیت ایتمامش اولمق صورتنده کفارتک عدم لزومی اولوبتده در . ط . وکذاک یقال فیما یأتی بعد .

[۴] کوریلورکه نیت اقامت اکلدن اولدر . اکل ایدوبده صکره اقامتی نیت ایلمک تقدیرنده کفارتک عدم لزومی اولوبتده در . کافی ط .

[۵] ذکر اولنان ایسکی صورتنده اکل صوم حلال دکل ایسه ده

۳۸ نه صومه ونه فطره نيت ايتميه رك نهار رمضانى تماماً امساك ايتمك [۱] .

۳۹ اداء رمضانك غيرى بر اورجى افساد ايتمك [۲] .
 ۴۰ حقنه محلنه پارمق ويا سائر واسطه ايله صو ياخود ياغ ايصال وحتى بز ويا پموق ادخال ايتمك
 ۴۱ قادين قسمى موضع تناسلى داخلنه برشى طاملاتمق حتى ياش پارمغيله رطوبت صالمق ويا بز طيقا يوب تغيب ايتمك
 ۴۲ جوفه وصولى جهتيله (جائفه) تعبیر اولنان قارن ياره سنه ورجع رأس ديمك اولان ام راسه — كه مافوق الدماغدر — وصولى جهتيله (آمة) تعبیر اولنان باش ياريغنه علاج صالمق [۳] .

شبهه سفره مبنی كفارت ساقطدر . صورت ثانیه ده كفارتك سقوطی انشاء سفر حالنه خاص اولوب شاید وطنی عمراندن انفصال ایتمدین اکل ایدر ویاخود عمران وطندن آیریلوب یوله چیقدن صکره اوندیغی برحاجته مبنی وطننه رجوع ایدرک اورده اکل ایلر ایسه بولردن صورت اولاده سفر دها تحقق ایتماش اولدیغندن وصورت ثانیه ده وطننه رجوع ايله سفر منتقض اولش بولدیغندن كفارت لازم کلور . ص .

[۱] شرط صحت اولان نیت مفقود اولقله مشروط دخی مفقود اولشدركه اوكون اورچ طوعامش دیمکدر . قضا لازم کلور . كفارت لازم دکلدر چونکه كفارت آنحق صائم اولوبده افطار ایدن شخص حقندهدر . بونده ایسه صوم تحقق ایتماشدر . کونی تماماً امساك ایتماش اولق صورتنده قضانك لزومی ظاهردر . ط .

[۲] شروع ايله لازم اولان صیامات نافله دن ایسه قضا اولنور . والواجب اولی .

[۳] علاج کرك رطب ، کرك یابس اولسون وجوفه ياخود دماغه

صور مذکورده و برده هلال رمضان [۱] یا لکزجه رویت ایتمش اولان کیمسه نزد قاضیده قوی رد اولندیغنه بناءً اورج ییمش اولوق صورتنده یا لکز قضا لازم کلوب کفارت لازم کلمدیکی کبی کوی اها ایسی دخی رمضانک اوتوزنجی کون بشقه برشی ایچون چالینان طبل سسیله بیرام اولمش دیو افطار ایتمسه لر کفارت ایتمز لر [۲].

کفارتک منتفی اولدیغی هر افساد قصد معصیت ایله مرة بعد اخری [۳] واقع اولمش اولماق قیدیه مقید اولوب اگر تکرار ایدرسه زجر آ کفارت لازم کلور . کما فی الدر و ذکره المحشی .

— فصل —

رمضانده صومی فاسد اولان [۴] کیمسه یه و طلوع فجر دن

کرك وارمش ، كرك وارماش بولنسون . ص . ملتقاده و در مختارده فساد وصول ایله مقیددر . مجمع الانهرده مذکور اولدیغنه کوره بونسکله صومک فسادى عندالاما اولوب امامین عندنده او کیمسه افطار ایتمش اولماز .

[۱] و کذا هلال شوالی . علی مامری بیانه فی بابیه .

[۲] بومستله بی مؤلف فصل عوارضده ذکر ایتمشددر . محمى بوراده کوسترمشددر .

[۳] المعصية می الافطار . ظاهره انه بالمرّة الثانية تجب علیه السكفارة ولو حصل فاصل بإيام وأنه اذا لم يقصد المعصية لا تجب . ط .

[۴] ولو که صکره دن زائل اولمش برعذرده مبنی اوله . ص . کقتال هندو وحی زالا . ط .

صکړه طاهر اولان حائضه ونفسايه [۱] واقامت ايډن مسافره وصحت
بولان مريضه [۲] واقافت بولان دلييه و بلوغه ايرن چوجغه ومېندي
اولانه اوکونک بقيه سني حقّ وقى قضايه تشبهاً امساك ايتمک علي
الصحيح واجب وعلی قول مستحب اولوب [۳] ايکي صکړه کيلردن
ماعداسنه قضا دخي لازم کلور [۴].



- [۱] اما حيض ونفاسک تحقّق حالده امساك ايتمک حرامدرچونسکه او حالده
اولانلک اورچ طوتلری حرام اوامله حرامه تشبه دخي حرام اولور ط .
- [۲] بالفعل مسافر اولانه وخسته بولنانه امساك لازم دکلدر چونسکه حرج
ومشقه مېني آنلره رخصت افطار و برلشيکن تشبهي لازم قبله قده نقض موضوع ايتمک
اولور . شوقدرکه آنردخي اکلي آشکار ايتميوب سرأ يېرلر ط .
- [۳] بقيه نهاري امساك - اولجه افاده اولنديغي اوزره - جمله لوازم مفطراتدن
اولوب يته او جمله دن بولنان فديه عوارض مبيحه فصلنده مذکوردر .
- [۴] أما او آنده بالغ اولان صي ايله او آنده اهتدا ايډن غيرمسلمه هنوز
خطاب متوجه اولسامقله آنلر او کوني قضا ايتمزلر . کنذا في س . واستشکل
بوجوب قضاء الصلاة عليهما . انظر المحشى ان شئت .

(باب)

— اور جی افساد ایدوب ہم قضایں وہم کفارتی —

— ایجاب ایلیان شیر —

قضائک لزومی مصلحت فائدتہ تی تدارک ایچوند ر . کفارتک لزومی شروطنک تحقیقندہ کمال جنایتہ مبیدرکہ جناب حقک کون تعیین ایتمش اولدیغی صومک بلاعذر اوکونده عمدأ افطار ایله نقض ایدلمش اولسندندر .

(قضا) : کوننه کون طوتمقدر .

(کفارت) : آنیده فصل مخصوص ایله مبیدندر .

بلاعذر عمدأ اورج یمه نک کناهی توبه ایله ساقط دکل ، محتاج کفارتدر [۱] .

کفارت انجق صوم رمضانک اداسنی اخلاله لازم کلوب [۲]
شرط لزومی دخی صائم مکلف اولماق وکیچه دن فیتلنمش بولنق [۳]
وکسنادیسنه بعد الفطر خسته لک وقبل الفطر یولجیاق [۴]

[۱] وعن أبي هريرة رضي الله تعالى عنه عن النبي صلى الله تعالى عليه وسلم أنه قال « من أفطر يوماً في رمضان من غير رخصة رخصها الله تعالى له لم يقض عنه صيام الدهر كله وإن صامه . » کما فی الجامع الصغیر .

[۲] زید رمضانده بر کون بهذر افطار ایدوب بعده یوم مزبور قضا صائم اولدقده بلاعذر افطار ایلسه زیده کفارت لازم اولورمی ؟ الجواب : اولماز . فیضیه .

[۳] فی قول شارح الملتق : سواء نوى من الليل أو النهار على الصحيح . نظر .

[۴] مقصود مسافرت شرعیه در : مسافر اولوبده افطار ایدت

کبی بر عذر مبیح طاری اولماق واکراه (یعنی جبر) ایله دکلده طوعاً ، وخطاً طریقيله دکلده تعمداً و بلا اضطرار نقض صوم ایتمش اولماق وناقض صومی اولان شیده قصور اولما مقدر .

شروط مذکوره به بناءً صوم رمضانک غیری اولان اورچک وحقی قضاء صوم رمضانک نقضنه کفارت لازم اولدیغی کبی اداء صوم رمضانه شروع ایدن مکلف اولمیوب صبی و یا معتوه اولدیغنه یاخود مکلف ایسه ده کیجه دن نیتلنمک یکنه و یاخود نیتلنمک یسه ده اورچی ییدکدن صکره کندیسنه اوکون قبل الغروب خسته لك کبی بر عذر مبیح طاری اولدیغنه و یاخود مسافرت ایدوب و یا جبر واکراه کوروب اورج بوزدیغنه یاخود تعمداً دکلده خطاً افساد صوم ایلش بولندیغنه و یاخود مضطر و بیتاب دوشه رك اورج ییدیکنه یاخود اورج بوزدیغی شی مجامعتک مادی نیله انزال و بالقمه مضوغه خراجیه اعاده نوعندن قصورلی بولندیغنه و یا معتاد الاکل اولدیغنه کوره دخی کفارت لازم اولماز .

صومی افساد ایتمکله قضایي همده شروطنک تحفته مبنی کفارتی ایجاب ایدن شیلر بروجه آتی تعداد اولنور :

۱ وقاع ایتمک [۵]

کیمسه دن کفارت ساقطدر . أما طوعاً افطار ایدوبده صکره مسافرت ایلیان کیمسه دن کفارتک عدم سقوطی حقه روایات متفقدر . ط .

[*] ایکی طرفه دخی کفارتی ایجاب ایدر . انزال وقوعی دخی شرط دکلدر . ص خزانده التقاء ختاین موجب کفارتدر دیومذکوردر . شرح الملتنق .

۲ ما کولاتدن برشی ییمک
۳ مشروباندن برشی ایچمک [۱]

۴ آغزینه کیرن یغموری ، قاری ، طولوی یوتق [۲]
۵ تتون ایچمک وعود ویاغبر ایله توتسوانوب دومانی جو فنه
ویاککزینه چکمک [۳]

[۱] بونلرک کرک تغذی یاخودتفسکه طریقیله اولسون ، کرک تداوی ویاتلمی طریقیله ییتلمش ویا ایچلمش بولسون . طباع سلیمه اصلاح بدن ایچون تناول دوا یی دخی داعی اولغله حال صومده اندن زجر مشروع اولشدر . تغذینک معناسنده اختلاف ایتدیلر . کیمی دیدی که تغذی : طبعک برشیته میل ایدوب شهوت بطن آنسکله منقضى اولقدر . وکیمی دیدی که تغذی : نفی صلاح بدنه عائد اولان شیئی تناول ایتمکدر . ثمره خلاف لقمه مضوغه مخرجه یی اعاده ظاهر درکه قول اوله کوره اکا کفارت لازم کلیوب قول ثانی به کوره لازم کاور . اصح اولان قول اولدر . بیجه شیلر وارد درکه آنلر صلاح بدنه عائد اولق شوبله طورسون خراب بدنی منتج ایکن اشته اولنوز وبناه علیه کفارت لازم کاورتوتون ایچمک کبی اه من ص ملخصا . اسرار ایچمک وافیون یوتق دخی بونوع مفسدات صومدن وجهه سی محرماندندر . درمختارک کتاب الاشریه سنه بافکاز [۲] چونسکه بونلردن آغزینی براز یومق ایله تحرز ممکندر . ص . بوخطاً اولان فساد صومک علتیدر . تسکیم موجب فساد وقضا اولانلرک اون یدنجیسنده کچمشدر . موجب کفارت اولسنک سببی آنک قصداً بودلمش اولسیدر . کما مر من المحشی فی الهامش .

[۳] اورجی افساد وقضایی ایجاب ایدنلرک بکرمی یدنجیسنه بافکاز . مؤلف شرح وهبانیه ده :

وینفع من بیع الدخان وشربه * وشاربه فی الصوم لاشک یفطر دیشدر . کما فی رد المحتار . نظم مذکور ده مؤلف شرب دخانک بلا شبهه مفسد صوم اولدیغنی وهوراده تغذینک اصح اولان تفسیر اولنه کوره آنک همده موجب کفارت بولدیغنی سوبله مشدر . تسکیم بوندن برهامش اول دخی ذکر اولمشدر .

- ۶ انقیه چکک [۱] .
- ۷ چیک ات ییمک [۲] .
- ۸ ایچ یاغی ییمک .
- ۹ پاصدرمه ییمک [۳] .
- ۱۰ بغدادی دانه‌سی و قاورلمش یاخود بشاغندن تازه چیمارلمش آرپه دانه‌سی ییمک یعنی یوتیق و یاخود چیمکنه یوب طادینی آلق [۴] .
- ۱۱ صوصام دانه‌سی و یاخود ما کولاتدن اولان او قدر جق بشقه برشیی خارج فدن آلوب اکل ایتک [۵] .

[۱] افطار کاملدر . تغذینک ذکر اولنان تفسیرنده بوده داخلدر . شهوت بطندن شهوت فرجک غیری مقصود اولق ظاهردر . استعاط واستنشاق موجب قضا اولان مفطر اتدندر . آنلرک ۱۳ و ۱۸ نجیلرینه باقکمز .

[۲] ات کندیسیمله تغذی مقصود اولان شیلردن اولقله آنک چیکی دخی قوردلنمش اولمله قجه ما کول ، وامیدسز خسته لره ییدیرلدیکی صرئی ، در . مؤلفک « ولو من میتة » قولنه محشی مناقشه ایتمشدر میتة ایسه عند الفقهاء وجه شرعی اوزره مذبوح اولیاندر .

[۳] کرکک ات وئرک ایچ یاغی پاصدرمه‌سی اولسون بالانفاق موجب کفارتندر . ص . ات پاصدیرمه‌سی ما کولات معتاده دن اولقله آنی افراد بالذکره بزجه حاجت بیله یوقدر .

[۴] مکرکه آغزده دیشلنوب ندریجاً مستهلاک اوله‌رق طادی بولنماش اوله . او حالده داخل فده تلاشی ایدن (تدریجاً لاشی اولان) صوصام دانه‌سی کبی آغز لعابندن عداولنه‌رق اورجی افساد بیله ایتمز . کما ص . آرپه نک قوریسنی اکل دخی معتاد اولدیغندن کفارتی ایجاب ایلهز اه من ص مع ط .

[۵] کرکک بودیورمک و کرکک چیمکنه‌مک صورتیله اولسون ییمک بلا خلاف مفسد صوم اولوب مابه الغذاء اولق جهته‌له آنک موجب کفارت

- ۱۲ کل ارمني تعبیر اولنان دوا چامورینی ییمک [۱].
 ۱۳ کل ارمنینک غیری اوله رق اکئی اعتیاد ایتدیکی چاموری
 ییمک [۲].
 ۱۴ براز طوز ییمک [۳].
 ۱۵ زوجه سنک وسودیکی کیمسه نك آغزیارینی یوتیق [۴]

اولسی دخی قول مختاردر . ص . بوندن اولکی هامشی واورجی افساد ایتیمیان
 شیرک اون یدنجیسی دخی اوتیمیکز .

[۱] علاج اوله رق یینور اولدیغی ایچون آنک اکلی — آکلنک کرک
 معتادی اولسون ، کرک اولسون — موجب کفارت اولان افطار کاملدر . ص .

[۲] طاش و طوپراق مقوله سنک اکلی معتاد اولدیغنه کوره یالکز موجب
 قضا اولان مفسداندن اولدیغی بوندن اولکی بابده ذکر اولمشدر . بومسئله ده کی
 اعتیاد واون بشنجی مسئله ده کی التذاذ قیدینه نظراً پکمز مایه سی وچوملکچی
 چاموری کبی طوپراقلرک اکائی اعتیاد ایدنلره و آش یروب کور کی اکل
 اولنمه جق شیرلی سوه سوه بییان قادینلره — بونلر ایله رمضان اورجی
 نقض ایتدکلرنده — کفارت لازم کلور . و بجزر .

[۳] طوزک چوغی اشتها اولنیه جفتندن برچوق طوزی دفعه یمش اولان
 کیمسه نك اورجی بوزیلور ایسه ده کفارت لازم کلیوب قضا اولنور . بوندن
 اولکی بابک دردنجی رفته بافکز . مؤلف مرحوم بوکا : و حومن الامتجانیات ،
 دیمشدرکه ألفازدن اولغه و مخاطبی امتحان قصدیه ایراد اولنغه شایان مسائلدن
 دیمکدر : نصل اولورکه برشی آریینور ایسه کفارت لازم کلوب چوق یینور ایسه یالکز
 قضا لازم کلش اوله ؟ (جواب) ذکر اولناندر .

[۴] چونکه آنکله التذاذ ایدر . و کندی آرزومی یرینی بولش اولور .
 سائرینک توکرکی نفسی ایکندر مکله برابر آنده صلاح بدن دخی اولدیغی
 جهتله کفارتی ایجاب ایتمز . ص مع ط .

۱۶ غیبت ایتدکدن صکره (اورجم بوزلدی دیو) عمدأ اورج
ییمک [۱] .

۱۷ حجامتدن صکره (اورجم بوزلدی دیو) عمدأ اکل صوم
ایتمک [۲] .

۱۸ فرط خواهش ایله و فقط بلا انزال [۳] مس ویا تقبیلدن
صکره اورج بوزلدی ظنیه اکل صوم ایلش [۴] .

[۱] غیبت اورجک صحتنه دکل ، نوابنه طوفنور اولدیغی صومی افساد
ایتمیان شبلر میاننده (۲۶) ذکر اولندی . بعضلر بوبابده کی حدیث آیتنک
ظاهرینه تمسکاً غیبتک مفطر اوله جفی اجتہادنده بولمیش اولدقلرندن بومسئله یی -
بوندن صکره کی حجامت مسئله سی کی - ذکره لزوم کورنشدیر . مؤلف
دیرکه کرک « الغیبة تفطر الصائم » حدیثی اوکیمنسه ایشتمش وکرک ایشتمش
وتأویل حدیثی کرک بیامش وکرک بیامش ویرمقی کرک آکا افتا ایشتمش وکرک
افتا ایشتمش اولسون کفارت لازم کالور . چونکه غیبت ایله افطار خلاف
قیاسدر حدیث ایسه بالاجاع ذهاب ثواب ایله مؤولدر ا ه .

[۲] بودخی بوندن اولکی غیبت مسئله سی کبیدر . کما فی ط . درمختارده قان
آلدرمقی وسورمه چککی دخی زیاده ایشتمش . وقد تقدم السجل فيما لا یفسد
وذكر بالافتصاد هناك فی الھامش .

[۳] « بلا انزال » قیدی اکرمس و تقیل ایدر ایکن انزال اوله رق اورجی
ییمش اولورسه کفارت لازم کلیه جکفی مقیددر . ط .

[۴] مسکرکه اوماآلده برحدیث ایشیدرک ویاخود بالاستفتاء اوله
برفتوی آلهرق اکل ایشتمش اوله . اوحالده هر تقدیر حدیث ، غیر ثابت
ومفتی ، مخطیٰ دخی اولسه آنلری ظاهری اسقاط کفارت خصوصنجه
شبهه اولور . بونی بدائعدن نقلاً ابن الھمام سوبلیدی . س . بونده
شو وارکه بوبابده حدیث ثابت اولدیغی حالده آنک ظاهرینه اعتبار
ایتدیلر . غیبت مسئله سندہ حدیث ثابت اولمشیکن آنک ظاهرینه اعتبار

۱۹ بيقلرينه ياغ سوردكدن صكره بيق ياغلامق اورجى بوزار
ظنيله اورجى ييمك [۱] .

۲۰ نهار رمضانده وقاع ايچون اكراه كورن كشي يه قادين
(اورجلى اولديغى حالده) تمسكين نفس ايتمك .

نتمكيم زوجه فرك طلوع ايتديكنى بيلديكى حالده اندن خبير
اولميان زوجك طلب مواءه سنه مطاوعت ايدوب موطوءه اولمقله
دخى اكا كفارت لازم كلور [۲] .

موجب كفارت اولان مفطر محرما تندن اولديغنه كوره مرتكبه
اختلاف اسبابه مبنى حد و تعزير دخى لازم كلور .

دزيد مسلم نهار رمضانده صائم ايكن طوعاً و متعمداً شرب
نحر ايلسه زيده نه لازم اولور ؟ الجواب : قضا و كفارت وحد شرب ،
اكر انى علنى ايچرسه تعزيراً قتل دخى اولنور . ، كما فى بهجة
الفناوى وغيرها .

ايتامش اولديلر . حجامت ايله غيبت مساوى طوتلديغنه كوره امر ظاهر در . ط .
. مؤلف ذكر اولغان استثناسنى بوندن صكره كى دهن شارب مسئله سنه
دخى شامل قيلمشدر .

[۱] چونكه آنك ظنى دليل شرعى يه مسند اولديغى حالده كنديسى
معمددر . ص . قال وان استفتى فقيهاً أو تأول حديثاً لانه مما لا يشك فيه على
ما ذكره السكال . ثم استثنى كما قدمنا .

[۲] صورت اولاده واطى ، مسكره اولديغى ايچون اكا كفارت لازم
كلديكى كى صورت ثابته زوج طلوع فجره آكام اولديغىچون آكا دخى كفارت
لازم اولماز . آنار قضا ايدرلر . كما بأتى فى التمرين .

(فصل)

— کفارتہ وانی ذمتدن اسقاط ایدیچی شینہ دائر —

کفارت صوم [۱] کفارت ظہار [۲] کبیدرکہ نیت کفارت ایله تحریر رقبہ ایتمک وانندن عاجز ایسه آی علی التوالی اورج طوتمق و اکاده قادر دکل ایسه التمش فقیری اقشاملی صباحلی طویرمق و یاخود انلردن هر فقیره یا عیناً و یا قیمةً برر صدقه فطر ویرمکدر .
(ویریلان صدقه فطر دکل ، انک عیناً و یا بدلاً مقداریدر .) [۳]
(تحریر رقبہ) ترکیبنده کی (تحریر) حرقلیق معناسنه درکه آزاد ایتمک تعبیر اولنور . (رقبہ) دخی کوله وجاریه دن اعم اولتی اوزره ملوک دیمکدر [۴] .

[۱] کفارت صوم حدیث ایله ثابتدر : علیه الصلاة والسلام افندمن حضرلرینه برکیمسه — که سلمة بن صخر الانصاری رضی الله تعالی عنه حضرلریدر — کلوب یارسول الله بن هالک اولدم دیمش . سنی اهلاک ایدن شی ندر ؟ سؤال عالیمسه جواباً نهار رمضانده زوجه سنک اوزرینه واقع اولدیفنی سوبله مش اولفله کفارتی امر بیورمشلردر . قصه لطیف برطاقیم خصائصی حاویدر که کتب حدیث مطالعه ایدنلرک معلومیدر .

[۲] (کفارت ظہار) سورہ مجادلده منصو صدر . سبب نزول سورہ اولان خولة بنت ثعلبة مناسبتیلہ (مشاهیر النساء) اسمده اولان کتاعزده مذکور اولدیفنی کنی بمنه تعالی (نعمت اسلام) مزک قسم ثالثی بولنان کتاب مناکحات و عفارقاتعزده دخی مذکوردر .

[۳] در مختارده « کالفطرة قدرأ ومصرفاً » دیمشدر . « ومصرفاً » دیمکله کفارتک اصول و فروع ویربله میه جکئی واحد زوجینک یکدیگره اعطا ایدهمیه جکاربی اشعار ایتمشدر .

[۴] آنک مؤمن و بالغ اولسی شرط دکلدر . ال و آباء و کوز

تحریر رقبه‌دن عاجز اولان یعنی نه آزاد ایدجک قولى و نه آزاد ایتمک اوزره اشترايه قدرتی اولمیان و یا آلوب آزاد ایدجک رقبه بوله میان کیمسه [۱] آره‌یه رمضان و ایام منیه و مانع تتابع بر عسدر کیرمامک شرطيله ایسکی آی علی التوالی صائم اولور [۲] .

ولسان و عقل منافعتک جنسندن محروم اولماسی یعنی هیچ السز و یا هیچ آیاقسز و یا هیچ کوزسز یاخود دلسز و یا جنون مطبق ایله عقلسز بولنماسی شرطدر . سرهون و یا معلوم الحیاة عبد آبق (فراری کوله) و مبتلای جنون غیر مطبق اولمسی (حال افاقنده اعتاق اولنور) و صغیر و حتی رضیع بولنمسی و باغرلدیفی وقت ایشیدر درجه‌ده صاغر و یا قولاقسز یاخود طواشی و یا تاتک کوزلی یاخود بر قوللی و یا بر آیاقلی و حتی چپ و راست اوله‌رق هم بر السز و هم بر آیاقسز اولمسی مانع دکلدر . مدبر و یا بعض بدلی تأدیه ایتمش مکاتب اولق یاخود ام ولد بولنقی مانعدر . اکر هیچ تأدیه بدل ایتماش مکاتب اولور ایسه جائز اولدیفی کی حین اشتراده کفارتی نیت ایلدیکی عبد کندینک قریب محرمی بولنور ایسه دخی جائزدر . مورثنک مویله کندیسنه انتقال ایدن عبد قریب آزادنده کندی صنمی اولمدیفی ایچون آنک آزادی کفارتیه کافی اوله‌ماز . تنسکیم در مختارک ظاهرانده مبیندر .

[۱] محتاج خدمتی اولدیفی عبد موجودیفی بیله اعتاق ایتمک بورجلیدر . دین دخی رقبه موجوده بی اعتاقه مانع دکلدر . علی قول مانع شرا در . اشتراء عبد ایچون مسکنی صائق یوقدر . مال هائی و ارایسه انتظار ایدر . کما فی الدرمعط .

[۲] غره‌دن بده ایتمش ایسه مجموع ایام شهرین الی سکز دخی اولسه کافی اولور . غره‌دن بده اولنمدیفنه کوره تام آلتمش کون صائم اولق لازم کلور .

السنه عوامده کی (التمش بر) تعبیری ییدیکی کونک قضاسی دخی داخل حساب اولق اعتباريله در . عدد ایام قضا ایله مجموع ایام صیام التمش ایسکی و اوچ و بش الخ دخی اوله بیلور .

ایکینچی آياك صوك كونه اعتاقه قادر اولسه ينه اعتاق لازم اولوب
طوتمش اولديغي اورج-ار تطوع قالور . اوكونك اورجنى دخى
ندبا اتمام ايدر [۱] .

صوم كفارتده تتابع (توالى) شرط اولديغدن يابلاعدر وياخود
سفر ومرض كي برعد مبيحه مبنى صيام كفارت ايامى اثناسنده افطار
وقوع بولور ايسه استيناف ايتمك يعنى يكيمن باشلايوب متواليا
طوتمق لازم كلور .

قادينلرك ايام حيصى بوندن بالضروره مستثنى ايسه ده [۲] ايام
نفاسى بيله مستثنى دكلر . آرميه رمضان دن ياخود ايام منهيه دن بركون
كيرمك دخى مانع تواليدر [۳] .

خسته ليكه ياخود ياشليغنه مبنى ايكي آي متواليا اورج طوتمغه ده
قادر اولميان كي مسه آلتش فقيرى افشاملى صباحلى طوبير [۴] .

[۱] افطار ايدرسه قضا لازم اولماز . كافى ظهار الدر .

[۲] قادين حيصدن طاهر اولدقدن صكره صوم كفارتنى وصل ايتمك آكا لازم
اولمغه وصل ايجز ايسه استيناف ايدر . ط .

[۳] او زرينه كفارت صوم لازم اولان هند رجب شريفك دردنجى كوني
كفارت ايچون صومه شروع ايله اللى آلتى كون صاعه اولدقدن صكره رمضان
شريف داخل اولوب رمضان شريفده درت كون دخى صاعه اولسه اول درت
كون رمضان شريفدن عد اولنوب هنده كفارت صوم مبنى استينافى لازم
اولور ؟ يوقسه كفارت عد اولنوب رمضان شريفك درت كونى فضاي لازم
اولور ؟ الجواب : كفارت مزبور مبنى استيناف لازم اولور . (بهجة الفتاوى) .

[۴] بركونلك حاجتك دفعنده طريق اعديل بودر آنلك مجتمعا
اكل ايتملري شرط هكلدر . اطعامده اباحه كافيدر . لازم اولان طوعلق
حصوليدر بقداى اتمكى اولورسه قاتيقه بيله حاجت يوقدر . ارپه اتمكى

انلرك صباحاً ومساءً اطعاملری لازم اولمغله یالسكز صباح ویاخود یالسكز اقسام طعامی ایله كندیلرینی اطعام ایتسه كفارت تام اولمیه جفی کبی یوز یکرمی کشیدن آلتش فقیری صباح و دیگر آلتش فقیری اقسام طعامی ایله اطعام ایتمش اواق صورتده دخی كفارت یارم اولوب آلتش کشیدن عبارت اولان طاقی اطعاماً تماماً مق [۱] یاخود صباحاً اطعام ایتمش اولدیغی آلتش فقیره انلرك اقسام ییه جککاری بدلنی واقشامدن اطعام ایلش ایسه انلره صباح طعاملرینك بدلنی ویرمك لازم اولور . (اطعام طعام ایام رمضانہ مصادف اولورسه صباح یمکنه بدل سحور ویریلور .)

برفقیری آلتش کون صباح واقشام یاخود یوز یکرمی صباح ویا یوز یکرمی اقسام اطعام ایدرسه اودخی کافی اولور [۲] .
آلتش فقیری صباحاً ومساءً اطعامه بدل اوله جق شیء برر صدقه فطر اولوب [۳] انکده عینی بغدادین یاخود بغدادی اونندن

خفونی جهتیله محتاج ادامدر . اطعام ایدیه جك فقيرك آج اولمی وچوجق اولماسی شرطدر . مراهق اوله ییلور . طوق کیمسه آج کبی استیعاب دخی ایقسه كفارت ایچون کافی اولماز . کما فی ص مع ط .

[۱] چونکه لازم اولان مع المقدار عدددر . کما فی الدر . عددن مقصد آلتش کفی اولق و مقداردن مقصد ایسکی اوکین یمکدر . کما فی الرد .
[۲] هر کونك حاجتی متجدد اولدیغی ایچون آلتش فقیر اطعام ایدلش کبی اولور . کافی رد المختار .

[۳] مقصود اومقداردر کما مر . یوقسه صدقه فطر انکله ساقط دکدر .
همده صدقه فطرده زکات کبی تمليك شرطدر . تنکیم فصل عوارضده فدییه ایله انك وجه فرقی اولق اوزره مذکوردر .

ويا انك سوية تذن نصف صاع وقوري خرمان يا خود آر په دن ويا قوري
اوزومدن برصاعدر . تسکیم باب مخصوصنده مبیندر .

فقیرلره بونلرک بدلنی ویرمک دخی جائزدر

بر فقیره ایکی آیده هر کون یا عیناً و یا قیمة برردن آلتش صدقه
فطر اعطا ایدر سه جائز و صحیح اولوب برکونده بر فقیره التمش دفعه دخی
اعطا ایدجک اولور سه اوکوندن ماعداسی چون صحیح اولماز .

کرك اطعام وکرك اعطا — فقیره اولق شرط اولدیغندن — غنی یه
وانک مملوکنه اولماز .

اخذ کفارتده اسلام شرط دکلددر . ذمی زکاته مصرف اوله ماز
ایسه ده کفارتده اولور [۱] حربی نه زکاته ونه کفارتده نه ده سائر
صدقاته محل اوله ماز .

کفارت ایچون ذکر اولان صورثلاثه مطلق اوله ق مذکور اولمغله
هرکسه سویه شاملددر . پک زنکین برکیه سه دخی تحریر رقبه ایله و مملوک
بولانلر مالک مال اولمقلری جهته [۲] صیام ایله کفارت ایدرلر [۳] .
کفارت — زجرأ مشروع اولدیغندن [۴] — آره یه کیره مش

[۱] فقراء مسلمینه ویرلمسی احبدر . کما فی مصرف البحر .

[۲] سفاهتندن طولای مجبور علیه اولان دخی اوله در . کما فی ظهار الدر .

[۳] بعضلر : « کفارتدن مقصد انزجاردر زنکینه کوره برآی یوب
بر رقبه آزاد ایتماک سهل اولمغله زجر حاصل اولیه جفتدن اغنیا همه حال ایسکی
آی اورجیله کفارت ایتملیدرلر دیو افتا اولنور » دیشلردر . ط .

[۴] (کفارت) عبادت ایله عقوبت بیننده دوران ایدن حقوقدر

اولمذبحه تداخل ایدر : متعدد کونلر ایچون وحقی ایکی رمضانک متعدد کونلری ایچون بر کفسارت کافیدر [۱] . اگر آریه کیرر — یعنی بر کفسارتک اجر اسندن صکره کفارتی موجب بر افطار دها وقوعه کلور — ایسه اولکی کفارت صکره کی جنایت ایچون کافی اولمیوب ینه کفارت ایدلمک لازم کلور .

کفاراتک وجوبی بطریق الفتوی اولدیغندن حدود کی کرها استیفا اولماز .

ذمتنه کفارت صوم ترتب ایدن کیمسه ارجنی بوزدیغی کون کندیسنه فطری مبیع اولان مرض وقادین اولدیغنه کوره حیض ویا نفاس طاری اراسه کفارت ساقط اولور [۲] . عارض اولان مرض آسمانی اولمیوبده کندی صنع واختیاری ایله اولور ومثلاً کندی بر یردن آنهرق یاخود یاره لیه رک

وآنلرک کفارت فطر دن ماعداسنده غالب اولان جهت عبادتدر . کفارت فطر ده جهت عقوبت راجعدر . شودلیل ایله که مخطی وناسی اولانه ترتب ایتمز وشبهه اباحه تحقق ایدن هر موضعه حدود کی سقوط ایدر . کما فی المرأة .

[۱] جنایت کرک اکل وکرک وقاع یوزندن اولسون . فی ظاهر الروایة . کما فی ص . قال لانها للزجر وبواحدة يحصل للزاحل بقدر الامکان هـ .

[۲] چونکه کفارت آنجق صوم مستحق ایچون واجب اولوب برکون ایچنده کی صومک استحقاق ایسه ثبوتاً وسقوطاً متجزی یعنی آنک بعضی ثابت وبعضی ساقط اولمیه جمندن نقض صوم اولندیغی کونک آخرنده عذر ظهور ایتمکله او کونک ابتداسندن اعتباراً اورجک عدم استحقاقنه شبهه ممکن ایتمشددر . کفارات ایسه شبهات ایله مندومدر . ص مع ط . بومسئله موجب قضا اولان مفطراتک اوتوزبشنجیسمی اولهرق کچمشدر .

خسته نش بولنور ایسه کفارت ساقط اولماق مختاردر [۱].

کندینی ایش ایچنده یوروب یاخود چالشه چالشه حرارتلنوب ظن مرض ایله اورجنی بوزمش اولان کیمسه نه مریض ونه مسافر اولمديغیچون کفارت چکر [۲].

مکرکه افندیکنک تحت قهرنده بولنان جاریه اوله . تسکیم موجب قضا اولان مفطرانک یکریمی اوچنچیسنده مذکوردر .

(سفر) مرض کبی عذر آسمانی اولمديغندن عمداً بلا عذر نقض صوم رمضان ایتدیکنندن طولانی ذمتنه کفارت صوم ترتب ایدن کیمسه اختیاریله اوکون قبل الغروب مسافرت ایتمسکله کفارت کندیسندن ساقط اولمديغی کبی بالاکراه مسافر ایدلسه دخی ایدن کفارت ساقط اولماز [۳].

[۱] فعل عبد ایله اولان شیئک حق شرعی اسقاطده تأثیری اولماز . همد جرحدن حاصل اولان مرض موجود اولدیغنه کوره حاله مقصور اولوب ماضیه تأثیر ایده مز . ط .

[۲] وقیل لائزمه . وبه أفقی البقالی . قال فی الوهبانیة :

وان أجهد الانسان بالشغل نفسه ۞ فافطر فی التکفیر قولین سطورا

[۳] فی ظاههم الروایة . چونسکه عذر صاحب حق اولان حق جل وعلا جانبدن کلامشدر . ص . بوده افطارک قبل المسافره اولسنه کورمدر . بعد المسافره اولان افطارده کفارتک ساقط اولهچغنده خلاف بوقدر . مسافرت کک کرمی وکک اختیاری اولسون . ط .

﴿ فصل ﴾

— صائمه مکروه اولوب اولیان شیر —

صائم ایچون شونلر مکروهدر [۱]:

۱ برشی طاتمق [۲].

۲ بلالزوم برشی چیکنه مک [۳].

۳ ساقز چیکنه مک [۴].

۴ تقبیل ایتمک

۵ معانقه ودر آغوش ایتمک } [۵]

[۱] کراحتک ظاهر اطلاق تحریمه اولمیدر . ط .

[۲] چونکه بونده صومنی نافله دخی اواسه فساد معروض قیلق واردر . قادین قسمی — قوجه سی یمکک طوزندن طولای خویسزلق ایتمکده ایسه — یمکک طوزینه باقه یلور . جاریه و اجر تلی اشجی دخی بویه در . طادیلور اولان ما کولی اشتراده آلدانق قورقوسی اولق صورتنده اختلاف اولمشدر . ص .

[۳] قادین قسمی چوجفته چیکنه میک ییدیرجک اورجسز برکیمسه بوله مدیفی حالده — چوجفی صیانت ایچون — آنی چیکنه مکده باس یوقدر . ص .

[۴] بونک کراحتی آندن برشی آغز رطوبتیه جوفه واصل اولماق قیدیه مقید اولوب اگر قاره ساقز کی چیکنه مکله اریوب جوفه واصل اولور یاخود ساقز بیاض ایسه ده هتاز چیکنه ماش ویاخود چیکنه پسه ده اجزاسی یکدیگره ده ایتیم ایتماش بولور ایسه اورج کراحتده قالیوب فاسد بیه اولور . کافی ط . کتاب الطهاره مندره مسواک بحثنه باقکز .

[۵] آغزینی اتمک ویا انزال وقوعه کلک کی فاحش اولماق شرطیه بونلرک کراحتی نفسندن امین اولیانه کوره در . تسکیم مکروه اولیانلر میاننده دخی ذکر اولنور .

- ۶ توکرکفی آغزنده بریکدیروب یوتقی .
 ۷ قان آلدردق ، حجامت اولق ، مشقتلی ایشده بولنق کبی کندینی
 ضعیف دوشور جکینه ظن حاصل اوله جق شیئی یاپقی .
 (مکروه اولیانلرک بشنجیسنه بافکیز .)

صائمه شونلر مکروه دکلدز :

- ۱ مسک یاخودکل کبی برشی قوقلامق [۱] .
 ۲ فاحش اولماق ونفسندن امین بولنق شرطیله تقبیل ودر
 اغوش ایتمک .
 ۳ کوزینه سورمه چکمک .
 ۴ بیغنه یاغ سورمک .
 ۵ ضعیف دوشیمه جک ایسه قان آلدردق ویا حجامت اولق .
 (صائمه مکروه اولانلرک یدنجیسنه بافکیز .)
 ۶ مسواک استعمالی ایتمک [۲] .

[۱] قوقلامق قوقولی هوا آلفدز . آنده کراقتی موجب برشی بوقدر .
 « زید صائم ایکن یوزینه کلاب سوروب شکوفه استشمام ایتمک مکروه میدز ؟
 الجواب : دکلدز . » (علی افندی) .

[۲] « خلوف فم الصائم أطیب عند الله من ریح المسک » حدیث شریفنه مبنی
 رمضانه بعد الزوال مسواک استعمالی مذهب شافعیده مکروه ایسه ده بزجه « من
 خیر خلال الصائم السواک » و « صلاه بسواک أفضل من سبعین صلاه بلا سواک »
 حدیث شریفلرینه مبنی مکروه دکل ، مستحبدر . حدیث شریف سابقده استیک
 اولنماقه دلالت ایدرشی دخی بوقدر . فم صائمک متغیر اولان رائج سنه مدح
 بورلسی آنکله تکلمدن تحج اوزره اولانلری منع ایچوندز . کما فی ص مع ط .

۷ مضمضه ایتمک
[۱] ۸ استنشاق ایتمک

۹ تبرّد و دفع حرارت ایچون ایصلاق بر ثوبه صار نطق [۲] .

صائم ایچون شو اوچ شی مستحبدر :

۱ سحور ییمک [۳] .

۲ سحوری کبج ییمک [۴] .

[۱] ولوکه بونلر آبدستک و غسلک غیریده اولسون . ص .
[۲] علی المقتی به وهو قول ابی یوسف . لان النبی صلی الله تعالی علیه وسلم صب علی رأسه الماء وهو صائم من العطش أو من الحر . رواه أبو داود . وكان ابن عمر رضی الله تعالی عنهما یبل الثوب ویلقه علیه وهو صائم . ولان بهذه عوناً علی العبادة ودفعاً للضجر الطبیعی . وکرهها أبو حنیفة لما فیہ من اظهار الضجر فی اقامة العبادة . ص . واجیب بان فیہ اظهار ضعف بنیته وعجز بمریته فان الانسان خلق ضعیفاً وليس المقصد اظهار التضجر فی أمر العبادة . ط .

[۳] چونکه حدیث شریفده « تسجروا فان فی السجور برکة » بیورلمشدر . برکت آنسکه قوت و مزید ثواب حاصل اولمقددر . آنجق صومدن مقصود اولان معنای اخلاص ایتماک ایچون مترهلرکی چوق ییجز . (تسجردن امتناع ایتمیوب) بریودوم صو ایچمکله اولسون استحصال برکت ایدر . قال صلی الله تعالی علیه وسلم : السحور أکله برکة فلا تدعوه ولو ان یجرع أحدکم جرعة من ماء فان الله وملائکته یصلون علی المتسحرين . رواه أحمد رحمه الله تعالی . ص .

همده سجور اکلای دعائک مستجاب اولهجنی وقت سجورده واقسم اولور . انسان او وقت قالقوب تسجر ایدر سه اولورکه برطائم دعاده دخی بولنه رق دعاسنه اجابت واقع اولور . سجوره قالمقده ذکر واستغفارده بولنق فوائدی دخی اولور . أفاده ط .

[۴] حدیث شریفده « اوچ شی اخلاق مرسلیندندر : تعجیل افطار ،

٣ غروبك تحقّقنده افطاری تعجیل ایتمک [١].

افطاری یعنی اورج بوزمنی اقشام نمازندن اول ایتمک مستحب اولوب [٢] عند الافطار : اللهم لك صمت و بك آمنت و عليك توكلت و على رزقك أفطرت (و صوم غدٍ من شهر رمضان نويت) [٣] فاغفر ما قدمت و ما أخرت . ، دیمک دخی سنتدندر . ط .

افطاری خرما ایله و بولندیغنه کوره صوایله ایتمک مسنوندر [٤].

تأخیر سجور ، نمازده صاغ الی صول ال اوزربنه باغلامق ، بیوراشدر . س . طلوع فجرده شک ایدیلجهک وقته قدر آنک تأخیری مکروه اولور . ط . [١] بوندن اولسکی هامشی اوقوبکز .

[٢] وفي البحر التعجیل المستحب قبل اشتباك النجوم . ط . [٣] معترضه آره سنده اولان عبارته بیبرام کیجه سی حذف ایدر . وفي الحديث : ان لكل صائم دعوة فاذا أراد أن يقبل فليقل في كل ليلة عند فطره يا واسع المغفرة أغفر لی .

[٤] وكان صلى الله تعالى عليه وسلم يفطر بثلاث تمرات أو بشيء لم تحسه النار . وقيل كان يفطر في الصيف على الماء وفي الشتاء على التمر . كذا في المصنعة . قال وبدعو عند الافطار باهم حوائجه ويقول عند اول لقمة يا واسع المغفرة اغفر لی ويقول الحمد لله الذي أعانني فصمت و رزقني فافطرت . ويفطر صائماً لينال مثل اجره اه .

(فصل)

— عوارض میبچه —

اورج ییمه نك برطاقم احكامی واردر كه انلك بعضیسی بتون صیاماته عام و بعضیسی بعض صیاماته خاصدر .

هپسنه عام اولان حکم — بلاعذر افطار اولندیغنه کوره — ائمدر چونکه بلاعذر ابطال عمل حرامدر [ولا تبطلوا أعمالکم] بیورلمشدر [۱] برعذر مبنی افطار اولندیغنه کوره اتم یوقدر .

عذر ایله حکم مختلف اولمغله اتم و مؤاخذه نی مسقط اولان اعذاری بیلمک لازم کلمشدر . بوفصلده اشته الیر مییندر .

عوارض میبچه — مفطرانده کچن معنی و جمله افطاری یعنی عدم امسا کی [۲] و یاخود بعد الامساك نقض و ابطالی اباحه ایدن امور عارضه دیمکدر که صاحب منحه نك :

مرض و اکراه رضاع و السفر و حبیل کذا عطش و جوع و الکبر نظمنده مجتمع اولدیغی اوزره — سکزشیدر [۳] : مرض ، سفر ، اکراه ، حبیل ، رضاع ، جوع ، عطش ، هرّم مرض : خسته لك ، سفر : یولچیاق ، اکراه : مجبوراق ،

[۱] بوجنك تحقیق اواخر فصلده صوم تطوعك دخی بلاعذر افسادی لائق اولیه جفی مسئله سنك هاشندهدر (صفحه ۸۱) .

[۲] چونکه سفر شروع اولنان صومك تقضی اباحه ایتمیوب بلکه صومه عدم شروعی مباح قیلار .

[۳] قال ویزاد ناسع وهر قتال العدو فان الغازی اذا خاف العجز عن القتال له الفطر ولو مقيماً كما يأتي .

حبل : کبه لك ، رضاع : امزكليك ، جوع : آجاق ، عطش : صوسزلق
هرم : دوشكون اختيار لقدر .

(مرض) ولو باش آغریسی وکوز آغریسی وباره خسته لسی
اولسون مبیح فطر اولمغله رمضانده صحیح وصائم ایسکن خسته این کیمسه
ایچون صکره قضا ایتمک اوزره اورج ییمک جائز اولدیغی کی خسته لسی
کما ویا کيفاً [۱] ازدیاددن یا خود بطاعت برندن خوف ایدن خسته
ایچون دخی [۲] صکره قضا ایتمک اوزره اورج طوتمامق جائزدر [۳].

[۱] (کما ازدیاد) دن ازدیاد ایام مقصود دکلدر چونکه او حالده
« بطاعت بر » قیدی تکرار اولور بلکه اورجدن بشقه برخسته لك دها نشأت
ایتمکدر . (کيفاً ازدیاد) مرض موجوده شدت حادث اولمقدور . صاعلام اولوبده
اورج طوتار ایسه خسته لته چکنه ظنی غالب اولان کیمسه ایچون اورج طوتمامق
وارمیدر ؟ محشینک افاده سنه کوره بوراسی اختلافی اولوب اصلک عبارده سندن
او کیمسه ایچون افطار ایتمک مباح اولدیغی اکلاشامقده در . درمختارده ایسه
ا کا افطارک اباحه سی مذکوردر .

[۲] اباحه فطرده معتر اولان خوفک طرق معرفتی ایکیدر : یا تجربه سابقه یه
مبنی غلبه ظن و یا خود طبیب حاذق مسلم و عادلک اخباریدر . کما فی ص .
مرضک انحادی صورتنده تجربه ولوکه مریضک غیردن اولسون . ط . ابطال
عبادت اولیان یرده غیر مسالمک دخی استطبابی (طبیب اتخاذه) جائز ایسه ده
دیانانده و ابطال عبادتی داعی خصوصانده طبیبک خداقتیله برابر اسلامی وحتی
عدالتی شرطدر . بعضلر قیدعدالتیه بدل فسق ظاهر اولماق قیدنی قوعملردرکه
مستور الحال برطبیب حاذق مسلم دیمکدر . کما فی ص مع ط .

ذمی اولان طبیب مریض مسلمه صوم مضر اولدیغی خبر ویرسه مسلم ایچون
افطار مباح اولورمی ؟ الجواب : اولماز . (ابن نجیم) .

[۳] زید مریضک رمضان شریفده مرضی کیدوب لسنک ضعیف اولوب

حی نوبی اولان کیمسه یه و حیض عادتی اولان قادینه کندنجه نوبت
وعادت مظنون اولان کونده اورج طوتماق دخی جائزدر. و — شاید
اوکون نوبت کلز وعادت اولمازایسه — کفارت لازم کللامک اصحدر [۱].
خسته یه باقان دخی خسته یه ملحقدر . ط .

(سفر) که مقصود سفر شرعیدر [۲] اورج سزلغی مبیح اولمقله
رمضانده طلوع فجردن اول انشاء سفر ایدن یولجی عید آبق و قاطع
طریق کی سفر بر عاصی دخی اواسه اورج طوتماق جائزدر [۳].
طوتمق مؤدی ضعف اولمقله افضلدر [۴].

صائم اولورسه ضعفی زیاده اولسقی طبیب حاذق مسلم اخبار ایله زیاده افطار
ایلمک جائز اولورمی ؟ الجواب . اولور . (علی افندی) .

[۱] ازاء عدوده مقیم اولوبده قتال و قوعی کندنجه ظل غالب ایله مظنون
اولمقدن ناشی ضعیف دوشمامک ایچون اورجی بین غازی یه دخی اوکون حرب
اولماق تقدیرنده کفارت لازم کللامک اصحدر . ص . هذا ما تقدمت الإشارة
الیه فیما زید علی عدد العوارض .

[۲] کتاب الصلواتك (صلاة المسافر) باینه بافکز .

[۳] صکره قضا اندر . سفر بر عاصینک معصیتی مجاوراً قبیح لغیره در .

[۴] [وأن تصوموا خير لكم] بیورلمشدر . همده رمضان افضل الوقتین
اولمقله ادا افضلدر . « ليس من البر الصيام في السفر » حدیث شریفی صوم
کندیسنه ضرر ویرجک اولان مسافر حقندهدر . ط .

افضلیت مذکوره بتون آرقداشلیری اورج سز و یاخود نفقهده مشترک اولمالری
قیدیه مقید اولوب اگر آرقداشلیری نفقهده مشترک اولوبده اورج طوتمورلر
و آنک اورج ایلمقدن مشترکی بولنیورلر ایسه و یاخود نفقهده مشترک دکلر ایسهده
اکثریتله اورج بیورلر ایسه افضل اولان اورجی طوتموب قضایه براقدر . ص .
(عامه) قیدی آنلردن براز نک افطاری تقدیرنده فطرك افضل اولمقی
مقیددر . ط .

صائم اوله رق صباحلا دقندن صکره یولجی اولانه اوکون افطار ایتمک و مسافر ایکن طوتدیفی اورجی بوزمق موجب کفارت اولسه ده سفر مرض کبی عوارض سماویه دن اولمادیغیچون حلال اولماز تنکیم موجب قضا اولان مفطرات باینده گذران اولدی.

(اکراه) که تهدیدینی ایقائه قادر اولان کیمسه نیک قتل ایله ویا قطع عضو ایله باله دید صائمه کرها اورج بیدرمسیدر افطاری مبیحدر

اکراه غیر ملجی که حبس و ضرب کبی موجب غم و الم اولان شملر ایله باله دید حصوله کلان اکراه غیر کاملدر — کفارتی مسقط اولسه ده محرماتی مباح قیله ماز [۱]

(حبل و رضاع) دخی حدیث شریفده ، ان الله وضع عن المسافر الصوم و شطر الصلاة و عن الحبل والمرضع الصوم ، بیورلمش اولدیغندن مبیح فطر اولغله کندی حقننده نقصان عقلدن یاخود یا کندی و یاچوجفی حقننده هلاکدن یاخود خسته لکدن قورقان کبه ویا امزکلی قادینه دخی صکره قضا ایتمک اوزره اورج ییمک جائزدر [۲]

[۱] تنکیم (موجب قضا اولان مفطرات) باینده گذران اولدی . طحطاوی همایسکی حاشیه ده بچردن نقلاً ذکر ایتمشدرکه افطار اوزربنه اوغانتک هلاکیله اکراه کیزن کیمسه یه افطار جائز اولماز . حامل و مرضع کبی دکل ، بونده نفس غیری صیانت ایچون اوکیمسه ، معذور اوله ماز دیمشدرکه مرآتده بوده (اکراه غیر ملجی) امله سندن اولق اوزره مذکوردر .

[۲] امزکلی به چوجفتک اسمالنی کسر دیو طیب (حاذق مسلم) که و؛ دیسکی علاجی آلوب اورجفی بوزمق وارددر . ص .

امزکلی به کوره چوجق کندیڭک ویا بشقه سنک اولق مساویدر .
سوت آنا که اکا عربیده (ظئر) تعبیر اولنور [۱] حقننده ارضاع
عقداً واجبدر عقد ولوکه رمضان ایچنده واقع اولسون [۲] .
والدهنک ارضاعی مطلقاً دیاته واجبدر .

چوجقک باباسی معسر (تنگدست) اولوب سوت آنا طوته مامق
ویا خود چوجق کندی آناسنک مهسندن ماعدانی المامق تقدیرنده
والدهنک ارضاعی قضاء دخی واجبدر [۳] .

کندیسنده (جوع) مفرط و (عطش) شدید حاصل اولان
کیسه — که هلاک نفسندن ویا نقصان عقلندن ویا خود بعض
حواسنک ذهابندن خوف اوزره اوله اکا دخی — صکره قضا ایتمک
اوزره اورج ییمک جائزدر [۴] .

[۱] أمثال عربیه ده « ظئر رؤم ، خیر من ام سؤم » دینیلور که چوجقه اینی
باقان سوت آنا اوصانغان اولان اصل آبادن خیرلیدر دیمکدر .

[۲] خلافاً لما فی صدر الشریعة من تعیید حل الافطار بما اذا صدرت
الاجارة قبل رمضان . ط .

[۳] حق حضانه مدت رضاع ایله محدود اولوب اوده یکرمی یرت آیدن
عبارتدر . (قضاء) : حکم حاکمدر که محکمه به مراجعتده ظاهر اولور . (دیانت) :
حق شرعدر که مفتی به مراجعتله معلوم اولور .

[۴] شو قیدایله که اوعطش شدید کندی کندیسی اتعاب ایتمسینه حاصل
اولش اولیه . چونکه او حالده کفارت دخی لازم کلور . ص . قید مذکور
اسقاط کفارت ایچون اولق ظاهردر . أما عذر مذکوره مبنی افطارک حل
وجوازی قید مذکور ایله مقید اولیه رق مطلق اولق ظاهردر . تنکیم قیستانینک
عبارتسی آکا دلالت ایتمکدهدر : ط .

قیستانینک او عبارت سیچون موجب قضا اولان مفطرانک یکرمی اوچنجهسی
هاسنه راجعت ایدکر .

(هرم) عجز محض دائمی اولمقله مبیح فطر و موجب فدیہ در. کړک
ارکړ وکړک قادیڼ وجودجه کوندن کونه دوشمک و آشاغیلامق
اوزره اختیارلامش اړلورسه اورج طوته میه جفی و قضا دخی
ایده میه چکی ایچون یموب فدیہ و یرمک لازم کلور .

(فدیة) : استعیند الله تعالى [و علی الذین یطیقونه الخ] آیت
کریمه سننده مفسر اولدیغی اوزره طعام مسکیندرکه فقیر ینوانک
اقتشاملی صباحلی برکونلک یمه جکیدر .

مقداراً مساواتی جهتیهله هرکون ایچون بر صدقه فطر و یریهله جک
دیمکدر [۱] .

صدقه فطر ایله بونک فرقی بودرکه انده زکات کبی تملیک شرطدر .
بونده ایسه اطعام صورتنده اولدیغی کبی اباحه کافیدر [۲] .

تملیک واعطای دیلرسه رمضانک اولنده ، دیلرسه آخرنده ایدر .
و یریهله جک فقیرک متعدد اولمسیده شرط دکلدرد .

بدل صوم دیمک اولان (فدیة) عجزلرینک الی الموت دوا می
شرطیهله [۳] بر منوال محرر پیر فانیله مخصوص اولدیغندن .

[۱] اصل صدقه فطر نه واجبدرد . ساقط دکلدرد . قال فی الهندیة فی الیاب
الثامن من کتاب الزکاة مانصه : وفي تجنیس الملتقط من سقط عنه صوم الشهر
اکبر أومرض لا تسقط عنه صدقة الفطر کذا فی المضمرات . و ذکره ط فی آخر
بابها کما یأتی .

[۲] اقتشاملی صباحلی یاخود سجورلی اقتشاملی اکل مشبع ایله اطعام فقیر ایدر .

[۳] شاید قدرلرینک عودتی فرض اولنمه قضا ایتماری لازم کلور . محشی
دیرکه پیرفانی سیجاغک شدتنه مبنی اورجه قادر اولمور ایسه افطار ایدوب
قیشین قضا ایلر ا ه .

پیرا سکن بشقه اولان عذر اصحابیچون [۱] زوال عذرده قضادن بشقه بدل جائز اوله ماز .

فدیه برده (صوم ابد) ی نذر ایدن حقنده جاری اولورکه عمری اولدقجه الی الابد هرکون اورج طوتمغی نذر ایدن کیمسه ضعیف دوشوب ایفای نذره قادر اوله مامق و یا خود قدرتی وار ایکن بر قاج کون یمیش اولمق تقدیر نده قضایه امکان اولم یغندن فدییه ویرر .
فدییه ویره جک اولان کیمسه انی اعطایه قادر دکل ایسه جناب حقندن استغفار واستقاله ایدر یعنی حق الله اولان تقصیرندن طولای عفو الهی بی طلب ایلر [۲] .

فدییه انجق بنفسه اصل اولان صومده جائز اولور : ذکر اولنان ایکی صورتده اولدیغی کبی که انلردن بری پیرفانینک رمضان اورجی و دیگر ی صوم ابدی نذر ایدنک اورچیدر .

اصل اولمیوبده بشقه بر شیدن بدل اولان صومده مثلاً عیاماً اولان کفارات بدلنده فدییه ویر یله من چونکه بدلك بدلی اوله ماز : کند یسنه کفارت یمین یا خود کفارت قیل و یا کفارت

[۱] حامل و مریض و مسافر و مکرم الخ کبی که آنلردن ایام قدرنده قضا ایتمسکدن ماعداسی مقبول اوله ماز . چونکه (فدییه) مثل غیر مقبول ایله قضا دیمک اولدیغندن موردنصه متصوردر . کما یأنی .

[۲] استقاله طلب اقاله معناسنه اولوب اقاله ایسه ترک مؤاخذه درکه اوده عفو دیکدر . ط . والاقالة التي هي عبارة عن رفع عقد البيع وازالته أشار إليها العارف بالله جلال الدين بقوله في ابیات دیوانه :
مفتی فلم کرفته اینجا ضمان نباشد * قاضی بفکر مائده کاین بیع شد اقاله

ظهار یاخود کفارت افطار ترتب ایدوبده اعتاق ویا اطعام ایتمکه
یاخود کسوه له مکه [۱] قادر اولمیان کیمسه همدیه پیرفانی اولور ویاخود
صیاماً کفارتیه قادر ایکن صائم اولمیه رق پیرفانی حالته کلور
ایسه فدییه ویره مز [۲]

هرمدن ماعدا اوله رق مذکور اولان أعذار و عوارضه مبنی اورج
ییلنلر عذرلری زائل اولدیغندن اعتباراً ایام منمیه دخی مستثنی اولوق
اوزره قادر اولدقلری کونلری قضا ایدرلر .
قادر اولدقلری کونلردن مقصد مسافره کوره ایام اقامت و خسته یه
کوره ایام صحت و دیگر لرینه کوره فراغ و فطام [۳] ایله حادث اولان
ایام قدر تدر .

او کونلره ایرمدین وفات ایدنلر عذرلری زائل اولمدین اولمش
اوله جققلرندن قضایه قادر اولدقلری کبی انلره استقاط صوم وصیتی دخی
واجب اولماز [۴] .

[۱] بولاردن اعتاقی ذکر اولنان کفاراتک دردینه عامدر ، اطعام و کسوه
کفارت یعینه خاصدر . کفارت قتلده نه اطعام ، نه کسوه واردر . ظهار و افطار
کفارتلرنده اطعام بعد الصیامدر . کافی ط .
[۲] چونکه بولارده صوم بر اصلدن بدلدرکه اوده تسکفیر بالمالدر . آن
عجز تحقق ایتمدیکه او بدله عدول اولماز . کفارتی وصیت ایدر و وصیتی ثلث
مالندن معتبر اولور .

[۳] باب ثانیدن (فطم) چوجنی سوتدن کسمکدر . (فاطمه) چوجنی سوتدن
کسن قادیندر . (فطیم) رضیعک ضد بدرکه ممدن کسلن چوجقدور . «أفطم الصبی»
دینورکه چوجق وقت فطامه یعنی سوتدن کسله زمانته ایردی دیمکدر .

[۴] چونکه آیت کریمه ده کی [عدة ایام اخر] ۵ یشها مشدر بومسئله
اتفاقیدر : اختلاف آنجق نذر صورتده درکه «ایي اولورسه» برآی اورج

قضایه قادر اولوب یعنی رمضانده ییدیکی کونلر قدر رمضاندن و یوم منهیدن صکره صحت و فراغ و اقامت اوزره یشایوب قضا ایتمه‌ش و باخود قضا ایتمه‌که باشلامش ایسه‌ده تماملامش ، ایسه قضایه قدرتی اولدیغی حالده طوتمدیغی کون عددنجه صوم اسقاطنی وصیت ایتمک واجب اولور .

صوم رمضان قضاده تتابع (توالی) شرط دکدر چونکه حقنده کی نص مطلقدر یعنی قید تتابع ایله مقید دکدر [*] و لکن مستحب اولان تتابع اوزره طوتمق و تبرئه ذمه و خیر و فضیله مسارعه زمان قدریدن تأخیر ایتما مکدر .

اگر بورجی اوده‌مدین ایکنجی رمضان کلور ایسه ادا قضایه تقدیم اولور ایام مبارکه رمضان شرع منیر ادا ایچون تعیین ایتمش اولمغله انلرده طوتیلان اورج قضا دیو منوی اولسه یله ادا دن واقع اولور . و قضا نك تأخیرندن طولانی برشی لازم کلز . چونکه [ایام اخر] نصی مطلقدر .

مطوع بالصوم اولان یعنی نافله اورجی طوتان کیمسه ایچون

طوتمق نذر اولسون « دیو نذر ایلان کیمسه برکون دخی ایی اولسه عند الشیخین تام برآی ایچون وصیت ایتمک و امام محمده کوره یالکز صحت بولدیغی کونی قضا (و یا وصیت) ایلمک لازم اولور . ص .

[*] نصاً متتابع اولان اورج درتدر : اداء رمضان ، کفارت ظهار ، کفارت قتل ، کفارت یمین . (کفارت افطار) حدیث ایله ثابت و اودخی متتابعدر . کفارت یمینک تتابعی بطریق الشهره منقول اولان قراءت ابن مسعود ایله در . کافی ص مع ط . و تمام الکلام فیها .

اورجی بلاعذر دخی بوزمق امام ابو یوسفدن برروایتده جائزدر .
ولکن شروع اولنان عبادت نافله دخی اولسه ابطال اولتی لایق
اولدیغندن [۱] صوم تطوعك دخی بلاعذر بوزلمسی تجویز اولنماق
مقتضای ظاهر الروایه در [۲] .

صوم نافله کوره ضیافت هم مهمان حقنهده وهم صاحب خانه حقنهده
عذر در [۳] . اما صوم فرض و واجبه کوره ضیافت

[۱] معلوم اولسونسکه نقل اولهرق شروع اولنان صوم و صلاتی بلاعذر
بوزمق مکروهدر . قضا لازم کاور ایسهده حقنهده کی دلیل [*] قطعی الدلاله
اولدیغندن حرام دکلدز . برعذر عارض اولور ایسه تطوعه فطر اتفاقا مباح
اولور . ص . دلیلک عدم قطعی معنائک « ثواب أعمالکزی ربا رسعه کبی
شیلرله ابطال ایتمیک » دیک اولسی احتماله میندر . ط .
[۲] در مختارده صوم نفلك بلاعذر جواز افساد بنی نیت قضا ایله اولقی شرطیله
تقیید ایتمشدر .

[۳] اخوان دیندن برینک ضیافتنده بولنان صائم متنفل کندینک صوم و امساک
اوزره بولمسنندن صاحب ضیافت خشنود اولیوب متأذی اولور ایسه اورجی
ییر ، صکره قضا ایدر . حدیث شریفده : « من أفطر لحق أخیه یکتب له ثواب
صوم الف يوم ومتی قضی يوماً یکتب له ثواب صوم ألفی يوم » بیورلمشدر .
و کند بیچون یوفائده جلیله ثرده اولمشدر . ص . عدم رضا و تأذی قیدلری
تنویر الابصار دن اخذ اولمشدر . بونلرک مقتضای : صاحب ضیافت آنک مجرد
حضور یله خشنود اولق صورتنده اورجک ینله مسیدر . بوده اوراده مصرحدر .
اصلده بومسئله ما قبل الزوال اولق قید یله تقیید اولنوب : ضیافت بعد الزوال
اولدیغنه کوره اورج ابویندن برینک عقوقی مستلزم اولدیغجه نقض اولنماز
دینلمشدر .

(عقوق) ابوینه عصیان و مخالفتدر . عاصی اولاده (عاق) دینور . جمعی

[*] فصلک اولنده (ص ۷۲) کچن (ولا تبطلوا أعمالکم) قول کریدر .

عذر دکلدر [۱] . رد مختار .

متطوع بالصوم اولان کیمسه هر نه حال اوزره اولورسه (یعنی کرک بر عذرده مبنی اوله رق و کرک هیچ بر عذرده مبنی اولیه رق) اولسون اورجینی نقض ایتدکده قضا ایلر [۲] .

مکرکه نافله اوله رق شروع ایتدیکی اورج ایام منهیه ده واقع اولمش اوله . انک نقضنه قضا لازم کلر [۳] .



(عقیقه) کلور . « پدرینه نه فنا عاصیدر » مآلنده « ما أعفه لایه » دینلدیکی کبی یسیر الاحسان و کثیر العصیان کیمسه یه دخی « فلان هین المبره شدید العقه » هینلور . حضرت امام عقیقه دن سؤال اولندقلرنده توریه طریقیله « أنا لا أحب العقوق » جوابی و بر مشلردر . وفی الحدیث : قولوا نسیکة ولا تقولوا عقیقه . (عقیقه) کتاب الحیجزک آخرنده مذکوردر .

[۱] یوم معینک صومنی نذر ایدن زید عذر ضیافت ایله اول بومده افطار ایتلک مباح اولورمی ؟ الجواب : اولماز . (بهجة الفتاوى) .

وفی حدیث جامع السیوطی : اذا دخل أحدکم علی أخیه المسلم فان أراد أن یفطر فلیفطر الا أن یکون صومه ذلک رمضان أو قضاء رمضان أو نذرا .

[۲] لاخلاف بین أصحابنا فی وجوبه صیانة لما مضی عن البطلان . ص . (قوله لاخلاف بین أصحابنا) الا فی صائمة تطوعاً عرض علیها الحیض فی القضاء خلاف والاصح الوجوب . ط .

[۳] فی ظاهری الروایة عن أبی حنیفة لان صومها مأمور بقضه ولم یجز اتمامه لانه بنفس الشروع ارتکب المنهی عنه للاعراض عن ضیافة الله فاحصر بقضه . وعن أبی یوسف ومحمد : علیه القضاء . یعنی وان وجب الفطر . ص .

— تمرین —

الغاز فقیهیه مزك صوم مسائلندن :

مسئله : فصل اولورکه برکیمهسه نهار رمضانده بلاعذر عمدأ افطار ایتمش اولدیغی حالده کفارت لازم کلیه ؟ (جواب) : بوشویله اولورکه برکیمهسه هلال رمضانی یالکز رؤیت ایدوب نزد قاضیده قوی مردود اولمش بولنور .

مسئله : رمضانده اورجه کیجهدن نیت ایتمش اولدیغی حالده اوکون طوتدیغی اورج نافله اولان فصل کیمهسه در ؟ (جواب) : طلوع فجردن صکره بلوغه ایرمش اولاندرکه وقت وجوبه ایرمدن طوتمش اولدیغی جهته انک اوکونکی اورجی نقل و تطوعدر .

مسئله : اورجی بلاعذر عمدأ بوزدیغی حالده کندیسنه قضا دخی لازم کلین کیمهسه ها نک صائمدر ؟ جواب : ارزرنده قضایعنی اورج بورجی وارظنیله قضایه نیت ایدرک اورجه شروع ایتمش اولوبده بورجی اولدیغی بعده کندیسنه متبین اولان کیمهسه در . اشته اوکیمهسه باشلا دیغی اورجی بوزه بیلور و هبج برشی لازم کلز [*] .

مسئله : مقیم و صحیح البدن اولدقلری حالده نهار رمضانده بلااگراه بیلرنده وقاع واقع اولمغله بریسنه کفارت لازم کلوب دیگرینه کفارت لازم کلین زوج و زوجیه فصل کیمهسه لدر ؟ جواب :

[*] بومسئله اورجی افساد و فضلی ایجاب ایدن شیرله دائر اولان بابک ایکنجی هامشده دخی ذکر اولمشدر .

طلوع فجرى برى بيلوب برى بيليه رك اقتران ايتمش اولانلردر كه هانكيلى جانلندن بيله رك كتم واقع اولمش ايسه كفارت اكا لازم كلور ، ديكرى قضا ايدر .

(موجب كفارت اولان مفطرانك صوكنه باقـكز)

مسئله : كيدير اومكلف كه نهار رمضانده مقیم و صحیح البدن ايسكن متعمداً بلا اكراه اورج ييمش اولسونده اكا كفارت لازم كلسون ؟
جواب : كونك ابتداسنده ييوب انتحاسنده قبل الغروب مريض اولانلردر كه ياكز قضا ايدر [۵] .

مسئله : مقیم و صحیح البدن بولنوب نهار رمضانده عمداً بلا عذر افطار ايتديكى و اوكون خسته نئديكى حالده ياكز قضا لازم كلوبده كفارت لازم كلين صائم مكلف كيدير ؟ جواب : صومه نيت ايتامش اولانلردر .

مسئله : هانكي مسلم مكلفدر كه صوم رمضاننى بسبتون ترك ايتمش اولديغى حالده اكا قضا ايتمك بيله لازم كلماش اوله ؟ جواب : ديار اجنبیهده اهتدا ايتمش اولان شول اجنبیلدر كه صوم رمضانك مسلمينه فرضيتنى جاهل اولوب انى دار اسلامه ورودندن صكره بيلمش اولور . (صومك شرط و جوبى هامشنه باقـكز) .

مسئله : مقامات او قویانلر رمضانده كوندز ييمانه برشى لازم كلويوب كيجه ييمانه قضا و كفارت لازم كلور ، دييورلر بوندر ؟ جواب : كوندزك عربيه سى اولان (نهار) طوى قوشنك ياوريسته دخى اطلاق اولنور . كيجه نك عربيه سى اولان (ايل) آغاج دلن

[*] ياكز موجب قضا اولان مفطرانك اونوز بشنجيسنه و كفارت مرتبه يي ذمتدن اسقاط ايمن شى فصلنه باقـكز .

دیدکاری قوشک یاوریسنه دخی اطلاق اولنور. نتهکیم شو نظمه واقعدر:

أكلت النهار بنصف النهار * وليلاً أكلت بليل بهيم

نصف نهاده نهار وشب تاریکده لیل اکل ایتدم دیمکدر . ما کول
اولان لیل ونهاردن مقصود ذکر اولمان پیلچلردر . رمضانده دخی
مفطرات مباحه کیجه حلال وکوندز انلر حرامدر . مسئله مذکوره
مقامات حریرینک اوتوزایکنجه یسنده در [۵] .



[*] مقامه مذکوره فتح طاء (طیبیه) یاخود (حریبه) اسمنده اولوب یوز
مسئله فقهیه ملفزه یی حاویدر . آنلردن بری کتاب صلاتک باب المسافرینه
واوچی بوکتاب صومه قید اولمشدر . مانحن فیه اولان مسئله سی شویاهدر :
« قال فان اکل الصائم بعدما أصبح ؟ قال هو احوط له وأصلح . قال فان عمس
لان اکل لیلاً ؟ قال لیشر للقضاء ذیلاً . » قوله أصبح أى استصبح بالمصباح
واللیل فرخ الحباری .

— اسقاط صوم —

اسقاط صوم دخی اسقاط صلات کبی فرض و واجب اوله رق ذمت میتده قلمش اولان اورجلره تعلق ایدر .

هر کونلک اورجه هر نماز ایچون اولدیغی کبی برفدییه ویرملک لازم کلوب فدییه نلک مقداری و صورت لزوم و اعطاسی و دور اجراسی کتاب صلاتنلک اسقاط فصلانده بیان اولدیغی وجهله در [۱] .

قضا اولنه حق صوم رمضانک ایامی معلوم اولدیغی کبی نذر ایدلمش اولان صومک عدد ایامی دخی ناذرجه معلومدر . کفارقی وار ایسه اوده معلوم اوماق لازم کلور . وصیتی ده اکا کوره اولور . لزوم وصیت لزوم قضانک فرعیدر [۲] .

قادینلر ایام حیض و نفاسلر نده کچن نمازلری قضا ایتمز لر ایسه ده اورجلری اودر لر [۳] .

[۱] اسقاط صلاتده ذکر اولدیغی اوزره کیمسه نلک نمازانی کیمسه قیله مدیغی کبی کیمسه نلک اورجی ده کیمسه طوته ماز . حدیث شریفده « لایصوم أحد عن أحد ولا یصلی أحد عن أحد ولیکن یعلم عنه » بیورلمشدر . « فصومی عن امک » و « من مات وعليه صیام صام عنه ولیه » دیو وارد اولانلر منسوخدر . بنابرین میتک نمازانی قیله و اورجی طوتقی یاخود کندی نلک صوم و صلاتندن بر مقدارینی میته باغشلامق اوزره فقیره یاره ویرملک عبشدر . میتی . وؤاخذه دن جناب حق آنجق شرعک تقدیر ایتدیکی صدقه واسطه سیله تفضلا کچر . افاده المؤلف فی اسقاط الصلاة . قال وان قلنا بان للعبد أن يجعل ثواب طاعته لغيره فهو غیر هذا الحكم فلیقتبه له اه .

[۲] عوارض مییجه فصلنک اواخرینه و کتاب الصلاتنلک اسقاط بحثنه بافسکر .

[۳] ومنها الحيض والنفس وما لا یهدمان الا هلیة الا أنه ثبت أن الطهارة عنهما شرط للصلاة والصوم . ولا یرج سقط قضاؤها دونه . صرقة .

(باب)

— اورج واعتکاف کبی عباداتدن ایجاب هبد ایله —

— لازم اولانلر —

صوم و صلات کبی قربات و طاعاتدن اولان شیئی نذرایدن کیسهسه یه نذرینی ایفا ایتمک شروط آتیه نك اجتماعنده علی طریق الوجوب لازمدر . ایت کریمه ده [و لیوفوا نذورهم] [۱] و حدیث شریفده « من نذر أن یطیع الله فلیطعه و من نذر أن یعصى الله فلیعصه . » بیورلمشدر [۲] . اجماع دخی نذر طاعتک و وجوب ایفاسی اوزرینه در .

شروطک برنجیمی نذر اولنسان شیمک جنسنندن فرض بولمقدور [۳] نماز ، اورج ، صدقه کبی ایکنجیمی نذر اولنسان

[۱] نذرلرینی ایفا ایتسونلر دیمکدر . نذر — که آدامقدور — واجب اولمایا نفسنه واجب قیامقدور . باب ثانیدنذر . باب اولدن دخی لغتدر . ایدنه (نذر) وابدیلان شیمه (منذور) و (نذر) دینور . (منذوره) جناب حقدر . آیت کریمه مذکورہ عبادت صریض و انشاء جسر کبی جنسنندن واجب اولیانلرله تخصیص کورمش اولدیغندن کنهبعیله فرضیت دکل ، وجوب ثابت اولمشدر . کما مر فی صفة الصوم و ذکر المحشی القول بالفرضیه ایضا .

[۲] حدیث شریف مذکور ی امام بخاری روایت ایتمشدر . ص . حدیث مذکور نذر طاعت اولورسه لازم و معصیت اولورسه غیر لازم اولدیغنی ناطق اولوب نذر معصیتده لزوم وفا شویله طورسون آنک فعلی حرامدر . کما فی ط . وسیجی حکم النذر بصوم يوم النحر .

[۳] اصلده واجب ایله تعبیر و فرض معنای قصد اولنمشدر . کما فی ط .

شی لذاته مقصود عبادت اولمقدر . آبدست کبی لغیره مقصود اولانلر نذرايله واجب اولماز [۱] . اوچنچیسى نذر اولنان شی ذاتاً واجب اولمامقدر : بش وقت نماز [۲] ورمضان اورجی وصالات وتر کبی دردنجیسى نذر اولنان شی نفسنده محال اولمامقدر: دونکی کونک صوم ویا اعتکافى نذرايتمک کبی [۳] . بشنچیسى نذر ایتدیکی شی کندینک مالک اولدیغندن اکثر ویاخود بشقه سنک ملکی اولمامقدر .

شروط مذکوریه بنام [۴] عیادت مریض نذرايله واجب

کوک فرض عین وکوک فرض کفایه اولسون . کما یظهر مما یأتی من الامثلة . وجوبدن لوصفه ارتکابی حرام اولسهده باصله واجب اولق مقصوددر : یوم نحرک صومی کبی که ضیافه اللهیدن اعراض عارضه سنه مبنی وصفاً حرام اولدیغی حالده نذری — نفسنده طاعت اولدیغیچون — صحیحدر . ص مع ط .

[۱] لغیره مقصودک معناسی مقصود بالذات بشقه سی اولمقدر : آبدست آلق کبی که آندن مقصود نماز کی فعل دیگردر . درمختارده « عبادت مقصوده قیدیه وضوء و تکفین میت خارج قالدی » دینلمشدر .

[۲] آنلری اول اوقاتنده ادایی نذر ایتسه باق که واجب اولوری ؟ ظاهر اولان عدم وجوبدر . چونکه وجوب موسع دخی اولسه اولجه تحقق ایتمشدر ط

[۳] وکذا بوکونک اورجی بعد الزوال نذر ایتمک کبی . ص .

[۴] قراءت قرآن وصالات جنازه و دخول مسجد و بناء مساجد و سقايت حاج و عمارت بیت حرام و اکرام ایتام و عیادت مریض و زیارت قبور و زیارت قبرنی علیه السلام و اکفان موتی و زوجیه تطلیق و فلان قیزی تزویج ایتمکی نذر ایلمکله بونلردن بری لازم اولماز چونکه فروض مقصوده ایچنده آنلر ایچون اصل یوقدر اه شرح الملتقی . فی هذا التعلیل بالنظر الی بعض تلك الامثلة نظر کما فی بعضها وستره .

اولماز چونکه جنسندن واجب یوقدر . عبدك ایجابی ایسه ایجاب الله ايله معتبردر چونکه عبدایچون ابتداء ایتمک دکل ، اتباع ایتمک واردر همده عیادت مریض تشییع جنازه کبی هر نقدر کندیسنده معنای حق الله وار ایسه ده مقصود حق مریض وحق میتدر ناذر ایسه کندی نذریله انجق حق الله مشروع و مقصود اولانی التزام ایدر [۱] .

آبدست آلفی نذر ایتمکه آبدست آلمق واجب اولماز چونکه آبدست جواز صلات کبی [۲] کندندن بشقه برشی ایچون شرط اولمق اوزره مشروع اولدیغندن مقصود لذاته دکلدر [۳] .

[۱] ظاهر روایتده بویله در . امام حضرت لرندن دیگر روایتده بوکون برخسته عیادت ایتمک نذر اولسون دیر ایسه نذر صحیح اولوب فلان خسته یی عیادت ایتمکی نذر ایدر سه برشی لازم اولماز . چونکه عیادت مریض قریبدر . حدیث شریفده « عائد المریض علی مخارف الجنة حتی یرجع » ببورلشدر که خسته زیارت ایدن کندیسنی جنت بوستانلرینه ایصال ایدجک شیئی ایشله مش اولور دیمکدر . (مخارف) بوستان معناسنده و مرحله وزنده اولان (مخرفه) نك جمیدر . شخص معینک عیادتنده معنای عیادت ناذره مقصود اولوب بلكه اوزانك حقنی صراعات اكا مقصود اولدیغندن آك نذرایله التزامی صحیح اوله ماز . ص مع ط .

[۲] ادات تشبیه مس مصحفی ده ادخال ایتشدرد . ط .

[۳] قراءت قرآن دخی نذرایله واجب اولماز . ص . شرح کبیرنده دخی مؤلف بویله سویله مشدر . و لکن قراءتک جنسندن فرض و واجب اولانی واردر . ولذاتها مقصوددر . و اولجه واجبده دکلدر . قهستانیده عدم وجوب آنک لزومی ذاتی ایچون اولوب صلات ایچون اولسوله تعلیل اولمشدر . ط .

در مختارک کتاب الایماننده مذکوردر که نماز لر عقبنده تسبیحاتی یعنی اونوز اوچر تسبیح و تحمید و تکبیری نذرایله نذر لازم اولماز . هرکون نبی علیه السلامه شوقدر صلوات شریفه نذر ایدنك نذری لازم اولور .

دخول مسجدی نذرایتکم دخی بویله در ولوکه مسجد حرام
ومسجد شریف نبی علیه السلام اولسون : کرچه دخول مسجد حرام
خصوصنده فرض و واجب اولان طوافلر اکا متوقف اولمق
وفرضک موقوف علیهی فرض و واجبکی واجب بولنق حسبیه انک
جنسندن واجب شرعی موجود دیمکدر و لکن عبادت غیر مقصوده
اولمق اعتباریله دخول مسجد نذری صحیح اولمیا نلردن عد اولنشددر .
کما فی الدر مع ط .

مسجده تلاوتی نذر ایتمکه سجده واجب اولماز چونکه ذاتاً واجبدر
واجبی ایجاب محالدر . همدۀ ایجاب عید ایجاب حقک مادونی اولمغله ایجاب
حق وار ایکن ایجاب عبدک اثری ظاهر اوله ماز

میتک تمکفیننی و نمازینی نذرایتکم دخی انلر ذاتاً فروض کفایه دن
اولدیننی و ناذر دخی انلرله مخاطب بولندیفی ایچون صحیح
اوله ماز [ه]

یوز غروشه مالک اولان یک غروش تصدق ایتمکی نذر ایدر سه
انجق یوز غروش لازم اولور .

بشقه سنک ملکی اولان قیون ایچون ، شوقیونی قربان و اتفی ده
تصدق ایتکم نذر اولسون ، دییانک نذری صحیح اولماز کما فی
الدر مع ط .

یرامک ایلک کونلرینک و ایام تشریقک صومنی نذرایتکم قول

[*] عدم صحت نذر دن عدم لزوم . منذور مقصود اولدینی ظاهر در .

مختارده صحیح اولوب [۱] وجوباً افطار و وجوباً قضا اولور [۲]
سنه اورجی نذر ایدن کیمسه دخی ایام مذکوره ده افطار ایدوب
بعده آنلری قضا ایلر ملتق .

اعتاق و اعتکافی و فرض اولمیان نمازی و اورجی و صدقه بی و قربان
کسمکی نذرایتمک صحیحدر . چونکه هپ بونلر جنسندن واجب
بولنان شیردر : کفار ایده تحریر رقبه فرضدر . اعتکافک نظیری
نمازک قعدہٴ اخیرہ سیدر چونکه اعتکاف دخی علی وجه اوجوب
مسک و اقامتدر . همدہ اعتکافده نماز ایچون انتظار دخی مقصود
اولمغله معتکف نمازده او طور یور دیمکدر [۳] . فرض اولمیان نماز
و اورجک نظیری فرض اولان نماز و اورجدر . صدقه نک نظیری
زکاتدر . « خسته مای اولورسه قربان کسهیم » دیو نذرایدن کیمسه
« اتی تصدق ایتمک » جمله سنی زیاده ایتدکجه اکا او نذرایلہ برشی
لازم اولماز . زیرا ذبحک جنسندن فرض اولوب انحق واجب اولان
اضحیه واردر . صدقه نک جنسندن ایسه فرض واردرکه اوده زکاتدر .

[۱] محشینک بیانته کوره بونده منهی عنک ذکر بی تصریح ایله : « صوم
یوم نحری نذرایتدم . » دیمکه : « یارینکی کون صائم اولق نذر مدر . » دیوبده
یارن بیرام اولق بیننده فرق دخی بوقدر . فلا تبعاً بما فی المرأة .

[۲] اگر او کولرده صائم دخی اولورسه عهده دن چیقمش یعنی صومی —
مع الحرمه — کندی نذریته کافی اولمش اولور . قال ابن الدهان :

نذ الناس یوم برئک صوماً * غیر آنی نذرت وحدی فطرا
عالملاً أن یوم برئک عید * لا أری صومه ولو کان نذرا

[۳] جنسبتدن صورنده اتحاد آرا ناماق اوزره مطلق جنسبت مقصود اولدیغنه
باقه رق اعتکافه وقوف بعرفه بی نظیر قیلانلر دخی اولمشدر . کافی ط . مرأه نک
ومملوکک نذر اعتکاف ایتملری صحیح و آنحق ایفاء نذر ایتملری اذنه موقوفدر .
کما یأنی فی آخر شروط الاعتکاف .

ماشياً حجی نذر ایدنه ماشياً حج ایتک لازم اولور چونکه مکه
مکرمه یه قریب اولان قدر تلی یه ماشياً حج لازم اولمخله شرع شریفده
انکده نظیری موجوددر . تنکیم کتاب الحجدده مذکوردر .

قیس بن الملوح العامری که (مجنون) دیو معروفدر :

علیّ اذا ما زرت لیلی بخفیة ۞ زیارة بیت الله رجلان حافیا .

دیشدر .

تصدقی نذرده محل صرف منذور اکا احتیاجی اولان فقرا
اولدیمندن [۱] احتیاجی اولمیانلره نذر اعطاسی جائز اولمدیغی کی ناذره
کمندى نذریله التزامی لازم اولار شی دخی انجق حقاً لله تعالى مشروع
اولاندر .

اموات ایچون اولان نذرك صحتی یوقدر . بناءً علیه اولیاء کرامک
ضرائحنه (مرقدرلینه) یاغ وموم آدامق صحیح اولمدیغی کی بولرك
نذر آچهسنی آلق دخی حلال اولماز [۲]

مکرکه نذر مسذکور شووجهله ایدلمش اوله : یارب اکر بنم
خسته مه شفا ویررسهک (یاخود) غائبی رد ایدرسهک (یاخود)
حاجتمی قضا ایلرسهک سیدمه نفیسه حضرلربنک ویاخود

[۱] لم یثبت فی الشرع جواز الصرف للاغنیاء . ط . وفی القنیة نذر التصدق
علی الاغنیاء لم یصح مالم ینو أبناء السبیل . در مختار .

[۳] نذر مذکورک عدم صحتی وجوه ایلهدر : بری بوکه اونذر مخلوقهدر
مخلوقه نذر جائز اوله ماز چونکه عباددر . بری ده بوکه منذورله میتدر میت ایسه
مالک اوله ماز . بری دخی بوکه اکر ناذر امورده تصرف اومیتک اولق ظننده
ایسه کافردر . ط .

(تیز و برن دده تمبیرینی دوشنملی)

امام شافعی حضرتلارینک [۴۰] تربهلری قیوسنده بولمان فقرای اطعام ایتمک یاخود انلرک مسجدرینه حصیر آلق ویاخود مساجد شریفه لری قنديللارینک ایقادی ایچون زیتون یاغی اشترا ایتمک ویاخود بوکبی امورده باقائلرینه پاره ویرمک نذر م اولسون .

اشته بووجهله ایدیلان نذر اتنی فلان مدرسه ویا تکیه فقراسنه تصدق ایتمک اوزره الله ایچون قربان کسه یم ، دیو ایدیلان نذرکبی هم حقاً لله اولوب همده نفع فقرای متضمن بولندیغی ایچون صحیح اولور . کذا فی ط .

[۴۰] حضرتین مشار الیهما هم مصر ودفین خاک مصر درلر . مشار الیهما ست نفیسه حضرتلری بزم (مشاهیر النساء) ده (نفیسة الطاهرة) نام هالیمه مقیددر .

— أحكام نذر —

(نذر) مطلق و معلق اولمقدن خالی اولماز . بر مکلف نذری صحیح اولان شیلردن برینی مطلق اوله رق نذر ایدوب مثلاً : « ایکی رکعت نماز قیلماق (یا خود) برکون اورج طویق الله ایچون نذر مدر . » دیدیکی تقدیرده انی ادا و ایفا ایتماک کندیسنه لازم (واجب) اولدیغی کبی بر شرطه معلق اوله رق نذر ایدوبده او شرط حصوله کلدیکی و : (مثلاً) جناب حق بکا ارکک اولاد احسان ایدرسه اون فقیری اطعام ایتماک یا خود کسوله ملک نذر ایلسون . دیمش اولوبده ارکک ولدایله سرزوق اولدیغی تقدیرده دخی نذرینی ایفا ایتماک لازم اولور .

آیت کریمه ده [ولیوفوا نذورهم] و حدیث شریفده « من نذر وسمی فعلیه الوفاء بما سمی ، بیورلمشدر .

نذر معلقده اگر حصولی کندنبجه مطلوب اولمیان بر شرطه تعایق نذر ایتماش و (مثلاً) طارغین اولدیغی شخص ایچون : « اگر فلان ایله لقردی ایدرسه برکوله آزادی نذر مدر . » دیمش بولنورسه انکله مکالمه ایتماک ایسته میه رک کندیسنی اکاکلام ایتماکدن منع قصد ایتماش اولمغله لقردی ایتدیگی تقدیرده تعلیقنک ظاهری نذرایسه ده معناسی عین اولدیغندن ایفاء نذر ایله کفارت عین بیننده مخیر اولور [ه] .

[*] صحیح و مفق به . « کفارة النذر کفارة الیمین » حدیثی اشته بومعنایه یعنی شرط غیر مراده معلق اولان نذره محولدر . ص مع ط .

نکستیم ، نذر اواسون که فلانجه ایله لقردی ایتیم ، دیمک دخی ، عهده اواسون ، دیمک کبی محض یمیندر .

بوکا کفارتدن بشقه برشی ترتب ایتمدیکی کبی تعلیق طلاق و تعلیق اعتاق مثلی خصوصاً درده دخی عند حصول الشرط معاق اولان شی بلا تخمیر واقع اولور .

یمینده قبل الحنث [۱] کفارت جائز ایلدیفی کبی نذر معلقده دخی قبل وجود الشرط ایفاء نذر ایتمک جائز اولماز [۲] .

غیر معلق اولان نذر زماناً معین دخی اولسه انی اوزمانک حنولندن اول ایفا ایتمک جائز اولور : فلان کون قوشلق و قی شو قدر رکعت نماز نذر مدر ، دییان کیمسه او قدر رکعت نمازی او کوندر مقدم و یا مؤخر دخی قیله بیلور .

نذرده تعیین زمان و تعیین مکان و تعیین درم و تعیین فقیر

مسئله نذرده اوچ قول وارددر . برنجیسی : منذوره مطلقاً و قادر . بوظاهر روایتدر . ایکنجیسی : مطلقاً تخیردر . بویاندر روایتدر . اوچنجیسی : اگر کندنجه مطلوب اولان برشرطه تعلیق ایتمش ایسه آنک حصولنده نذرک ایفاسنه و اگر مطلوب اولیان برشرطه تعلیق ایتمش ایسه آنک حصولنده ایفاء نذر ایله اداء کفارت بیننده بخیر اولسنه دائر اولان تفصیلدر . بو قول امام محمددر . امام ابو حنیفه حضرتلری دخی موتندن یدی کون مقدم آ کا رجوع ایلمشدر . ط علی الدر .

[۱] (حنث) برک ضدیدر که یعنی محافظه (بر) و بوزمغه (حنث) تعبیر اولنور . ایسکیسی دخی مکسور الاولدر . (حنث) برده کناء معناسنه در . قال تعالی (وکانوا یصرون علی الحنث العظیم) یعنی الشریک . قال فی الکشاف : ومنه قولهم بلغ الغلام الحنث أى الحلم ووقت المؤاخذه بالمآثم .

[۲] شوعلت بندن کیدرسه دیو نذر ایدن کیمسه به علت کیدوب صکره یتنه عودت ایلرسه یرشی لازم کلز . ط .

ملغادر [۱]: شعبانی صائم اولمغی نذر ایدنه رجب یاخود شوالی صائم اولمق [۲] ومکه مکر مده یاخود مسجد نبویه ویا مسجد اقتصاده اداسنی نذر ایلدیکی صلات نفلی مصرده قلیمق [۳] وشو درم ویا دیناری صدقه ایتمک نذر اوسون دیو تعین ایلدیکی درم ویا دیناره بدل بشقه بر درم ویا دینار تصدق ایلک و فلان فقیره ویرمک نذر مدر دیدیکی دیگر بر فقیره ویرمک جائزدر .

ملککنده موجود اولان رقبه نک (کوله ویا جاریه نک) آزادینی نذر ایدن مکلف انی ایفا ایتمک کندیسنه لازم و آزاد ایتمزایسه آثم اولور [۴] . ایفاء نذر تحت حکمه کیرمدیکی ایچون قاضی اکا جبر ایدمهز . درمختار .

الغاز فقهیه مزدن :

مسئله: آبلک اولندن و آخرندن علی التوالی برر کون

[۱] لان النذر ایجاب الفعل فی الذمة من حیث هو قرابة لاباعتبار وقوعه فی زمان ومكان وفقر . وتعیننه للتقدير به أو التأجیل الیه . ص . (کوله وتعیننه) ای الزمان . و یقاس علیه الباقی ط .


[۲] شوالده صائم اولدیغنه کوره صومه يوم فطردن صکره باشلار و آنی قضا ایدر .

[۳] چونسکه صحت اعتبار قربت ایلدر ، اعتبار مکان ایله دکادر . زیرا صلات جمیع بدن ایله تعظیم الاهدو . بو معناده امسکه نک هسی بر در . کرچه فضیات متفاوتدر : حدیث شریفده وارد اولدیغی اوزره غاز قلیمق ورمضان طوعی واعتکاف چیقارمق ایچون مسجد اقصی مساجد سائر مدن و مسجد شریف نبوی مسجد اقتصادن و مسجد حرام مسجد شریف نبویدن بیکر درجه افضلدر . ص معط واعتکاف ردالمختار .

[۴] اثم ترك الواجب أو الفرض . ط علی الدر .

اورج طوتمق نذریم اولسون دین کیسه نه یاپمایدیر؟ جواب : اون بشنجی و اون التنجی کوالری طوتملیدر .

مسئله : « فلان ایش اولدیغی کون اورج طوتمق نذریم اولسون ، دیو برخصوص تعیین ایدرک نذر صومی اکا تعلیق ایتمش اولوبده کونک برنده اوخصوص وقوعه کلش اولدیغی واکون رمضان ویرام اولدیغی [ه] حالدہ انک او اورجی طوتمسی لازم کلین مکاف کیمدیر؟ جواب : اول قادیندرکه نذرینی کندی عادتق کوره چکی کونه تعلیق ایتمشدر . صومی قبول ایتمین برکونه مضاف قیلدیغی ایچون نذر صحیح اولمامشدر .



[*] رمضانق نذر ایتمه نک حکمی یوقدر . بیرای نذرایدنک نذری صحیح و افطار وقضا ایتمسی لازمدر . کما مر فی آخر الصفحة ۹۰ .

— باب الاعتکاف —

(اعتکاف) حبس و منع و بر شیشه اقبال و ملازمت معنای اولان و معنای اولده بنفسه و معنای ثانیده حرف جر ایله متعدی [۱] و باب اول و ثانیدن مستعمل بولان عکف و عکوف مصدر لرندن ماخوذ افتعال اولوب نفسی — قصد طاعتله — مسجدده حبس ایتماک معناسنه در .

علی الاکثر اورجسز اولدیغی ورمضان شریف اوآخرنده مسنون بولندیغی ایچون اعتکاف مسائلی کتب فقهیه ک کتاب الصومنه کچمشددر . حتی وقایه ده د اعتکاف : صائمک انی نیت ایدرک مسجد جماعتده مکث ایتمسیددر . د یو تهریف اولمشددر .

فاعله (معتکف) یاخود (عاکف) دینور .

(اعتکاف) ارککه کوره اذان اوقنوب اقامت آنور یعنی جماعتله بش وقت نماز قیلانور اولان جامع ایچنده [۲] وقادینه کوره خانه سی مسجدنده — که نمازگاه اتخاذ ایتدیکی او طه سنده ویا کوشه سنده دیمکدر — نیت اعتکاف ایله مکث واقامتدر .

(اعتکاف) مشروددر و مشروعیتنه کتاب و سنت دلیلدر . کتاب کریمده [ولا تباشروهن وانتم عاکفون فی المساجد]

[۱] قال تعالی [والهدی مکوفاً] أي محبوساً منعه الکفار سنة ست فی الحدیثیه من [أن يبلغ محله] وهو الحرم . وقال سبحانه [یسکفون علی أضنام لهم] أي یقبلون علیها بطریق المواظبة لعبادتها . وقرئ بضم الـکاف وکسرهما .

[۲] تاکه بش وقت نمازی جماعتله قیله بیلسون .

بیورلمشدر . بو قول کریم مفہوم منجہ اعتکافک قُرب و عباداتہ مختص اولان مساجدده ایقاعی و مباح اولان وطئک معتکفدن نہی اعتکاف ایچون دلیل قربت و مشروعیت اولدیغی کبی [۱] حضرت عائشہ و ابو ہریرہ رضی اللہ تعالیٰ عنہما نیک روایتلری اوزره نبی اکرم صلی اللہ تعالیٰ علیہ وسلم افندمز حضر تلرینک مدینہ منورہ لرینہ دخول لرندن (یعنی صومک فرضیتندن) آخر عمر لرینہ دکین عشر اوآخر رمضان تده اعتکاف ایتمش اولدقلری دخی مشروعیت اعتکافہ سنہ دلیلدر .

بو مواظبت سنیه [۲] اکر صحابہ دن اتی ترک ایدلری عدم انکارہ مقرون اولسه علی حدۃ ہر کس حقنہ دلیل وجوب اولور اییدی .

(اعتکاف) امام زہرینک تعبیری و جملہ اشرف اعمالدر چونکہ معتکف — صائم اولقلہ برابر — منتظر صلات اولدیغیچون ہمدہ دائم صلاتدہ دیمکدر تکیم حدیث نبوی ناظرہدر . صلات ایسہ حالت قرب و انقطاعدر .

اعتکافک : افسامی ، شروطی ، سببی ، رکعی ، حکمی ، صفتی ، آداب و محاسنی و مفسدات و محظوراتی واردر .

[۱] (أن طهرا بقی للطائفین والعاکفین) قول کریمندن و حضرت زکریا و مریم — علیہما السلام — قصہ لری حقنہ کی آیات کریمہ دن اعتکافک شرعی قہیم اولدیغنه دخی استدلال اولور .

[۲] أزواج طاهرات دخی عصر سعادتن باشلاہرق کندیلرندن صکرہ دخی مواظب اعتکاف اولمشدر .

و أمر علیہ السلام . رة بنزع قبته غضباً لقبب نسائه ثم قضی فی شوال کافی ط . وهو مذکور فی صحیح البخاری .

اعتساکف اقسامی : واجب ، سنت ، مستحب اولمیسدر [۱] .
 (اعتساکف) نذر اولنورسه (واجب) و رمضان شریفک عشر
 اواخرنده (سنت) و بولردن ماعداده (مستحب) اولور .
 بولردن قسم اول و ثالث ایچون زمان معین اولیوب بر کیمسه مثلاً
 حصول مطلوبنه تعلیقاً و یا خود — هیچ بر شینه تعلیق ایتها مکه —
 تنجیزاً نذر ایدرک اعتساکفی نه وقت اولسه ایستدیکي قدر مدتله نفسنه
 واجب قیله بیلدیکي کبی بلانذر نیت اعتساکف ایله بر جامعده بر مدتجک
 نافله دخی معتسکف اوله بیلور .

قسم ثانی انجق رمضان شریفک یکر میسندن اعتباراً صوکنه قدر
 اولور . بناءً علیه انک وقتی ومدتی معین بولنور .

قسم اول ایله قسم ثالث ارسنده دخی بر فرق واردرکه قسم اول
 اولان اعتساکف واجب — انده اورج شرط اولدیغندن — برکوندن
 اکسیک اوله ماز . بوجهته انکده مدت اقلی معین دیمکدر . قسم ثالث
 اولان اعتساکف نفل عشر اخیر رمضان اولماق اوزره هر نه وقت
 اولور و هر نه مدت طوریلور ایسه اوله بیله چکندن انک نه وقتی و نه
 مدتی معین دکلدر . حتی جامعده کیرن کیمسه — کیچه دخی اولسه —
 چیقنجه قدر اعتساکفه نیت ایدرسه اوراده قالدیفی مدت نافله معتسکف
 اولور و جامعندن چیقنجه قدر اعتساکفی نهایت بولور [۱] .

[۱] (مستحب) و تعبیر دیگر ایله (مندوب) سنت غیر مؤکده دیمکدر
 تسکیم کتاب الطهاره ضرده تعریف اولمشدر . باب اعتساکفده قسم مستحبه نفل
 نامی دخی ویرلمکده درکه مراد واجب و — مؤکداً — مسنون اولبان دیمکدر
 [۲] حتی ایسکی جهته قبولی اولان جوامع شریفه دواخلی بول ایدنک

اعتکافک شروطی : نیت و مسجد جماعت و اورج و حیض و نفاسدن
طهارتدر .

بولردن نیت [۱] شرط عامدرکه نیتسز هیچ بر اعتکاف اولماز .
نفسنه اعتکافی واجب قبلق ایستین کیمسه نیت قلبیه ایله اکتفا
ایتمیوب انی اساناً دخی سویله مک کرکدر . هندیه .
نطقسز نذر اولماز چونکه نذر نیت کبی دکل متعلقات لساندندر .
نیتک ایسه محلی قلبدر . ص .

مسجد جماعت قسم واجب وسنت ایچون ارکهکه شرطدر [۲] .
اعتکافک افضلی مسجد حرامده و بعده مسجد شریف نبوده و بعده
مسجد اقصاده اولاندر (۶۶ نجی صحیفه نك هامشنه باقکز) .
جوامع سائرده کی فضیلت جماعتک کثرتنجه متفاوتدر .
صوم دخی منحصراً قسم واجبده شرطدر [۳] . اعتکاف

جائز اولمدیغی حالده طهارت اوزره کلوب کچمک ایچون چاره شرعی بودر . یعنی
اعتکافی نیت ایله ککدر .

[۱] بونکه اشترط عقل واسلامه حاجت قالماشدر . چونکه مجنون و کافر
اهل نیت دکلدردر . کما فی البهر .

[۲] قادین خانہ سی داخلنده کی نماز کاهنده اعتکاف ایده جکندن هر ایکسینه
شامل اولق اوزره اعتکافک شرطی : « مسجد مخصوصده اولق » دینیلور .
اگر قادین خانہ سی داخلنده کندیسنه نمازگاه تعیین ایتماش ایسه آنک اعتکافیده
صحیح اولماز . تسکیم ارکک ایچون دخی مسجد جماعتک غیریده واجب و مسنون
اولان اعتکاف صحیح اولماز .

مع الجماعه اداء صلوات خمسہ انتظار اولنق مزیتی حاصل اولمدیغی ایچون
برام و جنازه نماز کاهنرنده دخی اعتکاف ایده مز . کما فی القهستانی .
[۳] ولیس شرطاً فی النفل لقوله صلی الله تعالی علیه وسلم : لیس علی المتکف
صیام الا أن یجعله علی نفسه ، ومبني النفل علی المساهلة ، ص .

واجب صوم واجب ایله اوله جغندن صوم تطوع ایله صباح لادیغی کون اعتکاف ایتمکی نذر ایتمکله اعتکاف ایتمش اولماز . هندیه .

اعتکاف مندرده صوم مشروط اولدیغنه معنی برکیجه نك [ه] یاخود اکل و یا شریده الخ بولندیغی بر کونك اعتکافی نذر ایلمک نذری معتبر اولماز . و بر آی بلاصوم اعتکافی نذرایدنه هم اعتکاف و هم صوم واجب اولور .

اعتکاف رمضان نذر ایدنك نذری صحیحدر . اوکیسه رمضان صائم اولوبده اعتکاف ایتمسه بر آی متتابعاً اعتکاف ایدوب صائم اولق لازم کلور . اعتکاف ایتمیوب رمضان دیگر حلول ایدرک معتکف اولسه نذر اعتکاف سببیه صوم ذمه ده دین اوله رق مقصود بالذات اولدیغنه و مقصود بالذات اولان بغیره تأذیه اولنه میه جغنه بقاء انك او اعتکافی کافی اولماز نتکیم بر آی اعتکافی نذر ایدوبده رمضانده معتکف اولانك اعتکافی دخی کافی اولماز . اورج نذر ایتدیکی آیده افطار ایدوبده صکره بر آی اورجنی مع الاعتکاف قضا ایتمه اولور . یا لکز بر کونك اعتکافی نذرده کیجه داخل اولمه بیلور ایسه ده بردن زیاده کونك اعتکافی نذر ایتمکده کیجه لردخی - نية تخصیص واستثنا ایدلمدیکی تقدیرده - داخل نذر اولمش اوله جغندن جامعه ايلك کیجه ده قبل الغروب کیروب صوك کونده بعد الغروب چیقمتی لازم کلور . کیجه لری بالاستثناء یا لکز کوندلری اعتکاف ایتمک اوزره نذر ایلک دخی صحیح

[*] مکرکه لیل و نهراً دیو کوندزیه برابر کیجه نك اعتکافی نذر ایتمش اوله . کافی ص .

و یا لکز کوندزلی معتکف اولمق لازم اولور [۱] . یا لکز کیجه لک
اعتسکافی نذرا یتمک کیجه اورج طو تیله مدبغی ایچون صحیح دکلدر .
وجوب اعتسکافده کیجه داخل اولدیغنه کوره اعتسکافی متفرقاً
ایتمک جائز و کیجه ل داخل اولدیغنه کوره اعتسکافده تتابع لازم در [۲]
بناءً علی هذا بعینه یا خود بغیر عینه بر آی یا خود او توز کون
اعتسکاف ایتمکی نذرا یلین کیمسه یه علی النوالی اعتسکاف ایتمک لازم
کلور [۳] .

یوم معینک یا خود شهر معینک اعتسکافی نذر ایدن کیمسه او کوندن،
او آیدن مقدم اعتسکاف ایتمه یا خود مسجد حرامده اعتسکافی نذر ایدن
بشقعه بر جامعهده اعتسکاف ایلمه جائز اولور [۴] .

کچمش بر آیک اعتسکافی نذر معتبر دکلدر [۵] .
حال صحتنده بر آی اعتسکافی نذر ایدوبده ایفا ایتمیه رک

[۱] نية تخصيص ما دون الشهر حقه جاری اوله ییلور . (شهر) زمان
مقدوره اسم اولمله آنده استثنای تصریح ایلمه کیجه نیت تخصیصک تأثیری اولماز . کافی ص
[۲] (اعتسکاف) صوم کی اولیوب متصل الأجزاء بولند ییچون آنک اطلاق
تتابعی تصریح حکمنده در . تفرق تصریح ایلمه کیجه تتابع ساقط اولماز . (صوم)
ایسه کند یسنه محل اولیان لیل اکا تحلل ایتمکله نفسنده متفرق الاجزاء در بناء
علیه صومک نذریده تتابع — تصریح اولمده کیجه — لازم اولماز کافی ص .

[۳] لکن زوجة نك لاعلی التعین بر آی اعتسکافی نذر ایتمسند زوجه نك
مانع نوالی اولمق حق واردر . کما یأتی بیانه .

[۴] احکام نذرک او اخیقی اوقه یکز .

[۵] لزوم نذرک شرط رابعه باق کز .

وفات ایدن کیمسه هر کون ایچون بر صدقه فطر وصیت ایتمک لازم کلور .

خسته اولدیغی حالده بر آی اعتسکافی نذر ایدوب ای اوله میهرق وفات ایدن کیمسه یه برشی لازم کلز .

صوم ، اعتسکاف مندرده مشروط واعتسکاف مسنونده ذاتاً موجود اولوب حیض ونفاس صومه منافی اولمغله طائفه نسایه کوره انلردن طهارت دخی شرط صحیدر .

اعتسکاف نفله [۱] صوم مشروط اولمدیغندن انلردن طهارت شرط جواز وحلا ایتدر .

جنبتک صومه منافی اولمدیغندن اندن طهارت اعتسکاف واجبه بيله شرط دکدر (معتسکف جامع ایچنده محتمل اوله بیلور) .

اعتسکافده بلوغ شرط اولمدیغندن صبی میزک اعتسکافی صحیحدر .
ذکورت و حریت دخی اعتسکاف ایچون شرط صحت دکدر .
قادینک قوجه سی واریسه انک ، و خانمک و یا افندیسنک اذنیله کوله و جاریه نك اعتسکافلی صحیحدر .

زوجه سنک اعتسکاف ایتمسیچون زوج اذن و یرد کدن صکره منع ایتمک بو قدر [۲] . افندی بعد الاذن مملوکنی منع ایده بیلور . انجق او منعندن طولانی اسامت ایتمش اولور [۳] .

[۱] مقصود واجب و مسنون اولیان قسم مستحیدر . کما مرث الاشارة الى هذا الاصطلاح .

[۲] ایتمه ده صحیح اولماز . هندیه . زوجه یه و یریلن اذن منافعی کندیسنه تملیک دیمک اولوب اودخی اهل ملک بولمغله آندن رجوع اولنه ماز . أفاده ط .
[۳] اذن و یرلر مملوکه منافق نفسی اعاره ایداش دیمک کدر . آندن رجو

مرأهك و مملوكك نذراعتكاف ایتملری صحیح ايسه ده ایفاء نذر ایتملری اذنه موقوف اولدیغندن اذن آلمیه رق اعتكافی نذر ایدن قادینی زوجی اندن منع ایده بیلور . مملوكك دخی نذرینه مالکی مانع اوله بیلور .

یا رضا الیله و یا خود زوجہ بائنأ مطقة و کوله و یا جاریہ معتق اولدقدن صکره ایفاء نذر ایدرلر .

بر آی اعتكافه اذن و یرن زوجك زوجہ سی علی التوالی اعتكاف ایتك معین بر آیك اعتكافنه اذن و یرمش اولق صورتندہ زوجہك علی التوالی اعتكاف ایتمسنه زوج مانع اوله ماز . ہندیہ .

اعتكافك مسبی : منذوره کورہ نذر در . منذورك غیر یہ کورہ طلب ثوابہ داعی اولان نشاطدر .

اعتكافك رکنی : مسجد مخصوصده مکشدر [۲] . نقلہ کورہ

ہانکی جامعہ اولورسہ اولسون ولومدت یسیرہ ظرفندہ و حتی ماشیا حصولہ کلمش بولنسون [۳] .

اولہ بیلور . معیر ایچون رجوع واردر . شوقدر کہ خلف وعد اولدیغیچون مکروہدر . أفاده ط . مکاتب ایچون بلا اذن اعتكاف ایتك واردر . وافندی انی منع ایدہ مز . ہندیہ . چونکہ مکاتب تصرفاتندہ حرکییدر .

[۱] هذا ما استدرک مما سبق من لزوم التتابع في الاعتكاف .

[۲] « مسجد مخصوص » تعبیری مسجد جماعتدن اعم اولورق قادینلرک خانہ داخلندہ کی اعتكافکارینہ دخی شامل اولق اوزرہ اختیار اولمشدر . کما فی الاصل وقد تقدم فی هامش الصفحة (۱۰۱) .

[۳] کما قد عرفت تقدم فی آخر هامش الصفحة (۱۰۰) . قال المحمدي : لانه لا بد فيه من لبث ولو قليلاً بين الخطوات .

اعتکافک حکمی : نیل ثوابدر . ثواب متفاوتدر . منذورده سقوط واجب دخی حکم اعتکافدر .

اعتکافک صفی : علی الکفایه سنت مؤکده اولمسیدر [۱] .
اعتکافک آدابی : انجی خیر سوبله مک [۲] واعتکاف مسنونی فوت ایتماک وجوامعک افضلانی [۳] ویاجماعه اکثرینی اختیار ایتمک و ذکره و قرآن کریم تلاوته و حدیث و سیر قراءتہ و حکایات صالحین مطالعہ سنہ و دینیات کتابتہ مداوم اولمقدر .

اعتکافک محاسنی : بی احصادر [۴] . معتکف قلبی امور دنیا دن تفریغ و نفسنی مولایه تسلیم ایله ملازم باب کریم اولمش و مکر عدودن انک حصن حصینہ صیغمنش و لسان حال ایله : ربم بنی مغفرت ایتمدکجه بن بوقهردن آیرلمام دیمش اولور [۵] .
اعتکافک مفسداتی : مسجد مخصوصدن بلاحاجه خروج و وقاع و انک دواعیسی و جنون و اغواء (بایبلمق) در .

[۱] آنی ترک ایدن بلده اهلایسی اسامت ایتمش اولور لر . قہستانی .
[۲] کناد اولیان سوزی سوبله مکده بأس بوقدر .
[۳] یوزبرنجی صحیفه یه بافسکز . بوده ارککه کوره در . قاه بن حنفده فضیلت خانہ یه ملازمدر .

[۴] و محاسن الاعتکاف ظاهرة فان فیہ تسلیم المعتکف کلیتہ الی طاعة الله تعالی لطلب الزلفی و تبعید النفس عن شغل الدنيا التي هي مانعة عما يستوجبه العبد من القربی . ولهذا کره احضار السلع فی المسجد . ومن محاسنه أيضاً اشتراط الصوم فی حقہ والصائم ضیف الله فالایق به أن یكون فی بیت الله . جوهره .
[۵] واللائق بمالك المنزل اکرام نزله تفضلاً . وفي الحديث الآلهی : من تقرب إلى ذراعاً تقربت الیه باعاً ومن أتانی یمشی أتیتہ همولة . ص ، ط .

معتسککف الکلی و شرعی و نوی و محتاج اولدیغی شی ایچون [۱]
عقد بیع ایتمسی مسجده اولور .

اگر بونلر ایچون چیقارسه اعتسکافی قالمیوب بوزیلور [۲].
معتسکف بولندیغی مسجده حاجت شرعیه و یا طبیعیه یا خود
حاجت ضروریه نك غیریده چیقاماز .

(حاجت شرعیه یه مبنی خروج) : معتسکف بولندیغی مسجده
جمعه نمازی قیلنور اولمامغله انی سنلریله برابر قیله بیلک ایچون بشقه
برجامه و یا خود اذان اوقودق ایچون مسجد خارچنده بولنان
مناره یه چیقمقدر .

(حاجت طبیعیه یه مبنی خروج) : بول و غائط و ازاله اخبار
و أحداث [۳] ایچون چیقمقدر .

(حاجت ضروریه یه مبنی خروج) : ایچنده بولندیغی مسجده
کرها چیقارلق و یا خود نفسی و یا متاعی حقهده خرف اوزره اولق
سبیلله بشقه برجامه انتقال ایچون چیقمقدر .

ذکر اولنان حاجتک غیریده [۴] معتسکف مسجده چیقمقله

[۱] لنفسه اولعیاله . ص . فلولتجارة کره . درمختار .

[۲] وقیل یخرج بعد الغروب للاكل والشرب . ص .

[۳] بوتعبیرلر ایچون کتاب الطهاره مزه باق کز . غسل ایتک و آبدست آلق
حاجت شرعیه دن ایسه ده آنلر سبیلری اعتباریله حاجت طبیعیه دن عد اولمشدر .
اغسسالک دخی سبی احتلام اولق لازمدر . چونکه وطء مفسد اعتکافدر . أفاده ط .

[۴] ولوکه عیادت مریض و یا جنازه یا خود آنک نمازی و یا خود تخلیص
غریق و یا حریق و یا اداء شهادت ایچون چیقمش اولسون . هنديه . ولوکه
اداء شهادته وصلات جنازه یه کندیس متعین بولنسون . زیلعی .

اصلده متعین اولدیغی شهادتک اداسی حاجت ضروریه اوله رق مذکور

اعتکاف فاسد اولور [۱] .

وقت نذرده عیادت مریض و صلوات جنازه و حضور مجالس علم ایچون خروجی شرط قیلا رسه انلر جائز اولور . در مختار . قال فلیحفظ [۲] . حاجت طبیعیه ایچون چیقوبده عیادت مریضه و صلوات جنازه یه کیدرسه بولر کندینک مقصودی اولمیه رق وقوعه کلبش اولدیغنه کوره جائزدر .

حاجت مذکوره ایچون چیقوبده اندن فارغ اولدقدن صکره مکث ایتیمک کبی دکلدرکه انده عند الامام اعتکاف منتقض اولور . ط علی الدر . والله يعلم المفسد من المصلح .

اثناء اعتکافده وقاع — هر فصل اولسه — مفسد اعتکافدر : کرک عمداً ، کرک ناسیاً و کرک لیلاً و یانهاراً اولسون و انزال کرک واقع اولسون و کرک اولسون .

انک دواعیسی — که لمس و تقبیل و معانقه و ملاعبه مثلی اولان مقدماتیدر — انزالی انتاج ایدرسه مفسددر [۳] .

بولنش اولوب محشی : « فیه ان هذا من الحوائج الشرعية » . دیمدر . فلینظر . [۱] وقال ان خرج اکثر اليوم فسد والا فلا . ص . و لو خرج لبول أو غائط فحبسه الغريم ساعة فسد اعتکافه عند ابی حنیفة و عندها لا یفسد . قال الامام السرخسی قولها أسیر علی المسامین . هندیه .

[۲] هذا علی قول الامام . وأما علی قولها فالامر أوسع . ط علی الدر . [۳] اعتکافکاهده احلام مفسد اعتکاف اولدیغی کبی مجرد نظر و تفکر ایله وقوعه کلن انزال دخی مفسد اعتکاف دکلدر . هندیه .

غسل ایتیمک مسجدی تلوث ایتیهرک ممکن اولورسه آنده بأس یوقدر . والا چیقوب غسل ایدرک مسجده عودت ایدر . جامع ایچنده ابریق ایله

قطع تتابع ایتمدکجه نفس جنون واغماء بلاخلاف غیر مفسد اعتسکافدر .

اگر معتکف کو لرجه بایغین و یا بجنون اولورسه اعتکافی فاسد اولوب افاقت بولدیغنده اعتکافی استیناف ایتمک لازم کور .

سنه لرجه بجنون قالوب صکره افاقت بولورسه قضا ایدر .
معتوه اولوبده برقاج سنه صکره افاقت بولانه دخی قضا لازم اولور . هندیه .

اعتسکافک محظوراتی — مکروهاته دخی عام وشامل اولوق اوزره بمنوعاتی دیمکدر — وقاع ومقدماتی ومسجدته تجارت ایچون امتعه احضاری و عبادت اعتقادیله سکوت وما لایعنی کلامدر [۱] .
عبادت اعتقادیته مقارن اولمیان سکوت مکروه اولماز . معاصی^۲ اساندن سکوت اعظم عبادتدندر . هندیه [۲] .
اعتکافی سباب وجدالی افساد ایتمز .

محظورات اعتسکافدن اولان خصوصاتده عمده ونسیان ولیل

آبدست آلق دخی بوتفصیل اوزره در . هندیه . (بونلر خالی ویا حصیر ایله پوشیده اولان بزم جوامع شریفهده تصور اولنه ماز .)
[۱] قادینه کوره مسجد جماعتهده اعتکاف ایتمک دخی محظوراتدندر . نف
[۲] خیرسز سوز ایتمک معتکف اولمیان جائز دکدر . معتکفه آنک عدم جوازی اولوبته در . حدیث مریفده « رحم الله امراً تسکلم فغم أو سکت فسلم » بیورلشددر . بنابرین خیرسز سوز مکروهدر . عند الحاجة مباح اولان سوز خیر اولوق ظاهردر . حاجت یوق ایسه دکدر . مباح اولان کلامی ایتمک اوزره جامعه کیروب قوشمق آتشک او طونی اکل ایتمسی کبی اکل حسنا بایدیچی برمکروهدر . نماز ایچون کیروبده کلام مباح دخی ایدرسه بویله دکدر . ص مع ط . قال : وبمضهم أطلق .

ونهار اختلاف ایتمز : وقاع و بلا حاجه خروج کبی که بونلر هر فصل
ونه وقت اولسه اعتکافی افساد ایدر .

محظورات صومدن اولان خصوصانده عمد و نسیان و لیل و نهار
مختلفدر : اکل و شرب کبی که بونلر نهاراً و عمداً اولدقجه صومی افساد
ایتمز [*] .



[*] . متکف لیلًا مسکر ایچمک و یا مال غیر ییمک کبی محظور دینی
ارتکاب ایله فاسد الاعتکاف اولماز . کذا فی الفتاوی العالمکبریة .

— باب —

— صدقة الفطر [۱] —

بوابك مسألي : صدقة فطرك حقیقتنه ، صفتنه ، جنسونه ،
مقدارینه ، حکمنه ، سببنه ، مصرفنه ، وقت وجوب واستحبابنه دائر در .

صدقة فطرك حقیقتی : متضمن مؤنت بر عبادت اولمسیدر [۲] .
(صدقه) تسمیه اولنسی وصائم ایچون طهره اولمی [۳] واداسنده
نیمک مشروط بولنسی انک عبادت اولمسی ارامه ایدر .

انده معنای مؤنت دخی بولندیغندن عبادات مالیده مشروط
اولان کمال اهلیت شرط قیلنما مشدر . غنی اولان صبی و مجنونک مالنده
مترتب اولور [۴] .

(صدقه) : اعطاسیله عندالله مشوبت قصداولنان عطیه در .

[۱] وظائف مالیه ذن اولق اعتباریله صدقه فطری فقها کتاب الزکاة آخرنده
ذکر ایشملردر . ترتیب طبیعییه مراعاة بز آنی بورایه آلدق .

[۲] مؤنة ومأونة برکیمسه نک سدرمق ایدجک قوت وزادیدر .

[۳] (طهره) ضم طاء وسکون هاء ایله پاکلک معناسنه اسمدر .

[۴] مرآندم بوبله مذکوردر . « طهره صائم » تعبیری حدیثدن مأخوذ درکه
جامع صغیره حضرت ابن عباس روایتیله مذکور اولان بر حدیث شریفده :
« زکاة الفطر طهره للصائم من اللغو والرفث وطعمة للمساكين من أداها قبل
الصلاة فهي زکاة مقبولة ومن أداها بعد الصلاة فهي صدقة من الصدقات »
بیورلشدر . طهره صائم دیمک صائمندن حال صومنده واقع اولان لوث نقصیرات
ایچون پاکلک دیمکدر .

مضاف الیه واقع اولان (فطر) دن یوم فطر مقصود درکه او کونک صدقه سی دیمکدر . (زکاة الفطر) دخی دینور [۱] . بواضافته انک اوکون کچیرلمیه رک ادا اولنسنه تشویق واردر [۲] . صدقه فطرک صفتی : مالک نصاب و یا مالک قیمت نصاب اولان هر حر مسلم مکلفه وجوب موسع ایله واجب اولمیدر .

نصاب : هر شینک اصل و مرجعی معناسنه اوله رق عرف شرعه اساس غنا عدا اولنان مقدار مال اطلاق اولنورکه کوشه کوره ایکیوز درهمدن عبارتدر [۳] .

دیندن و حوائج اصلیه دن فارغ و فاضل اوله رق او مقدار مال عیناً و یا قیمة مالک اولان کیمسه غنی عد اولنوب کندیسنه احکام اربعه تعلق ایدر :

[۱] صدق و اخلاص ایله ویرلیدیکی و یا خود متصدقک مثوباته صدق رغبتی اظهار ایلدیکی ایچون (صدقه) تسمیه اولمشدر . تکمیل زوجک زوجیه صدق رغبتی اظهار ایتدیکندن طولانی مهر معجله (صدق) دینلشدر . (زکات) تعبیرنده معنای طهره ملاحظدر . آکا (زکاة رمضان) و (زکاة الصیام) هخی دینلیدیکی جامع صغیر شروحنده کورلشدر .

[۲] ولم یقل صدقة الرأس (أى مع كونه من إضافة العیء الى سببه كما هو الاصل) تحریضاً على الاداء فى يوم الفطر اذا المراد به يومه کيوم النحر لا الفطر اللغوی لحصوله فى كل ليلة . ط على الدر بزياة .

[۳] نصابک اشتراطی شونک ایچوندرکه صدقة فطر « أغنوهم فى هذا اليوم عن المسئلة » حدیث شریفنه بناءً آنجق اغناء فقیر ایچون واجب اولمشدر . اغنا ایه غنا سز اولساز . غناء شرعی دخی نصاب ایله مقدردر . دیندن و حوائج اصلیه دن فارغ و فاضل اولسنگ اشتراطی مستحق بالحاجة اولان مال ، معدوم کی اولمیدنددر . بوابده نساء و حولان شرط دکلدز . کما فى البحر . او و او اشیاسی و البسه و آت و سلاح و خدمت کوله و جاریه سی حوائج اصلیه دندر .

۱ وجوب صدقهٔ فطر ۲ وجوب اضحیه ۳ وجوب نفقهٔ اقارب
۴ حرمت اخذ صدقه .

صدقهٔ فطر درت جنس شیدن واجب اولور : بغدادی ، آریه ،
قوری خرما ، قوری اوزوم .

مقدار آتی و جمله بولردن و یا قیمتلرندن ویریلور .

صدقهٔ فطرک مقداری : بغدادین یا خود بغدادی اولندن و یا انک
سویقندن [*] یارم صاعدر .

آریه دن و قوری خرما و یا قوری اوزومدن بر صاعدر [**] .

(صاع) : بر اولچکدر که رطلی عراقی ایله سکر رطلدر . بر (رطل
عراقی) وزناً یوزاوتوزدرهم اولمغله بر (صاع) : بیک قرق درهمدر .
نصفی : بشیوز یکرمی درهمدر .

بولرک قیمتنی (بدل نقدیسنی) ویرمک دخی جائزدر .

بوللق اولوبده فقیرک محتاج الیمی موجود اولدیغی زمانلرده قیمت
ویرمک — حاجات متنوع اولدیغی و نقدایسه قضاء حاجاتده اسرع
بولندیغی ایچون — افضلدر .

زمان قحط و شدتده عین اعطاسی آقچه اعطاسندن افضلدر .

[*] (سویق) قاود تعبیر اولنان نمنه یه دینورکه اون یاخود حبوب
قاوردلقدن صکره نفخ و — ریحنی تقلیل ایچون برقاچ دفعه صیجاق صـو ایله
بعده صفوق صو ایله — غسل اولتور . بدویلرک اکثری زادراهلریدر .
طغارجفه باصوب یولده آنکله آزیقلانورلر . میوه لرک سویق بعد التجهیف
قاوروب سحیق ایله سکه اولور . (اوقیانوس) .

[**] قوری اوزومی قوری خرما کی عند ایتمک امامین قولیدرکه اوده
حضرت امامدن برروایتدر . مفتی به اولانده بودر . روایت اخراده قوری
اوزوم بغدادی کییدر . ط .

صدقه فطرك حکمی : دنیا ده عهده واجبدين خروج وعقباده
ثوابه وصولدر .

صدقه فطرك سببی : مکلفك کندی نفسی و ولایت کامله مطلقه
ایله کندی نك تحت اداره و ولایتنده بولمان کوله و جاریه سی و صغیر
فقیر اولان چو جقاریدر [۱] .

مکلف مالک نصاب هم کندی نفسی همده نابالغ و بیمال بولمان
چو جقارلی و تجارت ایچون دکلده [۲] استغراش و یا خدمت
ایچون اولان جاریه و کوله لری ایچون صدقه فطر ویرر . بملوکی
ولو غیر مسلم یا خود مدبر و یا ام ولد اولسون [۳] .

پدری و والدہ سی ایچون ویرمدیکی کبی کندی زوجه سی [۴]
وولد کبیری ایچون دخی ویرمز ولد صغیرینك دخی کندی مالی
اولدیغنه کوره صدقه فطربنی انك کندی مالندن ویرر .
صدقه فطرك رکئی : انی مصرفنه تادیه دن عبارتدر .

[۱] للحديث : « أدوا عن تمونون » وما بعد عن يسكون سبباً لما
قبلها ۱۱ بحر .

[۲] تجارت ایچون اولان کوله و جاریه صدقه فطری یوقدر . کما فی المتن
وغیره .

[۳] عبد مکاتب ایچون صدقه فطر ویرمك آنده و لایق اولدیغندن افندییه
واجب اولدیغی کبی مکاتبك کندیسنده واجب اولماز . چونکه انده اولان
افندیستکدر . عبد مفترکه دخی شریکاردن همیرینك و لایق قاصر اولقله صدقه
فطر هیچ برینه واجب دکلدر . کما فی ط . وفيه خلافها راجعه ان شئت .

[۴] زید زوجه سی هندك صدقه فطربنی ویرمك اوزربنه واجب اولورمی ؟
الجواب : اولماز . (ابن نجیم) .

صدقهٔ فطر دخی زکات کبی تملیک اولنور . اباحه طعام ایله ادا اولنش اولماز . بحر .

صدقهٔ فطرک مصرفی - کدر انک کسر یله محل صرفی دیمکدر - مصرف زکات اولان : فقراء مسلمیندر .

زنکینه و ذمی یه ویرماز [۱] . اصول و فروعدن اولان فقیرلره و زوجیه یه [۲] و کندی مملوکنه و مکاتبینه دخی ویر یله مز .

هرکس کندی فطره سنی بر فقیر مسلمنه ویرر . متعدد کیمسه لر دخی صدقهٔ فطر لرینی فقیر واحده ویره بیلور لر .

صدقهٔ فطرک بردن زیاده فقیره طاغیدلمسی دخی علی الخلاف جائزدر [۳] .

نیت ایله ویریلور . حین افر ازنده ایدیلن نیت دخی کافی اولور . فقیره ویرر ایکن بیلدرمک لازم دکلدر .

صدقهٔ فطرک وقت و جوبی : یوم فطر صیاحیدرکه شوالک ایلك کونتک طلوع فجرندن اعتباراً اعطاسی واجب اولور [۴] .

[۱] ذمی یه ویرللمسی مفتی به اولان قول امام ابی یوسفدر . کافی ط . فلا یغرنک ما فی البحر عند شرح قول صاحب الکنز فی مصرف الزکاة : « لالی ذمی و صح غیرها » . راجع المنحة و طالع ما کتبناه فی هامش الصفحة ۳۶ من کتابنا الزکاة . [۲] اتفاقاً . و لاتدفع هی لزوجهها عند الامام . و قال تدفع الیه . ط فی مصرف الزکاة .

[۳] اصلده بویله در . فتاوی ابن نجیمده : « صدقهٔ فطر واحده یی فقرادن بر قاج کیمسه یه ویرمک جائز اولورمی ؟ الجواب : اولماز . واجب اولان فطرهٔ واحده یی بر فقیره ویرمکدر . « دیومذکوردر .

[۴] بوکا بناءً دیدیلرکه کوله سنه : یوم فطر کلدیکی وقت سن آزاد سین .

اندن مقدم و یا مؤخر اوله رق دخی و یریله بیلور [۱] .
وقت وجوبدن اول وفات ایدنه و یا فقیر دوشنه صدقه فطر واجب
اولدیغی کبی اندن صکره طوغان و یا مسلم یا خود غنی اولان ایچون دخی
صدقه فطر واجب اولماز .
صدقه فطر وقت استجبایی : بیرام نمازینه چیقیلدن اولجه اولان
زماندر [۲] .

برعذره مبنی صوم کندیسندن ساقط اولاندن صدقه فطر ساقط
ارلماز . ط [۳] .
دیدیلرکه صدقه فطری اخراج و اعطاده قبول صوم و نجاح و فلاح
وسکرات موتدن خلاص و عذاب قبردن نجات واردر . ط .
والله سبحانه و تعالی أعلم . و أستغفر الله العظيم .

تم کتاب الصوم ویلیه کتاب الزکاة ان شاء الله تعالی

دین کیمسه نک کوله سی بیرام کونی آزاد اولور . و بلافاصل قبل العتق اوکوله نک
صدقه فطری و یرمک اوکیمسه یه واجب اولور . چونکه مشروط وجودده
شرطدن متأخردر آکا مقارن دکلدر . بحر .

[۱] حقه کی امر ، مطلق یعنی بر وقت ایله غیر مقید اولدیغندن آنک وجوبی
موسمدرکه مدت عمر ظرفنده متعدد سنه لر ایچون طویدن و یا متفرقاً و یا خود
سال بسال وقت مستجبنده ادا اولنه بیلور . کما تقرر فی الاصول و صرح به فی الدر .
زید صدقه فطری رمضان دخولندن اول و یرمک جائز اولورمی ؟ الجواب :
اولور . (ابن نجیم) .

[۲] بعد طلوع فجر الفطر هملاً بامرہ و فعله صلی الله تعالی علیه وسلم . ط .

[۳] عوارض مبیحه فصلنده هرم عذرینی تعقیب ایدن فدیہ بحثنه باقکر .

خیریه* ناییدن :

بی مرض تا اوله جسممکده توان

ایله فوت صیام رمضان

صومدر قوللرینه لطف خدا

صومه بالذات ایدر الله جزا

صوم بر مائده رحمتدر

نوردن ضائمه بر خلعتدر

صومدر قابل کتم و اخفا

دخله فرصت بوله ماز صومه ریا

سرباک صمدیتدر صوم

اتصاف ملکیتدر صوم

نفس ضائم ایچون دیدی رسول

مشکدن پیش خداده مقبول

رهنای نعم جنت اولور

ترك نعمت سبب رحمت اولور

نه سعادت اوله سین لبیسته

اوله سین دغدغه دن وارسته

بند اوروب راهکنذار دهنک

اوله آسوده دیار بدنک

سیله سین زنکنی قنديل دلك

آچه سین آینه سنی آب وکلک

اوله ذاتمکده کشفات نایاب

بوله انوار لطافت تف و تاب

فهرست

صفحه	
۳	صومك تعريفی
۶	صومك حكمت شرعی
۱۰	صومك اقسامی
۱۵	کیجه دن نیت اولنسی مشروط اولمیان اورجلر
۱۶	کیجه دن نیت اولنسی مشروط اولان اورجلر
۱۹	ثبوت رمضان وشوال
۲۲	عادلک ومستورک تعریفلری
۲۴	نصاب شهادت
۳۰	یوم شک وانک اورجی
۳۴	مفطرات وانک لوازمی
۳۶	اورجی افساد ایتیمیان شیلر
۴۲	اورجی افساد وقضایی وکفارتی ایجاب ایلیمیان شیلر
۵۲	فصل
۵۴	اورجی افساد وقضایی وکفارتی ایجاب ایلیمیان شیلر و (قضا)
	و (کفارت)
۶۱	کفارت وانی ذمتدن اسقاط ایدیجی شیئیه دائر فصل
۶۸	صائم مکرره اولان شیلر
۶۹	صائم مکرره اولمیان شیلر
۷۰	صائم مستحب اولان شیلر

صيفه	
۷۲	عوارض مبيحه
۷۳	غير مسلك طيب اتخاذاى
۷۷	فديه
۸۳	تمرين (مسائل ملفزه)
۸۶	اسقاط صوم
۸۷	شروط نذر
۹۲	تريله اولان نذر
۹۴	احكام نذر
۹۵	نذرده تعيين زمان ومكان الخ
۹۶	مسائل ملفزه
۹۸	اعتكاف
۱۱۰	صدقه فطر

طبع بحمدہ تعالیٰ مرة ثانية في آخر سنة ۱۳۲۸ هجرية
بتصحيح مؤلفه الفقير الى ربه الغني محمد ذهني

- ۱۰- ...
۱۱- ...
۱۲- ...
۱۳- ...
۱۴- ...
۱۵- ...
۱۶- ...
۱۷- ...
۱۸- ...
۱۹- ...
۲۰- ...
۲۱- ...
۲۲- ...
۲۳- ...
۲۴- ...
۲۵- ...
۲۶- ...
۲۷- ...
۲۸- ...
۲۹- ...
۳۰- ...
۳۱- ...
۳۲- ...
۳۳- ...
۳۴- ...
۳۵- ...
۳۶- ...
۳۷- ...
۳۸- ...
۳۹- ...
۴۰- ...
۴۱- ...
۴۲- ...
۴۳- ...
۴۴- ...
۴۵- ...
۴۶- ...
۴۷- ...
۴۸- ...
۴۹- ...
۵۰- ...
۵۱- ...
۵۲- ...
۵۳- ...
۵۴- ...
۵۵- ...
۵۶- ...
۵۷- ...
۵۸- ...
۵۹- ...
۶۰- ...
۶۱- ...
۶۲- ...
۶۳- ...
۶۴- ...
۶۵- ...
۶۶- ...
۶۷- ...
۶۸- ...
۶۹- ...
۷۰- ...
۷۱- ...
۷۲- ...
۷۳- ...
۷۴- ...
۷۵- ...
۷۶- ...
۷۷- ...
۷۸- ...
۷۹- ...
۸۰- ...
۸۱- ...
۸۲- ...
۸۳- ...
۸۴- ...
۸۵- ...
۸۶- ...
۸۷- ...
۸۸- ...
۸۹- ...
۹۰- ...
۹۱- ...
۹۲- ...
۹۳- ...
۹۴- ...
۹۵- ...
۹۶- ...
۹۷- ...
۹۸- ...
۹۹- ...
۱۰۰- ...

الزكاة أخذى مباني الاسلام

كتاب الزكاة

— نعمت اسلام —

مما من الله تعالى به على عبده


محمد زهني




وفي اموالهم حق معلوم للسائل والمحروم



وقال تعالى. آمنوا بالله ورسوله وأنفقوا مما جعلكم مستخلفين فيه




أى مال ادبت زكاته درت بر كاته



باب والای فتوایناهیجه مصدق در

باب عالی جاده سنده شرکت مرتبیه مطبعه سنده طبع اولنمشر



طبعة ثانية

سنة هجرية

١٣٢٩

بِسْمِ اللَّهِ الرَّحْمَنِ الرَّحِيمِ

— کتاب الزکاة —

(زکات) بر عبادت مالیه سنویه در که اغنیاء مسلمینک سنه دن سنه یه مالارینک قرقدہ برینی فقراء مسلمینہ و برملرندن عبارتدر .

نماء و طہارت معنالرندن مشتہدر . [وما انفقتم من خیر فهو بخلافه]
وعد کریمہ مبنی مال ایچون زکات موجب نماء و برکات اولدیغی کی
ہمدہ موجب طہارتدر [۱] .

طہارت مالہ تعلق ایدوب انک حق اللہی اخراج و مستحقہ اعطا
اولنہرق تطہیری حاصل اولدیغی کی نفس معطی ایچون دخی
طہارتدر کہ انی دنس بخل و مخالفتدن طاهر قیلار .

عبدک عبودیتدہ اولان صدقہ دلالتندن طولای زکاتہ لسان شرعدہ
(صدقہ) دخی دینلشددر [انما الصدقات للفقراء الخ] آیت کریمہ سندہ کی
(صدقات) زکاتدن عبارت اولدیغی کی [خذ من اموالہم صدقۃ تطہرہم
وتزکيہم بها] قول کریمندہ کی (صدقہ) دخی زکاتدر [۲] .

معلوم اولدیغی اوزرہ ثواب ایچون ہبہ ایدیلر یعنی بلاعوض
فقیرہ تملیک قیلنن مال دیو تعریف اولنان (صدقہ) فرض و تطوع
اولمقدن خالی اولمیوب تطوع اولان صدقہ معین دکل ایسہدہ [۳]

[۱] (زکات) ناقص واویدر . (نماء) ناقص یائیدر : نمی ینمی نماء .
او معنادہ اولان (نمو) ناقص واویدر : نما ینمو نموا .

[۲] الحقائقہ حضرت صدیقک ترجمہ لرہنہ باقکز .

[۳] بر خرم انک نصفی دخی تصدق ایدیلہ بیلہجکی وفقیر ہمکیم اولورسہ

فرض اولان صدقه مقداراً و مصرفاً معیندرکه مانحن فیه بولنان زکات
اشته اودر [۱] .

لفظ زکات — من حیث التصریف — لفظ صلوات کبیدر . فعلة
وزننده مفرددر جمع صلوات کبی زکواتدر [۲] . زکات ویرمه
تزکیه [۳] و ویرنه مصلی و زننده مزکی دینور [۴] .
زکات مسائل : انک حقیقتنه ، صفتنه ، حکمنه ، رکننه ، سببنه ، شرطنه ،
متعلقنه ، مصرفنه دائر اولق اوزره متنوعدر .

زکاتک حقیقتی : مال مخصوصی شخص مخصوصه تملیکدر .

صدقه ویریه چکی جهتله تصدقه مقداراً تعیین اولدیغی کبی مصرفاً دخی تعیین
یوقدر . تبعه دن اولان غیر مسامه دخی صدقه ویریلور .
زید عمرو ذی به صدقه ویرسه جائز اولوب زیده ثواب اولورمی ؟ الجواب :
اولور . (ابن نجیم) .

حربی به صدقه ویرلز . سوره ممتحنه دهکی [لاینهاکم الله عن الذین لم یقالوکم
الح] قول کرعی [هم الظالمون] ه قدر اویکیز .
[۱] شرعاً ماله تعلق ایدن حقوق اون نوعه بالغ اولور : زکات ، صدقات ،
خمس ، عهر ، خراج ، جزیه ، صدقه فطر ، کفارات ، نفقات ، کفای التنف .

[۲] فیومی دیرکه اسم منسوبنده مال زکوی و اموال زکویه دینور ،
زکاتیه تعبیری عامیدر اه لفظ زکات دخی صلوات کبی مصحف شریفک غیریده
واوایله یالماز ، تاسی دخی ترکیب واسلوب عربنک غیریده قصیر اولماز .
[۳] (تزکیه) ننامعناسته کاور : تزکیه شاهد ، فلانزکوا أنفسکم .

[۴] باب تفعلدن متصدق و — تابه بدل تشدید صاد و دال ایله — متصدق
دخی مزکی و علی الاطلاق تصدق ایدیجی معناسته در . اخذ صدقه به مأمور اولانه
تفعیلدن اسم فاعل صیغه سیله (متصدق) دینورکه ساعی به یعنی زکات
تحصیلدارینه و عاقره یفی عشرجی به دخی شاملدر .

(مال مخصوص) : قرقدہ بر دیمک اولان ربع عشردن وانک مقامنه قائم اولان جزء مالدن عبارت اولوب (شخص مخصوص) دخی : مضرفنده مبین بولنان فقیر مسلمدر .

زکات وجوب ایله موصوف اولق و متعلق اعتباریله وجوب صفات افعال مکلفیندن اولوب موضوع علم فقه دخی فعل مکلف بولنق حسبله زکاتی فعل مکلف اولان تملیک ایله تعریف ایتمک صحیح اولدیغی کی [وآتوا الزکاة] قول کریمنده ایتایه [١] متعلق اولان مال مؤدی اولمغله زکاتی اکا اسم قیلق دخی صحیحدر [٢] .

زکانک صفی : فریضه محکمه اولمسیدر [٣] کتاب کریمده اوتوز ایکی موضعهده [٤] زکات صلاته مقارناً مذکوردر . د بنی الاسلام علی خمس الخ ، حدیث شریفنده زکات رکن ثالث اسلام اوله رق مذکور اولدیغی کی حدیث شریف دیگرده دخی « انقوا الله وصلوا خمسکم وصوموا شهرکم وادوا زکاة أموالکم وأطيعوا اذا امرتم تدخلوا جنة ربکم » بیورمشدر [٥] .

(زکات) صوم کی هجرت سنیه نک ایکنجی سالنده وصومدن

[١] (ایتاء) اعطاء معناسنهدر . استعمالاً اندن اخصدر : عی . عظیمده (ایتاء) وقایل وکشیده (اعطاء) قوللانیلور .

[٢] طحطاوی دیرکه زکانک مخرج اولان مقدار ماله اطلاق مجاز شرعیدر (وآتوا الزکاة) قول کریمی دخی اندندر یاخوه مقصود (أقيموا الصلاة) ده اولدیغی کی انی عدمدن وجوده اخراجدر اه

[٣] (محکم) غیر منسوخ معناسنهدر که (ثابت) دخی دینور . [٤] بحر رائقده واندن اخذاً ده بعض کتبده ومؤلفک درر حاشیه سندہ ودر مختارده « سکسان ایکی موضعهده » دینامش ايسده طحطاوینک بیانته کوره عند التعداد اوتوزایکیدن زیاده بولنماشدر .

[٥] حدیث مذکور حضرت ابوامامه دن - رضی الله تعالی عنه - مروی

اول واجب فرض اولمشدر . قول مفتی به اوزره وجوبی فوریدر [۱]
 که بلاعذر تأخیر ایدن آثم اولور وشهادتی رداوانور .
 وجوب زکاتی فهمده آرانہ جق نکت ومعاینک عمده سی ایکیدر :
 بری نفسی رذیلہ بخلدن قورنارمق ودیکری مواسات اهل حاجانده
 بولنقدرکہ بولردن بری تهذیب نفسه ودیکری تدبیر مملکتہ عائدا یکی مهم
 مصلحتدر [۲] .

زکاتک حکمی : من جهة الدنيا عمده تکلیفدن خروج ومن جهة
 العقبی عقابدن [۳] نجات وثوابه وصولدر .
 صدقه دیمک اولدیغیچون مزکیمک ویردیکی زکاتندن رجوع
 ایتمسی جائز اوله مامق دخی حکم زکاتندر [۴] .

اولدیغه کوره حجة الوداع خطبه سندندر . کافی فتح القدر . و ذکر الزکاة
 فی حدیث الاعرابی الذی قال لا یزید علی هذا ولا أنقص انظر صحیح البخاری .
 [۱] چونکه حاجت فقیر مهجلهدر . درمختار .

[۲] قال الغزالی فی الاحیاء شرط تمام الوفاء بالتوحید أن لا یبقی للموحد
 محبوب سوى الله تعالى فان الهبة لا تقبل الشریکة والتوحید باللسان قیل الجدوی
 وانما یتجن به درجة الحب بمفارقة المحبوب والاموال محبوبة عند الخلائق لانها آلة
 تتمتعهم بالدنیا وبسببها یأنسون بهذا العالم وینفرون عن الموت مع أن فیه لقضاء
 المحبوب فامتحنوا بتصدیق دعواهم فی المحبوب واستنزلوا عن المال الذی
 هو موقوفهم اه باختصار .

[۳] رکانی ویرمیانلر حقنده شارعک وعیدی شدیددر . [ولا یحسن الذین
 یبخلون الخ] آیت کریمه سنک تفسیرینه وصحیح بخاری به والحقائق مزده حضرت
 صدیقک و ثلمبه ک ترجمه لرینه صراحت اولسون .

[۴] زید عمرو فقیر : مالک زکاتیدر . دیو بر مقدار آنچه ویروب اول
 دخی قبض ایلسه زید بعد زمان عمروه اینجمنکه رجوع ایدوب اول زکات دیو
 ویردیکی آنچه یی عمرودن آلفه قادر اولورمی ؟ الجواب اولماز . (فیضیه) .

زكاتك ركنی : تمليكدرکه منفعتنی من كل الوجوه كندندن قطع ايتمك طريقيله جزء مالی مصرفی اولان فقيره ويرمكدرد .

كندينك مديونى بولنان فقيرك ذمتنى زكاته طوته ابرا ايتمك [١]
ياخود نيت زكات ايله قول آزاد ايليك وياجامع ياپدردمق وحج وياغمه ايتمك تمليك وزكات اولمدينى ككى اصول وفروعندن اولان فقيره تمليك دخى منفعتى كندندن بالسكليه منقطع اولماق جهتيله زكات دكلدر . (مال) قيديله منفعت خارج قالمشدرکه تمليك منفعت ايتمك — مثلا زكاته طوته عقارنده فقيرى اسكان ايليك — زكات دكلدر .

زكاتك سببى : نصابدر . هر شيك اصل و مرجعى ديمك اولان (نصاب) اصطلاح شرعه مالك متعلق زكات اولان مقدارينه اطلاق اولنورکه كوشدن ايكيوز درهم والنوندى يكرى مثقال وانعام سامه دن دوه ده بش وصيغرده اوتوز و غنمده قرق عدددر .

نصاب مذکور نامى وحولى اولمق شرطيله صاحبك مملوكى اولمق [٢] زكات ويرمسيچون سببدر [٣] .

[١] بونك ايچون چاره : زكاتنى او مديونه ويروب بعده آنى آلاجنه طوته آلفندر . مديون اعطادن امتناع ايدرسه دائن الى اوزاوب آلور . چونكه جنس حقه دسترس اولمشدر . مديون ممانعت ايدرسه دائن حاكمه رفع دعوى ايلر . ط . بلامال وفات ايدن مديونك ذمتنده اولان آلاجننى دائن زكاته طومتق جائز اولماز . عبدالرحيم .

[٢] مال مكاتبى اخراج ايچون « ملك تام ايله » قيدىنى زياده يه حاجت يوقدر چونكه حریت جمله شروط زكاتندردر . على أن المطلق ينصرف للكمال كفاي الدر المختار وانظر هامش الصفحة ١١ .

[٣] وقت زوالك صلات ظهره سبب اولمى ككى بو سبب ظاهره سببدر .

اندن اقله زکات ترتب ایتمز [۱] .

زکاتك شرطی : مزی مسلم وحر و مكلف (عاقلی و بالغ) و دینندن و حاجت اصلیه دن خالی مالك نصاب اولق و مزكاده نماء و حولان و نمیت یاخود سائیمیت و یاخود نیت تجارت بوننقدر .

غیر مسلم زکات ایله مكلف اولمادیغی كبی زکات ایچون اسلام همده شرط بقا اولدیغندن بعد و جوبها مرتد اولاندن دخی زکات ساقط اولور .

دار حربده مسلم اولوب سنه لرجه قاله رق زکاتك وجوبی جاهل اولان کیمسه یه دخی زکات مترتب اولما مغلّه [۲] دار اسلامه دخولندن صکره اوسنه لرك زکاتی اعطا ایله او کیمسه مكلف اولماز .
عبد مملوك ماذون فی التجاره دخی اولسه زکات ایله مكلف اولماز [۳] . مدبر و اسم ولد و مكاتب دخی اوله در . عند الامام مستسعی [۴] دخی مكاتب حکمنده در . (هندیه) .

سبب حقّی : [و آنوا الزکاة] خطاب جلیلتك توجهیدر . كما فی ط علی الدر .
[۱] فی القهستانی : النصاب لغة الاصل وفي الشريعة ما لا یجب فیه دونه زکاة .
[۲] مزی فرضیت زکاتی حکماً اولسون عالم اولق دخی شرطدر . حکماً علم دار اسلامده بولنقله در .

[۳] زیدك ماذون اولوب مدیون اولیان عهده مدبری عمروك یدنده اولان بالغ نصاب مال مكسوبندن عمروك اوزربنه زکات واجب اولور می ؟ الجواب : عمروك یدندن الدقهه حولان حول بولندیسه زیدك اوزربنه لازم اولور عمروك اوزربنه لازم اولماز . (فیضیه) .

[۴] (مدبر) : آزادی افندیسنك موتنه معلق اولان كوله در . مؤثی (مدبره) در . (ام ولد) : افندیصندن چو حق كتیردیكى ثابت اولان جاریه در . (مكاتب) : كندیك آزادی بر مقدار مال اعطاسنه كشمش

شرط مکلفیتہ مبنی صبی و مجنون زکات ایلہ مکلف اولماز [۱] عنه
دخی برنوع جنون اولمغله معتوه صوم و صلوات ایلہ مکلف اولمدیغی
کبی زکات ایلده مکلف دکلدر .

مالك نصاب اولان صبی حرّ مسلم بالغ اولدقده سنه ابتدایی وقت
بلوغدان معتبر اولور .

مالك نصاب اولان مجنون حرّ مسلمك جنونی برسنه ممتد اولورسه
بعد الافاقه اوسته نك زکاتی اكا لازم اولماز . ملك نصابدن صکره سنه نك
اولندن آز چوق برمدنده افاقت بولمش اولورسه زکات لازم
اولور [۲] .

اغماکه بایغینلقدرد نقدر امتداء ایتسه زکاتی اسقاط ایتمز .
مالك نصاب اولمیان حرّ مکلفه زکات واجب اولمدیغی کبی دیندن
وحاجت اصلیه دن خالی اولمیان نصابه مالك اولانه دخی زکات
واجب اولماز .

و او جهتله کسبه مأذون بولمش اولان کوله در . مؤثی (مکاتبه) در . (مسفمی)
اسم مفعول صیغه سیله : معق البعض اولان کوله در که تخلیص رقبه سیچون
بقیه قیمتی تحصیله چالشدیرلور . عند الامامین او حرمدیوندر . مؤثی
(مستسعاة) در .

[۱] نصاب زکاته مالك اولان زیدصفیره (یعنی صبی به) مالك زکاتی لازم
اولورمی ؟ الجواب : اولماز . بوصورتده زیدك وصیسی عمروصفیرك مالندن
شوقدر آنچه مالك زکاتی اولماق اوزره فقرادن برطاقم کیسه لره دفع و نسایم
ایله استهلاك ایله عمروه ضمان لازم اولورمی ؟ الجواب : اولور . (فیضیه و نتیجه)
[۲] بوده جنون عارضیه یعنی بعد البلوغ طاری اولان جنونه کوره در .
اما جنون اصلییه یعنی مجنون اوله رق بالغ اولانه کوره عغد الامام ابتداء حول
وقت افاقتدن معتبر اولور (هندیه) .

(دين) كه بورجدر — ذمته ثابت بروصفدر اثرى مطالبه ده
ظاهر در — مقصود نصابى مستغرق اولوب [١] جهت عباددن مطالبى
اولان بورجدر : كرك قرض و ثمن مبيع و ضمان متلف و كفالت [٢]
وزوجه سنك مهر معجلى كې حقوق عباددن اولسون و كرك زكات و غله
حاصله نك عشر و خراجى كې حقوق اللهمدن اولسون .

نذر و كفارت و حج بورجلرينك جهت عباددن مطالبى اولما مغله
انلر مانع دكلدر .

(حاجت اصليه) : نفقه ، مسكن [٣] ، يازلق و قيشلىق البسه [٤] ،
صنعت ادواتى ، خانه اشياى ، دواب ركوب [٥] ، ماليك خدمت [٦] ،

[١] دينندن فضله مالى اولور و نصابه بالغ بولنور ايسه حولان حصولنده
زكات ويرمك لازم اولور . كما صرح به ابن نجيم فى فتاواه على ما يأتى فى
آخر الكتاب .

[٢] وضمان اللقطة لا يمنع وكذا ضمان الدرك قبل الاستحقاق لا يمنع اه هندية .

[٣] اوه ، دكانه ، مغازه يه شاملدر . بيوت و منازل سكنى ايچون اولسى

دخى شرط دكلدر . نماسى اولمديفنندن نفس عقاره زكات تربت ايتمز .

[٤] ولو كه كفایتدن زائد و قيمتلى نصابه بالغ اولسون اه

زيد كفایت مقدارندن زياده اولوب قيمتلى نصابه بالغه اولان اثوابه مالك

ايسكن برسته مهور ايدوب لكن زید تجارت نیت ایلسه اثواب مزبوره ایچون

زيد زكات واجب اولورمى ؟ الجواب : اولماز . (على افندى) .

[٥] بينمك ايچون اولوب تجارت ايچون اولمسان آت ، استر ، حار ، دوه .

[٦] تجارت ايچون اولوب خدمت ايچون اولان مملوكلر يعنى كولرلر

وجار به لر .

وكتب واسلحه [١] كبي شيلردركه انلردن خالي اولميان نصابه زكات ترتب ايتمز [٢].

(نماء) — كه مالك نامى و متزايد اولمسيدير — حقيقى و تقدير يدين اعم اولوب (نماء حقيقى) : ربح و تجارت و توالد و تناسل ايله در .
(نماء تقديرى) : مال كندى صاحى يا خود نائى ينده بولنقله انى نالندرمغه مالكي متمكن اوله بيلمكله در .

نصاب ، نامى اولمدقجه اكيا زكات ترتب ايتمديكى كبي حولان حاصل اولمدقجه دخى زكات ترتب ايتمز .

(حولان) — كه سنه معناسنه اولان حوله اضافتله حولان حول [٣] دخى دينور — دوران سنه معناسنه دركه نصاب برسنه قريه بيللاشمش اولمقدر .

بيللاشمده صاحبنك ملك تام ايله مملوكى بولمق دخى مشروط اولديغندن ايكي كشي يينتمده مشترك بولمان نصابه شريكيندن برى بالآخره تماماً مالك اولمق تقديرنده سنه ماضيه ايجون زكات ترتب ايتمديكى كبي [٤] رهن اولان مال دخى مقدار نصابده

[١] تجارت ايجون اولمدقجه ولو كه اهلنك غيبرده اولسون .
[٢] لان المشغول بها كالمعدوم . درمختار . نظيره الماء المستحق للمعاش كالمعدوم يباح معه التيمم . ط على الدر .
[٣] تركيب اضافى اوله رق حولان تعبيرى طوغرى اوله ماز . صاحب بهجه غلطدر .

[٤] لان أحد الشريكين مالك بعض النصاب . وقال عليه الصلاة والسلام : « لاصدقة الا عن ظمروغى . » ومالك بعض النصاب ليس بغنى ط على الدر .

اوله رق صاحبک مقبوضی اولدقدن صکره مرهونیتده کچن مدتلر ایچون اکا زکات ترتب ایتمز [۱] .

(مال ضمار) تقدیراً دخی تمامدار اولدیغندن حولان اولسه ده انک ایچون زکات مترتب اولماز [۲] .

قیام ملک ایله برابر کئدیسنه وصول متعذر اولان ماله کسر ضاد ایله (ضمار) تعبیر اولنور [۳] : تجارت ممالیکندن اولان عبد آبق ومال مفقود [۴] وغصباً ویا مصادرةً اخذ وضبط ایدلمش [۵] ویا دکره دوشمش ویا خود قیر بریره ویا واسع عرصه یه دفن اولنوبده یری اونودلمش یا خود بیلدیکی برکیمنه نزدنده امانت قالمش [۶]

[۱] رهن مدتده مال مرهون راهنک یداً مملوکی اولدیغی کی مرتهنک دخی رقبه مملوکی دکدر . بناءً علیه هیچ برینه زکات لازم اولماز . چونکه مملوکنده معتبر اولان مالک مطلقدر که صاحبی اکاهم رقبه و هم یداً مالک بولنقدر . مکسوب مکانب دخی بویله در که حق سیدده مالک ید و حق مکانبده مالک رقبه اولدیغندن انلردن هیچ برینه زکات مترتب اولماز . تجارت ایچون اشترا اولتان ماله دخی قبل القبض زکات ترتب ایتمز . کافی الدر معط . و تقدم فی هـ امش الصفحة ۶ .

[۲] والاصل فيه حديث « لزكاة في مال الضمار » وهو مالا يمكن الانتفاع به مع بقاء الملك . در مختار . أنه مال غیر مقدور الانتفاع به . ط علی الدر . [۳] مأخوذ من قولهم بغیر ضامر اذا كان لا ينتفع به لهزاله . أو من الاضمار وهو الاخفاء و التغيب . ومنه أضمر فی قلبه شیئاً . ط علی الدر . [۴] وجد بعد سنين . در مختار .

[۵] المقصوب يشمل المجعود بلائنة كاللا يخفى . فليس منسه الدين الذي على الجاحد وعليه بيئنة كإيأتي .

[۶] الفاز فقهیه سرك زکاتندن طقوزنجی مسئله در .

اولان مال کبی که بونلر بروقت صکره صماچی انه کچسه انک الله اولدیغی سنه لر ایچون زکاتی ویرمک لازم کلز .
زکات دین آتیده مذکوردر [۱] .

مالک برسنه ظرفنده برحالدہ قلمسی نادراندن اولمغله بدایت ونه ایتنده تام اولمق شرطیله اثناء حولده نصابک اسکسلسی ضرر ایتمز .
اگر نصاب کاملاً مالک اولورسه حول دخی باطل اولور [۲] .

سنه نیک ایکی باشنده نصابک کالی شرط اولدیغنه مبنی بشقه مالی اولمیان کیمسه نیک نصاب قیمتمندن دون اوله رق مالک اولدیغی مال تجارت سنه آخرنده نصاب ذکرینی بولسه بیله اوسنه ایچون اکا زکات لازم اولماز .

شرط حولان نصاب اصلی ایچوندر . اثناء حولده دخی استفاده اولنان مال [۳] کندی جنسنه [۴] منضم اوله رق [۵]

[۱] ذمت زوجده دین اولوب کندینک وفاتی ویاطلاق اوزرینه بد زوجیه کچن مهر مؤجل دخی بویله درکه قبضندن اول اکا زکات ترتب ایتمز تکیم آتیده دین ضعیف قسمنده ذکر اولور .
[۲] دین قطع حول ایتمز .

[۳] طرق استفاده : ریغ وتوالد وارث واتهاب کبی شیردر . توفیر وارد ایله ادخار اموال ایتک دخی بر طریقدر . زحشری أطواق الذهبه « الوجه ذو الوقاحة من وجوه الرقاعة » دیشدر .

[۴] قیدیه لان المستفاد من خلاف الجنس کابل مع شیاه لایضم . ط علی الدور .
[۵] بشرط عدم المانع وهو الثنی المنهی عنه فلو أدى زکات تقده ثم اشترى به ساعة وعنده ساعة لم يتم حولها بعد لانضم هذه المشتراة الى

حول اصلينك تمامنده جمله سنك زكاتي ويريلور .
 صاحب نصاب اولان كيمسه بر قاج سنه نك زكاتي تعجيل ده
 ايتسه اولور [١] .
 (ممنيت) : بالخاصه التونه وكوشه عائددر كه الراصل شلمقده
 اتماندر [٢] . بنسأء عليه هر نه وجهه امساك اولنسلر متعاق زكات
 اولورلر . زكات تقوده باقكر .
 (سائميت) كه اكاسوم دخي دينور: زكات انعامه كوره در [٣] .
 زكات سوائمه باقكر .
 (نيت تجارت) زكات عروضده در :

تلك السائمة عند تمام الحول لوجود المانع وهو الثني . كما في الدر مع ط .
 والثني المذكور عند ذكر نية التجارة في المروض .
 (٢) چونكه سبب وجوبك موجوديتندن صكرم تأديه ايتمشدر . كما في الدر
 مثلا اوچيوزدرهم كوشى اولان كيمسه انك يوز درهمي ايك يوز درهمك يكرمي
 سنه لك زكاتي اولمق اوزره پيشين ورسه اولور . كما في ط في حاشيته . « نصاب
 زكاته مالك اولان زكاه مالك اولديغي مالك اوزرينه حولان حول ايتمدين برسنه
 ويابرسنه دن اكثر ايچون اداء زكاتي تقديم وتعجيل ايتمك جائز اولورمي ؟
 الجواب : اولور . بهجه . »
 (٢) بونك ايچوندر كه متقوم اولميان مالك بيعي باطل ومقابضه سي فاسددر .
 حريريك نظم آتيسي الرك ذاتي مقصود اولديفته مبنيدر :

وشرمافيه من الخلائق * أت ليس هنك في المضايق

الا اذا فر فرار الآبق .

(٢) چارپا اولان حيوانات اهليه مأكوله به : (انعام) تعبير اولنور . قال
 تعالى (والانعام خلقها لكم فيها دفء ومنافع ومنها تأكلون) قال الفيومي والانعام
 ذوات الحف والظلف وهي الابل والبقر والغنم .

بونلر شروط وجوبدر [۱] .

وجوب زکاتده ذکورت شرط دکلدرد . شروط وجوب کندیسنده
تحقق ایتمش اولان قادین دخی زکات ویرمکله مکلفدر .

زکاتک صحت اداسنک شرطی : مزکی نیت ایلسکدر . زکاتی
ویررایسکن یاخود ویرمک اوزره وکیلانه (مدیرامورینه) تسلیم
ایدرایسکن [۲] ویاخود مالیک زکاتنی کلاً ویا بعضاً آیررایسکن [۳]
نیت ایلر .

نیتک اعطایه حکماً مقارنتی دخی کسافیدر : بلانیة ویروبده یدفقیرده
مال مستهلک اولمدن نیت ایتمک کبی .

حین نیتده فقیرک حاضر بالمجلس اولسی شرط اولدیغی کبی کندیسینه
ویریلن شیئک زکات اولدیغی بیلسی دخی شرط دکلدرد [۴] . حتی
فقیره نیت زکات ایله ویردیکنی مزکی هبه یاخود قرض تسمیه
ایتمسه صحت ادایه ضرر ایتمز .

[۱] برچوخی شرط نفس وجوب اولوب نماکی شرط وجوب ادا اولانی ده
واردرد .

[۲] وکیل بلانیة اعطا ایتسه یاخود فقراء مسلمینه ویرمک اوزره اتی برذمی به
تسلیم ایلمسه جائز اولور . چونکه اعتبار آمرک نیتنه در . ط .
[۳] آیرمغه (عزل) تعبیر اولنور : زکاتی عزل ایتمکله عهدده چیقمش یعنی
زکات ویرمش اولماز . حین عزله کی نیت دخی کافی اولوق اوزره تأدیه لازمدر .
کما فی ط .

[۴] لکن صدقه تطوعده اخفا و اسرار و صدقه فربضه ده اعلان و اظهار افضلدر .
(علی افندی) .

ورثه نک مداخله سندن خوف اوزره اولان مریض زکاتی انلردن کتم
ایده بیلور . تکبیم الفاظ فقیه مزده بشفهی مسئله اوله رق مذکوردر .

اقرباسی چو جعفر بنه بیرام بخششی نامیله ویردیکی پاره لر بیله نیت ایله زکات اولور .

زکاتک متعلق — که تعلق ایتدیکی انواع اموال دیکدر —
شولردر : نقود ، عروض ، سوائم .

زکات زروع و معادن بونلره ذیل اوله بیلور . زروع و ثمارک
زکاتی (عشر) و یا (نصف عشر) در . معادنک زکاتی (خمس) در .

(زکات نقود)

نقود — که نقدک جمعیدر ثنیه صیغه سیله (نقدین) و (ثمنین)
دخی دینور — آلتون و کوشدن عبارتدر [۱] کرک کولچه و یا سکه
و کرک حلّی و یا اوانی اولسون [۲] جمله سی معروض زکاتدر .
زکاتک سبینه بیانی کذران اولدیغی اوزره کوشده نصاب
ایک یوز درهم و آلتونده یکرمی مشقال اولدیغی کبی بونلرده زکات

[۱] نقدک (عقال) مقابلی اوله رق استعمالنی دخی الحقائقده حضرت صدیقک
ترجمه سنده اوقویکز که مصدق مال زکاتی عیناً آلورسه : اخذ عقلاً . و بدل قیمتنی
اخذ ایدرسه : أخذ نقداً . دینور اه

[۲] (حلّی) : حانک ضمی و لامک کسری و یانک تشدیدله درکه فتح حاء
و سکون لام ایلله اولان (حلّی) ک جمعیدر . زینت اولاق اوزره طاقیلان شیلردر .
کرک مباح الاستعمال اولسون : قادین ایچون طاراق ، کمر ، بیلازک کبی . و کرک
مباح الاستعمال اولسون : ارکک ایچون کوستک و بازوبند و کوملک دوکمه سی
و آلتون یوزک کبی .

هندک استعمال ایتدیکی آلتون و کوشدن مصنوع بیلازکار و قوشاقلر ایچون
بعد الحول زکات لازم اولورمی ؟ الجواب : اولور . (نتیجه) .

(اوانی) : (انا) ک جمعی اولان (آنیه) نک جمعیدر قاب نوعندن اولان

دخی ربع عشردن یعنی قرقده بردن عبارت اولمغله کوشک هرایکیوز درهمنده بعد الحول بشر درهم و آلتونک هر یکرمی مثقالنده نصف مثقال ویریلور .

بردرهم اون درت قیراطدر [۱] برمثقال یکرمی قیراطدر . هر قیراط بش آرپه در [۲]

ربع عشردن اقل زکات اولمغله ذکرارلئان نصابلردن زائد اولانی انلرک خمسنه بالغ اولمغله زکاته متعلق اوله ماز . کوشه کوره ایکیوز درهمک خمسی قرق درهم اولدیغی کی آلتونه کوره یکرمی مثقالک خمسی دخی درت مثقال اولمغله کوشک نصابی

شیلردر . طاس ، صحن ، ظرف ، کوش دوات ، یازی طاقی ، تنون یاخود انقیه قوطیسی کی ، بولرک وکوش آینه وچکجه وشمعدان ولسکن ، ابرق امثالک استعمال قادینه دخی مباح اولدیغی حالد نصاب حولیسنه زکات ترتب ایدر .

[۱] مقصوددرهم شرعیدرکه هراون درهمی بدی مثقال وزننده اولانیدر . عصر حضرت فاروقده درهملر مختلف وزنلرده اوچ نوع ایدی حضرت مشارالیه انلری توحید ایدرک بجموعنک ثبثی اخذ واعتبار ییورمشدرکه اوده شودر : $(10 + 6 + 5 = 21 \div 3 = 7)$. اون درهمک بجموع قراریطی یوزقرق اولدیغی کی بدی مثقالک بجموع اجزاسی دخی یوز قرقدر .

زکانه و مهرده و دیاتده و نصاب سرقتده معتبر اولان هپ بو درهمدر . هر بلده نك كندی درهمی معتبر اولق اوزره دخی افتا ایدلشدر . بزجه درهم عرفی اون الی قیراط اولمغله ایکیوز درهم شرعی یوز یتمش بش درهم عرفیدر . طحطاوی دیرکه عقودده مطلق اولان درهم متعارفه هسروندر . وکذلک اذا أطلقه الواقف اه

[۲] خمس شعیرات متوسطة غیر مقشورة مقطوع مامتد من طرفها . ط علی الدر .

اولان ايكيوز درهمدن صكره هر قرق درهمده بر درهم وآتونك نصابي
اولان يكرمي مثقالدن صكره هر درت مثقالده ايكي قيراط زكات
ويرمك لازم كلور.

صاحب نصاب ايچون خالص كموش ويا آتونك عيتمده وجوباً
واداءً وزن معتبر اولوب ايكيوز درهم قيمتمده يوز اللى درهم كموش
ايريق اولان كيتمسه يه زكات لازم اولمديغي كي ايكيوز درهم وزانده
وفقط اوچيوز درهم قيمتمده كموش ايريق اولانه دخي لازم اولان
يدي بچق درهم قيمتمده بش درهم ويرمكدر . بش درهم قيمتمده بش
درهم دخي ويره اولور .

خلاف جنسندن اعطاده اجماعاً [١] قيمت اعتبار اولنور .
خالص اولميوبده غشمة غالب بولنان آتون ويا كموش دخي
خالص حكمنده در .

بري قرق پاره يه رانج اولان مجيديه قروشي اللى قيراطدر .
بري يكرمي قروشه رانج اولان مجيديه يوز يكرمي قيراطدر .
بري بش قروشه رانج اولان التياق آلتش درت قيراطدر [٢] .
كموشك آتون ايله مسبوك اولاننده اعتبار غالبنه در آتونى غالب
اولان آتوندر ، كموشى غالب اولان كموشدر .

[١] وفي هذا إشارة الى ان المسئلة الاولى غير اجماعية فهي قول الشيخين وعند
زفر تعتبر القيمة وعند محمدية تعتبر الانفع للفقراء كما في شرح السكندر للزبامى والعينى .
[٢] برمجيديه يدي بچق درهم عرفيدر . بر آلتياق درت درهم عرفيدر .
(خلاصة الاجوبة) .

(مغشوشه) تعبیر اولئان مسکوکات کبی غشی غالب اولان نقود رائجده عروض کبی قیمت معتبردر .

(زکات عروض)

عروض — که عرضک جمعیدر — نقود وسوائمک غیری اولان اموال معناسنهدر . نیت تجارت ايله ایدینلمش اولدیغنه کوره انلرک دخی نصاب حولیسچیچون سنه بسنه قیمتتک قرقدہ بری ویریلور .

مال تاجر کرک کیلی ویاوزنی یاخود ذراعی ویاصناعی ، عددی و غیر عددی ، مثلی ویا قیمی اولسون [۱] .

نقود ايله سوائمک غیریه زکات تعلق ایتمک اصل اولدیغندن تجارت ایچون اولمیان عروضک زکاتی اولماز . بناءً علیه جواهر ولالییه زکات ترتب ایتمز [۲] .

مکرکه تاجر انلریده نیت تجارت ايله تملک ایتمش اوله .

[۱] (مثلی) و (قیمی) تعبیرلریچون بجه نیک یوز اون طقوزنجی و دیگر مقدرات ایچون یوز اونوز ایکنجی الخ ماده لرینه باقیلور .

[۲] خانلره طاقندلری الماس ایسکنه و باشلق و کردنلک و ییلازک و یا قوت یاخود زمره کوبه و یوزک و مصرع کمر و بلیازه ایچون زکات لازم کلیوب انلرک حدنصابده اولان آلتون ویا کوشلرینه زکات ویریلور . اینجونک تاجرندن غیریه زکاتی اولماز . « زید قیمتلی نصابه بالغ اینجو ویا قوته مالک اولوب تجارتیه نیت ایلمسه حصول حولانه مبنی زیده اول اینجو ویا قوت ایچون زکات ویرمک لازم اولورمی ؟ الجواب : اولماز . « علی افندی . « قال ولا فیما یستخرج من البحر کالعنبر والؤلؤ والسمک ا هـ .

نیت تجارتك — كسرتاء ايله ثنائى (تكرر زكاتى [١]) مؤدى
مانعك عدمى شرطيله [٢] برابر — عند العقد اولمى مشروطدر . مثلاً
ارض عشریه بی اشترا و حاصلتک عشرینى اعطا ایتدکدن صکره غله سنی
تجارت ایچون در انبار ایتمش اولمق صورتنده اکا زکات ترتب ایتمدیکى
کبی [٣] بعد العقد تجارتیه نیت ایتمک و یا خود نفسی ایچون برشى
ایدندیکى زمان کار بولورسه صاتمغى نیت ایلک صورتلرنده دخى زکات
ترتب ایتمز . کما فی الدر .

نصابده نقدین — بیلر نده کی ثمنیت جامعنه مبنی — یکدیگره قیمة
ضم وعلاوه [٤] اولندیغى کبی قیمت عروض تجارت دخى نقدینه ضم
اولنور [٥] وزکات نقدینه بدل قیمة عروض اعطاسی صحیح اولور .

[١] الثنى بكسر المثلثة وفتح النون فى آخره ألف مقصورة وهو أخذ الصدقة
فی عام مرتین . ط علی الدر .

[٢] وعدم هذا المانع مشروط أيضاً فى ضم المستفاد فى اثناء الحول الى نفسه
کما مر فی هامش الصفحة ١٢ .

[٣] زيد ترلا سندھ حاصل اولان بغدادی وآرپه نك عشرینى و یروب ماعداسنى
انبارینه وضع ایدوب تجارت نیت ایدوب اوزرینه حولان حاصل اولدقدن صکره
زيد اول بغدادی وآرپه بی بیع ایدوب ثمنی نصابه بلغ اولسه زیدہ زکات لازم
اولورمى ؟ الجواب : ثمن مرقوم اوزرینه حولان حول ایتمدیکجه لازم اولماز .
(بهجة الفتاوى) .

عشرى ویریلان اوزمک زکاتى اولماز . (عبد الرحيم) .

[٤] قیمة ضم قول امامدر . امامین ضم بالجزایه قائلدر . کما فی ط .
الى درهم كوش و یوز الى درهم قیمتلى اون . مقال آلتونه مالك اولان زيد
اوزرینه زکات واجب اولورمى ؟ الجواب : اولور . (بهجة) .

[٥] چونکه جملة سى تجارت ایچوندر وضعاً و جعلاً . در مختار .

کرچه قصد تجارت ایله متبخ اولان سوانم دخی عروضدر ولسکن
زکات سوانم ایله زکات تجارت مقداراً و سبباً مختلف اولمخله [۱] .
برینک حولانی دیکرینه بنا ایدیلهمز .

زکات تجارتک سنه سی سائمه لک نیتنه اقتران ایله باطل اوله جفندن تجارت
ایچون اشترا ایتدیکی حیواناتی سائمه یا بمق ایسه سه سنه ابتدای وقت
نیتندن معتبر اولور . در مختار .

عروضدن قیمة اولدیغی کبی عیناً دخی زکات ویریله بیلور . مثلاً
ایکیوزدرهم گوش قیمتهده ایکیوز اولچک ذخیره سی اولان تاجر حولان
حولدن صکره زکاتی عیناً و یا قیمة اعطاده بخیر اولوب عیناً اعطاسا
صورتنده مالنک قیمتی کرک آرتمش ، کرک اکسیلاش اولسون بش
اولچک ویرر . قیمة اعطاسا صورتنده یوم وجوبنده کی قیمتی ویرمک
لازم کلور [۲] .

بالغ نصاب اولان دینک (آلاجفک) دخی زکاتی وارددر و بوبابده
دین اوچ قسمدر : دین قوی ، دین وسط ، دین ضعیف .

(وضع) قیدی ثمنینه و (جعل) قیدی عروضة عائددر . ای بوضع الله تعالی
و بجعل العبد ط علی الدر .

[۱] مال تجارتده مقدار زکات ربع عشردر . سوانمده اوله دکلددر . مال
تجارتک زکاتنده سبب مالک نصاب نامیدر . سائیمده ایسه عدد معینه مالکیتدر
مع قصد الدر والنزل ا ه ط علی الدر . آغاز فقیه منرک یدنجی مسئله سی
اوقویکز . آئیمه زکات ابل قیبلنده کی هامشه باقکزر .

[۲] عند الامام کما یأتی بعد ذکر السوانم .

(دین قوی) : فرض و بدل تجارت اولان آلاجه قدر .

مهرّ ملیّ اوزرنده اولدیغی وحتی مهرّ معسر و یا مفلس [۱]
اوزرنده بیله بولندیغی تقدیرده [۲] انی دائن قبض ایتدیگی وقت
سنین ماضیه ایچون زکاتی ویرر .

شوقدرکه زکاتده خمس نصابک مادونی معفو اولمغله کچن مدت
برسنه دن عبارت اولدیغنه کوره زکاتک وجوب اداسی دین مذکور دن
لااقل قرق درهم قبض ایدلنجه قدر تاخر ایدر .

(دین وسط) : تجارت ایچون اولیان مالک — مثلاً ثیاب بذله ناک
وعبد خدمتک و دار سکنا ناک — بدلاتندن اولان آلاجه قدر .

بومقوله اموالک اثمائی مشتریده ذمت قالدق اوزرندن سنه
کذراتنده نصاب تام قبض ایدلمش اولمقدجه زکات لازم اولماز .
و گذشته سنه لر دین مذکورک ذمت مشترییه وقت لزومندن معتبر اولور .
(دین ضعیف) : برشیدن بدل اولمیه رق ذمتده قالاندر . مهر [۳]

[۱] (ملی) و زناً و معنی غنی کبیدر . (معسر) میمک ضمی و عینک
سکونی و سینک کسری ایله ملیتک ضدیدر . (مفلس) کله سی بوراده محکوم
بالافلاس معنا سنه اولدیغیچون فانک فتح و تشدید ایله در .

[۲] مدیون مقر اولمیب متکر بولندیغنه کوره بیغه سی اولان دین دخی
بو قسمدن ایسه ده انده قول امام محمد تصحیح اولمشدرکه امام مهار الیه زکاتک
عدم وجوبنه قائلدر . چونکه هر بیغه مقبول اولماز . هر قاضی دخی عدالت
ایتمز . کافی ط .

[۳] ذمت زوجده قالمش اولور . « هند بیک غروش مهر مؤجلی زوجی
ذمتده ایکن اون سنه مرور ایتسه حالا زید فوت اولوب هند مهر صرقوی
نرکه دن آلدقده سنین صرقومه ایچون زکاتی هند اوزرینه واجب اولوری ؟
الجواب : اولماز . نتیجه . »

ووصيت [١] ومال مخالعه [٢] ودم عمدن صلح [٣] وديت [٤]
وبدل كنبات [٥] وسعايت [٦] كبي كه بونلردن مقدار نصاب قبض
اولند قجه وبعد القبض اوزرندن سنه آشد قجه زكات لازم اولماز [٧]
واهبه هبه ايتديكي مقدار نصاب مالك زكاتي لازم اولمديغني كبي
بعد الحول رجوع ايتمك صورتنده موهوب له ده لازم اولماز رجوع
كرك بالقضاء وكرك بالرضا اولسون . كافي الدر [٨] .

بومسئله مال ضمار ذيلنده كي هامهده (س ١٢) ذكر اولنديغني كبي الفااز
فقهيهمزده دخي الفااز اولمشدر . اوتوز سكرنجي صفحه سنه باقمسكز .

- [١] عند الوارث مثلا برسنه تأخر ايتسه . ط .
- [٢] زوجة مختلعه نردنده مثلا برسنه تأخر ايلسه . ط .
- [٣] آنك بدلي مثلا برسنه عند القاتل تأخر ايتسه . ط .
- [٤] عند العاقلة ياخود عند القاتل مثلا برسنه تأخر ايدوب بعده ولي دم آني قبض ايلسه ط .
- [٥] عبد مكاتب نردنده قالوب مثلا برسنه صكره سيد آني قبض ايتمش اولسه ط .
- [٦] اعتاق بعض صورتنده بقيه قيمتنه ساعى اولان عبدك نردنده اوباره
مثلا برسنه تأخر ايدوب سيد آني بعده قبض ايلسه . ط .
- [٧] أى الا اذا كان عنده مايضم الى الضعيف ط . وهذا (التقسيم)
عند الامام . وأوجبنا عن المقبوض من الديون الثلاثة بحسابه مطلقا . س . قليلا
أو كثيراً . ط .

[٨] قال لورود الاستحقاق على عين الموهوب له اه لأن الرجوع في الهبة
فسح من الاصل في الجملة . ومنه يعلم الفرق بين مسألة المهر والهبة ط على الدر .
وهي من الحيل المسقطه للزكاة كما يأتي بيانه .

(زکات سوائم) [۱]

(سوائم) — که سائمه نك جمعیدر — علوفه نك ضدیدر . آخوردہ
 بسلیمان حیواناته علوفه [۲] وقیرده یاییلان حیواناته (سائمه) دینور .
 علوفه لك وسائمه لك سنه نك اكثر مدتی اعتباریله در . سنه نك اكثر
 مدتندہ آخوردہ علفخوار اولان حیوانلر (علوفه) اولدیغی کبی
 سنه نك اكثر مدتندہ قیرده یاییلان حیوانلر دخی (سائمه) در .
 سنه نك اكثر نده حتی نصفندہ علوفه اولانلر (سائمه) عداوندیغی
 کبی مراعی غیر مباحده مرعی یاره سی ویریلرک یایدیریلان حیوانلر
 دخی (سائمه) صاییلماز .
 حیوانات سائمه دن متعلق زکات اولان یالکز شواوچ نوع
 حیواندر : ابل ، بقر ، غنم .
 (ابل) : دوه لر در . (بقر) : ماندایه دخی شامل اولمق اوزره
 صیغر لر در . (غنم) : قیونلر و کچیلر در .
 آنلر واسترلر و حمارلر سائمه دخی اولسلر انلرک زکاتی
 اولماز [۳] . مکرکه بونلر تجارت ایچون ایدینلش اولسونلر .
 تجارت ایچون بسلیمان هر نوع حیوانات علوفه بیله اولسه عروضدن
 عد اولنه رق متعلق زکات اوله بیلور .

-
- [۱] بوبابك مسائلندن (مراقی الفلاح) ساکتدر .
 [۲] بونده عین مفتوحدر . ضم عین ایله اولان (علوفه) یم معناسنه
 اولان (علف) ک جمعیدر . یکچیری علوفه سی آندندرکه عاصم مرحوم تعریف
 علفده : علوفه خوارانک علوفه لر ی بوندندر . دیمشدر اه
 [۳] وهذا عندهما . وهو المختار للفتوى . هندیه . فلا حاجة فيما يأتي عن
 الدر الى ذكر الحلیل المسئلة عند استثناء سوائم الوقف عن لزوم الزكاة لعدم الملك.

نتكیم انواع ثلاثه مذکورہ سائمه سنك سائمه اوله رق متعلق زكات اولمسی بینمك ویا یوك یوكتنمك یاخود تجارت ایتمك ایچون اولموبده محضاً سوت ویرمك واوره ملك ایچون متخذ اولمسيله مشروطدر [۱] . علوفه یه وعوامل وحوامله یعنی چالشدیریلان و یوك طاشیان صیغر ودوه سائمه لرینه زكات اولمدیغی کی ات و تجارت ایچون سائمه اولان طواره دخی زكات تجارتدن بشقه زكات اولماز [۲] .

تجارت ایچون اولان اموالده [۳] عروض احكامی جاری اولمغله انده علوفه لك دخی مانع زكات اولماز . سائمه ده وسائر متعلق زكات اولان اموالده نصاب مادوتنه زكات ترتب اینمیدیکی کی نصابك ملك اولمسی دخی مشروط بولندیغندن وقف سوائمه دخی زكات ترتب ایتمز . کافی الدر [۴] .

[۱] لابد من هذا القصد (یعنی قصد الدر والنسل) حتی اذا لم يقصد شيئاً أصلاً لا يلزمه زكاة . ط علی الدر .

[۲] زكات تجارت ايله زكات سوائم مقداراً وسبباً مختلف اولمغله بیرنك حولانی دیکرینه بنا ابدیلمیه جکی حقنده کی افاده سابقه بی اوتتمیز . ایکبوز درهم کموشه مساوی اولمدیغی حالده زکاتی ویرمك لازم کان مال نصل مالدر ؟ جواب : عددجه نام اولوب قیمتجه نصاب تقددن دون بولنان سوائمدر . (الغاز فقهیه) .

[۳] المال عند أهل البادية النعم اه مصباح . وقد تقدم في هامش الصفحة ۱۳ أن الأنعام ذوات الحف والظلف وهي الابل والبقر والغنم . والمال ماملكته من جميع الأشياء . قال ابو الطيب :

لاخيل عندك تهديها ولا مال * فليسمع النطق ان لم تسعد الخال

[۴] ولا حاجة لنا الى ذكر قوله : والخيول المسبلة . أي المحمولة ليعزى عليها في سبيل الله تعالى كما قلنا وراء هذه الصفحة .

ملك وببالغ نصاب اولان انواع ثلاثه مذكوره سائمه سنك اركىكلرى
وديشيلرى ومختلطلرى متعلق زكاتدر .

(زكات ابل)

سائمه اولان دوه لرك بشدن اقلنه زكات لازم كليوب [١] اوزرلرندن
سنه آشان بش سائمه دوه ده برشات (قيون ويا كچى) ويريلوركه بش
دوه نك زكاتى اودر . يكرمى بش دوه يه قدر هر بشده برشات ويريلوب
ايكى نصاب مابيتى معفو اولور . دوه لرك عددى تام
يكرمى بش اولدقده بر بنت مخاض [٢] (ايكي يشنه كيرمش
برديشى دوه) ويرملك لازم كلور . اوتوز بشه قدر ويريله جك
زكات بودر . دوه لر اوتوز التى اولدقده بر بنت لبون [٣]
(اوچ ياشنه كيرمش برديشى دوه) ويريلور . قرق بشه قدر
ويريله جك زكات بودر . دوه لر قرق التى اولدقده بر حقه
(درت ياشنه كيرمش برديشى دوه) ويريلور . التمشه قدر ويريله جك
زكات بودر . دوه لر التمش بر اولدقده بر جذعه [٤] (بش ياشنه كيرمش
برديشى دوه) ويريلور . يتمش بشه قدر ويريله جك زكات بودر .
دوه لر يتمش التى اولدقده ايكي بنت لبون ويريلور . حقه سانده قدر
ويريله جك زكات بودر . دوه لر حقه سان بر اولدقده ايكي حقه
ويريلور . يوز يكرمى يه قدر زكات بودر . يوز يكرمى دوه دن
صكره ايكي حقه ايله برابر هر بش دوه ده برشات ويريلوب

[١] شروط وجوبه وتعريف نصابه بافكر .

[٢] لفظ (مخاض) فتح ميم ايله در .

[٣] لفظ (لبون) فتح لام ايله در .

[٤] لفظ (جذعه) فتح تين ايله در .

عدد ابل يوز قرق بش اولدوقده ايكي حقه ايله بر بنت مخاض ويرملك لازم كلور . يوزاللي دوهده اوچ حقه ويريلور . يوز اللیدن صكره فريضه استيناف اولنوب اوچ حقه ايله برابر هر بش دوهده برشات ويريلور . يكرمي بشده يعنى دوهلر يوز يتمش بشه بالغ اولدوقده اوچ حقه ايله بر بنت مخاض واوتوز التيده يعنى يوز سكسان التى دوهده اوچ حقه ايله بر بنت لبون ويوز هاتمسكان التى دوهده درت حقه ويريلور . ايكيوز دريه قدر زكات بودر . ايكيوز دوهك زكاتنى ديلرسه هر اللیده بر حقه اولقى اوزره درت حقه ويرر وديلرسه هر قرق دوهده بر بنت لبون اولقى حسابيله بش بنت لبون ويرر . ايكيوز دوهدن صكره فريضه استيناف اولنوب يوز اللیدن صكره اولان حساب وجهله باشلانور . لزوم زكاته هر نوع دوه بردر : كرك تك ، كرك جفت اوركجلى اولسون .

كوچكلرى وكورلرى ، طوپاللى الح داخل تعداد اولسهده انلر زكات اولهرق ويرلمز .

اك كزیده لری دخی اخذ اولنویوب وسطلری آنور .

(زكات بقر)

سائمه اولان صيغر جنسك اوتوز عدددن اقلنه زكات لازم كليوب انلر اوتوز اولوبده اوزرلرندن سنه اشديغنده بر تبیع وياتيمه (تام برسنه لك [ه] ارلك وياديشى بوزاغى) ويريلور .

[*] يعنى برسنه سنى تمام لا يوب ايسكنجى سنه يه باصمش . هنديه .

قرق قدر زکات بودر . صیغر لک عددی تام قرق اولدیغنده بر مسن و یامسنه (تام ایکی سنه لک [۱] ارکک و یادی شی طنه) و یریلور [۲] . آتمشده ایکی تبیع و یاتبیعه و یریلوب آتمشدن صکره قرقلر و اوتوزلر . اعتبار اولنور که هر قرقد بر مسن و یامسنه و هر اوتوزده بر تبیع و یاتبیعه و یریلور . یتمشده بر مسن ایله بر تبیع و سکسانده ایکی مسنه و طقسانده اوچ تبیع و یوزده بر مسنه ایله ایکی تبیع و یریلور .

بقرک عددی یوز یکر می اولمق کی مسنه و یاتبیعه تقدیرینی محتمل اولدقده اعطاء زکاتده دخی بخیر لک حاصل اولوب مزکی دیلر سه قرقد بر مسنه اولمق اوزره اوچ مسنه و دیلر سه هر اوتوزده بر تبیع حسابیلر درت تبیع و یرر .

اینک و اوکوز ایله ماندا قاریشق اولان بقرسائمه نک زکاتی انلرک اغلبندن آلنور .

مطلوب اولان سنده حیوان و یرلمز ایسه ادانده فرقی برابر و یریلور . اعلاده فرق کیرو آلنور .

(زکات غنم)

سائمه اولان قیون و کچی سوریسنک قرقدن اقلنه زکات

[۱] یعنی ایکی یاشنی بیتروب اوچنه باصمش . هندیه .

[۲] فاذا زادت علی الأربعین وجبت فی الزیادة بقدر ذلک الی ستین عند ابی حنیفة فی الواحدة الزائدة ربع عشر مسنة و فی الاثنین نصف عشر مسنة . و هذا ظاهر الروایة عن الإمام . و عنه لاشیء فیما زاد . در مختار .

لازم کلز . غنم قرق اولوب اوزرلرندن سنه آشدیغنده یوز یکر مییه قدر برشات (قیون ویا کچی [۱]) ویریلور . یوز یکر می بر اولدیغنده ایکموزه قدر ایکی شات ویریلور . عدد اغنام ایکموزی کچر ومثلا ایکموز بر اولور ایسه اوچیوز طقسان طقوزه قدر اوچ شات ویریلور . درتیوز اولدقده درت شات الح ویریلور که ارده کیلر معفو اولمن اوزره هر یوزده برشات آرتیریلور .

زکوات سوانمده امر حضرت رسالت بووجهله در .
بریاشدن اشاغی اولان کوچکله وقوزیلره مستقلا زکات ترتب ایتمز . انجق ایلر سوریده داخل تعداد اولور . ایچلرنده بر بیوک بیلله اولسه نصا بلرینه زکات تعلق ایدر [۲] وزکات اوله رق او بیوک اخذ اولور . مکرکه پک کزیده اوله . او حالده او اخذ اولنمیوب برشات وسط آلور .

زکات اوله رق عیناً ویریله جک شی دائماً وسطدر که ادنانک اعلاسی واعلانک ادنامیدر . [ولا تيمموا الخبيث منه تنفقون ولستم بأخديه الا أن تغمضوا فيه] .

زکاتده وعشرده وخراجده وفطرده و نذرده [۳] واعتسافک

[۱] ارککه دیشییه شاملدر . در مختار .
[۲] مثلا حولان حولده اوتوز طقوز قوزی ایلله بر طوقلیسی قالمش اولان کیمسهیه زکات واجب اولور . ط علی الدر . آنک هلاکیله زکات ساقط اولور در مختار .

[۳] بر صاع بغدادی تصدق ایتمکی نذر ایلمک صورتنده اولدیغی کی که نذر کرك مطلق وکرك معاق اولسون آنده دفع قیمت جائزدر . ط .

غیری اولان کفارتده [۱] عینہ بدل دفع قیمت جائزدر [۲] .

معتبر اولان یوم وجوبنده کی قیمتدر .

امامین یوم اداسنده کی قیمتدر دیدیلر .

سوائمه اتفاقا [۳] یوم اداده کی قیمت معتبردر [۴] .

زید مالنک زکاتیلہ بر جاریہ اشترا ایدوب زکات ایچون اول جاریہ بی

عمر و فقیر صالحه و یرسه زکات یرینسه کچرمی ؟ الجواب : کچر . (نتیجہ) .

زکات ، مال حلاله ترتب ایدر . نصاب حرام اولورده انک خصمی

حاضر یعنی صاحبی موجود ایسه آکا و یرلمسی و صاحبی موجود اولمدیغنه

کوره تصدق اولنسی و اجبدر [۵] .

[۱] اعتاقی استئنا ایتمسنک وجهی انده کی معنای قربت اتلاف ملک و نفی رق

اولوب بوا یسه تقوم ایتمز اولسیدر . ط علی الدر .

[۲] فالواجب اما العین أو القيمة بخلاف الضحایا والهدایا لان معنی القربة

فیها اراقة الدم وذلك لا یتقوم . ولا یفنی أنه فی الضحایا مقید ببقاء ایام النجروأما

بعدها فیجوز دفع القيمة . ط علی الدر .

[۳] وهو الاصح . وروی عن الامام اعتبار یوم الوجوب . کما فی الدر مع ط

[۴] ویقوم فی بلد المال الذی فیہ . ولوفی مغاظة فی أقرب الامصارالیہ .

در مختار .

[۵] مغضوب اولان و یا شراء فاسد ابله مملوک بولنان ماله زکات یوقدر .

قهستانی و یجمع الانهر .

صاحب درک تعبیرنجه مال خیمته زکات اولماز .

زید غصب ورشوت طریقیله جمع ایتدیکی مالندن زکات و یرمسی جائز

اولورمی ؟ الجواب : اصحابته رد اولنور . (فیضیه) .

زید مال حرام جمع ایدوب یدنده ایکن اوزرندن سنه کچسه اول مالد

زید اوزبنه زکات واجب اولورمی ؟ الجواب : اولماز . (ابن نجیم) .

مال حلاله مال حرام قاريشوب تميز اولنه ماز ايسه جمله سنك
زكاتى ويريلور [١] .

زكات ذمته دكل ، عينه تعلق ايتديكي ايچون [٢] بعد الوجوب
(يعنى حصول حولادن صكره) نصابك هلاكيه ساقط اولور [٣] .
نصاب اكر بعد الحلول استهلاك ايدلمش ايسه زكات - وجود
تعلتى به مبنى - تضمنين اولنور [٤] .

[١] زيد حلالدن كسب ايتديكي شوقدر آقچه سنى حرامدن كسب ايتديكي
شوقدر آقچه سنه خلط ايدوب احدهايي آخردن تميز ممكن اولسه حولان
حصولنده اول آقچه نك جمله سيچون زيد اوزرينه زكات واجب اولورمى ؟
الجواب : اولور . (بهجه) .

[٢] يدل عليه قوله تعالى (وفي أموالهم حق معلوم للسائل والمحروم) وقوله
صلى الله عليه وسلم : في أربعين شاة شاة . ط على الدر .

[٣] لفوات القدرة الميسرة للاداء التي هي وصف التمام . كما تقرر في موضعه .

[٤] مثله : زكاتى ويريله جك ابكى نوع مالى اولوبده برنوعنك اوزرندن
سنه آشدقدن صكره كنديمى استهلاك ايتمكه ديكر نوهنك زكاتى ساقط اولمش
اولان كيمسه كيمدر ؟ جواب : بو اول كيمسه دركه سائمه اوله رق بش دوه سى
وقرق غنمى اولوب دوه لرك اوزرندن سنه آشهرق زكاتى اولقى اوزره برشات
ويرمك لازم كلديكى حالده صاحبي آنلرى استهلاك ايقسه زكات ساقط اولماز
ايسه ده آندن صكره غنمك اوزرنده حولان حاصل اوله رق زكات زمانى
كلديكندم آنلك زكاتى ويرمك لازم كلز . چونسكه كنديسى دوه نصابى استهلاك
ايتمش اولقله ذمتنده فقير حق اوله رق برقيون قالمش اولور و آنسكه غنمك
نصابى تناقص ايتمش بولنور . بنساءً عليه آندن غم زكاتى ساقط اولور . اكر
دوه نصابى آنك صدى اوليه رق هاللك اولورسه ذمتنده برشى قالمش اولامضه
غنمك نصابى تام وكامل اولمش اوله رق زكاتى لازم كلور . (الغاز فقيهه) .

حصول حولانندن صکره نصیبک اقراض و اعاره طریقہ نواسی
(یا تماسی) هلاک ، و نصیب سائمہ نی یمسز یا خود صوسز براقق
استہلاک ، در [۱] .

بعد الوجوب اسقاط واجب ایچون چاره آرامق بالاجماع
مکروهدر .

امام ابو یوسف دفع وجوب زکات ایچون چاره بولغی جائز
کورمش و امام محمد انی ده مکروه صائمشدن [۲] .
حیوانات سائمہ سنی سنہ تمامندن برکون اول - وجوب زکاتدن
فرار ایچون - صائمق امام محمدہ کوره مکروه و امام ابو یوسفہ کوره
غیر مکروهدر .

نفقہ ایچون صائمق بالاجماع مکروه دکلدر .

سنہ خلانده نصابی برینه هبه ایدوب مال ، موهوب له عندنده
ایکن سنہ تمام بولدقدن صکره قضا یا خود رضا ایله و اهبه رجوع ایتمک
زکاتک قبل الوجوب اسقاطیچون اولان چاره لر دندر که هیچ برینه
زکات لازم کلیر .

تکیم سوائم قیملنده دخی ذکر اولغش و الغاز فقیهه زدن کتاب
الزکاتک ایلك مسئله سی بو اولمشدر [۳] .

[۱] مال تجارتک مال تجارت ایله استبدالی (هلاک) و مال تجارتک غیری ایله
استبدالی (استہلاک) عدا اولنور . س . و ذکره صاحب الدرأیضا .
[۲] و بالنده قالماق ایچون دکلده بخلدن ناشی وجوبدن قاجمق دخی
اجماعاً مکروهدر . ط .

أیها الحول القلب أمن حیلتک ؟ أن تجمع المال لبعل حیلتک
(۳) بونک اوراده اوچ نظیری ده امد کورددر . استفسره کز او قویکز .

زکات حق فقرا ايسه ده جبراً آله ماز [۱] ونيت اولديغیچون
میتک ترکه سندن دخی اخذ ایدیلهمز .
مکرکه کندیسى انی وصیت ایتمش اوله [۲] اوحالده ثلث مالندن
اخذ اولنور .
ورثه اجازه ایدرلر ايسه مجموع مالندن دخی آله بیلور .

زکاتک مصرفی [۳] که محلّ صرفی دیمکدر | انما الصدقات للفقراء
الح [۱] قول کریمنده تعدادیور بلان صنوفدر : فقیر صنفی ، مسکین صنفی ،
مسکاتب صنفی ، مديون صنفی ، فی سبیل الله منقطع اولان صنف ، ابن
سبیل صنفی ، عامل صنفی .

بونلرک اجمالی : زکاتک کندیلرینه صرف واعطاماسی شرعاً صحیح
اولان مسلمان عبارتدر . کرک ارکک ، کرک قادین و یاصی میز اولسون .
اغنیاء مسلمینه فرض اولان زکات مسلمینک غیریه ویریله —
مديسکی کبی مسلمینک دخی هر صنفنه دکل ، انجی ذکر اولانان صنوف
ضعفاسنه ویریلور .

[۱] زید عمروی قاضیه کتوروب : « بن فقرادن اولمسله عمرو مالک
زکاتی بکاویرسون . » دبوعمرودن دعوی ایلسه مسموع اولورمی ؟ الجواب
اولماز . (فیضیه) .

زید فقیر عمروهنی بالغ اوزرینه مالنده زکاتک وجوبی دعوی وعمرودن
زکات طلب ایلسه دعواسی مسموعه اولورمی ؟ الجواب : اولماز . (ابن نجیم)

[۲] حاجت غیره بناءً مشروع اولان صلات نوعی وصیت اولدقجه موت
ایله ساقط اولان احکام دنیویه میتدن اولق اوزره اصولده مذکوردر .

[۳] (مصرف) باب ثانیدن اسم مکان اولدیغیچون مجلس وزندهدر .

نظم ایتده برده مؤلفه قلوب صنفی مذکور ایسه ده آنلره اعطاء زکات خصوصی علیه السلام افندمز حضرتلرینک آخر امرده حضرت معاذ بن جبله — رضی الله تعالی عنه — ویرد کلری تعلیمات سنییه ده کی و خنده امن اغشیائهم وردهافی فقرائهم، قول شریفلریله منسوخ اولمشدر [۱].

فقیر: نصابه بالغ ماله، نه ده آنک قیمتته مالک اولمیاندر. ولوکه صحیح البدن وصاحب کسب اولسون [۲].

اومقدار ماله مالک ایسه ده مملوکی اولان مال کندی حاجتی مستغرق ایسه اودخی فقیردر.

برینک اوزرنده مؤجل آلاجهفی اولان کیمسه نفقهیه محتاج

[۱] محشی بویه دیشدر. اصولک (بیان قیدیل) بخونده «اجماع نه ناسخ و نه منسوخ اولور» دینلدیکی برده: «مؤلفه قلوب حصه سنک زمان حضرت صدیقه سقوطی اجماع ایله دکل، سببک سقوطنه مبیدر» دینلدیشدر. صراحتی حاشیه طرسوسی ایله برابر مطالعه ایدکر.

[۲] شوقدرکه عسردن سمدادی اولانه یعنی قوت یومهسی نمارک ایدنه اخذ زکات ایتامک اولادر ط. محشی صرحوم بوراده بوقدرجق افاده دن صکره صدقه فطر بابی قیلنده دیشدرکه قوت یومهسی بالفعل موجود اولانه یاخود — صحیح مکتب اولوق جهتیله — قوتی بالقوه موجود دیک اولانه قوته دائر برشی ایسته مک حرام اولور. حالنی بیلدرک ویرن دخی محرم اولان شیئه اعانه ایتدیکندن طولای کنهه کیرر. کسوه ایچون یاخود کندیسی جهاد ایله واطلب علم ایله اشتغالندن ایچون ایسترایسه محتاج بولندیغنه کوره جائزدر. اه وینه باب مذکور قیلنده دیشدرکه زکاتی سرفه یاخود معصیته صرف ایده چی معلوم بولنان کیمسه یه ویرمک لائق دکلدر. ابو حفص الکبیر: نمازی آحیاناً قیلان کیمسه یه زکات ویرمک کافی اولور سه ده ویرلز. دیشدر اه.

اولدقده آلاچغنك ميعادى حلول ايدنجه يه دكين كنديسنه كفايت ايدمك قدر زكات آلق جائز اولور [۱].

آلاچغى اكر غير مؤجل ايسه مديونك معسر اولوب اولمديغنه باقيلور : مديون معسر اولديغنه كوره داتنك عند الاحتياج اخذ زكات ايتمسي — اصح اقوال اوزره — جائز اولوب [۲] مديون موسر ودينني مقرر بولمديغنه كوره اخذ زكات ايتمك دائنه حلال اوله ماز . ط . مسكين : هيچ برشيشي اولميا ندر كه زواللى تعبير اولنان فقير در [۳].

مكاتب : رقبه سنى رقدن (ملوكيتدن) تخليص ايچون افنديسيه بدل معين اوزرينه عقداشن كوله در [۴].

مديون : ورجندن فضله نصابه ، نه ده آنك قيمته مالك اولميان بورچليدر [۵].

-
- [۱] تكيم الفاظنك در دنجي مسئله سيدر .
- [۲] لانه بمؤلة ابن السبيل . ط .
- [۳] مذكر ومؤثي مساويدر . مؤثنده (مسكينه) دينه بيلور . فقير محتاج معناسه در . قال ط وهذا على المذهب لقوله تعالى (أومسكيناً ذامترية) وآية للسفينة للرحم وقيل تعريفها على هكس ما ذكرهنا اه .
- [۴] ذكر اولنان آيت صدقاتده كي (وفي الرقاب) قول كريمندن — اكثر اهل عامجه — مراد بودر . صغير ايله كبير بهننده فرق اولمديغى كي غنيك مكاتبيله فقيرك مكاتبى آره سنده دخى — على الصحيح — فرق يوقهر .
- هاشمي نسب اولان داتك عبد مكاتبه زكات ويرلز . مكاتب دخى كنديسنه ويرلان زكاتي فك رقبه سندن غيري خصوصه صرف ايدم م . ط .
- [۵] آيت كريمه مذكوره ده كي (والغارمين) دن مراد مديونيندر .
- ظهيريه مديونه اعطادن فقير غير مديونه اعطادن اولى اولديغى مذكور اولوب مقصود مديون غير هاشميدر . ط .

فی سبیل الله منقطع : غزا یا خود حج ایچون چبقو بده نفقه سنک
نفادی و یادابه سنک هلاکی سبیلله یولده قالمش اولاندر [۱] .
ابن سبیل : یولجی دیمک ایسه ده [۲] مراد مملکتکنده مالی اواسه
بیلله یاننده بولندیغی ایچون محتاج قالان یولجیدر . اگر وطننه ایصاله
کافی شیشی و ارایسه اکا زکات ویرلمز [۳] .

عامل : زکات تحصیلنه مامور اولاندر [۴] . هاشمی اولماق
شرطیله آنک دخی کندینه و اعواننه عمللری و ذهاب و ایابلری مدته
خدمتوسط ایله اداره لرینه کافی اموال موجوده زکاتدن حق اولور [۵] .
غنی دخی اواسه غناسی اخذینه مانع دکدر چونکه نفسنی بوایش
ایچون فارغ قیلمشدر محتاج کفایتدر .

[۱] غربا اولان طلبه علومه و فقرا بولان جمله آتیه دخی شاملدر . کا
فی ط . قال ان طالب العلم يجوز له أخذ الزكاة ولو غنياً اذا فرغ نفسه لفائدة
العلم واستفادته لعجزه عن السكسب والحاجة داعية الى ما لا بد منه ان يتصرف .
ومثله العامل المفرغ نفسه للعمل كما يأتي .

[۲] اضافت ادنی ملاسبه مبنیدر . هر یولجی به (ابن سبیل) دینور . ط .

[۳] مالندن جدا اولان کیمسه به اولی اولان — قادرایسه — استقراض
ایتمکدر . مائه دسترس اولدیغی زمان فضلہ سنی تصدق ایتمک دخی لازم کلز . ط .

[۴] (عامل) عملدن مشتقدر (عمل) قصده مقرون اولان فعل انساندر .
فعلدن اخصدر ط .

[۵] مآ کل و مشارب و ملاسجه مشتیهاته تابع اولق اکا جائز اوله ماز .
اسراف محض دیمک اولدیغیچون او حرامدر . امیره لازم اولان وسطه راضی
اولانی مأمور ایتمکدر . ط .

زکات ویره چک کیمسه ذکر اولنان صنوف سیمه نك هپسینه ویره -
 بیلدیکی کبی هپسی موجود ایکن آنلردن یالکیز برصنفه دخی ویره بیلور .
 زکات ، أغنیاء مسلمیندن آلتوب فقراء مسلمینه ویریلور اولدیغندن
 مسلم اولمیانلر آنسکله مکلف اولدقلری کبی اکا مصرف دخی اوله مازلر .
 غیر مسلمله ویریلن زکات صحیح دکلدر [۵] .
 زکات مسلم غنییه دخی ویرلمز . غنی : مالک نصاب اولاندر .
 حوائج اصلیه سندن فضله اوله رق نصابه ویاخود هانکی مالدن اولورسه
 اولسون قیمتی نصابه مساوی شیئه مالک اولانه زکات ویریله مز .
 غنی بر کیمسه نك هنوز نابالغ بولنان چوجغنه دخی زکات ویرمک
 صحیح اوله ماز . کرک پدرینک زیر اداره سنده اولسون ، کرک اولسون .
 چونکه پدرینک غناسیله اوچوجق غنی صاییلور .
 ولد کبیر اویله دکلدر .
 ذات الزوج اولان قیری حقنده اختلاف واردر . اصح اولان اکا
 اعطانک جوازیدر .
 غنیه اولان قادینک چوجفی پدری مرحوم دخی اولسه ووالده سی
 نزدنده بیله بولنسه غنی دکلدر . اکا زکات ویریلور .

[*] تنویرده وئرهنده دیشدرکه ذمییه زکات ویرلر زکاتدن وعشردن
 وخراجدن ماعدا اولان صدقاتی — نذر وکفارت وفطره کبی واجب دخی
 اولسه — ذمییه اعطا ایتمک جائز اولور . امام ابو یوسفجه جائز اولماز .
 مفتییه اولانده بودر . حربی — مستأمن دخی اولسه — هیچ برصدقه اکا
 اعطا اولنماز . زیلعی صدقه تطوعک حربییه جوازا اعطاسنی جزم ایلمشدر . ط .
 اوچنچی صحیفهیه وکتاب الصومزک ۱۱۵ نجی صفحه سینه باقکیز .

غنيك زوجه فقيره سنه دخى زكات ويريلور .
 بنى هاشم - كه آل رسولدر (عليه الصلاة والسلام) - حصه
 غنائم ايله استغنا لري جهتيله اوساخ اموال ديمك اولان زكاتى [١] ائخذدن
 صيانت اولنديلر [٢] . حديث شريفده : انا لئحل لنا الصدقة ، بيورلدى
 « مولى القوم من انفسهم » ، حديث شريفى موالى بنى هاشمى يعنى
 آلرك آزادليلرينى دخى آلره ملحق قيلدى .
 زكاتى مزكى كيندى اصول وفروعنه [٣] وزوجه سنه اعطا ايتيمك
 دخى صحيح اوله ماز [٤] .

[١] وكذا كفارتلرى ونذرلرى وصدقه فطرى . كافى النتيجة .
 [٢] واختار الطحاوى دفعها لبني هاشم ص . لان عوضها وهو خمس الخمس لم
 يصل اليهم لاهمال الناس أمر الغنائم وايصالها الى غير مستحقيها فاذا لم يصل اليهم
 الموض عادوا الى المعوض . ط . فالحرمة كانت على عهد وصول خمس الخمس اليهم لاعلى
 غير ذلك العهد . وبه أفتى ابن نجيم . ففى فتاواه :
 « سادات كرامدن زيد فقيره زكات ويرمك جائز وادا ايدين كيمسه دن
 زكات ساقط وزيد شريفه اخدى حلال اولورمى ؟ الجواب : اولور . » وفى
 شرح السكز للعيني : والهاشمى يجوز له أن يدفع زكاته الى هاشمى مثله عند
 ابى حنيفة خلافا لابى يوسف .

[٣] يعنى : آباء واجدادينه وامهات وجداتنه واولاد واحفادينه .
 [٤] چونكه قطع منفعت ايديلس اولماز . ركن زكات اولان تملكه
 باقكر . بوحكم زكاته خاص اوليوب كفارات ونذور وصدقه فطرى كى بتون
 صدقه واجبه انواعنه شاملدر كه بولر دخى اصول وفروعنه ويرمك جائز اوله ماز .
 ايله انحق صدقات غير واجبه ويريله بيلديكى كى انلردن ماعدا اولان اقاربك
 محتاجلرينه دخى : برادرلره ، همشيرلره ، عموجهلره ، خالهره ، داييلره ،
 تيزه لره زكات وصدقات واجبه وغير واجبه ويريلور . همده بولره ويرمك - مع الصدقه
 صله دخى اولديغيچون - اولى اولور . اولو بولره وبعده سائر اقارب وبعده حيرانه
 ويريلور . زوجه يه زكات اعطاسنك عدم صحتى اتفاقيدر زوجه غنيه نك زوج فقيره زكات

زکاتی مزکی کندی مملوکنه و مکاتبه و معتق البعض اولان کوله و یا جاریه سته و یرمک دخی جائز اولماز [۱].
بالتجری مصرف ظنیه زکات و یردیکی کیمسه خلاف حقیقه
زکات حق الله اولوب آندهده معتبر و سع اولدیغی و مزکی دخی

اعطاسی دخی عند الامام غیر صحیح و عند الامامین صحیحدر . کما فی ط . فیضیهده
و بهجدهده فتوی امام قولی اوزرینهدر .

[۱] مملوکنه و یرمه نك عدم صحتی — که مدبر دخی انك مثلیدر — تمليك
اولدیغندندر . مکاتبه — که معتق البعض دخی انك مثلیدر — اعطائك عدم
جوازی انلرك کسبنده سیدك حق اولغله تمليك تام اولدیغندندر . ط . اصول
و فروعك و اغنیانك و بنی هاشمك و کفارك مملوکارینه دخی زکات اعطا اولنه ماز .
تفده شوبله مذکوردر زکاتی شو اون ابکی صنفه اعطا جائز اولماز :
ابون وانلرك آبا و اجدادی ، اولاد وانلرك اولاد و احفادی ، اغنیاء ، کفار ،
بنی هاشم [*] ، بوصنوف خمس نك کوله و جاریه لری ، کندی کوله و جاریه لری ،
ام ولد لری ، مدبر لری ، مکاتبلری ، زوجہ لری ، زوجہ نك کندی زوجی [**] .
بونلردن الی اولسکیلره بیلمیه رك و یرسهده صکره بیلمسه قول امام ابو یوسف
و شافعیده اعاده ایتمك لازم کلور : ماء نجس ایله آبدست آلوب نماز قیلمش
اولان کبی که بو حال معلومی اولدقده ماء طاهر ایله آبدست آلوب نمازی اعاده
ایتمك لازم کلور . امام ابو عبد الله و ابو حنیفه و محمد عندده اعاده لازم کلز :
بالتجری نماز قبولوده قبله نك غیریه قیلمش اولدیغی تبین ایدن کیمسه کبی که
اکا اعاده صلات لازم اولماز .

انلردن الی صکره کیلره بیلمیه رك و یروب بعده بیلمسه اعاده ایتمك متفقاً لازم
اولور . چونسکه ملکه کندن اخراج ایتمش اولماشدر . یالکز زوجہ نك
کندی زوجنه و یرمش اولسی مسئلهسی اختلاف اوزرهدر اه .

[*] فی قول ابی یوسف و محمد و ابی عبد الله . و يجوز فی قول ابی حنیفه اه

[**] فی قول ابی حنیفه و يجوز اعطاؤها الیه فی قول ابی یوسف و محمد

و ابی عبد الله رحمهم الله تعالى اه

كندی وسعنده اولانی یامش بولندیغی ایچون جائز وکافی اولور .
مکرکه اوکیمسه کندی کوله سی ویا عبد مکاتبی ظهور ایتمش اوله [۱] .
زکاتی افضل اولان غیر از اصول وفروع یاقیندن یاقین اقرباه
[۲] وبعده قومشولره وبعده صنعتتاشه واهل عمله وبلده سندن اولان
مصرفنه صرف واعطا ایلمکدر .

زکاتده معتبر اولان مکان مالک فقراسی و وصیتده معتبر اولان
مکان موصینک فقراسی وصدقه فطرده معتبر اولان مکان مؤدینک
فقراسیدر . ط .

سنه تمامندن صکره [۳] مال زکاتی کندی قریبنک [۴] یاخود
دها محتاجنک [۵] ویاخود دها متقیسنک یاخود تعلیم ایله
مسلمینه دها نافقهنک [۶] غیرسییچون دیگر بلدهیه — ولو مسافه

[۱] او حالده ویردیکنی کندی ملکندن اخراج ایتمش اولدیغی جهته
زکات ویرمش اولماز .

[۲] اولاسی اولامحتاج اولان برادرلره ، صکره انلرک اولادینه ، صکره
محتاج بولنان عموجهلره ، داییلره ، صکره سائر ذوی الارحامه ، صکره قومشولره
ویرمکدر . ط . شیخ ابو حفص الکبیر دیمشدرکه کشینک کندی اهل قرابتی
محتاجلر ایکن انلردن باشلابوب حاجتلرینی سد ایتمدن سائرلرینه ویردیکی
صدقه مقبول اولماز . ص . یعنی صدقه زکات اولدیغنه کوره فرض اوزرندن
ساقط اولسهده کندیسی انک ثوابنه ایرمز . ط .

[۳] أما المعجلة ولو لفقير غير احوج ومديون فتنتفي الكراهة فيها . ط .

[۴] أما نقلها للقریب فلا كراهة فيه لان الدفع الى الفقير منهم صلة وصدقة . ط .

[۵] لان المقصود سدنة المحتاج فن كان احوج كان أولى . ط .

[۶] التصدق على العالم الفقير أفضل منه على الجاهل الفقير . ط .

سفرک مادونی بولسون — کوندرمک تحریماً مکروه اولور .
دار حربدن دار اسلامه نقل زکات ایتمک اوراده مصرفی موجود
اولمق تقدیرنده دخی مکروه اولماز .

فقیری سؤالدن اغنا ایتمک مندوب اولوب لائق اولان هر فقیرک
احتیاجی جهتمندن مقتضای حالنه نظر اولمقدور [١] .
زکاتی متعدد فقیرلره آزار آزار ویرمکدن ایسه برفقیره طوپردن
ویروب انک احتیاجی دفع ایتمک اولادر [٢] .

برفقیری زکات ایله غنی قیلماق یعنی کندیسنه دینندن وحوآنچندن
فضله اوله رق نصاب قالدق درجه ده شی اعطا ایتمک مکروه در .
نصابدن فضله و دینی تأدیه ایده جک قدرشی اعطاسی مکروه
دکلدر .

(آخر کتابده فتاوی فیضیه دن محرر اولان دردنجی فتوایه بافکزر .)

زکاتی بناء و تعمیر مساجده صرف ایتمک صحیح اولدیغی کی [٣]

[١] من عیال او حاجة کدین و ثوب . ط .
[٢] بر درهمی تصدق ایتمک ایستیان کیمسه انی بوزدیروب اوقاقلغنی طاغیدر
ایسه امر صدقه ده تقصیر ایتمش اولور چونکه جمع تفریقدن اولادر .
همده چوغی ویرمک عمل کرامه اشبه اولمقله دخی اولادر . رسول اکرم صلی
الله تعالی علیه وسلم افندمز حضرتلری : « جناب حق معالی اموری سور ،
امورک سفاسافنه (غیر معالیه نه) بغض ایدر . » بیورمشدر . حق جل و علا
دخی اعطاء قلیل ذم ایدوب (أفرایت الذی تولى وأعطى قلیلا وأکدی)
بیورمشدر . ط .

[٣] رکن زکات اولان تملیک بافکزر .

میتک جهازینه و دیننی تأدیه یه و آزاد اولنه چق کوله نك ثمننه صرف ایلک دخی اولماز [ه] .

الغاز فقیهه مزدن :

مسئله : امام ابوحنیفه حضر تئرینه کوره غنی اولمغله اخذ زکات ایتیمی حلال اولمیان و امام محمد حضر تئرینه کوره فقیر اولمغله اخذ زکات ایلمسی حلال اولان کیمسه کیمدر ؟ (جواب) : عقاری اولوبده کراسندن نصابه مالک اوله میاندر . قیمت عقاری جهتیه غنی عد اولنسه بیله آلدیغی کرا اداره سنه کافی اولمدیغی صورتده قبول زکات و صدقه ایتیمکه امام محمد رأینجه او کیمسه یه بأس یوقدر .

مسئله : هانکی اون کشمیدر انلرکه حوائج اصلیه خارجنده ییلا نیش اون بیک درهم (بیکر درهم) کوشه مالک اولدقلری حالده انلره زکات ترتب ایتیش اولمیه ؟ جواب : بیک درهم کوش استقراض ایتیش بر کیمسه یه کفیل بولنان کشیلدرکه مالک اولدقلری مال حسب الکفاله دیندن خالی دکل دیسکدر . چونکه بر بورج ایجون بشقه بشقه کفیللر بولنقی صورتنده مکفول له انلردن هانکسنه ایسترسه مراجعت ایده ییلور .

[*] زکاتندن تکفین میت ایچون چاره : زکاتی بر فقیره و یروب اوفقیانی تکفین ایتیمکدر . ایکسندده ثواب اولور . تعمیر مساجد مثلی خیراته صرف ایتمه نك دخی چاره سی بودر . فقیر ایچون بوبابده اسره مخالفت وارمیدر ؟ نقل کورلماش ایسه ده ظاهر اولان : اولمقدر . کذا فی ط .

كتب فتاوا دن :

- زيد مديونك مالى اولوب دينندن زيادهسى نصابه بالغ اولدوقده زيد اوزرينه زكات واجب اولورمى ؟ الجواب : اولور . (ابن نجيم) .
- زيدغنى مالنك زكاتنى زوجهسى هندك زوج آخردن اولان فقير اولادينه ويرمك جائز اولورمى ؟ الجواب : اولور . (ابن نجيم) .
- زيد زكاتنى قارالوقده مسلم ظنيله عمروه ويروب بعده عمروك يهودى اولديغنى ظاهر ارسه زيده اعاده لازم اولورمى ؟ الجواب : اولماز ، كفايت ايدر . (ابن نجيم) .
- زيد فقيرك اخذ وقبضى تعقل ايدن اوغلى عمرو صغير فقيره زكات ويرمك جائز اولورمى ؟ الجواب : اولور . (نتيجه) .
- باباسى اولميوب اخذ وقبضى تعقل ايدن زيد صغير فقيره زكات ويرمك جائز اولورمى ؟ الجواب : اولور . (نتيجه) .
- زيد اثواب ايدويورماسه آريلور مقولهسى اولان خدمتكارى عمروه كفايت مقدارى اثواب ايدويوردكده زكات نيتيله ايلسه زكات يرينه كچرمى ؟ الجواب : كچمز . (نتيجه) .
- طلبه علومدن اولميوب [١] حوائج اصليه سندن فاضل قدر — نصابه مالك اولان زيده زكات آلتى حلال اولورمى ؟ الجواب : اولماز . (نتيجه) .
- زيد مالنك زكاتنى قراندانى عمرو فقيره ويرمك جائز اولورمى ؟ الجواب : اولور . (فيضيه) [٢] .

[١] مصرفده كچن فى سبيل اللهك هامشنه باقسكر (ص ٣٥) .

[٢] ومثله فى بهجة الفتاوى بزيادة الحال على الاخ .

زید مالک زکاتی باباسنک اناسی هنده ویرمک جائز اولورمی ؟
الجواب : اولماز . (فیضیه) .

زید مالک زکاتی زوجہ مطلقہ سی اولوب عدتی منقضیه اولمیان
هنده ویرمک جائز اولورمی ؟ الجواب . اولماز . (فیضیه) .
ومثله فی البهجة بوصف الطلاق بالبينونة .

زید مالک زکاتندن نصابدن زیاده اولان شوقدر آقچه یی اول قدر
آقچه دینی ادا ایتمک ایچون ویرسه بأس وارمیدر ؟ الجواب :
یوقدر . (فیضیه) [۵] .

زید کوله سی عمروی زکات نیتی ایله آزاد ایلسه زکاتنه محسوب اولمش
اولورمی ؟ الجواب : اولماز . (فیضیه) .

نصاب زکاته مالک اولان زید مالک اولدیغی مالک اوزرینه سنه
دور ایتمدین برسنه ویا برسنه دن اکثر ایچون اداء زکاتی تقدیم
وتعجیل ایتمک جائز اولورمی ؟ الجواب : اولور . (بهجه) .

زید کتب حدیث وفقه وآداب دن قیمتی نصابه بالغ شوقدر کتابه
یاخود مصنف واحدک تصنیف ایتدیکی کتابدن ایکی نسخه یه مالک
اولوب تجارت نیت ایتسه زید اول کتابلر ایچون زکات ویرمک
واجب اولورمی ؟ الجواب : اولماز . (بهجه) .

بو صورتده زید حفظ وتدریس ایچون اولقدر کتابه وتصحیح
ایچون ایکی نسخه یه محتاج اولیجق زیده اخذ زکات حلال اولورمی ؟
الجواب : اولور . (بهجه)

[*] بهجه الفتاواده دخی بویله در . قرنچی صفحه ده کچن کراعت وعدم
کراعت مسئله لر بنده بافکنر .

زيد مالک زکاتنی اوغلنک زوجہ سی ہند فقیرہ یہ ویرمک جائز اولورمی ؟ الجواب : اولور . (بہجہ) .

زيد مالک زکاتنی باباسنک اناسی ہندہ ویرمک جائز اولورمی ؟ الجواب : اولماز . (فیضیہ) .

ہند حواتج اصلہ سندن زیادہ اون مثقال آلتون بیلازک مالکہ اولوب اندن غیر آلتون وکوش نسنہ مالکہ اولماسہ اولقدر آلتون ایچون ہند اوزرینہ زکات واجب اولورمی ؟ الجواب : اولماز (بہجہ) .
زيد غنینک زوجہ سی ہند فقیرہ یہ زکات ویرمک جائز اولورمی ؟ الجواب : اولور . (علی افندی)

زيد مالک زکاتی اولان شوقدر آقچہ بی فقیر اولقی ظنیلہ عمروہ ویروب بعدہ عمروک غناسی ظاہر اولسہ زید مبلغ مزبوری عمرودن استردادہ قادر اولورمی ؟ الجواب : اولماز . (علی افندی) .

زيد مالک زکاتی اولان شوقدر آقچہ بی فقیر اولان عمروہ ویر دیو بکرہ ویروب بکر دخی عمروہ ویرسہ حالا زید نادم اولوب مبلغ مزبوری بکرہ تضمینہ قادر اولورمی ؟ الجواب : اولماز . (علی افندی) .

عادت اغنام [۱] جمعہ مأمور اولان زید عمروک قیونلرینی صایوب رسنی آلدقہ عمرو ویردیکی قیونلری [۲] زکات نیتلہ ویرجک زکاتی یرینہ کچرمی ؟ الجواب : کچر . (بہجہ فی باب المصرف) .
تسکالیف عرفیہ اخذینہ مأمور اولان زید تسکالیف عرفیہ نامنہ عمروک شوقدر آقچہ سنی آلدقہ عمرو ویردیکی آقچہ بی

[۱] رسم اغنام دیمک ایستر .

[۲] ویا پارہ لری .

زکات نیتیلہ ویریجک زکات یرینه کچرمی ؟ الجواب : کچر (نتیجہ) .
تجار طائفہ سندن زیدک مال تجار دن کمرک نامیلہ ویردیکی آقچه بی
زکات نیتیلہ ویریجک زکات یرینه کچرمی ؟ الجواب : کچر .
(علی افندی)

تم کتاب الزکاة ویلیہ کتاب الحج

ان شاء الله تعالى



خیریه ناییدن :

ذمتلیده قومه بر حبه زکات * وبر کاوله مایه خیر و برکات
حقیدر حضرت حقک اول مال * سن دخی ایتمیه ادا ده اهمال
چونکه ایتمش سنی حق اهل انصاب * سنده ایت تزکیه مال شتاب
فقرا حقیدر امساک ایتمه * پاک ایکن مالکی ناپاک ایتمه
امر حق اوزره سن ایتدکجه ادا * برینه اون ویرر آنک مولا
ویرمز ایسهک برکاتی قالماز * نعمتک سنده ثباتی قالماز
بی زکات اولمه ده در مال تلف * نائبانه اولور البته هدف
تخمدر ماله زکات مشروع * که اولور خاک قبوله مزروع
تخم پاشیده نک أضغافی بتر * ایسکی عالمده سکا داخی یتر
ایلیان فقر و غنای تسکون * ایتمش آنی فقرایه تعیین
سنی اغنا ایدن الله قدیر * ایلش آنی ده حکمتله فقیر
ایله کتم حقوق فقرا * سنه سی کلدیکی دم ایله ادا
استمکدن نیجه لر شرم ایلر * مستحقن آره بول سن کوندر

صدقاتيله قيل اتمام زكات * فرعيدر اصل زكانك صدقات
فضله يوق صدقاتك غايت * چوق بومعناني مؤيد آيت
اغنيا آيينه سيدر فقرا * ضد ايله منكشيف اولور اشيا
دفعه قادرمي اولوردك تقدير * سني آنك يرينه ايتسه فقير
فقرسز حسن غنادر ضائع * بويله وضع ايلش آني صانع
فقردر باعث شكر نعمت * فقردر زيور حسن دولت
فقرايه نظر مرحمت ايت * عنف ايله ايتمه سخن مكرمت ايت
دولت ونعمتلكه آلتدر * سكا حقدن اوده بر نعمتدر
نه سعادت بو نه عزت دولت * كه يوزكدن كوله اهل حاجت
اكا شكر ايت كه انك يرينه سن * اولمش اولسهك نه كلوردي الدن



طبع بحمدہ تعالیٰ مرۃً ثانیۃً فی شہر ربیع الآخر سنۃ ۱۳۲۹ ہجریۃ
بتصحیح مؤلفہ الفقیر الی ربہ الغنی محمد ذہنی



صحیفہ

- ۳ زکات مسائلی : زکات حقیقی
- ۴ زکات صفت شرعیہ سی
- ۵ زکات حکمی
- ۶ زکات رکنی ، زکات سببی ، (نصاب)
- ۷ زکات شرطی
- ۹ دین و حاجت اصلیه
- ۱۰ نساء ، حولان
- ۱۱ مال ضمہار
- ۱۴ زکات شرط صحفی
- ۱۵ زکات تعلق ایتدیکی انواع اموال ، زکات نمود
- ۱۸ زکات عروض
- ۲۰ اقسام دین
- ۲۳ زکات سوانم
- ۲۵ زکات ابل
- ۲۶ زکات بقر
- ۲۷ زکات غنم
- ۲۹ مال خبیثک حکمی
- ۳۷ الی ۴۰ زکات محل صرفی
- ۴۱ الغاز فقہیہ دن آ لنان مسائل
- ۴۲ الخ کتب فتاوا دن مأخوذ مسائل

الحج سبيل الله تضعف فيه النفقة بسبعمئة ضعف

كتاب الحج

وَالصَّيْدُ وَالذَّبَائِحُ وَالْأُضْحِيَّةُ

والعقيقة

نعمت اسلام

مما من الله تعالى به على عبده

محمد زهني

الحج فرض انتهى على الناس * من عهد والدنا المنعوت بالناسي
فرض علينا ولكن لا نقوم به * وواجب الفرض أن نلقى على الراس
(فتوحات)

باب والای فتوا بناهیجه مصدق در

باب عالی جاده سنده شرکت مرتبیه مطبعه سنده طبع اولمشدر

طبعة ثانية

سنة هجرية

١٣٢٩

- کتاب الحج -

(حج) عبادت عمریه اولیٰ حسبیلہ ہر کسک معلومی دکلدر اکا علم اجمالی حاصل ایتکم اولابادہ کی تعبیرات واصطلاحاتی بیلکہ اولہ جغذدن مسائل حجی بیانہ شو مقدماندن باشلایہ جغز . بیان وسائل ومسائلدن صکرہ افعال حجی ترکیب دخی ایدہ جکز :

- حج و عمرہ -

معلوم اولسون کہ بر حج برده عمرہ واردر . بولرک ایکسی دخی قبلہ اهل اسلام اولان کعبہ مکرمہ یی واکا بجاور بولنان اماکن مشرفی زیارتدن عبارتدر [۱] .

(زیارت) : کورمکہ واروق دینک ایسده بوراده مقصود احرام اوزره طواف وسعیدن عبارت اولان فعل مخصوصدر .

اوفعل مخصوص وقت معینده اولور وفعل وقوفی دخی حاری بولنور ایسه (حج) ووقت مخصوصه تابع اولمیهرق یالسکر طواف وسعیدن عبارت اولور ایسه (عمرہ) تسمیه اولنور [۲] .

[۱] مثنوی :

حج زیارت کردن خانه بود * حج رب الهیت مردانه بود
وقال ذو الرمة :

تمام الحج أن تقف المطايا * على خرقاء واضعة اللثام

[۲] سعی ارکاندن دکل ایسده عمرہ یی ایضاح ایچون ذکر اولنمشدر . (عمرہ) - آتیده فصل مخصوص ایله مبین اولدینی اوزره - احرام وطواف وسعی وحلق یاخود تقصیردن عبارت درت شبدر انلردن ایکسی رکندر کہ احرام وطوافدر وایکسی واجبدر کہ سعی وحلق ویاتقصیردر .

اولاکیسی (حج اکبر) وایسکنجیسی (حج اصغر) در [۱] حج اکبرک یوم جمعیه اختصاصی یوقدر . جمعیه مصادف اولان یوم عرفه نك مزید مشوبی « أفضل الايام یوم عرفة اذا وافق جمعة و هو أفضل من سبعین حجة » فی غیر جمعة ، حدیث شریفیله مبیندر نیکیم (آیام) عنوانده ذکر اولنور .

هم حج وهم عمره ایتمیلندر که حدیث شریفده : « تابعوا بین الحج والعمرة فان المتابعة بينهما تنفی الفقر والذنوب کما ینفی الکبر خبث الحديد . » بیورلمشدر . حج ایتمیکسکز وقت عمره وعمره ایتمیکسکز وقت حج دخی ایدرک انلردن برینه دیکرینی تابع قیلکسکزکه حج ایلله عمره اره سنده واقع اولان متابعت دمیرجی اوجاغنک دمیر کیرینی کیدر مسی کبی فقروذنوبی کیدرر دیمکدر .

حجک وقتنه [۲] (موسم) وافعالنه (مناسک) تعبیر اولنور [۳]

[۱] سورة « جلیله » براءه اولندهکی (یوم الحج اکبر) قول کریغنک مقتضاسی بودر . صاحب تنف واکا تبعاً قهستانی دخی : « اعلم أن الحج علی وجهین الحج اکبر والحج الاصغر فاما اکبر فهو حجة الاسلام وأما الاصغر فهي العمرة . » دیمشدر .

دل بدست آورکه حج اکبرست * از هزاران کسجه یکدل بهترست تعبیری قلب ارباب قلوب حقندهدر . مثنوی :

آن دلی کز آسمانها برترست * آن دل ابدال یا پیغمبرست

[۲] مراد وقت مضیقیدرکه مکة مکرمه نك اک جمعیتیله زمانی اولان عشر ذی الحیجهدر نیکیم افادات آیه دن ظاهردر .

[۳] (مناسک) افعال عمره به دخی شاملدرکه تنف وهندیه کبی بعض کتب فقهیهده کتاب الحج (کتاب المناسک) عنوانیله معنون بولمشدر . (نسک) طاعتدر . ان صلاتی ونسکی ومحیای ومماتی لله رب العالمین .

(موسم) آتی الذکر اشهر حجك صوك اون كرنندن و (مناسك) طواف وسعی ووقوف افعالدين و بونلرك متممابندن عبارتدر .
حج ایتاماش کیمسیه — که صبور و زنده (صبر) تعبیر اولور — شروطك تحقیقنده حج ایتک علی حسب نیت [۱] فرضدر .

تکرار ایدنک ایکجی و اوچنجی الخ حجی نفل و تطوعدر . نذر ایله واجب دخی اولور . عمره سنتدر .

حج ایدنه تشدیدجیم ایله (حاج) و جمعنده (حجاج) دینور [۲] مؤنثی خاصه و زننده (حاجة) و جمعی خواص کبی (حواج) در . (محجوج) بیت معظمدر [۳] .

عمره ایتکه (اعتبار) و ایدنه (معتمر) دینور [۴] (عامر) دخی معتمر معناسنه کلور جمعی زوار کبی عمار اولور تسکیم «الحجاج والعمار وفدا لله دعاهم فاجابوه وسألوه فاعطاهم» حدیثنده وارد اولمشدر . حجاج اکثریله همده عماردر .

[۱] بوقیدك فائدهسی علم اصول اوقیانلرجه ظاهردر که صرفانده « و حکم الصحة فی العمر ولذا صح تطوع من علیه الفرض » دیشدر .

[۲] وهم حجيج أيضاً . وهؤلاء الحاج ولبسوا بالحاج . والحجيج لهم عجاج . وهو الحج أي رفع الصوت بالتلبية . كما يروى : أفضل الحج الحج والنج . والثاني اسالة دم الهدى .

[۳] تسکیم حریری (کوفیه) اسمیه ایتدیکی بشنجی مقامه سنده :
وحرمة الشيخ الذي سن القرى * وأسس الحجوج في ام القرى
ما عندنا لطارق اذا عرا * سوى الحديث والناسخ في الذرى
دیشدر . قوله اذا عرا أي عرض والذرى بالفتح الدار أو فؤادها والمناخ بالضم الإقامة .
[۴] (معتمر) همده ایچ کوویدر .

— اشهر حج —

حج آیلری دیمکدر که شوال و ذی القعدة و عشر ذی الحجه در .
 افعال حجه شوالدن اول بده اولماز حتی حج ایچون طواف قدومی
 تعقیب ایده جک اولان سعی انجق اشهر حجه جائز اولور [۱] .
 آفاق ایچون طواف قدوم اشهر حج خارجنده دخی مسنون اولور .

— مکی و آفاق —

حجاج و عمارك مکیی و آفاقی وارد . مکة مکرمه و جواری
 مکنه سندن اولانته (مکی) و بزم کبی خارجدن اولانته (آفاق)
 تعبیر ارانور .

— حج قران ، حج تمتع ، حج افراد —

حج عمره یی دخی حاوی اولوب اولماسی اعتباریله اوچ نوعی
 وارد : حج قران ، حج تمتع ، حج افراد ،
 حجک بلافاصله عمره ایله اجتماعنه کسر قاف ایله (قران)
 و بلافاصله [۲] اجتماعنه (تمتع) یا خود (متعه) و عمره سزا اولانته
 (افراد) تعبیر اولنوب فاعللرینه هپ اسم فاعل صیغه سیله : (قارن) ،
 (تمتع) ، (مفرد) دینور .

[۱] تسکیم واجبات حجه بیانی کلیر .

[۲] حجی عمره دن فصل ایتمک أفعال عمره یی اجرادن صکره تراش اولوب
 احرامدن چیقمق ایله اولور که وقتی حلولنده حج ایچون یته احرام ایدیه جکندن
 ارده کی فاصله مه تک اختلافیله مختلف بولنور . قرانده حج ایله عمره تک احرامی
 براولور . تمتعه انلر ایچون بشقه بشقه احرام ایدیش اولور .

مکیلر علی الاکثر (مفرد) و آفاقیلر (منمتع) بولنور . (قارن)
اولانلری ده اولور . جده دن طوغری عرفاته چیقان بحریون کبی
مفرد بالحج آفاقیلر و منمتع یاخود قارن مکیلر دخی بولنور .
محرم ایدیلن طواف و سعی فعللریله هر نه وقت اولسه بر عمره
حاصل اولور . حج ایتک ایچون وقتنه انتظار اولنور .

— احرام ، حلق ، تقصیر —

(احرام) : نیت و تلبیه دن [۱] عبارتدرکه حجی یاخود عمره یی
و قرانه کوره هرایکیسنی نیت ایدرک حرامه داخل اولمقدور .
احرام حجک شرط صحیدر .

(احرام) ایدنه اسم فاعل صیغه سیمله (محرم) تعبیر اولنور .
اندن اول کندیسنه حلال اولان صید و نساء کبی شیر حرام
اراق اوزره دیکشلی (و یاشدیریل) لباسلردن چیقوب میت مکهن
کبی فقط باش و آیاقلرک اوزری آچیق اوله رق اورنی ایچنده
بولنیلور . تنظیف بدن ایله غسل ایدیلوب یاخود آبدست
آلنوب [۲] حمام حالی کبی بر پشتهال و براوموز خاولیسی طوتنیلور
وایکی رکعت نماز قیلنور و تلبیه ایدیلور .

پشتهال طرزنده بدن آشاغی طوتنیلانه (ازار) و او موزدن
اور تیلنه (رداء) تعبیر اولنور .

[۱] أو ما يقوم مقامها من الذكر أو تقليد البدنة مع السوق (منحة) .
[۲] ممکن اولور سه غمل ایتک افضلدر . و بو غسل تنظیف قیلندن اولدیغیچون
انی حال حیضده اولان قادین دخی ایده بیلور تکیم (کتاب الطهاره) زده کچمشدر .

بونلر ارکه که کوره در . قادیلر مستوره در .
 احرامه کیرمک بویله وختام افعال عمره ویا حجه احرامدن
 چیقماق حلق ویا تقصیر ایله در .
 (حلق) : صاچ تراش ایتمکدر . (تقصیر) : انی قیرپوب
 قیصالتقدر [۱] .
 بونلرده ارکه کله کوره در .

— تلبیه —

تربیه وزننده لبیکخوان اولمقدرکه سنندن اولدیغی اوزره حال
 احرامده : د لبیک اللهم لبیک ، لاشریک لک لبیک ، ان الحمد والنعمة
 لک والمملک ، لاشریک لک ، دیورفع صوت ایلمکدر . ترکیب افعال
 حج فصلته باسکیز .

رفع صوت — که اکا (اهلل) و (عج) تعبیر اولنور [۲] —
 ینه ارکه کله ایچوندر . نابی .

عزم ایدر کوکله مانتده پیک ه نفس غلغله ناک لبیک
 احرامده اولانه (محرم) دینلدیکی کبی (حرام) دخی دینور .
 جمعی ضمتین ایله (حرم) کلور [۳] .

[۱] سوره فتحده ایکسینکده اسم فاعلی باب تفعیلدن وارد اولشدور . بونلر
 مکاناً حرمه وزماناً یوم نحره مختص اولور .

[۲] قیل : یارسول الله وما الحج ؟ قال : العج والتج . یعنی بالعج المعجج بالتلبیه
 والتج نحر البدن . کما فی سنن ابن ماجه .

[۳] (قذال) ک جمعی (فذل) اولدیغی کبی که (قذال) حلال وزننده اکسه
 دیمکدر . قال تعالی : (لا تفتلوا الصيد وانتم حرم) . وجمع محرم علی القیاس کما
 ان جمع محرمه كذلك .

بومعناجه دخی (حرام) ك ضدی (حلال) دركه احرامده اولیان
دیمکدر .
احرامه میقاتندن کیریلور .

— مو اقییت —

احرام ایتمک ایچون معین موضعلر وارددرکه انلرک هر برینه
(میقات) دینور جمعی (مو اقییت) کلور [۱] . مو اقییتی احراملر
کچمک جنایتدر [۲] .
انلر شو بش موضعدر : ذوالحلیفه ، ذات عرق ، جحفه ، قرن ،
یللم [۳] .

اهل مدینه ذوالحلیفهدن واهل عراق ذات عرقدن واهل شام
جحفهدن واهل نجد قرندن واهل یمن یلملدن احرام ایدرلر .
بحراحره — که شب دکریدر — بزم کبی سویسدن [۴] کیرن

[۱] الوقت والمیقات بمعنی وقد استعیر الوقت للمکان ومنه مو اقییت الحج
لمواضع الاحرام . کذا فی المصباح . وقد یقال انها مکانیة وزمانیة وما ذکرهنا
مکانی وأما الزمانیة فهی شوال وذو القعدة وعشر ذی الحجة وعن ابی یوسف
تسعة أيام من ذی الحجة وعشر لیال فلا یجوز منی من أفعاله قبلها ابتداءً ویفوت
بفوت معظم ارکانه انتهاءً .

[۲] انلری محرم اولیه رقی کچوب صکره احرام ایلینه دم لازم کلور . اگر
میقاته محرمأ عودت ایدر سه دم ساقط اولور .
(دم) : قرباندر .

[۳] شونظمده انلر مجتمعدر :

عرق العراق یلملم الیمی * وبندی الحلیفة یحرم المدنی
للشام جحفه ان صمرت بها * ولاهل نجد قرن فاستین

[۴] فتح شین وتشدیدباء ایله (شب) عربی اولدیفه چون انی الف ایله
یازمق (سویس) ک سین ثانیه سنه نقطه آتق کبی غلطدر .

حجاج (رابع) خداوند احرامند اولورلرکه میقات اهل شام اولان (جحفه) قربنده در .

مواضع مذکوره حدود حرم بیت معظم دیمک اولمغله مکة مکرمه یه کیدنلر مواضع مذکوره یی بلا احرام تجاوز ایده مزلر . نابی : اولیجق واصل حد میقات * ایکی احرامدن آج ایکی قنات

— بیت معظم یا خود کعبه مکرمه —

(کعبه) : مکة مکرمه جامع شریفی داخلنده — که مسجد حرام و حرم شریف تعبیر اولنور — درت گوشه بر بناء عالیدر [*]

[*] مکة مکرمه ده مسجد حرامدن بشقه جامع یوقدر . اکا (حرام) اطلاق احترامنددر . هتک حرمتی حلال اولدیفیچون مکة مکرمه یه دخی (بلد حرام) تعبیر اولنور . (مسجد حرام) — که اکا (حرم شریف) دخی دینور — بزم اصطلاحجه اولان مسجدلر کبی دکل ، اک بیوک جامعلرمزدن وحی آیا صوفیا جامع شریفندن دها چوق بیوکدر .

منبری ومقام ابراهیم علیه السلامی وبرزمی ومذاهب اربه اصحابیچون بشقه درت مقامی حاویدر . هرطرفدن بر چوق قبولری ویدی مناره سی واردر . شادروان حولیسی کی اطرافدن قبلی واورته سی آچیدر . بیت معظم ونام دیگر ایله کعبه مکرمه اشته انک اورته یرنده شادروان آسادر . صربع شادر — وانلردن چوق بیوک وچوق یوکسکدر . وسراپا سیاه کسوه ایله پوشیده در . اضلاع اربه سی بیننده کی نسبت معلومز اولدیفیچون صربع یا خود مستطیل دیه میه جکر .

فهو بیت ظاهره الاحجار والاستار وباطنه الانوار والاسرار أحجاره مفناطیس القلوب القدسیة والنفوس الانسیة وأستاره أسباب لکشف التجلیات الرحانیة والتزللات الصمدانیة ومن أحجاره المتضمنة لانوار أسرارہ ماسمی بيمين الله المنور بلاده یصافح بها عباده ا ه من شرح لباب المناسک .

حطیمی ، میزابی ، بابی ، حجر اسودی وارد در :
ضلع شمالیسنده کی ایکی گوشه نك بری (ركن شامی) ودیگری
(ركن عراقی) در .

آلتون اولوق تعبیر اولنان (میزاب کعبه) بو ایکی ركنك
اره سنده و مقام حنفی پیشگاهنده در .

اولوغك منصبي [۱] نصف دائره بریارم دیوار ایله محاط اولوب
انك محیطی اولان یارم دیواره (حطیم) و محاطنه (حجرالكعبه) [۲]
تعبیر اولنور . اوده کعبه دن معدود در . اوراده نماز قیلنور ، دعا
اولنور . محیطی دیوار کعبه یه متصل اولمیوب ایکی طرفدن آچیق
بولندیفیچون اطراف بیت معظمی اورادن طولاشیق دخی ممکن ایسه ده
(طواف) وراه حطیمدن یعنی اومحیطك آرقه سندن ایدیلور .

ضلع جنوبیسنده کی ایکی گوشه نك بری (ركن حجر) یعنی حجر
اسود بحلی ودیگری (ركن یمانی) در .

(باب بیت معظم) حجر اسود محلنه قریب و شرقه ناظر اولان
ضلعده در . عتبه سی یتشیله میه جك درجه ده یو کسکده در .

(حجر اسود) اسمندن اکلاشدیفی اوزره برسیاه طاشدرکه
آشانه مبدأ طوافدر .

اوتهدن برو معظم و محترم اولوب شدت زحام ایله برابر
زواردن تقرب ایده بیلنلر انی لمس و تهفیل ایله تهجیل ایدر ،
صوقیلامیانلر اوزاقدن استلام (سلاملاق) صورتیله اکا

[۱] محل انصباب دیمك اولدیفیچون (منصب) کله سی میمك ضمی و با حرف نك
تشدیدلدر . انی مکتب کی تلفظ ایتمك غلطدر .

[۲] (حجر) حاك كسری و جیمك سکونی ایله در قوجاق دیمكدر .

احترام ایلا اولدقلریچون ، الحجر الاسود من الجنة ، مدیحه سنیه سنه
مظهر بختیار بر حجر در . انك ایچون اسوده بدل (اسعد) وصفیله
دخی توصیف اولنور .

نابی : کعبه در مخزن اسرار خدا * زاده الله تعالی شرفا
کرسی * مملکت ربانی * سسده بارکه رحمانی
حجر اسودیدر سنک شفا * بوسکاه لب محبوب خدا

- طواف ومطاف -

(طواف) : بیت معظم اطرافنی طولاشمقدرکه رکن حجر دن باب کعبه
جهننه طوغری صاغه کیدلمک شرطیله بیت معظم صوله آلنه رق حجر
اسوددن بده واوراده ختم اولنق اوزره یدی دوره یاپیلور .
هر دوره برشوط تسمیه اولنورکه برغایته یلمک دیمکدر هریدی
شوط برطوافدر [۱] .

هر طوافدن صکره وقت کراحت خارجنده ایکی رکعت نماز قیلنور
بونماز واجبات حجدندر .

طواف ایدنه (طائف) دینلدیکی کبی کعبه مکرمه چوره سنده
طوافه مخصوص اولان محله دخی فتح میم ایله (مطاف) تعبیر اولنورکه
وراء حطیمدن طولانورمفرز برطریقدر [۲] .

[۱] انك درت شوطی رکن وباقی اوچ شوطی واجبدر . کما یأنی .

[۲] طائفینک او طریق طاشدقلریده اولور . مکان طواف داخل مسجد
حرامده حول بیت معظمدر . اوزاقدن ستونلر ارقه سندن طولاشلسه بیله اولور .
کما فی لباب المناسک . قال ولوطاف علی سطح المسجد ولو مرتفعاً عن البيت جازاه .

نابی :

بونه دولت نه سعادت بونه جاء * کاوله سین طائف درگاه اله
ایله میدان مطاف اوزره خرام * جههك ایت فرش ره رکن و مقام
دلی پروانه شمع حرام ایت * طوف درگاه ولی نعم ایت
فتح طاء ایله (طوف) دخی طواف معناسنه در [ه] .

وقت معینی اولماق اوزره کیجه وکوندز برچرق طواف ایدیله .
بیلورکه انلر طواف نفلدر و آفاقی به کوره صلوات نافله دن افضلدر موسمک
غیریده مکی ایچون دخی اویله در . موسمه اکا صلوات نفل طواف
نفلدر افضلدر .

طوافده تلمیه ایدلمیوب تسکیر و تهلیل ایدیلور و صلوات شریفه
اوقنور .

حجه تعلق اعتباریله طوافك انواع ثلاثه سی واردر : طواف
قدوم ، طواف زیارت ، طواف صدر .

(طواف قدوم) مکه مسکرمه به وارلدقده ایدیلن طوافدر که اکا
(طواف تحیت) و (طواف لقاء) و (طواف اول عهد بالبت)
دخی دینور . آفاقی ایچون سنتدر .

(طواف زیارت) که اکا (طواف افاضه) دخی دینور : عرفاتدن
اینلر کدن صکره ایدیلن طوافدر . ارکان حجدن اولان طواف اشته
بودرکه هر حج ایدنه فرضدر . آنک ایچون بو طوافك براسمی ده
اضافت بیانیله (طواف رکن) در .

(طواف صدر) که حذر وزنده در و (طواف وداع)

[*] دوران وزنده (طوفان) واستفعال و تفعلدن (استطافه) و (تطوف)
دخی دینور . (طوف) برده کلك معناسنه در . کلك شط کچنلرک معلومیدر .

دخی دینور: ایام نحر رمی جمار ایله [۱] نهایت بوله رق منادن مکه
مکر مه به اینلیدیکی وقت ایدیلن طوافدر . آفاق حقنده بوواجبدر .
مناسک بونکله ختام بولور .

حذرو زننده اولان (صدر) عودت معناسنه در حجاج اولوقت
احرامدن چیقمش و آفاق اولانلر کعبه به وداع ایدوب بلده لرینه
عودت ایتمک اوزره بولنش اولورلر . انک ایچون طواف مذکورک
براسمی ده (طواف وداع) اولمشدر . نابی :

کعبه الله دل انسان کبیر * حجر اول قلبه سویدای ضمیر
عارف مرتبه آب وکل اول * وارطولان دائره سن دل بدل اول
تاسکا ظاهر اوله نقطه کار * اوله کور دائره سنده پرکار

[۲]

- اضطباع ، رمل ، استلام -

(اضطباع) : طوافه [۲] شروعدن مقدم ردانک براوجنی [۴]
صاغ قولنغی آلتندن آله رق صول اوموزی اوزرینه آتمقدر . ارککه
سنندر . بو طرز اوزره اولان محرمه (مضطبع) دییه جکز .

[۱] (ایام نحر) و (رمی جمار) آتیده مشروحدر .

[۲] و یقال : الکعبة بیت الحق سبحانه فی الجهر والقلب بیت الحق سبحانه فی السر .

قال قائمهم :

لست من جملة المحبين ان لم * أجمل القلب بيته والمقام

وطوافی اجالة السر فيه * وهو ركن اذا أردت استلاما

[۳] مقصود : بعده سعی ایدیله جک اولان طواف قدوم ویا طواف زیارتدر

[۴] (رداء) التنجی صحیفه ده مبیندر .

(رمل) امل وزنده اضطباع حالنده طوافك ايلك اوج دوره سی
— آدیملر قیصاالتلق و او موزلر سیلسکه لئلك وجهله — سرعتلی
و چالملی اجرا اولمقدور .

عليه الصلاة والسلام افندمز حضرتلری — مع صحابته — عمره
ایدلرلر ایکن [۱] مشرکین کرک سید المرسلین افندمزک ، کرک صحابه
کزینک عسرت و جهد و شدت ایچنده اولدقلرینی سویلشه رک دار
الندوه اوکنده صف اولوب سیره طورمش بولندقلرندن افندمز
حضرتلری رداء شریفیرلمیله اضطباع ایدوب صاغ بازولرینی اخراج
و مشیلرلنده رمل و هروله [۲] ایتمشلر و : « رحم الله امرأ أزاها
اليوم من نفسه قوة » . یعنی بوکون کندیسنی انلره قوتلی کویسترن
کشییه حق رحمت ایتسون بیورمشلردر .

رجاله کوره سنن حجدن اولان (اضطباع) و (رمل) هر
طوافده دکل ، کندیسنی سعی تعقیب ایده جاک اولان طوافده
یا بیلور . طواف نفللرده سعی اولدیغی جهته اضطباع و رمل
اولدیغی کبی واجب اولان طواف وداعدن صکره دخی سعی
اولدیغی جهته اندهده اضطباع و رمل بوقدر . طواف قدومده رمل

[۱] بو عمره « سنیه سنه » سابعه هجرتک ذی القعهده سننده واقع اولمشدرکه تاریخ
صلح حدیبیه اولان نتیجی سنه ذی القعهده سننده ایدیله من عمریه بدل اولق
اوزره صلحاً مقرر اولدیغیچون اکا (عمره القضاء و) (عمره القضیه) و عمره
القصاص) تعبیر اولنور .

[۲] طوافده وجه مذکور اوزره اولان سرعتی رمل دینلدیکی کبی سعیده
میلین اخضرین اره سننده ایدیلن سرعتی هروله تعبیر اولنور . تسکیم
بیانی کلور .

اجرا اولنور ایسه فیها . والا طواف زیارتده باییلور [۱] .
 (استلام) : سلاملامقدرکه طوافه کرک حین شروعه ، کرک
 اثناء طوافده حجر اسود پشکاهنه کلندکجه اکا استقبال ایدرک نمازه
 طورر کبی ال قالدیروب تکبیر وتلمیل ایله حجر مشار الیه وضع وانی
 تقبیل ایلمک وبو ممکن اولدیغنه کوره اوزاقدن وضع ید اشارتی
 ایتمکدر .
 صلوات طوافدن صکره دخی حجر اسود استلام اولنور .

- سعی ومسعی -

(سعی) : مکة مکرمه نك ایچنده ومسجد حرام خارچنده (صفا)
 و (مروه) تعبیر اولنان باصه قلی ایکی تپه ارهسنده صفادن بدء ایله
 و مروه دن صفایه یدی کره کیدوب کلسکدر .
 سعی دخی یدی شوطدر صفادن مرویه هر ذهاب بر (شوط)
 اولدیغی کبی مروه دن صفایه هرایاب دخی بر شوطدر [۲] درت ذهاب
 (کیدش) و اوچ ایاب (کلش) اولور . مبدأ : صفا ، منتهی : مروه
 بولنور . هر برنده کعبه کوریننجه قدر [۳] باصه مقلره چیقیلور .

[۱] همده سننه دکل فرضه تابع قیلندیغی ایچون رملک طواف زیارتده اجرا
 ایدلسی افضل عد اولنور . کافی بجم الأنهر .
 لکن احرامدن چیقماش بولندیغندن بو (رمل) اضطباعسز اولور .
 [۲] برغایته یلمک دیمک اولان شوطک اومعناسی سعیده اظهر دوشمشدر .
 [۳] ابذیه حائل اولغله مروه دن کعبه شمدی بالفعل کورنمز . ط .
 سمیه طواف وتشدید طام وواویلله (اطواف) دخی دینور أن يطوف
 بها (قول کریمی ایکی وجهلهده اوقنور . شوطک جمی أشواط اولغله کرک
 طواف ، کرک سعی « سبعة أشواط » اوزره ذکر اولنور .

(سعی) واجبات حج و عمره دندر و هر بریچون برردن زیاده دکلدر . طواف قدومدن صکره عمره نك سعی و طواف زیارتدن صکره حجك سعی یا پاش اولور [۱] .

محل طوافه (مطاف) دینلیدیکی کبی محل سعیه دخی معنی وزنده (سعی) دینیلور . ثانی :

سرمه دردیده به خاک سعی * ساحه* مروه طربگاه صفا

- هر و کله -

هر طوافدن صکره سعی اولمادیگی کبی سعی تعقیب ایتیهجك طوافده و آلك ده اوج شوطنندن صکره سنده رمل دخی اولمادیگی افادات سابقه دن مفهوم اولمشدر .

سعیك هر شوطننده ارکك ایچون برهروله یعنی سرعت [۲] واردرک بین الصفا و المروة اولان هر ذهاب وایابده (میلین اخضرین) تعبیر اولنان ایکی یشیل دیرك مابینی سرعتله کجیلوب صکره یواش یورینور .
بوده طوافده کی (رمل) کبی سببی زائل وکنندی باقی اولان سنن حج دندر .

[۱] طواف صدردن صکره سعی یوفندر .

[۲] وفي الحديث الالهی : « من تقرب الى ذراعاً تقربت اليه باعاً ومن أتاني يمشي أتيته هيمولة » .

قاموس معرجی (رمل) و او معناده اولان (رملان) و (مرمل) کله لرینی لپنك ايله کپتمك و (هيموله) بي يلك ديو ترجمه ايتمشدر . رحمه الله تعالى .

— وقوف —

آیاقده کیتیمیوب طورمق دیمک اولان (وقوف) مناساک
مصطلحاتنجه عرفه کونی عرفاتده بولنق معناسنه در . یومنه اضافتله اکا
(وقوف عرفه) دخی دینور [۱] .

برده مزدلفه وقوفی واردرکه یوم نحر صباحی (مزدلفه) ونام
دیگرایله (جمع) دینیلان موقعده (مشعر حرام) قربنده بولینلور .
اولکیسی حجاج رکن اعظمیدر . ایکنجیسی واجبات حجدندر .
(عرفات) : مکة مکرمه نك شرق شمالیسنده الی ساعت
مسافهدهدر .

(مزدلفه) : منا ایله عرفات آره سنده در . میانده کی مسافهلر
ایکیشر ساعتدر [۲] .

عرفات یولی اوزرنده مکهدن ایکی ساعت صکره منا وآندن
ایکی ساعت صکره مزدلفه وآندن ایکی ساعت صکره عرفاتدر .
نابی :

عرفه صورت میدان نشور ☉ روز دیوان خداوند غفور
یازمهده عفو معاصیه برات ☉ سطر بر سطر صفوف عرفات

[۱] عوام انك صیغه مراهنی آلوب طورمق کله سنی ده اکاعلاوه ایده
کله اردر .

[۲] وهو غیر منصرف لما فیہ من التأنیث والعلمیة . سمیت تلك البقعة بذلك
لاقتراب الناس الی منی بعد الافاضة أولتقریبهم الی الله سبحانه زلفی . وقیل من
الازلاف بمعنى الجمع لاجتماع الناس بها . ولا یدخلها الالمام للوصفیة ومنه قول
الزمخشری : کم بین العارف والبارع فی المعرفة ، ومالیلة المزدلفة کیوم عرفه .

شسته در آنده اولان نامه سیاه * اولور آزاد اسیران کنه
حرمان دائره بنده سیمین * جبل رحمت اکافص نکین
جرم ایله رحمت ایدر بیع و شرا * بائع و مشتری سوق منا

— رمی جمار —

(رمی) معلوم اولدیفی اوزره آتمقدیر . کسر جیم ایله اولان
(جمار) فتح جیم ایله اولان (جمره) نك جمعیدر .

قاموس ترجمه سنده مبین اولدیفی اوزره (جمره) آتش پارچه سنده
دینلدیکی کبی سنکریزه یعنی اوفاجق طاش معناسنده کلورکه اکا عرییده
(حصاة) دخی دینور . صاحب مصباحك بیاننه کوره (جمره)
اوفاجق طاش کومه سی دیمکدر [۱] .

اولسکنه کوره (رمی جمار) ترکیبی اوفاجق طاشار آتمق معناسنه
اولوب ایکنجی یه کوره جمراته حصیات آتمق دیمدر [۲] هر حالده
مصدر مفعولانه مضافدر .

(رمی جمار) واجبات حجدندر ایام نحرده یعنی قربان بیرامی
کونلرنده مناده مواضع مخصوصه سنده اولور . بری برندن برر
اوق آتمی قدر اوزاقلده اوچ جمره یعنی اوفاق طاش ییغنی

[۱] قال وكل شيء جمته فقد جرت ومنه الجرة وهي مجتمع الحصى بمعنى فكل
كومة من الحصى جرة والجمع جرات وجرات منى ثلاث بين كل جرتين نحو غلوة
سهم ۱۵۰ .

[۲] (جرات) جمره نك جمی اولدیفی کبی او وزنده اولان (حصیات) دخی
اوفاجق طاش معناسنه اولدیفی ذکر اولنان حصانك جمعیدر : فتات ایله
فتیات کبیدر .

وارد در که جمره اولی ، جمره وسطی ، جمره عقبه تسمیه اول نور .
اندر اوچ کون طاشلانور و هر کون هر برینه یدیشر طاش ایلور
و آیلور ایکن « الله اکبر » دینور (ترکیب افعال حجه با فکز) .
مناسک بتون افعال انبیادر کار کزید کان پسندیده خدادر .
تو مکومارا بدان شه بار نیست ه باکریمان کارها دشوار نیست

— ایام —

(ایام) معلوم اولدینی اوزره یومک جمعیدر . مراد قرآن کریمده
وارد ایام معلومات و معدود اتدن اولان کونلردر .
(ایام معلومات) عشر ذی الحجه در که یوم تروییه و یوم عرفه
و یوم نحر اوجمله دندر .

(یوم تروییه) ذی الحجه نك سکزنجی کونیدر که حجاج او کون
مکه دن منایه چیقارلر [ه] .

(یوم عرفه) ذی الحجه نك طقوزنجی کونیدر که حجاج او کون
عرفاتده بولنورلر .

(یوم نحر) ذی الحجه نك اوننجی کونیدر که نحر یعنی ذبح
قربان اولنور . اون برنجی و اون ایسکنجی کونلر دخی قربان

[*] (یوم التروییه) تفعله وزننده ثامن ذی الحجه در که عرفه کونندن مقدم
اولان کوندر . حجاج اول کون منایه عزیمت ایدوب انده صو اولامضله کندیلربی
ودابه لرینی کرکی کبی صویه قاندر دقلربچون اطلاق اولندی . یا خود حضرت
ابراهیم — علی نبینا وعلیه التسلیم — رؤیای ذبحی اول کیجه کورمکه یوم
مزبورده رؤیای سر قومیه یی تروی و تفکر ایلده فرمایشی اولدینی بیلوب
یوم عاشرده امر ذبحه مباشرت ایلدی . مؤلف یوم عرفه نك دخی وجه تسمیه سنه
تلمیح ایلدندر . (اوقیانوس) .

کونی اولدیغندن هېسنه بردن (ایام نحر) واوزمانلرده حجاج مناده
مقیم بولنق اعتباریله ایام نحره (ایام منا) دخی دینور [۵].
(ایام معدودات) واذکروا الله فی ایام معدودات قول کریمی
موجبهجه نمازلر عقببنده تکبیرلر آلنان کونلردرکه یوم عرفه دن اعتباراً
قربان بیرامنک دردنجی یعنی ذی الحجه نك اون اوچنجی کوننه قدر
اولان بش کوندر .

کتاب صلاتنک (احکام عیدین) فصلنده مذکور تکبیر تشریق
احتوالری حسبله بونلره (ایام تشریق) دخی دییه بیلورز .
حقیقته (ایام تشریق) : ذی الحجه نك اون برنجی واون ایکنجی
واون اوچنجی کونلریدر . نسکیم کتاب مذکوره بیان اولمشدر .
افضل ایام جمعه یه تصادف ایدن یوم عرفه در . وقوف عرفه سی
یوم جمعه ده واقع اولان حج اکا مصادف اولمیان یتمش حجدن
افضلدر . نسکیم حج ایله عمره نك تعریفنده حدیث اوله رق کچمشدر .

— هدی —

حجده کسین قرباندر . آفاق اولان حجاج سفر بر بولندقلری
ایچون اضحیه ایله مکلف اولدقلرندن (هدی) اضحیه دیمک دکلدر .
حج قران وباحج تمتع ایدنلر نسک حج و عمره یی جمعه موفق
اولدقلرینه تشکراً قربان کسمک انلره واجبدر . مفرد بالحج اولانلره
مستحبدر . (هدی) اشته بوقربالمرک اسمیدر .

[*] اون برنجی کون مناده قرار لاشلدی ایچون اکا فتح قاف وتشدید
راه ایله (یوم قر) دینلدیکی نهایی ابن اثیرده کورلشدر : افضل الايام عند الله
عز وجل يوم النحر ثم يوم القر .

جزا و کفارت ایچون اولان دمه یعنی کسیره جک قربانه ده (هدی)
اطلاق اولنور . هدیك محل ذمعی حرم مکه در آئیده فصل مخصوص
ایله مبیندر . لفظ هدی هانك ذمعی و دالك سکونی ایله در :

— حل [۱] و حرم —

لفظ حرمدن عند الاطلاق حرم شریف دیدیکمز مسجد حرام
معنای متبادر اولور ایسه ده (حرم) اندن عبارت اولمیوب (حل)
مقابل اوله رق دخی استعمال اولنور .

مکه مکرمه وجوارینك نباتی قطع اولنماق و حیواناتی اولانلماق
اوزره اطرافندن حدود تعیین بیورلمش و نشان ایدلمشدر . اشته
اوحدودك داخلی (حرم) و خارجی (حل) در . حدود مذکوره
مواقیتدن بشقه در . (مواقیت) حدود احرامدر . انلر مکه مکرمه یه
دها اوزا قدر [۲] .

حلك اك یاقینی جانب غریبدن مکه یه اوچ دوت میل مسافه ده
اولانیدر که مکه مکرمه دن عمره چیقار انلر احرام ایچون اورایه
چیققدقلرندن (عمره) تسمیه اولنور [۳] . اسم اصلیی (تعیم) در .

[۱] حانك کسریله در ، لام مشدد در .

[۲] حرم سکنه سی (مکی) صاییلور . سکنه حله بزم کبی (آفاق) دینور .
(حرم مکه) مدینه منوره جهت منیفه سندن (۳) و عراق و طائف وین
جهتلرندن (۷) وجعرا نه سمتندن (۹) وجده جهتلندن (۱۰) میل مسافه در .
هدیه الناسک .

[۳] عمره فصلی اوقویکر .

— مشعر حرام —

منتهای مزدلفه در بر موضع در که (جبل قزح) قربنده در . صاحب مصباحك بیانته کوره نفس جبلدر . میمی مفتوحدر ، مکسور دخی اولور . مزدلفه وقوفنك اوراده اولسی افضلدر چونکه موقف نبیدر . علیه الصلاة والسلام .

(مشعر) محل شعار دیمکدر . کسرشین ایله (شعار) علامت معناسنه در . موضع مشارالیهك (مشعر) تسمیه می معلم عبادت اولدیغنه و (حرام) دیو توصیفی حرمتنه مبیندر .

— فوات ، فساد ، احصار —

(فوات) حجك فوت ایلمسیدر که عرفه وقوفنی فوت ایتمکله اولور .

(فساد) حجك ویاعمرهك فاسد اولسیدر . حجك فسادی حال احرامده عرفاتدن اول وعمرهك فسادی حال احرامده طوافدن اول مجامعتله در .

(احصار) ارکان حج وعمره دن ممنوع قالمقدر . بونلر احکامیله برابر آتیده مبیندر .

— جنایات —

حجك جنایاتی محظورات ومنوعاتدن عبارتدر که بعضیسی احکام احرامه و بعضیسی احکام حرمه تعلق ایدر . باب مخصوصنده تفصیل اولنور .

— مسائل حج —

حج مسائلی : حجك لغهً وشرعاً اولان معناسنه ، صفتنه ، سلبنه ، شروطنه ، ارکانه ، واجباتنه ، سناننه ، آدابنه ، محظوراتنه متعلق اولوق اوزره متنوعدر .

(حج) لغتنده حانك فتح وكسرى ايله قصد معظم معناسنه اولوب [ه] شریعتده : مكان مخصوصى زمان مخصوصده فعل مخصوص ايله قصد ایلکدر .

(مكان مخصوص) : کعبه و عرفاتدر .

[*] علی قول تیمم کبی مطلق قصددر . معظمی قصد معناسنه اولدیغنه محبل سعدینک شوقولیه استدلال اولمشدر :

ألم تعلمی یا ام أسعد أنما * تخطأني ريب الزمان لا کبرا

وأشهد من عوف حلولا كثيرة * يحجون سب الزبرقان المزعفرا

(تخطأني) أخطأني معناسنه درکه بسکا اصابت ایتمدی دیکدر . (ريب الزمان) بعض روایاتده کی (ريب المنون) کبی موت معناستهدر . (لا کبرا) لاجل أن اکبر معناسنده مضارع متکلم منصوبدر . (وأشهد) اکا معطوفدر . (حلولا) اشهدبه مفعولدر . (حلول) تشهدیدلام ايله اولان (حال) ک جمعی اولهرق جماعات معناسندهدر . (حول) ک جمعی اولوق اوزره (حوول) ضبط ایدنلر غلط ایتمشدر . (سب الزبرقان) ترکیبنده کی (سب) سینک کسر ايله عمامه معناسنه درکه صاریقدر . است معناسنده کلور . (زبرقان) قر معناسنه اولهرق جالی جهتیله (حصن بن بدر) الفزارینک عالمیدر . شاعر خطیئه نك مهجوى اولان صحابیدر . (الزعفر) مصبوغ بالزعفران معناسنه اولهرق سبک صفتیدر . سادات عرب عمامی زعفران ايله بویانور و عمام و ثياب مصبوغه ايله انلره اوطنه طونانور ایمش . زبرقانک روایت اولنان مجبوسیتنه مبنی سبک دیکر معناسی مراد اولدیغنه دائر دخی لسان عربده برقول وارددر اکا کوره هجا متمین اولغله استشهداده محل یوقدر .

(زمان مخصوص) : طواف زیارت ایله وقوف عرفه زمانیدرکه اولکیسی یوم نحرک طلوع فجرندن ابتدا ایله آخر عمره قدر امتداد ایدن اجزاء زمانیه دن برجزه وایسکنجیسی یوم عرفه نك زوال وقتندن یوم نحرک طلوع فجرینه قدر اولان اجزاء زمانیه دن برجزه در [۱] .

(فعل مخصوص) : وقوف و طواف در .

حجک صفتی : فريضة محکمه اولمایدركه حج فرض غیر منسو خدر . استعین بالله تعالی [ولله على الناس حج البيت من استطاع اليه سبيلا] قول کریمی اهل استطاعت اولانلره حجی امر ایتمکده در . منکری مکفردر [۲] .

حج ، فرض عمری وفوریدرکه مقتدر اولانه عمرنده برکده حج ایتمک علی الفور فرضدر . بوسنه ممکن وامن طریقدن قلبلر

[۱] افعال حجدن بریق انک خارجنده یایق کافی اولمیه جفی بیانیه زمان مخصوصی اشهر حج ایله تفسیر ایدنلرده اولمش ايسه ده طحطاوی بوجهله تفسیری اولی کورمشد .

طواف زیارتک ایام نحرده ایدلمسی واجباتدندر . تأخیرینه دم ترتب ایدر تکیم (ترکیب افعال حج) فصلنده ذکر اولنور . بهجة الفتواده شویله مذکوردر : اوزربنه حج فرض اولان زید حجه کیدوب بعد الاحرام عرفاتده وقوفدن صکره طواف زیارتی ترک ایدوب بده بش آلتی آی مرورنده طواف زیارتی ایتمدن زید فوت اولسه فرض حج زیددن ساقط اولورمی ؟ الجواب : اولماز . بوصورنده زید برسنه زیاده مرورندن صکره عودت ایدوب طواف زیارتی ایتسه زیدک حجی تمام اولورمی ؟ الجواب : اولور .

[۲] فرضک حکمی : فعلنه ثواب وترکنه عقاب وانسکارینه کفر ترتب ایتمسکدر .

مطمئن ایکن سنه آتیہ یہ تاخیر مباح دکلدر [۱] .
 حجک سببی : بیت معظمدر . (حج البیت) ترکیبندہ کی اضافت
 دلیل سببیتدر . « امر تکرار اقتضا ایہامک » قاعدہ سنجہ عباداتدن
 متکرراولانلر سبیلرینک تکرریلہدر . بوندہ ایسہ تکرار یوقدر [۲]

[۱] حدیث شریفہ « من أراد الحج فلیتعجل فانہ قد یرض المریض وتصل
 الراحلة وتعرض الحاجة » بیورلشدر . بو مفتی بہ اولان قول امام ابی یوسفدر .
 امام ابوحنیفہ حضرت نرنن اولان ایکی روایتک اصحی دخی بودر . مذهب امام
 مالک دخی بودر . امام محمد حضرت نرنجہ حج وظیفہ عمر اولدیفیچون فرضیت
 علی التراخی اولغلہ مدۃ العمر ممتددر . مذهب امام شافعی واحمد دخی بودر .
 کنزفرحی عینی وابن نجیمدہ بویلہ مذکوردر . صاحب جوہرہ : امامین آرہ سندہ کی
 اختلاف ظن غالب سلامت اولق صورتندہدر اما مرض یاخود ہرم جہتیلہ غالب
 ظن موت اولق صورتندہ وجوب حج اجماعاً تضیق ایدر . دیشدر اھ .

نکہ دارفرصت کہ عالم دہست * دمی پیش دانا بہ از ہالیت
 معلومدر کہ وقت حج اصطلاح اہل اصولدہ (مشکل) تسمیہ اولنور چونکہ
 اندہ ہم جہت معیاریت و ہم جہت ظرفیت واردر . فورہ قائل اولان انی ایلک
 سندہدن تأخیر ایدنک فعلی قضا در دیمدیسکی کبی تراخی بہ قائل اولان دخی انی
 تأخیر ایدن اصلاً کنہکار اولماز دیز . ائم دخی اخیراً ادا ایلہ زائل اولور
 بر ائمدر .

وفی تفسیر آخر سورة المنافقون للجلالین : قال ابن عباس رضی اللہ تعالی
 عنہما ما قصر أحد فی الزکاة والحج إلا سأل الرجعة عند الموت اھ .

[۲] کعبہ معظمہ أستعین باللہ تعالی [ان اول بیت وضع للناس للذی ببکۃ
 الخ] قول کریمتک دلالت عبارہ سی وجہلہ حائر مقام ابراہیم بریت شریف قدیم
 اولوب قبلہ کاه عبادت انام اولق اوزرہ موضوعدر .

کعبہ بناکشت کہ روی نیاز * سوی وی آرند بوقت نماز
 دین حنیف حضرت ابراہیم خلیل (علیہ السلام) اوزرہ اولق ادہاسی
 بالجملہ اہل ملت سماویہ ایچون ماہہ المباہاتہ ایکن بو مدعاہہ اقامہ بینہ

حجی آمر اولان آیت کریمه مذکورہ طقوزنجی سال ہجرتہ نازل [۱] اولمقلہ حضرت رسول اکرم صلی اللہ تعالیٰ علیہ وسلم افندمز اوسنہ حضرت ابوبکرری - رضی اللہ تعالیٰ عنہ - عادات جاہلیہ نیک الفاسیلہ خلقہ تعلیم مناسک ایتہاک وبرہنج شرع حج ایتدرمک اوزرہ امیر حج قیلشملر وایرتسی سنہ کندیلری دخی ایفساء قریضہ حج بیورمشلردرکہ حجة الوداعدر [۲] .

حجک شرطی : شروط وجوب وشروط وجوب ادا [۳]

یالکزر اهل اسلامه متیسردرکہ بیان حضرت خلیل اولان کعبہ بفضل اللہ تعالیٰ اهل اسلامه قبلہدر . انی وجہ مخصوص اوزرہ زیارت دخی مستقل بر عبادتدر واول عبادت منع علیہم اولان اولوالعزمک وجہ منعیتلربی مذکر اولان حالندر . احوال اوزرہ مجتمعاً ابتہال شہہ یوق کہ سبب غفران وباعت فیض لایزالدر . حدیث شریفده : « فسق وفسور ایتہرک حجه کیدن اناسندن طوغدین کونده کی کبی دور » . « مآلندہ اولق اوزرہ » من حج فلم یرفت ولم یفسق رجع کیوم ولدته امه « بیورمشلدر .

[۱] کرچه (وآنموا الحج والعمرة لله) آیتی سال سادس ہجرتہ نازل اولمشدر ولکن بوآیت کریمه شروع اولنان حجک وعمرہ نیک اتمامی آسہدر . اندہ بشیر شروع ایجابہ دلالت ایدر شی یوقدر . کما فی شرح السکنز للعینی .

[۲] وبما حررنا ظهر وجہ تأخیرہ علیہ الصلاة والسلام الحج الی السنة العاشرة فلیس فیہ دلیل علی القول بالتراخی . قال العینی واما تأخیرہ علیہ السلام فیحتمل أن یکون لعذر إما لان الآیه نزلت بعد فوات الوقت أو للخوف من المشرکین علی أهل المدينة أو علی نفسه . واما ما قال بعضهم أنه علیہ السلام کان قد علم أنه یدرک الحج قبل موته فلیس بشیء اه وما ذکرناه أولى وهو المذکور فی کتابنا الحقائق .

[۳] ذمت مکلفک مأمور به ایله مشمولیتنه (نفس وجوب) وانک لزوم نفریضنه (وجوب ادا) دیبورز . عمرہ لزوم ایصاده ظاہری اولور تتسکیم ذکر اولنور .

و شروط صحت اولمق اوزره اوچ نوعدر [۱] .

(شروط وجوب) سکزدر : اسلام ، عقل ، بلوغ ، حریت ، وقت ، قدرة علی الزاد ، قدرة علی الراحلة ، فرضیت حجه علم .

اسلام شرط وجوب اولمقله حال کفرنده استطاعتی اولان کیمسه به حج واجب اولیوب [۲] او کیمسه فقیر دوشه رک مسلم اولسه استطاعت سابقه سندن طولایی کندیسنه برشی لازم کلز . مسلم بوکا مخالفدرکه مقتدر ایکن حج ایتیمیه رک فقیر دوشسه وجوب حج انک ذمتنده دین اولور .

حج ایتدکدن صکره عیاذاً بالله تعالی مرتد اولانه دخی بعد التوبه

[۱] تلمید ابن هام اولان سندی (باب المناسک) تسمیه ایتدیکی منسک متوسطده نوع رابع زیاده ایدرک دیمشدرکه اوده حجک فرض واقع اولسنک شروطیدر و طقوزدر : اسلام ، الی الموت انک بقاسی ، عقل ، حریت ، بلوغ ، قادر اولانه کوره بنفسه ادا ، عدم نیت نفل ، عدم افساد ، عدم نیت عن الغیر .

مسلم اولان کافرک حال کفرنده کی حجی نه فرض نه نفل واقع اولدیغی کی مرتد اولان مسلمک حال اسلامنده کی حجی دخی — توبه ایتمش بیله اولسه — نه فرض ونه نفل واقع اولماز . مجنونک وصبینک و مملوکک — بونلر بعد الحج افاقه و بلوغ و حریت بولسه لر بیله — حجی نه فرض ونه نفل واقع اولماز . قبل العذر اداء غیر ایله یاخود نیت نفل ایله ویا عن الغیر نیت ایله ویاخود مع الفساد ایفاء فریضه حج ایدلمش اولیوب بونلرک ایتدکلری حج بعد الاستطاعة بیله اولسه کندیلرندن آنسکله حج ساقط اولماز . مقتدر اولدقلرنده شروط محرره وجهله به حج ایتلمری لازم کلور اه منحة الخالق .

[۲] بوده کفارک فروع شریعت ایله مخاطب اولماملرینه میندر . مخاطب اوللری حقنده کی قول عراقیونه کوره اسلام شروط صحتدن اولور . ط .

استطاعت کلور ایسه برحج دها ایتمک لازم اولور .
 جنون و — علی خلاف فیه — عته [۱] وصبا [۲] مانع
 وجوب اولدیغندن بخون و معتوه وصی حج ایله مکلف دکلدر .
 احوالدرده انلر حج ایتسه لر بیله فرض واقع اولماز . بعد الافاقه
 والبلوغ مقتدر اولورلرایسه ینه حج ایتملری لازم کلور .
 حر اولمیانلر عبادات بدنیه محضه ایله مکلف اولسه لرده عباداتک
 حج کبی همده مالی اولانیله مکلف دکلدر . افندیلریله برابر حج
 ایتسه لر بیله ایتدکلری حج فرض واقع اولسامغله بعد العتق استطاعت
 حصولنده ینه حج ایتمک لازم کلور .
 وقت — که وقت وقوف وطوافدر — شرط وجوب اولدیغندن
 انی مدرک اولمیانه حج واجب اولماز .
 (وقتدن کندیسنده حج حاصل اوله بیلن زمان اراده اولنورکه
 اوده افاقیه کوره اختلاف بلاد ایله مختلف بولنور) [۳] .
 قدرة علی الزاد : یول آزیغنه اقتدار دیکدرکه حدوسط
 ایله — یعنی تبذیر [۴] و تقطیر [۵] ایتیمیه رک — معتادی اولان معیشق

[۱] بوناقلق .

[۲] چوجقلق .

[۳] بوکا مبنی فتاوی هندیه ده : « زاد وراحله کبی شروط وجوبک وجودی
 وقت خروجده معتبر اولوب حتی اهل بلده سنک حج ایچون خروج ایده جکلری
 زماندن اول مالک مال اولان کیمسه ینه انی دیله دیک بره صرف ایتمک واردر .
 وقت مذکورک حلولنده انی حج حاضرلنک غیرییه صرف ایتمک یوقدر . اگر
 صرف ایدرسه وجوب کندیسندن ساقط اولماز . » دینلشدور .

[۴] مسرفلک .

[۵] جیمربلک .

وصحی محافظه ایده بیله چکی نفقه‌یه اقتداردر [۱].

قدرة على الراحة : بینک دوه‌سنی تدارکه اقتدار دیمکدرکه
(عربستانه وصول اقتدارندن صکره) یا بالاستقلال ویا بریله
بالاشتراك [۲] بررا حله [۳] اشترا یاخود اکترا [۴] ایتمه‌که

[۱] حتی ات یمک معتادی اولان کیمسه اتمک ینیر تدارکنه قادر اولقله
شرط وجوب اولان قدرته مالک اولش صایلماز . ط .

[۲] (اشتراك) : ایکی کفی شقدفلی بردوه طوتوب هر بری برشق
منفتمه مالک بولنور اولقدر . یوقسه نوبتلعه بینمک اوزره ایکی کفی بر دوه
طوتوق کافی دکلدر . کما قال حاتم :

إذا كنت رباً للفلوس فلا تدع * رفيقك يعيش خلفها غير راكب
أنحها فاردفه فان حملتکما ه فذاک وان کان العقاب فعاقب

[۳] بینک دوه‌سیدر که بزم هجین دیدیمکزدر . حدیث شریفده « الناس
کابل مائة لاتجد فيها راحة » بیورلمشدر . اکا (رکاب) دخی دینور همایکینسک
جمعی (رواحل) در . زخمشری (الحکم النواخ) ده « کم لایدی الرکاب من
أیاد فی الرقاب » دیشدر . لکن کوندن کونه چوغالمقده اولان حجاجه عربستانک
رواحلی کفایت ایتماکله صکره صکره زوامل دخی رواحل حکمی آلمشدرکه
حجاج شمعی زامله سواردر یعنی بینیلن دوه‌له علی الاکثر یوک دوه‌سیدر .
جده‌دن مسکیه و مکدن منایه و عرفاته صرکب اوزرنده دخی کیدنلر اولقله ابن
نجیم مرحوم بحررائقهده « دوه‌یه بینمک افضلدر . حمار اوزرنده حج ایتمک مکروه
اولور » دیدکدن صکره : کراحتک افضله مقابل ذکر اولشمسندن ظاهر اولان
نزیهیه اولمیدر . دیشدر اه .

[۴] (اقتراء) صانون آلمق دیمک اولدیفی کی (اکتراء) دخی کراالمقدر .
برینک اباحه واعاره ایتمسی کافی دکلدر . ص . ولوکه بابانک اوغله یاخود اوغلك
بابابه اباحه‌سی کی کندیسنه منت اولیلان جهندن واقع اولسون . بوبابده هبه اولنان
مالی قبول ایتمک دخی اکا واجب اولماز ولوکه منت واهب عاری دخی اولسون
چونکه شرط وجوبی تحصیل واجب دکلدر . هندیه مع ط .

مقتدر اولمقدر [۱] .

بونلردن (قدرة على الزاد) هم مکی وهم آفاقی حقنده و (قدرة على الرحلة) بالکز آفاقی اولانلرده شرطدر .

مسکه ایچنده ویاچوارنده بولنا نلر بلامشقة یوریمک کندیلرینه ممکن اولدقجه سعی الی الجمعه کبی یوریهه رک حج ایتیمک لازم کلور . والا راحله تدارکی انلرده شرط وجوب اولور .

وجوبک تحقیق ایچون زاد و راحله یه اقتدارده استطاعت مالیه سنک کندی نفقه سندن وعودته قدر [۲] عیالی [۲] نفقه سندن و مسکن ویا انک تعمیر پاره سی واثاث یدت و ادوات حرفت و قضا دین مثلی کندیسنه لابد بولنان شیلردن فضله اولسی شرطدر .

اراشیاسندن مستغنی عنه اولاننک برطاقنی حج ایتیمک ایچون صاتمق کا واجب اولماز [۴] . وکذا نزدنده اولان اقچه ایله مسکن ویا خدمت حالایفی اشترا ایده جک اولسه اندن صکره سی

[۱] حتی رکوب مقته قادر اولیانه محاره تدارکنه اقتدار مشروطدر . ط . (مقته) : فازیق دوه تعبیر ایتدکلریدرکه انک رکوبنه هرکس متحمل اوله ماز . (محاره) محل حاجدر . لسانزده کی (سجاره) بوندن محرف اولسه کرکدرکه میم اوسقندن آچیق بازلهرق سین توهم اولنمش اولور .

[۲] علی قول وعودتنت برکون وعلی قول برآی صکره یه قدر . ص .

[۳] کشه نک عیالی : نفقه لر ی اوزرینه لازم اولانلردر . انلرک نفقه سنده دخی لازم اولان کدی نفقه سنده اولدیفی کبی وسطدرکه تبذیر و تقیر اولماقدر . هندیه .

[۴] نعم هو الافضل . ط .

حجه کافی اولماز درجه ده اولانه دخی حج واجب اولماز . ص مع ط .
شرط ثامن اولان (فرضیت حجه علم) دار حربده مسلم اولوبده
شرائع اسلامی جاهل بولنانه کوره در . دار اسلامده بولنقی اکا و سائر فروضه
عالم اولوق دیمکدر . وبونده اسلام اوزره نشأت ایتمش اولوب
اولماق مساویدر [۱] .

(شروط وجوب ادا) بشدر : مع البصر سلامت بدن ، زوال
مانع ، امن طریق ، عدم عدت ، وجود محرم [۲] .
کوز لیلک و صاغلاماق شروط وجوب ادا دن اولدیغندن زاد
وراحله یه قادر و حر و مکاف بولنان اعمایه ادا حج واجب اولمادیقی
کبی مریض و یا مقعد یا خود مفلوج [۳] اولانه دخی واجب اولماز [۴]

[۱] دار حربده بولنانه دخی ایکی ارکسکک و یا برارکک ایله ایکی قادینک
و حتی واحد عدلک اخبار ایله علم حاصل اولور . عند الامامین انده عدالت و بلوغ
و حریت بیلله شرط دکلدر . هندیه .

بلاد مفتوحه (دار اسلام) در . بلاد غیر مفتوحه — که دیار اجنبیه تعبیر
ایته بکمز یرلر در — (دار حرب) تسمیه اولور .

[۲] زوج و یا محرمک شرط وجوب و یا شرط ادا اولستنده امن طریق
خصوصنده کی اختلاف وجهله اختلاف اولمشدر . ثمره خلاف وجوب وصیتده
و محرمک امتناعی تقدیرنده وجوب نفقه وراحله سنده و محرم بوله میان قادینه
برابرجه حج ایتمک ایچون تزوجک و جوینده ظاهر اولور که شرط وجوب
دیانلر بولرک بری اکا واجب اولماز ددیله چونکه شرط وجوبک تحصیل واجب
اولماز . بوکا مبنیدر که کندیسنه مال ایاچه اولنان کیمسه حج واجب اولماق
ایچون ائی قبولدن امتناع ایده ییلور . شرط ادا دیانلر انلرک هیسنی اکا واجب
قیلدیله . ط .

[۳] میمک ضمیمه (مقعد) کو تورم اولاندر . (مفلوج) اینمه لی در .

[۴] دوده ده طوره میه حق اختیار دخی بویله در . هندیه .

زوال مانع : محبوسیت کبی مانع حسینک زوالیدر .
امن طریقده اعتبار : برآ و بجرأ غلبه سلامت در . سلامت غالب
ایسه [۱] حجه کیتکمک واجب ، تہلکہ غالب ایسه غیر واجب در .
(الغاز فقہیہ مزدن بوبابک ایکنجی مسئلہ سنی اوقویکز)
عدم عدت : عدتک عدم قیامی دیمکدرکہ مطلقہ و یازوجی متوفی
اولان قادین حقنہ در [۲] کرک بان ، کرک رجعی طلاق ایله مطلقہ
اولوب و یاخود زوجی وفات ایدوبده هنوز عدت ایچنده بولنان
قادینہ اداہ حج واجب دکلدر [۳] .
وجود محرم : محرمک بولنسی دیمکدرکہ بوده قادین حقنہ در .
حجه کیدن قادین آرہده مسافہ سفر بولندیغنه کورہ کرک کنج ، کرک
اختیار اولسون زوجی و یا محرمی برابر بولنق شرطدر [۴] . (زوج
و یا محرم اولدقجه قادین ایچون استطاعت ثابت اولمش اولہ ماز .
علی افندی .)
حق زوج فرائضده ظاهر اولہ مامغلہ بوبابده اذن زوج شرط
دکلدر [۵]

[۱] ولو بالرشوة . وقتل بعض الحجاج عذر . ط .
[۲] لقوله تعالى : لا تخرجوهن . والحج يمكن أدائه في وقت آخر . ط .
[۳] اگر بعد الخروج مسافره ایکن اکا عدت لازم کلور ایسه طلاق رجعی
اولدیغنه کورہ زوجی اندن مفارقت ایتمز وافضل اولان صراجتدر . طلاق
بان ایسه زوج اجنبی کبی اولور . ہندیہ .
[۴] الی بش یاشنده اولوب مکہ مکرمہ بہ مدت سفر بعید اولان بلدہ
اھالیسندن ہند یانندہ زوجی یا محرمی یوغیکن حجه کیتکمک جائز اولوری ؟
الجواب : اولماز . (علی افندی) .
[۵] کندی بہ حج فرض اولان ہند زوجی زید آخر دیارده اولملہ

قادینک محرمی : باباسی ، دایسی ، عموجه سی ، قارنداشی ، دامادی ، سوت اوغلی کی قرابت نسبیہ و یا صہریہ یا خود رضاعیہ سببیلہ نکاحی علی التّأیید کنندیسنه حرام اولان ارککدر . قادینک کوله سی وقایینی وانشه سی محرمی دکدر .

قادینک زوجی برابر اولورسه محرمه حاجت اولماز .

محرمک حر و مسلم اولسی شرط دکل ، مأمون (امنیتی) اولسی شرطدر . مجوسی اولان محرمی اگر مباحیت مناکحه سنی معتقد ایسه قادینک مسافرت ایده مز

محرمک مکلف اولسی یعنی صبی و معتوه و یا مجنون اولماسی ده لازمدر . مراقب بالغ کبیدر .

حج یولنده محرمک زاد و راحله سی قادینه عائددر .

(شروط صحت) درتدر : احرام ، زمان ، مکان ، اسلام [ه] .

کلسنه توقف ایتمیوب محرمی اولان دامادی عمرو ایله مکّه مکرمه یه کیدوب اسقاط فریضه حج ایتمک جائز اولوری ؟ الجواب : اولور . (بهجه) . اوزرینه حج فرض اولان هند حجه کیتمکه عزیمت — یعنی نیت — ایتمکله لابوین قرداشی عمروی یانه آلوب کیتمکه ایستدکده زوجی زید هندی منمه قادر اولوری ؟ الجواب : اولماز . (علی افندی) .

مکّه مکرمه دن مسافه سفر بید اولان بلده اهالی سفدن هندک اوزرینه حج فرض اولغله حج ایتمک مراد ایتمکده زوجی زید هند ایله کیتمکدن امتناع ایسه هند لابوین قرداشی اولوب مأمون اولان عمرو ایله واروب حج ایتمک جائز اولوری ؟ الجواب : اولور . (علی افندی) .

[*] اسلام همده شرط وجوبدر کما صریح ۲۷ . ابن نجیم دیشدر که بمضل احرامه بدل نفی ذکر ایتمشدر ایسه ده احرام نیت وتلبیه دن عبارت اولوق جهتیه مستلزم نیتدر اه مؤلفک تعبیرنجه حج درت شی ایله صحیح اولور . انلرک ایکیسی احرام و اسلامدر و دیگر ایکیسی وقوف و طواف

حجک رکنی : ایکی شیدر بری طواف زیارت و دیکری عرفه و قوفیدر [۱]

حجک واجباتی — که ترکنه دم ترتب ایدن افعالی دیمکدر [۲] —
سمی و وقوف جمع و رمی جمار و حلق یا خود تقصیر و طواف صدر کبی
شیلردر [۳] بروجه آتی تعداد اولنور :

— واجبات حج —

- ۱ احرامه میقاتدن کیرمک [۴] .
- ۲ عرفاتده و قوفی غروبه دکین تمدید ایتمک [۵] .

افاضه در . بونلردن ایکی اولسکیلر (شرط) و ایکی صکره کینر (رکن) در .
افاده من فتاوی هندیه دن مأخوذدر .
وقوف ذی الحجه نك طقوزنجی کونی عرفاتده و طواف افاضه و نام دیکر ایله
طواف زیارت اوننجی الح کونی مطافده اولور .
[۱] لکن « الحج عرفه » بیورلدیفی جهته و قوف ، طوافدن اقوادر .
قبل الوقوف اولان وقاع ایله حج فاسد اولورده قبل الطواف اولان وقاع ایله
فاسد اولماز . کافی الهندیة . حجتی قبل الوقوف وقاع ایله افساد ایدن کیمسه یه
بقیه افعال حجه دوام ایدوب سنه آتیهدده قضا ایتمک لازم کلور . کافی ط .
وهو المذكور فی باب الامر من کتب الاصول .
[۲] الضابط أن کل ما یجب بترکه دم فهو واجب . ط .
[۳] هندیه ده شرح طحاویدن تقللاً بالسکز بو بش مذکوردر . لله در
المؤلف رحمه الله تعالی .
[۴] یعنی میقاتی احرامسز کهامک .
[۵] غایت مفیاده داخلدر چونکه واجب اولان کیجه دن دخی بر لحظه یه
یتشمکدر . ط .

- ۳ یوم نحرک طلوع فجرندن صکره و طلوع شمسندن اول مزدلفه ده وقوف ایتمک .
- ۴ رمی جمار ایلمک .
- ۵ قارن یاخود متمتع قربان کسمک [۱] .
- ۶ حلق و یا تقصیر ایتمک .
- ۷ انی داخل حرمه و ایام نحره تخصیص ایلمک .
- ۸ رمی جماری اندن اول یایمق (عند الامام ط) .
- ۹ قربان کسمکی رمی جمار ایله حلق و یا تقصیر آره سنده یایمق [۲] .
- ۱۰ طواف زیارتی ایام نحرده ایقاع ایتمک .
- ۱۱ سعی ایتمک و انی اشهر حجده [۳] اجرا ایلمک .
- ۱۲ سعی بر طواف معتدبه دن صکره یایمق [۴] .
- ۱۳ عذری اولمیا نه کوره سعی ماشیاً اولمق .
- ۱۴ سعییه صفادن باشلامق [۵] .

- [۱] آفاق اولان حجاج مسافر بولندقاریچون بوقربان اضحیه دکل ، دم فران و متمعدر که حج و عمره نسکاربئی جمعه موفق اولدقلرینه تشکراً قارن و یا متمتع اولان حاجیه واجبدر کسه مز ایسه بیان آتی وجهله اون کون اورج طونار . مفرد بالحق بولنان آفاقیه دم واجب دکل ، مستحیدر .
- [۲] که بونلر (رذخ) حروفنک ترتیبی اوزره اجرا اولنور . ط . یعنی اولارمی بعده ذبح و بعده حلق اولور .
- [۳] (اشهر حج) : حج آیلری دیمکدر که شوال و ذی القعدة ایله عشر ذی الحجه دن عبارتدر . (کما صافی ص ۵) .
- [۴] (معتدبه) معتبر دیمکدر . طوافک اعتباری لاقول درت شوطی حصوله کلکله در . چونکه انک معظمی رکندر . أشواط ثلاثة اخیره سعی واجبدر . طوافده طهارت اوزره اولق دخی واجبات حجندنر . کما یأتی .
- [۵] مروهدن باشلار ایسه شوط اوله اعتبار اولنماز . علی الاصح ط .

- ۱۵ آفاقي اولالار طواف وداعی اجرا ایتمک [۱].
- ۱۶ بیت معظمی هر طوافه حجر اسوددن باشلامق .
- ۱۷ حجر اسودی استقبال اعتباریله صاغه طوغری کیدرک یعنی کعبه بی صوله آلهرق طواف ایتمک .
- ۱۸ عذری اولمیان طوافی یوریه رک ایتمک [۲].
- ۱۹ طوافده طاهر بولنق [۳].
- ۲۰ طوافده مستور العوره اولق [۴].
- ۲۱ طوافی وراء حظیمدن ایتمک .
- ۲۲ طوافک تمامندن صکره ایکی رکعت نماز قیلق [۵].
- ۲۳ طواف زیارتک صوک اوچ شوطنی دخی یایمق .
- ۲۴ محظورات احرامی ترک ایتمک [۶].

- [۱] مکده قاله جقلردن وطواف زیاره دن صکره حبض کورن خاتونلردن بو طواف ساقطدر .
- [۲] خسته لر تحتہ اوزرنده طولاشدیریلور .
- [۳] محشینک افاده سنه کوره واجب اولان : حدثدن طهارتدر . خیشدن طهارت سنت مؤکدهدر . عدا اکثر ا ه حدیث شریفده « الطواف بالیت صلاۃ » یورلمش اولدیقندن انده نمازده اولدیغی کبی حدثلردن طهارت معتبر اولور . شوقدرکه طهارت مذکورہ نك نمازده اعتباری فرض وطوافده واجبدر . آنسزدخی جواز فوت اولماز ا ه بجمع الانهر .
- (محدثاً طوافک دم ایله انجباری مسئله سیچون جنایات بابنه باسکز .)
- [۴] عضوورتدن ربینک ودها زیاده سنک کشفی سببیلہ دم واجب اولور . ط .
- [۵] فلو ترکها هل علیه دم ؟ قيل : نعم . فیوصی به . ط .
- [۶] (محظورات احرام) محرم حقننده ممنوع اولان شیلر دیمکدر :

حجک سنتلری : طواف قدوم ورمل وهروله وایام نحر کیجه لری
مناده یتوتت و اوچ جمره آره سننده کی ترتیبه رعایت کی شیلدر که
بروجه آتی تعداد اولنور :

— سنن حج —

- ۱ احرام ایدر ایکن بیقائیق [۱] یاخود آبدست آلتق .
- ۲ ایکی رکعت نماز قیلیق [۲] .
- ۳ بیاض برازار ایله بیاض بررداء طوتتمق [۳] .
- ۴ طیب سورنمک [۴] .
- ۵ احرامبند اولدقدن صکره وسط درجهده رفع صوت ایله
چوقجه تلبیه ایتمک [۵] .

ارککک دیکشلی یاخود یاپشدریلی لباس کیمه سی وهاشی یاخود یوزینی قپالی
بولندر مه سی و آو آلامسی الخ کی .

[۱] ولوکه حائض ونفساء اولسون چونکه بواغتسال نظافت ایچوندر .
بولابده هند العجز تیمم مشروع دکلدن . ط .

[۲] بولنرده احراز فضیلت سنت ایتمک ایچون سنت احرامی نیت ایلر .
ایلک رکعتده سوره کافرونی وایکنجی رکعتده سوره اخلاصی اوقور . ط .

[۳] بولنرک یکبسی بیقاعشندن افضلدر . بیاض اولسی ده رنک دیکرده
اولسندن افضلدر . بولنر بیان سنت ایچوندر . بوقسه سترعورت کافیدر . ط .

[۴] بوده حین احرامده اولور . بعد الاحرام اولماز . محشی دیرکه : طیبی
(یعنی کل یاغی کی خوشبو اولان شیء طاهری) لباسنه دکل ، بدنته سورینور .
قال وله أن بتطیب بما تبقى عینہ بعد الاحرام خلافاً لمحمد ا ه .

[۵] هر نماز قیلشده ، هر بوقش چیقشده ، هر ایش ایشده ، هر دوه
سواره راست کاشده ، سحر و قتلر نده . ص .

- ۶ تلبیه هر باشلایشده اوج کره ایتمک .
- ۷ رسول اکرم صلی الله تعالی علیه وسلم افندمن حضرت لرینه صلوات شریفه کتیرمک .
- ۸ جناب حقه دعا ایتمک [۱] ،
- ۹ مکه مکرمه یه دخول ایچون غسل ایتمک .
- ۱۰ مکه مکرمه یه نهاراً معلى جهتندن داخل اولمق [۲] .
- ۱۱ بیت مکرمی مشاهده ده دیله دیکی دعای ایتمک [۳] .
- ۱۲ بیت معظم پدشکاهنده تکبیر وتهلیل ایلک .
- ۱۳ شهر حج اولمسه بیله آفاق اولان کیمسه طواف قدومی ایتمک [۴] .
- ۱۴ طوافده ارککلر اضطباع ایلک
- ۱۵ سعی تعقیب ایدجک اولان طوافک ایلک اوج شوطنده ارکک قسمی رمل ایتمک .
- ۱۶ سعی ایدرا بکن ایکی میل اخضر میاننده ارککلر هروله ایتمک .
- ۱۷ سعیک هروله موضعندن ماعداده یواش یواش یوریمک .
- ۱۸ طوافی چوق ایتمک [۵] .

-
- [۱] صلوات تلبیه یی ودعا دخی صلواتی تعقیب ایدر .
 - [۲] مکه مکرمه نك قبرستانی جهتندن دیمکدر . محشی دیرکه اخیراً او یو و نهاراً دخول متروک اولمشدر .
 - [۳] که او دعا مستجابدر . دعاسنک مقبولیتنی ایستملیدر .
 - [۴] کیچ قالوبده مکه یه کیرمیه رک عرفاته چیقانلردن بوسنت بالطبع سافط اولور . کنز .
 - [۵] آفاق حقه طواف ، صلوات نفلدن افضلدر . ص . مقیم حرم

۱۹ ذی الحجه نك يذبحی كونی صلوات ظهر دن صكره مكه ده خطبه
اوقنمق [۱] .

۲۰ ذی الحجه نك سكرنجی كونی طلوع شمسدن صكره مكه دن
منایه چیقمق

۲۱ اوکیجه مناده قالمق .

۲۲ ذی الحجه نك طقوزنجی كونی طلوع شمسدن صكره منادن
عرفاته چیقمق [۲] .

۲۳ كرك عرفه ده کی جمع تقدیمه ، كرك مزدلفه ده کی جمع
تاخیره [۳] تضرع وخشوعه وكوز یاشاری دو كرك آغلامغه
چالشمق ونفسی وابوینی واخوان دینی ایچون امر دارینه
دائر دیله دیکی دعای ایتمك .

۲۴ غروب شمسدن صكره آخر آخر عرفاتدن اینمك .

۲۵ مزدلفه یه اینلیدیکی وقت كلان كچنلره ككشلك اولمق ایچون
بطن وادیدن یوكسكجه جبل قرح قربنه قونمق . (مشعر حرام)
عنواننه باقكز .

اولان ایچون موسمه بونك عكسی افضل اولوب موسمك غیریده انك ایچون
دخی افضل اولان طوافدر . ط . وقدم فی الصفحه ۱۲ .

[۱] بوخطبه تكدر . بونده جلسه بوقدر . ناسه مفاسك تعلیم اولنور . ص .
[۲] امام اوكون عرفانده جمع تقدیم یاپارکه ایدکی نمازینی وقتی کیرمدن اوکله
ایله برابر وقت ظهرده قیلار . اندن اول بعد الزوال خطبه ایدوب وخطبه سنی ایکی
قیلوب ارده اوطورروانلرده ناسه عرفه و مزدلفه و قوفلرینی و اووقولردن صكره
یوم نخرده کی جره عقبه بی و ذبحی و طواف زیارتی و حلقی تعلیم ایدر . ص مع ط .
[۳] (جمع تقدیم) و (جمع تأخیر) تعبیر لریچون کتاب الصلواتك اوقات
بختنه باقی لزومی اخطار اولنور .

- ۲۶ بیرام کیجه سی اوراده قالمق .
- ۲۷ بیرام صباحی منایه اینوب ایام نحرده جمیع احوال و اتقالی ایله مناده قالمق [۱] .
- ۲۸ رمی جمار ایچون طورلدقده منای صاغه و مکّه مکرمه یی صوله آلهرق طورمق .
- ۲۹ جره عقبه یه رمیده هر وقت را کب و مسجد خیف قربنده کی جره اولاده و کذا جره وسطاده راجل بولنق .
- ۳۰ جره عقبه یه رمی ایدر ایکن بطن وادیده بولنوب جراتی آشاغیدن یوقاری آتمق [۲] .
- ۳۱ رمی ایلک کونی شمسک طلوعیله زوال بیننده و باقی کونلر زوال ایله غروب ارسنده اولمق .
- ۳۲ یوم نحرده دخی برخطبه ایدیلوب انده بقیه مناسک بیان اولمق [۳] .
- ۳۳ منادن مکّه یه نزولی تعجیل ایتمک ایستین کیسه اون ایکنجی کون غروب شمسدن اول چیقماق [۴] .

- [۱] اشیاسنی مناده ابقادن امین اولدقجه کندبسی اوراده ایکن یوکی مکّه یه کونهدرمک مکروهدر . ص مع ط .
- مصلی به دخی اشیاسنی (مثلاً آیاق قابنی وال چیقینی) آرقه یه براقق قلبی مشغول ایتدیکی ایچون مکروه اولور . ط .
- [۲] بونک عکسی نامی راحتسز ایده جکی جهتله مکروهدر . کجا یانی .
- [۳] حج خطبه لرینک اوچنچیبسی اشته بودر . ص .
- [۴] اگر غروبه دکن طورر ایسه برشی لازم کلز ایسه ده اسائن ایلش اولور . واکر مناده اون دردنجی کونک طلوع خرنه دکن

۳۴ منادن مکّه یه کلور ایکن تخصیب ایتمک یعنی محصب [۱] تعبیر
اولنان دوزاسکه برمدتجک اینمک .

۳۵ مکّه مکرمه یه کلینوب طواف صدرك اجر اسندن و طواف
نمازندن صکره ماء زمزمدن چوقجه ایچمک .

۳۶ آب زمزمی ایچر ایکن بیت معظمه قارشو قائم و ناظر اولمق .
۳۷ ماء زمزمی هم ایچمک ، هم دوکنمک [۲] .

۳۸ ملتزمی التزام ایتمک یعنی حجر اسود ایله باب کعبه میانی
اولان موضعه کوکسنی و یوزینی وضع ایللک

۳۹ آستار کعبه یه یاشوب دیله دیکی دعای ایتمک .

۴۰ داخل بیت شریفه — کیمسه یی اینجتمیه ک دخول ممکن اولور

ایسه — ادب و تعظیم ایله کیروب ایکی رکعت نماز قیلیق [۳] .

اقامت ایرایسه اکا او کونک دخی رمبی لازم اولور . س . او کون او رمبی
زوالدن اوله یایسه ده اولور . ط . و سیاتی .

[۱] (محصب) تخصییدن اسم مفعول صیغه سیمله مکّه قرینده بریردر (ابطح)
دینور دوز و طاشلقدر . (تخصیب) اورایه نزولدر . ط .

[۲] باشنه و بتون بدننه دوکک . کتاب الطهاره مزده کچدیکی و باب
جنایات قیلنده حاشیه ده ذکر اولندیفی اوزره ماء زمزم ایله استنجای مکر و هدر .
اغتسال مکروه دکلدرد . نابی علیه الرحمة :

اولمش آماده * تطهیر عصات * چام زمزمندن آفات آب حیات
رویدر یر یوزنک خاک حرم * عالمک یوزی صویدر زمزم
آب زمزمدر او داروی صفا * صکه و یررخسته * عصیان شمه
وفی الحدیث : ماء زمزم لما شرب له .

[۳] کیفیت ترکیب افعال حجه باقکزد .

حجك آدابی : دیننی تأدیبه و كنه اهلرینه توبه (۱) و تقصیر ایتدیكى عباداتنى قضا ایدرك مال حلال ايله كیتمك (۲) و یولده كیمسه ايله جدال و شقاق ایتماكدور

کتاب الصلواتمزدده ذکر اولندیغی اوزره امر خیرده استخاره به حاجت اولمیوب بو بابده ایديله جك استخاره نفس فعله دكل ، تعیین وقته محمول اولور (۳)

حجك محظوراتی : — که احرامك ممنوعاتی دیمکدر — ایکی نوعدر . برنوعی حاجك کمندی نفسنده ایشلییه جکی و دیگر نوعی غیر حقمنده یاپه جفی در .

اولکیسی : حلیله سیله بولاشق ، تراش اولق ، طرناق کسمك ، طیب سورنمك ، دیکشلی لباس کیمك ، باشنده فس و یا صارغی بولندرمق کبی محرمه جائز اولمیان شیلر در .

ایکنجیسی : آوه یا مباشرت و یا اشارت یا خود دلالت صور تيله تعرض ایتمك و قطع شجر حرم ایلکدر .

[۱] بغیر حق آلدیغی برینه و یرمك واصحاب حقوق و خصوصیات ايله حلاللاشمق قبیله ندن اولان شروط توبه به مراعات ایدرك . ط .

[۲] چونكه حرام نفقه ايله ایدیلن حج مقبول اولماز . شبهه لی اولان مال حلال ايله حج ایتمك ایستین کیمسه حج ایچون استدانه ایدوب دیننی کندی مانندن تأدیبه ایلر . (هندیه) .

إذا حججت بمال أصله دنس * فلا حججت ولکن حجبت العیر
ما یقبل الله الا کل طیبة * ما کل من حج بیت الله مبرور
(ابو الشمق)

[۳] برأ یاخود بجرأ کیتمك و راحله یی اشترایا اکر ایتمك و فلان یاخود فلان کیمسه یی رفیق اتخاذا یامك خصوصلرنده دخی استخاره ایده یلور . ط .

حرم مکہ به عائد اولان بو حرمتک حج واحرامه بيله اختصاصی
یوقدر نیکیم فصل جنایانده میندر .

حجک مکروهاتی ترکیب افعال حج فصلنده صره سی کلدکجه
ذکر اولنور .

— فضل حج —

کتاب کریمده [ولله علی الناس حج البيت الخ] و [وأذن فی
الناس بالحج یأتوک رجلاً و علی کل ضامر] بیورلدیغی کبی حدیث
شریفده دخی : « یا ایها الناس قد فرض الله علیکم الحج فحجوا . » « بنی
الاسلام علی خمس شهادة أن لا اله الا الله وأن محمداً رسول الله و اقام
الصلاة و ایتاء الزکاة و الحج و صوم رمضان . » « أما علمت أن الاسلام
یهدم ما قبله و أن الهجرة تهدم ما قبلها و أن الحج یهدم ما قبله »
بیورلشدرد [۱] .

صحیح بخاریده شونلر مذکوردر : حضرت عائشه رضی الله تعالی
عنہا دن مرویدرکه مشارالیه حضرت نلری صلی الله تعالی علیه وسلم افندمن
حضرت لرینه : یا رسول الله جهادی افضل أعمال کور یورز بز جهاد
ایتمیهلم ؟ دیوسوال ایتدکلرنده علیه الصلاة والسلام افندمن
حضرت نلری : خیر ؛ سزک ایچون افضل جهاد حج مبروردرد [۲]
بیورمشلر . ابو هریره رضی الله تعالی عنہ دن مرویدرکه مشار الیه :

[۱] حدیث شریف اخیر حضرت ابن عمره خطاباً وارد اولشدرد .

[۲] (مبرور) : مقابل بالبر دیمکدرکه مقبول معنا سنه در . (حج مبرور) :
کناه قارشیمان حیدر اه همسیر . وقیل هو الذی لا یعقبه معصية . ومن علامات
القبول أن یرجع خیراً مما کان علیه ولا یعاود المعاصی اه من السندی محشی سنن
ابن ماجه .

بن حضرت رسول اللهم صلى الله تعالى عليه وسلم ، من حج فلم يرفث ولم يفسق رجع كيوم ولدته أمه ، بيورر [١] اولدقلىرىنى ايشتمدم . ديمشدرام كشف الغممه عليه السلام اقمدمزك ، اللهم اغفر للحاج ولمن استغفرله الحاج ، بيورر اولدقلىرى ده مذكوردر [٢] .

حج ، جماد كى اولمىوب فرض عين ارلدقلىرى [٣] حجه كيمتهك جوازنده ابوينك رضالى شرط دكل ايسهده [٤] بلارضاء ابوين حجه كيمتهك جوازي ابوينك استغفاريله مقيددر . اكر بر كيمسهك ابوينندن برى خدمته محتاج ايسه انك رضاسى اولميه رق او كيمسهك حجه كيمسى مكر وه اولور . ابوينك عدمى حالنده جد ايله جده ابوين كبيدر . هنديه .

فرض اولان حج طاعت والدينندن افضلدر . نفل اولان حج اويله دكلدر [٥] غنينك حجى فقيرك حجنندن افضلدر .

مكة مكرمه ده مجاورت حقوق بيت معظمه و حرمة مراعات

[١] ترجمه حديث سبب حج هامشده كچمشدر .

[٢] وقد أسمعك غير هذه الأحاديث من نحو قوله عليه السلام : الحج سبيل الله الخ . و: تابعوا بين حج والعمرة الخ . الحجاج والعمار وفد الله الخ . وفى سنن ابن ماجه العمرة الى العمرة كفارة ما بينهما والحج المبرور ليس له جزاء الا الجنة .

[٣] اوزرينه حج فرض اولان زيد حجه مى كيمتك افضلدر يوقسه غزايمى كيمتك افضلدر ؟ الجواب : حجه كيمتك افضلدر . (نتيجه) .

[٤] اوزرينه حج فرض اولان زیده حجه كيمتك ابستدكده زيدك باباسى عمرو بغير وجه شرعى زیدى حجه كيمتكدن منعه قادر اولورمى ؟ الجواب : اولماز . (نتيجه) .

[٥] (حج فرض) و (حج نفل) ايچون صدر كتابه مراجعت ايدكر .

اولنه میه جنی ایچون نزد حضرت امامده مکروهدر [۱]. امامین نفی کراحت ایتمشلدر [۲] :

-
- [۱] مراعات حقوق امرنده کندیسنه وائق اولانه کوره کراحت یوق دیمکدر . مدینه منورهده مجاورت دخی مکه مکرمهده مجاورت کبیدر . ط . کتاب صلاتمزد کچن و کتاب صوممزمک بوز برنجی صحیفه سنده دخی کوستریلن (مساجد ثلاثه) احکامندن ظاهر اولدیغی اوزره مکه مکرمه مدینه منوره دن افضلدر . ضریح مقدس حضرت رسول اقدس (صلوات الله تعالی علیه) بوندن مستنادرکه اوجای دلارا هم یردن و حتی کعبه دن و عرش و کرسیدن افضلدر .
- [۲] سید ابو السعود — که نور الابضاح شارحی و منلامسکین محشیبی اولان ابو السعود المصریدر — افاده سنه کوره انلرجه مجاورت مستجبدر . وعلیه الفتوی . ط بزباده .

— فصل —

کیفیت ترکیب افعال حج

حجه کیدن کیمسه رایغ کبی برمیقتادن احرام ایدر [۱]
اولجه طرناق کسمک وقولنی تمیزله مک کبی نظافتلر اجرا سندن صکره
غسل ایدر یاخود آبدست آلور . البسه سنی چیقاررق سنت اوزره
برازار ایلله بررداء طوتنور [۲] انلره ایلیک دوکه یاعماز واولجربی
دوگله مز . باشنی وایاقلربی آچیق بولندیرر . باشنه هیمچ برشی
کیمز واورتمز (شمسیه طوته بیلور) . آیاقلربنه اوستی آچیق آباق
قابی کیمیر . (محرم امان آلهیده در .)

آبدست آلوب احرامبند اولدوقده ایسکی رکعت نمازقیله رق :
« اللهم انی ارید الحج فیسرلی » یعنی : یارب بن حج ایتمک ایستیورم
انی بنم ایچون قولایلا دیو دعا ایدر [۳] و : « لبیک اللهم لبیک »
لاشریک لک لبیک ، ان الحمد والنعمة لک والمملک [۴] . لاشریک لک . دیو
رفع صوت ایلر [۵] .

- [۱] احرام ومواقیت عنوانلربنه باقکمز .
[۲] (ازار) و (رداء) تعبیر لر بیچون آلتنجی صحیفه به مراجعت ایدکمز .
[۳] بودعا حج افراده کوره در . حج تمتعه اولا عمره وحج قرانده عمره
عمره وهم حج نیت اولنور . دعا لدره اکا کوره اولور .
[۴] متعارف اولان بودر . اصلده « ان الحمد والنعمة والمملک لک »
واقع اولمشدر .

[۵] (لبیک) اقامت معناسنه اولان البابدن مأخوذ اوله رق . « بن
سنتک فپوکده کراراً اقامت وصره بعد اخری ندا که اجابت ایلدم دیمکدرکه

بوانظاردن برینی اکسیک سویلنر سین [۱] . شونلری زیاده
ایده ییلور سین : د لبیک وسعدیک و الخیر کله بین یدیک والرغبی
الیک . [۲] (بونلر صوکه زیاده ایدیلور زیاده مذکور سنتدر .)
مع النیه بوتلمیه یی ایتمکه محرم اولور سین : آرتق حلیله ک یانسه
ایسه انسه مجامعتدن و فحش سوبله مکدن و فسوق و معاصیدن
ویولناشلر و خدمتجیلر و مکاریلر ایله جدلشیمکدن و برآ آو اولامقدن
یاخود آوجی یه انی ارانه و یاخود برینی اخبار ایتمکدن و دیکشلی
ویا پشدریلر لباس کیمکدن و صاریق صارمقدن و آباغه مسح کیمکدن
[۳] و باشکی یاخود یوزکی اورتیمکدن [۴] و تراش اولق و طرناق
کسمک و طیب سورتمکدن توقی ایدر سین .

احرامده ایکن ییقانمق و خیمه یاخود محمل التنده و خانه ساچاغی
کبی یرلرده کولسه کلمک [۵] و بله پاره باغلامق جائزدر (۶) .

تثنیه تکریر ایچوندرد . انتصابی فعل مقدر ایله در . (ان الحمد) هرزه نک
کسر یله در مفتوح دخی اولور . ط .

[۱] چونکه مکروهدر اکسیلن اساعت ایتمش اولدیفی کبی رفع صوت
ایتمین دخی اساعت ایلش اولور . ط .

[۲] (سعدیک) «اطیعک اطاعة بعد اخری» دیمکدر . (رغبی) ضراعت
و نیاز در . ط . صحیح مسامحه مدایله (والرغباء) دخی واقمدر .

[۳] یوزسز مرکوب (یعنی) بوله میان کیمسه مسحک و بوتینک فونجیلرینی
طوپقارندن آشاغی قطع ایدوب انلری مرکوب کبی کبیر . ط .

[۴] مخاطبمز ارکک اولدیفندن بونک قادینه شمولی اوله ماز . انار مستوریتلرینی
هر وقت محافظه ایله مأموردلر .

[۵] باش دکیه رک دیمکدر . هر ایسه مکروه اولور . ط .

[۶] کمر و سلاح قوشانق و خاتم طاقنق و مطیب اولبان سورمه یی چکمک
وختان اولق و فان آلتق و حجامت اولق دخی جائزدر . ط .

هر نماز قیلدقجه ویولده یوقش چیققدقجه وایش ایندکجه ویولجیلره راست کلدکجه وسحر وقتلرنده تلبیه نی تکثیر ایله .

مکه مکرمه یه واصل اولدیفکده مستحب اولان غسل ایتمکدر . غسل ایدرک یاخود آبدست آلهرق همان حرم شریفه کیدرسین و مستحب اولدیغی اوزره باب سلامه واروب اورادن خشوع وتواضع وجهله تلبیه ایدرک وجلالات مقامی ملاحظه ایله تکبیر وتهلیل ایلیهرک وصلوات شریفه اوقویهرق وصیقشانلره لطف ایله معامله ایدرک مسجد حرامه (حرم شریفه) کیررسین و بیت معظمی مشاهدده دیله دیکک دعای ایدرسین [۵] . مسجد حرامک تحیتی طواف اولغله تحیت مسجد قیلیهرق همان طواف قدوم تشبثنده اولورسین . شویله که :

تلبیه نی کسه رک تکبیر وتهلیل وصلوات شریفه ایله حجر اسودی استقبال ایدوب اللرکی نمازه طورر کی قالدیرق ممکن ایسه حجر اسود مشارالیه وضع وانی بلاصوت تقبیل ایدرسین . اوراسی پک زحامکاه اولغله کیسه یه اذی ایتمکسزین یناشمقدن عاجز اولورسه رک وضع ید ایتمکی ترک ایله انی اوزاقدن اشارتله سلاملارسین . مبدأطوافک بو اولور . بعده کعبه نی صوله آلهرق باب کعبه جهته طوغری صاغه کیدرسین وحطیمک آرقه سنیدن

[*] او دعا مستجابدر . بلا حساب دخول جنتی طلب اهم ادعیه دندر . ط . « أعوذ برب البيت من الدين والفقر ومن ضيق الصدر وعذاب القبر » ادعیه سنیه دندر .

کعبه یی طولا شور و باشلا دینک یره کلورسین . مطاف داخلنده [۱]
 بو وجهله یدی دوره باپارسین . حجر اسوده هر کلشده انی وجه مذکور
 اوزره استلام ایدرسین [۲] یدنجی دوره نك استلامیله طواف نهایت
 بولور اولدیغندن حرم شریف داخلنده مقام ابراهیم دینیلن موضع
 مبارکه [۳] واروب ایکی رکعت نماز قیلارسین اوراده یر بوله ماز
 ایسه ک حرم شریفک نرسنده متیسر اولورسه اونمازی قیلارسین .
 صکره کلوب حجر اسودی ینه استلام ایدرسین .

هر طوافده لازم دکل ایسه ده بو طواف قدومک [۴] ایلک اوچ
 شوطنده رمل ایدیله چکنندن بونده مضطبع [۵] بولورسین .

[۱] یعنی بیت معظم حولنده . ولوکه مطاف متعارفدن بعید اولسون . تکیم
 اون برنجی صحیفه نك حاشیه سنده بیان اولمشدر .

[۲] رکن بمانی ینی دخی استلام حسندر . ظاهر روایده سنت دکلدر .
 دیگر ایکی رکن - که بری عراقی و دیگری شامی در - استلام اولتماز . ط .

[۳] مقام ابراهیم برطاشدر که حضرت ابراهیم علیه السلام حضرت هاجر ایله
 ولد مکرمی حضرت اسماعیلی کورمه کلدکجه دوه دن اینر و دوه به بیر ایکن انک
 اوزرنده قائم اولور ایدی . قدیمین مبارککری نك اثری او طاشده ظاهر اولمشدر . ط .
 حجر مذکورک بولندیفی محله دخی مقام ابراهیم اطلاق اولنور . آلان شائع اولان
 اطلاق بودر . تفاسیرده حجر مبارک مذکور حضرت ابراهیمک ناسی حجه دعوت
 ایچون یاخود رفع بناء بیت ایچون اوزرینه چیقدفقری طاش دیو مذکوردر .
 طحطاوینک ذکر ایتدیکی وجه وجیه تفاسیرده غیر مذکوردر . بالسكر آلوسی
 صحوم اکا یاقین دیگر بوجه ذکر ایتمشدر . قاضینک ذکر ایتدیکی دعوت
 ناس خصوصنک جبل ابی قیس اوزرنده اولدی مشهوردر . امام نجمیدن نقلاً
 کشفده : حرم شریفک هپسی مقام ابراهیمدر . دینلشددر اه

[۴] یاخود طواف زیارتک . (۱۴ و ۱۵ نجی صحیفه لره باقسکر .)

[۵] اون اوچنجی صفحه ده : مبین اولان اضطباعه باقسکر .

غالبه لك سنی صیقه شدیر رایسه طوروب رملی آراق بولدقجه ایدرسین [۱].
طوافدن وانك نمازندن صكره سعی ایتك ایچون حرم شریفدن
چیقوب [۲] مسعایه کیدرسین . سعیه صفادن بده ایتك اوزره
(صفا) دینیلن باصه مقلی تپیه کعبه کورنجه قدر صعود ایدوب
اوراده بیت معظمه دونهرك تکبیر وتهلل ایدر و صلوات شریفه اوقور
والارکی قالدیروب دعا ایلرسین . بعده اینوب (مروه) جانبنه
یواش یواش کیدرسین . (مسعی) ایکی تپه آره سی بروادیدر . تپه نك
بری صفا و دیگرى مروه در . بطن وادی به وصولکده قارشواقلی
وبری دیگرینك استقامتنده اولماق اوزره آرملری براز اوزاق
ایکی یشیل ستون واردرکه (میلین اخضرین) تسمیه اولنور انلر
میاننده هروله ایدرسین . یعنی اوراسنی پك سرعتله کچرسین .
بعده یواش یواش یوریهرك مرویه واررسین . انك دخی
باصه مقلرندن کعبه کورینه جك قدر [۳] اوزرینه چیقوب صفا

[۱] چونسکه (رمل) لابد اولغله انی درست یاقی ایچون ازدحامده توقف
ایتك لازم کلور . حجر اسودی استلام ایتك کی دکل که اکا اوزافدن
اشارت هخی بدل اولور . ص .

[۲] هانکی قیودن ایسترایسهك چیقارسین نبی اکرم صلی الله تعالی علیه
وسلم افندمز حضرتلری سنت اولق اوزره دکل ، صفایه اقرب ابواب اولدیفیچون
باب بنی مخزومدن چیقملردر که اوراسی شمدی (باب الصفا) تسمیه اولنور . ط .
(صفا) قیا معناستدر .

[۳] کعبه نك کورنسی زمان اول اعتباریله در . شمدی مروه ایله بیت معظم
میانقی بنالرحائلدر لکن ینه مستقبل کعبه اوله رق طورر . ط .
(مروه) بیاض طاش پارچه سیدر . بونك جمی (مروه) وصفانك مفردی
(صفا) در .

اوزرنده یاپدیغکی یاپارسین . یعنی بیت شریف جهته دونه رک تکبیر وتلیل وتصلیه والارکی آچوب وقالدیروب دعا ایدرسین . بونکله سعیک برشوطی حاصل اولمش اولور . بعده مروه دن اینوب یواش یواش یورییه رک و ذکر اولمان میلین اخضرین آره سنده هروله ایدرک صفایه کیدرسین صفانک اوزرینه چیقوب اول یاپدیغکی یاپارسین . بونکله ده سعیک ایکنجی شوطی حاصل اولور . صفا جانندن درت کیدش ومروه جانندن اوچ کلش ایله یدی شوط حاصل اولورکه بواسواط سبه نکه جموعی برسه یدر . کیدوب کلور ایکن تلبیه ایدر وحین هروله ده « اللهم اغفر وارحم وتجاوز عما تعلم فانک انت العلی الاعظم » دیرسین .

تعریفمز حج افراد اولمفله [ه] سعی ایتدکدن صکره مکّه مکرمه ده محرم اوله رق مقیم بولنورسین . نه وقت ایسترسه ک بیت معظمی برچوق طواف ایدرسین . انلرده رمل وسعی یوقدر . ذی الحجه نکه سکزنجی کونی صباح نمازینی قیلدقدن صکره حاضرلنوب منایه کیتمک اوزره بعد الطلوع مکّه مکرمه دن چیقارسین . اوکون اوکله نمازینی مناده قیلق مستحیدر .

تلبیه یی طوافدن بشقه هیسج برحالده ترک ایتمزسین . مناده مسجد خیف قربنه قونوب اوراده بیتوات وایرتسی (عرفه) کونی آلاجه قارالقدده صباح نمازینی قیلنجه قدرمکک واقامت ایدرسین . طلوع شمسدن صکره اورادن عرفاته کیدرسین . زوال شمسه دکین طوروب اوکله وقتی نمره مسجدینه واررسین .

[*] حج قران وتمتع فصل آتیله مبیندر . بشنجی صفحه یه ده باقکز .

اوراده اوقنان خطبه لردن صکره جماعت کبری ایله صلات ظهر وعصری جمعاً قیلوب [۱] محل وقوفه کیدرسین [۲] . عرفانک (بطن عرنه) دینیلن [۳] موقعندن بشقه هریری موقدر . یالکیز اوراده وقوف اولتماز اولنسه ده کافی اولماز . عرفاتده وقوف ایچون بعد الزوال ممکن اولورسه غسل ایدرسین و جبل رحمت قرینده اکا قارشو طوروب تکبیر وتهلیل وتلبیه ایلرسین و طلب طعام ایدر کبی ال اوزادوب کیندک و ابوینک و اخوان دینک ایچون دعاده بذل مجهود ایدرسین . کوزلرکدن یاش چیقارمغه چاشورسین که اماره قبولدر . اجابتی قوتله امیدایدرک دعاده الحاح ایله . (اوکون نیاز و تضرعه تقصیر ایتمایلسین که آفاقی یه کوره تدارک و تلافیسی پک قولای اولمیه حق برکوندر . انی چادرلرده چای صعبتیه اضاعه ایدوبیرمک لائق دکلدر .)

وقوفی راحله اوزرنده ایتمک افضلدر . یرده آیان اوزری طور مق دخی اوطور مقدن افضلدر .

غروب واقع اولدقده هرکس ایله برابر یواش یواش عرفاتدن ایلرسین . کیمسه یه اذی و یرمیه رک فرجه بولدقجه سرعت دخی

[۱] کتاب الصلواتک اوقات بحثنه باقکیز که جمع مذکور ده هم احرامک و هم جماعت کبرانک اشتراطی مذهب حضرت امامدر . امامین عندنده انک احرامده بولنقدن بشقه شرطی بولدر . محفی دیرکه ائمه ثلاثه دخی بوبله دعشلردر اظهار اولانده بودر اه

[۲] اگر جماعت کبرایه یتشه مزایسه ک اوکلهی وایکندی بی معتاد اولان وقتلرنده بشقه بشقه قیلوب موقفه کیدرسین . ص . اصلک بو افاده سی مذهب حضرت امامه میفیدر . بوندن اولکی هامشه باقکیز .

[۳] (عرنه) لفظی عینک ضمی و رانک فتحی ایله اوفنور .

ایدرسین . جهله ناسک یاپدقلى شدت سیر وزحامدن وخلقه اذادن
احتراز اوزره اول که انلر حرامدر .

مزدلفهیه کلوب مشعر حرام قربنه فونارسین . کلوب کچنلره
طارلق اولماق ایچون اسلم محل اوراسیدرکه بطن وادیدن براز
مرتفع بولنورسین . اوراده اقشام نمازینی وقت عشاده یاتسو
نمازیله برابر قیلارسین . اقشام نمازینی مزدلفهیه کلور ایسکن یولده
قیلیق جائر دکلدیر (شاید قیلش بولنور ایسه طلوع فجر اولدقجه
انی اعاده ایلر . بلاعاده فجر طالع اولیوریر ایسه اونماز جوازه
عودت ایدر . تکمیل کتاب الصلواتک اوقات بحشده کچمش و ۶۴ نجی
صفحه سنده کی هامشده نظائرله ذکر اولمشدر) .

مزدلفهده کیجه له مک سنتدر . طلوع فجرده امام صباح نمازینی
ایرکن قیلدیروب وقوف ایدر . ناس دخی برابر وقوف ایدرلر .
مزدلفه نک (بطن عسر) [۱] دینیلن موقعدن بشقه هریری موقعدر .
دعاسنده بذل مجهود ایدرک وقوف ایدرسین [۲] .

اورتالق کرکی کبی آیدینلاندقده هرکسله برابر اورادن
قبل الطلوع قالقوب منایه کلورسین . مزدلفهده ایکن یاخود یولده
کلورایکن مناده رمی ایتمک اوزره اوفاجق طاشلر طوپلامش
بولنورسین [۳] و طهارت لری تیمن ایچون انلری ییقاش

[۱] (عسر) لفظی یورمق معناسنه اولان تحسیردن اسم فاعل صیغه سیله در .
قال ط : سمی به لان الفیل عسر وأعیایه فلا یجوز الوقوف فیہ .

[۲] ویدعو الله أن یتم مراده وسؤله فی هذا الموقف كما أنه لیسیدارسول الله
صلی الله تعالی علیه وسلم . من . أمی دعاهم بفقران الدماء والمظالم لأمته . ط .

[۳] طاشلرک عددجه لزومی یتمش یاخود قرق طقوزدر . یدیی

اولورسین . چونکه انلرله اقامه طاعت ایده جکسین [۱] . برطاشی
قیروب اوافلا مازسین . جمره یاننده کیلردن آلوب آتمازسین .

منایه کلدیکسکده جمره عقبه یه رمی ایدرسین . وایلیک آتشدن تلبیه بی
کسر سین . او بریوقوش یرده اولدیغندن (عقبه) تسمیه اولنور . ناسه
اذی اولماق ایچون انی یوقوشک اوستندن دکل ، آلتندن طاشلارسین .
هانکی جمره اولورسه اولسون انک یاننده بیریکن طاشلردن آلوب
آتمک مکروه اولدیغی کبی [۲] جمره عقبه یه اوست طرفدن رمی ایتمک
دخی ناسی راحتسز ایده جکی جهته مکروه در . طاشی صاغ السکک باش
وشهادت پارمقلری اوجیله طوتوب آتارسین [۳] . یدی طاش
آناجقسین . هر برنده الله اکبر دییه جکسین . آتدیغک طاش برکیمسه نک
اوستنه دوشوب قالور ایسه رمی اعاده ایدرسین . قالمیوب جمره یولنه
ویاقیننه دوشرسه کفایت ایدر . اوزاق دوشر ایسه کفایت
ایتمز [۴] .

ایلیک کونی جمره عقبه ده آتیلور . ایکنجی و اوچنجی و دردنجی کونلرده دخی
هر جمره ده هرکون یدیشر طاشی آتلق اوزره آلتش اوچ طاش صرف اولنور
جما آتمش اولور . دردنجی کون مناده بولنماز ایسه یکریمی برطاش اکسبک
صرف اولنور ق مہیاتک عددی قرق طقوز اولور .

[۱] طاهر اولیان طاشی آتمق دخی کافی ایسه ده مکروه در . ص .

[۲] چونکه « من قبلت حجته رفعت جمرته » حدیث مدلولنجه انلر مردود
طاشلردر . ط .

[۳] بودها قولایدیر . طاشی پارمقنک طرناغی اوستنه قویوب شهادت
پارمقنک معاونتیله آتمق دخی واردیر . هر حالده سنت اولان صاغ ال ایله آتقدور . ص
[۴] ذراع اوزافدر ، انک مادونی یاقیندر . ط .

(جمره عقبه رمیندن صکره مفرد بالحج دیلر سه قربان کسر [۱]
بعده خلق و یا نقصیر ایدر . اندن صکره احرام ممنوعاتندن اولان هرشی
اکا حلال اولور . یالک: قادین حلال اولماز . تمثیلزده سن دخی مفرد
بالحج بولنیورسین .)

بعده اوکون یاخود ایرتسی کون و یاخود دها ایرتسی کون مکّه
مکرمه یه اینوب [۲] طواف زیارتی ایدرسین . اندن صکره سکا حلیلهک
دخی حلال اولور .

طواف مذکورک اجراسیچون منادن مکّه یه اینمکده افضل ایام
ایلک کوندر . اکر انی او اوچ کوننده صکره یه براغور ایسهک و اجبی
تاخیر کدن طولانی برشات یعنی قیون و یا کچی قربان ایتمک لازم کلور .
طواف زیارتدن صکره منایه عودت ورمی جمار ایچون
اوراده اوچ کون اقامت ایلرسین رمی جمار ایامنده منانک غیری
محلده بیتوات مکروهدر . ایکنجی یوم نحر ده کونش زواله
ایردکده مسجد خیف قربنده کی جمره اولادن باشلایه رق جمره لک
اوچنی ده اجرا ایدرسین (جمره اولی ، وسطی ، عقبه اسمیله
اوچ جمره بولندیغی اولجه افاده اولنشددر) جمره اولی و وسطاده
یایان بولنه رق یدیشر طاش آتار وهر برنده تسکیر ایدرسین و بو
ایسکی جمره ده بشقه بشقه طوروب کئندک و ابوینک و اخوان

[۱] آفاق اولان حجاج سمربر بولندقلریچون اضحیه ایله مکلف دکلردر .
قارن و یا تمتع اولانلر ایکی نسکی جمعه موفق اولدقلرینه تشکراً آنلره قربان و اجبدر
مفرده مستجبدر . الا أن یكون محصرأ فيجب لکونه بدلا عن الخلق أو التقصير الواجب .
[۲] یعنی او اینش وجوب موسع ایله و اجبدر . ط .

دينك ايچون دعا واستغفار ايلرسين . صكره جمره عقبه يه كلوب اتى
راكبا رى ايدرسين وانك ياننده دعا يه طور ميوب كيدرسين . اوچنچى
يوم نحرده ينه بعد الزوال اولوجهله اوچ جمره ياپارسين .

[ومن تعجل في يومين فلا اثم عليه] قول كريمي مفهوم منجه مکه
مکرمه يه عجله اينمك ايستر ايسهك اوكون يعنى بيرامك اوچنچى كوتى
غروب دن اول ايلرسين . اگر غروب به دكين تاخر ايدرسهك مکروه اولور .
بشقه برشى ترتيب ايتمز [۱] .

تعجيل ايتميوب قاله رق مناده ايکن دردنجى كونك طلوع فجرى
وقوع بولور ايسه اوكون دخى رى چهار ايتمك لازم كلور . ينه بعد
الزوال رى چهار ثلاث ايدرسين [۲] .

اوكونه مخصوص اولمق اوزره قبل الزوال دخى رى چهار جائز اولور .
طلوع شمس دن اول رى ايتمك مکروه در .

منادن مکه مکرمه يه رحلت ايدرکن تخصيب ايدرسين يعنى
عصب [۳] دينيلان دوزلکه کلند کده اوراده اينوب براز آرام ايلرسين .
بعده مکه مکرمه يه دخول ايله حرم شريفه واروب طواف
صدرى ، نام ديکرايله طواف وداعى اجرا ايدرسين وايكى رکعت
نماز قيلارسين . بعده بئر زمزمه واروب قادر ايسهك صوبنى کندک

[۱] فرق طغوز طاش آتمش اولور سين . انك يديسى ايلك كوتى جمره عقبه ده
صرف ايدلش وقالان فرق ايکيسى يکرى بردن ايکى کونده آتمش اولور .
[۲] ايلك كوتى جمره عقبه يه آتيلان بدى طاشدن صكره اوچ کون يکرى
بردن آتمش اوچ طاش که جهماً يتمش طاش تماماً آتمش اولور .
[۳] فرق برنجى صحيفه يه باقکمز .

چکه رک بیت معظمه قارشو طوروب قائماً قانه قانه ایچرسین و ایچر ایکن
پرقاچ کره لر نفس آلورسین و هر دفعه سنده کوزکی بیت معظمه دیکوب
باقارسین . ممکن اولورسه ماء زمزمی بدنکه دوکرسین یا خود یوزکه
وباشکه سوررسین . انی ایچدیگکده د اللهم انی أسألك علماً نافعاً
ورزقا واسعاً وشفاءً من کل داء ، دیو دعا ایدرسین که بوسیدنا ابن عباس
حضرت تلمیذک دعاسیدر [۱] .

آب زمزمی ایچدکدن صکره باب کعبه یه واروب عتبه یی اوپک
مستحبدر . دخول ممکن اولور ایسه کوروب حضرت رسول اکرم صلی
الله تعالی علیه وسلم افتد مکز نماز قیلدقلری یه طوغریلورسین که باب
کعبه یی آرقه جهته براغه رق اوک طرفده اولان جدارک اوچ ذراع
قربینه طوروب ایکی رکعت نماز قیلارسین [۲] و بعد الصلاة یناغکی
دیواره وضع ایله جناب حقّه حمد و استغفار ایدرسین . بعده بیتک
زاویه لرینه واروب حمد و تهلیل و تسبیح و تکبیر ایدرسین و حقدن
دیه دیکمکی ایسترسین و ملازم ادب بولنورسین [۳] .

[۱] عشی دیرکه حقنده « ماء زمزم لنا شرب له » یورلش اولدیفیچون
لائق اولان یوم عطش اکبرده قطع عطش نیتیه ایچمکدر . کما نقله بعضهم اه
[۲] بین العمودین اولان بلاط اخضر - یعنی دوشه مه یسبل طاش - نمازگاه یی
دکلدر . ص .

[۳] عوام ناسک قرآنده کی « عروه و وثقی » جدار بیتده کی موضع عالیدن
عبارت اولدیفنه « امر اولان سوزلری اصلزدور . وسط بیتده کی مسماره - که
« سره دنیا » نامی ویرلر - کشف عورت ایدوب وضع سره ایلمک - علمی
اولان شویله طورسون - عقلی اولیالمک ایشیدر . ص .

بعده چيقوب ملتزمه كل ويوزكى وكوكسكى اورايه وضيع والصاق
ايله [ه] واستار كعبه يه ياشه رق جناب حقه عرض حاجت وضراعت
ايله وشويله سويله : اللهم ان هذا بيتك الذى جعلته مباركاً وهدي
للعالمين اللهم كما هديتني له فتقبل منى ولا تجعل هذا آخر العهد من بيتك
وارزقنى العود اليه حتى ترضى عنى برحمتك يا أرحم الراحمين .

مكده قالميه جق اولان كيমেسه طواف وداعدن وانك نمازندن وذكر
اولنان زمزم وملتزم الخ ايشلرندن صكره يوزيني بيت معظمدن آيبرميه رق
آغلايه آغلايه وآغلايه مازايسه مفارقت ييته متحسراً آغلار جه سنه آرقه
آرقه چكيلوب حرم شريفدن چيقار .

قادين جميع افعال حجه اركك كيمدر شوقدر كه احرامده انلرك
باشلرى ويوزلرى دخى اورتيلي بولنور وانلر تلبيه ده رفع صوت
ايتمزلر وطوافده رمل وسعيده هروله ايلمزلر . احرامده معتاد اوزره
كيملى بولنورلر . احرامدن چيقيمق ايچون حلق ويا تقصير ايتمزلر .
حجر اسودى استلام ايچون ارككلرك آره سنه صيقتشمازلر .

حائض اولان قادين حال حيضنده طوافدن ماعددا مناسكك

[*] (مطافى ، ملتزم ، تحت الميزاب ، داخل بيت ، زمزم ، مقام ابراهيم ،
سمى ، صفا ، صروه ، عرفات ، مزدلفه ، منى ، جرات) دعا مستجاب اولان
مواضعندور . كما فى ص .

هپسنى ياپار . طواف زيارتى زمان طهارتنه تاخير ايدر [۵] چونكه انك
حدث اكبر حائذه اجراسى بدنه - يعنى دوه وياصمغر كېي بيوك
برحيوان - قربان ايدلمسنى ايجاب ايدر تنكيم باب جناياتده ذكر اولنور .
اكر حيضنى طواف زيارتدن صكره كوررايسه اندن طواف وداع -
مكده اقامت ايديجييار حقهنده اولديغى كېي - ساقط اولور .

— فصل —

تعريف اولنان حج افراد فضيلتجه حج تمتك مادونيدر . (حج تمتع)
اندن افضل اولديغى كېي (حج قران) ده حج تمتعدن افضلدر .

(حج قران) : حج ايله عمره يي جمع ايتمك يعنى بر احرامده
هم عمره وهم حج ايلسكدر . حين احرامده قيلديغى ايكي ركعت
نمازدن صكره : « اللهم انى اريد العمرة والحج فيسرها لى
وتقبلهما منى » يعنى : يارب بن هم عمره ، هم حج ايتمك ايستيورم
انلرى بكا تسهيل وبندن انلرى قبول ايله . ديونيت ودعا ايدر . بعده

[*] واياي نخرده ظاهر اوله مامشرايسه تاخير طواف ايتمسندن طولايي
كنديسنه برشى ده ترتيب ايتمز . اكر طواف زيارتى ويا انك اكرتربى ايام نخرده
ايضا ايدمك مدت طاهر اولش ايديسه تاخيرندن طولايي كنديسنه دم ترتيب
ايدر . چونكه بلاعذر ترك واجب ايتمش اولور .

« حائض اولان هنده طواف بيت الله ايتمك حلال اولورى ؟ الجواب :
اولماز . بوسورتده هند حائض اولقله طواف زيارتى تاخير ايلسه هند دم
(يعنى قربان) لازم اولورى ؟ الجواب اولماز . » (بهجه) .

تلبیه ایلر . مکّه مکرّمه یه داخل اولدیغنده عمره طوافدن باشلا یوب اضطباع ورمل ایدر و طواف نمازندن صکره مسعایه چیقوب سعی وهروله ایلر . عمره بوقعلار ايله تمام بولمغله بوندن صکره بیت معظمه واروب حج ایچون طواف قدوم ایدر و اضطباع ورملنی یاپار . ختام طواف و صلاتدن صکره مسعایه چیقوب ینّه سعی وهروله ایلر .

بوا یکی طوافی — نماز لر یله برابر — علی التوالی یا یئمق و صکره ایکی سعی بردن ایتک دخی جائزدر . و لکن بو اسماء تدر . ط .
بعده محرم اوله ورق قالوب وقوف و طواف زیارت و رمی جمار کی بقیه افعال حجی اجرا ایچون انلرک زمانته منتظر اولور [۱] زمانی کلدکده [۲] انلری اجرا ايله حجنی اتمام ایدوب احرامدن چیقار . آفاق ایسه یعنی مکده قالیجی دکل ایسه طواف وداعی دخی تعریف اولنان مستبعات یله ایضا ایلر .

نحر کونی مناده جمره عقبه دن صکره وجوباً قربان کسر . چونکه جناب حق انی ایکی نسکک دخی اداسنه موفق ایتمشدر .
کسیلن قربان اضحیه دکل ، دم قراندر . اوده یابرشات یعنی قیون و یا کچی و یا خود سبع بدنه یعنی دوه و یا صیغیرک یدیده بریدر [۳] .

[۱] دیله دهی قدر طواف ایدر . آرتق انلرده اضطباع ورمل اولماز .
[۲] اکا مبدأ ذکر اولندیغی اوزره ذی الحجه نک سکزنجی کونیدر .
[۳] لکن تلبیه هامشده سنن ابن ماجه دن نقلاً واندن اول حج و عمره مجتهد کی حجاج لفظنه دأر اولان هامشده کچن حدیثلر مفهومجه تلبیه ده (عج) یعنی باغرمق مندوب اولدیغی کی اراقه دمه دخی (ثج) یعنی شورلداتق مندوب بولندیغندن قربانک بدنه یعنی بردوه و یا صیغیر اولسی افضلدر .

قربان بوله مازایسه اوچی یوم نحرک حملاندن اول ویدیسی ایام
تشریفک کذرانندن صکره [۱] اولق اوزره اون کون اورج
طونار [۲] .

اگر یوم نحرک مقدم اوچ اورج طوته مدین بیرام اولیویرر
ایسه شات ذبحی اکا متعین اولمغله صکره کی صوم ویا صدقه کافی اولماز .

(حج تمتع) : حج ایله عمره یی بشقه بشقه ایکی احرام ایله جمع
ایله کدر . میقانندن احرام ایتدیکی صرمده ، اللهم انی ارید العمرة
فیسرها لی و تقبلها منی ، یعنی یارب بن عمره ایتمک ایستیورم انی
بکاتیسیر و بندن انی قبول ایله دیو یا لکز عمره ایچون نیت و تلیمه
ایدر . مکّه مکرمه یه دخوله بر منوال ساق عمره ایچون طواف
وسعی ایتدکدن صکره حلق ویا تقصیر ایله احرامدن چیقار [۳]
مکّه ده حلال اوله رق یعنی محرم اولمیه رق قالوب البسه معتاده سیله
(اول جانب عالی یه مناسب لباس ایله) طوافلر ایدر [۴] و هر فعل حلالی
ایشملر . حایله سیله اجتماع بیله ایدر . منایه چیقالبق کونی کلدکده

[۱] ولو بمکة ولو فرقها جاز . س .

[۲] کتاب الصوم مزده ذکر ی کچن قربان اورجی اشته بو ورده بوقیبلدن
اولان آتی الذکر تمتع قربانی اورجیدر . نیتک تبییت و تعینی شرط اولان صوم
اقسامنه باقکزر (۱۶ - ۱۷) .

[۳] اگر شوق هدی ایتماش ایسه که منایه قربان کوندرماش ایسه دیسکدر
اگر متعه قربانی کنندندن اول منایه کوندرمش بولنور ایسه عمره احرامندن
چیقاماز . س .

[۴] انده طواف قدوم یوقدر .

یاخود دها ارل [۱] مکدن احرام ایدوب [۲] حجه نیت ایلر
وهرکسله برابر چیقوب تعریف سابق وجهله اولامنده وایرتسی کون
عرفاتده ویرام کیجهسی مزدلفهده بولنوب صبا حلین اورانک وقوفدن
صکره منایه کلور . اوراده جمره عقبه یه رمی ووجوباً قربان ذبح ویا
نحر ایتدکدن [۳] وحلق ویا تقصیردن صکره مکه یه اینه رک طواف
زیارتی ایدر و طواف قدومی متعاقب سعی ایتامش ایسه اتی ده ایدوب
ینه منایه چیقار و رمی جماردن صکره مکه مکرمه یه کلهرک اوراده
قلمیه جق اولدیغنه کوره طواف وداعی دخی یاپار .

— فصل —

(عمره) : احرام و طواف و سعی ایله وجود وحلق ویا تقصیر ایله
ختم بولور برحج اصغر در .
احرام : شرطدر . طوافک معظمی یعنی درت شوطی : رکندر .
ماعداسی واجبدر . ط .
احرامسز عمره اولمیدیگی کبی رکنک دخی بدلی اوله ماز . واجب
تک اولنورسه اکا دم یعنی قربان بدل اولور .
ذکر اولنان امور اربعه دن ماعداسی سنن و آدابدر [۴] .

-
- [۱] واحرامه یکون یوم الترویة . وقبله افضل . ط .
[۲] یعنی حله چیقمه حاجت یوقدر .
[۳] ذبح ایله نحرک فرقی کتاب الذبائح مزده مذکوردر . قربان بوله میان
(متمتع) فارن کبی اون کون اورج طوتار .
[۴] حجک سنن و آدابی عمره ده دخی سنن و آدابدر . هندیه . ای فیما عدا
مابغضه .

انلری ترک ایدن مسی اولور . بشقه برشی لازم کلز . جوهره .
عمره ایدن دخی کرک طوافده و کرک سعیده حج ایدنک ایشله -
دیکنی ایشلر .

(عمره) سنت مؤکده در [۱] . سنه تک جمیع اوقاتده جائزدر .
فائت اولماز [۲] . رمضان شریفده منسوبدر . یالکزشوبش کونده
مکروهدر : عرفه کونی ، نحر کونی ، تشریق کونلری . جوهره .
عمره تک مفسدی : طوافک اکثرندن اول موقعه ایتمکدر .

(هندیه)

هنوز داخل مسکه اولمیان آفاقی عمره قصد ایتدکده احرامنی
میقانندن ایدر .

مکده بولنان کیمسه حله یعنی حرم مکه خارجنه چیقارق اورادن
احرام ایدر [۳] .

طواف وسعی ایدوب (قارن اولمدیغنه و متمتع اولوبده سوق
هدی ایتمدیکنه کوره) تراش اوله رق و یا خود صاچندن قیر پهرق
احرامدن چیقار . نابی علیه الرحمة :

بخش ایدر عمره ترقی عمره * حصه رحمت آلور هر زمره



[۱] وصحیح فی الجوهرة وجوبها . ط . واعتمر صلی الله تعالی علیه وسلم
أربع عمر علی ما ذکره النووی .

[۲] انده شروط حجندن وقتدن ماعداسی متبردر . کما فی الهندیه . (فوات)
انجق حجه متصوردر . کما سیانی .

[۳] (حل و حرم) عنواننه بافکز (ص ۲۱) .

— فوات و فساد و احصار احکامی —

(فوات) : حجك فوت ايدلمسيدر . عمره نك وقت معينى اولمديغيچون انده (فوات) تصور اولتماز .

حجك فواتى عرفه و قوفى فوت ايتمكه در . حديث شريفده
« الحج عرفه » بيورلمشدر [۱] . عرفه كوني ويا افشامى عرفانده
بولتيمان كيمسه حجى فوت ايتمش اولور .

اوحالده بر عمره ايدرك احرامدن چيقار . سنه آتیه ده
قضاء حج ايدر

بشقه برشى لازم كلز شروع ايتمش اولديغى حج كرك فبض ،
كرك نفل ويا نذر اولسون .

(فساد) : حجك ويا عمره نك فاسد اولمسيدر حاجى حال احرامده
عرفه و قوفندن اول مجامعت ايتمكه حج فاسد اولور [۲] .

حجى بوصورنله افساد ايتمش اولان كيمسه بر قربان كسرو —
حج صحيح كى ... افعال حجه و محظورات احرامدن اجتنابه دوام ايله
برابر نفل دخى اولسه سنه آتیه ده قضاء حج ايلر .

مجامعتى عرفه و قوفندن صكره و طواف زيارتدن اول ايتمش ايمسه
حجى فاسد اولماز انجى بر بدنه يغبى دوه ويا صيفر قربان ايتمك
لازم كلور .

طواف زيارتدن صكره مجامعت ايتمكه برشى لازم كلز .

[۱] أى معظمه وملاكة الوقوف بها لفوت الحج فوته اه تبسير .

[۲] ولو بلا انزال اولسون . وناسياً ياخود مكرهاً وائناً وقوع بولسون .
ايكى طرف دخى فاسد الحيدر .

(فساد) عمره ده دخی جاری اوله یلور . عمره نك فسادی حال احرامده قبل الطواف [۱] بجامعت ایتمکله در . آنك دخی دوامی وقضاسی لازم اولور . طواف عمره دن [۲] صکره ایدیلن و فاعه بدنه [۳] ترتب ایدر .

(احصار) : ارکان حج و یا عمره دن ممنوع قالقندر قالانه اسم مفعول صیغه سیله (محصر) تعبیر اولنور .

محرم اولان کیمسه یا خسته لهرک و یا پاره سی توکنهرک یا خود دشمن ايله محصور — وقادین اولدیغنه کوره محرمسن — قاله رق وقوف وطوافه [۴] و — عمره به کوره — طواف وسعیه قادر اولسه محصر دیمك اولمغله حرم داخلنده ایسه بر قربان کسهرک [۵] ، دکل ایسه بر کیمسه به بر قربان و یا پاره سی و یروب بالماوله تعین ایتدیکی کون اوکیمسه طرفندن داخل حرمدن قربان کسیلهرک محرم محصر احرامدن چیقار .

دم مذکور تراش اولمغله و یا صاچ کسدرمکه بدل اولدیغیچون انلره حاجت اولماز . [فان احصرتم فما استیسر من الهدی] بیورلمشدر .

مانعك زوالندن صکره حج و یا عمره ایدیه یله جك ایسه ینه احرام ایدرک حجی و یا عمره سنی ایدر . والا ، دیگر سنه ده قضا

[۱] مراد : طوافك اکثری یعنی درت شو طیدر . اندن صکره ایدیلن بجامعت عمره نی افساد ایتمیبوب بر بدنه قربان ایتمك لازم کلور .

[۲] وحی انك اکثرندن . کما مر آنفاً .

[۳] (بدنه) فتحتین ايله : دوه وصیغر کی بیوک قرباندر .

[۴] فاذا قدر علی أحدهما فلیس بمحصر . زیلعی و عینی .

[۵] قارن ایدیه ایکی قربان .

ایلر : محصر بالعمره ای دیسه عمره یی و محصر بالحج ای دیسه هم حج و هم عمره یی قضا ایدر ، اگر حج قرانده محصر اولمش ای دیسه بر حج و ایکی عمره قضا ایلر .

احصار قربانی اگر عمره ایچون ایسه یوم نحرده کسملک —
اتفاقا — لازم اولمیوب یوم نحرده اول دخی ذبح اولنه بیلور . حج ایچون
ایسه عند الامامینه اوله در . عند الامامین انک یوم نحرده ذبح اونفسی
لازمدر . و علی کلا القولین محل ذبح حرمدر ، حل دکلدر .



— باب —

جنایات حج

(جنایت) آغاجك یمشنى قوپارمق معناسندن مأخوذ وفى الاصل احداث شر ايلك مآلنده مصدر اولوب حاصل بالمصدر اوله رق فعل محرمه اسم قيلنمش واو اعتبار ايله جملنمشدر كرك ماله ، كرك نفسه تعلق ايتمش اولسون .

كتب فقهيه نك باب جنایاتنده جانہ واعضایه عائد اولان شره خاص اولدیفی كبی باب حج جنایاتنده دخی حرمده واحرامده جائز اولیان افعاله خاص اولمشدر .

(جنایات حج) محظورات احرامه منحصر اولماق اوزره ایکی قسمدر : بر قسمی احرامه ودیكر قسمی حرمه عائددر . ایکنجی قسم جنایتك محرمه اختصاصی یوقدر .

محرمه مختص اولان جنایت برقاج نوعدر :

موجب دم اولان ، موجب صدقه اولان ، موجب تصدق اولان ، موجب قیمت اولان .

(دم) اطلاق اولندیفی یرده اندن (شات) اراده اولنوركه برقیون ویا كچی قربان ایدلك دیمكدر . جنایت قارنده دم ایکی اولور [ه] . شات قربان ایتك موجب دم اولان هر جنایتده كافیدر .

[*] مسئله ه : او هانکی محرمدركه برجنایت ایتمش اولدیفی حالده ایکی قربان كسمك لازم كلش اولسون ؟ جواب : احرام حقننده دمی موجب جنایتی ایشاین قارندر كه مفرده بر دم لازم كلن جنایتده اكا ایکی دم لازم كلور زیرا ایکی احرامكده حرمتی هتك ایلمشدر . (ألتاز فقهیه) .

یا لکز ایکی نوعنده کافی دکلدر . انلردن بری عرفه وقوفندن صکره وطواف زیارتدن اول موافقه ایتمک و دیگرى طواف زیارتی حدت اکبر حالنده ایلسکدر . بوایکى نوع جنایتده واجب اولان بدنه درکه بر دوه و یا صیغره قرآن ایتمکدر .

(صدقه) : بغدادین نصف صاعدرکه مراد بر صدقه نطز مقدارینک اعطاسیدر .

(تصدق) : انک مادونیدر . بر مقدار تصدق یا خود دم و یا صوم بیننده بخیر اولمغده شاملدر . کافی الدر .

(قیمت) : جزاء قتل صیددر . محرم لک تعددیه متعدد اولور [۱] .
بونلر — سبیلری اولان — جنایتلرک کفار تلریدر .

موجب دم اولان جنایت شونلردر : محرم اولان کیمسه بر عضوینی کاملاً طلیله مک [۲] . صاچنه یاغ یا خود حنا سورمک .

[۱] چونکه فعل تعدد ایتمشدر . صید حرمی ایکی حلال (یعنی محرم اولبان ایکی کشتی) قتل ایدرسه یا لکز بر قیمت لازم کلور . چونکه محل متحددر . آفاده ط .

[۲] (طیب) : رائحه مستلذه سی اولان هر جسمه اطلاق اولنور مسک ، عنبر ، عود و بونلرله کافوردن مرکب اولان غالبه کبی . ولوکه اونودرق و یا بیلهیه رک یا خود مکره اوله رق استعمال ایتمش اولسون . طبی اکل ایتمک دخی سورمک حکمندهدر . جمعندن بر عضو مقداری محل حاصل اولان متفرق محللر دخی بر عضو حکمنده اولوب اتحاد مجلس فرطیله جمیع بدن دخی عضو واحد حکمندهدر . مجلس متحد دکل ایسه هر طیب ایچون بر کفارت لازم کلور . کفارت ایدوبده طبی عضوندن کیدر مامش اولورسه بر دمدها لازم کلور . ط .

دیکیشلی (یاخود یاپشدریلی) لباسی معتاد و جهله [۱] تام برکون کیمک [۲] ، باشنه برشی اورتکم یعنی فس و یاطاقیه کیمک یاخود صارغی صارمق ، تراش اولمق [۳] ، حجامت دخی اولمق شرطیه [۴] موضع حجامتی تراشیده ایتکم ، قولتقرینک برینی یاخود ایکیشنی و یاموی زهارینی یاخود بیون قیللرینی ازاله ایلک . طرناق کسمک [۵] . واجبات حجدن برینی (مثلاً رمی جماری و حتی برکونلک رمی) ترک ایتکم ، رمی و ذبح و حلق فمللر نده تقدیم و تأخیر و قوعه کتیرمک [۶] .

[۱] معتاد اوزره کیمیوبده بلنه قوشانور و یاخود اوموزینه آتار ایسه برشی لازم کلز . ط .

[۲] تام برکیجه کیمک دخی بویله در . کافی الدر . قال والزائد علی الیوم کالیوم وان نزعہ لیلا وأعادہ نهارا اه مثله عکسه . ط . و سیأتی حکم الأول من الیوم .

[۳] باشنک و یا صفالنک بر ربعی دخی تراش ایتکم بویله در . بیق قیرعقدہ صدقه ویریلور . ص مع ط .

[۴] بوقیدی مؤلف درر حاشیه سندمه زیاده ایتشم و دیمشدرکه تراشی حجامت تعقیب ایتمز ایسه عندالامام صدقه دن بشقه برشی لازم کلز . و قالاً علیه صدقه بالحلق للحجامة و غيرها اه و حکم التنف و القص و الاطلاع بالنورة و القلم بالأسنان حکم الحلق . هندیه .

[۵] کرک ایکی اللرینک و ایکی آیافلرینک طرناقزینی مجلس واحده کسمش اولسون ، کرک یالکز برالنک و یا یالکز بر آیاغنک طرناقزینی کسمش بولنسون . ص . اکر ال وایاق طرناقزینی بشقه بشقه درت مجلسده کسرایسه درت دم لازم کلور . کما فی المتنق .

[۶] لما روی عن ابن عباس أنه قال: من قدم شيئاً من حجه أو أخر فليهرق لذلك دمًا . وتأويل الحديث المذكور في كتاب العلم وغيره من صحيح البخاري « افعل ولا حرج » اسقاط الاثم عن حلق قبل الذبح أو ذبح قبل الرمي جهلاً

ولو كه محظورات المذكوره في معذور اوله رق يابسون [١] .
طوافه طاهر بولمق دخي واجبات حجدن اولمقله اني ترك ايتمه نك
كفارتى حدثك اصغروا كبرى وطوافك نوعى اعتباريله مختلفدر شوييله كه:
طواف قدومى ويا طواف وداعى حدث اصغرايله اجرا ايتمك
جنائتمك كفارتى نصف صاع اولان (صدقه) در . انلرى حدث اكبر
حالنده يابمق جنائتمك كفارتى طواف زيارتى حدث اصغرايله اجرا
ايتمك جنائتمك اولديغى كبي (دم) در . طواف زيارتى حدث اكبر ايله
ايتمه نك كفارتى (بدنه) در [٢] .
هانكى طواف هانكى حدث ايله اولور ايسه اولسون اجرا
ايدلدكدن صكره طاه أ اعاده اولنور ايسه موجي اولان كفارت
ساقط اولور [٣] .
واجبات حجدن اولان سعيك [٤] ومزدلفه وقوفك وآفاقييه

منهم ونسيانا . كما ذكره العيني في شرحى الكنز والبخارى .
[١] حج شريفه كيدن زيد بالغ محرم ايسكن باخنى ستر ايلسه زيده نه لازم
اولور ؟ الجواب : كاملاً بركون ستر ايلديسه دم لازم اولور ، اقل ستر ايلديسه
بغدايدن نصف صاع فقرايه تصدق ايلر . زيدك وجه محرر اوزره سستري بعذر
اولسه زيده دم لازم اولورمى ؟ الجواب : اولور . (بهجه) .
وذكر المؤلف التخيير فى صور لزوم الدم أعنى التطيب واللباس والحلق لعذر بين
الذبح أو التصدق بثلاثة أصوع على ستة مساكين أو صيام ثلاثة أيام .
[٢] لأن الجنابة أضلظ فيجب جبر نقصانها بالبدنة اظهاراً للفتاوت بين الحديثين .
وهذا فى الفرض فانه لو طاف الأقل جنباً ولم يعد وجب عليه شاة . ط على الدر .
[٣] والأصح وجوب الاعادة فى الجنابة وندبها فى الحدث . ولو طاف للعمرة
جنباً أو محدثاً فعليه دم مالم يعد اه من الدر مع ط .
[٤] اكثرينى ترك دخي تمامنى ترك كيدر . انده يلاعذر راكب اولقى دخي
موجب دمدر . كما فى الدر .

كوره طواف وداعك تركنه دخى دم لازم كلور [١].

موجب صدقه اولان جنايت شونلردر : برعضودن اقلی طيله مك ،
بركوندن اكسيك مدته كيمنمك ، رأس ويا لحيه نك ربعدن اقلنى تراش
ايتمك ، برطرافاق كسمك [٢] ، طواف قدوم ويا صدرى آبدستسز
ايتمك ، طواف صدردن ويا سعيدن برشوطى ترك ايتمك ، رمى چهارده
برطاش اكسيك آتمق [٣] ، بشقه سنى تراش ايتمك [٤] ، ياخود انك
طرافاغى كسمك .

موجب تصدق اولان جنايت شونلردر : كهله اولدرمك [٥] ،

[١] كما هو حكم ترك الواجب في الحج وترك أربعة أشواط من طواف
الصدر كتركه صرح به في الدر . قال ولا يتحقق الترك الا بالخروج من مكة .
[٢] هر طرافاق ايچون بر نصف صاع ويا انك قيمتى تصدق اولنور . اكر
انلك بجموعى بر قربان قيمتنه مساوى اولورسه ديله ديكى برمقدارى تنزيل
ايدرك وور . بش پارمك طرافاقرينى مفترقا كسمك صورتند اولديغى كجى كه مجلس
واحد ده كسمكه ارتفاق (استراحت) تام اولفنه جنايت كامل وبناء عليه
دم لازم اولور . مفترقا كسمكه صدقه ويريور . ص مع ط قوبق طرافاغى آلفده
برشى يو قدر . كما في السكز .

[٣] هر طاشك تركنه - بركونلك رميك تركنه بالغ اولماق شرطيله -
بر نصف صاع تصدق اولنق لازم كلور . بركونلك رمى چهارك تركنه دم ترتب
ايدر . كما في الدر وقد مر الاخير . ترك اولنان طاشلك عددى بركونلك رميه
ويا انك اكثرينه بالغ اولور ايسه ينه دم لازم كلور . اكر چهاره تركه نك بجموعنك
صدقه بدلى بر قربان قيمتنه بالغ اولورسه اندن ديله ديكى برمقدارى تنزيل ايدر .
ص مع ط .

[٤] اوغير كرك محرم ، كرك غير محرم اولسون . بشقه سنه طيب سورمك
ويا ديكشلى لباس كيدر مكن بونك خلافته دركه اكا اجماعاً برشى لازم كلز . ط .
[٥] كهله يني - اولك اوزره - بريره برافقى ولباسنى كونه عرضى

چکرکه اولدرمک . (بولرده نه دیلر سه انی تصدق ایدر) .
 موجب قیمت اولان جنایت : آو اورمقدر [۱] .
 ایکی اهل عدل و وریلان آوه کرک کوچک و یا بیوک اولسون مقتلنده ،
 وه قتلنده قیمتی اولدیغنه کوره مقتلنه قریب موضعهده تقدیر قیمت
 ایدرلر . قتل صید جنایتنک جزاسی انک قیمت مقدره سیدر [۲] او قیمت
 تصدق اولنقی لازم کلور . اگر قیمت مقدره قربان قیمتنه بالغ اولور
 ایسه یا بر قربان آلوب انی حرم داخلنده ذبح ایتمک و یا خود بغدادی
 اشترا ایدوب انی هر نروده اولور سه یارم شرع اولمق اوزره فقرا به
 تصدق ایلک [۳] یا خود هر یارم صاع بدلنده ولومتفرقا اولسون
 برکون اورج طوتقی بیننده او کیسه یه بخیر بولنور .
 قتل اولنان حیوان غیر مأکول — فیل کبی — کبیر دخی اولسه
 جزا بر دم قیمتنی تجاوز ایتمز .
 مأکول اللحم اولان حیوانک بالغاً ما بلغ قیمتی تصدق اولنور .
 کافی لدر مع ط .

ایتمک دخی موجب تصدقدر . اولدیریلن و یا تهلهکه به الف اولنان کهله کثیر یعنی
 اوچدن زیاده ایسه نصف صاع صدقه ویریلور . قله دلالت دخی صیده دلالت
 کبی موجب جزادر . ط .

[۱] محرم اولان کیسه صیاده صیدی اخبار و یا اراءه ایلله قتل صید انک
 دلالت و یا اشارته اقتران ایتمک دخی بویادر . کافی لدر . قال : بدءاً أو
 هوذا سهواً أو عمداً .

[۲] بر نصف صاع قیمتندن اقلده برکون اورج طوتقی دخی کافی اولور . ط .
 [۳] اگر نصف صاعدن اقل آرناز ایسه انی دخی تصدق ایدر و یا خود
 برکون اورج طوتار . ص .

حيوانك آياقلرندن بريني وقوشك قناديني كسرايله اني حيز امتناعدن آليقويق [۱] اولدرمك ديمك اولديغيمچون تام قيمتي ايجاب ايدر .

قوشك جيلق اوليان يمورطه سني قيرمق دخي بويله در .

حيوانك قيلني يولمق و امتناعني اخلال ايتمين عضويني كسمك وقوشك اوچوب قورتلغه مداري اولان قنادتويلرينك غيريسي يولمق نقصان قيمت اعطاسني موجب اولوركه او حيوان و او قوش برصا غلام و برده اولوجهله ناقص و معيوب اوله رق تهويم اولنوب ايكي قيمتمك ماييني اولان مقدار تصدق اولنور [۲] .

قارغهي [۳] ، چايلاغى ، عقرني ، فارهني ، ييلاني ، كلب عقوري [۴] ، سيوري سينكي ، قارنجهي [۵] ، پرهني ، كنهني ، قبلوبغهي ، سينكي [۶] ، كلبكي ، آريني ، كرپيني ، كرتنگه يي

[۱] معلومدركه (صيد) انساندن متوحش و ممتنع بولنان ياني حيواندر .

[۲] بوده ايي اولويده اثرى قالمق صورتنده در . اكر اثرى قالماز ايسه موجبي زائل اولديغندن ضمانده اولماز . ط .

[۳] سقسقان دينيلن آلاجه قارغه مستثنا در . كما في ط .

[۴] كلب اهليتك ضرري اولدقجه قتلي حلال اولماز . قتل كلاب حقنده دكي اصرا منسوخدر . ط . جوهره ده دييوركه اسد دخي كلب عقور منزله سنده در . قورد و بيان كديسي حقنده ايكي روايت واردر . مايونده و خنزيرده اختلاف اولمشدر امام ابو يوسف انلرده جزا اولديغنه قائلدر . امام زفر : خنزيرك قتلي مندوب اليه اولمغله انده جزا اولماز . ديمشدر اه

[۵] لکن قارنجه نك اذاسي اولياني اولدرمك حلال اولماز . ط .

[۶] اهل عراقدن برينك : محرم اولان كيمسه سينك اولديرر ايسه نه لازم كلور ؟ ديو واقم اولان سؤالنه جواباً حضرت ابن عمر (رضي الله تعالى عنهما) :

والحاصل آوجنسندن اولميان وبدن انسانيدن تولدايلدين بالجملة هوام وحشراتی اولدرمكه برشی ترتب ایتمز .

أو حیوانك صائلي یعنی انسانه سالار اولانی اولدرمكه دخی برشی لازم کلز .

حرمت حرم محرمه مختص اولمديغندن حرمك آوینی آولامق و نباتی قوپارمق محرم اولميانه دخی حلال وجائز اولموب غير محرم بولنان کیمسه صید حرمی قتل و نبات حرمی قطع ایتمز صورتده صائم اولمق کافی دکل ، قیمت ویرمك لازم کلور [۱] .

برکیمسه نك ملسمکنده ثابت دکل ایسه بر قیمت واکر بر کیمسه نك ملسمکنده ثابت ایسه ایکی قیمت ویریلورکه بری حق مالک و دیگرى حق شرعدر [۲] .

ریحانه نبي اولان حضرت حسینى قتل ایتدکرده شمدی سینک قناتی صوریورسکر . دیمش اولدقلربی بخارینک فضائل اصحاب فصلندن تفلاً الحقائقده ذکر ایتمزدر .

[۱] شجر حرم ، درت نوعدر . انلردن اوچنک قطع وانتفاع اولنمی بلا جزاء حلالدر . برینک قطعى و انسکله انتفاع اولنمی جزاسز حلال دکلدر . یعنی قطعنه جزا ترتب ایدر . بولردن اوچ اولکیلر : ناسک یتشدریر اولدقلری جنسندن اولان وانارك یتشدر دکلری بولنان هر آغاج ، وناسک یتشدر دکلری جنسندن دکل ایسه ده انرك یتشدر مش اولدقلری هر آغاج ، وناسک یتشدر دکلری جنسندن اولدیغی حالد بنفسه نابت اولان هر آغاجدر . حلال اولميان شجر : ناسک یتشدر دکلری جنسندن اولميان وخدایى نابت اولاندر . هندیه . ط .

[۲] ولو اشترك فی قطع شجر الحرم محرمان أو حلالان أن محرم وحلال فعليهما قيمة واحدة . هندیه .

حرم مکہ داخلندہ حیوان او تلاتمق [۱] و اوت بیچمک
حرامدر . آغاجک قورومشنی قطع و یا قلع ایلدکده بآس اولدیفی
کبی مکہ صمانی دیدکلی اذخر اوتیله مننار دخی حکم حرمتدن
مستشادر .

— فصل —

حجده کسین قربانه (هدی) تعبیر اولنور که واجب اولان
متعهور قران قربانلرینه و تطوع اذبح اولنانه و جزا و کفارت ایچون کسینله
شاملدر .

[ثمانية أزواج الخ] قول کریمنده تعداد بیوردیفی اوزره
صنوف أنعامک ارککی و دیشیسی مأکول اولمغله انلر جائز
التضحیه [۲] اولدیفی کبی « ماجاز فی الضحایا جاز فی الهدایا »

مسئله ۷ : هانکی ایسکی محرمدر آنلرکه بر موضعمده ایکیسی دخی جنایت
احرامده بولندیفی حالده جزا برینه لازم کلوبده او برینه لازم کلیه ؟
(جواب) بو آغاجک کوکی میقانتک خارجنده و دالاری میقانتک داخلنده اولوبده
دالک اوزرنده قوش بولنق حالنده محرمک بری قوشی وورسه و دیگری دالی
کسه جزایی قوشی ووران چکر . آغاجک کوکی داخل میقانتده اولوبده دالاری
خارج میقانتده بولنق صورتنده جزایی دالکسن چکر . چونسکه قوش تابع دکل ،
مستقلدر بناءً علیه آنک بولندیفی محل معتبردر آغاجک دالی ایسه مستقل دکل ،
اصله تابعدر . اصلک یعنی کوکک بولندیفی بر حرم ایسه اودالی کسمک جنایتدر ،
دکل ایسه دکلدر . (الغاز فقهیه)

[۱] ای بدایة . ط .

[۲] آتیده (کتاب الاضحیه) به باقسنز .

خُوا سنجِه هدی [۱] دخی دوه دن و صیغَر جنسندن و غنمدن [۲] اولور .
هدیک اعلاسی (بدنه) یعنی بردوه و یا صیغَر در . ادناسی (شات) یعنی
برقیون و یا برکیچیدر .

شانک جذعی یعنی برسنه لکی و حتی قیونک التي آبی اکمال ابدن
طوقنسی و بدنه نک ثنسی یعنی دوه به کوره بش یاشنی و صیغره کوره
ایسکی یاشنی تماملایانی کورلک و طوپاللق کبی عیوب مانعه دن [۳]
سلامتی شرطیله جمله سنک ارککی و دیشیسی قربان اولور .

طواف رکنی — که طواف زیارتدر — حدث اکبر حالنده ایتمک
و عرفه و قوفندن صکره و طواف زیارتدن اول حلیله سنی و طء ایلمک
جنایتلرندن ماعداده شات قربان ایتمک جائز اولوب ذکر اولنان ایسکی
جنایت کفار تارنده بدنه قربان ایتمک لازم کلور .
متعہ و قران قربانلری اضحیه ده اولدیغی کبی برنجی کونی افضل اولمق
اوزره بالخاصه ایام نحرده کسیلور .

هدیک هر نوعی ایچون محل ذبح حرم مکّه در [۴] مناده کسلمک
شرط دکلدور .

[۱] (فان احصرتم فما استیسر من الهدی) و (حتی یبلغ الهدی محله) قول
کریمارنده متلو اولدیغی وجهله (هدی) لفظی هانک فتحی و دالک سکونیه در .
تشدید بایله غنی وزننده دخی اوقنور . جمعی (اهداء) کلور . (هدایا)
تعبیری مشددک مؤنثی اولان هدییه اعتبارله در . (ضحایا) به مشاکل دوشمر مشاردر
[۲] (غم) : قیون و کچیدن اعمدر . بالخاصه قیونه (ضآن) و کچی به
(معز) دینیلور .

[۳] کتاب الاضحیه به بافکز .

[۴] مکرکه بولده تعیب ایتمش هدی تطوع اوله که انک هان اوراده دخی
ذبحی جائز اولور . ص .

جزا وکفارت قربانلرندن ماعداسنک اکل کسنه حلال اولور [۱] . طاغتمق ایچون حرم مکه فقراسی ایله سائری سیاندر [۲] .

قربانک شات نوعی دکل ده بنده نوعی علامتلور . ائکده علامت وضعی واجب دکلدر . تطوع ویا نذر یاخود ستمه ویاخود قران قربانی اولوق شرطیله علامت وضعی مستحیدر . جزا وکفارت قربانلرینه علامت وضع اولماز [۳] .

ضرورت اولدکجه قربانلق دوه یه بیلنر . قربانلق حیوانک سودی صاغلماز . مکرکه محل اوزاق اوله . او حالده صاغللق ایجاب ایتدکجه صاگیلوب تصدق اولور . یول یافین ایسه لرینه صفوق صو ووریلور .

ماشیا حجی نذر ایدن کیمسه یه ماشیا حج ایتمک لازم کلور [۴] . اوکیمسه طواف رکئی ایفا ایلدکجه راکب اوله ماز [۵] . اگر

[۱] شوقدرکه بولده قصورلنوبده کسین تطوع قرباننی کسن اکل ایدهمز چونکه هدی تطوعک جوازا اکللی عخلنه وصول ابله مشروطدر . ص مع ط . [۲] لکن فقیر حرم افضلدر . ط .

[۳] چونکه شهرت طاعته یا قشور . طاعت اولمیا نه ستر انسیدر . ط .

[۴] جنسندن واجب (فرض) اولدیفچون نذر مذکور معتبردر : فقیر اولوبده مشیه مقتدر بولنان مکینک حجی کی . کتاب صوممیزک نذر بمحینه (صفحه ۹۲) یاقنکز .

[۵] حین احرامندن اعتباراً مشی ایدر دینه شددر . اوندن چیقیدیفندن

راکب اولورسه [۱] قربان کسر .

نفسیچون حفظ و سآمت و ملالدن ایعد اولدیغیچون حج یولنده
راکب بولنق راجل بولنقدن افضلدر . ص [۲] .
فقیر اولان کیمسه ماشیا حج ایلسه زنکین اولدقده اعاده
ایتمز . کما فی الفیضیه .

اعتباراً ماشی اولور دین ده اولشدر . اصح اولان ده بودر . ط .
[۱] یابتون یولده یاخود یولک اکثرنده دیمکدر . نصفنده یاخود نصفندن
اقلده راکب اولمش ایسه قربانک بدلندن اوحساب اوزره قیمتنی تصدق ایدر . ط .
[۲] مشیه مقتدر اولانه کوره مشیک رکوبه تفضیل اولندیخی دخی صلدده
مدکوردر .

— احجاج وحج عن الغير —

(احجاج) حجه بدل چیتا مقدر . (حج عن الغير) بشقه سی طرفندن حج ایتمکدرکه عبادت حجه نیابت ایتمک دیکدر. ایدنه نائب یاخود فاعل ویا مأمور ، وایدیلنه منوب یاخود حجوج عنه ویا آمر دینور .

بوبابده اصل بودرکه برکیمسه ثواب عملنی بشقه سنه ویرمک اهل سنت وجماعت مذهبنده جائزدر کرک صلات یاخود صوم ویا حج اولسون ، کرک صدقه وقرات قرآن ویا اذکار نوعندن بولنسون .

ثواب بخش اولمان کیمسه میت ایسه او ثواب اکا واصل و او اندن منتفع اولور [۵] .

انجق برکیمسه نک قیله جفی نمازی و طوته جفی اورجی بشقه برکیمسه قیلایق و طوتمق اولماز .

بوبابده یعنی عبادتده نیابت جاری اولوب اولماق مسئله سنده دخی اصل بودرکه عبادات اوچ نوع اولوب بر نوعی مالیه محضه در : زکات و صدقه فطر کبی . بر نوعی بدنیه محضه در : صلات و صوم کبی . و بر نوعی ایکسندن مرکبدر : حج کبی .

[*] حدیث شریفلرده بوکا دلالت ایدر دلیللر واردر . بوبابده (وآن لیس للانسان الا ماسعی) آیت کریمه سنک ظاهر یله استدلال مذهب اهل اعتزالدر . اهل سنک اکا اجوبه سی واردر .

زید حجه کیدوب بروجه شرعی اتمام حج ایدوب اول حجک ثوابی بکر متوفایه باغشلاسه اول حجک ثوابی بکرک اولورمی ؟ الجواب : اولور . (بهجه)

بونلردن نوع اولده نیابت — حال اختیار و اضطرار دله — جاری و نوع ثانیده غیر جاریدر . نوع ثالثده انحق عند العجز جاریدر . (هندیه)

عبادانک مالی قسمنده مقصود سدّ حاجت فقیر اولوب او مقصود فعل نائب ایله حاصل اوله جغندن انده نیابت مطلقا جائزدر .

عبادانک بدنی قسمنده مقصود اماره بالسوء اولان نفسی اتعا بدر [۱] او ایسه فعل نائب ایله حاصل اوله میه جغندن نماز و اورج و اعتکاف و تلاوت قرآن کبی عبادت بدنیّه محضه ده نیابت مطلقا جائز دکلددر .

مانحن فیله اولان حج کبی هم مالی و هم بدنی اولان عبادتده عملاً بالشبهین عجز حالده نیابت جائز و قدرت حالده غیر جائزدر [۲] .

کندیسنه حج فرض اولمشیکن ادا ایتیمیه رک و طر فندن ادا اولتغی وصیت ایلمیه رک و فات ایدن کیمسه بلا خلاف کنه کاردر . وارثی ایسترایسه کندیلکندن احجاج ایدر و او احجاج ان شاء الله تعالی میت حقهده مقبول اولور [۳] اکر احجاجی وصیت ایدر رک و فات ایلمه ایسه حج اندن ساقط اولمیوب ثلث مالنه بدن احجاج اولتغی لازم کلور . ایدیلن احجاج شروط جواز نیابتی مستجمع ایسه جائز اولور .

[۱] فی الوحی : عاد نفسك فانها اتصبت لمعاداتي . (زبلی) .

[۲] لانها تتعلق بالبدن واما المال شرط . (شای) .

[۳] کذا ذکر ابو حنیفه رحمه الله تعالی . (هندیه) .

حجده نیا بتک جواز یچون بر طاقم شروط واردر . لباب المناسکده
شروط جواز احجاج بروجه آتی یکری یه ابلاغ اولمشدر [۱] :
برنجیسی حج واجب اولمقدر . کندیسنه حج فرض اولمیان (مثلا)
فقیر کیمسه احجاج ایتسه غیرک حجی انک فرضندن واقع اولماز هر تقدیر
انندن صکره وجوب حاصل اولمش اولسون چونکه نیابت سابقه عبادت
لاحقه نک وجری یچون کافی اوله ماز .

ایکنجیسی محجوج عنه مالدار اولدیفی حالده بنفسه اداء حجندن
عاجز اولمق [۲] وعجزی وقت احجاجندن وقت موته دکن دائم بولمقدر .
معذور اولان کیمسه نک احجاجنده امری موقوف اولوب عذری
مواته دکن مستمر اولورسه غیرک انک طرفندن حجی جائز اولور .
اگر عذری زائل اوله رق کندیسنی بنفسه ادایه متمکن بولنور ایسه
کندینک بالنفس حج ایتسمی لازم کلور (۳) ایتدیکی احجاج نافله یعنی
تطوع اولمش اولور .

اوپنجیسی قبل الاحجاج عذر موجود اولمقدر . حین احجاجنده
صحیح وقادر (یعنی غیر معذور) اولوب ده صکره دن مریض وعاجز
اولان کیمسه نک احجاجی کافی اولماز . (سبب رخصتک وجودندن

[۱] هندیه ده جواز احجاج ایچون یالکز الی شرط مذکوردر که انلر
بوراده کی مروطک ایکنجی ودرنجی والتنجی ویدنجی وطفوزنجیسیدر .
ایکنجینک بر قسمی برنجی و بر قسمی ایکنجی قیلنه رق عدد مروط الی اولمشدر .
[۲] اگر بنفسه حج ایتمه قادیر یعنی مالاً اولدیفی کی بدناً دخی مقتدر
ایسه انک طرفندن آخرک حج ایتسمی جائز اوله ماز .

[۳] مثلاً خسته ایکن احجاج ایدن کیمسه اگر وفات ایدرسه احجاجی
کندیسنه کافی اولور . اگر عافیت بولور ایسه احجاجی باطل اولور .
محسوس ایکن احجاج ایدن ده بویله در . کافی الهندیه .

اول رخصتله عمل ایتمش اولور . لکن بوکاماقبیلی شاملدر . شرح .
 دردنجیسی محجوج عنه حجی نائیه امر ایتمش اولمقدر امری
 اولیه ر ق انک طرفندن بشقه سنک حج ایتسی جائز اولماز [ه] .
 بشنجیسی اجرت شرط قیلنماقدر . احتجاج ایچون استیجار اولان
 کیمسه کندی طرفندن حج ایتمش اولور . اجاره سوزی ایتیمه رک
 طرفندن حج ایتکی سکا امر ایدیورم « دیر ایسه اولور .
 الشنجیسی نایب محجوج عنک پاره سیله حج ایتمکدر اگر کندی
 پاره سیله تبرع ایدرسه انک طرفندن حج ایتمش اولماز . اکثر نفقه یی
 مال آمردن وافی کندی مالندن صرف ایلا ایسه جائز اولور . هپمنی
 یاخود اکثرینی کندی مالندن صرف ایتمک صورتنده اگر کندیسنه
 وبریلن مالدیه حجه وفا واریسه اکار جوع ایدر و حجی کافی اولور
 واکر نفقه ده کفایت اولماز ایسه حکم اکثر ایچوندر اکثری مال میتندن
 ایسه جائز والاغیر جائدر . اگر کندی اوغلی ویا دیگر وارثی بعده
 ترکیه مراجعت ایتمک اوزره کندی مالندن حج ایدرسه میت
 احتجاجی وصیت ایتمش اولدیفقه کوره جائز اولور . واکر ترکیه
 مراجعت ایتماک اوزره حج ایلا ایسه میتک اولوجمله امری اولسه بیله
 جائز اولماز .

یدنجیسی مال - ثلک - مساعدارلدیفی حالده را کبأ حج ایتمکدر .

[*] مورثک امری اولیه ر ق وارث انک طرفندن حج ایدرسه اولور .
 دلیلی حدیث ششمیه در . وارثک بلا امر احتجاجی ده جائدر . چونکه دلالة امر
 موجوددر . زیرا وارث انک مالنه مستولی اولدیفقه کویا که میت اکا : « بنم اوزرمده
 اولان حق تأدیه قائم اول . « دیمش اولور . در مع ط .
 لکن بوتبرعک جوازی مورثک وصیتی اولماق صورتنده در . اگر مورث
 احتجاجی وصیت ایتمش بولور ایسه ایدیلن تبرع کافی اولماز . رد .

اگر ماشیاً حج ایدر سه محجوج عنه اکا مشی امر ایتمش اولسه بيله نفقه یی ضامن اولور . محجوج عنه مشی امر ایتمش اولدیغی حالده ماشیاً حج ایدوب دوه کراسنی کندی ایچون امساك ایتمش بولنور سه دخی بویه درکه نفقه یی بالتضمین را کباً احجاج اولتی لازم کلور . اگر نفقه رکوبه مساعد اولدیغنه بناءً مشی ایتمش ایسه جائز در .

سکننجیسی ثلث مساعد اولدیغی حالده میتك وطنندن حج ایتمکدر . اگر ثلث مساعد دکل ایسه مساعد اولدیغی یردن حج اولنور . بنفسه حج ایتمک اوزره چیقوب یولده وفات ایدن و طرفندن حج اولنسنی وصیت ایلین کیمسه ایچون عندالام وطنندن حج اولنور . عندالامامین وفات ایتدیکی یردن حج ایدیلور . دیگری طرفندن حج ایتمک اوزره چیقوبده یولده وفات ایدن کیمسه دخی بویه درکه عندالامام وطنندن و عندالامامین وفات محلندن حج اولنور . وصیت ایدنك اوطان عیدده سی [۱] اولدیغنه کوره مکه مکرمه یه اقرب اولان وطنندن حج اولنور . اگر هیچ وطنی یوق ایسه اولدیکی یردن حج ایدیلور . کندیسیمچون بلده سنك غیریدن حج اولنغی وصیت ایدن کیمسه نك احجاجی وصیتی و جمله اولور [۲] .

بلده سنندن حج ایتمک لازم اولان کیمسه ایچون وصی بلده سنك غیریدن احجاج ایدر سه ضامن اولوب او حج انك اولور ، میت ایچون ثاباً حج اولنور . مکرکه انك احجاج ایتدیکی یر برکونده

[۱] وطن بخیمچون کتاب الصلاة نرك (صلاة المسافر) بابه باقکر

[۲] خراسانی اولان کیمسه مکده و مکی اولان کیمسه خراسانده احجاجی وصیت ایتمش اولق صورنده وصیت مطلق اولدیغنه کوره وطنلندن حج اولنور .

کيجه له ميهرک کيدوب کله ممکن اوله جق درجه ده محجوج عنك بلده سنه قريب اوله .

طقوزنجيسي عند الاحرام ياخود - افعال حجه شروع دن اقدم اولق اوزره - بعد الاحرام محجوج عنك نيت ايدوب لسانيله دخي « لبيك عن فلان » ديمكدر . ايسترايسه نيت قلبيه سيله اکتفا ايلر . استني اونود بده حجك آمر طرفندن اولمسي نيت ايلرسه اوده اولور [۱] .

اونونجيسي آمرک ميقاتندن احرام ايتمكدر [۲] . اون برنجيسي مامور اولان كيمسه بنفسه حج ايتمكدر . خسته لهرک ياخود بشقه بر عارضه يه اوغرايه رق پاره يي حج ايتمك اوزره ديكرينه ويررايسه انك ايتديكي حج ميتدن واقع اولماز . ايكي سي دخي ضامن اولورلر . مكرکه آمر اكا او بابه اذن ويرمش وياخود ديله ديكله كي ايشله ديمش اوله .

اون ايكنجيسي حجن افساد ايتما مكدور . اكر قبل الوقوف وقاع ايله افساد ايدرسه آمردن واقع اولميو ب پاره يي تضمين ايتمك لازم كلور . مامور افسادينه اراقه دم ايله كفارت ايدرك حج فاسدينك بقيه افعاله دوام ايله سنه آتیه ده اني قضا دخي ايتسه حج ميتدن ساقط اولماز . اون اوچنجيسي آمره مخالفت ايتما مكدور . آمر اكا افراد حج ويا عمره يي امر ايتميشيكن او قران ياخود تمتع ايتسه آمردن واقع

[۱] در مختارده « فيقول : أحرمت عن فلان ولبيك عن فلان . ولونسي اسمه فنوي عن الأمر صح و تكفي نية القلب » ديمشدر .
[۲] وللأشار فيه نظر راجعه ان شئت .

اولیوب نفقه‌ی تضمین ایتمک لازم کلور . اگر ایکی کشی احجاج ایدوب انلردن بری حجی و دیگرری عمره‌ی اکا امر ایلسه و جمع - یعنی قران - ایتمک ایچون اذن دخی و برسه لر جائز اولور . اذن و برملر ایلسه اولماز . آمر حجی امر ایتدیگی حالدده مأمور عمره ایدرسه ضامن اولور . عمره امر ایتدیگی ایچون عمره یا پوب صکره کندیسینچون حج ایلسه یا خود حجی امر ایتمش اولمغله حج ایدوب بعده کندی نفسیچون عمره ایتسه جائز اولور . شو قدرکه صورت اولاده حج ایچون و صورت ثانیه ده عمره ایچون اقامتی نفقه‌سی کندی مالنده اولور . انلردن فارغ اولدقدن صکره نفقه مال میته عائد اولور . آمر اکا عمره‌ی امر ایتمش اولدیغی حالدده او انک امری عکسنه اوله رق طرفدن حج ایدوب بعده کندی نفسیچون عمره ایتسه و یا خود نفسیچون حج ایدوب بعده انک طرفندن عمره یا پسه و یا خود کندیسنه حج امر اولنشیکن او اکا یا خود کندینه عمره ایدوب بعده انک ایچون و یا بشقه‌سی ایچون حج ایلسه جائز اولماز .

اون دردنجیسی بر حج ایچون احرام ایتمکدر . ایکی حج ایچون تلبیه ایدوبده انلر برینی کندی ایچون و دیگرینی آمر ایچون قیلسه اولماز . نفسی ایچون یا پدیغی براغوب دیگرینه دوام ایدرسه اولور

اون بشننجیسی تلبیه‌ی یالکز برکشی ایچون ایتمکدر . ایکی کشی کندیسنی احجاج ایتمش اولمق صورتنده انلر ایچون تلبیه ایدرسه هیچ برندن واقع اولیوب انلرک پاره‌لرینی تضمین ایتمک لازم کلور . اگر انلردن برینی تعیین ایدرک احرام ایدرسه انک

ایچون واقع اولور . دیگرچون تضمین ایتمک لازم کلور . اگر
لاعلى التعمین برینی نیت ایدرسه افعال حجه شروعدن اول هانکیسنی
ایسترسه تعیین ایده بیلور . بعد الشروع ایده مز .

اون النجیسی آمر و مأمور مسلم اولمقدور . مسلمک غیر مسلم ایچون
وبالعکس غیر مسلمک مسلم ایچون حجی صحیح اولماز .
اون یدنجیسی انلر عاقل اولمقدور . مجنونک عاقل ایچون وبالعکس
عاقلک مجنون ایچون حج ایتمی اوله ماز

اون سکرنجیسی مأمور حجه متعلق اعمالی یمیز اولمقدور . صبی
احجاج ایتمک اوله ماز . (مراهق احجاج اولنور . ابن عابدین) .
اون طقوز نجیسی حجی فوت ایتمکدور . حوائج نفسی ایله تشاغل
ایدرک حج کندیسنی فوت ایدرسه جائز اولمیوب ضامن اولماق لازم
کلور . اگر فوات حج هسته لک کبی بر آفت سماوییه مبنی اولورسه
نفعه یی ضامن اولمیوب میت طرفندن حجی استیفاء ایتمک لازم کلور .
یکرمنجیسی محجوج عنک : « بنم طرفندن بشقه سی دکل ، فلان کیمسه
حج ایتسون . » دیو تعیین ایتدیگی ذات حج ایتمکدور . اگر او کیمسه
وفات ایدرسه دیگرى انک طرفندن حج ایده مز . دیگرینک
منه یی تهریح ایتمه ریک بنم طرفندن فلان کیمسه حج ایتسون دیدیگی کیمسه
وفات ایدوبده دیگرینی احجاج ایدرلر ایسه اولور .

احجاجی وصیت ایدوبده کیمسه یی تعیین ایتماش اولان ذانک
وفاتنده ورثه طوپلانونوب برکیمسه یی احجاج ایدرلر ایسه اولور .

شروط مذکورہ نك هپسی فرض اولان حج ایچوندر . حج نفل

ایچون یا لکز اسلام و عقل و تمیز [۱] و نیت شرطدر .
جواز احجاج ایچون مأمورک حج ایتمش اولسی مشروط دکلدر .
صرور [۲] دخی بدل اوله بیلور .

خلافدن خروج ایچون [۳] افضل اولان : نفسیچون حج ایتمش
بولنار کیمسه احجاج اولنقدردر .

مع هذا هیچ حج ایتماش کیمسه یی و حتی زوجنک اذنی و محرمنک
موجودیتی ایله برابر قادیبی احجاج ایتماک و اذن مولی ایله کوله و جاریه یی
احجاج ایلمک جائزدر . و انسکه فریضه حج آمردن ساقط اولور .
افضل اولان عالم بالمناک بولنان حر بر کیمسه یی احجاج ایتماکدر
مأمور بعد الحج مکده قالمق جائزدر . افضلی حج ایتدکدن صکره
دو نوب کلسکدر .

بوسنه حج ایتمی کندیسنه امر و تنبیه اولنشیکن مأمورک حجی
بوسنه ایتمیوب کله جک سنه ایتمی جائزدر .

ثالث مالندن احجاج اولنقی وصیت ایدن کیمسه نک مالی بر
قاج احجاجه کافی ایسه احجاج واحدی تصریح ایتمش اولدیغنه
کوره بر کره احجاج اولنوب آرتان مال ورثه سنه رد اولنور . تصریح
ایتمیوب انی تقییددن ساکت اولمش بولندیغنه کوره ثلک مساعد

[۱] والظاهر ان التییز شرط لصحة حج النفل للصغير والا فليس للصغير ولاية
التبرع للغير ولا أن يجعل ثواب حجه لغيره ولا سيما الاجارة في الحج غير صحيحة
فلا يتصور احجاج الصبي ولو باذن وليه . شرح الباب .
[۲] دردخی صفحیه باقکز .

[۳] چونکه بوبابده امام شافعی بزه مخالفدر .

اولدیغی قدر متعدد احجاج اولنور . وصی بو بایده مختار اولوب دیلرسه انلری سنه^۱ واحدهده ایدرکه مسارعت طاعته مبنی افضلی اودر و دیلرسه متعدد سنه لرده ایدر . (الی هنا من لباب المناسک بزادات من شرحه)

نائب را کباً کیدوب کلک [۱] واسراف و تقیر ایتمک [۲]
شرطیله منوبک پاره سنی صرف ایدرک انک طرفندن حج ایدر [۳] ،
آرتان آقچه یی کتیروب کندیسنه یا خود وارثنه ویرر [۴] .
نائبک بوصور تله ایتدیکی حج منوبدن واقع اولمغله نائب ذاناً حج
ایتمش ایسه فریضه^۲ حج کندیسندن ساقط اولمش اولماز .
بر سنه ده ایکی حج ممکن اوله میه جعفرندن ایکی کیمسه بر کیمسه یی
احجاج ایتمش اولق صورتنده نائب اگر عند الاحرام انلرک ایکیسی

[۱] حتی لوأمره بالحج حج ماشياً یضمن النفقة ویجج عنه را کباً . كما مر .
[۲] ویسله أن يدعو أحداً الى طعامه . ولو تمجل الى مكة في رمضان تكون
نفقته من مال نفسه الى عشر ذی الحجة . (زیلعی) .
[۳] نائب وجه شرعی اوزره منوب طرفندن ایفاء حج ایتدکدن صکره
دونوب کلک شرط دکلدر . بعد الحج متوفی یا خود مجاوردخی اولسه ایتدیکی حج
منوب ایچون کافیدر^۳ . تنکیم علی افندی فتاواسنده مصر حدر . افضل کیدوب
کله جک اولانی احجاج ایتمکدر . كما فی بهجة الفتوی .
[۴] مکرکه آمر حین اعطاده « بونک آرتانی نفسک ایچون هبه یه سنی
توکیل ایتمد » دیمش اوله . كما فی البهجة . احجاجی وصیت ایدرک وفات ایدن
هندک ورثه^۴ کباری احجاج ایچون عمروه آقچه ویردکدرنده : بونک فضل سنی
کندی نفسنه هبه و نفسک ایچون قبض ایله . دیو عمروی توکیل ایتمش اولملریله
عمرو دخی کیدوب وجه شرعی اوزره هند طرفندن ایفاء حج ایتدکدن صکره
آرتان آقچه یی کندی نفسنه هبه و نفسیچون قبض ایلسه اول فضل عمروه طیب
اولورمی ؟ الجواب : اولور . (نهجه) .

طرفندن نیت ایتمش اولورسه هیچ برینک کی صحیح اولمبوب ایتدیکی حج کندیسنه عائد اولمغله [۱] انلرک آقچه لرینی کندیلربنه اوده مک لازم کلور [۲] .

باب نفل اوسع اولمق جهتیه نافله احجاج حال قدرنده دخی جائز اولوب فرض اولمق اوزره احجاجک معظم شرط جوازی ذکر اولندیغی وجهله یاموت ویا موته منتهی اولان عجز مستمر در . میتک کندی وصیتی اوزربنه طرفندن فریضه حجی ادایه بدل چیقارمق صحیح اولدیغی کی مرض وحبس مثلی زوالی مأمول اولان برعجزه مبنی طرفندن بدل کوندن کیمسه نک فریضه حجی دخی عجزی کندینک موته دکین مستمر اولمق شرطیه صحیح و فرضی اوصورنله ساقط اولور . اگر عجزی زائل اولویرر ایه کیدنک ایتدیکی حج کوندن کیمسه طرفندن تطوع اولوب فریضه حجی کندیسنک ایفا ایتمسی لازم کلور [۳] .

[۱] ولا يمكنه بعد ذلك جعله عن أحدهما . بخلاف ما اذا حج عن أبويه فان له أن يجعله عن أيهما شاء . هندية .
[۲] زيد ما لادن شوقر آقچه ابله بنم ایچون احجاج اولنه دیو وصیت ایتدکن صکره مصرأ فوت اولوب ثلث مساعد اولمغله زیدک وصیسی ترکه دن اولمقدار آقچه بی عمروه دفع و عمروی حج ایچون ارسال ایدوب عمرو واروب وجه شرعی اوزربنه زید ایچون حج ایتدکن صکره عمرو اوسفه مکّه مکرمده مجاور اولوب سنه آنیه ده نفس ایچون حج ایدوب کلمسه عمروک زید ایچون و نفس ایچون ایتدیکی حج صحیح اولورمی ؟ الجواب : اولور . (علی افندی) .

[۳] امام ابو یوسف عندنده عجزک زوالی مأمورک حجدن فراغندن صکره اولمش ایه او حج فرضدن واقع اولور . اندن اول اولمش ایه نفلدن واقع اولور . (مجمع الانهر) .

اگر اعمالی و یتالافلق کی زوالی مأمول اولمیان عجزه مبتلی ایدیسه
ایتدیکی احجاج صحیح و نائذک ایتدیکی حج ایله کئنددن فرض ساقط
اولور . عجزی کرک موته دکین دائم و کرک زائل اولسون . کافی
الدر [۱] .

مأمور بالحج اولان کیمسه یولده خسته لنکله آمری طرفندن ایفاء حج
ایتدرمک اوزره پاره یی بشقه سنه و یرمک بو قدر .
مکرکه پاره کئندیسنه و یرلدیکی وقت « دیله دیکک وجهله حرکت
ایله » دینلش اوله . اوحالده وکیل مطابق اولمغله خسته اولسه دخی
دیگری اخراج ایده بیلور .

مکلف بالحج اولان کیمسه مکلف اولدیغی سنه حج ایتمک ایچون
چیقوب یولده وفات ایدرسه نیتیه مأجوردر [۲] . اکا وصیت احجاج
لازم دکدر .

اگر حجی انکله مکلف اولدقین صکره تأخیر ایتمش ایدیسسه
احجاجی وصیت ایله . وصیتنده تعیین مال و مکان ایتمش اولدیغنه
کوره پاره سنک کفایتی وجهله و تعیین ایتدیکی محلدن احجاج
اولنور . تعیین ایتماش اولدیغنه کوره ثلث مالی وفا ایدرسه
بلده سنندن [۳] و ایتمز ایسه وفا ایتدیکی یردن احجاج اولنور .

- [۱] بصر وصحت مشروط وجوب ادادن اولق اوزره ذکر اولنشد .
- [۲] قال تعالی (ومن یرج من بینته مهاجراً الی الله ورسوله ثم یدرکه الموت
فقه وقع اجره علی الله) وقال علیه الصلاة والسلام : من مات فی طریق الحج
کتبت له حجة مبرورة فی کل سنة . ط علی الدر .
- [۳] فلو أحیی عنه الوصى من غیره لم یصح . در مختار .

— زیارت مدینه منوره —

یادار خیر المرسلین [۱] ومن به * هدی الانام وخص بالآیات
عندی لاجلک لوعة وصبابه * وانشوق وتوقد الجرات

(۱) زین المرسلین دخی روایتدر. بوابیات بشیوزرق درت تاریخنده متوفی
قاضی عیاضکدر. انلری مشار الیه شفاء شریفک قسم ثانسی ابوابندن باب رابع
قیلنده ایراد ایتمشدر. کافی کتابنا الالغاز.

عاصم منلا مرحوم :

ای ساربان زماهی چک سمت کوی یاره
ویرانه دلدله زیرا یر قالمدی قراره
بیم ظلام شبیدن اوله صاقین وهمناک .
آه شراره بارم حاجتمی قور نهاره
آزوده پای اولورسه جازک [*] ایلم فرش
دیباچه جبین شوق ایله رهگذاره
ای ساربان مشفق هیچ اولدکی عاشق
آهسته رولک ایتمه رحم ایلیوب بوزاره
بن دردمند عشقم بر یرده قیلام آرام
نا واصل اولماینجه سرحد کوی یاره
اول کوی جانفزا کیم اهل نظر دکشمز
برسنک ریزه سنی بیک در شاهواره
ای کوی عرش رتبت کیم خاک عطر ناکک
مالشکه ایلش حق پیشانی کباره
دار السکینه یعنی مهر مدینه کاولدر
عز و شرفله مأوی سلطان کامکاره
سلطان ملک سرمد محبوب حق محمد
کیم قولغی شرفدر شاهان اجداره
ای جله عالینه محضا عطاسی حقک
سندن اولور اولورسه عاصم فقیره چاره

[*] (جاز) شداد و زننه راهوار دوه .

وعلى عهد ان ملأت محاجري * من تلسم الجدران والعربات
لاعفرن مصون شبي بينها * من كثرة التقييل والرشفات
لولا العوادي والاعادي زرتها * ابدأ ولو سحبا على الوجنات
لكن ساهدي من حفيلى تحيى * لقطين تلك الدار والحجرات
اذكى من المسك المفتق نفحة * تغشاه بالآصال والبكرات

قاصد زيارت قبر بني اولانه مسجد شريف نبوى بنى زيارت دخى
مقصود اولمق كركدركه مسجد شريف مشار اليه شد رحال اولنه جق
مساجد ثلاثه دندر [١] .

زيارت حضرت نبي احسن طاعات وافضل مندوباندر اهل سعه به
كوره درجه و جوبنده در . احاديث شريفه ده * من وجد سعة ولم يزرنى
فقد جفانى * من حج البيت ولم يزرنى فقد جفانى * من زار قبرى
وجبت له شفاعتى ، بيورلمشدر [٢] سعه حالى اولوبده بنى زيارت
ايتميان بكا جفا ايتمش اولور . حج ايدوبده بنى زيارت ايتميان بكا
جفا ايتمش اولور . قبرى زيارت ايدنه شفاعتم ثابت ومحققدر ديمكدر
بوشفاعت مقام محمود شفاعت عامه سندن بشقه برشفاعتدر .

[١] هندية ده بويله مذكورد . محشى ايدنه نهر دن نقلأ : «والاولى فى الزبارة
نحو يد النية لزيارة قبره صلى الله تعالى عليه وسلم وقيل ينوى زيارة المسجد أيضا»
ديشدر . (مساجد ثلاثه) كتاب الصوم ومذك ٩٦ نجى و ١٠١ نجى صحيفه لرنده
مبيندر . كما صر فى هامش الصفحة ٤٥ .

[٢] « من زارني بمدماتي فكا كما زارني في حياتي » دخى وارد اولمشدر
بنى وفاقمندن صكره زيارت ايدن كوياكه بنى حياتمه زيارت ايشدر ديمكدر .
بوحدش محشى « ان له أجراً كاجر » ديو نفسردن صكره « والمثبه لا يعطى حكم
المثبه به من كل وجه » ديشدر .

حج فرض اولدیغنه کوره اولاحج ایدلک احسندر . حج نفل اولدیغنه کوره قاصد زیارت انی تقدیم و تأخیرده مخیردر . عازم زیارت نبی اولان کیمسه هر زماندن زیاده ملازم صلوات شریفه اوله رق یوالرده دخی اوقور .

فضیلت صلواتی ذکره حاجت یوقدر . انک شهرتی ذکرندن مغنیدر [۱] . علیه الصلاة والسلام افندمز حضر نلرینه ایدیان صلوات کندیلرینه بالغ و موقع قبولده واقعدر .

مدینه منوره سورینی مشاهدده صلوات شریفه کتیره رک اللهم هذا حرم نبيك [۲] ومهبط وحيك فامنن علي بالدخول فيه واجعله وقاية لي من النار واماناً من العذاب واجعلني من الفائزين بشفاعة المصطفى يوم المآب « دیر و ممکن اولورسه داخل مدینه طیبیه اولمازدن اول و یاخود بعد الدخول یرلشوب یرندن و یوکنندن اطمننان اوزره اولدقدن صکره لاجل زیاره مسجد شریف نبوییه وارمازدن مقدم غسل ایدر و طیب سورینور و احسن ثیابنی کیر . بولری تعظیماً للقدوم یا پار . ضرورت اولدقجه دوه دن اینه رک مدینه منوره یه ماشیاً کیرمش بولنور . جلالیت مقامی ملاحظه ایله وقار و سکینت اوزره متواضعانه یوریه رک

[۱] فی الحدیث « من صلی علی عشر صرّات صلی الله تعالی علیه مائة مرة ومن صلی علی ائمة صرّات کتب بین عینیّه براءة من النفاق و براءة من النار و أسکنه الله تعالی يوم القيامة مع الشهداء » « من صلی علی فی يوم ألف مرة لم یمت حتی یرى مقعده من الجنة » « من صلی علی کل يوم ثلاث صرّات و کل ليلة ثلاث صرّات حياً و شوقاً إلی کان حقاً علی الله أن یغفر له ذنوب تلك الليلة و ذلك اليوم » . ط . [۲] ای مسجده او ما محترم لاجله . و لاحرم المدينة عندنا . ط . و من ذلك المعنی تسمیة الحرمین .

و : « بسم الله وعلى ملة رسول الله [رب أدخلني مدخل صدق وأخرجني مخرج صدق واجعل لي من لدنك سلطاناً نصيراً] اللهم صل على سيدنا محمد وعلى آل سيدنا محمد كما صليت على سيدنا ابراهيم الخ و اغفر لي ذنوبي وافتح لي أبواب رحمتك وفضلك . »
 ديهرك كيدر . مسجد شريف نبوی به وارد یغنده باب سلامدن یاخود باب جبریلدن دخول ایدوب منبر نبی قربنده (وقت کراحت دکل ایسه) ایسکی رکعت تحیت مسجد قیلار . نمازده منبر شریفک عمودی صاغ اوموزی حذاسنه کلهجک یره طوررکه اوراسی موقوف نیدر و قبر متیرلریله مقبر منورلرینک مایینی حدیث نبویلری ناطق اولدیغی اوزره جنت باغچه لرندن بر باغچه در [۱]
 ومنبر عالیلری حوض نبویلری اوزرنده در [۲] . تحیت مسجد نمازندن صکره شکر الله تعالی ایسکی رکعت نماز دهاقوله رق جناب حقه کندیسنه اولان توفیقندن و او مقام عالی به وصول شرفی انعامندن طولانی سجده شکره وارر . بعده دیله دیسکی دعای ایدر وقالقوب کمال ادب ایله حضور سعادتده قبله آرقه ویررک ضریح اقدس رسول الله متوجه اولور . مقصوده شریفه دن (یعنی شبیکه سعادتدن) درت ذراع مقداری بعید ورأس سعادتده محاذی و لنور . وجه کریم نبی و نظر سعید نبوی کنندیسنه معطوف وسمع عالی جناب رسالتی کنندی سوزلرینی استماعه مصروف بیلهرک و سلامتی

[۱] ولفظ الحديث الشريف : « ما بين بيتي ومنبري روضة من رياض الجنة » . كما في الجامع الصغير . وهو متواتر وفيه الترغيب في سكني المدينة . قوله ما بين بيتي أي قبری لان قبره في بيته . وقوله روضة أي مثلاً في نزول الرحمة وایصال المتعبدها اليها . كما في التيسير والسراج المنير .
 [۲] (قوله وقال منبري على حوضي) لا مانع من جملة على الحقيقة . ط .

آله جعفرینی وایتیدیکی دعایه آمین خوان استجابه اوله جعفرینی
ملاحظه ایلمه رک [۱] : د السلام علیک یاسیدی یارسول الله ،
السلام علیک یا نبی الله ، السلام علیک یا حبیب الله ، السلام علیک
یا نبی الرحمة . السلام علیک یا شفیع الامة ، السلام علیک یاسید
المرسلین ، السلام علیک یا خاتم النبیین ، السلام علیک یا مزمّل ،
السلام علیک یا مدثر ، السلام علیک وعلى اصولک الطیبین واهل
بیتک الطاهرین الذین اذهب الله عنهم الرجس وطهرهم تطهیراً جزاک
الله عنا افضل ماجزى نبیاً عن قومه ورسولاً عن امته . أشهد أنك
رسول الله قد بلغت الرسالة وأدیث الامانة ونصحت الامة وأوضحت
الحجة وجاهدت فی سبیل الله حق جهاده واقمت الدین حتی أتاک الیقین [۲]
صلی الله تعالی علیک وسلم وعلى أشرف مکان تشرف بحلول جسمک
الکریم فیہ صلاةً وسلاماً دائماً دایمین من رب العالمین عدد ما کان وعدد
ما یسکون بعلم الله تعالی صلاة لا انقضاء لامدها [۳] یارسول الله نحن
وفدک [۴] وزوار حرمک تشرفنا بالحلول بین یدیک وقد جئناک

[۱] عند المحققین مقرر اولان خصوصاً تذکره حضرت رسول الله
صلی الله تعالی علیه وسلم حیّ مهزوقدر . مقامات عالیہ دن قاصر اولانلرک
أبصارندن محتججدر . ص .

صورت و سر محمد دن کلور فیض حیات
عقل کلدر کیم اودر اصل وجود کائنات
نعت پاکن ایده کور وردربان قال و حال
ویرسلامی جان و دل دن قیل اکا هر دم صلات

(حق فیس سره)

[۲] آی الموت . ط .

[۳] الامد بفتحین الغایة والمنتهی . ط .

[۴] آی الوافدون والواردون علیک . ط .

من بلاد شاسعة وامكنة بعيدة تقطع السهل والوعر [١] بقصد زيارتك لنفوز بشفاعتك والنظر إلى مآثرك ومعاهدك [٢] والقيام بقضاء حَقِّك (على قدر الاستطاعة) والاستشفاع بك إلى ربنا فان الخطايا قد قصمت ظهورنا [٣] والارزار قد أثقلت كواهلنا [٤] وانت الشافع المشفع الموعود بالشفاعة العظمى والمقام المحمود والوسيلة وقد قال الله (ولو أنهم اذ ظلموا أنفسهم جاؤك فاستغفروا الله واستغفر لهم الرسول لوجدوا الله توابا رحيما) وقد جئناك ظالمين لانفسنا مستغفرين لذنوبنا فاشفع لنا إلى ربك واسأله ان يميّتنا على سننك وأن يحشرنا في زمرك وأن يوردنا على حوضك وأن يسقينا بكأسك غير خزايا ولا ندامى . الشفاعة الشفاعة يا رسول الله . ربنا اغفر لنا ولاخواننا الذين سبقونا بالايمان ولا تجعل في قلوبنا غلا للذين آمنوا ربنا انك رؤوف رحيم ، دير . توديع اولئش سلام وارايسه اداء امانت واجب اولمغله انى ده تبليغ ايتمك اوزره : « السلام عليك يا رسول الله عن فلان بن فلان [هـ] يتشفع بك إلى ربك فاشفع له والمسلمين . » دخى دير . بعده صلوات شريفه كثيره رك ديله ديكي دعايى اوقور .

ادعيه نك احسن واخصرى « الصلاة والسلام الخ » لردن وذكر اولئان [ولو أنهم اذ ظلموا أنفسهم جاؤك الخ] آيت

-
- [١] السهل من الارض ضد الحزن والوعر ضد السهل ط .
 [٢] المآثر جمع مأثرة وهى المكرمة المتوارثة والمعاهد جمع معاهد المنزل المهود به الشيء . ط .
 [٣] القصم الكسر مع الابانة أو عدها . ط .
 [٤] الكواهل جمع كاهل وهو مقدم أعلى الظهر مما يلي العنق . ط .
 [هـ] بوراده مودعك اسمى تعيين اولئور .

كريمه سني اقتباسدن صكره : «جشك مستغفراً من ذنبي مستشفعاً بك الى ربى»
ديوب شوقطعه يى او قومقدر :

ياخير من دفنت بالقاع اعظمه ✽ فطاب من طيبهن القاع والاكم
نفسى الفداء لقبرانت ساكنه ✽ فيه العفاف وفيه الجود والكرم
بولرده هپ قبله يه آرقه ويره رك وجه كريم نبوى جهننه
متوجه بولنور .

بعده بر ذراع قدر صول طرفه كيده رك ابوبكر الصديق
رضى الله تعالى عنه حضر التريتك راس شريفلى حذاسنه كلور و : «السلام
عليك يا خليفة رسول الله صلى الله تعالى عليه وسلم ، السلام عليك
يا صاحب رسول الله وانيسه فى الغار ورفيقه فى الاسفار وامينه فى
الاسرار جزاك الله عنا افضل ما جزى اماماً عن امة نبيه فلقده خلفته
باحسن خلف [١] و سلك طريقه ومنهاجه خير مسلك [٢] وقاتلت اهل
الردة والبدع ومهدت الاسلام وشيدت اركانه فكنت خير امام ووصلت
الارحام [٣] ولم تزل قائماً بالحق ناصراً للدين ولاهله حتى افاك اليقين
سل الله سبحانه لنادوام حبك والحشر مع حزبك وقبول زيارتنا ، السلام
عليك ورحمة الله وبركاته » دير .

بعده ينه بر ذراع قدر صوله كيده رك امير المؤمنين عمر

[١] يقال هو خلف صدق من أيه اذا قام مقامه . أى فقامت بعده باحسن
قيام . ط .

[٢] أى سلوك . ط .

[٣] أى أرحامه صلى الله تعالى عليه وسلم . وهذا رد على من اثبت عداوة بين
فاطمة والصديق . خاشاه الله من ذلك . ط .

ابن الخطاب رضى الله تعالى عنه حضر تلريفك راس شريف لربنه محاذى
طورر و : « السلام عليك يا امير المؤمنين ، السلام عليك يا مظهر
الاسلام ، السلام عليك يا مكسر الاصنام جزاك الله عنا افضل
الجزاء لقد نصرت الاسلام والمسلمين و فتحت معظم البلاد بعد سيد
المسلمين و كفلت اليتام و وصلت الارحام وقوى بك الاسلام
و كنت للمسلمين اماماً مرضياً و هادياً مهدياً جمعت شملهم و اعنت فقيرهم
و جبرت كسرهم ، السلام عليكما يا ضجيجي رسول الله صلى الله تعالى عليه
وسلم و رفيقيه و المعاوين له على القيام بالدين و القائمير بعده بمصالح المسلمين
جزا كما الله احسن الجزاء جئنا كما نتوسل بكما الى رسول الله صلى الله تعالى عليه
عليه وسلم ليشفع لنا ويسال الله تعالى ربنا ان يتقبل سعيينا ويحيينا على
ملته ويميتنا عليها ويحشرنا فى زمرة » دير .

بعده كندى نفسى و ابوينى و ذريتي ايچون و كنديسنه دعا سپارش
ايدنلر ايچون و بتون مسلمين ايچون دعا ايدر .

اندن صكره كالاول رأس كريم نبوى جهتنه كلوب طورر
و : « اللهم انك قلت و قولك الحق [و لو انهم اذ ظلموا انفسهم
جاؤك فاستغفروا الله و استغفر لهم الرسول لوجدوا الله تواباً
رحيماً] و قد جئناك سامعين قولك طائعين امرك مستشفعين
بنبيك اليك . اللهم ربنا اغفر لنا و لآبائنا و امهاتنا و اخواننا
الذين سبقونا بالايمان و لا تجعل فى قلوبنا غلاً للذين آمنوا ربنا
انك رؤف رحيم . ربنا آتنا فى الدنيا حسنة و فى الآخرة حسنة
وقنا عذاب النار . سبحان ربك رب العزة عما يصفون و سلام
على المرسلين و الحمد لله رب العالمين . » دير و ديلرسه دها بشقه

دعای ده زیاده ایدر . کئدینک قولاینه و کوکله کن دعای ایدر .
بعده اسطوانه ابی لبابه یه — که اصحابدن ابولبابه رضی الله تعالی عنه
حضرت تلرینک کئدینسی ربط ایلدیکی وجناب حقک مظهر توبه و مغفرتی
اولدینی ستوندر [۵] رمسجد شریف نبوی داخلنده قرب روضه ده در —
واروب دیله دیکی قدر صلات نفل قیلار وجناب حقّه تائب و مستغفر
اولور و دیله دیکی دعای ایدر . بعده ینه روضه مظهر یه کلوب دیله دیکی
قدر نماز قیلار و ایستدیکی دعای ایدر . تسبیح و تهلیل و ثنا و استغفاری
چوق ایلر .

بعده اسطوانه حنانه یه واررکه اوراده منبر وضعندن مقدم رسول
اکرم صلی الله تعالی علیه وسلم افندمز حضرت تلرینک چیقوب خطبه
ارقودلری کوتوک بقیه سی واردراو کوتوک حضرت خطیب الانبیاء
افندمزک اخیراً بنا ایدیلن منبر اوزرنده خطبه ایتمک باشلاملری
اوزرینه مفارقت نبی یه مبنی حنین ایتمش و حضرت رسول الله صلی الله تعالی
علیه وسلم منبر شریفلرندن اینوب انی قوجاقلایه رق تسکین بیوررق
شرفنه مظهر اولمشدر .

آثار نبویه و اماکن شریفه بقایاسیله تبرک ایدر و مدینه منوره ده
مقیم اولدینی مدتده احیاء ایالی ایچون قیامه و بش وقتده نمازلری
مسجد شریف نبویه و ممکن اولورسه روضه ده قیلق و عموم
اوقاتده حضور نبویه و شرف زیارته بولنق مزیاتنی اغتنامه بذل
بمهود ایدر .

[*] بزم الحقائق او قویکز .

بقیع شریفه چیقمق [۱] و مشاهد و مزاراته [۲] و خصوصا سیدالشهداء اولان حضرت حمزه نك و سائر شهداء احدك زیارتلرینه وارمق مستحب اولور . بقیعه حضرت عباسی و حضرت حسن افندمزی و سائر آل رسول اللهی و امیر المؤمنین حضرت عثمانی و ولد مکرم حضرت رسول اکرم اولان جناب ابراهیمی [۳] و ازواج طاهرات حضرت سیدالکائناتی و عمه نبی اولان حضرت صفیهی [۴] و سائر صحابه و تابعینی زیارت ایلر . رضوان الله تعالی علیهم .

شهداء احدی پنجشنبه کونی زیارت — اگر متیسر اولورسه — احسندر . انلری و بقیع شریفی حین زیارتده [سلام علیکم بما صبرتم فنعم عقبی الدار] دیوب آیت کرسی بی و اون برکته سوره اخلاصی و ممکن ایسه برده سوره یاسینی ارقور [۵] و بونلرک ثوابی جمیع شهدایه و مؤمنین مدفونینه اهدا ایلر .

مسجد قبايه [۶] وارمق دخی جمعه ایرتسی کوننده و یاسائر

[۱] (بقیع) : مقبره مدینه طاهره در .

[۲] محل زیارتلر دیکدر . محشی دیرکه مدینه منوره اون بیک صحابه و وفات ایتدیکی سویلنور و لکن اکثرینک مکانی خصوصیت اوزره ییلنه من .

[۳] مدفون مشارالیه کرمه محترمه نبویه (حضرت رقیه) و برادر رضاعی نبوی (عثمان بن مظعون) و عشره مبشره دن (عبدالرحمن بن عوف) ایله (مسجد ابن ابی وقاص) واجله اصحابدن و بعد الخلفاء افقه صحابه اولان (عبدالله بن مسعود) رضی الله تعالی عنهم حضراتی دخی مدفوندرلر . کما فی ط .

[۴] بزم (مشاهیر نسا) به باقکزر .

[۵] بونلری اوقومه نك فضائی کتاب الصلواتك زیارت قبور فصلنده ذکر اولنشد .

[۶] مسجد قبا — که ماصدق قول کریم (لمسجد أسس علی التقوی)

برکونده مستحب اولور . اوراده دخی نماز قیلوب (ومسجد القبلتینه واروب) دیله دیکی دعای ایتدکدن صکره : یا صریخ المستصرخین یاغیاث المستغیثین یا مفرج کرب المسکروبین یا مجیب دهوة المضطربین صل علی سیدنا محمد و آله و اکشف کربی وحزنی کما کشفتم عن رسولک حزنه وکربه فی هذا المقام یا حنان یا منان یا کثیر المعروف والاحسان یا اداثم النعم یا أرحم الراحمین . ، دیر [ه] .
سبحان الله وبحمده سبحان الله العظيم و صلی الله تعالی علی سیدنا رسول الله محمد خاتم المرسلین و علی آله واصحابه اجمعین .

تم کتاب الحج

در — مسجد حرام و مسجد شریف نبوی و مسجد اقصادن عبارت اولان (مساجد ثلاثه) دن صکره افضل مساجد در .

[*] حاکم حضرت ابو هریره رضی الله تعالی عنه روایتیله ذکر ایتمشدرکه حضرت رسول اکرم صلی الله تعالی علیه وسلم افندمز : جناب حقلک یا أرحم الراحمین دیبانه موکل برملکی واردر هم کیم اوچ دفعه یا أرحم الراحمین دیر ایسه او مالک : « أرحم الراحمین سکا اقبسال ایتدی ایسته » دیر . بیورمش اولدقری کبی ینه روایت مشارایه ایله « افضل عبادت دعادر ، جناب حقه راغب و عندا کرمنده اولانه طامع و طالب اوله رق ذل آوجلربی آکمز » مالنده اولمق اوزره دخی « افضل العبادة الدعاء فابسطوا أكف الذل راغبین و فیما عند ربکم طامعین » بیورمشدر . ط .

وأسأل الله تعالى أن يعیننی علی الايمان ویرحم فاقبی بذلك وأن یسعدنی بلقائه وأن یتقبل هذا السکتاب و غیره مما من به علی و ینفع به عباده المؤمنین و یغفر لی ما فرط منی فیہ آمین .

خیریه ناییدن :

ای کل تازه رس کلشن جان * بوی پیرای دماغ عرفان
 کعبه دن غیری یره ایتمه سفر * سفر بهوده در نار سسقر
 کعبه بیت الشرف اعظمدر * نقطه دایره عالمدر
 کعبه در قبله ملک و ملکوت * پایه پیرای سریر ناسوت
 کعبه در ساق درخت رحمت * کعبه در سده دین و دولت
 کعبه در شمع سراپرده راز * اولدی پروانه سی ارباب نیاز
 کعبه در سجده که انس و ملک * کعبه در خمرده طاق فلك
 کعبه در ساحه کلزار نعیم * نعم نور ایله پر صحن عظیم
 مرکز دایره عالم خاک * باشنه دورایدن آنک افلاك
 اولین نقطه سر تشکیلین * ظل عنبرشکن روی زمین
 اولین صورت آینه آب * کرد بالا کش میدان تراب
 مخزن سرسرای لاهوت * خطه پیرای فضای ناسوت

(عدد مأخوذه طقوزنجی واوننجی واون ایکنجی واقع
 اوله جق اوچدیت اونی برنجی صحیفه نك زینت سطورى اولدیغندن
 بورایه درج اولتامشدر)

زادها الله تعالى شرفا

کتاب الصيد

(کتاب الصيد) ❦❦❦

بِسْمِ اللَّهِ الرَّحْمَنِ الرَّحِيمِ

صيد و ذبائحك و اضحيه نك مناسكه مناسبتى آشكار اولمغه صيد
و ذبائح و اضحيه مسائلى دخى كتاب الحججه ذيل ايتدك . صـ و كنده
عقيقه دن ده بحث ايلدك .

بولرده باشليجه ماخذمز فتاواى هنديه در . و بالله تعالى التوفيق .

— كتاب الصيد —

لفظ صيد هم اصطیاد يعنى اولامق معناسنه مصدر همده مصيد يعنى او
معناسنه اسم اولور .

بز بو بابده هم آودن همده اولامقدن بحث ايدجكز . آوجى به (صائد)
ياخود (صياد) ديه جكز [ه] .

آو : انساندن متوحش و تمتنع اولان يبانى حيواندر . ما كول وغير
ما كول اوله بيلور .

اولامق : انى حيز امتناعدن چيقاروب الده ايتمكددر . بونك ركنى
و حكمى واردر .

اولامه نك ركنى : فعل اصطیادك شرطنجه اهلندن صدورى و محلنده
وقوعيدر .

فعل اصطیادك شرطى : صيده و صائده و آلت صيده متعلق
اولق اوزره متنوعدر . انلك آتياً ذكرندن اصطیادك اهلى

[ه] آوجى به (قاص) و (فئاص) دخى دينور .

وليس كل قاص وغائص * يظفر باللى وبالألى
(اللى) وزان جبل الثور الوحشى انشاء لآء كفتاة والجمع ألاء كاجبال .

و محلی دخی معلوم اولور که اهلی : محرم اولماق شرطیله متعقل ذبح و تسمیه اولان مسلم و یا کتاییدر . محلی : حیوانات بریه یه کوره حشرانک و حرم مکده اولانک غیر یسی و حیوانات مانیه یه کوره بالی جنسیدر .
اولامه نك حکمی : ثبوت ملك و — آوك ما کولی حقنده —
حلايت اکلدر .

بونلردن بری حکم دنیوی و دیگرى حکم اخروی دیکدر .

آو مباحدر . یعنی آلامق جائزدر کرک عینا و یا بدلا انتفاع ایتک ایچون اولسون ، کرک اکلنمک و اظهار جلادت ایلک ایچون اولسون .

حیوانات و حشیه ما کوله اتی ایچون و حیوانات و حشیه غیر ما کوله در یسی و یاتوی یا خود دیشی و یا خود دفع شری ایچون اولاندیغی کبی مجرد تلہی و تجلد ایچون دخی اولانه بیلور [۵] .

— ثبوت ملك —

مالکی اولمیان بر مباح شیئی حقیقه و یا تقدیراً اله کچر مکله ملك ثابت یعنی اوشی اله کچرن کیمسه نك اولور .

[*] کتاب الطهاره مزده مذکور اولدیغی اوزره طموز نجس عین اولق جهتيله بزجه اندن عیناً انتفاع ممکن اولدیغی کبی انک بیعی باطل بولنق جهتيله نصرانی ايله مقابضه نك غیرى بر طریق ايله بدلاً انتفاع دخی ممکن اولمیه جفتدن صائد مسلم اتی انحق تجلد و یا تلہی مقصديله وورمش اولور .

حقیقه اله کچرمک : اکا بالفعل وضع بد ایتیمکدر .

تقدیر آ — که اکا (حکما) دخی دینور — اله کچرمک : انی اله ایتیمک ایچون تهیه^۱ اسباب ایلمکدر .

آو ایچور اسباب : تفک و مزراق کی آلات و آغ و طوزاق کی ادوات و معلم کلب کی آزیلی ، یا خود معلم طوغان کی پنجه لی معلم حیواناندر .

« الهید لمن قبض » خواسته آو طوانا کدر . هرکیم بر آوی حیز امتناعدن چیقارر ایسه انی طوتمش اولور [۵] .

حیز امتناعدن چیقارمق انی آیاقلریله قاجوب یا خود قنادلریله اوچوب صاوشتمدن آلیقویمقدر .

حیز امتناعدن چیقارمش اولدقجه آنی طوتمش اولما مغله کیم اولار ایسه آنک اولور .

آولامق بالاستقلال اولدیغنه کوره ملک مستقل وبلاشترک اولدیغنه کوره ملک مشترک اولوب مثلا ایکی آوجیدن برینک دوشورب حیز امتناعدن چیقاردیغی آوی دیکری اولدرمک صورتنده ملک مستقلاً دوشورنکدر . انلردن ایکیسنک بردن تفک دانهلری بر آوه اصابت ایلمک تقدیرنده او آو آنلرک ایکیزی بیننده مناصفه^۲ مشترک اولدیغی کی معلم کلبلری انلرک ارسالیله ایکیزی بر آوه اصابت ایتیمک تقدیرنده دخی او آو آنلرک آره سنده ملک مشترک اولور .

[*] بو اصله تفرع ایدن تضمین مسئله سی حلالیت اکل فصلنک صوکلر نده مذکوردر .

— حلالیت اکل —

آوك اكلی حلال اولمق اون بش شرط ایله مشروطدر . انك بشی صائده وبشی صیده وبشی آلت صید اولان کلبه عاندر .

صائده عانداولان شروط خمسہ شونلردر : صائداهل ذکاتدن اولمق ، ترك تسحیه ایتامک ، کندیسندن ارسال بولمق ، ارسال ایله اخذ آرسنده عمل آخر ایله مشغول اولماق ، ارساله اکا صیدی حلال اولمیان کیمسه مشارک اولماق .

صیده عانداولان شروط خمسہ شونلردر : حیوانات مأکوله دن اولمق ، وحشی متمنع بولمق ، حشراتدن اولماق ، مائی المولد اولدیغنه کوره بالقی جنسندن اولمق ذبحنه یتشیله میهرک اصطیاد ایله اولمش بولمق . کلب صیده عانداولان شروط خمسہ شونلردر : کلب معلم اولمق ، طریق ارسال اوزره اولامق ، آوی جرحاً اولدرمک ، اندن اکل ایتامک ، صیدی حلال اولمیان حیوان اخذده اکا مشارک اولماق . بواجمال تفصیلات آتیله ایتضاح ایدر .

(ذکات) — کتاب ذبائحده مذکور (ذبح) و (نحر) نوعلرینه شامل اولمق اوزره — بوغازلامقدر [ه] .

[*] کتاب الطهاره مزک مطهرات فصلده کچمشدر . رسم خطنه دقت ایتلیدرکه ذال معجمه ایله مرسومدر . کتاب مخصوص ایله مبین اولان وعبادت مالیه بولنان (زکات) زای ایله در . بوده انك کبی باب تفعلیدن تصریف اولنور : الا ما ذکیم .

انك اختياريه واضطراريه قسملى واردر .
 (ذكات اختياريه) : حيواني معتاد اوزره بوغازندن كسمكدر كه انك
 ركنى ذبح اولنه جفك ذبحى ونحر اولنه جفك نچرىدر .
 (ذبح) بوغازدن و (نحر) كوكس اوستندن اولور : دوه نحر ، صيغر
 وغنم و طيور ذبح اولنور .
 (ذكات اضطراريه) : حيواني هر نره سندن ممكى اولورسه ووروب
 اولدرمكدر . انك ركنى (عقر) دركه ياره له مكدر .
 (اصطلياد) : ذكات اضطراريه دنذر [۱] .
 ذكات اختياريه يه اهل اولان ذكات اضطراريه يه دخى اهلدر . اكا
 اهل اولميان اكاده اهل دكلدر
 على الاطلاق اهل ذكات : ذبح و تسميه يى تعقل ايتمك شرطيله
 اهل اسلام ايله اهل كتابدر .
 ذبح و تسميه يى تعقل ايتميان كوچك چوجفك و مجنونك ذبيحه لرى
 يعنى [۲] بالا اختيار كسوب و يا بالا اضطرار ووروب اولدر دكلرى
 حيوان ما كول حلال الاكل اولمديغى كى اهل اسلام و يا اهل كتاب
 اولميانلرك ذبيحه لرى دخى حلال نكلدر .
 يهود و نصارى اهل كتاب اولدقلرى ايچون [۳] المر اهل اسلام

-
- [۱] ذكات اضطراريه برده حيوانات اهليه نك آزغينلرنده واقع اولور كه صائل
 و مستوحش اولانلرى بالضروره عقر اولنور .
 [۲] (ذبيحه) ذبح شانندن اولان حيوان ديو تعريف اولنديغنه مبنى بالغه
 شامل دكل ايسه ده بوراده كى صيغه عنايتك احاطه سندن اوده خارج دكلدر .
 [۳] چونكه انلرده ادعاء دين توحيد اوزره درلر .

کې اهل ذکاتدر لر . بناءً عليه انلرک دخى شرطنجه اولان ذبيحه لرى اکل اولغور .

بئيرست و آتشپرست اولانلر اهل کتاب اولمقدلرندن اهل ذکات دخى دکلدر . انلرک نه کسدکلرى نه ده اولادقلىرى اکل اولتماز .

منکردين اولان بى دينک يا خود اسلامدن ارتداد ايله [۱] اهل کتاب ديننه کيرنک دخى ذبيحه سى اکل اولتماز .

اهل ذکات اولقى ايچون بلوغ و ذکورت شرط دکلدر . تمميز و تعقل لازمدر . اهل اسلام و يا اهل کتابدن اولان نسان اهل ذکات اولديغى کي متعقل ذبح و تسميه بولنان صديان دخى اهل ذکاتدر .

اخطار : صائدک محرم و صيدک داخل حرمده اولماسى دخى حلايت اکلک جمله شروطندن اولمغله محرمک آرى اکل اولنديغى کي حلالک [۲] داخل حرمده اولاديغى دخى اکل اولتماز . کما فى الهندية . متروک التسميه اولان ذبيحه نک دخى اکلى منهى اولمغله اهل

[۱] اهل اسلام اوليانلرک تبديل دين و مذهب ايتملىرى ارتداد عد اولتماز . انلر انتقال ايلدکلرى دينده ابقا اولغورلر . نصرايدن يهودينک و يا تهود ايدت نصراينک ذبيحه سى مأ کول اولديغى کي اعتبار وقت ذکانه اولقى جهتييله تنصر و يا تهود ايدن مجوسينک دخى ذبيحه سى مأ کولدر . تنجس ايدن يهودى و يا نصراينک ذبيحه سى اکل اولتماز . کما فى الدر .

[۲] حاجينک احرامده اولياننه (حلال) اطلاق اولنديغى کتاب الحجه ذکر اولمشدر .

ذکاتک حین ذبحیده اولدیغی کبی حال اصطیاد ده دخی ترک تسمیه ایتماسی یعنی تفککی آنارایکن یاخود کوپککی ارسال ایدرایکن بسم الله دیمسی شرطدر . (ترک تعبیری مشعر عمسد اولمغله بسمله اونودلمش اولمق تقدیرنده باس یوقدر .)

اهل ذکات اصطیادی معلم کلب ایله یایمق صورتده کلبی مع البسمله کندیسی ارسال ایتمش اولمق دخی مشروط بولندیغندن انک ارسال ویاغراسی [۵] اولمیهرق کوپکک کوروب کندیلکندن اوزرنه وارمق اولدردیکی آوک دخی اکلی حلال اولماز .

کلب معلنی بعد الارسال اوطورمیوب وعمل آخر ایله مشغول اولمیوب آراشدرمق دخی شرط اولدیغندن آرقهسنی آرامیوب اوطورر ویا بشقه برشی ایله مشغول اولور وبعده آوی اولمش بولورایسه سبب آخرایله اولمش اولمق احتماله مبنی انک ده اکلی حلال اولماز .

اهل ذکاتک ارساله اهل ذکات اولمیان برکیمسه نك ارسال قاریشهرق ایکی کلبک برلکده اخذ واماته ایتدکلی آو دخی حلال الاکل اوله ماز . مخالط اولان کلب تعلیمسز اولمق ویاخود بلا بسمله ارسال اولمش بولنق دخی اهل ذکات اولمیان کیمسه طرفندن ارسال اولنق کبیدر .

حلالیت اکک صیده عائد اولان شروطی موجبنه آوک حیوانات وحشیه ما کوله دن اولسی یعنی قورد وچقال کبی

[*] ارسال : صالیویرمک ، اغراء : قفقر تمقدر . اغراء ارسالدن صکره در . آوه کندیلکندن واران کوپکک آرقهسندن ایدیلن اغراء دخی ارسال حکمنده در .

سیوری دیشی و قاپلان و طاغ کدیسی کبی هم سیوری دیشی و هم پنجه سی
اولان و حوشدن و قاره قوش و آتمجه کبی بیر تیجی و قارغه و قارقال کبی
جیفه ییجی طیور دن اولماسی و انساندن متوحش اولمغه قنادلریله یا خود
آیاقلریله نفسنی منع ایدر اوله بیلسی لازمدر . او مقوله جانور و یا جیفه
خوار اولان و حوش و طیور ک الکی حلال اولدیغی کبی حیوانات
ما کوله اهلیه نك و حتی فی الاصل غیر اهلی ایکن انسانه آلیشه رق اهلی کبی
اولمش اولان [۱] ما کول آو حیواننک - مثلاً آلیشق کیك و قره جه نك
- دخی اصطیاداً یعنی ذکات اضطراریه ایله الکی حلال اولماز طوزاغه
دوشوب و یا خود قنادی و یا بجاغی قیریلوب حیز امتناعدن چیقمش و لنان
صیدما کولک دخی اصطیاداً الکی حلال اوله ماز .

بونک و بوندن اول مذکور اولان و حشی مستأنسک ذکات اختیاریه
وجهله بوغازلنسی لازم اولدیغی کبی ووردن صکره مذبحک حیاتنه فائق
حیات ایله حی اوله رق یتشین آوک دخی بوغازلنسی لازم اولدیغندن
ووریلان آوک بوغازلنقسزینا کلی حلال اوله بیلک ایچون ذبحنه
یتشیله میهرک اولمش اولسی ده آوه عائد اولان شروط حلالیت
اکلدندر [۲] . قنادندن ووریلان قوشک ذبحنه بدل قفاسنی قوپاروب

[۱] بوکا (وحشی مستأنس) و مقابلنه (اهلی مستوحش) دیورز . اولسکیسی
اختیاراً ذبح وایکنجیسی اضطراراً هقر اولنق لازم کور . کاسر فی هامش الذکاة
الاضطراریه (ص ۱۰۸) .

[۲] زید صیادک الکی حلال اولان صیده بسمله ایله توفنک آتوب صیدی
ضرب و جرح ایدوب دوشورد کدن صکره زید وارنجه قدر صید اول جرحندن
هلاک اولمغه ذبح ایله سه توفنک فندیغنک جرحندن هلاک اولدیغی متعین اولیجق
الکی حلال اولورمی ؟ الجواب : اولور . (علی افندی)

آتمق انک اکلنی تحریم ایندر .

چکرکه دن ماعدا حشرات ما کول دکدر .

صیدریده آوک حشرات نوعندن اولماسی حلالیت اکلده شرط اولدیغی کبی صیدمائیده دخی آوک بالی جنسنندن اولسی شرطدر . بالی جنسنندن اولمیان حیوان مائیلر : ینسکچلر ، مدیهلر ، ایستردیهلر . ایستاقوزلر الخ حلال اوله رق اکل اولنماز .

بالغ هر نوعی وحتى یمیلان بالغی اکل اولنور [۱] .

بالی طاهر اولمیان صوده تولد ایتمش اولق مانع اکل دکدر .

حلالیت اکلک شرطی آفت ایله اولمش اولمقدر .

آغ وارلته آفت اولدیغی کبی بالی صویک صیجاقلنی ویا صفوقلنی سمبیل ویا چکلمبیل ویا خود بریره قیصیلهرق ویا خود اوزرینه برشی آتیلهرق اولمک دخی آفت ایله اولمکدر [۲] .

[۱] بونس بالغی دیدکلری حیوانک اکل حلالیدر ؟ الجواب : حلالدر .

(علی افندی) .

[۲] زید برکوله اولان بالقلری صید ایتمک ایچون اکل کوله بالی اوتی

القا ایتدکده اول کوله اولان بالقلر اول اوتی ییمه لرله قبل الاخذ کوله هلاک اولسه لر اول بالقلرک اکللری حلال اولورمی ؟ الجواب : اولور . (نتیجه) .

قلنج ومورینه بالقلری صید اولندقدده صودن اخراج اولندین باشلرینه طوقاق ایله ضرب شدید اولندیغندن صو ایچنده هلاک اولسه لر شرعاً اکللری حلال اولورمی ؟ الجواب : اولور . (بهجه) .

صید ایچون دریایه الفا اولنان آغه طوتیلهرق خلاصه قدرتی اولماقله آهک

یچنده هلاک اولان بالغک اکل حلال اولورمی ؟ الجواب : اولور . (بهجه) .

بلافت اولوب صویک یوزینه صرتی اوزره کن [۱] بالی اکل اولنماز .

بربالغک ایچنده ظهور ایدن بالی صاغلام ایسه ایکیسی دخی اکل اولنور . صاغلام دکل ایسه اکا ظرف اولان بالی یینور ، مظروف اولان بالی یینمز .

مسئله : بالغک قارنده بولنان اینجو بولانه حلالدر . یوزک والتون حلال دکل ، لقطه در . بولان کیسه اتی اعلان ایتمک لازمدر .

تکیم امثالی دلاتیله یبانی اولمدیغی معلوم اولان کوکرجین یاخود آیاغنده زیل اولان طوغان و بیوننده طاسمه بولنان کیلک طوتلسه صاحبی ظهورنده ویرمک اوزره طوتان کیسه اتی اعلان ایتمک لازم کلور .

حلالیت اکلک کلب صیده دائر اولان شروطنه کلنجه : کلبک [۲] معلم اولمسی اوچ دفعه ترک اکل ایتمسیله معلوم اولور یعنی تعلی طوتدیغی آوی ییمدیکی اوچ دفعه واقع اولمسیله ثابت اوله بیلور [۳]

ایلک ترکی طوقلغه وایکنجی ترکی شکه محمول اولوب اوچنجی ترکنده تعلم تحقق ایتمکله دردنجی آوی اکل اولنور .

[۱] اگر صرتی یوقاری ایسه یینور . کما فی الدر .

[۲] قابل تعلیم اولان هر آزلی حیوان آوه آلت اولور: پارس و مایمون کبی .

[۳] چونسه اوچ مدت خیارده اولدیغی کبی اختیار و ابلاغ أعدار ایچون

مضروب برمدندر . وهذا عندها وهو رواية عنه . وعنده يثبت التعلم بغالب الرأي أو بالرجوع الى اهل الخبرة . كما في الملتقى .

طوغان مقوله سنك [۱] تعلی دعوتہ اجابت ایله یعنی صالیویر -
لذکدن صکره چاغرلدقده دونوب کلمسیله در . طویدیغی آودن اکل
ایتمسی ضرر ویرمز .

معلم اولان طوغان عند الدعوة اجابتی ومعلم اولان کلب ترک اکل
ترک ایدرسه اولدردکری آو حلال الاکل اولماز [۲] . تاکه مرة ثانیه
تعلیمی ثابت اوله .

کلب معلم اولادیغی حیوانک قانندن ایچمک ضرر ایتمز [۳] .
برطرفی قوپاروب آتمی دخی ضرر ایتمز [۴] . آودن صاحبک
آدیغی پارچه نی ییمک وحی آوی صاحبی احراز ایتدکدن صکره انی
ییمک دخی مانع دکلدر .

آوکوپکنک اکل ایتدیکی آو حلال الاکل اولدیغی کبی جرح

[۱] مثلا : شاهین و آتجه و دلیجه طوغان . بونلری دیری قوش ایله آوه
آلشدرمق مکروهدر . کافی الدر المختار .

[۲] بوسوز مابعدہ دائر اولدیغی کبی ماقبله دخی شاملدرکه قبل الاکل
اولادیغی دخی تعلی ثابت اولدن آولامش دیک اولق جهتیله مالکندہ باقی اولق
صورتنده حرام اولور . موجود اولیوب اکل واستهلاک ایدلمش اولق صورتنده
فوات محله مبنی حرمت اتفاقا ظاهری اولماز . شارح ملتقانک بیانه کوره مسئلهده
حکم حرمت مذهب حضرت امام اولوب عند الامامین انک تعلی اجتهاد ایله
بیلمش ایدی . ایکنجی بر اجتهاد انی نقض ایتمز .

[۳] بلکه انک غایت تعلمنه دلالت ایدرکه صاحبنه صالح اولیانی آلوب صالح
اولانی آلیه ویمشدر . (جوهره) .

[۴] آوی اخذ ایتدکدن صکره کلوب اوپارچه نی بیسه دخی ضرر ایتمز .
اخذ صید ایتمدن قوپاردیغی پارچه نی بیرایسه آوی نفسیچون طوتمش اولق
سببیه یتمز .

ایتمیه رك بوغدیغی و چارپوب و یا بانئ قیروب اولدردیکی صید دخی حلال
الاکل دکدر [۱].

آوی آوجینهك ارسال ایتدیکی جهته آرامیه رق صاغه وصوله صاپوب
و طلب صید دن بشقه برشی ایله او یا لایوب کلدکدن صکره کندیلکندن
طوتوب اولدردیکی آوی یکیدن ارسال و یا اغراء ایدلمش اولمدهجه
اکل اولماز .

اصطیادی حلال اولمیان [۲] بشقه بر کلبك أخذ صیدده اکا
اشترک ایتمش اولمسی دخی مانع کدر . نکیم صائده عائد اولان شروطک
صوکنده دخی ذکر اولنمشدر .

آوده تعیین مشروط اولدیغندن بر صیده شرطنه ارسال
اولنان کلب انی آولادقن صکره بشقه بر صیدی دخی آولامق صورتده
ایکینسك اکی حلال اولور .

اوزینه ارسال اولنان طوته میوب بشقه بر آوی طوتوب
اولدرمك تقدیر نده انک اکی — کلب طریق ارسالدن ایرلمش یعنی دنوب
کلبش اولمدهجه — حلال اولور . (دنوب کلدکدن صکره ظهور ایدن
آو ارسال جدیدده محتاج بولور .)

[۱] ذکات اضطراریده جرح شرط اولدیغندن آوه آتیلان شپك مثلا
طاشك و (معراض) دینیلن یهی حربهك ثقلیله بلا جرح اولمش اولان آو
دخی اکل اولماز .

[۲] یعنی با بر بترست و یا آتشرست طرفندن ارسال اولنان و یا خود ترك
تسمیه ایدیلهرك صالیبورلمش اولان یا خود معلم بولمیان .

بر آوه آتیلان مری اکا اصابت ونفوذ ایتدکدن صکره
دیگر بر آوه دخی اصابت ایتمک ویاخود اکا دکمه رک دیگرینه
طوقنمق دخی بوبله درکه هرایکی صورتک صیدی حلال الا کلدز .
متمدد اولر اوزرینه بر بسمله ایله ارسال اولنان کلب انلرک هپسنى
طوتوب وکومه یه بالبسمله آتیلان صاحمه انلرک هپسنى ووروب
اولدرسه هپسنى ده حلال اولور [۱] .

ووریلان آوصو قوشی اولدیغی حالده صویه دوشه رک ویا برسطحه
چارپدقن صکره یره یووارلانه رق ویاخود دیکیلی بر مزارغه
صاپلانه رق واسه حرام اولور .

بر کیمسه بر آوه آتوب انی اثخان ایتدکدن یعنی حیاته خلیل کلیدیکی
حاله قاجوب قورتیله ماز حاله کتوردکدن صکره دیگر بر کیمسه آتوب
اولدرسه اکل حرام اولوب (چونکه بالاختیار بوغازنمق لازم کلوب)
آو شخص اولک ملکی اولمغه شخص ثانی انک مجروحاً قیمتی شخص
أوله تضمین ایدر [۲] .

اگر شخص اول انی اثخان ایتماش ايسه اکل حلال و او آو
شخص ثانی نك اولور .

اهل ذکادن ایکی شخصک بر آو اوزرینه بالبسمله ارسال
ایتدکلری ایکی کلب دخی بو حکمده درکه انلردن بری آوی یره

[۱] ذبح اختیاریده بر بسمله ایکی ذبیحه یه — ایکنجینک ذبحی فعل دیگر
اولدیغندن — کفایت ایتمز ايسه ده مانحن فیه اولان مسئله ده ارسال یاخود رمی
فعل واحد اولدیغندن اکا بسمله واحد کافی اولور .

[۲] ثبوت ملک فصلنده « الصيد لمن قبض » قاعده سنی اونوتیه کز .

چارپەرق اثخان ايتىدىكىنىڭ كۆرى اولدىرسە آوكلب اول
 صاحبىنىڭ اولوب ارسالك ايكىسى برزماندە اولدىغىنە كۆرە بۇندە حرمت
 اكل دخى بوقدر چونىكە ارسال قبل الاثخان وقوع بولمىشدر . اكر
 ايكىچىنىڭ ارسالى برنجىنىڭ اثخاندىن كۆرە اولمىش ايسە رى مسئلە سىندە
 اولدىغى كى جرمى و تضمين لازم كلور .
 نشاتە آتيلان مرى آوہ راست كلور انى اولدىرسە او آو
 اكل اولماز .

تم كتاب الصيد

بسم الله الرحمن الرحيم — کتاب الذبائح —

(ذبائح) : ذبیحه نك جمعیدر . (ذبیحه) : ذبح اولنمق شانندن اولان حیواندر [۱] . بالق بلاذبح مأ کول اولمغله ذبیحه دکادر .
(ذبح) معلوم اولدیغی اوزره بوغازلامقدركه حیوانك بوغازینه بیچاق ووروب اوداجنی کسمکدر [۲] . ا کر بیچاق حیوانك کوکسی اوستندن ووریلر ق اوداجی قطع ایدیلور ایسه اکا (نحر) تعبیر اولنور [۳] .

دوه کسمکده سنت اولان : نحر در . بقرنوعی غنم و طیور کبی ذبح اولنور . دوهی ذبح و بقر و غنمی نحر ایتک مکروه اولور .
ذبح و نحره شامل اولان تعبیر کتاب صیدده ذکر اولنان (ذکات) لفظیدر .

بو بایده انك یالکز حیوانات مأ کوله حقننده اولان قسم اختیار یسندن بحث ایدجکز . فاعلنه ذابح یا خود مذکی دییه جکز .
ذکات اختیاریه نك رکئی : کتاب الصیدده ذکر اولندیغی اوزره
ذبح اولنه جفك ذبحندن و نحر اولنه جفك نحرندن عبارتدر .
شرطی : ذابحك اهل ذکات اولسی و بسمله ایله کسمه سیدر .
اهل ذکاتك ارکك اولسی و مختون بولنسی شرط دکادر . دیلسز اولسی ده مانع دکادر .

[۱] اکا کسر ذال ایله (ذبح) دخی دینور : و فدیناء بذبح عظیم .

[۲] (اوداج) بوندن صکره کی صحیفه ده مبیندر .

[۳] الذبح فری الاوداج و محله مابین اللبۃ واللحین والنحر فری الاوداج و محله آخر الحلق . کذا فی الهندیه .

حکمی : مذبحک طهارتی واکلمک حلایتیدر . (کتاب الطهاره -
مذك مطهراتنه باقکمز .)

تسمیه ده - که بسمله چکمکدر - شرط اولان ذکر خالص
الهی اولمق وعلی طریق الانشاء اوقنمقدر [۱] . بلاواو د باسم الله ،
الله اکبر ، دیمک مستحیدر . کما فی التتبیجة .
لغت عربیه نک غیری لسان ایله دخی تسمیه صحیحیدر . کما فی
البهجة [۲] .

ذکاتک محلی : قیون وقوزی وصیغروطاوق الخ کبی حیوانات
ما کوله در .

بونلر اهل ذکات طرفندن مع البسمله بوغازلرندن کسملک شرطیله
اکل اولنور . بلاذکاة اولن حیوان اکل اولتماز .
ذکات یاخود تذکیه : قطع اوداجندن عبارتدر .

(اوداج) : بوغازک ایکی طرفنده اولان وریدلر (ایکی بیوک
طهار) ایله بجرای نفس اولان حلقومک و آتک آرقه سنده بجرای
طعام وشراب بولمان مرینک استمیدر [۳] .

ذبح ونحرده بونلرک دردیله کسیلور . اوچنی یعنی حلقومی

[۱] مثلا عند الذبح آقسیرویده الحمد لله دیمک علی طریق الانشاء اولدیفیچون
کافی دکلدر .

[۲] خرسیتانک دخی حین ذبحده « باسم الله » یاخود « الله اکبر » دیر
اولدیننی ظن ایدرز . اگر « باسم ربنا المسيح » دیو حضرت عیسی علیه السلام
نامنه کسدیکنی کورر ایسه ک ذبیحه سنی اکل ایتمیز .

[۳] (حلقوم) : غرتلاقدرکه منتهاسی جکر در . (مری) قزل اویسکن
دیدکلریدرکه منتهاسی معده یاخود کرش (یعنی اشکبه) ویاخود حوصله
(یعنی قورساق) در .

و مری نی وایکی وریدک برینی کسمک دخی کافیدر .
(تذکیه) تطیب لحم ایچون مشروع اولمشر . قانی جیقمیه رق
اولن حیوان میتهدر .
میتهدر ما کول اوله ماز .

حنف انقه یعنی بلاذیح اولن حیوان میتهدر اولدیغی کبی وجه شرعی
اوزره بوغازلانییوبده بوغلق و باشی قوپارلق یاخود بکنی اوزرینه
طوقاق و ورلق و یا قولا ق توزینه شیش صاپلا نطق مثلی نهج شرعینک
غیری بوجه ایله اولدیریلن حیوان دخی میتهدر دیمکدر .
حیوانک اوداجی قطعه اکسه سندن شروع اولنور ایسه مکروه
اولور . اکسه سندن کسیلان حیوان اوداجی قطع اولندن اولورسه
میتهدر اولور .

بریدن یووارلانهرق یاخود بشقه بر حیوان ایله سوسیشوب
دوکشه رک و یاخود قورد پاره لیه رک اولن دخی میتهدر حکمنده در .
اولندن یتشیلوب ذبح اولنش اولدقجه اکل اولماز .
بریدن منفصل اولان جزء دخی میتهدر : دیری برقیونک برطرفی
کسوب ییمک حلال دکلدر . بوندن مذبوح مستثنادر .
ذکات اختیاریه نک آلتی : کسکین بیچا قدر . حیوانک بوغازینه
اشاغیدن یوقاری یوریدیلور .

اوداجی پاره لیوب قانی آقیدیجی هرشی وحتی جام وکسکین طاش
و یا قامش ذکاته آلت اوله بیلور .

دیش و طرناق ایله ذبح منهدر [۵] بونلر مزروع (یعنی برندن

[*] انی ناهی اولان حدیث شریف سیبوهک تعلم حدیثدن اول تعلم نحوه
بادیء عدولی اولمشر . قصه اهل مطالعه نک معلومیدر .

چیقمش) ایسه مع الکراره آلت ذکاف اوله بیلور . وجه کراهنی ده کور بیچاقله کسمک کی حیوانه اذی اولمسیدر .
کور بیچاقله بوغازلامق و حیوانی مذبحه یاتردقدن صکره بیچاق بیلهمک و مذبحه آباغندن چکوب سوریمک و بوغازلامقده حیوانک نخاعه سنی (یعنی مردار ایلمسکنی) دخی قوپارمق و کله سنی کسوب آلمق و اولدن یوزمک مکروهدر .

ذبیحه دن ظهور ایدن یاوری مفرد باله کدر . یعنی آناسی مذبح اولمقله اودخی مذبح اولمش اولماز . دیری ایسه برنج شرع ذبح اولنور اولو ایسه اکل اولماز .
خسته حیوان کسلدیکی وقت حرکت ایدر یاخود قان آقار ایسه یلنور [۱] . بوایسکی علامتک بری اولماز و حین ذبحده حیاتی دخی معلوم بولنماز ایسه یلنمز [۲] .

[۱] بوغولق و بریردن یووارلانق و سوسشمک و باشنه طوقاق وورلق و جانور کلوب قازنی یارمق کی برسبیله خفیف الحیاء (یعنی حال هلاکده) اولان حیوان حیاته یتشیلهرک بوغازلنور ایسه [الاماذ کیم] قول کریمنده کی اطلاقه مبنی حرکت ایتسه و قان چیقسه دخی اکل اولنور . کما فی الدر . بوجواز شرعیدر . جواز طپیدن بچمیز یوقدر .

[۲] عند الذبح حیات و مماتی معلوم اولیان وقانی آقیان حیوانک آغزنی یاخود کوزنی آچمسی و آباغنی اوزاتمسی و توبلرینک یاتهمه سی علامت موتدر . اکل حلال اولماز . آغز ویا کوز یوممسی و آباغنی چکمسی و توبلرینک دیکلمه سی علامت حیاتدر . اکل حلال اولور .

(تنویر الابصار)

صائل ومستوحش اولان حیوان اهلیّ مأکولک ذکات اضطراریه معروض اولسی طبیعی اولدیغی کبی الفت واستیناس ایتمش اولان حیوان وحشی مأکولک دخی بالعکس ذکات اختیاریه ایله مذبوح اولسی لازمدر .

— حیوانات غیر مأکوله —

حیوانات اهلیه دن آت واستر و حمار اکل اولندیغی کبی اهلیه و غیر اهلیه دن کدی و کوپک و قورد و چقال و شاهین و طوغان و چایلاق و پاپاغان مثلی بیر تیجی وات ییجی و حوش و جوارح طیور و لیلک و آق بابا و قارتال و قارغه [۱] مثلی جیفه و نجس ییجی طیور دخی اکل اولماز .

قاره و کوستبک و کرنی و کلنجک و کرتسکله و بیلان و قوربغه و قابلو بغه و سوممکلی و صولبیجان و الحاصل قوردلره و بتون بوجکله دخی شامل اولان حشرات و سینک و آری و کله بک اکل اولماز .

سرچه و کورکچین و هدهد الخ قوشلرینک ا کلی حلال و صیدی جائزدر [۲] . قل أحل لکم الطیبات و حرم علیکم الخبائث .

مانی المولد اولان حیواناتک اکل اولنمیا نلری بالق جنسی اولمیا نلریدر نسیکیم (کتاب الصيد) ده ذکر اولنمشدر .

تم کتاب الذبائح

[۱] اکین ودانه دخی اکل ایتمکده اولان نارلا قاره سنی طاقون الخ کبی مسائی طوتمشدر .

[۲] قوش آزاد ایتمه نک ثوابی ده بو قدر .

(کتاب الاضحية)

بسم الله الرحمن الرحيم

— کتاب الاضحية —

اَضْحِيهِ وَزَنْدَه (اضْحِيهِ) وَقَضِيهِ وَزَنْدَه (ضَحِيهِ) اَيام عيد اضحاده
كسيمان حيوانك اسميدرکه (قربان) تعبير اولنور [هـ] اولسكينك جمعی
(اضاحی) وایککنجینك جمعی (ضحایا) کلور . ذبائح بوکادخی عام
وشامل اولمغله اضحیه نك بوراده ذکرى لازمه دن اولمشدر . قربان
کسمکه (تضحیه) دینورکه نیت طاعت ايله وقت مخصوصده حیوان
مخصوصی تذکيه دن یعنی ذبح یاخود نحر ایتیمکدن عبارتدر .

تضحیه نك صفتی ، شرطی ، سببی ، وقتی ، رکنی ، حکمی واردر .

تضحیه نك صفتی : وجوبدر . حدیث شریفده « من وجد سعةً ولم
يضح فلا یقر بن مصلا نا ، بیورلمشد : که سعه حالی اولوبده تضحیه ایتمین
کیمسه نمازکاهمزه یاقلاشمسون دیمکدر .

بوکی وعید انجق ترك واجبه لاحق اولور .

واجب اولان اراقه دمددر . قربانی دیری اوله رق تصدق ایتیمکله
عمده دن چیقيله ماز .

دی اراقه اولندقدن صکره اتنی تصدق ایتیمک مستحبدر . ایدلمسه ده
اولور . ط علی الدر .

تضحیه نك شرطی (یعنی شروط وجوبی) : اسلام ، حریت ،
اقامت ، صاحبنك شرعاً غنی صاییلدیغی ثروتدر .

[*] (قربان) دخی عربدر جمعی (فراين) در . لکن قربت کبی مطلق
ما يتقرب به الى الله معناسنه در .

مسلم اولمیانہ ، حر اولمیانہ ، مقیم اولمیانہ تضحیہ واجب اولمدیفی
کبی صدقہ فطر نصابہ [۱] مالک اولمیانہ دخی واجب دکلدر .

(اقامت) شهرده وکویده وقریده مقیم اولمغه شاملدرکه مسافر
اولماق دیمکدر . مالک نصاب اولمیانلرک تضحیه سی تطوع اولدیفی
کبی مکی اولمیان حجاج مسافرین اولمغه انلرک تضحیه سی دخی تطوعندر .
دم قران وتمتع واجبددر . نسکیم کتاب الحجدہ کچمشددر .

رجوب تضحیه ده ذکورت شرط اولمدیفندن مالک نصاب اولان
حرقادینه دخی کندی آچمه سیله تضحیه واجبددر .

تضحیه نک سببی : وقتدر . وقت تکرر ایتدکجه وجوب تضحیه
دخی تکرر ایددر .

تضحیه نک وقتی : ایام تحردرکه ذی الحجه نک اوننجی واون برنجی
واون ایکنجی کونلریدر افضل ایلک کونیدر [۲] . شهرلرده

[۱] کتاب الصوممک یوز اون ایکنجی صفحہ سنه باقکز . (نصاب
نامی) کتاب زکاتده ذکر اولمشددر . چونکه نصاب اوچدر . بری :
کندیسندن نما مشروط اولوب اکا زکات وسائر مال نامی یه متعلق
احکام تعلق ایدندر . ایکنجیسی : مالکنه حرمت اخذ صدقه ، وجوب اضحیه ،
وجوب صدقه فطر ، وجوب نفقه اقاریدن عبارت اولان (احکام اربسه)
مترتب اولاندرکه بونده نه تجارت و نه حولان حول ایله نما مشروط
دکلدر . اوچنجیسی : مالکنه انکله حرمت سؤال ثابت اولاندرکه اوده
کندینک قوت یومیس اولمقدن وعلی قول الی درهی بولمقدن عبارتدر . ذکره
ط فی باب صدقه الفطر .

[۲] ایسترایسه ک اوچ کونک هر برنده بشقه بشقه و متعدد قربانلرکسه ییلورسین .
علیه الصلاة والسلام افندمن حضرتلری حجة الوداعده یوز دوه قربان
ایتدیلر . سن عالیلری عددنجه اولان آلتش اوچنی کندی اللریله نحر و
ماعداسنی حضرت علی یه احاله بیوردیلر .

بیرام نمازندن صکره وکویارده وکوپجه لکده طلوع فجر دن صکره در .
 چونکه انلرک بیرام نمازی یوقدر .
 قربانی کیجه کسمک مکروهدر .
 توضیحیه نک رکنی : جائز الذکاة اولان حیوانی تذکیه دن عبارتدر .
 قربان اولق اوزره ذکاتی (یعنی ذبح ویا نحری) جائز اولان
 حیوان اوچ نوعدر : ابل ، بقر ، غنم .
 بولرک ارککی و دیشیسی قربان اولور [۱] غنمه کچی دخی
 داخلدر . ثمانية أزواج الآیة .
 طاوق و خروس و حیوانات وحشیه ما کوله توضیحیه ایدبله مز [۲] .
 دوه نک انجق بش سنه لکی و صیفرک (اینک ، اوکوز ، ماندا)
 ایکی سنه لکی و غنمک برسنه لکی توضیحیه اولنور [۳] .
 بالخاصه قیونک کوسترشی اولان التی آیله دخی کافی اولور .
 بر قوچ و یا تسکه نقدر یاشلی و جسماتلی [۴] دخی اولسه برکشیدن
 زیاده قربان اوله ماز .

-
- [۱] دوه نک و صیفرک دیشیسی و قیون و کچینک ارکی افضلدر . کما فی الفتاوی الخیریه .
 [۲] حضرت عمره براعرابینک : أیضحی الضی ؟ سؤاله حضرت مشارالیهک (لا) جواببله برابر : مالک ؟ لو قلت « أیضحی الضی » بیوردقلری کتب محاضراته کورلشدر .
 [۳] کتساب الحجک هدی فصلنده کسدران اولدغنی اوزره بولره غنی وزننده (ثنی) تمبیر اولنور . کما قیل :
 ان الثنی من الاغتنام ذو سنة . والخمس للابل والعامان للبقرة .
 [۴] یقال جسم جسامه من الباب الخامس اذا عظم کما فی القاموس .

بردوه و یا صیغری یدی کشی به قدر اشتراك قبول ایدر [۱].
شرطی : شریکگر هپ اهل قربت اولمق وانجق قربان قصدیله اشتراك
ایلمش بولمقدرد .

(اهل قربت اولمق) اهل اسلام اولمق دیمکدر چونکه (قربت)
طاعتدر . طاعتده اسلام ایلهدر . ایچلرنده مسلم اولمیان یاخود
قربانندن بشقه مقصدی اولان : مثالات آلمق و یا تجارت ایتیمک
قصدیله اشتراك ایلمن اولور ایسه اراقه تجزی ایتیمه چکی جهنله هیچ
برینک کی مقبول اولماز .

اشتراکک قبل الشری اولمسی اولادر . برحر مسلیک قربان ایتیمک
اوزره اشترا ایتدیکی بردوه و یا صیغره اهل قربتدن التی کیمسه صکره دن
دخی اشتراك ایده بیلور .

تضحیه نك حکمی : دنیاده عهده واجبدن خروج وعقباده بفضل
الله تعالی ثوابه وصولدر .

قربانلق حیوانک کچی و یا دیشی اولمسنده باس اولمدیغی کبی
بوینوزلی و یا بوینوزسز یاخود بوینوزی برازقیرق و یا خصیه سی بورق
اولمسنده دخی باس یوقدر [۲] .

عیوب آتیه دن سالم اولمسی لازمدر : کورلاک ، برکوزلیلاک ،
دیشسزلاک ، قولاقسزلق ، مذبحه یوریه میه چک درجه ده طوپاللق

[۱] حج قران فصلنده ذکر اولندی که قربان یا بر قیون و یا کچی و یاخود
بردوه و یا صیغریک یدیده بری در .

[۲] اکل ایچون بورق البته اطییدر . آریق اولیان اویوزک بیلله قربانه
ضرری اولماز .

و یا خسته‌لک، کیمکری ایچننده ایلیسکی قالماسمش درجه‌ده ضعیف‌لک، قولاغ‌نک و یا قویرغ‌نک قسم اکثری یاخودمه باشلری قوپ‌قلق .

عیوب مذکوره‌نک بریله معیوب اولان حیوان قربان اوله‌ماز . قربان عیوبدن عاری اوله رق اشترای ایدیلوبده ذکر اولنان عیوب مانعه‌نک بریله مشتری نزدنده صکره‌دن تعیب ایتمش اولق تقدیرنده مشتری غنی ایسه انک یرینه بشقه‌سنی قربان ایدر . فقیرایسه او قربان یتر . فقیره اضحیه واجب اولدیغندن حین اشتراده معیوب بولنان قربان بیله اکا کفایت ایدر . درمختار .

قربان ایدیله‌جک حیوان اولک صورتنده دخی غنی‌یه دیکرینی آلق لازم، و فقیره غیر لازم، در . درمختار .

قربان فقیرک اشتراسیله تعین ایدجکندن غائب و یامسروق اولدقدن و یرینه دیکری کسلدکدن صکره ظهور ایتمک تقدیرنده فقیرانی دخی کسر . زنکینه کسدیکی قربان یتر . درمختار [۴] .

قربانلق حیوان نذراییله [۲] و یا تضحیه ایچون اشتراسیله متعین ایکن ایام تضحیه بلاذبح کذران اولق صورتنده موجود ایسه عیناً و مستهلک ایسه قیمة تصدق اولور . حکم سنه آتیه‌یه انتقال ایتمز [۳] .

[۱] بو مسئله کتاب الغازمده شو وجهله ملفزدر (مسئله ۳) : هانکی صاحب یساردرکه قربان بیرامنده اکا بالسکر برقیوف کسمک لازم وهانکی صاحب اعساردرکه اکا ایکی قربان کسمک لازم کلش اولسون ؟ جواب : ذکر اولناندر .

[۲] نذرما فوق الواجبه محولدر زیر اذاتاً واجب اولان تضحیه منذور اوله‌ماز .

[۳] تصدق مذکور فدیة صلات کی باب عبادتده اخذ بالاحتیاطدر .

تضحية ایدن کیمسه اضحیه سنک اتندن هم ییروهم ییدیرر .
 ییدردیکی کیمسه فقیر دخی اولمیه بیلور . قربان اتی ادخار دخی
 اولنور . لائق اولان تصدق دخی ایتمک وتصدق ایدیلن ثلثدن اقل
 اولما مقدر . زیرا انفاقده بولنا نلر حقمنده بوللق اوللق اوزره طاغتمیوب
 آلیقویمق دخی مندوب اولور . در مختار .

قربانی - النذن کورسه [۱] - مندوب اولان : کندی الیه
 کسمکدر [۲] النذن کلیور ایه یا ننده بولنه رق بشقه سنه کسیدیرر .
 قربانی اهل کتابه کسدر مک مکروهدر [۳] .

چونکه هر نعمتک شکری کسندی جنسندن اولمله تضحیه دخی نعمت ماله
 مالاً تشکر قیلندن بر عبادت مالیه دیمک اولدیغنه نظراً آنده عین
 ویا قیمت ایله تصدق اصل اولوب آنحق شارع معظم مال صدقه ده اولان
 اوساخ آتایی ازاله ایله تطیب طعام ایتمک ایچون تعین اراقه ایلش اولق
 محتمل اولدیفی کبی معنای صدقه اعتبار اولنمیه رق نفس اراقه اصل اولق
 دخی محتملدر . داخل وقتده یعنی ایام تضحیه موجودا بکن قیام نصه مبنی
 تعلیل مظنون ایله عمل ایدلما مشدر . وقتک کذرانندن صکره احتیاطاً انکله
 عمل ایدلما مشدر . کافی مرآة الاصول

[۱] کلامک ده ارککه عیدر

[۲] بسمله چکه نک صورتی وآلت ذبحی استعمال ایتمه نک طریق
 کتاب الذبائح مذکوردر (فی ص ۱۲۱ و ۱۲۲)

زید اضحیه سنی ذبح ایچون عمروه امر ایدوب کندی تسمیه ایتسه عمرو
 ذبح ایلسه زیدک تسمیه سی کافی واضحیه نک اکلی حلال اولورمی ؟ الجواب :
 اولماز . (ابن نجیم)

[۳] عند الأئمة الثلاثة . وقال الامام مالك انه لا يجوز استنابة الذی ولا
 تكون اضحیه . کما فی میزان .

قربانك پوستی تصدق اولنور . یاخوداندن قالبور ویا طغارجق
یاخود سفره ویا سجادہ یاخود کورک اتخاذا ایدیلور . کچی طلوم
چیقاریلهرق اندن قره ویا قوغه یاپیلور [۱] یاخود پوست باقیأ
انتفاع اولنهجق برشی ایله مبادلہ اولنور . صاتیلوب پارهسی آلتاز
یاخود یینهجک ویا ایچیلہجک برشی ایله مبادلہ اولتاز .

قربانك كرك اتی وكرک پوستی صاتیلوبده پارهسی آنور
ویاخود دمیرباش اولمیان برشی ایله مبادلہ اولنور ایسه ثمنی تصدق
ایدیلور [۲] . اندن قصاب اجر قی ویرلز .

قربانك قبل التضحية توبنی قیریمق مکررهدر . اگر قیرپمش
ایسه انی تصدق ایدر . بعدالتضحية قربانك توبنی یولوب ویا قیرپوب
قوللانه بیلور .

قربانلق حیوانك سودندن دخی انتفاع مکروه اولور .

ایکی کیمسه غلط ایدوب هر بری دیکرینك قیوننی قربان
ایتسه کسین حیوان کسینك قربانی اولق اوزره جائز وضمان

[۱] زید اضحیه سنك دریسيله منزله انتفاع ایتك جائز اولورمی الجواب :
اولور . (ابن نجیم) .

[۲] بیع صحیح ایسه مکروه دیمکدر . وقف کبی اولق حبسیله بیعک
یطلانی امام ابو یوسفدن منقولدر کافی الدر .

زید قربانك درستی بیع ایدوب ثمنی ایله کندی یاخود خادمی انتفاع ایتك
جائز اولورمی ؟ الجواب . اولماز . بوصورته ثمن مزبوری قیرایه تصدق ایتك
لازم اولور . (ابن نجیم)

غیر لازم اولوب [۵] موجود اولدیغنه کوره انلردن هربری کندی
قیوننی آلور . ما کول اولدیغنه کوره یکدیگریله حلاللاشور .

ا کره بنمکی دها عظیم یاخود سمیز ایدی ، دیو بخللشور لر ایشه
هربری دیگرینه انک قیمتی اوده مک و بعد الاخذ انلری تصدق ایتمک
لازم کلور .

تم کتاب الاضحیه

[*] مسئله ۲ : نصل اولورکه بر کیمسه بشقه سنک قیوننی انک اذنی اولیه رق
تعدیاً ذبح ایتمش اولدیغی حائده ضمان لازم کلسون ؟ جواب : قربان برای
کونی بر کیمسه بشقه برینک قربانی انک اذنی اولیه رق کسیویرسه استحساناً ضمان
لازم کلز و قربان کسلش اولور .

(آغاز فقیه)

— عقیقه مسئله سی —

(عقیقه) - که اسم اسلامیسی (نسیمکه) در [۱] - مولودك [۲]
 یدنجی کونی باشی تراشایدیلهرک کسیان قرباندر . طوغان چوجغك
 باشنده کی آنا تونی دیمك اولان (عقیقه) او قربانه اسم اولمشدر .
 [و اذا بشر أحدهم بالأنثی ظل وجهه مسوداً وهو كظيم]
 آیت کریمه سی دلیل اولدینی اوزره عرب جاهلیه قیزچوجغی
 ایسته مدکری وحتی بهضاروآد [۳] بیله ایتدکری ایچون عقیقه نی ارکك
 چوجغه یاپارلر وچوجغك باش تویرینی تراشیده ایدوب عقیقه نك
 قانی چوجغك باشنه سوررلرایدی .
 پیغمبرم صلی الله تعالی علیه وسلم اقدمز حضر تری بو عادت جاهلیه نی
 قربانی شکرأ لله تعالی قیز چوجغه دخی تشمیل وچوجغك باشنه
 قان سورمکی زعفران سورمکه و تویرلوزنجه تصدق ایتمکه تبدیل
 طریقيله تبدیل ولفظ عقیقه نی آنده ملاحظ اولان معنای عقوقه [۴]
 مبنی (نسیمکه) یه تحویل میوردیلر [۵] .

-
- [۱] کتاب الصوممك سکسان برنجی صفحه سنده صوك هاشه باقکز .
 [۲] طوغان چوجغك .
 [۳] (واد) قیزچوجغی دیری دفن ایتکدر . مشاهیر نساءده (مؤوده)
 عنوانه باقکز .
 [۴] (عقوق) عصیان معناسنه هرکه الخاصه اولادك ابوینه عصیاندر . کتاب
 الصومك ذکر اولنان صفحه سی هامشده کچمشدر .
 [۵] (نسك) اوچنجی صحیفه ده ذکر اولدینی اوزره طاعتدر . ابن هابدينك
 تنقیح حامدیه ده بیانته کوره (نسیمکه) یاخود (ذبیحه) تسمیه سی مندوب ، (عقیقه)
 تسمیه سی مکروه اولور : خبر ابی داود بوکا دلیلدرکه انی سؤال ایدن بر

کتاب متداوله^۱ فقه حنفیه عقیقه بحثی کوریه مز . فتاوی هندیه نیک
کتاب الکراهیه سی ابوابک یکر می ایکنجه سنده شوقدر حق
مذکور در : اوغلان وقین چوجهنه عقیقه — که ولادتک یدنجی
کونی برشات یعنی قیون ویا کچی کسوب ضیافت ایتمک وچوجهنک
صاچنی تراش ایله کدر — مباحدر نه سنت ونه واجبدر . کردرینک
(کتاب الوجیز) نده بویله در امام محمد عقیقه حقه : « ایستین
یاپار ، ایستین یاماز . » دیمشدر که بوسوز اباحه نی مفیددر آرتق انک
سنت اولدینی تسلیم ارلنه مار . جامع صغیره « نه اوغلان ونه قین
چوجهنه عقیقه ایدلمز ، دینلکله انک کراهته اشارت اولمشدر .
بدائیک (کتاب الاضحیه) سنده بویله مذکوردر اه

تنقیح حامدیه نیک ذبائحنده سراج وهاجدن اولان نقلده دخی
« عقیقه مسئله سی تطوعدر دیله یں یاپار دیله یں یاماز » دینلکله
برابر نبی اکرم صلی الله تعالی علیه وسلم افندمز « حضرتلرینک حضرت
حسنیندن نسیمکه اوله رق بررقوچ قربان ایتدکری دخی ذکر اولمشدر .

کتاب علماء شافعیه دن میزان شعرانیده مبین اولدیننه کوره
عقیقه قربانی قول امام مالک وشافعیه مستحب ومذهب امام ابی
حنیفه ده مستحب دکل ، مباح اولوب امام احمد بن حنبل حضرتلرندن
ایکی روایتک اشهر نده سنت وروایت دیکرده واجبدر . « ۱۴۰۰ »
چوچق ارکک اولورسه ارککک میرائی وشهادتی ایکی قات اولدینی

کیمسه یه حضرت رسول الله صلی الله تعالی علیه وسلم « لایحب الله
العقوق » بیورمشدر حدیث حسندر . روایت دیکرده « لا أحب لله العقوق »
وارد اولمشدر .

کبی [۱] انک عقیقه سی ده ایکی شات وقیز اولور سه برشات اولدینه قائلردر . امام مالک قولنجه ارکاک چوجقه دخی عقیقه قیز چوجقنده اولدینی کبی برشاتدر . قول امام شافعی واحمدده چوجقک سلامتی تفالاً (عقیقه) کیمکاری قیرلمیوب بیوک بیوک پارچه اوله رق پیشورلمک مستحب اولوب دیکرلرینک قولنجه بالهکس چوجقک حصول مزید تواضعنه و خودنار بشریتنه تفالاً عقیقه نک طبعقنده کیمکاری قیرلق مستحب اولور اه

جامع صغیر احادیثدن اکلا شلدینه کوره چوجقک نسیمکه سی ولادتک یدنچی یا خود اون دردنجی و یا یکریمی برنجی کونی ذبح اولور .
تقییح حامدی ده شویله مذکوردر : ولادتدن بلوغه دکن وقت نسیمکه در ، یوم سابع ولادت افضلدر ، (نسیمکه) قربان کبی صبا حلین صدر نهاده وقت کراحت چیققدن صکره کسینور کیمکی قیرلمیه رق پیشوریلور [۲] صکره تصدق اولور ، یینور و ییدیریلور ، بو طلی ایهیه ویریلور . چوجققنده عقیقه قربانی کسین کیمسه کندیسیچون کسه بیلور .

وهذا آخر الکتب التي ارید جمعها تحت عنوان القسم الثاني من رسالتنا الموسومة (نعمة الاسلام) من الطهارة والعبادات ويليها القسم الثالث بمنه وكرمه وهو المناكحات .

طبع فی جمادی الآخر سنة ۱۳۲۹ بتصحیح مؤلفه الفقیر الی ربه الغنی محمد ذهني

[۱] تنقیحده بونکته شویله میندر : حقیقه سرورولادت ایچون اولوب او ایسه اوغلان چوجقده اکثر اوله جقنه الخ .
[۲] قیریلره رق پیشور لسهده مکروه اولماز .

استوصوا بالنساء خيرا

مِنْهَا تَحْكُمُ وَمِنْهَا قُلُوبُ

نعمت اسلام

بوفسك مندرجانی: (كتاب النكاح وكتاب الطلاق وكتاب الرضاع) مسائل بده

ما من الله سبحانه وتعالى به على عبده

محمد زهني

ان النساء رباحين خلقن لنا * وكلنا يشتهي شم الرباحين
دلارام باشد زن نيكخواه * ولي از زن بد خدايا پناه

باب والای فتوانك تصدیق و معارف نظارت جلیله سنك فی ۱۴ محرم ۱۳۲۴
تاریخی و ۹۳ نوصولی رخصتنامه سی ایله شرکت صربییه
مطبعه سنده طبع اولمشدر.

محرم سنة

۱۳۲۴

مطابع دار الكتاب العربی بالقاهرة

بسم الله الرحمن الرحيم

حمداً لله تعالى نعمت اسلامك قسم ثانيسى كتاب الحج وآنك لواحقى (۱) ايله ختام بوله رق عبادات انواعى (۲) بوسائلها اتمام ايدلمش اولديغندن نوبت بيان مناكحاته كېلىشدور . بوبابه مبدأ اوله جق كتاب النكاح (الوجوه الملاح (۳) فى فصول النكاح) ناميله آريلوب طلاق مسائليه برابر جمله سى نعمت اسلامه قسم ثالث قيلنمشدر ، كتاب الطلاق بابوابه بو اوله ثانى وكتاب الرضاع اكا تاليدر . نفقه مسائلى كتاب نكاحك صوكيله عدت مسائلك صوكنه مناسبى وجهله درج وتفريق ايدلمشدر . كتاب آيمان دخى ملخصاً باب ايلايه مدرجدر ، كتاب رضاعدن اول احكام دعیدن ولقيطندن ده بحث اولنمشدر . كتاب الطهاره مزك باشنده ارايه اولنان تقسيماته كوره فقهيجه (مناكحات) نامى مفارقاته دخى شامل اولغله كتاب مزك عنوان عموميسى (مناكحات ومفارقات) اولمشدر . وماتوفيقى الا بالله .

(۱) كتاب صيدى وكتاب ذبائى وكتاب اضحيه يى اكا لاحق قيلدق نهايتده عقيقه دن ده بحث ايلدك . ذلك الفضل من الله .
(۲) يعنى فرض عين اولانلى (كتاب الطهاره مزك اون در دنجى صفحه -- سنه باقكر) .

(۳) ملاح نكاح وزنده در بو مواز نلردن برى مفرد وديكرى جعفر : نكاح مفرد در جمعى انكه در ، ملاح جعفر مفردى مليجدر . وجه مليحك نكاحه مناسبى منكر دكلدر .

انسانه دخى شامل اولمق اوزره جنس حيواننده لازمه فطرت اولان اكل و شرب كي سفا^(۱)د و زواج دخى مقتضای جبلت اولمغله حيوانك نوع ممتازى بولنان انسانك ماكل و مشاربى مثلى مناكحى دخى امتیازی اوله رق شرائع مقدسه سایه سنده سنت راشده اوزره بولنه كالمشدركه اوده برطاقم نسوانك برطاقم رجاله اختصاص وانحصارندن عبارت اولان نكاح شهراهدر . بوشاهراهدن عدول انسانیت محیطندن خروج ايله كریوه^۲ فحشاء حیوانیته دخولدر . انه كان فاحشة ومقتاً وساء سبیلا .

نكاح لسان وحى ايله بمدوحدر . أستعین بالله تعالى (فانكحوا ما طاب لکم من النساء) قول كريميله مندوب اليه اولديغى كي «تناكحوا تكثروا فانی اباهی بكم الامم يوم القيامة» حدیث شریفيله دخى مرغب^۳ فیهدر : (تناكح ایدوب چوغالكزكه بن يوم قیامتده امتره سزك كثر تكزله مباهاات ایدرم) دیمكدر . حدیث شریف دیکرده (من أحب فطرتی فلیستسن بسنتی وإن من سنتی النكاح) بیورلمشدر : بنم فطرتی سون بنم سنتمه سالك اولسون ستم جمله سندن بریده نكاحدر دیمكدر سنن ابن ماجهده (النكاح من سنتی فمن لم یعمل بسنتی فلیس منی) دخى وارد اولمشدر^(۲)

(۱) سفا^۱د عنادوز تنده ازدواج حیوانیدر كه جفئلشمك تعبیر اولنور .

(۲) (النكاح من سنتی ومن رغب عن سنتی فلیس منی) لفظی آنجق احیاده وتبیینده و (فمن رغب عنه الخ) لفظیله كشف الغمده موجوددر . (من ترك الزوج محافة العیلة فلیس منی) حدیثی دخى احادیث احیادن ودها اول قوت الفللوبده مذکور اولاندردندر : تاهلی فقر قورقوسندن ترك ایدن بزدن دكلدر دیمكدر . التزوج بدلنده التزوج دخى واقم اولمشدر . هدایه شرحی عینیده (من قدر علی

کشف الغممه^(۱) مذکور اولان احادیث شریفه نك برنده
کو تولا کز بکار لر کزدر ماننده اولق اوزره « شرارکم عزابکم »
بیورلمش اولدیغی کبی علیه السلام افندمز حضر تلرینک چوق کره :
« متأهک ایکی رکعت نمازی بکارک سکسان ایکی رکعتدن خیر لیدر ،
دیو بیوردقلری دخی مذکور بوانمشدر . کشف الغممه ده شودخی
ذکر اولنمشدرکه : سعد بن أبی وقاص رضی الله تعالی عنه « رسول الله
صلی الله تعالی علیه وسلم عثمان بن مظعون حقنده تبلی (عدم تأهلی)
رد بیوردی اکر اکا اذن ویریدی بز اختصا ایدر ایدک ، دیر
ایمش^(۲) صحیحینده^(۳) روایت حضرت انس رضی الله عنه ایله

أن ينكح فلم ينكح فليس منا (لفظیله دخی بر حدیث شریف مذکور بولنمشدر .
بومال کشف الغممه ده (من كان موسراً لأن ينكح ثم لم ينكح فليس مني) لفظیله
مذکوردر . وفی التبیین : (من كان علی دینی و دین داود و سلیمان و ابراهیم فلیتزوج
فإن لم يجد إله سبيلاً فليجاهد في سبيل الله) .

(۱) (کشف الغممه عن جميع الأمة) ۹۷۳ تاریخنده متوفی عبد الوهاب الشعرانی
حضر تلرینک حدیثه دائر ابواب کتب فقه اوزره مرتب اثر لیدر .

(۲) عثمان بن مظعون حضر تلی اقیاء اصحابدندر . اختصاء : ارکک کند سنی خادم
ایتمسکدر . ذکر اولنان حدیث ابن مظعونده تبته بدل اختصاء دخی روایتدر .
اسلامده رهبانیت اولمیفندن تأهله اقتدار مالیلی اولمیان کنج بکارلره علیه السلام
افندمز حضر تلی صیامی توصیه بیورلر . ایدی تکیم کتاب الصوم ترک یدنجی صفحه
سنده حدیثدن مفهومدر . وکان أبوهريرة رضي الله تعالى عنه يقول قلت يا رسول الله
إنی رجل شاب وأخاف العنت ولا أجد ما أتزوج به ألا أختصي ؟ فسكت عني ثم قلت
له فسكت عني ثم قلت له فاعرض عني ثم قال يا أبا هريرة جف القلم بما أنت لاق فاخص
على ذلك أوذر . کما فی کشف الغممه وغیره .

(۳) صحیحین : (جامع صحیح بخاری) ایله (جامع صحیح مسلم) در .

مذکور درکه اوچ کشی خانه سعادتدن نوافل طاعات حضرت سید
الکائنات تحقیق ایدرک انلردن بری بتون کیجه قائم و دیگر بری
بتون کون صائم و بری دخی قادیندن عزلت ایدرک هیچ تأهل
ایتمک اوزره عباداته ملازم اولمغه عزم ایلشیدی . علیه الصلاة
والسلام افندمز حضرتلری آنلره خطاباً : بنم خشیت و اتقام سزدن
زیاده در بونسکه برابر بن کیجه قائم اولدیغم کبی نائم دخی اولورم ،
کوندزلری دخی صائم و غیر صائم بولنورم ، قادینلری ده تزوج
ایدرم ، بنم مسلکمدن اعراض ایدن بندن اوله ماز بیورم شلردر .

تأهلدن مقصد قضاء و طر (استیفای حاجت جنسیه) ایتمکدن
عبارت اولمیوب بلکه انسان کندیسنه برشریک تدارکیله تدبیر
منزل ایتمک و او یوزدن دین و ناموسنی تحصین (*) ایلکدر .

حدیث شریفده « دنیا هب متاعدر (یعنی کندیسیله براز
مدت تمتع اولنمق اوزره مخلوقدر) متاعنکده خیرلیسی مرأة
صالحه درکه زوجی کندیسنه نظر ایدرسه قادین آنی مسرور ایندر
وزوجنک امرینه اطاعت ایلر و غیبوبتنده آنی کندی نفسمنجه
وزوجنک مالنجه حفظ وصیانت ایلر ، مآلنده اولمق اوزره
« الدنيا کلها متاع وخیر متاعها المرأة الصالحة ان نظر الیها سرّنه
وان أمرها أطاعته وان غاب عنها حفظته فی نفسها وماله ،
بیورلمشدر . حدیث دیگرده : کشی اولندیکی وقت نصف دینی
استکمال ایتمش اولور آرتق نصف باقیده جناب حقندن اتقا
اوزره اولسون . مآلنده اوله رق « إذا تزوج الرجل فقد استكمل

(*) محیط حفظ و امانه آلمق .

نصف الدين فليترك الله في النصف الباقي » وارد اولمشدر .

زوجه دن مطلوب ذريت اولديغندن حديث شريفده « تزوجوا الودود والود فاني مكاثركم بالانبياء يوم القيامة » يعنى : قادينك زوجنه سوكيلى اولاننى وچوق چوق طوغراننى تزوج ايدك كه بن يوم قيامته انبيايه سزكه مكاثر ومباهى بولنه جغم بيورلمشدر .

قيمت سيرتى اولميان حسن صورتك چندان مقبوليتى اولميه جغنى اشعاراً محل نشأتى حسن اولميان مرأة جميله دن « اياكم وخضراء الدمن » حديثيله تحذير بيورلديغى كى « تغيروا لنطفكم » قول شريفيله دخى القاء بذرتناسل ايچون مزارع صالحه وأرحام طاهره اختيارى امر وتنبيه بيورلمشدر (١) .

وأول خبث الماء خبث ترابه . وأول خبث القوم خبث المناكح متأهل كيمسه نفسى حرامدن حفظ ايله برابر انفاق عيال وتربيه اولاد مصالحنه قائم اولمش اولوركه بولر جمله طاعاتدن اولان كسب وكاره وحسن معاشرت ايچون تهذيب اخلاقه متوقف شيلردر .

مذهب حضرت امامده شغل أزواج وعيال ايله اشتغال ايتمك نوافل عبادات ايچون عزلتنشين انزوا اولمقدن افضلدر . كتب فقهيهده دخى مناكحات فرض عين اولان عباداتى تعقيب ايتمكه ومعاملاته وحتى وقف وجهاد واعتناق ابوابنه تتقدم ايلكهده در .

(١) وفي بحر الأمثال : المناكح الكريمة مدارج الشرف . وفي المقالة السابعة والتسعين من أطواق الذهب : لا تخطب المرأة لحسنها ولكن لحصنها فان اجتمع الحصن والجمال فذاك هو الكمال .

بو بابده بزه باشلوجه مأخذ : (فتاوی عالمگیریه) تعبیر اولنان (هندیه) ایله (در مختار) و کتب أربعة فتاوا در (۱) .
والله سبحانه هو الموفق .

إذا تزوجت فكن حاذفاً واسأل عن الغصن وعن منبته

تعدد زوجه و طلاق

شرع اسلامده كرك طلاق و كرك تعدد زوجه مسئله لری اسباب مخففه جمله سندن اولان (عسر و عموم بلوی) احكامندندر .
أشبهك فن قواعدنده « مشقت تيسیری جلب ایدر ، اصلنه تفريعا دينلشدركه : تعدد زوجه ارکسکرايچون تيسیر اولديغی کبی قاديئر ايچون دخی کثرتلری جهتیله تيسیردر درتدن زیاده اولماسی قسمده (۲)
كوچلك اولماق ايچوندر . طلاقك مشروعتی دخی خفتدر چونكه عند التنافر زوجیت اوزره بقاده مشقت واردر اه؟

ازدواج مقتضای جبلت اولديغی کبی بوبابده تعدد وتنوعه میل دخی مقتضای جبلت وطبیعتدر (۳) انسانلرك حال بهیمیتلرینی تحدید و تعقیب ایده کلمکده اولان شرائع آلهیه نوع بشره بر

(۱) نتیجه ، علی افندی ، بهجه ، فیضیه . (و مضاً ابن نجیم و اقروى و نادراً عبد الرحیم) .

(۲) قسم جزم وزنده آئیده فصل مخصوص ایله مبیندر .

(۳) بوندن قاديئر دخی کندیلرنجه احکام چیقارمق ایسته مسونلر چونکه ارککلره ویریلان قوه غریزه انلره ویرلماشدر . قادین ارککله مقارن اولدقجه قادنلغنی بیله مز .

لطف و رحمت اولمق اوزره هم تعدده همده طلاقه مساخ کوسر —
مشدرکه اوتهدن بروامم انیا نهج شریعتلری وجهله بری لطف
وعنایت و دیکری رخت اولان بوا یکی نعمتدن مستفید اوله کلمشاردر .
قبل الاسلام کرک تعدد زوجہ کرک تطلیق زوجہ خصوصلری حد معینه
تابع اولمیه رق حکمفرما ایکن شرع منیر اسلام ذکر اولنان ایکی
مسئله نك ایکیسنی دخی تحدید ایدرک جواز طلاقده اوچی و تعدد
زوجہ یه مساعده دردی غایت قیلشدر . اوچ طلاقدن صکره زوجیتک حق
اعاده سی نفسلرک ابا ایده جکی برحال ایله مشروط قیلنمش اولدیغی
کی درتن زیاده زوجہ سی اولانلره دخی عصر رسالته انلردن
یا لکزدردینی اختیار ایتلمری حقمنده امر ویرلشدر .

طلاقه ترتب ایده بیله جک ندامتک تلافیسی مصلحتنجه
طلاقده عددک مشروعیتی معقول اولدیغی کی تکثیر نسل مصلحتنجه
زوجاتک جواز تعددی دخی معقولدر . اتمکک بیوکی خیرک
چوغندن اولمق طبیعی و بین الافوام تزايد نفوس مطلوب قطعیدر .

بونکله برابر طلاق اولسون تعدد زوجہ اولسون دین
اسلامدنه واجب نه ده منسوبدر بلکه عند الحاجة مأذون فیدر .
طلاق آتیاً مبین اولدیغی اوزره شرع اهل اسلامده حلال بحت
(مباح محض) بیله دکلدر . حدیث شریفده « جناب حقجه اک
سومسز اولان حلال ، طلاقدر ، بیورلشدر . تعدد زوجہ حقمنده
دخی حضرت شارع جل جلاله (فانکحوا ما طاب لکم من النساء
مثنی و ثلاث و رباع) قول کریمیه اذن و برمکله برابر (وإن خفتم
أن لا تعدلوا فواحدة) دیوردن زیاده زوجهلری اولانلرک نفقه

و نوبت عدالتیله مکلف بولندقلربی اشعاراً اولویت بره اقتصار
ایدلمکده اوله جغنه ارشاد بیورمشدر .

عمل اقتضایه مبنی و علاج علمته کوره اوله جغندن انسان
حاجت صحیحه ایله محتاج بولندیغی شیئه مأذون اولمق اندن ممنوع
بولنمقدن احقدر ، « الامر إذا ضاق انسع » یعنی ایش طارالدیغی
وقت ککشلر قاعده سی شرعی اولدیغی کبی همدده طبیعیدر
تعدد زوجیه قولاً معترض اولانلر فعلاً بر قادینه منحصر دکلردر .
طلاقه معترض بولنالر دخی انی قلباً متمنیلردر . انلرجه تعدد فراش
واقع ، و فقط نسل و ذریت ضائع ، در . نسل اضاعه ایدلمدیکنه
کوره مادر بخطادر ^(۱) .

اشته اهل اسلامک بویابده انلردن فرقی تعدد فراشک دخی دائره
مشروعیتده اولسی و نسل و ذریتک مشروعا متزاید بولنمسیدر .

دین اسلامده ارکککلر متعدد زوجیه اتخاذینه مأمور اولمداقلری
کبی قادینلر دخی اشتراک ^(۲) قبولنه مجبور دکلردر . بوندن طولانی

(۱) مادر بخط اولان ولده عربیده (نفل) دینور جمعی (نفول) کلور حرامزاده
دیگدر . حرامزاده یه (ولدا الزنیة) دخی دینور مقابلی اولان حلالزاده یه (ولدارشده)
تعبیر اولنور . لفظ زنیة زه مکسور و نون ساکندر . لفظ رشده ده را مفتوحدر
مکسور دخی اولور .

(۲) بردن زیاده زوجیه سی اولان کیمسه نک زوجهلرندن هربری دیگر نک
(ضره) سیدر . اکان (جاره) دخی دینور . لسانعزده اورتاق تعبیر اولنور . جاره نک
جمعی طوغریدن طوغری یه (جارات) اولدیغی کبی ضره نک دخی جمعی (ضرات) در .
(ضرائر) دخی کلور . قال الشاعر :

شهدت لحسن صفاتها ضرائها والفضل ماشهدت به الأعداء
وقال : كضرائر الحسنة قلن لوجهها حسداً وبغضاً انه لدمیم

بین الزوجین مفارقت و قوعه کلدیکی ده اولور . بوندن ده قادینلرک
 شرع اهل اسلامده ظن اولندیغی وجهله اسیر کبی اولمقلری ا کلاشیلورکه
 قادینلر قوجه لرندن طلاق ایستییه بیلمک حقنی ده حائز بولنیورلر دیمکدر .
 وان یتفرقا یغن الله کلاً من سعته .

کاشکی متعدد زوجه اداره سنه مقتدر ارلر اولسه ده مزارع أنسال
 اولان بر چوق نسوان اولرده معطل قالوب ^(۱) قوجامسلر ! تولدات
 انائییه ذکوریه دن اکثر اولمقله برابر قادینلرک حیض و حبیل ^(۲) کبی
 عوارضه معروض بولنملری وسن ایاسه ^(۳) واروب نسلدن کسلملری
 دخی بو مسئله لر ایچون ارککلره حق ویرمکده در .

محمد ذهنی

و کم من عائب حکما عحیحاً و آفته من الفهم السقیم .

- (۱) فیزک بلوغندن صکره اوده قالمسنه (عنوس) دینور صفقی (عانس) در .
 جمعی (عوانس) در . عنوسک متعدیسی آفتیسدر .
 (۲) حبیل جبیل وزنده کبه قالمقدر .
 (۳) سن ایاس ایچون کتاب الطهاره مزک (احوال نساء) فصلنه باقکز .

کتاب النکاح

دين اسلامده ازدواجك ايكي طريقى واردركه برى تسرى وديكرى استنكاحدر^(۱) بونلره اوچنچى اولمق اوزره بر طريق ثالث يوقدر . بوده احرار مسلين ايجوندري . تسرى ملكه بنا ايدلمش اولديغندن مالك مال اوله ميان مملوكلك (احرار اولميانلرك) ازدواجلى طريق ثانى يه منحصر قالور^(۲) .

تسرى : سريه اتخاذا ايتملك يعنى اوطهلق جاريه ايدنمكدري^(۳) حر مسلم كندينك مستقلاً مملوكى اولان جاريه نك رقبه سى ضمننده متعه سته دخى مالك بونلور .

(رقبه) مملوكك ذاتى و (متعه) انك منفعت مخصوصه سى ديمكدري . (مستقل) قيدي ابضاع^(۴) قبول اشتراك ايتمد يكدندري . ذى قدرت اولان حر ديله ديكي قدر تسرى ايده بيلديكي كبي درت زوجه دخى استنكاح ايله بيلور .

(۱) نكح الرجل والمرأة أيضاً من باب ضرب وامرأة ناكح ذات زوج واستنكح بمعنى اه مصباح .

(۲) افندى كولهيه جاريه ويررك انى وطئه مأذون ايتملكه دخى كولهيه آنك وطئى حلال اولماز . ابن عابدين بونى (نكاح الرقيق) ده تصریح ايتمشدر . مسئله بهجة الفتوانك مسائل شتاسنده دخى مصوردري . اصولده مقرر دركه رق مالكيت ماله منافيدري . رقيق مالدين برشيئه افنديسى اكتمليك دخى ايتسه مالك اوله ماز .

(۳) تسرى ترقى وزنده اولديغى كبي سريه دخى ذريه وزنده در جمعى (سرارى) در اكا (سريه) اطلاق سردن ياخود سروردندري .

(۴) أفعال قفلك جمعى اولديغى كبي ابضاع دخى ضم باء ايله اولان ابضاع جميدري قادينك موضع تناسلى ديمكدري .

تسری محتاج استنکاح دکدر^(۱) و بو ارکه مخصوصدر
قادرین کندی کوله سنه تمکین نفس ایدمز و آزاد ایتدکجه اکا
واره ماز .

استنکاح : نکاحلا مقدر .

نکاح : قصداً ملک متعین مفید اولور بر عقددر .

(قصداً) قیدی تسری ایچون جاریه اشتراسنه شامل اولماق
ای وندرکه انده مقصد اصلی ملک رقه و بونده ملک متعه در .

(ملک رقه) ذاته مالکیتدر (ملک متعه) تادینک منفعت
مخصوصه سنه مالکیتدرکه نکاحی ممنوع اولمین تادیندن ارکه
استفاده سی حلال اولمقد^(۲) . او استفادیه استغناغ تعبیر اولنور .

(۱) نکاح تخری ایچون محرمات فصلنده اسباب شرعدن اولان ملکه
راجعت ایدکز .

(۲) حلالیت مذکوریه محل اولان قادینه (حایه) تعبیر اولنورکه زوجیه
وجارییه شاملدر . جمعی (حلائل) در . (زوج) اش مناسبه اولدنیچون
زوجیندن هر برینه اطلاق اولنور و توأمان کی مثنی ده اولور . کتب فقیه ده کلام
متمیز اولق ایچون ارکه (زوج) وفادنه (زوج) دینیالکشددر بالخاصه
لفظ زوجنه جمعی زوجات اولدنی کی هرایکی معاده اولان زوجکدخی حممی
أزواجدر . (و أزواجه امهاتهم) (ولهم فيها أزواج مطهرة) قول کر علرنده
مقصود زوجاتدر . زوج لفظی دخی مولد دکل ، عربی قیددر فرردن بر
شعرنده :

وإن الذي يسمى أفسد زوجتي كساع إلى أسد الشمرى سبيلها

دیشدر . (دیوان علی) دینیلان کتابده دخی شویتلر کورلمشدر :

طلق الدنيا ثلاثاً واسلمن زوجاً سوءاً

إنها زوجة سوء لا باني من أناها

زوجه (بعل) و (حلیل) و زوجیه کسرین ایله (عرس) دخی دنور .

لفظ بعل جمعی اولان بموله قرآن کریمده وارددر . زخمشری نوابه الکامده :

بو بایده عقد . طرفینک ازدواج خصوصنی التزام و تعهد
ایتملریدرکه ایجاب و قبول ایله اولور .
ایجاب : التزام مذکوره دائر ابتدا ایدیلان سوزدر .
قبول : ا کا دائر ثانیاً سویلنان سوزدر
طرفین : زوج ایله زوجه دن و یا آنلرک ولی و یا وکیللرندن عبارت
اولان متخاطبیندرکه انلره (عاقدین) دخی دینور .

نکاحک سببی ، رکنی ، شرطی ، حکمی ، صفتی واردر .
نکاحک سببی : نوع انسانیتک وجه اکمل اوزره بقاسنک
اکامتعلق اولمسیدر .
سبب عمران عالم اولان بنی آدمک انتظام تناسلی انتظام تناکحی
نسبتندهدر^(۱) .

بیرون ز شرع هرچه بود رنج و علتست
قانون حفظ صحت عالم شریعتست
نکاحک رکنی : ایجاب و قبولدر . طرفیندن بری نفسمی
یا خود موکله می و یاخود قیزی سکا تزویج ایتدم دیوب دیکرینک

« أیها الحول القلب امن حیلتنک ؟ أن تجمع المال لبعل حیلتنک » دیمشدر .
فرزدق : وذات حلیل أنکجتها رماحنا حلال لمن یبنی بها لم تطلق
ابن الحکم : وتحزب الدنيا فلا یؤس یدوم ولا نعيم
کل امرئ ستم منه العرس أو منها یتیم
ومما یعجبنی من کلمات العرب قول دعبل الخزاعی :
فاحفظ عشیرتک الأذنین أن لهم حقاً یفرق بین الزوج والمرة .
(۱) احصاءات تولداتیه بوکاشاهددر . زنا مشتمل انواع مفاسددر . سورة
اسراده تفسیر غررازی یه مراجعت اولنسون .

دخی : بنده تزوج ایلدم یاخود نفسم ویا موکلم ویاخود اوغلم
ایچون قبول ایتدم دیمسی کبی .

ایجاب ویا قبول لفظ تزویج ویا نیکاحه منحصر اولمیوب
هیه و تملیک و تصدیق کبی فی الحال تملیک عینه موضوع هر لفظ
ایله نیکاح منعقد اولور^(۱) .

عقدک بر زمانه مضاف ومشیه الله^(۲) ویا بر شرط غیر کائنه
معلق^(۳) بولنامسی واستعمال اولنان صیغه نیک مضارع مستقبل
اولنامسی لازمدر^(۴) .

نیکاحده خیارات جاری اوله ماز . (فصل آتی قبیلنه باقکز)
رهن وایداع کبی ملک افاده ایتیمیان واجاره یاخود اعاره
ویاخود وصیت مثلی یا اصلاً ویا حالاً تملیک عینه موضوع اولمیان
الفاظ و تعبیرات ایله نیکاح منعقد اولماز^(۵) .

کلمه ایجاب ویا قبول بولنمقسرین اعطا ویا قبض مهر مثلی بر
فعل ایله تعاطیا دخی نیکاح منعقد اولماز .

(۱) ترکجه دهکی آلدیم ، ویردم لفظلری معنای نیکاحده صریح اولما مغلله
خطبه وتسمیه مهرکبی قرینه یه محتاج اولدیغی علی افندی نقولنده مذکوردر .
نیکاحله آلدیم ، نیکاحله ویردم تعبیرینه دیه جک یوقدر .
(۲) کتاب طلاق استثنای بخشنه باقکز .

(۳) چونکه شرط کائنه تعاقب تنجیزدر . بونلر اهانتک معلومیدر تعلیق طلاق
بخشنده ایضاح اولنور .

(۴) المضارع عندنا موضوع الحال و بمحتمل الاستقبال فاشهد فی کلمه الشهادة
وأداء الشهادة للتحقیق دون الوعد . ذکره ط فی باب التفویض .

(۵) وصیت مابعد الموت مضاف اولان تملیکدر . مقید بالحال اولان ایضاً
ایله عقد صحیح اولور : أو صیت لك بیضع ابنتی للحال بألف درهم . کما فی رد المحتار

حاضرک کتابتیلہ دخی نکاح منعقد اولیوب غائب عن المجلس اولانک کتابتی ومضمونته شاهدلرک اطلاق ایله منعقد اولور .

ایجاب وقبول اثناسنده مهر تسمیه سی نکاحک رکئی یاخود شرط صحتی دکلدر^(۱) (محله امامنک و عقد ایتدم ، دیمسنده حاجت یوقدر^(۲)) . اگر تسمیه مهر ایجاب و وصل اولنورایسه قبولکده آکا کوره اولسی لازم کلور^(۳) .

نکاحک شرطی : زوج وزوجه مانع شرعیدن خالی اولمق وعاقدر یکدیگرینک ایجاب وقبولی ایشیدر اولمق^(۴) و حین عقد ده انلرک ایجاب وقبوله دائر اولان سوزلرینی ایشیدیجی حر ومکلف ایکی مسلم شاهد ویاخود صفت مذکوره اوزره بر مسلم ایله ایکی

(۱) بلا ذکر مهر وحتی نفی مهر ایله نکاح صحیح اولور . صحت عقده مهر مثل ترتب ایدر .

(۲) عقد وافعک وثیقهیه ربطی مستحب اولمق امامک او مجلسده ایشی کتب وتوثیقدر . کما یأتی من ط . عقد نکاح قیزک بولندیغی محله امامنده مشروط دکلدر . کما فی خلاصة الأجوبة عن النتیجة .

(۳) مثلاً پدر : قیزی سکاشوقدر غروش مهر مقابلنده تزویج ایتدم . دیو ایجاب ایتمش اولمق تقدیرنده زوج اوله جق عاقدک دخی اولوجهله قبول ایتسی لازم ایکن : نکاحی قبول ایتدم اما مهری قبول ایتدم . دیمسی عقدی ابطال ایدر . عقدک یکدیگره مطابق ایجاب وقبول ایله تمامندن صکره . مهرده خط وهبه ویا تزئید طریقیه تصرف جائز اولور نتکیم بیانی کلور .

(۴) أى ولو حکماً کالکتاب إلى غائبة . وينعقد النکاح من الآخرس إذا كانت له إشارة معلومة . رد المختار .

مسئله بولنمقدرد . ولوکه شاهدلر طرفینک اصول ویافروعدنلر
اولسونلر (۱) .

اهل کتابدن اولان یعنی یهود ویانصاری دیننده بولنان
قادینی مسلک تزوجنده شاهدلرک اسلامی شرط اولمیوب اهل
کتابدن ایکی کشینک بولنمسی دخی کافیدر ولوکه انلر قادینک اهل
ملتندن اولسونلر .

(الله تعالی نك ورسوائك یاخود ملکلرک شهادتیه نكاح ایتیمک
صحیح اوله ماز .)

زوجک مانع شرعیسی حر اولدیغنه کوره درت وحر اولدیغنه
کوره ایکی منکوحهسی اولق یاخود کندیسى غیر مسلم یاخود
مرتد ویازدین بولنمقدرد .

(عدت رجال ایله معتد بولنمق دخی زوج ایچون مانع شرعیدر .
عدت بحثنه بافکزد .)

زوجه نك مانع شرعیسی بشقه سنه منکوحه یاخود هنوز
معتده (۲) ویاخود مشرکه (بت ویا آتش پرست) اولمقدرد .

(۱) وإن لم یثبت النکاح بهما عند الادعاء والانکار . قال ط وینبغی أن
یکون النکاح فی کتابة الوثیقة کالعتق فإنه یتوجب للعبد أن یتب لاعتق کتاباً
وشهد علیه وثیقاً وصیانة عن التجاحد اه بتصرف .

زید عمروه : صغیره قیرم هندى اوغلاک بکر صغیره نکاح ایله ویردم .
دیوب عمرو دخی : بکر ایچون آلدیم قبول ایتدم . دیوب لکن اول مجلسده
عمروک کبر اوغللری بشر و خالد بولنوب آنلردن غیری کیمسه بولنسه
نکاح مذکور منعقد اولهرق هند مزبورہ بکر مزبورک منکوحهسی اولورمی ؟
الجواب : اولور (نتیجه) .

(۲) عدت بکله مکده اولان قادیندرکه زوجنک وفاتی ویاعبدال دخول طلاق
اوزرینه مدت معلومه تربص وتوقفده بولنش اولور .

آخرک مملوکه سی اولمق و یهود و یانصاری دیننده بولنمق مانع دکلدر. ارتداد^(۱) قادین ایچون دخی مانع عقد نکاحدر .

اردهه نسباً و یا رضاعاً قرابت قریبه و یا مصاهرت اولمق و کسندی زوجی حقننده زوجه اوچ طلاق ایله مطلقه بولنمق دخی ایکی طرف ایچون مانع شرعیدر . (محرمات فصلنه باقکمز)

قادین حره بالغه و عاقله اولدیغنه کوره انک ، وصغار و او حکمه بولنانلر حقننده صفات مذکوره اوزره اولان ولی مسلیک رضاسی صحت نکاحده و زوجده کفءات^(۲) لزوم نکاحده^(۳) شرطدر . كما فی النتيجة .

لکن بوبابده رضانک معنای اشراطی صورت اولاده^(۴) ولینک حره بالغه اوزرینه ولایت اجباری اوله مامق دیمکدر . یوقسه معدوم رضا اولان اکراه مانع صحت نکاح دکلدر^(۵) .

صغیرک و صغیره نک بالولایه انکاحی صحیح اولمغه زوجینده ، وصبی یمیزک و کالتی صحیح اولمغه مباشر عقدده بلوغ شرط دکلدر^(۱) .

(۱) ارتداد : دین اسلامدن دوشمکدرکه دینسز اولمغه ده شاملدر .

(۲) کفءات فصل مخصوص ایله مبیندر ، مهر و نفقه یه قدرت دخی اوجلا دین اولمغه آنلری نقل نتیجه وجهاله آیروجه ذکره حاجت یوقدر .

(۳) لزوم : صحتک مافوق بر معنادر . آئیده نفاذ ایله برابر هامشاً تعریف اولنور .

(۴) والصورة الثانية لم تظهر فيها ثمرة الاشتراط المذكور .

(۵) فإنه من الأمور العشرة التي يجمعها قول القائل :

طلاق عتاق والنكاح ورجعة وعفو قصاص واليمين كذا النذر

ظهار وإيلاء وفي إلهذه تصح مع الإكراه عدتها عشر

كما في المرأة وضمو إليها أموراً إلى أن أبلغوا العدد عشرين كما تراه في الدر .

(۶) مرقانک « ویصح تصرفه وکیلا » قولنک شرحنده « اذ فی الصحة

اصیل اولسون اولسون عاقدده تمیز شرطدر ، مجنونك وصی غیر میزك مباشرتیه نکاح منعقد اولماز .

بلوغ و حریت بشقه سیچون دکلده^(۱) کندی نفسیچون مباشر عقد اولانده شرط نفاذدر^(۲) . صی میزك و مملوكك عقدی اجازت ولی و مولایه موقوفدر^(۳) .

نکاحك حکمی : حلالیت و حرمت مصاهرت و وراثتدر .
زوجین بینلرنده زوجیت قائم اولدقجه^(۴) شرعاً مأذون فیه

— اعتبار للآدمية الخ « دینامشدر . مطبوع نتیجهك شروط نکاحه دائر تنفدن اولان نقلنده کی « أو وکیل مکلف » عباره سی هر تقدیر ابراهیم صائب بصره سی ایسه ده غلط طابعدر . عبارۀ صحیحه « أو وکیل أو متکلف » درکه متکلف فضولیدر .

(۱) چونکه وکالته بلوغ شرط اولدیغی کی حریت دخی شرط دکلدر . بهجة الفتوانك نکاح وکیل فصلنده شویله مذکوردر : « هند نفسی عمروه تزویج مراد ایتدکده عمروك قولى بکری تزویجه توکیل ایدوب بکر دخی شاهدین محضرلرنده هندی عمروه تزویج ایله عقد مزبور صحیح اولورمی ؟ الجواب : اولور » .

(۲) نفاذ دخی لزوم کی صحتك فوقنده بر معنادرکه اجزاء تصرفك یکدیگره ارتباطندن عبارت اولان انقاده اثر ترتیدر . مثلاً بیع فضولی منعقددر اما نافذ دکلدر .

لزوم : ترتب مذکورك بلا تراضی رفمی ممکن اولماقدیر . بر عقدك نقادی اکا حق غیر تعلق ایتمکله در . لزومی خیاراتدن عاری اولقله در .

(۲) نفع و ضرر بیننده دوران ایدن هر تصرفك نفاذیچون اهلیت بلوغ یا خود انضمام رأی ولی شرطدر . صی میزك و مملوكك بو بایده توکیلی دخی بویله در . تکمیل فصل آتینك منتهای قربنده مذکوردر .

(۴) ولو حکماً کما فی المطلقه الرجعية مدة العدة .

اولان وجه اوزره یکدیگر نندن مستمتع اولورلر^(۱) . اشته حلالیت بودر . بوکا کسر حاء ايله (حل) دخی دینور .

زوجك اصول وفروعی زوجیه و زوجه نك اصول وفروعی زوجیه محرم اولوب ارتق انلرله تناكح ایديله مزكه حرمت مصاهره ده بودر^(۲) . برکیمسه یتشمش اوکی قیزی و یاقاین والدہ سنی حس دیگر ايله مس و یا تقییل ایتسه زوجہ سی کندیسنه حرام اولمق و برفادین یتشمش اوکی اوغلی و یاقاین پدری ايله بویله معامله ده بوانسه زوجی کندیسنه حرام اولمق دخی مقتضای حرمت مصاهره در . (محرمات فصلنه باقسکز) .

زوجیندن برینك وفاتنده دیگرکی ا کا فریضه مقدرده سی وجهله وارث اولور . اشته وراثتده بودر .

بونلر هپ عقد صحیحہ کوره درکه نکاح واقع استجماع شروطیله صحیح اولد قده زوجہ حقمنده عقد دیگره مانع اولمق و زوجہ نفع زوج ایچون حبس نفس ایتمک و بناء علیه اودن انجق اذن زوج ايله چیقہ بیلک و مهر و نفقه زوجہ عائد اولمق دخی جمله احکام نکاحدندر . آنیاً تفصیل اوانور .

نکاحك صفتی : عند التوقان (شدت آرزو حالنده) واجب و بلکه فرض ،^(۳) ، و عند الاعتدال سنت مؤکده ، و خوف جور

(۱) مستمتع : سالف الذکر استمتاعدن اسم فاعلدر . استفاده زوجیه ده شاملدر .

(۲) نکاح صحیح ثمره سی اولان حرمت مذکوره زنا و رضاع ايله ده ثابت اولور . تکمیل فصل محرماتده تفصیل اولور .

(۳) بان يخاف الوقوع فی الزنا لولم يتزوج بحيث لا يمكنه الاحتراز منه

حالنده مکروه ، و یتیقن جور صورتنده حرام اولمقدّر .

وجوبده مهره مالک و نفقه یه قادر اولمق و جور ایدیجی اولماق شرطدر .

حال اعتدال : « زناده واقع اوله جق درجه ده توقان اوزره اولماق ايله برابر مهره و نفقه یه قدرت ، ايله مفسر و آنده دخی جور ایتامک ایچون نفسندن امین بولنمق شرطی معتبردر .

عقد نکاح جمعه کونی اولمق و مسجد ایچنده اجرا اولنمق مندوبدر ^(۱)

بین العیدین دخی نکاح و زفاف بلا کراهه جائزدر . کما فی رد المحتار .

رکننده مذکور اولدیغی اوزره نکاحده خیارات (بخیر لکیر) جاری اوله میه جغندن خیاری رؤیت ^(۲) و خیاری عیب ^(۳) و خیاری

الا به لان مالا یتوصل الی ترک الحرام الا به یكون فرضاً له بحر . وفی قوت القلوب لأبی طالب المکی : قال سبحانه وأنکحوا الایامی منکم الایة فامر المحتاجین وندب المعصومین فالنکاح فرض مع الحاجة وسنة علی الکفاية ثم وعدهم تعالی الغنی علی الفقر .

(۱) مسجد ایچنده اولسنک مندوبیتی حدیثده اوله امر اولندیغنه مبیدرکه « أعلنوا هذا النکاح واجعلوه فی المساجد » بیورلمشدر . جمعه کوننده اولسنک مندوبیتی یوم جمعه نیک اشرف ایام اسبوع اولسنه مبیدر . کافی ط . (دیوان علی) دینیلان کتابده دخی .

وفی الجمعیات تزویج و عرس ولذات الرجال مع النساء دینلمشدر . بونده کی عرس ضم عین ایه درکه زفاف و طعام زفاف معنالرینه در .

(۲) کورنجیه ده ذک بخیر اولمق .

(۳) عیب و قصور دن سالم اولمق اوزره بخیر لک .

شرط (۱) و خيار و وصف (۲) معتبر اوله‌ماز . طرفیندن بری و یا ایکسی عقدده بولردن برینی درمیان ایتسه لرده نکاح جائز و شرط لغو اولور (۳) . بناءً علیه زوجیندن بری دیگرینک کورلکدن و چولاقلقدن و کوتورملکدن سالم اولسنی و یاشو و جهله کوزل و یا هنرور بولنمنسی و زوج زوجہ‌نک بکارتنی شرط قیلسه‌ده خلافی ظهور ایلسه بخیر لک قالماز (۴) .

-
- (۱) طرفیندن بری و یا ایکسی مدت معلومه ایچنده نکاحی فسخ ایتمک یا خود اجازت و انفاذ ایلک بخیرلکنده بولنق .
- (۲) بر صفت مرغوبه ایله اتصاف بخیرلکی درمیان اولنق .
- (۳) الا إذا كان العيب هو الجب والخصاء والعنة فإن المرأة بالخيار وهذا عند أبي حنيفة وأبي يوسف رحمهما الله تعالى . هندیه .
- (۴) بر وصف مرغوبه مبنی مهرمثلندن زیاده بی تسمیه ایتمش ایسه آنک فقدانی او زیادهیه مؤثر اولور .

نکاح حده و کالت و عقد فضولی

ازدواج ایدجک حرّ بالغ ایله حرّه بالغه عقد نکاحی شهود محضرنده بالذات اجرا ایده بیلدکلی کی بالتوکیل دخی اجرا ایده - بیلورلرکه برینک بالذات کندی و دیکرینک وکیل یا خود ایکسینک ده وکیل عقدی یا پمش اولور .

ملوک و غیر بالغ عقدی موقوف اجازت اولغله انلرک بوبابده توکیل یعنی کندی طرفلرندن وکیل تعیین ایتملری ده صحیح و ثمره دار اولماز . وکیلک انجق عاقل و میز اولسی شرط اولدیغندن ملوک و معتوه و صبی میز وکیل اوله بیلور .

توکیل - که برکیمسه کندی ایشنی (ما نحن فیله نظرآ عقد نکاح خصوصنی) بشقه سنه تفویض ایدوب انی اولبابده کندی برینه اقامه ایلسکدر - محتاج اشهاد دکدر .

خوف انکاره مبنی اشهاد اولنمقده در .

توکیلده اشهاد شرط اولمادیغندرکه زوجه زوجه خطاباً « سن بنی هر نه زمان تطلیق ایدرسه کینه کندی نفسکه بنی تزویجه سنی وکیل ایتدم » دیوب زوج دخی قبول ایتمکه وکالت منعقد اوله رق زوج انی برطلاق بائن ایله تطلیق ایتدکدن صکره شهود محضرنده « بن مطلقه مفلانه نی کندمه تزویج ایتدم » دیمکله زوجه سنی یه زوج ایتمش واکا أزواج معامله سی ایتمک کندیسنه جائز و حلال اولمش اولور .

وکیلده شرط اولان عقل و تمیز در . بلوع و حریت و ذکورت

شرط دکلدر . وکیل ولوکه عبد غیر بالغ ویا قادین اولسون انک محضر شهودده اولان عباره سیله نکاح منعقد اولدیغی کبی عبارۀ فضولی ایله ده منعقد اولور .

کشینک کمندی فعلنه شهادتی مقبول اولدیغندن وکیل، هم عاقد و هم شاهد اوله ماز ایسه ده موکلک حضورنده وکیل مکلف شاهد دیمکدر . بناءً علیه انک حین عقد نده موکل مکلف دخی حاضر اولور ایسه برشاهددها بولنمق کافی اولور^(۱) .

فضولی : نه اصیل ونه وکیل نه ده ولی اولمیاندر . بلا اذن شرعی متصرف (ایشه مداخل) اولدیغیچون آنک عقدی متوقف اجازت بولور . مجیزی یا اصیل ویا ولی اولور . (ولی بوبابده مولایه دخی شاملدر ولایت و نکاح رقیق بابلرینه باقمکز .) قبل الاجازه زوجیت و حلالیت حاصل اوله مدیغی کبی وفات وقوعنده ترکه دن مهر ویا میراث طلبنه حق ده اولماز .

بعد الاجازه عقد لازم اوله رق فسخی محتمل اوله ماز . بنابراین برحرۀ بالغه نفسی شهود محضرنده فلان ذانک غیابنده اکا تزویج (ایجاب) ایدوب فضولی برکیمسه دخی او ذات ایچون قبول ایلسکله او ذات واقف اوله رق عقد واتعی اجازه ایلسه نکاح منعقد ولزام اولمغله زوجه ندامت ایدوب جایه مدیغی کبی

(۱) حرۀ بالغه حضورنده ولی دخی بویله در مثلاً پدرک عقدی صورتنده حرۀ مکلفه اولان قیزک حضوری انی بالذات مباشر عقد ایتدیره رک پدرینک شاهد اعتبار اولنمی جسبیه دیگر بر شاهددها بولنمق کافی اولور . بخلافها إذا كانت غیر مکفۀ أو كانت غیر حرۀ فی تزویج المولی .

زوج دخی اجازتنه نادم اولوب عقد مذکوری فسخ ایده مز
(ایتدیره مز) .

کذلك حرة غیر بالغه فی فضولی برکیمسه و لیسنه طانشیمیه رق
مهر مثلیله کف و مناسبی بر ذاته شهود محضرنده تزویج ایدوب و ایسی
دخی واقف اوله رق مجیز اولور ایسه نکاح منعقد و نافذ اولور (۱) .
حر صغیرک دخی حکمی بویله در .

اجازت مولایه نظرا غیر حرك انسکاحی دخی اجازت ولیه نظراً
انسکاح صغیر و صغیره کبیدر . (نکاح رقیق بابنه باقکز)

حر برکیمسه بالغه قیزی کندیسنه طانشیمیه رق محضر شهوده
طالب مناسبنه تزویج ایدوب مهر تسمیه ایلسه بعده بلا تسمیه مهر
فلان ذاته تزویج ایلد یکنی قیزینه سویلیوب اودخی رد ایتیمیه رک
سکوت ایلسه عقد مذکور نافذ و او قیز اوذاتک منکوحه سی
اولور (۲) . و مهر مثل لازم کلور .

نکاح فضولینک نفاذی اجازت مجیز ایله اوله بیله جکندن
برکیمسه برینک جاریه مملوکه سنی اکا طانشیمیه رق شو قدر غروش

(۱) هند صغیره یی اجانبدن زید ولی اقربی آناسی زینبک اذنسر مهر مثلیله
کفیء عمروه تزویج ایدوب بعده زینب واقفه اولدقدن عقد مزبوری مجیز اولسه
عقد مزبور نافذ اولور می ؟ الجواب : اولور . (علی افندی)

(۲) انکجه جاریه نک اکثری وکالت صورتیه اولوب موکله ایسه بر چوق
قادیئر ایچنده بولنه رق متعین اولماغلا وکیل فضولی قبیلندن اولیورکه عقد واقع
موکله نک اکا رضاسی و اجازت فعلیه سی ایله تمام بولیور دیعکدر . کما فی ط .

مهر تسمیه سیله شهود محضرنده تزوج ایدوب صاحب جاریه واقف اولدوقده قبول ایتسمه نکاح منعقد اولماز (۳۰) .

کندلک برکیمسه فضولی اوله رق دیلسز بر ذاتک صغیره قیزی شهود محضرنده مهر مثلیله برینه تزویج ایدوب قیزک بی زبان بولنان پدیری عقدی اکلا دوقده قبول ایتمیوب اشارت معهوده سیله رد ایلسه نکاح منعقد اولماز .

تعلیق اجازت اجازت اولدیغندن برکیمسه همشیره بی حره بالغه بی اکا طانشمیه رق محضر شهودده طالب مناسبنه تزویج ایدوب بعده همشیره سنه سویلدکده همشیره سی : « اکر والدهم راضی اولورسه بنده اجازت ویردم » دیمش اولمقله اجازت ویرمش اولماز . بناءً علیه اندن صکره کی ردی ایله عقد مذکور مردود و منفسخ اولور .

فضولی بر طرفدن اولدیغی کبی ایکی طرفدن ده اوله بیلور و او حالده عقد هر ایکی طرفک متوقف اجازتی بولنور .

برکیمسه ایکی طرفک ده وایسی ویا وکیل اوله رق یا خود بر طرفدن اصیل و دیگر طرفدن ولی ویا خود بر طرفدن ولی و بر طرفدن وکیل یا خود هم وکیل و هم اصیل بولنه رق نکاح ایکی طرفتی ده در عهده ایده بیلور :

(*) بوصور تده اوکیسه نکاح مزبوره بناء جاریه مزبوره بی طء ایلمش اولسه صاحب جاریه اوکیسه دن جاریه نک مهر مثل و مساسندن اقلنی آلمه قادر اولور . نکاح موقوفه کی دخول نکاح فاسدده کی دخول کیدر . حد ساقط ، نسب ثابت و مهر مثل و مسادن اقل لازم اولور . (بهجه) .

مثلاً بدر کندی صغیر اوغلی ایچون کندی تحت ولا یتنده بولنان
صغیره برآدر زاده سنی محضر شهود ده عقد و تزویج ایدر اولدیغی کبی
افندی یاخود خانم دختری جاریه مملوکه سنی کندی عبد مملوکنه شهود
محضرنده تزویج ایلرکه بوا یکی صورتده مباشر عقد ولی طرفین
اولمش اولور .

ارککک تزویجه توکیل ایتدیکی کیمسه یی قالدین دختری تزویجه
توکیل ایتمش بولنمق صورتده شخص واحد ایکی طرفکد، وکیل
اولمش اولور .

ولایت کندیسنه منتهی اولان عمرزاده عموجه سنک صغیره (یعنی
نابالغ) قیزی نی نفسنه تزویج ایتمک صورتده کندی طرفندن اصیل
وقیز طرفندن ولی بولنمش اولور .

عمرزاده تحت ولا یتنده بولنان صغیره قیزی موکنه تزویج ایتمک
تقدیرنده برطرفدن ولی و برطرفدن وکیل اولمش اولور .

برکیمسه نفسنه تزویج ایچون وکیل اولدیغی قالدینی کندیسنه عقد
ایتمک صورتده کندی طرفندن اصیل و زوجه طرفندن وکیل بولنمش
اولور . کافی الملتقی مع المجمع .

موکک موکل به اولان ایشی بالذات یاپه بیلمکه مقتدر اولمشی صحت
توکیلده شرط اولدیغی و بناءً علیه صبی غیر میزایله مجنونک توکیل صحیح
اولدیغی کبی صبی میزک دختری^(۱) نفع ایله ضرر آره سنده متردد
تصرفاتندن اولان بوبابده کی توکیل رأی ولی انضمام ایتمدکجه نافذ
اوله ماز .

(۱) وکذا من بمناه أعنی المعتوه .

برکیمسه وکیل اولدیغی خصوصده موکلندن مأذون اولدقجه
 بشقه سنی توکیل ایده مز اولدیغندن وکیل تزویج اولان کیمسه ایچون
 بشقه سنی توکیل ایتک یوقدر . مکرکه موکل رأیکله عمل ایت دیواکا
 ضمنأ اولسون مأذونیت ویرمش اوله .

مأذون اولیه رق توکیل ایتمش اولق تقدیرنده دخی وکیل ثانی
 تزویج ایشنی وکیل اول حضورنده اجرا ایدرسه اوده جائز اولور .
 کافی الهندیه .

برقادین یاخود ارکک تزویجه ایکی کشتی توکیل ایتمش اولق
 صورتنده انلردن یالکز بری وکالت ایدرسه جائز اولماز . هندیه .

برقادین نفسنی تزویجه برینی توکیل ایتدکن صکره بنفسها تزویج
 ایلسه وکیل بونی بیلسون ، بیلسون وکالتدن چیقمش اولور . اماقادین
 انی بعد التوکیل وکالتدن اخراج ایلسه وکیل کندیکن عزل و اخراج
 اولندیغنی بیلدکجه وکالتدن چیقمش اولماز : موکله سنی تزویج ایدرسه
 نکاح جائز اولور . هندیه .

محرمات^(۱)

استنسکاح و تزوجلری حرام اولان قادینلر دیمکدرکه مؤقتاً حرام اولانلره دخی شامل اولمق اوزره انواع اسباب تحریم اعتباریله بروجہ آتی تعداد اولنور .

اسباب تحریم شونلردر : نسب ، صهریت ، رضاع ، جمع ، جمع دیکر ، حق غیرک تعاقی ، شرک ، ملک ، طلقات^(۲) .

ذکر اولنان اسباب تحریمک برطاقی مؤبد و برطاقی موقتدر : نسب و صهریت و رضاع سببیلله اولان حرمت مؤبددر . بونلردن ماعداسندن حاصل اولان حرمت انلرک بقاسیلله موقتدر . تنکیم بیانلردن ظاهردر .

نسب سببیلله نکاحی حرام اولان خاتونلر شونلردر : امهات ،

(۱) باب تفعیلدن اسم مفعول مؤنث صیغه سی اوزره جمعدر . یوبابده اصل (ولا تنکحوا ما نکح آباؤکم الخ) دن اعتباراً (حرمت عایمک أمهاتکم الخ) آیات کریمه سیله اولبابده وارد احادیث شریفه در .

(۲) هندیه ده مذکور اولان بو طقوز نوعدر . ردالمحتارک نظم آتیسنده مندرج انواع اثنا عشری تماماً ذکره حاجت یوقدر :

انواع تحریم النکاح سبع	قراة ملک رضاع جمع
کذاک شرک نسبة المصاهرة	وامة عن حرة مؤخره
وزید خمسة أمتک بالسان	طلقة لها ثلاثاً واللعان
تعلق بحق غیر من نکاح	أو عدة خنوة بلا اتضاح
وآخر السکل اختلاف الجنس	کالحن والمائى لنوع الانس

لعانک سبب تحریم اولمسی حکم تلاعنک بقاسیلله موقت اولوب بعداللعان اولان تفریق بر طلاق بائندن عبارتدر . قونانم ابویوسفده فرقت مؤبددر . تنکیم بابنده مینددر .

- بنات ، اخوات ، عمات ، خالات ، بنات الاخ ، بنات الاخت .
- ۱ - امهمات : انالردر . کشی به کندی آناسی حرام اولدیغی کبی
آناسنک آناسی الخ و باباسنک آناسی الخ دخی حرامدر^(۱) .
- ۲ - بنات : قیزلردر . کشی به کندی قیزی و قیزینک قیزی الخ
واوغلنک قیزی الخ حرامدر^(۲) .
- ۳ - اخوات : همشیره لردر . لا بوین همشیره حرام اولدیغی کبی
لاب همشیره یاخود لام همشیره دخی حرامدر^(۳) .
- ۴ - عمات : خاله لردر . کشی به لا بوین اولان خاله سی یعنی
باباسنک آنابابابر همشیره سی حرام اولدیغی کبی لاب خاله سی و لام
خاله سی دخی حرامدر . باباسنک و اجدادینک خاله لری دخی بویله در .
آناسنک وجدانتک خاله لری دخی بویله در^(۴) .
- ۵ - خالات : تیزه لردر . کشی به لا بوین اولان تیزه سی یعنی
آناسنک آنابابابر همشیره سی حرام اولدیغی کبی لاب تیزه سی
و لام تیزه سی دخی حرامدر . آبا و امهاتنک تیزه لری دخی اویله در^(۵)

- (۱) زید آخرت آنا ایدندیکی هندی تزوج جائز اولور . (علی افندی) .
- (۲) اولاد ایدندیکی قیز و آخرت قیزی حرام النکاح دکلدر . تنکیم
احکام دعیده بیان اولنور .
- (۳) سوت همشیره دخی حرامدر : تنکیم رضاعاً اولان حرمتده ذکر اولنور
قاردهشک قادین حرام دکلدر . نسب و رضاعک غیر برطریق ایله ارککک
قادینه قاردهشکی اوله ماز .
- (۴) و أما عمه العمه فإنه ينظر إن كانت العمه القربى عمه لأب وأم وأولأب فعمه
العمه حرام وإن كانت القربى عمه لأم فعمه العمه لا تحرم . هندیه .
- (۵) و أما خالة الخالة فإن كانت الخالة القربى خالة لأب وأم أو لأم فخالها تحرم
عليه وإن كانت القربى خالة لأب فخالها لا تحرم عليه . هندیه .

۶ - بنات الاخ : برادر قیزلیدر . کشی به لابوین اولان برادرینک قیزلری الخ حرام اولدیغی کبی لاب یاخود لام اولان برادرینک قیزلری الخ دخی حرامدر .

۷ - بنات الاخت : همشیره قیزلیدر . کشی به لابوین اولان همشیره سنک قیزلری الخ حرام اولدیغی کبی لاب یاخود لام اولان همشیره سنک قیزلری الخ دخی حرامدر .

صهریت سببیه حرام النکاح اولان خاتونلر درت فرقه در .
برنجیسی : قاین والدلدر . کشی به حلیله سنک ^(۱) آناسی حرام اولدیغی کبی آناسنک آناسی الخ و باباسنک آناسی الخ دخی حرامدر ^(۲) .

ایکنجیسی : اوکی قیزلدر . کشی به زوجه مسدخول بهاسنک ^(۳) قیزلری الخ و اوغللرینک قیزلری الخ حرامدر ^(۴) .
اوچنجیسی : کلین خانملدر ^(۵) . کشی به کندی اوغلنک

(۱) حلیله تعبیری زوجه به و سربیه به (اوطه لفه) شاملدر . « زید زوجه سی هندک آناسنک آناسی زینی شهوت ایله مس ویا تقبیل ایلسه هند زیده علی التأیید حرام اولور . » (نتیجه) . « زید جاریه سی هندک آناسی زینی وطء ایلسه هندک وطئی زیده حرام اولور . » (فیضیه) .

(۲) زید هندی عقد صحیح ایله تزوج ایتدکدن صکره هندی تطلیق ایلسه زید هندک آناسی زینی تزوج ایتک جائز اولماز . (نتیجه) .

(۳) یعنی کوکی کروب وطء ایلدیکی قاریسنک و مستفرشه جاریه سنک .
(۴) قیز کرک کندینک حجر تربیه سنده اولسون ، کرک اولسون . حرمت مذکوره ده والدنک مدخول بها اولسی شرطدر . بو بابده خلوت صحیحه دخول مقامنه اقامه اولنماشدر . هندیه .

(۵) بوراده کلین مجازکونی طریقیه امرأة الابن معناسه در .

حلیله سی حرام اولدیغی کبی اوغلنک اوغلی الخ و نیزینک اوغلی الخ نك حلیله سی دخی حرامدر^(۱) . او غلغلنک^(۲) حلیله سی حرام اولماز^(۳) .

درد نجیسی : اوکی آنالردر . کشییه باباسنک حلیله سی — که کندینک اوکی آناسیدر — حرام اولدیغی کبی جدینک یعنی کرک بابا باباسنک و کرک آنا باباسنک الخ حلیله سی دخی حرامدر . مزنیه سی^(۴) بیله حرامدر .

حرمت مصاهره — که حکم نکاحده مذکور درت حرمتدر — نکاح صحیحک^(۵) نمره سی^(۵) اولمقله برابر رضاع

لغت عربیه ده کلینه (عروس) و بوکا فتح کاف و تشدیدنون ایله (کنه) تعبیر اولنور . قاین آنا (حماة) در . علی الاکثر کلین ایله قاین آنا اره سندنه عداوت مستحکه اولدیغندن أمثال عربیه ده :

ان الحماة اولمت فالکنه * واولمت کنتها بالظنه

وارد اولشدر . ظنه کسر ظاء ایله تهمت معناسنهدر .

(۱) اوغلنک زوجه سنک زوج آخردن اولان قیزی تزوج جائز اولور . فیضیه .

(۲) اوغللق تعبیری ربیبه و دعییه شاملدر . (ربیب) اوکراوغلدر (دعی) تبی ایدیلاندر . آیت کریمه ده حلالی حرام قیانون ابناء [الذین من أصلابکم] قیدیه مقید واقع اولشدر .

(۳) زید زوجه سی هندک زوج آخردن اولان اوغلی عمر و متوفانک زوجه سی زینی تزوج ایدوب هند ایله جم ایتکم جائز اولورمی ؟ الجواب : اولور (علی افندی) .

(۴) مزنیه منهیه و زتنده زن زنا کرده در . باباسنک زنا کرده سی اولان قادینی آلق اوغله حلال اولماز .

(۵) نکاح فاسدده و طء ویا آنک دواعیسی اولمدقه حرمت مصاهره ثات اولماز تنکیم باندنمییندر . و طء کرک حلال و کرک هن شبهه

وزنا ایله دخی ثابت اولور . کشی یه زوجه سنک قیزی وزوجه سنک
آناسی حرام اولدیغی کبی زوجه سنک سوت قیزی وزوجه سنک
سوت آناسی دخی حرامدر^(۱) . زنا ایتدیکی قادینک قیزی
وآناسی وسوت قیزی وسوت آناسی دخی حرامدر .

رضاع سببیه نکاحلری حرام اولان خاتونلر قرابت نسبییه
وصهریه سببیه حرام النکاح بولمان خاتونلر درکه کشی یه نسباً
اولان امهات وبنات و اخواتی الخ حرام اولدیغی کبی رضاعاً
اولان امهاتی وبناتی و اخواتی الخ دخی حرامدر^(۲) . کذلک
صهریت سببیه قاین والدeler الخ حرام اولدیغی کبی سوت قاین والده

وکرک حرام محض اولسون انکله وانک دواعیسیه حرمت مصاهره ثابت اولور .
(۱) بونلری نکاح ایله آلتی حرام اولدیغی کی بونلر ایله عن شهوة
اویناشیق دخی کشی یه کندی حلیله سنی مؤیداً حرام ایدر . « زید زوجه سی
هندک رضاعاً قیزی زینی وطء ایسه هند زیده حرام اولور . علی افندی »
(۲) نسب سببیه حرام النکاح اولان صنوف سبعة یه و آئیده کتاب الرضاعه
باقکر . حجة الله البالغة ده دیرکه مرضعه دخی چوجفک سبب نشو ونمسی
وبادی قیام بناسی اولقده شبیه والده در شوقدرکه والده خلقت ولدینی کندی قارنده
بولندر مقده ومرضعه اکا بعد الولاده سادرمق اولقده در چوجفک اناسندن
صکره بر آناسی ده اودر انک چوجقلری دخی او چوجفک قاردرلرندن
بشقه اکا قاردرلردر . اثناء حضانه سنده او قادی چکدیکی چکمش و بناء علیه
آنالی حق هر نه ایسه چوجفک ذمتنده اکا قارشو او دخی ثابت اولمدر . قال
فیكون تملکها والوثوب علیها مما تمجه الفطرة السلیمة وکمن بهیمة عجماء لانتلفت
إلی أمها أو إلی مرضعتها هذه اللفتة فما ظنک بالرجال اه .

وسوت اوکی قیزی وسوت اولاد حلیله سی وسوت بابا حلیله سی
دخی حرامدر ^(۱) .

جمع سبیلله محرماتدن اولانلر ایکی نوعدر : بری اجنبیاتک
جمعی و دیگرى ذوات الارحامک جمعیدر .

اجنبیاتک یعنی بری برلرینه ییانبجی بولسان قادینلرک جمعی
سبیلله کشتی یه درت قادیندن زیاده سنی و عبدملوک اولد یغنه کوره
(ولو مکاتب و یامدبر کبی صائیلله میه جق کوله اولسون ^(۲)) ایکی
قادیندن زیاده سنی جمعاً تزوج ایتمک جائز اولماز .

تعدد زوجه جائز اولمقله برابر زوجاتک عددی وجه
مذکور اوزره محدوددر . سراری ایچون حد یوقدر ^(۳) أحرار

(۱) کامر و سیاتی فی الرضاع .

(۲) مکاتب و مدبر تعبیرلیچون کتاب الزکاتک یدنجی صفحه سنک
صوکنده کی هاشمه و آیده نکاح رقیق فصلنه باقکیز . هندیده ابنام ولد دخی
زیاده ایدلمشدر . أم ولد آیده ثبوت نسب فصلنده دخی مذکوردر .

(۳) درت زوجه سی و بیک جاریه سی وار ایکن بر جاریه دها اشترا ایتمک
ایستیان اری لوم ایدن کیمسه نک کفرندن قورقیلور چونکه جناب حق (فانهم
غیر ملومین) قول کریمیه آندن سلب لوم ایتمشدر . زوجه سنک اوزرینه اولنمک
ایستیانی لوم ایدنک ده حکمی بودر . متزوج ایکن تزوج و یاتسری ایتمک ایستیان
کشینک حلیله سی : « کندمی اولدیرزم . » دیسه دخی زوج امتناع ایتمه ییلور
چونکه (فانکجوا ما طاب لکم الخ) قول کریمیه مشروعدر . انجق حلیله سنی
غملندر مامک ایچون تزوج و تسری یی ترک ایدرسه مأجور اولور حدیث شریفده
بنم امتمه رقت ایدنه جناب حق رقت و رحمت ایدر مالذیه اولمق اوزره
« من رقی لامتى رقی الله » بیورلمشدر . در مع ط . تعدد زوجه مسئله سیچون
آئیده کی (قسم) مسائلی دخی اوقومق لازمدر .

مسلمیندن اولان کیمسه درتدن و أحرار اولمیانلر ایکییدن زیاده زوجہ جمع ایدهمیه جکلرندن ^(۱) برحر کیمسه علی التعاقب بش قادین تزوج ایدرسه درت او الکیلرک نکاحی جائز و صحیح و بشنجینسکی غیر جائز اولور. اگر انلری عقد واحده نکاحلار ایسه هیچ برینک نکاحی صحیح اولماز.

حر اولمیان کیمسه نک اوچ قادین تزوجی دخی بو حکمه در. (بونلر عددأ اولان جمعک حرمتیدر. بوندن صکره کیلر نوعأ اولان جمعک حرمتیدر) :

ذوات الارحامک جمعی سببیلہ کشیہ ایکی همشیره یی نکاح ایله وانلر کندی مملوکهمی بواندیغنه کوره وطء واستفراش ایله جمع ایتمک جائز اوله ماز. همشیره لر کرک نسبأ قاردش و کرک رضاعا قاردش اولسونلر.

اصل بودرکه هانکی ایکی قادینک بری ارکک فرض اولندقدہ بینلرینه نکاح دوشمز اولور ایسه انلری جمعأ استنکاح و یا تاسری ایتمک جائز اولماز ^(۲).

بناء علی هذا نسبأ و یا رضاعا اولان ایکی همشیره یی نکاحده و یا ملک یمین ایله وطء ده جمع جائز اولمیدیگی کی برقادینی نسبأ و یا رضاعا اولان خالهمی یا خود تیزهمی ایله دخی اولوجهله جمع

(۱) بینلرنده نکاح قائم ایکن جمع ایدیله مدیکی کی انلردن بری مطلقه اولوق تقدیرنده انک طلاق عدتی مدتجه دخی جمع ایدیله مز. عدت بحثه باقکنز.

(۲) برقادینی انک اوکی قیزیله و کذا برقادیی کندی جاریه سیله نکاحا جمع جائزدر. بونلردن صورت اولاده حرمت یالکز برجهتده در. صورت ثانیه ده دخی ذکر اولنان فرض و تقدیره کوره عدم حل نکاح قرابتہ یا خود رضاعه مبنی دکلددر. هندیه.

ایتمک جائز اوله‌ماز (۱) استنکاح صورتنده انلرک ایکیسی جمعا نکاح ایدلش ایسه ایکیسنک ده نکاحلری فاسد اولوب برر برر نکاحلارنمش اولدیغنه کوره اولسکینک نکاحی صحیح وایکسجینک نکاحی غیر صحیح اولور. بونلردن صورت اولاده زوج انلرک هرایکیسندن و صورت ثانیه ده یالکز ایکنجیسندن تفریق اولنور (۲).

ایکی همشیره الخ جاریه‌یه مالک اولان کیمسه انلرک هانکیسینی ایستر ایسه استفراش ایدر. برینی استفراش ایتدکدن صکره دیکرینی آرتق استفراش ایده مز.

کذلک جاریه مستفرشه‌سنک همشیره‌سنی ویا تیزه یاخود خاله‌سنی تملک ایلان کیمسه اولسکینی قوجه‌یه ویررک یاخود اعتاق (۳) ایلیرک ویا بیع ویاخود هبه (۴) ایلله ملکسندن چیتا ررق (۵) نفسنه حرام قیلد قجه (۶) ایکنجی بی استفراش ایده مز.

(۱) زوجه‌سنک قرنداشی قیزی دخی زوجه‌سیله نکاحاً جمع جائز اولماز. عبد الرحیم.

(۲) ایکی خاله ویا ایکی تیزه‌نک جمعی دخی جائز اولماز مثلاً ایکی کیمسه یکدیگرینک والدهلرینی یاخود کریمه‌لرینی تزوج ایدوب برر قیزلری اولسه صورت اولاده قیزلر بری برینک خاله‌سی و صورت ثانیه ده تیزه‌سی اولغله انلری برارکک نکاحنده جمع ایده‌مز. هندیه.

(۳) واعتاق البعض کاعتاق الكل وکذا تملیک البعض کتملیک الكل. هندیه.

(۴) أو صدقة أو کتابه. هندیه.

(۵) انلردن بری صانلق صورتنده عیب‌قدیمی سببيله رد، وتزویج صورتنده تطلیق، و هبه صورتنده رجوع اولندقدده دخی ینه انلردن برینی — دیکرینی نفسنه تحریم ایتدیجه — وطاء ایده‌مز. هندیه.

(۶) بکا حرام اولسون دیعکله دیکری اکا حلال اوله‌ماز. هندیه.

اگر انلرك ايک-يسنی ده استفراش ایتمش بولنور ایسه-هیچ برینک استفراشی کندیسنه حلال اوله ماز . مکرکه انلردن برینی ذکر اولان طریقلرک بریله نفسنه تحریم ایتمش اوله .

برینک جاریه عموکه سنی زوج ایدن کیمسه او جاریه نك همشیره سنی اشترای ایدنجه قدره کا داخل اولماش بولنمق صورتنده دخی آلدیغی جاریه ایله استمتاع ایده مز چونکه منکوحه نك فراشی نفس نکاح ایله اکا ثابت اولور اولد یغندن انك همشیره سنی استفراش ایدجک اولورسه انلری فراشده جمع ایلش بولنور . مستفرشه سنك همشیره سنی زوج ایتک صورتنده نکاح صحیح اولور ومنکوحه یی وطء ایتماش دخی اولسه مستفرشه یی ارقق استفراش ایده مز وانی طرق مذکوره نك بریله نفسنه تحریم ایتدکجه منکوحه یی ده وطء ایلیه مز . اگر جاریه کندیسنه مستفرشه دکل ایدیه انی استخدام ومنکوحه سنی وطء ایلر^(۱) . هندیه .

حرمه یه مضمومه اولان قادینک زوجی حلالدر . مثلاً محرم یاخود ذات زوج ویا مشرکه بولنمق کبی نکاحی حلال اولمیان قادین ایله برابر برقادینی نکاح حلامق جائزدر . حلال اولان قادینک نکاحی صحیح و حلال اولمیان قادینک نکاحی باطل اولور ، مهر مسمانک مجموعی نکاحی جائز اولانکدر^(۲) . هندیه .

(۱) بولر نکاح صحیحه کوره در . اگر جاریه سنك همشیره سنی نکاح فاسد ایله تزوج ایتمش ایسه اکا دخول ایتدکجه مستفرشه یی کندیسنه حرام اولماز. دخول ایدرسه حرام اولور. هندیه .

(۲) وهذا عند ابن حنيفة رحمه الله تعالى . ولو دخل بالتي لا تحل فلها مهر المثل . والمسمى كله المحللة . هندیه .

جمع دیگر سببیلہ محرماتدن اولانلر دخی شوکه : حره
ایله برابر برینک جاریه عموکهسنی نکاحلامق (۱) ویاخود حره
اوزرینه جاریه تزوج ایلمک جائز دکلدر (۲) .

انلری عقد واحده جمع ایتمش اولمق تقصیرنده حره نك
نسکاحی صحیح و جاریه نك نسکاحی باطل اولدیغی کبی حره اوزرینه
نسکاحلانا جاریه نك نسکاحی دخی باطلدر (۳) . اگر اولا جاریه یی
نسکاحلایوب صکره ده حره یی نسکاحلار ایسه ایکسینک ده نسکاحی
صحیح اولور .

مسئله ویا کتابیه اولان جاریه غیری حرك تزوج ایتسی
جائز فقط حره استنسکاحنه اقتدار حالنده مکروهدر (۴) .

حق غیرک تعلقنه مبنی محرماتدن اولانلر : بشقه سنه منکوحه
بولنلر ویاخود انک وفاتی ویا طلاق ووقعنه مبنی هنور عدت
ایچنده اولانلردر (۵) که بوللری نسکاحلایانک نسکاحی باطلدر .

(۱) مکرکه آلدیغی خانمک کندی جاریه سی اوله . ته کیم ۳۵ نجی صفحه نك
ایکنجی هامشده هندی دن تقلا کچمشدر .

(۲) عدت بچشده امهات اولاد مسئله سنی اشهرایله عدتک ایکنجی نوعی
هامشندن اوقویکزر .

(۳) حره مطاقه نك عدتی ایچنده جاریه نسکاحلامق دخی بویله در . طلاق
رجعی اولدیغنه کوره حکم مسئله اتفاقیدر . طلاق بائن یاخود اوج اولمق
صورتنده امامین مخالفدرکه انلرجه نسکاح جائزدر . کای الهندیه .

(۴) چونکه حاصل اولان ولد مشروط الحریه اولدیقه واندسینه تبعاملوک
اولور . نسکاح رقیقه باقکزر .

(۵) تحت مسامده اولان ذمیهدخی بویله در بالانفاق . تحت ذمیده اولان
ذمیہ انلر عدتی معتقد اولدقلرینه کوره عندالامام بوندن مستثادرکه
زوج ذمیسینک وفاتی ویا طلاقنی متعاقب (حامل اولدیقه) مسلم وغیر مسلم
برارککه واره بیلور . کایاتی فی بابہ .

بر قادین آخر دیارده بولنان زوجنک شیوع وفاقی یا خود انی
تطلیق ایتدیکی خبرینک کندیسنه موثوقا وصولی اوزرینه نفسنی
انقضاء عدتندن صکره زوج دیکره تزویج ایده ییلور ایسه ده زوج
اولنک حیا ظهورنده وبوشامدیغنی ادعا سنده ایکنجی نسکاخنک
فسادی متبیین اولمغله اندن تفریق اولنهرق بلا تجمید عقد زوج اولنک
اولور . (نکاح فاسد بابنه باقکمز .)

شرك سبيله محرماتدن اولانلر : مجوسیه (آتشپرست) ووثنیه
(بتپرست) اولان قادینلردر . انلرک حره وجاریه سی مسله
حلال دکلدر .

شمس ونجوم پرست اولانلر ویکندکری صورته طایانلر ومعطله
وزنادقه وباطنیه (۱) واباحیه دن بولنانلر و (ادعاه اسلام ایتدیکی
حالده) اعتقادی کندیسنی اکفار ایدن هر اهل مذهب عبده اوئانده
داخلدر . هندیه .

مشرکه نك ملك یمین ایله دخی وطی مسله حلال اولماز .
کتابیه (۲) کرک حریه وکرک ذمیه اولسون (۳) کرکسه حره

(۱) باطنیه که آنلره تعلیمیه واسمه عیلیه واباحیه الخ دخی دینور امام غزالی
آنارندن اولوب ایضاحات فقیرایله مترجم وایکی کره مطبوع بولنان (المنقذ من
الضلال) ترجمه سنده وسفینه راغبده مشروحدر . أعصار اخیرده انلر
وهاییه اسمنی آملشر وکسوه دین ایچره اوتهدن بروی دین ومهین اهل دین
بولنه کلشلردر .

(۲) وفرق القفال بین الکتابییه وغیرها بان غیرها اجتماع فییه نقصان
الکفر فی الحال وفساد الدین فی الاصل والکتابییه فیها نقص واحد وهو
کفرها فی الحال اه قسطلانی .

(۳) دین اسلام اوزره اولیمان طوائف بتپرست و آتشپرست الخ

ویا جاریه بولنسون مسلم ایچون انی تزوج ایتمک ویا ملک یمین ایله وطاء ایلک جائزدر (۱) شو قدرکه اختلاف دین — رق کبی — مانع ارثدر (۲) . صلب مسلمدن تولد ایدن چوجق مسلمدر .

کتابیه تزوج ایدن مسلم انی کلیسایه و سناغویه کیتمکدن و اوده خمر اتخاذا ایلکدن منع ایده بیلور . دم حیض ویا نفاسدن وجنبلسکدن غسل ایتمک ایچون اکا جبر ایده مز (۳)

(تحت حجابہ آلمقدن بحثه لزوم یوقدر چونکه انلر بلاد اسلامیہ ده

ایسه (مشرک) و (اهل شرک) و یهود ویا نصارادن ایسه (اهل کتاب) تسمیه اولندقدن صکره ذمت اهل اسلامی قبول ایله تحت تابعیت مسالمینده بولنورلرایسه (اهل ذمت) و بولنیورلر ایسه (اهل حرب) تسمیه اولنورلر . اشته (کتابی) کلهسی اهل کتابک و (ذمی) کلهسی اهل ذمتک مفردیدر . مؤنثی (کتابیه) و (ذمیه) در . (حربیه) دخی اهل حربک مفرد مؤنثیدر . اهل حربک بلادی دخی (دارالحرب) اولقله انلردن موقتاً داراسلامده تحت امانده بولسانلری (مستأمن) تسمیه اولنور . انکجه کفار فصلنه باقکز .

(۱) اهل کتابک ذبیحه لری اکل اولندیغی کی قیزلری دخی تزوجه قبول اولنور . مسلمه اولقی اوزره تزوج ایدیلان قادین کتابیه ظهور ایتسه زوج فسخ نکاح ایده مز . کما فی تنقیح الحامدیة . هندیه ده دیرکه اولی اولان انلرک نه قیزلری تزوج ایتمک نه ده ذبیحه لری اکل ایتمکدر . مکرکه اضرورة اوله اه کراعتنک تخریمیه اولدیغی درمختارده مصر حدر . طعطاوی دیرکه اصحابدن حذیفه بن الیمان و کعب بن مالک رضی الله تعالی عنهما حضر تلرینک برریمودیه تزوج ایتمش اولدقلری صحیحدر . حربیه نی دارحربده نکاحلامق مکروهدر اه من موضعیه .

(۲) مهرینی اخذه مانع یوقدر . فیضیه ده مذکوردرکه : وفات ایدن زیده مسلمک زوجهسی هند نصرانیه مهر مسماسنی زیدک ترکه سندن اخذه قادره اولور .

(۳) کتاب الظهاره زک یوز سکسان دردنجی صفحه سنه باقکز .

مستوره بوانمق کرکدر . مستوریتہ دائر استطراداً یازیلان بجی
حقوق زوجین فصلنده اوقویکز) .

ابوینندن بری کتابی ودیکری مجوسی اولانک حکمی حکم
اهل کتابدر (۱) .

مسلمک تزوج ایتدیکی کتابیه تمجس ایتسه (مجوسی اولسه)
نکاحی منفسخ ووطی حرام اولور .

مسلمک تزوج ایتدیکی کتابیه یهودی ایکن خرستیان ویاخود
خرستیان ایکن یهودی اولسه نکاح فاسد اولماز .

مسلمه اوزرینه کتابیه وبعکس کتابیه اوزرینه مسلمه تزوج
ایتمک جائز اولور (۲) .

مسلمه نك هیچ بر غیر مسلمه حتی اعتقادی کندیسی
مکفر اولان مسلم ظاهره تزویجی جائز اولمادیگی کبی (۳)

(۱) چونکه ولد — انکجه کفار فصلنده مذکور اولدیغی اوزره — دیناً
خیرابوینه تابعدر .

(۲) وانلر محلیت نکاحده مساوی اولدقلریچون قسمده دخی مساوی
بولنور . هندیه .

(۳) زیدمسلم أبوبکر الصدیق و عمر الفاروق رضی الله تعالی عنهما حضر تلرینه
سب ولعن ایلسه زیده نه لازم اولور ؟ الجواب : بلا تأخیر قتل اولنور .
سب الشیخین ولعنهما کفر . أشباه . کذا فی فتاوی علی افندی قبیل باب المرتد .
مسلم نامه اولان زید بعض قبائع ایشلمسکله عمرو زیده بو مقوله ایشی ایشلمه آخرت
واردر دیدکده زید آخرتک اصلی یوقدر انسان اوت کبی بتر وینه اوت کبی بتر
بو عالمده صفاک وار ایسه سن دخی ایشلیه کور دیوب بو اعتقاد اوزره مصر
اولسه زیده نه لازم اولور ؟ الجواب : قتل اولنور . کذا فیها فی ذلک الموضع فیما
یکون کفراً من المسلم .

ارتداد ایتمش یعنی دین اسلامدن دوشمش اولان کیسه یه دخی نه مرتهده و نه مسله نهده کافره اصلیه تزویج اولنماز .
مرتهده اولان قادین دخی هیچ کیسه یه تزویج اولنماز .
و ثنیه و مجوسیه نك مرتدن بشقه هر کافره تزویجی جائز اولور .
اهل ذمت مختلف المذهب دخی اولسه لر انلرک بری برلرینه نکاحی جائزدر .

ملك سبيله محرماتدن اولانلر : ممالیکه (کوله بولسانلره)
کوره کندی سیده لری (خانملری) درکه بر حره خاتون کندی نك
مملوکی بولنان کوله یه بلانکاح تمکین نفس ایده مدیکی کبی آزاد
ایتمد کجه انکله تزوج دخی ایده مز .
بالاستقلال مملوکی اولانه واره مدیغی کبی شقه سیله بالاشترک
مملوکی بولنان کوله یه دخی واره ماز .
نکاح اوزرینه ملك یمین وارد اولمق یعنی زوجیندن بری دیگرینه
یاخود انک بر شقه صنه (نصفه ، ربعنه الخ) ارثاً و یا اتمابا مالک
اولیور مک ايله دخی نکاح باطل اولور (۱) .
بر کیسه کندی جاریه مملوکه سنی (۲) (آزاد ایتمدین) تزوج
ایدرسه او نکاح دکلدر . هندیه .

یعنی وجوب مهر و وقوع طلاق و حصول ارث کبی مترتب نکاح
اولان شیلر اکا ترتب ایتمز و بعد الاعتاق او نکاح باقی اولماز . نتیجه .

(۱) المأذون والدبر إذا اشتريا منکوحتهما لا یبطل النکاح و کذا المکاتب إذا
اشتري منکوحته لا یفسد النکاح ، کذا فی الهندیه .

(۲) یاخود مکاتبه منی و یا مدبره سنی یاخود ام ولدینی و یاخود مالک بعض اولدینی
جاریه منی ، کذا فی الهندیه .

کشی کندی جاریه سنی آزاد ایتمش اولمدقجه بلا نکاح
استفراش ایده بیلورکه طریق تسریدر ،
نکاحک لزومی آزادی یه کوره در . لکن فی زماندا تسری ایده جک
کیمسه یه اولی اولان (۱) قبل الاعتاق دخی نکاح ایتمکدرکه
جاریه حرة الأصل اولمق یاخود آزادی بولنمق (۲) احتمالنه مبنی
شبهه حرامدن احتیاط ایدلمش اولور (۳)

طلقات سببيله محرماتدن اولانلر : مبتوته بولنانلر درکه زوجلری
طرفندن حق نکاحلری قطع اولنمش اولمغله انلره حرمت غلیظه
ایله حرام اولمش بولنان قادینلردر . زوجندن اوچ طلاق ایله مطلقه
اولان حره حله کورمدکجه یعنی زوج دیگر کندیسنه دخول ایتمدکجه
زوج اولنه حلال اولماز .

(حره اولمیان زوج حقه ایکی طلاق ، حره حقنده کی اوچ
طلاق کبیدر . کتاب طلاقه باقکیز) .
حره اولمیان منکوحه نك ایکی طلاقدن صکره زوجنه بلا حله
نکاح ایدلمسی حلال اولمدیغی کبی ملک یمین ایله وطء اولنمسی ده
حلال اولماز .

(۱) عبارة الهندية : قالوا في هذا الزمان الأولى أن يتزوج جارية نفسه حتى
لو كانت حرة كان الوطء حلالاً بحكم النكاح اه .
(۲) بان كانت معتقة الغير أو مخلوقاً عليها بعقتها وقد حثت الخالف . وكثيراً
ما يقع ذلك . ولا سيما إذا تداولتها الأيدي . نتيجة عن الأشباه .
(۳) بوكا (نکاح نرهمی) دیورز . جاریه بونسکله آزاد ایدلمش اولماز .
وافندینک وفاتنده جاریه او نکاحدن طولانی ترکدن میراث آلهماز . کما هو المصرح
به في نكاح النتيجة وفي باب نكاح الرقيق من فتاوى على أفندی .

متهای طلاق حره حقننده اوچ و جاریه حقننده ایکی اولدیغندن
برکیمسه حره اولان زوجه سنی یادفیه و یا متفرقا اوچ طلاق ایله
تطلیق ایتدکن صکره اوقادین بعد اتقضاء العدة نکاح صحیح ایله
زوج دیکره واروب واکا مدخوله اولوب بعده بالطلاق و یا بالوفاة
الذی آیریلهرق عدتی منقضیه اولمدیجه او کیمسه یه نکاح لانماز .
آخرک مملوکه سنی تزوج ایتمش اولان کیمسه دخی آنی دفیه
ایکی طلاق ایله و یا ایکی کره تطلیق ایتدکن صکره آله ییلک
— ولوکه او جاریه یی بالآخره کنیدیسی اشترا و اعتاق دخی
ایتمش بولنسون — انجق انک بروجه مذکور زوج دیکره
واروب آیرلسیله جائز اولور . کما فی الهندیه .

نکاح موقت باطلدر . مدتک اوزون وقیصه اولمسنده و معلوم
و یا مجهول بولنمسنده فرق دخی یوقدر . هندیه ^(۱)

(نکاح متعه) دخی باطل اولان نکاح موقت جمله سندندر .
صورتی : محرماتدن اولمیان قادین ایله محضر شهوده « شو قدر
مدت شو مال مقابلنده سنسکه استمتاع ایدهیم » دیو یا بالاصاله
و یا بالوکاله ایجاب و قبولده بولنمقدر .

نکاح باطل مفید حل ^(۲) اولماز واکا طلاق و ایلاء و اظهار ^(۳)

(۱) مکرکه حین عقدده طرفین کندیلرینک یشایه میه جفلی برمدتی تسمیه
ایتمش اولور . اوخالده نکاح منعقد و شرط باطل و بی حکم اولور : بیک سنه یا خود
قیام ساعته و یا خروج دجاله یا خود نزول عیسی علیه السلامه دکن . دیمک کی
اه هندیه .

مطلق اولهرق تزوج ایدوبده نیتنده « کندنجه مصمم اولان برزمان برابر
بولنق » اولور ایسه نکاح ینه صحیحدر . هندیه .

(۲) یکرمنچی صفحه نک باشنه باقکر .

(۳) ایلاء و اظهار کتاب الطلاقده فصل مخصوص ایله میندر .

واقع اولماز و انکله متزوج اولانلر یکدیگره وارث اوله مازلر (۱) .

نهاریات تزوجنده بأس یوقدر . (نهاریات) : کوندزک قادین معناسنه اولان نهاریه نک جمعیدر . یالکز کوندزلری برابر بولنمق اوزره تزوج جائزدر (۲) .

احرام حج و عمره مانع نکاح اولمديغندن محرم اولان کیمسه حال احرامده دخول ایتماک اوزره تزوج ایده بیلور و احرامده بولنان قادینی دخی آله بیلور . محرم بولنان ولی دخی تحت ولا یتنده اولان قیزی برینه تزویج ایده بیلور .

(۱) مأمون العباسینک قاضی القضااتی اولان یحیی بن اکثمک ترجمه سنده و فیات الأعیانده مذکوردرکه مأمون طریق شامده تحلیل متعه یی ندا ایتدرمشیکن قاضی یحیانک آیت وحیدت ایله بالاحتجاج : سن زنانک حلالیتی ندا ایتدیریورسین . دیعی اوزرینه مأمون استغفار ایدرک متعه نک تحریمی ندا اولنسی امر ایله شدور . قاضی مشار ایله دیمشیدی که جناب حق کتاب کریمده قد اُفْلَحَ الْمُؤْمِنُونَ الخ آیات شریفه سنده ازدواج ایچون مشروع اولان ایکی طریق (استنکاح و تسری طریقلرینی) بیان ایله انلردن ماعدایه عدول ایدنلرک حدود الاهی تجاوز ایتمش اوله جقلرینی بیلدرمشدر زوجه متعه ملک یمین اولمده یی کبی زوجنه وارث و یاموروث اولان و ولدی والدنه الحاق ایلیان زوجه دخی دکلدر امام زهری محمد بن الحنفیه نک اوغللری عبدالله و حسن بن و انلردخی پدرلرندن و او دخی پدری حضرت علیدن اولقی اوزره روایت ایله شدورکه حضرت علی رضی الله تعالی عنه : « رسول الله صلی الله تعالی علیه وسلم متعه یی امر ایتمش اولدقلرندن صکره انک نهی و تحریمی ندا ایتماک کی بکا امر ایلدی . » بیورلمشدر اه متعه زنادر حتی زنا ایتماک شرط ایدن کیمسه نک زوجه سی متعه ایله و طئنده مطلقه اولور . تکیم بهجة الفتوانن نقلا کتاب الطلاقک تعلیق بحثی نهایتنده ذکر اولنور .

(۲) أهل أشغال ایچون قادینلر هپ لینی اولغله لیلیاتی ذکره حاجت یوقدر .

ولایت

واوك كسريله^(۱) باب سادس و ثانیدن اولان (ولایت) : غیر اوزرینه انک موافقتی اولسون ، اولسون تنفیذ قول ایتمک یعنی اکاسوز کچیرمکدر .

صاحبنه (ولی) دینور جمعی (اولیاء) کلور . مؤنثلری (ولیه) و (ولیات) در .

صبیان و بچانینک کیمسه اوزرینه ولایتلری اولماغله (ولی) : بالغ عاقل وارثدر^(۲) .

ولایت قرابت ایله اولدیغی کبی ملک و ولاء و امامت ایله دخی اوله جغندن ولایتک اسبابی درتدر : قرابت ، ملک ، ولاء ، امامت . بونلردن اوچ اولکیلرک مسببی (ولایت خاعه) و دورد نچینسککی (ولایت عامه) در . خاصه اولانی اقوادر^(۳) .

وصایت (وصیلک) بوبابده سبب ولایت دکلدر . مکرکه وصی همده ولی اوله^(۴) .

ارککه وقادینه شامل اولمق اوزره شخص صغیر و معتوه و بجنونک امراموالی اولیایه مفوض اولدیغی کبی بونلرک و فصل مخصوص ایله مبین رقیقک امر انسکاحی دخی انلره مفوضدر .

(۱) فتح و کسر ایله اولان ولایت نصرت معناسنده در . کما فی المصباح .
(۲) رقیقردخی اولیاء اوله مازلر . وارث قیدی انلری ده اخراج ایدر . ابن عابدینک افاده سنه کوره حاکم و سید عبد دخی ولی غیروارث اولماغله تعریف من جهة القرابه اولان ولیه خاصدر .

(۳) إلا فی الاقراض فان القاضی فیہ أقوى لکونه أقدر علی الاستیفاء .

(۴) النقاط دخی اسباب ولایتدن دکلدر . کما سند کره .

اولیاء آتیا اکلایشیلہ جنی اوزرہ : افرباء ، موالی ، قاضی یاخود والی در .

فسق مانع ولایت دکلدر . کما فی الہندیہ^(۱) .

بوابدہ تنفیذ قول . ولی تحت ولایتندہ اولانی — کہ انک مذکرینہ مہدی وزنندہ (مولی) ومؤنثنہ (مولیہ) تعبیر اولنور — دیلہ دیکنہ تزویج ایدہ بیلک وولایت خاصہ اصحابنک عصبہ قسمندن اولدیغنه کورہ ہمدہ رضاسی اولمیان عقدی فسقہ قادر اولہ بیلکدر

قرابت سبیلہ ولی : ترتیب ارث اوزرہ^(۲) عصبہ در^(۳) . کرک نسبہ وکرک سببہ اولسون^(۴) .

اقرب اولیاء : ابن^(۵) ، صکرہ ابن الابن الخ ، صکرہ اب^(۶) ،

(۱) ائی مالم یکن مفوتاً للمصلحة بسوء الاختیار . کما فی الرد .

(۲) ائی والحجب فیقدم ابن المجنونة علی أیہا لانه یحجبه حجب نقصان . کما فی الدر .

(۳) بشرط حرية وتکلیف واسلام فی حق مسلمة و ولد مسلم . ولاولایة لمسلم علی کافرة إلا أن یكون سید امة کافرة أو اماماً . وللاکافر ولایة علی مثله . (تنویر الأبصار) .

(۴) اوغل و بابا و لابون یاخود لاب برادر کبی بلا واسطہ نسا اولان اقرباء ذکرورہ عصبہ بنفسہ دیورزکہ بو عصبہ نسبہ دن برنوعدر . اما عصبہ نسبہ آئی الذکر مولی العتاقہ وانک عصبہ نسبہ سیدر .

(۵) صغار حقندہ ابن متصور اولامغلاہ ابنک ولایتی معتوہ ومعتوہہ بہ الخ مقصور اولور .

(۶) مجنونه نک ابنی وابنی یاخود جد وابنی موجود اولوق صورتندہ ولایت عند الشیخین ابنکدر . امام محمد عندندہ ابنکدر . نکاح بلاخلاف جائز اولوق ایچون افضل اولان : بابا اوغله امر ایتکدر . ہندیہ .

صکره اب الاب الخ ، صکره اخ لامدن ماعدا اولان برادر لر ، صکره انلرک اوغللری ، صکره عم لامدن ماعدا اولان عموجه لر ، صکره انلرک اوغللری ، صکره بووتیره اوزره بابا عموجه لر ، انلرک اوغللری ، جد عموجهلری ، انلرک اوغللری در .

(قول جنسی حقننده عصبه نسبه مقدم اولمغله انلر حقننده بونلردن صکره ولایت عصبه^۱ سببه نك یعنی مولى العتاته نكدر كه كوله ویا جاریه نك معتق ویا معتقه سی کیم ایسه ولیسی اودر^(۱) اندن صکره ولایت انك عصبه سنکدر .)

عصبه موجود اولمدیغنه کوره ولایت والده نكدر^(۲) . صکره لابوین همشیره نك ، صکره لاب همشیره نك ، صکره ولد امك یعنی ارککی دیشیسی مساوی اولمق اوزره لام برادر ویا همشیره نك ، صکره انلرک اولادینك ، صکره سائر ذوی الارحامك^(۳) : خاله لرک ، صکره داییلرک ، صکره نیزه لرک ، صکره عموجه قیزلرینکدر^(۴) .

بونلردن صکره ولایت انكاح مولى الموالاتك^(۵) ودها

(۱) قالوا يستوى فيه الذكر والأنثى .

(۲) ثم لام الاب وفي القنية عكسه ثم للبننت ثم لبننت الابن ثم لبننت البننت ثم لبننت ابن الابن ثم لبننت بنت البننت وهكذا ثم للجد الفاسد . (در مختار) .

(۳) سائر قیدی اولاد اخوانك دخی ذوی الارحامدن اولدقلرینه مبنیدر . ذووالارحام ذی سهم وعصبه اولمیان اقربادر . ط .

(۴) وبهذا الترتیب اولادهم فیقدم اولاد العمات ثم اولاد الاخوال ثم اولاد الخالات ثم اولاد بنات الأعمام . درمع ط .

(۵) بلا وارث اولان ابکی کیمسه (ولوقادین اولسون) حیاتلرنده یکدیگرینک ارش جنایتلرینی چکک و وفاتلرنده میرائی ییمک اوزره معاهد اولورلر ایسه انلرک هر بری دیکرینک موالاة مولا سیدر .

صکړه تزويج صغاره ماذون اولان^(۱) حکامکدر .

ملك سبيله ولى : كوله نك وجاربه نك سيمدى (افنديسى)
ياخود سيده سى (خانى) در . بونلر كوله وجاربه نرينى قبل الاعتاق
ديله دكرينه تزويج ايده بيلورلر ، (نسكاح رقيق فصلنه باقسكر .)
ولاء سبيله ولى : مولى الموالاة ايله مولى العتاقه در^(۲) .

امامت سبيله ولى : ولايت عامه اصحابيدر . قاضى ماذون
اولديغنه كوره نسكاحى محتاج ولى اولانى بالولايه انسكاح وتزويج
ايدر^(۳) .

كندى نفسى حقنده قاضى دخى رعيه اولديغندن صغيره نى
نفسنه تزويج ايدجك اولور ايسه بلاولى نكاح ايتمش اولوركه
صحيح دكلدر . حق انك مافوقى بولنان والينكدر . اوده كندى
نفسى حقنده رعيه در^(۴) .

مانحن فيه اولان ولايت انسكاح مسئله سنه كوره صغيره نك پدرى مجهول النسب
اوله رق بر كيمسه نك النده مسلم اولمش اولقله او كيمسه انك مولى الموالانى صاييلور
بناءً عليه كندينك وفاتندن صكړه صغيره سنى بالولايه ديله ديكنه تزويج ايده بيلور .
كافى ط .

(۱) بان كان مكتوباً فى منشوره .

(۲) « مولى الموالاة » ذكر اولمشدر . (مولى العتاقه) : قول جنسى حقنده
انى آزاد ايتمش اولان سيد ويا سيده در . مولى الموالاتك سبب ولايتى اولان صفته
فتح واو ايله (ولاء موالاة) ومولى العتاقه نك سبب ولايت اوله رق حائز
اولديغى صفته (ولاء عتاقه) تعبير اولنور . بونلر سبب ارث دخى اولور . ولاء :
اوسيله استحقاق اولنان ميراثده اطلاق اولنور . « الولاء لمن أعتق » .

(۳) ولايت خاصه اصحابى بولنميان صغير وصغيره كى .

(۴) كافى الهندية . قاضينك اصول وفروعى دخى كندى نفسى حكمنده در .
كافى الدر .

وصایت بوبابده سبب ولایت اولدیغی کبی صغیر وصغیره کندیلرینی مجرد انفاق و اداره ایدر برکیمسه نك حجرنده (قوجاغنده، بوجاغنده) بولنمش اولمقله دخی اوکیمسه انلری تزویجه مالک اوله ماز: مثلاً ملتقط ولی لقیط دکلدر (۱).

ولی عاقل و بالغ و وارث اوله جغندن بجانین و معتوهینک و صبیان و مالیک کیمسه اوزرینه ولایتلری اولدیغی کبی کفارک دخی مسلین اوزرینه و کذلک مسلینک بو بابده کفار اوزرینه ولایتلری یوقدر (۲). (ولکن بر مسلم محضر شهودده بر کتابیه یی ولی کتابیسنک مباشرتیه زوج ایده بیلور).

صغیر وصغیره نك ورقیق ورقیق نك و مجنون و مجنونه نك و کذا معتوه و معتوه نك نکاحلرنده ولی شرطدر (۳) اذن ولی

(۱) لقیط: ولد منبؤذکره آتلمش اولوبده برکیمسه نك ثوابه آلوب باقدیغی چوققدر. ملتقط: اتی آلایدر. آئیده حکمی مذکوردر.

(۲) هند نصرانیه قیری زینب صغیره مسلمینی ولایت تزویجه قدر اولماز. (بهجه).

زیددی شرف اسلام ایله مشرف اولدقده بالغه اولان قیزی هند نصرانیه سن دخی اسلامه کل دیو جبر اولماز. بوصورتده هند نفسی عمروذمییه تزویج ایتمک ایستدکده زید هندی منعه قادر اوله ماز. (بهجه).

(۳) انلرک انکجه سی موقوف اذن اولیا اولوب احکام صفارده و باب نکاح رقیقه مسطور اولدیغی وجهله اولیا و موالینک اجازه لریله نافذ و رد لریله باطل اولدیغنه نظر اولی شرط نفاذ اولق لازم کلدیکی و اصولده مقرر اولانده بو اولدیغی حالده درمختارده شرط سخت دیو تصریح ایدلمشدر.

و دخیارده بومعی تأیید اولنمش اولدیغی کبی شرط نکاحده دخی بوجه اوزره محرر بولنمشدر.

اولمديقبه بونلرك نكاحنه طلاق و توارث كې احكام صحت ترتب ايتمز .
اوليانك بونلر اوزرنده ولايت انكاحلرى يعنى ديله دكلرينه
تزويج و نكاح ايتمك حقلى ده واردر .

ولى پدر يا خود پدر پدرى اولوبده كنديلرندن سوء اختيار
معروف اولمديغنه كوره مولى و موليه سنى غبن فاحش ايله (*) و كفشك
غيرى يه دخى تزويج ايدم بيلور : نكاح صحيح و لازم اولور .
(صغير و صغيره ايچون عند البلوغ فسخ نكاح ايتمك مخيرلكى ده
اولماز . اوغلانك تزويجى صورتده مجنونه و معتوه نك دخى
بعد الافاقه خيار فسخى اوله ماز . شرح ملحق) .

اكر بابا يا خود بيوك بابا طمع و سفسفى و لا يبالى لى جهيله
كنديسندن سوء اختيار معروف ايسه نكاح مزبور (يعنى غبن
فاحش ايله و يا كفشك غيرى يه اولان نكاحى) صحيح اولمديغى
كې سرخوش اولوبده قيزينى سرخوش يا خود شرير و يا انفاقدن
عاجز فتير بر كيمسه يه تزويج ايتمش اولاق صورتده دخى كندينك
سوء اختيارى ظاهر اولمش اولمغله شفقت مظنونه سى اكا تعارض
ايدميه رك نكاح صحيح اولماز .

ولى پدر يا خود بيوك پدر اولمديغنه كوره ولو كه والده يا خود
قاضى اولسون نكاح مزبور اساساً صحيح اولميوب اكر عقد
مهر مثل ايله و كفشك واقع اولور ايسه صحيح و لكن صغير و صغيره

(*) غبن — كه آلدانمقد — صغيره جانبنده مهر مثلندن دون و صغير
جانبنده اندن افزون اولمقد در هينده ناسك آلدانير اولدقلى يعنى آلدانغه متحمل
بولدقلى مقداره (غبن يسير) و تحمل ايدر اولدقلى مقداره (غبن فاحش)
دينبور . غبن فاحشه حداصفرى بر قوله كوره اونده بش و بر قوله كوره اونده
بردر كما فى ردالمحتار عن الجوهره .

ایچون عند البلوغ قاضی یه فسخ نکاح ایتدیرمک بخیرلکی
ثابت اولور .

رقیق اولان صغیر و صغیره ایچون سید و سیده ، حرا اولان
صغیر و صغیره حقننده پدر و پدری کبیدرکه انلر بعد الاعتاق
بالغ اولمقله کندیلر ایچون خیار بلوغ ثابت اولماز . مجنونه نك
اوغلی دخی اکا کوره او یله درکه بعد الاواقه کندیسیمچون منیرلک
قالماز .

رقیق حقه حقننده خیار عتیق خیار بلوغدن مغنی اولدیغی کبی
مجنونه حقننده دخی اوغل بابایه مقدم اولدیغندن پدرک تزویجمنده
ثابت اوله میان بخیرلک اکا مقدم اولانده اولویتله ثابت اوله ماز ط .
قیزک و اوغلانک حال صغرنده ولیسنک نکاحه ولایت
اجباری اولدیغی کبی حال کبرنده دخی مجنون ویا معتوه اولدیغنده
نسکاحنه ولایت اجباری اولور .

ولی اقر بک مسافه سفر غیبوبتننده ولی ابعدا ایچون مناسبتی
فوت ایتامک اوزره حق تزویج واردر . ولی اقر بک عودتیاه
او عقد باطل اولماز :

ولی "اقر بک" عضلی - یعنی کف و مناسبتی ظهورنده قیزی
مهر مثلیله اکا تزویجندن امتناعی - صورتنده ولایت ولی ابعده
و حتی قاضی یه ویا نائبنه انتقال ایدر .

صغیره نك بالولایه انکاحی تقدیرنده مصلحت رجاله صالح
اولد قجه زوجنه همان تسلیمی لازم کلمز . بوبابده اعتبار سنه
دکل ، طاقته در . هندیه .

خیار بلوغ و خیار عتق

ولینک حق انسکاحی اولدیغی کبی پدردن و پدرندن ماعدا اولان ولینک^(۱) انسکاحنده صغیر و صغیره ای و ن خیار بلوغ و مالکدنک انسکاحنده مملوکه ای و ن خیار عتق دخی وارد ر .

طائفه نسا تحت ولایت رجالده اولدیغی و تعبیر دیگر ایله نسکاح بر نوع ملک^(۲) دیمک بولندیغی ای و ن بالغه نک انسکاحی کند ی رضاسنه معلق قیلنمش و غیر بالغه ای و ن دخی بروجه آتی حق خیاری ویرلمشدرکه انک صبی غیر بالغه دخی شمولی اولمشدر . جاریه نلک خیاریعتق خیار بلوغندن معنی بولنمشدر .

(خیار بلوغ) : بلوغ سببیلله فسخ نسکاح ایتدیرمکه مخیر اولمق دیمکدرکه صغیر یاخود صغیره اب وجدینک غیری طرفندن بالولایه ایدیلان عقدده خبیر اولدقلرینه کوره حین بلوغلرنده ، وخبیر اولدقلرینه کوره بعد البلوغ خبیر اولدقلرنده منکوحلرینی ایسته مزلر ایسه محضر طرفینده حکم قاضی ایله فسسخ نسکاح

(۱) ولوکه والده یاخود قاضی اولسون . درمختار وقد مر .

(۲) حدیث حضرت عائشه و ارد اولدیغی اوزره « نکاح رق دیمکدر :

کشی کند ی کریمه سنی کیمه نکاحلابور ایی باقشون « بیورلمشدر . بوکابناء لغت عربده بزفلانک عقدنده ایدک مالی افادهده « کنا فی املاک فلان (یاخود) فی ملک فلان (ویاخود) فی ملک فلان « دینیلور . کما فی الکامل . حدیث حضرت مشارالیه « النساء أغلال فلینظر أحدکم غلا یجعله فی عنقه « دخی وارد اولمشدرکه بوده رجالی نساء مؤذیه دن تحذیر در . « من النساء غل قل یقذفه الله تعالی فی عنق من يشاء ثم لا یخرجها إلا هو « حدیثی مفهومنجه بعض زوجة طوتساغک بیوننده بتنمش اولان تویلی قایش لالهیه بکزرکه اندن تخلیصررقبه ایتم مشکل اولور .

ايدہ بيلورلر (١) . خيار مذکورہ خیار بلوغ دينلديكى كى
(خيار ادراك) دخى دينيلور . فسخ مذکور طلاق دکلدر (٢) .

خيار مذکورہ اهل اولان صغار حق مذکور کندیلرينه
توجهنده نفسلرينى اختيار ايدوب طالب فسخ نکاح بولند قلرينه
همان اشهاد ايتمک لازمدر اندن صکره رضايه دليل اولمديجه حاکمه
مراجعت تأخر ايدہ بيلور .

قیزک حین بلوغنده (٣) نکاحی بيلوب بالاختيار سکوت ايتمسيله
خيارى آخر مجلسه امتداد ايتميه رک باطل اولور (٤) حکم مسئله ي

(١) اب وجدك غیری ولینك عقد ایلديكى نکاحی زوج غائب ایکن زوجه
خيار بلوغ ايله فسغه قادره اولماز (علی افندی) .
قاضیدن غیری وایسی اولیان هند صغیره ی قاضی مهر مثلیله کفتی زنده
تزوج ایتدکن صکره هند بالغه اولدیغی آنده نفسی اختیار و اشهاد ایدوب
خيار بلوغ ايله عقد مزبورى زیدک حضورنده حاکمه فسخ ایتدرمکه قادره اولور .
(نتیجه) .

(٢) کتاب الطلاقه باقکر . هند بالغیه خبر نکاح واصل اولدقده
فسخ ایدوب صکره راضیه اولسه عقد جدیده محتاج اولور . (نتیجه) .
(٣) وإذا أدركت بالحيض لا بأس بأن تختار نفسها مع رؤية الدم . وان رأيت
الدم في الليل تقول فسخت النكاح وتشهد إذا أصبحت وتقول إنما رأيت الدم الآن
لأنها لا تسدق أن تقول رأيت الدم في الليل وفسخت . هذا وإن كان كذباً لكن
الكذب في بعض المواضع مباح هندية .

(١) إذا كانت بكرة ولا تمتد إلى آخر المجلس حتى لو سكنت كما بلغت وهي بكر
بطل الخيار . وإن كانت ثيباً في الأصل أو كانت بكرة إلا أن الزوج قد بنى بها ثم
بلغت عند الزوج لا يبطل خيارها بالسكوت ولا بقيامها عن المجلس . وإنما يبطل خيارها
إذا رضيت النكاح صريحاً أو يوجد منها فعل يستدل به على الرضا كالتسكين من
الجماع أو طالب النفقة أو ما أشبه ذلك . هندية .

بیلامسی اکا عذر دکلدر . اکر نکاحی بیلپور ایدسه بیلوب سکوت ایدنجه قدر خیاری باقی بوانور .

اوغلانک (۱) بلوغه ایروب سکوت ایتمسیله و مجلسدن قیامیله خیاری باطل اولمیوب جمیع عمر انک ایچون وقت خیاری اولور . دلالة اولسون انک رضاسنه باقیلور . اکر رضاسنی سویلر یاخود وطء ویا تسلیم مهر معجل یاخود التزام نفقه ایتمک کبی رضاسنه دلالت ایدجک شیء^۲ ایشلرایسه خیاری قالمامش اولور . نکاحدن ما عدايه جهل انک حقتنده دخی عذر دکلدر . (در مختار) .

قبل الفسخ وفات وقوعنده بینلرنده توارث جریان ایدر . بعد الفسخ سبب ارث کیدر .

صغیر ویا صغیره نی انکاح ایدن ولی پدر اولدیغی یاخود پدر پدري بولندیغی صورتده سوء اختیار ایله معروف اولماق وحين عقدده سرخوش بولماق شرطیله نکاح نافذ ولایم اولوب خیاری بلوغ دخی اولماز (۲) .

اگر طمعندن وسفهندن ناشی سوء اختیار ایله معروف

(۱) قالوا وخيار الصغير والثيب اذا بلغا لا يبطل بلا صريح أو دلالة كقبلة ولبس ودفع مهر ولا بقیامهما عن المجلس اه سواء كانت الثيب حرة أو أمة وسواء كانت ثيباً عند الزوج أو عند البلوغ كما لو دخل بها الزوج قبل البلوغ وانما لم يكتف بسكوتهما قياساً على ابتداء نكاحها فانها تعرب عن نفسها . ط .

(۲) چوجنی کفتک غیری به تزویج ایدن : مثلاً اوغلنه برملوکه وقیزنه برکوله نکاحلایان یاخود اوغلنک زوجه سی مهرینی ازید وقیزنک مهرینی اقص قیلدرق غبن فاحش ایلیان بابانک اوتزویجی صحیدر . اب وجدک غیری ایچون بوجانر دکلدر اه کنز مع العینی ای مادام صاحباً و غیر معروف بسوء الاختیار کما عرفته وساذکره .

ویا خود عقد ایدر ایکن سرخوش بولنورایسه صغیره یی کفتنک
غیری یه ویامهر مثنیدن اقله و صغیری مهر مثنیدن اکثره تزویج
وانسکاح ایتسی صحیح اولماز .

(خیار عتی) - که اکا (خیار عتاقه) دخی دینور - عتی سببیه
جاریه نك فسخ نکاح ایتمک مخیرلسکی دیمکدر . افندیسی یا خود
خانمی طرفندن برینه تزویج وانسکاح ایدلش اولان بملوکه اعتاق
اولندیغنده زوجنی ایسته مز ایسه اندن آریله بیلور . اشته خیار
عتق بودر .

بونسه حکم قاضی یه حاجت اولیه رق جاریه کندینک
آزادینه علنی متعاقب . « بن نفسی اختیار ایتدم . دیمک
کافیدر (۱) .

بویابده جاریه نك عتقه یا خود نسکاحه جهلی عذر اولدیغی کبی
حکم مسئله یه جهلی دخی عذر در (۲) .
کوله ای پون خیار عتی یوقدر .

(۱) زید جاریه سی هندی عمروه تزویج ایتدکدن صکره زید هندی اعتاق
ایسوب بعده هند عتقه عالمه اولدیغی مجلسده نفسی اختیار ایتمیوب عمروه نفسی
تمکین ایتمکله عمروه دخی هندی وطء ایله حالا هند نادمه اولوب عقد مزبوری
فسخه قادره اولورمی ؟ الجواب : اولماز . (نتیجه) .

(۲) خیار عتق خیار بلوغه مخالف اولدیغی وجوهک بری بودر . بری دخی
بوندن صکره مذکور اولاندرکه خیار عتی یالکز جاریه ایچون ثابت اولور خیار
بلوغ ایسه هم قیز و هم اوغلان ایچون ثابت اولور . اوچنچی وجه بوکه معتقه نك
مخیرلسکی مخیره بالاضافه اولدیغی کبی آخر مجلسه دکین امتداد ایدر . دردنجی وجه
بوکه خیار عتی مخیره ده اولدیغی کبی مجلسدن قیام ایله باطل اولور خیار بلوغ ایسه
ثیب و غلام حقیقه قیام من المجلس ایله باطل اولماز . بشنچی وجه بوکه خیار
بلوغده قضا شرطدر خیار عتقه شرط دکدر . کما فی ط .

ولایت مع العقل بلوغ ایله و مملوکه یه کوره آزاد ایله منقطع
اوله جغندن عاقل اولان حرة بالغه و معتقه بالغه بکر دخی اولسه
نسکاحه جبر اولنه ماز (۱) . کندی نیک رضاسی لازمدر . اوده
تیک سویله مسیله و بکریک سویله مکده صیق دینی ولی اقربنه قارشو
بلا رد سکوت ایتمسیله معلوم اولور .

بلا استهزاء کولمک و بلا صوت آغلامق دخی رضا عد اولنور .
معتقه یه دخی شامل اولمق اوزره (۲) حرة مکلفه نیک و لیس
اولمدیغنه کوره علی الاطلاق (۳) نکاحی — اتفاقاً — و و لیس
اولوبده حاضر و یاراضی اولمدیغنه کوره — ظاهر روایتده —
صحیح و نافذدر (۴) .

حرة مکلفه نفسی بلا اذن ولی کفئنیک غیری یه تزویج ایتمش
اولور ایسه عصبه دن بولنان ولی ایچون حق اعتراض واردرکه
اولی قاضی یه فسخ نکاح ایتدیره بیلور . تسکیم بیانی کور .
نکاح مذکورک من أصله (یعنی اساساً) عدم جوازی خلاف
ظاهر الروایه اوله رق مؤخرآ مختار فتوی اولمشدر . کما فی التویر
والدر (۵) . لکن عمل ظاهر الروایه اولان ماتقدم ایله در .

(۱) بوجبر جبر اولیاءدر . جبراً کراه مانع نکاح دکدر . کما مر .
(۲) خرج به الامه و المدبره و المکاتبه و ام الولد . فلا یجوز نکاحهن الا باذن
الولی . ط .

(۲) یعنی کفئنه و غیر کفئنه .
(۴) اصل بودرکه مالئده متصرف اوله بیلان نفسنده دخی متصرفدر .
و مالا فلا . در مختار . هذا ظاهر علی قول الامام الاعظم فانه لایری الحجر علی
الحر . أما علی قولها فلا یظهر لانها تمامه وان حجر علیها فی المال . ط .
(۵) قال لفساد الزمان فلا تحل مطلقة ثلاثاً نکحت غیر کفء بلارضا ولی
بعد معرفته ایاه فلیحفظ اه

کفاءت

فتح کاف ایله (کفاء) و (کفاءت) مساوات و مماثلت معناسنه اسمدر . فعلی باب مفاعله دن مصرف اولمغله کسر کاف ایله کفاء : مکافأه مثلی مصدردر . نظیر معناسنه اسم دخی اولور (۱) بومعناده (کفاء) لفظی شائعدرکه جزء وزنده در (۲) فاعول وزنده (کفوء) و فاعیل وزنده (کفیء) دخی دینورکه نظیر و صاحب کفاءت دیمکدر . جمعی اجزاء وزنده (اکفاء) در (۳) .

کفاءت قادینک ارککده آرایه جفی شیدر ولزوم نکاح ایچون معتبردر (۴) . ارکک دیله دیکی قادینی کندیسنه فراش ایدییه بیلور و خساست فراشندن طولانی انک شرفی خللدار

(۱) کما فی قول سیدنا حسان : وروح القدس لیس له کفاء . ومن الاول أعنی المفتوح قول غیره :

فانکحها لای کفاء ولاغنی زیاد أضل الله سعی زیاد

(۲) سورة شریفه اخلاصی او قویکز . شاعر ابو الطیب مفسدات صلاتک اون آلتنجیسی هامشده کتاب الصلاتده ایراد ایتدیکز اییاتی قصیده سنده :

وإذا لم تجد من الناس کفاء ذات خیر أرادت الموت بعلا

دیمشدر . رسم خط بودر خط مصحف مقیس علیه دکلدر .

(۳) کما قال قائل ولا آرتضیه للمرتضی :

الناس من جهة التمثال اکفاء أبوهم آدم والام حواء

(۴) لزومک معناسی ماسبقده معلوم اولمشدر . نکاحک حکمی قبیلنده کی

هامشه باقکز .

اولماز . حالبوکه شرفلی برخاتون کندینک قدر و قیمتیه غیر متناسب برار ککه فراش اولمقدن صویجق عارلانه بیلور .

بناءً علیه زوج ايله زوجه آره سنده مضمون نظم آتی اوزره التي خصوصده مساوات آرانور (۱) ویاخود زوجه او خصوصارده زوجدن دون بولنور :

انّ الکفاءة فی النکاح تكون فی * ستّ لها بیت بدیع قد ضبط نسب واسلام كذلك حرقة * حرّية وديانة مال فقط

انلردن (نسب) قوم نجیب عربده اولور . قبائل قریش (۲) یکدیگره کفء اولدیغی کبی قبائل سائرۀ عرب دخی هپ یکدیگرینک کفئیدرلر (۳) . عربدن اولمیان عربده کفء اوله مدیغی کبی عرب

(۱) چونکه بحسب العاده مصالح انجی بین المتکافئین انتظام بولور . ذکر اولتان خصوصات سته ایسه انلره بین الناس تفاخر واقع اولور . بوندن طولای انلرک اعتباری لابد بولنور . بحر .

(۲) قریش : علیه الصلاة والسلام افندمز حضرتلرینک اوزایکنجی جدلری اولان نصر بن کنانه اولادیدر . بنی نهم ، بنی عدی ، بنی امیه ، بنی هاشم قریش قبائلنددر . خلفاء اربعه رضی الله تعالی عنهم حضراتندن : حضرت ابوبکر قرشی تیمی و حضرت عمر قرشی عدوی و حضرت عثمان قرشی اموی و حضرت علی قرشی هاشمی در . قیل :

وقریش می التي تسکن البحر بها سمیت قریش قریشا .

(۳) الانصاری والمهاجری فیہ سواء . هندیه . واستثنی فی بعض الکتب بنوباعه منهم لحسبهم .

وفهم قیل : ولایفعم الاصل من هاشم * اذا كانت النفس من باهله وقیل : اذا قیل للکلب یا باهلی * عوی الکلب من شؤم هذا النسب والحق الاطلاق فان النفس لم یفصل ولیس کل باهلی بخيلاً بل فیهم الاجواد .

سائرہ دخی قریشہ کفہ اولہماز (۱) .

(اسلام و حریت) جہ کفہات عربک غیریدہ آرانور چونکہ
بونلر آنلرجه لازمہ حالدہ . بوایکی خصوصده کفہات من جهة
الأصل معتبر اولمغلہ بنفسہ مسلم و یامعق اولان ، پدری دخی
مسلم و یامعق اولانہ کفہ اولہماز . یالکز پدری مسلم و یاحر
اولان دخی ابوینی مسلم و یاحر اولانہ کفہ اولہماز .
نسب جدایله تام اولدیغندن ابوجدی مسلم و یاحر اولان
جدبجد مسلم و حر کبیدر .

(حرفت و دیانت و مال) خصوصلرندہ کفہات عرب
و عجمده (۲) آرانہ بیلور ،

صناعت خسیسہ اربابی صناعت عالیہ اربابنہ کفہ اولہماز .
أصحاب و وظائف اهل حرفتدن معدوددر . کما فی الدر .

فاسق اولان کیمسه (۳) . کرک اعلان فسق ایدیچی اولسون

کما فی الدر معالرد . وزاد المرحوم اوجی زاده علی البیت الاول فی احسن حدیثہ
بیتا ترکیاً جاس فیہ فقال :

دنیدر اوکیم عقی ترک ایدوب * تفاخر ایدہ کثرت باہ ایله

ولا ینقم الاصل من هانم * اذا كانت النفس من باهله

وفی الجزء الثانی من کتابنا مشاہیر النساء ص ۳۸۱ :

اذا ولدت حلیة باهلی * غلاما زاد فی عدد الاثم

(۱) قالوا الحسیب کفہ للنسب فالعالم یکون کفہاً للعریسة . کذا

فی الهندیة .

ما الفضل الا لاهل العلم انهم * علی الهدی لمن استهدی ادلاء

(۲) عرب : فوق النضر اولان پدرک جمع ایلدیکیدر . اسم جمعدر مفردی

عربیدر . أعراب : اهل بادیهدر . انک مفردی أعرابیدر . عجم : عرب اولیاندر .
بونکده مفردی عجمی در .

(۳) فسق : خروجدر . آغاجک حدنظامندن شاخک خروجی دخی

— که اکا (فاسق مجاهر) تعبیر اولنور — کرک اولسون صالحه بر
 قیزه و حتی صلحادن بر کیمسه نلک فیزینه کفء اوله ماز .
 مالاً کفء تده زوجک مهر — معجلی اعطایه و حرقت اهلی
 اولدیغنه کوره همده زوجه نلک بر آیلق نفقه سنه و اهل حرقت
 اولدیغنه کوره هر کونک نفقه سنه اقتداری کافیدر (۱)
 بونلره مالک و مقتدر اولان ارکک اموال عظیمه یه مالک
 اولان قادینه کفتدر . بونلره مالک اوله میان ارکک هیچ بر قادینه
 کفء دکلدرد (۲) .
 کفء تلک اعتباری ابتداء عقدده در . مال کبی عرضه زوال
 اوله ییلانلک صکره دن زوالی ضرر ویرمز ،
 فقیر دوشن کیمسه نلک صکره دنکی عجز و افتقارینه منی زوجه سی
 کندندن تفریق اولنمدیخی کبی حین تزوجنده کفء اولوبده
 صکره دن بئوره ایرنلک نسکاحی دخی فسخ اولنماز (۳)

فسق و اوشاخ فاسقدر . اصطلاح فقها ده فاسق : ارتکاب معاصی ایله
 حدود حقندن خارج اولاندرد . نماز قیلمیان یا خود ایچکی ایچن مسلم فاسقدر .
 (۱) لکن نفقه یه اقتدار زوجه ارکک قادی نلق ایده ییله جک سندده بولندیغنه
 کوره در . دها کوچک ایسه نفقه سی لازم اولمادیغندن زوجک مهر معجلی اعطایه
 اقتدار یله اکفء اولنور . هندیه . قادی نلک اختیار اولوسی مانم و طء دکلدرد .
 (۲) قضاتدن اولوب اغنیادن اولانلک قیری ساداتدن اولوب نفقه یه قدرتی
 اولمیان فقیره کفء اولماز ، (عبدالرحیم) . حصکفی دیرکه صبی مهر معجل ایچون
 پدرینک ویا والده سنک و پدری جهتندن اولان جد و جدده سنک غناسیله کفء
 اولور .

(۳) ثم الکفأة تعتبر عند ابتداء النکاح ولا یتمر استمرارها بعد ذلك حتی
 لو تزوجها وهو کفء ثم صار فاجراً داعراً لا یفسخ النکاح . هندیه .

امور ستہ مذکورہ خارجندہ کفیات آرانیمہ جعندن بلدیہ
وکنجسلکہ وکوزللکہ اعتبار اولماز: کویلی ارلک شهرلی قیزه واختیار
کیمسه کنج قیزه وچرکین قوجه کوزل قادینه کفندر .

کفیات دعواسی ونکاحه اعتراض حق عصبه دن اولان
اولیا نکر (۱) .

حره مکلفه نک نفسی بلاذن ولی کفشک غیری به تزویجندہ نکاحه
علی تقدیر صحتہ (۲) ولی معترض اوله رق — چوجق اولمد قجه — (۳)
انی قاضی به فسخ ایتدیره بیلور . تجدد نکاح ایله حق اعتراض دخی
تجدد ایدر .

حق اعتراض اولجه عدم رضایه متوققدر . حره مکلفه لی ولیر
کندی رضاسی ورضالری ایله کفتی اولمیان برکیمسه به بیلیرک تزویج
ایتمش اولوبده اوکیمسه نک کف اولمدیغی تبین ایتک صورتندہ
انلرک تقصیر ایدوب تحقیق سز ویردکری ایچون حق اعتراضلری اوله ماز .
مکرکه وقت عقدده کفاتی شرط قیلش اوله لر . یاخود زوج
کندیک انلره کف اولدیغی سویله مش اولسی اوزرینه عقد اینلش

(۱) هندالغه نفسی کفتی اولمان زیده تزویج ایدوب هندک ذی حم جهندن
ولیسى عمرودن غیری کیمسه سی اولسه عمرو ایچون حق اعتراض وارمیدر ؟
الحواب : بوقدر . (نتیجه) ولایت بختنده کچدکی وقتاواده اتمرخ ایدلدیکی
اوزره اب ایله جدک غیری اولان واینک صغیره نی کشتک غیری به تزویج ایتسی
صحیح اولماقله زوجیندن برینک وطاننده دیکری اکا وارث اوله ماز .
(۲) ائی ظاهر الروایة الغير المختارة للفتوی علی ماسبق بیانہ و آخر
باب الولاية

(۳) تبین اولان حل دخی ولادته ملحقدر ،

اولوبده کفء اولمدیعی صکردهن ظاهر اولمش اوله . او حالده اولیانک
اعتراضه حقیری اولور .

رضاء اولیاء یا صراحة و یا دلالة اولور . کلان آغرلغی قبول ایتمک
یا خود ولیمه و یا زفاف ترتیبنده بولنمق دلالة رضادر . سکوت
رضادر دکلدر .

ولایت تجزؤ ایتیمیان سبب ایله ثابت برحق غیر متجزی . در هرولی
ایچون علی وجه الکمال ثابت اولمغله اولیادن برطاقنک رضاسی جمله سنک
رضاسی کییدر . اقرب واقوی اولمدیجه بری دیکرینک رضاسنی نقض
ایده مز .

نفسنی مهر مثلندن اقله نکاحلایان حره بالغه نك دخی و لیس
معترض اوله بیلوب یازوج انی اتمام ایدر و یا خود دفعاً للعار حاکم
انلرک یینلرینی تفریق ایدر . حاکمک تفریق و لینک طلبی اوزرینه
زوجک حضورنده اولور (۵)

دخول واقع اولماش ایسه مهر دخی یوقدر . اکرو لینک تفریقندن
اول زوج قبل الدخول تطلیق ایدر ایسه انده احکام مهر جریان ایدرکه
مهر مسمانک نه فی لازم کلور .

قبل التفریق زوجیندن برینک وفاقی وقوع بولمق دخی بویله درکه
مهر مسمانک تمامی لازم کلور .

بولمده و لینک مطالبه اتمامه حتی اوله ماز .

تفریق مذکور طلاق دکل ، فسخدر . (کتاب الطلاقه باقکز)

(*) محتاج حکم اولان هر فرقت زوجک غیابنده اوله ماز : ماحن فیه ،
خیار بلوغ ، لعان ، اباء عن الإسلام ، محبویت و عنینیت ایله تفریق کبی .
محتاج حکم اولمیان فرقت زوجک غیابنده اولور : خیار بیره ، خیار عتاقه ،
امر بالید کبی . (فیضیه فی نکاح الکافر) .

مهر

مهر - که فتح میم ایله در - زوجه نك عقد صحيح ايله مستحق اولدیغی مالدن عبارتدر . زوجه حره اولدیغنه کوره مهری کندیسنه و آخرک مملوکه سی اولدیغنه کوره مولاسنه یعنی ائقندیسنه یا خود ختامنه عائد اولور .

(مهرک جمعی بعل و بعوله کبی (۱) (مهوره) در . (مهور) دخی دینور (۲) . فارسیده مهر زنانه (کابین) تعبیر اولتور . ترکجه مزده انك نکاحدن بشقه آدی یوقدر .)

مهر نکاحک شرطی یا خود رکنی دکل ، بلکه حکمی یعنی اثر مترتیدر حین عقدده تسمیه مهر اولنماش و حتی « مهر اولماق اوزره » دیو شرط در میان ایدلش بیله اولسه عقد صحیح و صحت عقدده حق شرع اولان مهر مرتب اولورکه او مهر مثلدیر . تسمیه ایدلش اولورسه اکامهر مسمی دینور .

مهر مثل و مسمی

(مهر مثل) زوجه نك بلا تسمیه قدر معروفةجه مستحق اولدیغی

(۱) بعل زوج معناسنه در اون اوچنچی صفته نك هامشنه باقکز . بعوله انك جمعیدر قال تعالی : وبعولتهن الخ . لبعولتهن أو آباء بعولتهن .

(۲) مهر مصدر اولورق باب الثدن و باب أفعالدن دخی تصریف اولنور زوجک زوجه به صدق رغبتنه دلاتندن طولایی مهره صادق فتح و کسری ایله (صدق) وضم دال ایله (صدقه) دخی دینور . قال تعالی : وآتوا النساء صدقاتهن نحلة ، أى بطیب نفس . وجعلوا النحلة من أسماء المهر . انظر الدر .

مهر در که واجب بالعقد اولدیغیچون اصل اولان اودر (۱) .

(مهر مسمی) تراضی به مبنی انک قائمه تمامیدر که طرفینک قرار و رضایله
تسمیه و تعیین ایتدکری مهر دیمکدر . باب تفعیلدن اسم مفعول صیغه سیله در .

مهر مثله معتبر اولان زوجه نك با با طرفی اقر باسندن بکارت و سن
و حسن و آن و کمال خلق و عقل و علم و ادب و مال کبی اوصاف مرغوبه جه
کنندینه امثال اولانلرک مهریدر (۲) اکر پدری جهندن امثالی یوق ایسه
بلده سی و عصر و زمانی اهلندن بولنان اقران اجانبی مهورینه باقیلور (۳) .
والده سی جهندن امثال اعتبار اولماز . مکرکه والده دخی پدر قومندن
اوله : عوجه قیزی کبی .

مهر مسمی حین عقدده و یادها اول یاخود صکره تسمیه و تعیین
اولنان مقدار هر نه ایسه اودر .

مهرده شرط اولان اون درهم کموشدن و یا انک قیمتندن اقل

(۱) زید هندی شهود محضرنده تزوج ایدوب لکن مهر تسمیه اولنسه
بعده زید هنده داخل اولدقدن صکره برسنه اوزوشه تراضی بولندین
هندی تطلیق ایلسه هند زیددن نه مقدار مهر آلور ؟ الجواب : مهر مثل
آلور . (علی افندی) .

و فت صورتی دخی بویلهدر و انده دخول شرط دکادر . تکیم بیان
اولنور .

(۲) و بشرط فی ثبوت اخبار رجاین اوجل و امرأتین و لفظ الشهادة فان لم يوجد
شهود عدول فالقول لازوج بیمنه . در مختار .

(۳) بونلر حراثره کوره در . حواری حقنده مهر مثل جاریه نك مرغوب
اولدیغی مقداردر .

اولما مقدر . اندن اقلی نسیمیه ده اتمامی امر اولور ^(۱)

مهر ، نقود و اثماندن اولدیغی کبی عروض و اموال دن دخی اولور .

مهر اوله جق مالک متقوم یعنی مباح الاتفاع اولسی لازمدر کوله
وجاریه واسب و اثواب کبی هر مال متقومک مهر اولسی صحیحدر ^(۲)

نسیمیه اولنان کوله الخ معین اولدیغنه کوره انک عینی اعطا اولنمق
لازم کلور . عیناً ادا متعذر اولدقجه قیمتیه قضا اولنه ماز ^(۳)

(۱) مهرک اقلی مضروب و غیر مضروب اون درهم کوشدر . حتی اون درهم
وزننده کولچه کوش قیمه اقل دخی اولسه جائز اولور . دراهمک غیر یسی انک مقامنه
وقت عقدده کی قیمتیه قائم اولور . وقت عقدده اون درهم کوش قیمتده بر ثوب
یا خود بر مکمل و یا موزون اوزرینه تزوج ایدن کیمسه نک اعطا ایتدیکی مهر
یوم قبضنده اندن اقل اولسه زوجه انی رد ایدمهز . عکسند ایدر . اگر ثوبک
انتقاصی قبل القبض بر جزء نک فواتنه مبنی ایسه زوجه انک یا خود عیناً اون درهم
کوشک اخذنده بخیر بولور . هندیه .

(۲) ماله مال اولمیان شی دخی ضم اولنه ییلور . مثلاً مهری بیک
غروش و برده فلانجه اورتاغنک طلاق اولق اوزره ایدیلان تزوجده
نفس عقد ایله فلانجه به طلاق واقع اولور و زوجه منکوحه به مهر مسما سی اولان
بیک غروش عائد بولور . فلانجه بی بوشامق اوزره یعنی اوشرط ایله ایدیلان عقدده
انی تطایق ایتدیکجه طلاق واقع اولماز . کافی الهندیه . بزم مشاهیر نساده (قظام) بی
او قویکز .

(۳) مین بر مال اوزرینه تزوج اولنوبده مالک قبل التسلیم هانک اولسی یا خود
مستحق ظهور ایتمی صورتده مثلاً ایدن اولسنه کوره منلی و قیمیا تندن اولسنه
کوره قیمتی و بر ملک لازم کلور . هندیه

برکوله ویا برجاریه یاخود براسب دیو مبهم بر جنس معین
تسمیه سنده زوج انک اورتیه حالیه سیمیه قیمتی اره سنده بخیر بولنور :
مسمی معلوم الجنس اولدیغنه نظراً انک عینی و مجهول الوصف
بولندیغنه نظراً قیمتی لازم کلوب واجب بالعقد ایکی شیتک بری
اولمغله زوجک اعطاسنده تخیر حاصل اولور . کافی شرح المنار
لابن ملک .

تسمیه اولنان مالک جنسی معلوم اولمق جهتیه و صفیک
بجهولیتی بوبابده ضرر ویرمز . اما بر حیوان یاخود برقات اوربه
دینیلوبده حیوانک نه جنس اولدیغی و اوربه نک نه نوع بولندیغی
تعیین اولنمازایسه تسمیه صحیح اولمیوب مهر مثل لازم کلدیکی کبی
متموم اولمیان برمال تسمیه اولنمق وشویکمز دیو کوسه تریلان شی
شراب چیتقمق وشوکوله دیو ارئه اولنان شخص حر اولمق
صورتلرنده دخی مهر مثل لازم کلور . کافی الخانیة (ه)

برمسلم بر مسله یی تزوج ایدوبده عقد نکاحده حلال اولان
واولمیان مالی تسمیه ایتکم ومثلاً زوجه نک مهری مقدار صحیح
مال متموم ایله برقاچ رطل شراب اولمق اوزره دیو سوبله مک

(*) خانیه : فتاوی قاضیخاندر . تارخانیه انک غیر بدر . هندیه ده شویله
مذکوردر : تسمیه ده اصل بودرکه تسمیه صحیح ومقرر اولدیغنده مسمی نه ایسه
او واجب اولوب بعده باقیلور مسمی اون درهم کوش ویا ده زیاده ایسه انجق
انک اعطاسی لازم اولور اکر اون درهمن دون ایسه اونه اکال اولنور . تسمیه
اگر فاسد اولور ایسه مهر مثل لازم کلور : قادینی بلده سندن اخراج ایتامک
یاخود اوزرینه اولمامک اوزره تزوج ایتسه تسمیه صحیح اولماز چونکه ذکر
اولنان شی مال دکلدر . وکذا مسلم مسله یی میت یاخود دم ویا خر ویاخود
خنزیر اوزرینه تزوج ایسه تسمیه صحیح اولماز اه

صورتنده حرام اولان مال ابطال اولنور : مهر مثلی اتمام لازم اولماز چونکه خمرده مسلبین ایچون منفعت یوقدر . اما منفعت اولان برشیئی علاوه سویلرده عهدینه وفا ایتمزایسه قادینک مهر مثلی اکثر اولدیغنه واققلنه رضاسی اولدیغنه کوره مقدار مسمانی اکا ابلاغ ایتمک لازم کلور . کما فی الهندیه .

مدت معلومه (یا زلق) خانه سنده ساکن اولق ، دبه (ویا آرابه) — سنه بینمک ویا یوک یوکلتمک ، ترلاسنده زراعت ایتمک مثلی منافع اوزرینه دخی تزوج جائز و تسمیه صحیحدر . هندیه .

مقابلنده اخذ اجرت جائز اولان هر منفعتک مهر تسمیه سی جائزدر (١) .

انجق زوج حر نفس زوجهیه خدمت ایتمک اوزره تزوجده مهر مثل لازم کلور (٢) .

شغارده دخی مهر مثل لازمدر .

(شغار) حصار وزنده مشاغره معناسنده درکه ایکی کیمسه یکدیگرینه قیزلرینی یاخود قیزقاردشلرینی هربری دیکرینک مهری اولق اوزره بلابدل تزوج ایلمکدر (٣) .

(١) ومنه تعلیم القرآن لأن الفتوی الیوم علی جواز الاستئجار لتعلیمه . وأما قوله صلی الله تعالی علیه وسلم « زوجتکها بما معک من القرآن » فلیست الباء متعینه للعوض لجواز أنه تكون للسببیه أو للتعلیل أى بسبب مامعک من القرآن أو لأجل أنك من أهل القرآن أو المراد ببرکة مامعک منه فلا یصلح دلیلا . کما فی البحر .

(٢) ولها خدمته لو عبداً مأذوناً فی ذلک کما أن تزوجها علی أن ینخدم وایها صحیح کقصه شعیب مع موسی علیهما السلام . کما فی الدر .

(٣) بحرده دها شمولی اوله رق « ایکی عقددن بری آخرک عوضی اولق =

« لا شغار فی الاسلام » حدیثیله شغارک منہیتی فعل شرعی اولان نکاحک بطلاتی موجب دکل ، مهر دن خالی اولسنه محمولدر .

مهر معجل و مهر مؤجل

مهر مسمی عرف ناسده ایکی یه انقسام ایدوب عادت بر قسمی پیشین و بر قسمی وقت غایتده ویرلمک اوزره جاری اولمشدر . پیشین ویریلانه (مهر معجل) دینورکه تعجیل ایدیلوب اولجه ویرلمش اولان مهر دیمکدر (۱) . وقت غایتده ویریلانه (مهر مؤجل) دینیلورکه وقت مفارقت دیمک اولان وقت غایت ایله تأجیل ایدلمش بولنان مهر دیمکدر (۲) . بونلرک مجموع حاصلی بر مهر مسادر . عند الاطلاق متبادر اولان مهر مؤجلدر .

مهر مسمی ایکی یه انقسام ایتیمک صورتنده بین الزوجین نکاح قائم ایکن زوجه مهر مؤجلنی زوجندن اخذه قادر اوله مازکه دین مؤجلی اجلندن اول ایسته ملک قییلندن اولور . زوج دیلرسه ویرر (انی ویرمکله زوجه سنی بوشامش اولماز) . زوجه مهر معجلنی اخذه

= اوزره کشتی کندی مولیه سنی دیکرک مولیه سی مقابلنده کا تزویج ایتیمکدر « دیو تعریف اولمشدرکه شغاردہ ایکی عقددن بری دیکره ایکی طرفه دخی عوض اولق قیدی لابدر . ایکی کیمسه بری برینک همشیره سنی تناکج ایتیمک وزن تقاعله اوله رق (تجاب) اطلاق اولنور .

(۱) بزم عرفینده بوکا (آغراق) اسمی ویریلیور . بعضاً پیشین ویریله میهرک جمله سی ثبت دفتر ایدلمکله پیشین اولانی (مستوف) نامنی آلیورکه دفترده اخذ واستیفا اولنمش دیو کوسترلش اولیور . ابن عابدین آغراقه عرف اعاجده (دستمان) دینلدیکی سویلیور . انظره قبیل نکاح الرقیق .

(۲) غایت : موت یاخود طلاقدن عبارتدر . اوده فی نفسها معلومدر ، کما فی سہجۃ الفتوی .

قادر در (۱) . انی اخذ واستیفایا ایلمد کجه نفسنی زوجته تمسکین ایتیمیه —
بیایور (۲) .

مهر مؤجل وقت غایتده ویرلمک لازم کلور . اندن صکره تأجیل ده
اولنماز (۳) .

مهرک هپسنی مؤجل قیامق دخی صحیح اولمغله شو قدر غروش
مهر (مؤجل) تسمیه سیله واقع اولان تزوجهده مهر معجل تسمیه
اولنمسه وقت غایتده انی عرف وعادته مبنی طلبه حق اولماز . کما فی
فتاوی علی افندی .

مهرک معجل و مؤجلی عقدده ادراج اولندیغنه کوره تماماً
زوجه نك حقیدر . اکا مقابل زوجک بر شی ایستمکه حق
یوقدر . تزوجدن ارکک ایچون مقصد تأملدر . ماله توسل
دکلدر . انجق عرف وعادت دخی مراعی اولمغله مهر معجل عقدده
تأخیر اولنمیه رق آغراق نامیله زوج طرفندن اولجه اعطا اولنوب
زوجه جانندن اخذ واستیفایا ایلمش بوانمق صورتده اکا مقابل

(۱) مصاحبت رجاله صالحه اولیان صغیره یی باباسی زوجته قبل التسلیم مهر
معجلنی طلب واخذه قادر اولور . (نتیجه) .

(۲) طوعاً خلوت وحتی دخول وقوع بولش اولمغله زوجته نك بوحق زائل
اولدیغی کی نفسنی بوسیدله زوجندن منع ایتیمکده اولسندن طولانی کندیس
نقعه دن دخی ساقط اولماز . خروجی ده اذن زوجه توقف ایتمز . کما فی الدر .

(۳) یعنی طلاق ویا موت ایله اداسی لازم کلان مهرده تأجیل صحیح اولماز
» زید زوجه می هندی بائناً تطلیق ایتدکدن صکره زید ذمتنده اولان مهر
مؤجلنی اجل معلوم ایله تأجیل ایلسه هند قبل حلول الأجل مهرینی زیددن آلمغه
قادره اولورمی ؟ الجواب : اولور . « بهجه . رجعیاً تطلیقده دخی انقضاء عدتله
مهر مؤجل بیله معجل اولور .

تیزك جهازی میاننده زوجه متعلق اشیا دخی اولوق معتاد بولندیغندن زوجه سی کندیسنه بلا جهاز کوندریلان کیمسه بعد الزفاف راضی اولوب سکوت ایتدکجه مطالبه یه حقلی اولور دینلشدیر . کافی الدر مع الرد .

« لابد من فراق اما بالموت واما بالطلاق » خواسنجه مفارقت زوجین لابد (ناچار) اولدیغندن وفات صورتیه مفارقتده مطلقا یعنی دخول ویاخلوت كرك وقوع بولمش اولسون كرك اولسون مهر مثل ویا مسمانك تمامی لازم کلور : زوج وفات ایتمش ایسه ترکسندن زوجه آنی آلور ^(۱) زوجه وفات ایلش ایسه زوجك انی ورثه زوجه یه ویرمسی لازم کلور .

طلاق صورتیه مفارقتده دخول ویاخلوت وقوع بولوب بولمادیغنه باقیلور : انلردن بری واقع اولمش ایسه مهر مسمانك تمامی وواقع اولمامش ایسه انك نصفی لازم کلور ^(۲) . مهر مسمی

(۱) زید هندی برمعین ملک منزل ایله باغچه سی وشوقدر اشیا معینه سی مهر معجل اولوق اوزره تزوج ایتدکدن صکره زید فوت اولسه هند اول منزل وباغچه واشیا المغه قاده اولوری ؟ الجواب : اولور . (علی افندی) .

(۲) مهر زوجه یه تسلیم اولنمامش ایسه زوجك مجرد طلاقیه انك نصفی زوجك ملکنه عودت ایدر . اگر تسلیم اولنش ایسه زوجه نك آنده اسباب ملکدن اولان قبضی باطل اولمامغله نصفك ملک زوجه عودتی قضایه یاخود رضایه توقف ایدر . (درمختار) . حقیقه ویا حکما وطئدن اول وقوعی سببیه نصف مهری موجب اولان فرقت زوج طرفندن کلان فرقتدر كرك طلاق وكرك فسخ طریقیله اولسون : ایلاء ، امان ، عنینیت ، ارتداد ، زوجه سنك اسلامی تقدیرنده کندینك اسلامدن امتناع ایتمسی ، زوجه نك اصول یاخود فروغه حرمت مصاهره یی

اولدیغنی تمئیدرده دخول و یا خلوت واقع اولدیغنه کوره مهر مثل اعطا اولنور اولردن بری واقع اولدیغنه کوره مطلقه به متعه ویریلور^(۱).
 بوبابده متعه : قادین کسوه سنندن برجار وبر کو ملک (یعنی انتاری) و برباش اور تیسندن عبارت اوج پارچه شیدر .
 انلری قیمه اعطاده دخی زوجی قبوله مجبور اولور .
 متعه قول مفتی به اوزره نفقه کی حال طرفینه کوره اولورکه طرفین غنی اولدیغنه کوره متعه نک اغلاسی و فقیر اولدیغنه کوره ادناسی و مختلف الحال بولدیغنه کوره وسطی ویریلور . زوج فقیرک ویره جکی قیمت بش درهم کموش دکرندن دون و زوج غنینک ویره جکی قیمت نصف مهر مثلدن افزرن اولماز^(۲)
 نفسنی خیاری بلوغ ایله قبل الدخول والخلوه اختیار ایتمش اولان نوبالغه نک مهری اولماز .

دخول و خلوت

مهر مثل اولسون مهر مسمی اولسون بزجه انک موجبی عقد صحیحدر . دخول مؤکد یدر .

موجب فعلده بولمسی کی . فرقت اکر زوجہ طرفندن کلش ایسه اکا نصف مهر دخی لازم اولیوب ساقط اولور : زوجہ نک ارتدادی ، کتاییه اولدیغنی حالده زوجنک اسلامنده کندیسنه عرض اولنان اسلامدن امتناع ایلمسی ، زوجنک اصل و یا فرعنہ حرمت مصاهره نی موجب فعلده بولمسی کی که بونلره نفریق بالمعصیه تعبیر اولنور .

(۱) متعه طلاق لغت عربده (تحمیم) دینلدیکی در دست اولان الحقائقمک عبدالرحمن ابن عوف عنواننده حاشیه اوله رق یازمشدر . تحمیم و بومعاده کی تحمیم تمئین کی اسمدر . تمئین طناب معناسنه درکه چادر ایپیدر .

(۲) هذا غاية تحریر فی التئیر علی افاده الحصکی وان لم یغفور وجهه لبعض الناظرین

مهر اوج معنائك بريله نأ كند ايدر : دخول ، خلوت صحیحه ، وفات .

بومعائنيك بری حاصل اولماز دن اول مهر ثابت الوجوب ، وشو قدركه محتمل السقوط اولوب عقدده صحت اولمديغنه **كوره** قبل الدخول وفات دخي اولسه تماماً وعقدده صحت اولوبده قبل الدخول طلاق وقوعنده نصفاً ساقط اولور .

ذكر اولئان معانی ثلاثه نك بری حاصل اولدقن **صكره** زوجه وانك وفاتی صورتنده صاحب حق حط وهبه (۱) ایتدكجه مهردن برشی ساقط اولماز .

• (دخول) : زوجك زوجه به مقارنتيدر (۲) .

دار اسلامده بلاملك یمین دخول یعنی برار ككك برقادینه مقارنتی ایكیدن خالی اولمیوب ولو من وجه اولسون مشروع ایسه مهری وغیر مشروع ایسه حدی (عقوبتی) استلزام ايدر (۳) .

صورت مشروعده نكاح شروطنی استجماع ایده میهرك فاسد ویا موقوف اولیورر ایسه حد ساقط اولور . مهر كده مثل

(۱) حط : بر مقدار تنزیل ایتدكدر . هبه باغشلامقدر . صاحب هندیه ابراء

تعیر ایتدكدر .

(۲) مصباحده مذکوردركه دخول لفظی بآء حرفیلده صلہ اندقدده قادین ايله ايلك مقارنتدن کنایه اولور . وطء مباحده غالب الاستعمالدر واو قادین مدخول بها در اه دخول مذکورده بنادخی دینور واو معناده بنا افتعال واستفعال باهلرندن دخي استعمال اولنور . شوبیتده بوايکی لغت مجتمعدر :

أرى كل ذي أهل يقيم ويبتني * مقيماً وما استبنيت الا على ظهر

زفاف : زوجه یی زوجنه تسلیمدن عبارتدر .

(۳) واستثنی من هذه القاعدة فی الدر مسئلتان وزید علیهما الرد ست مسائل

راجعهما ان شدت قبیل نكاح الرقیق .

و مسلمان اقلی لازم کاور . تهکیم باینده بیان اولنور .
نسکاح صحیح ایله اولان خلوت صحیحجه دخی دخول حکمنده در :
(خلوت) : زوج ایله زوجه اذنلری اولدقجه شخص نائیک
کندیلهینه اطلاعندن امین اولدقلری بر یرده یالکز بولنملرندن
عبارتدر .

خلوتک صحتی : زوجینک برنده وطء و مقارنته بر مانع
بولنماقدر . مانع کرک حسی اولسون : خسته لک ، کوچکلک
چلیمسزلک کبی (۱) . کرک شرعی اولسون : فرض اولان نماز ، فرض
اولان اورج (۲) ، علی الاطلاق احرام ، حیض ، نفاس کبی (۳) .
یانلرنده ذکور و انانندن برکیمسسه بولنمق ولوکه بولنان کیمسسه
اعمی و یا نائم یاخود صبی اولسون (۴) مانع خلوت اولدیغی کبی

(۱) زید هندی شو قدر اقچه مهر تسمیه سیله تزوج ایتدکدن صکره زفاف واقع
اولوب لکن زید صریض اولمغله وطء ممکن اولیوب هندی تطلیق ایلسه زید مهر
مسماک نصفی هنده ویررایکن هند راضیه او لیوب تمام آلقه قدره اولوری ؟
الجواب : اولماز . (نتیجه) .

زید سکر یاشنده اولان قیزی هند صغیره بی شو قدر اقچه مهر تسمیه سیله
عمروه تزویج ایتدکدن صکره زفاف واقع اولوب لکن هند مهزوله (چلیمسز)
اولمغله وطء بولنمیدن عمرو هندی تطلیق ایلسه مهر مسماک نصفیمی یوقسه تامی
لازم اولور ؟ الجواب : نصفی . (بهجه) .

(۲) أعنی الاداء فان صوم التطوع والمنذور والکفارات والقضاء غیر مانع
لصحتها اذ لا کفارة بالإفساد . والمانع فی الصلاة الفرضية فقط . کما فی الدر .

(۳) ایکی صکره کیدن ماعداسی ایکی طرفده ده اوله بیلور .

(۴) مقصود صبی ممیزدر . بولنان شخص صبی غیر ممیز و یا مجنون یاخود معفی
علیه (باغین) ایسه مانع خلوت صایبماز . کما فی الدر . قال وجاربه أحدهما لا تمنع
والکلب يمنع إن کان عقورا أو لازوجة وإلا لا . وبقی من المانع عدم صلاحیه
المکان کمسجد وطریق وصحراء وسطح اه بخذف

هیچ کیمسه بولنماق صورتنده زوجینک برنده ذکر اولسان
موانعک بری بولنماق دخی خلوتک مانع صحتیدر .
عنینیت مانع صحت خلوت دکدر (۱) .

خلوت صحیحه (۲) مجرد غسلی واحصائی (۳) و حرمت بنائی
و مبتوته (۴) حقنده زوج اوله حلالیتی و رجعتی (۵) و میرائی موجب
اولماز ایسهده ثبوت نسبی و لزوم عدتی و لزوم نفقهی و تا کد مهری
موجب اولور (۶) .

(وفات) : کرک موت معتاد ایله و کرک قتل و یا انتحار (۷)
طریقيله اولسون و دخول و یا خلوت کرک واقع اولسون ، کرک
اولسون مهر مثل و یا مسادن هیچ برشی ساقط اولماق اوزره

(۱) و کذا الحضاء اجماعا . و اما المحبوب إذا خلا بامرأته ثم طلقها فکذلك عند
ابی حنیفه . و عندهما لها نصف المهر وعليها العدة اجماعا . لکن قالوا الرقی یمنع
صحة الخلوة فلو خلا بالرتقاء فلها نصف المهر و لا عدة عليها . کما فی الجوهره و عدة
الدر المختار .

(۲) قید صحت لزوم مهره کوره در . لزوم عدتده قید مزبور معتبر
دکدر .

(۳) حقنده عزوزنا ایدنه حد ، و ارتکاب زنا تقدیرنده کنديسنه رجم ، ترتب
ایتمک اوزره محسن اولمق .

(۴) اوج طلاق ایله مطلقه معناسنه در . محرّماته و کتاب الطلاقه باقکزر .

(۵) کتاب الطلاقه مراجعت ایدکزر .

(۶) ای إذا کان النکاح غیر فاسد و لا موقوف . کما مر و سیأتی .

(۷) چونکه کشینک کندی نفسنه جنایتی احکام دنیا حقنده معتبر
اولدیندن زوجه نک انتحار ایتسی حتف آنفها وفات ایتسی کی اولور .
همده زوجه انتحار ایتکله کندی ورثه سنک حقوقنی اسقاطه مالک
اولماز . ط .

انی ذمت زوجه مقرر قیلار ^(۱) .

زوجه یی کندی وارثی قتل ایتمک دخی بویله در .

انتحار صورتنده زوجه مملوکه غیر دخی اولسه حکم بویله در
(که جاریه نك مالکی اكا عائد اولان مہردن محروم اولماز)
علی الصبیح .

اگر جاریه یی زوجی کندیسنه داخل اولمدين مالک مکلفی ^(۲)
قتل ایدرسه مهر ساقط اولور . بوضورتده مالک قبل التمس
اتلاف مبیع ایدن بائع کبی مبدلی منع ایتدیککیچون منع بدل ایله
مجازات اولنور ^(۳) .

برقیز بریسنه مجرد نامزد و نشانلی اولمقله اكا زوجه اولمیه جغندن
نشان یا خود آغراق (مهر معجل) نامیله ویریلان شی قیزک قبل العقد
وفاتنده موجود ایسه عیناً و مستهلاًک ایسه مثلاً و یا قیمه استرداد
اولنه بیلور ^(۴) قبل العقد زوجک وفاتی صورتنده حق استرداد
ورثه نسکدر ^(۵) .

(۱) جنون مطبق ایله مجنون اولان زیدک ولی اقربی لأبوین عمی عمرو هندی
مهر مثلی اولان شوقدر اقیچه مهر تسمیه سیله زیده تزویج ایتدکدن صکره زید
فوت اولسه هند زیدک ترکه سندن مهر مسجای و ماعدادن حصه سنی آلفه قادره
اولورمی ؟ الجواب : اولور . ولی شرط فی انکاح الصغار والحائنین والمماليك
(علی افندی) .

(۲) جاریه نك قاتلی اولان مالکی صبی یا خود مجنون بولنق کبی مکلف دکل
ایسه مهر ساقط اولماز . علی الراجع . مکاف الدر مع ط .

(۳) در مختارک نکاح رقیقنده بویله مذکور اولوب هندیده سقط مهرک
قول حضرت امام اولدیفی و امامین عندنده مهرک عدم سقطلی ذکر اولمشدر .

(۴) چونکه هنوز تمام بولماش بر معارضه در .

(۵) زید نامزدی اولان هنده مهر معجل نامیله براینک و یروب =

هدیه نامیده و یرلمش اولمق صورتمده شیء موهوب موجود ایسه
استرداد اولانه ییلور . هالك یاخود مستهلك ایسه اولنماز . کما هو
حكم الهبة .

نشانندن صکره جایلق دخی حکم مذکور اوزره در (۱) .

کیمسه نك تحت ولایتده اولمیان حره مکافه (۲) حقمنده کرك ولینك
و کرك شخص اجنینك «نقسم ایچون شو تدر شی ویرلمد کجه نکاح
ایتدر مم» دیمکه حتی اوله ماز .

بویولده آلمان شی روشو تدر استرداد اولنور (۳)
اما زوجك تزویج ایچون واسطه یه وعدایتدیکی شیء انك
سعی مقابلنده اجری دیمك اولمغله اولبابده او واسطه یه ویردیکی
اجر مثلی زوج استرداد ایده مز . (وعدلر صورت تعلیقی اکتسا
ایله لازم اولور)

مهرده مواضعه و تصرف و تکرار

عادلر سرأ بر مقدار و یا جنس مهر اوزرینه و علانیه (۴)

= لکن عقد نکاح اولنمدن زید فوت اولسه ورثه سی اینکی هنددن آلمغه
قادر اولورلری ؟ الجواب : اولورلر . (فیضیه) .

(۱) زید هنده نامزد اولدقده مهر مهجل نامنه هنده شو قدر اشیا کوندر و ب
بعده هندی تزوجدن فارغ اولسه زید اشیا مزبوره یی هنددن استرداد قادر
اولورمی ؟ الجواب : اولور . (علی افندی)

(۲) تحت ولایتده اولماق انك صفت کاشفه سیدر . کما قد عرفت .

(۳) فیضیه نك مسائل شتاسنه باقکر . اهل مرأه قادینی زوعه تسلیم ایدر
ایکن برشی آلسه زوج اتی ده استرداد ایده ییلور چونکه اوده رشو تدر .
کما فی الهندیه .

(۴) علانیت کله سی رفاهیت و کراهیت کبی محفف الیاء در علناً دیمکدر .

اندىن زياده بر مقدار و يا بشقه بر جنس مهر اوزرينه عقد نكاح ايتمش اولقى صورتده طرفين مواضعده يعنى ظاهر كُسمعه^(۱) اولديغنده متفق اولدقجه ظاهر عقد معتبر اولور . مكركه عكسى اثبات اولنه .

بعد الامهار استملاك اولنمق قىيلىندن اولماق اوزره^(۲) مهر بالتسميه زوجه نك ملكى اولمغله انده تصرف حقى دخى زوجه نكدر .

زوج كنديسنه داخل ولسون ، اولسون زوجه مكافه كندى مهرينى زوجه بالرضا باغشلايه بيلور و بو بابت اوليادن هيچ برينك نه پدرينك ونه غيريسنك اعتراضه حقى اوله ماز . زوج ميتنه دخى باغشلايه بيلور . مهرينى زوجه نك ورثه سنه دخى هبه ايتسه اولور .

مهر حق زوجه و مملوكه يه كوره حق مولى اولديغندن مولى دخى مكاتب اولميان جاريه سنك مهرينى زوجه هبه ايده بيلور^(۳) پدر تحت ولايتنده ترويج ايتديكى صغيره تيزينك مهرينى كيمسه يه باغشلايه ماز .

زوجه مهرينى زوجه بر شرط ايله هبه ايتمش اولديغنه كوره

(۱) مسوعاته نظراً (سمعه) مرثياته نظراً (رياء) كيبدر كه كو سترش ديمكدر . زحشرى نوايع الكامده «رب دعاء ودمعة من أجل رياء وسمعة» ديمشدر .

(۲) بو قيد فائده سى اصول اوقويانلرجه معلومدر .

(۳) و كذلك مدبرته وام ولده وأما المكاتبه فالمر لها فلا يهبه مولاها . هذيه .

شرط موجود اولورسه مهر موهوب اولور شرط موجود اولماز
ایسه مهر کا کن زوجه یه عائد بولونور . هندیه ^(۱)

زوجه مهرینک بر مقدارینی حطّ و تنزیل دخی ایده بیلور .

بونلر زوجک قبولنده توقف ایتمز . شو قدرکه انک ردیله مردود
اولور .

زوجه ده حق تنزیل اولدیغی کبی زوجیت قائم اولمق شرطیله
زوجه دخی ^(۲) حق تزئید واردر ^(۳) . بین الزوجین نکاح قائم ایکن
زوجک مهره مقدار معین ^(۴) ایتدیکی زیاده زوجه نک وصغیره غیر
متعقله اولدیغنه ^(۵) کوره و لیسنک ^(۵) در حال قبولیله معتبر اولوب
وفات زوجده زوجه اوزیاده یه دخی مستحق بولنور ^(۶)

(۱) زیدک زوجه مدخول بها سی هند زیده « بکا بر جاریه آلیوریر ایسه ک
مهری سکا به ایده یم » دیوب لسنک زید جاریه آلیوریر موب بعده زید هندی
تطلیق ایاسه هند مهرینی زیددن طلب ایتدکده زید مجرد « به ایده یم »
دیمشیدک دیو ویرماکه قادر اولورمی ؟ الجواب : اولماز . (فیضیه) .

(۲) وکذا فی الولی . کما فی الهندیه . قال سواء كانت الزیاده من جنس المهر
او لا من زوج أو من ولی اه .

(۳) عند علمائنا الثلاثة . (هندیه) . خلافاً لفر . (علی افندی) .

(۴) فلو قال زدتك فی مهرک ولم یعین لم تصح الزیاده للجهالة . رد المختار .

(۵) زدته علی الهندیه من نقول علی افندی . بشرط قبولهما فی المجلس . کما فی
الدر المختار .

(۶) زوجه نک وفاتندن صکره مهرینی زیاده ایتمک عند الامام جائز و عند
الامامین غیر جائز در . هندیه .

اردهن زوجیت زائل اولدقدن صکره مهره ایدیلان زیاده معتبر اولماز (۱) .

تزیید بر شرط ایله مشروط اولدیغنه کوره شرط موجود اولدقجه زیاده لازم اولتماز (۲) .

زیاده مهر دخی ذات مهر کبی دخول و خلوت و وفاتدن عبارت بولسان معانی ثلاثه نك بریله تأکید ایدر . بومعانیدن بری بولنمیه رق فرقت واقع اولور یعنی زوجه قبل الدخول و الخلوه تطلیق اولنور ایسه زیاده باطل اولوب اصل مسمى انتصاف ایدرکه انجق ذات مهرک نصفی ویریلور . زیاده انتصاف ایتمز (۳) .

مرض موت حق غریبی و حق وارثی و قایه مقداری حجری موجب اولدیغندن کرك زوجه نك جواز هبه سی و كرك زوجك زیاده مهر ایده - بیلسی حال صحت ایله مقیددر . (مهر مثل ایله تزوجدن مریض محجور دکدر) (۴) .

(۱) قبل الدخول تطلیق و یا بعد الدخول ابانه ایدیلان زوجه نك مهرینه زیاده ایتدک صحیح اولدیغنی کبی رجعیاً مطلقه نك عدتی انتضا سنده ایدیلان زیاده دخی صحیح اولماز . کما فی الهدیة .

(۲) یکریمی ایکنجی صفحه ده کی دردنجی هامشی اوقویکز . ولو تزوجها بازید من مهر مثلها علی أنها بکر و می ثیب لاتجب الزیاده . (فیضیه) .

(۳) یعنی ایدیلان زیاده نك دخی نصفی و بملک لازم کلز چونکه تنصیف نصاً مفروض فی العقد مختصدر . قاله الحصفی .

(۴) زید مرض موئنده هندی شوقدر آقچه مهر تسمیه سیله تزوج ایتدکدن صکره زید فوت اولسه مهر مزبور هنک مهر مثله مساوی اولیجق هند مبلغ مزبوری زیدک ترکه سندق آلمغه قادره اولورمی ؟ الجواب : اولور . (فیضیه) .

با بنده مبین اولدیغی اوزره طلاق رجعیده زوجه یه رجعت کافی اولمغله تجدید عقده لزوم اولدیغی کبی اشراط مهر جدیده دخی لزوم یوقدر . بناءً علیه رجعیاً مطلقه یه مراجعتده مهر تکرر ایتمز^(۱)

بائناً تطلیقه تجدید عقد ایدیله جکندن مهر مسماسنی ویرمدن بتسکرار تزوج و تسمیه وقوع بولور ایسه هرایکیسنی غایتده اخذ ایتمکه زوجه مستحق اولور^(۲) ایکنجی تزوجده زوجین مبارأه ایتمسه لرذمت زوج مهر ثانیدن بری اوله بیلور .

بلا تطلیق تجدید نکاحده ... که احتیاط زعمیله اولان تجدید بی لزومدر^(۳) — مهر ثانی زائد دخی اولسه معتبر اولماز^(۴) عقد ثانی ایله تزیید مهر مقصود اولدقجه برشی واجب اولمیوب اگر تزیید مهر مقصدیله بر عقد دها ایدلمش بولنور ایسه احوالده مهر ثانی معتبر اولور . کما فی الهندیه .

(۱) اگر زوج : « سکا بیک غروش ایله مراجعت ایتم . » دیر و زوجه قبول ایدر ایسه جائز اولور . قبول ایتمز ایسه اولماز چونکه مهرده زیاده دیکدر زوجه نك قبولنه توقف ایدر . هندیه .

(۲) نکاح ثانی عدت اتماسنده واقم اولدیغنه کوره زوج انی ثانیاً قبل الدخول دخی تطلیق ایتمه زوجه هرایکی نکاحدن مهر لرك تمامنه مستحق اولور . تطلیق ثانیدن صکره کی عقد ثالث دخی بویله در . مسئله فیضیه ده مصوردر .

(۳) ان کان الرجل تقياً معرضاً عما لا یغنیه .

(۴) وان جدد النکاح للاحتیاط لاتلزمه الزیاده بالاتزاع لان القرض ابقاء الأول . ولان العقد الثانی لم یثبت فکیف یثبت ما فی ضمنه اه بهجة عن البرازیه ومثاله فی طلاق الفیضة .

وفاتده ، ودخولدن واو حکمده اولان خلوت صحیحده دن صکره کی طلاقده تمام مهر مثل و یا مسمانک و بلا دخول و خلوت تطلیقه نصف مهر مسمانک یا خود متعه نك لزومی عقد صحیحده کوردر . عقد فاسد و تعبیر دیگر ایله نکاح فاسد ابقا اولانه میه جغندن انک مفارقتنده اگر دخول واقع اولماش ایسه خلوت صحیحده وقوع بولش بیلده اولسه مهره دائر هیچ برشی لازم کلمیوب دخول واقع ولمش بولندیغنه کوره مهر (مسمی دکل ایسه) بالغاً ما بلغ مهر مثل و مهر (مسمی ایسه) اندن اکثر اولمیان مهر مثل اعطا اولنور . یعنی انلردن هانکیسی اقل ایسه او ویریلور . ویریلان انک مهری دکل ، عُفـری (دیت بُضعی) در (۵) .

(۴) بضع ایچون اون ایکنجی صفحه نك دردنجی هامشنه باقکوز . العقر بالضم من أسماء المهر كما في الدر . وهو في الأصل دية بضعها إذا غصبت على نفسها ثم كثر ذلك حتى استعمل في المهر . كما في المصباح . يعني المهر الذي يجب بنحو الوطء بشبهة . قال ابن عابدين في بيان مهر المثل مانصه : ثم اعلم ان اعتبار مهر المثل المذكور حكم كل نكاح صحيح لاتسمية فيه أصلاً أو سمى فيه ماهو مجهول . مالايجل شرعاً وحكم كل نكاح فاسد بعد الوطء سمى فيه مهر أولاً وأما المواضع التي يجب فيها المهر بسبب الوطء بشبهة فليس المراد بالمهر فيها مهر المثل المذكور هنا لما في الخلاصة أن المراد به العقر وفسره الاسييجاني بأنه ينظر بكم تستأجر لآزنا لو كان حلالاً يجب ذلك التقدير اه .

نکاح فاسد یا خود عقد فاسد و انک احکامی

عقد نکاح فسادى شروطنى جامع اولما مسيله در . مثلاً شاهدسز اولان یا خود شاهد واحد حضورنده عقد اولنان و یا خود یا الکز عقده وکیل اولانلرک (کندی فعللری دیمک اولان عقده شهادتلى مقبول اولما مغله) محضرنده ابدیلان نکاح فاسد اولدیغی کبی فصل محرمانده مذکور اسباب تحریمک بری - که مانع شرعیدر - موجود ایکن اولنان عقد دخی فاسددر^(۱) : نسباً و یا رضاعاً قریب محرمی آلمق ، زوجینک بری دیگرینه مالک اولمق ، حره اوزرینه مملوکه غیرى نکاحلامق ، منکوحه اوزرینه انک همشیره سی و یا خاله سی مثلی قریبه سنی تزوج ایتمک ، معتدّه غیرى و درت زوجه سی اولانه کوره انلرک برینی تطلیق عدتنده بشنجی برقادینی نکاحلامق کبی .

نکاح فاسدک حکمی : زوجین زوجیت اوزره ابقا اولنمیوب کندیلری مفارقت ایتمز لرایسه یینلری تفریق ایدلمک^(۲) و دخول

(۱) عباداتده ومن جهة عبادت اولان مناکحاتده فاسد ایله باطل سیاندر . باب عدتده صاحب در : « نکاح باطلده عدت یوقدر » دیو آنی نکاح فاسده مقابل طومش و طحطا ویده اکا مثال اوله رق : منکوحه غیرى بیله رک نکاحلامق و یا خود نکاحی عقد اولنیه جق الفاظ ایله عقد ایلمک کوسترلشدیر . ابن عابدین بوبابده ویردیکی تفصیلدن صکره « فاسد ایله باطل عدتک غیریده فرقسزدر عدت خصوص صنده انلرک فرقی ثابتدر » دیمشدر . فلینظر .

(۲) مثلاً بین الزوجین رضاع ثابت اولسه یینلری تفریق ایدیلور . قبل الدخول ایسه مهر لازم اولمیوب بعد الدخول ایسه مهر مثل و مساند اقلی ویریلور که بو مهر مسمی اولدیغنه کورده در . اولدیغنه کوره تام مهر مثل ویریلور . تشکیم سکسان ایکنجی و سکسان دردنجی صفحه لرده متناً مبیندر .

وقوع بولمش اولمدیجه مهر وعدت لازم اولمیوب و بونلر بالفعل
مواقعہ نك غیر یه ترتب ایتمیوب^(۱) اکر دخول واقع اولمش
ایسه مهر مسمی اولمدیغنه کوره قادینه اندن و مهر مثلدن اقلی
ویرلک و مهر مسمی اولمدیغنه کوره بالغاً ما بلغ مهر مثل لازم کلکم
ودخول و خلوته عدت ترتب ایتمک^(۲) و دخولدن مجرد اولان
نکاح فاسد ایله حرمت مصاهرت ثابت اولماق و او عقد موجب
توارث اولمدیغی کبی عقد دیگره مانع دخی اولماق قدر . نتسکیم
امثله آتیہ دن ظاهر اولور .

نکاح فاسده کړک زوجینک کندی مفارقتلری ، کړک حاکم
طرفندن تفریق اولنملری طلاق دکلدر . زوجینک کندی
مفارقتلری متارکهدر . اومتارکهدی انلر قبل الدخول و بعد الدخول
یا په بیلورلر ، هربری دیکرینک غیابنده دخی مفارقت و متارکه
ایده بیلور . ایتمکلری صورتده ایکیسنک مواجهه سنده حاکم
تفریق حکم ایدر ،

کړک تفریق مذکور کړک مفارقت مذکور طلاق اولمدیغندن
عدد طلاقه محسوب اولمیوب حرمت محل بولنمدیغنه کوره عدد طلاق
عقد صحیح اجرا سندن صکره وقوع بوله حق تطلیقندن ابتدا ایدر .
عقد فاسد دخولی انتاج ایتمش ایسه او دخول حلال اولماق

(۱) فلا يجب بالمس والتقبيل بشهوة ولا بالوطء في غير محل النسل مهر صرح
به ابن عابدين .

(۲) چونکه مهرک موجبی عقد صحیحدر . عقد صحیح اولمیجه دخولدن
جرد اولان خلوت مهری موجب اوله ماز . کما یأتی وهو المصرح به فی مهر الدرر .
عدتک موجبی صحیح و غیر صحیح خلوتدر . کما یأتی عن ط .

و موجب تعزیز اولمق ایله برابر شبههٔ نکاحه مبنی حد - که عقوبت شرعیهٔ دنیویه در - آندن ساقط ، و وجه مذکور اوزره مهر وعدت لازم ، و حمل وقوعنده نسب ثابت اولور ، دخول وقوع بولمدیغنه کورهٔ بونلرک برینه محل اولماز ، فساد عقد مبنی بوبابده مهر مجرد عقد ایله دکل ، منافع بضعی استیفا ایله لازم اولور .

نکاح فاسدک خلوت صحیحجه (۱) نکاح صحیحک خلوت فاسده سی کبیدر که بوبابده خلوت صحیحجه (۲) مهر خصوصنده (۳) دخول مقاضمه قائم اوله ماز .

دخول وقوعندن صکره اولان تفریقده دخی قادین معتده اولسه ده محل طلاق اوله ماز . بناء علیه زوجک اکا اوچ طلاق ایقاعنک ده حکمی اولما مغله محل نکاح اولاننی بعده بلا حله تزوج ایده بیلور نتکیم کتاب الطلاقده ذکر اولنور .

نکاح فاسدک ذکر اولنان حکمی موجبنجه نکاح صحیح احکامی انده جاری اولمدیغندن عقدلرینک فسادی تبین ایدن زوجیندن برینک یا قبل الدخول و یا بعد الدخول وفاتی وقوعنده دیکرینک زوجیتدن طولای میراث طلبنه حق اولمدیغی (۴) کی قبل الدخول والدواعی

(۱) وفي هذا التعبير من التسامح ما لا يخفى فان المراد بها الحالية عما يمنحها أو يفسدها اه منحة .

(۲) وحتى بشهوة مس وتقبيل . كما مر عن ابن عابدين .

(۳) أي لافي حق العدة فان وجوبها من أحكام الخلوة سواء كانت صحيحة أم لا .

شرح به ط في باب المهر . قال في الهندية وتعتبر من حين يفرق بينهما عند علمائنا الثلاثة اه

(۴) زيد زوجته سی هندک فرخداشی قیزی زینبی تزوج ایدوب هند ایله جمع

ایتد کدن صکره زینب زیددن تفریق اولمیدن زید فوت اولسه زینب زیده وارثه اولور می ؟ الجواب : اولماز . (نتیجه) .

تفریق و وقوع بولمق صورتده حرمت مه‌ساهره دخی ثابت اوله‌میه‌جغندن
زوج منکوحه* فاسده‌سنک اناسنی استنکاح ایده‌بیلور . « بعد‌الدخول
اولان تفریقده ایده‌مز » .

نکاح صحیح ایله منکوحه‌سی اولدیغی زوج‌داخلنک تطلیقی
اوزرینه نفسنی عدتی ایچنده زوج‌دیگره فاسداً عقد و تزویج
ایدن قادینک ایکنجی زوجی اکا داخل اولمدين بشقه بلده‌یه
کیتمش اولمق تقدیرنده اوفادین عدتنک انقضاسنده نفسنی نکاح
صحیح ایله اوچنجی بر ذاته تزویج ایده‌بیلور . زوج ثانی کلوب
انی آله‌ماز .

کذلک زوجنک شیوع وفاتی اوزرینه نفسنی انقضاء عدتندن
صکره زوج آخره تزویج ایدن قادینک اسکی قوجه‌سی ظهور
ایتدکده زوج ثانی‌نک فسادنکاحی متین اولمغله قادین اندن
تفریق اولنور(۴) : دخول واقع‌اولمش ایسه قادین بعد‌التفریق
عدت بکلر حمل‌وار ایسه چوجنک نسبی پدرندن ثابت اولور .
زوج اولی تطلیق ایتمدیکنه کوره قادین انک زوج‌ه‌سیدر
زوج‌ه‌سنی زوج‌ثانی* فاسدانکاحک کندیسنه دخواندن اول
بولمش اولور ایسه بلا‌عدة وبعد‌الدخول بولمش اولور ایسه
حاکمک تفریقندن اعتباراً باشلایان عدتنک انقضاسندن صکره
بلا‌تجید‌عقد اکا ازواج معامله‌سی ایدر .

کذلک برکیمسه آخر بلده‌ده ایکن کندیسنه زوج‌ه‌سنک وفاتی
خبر ویریلهرک انک اوراده بولنان همشیره‌سنی شوقدر غروش مهر

(*) قبل‌التفریق بیله وفاتی وقوع بولسه قادین اندن زوج میرائی ییه‌مز چونکه
ارثه استحقاق نکاح صحیح ایله‌در . نکاح مر .

تسمیه سیله تزو واکا دخول ایتدکدن صکره زوجه سی صاغ ظهور
ایتسه همشیره سنک نکاحی فاسد اولدیغی متبیین اولمغله بالمفارقة اکا
مهر مثل و مساسندن اقلنی اعطا وعدتی منقضی اولنجه قدر صبرایدوب
بعد دزوجه قدیمه سیله ازواج معامله سی ایدر .

نکاحی کندیسنه حلال اولان قیزک وایسی انی بلوغندن صکره
کندینک اذنی اولمیه رق نفسنه تزویج ایتمش اولق صورتده نکاح
صحیح اولدیغی کبی صبی محجور بلا اذن ولی برقادین تزویج ایدوب ولی
انی رد ایتمک صورتده دخی نکاح صحیح اولمغله زوجه یه بلا دخول
مهر لازم اولماز .

باب آتیده مبین اولدیغی اوزره موقوف اجازت اولان نکاح
دخی مهر خصوصنده نکاح فاسد کبیدر . مثلاً : وکیل تزویج اولان
کیمسه موکلنک تعیین ایتدیکی مقدار مهره کندیلکندن زیاده ایتدکده
موکل رد واجازه بیننده مختار ایکن زیاده واقعه یه بعد الدخول واقف
اولسه مخیرلکی باقی اولمغله فسخ عقد ایتمک صورتده زوجه یه
کندی تسمیه ایتدیکی مهر ایله انک مهر مثلندن هانکیسی اقل ایسه
انی ویرر . قبل الدخول رد ایتمش اولدیغنه کوره زوجه اندن
مهر تامنه برشی آلمغه قادر اوله ماز . کما فی فضولی الفیضیه .

نکاح رقیق

رقیقك نفاذ نکاحی موقوف اذن مولادر ومکاتب صنفندن
ماعداسی حقمنده مولانك نکاح اوزرینه ولایت اجباری واردر .
بوبابك مسائلی شوایکی اصلك شروح وفروعندن عبارتدر .
رقیق — که اکا مرقوق (۱) دخی دینور — صاحب رقیق ومملوکیست
اولاندر . کوله یه وجاریه یه شاملدر . مؤنثنده رقیقه دخی
دیه جکر .

(مولى) رقیقك مالکیدرکه ولایت فصلانده کچن افندی ویا
خامنن عبارتدر . من جهة العربية مؤنثی (مولاة) در .
(رقیق) ك جمعی أطباء وزننده (ارقاء) در . انواعی واردر .

کندیسنه هیچ آزاد تعلق ایتمیانه (قن) وآزادی مولاسنك
موتنه معلق اولاننه معمر وزننده (مدبر) وآزادی بر بدل
اعطاسنه تعلیق قیننمش اولاننه مخاطب وزننده (مکاتب) وفسمأ
آزاد اولوب (۲) امکان حریتی ایچون چالشدیریلاننه مستثنی وزننده

(۱) (مرقوق) استعمله الفقهاء وقالوا لم یسمع عن أئمة اللغة رقه حتى یشتق
منه مرقوق ورد بان الازهری حکى عن ابن السکیت أنه جاء عبد مرقوق وهو ثقة
اه شهاب فی شفاء الغلیل . وقال أيضاً فی حرف المیم منه : (مملوک) معناه لغة کل
ما تعلق به المملک من حیوان أو غیره ثم خص بغير الزنجی والحبشی قال :

یاسیدی إن جرى من مدممی ودمی للعین والقلب مسفوح و مسفوک
لاتخش من قود یقتص منك به فالعین جاریة والعبد مملوک
(۲) معتق البعض اولق قول حضرت امامدرکه اوکوله تخلیص رقبه سیچون
بقیه قیمتی تحصیله چالشدیریلور . عند الامامین او حر مدیون اولور . دائی =

(مستسعی) دینور . افندیسندن چوجق کتوردیکی ثابت اولان جاریه یه (ام ولد) تعبیر اولنور .

بونلر یعنی مدبردن اعتباراً مذکور اولانلر بیع و هبه اولنه ماز اولدنلرندن اوکی لوازم تملکه معروض اوله بیلانلر انجوقن بولنانلردر .

رق و مملوکیّت اصولده مقرر اولدیغی اوزره مالکیّت ماله منافیدر (۱) . مالکیّت غیر ماله منافی دکلدر : رقیق یده و حیاته و دمه مالک اولدیغی کی (۲) نسکاحه دخی مالکدر .

بونلره نظراً رقیق اصل حریت اوزره ابقا اولنمش دیمکدر . انک بلا اذن مولی نسکاحی منعقد اولور (۳) . شو قدرکه رقبه سنه

— یاخود وارثی اولان مریضک مرض مونده اعتاق ایتدیکی کوله دخی — اعتاق قابل فسخ اولیان تصرف اولدیغیچون — مدبر حکمنده اوله رق دین صورتنده بجوع قیمتته و حق وارث صورتنده نلثان قیمتته سعی ایتدیریلور .

(۱) چونکه کنندیسی مال مملو کدر مالک مال دخی اولسه جهت واحده دن هم عاجز و هم قادر اولق لازم کلور . رقیق مالدن برشیئه — افندیسی اکا تملیک دخی ایتسه — مالک اوله ماز . رقیقک تسری ایده مامسی و افندیسی اکا کنندی جاریه سنی اباحه و اولیابده انی مأذون دخی قیلسه جاریه نك وطئی اکا حلال اولمامسی بوکا مبنیدر . کاسر . انک کفارانی ده طریق صیامه منحصردر . کما یأتی فی الإیمان والظهار .

(۲) ید : حمله حقاً و صواباً تصرفه کنندیسیله قدرت ثابت اولان شیدر . آتش ویرشه مأذون اولان کوله ماله متصرف اولور . رقیق حیاته دخی مالکدرکه اتلاف حیاته مولاسی دخی مالک اوله ماز . قاتلی — غیر ارسید — حردخی اولسه قتل اولنور . رقیق دمه دخی مالکدرکه انک اقرار حدود و قصاص ایتمسی صحیددر .

(۳) مرآتده وسائر کتب اصولده مذکور اولان بودر . در مختارک باب ولیسنده ایسه کرک ارقاء و کرک صغار حقلرنده ولی شرط صحت نکاح کوسترلشددر .

تعلق ایدجک مهرک و جوبی سبیلله کندی مالیقی نقصان بوله جغندن
نفاذ نکاحی محتاج اذن مولی اولور (۱) .

رق کرامات دنیوییه اهلیتده کمال حاله دخی منافی اولمغله
رقیق حر و غیر حر ایکی زوجهدن زیاده سنی جمعاً تزوج ایدمز .
رقیق تزوج ایتدیکی قادین حره اولدیغنه کوره انک مهری
کندینه و جاریه اولدیغنه کوره مهر جاریه نك مولاسنه عائد اولور .
صاحب جاریه جاریه سنی کندی کوله سنه نکاحلامش ایسه او حالده
مهره ده لزوم قالمز (۲) .

مهر معلوم اولدیغی اوزره مالدر رقیق ایسه مالک مال اولدیغندن
انک تزوجنده زوجهنک مهری نفقه سی کی کندی رقبه سنه
معلق دین اولور .

تزوج ایدن رقیق وفات ایدرسه تزوجه کرک اذنی و کرک
اذنسر و زوجهنه کرک داخل و کرک غیر داخل بولنسون نفقه
زوجه احرارده اولدیغی کی ساقط اولورکه وفات زوجده
زوجیه نفقه عدت یوقدر . مهر دخی محل استیفا فائت اولمقدن

== ابن عابدین . رحوم نفاذی صحت ایله تفسیر ایدرک دفع منافاته اشارت
ایتمشدر . فلیتنبه .

(۱) طحطاوینک افاده سنه کوره نکاح موقوف بیع موقوف کی توقف
حالنده وقت عقددن اعتباراً سبب حل اولوب شو قدرکه طء وانک دواعیسی
کی احکام حل وقت اجازتنه متأخر بولنور .

(۲) لاستلزامه الوجوب لنفسه علی نفسه وهو لا یعقل . وهذا إذا لم تسکن
الأمة مأذونة مدبونة فان كانت كذلك بیع العبد لحق الغريم . كما فی الدر مع ط .

ناشی ساقط بولنور (۱) ،

وفات ایتمدیکی صورتده مهر و نفقه^۲ زوجہ ساقط اولمامله
اذن مولی ایلہ تزوج ایتمش اولدیغنه کوره نکاح نافذ اولدیغندن
دخول وقوع بولمش ایسه مهر و نفقه^۳ رقیقک رقبہ سنہ دین اولور .
غایته و حین حاجتده انلری مولانک ویرمی و یاخود رقیقی
صاتوب و صاتیلامیان صنفدن اولدیغنه کوره چالشدیروب
اوده می لازم کلور .

نفقه تجدد ایتدکجه رقیقک بیعی ده تکرر ایدر . انی او عییلہ
آلان (۲) ذمتنده نفقه اجتماع ایتدکجه صاتمخه مجبور طوتیلور .
مهر ایچون رقیق بردفعه دن زیاده صاتیلیوب (۳) ثمن رقیق
رقبہ سنده کی مهره وفا ایتمدیکی تقدیرده باقیسی عتقندن صکره
کمنددن طلب اولنور (۴) .

رقیق اذن مولی ایلہ تزوج ایتمش اولدیغنه کوره عقد مولانک
اجازتنه موقوف اولمخله مولی انی اجازه ایدر سه نافذ ورد ایدر سه
باطل اولور .

عقدک بطلانی صورتنده دخول دخی واقع اولماش ایسه

(۱) بوده عبدک ترک کسب ایتماش اولسنه کوره در چونکه مکسوبی موجود
اولور ایسه محل استیفا فائت اولمش اولاز . کافی الدر مع ط .

(۲) آلمق بیله رک آلمقه و آلدقندن صکره بیلوب راضی اولمغه شاملدر . اگر
علمی و یارضاسی یوق ایدر سه مطلع اولدیغی عیبندن ایچون رده حقلیدر . کافی
کتاب النفقه .

(۳) لانه بیع بجمیع المهر . هندیه .

(۴) الا إذا باعه منها . در مختار . و المسئلة صورها الطحطاوی راجعه ان

شئت .

عند المفارقة^(۱) مهر نه زوجه ایچون ثابت ونه رقبه زوجه مترتب اولماز^(۲) دخول واقع اولمش ایسه کوله مهر مثل ویا مسمی ایله بعد العتق مطالب اولور .

بلا اذن تزوج ایدن جاریه اولوبده مولاسی عقدینی اجازه ایتمدیکی حالده مدخول بها اولمش ایسه نکاح فاسد حکمنجه^(۳) عند المفارقة کمدینک مهر مثلی ویاخود انکله مهر مسلمان اقلی کمدیسته ویریلور^(۴) .

دلالة اجازت بلا استمراء : کوزل ، طوغری ، نه اعلى ایتمش کبی برشی سویله مکدر .

(۱) بو مفارقت متارکه در طلاق دکدر تنکم نکاح فاسده ذکر اولندی . هندیه ده مذکوردر که قن یاخود مکاتب ویا مدبر یاخود ابن ام ولد بلا اذن مولی تزوج ایدوب بده زوجه به اجازت مولادن مقدم اوچ طلاق ویرسه او طلاق متارکه نکاحدر حقیقه طلاق دکدر انکله عده طلاق تناقص ایتمز . اندن صکره رقیق اوقادینی وطء ایدرسه حد اوانور . مولی او نکاحی اندن صکره اجازه ایدرسه انکده اجازه سی کار ایتمز اه .

(۲) بونلرک بری بلا اذن تزوج ایدن جاریه و دیگر کوله به عائددر که بلا اذن تزوج ایدن جاریه اولدیغنه کوره نکاحی مولاسنک ردیله باطل اولدقده مهره مستحق اولماز . کوله اولدیغنه کوره رقبه سنه مهر تعلق ایتمز دیمکدر .

(۳) چونکه نکاح موقوف دخی مهر خصوصنده نکاح فاسد حکمنده در . کما مر .

(۴) یعنی مهر اگر مسمی دکل ایسه بالغاً مابلق مهر مثل واکر مسمی ایسه مهر مثلندن زائد اولماق اوزره او ویریلور . کما مر بیانه قبیل النکاح الفاسد .

فعلاً اجازت : تماماً یا خود قسماً سوق مهر ایتمک و جهاز و یرمک کبی شیلر در .
سکوت اجازه دکلر (۱) .

کوله ویا جاریه نك بلا اذن مولی اولان نسکاحنده نفاذک امتناعی حق مولانك تعلقنه مبنی اولوب مانع کیدنجه ممنوع عودت ایتمک قاعده سنجه عقدینی اجازه ایتمدیکی رقیق ویا رقیقه یی مولی آزاد ایتمکه عقد نافذ اولور (۲) .

آزادک وقوعی مولانك اعتاقیله اولدیغی کبی مدبر کوله ویا جاریه حقنده مولانك وفاتیله ده اولور .

ولایت ملک سببیله مولی مملوکنی نسکاحه جبر ایدیه بیلورکه کوله ویا جاریه نك رضالری اولسه بیله (جاریه ده خیار عتق اولمق اوزره) مولانك انلر حقنده کی عقدی نافذ اولور (۳) .

بولندن رقیقک مکاتب صنفی مستثنادرکه انلر حرمدیون کبی اولدقلرندن مکاتب بولنان رقیق و رقیقه نك عقدی کندی رضا سنه

(۱) زیدک جاریه سی هند زیدک حضورنده نفسی زیددن اذنسز عمروه تزویج ایتدکه زید اول مجلسده سکوت ایدوب بعده عقد مزبوری بجز اولماغاه عمروذن تقریق مراد ایسه عمرو مجرد سنک سکوت ایتمکه عقد نافذ اولمشدر دیوب زیدی منعه قادر اولورمی ؟ الجواب : اولماز . فیضیه .

(۲) و احوالده جاریه ایچون خیار عتق دخی اوله ماز . اگر زوجی انی قبل العتق وطء ایتمش ایسه مهری مولاسنه و قبل العتق وطء ایتماش ایسه کندیسنه عائد اولور . کوله ملک آخره انتقال ایتمک تقدیرنده مالک ثانینک اجازتی دخی موجب نفاذ در . کما فی الدر .

(۳) (ولایت ملک) و (خیار عتق) تعبیر لریچون ولایت بابنه باقی کز .

موقوف بولنور (۱) .

خيار عتق معلوم اولديغى اوزره جاريه ايچوندر . كوله ده
خيار عتق اولماز . جاريه نك خيار عتق سكوت ايله باطل اولميو
نكاحي اختيار ايتديكنه دائر اولان قول ياخود فعل ايله باطل
اولور . بيله رك قيام عن المجلس ايتمكله دخي باطل اولور . جاريه نك
خيار عتق حقه ده جهلي عذر در . حتى كندينك آزاد اولنديغى
بيلسه ده بخيرلكني بيلسه آزادينه آگاه اولديغى مجلسدن قيام
ايتمش بيله اولسه بخيرلكني باطل اولماز . خيار عتق ايله اولان
فرقت قضاء قاضي يه دخي محتاج و لنماز . هنديه .

كر ك جبر مولى ايله و كرك بالرضا متزوج اولان كوله
وجاريه نك رقبه سى مولاسنه وجاريه متوجه نك متعه سى منحصرأ
زوجنه عائد اولور (۲) .

رقبه و انده كي تصرف ينه مولايه عائد اولمغله متزوج كوله
وجاريه سنى مولى استخدام و اعتاق ولوازم تملكه عرضه (معروض)
اوله بيلاتى بيع و يا هبه ايده بيلور .

حين عقدده زوج حر كندى صلبندن كله جك ولدك حريتنى
شرط قيلش اولمقدجه جاريه دن كلان چوجق دخي كوله ياخود
جاريه اولمق اوزره مولايه عائد بولنور (۳) .

(۱) انلر صغير دخي اولسلر نكاحه جبر اولمازلر . صغير و صغيره نك امر
زوجلرنده كندى رايلى اعتبار اولنديغنه نظراً بو اغرب مسائلدندر . هنديه .
(۲) رقبه و متعه تعبيرلر چون كتابك باشنه باقكر .

(۳) زوج شرط مذكوري ادعا ايدوب بينه اولسامق و مولى منكر

متعہ انجق زوجہ عائد اولمغلہ متزوج جاریہ بی مولاسی آرتق و طہ
ایده مز واکا زوجندن ماعدا کیمسه ایقاع طلاق دخی ایامه مز .
انما الطلاق لمن أخذ بالساق .

مدبرہ یه واه ولده دخی شامل اولمق اوزره جاریہ سنی آخره تزویج
ایدن کیمسه تبوئی یعنی اکا دفع و تسلیم ایدوب آرتق استخدام
ایتامکی - وعد ایتمک شویله طورسون - اثناء عقدده شرط بیاه قیاسه
تبوئه واجب اولماز .

بناءً علیه جاریہ سنی ینه یا ننده بولند یروب استخدام ایده بیلور
زوج ظفر بولد فجہ زوجہ سیله برلشور . لکن زوج وزرینه نفقه نک
(طعام وکسوه و سکنا نک) لزومی انجق تبوئه ایله اولور .

جاریہ سی اوزرنده مولانک حق بقا اولد یغیچون بعد التبوئه ا ندن
رجوع ایتمی ده صحیحدر (۵) او حاله نفقه زوجدن ساقط اولور .

== بولمق صورتنده مولی تحلیف اولنور . کما فی الدر . بوکی محاذیره مبنی جاریه
استنکاحی حره استنکاحندن عاجز اولان اهل توقانه کوره در . حره
استنکاحی البتہ افضلدر . ذلک لمن خشی العنت منکم .

ومن لم تسکن فی بینه قهرمانه * فذلک بیت لا أبالك ضائع
وفی هذا المعنی قول الآخر :

إذا لم تسکن فی منزل المرء حره * تدبره ضاعت مصالح داره
وما أخذ کلیمهما قوله صلی الله تعالی علیه وسلم : الحرائر صلاح البیت والاماء فسادہ .
(۶) زوجک حق استماعی مولانک استخدامیله باطل اولمغنی کبی حق مولی
رقبه یه تعلق ایتمک حسبیلہ حق زوجدن اقوی اولد یغندن زوج منکوحه مملوکه سنی
مولاسنک استخدامندن منع ایده مز .

کندیسی استخدام ایتمیدرک جاریه کلوب مولاسنه خدمت ایتسه
ویا خود مولی انی کوندزین استخدام ایللیوب کیجه لری زوجنک خانه سنه
اعاده ایلسه نبوته باقی اولد یغیچون نفقه زوجدن ساقط اولماز .
(مهر جاریه نك لزوم وسقوطی مسائل دخول و خلوت مسائل
منتها سنده کیچمشدر .)

زید جاریه سی هندی عمروه تزویج ایتدکدن صکره زید عمروه « ظفر
بولدقجه هنده أزواج معامله سی ایله » دیرایکن عمروه راضی اولیه رق هند ایله
بنم ایچون منزل کده براوطه تخلیه ایدوب بعد الیوم انی استخدام ایتمه دیعه
قادر اولدیقی کبی بن هندی کندی منزله کوتوروب اسکان ایدرم دیو زیدی
هندی استخدامدن منعه دخی قادر اوله ماز . (نتیجه وفیضیه) .

انکحه کفار

امثله مثالك جمعی اولدیغی کبی انکحه دخی نکاحک جمعی اولمغله
(انکحه کفار) ترکیبی کفارک نکاحلری دیمکدرکه مشرکینک و اهل
کتابک نکاحلرینه شاملدر .

اهل اسلام اره سنده جائز اولان هر نکاح اهل کفر اره سنده دخی
جائز و صحیحدر^(۱) اهتدا دخی ایتسه لرینه اونکاح اوزره بولنورلر^(۲) .

بین المسلمین جائز اولمیان نکاح ایکی نوع اولوب یا اودرکه کشی
کیندی محرمنی نکاحلامق کبی حرمت محله مبنی جائز اولماز اولور
ویا خود عقد بلا شهود اولمق یا خود نکاحلارنان قادین هنوز عدت ایچنده
بولنمق کبی فقدان شرطه مبنی غیر جائز بولنور .

کفار کیندی دینلری اوزره قالب حکم اسلامی طالب اولمقدیجه
متروک التعرض اولمقده ذکر اولنان ایکی صورت مساویدر^(۳) .

(۱) « صحیح دکلدیر » دیان امام مالک حضر ترینک قولنی [و امرأته حالة
الخطب] قول کریمی رد ایدرکه مشرک اولان ابولهبک منکوحه مشرک سینه
« امرأته » بیورلشدیر . کما فی الدر .

(۲) انلرک صحت نکاحنه شو مسئله دخی نفرع ایدرکه تحت مسامده بولنان
نصرانیه یی زوجی اولان مسلم اوج طلاق ایله تطلیق ایدوب بعده مزبوره کیندی
کبی بر نصرانی ایله متزوج واکا مدخوله اولدقدن صکره طلاق ویا وفات ایله
اندن بعد المفارقه انقضاء عدتدن صکره زوج اولی اولان مسامه نکاحا عودت
ایده بیلور . کما فی فتاوی علی افندی .

(۳) یهودی طائفه سنک دینلرنده قرنداشی قیزی تزوج جائز اولمغله زید =

دینلری اوزره قالمیوب مسلم اولمق یا خود حکم اسلامی طالب بولنمق تقدیرنده بین الصورتین شوفر ق و اردرکه صورت اولاده زوجین یعنی تفریق اولنور^(۱) و صورت ثانیه ده انلر اونکاح اوزره مقرر قیلنور . حکم اسلامی طلب خصوصنده زوجینک معاً طلب و ترافیعی تفریق ایچون شرطدر^(۲) مسلم اولمق خصوصنده زوجیندن یا اسکر برینک اسلامی کافیدر^(۳) .

کتاب صید و ذبائحه کچدیکی و فصل محرّماتده دخی مبین اولدیخی اوزره دین مبین اسلامه قارشو ملت واحده عد اولنان کفر انواعی نکاح و ذبائح بابنده اهل کتاب و اهل شرکدن عبارت اولمق اوزره ایکی یه آریلوب اهل کتاب ایله اهل اسلام ارسنده - ارکک مسلم اولمق شرطیله - ازدواج صحیح و اهل شرک ایله اهل اسلام ارسنده ازدواج هیچ بروجله غیر صحیح اولدیخی کبی مسله نلک نه مشرکونه کتابی بر غیر مسلم و یا بدین ایله ازدواجی دخی نه ابتداء و نه بقاء غیر جائزدر^(۴)

= یهودی قرنداشی قیزی هند یهودیهی تروج ایلسه زید و هند حاکمه مرافعه ایتمیچک هند زیددن تفریق اولنورمی ؟ الجواب : اولماز . (علی افندی) .

(۱) زید یهودی زوجیهی هندک قرقرنداشی قیزی زینی هند اوزرینه تروج و هند ایله جم ایتدکدن صکره زید شرف اسلام ایله مشرف اولسه زینب زیددن تفریق اولنورمی ؟ الجواب : اولنور . (بهجه) .

(۲) ابقاء حق الآخر . در مختار

(۳) لأن الإسلام یعلو ولا یعلی علیه . در مختار .

(۴) زید ذی هند مسلمهی تروج ایلسه زیده نه لازم اولور ؟ الجواب : تعزیر شدید اولنوب تفریق اولنور . قادین بیله رک وارش ایسه اوده عقوبت کورر . آره ده واسطه اولان ارکک و یا قادین دخی =

بناءً علی هذا اهل شرك اولان زوجیندن بری مسلم (مهدی) اولدوقده دیگرینه عرض اسلام اولنور ^(۱) . اکر اودخی مسلم اولورایسه فهما ، بینلرنده کی نکاح — زوجه زوجک محرمی اولدیغنه کوره — باقی بولنور . اکر اسلامی قبولدن امتناع ایدرایسه ^(۲) بینلری تفریق اولنور .

اسلامی عند الاتیان صحیح اولانک عند العرض اندن امتناعی دخی صحیح اولدیغندن صاحب تمیز اولمق شرطیله صبی وصبییه نك دخی بوبابده حکمی بودر . معتوه دخی صبی میز حکمنده دز ، صبی غیر یمزک سن تمیزینه یعنی ادیانی تعقل ایده بیله جک وقتنه انتظار اولنور . مجنونک افاقته انتظار اولنمیهرق ابوینه عرض اسلام ایدیلور انلردن بری اسلامی قبول ایدرسه مجنون اکا تبعاً مسلم صاییلوب نکاح (حرمت محل اولدوقجه) علی حاله قالور . هیچ بری قبول اسلام ایلزایسه بینلری تفریق اولنور . مجنونک اکر اناسی وباباسی یوق ایسه قاضی انک طرفندن مسلم ویادی بروصی اقامه ایدرک فرقتی اکا حکم ایلر .

اهل کتابدن اولان زوجک زوجه سی مسلم اولمق صورتنده دخی حکم مسئله بودرکه زوجه نك اسلامی صورتنده زوج غیر مسلم

== عقوبتلنور . ذمی بونکله نقض عهد ایتمش اولدیغی جهتله قتل اولماز . خلافاً لئلاک . کذا فی نقول حدود علی افندی ص ۱۵۸ بطبع ابراهیم صائب .

(۱) عرض اسلام : مسلمانغی بلالزام تکلیفدن عبارتدر .

(۲) امتناعی تصریح ایتمک صورتنده عرض اسلام خصوصی تکرار ایدلمیه رک بینلری تفریق ایدیلور . اکر عند العرض برشی سویلیوب سکوت ایدرسه قاضی اکا عرض اسلام خصوصی اویح کرهیه قدر تکرار ایدر . ط . سکوت مجرد امتناع عد اولماز . کما سیظهر .

دخی مسلم اولور ایسه تجدد نکاحه حاجت اولیه رقی انلر نکاحلری اوزره ابقا اولنورلر . زوج مسلم اولدیغی و کندیسنه طرف حاکمدن عرض اولنان اسلامی ده قبول ایتمدیکی صورته یینلری تفریق اولنور^(۱) .

قبل التفریق وفات وقوع بولور ایسه مهر واجب ، و مانعه کفره مبنی توارث ساقط ، اولور .

تفریق فعل حاکم اولوب محتاج حکم اولان فرقتده حضور طرفین شرط اولمغله قوجه سی بشقه بلده ده ایکن شرف اسلام ایله مشرف اولان غیر مسئله نك زوجی حاضر اولوب کندیسنه عرض اسلام اولنمیدن یینلری تفریق اولنه ماز .

فرقت نفس اسلام ایله دکل ، لدی العرض اسلامدن اباء (امتناع) ایله اوله جهندن زوجه غیر مسئله نك اسلامی اوزرینه زوج غیر مسلم اباء ایتمکسزین (مثلاً برکون صکره مسلم اولمقله) یینلرنده کی زوجیت زائل اولماز . کما فی الفیضیه^(۲) .

(۱) طقوز یاشنده اولوب تعقل دین ایدن زید صغیر نصرانی نك زوجه سی هند نصرانیه شرف اسلام ایله مشرف اولوب بعده زیده اوخالده اسلام عرض اولنوب زید ابا ایله هند زیددن تفریق اولنور . بلوغته انتظار اولماز . (بهجه) .

زید ذمینك زوجه سی هند نصرانیه دن متولد اوغلی عمرو مجنونك زوجه سی زینب نصرانیه شرف اسلام ایله مشرفه اولدقه حاکم زید وهنده اسلام عرض ایتدکده زید اسلامه کلسه زینب عمرودن تفریق اولماز و عمروك زیده تبعاً اسلامه حکم اولنور . اسلامه کلیوب ابا ایله ایسه حاکم زینی عمرودن تفریق ایدر . (بهجه) .

(۲) زید نصرانی نك زوجه سی هند نصرانیه شرف اسلام ایله مشرفه اولدقدن صکره حاکم طرفندن زیده اسلام عرض اولنوب زید کفر

عند العرض زوجك اسلامدن امتناعی طلاق بائندر : هم عدد طلاق
انكاه اكسایش اولور همده زوج اندن صكره مسلم دخی اولسه مالك
رجعت اوله ميبوب زوجيتك انلر ارسنه عودتی محتاج عقد جديد
بولندور .

صبي ميمك و مجنونه كوره احدا بويك امتناعی صورتنده قاضيملك
تفريقی دخی طلاقدر .

كتابيه اولميان زوجيهك اسلامدن امتناعی طلاق دكلدر . چونكه
قادين طرفندن طلاق اولماز . حاكم فسخ نكاح ايدر .

كتابيه اولان قاديملك زوجی مسلم اولاق صورتنده نكاح باقی
اولور (۱) ولوكه مجوسيه ويا وثنيه ايكن زوجك اسلامی اوزرينه
هود ويا تنصر ايتملك كي مآلاً اهل كتابدن اولسون . كا
فی الدر .

عرض اسلام خصوصی دارا سلامده ممكن اوله بيله چكندن زوجين
اهل شركدن اولدقلىرینه كوره انلردن لاعلى التعيين برينك واهل
كتابدن اولدقلىرینه كوره زوجيهك اسلامی تحت ولايت

== اوزره ايكن هند اوچ حيض كورسه مزبورلر بيننده فرقت واقع اولورى ؟
الجواب : اولماز . بصورتده زيد ايله هند بينلرینى اسلامدن اباء ايله حاكم
تفريق ايتمش دكل ايكن هند نفسی عمرو مسلمه تزويج ايلسه عقد مزبور
صحیح اولورى ؟ الجواب : اولماز . بصورتده هند نفسی عمروه تزويج
ايتدكدن صكره زيد شرف اسلام ايله مشرف اولسه حالا زيد هندى حاكمه تفريق
ايتديروب هند ايله ازواج معامله سنه قادر اولورى ؟ الجواب : اولور . (بهجه)
(*) زيد ذی شرف اسلام ايله مشرف اولدقده زوجيه سی هند نصرانيه اسلامه
كلسه زيد تجديد نكاح ايتمدين هند ايله ازواج معامله سنه قادر اولورى ؟ الجواب :
اولور . (فيضيه) . هند زيدك (محارمندن) اولماق شرطيله . كما هو المصرح به
فی فتاوى ابن نجيم (مسئله ۱۸) .

اهل اسلامده اولمیان دار حربده وقوع بولمش اولور ایسه دیگرینه عرض اسلام ایتمک - ایکسی مجتمعا بوراده بولنمدقلرنچون - (۱)
 ممکن اولماغله انک کفر اوزره بقاسی تقدیرنده بیلرینه فرقت
 وقوعی قادین حامل ایسه وضع حمل ایتمک وحامل اولمیوبده ذوات
 الحیضدن (حیض کورن قادینلردن) اولدیغنه کوره اوج حیض
 کورمک وذوات الحیضدن اولدیغنه کوره اره دن اوج آی کچمک
 زمانه تاخر ایدر . مدت مذکور کذران اولمدقجه انلر
 یکدیگرندن آیراش اولمیوب کذران اولورسه دیگری اسلامدن
 بعد العرض امتناع ایتمش عد اولنورکه شرط فرقت اولان مضي
 مدت سبب فرقت اولان امتناع مقامنه اقامه اولنمش دیمکدر . کا
 فی الدر (۲) .

کفار اجانبه کوره بین الزوجین تباین دارین وقوعی سبب
 فرقت وینونتدر . چونکه دار حرب اهلی بزه قارشو موتی
 حکمندهدر . حی ایله میت اره سنده ایسه زوجیت قالماز .

(تباین دارین) ایکی دارک تباینی دیمک ایسه ده مراد دار حرب
 اهلندن اولان زوجین حربیندن برینک (زوجک) اوراده
 ودیکرینک (زوجه نک) بوراده لاعلی سبیل الرجوع بولنمسیدر :

(۱) ایکسینکده اوراده اولسنه ویاخود برینک اوراده وبرینک بوراده
 بولنسته شاملدر .

(۲) عرض اسلام ممکن ابکن بو اولماز . یوزنجی صفحه نک صوکنده بهجه دن
 نقلا مسطور اولان فتوايه باقکزر . حصکفی دیرکه حکم مسئله زوجة غیرمدخول بها
 حقه ده جاری اولغله مدت مذکوره عدت دکلدرا اه اکر عدت اولسه
 مدخول بهایه مختص اولق لازم کاوردی . ط .

کړک سې و استرقاق اوله رق (۱) دار اسلامه ادخال ایدمک ویاخود مسلم ویا ذمی اوله رق کندیسې - پیقوب کلمک طریقیله ، وکړک طوعاً و استیماً بورایه کلدکدن صکره اهتدا ویا ذمت اسلامی قبول ایدرک قالوب بردها دار حربه عودت ایتامک اوزره دار اسلامه یرلشمک صورتیله ، اولسون .

صورت اولاده او قادین تسری ویاخود بالاعتاق تزوج اولنمق جائز اولدیغی کبی صور اخیرده دخی حائل اولدیغنه یعنی حامل بولنمیدیغنه کوره بلاعهده (۲) بائن اولدیغندن درحال و حامل بولندیغنه کوره (عدت ایچون دکل رحی حق غیر ایله مشغول بولندیغی ایچون) وضع حملدن صکره تزوج اولنمق جائز و حلال اولور .

اما دار اسلامه امان ایله کلان وکندی دین و تابعیتنده قالان ذات الزوج بوراده علی سبیل الرجوع بولندیغیچون زوجندن موقتاً جدا اولمقله مفارق دوشمنز اولدیغی کبی کړک طوعاً وکړک کرهآ دار اسلامه معاً کلمش ویا کتورلمش ولا علی سبیل الرجوع بوراده

(۱) سې : سوروب کوتورمک ، استرقاق : رقیق ایدنمکدر .

کشافده مذکوردرکه بومسئله و برده یعن لغو مسئلهسی حسن بصری حضرتنرندن صورلدیغی وقت شاعر مشهور فرزدق نزد مشار الیهده حاضر ایش مسئله مانحن فیهه جواب اوله رق

وذا ان للیل أنکحتها رماحنا * حلال لمن یبني بها لم تطلق

بیتنی ویمین لغو مسئلهسینه دخی جواب اوله رق .

فلست بماأخوذ بلغو تقوله * إذا لم تعتمد عاقدات العزائم

بیتنی او قومقله حضرت مشار الیهک « أنت أشعر وأفقه » خطابیله مظاهر استحسانی اولشددر .

(۲) اى عند الإمام وقالاً علیها العدة . ط .

قالمش بولسان زوجین دخی یکدیگر نندن مفارق اولمد قلیچون زوجه بی زوجندن آیروب آلمق جائز اولماز .

بین الزوجین موجب ینونت سبی دکل ، بلکه حقیقه و حکماً تباین داریندر .

دارینک حقیقه تبائی : زوجینک تباعد شخصلری یعنی یکدیگر نندن جدا دوشملر یدر .

حکماً تبائی انلردن برینک داخل بولندیغی دار اسلامده علی سبیل الرجوع بولنمیوب بلکه علی سبیل القرار بولنمقده اولمسیدر . حتی دارمزه امان ایله کیرن حربی حکماً کندی دارنده دیمک اولدیغندن انک زوجه سی انندن بائن دوشمز . مکرکه کندیسی قبول ذمت ایتمش اوله . ط .

مسلمک کتابیه ایله ازدواجی جائز ایسه ده زوجه مسلمه سنک بالارتداد کتابیه اولسی زوجه کتابیه سنک مشرکه و یا بی دین اولسی مثلی غیر جائز درکه او حالده انلرک زوجیتی قالماز .

ارتداد : دین اسلامدن دونمسکدر . هانکی دینه دونر ایسه دونسون ، ایسترسه بی دین اولسون دونان ارکک ایسه (مرتد) وقادین ایسه (مرتده) تسمیه اولنور [*]

مرتدک حکمی قتل ومرتده نک حکمی اسلامه کلنجهیه دکین

(*) رده ارتداددن اسمدر . ارتدادک هزل جدیدنه مساویدر . سکران ذاهب العلق ارتدادینه اعتبار اولمدیچون زوجه سی استجساناً بائن اولماز . کما تقرر فی الأصول و ذکر فی الهندیة قبیل باب القسم .

حبس اولئمق ومرتد متزوج ومرتده ذات الزوج ايسه يينلرنده کی نکاح فی الحال باطل اولمقدر^(۱) .

زوجیندن برینک عیاذاً بالله تعالی ارتدادی فسخ عاجلدرکه عدد تناقص ایتمز و حکم قاضی به متوقف اولماز^(۲) .

زوجه مدخول بها اولدیغنه کوره ارتداد ایدن کړک او وکړک زوج اولسون تمام مهر مسمی ویا مثل و نفقه عدت لازم اولور^(۳) .

حکماً اولسون مدخول بها اولدیغنه کوره اگر ارتداد زوجه واقع اولمش ايسه نصف مهر مسمی ویا متعه لازم کلور . ارتداد اگر زوجه واقع اولمش ايسه حق مهر ساقط اولوب عدت اولدیغیون نفقه ده لازم کلمز .

زوجین ایکیسی بر آنده مرتد اولوب بعده ینه بر آنده

(۱) أجمع أصحابنا على أن الردة تبطل عصمة النكاح فيقع الفرقه بينهما بنفس الردة وعند الشافعي لا تقع الفرقه إلا بقضاء القاضي . كذا في باب المرتد ، من فتاوى على أفندی عن ردة قاضیخان .

(۲) قال الحموی فی شرح الاشباه عند ذکر الضابطه فی الفرق بین الفسخ والطلاق بقوله « أن كل فرقة جاءت من قبل المرأة لا یسبب من الزوج فهي فسخ كخيار العتق والبلوغ وكل فرقة جاءت من قبل الزوج فهي طلاق كالإیلاء والجب والمنة » مانصه : وإنما كانت ردة فسخاً مع أنها من قبله لأن بها ينتفی المالك فینتفی الحل والفرقة إنما جاءت بالتناقی لا لوجود المباشرة من الزوج اه .

(۳) ذوات الخیض اولان حرائردن ايسه اوچ حیض وآيسه یاخود صغیره ايسه اوچ آی وحامل ایدسه وضع حمل ایله اعتداد ایدر . ط . حره اولدیغنه کوره حمالک غیریده ایکی حیض ویاخود بر بیچ آی بکار اه اگر زوجه بعد الارتداد عدتی ایچنده وفات ایلرسه زوج اکا استحصاناً وارث اولور . در مختار .

مسلم اولورلر ایسه ییئلرنده کی نکاح باقی اولور . انکر بری دیکرندن اول مسلم اولمش اولورسه نکاح فاسد اولوب قادین بائن دوشر^(۱) و متآخر الاسلام اولان زوجه اولدیغنه کوره قبل الدخول ایسه^(۲) مهر لازم کلمیوب زوج اولدیغنه کوره نصف مهر و یا متعه لازم اولور . در مختار^(۳) .

مرتدك ذكر اولنان حکمی موجبنه دین اسلامده نکاح ایمان اوزرینه مؤسس اولمغله محلّ ایمان اولان شیلر همده محلّ نکاحدر . ضرورات دینیهدن اولان یعنی دین مبینجه ثبوتی صورت قطعیهده معلوم بولنان خصوصاتدن برینی مثلاً امر آخرتی و نماز و اورج الح کبی فرائض الاهی انکار و یا بونلرک برینی استخفاف ایتیمک و مصحف و کعبه و شرع و مسجد مثلی محترمات دینیهدن برینی احتقار ایلیمک موجب کفر اولدیغی کبی بلا ضروره^(۴) شاپقه کییمک و کفره ایله ال طوتشوب انلرک آیینلری اوزره خورا دیمک و سین و کاف ماده سیله دین و ایمانه سوکیمک دخی کتب فتاواده مسایندن صدوری کفر و موجب تجدید ایمان و نکاح اولان شیلردن اولمق اوزره مذکوردر .

« بن شرعه کیتیم » « بن فتوی بیلم » « بنم شرع » ایله ایشیم

(۱) برینک اسلامندن صکره دیکرینک اسلامدن امتناعی کبی .

(۲) چونکه بعد الدخول مطلقاً برشی ساقط اولماز . ط .

(۳) نصف مهرك لزومی مهر مسمى اولدیغنه و متعنهك لزومی مسمى اولدیغنه کوره در . ط .

(۴) کدفع البرد او لان البقرة لاتعطيه اللبن اه من نقول علی افندی .

یوقدر، بن ایشمی قانون ایله کوریرم»؛ سن مسلمان دکلمیسین؟
 دییانه جواباً - یا کلمش اولیه رق - : «دکم» دیمک علی افندی فتاوا سنده
 و : حاللندن نی . دییانه : «بکا حرام ده» سوکیلیدر»؛ سن
 اللهدن قورقازمیسین؟ دییانه جواباً «بن مسلم دکم، اللهدن دخی
 قورقمام»؛ کندیسنه : بش وقت نمازی ادا ایله بلکه بومرضدن
 خلاص بولورسین دینیلان خسته : «بن بویله خسته ایکن نه نماز
 قیلارم نه تکرری یه منت ایدرم بعد الیوم شیطانلره منت ایدرم»؛
 زوجندن طلاق ایستیان قادین نائل امل اوله مامق اوزرینه «الله
 (تعالی شأنه) صاعقله تطلیقی ارککلره تخصیص ایتمییدی نه فنا
 ایتمش» دیمک بهجة الفتواده او جمله دن اولمق اوزره تصریح
 اولنمشدر .

مرتده هیچ بر قادین ومرتده یه هیچ بر ارکک انکاح وتزویج
 اولنماز . تنکیم محرمات فصلنده ذکر اولنمشدر .

ولد ، رق خصوصنجه والده یه^(۱) و دین خصوصنجه خیر
 ابوینه تابعدر^(۲) . کتابیه تزویج ایدن مسلمک صلبندن کلان
 اولاد ذکور وانات هپ مسلم اولدقلری کبی زوجیندن برینک
 اسلامی صورتده دخی اردهده ولد صغیر موجود^(۳) ، ویاخود
 دیگرینه عرض اسلام اولنمیدن ویا بعد النرض چوجق مولود

(۱) نکاح رقیق فصلنه باقکزر .

(۲) ولد جده تابع اولماز وانات اسلامیله صایلماز ولوکه باباسی وفات ایتمش
 بولنسون . رد مختار .

(۳) ولد کبیرک اسلامی کندی اختیارینه منوط اولد یغیچون ولد صفت صغر
 ایله توصیف اولنمشدر .

اولور ایسه حکماً اولسون اتحاددار شرطیه مسئله تابع ولور^(۱).

چو جغک مسلم اولان احدا بویینه برابر دار اسلامده ویا خود دار حربده بولنمسی دارک حقیقه اتحادیدر. یالکیزجه دار اسلامده بولنمسی دارک حکماً اتحادیدر. چونکه انک مسلم وله رق دار حربده قالان پدری یا خود والدهسی حکماً دار اسلام اهلندندر. اما چو جق دار حربده اولوبده بوراده قالان پدری مسلم اولورسه ولد اکا تابع اوله ماز. چونکه مسلم اوله رق دار اسلامده بولنان والدی دار حرب اهلندن قیلق ممکن اولدیغی کبی دار حرب حکم اهل اسلامده اولماق حسبیله اوراده کی چو جغی بوراده کی والدینه تابع قیلق ده ممکن اوله ماز^(۲).

ولد دیناً خیر ابوینه تابع اولق قاعده سنجه اهل کتاب ایله اهل شرک اره سننده تولد ایدن چو جق کتابیدر. مسلم ایچون انک ذبیحه سنی یمک وقیز اولدیغنه کوره انی تزوج ایتک جائز اولور. کما فی الهندیه.

یهودی ایله نصرانی اره سننده تولد ایدن ولد یهودیدر^(۳).

(۱) ولدک ابویندن مسلم اولانه تابعیتی کک عاقل و ممیز اولسون و کک اولسون چو جقلنی مدتجه در: عاقلاً بالغ ویا بنفسه مسلم اولدقجه تابعیتی منقطع اولماز. اگر مجنون اوله رق بالغ اولور ایسه تابعیتی ینه مستمر اولور. کما فی رد المحتار.

(۲) صورت مذکوره ده نه حقیقه و نه حکماً اتحاد دار اولدیغیچون ولد والد مسئله تابع اوله میه رق انک عند الاستیلاء سبی صحیح اولور. ط. (۳) وقیل بالعکس.

قسم

ارککلر متزوج اولدقلری قادینلرایله حسن معاشرته مأمور اولمقله برابر احراره کوره دردی وارقایه کوره ایکی یی تجاوز ایتماک اوزره متعدد زوجه تزوجنهده مأذوندرلر .

متعدد زوجه اقتناسنه مبتلی اولانلر^(۱) انلر بیننده عدالت ایتمکله مکلفدرلر .

اشته فتح قاف وسکون سینایله اولان (قسم) : بین المنسکوحات عدل و مساوات اجراسندن عبارتدر . بردن زیاده زوجهسی اولانلر حقننده بوده بشقه جه برواجبدر^(۲) : زوج انلری صحبت ومؤانست ایچون برابرجه بیتوتنده^(۳) مساوی طوتار . بینلرنده مساوات اوزره برر وبا ایکیشرخ کون ویا کیجه تعین ایدرک هر بریله علی وجه المناوبه برابر بولنوب مؤانست ایدر . هیچ برینک نوبتنی دیکزینه کچیرمز .

(۱) اقتناء : ایدنمکدر . زخمشمیری نوابغ الکلمده : « لاأدری أيهما أشق ؟ من يعوم في الأمواج ، أم من يقوم على الأزواج . » دیمشدرکه طالغه لرایچنده یوزنلری ؟ یوقسه متعدد زوجه یه زوج اولمش بولنانلری ؟ بدنختدریله مم دیمکدر . (۲) لدی المرافعه قاضی انی یعنی قسمی زوجه امرایدر . حکم قاضیدن صکره قسم ایتیمیان زوج جائر اولمقله عقوبت ایله ایجاع یعنی تعزیر اولنور . کما فی بهجة الفتوی . ای بغیر الحبس کما لا یخفی .

(۳) بوراده مأ کول وملبوسک وسکنانک زیادهسی باب نفقهدهکی افادهیه مخالفدرکه اوراده قول مفتی به نفقه نک حال زوجینه کوره معتبر اولسیدر . زوجة فقیره نک نفقهسی زوجة غنیه نک نفقه سنه مساوی اولمق لازم دکلدر . ذکره ط عن البحر ونبه علیه خیر الدین الرملی فی فتاواه .

مقدار نوبتی و بدایت نوبتی تعیین زوجه عائددر .
 زوجه لردن بری کندی نوبتی اورتاغنه ترك ایده بیلور .
 بعد الترك نوبتی ینه ایسته یه بیلور . زوج انلردن برینک نوبتنده
 اذنی اولمدقچه دیکرینه کیده مز . مکرکه خسته لکی جهته عیادتنه
 کیتمش اوله . مرض مشته اولورسه ای اولنجه قدر قاله بیلور .
 انلردن برینک نوبتنده زوج خسته لنوب قالورایسه بعد الافاقه
 دیکرینک نوبتنده دخی اومقدار قالمق لازم کلور . زوج اکر
 انلردن خالی برخاناده خسته لنمش اولورسه هرزوجه سنی کندی
 نوبتنده یانته چاغیرر .

امر قسمده زوجه نك بکری(*) و ثلبي و قدیمی و جدیدی ، تازه سی
 و یاشلیسی ، مسله سی و کتابیه سی ، حائضی و نفساسی ، زنده سی
 و خسته لکلیسی مساویدر .

زوجك بوبابده هیچ برکونه اعتذاری مقبول اولماز .
 مسافرتده قسم یوقدر : زوج ذیله دیککی زوجه سیله مسافرت ایدر .
 قرعه آتمق احبدر . بعد الاقامه زوج ینه نوبت مساواته مراعات
 ایدر . دیکر لرینک ، « مسافرت ایتدیكل ایله بولندیغك مدت قدر
 شمدی ده نرم ایاه بولنه جقسین » دیمکه حقرلری اولماز .
 سفرلك غیریده زوج نوبت ترتیبندن اول زوجه لرندن برینك
 یاننده برچوق مدت بولنمش اولورده دیکری دعوی ایدرسه حاکم
 بوندن بویله مساواته مراعات ایتمسنی زوجه امر و تنبیه ایدر . مراعات
 ایتیمیان زوج حبسندن غیری طریق ایله تعزیر کورر .
 قسم : بین المنسکوحات مساوات اجراسنندن عبارت اولمغله

(*) باکر و باکره تعبیر لری غلطدر .

سراری (اوظه لقلر) اره سنده قسم لازم دکدر^(۱) . منکوحه لک
بری مملوکه غیر بولنمق صورتنده حره ایله انک نوبتی دخی علی
التساوی دکدر .

نسکاح رقیق فصلنده مذکور اولدیغی و اصولده مقرر بولندیغی
اوزره رق ، حلالیت و انک فروعی کبی کرامات دنیوییه اهلیته
کمال حاله منافیدر : حل خصوصنده رقیق کامل الحال اولدیغندن
ایکیدن زیاده زوجه آله مدیغی و حره اوزرینه جاریه نکاحلانه -
مدیغی کبی فروع حلدده دخی اهل رق کامل الحال اوله مدقندن جاریه نک
عدتی ایکی حیض و یا نصف مقدردر . طلاق ایکیدر . قسمده جاریه نک
حره ایله حق ثلث و ثلثاندر .

قسم ذکر اولندیغی اوزره الله اولان امورده واجبدر . محبت
کبی الله اولمیان امورده و متوقف نشاط بولنان خصوصده قسمه
مراعات واجب دکدر^(۲) . زوجه قضا، واجب اولان زوجه سیله
مدت زوجیتده برکزه موافقه ایتمکدر^(۳) .

(۱) قال تعالى (فان خفتم أن لاتعدلوا فواحدة أو ما ملکت أیمانکم) فافاد
أن العدل بینهن ایس واجباً ، رد مختار . متعدد منکوحه سی اولان کیسه انلری
کندی رضالری اولدقجه مسکن واحده جمع ایدمز . بو یا بد دخی سرارینک
رضالری آرانماز . سریه ایله جمعنده زوجه نک دخی رضاسنه باقاماز چونکه
جاریه متاع بیت منزله سنده در . علی افتدی فتواسنده بویله مذکوردر .

(۲) حدیث شریفده بیله « اللهم هذا قسمی فیما أملك فلا تؤاخذنی فیما تملك
ولا أملك » بیور لمشدر . جمیع استمتاعانده مساواتی کوزتمک مستحبدر .
کما فی الدر مع الرد .

(۳) ویسقط حقها بمره ، ویجب دیانته أحياناً ولا یبلغ مدة الإیلاء إلا برضاها .

حقوق زوجین

زوجه سنه حسن معامله و معاشرت ایتمک زوج اوزرینه ،
 و زوجک موافق شرع اولان امرینه اطاعت ایلک زوجه
 اوزرینه واجبدر . (وعاشروهن بالمعروف) قول کریمیه « استوصوا
 بالنساء خیراً » حدیث شریفی أزواج اوزرنده کی وجوبه دلیل
 اولدیغی کبی زوجات اوزرنده کی وجوبه دخی حدیث آتی دلیلدرکه
 « بر کیمسه نك بر کیمسه یه سجده ایتمسنی امر ایدیچی اولیدم
 قوجه سنه سجده ایتمسنی قالدینه امر ایدرایدم ، مآلنده اولمق اوزره :
 « لو کنت آمرا أحداً أن یسجد لأحد لأمرت المرأة أن تسجد

== در مختار . و ذکر ط أن امرأة حاءت إلى سیدنا عمر وعنده کعب بن مسور
 رضی الله تعالی عنهما تشکو زوجها فی هجره فراشها فقالت تخاطب کعباً بأمر أمير
 المؤمنین :

یا أيها القاضي الحکیم أرشده * ألهی خلیلی عن فراشی مسجده
 زهده فی مضجعی تعبده * بنهاره ولیله ما یرقده
 و لست فی أمر النساء أحمده

فقال کعب لزوجها : ما نقول ؟ فقال :

زهدي فی فرشها وفي السکل * أني امرؤ أذهلني ما قد نزل
 فی سورة النمل وفي السبع الطول

فقال له کعب :

أف لها حقاً عليك یا رجل * تصيبها فی أربع لمن عقل
 فاعطها ذك ودع عنك العلل

فقال له عمر : من أين لك هذا ؟ قال : لأن الله تعالی أباح للحر أربع زوجات
 فلكل واحدة يوم وليلة . فأعجب ذلك عمر وجعله قاضی البصرة اه بتصرف فی
 العبارة .

لزوجها « بیورلمشدر ^(۱) .

زوج زوجه یی (الرجال قوامون علی النساء الخ) قول کریمک
کوستردیکی شان رجال وجهله حمایه وانفاق ایدر زوجه دخی
انک مالنه مقید ومنزلنه ملازم اولوب اذنی اولمدقجه بریره چیقماز
وزوجنک مالندن اندن اذنسز کیمسه یه برشی ویرمز .

(قل للؤمنین یغضوا من أبصارهم الخ) امر جلیلله هر مسلم
ومسلمه کوزینی ومحل عورتی حرامدن حفظ ایله مأمور ومأموره در .
محافظه عفت ومستوریت فرض عیندر .

کلّ الحوادث مبداها النظر * ومعظم النار من مستصغر الشرر
کم نظره فعلت فی قلب فاعلها * فعل السهام بلا قوس ولا وتر

— استطراد —

قادینلرک مستوریتلری کندیلرین صیانت وحه لرنده شرف
وسیادتدر ^(۲) . ضدی ابتدال ومهاتدر ^(۳) . چونکه اناث
تجاوزکاه ذکور در عرضه تجاوز اولمق قدر ذلت اوله ماز .
قادینک عزتی عفتنده در . عفتی ده کوره چکی تجاوزدن تباعد
نسبتنده در . بوتباعده دخی احتجاجدن اسلم طریق یوقدر .

احتجاج ومستوریتک نوعی ایکیدر : بری خانه دروننده احتجاج بدرکه
قادین قسمی او ایچنده زوجنک ومحارمنک غیریه مخالط اولمامق

(۱) کذا فی الجامع الصغیر برمر الصحة . ویروی لوأمرت بدل لو کنت
امراً ولبعلمها بدل لزوجهها .

(۲) سیادت ارکسکار ایچون افندیلاک دیمک اولدغی کبی قادینلر ایچون دخی
خانلق دیمکدرکه جامع خیر وفضیلت برمعنادر .

(۳) مهانت : مکاتک ضدیدرکه حقیرلاک وحیثیتسزلکدر .

و کورنماکدر . دیکری خانه خارچنده احتجابدرکه کیمسه یه
کورنماک اوزره یوزینی وباشدن آباغه قدر بتون اندامنی
وحتی لباسنی ستر و اخفا اوزره اولمقدر . بونک ضدینه (تکشف)
واولکینک ضدینه (تبذل) تعبیر اولنور . قادینلر تکشف و تبذلدن
ورجالک عیون اشتهاسنه طار اور تیلرله عرض اندام ایتمکدن ممنوعدرلر .
یوزلرینی واللرینی وحتی آباقلرینی نمازده آچیق بولندیره بیلورلر
ولکن ضرورت اولمقدجه نامحرمه بونلری دخی کوسره مزلر .
زقاقده یوز آچمق ولباسنک قولی ویا اتسکنی اورتیدن ییقارمق
مخالف امر شرعدر . احتجاب امر قرآنیدر انده تهاونک و بالی عظیمدر
(یوز نامحرم دکدر) تعبیری حق صلاتک غیریده غلطدر .

سترعورت ذکورو انانده قدیمدر . نسوان عرب دین مبیندن اول
وحتی صدر اسلامده ستر اندام ایله ارککه مخاط اولوب باشلرنده
ر اورتی بولنور و فقط برچوغنده قیدسزاقله (۵) یقا آچیخی
وقول بیلارکی کورینور واورتی ایچنده اولانلر بیله یوریمیوب
یره آباق ووردقجه باجافلرنده کی خلخاللرک موجودیتی احساس
اولنور ایدی .

(*) وهكذا كانت نساء العرب تفعل إذا كانت جميلة كما قال عمر بن أبي ربيعة
على ما يحويه باب النسيب من ديوان الحماسة :

ولما تفاوضنا الحديث وأسفرت * وجوه زهاها الحسن أن تتنعا
تبا لهن بالعرفان لما عرفني * وقلن امرؤ باغ أكل وأوضعا
وقرن أسباب الهوى لتيتم * يقيس ذراعاً كلما قسن أصبعا
قوله زهاها الخ أي استخفها الحسن من أن تتنعم وقوله أكل أي أعيا وأوضع
معناه أسرع . والوجه أن يقول أوضع فاكل قاله الخطيب .

سورهٔ جلیلهٔ احزاب ایله نزول آیت حجابده بونلر نهی وقادینلر ارککله اختلاطن منع اولنهرق تحت الحجاب صیانت قیلندیلر. زیفتلرندن معدود اولان لباسلرینی دخی ارککدن ستره مامور اولهرق مرط وُملاه (بورکی وچارشاف) لر ایچنده بولندیلر ویوزلرینه نقاب چکوب یالکزکوزلرینی آچیق بولندردیلر. قیلقلر زمان و مکانه کوره متبدل اوله کلدیسهده نسوان اهل اسلامک زیٔ احتجاجلری بحمده تعالی زائل اولدی. حتی مسلمینه رعیه اولان غیر مسلم نسوانی بیله بعض محللرده کوریلان بقایانک دلائی وجهله مستور و محتجب اولدیلر^(۱). انجق طائفهٔ نساجه هروقت ایچون حال طبیعی اولان میل تبرج (ارککه اظهار محاسن ایتمک) رجالک مساحهلریله انلری ورطهٔ تبدله واردیر اولدی : زقاقلرده چهلر قالدیرلمقده ، صاغریلر کرلمکده ، قولاقلرله برابر یوزلر ، بیلمککلرله برابر اللر ، دیرسکلرله برابر قوللرک لباسی و ذیل زینتی کوسترلمکده درکه بواحوالدن انلرک حسابنه متشرع ارککلر استیحیا ایلمکده در .

اولرک ارزاقی کبی ملبوسات و مزیناتی دخی کتوروب کندیلرینه بکندرمک صورتیله خارجدن تدارکی وظائف رجالدن اولهرق ارککلر ایچون اهمٔ وآسان ایکن قادینلرک چارشویه چیقوب اغیار ایله الفت و هیج اولماز ایسه بلا ضرورهٔ صحبت دادوستد ایتمک خوش کوریلور . ارککلرینک کیجه لککرینی دخی کندیلرینه قادینلرک آلوب کتورملری عار اولسهده آغرکمیور! فسبحان الله العظيم .

(تم الاستطراد)

(۰) براستانبول خرسهٔ یان قادیملرینک دخی مستوریتلری زمانته یتشدک .

« فالصالحات قانتات الخ » قول کریمچه قادینک صالحه سی
قانتہ سیدرکه زوجہ مطیع اولانی وعاصی وخائن اولیانیدر .
مقدمه کتابده کچن « الدنيا كلها متاع وخير متاعها المرأة
الصالحة » حدیث شریفنده مرأه صالحه : « ان نظر إلیها سرته
وإن أمرها أطاعته وإن غاب عنها حفظته فی نفسها وماله » دیوتفسیر
بیورلشدر . حدیث دیگرده دخی مرأه ومسکن صالح
ومرکب صالح کشینک بختیارلغندن ومرأه سوء ومسکن سوء
ومرکب سوء کشینک بدبختلغندنر مآلنده « من سعادة ابن آدم
ثلاثة المرأة الصالحة والمسکن الصالح والمركب الصالح ومن شقوة
ابن آدم ثلاثة المرأة السوء والمسکن السوء والمركب السوء » وارد
اولمشدر . کما فی کشف الغمه .

زوجک زوجہ اوزرنده کی ولایتی تأدییہ در : زوجہ سنک
مناسب کورمدیکی وقولانی زوج ترک ایتدیره بیلور ، رضایی
اولمدقجه مالی حقنده تصرف ومداخله ایدهمز .

زوج زوجہ سنی معاملہ زوجیتدن بشقه برشیئه جبر ایدهمز .
حال طهرده اکا جبر ایدہ بیلدیکی کبی کندنی ایچون تزینہ
و (مسله اولدیغنه کوره^(۱)) حیض ونفاسدن وجنبلسکدن
تظاہرہ دخی جبر ایدر .

زوج زوجہ سنی بونلر ایچون تعزیر^(۱) ایدہ بیلدیکی کبی ترک صلات
اوزرینہ دخی تعزیر ایدر^(۳) .

(۱) محرمت فصلنده کتابیه نک جوازاستنکاح وتسریسی بمشقه باقکر .
(۲) تعزیر تکدیردن عبارت اولیوب مادون الحد اولان تأدیدر . درجاتی
فتهک کتاب الحدودنده میندر .

(۳) علی قول زوجک ائی تعزیری زینت کی نفعی کندینہ عائد اولان =

صلاتك غيرى اولان فرايضك تركى دخى صلات بيمدر .
 صارمساق وياچيك صوغان بيمك و تتون ايچمك كى
 رائحه سندن متاذى اولديغى شئي اكل واستعمالدن دخى زوجه سنى
 زوج منع ايده بيلور .



== خصصانده در . منفعتى نفس زوجه يه عائد شيلرده انى تعزير ايتمك
 يوقدر . كما فى تعزير الشرب لبالية . هندية ده مذکوردر كه زوجه سى نماز قیاماز
 اولان كيمسه ايفاء مهرينه قادر اولسه بيله انى بوشامق وارد ر اه بدزيان ومؤذيه
 ياخود تاركه صلات اولان زوجه نك طلاق واجب دكل ، مستحيدر . حضرت
 ابن مسعوددن رضى الله تعالى عنه مرويدر كه مشار اليه : مهرى ذمتمده اوله رق
 جناب حقه ملاقى اولماقنم نماز قیلميان بر قادين ايله معاشرت ايتمك كملدن خيرليدره
 ديمشدر . كما فى رادالمختار .

نفقه

منكوحه نك نفقه سی یعنی بوغازی ولباسی و سکناسی کندیسی
عجوز و یا غیر مسلمیه و زوجی صغیر و فقیر دخی اولسه زوجنه و اجبدر
شو شرط ایله که منكوحه مصلحت رجاله صالح سنده بولنه
و خسته لکی جهتله زوجنه مدخول بها اوله میهرق باباسی اونده
قالمش اولمیه و مهر معجلنی آلمش اولدیغی حالده زوجندن نشوز
و اعراض اوزره بولنمیه^(۱) و مملوکه غیر اولدیغنه کوره تبوئه
ایدلمش اوله^(۲) .

شروط مذکوره نی حائز اولمیان زوجنه نفقه دن ساقطدر .
(سرّیه نك نفقه سی سبب ملك ایله^(۳) واجب اولدیغندن بوراده
اندن بحثه و ذکر اولنان شروطی اخذه حاجت یوقدر .)

نفقه زوجنه عوضه شبیه صله درکه نفع زوج ایچون حبس
نفس ایتمش اولسنه بدل کبی بر عطادر^(۴) . صله اولدیغنددرکه

(۱) زوجنه اطاعت اوزره اولمیان قادینه (نازره) تعبیر اولنور . معنای
نشوز ایچون کتاب طلاقده مخالفه فضائی اوقویکز .

(۲) تبوئه ایچون نکاح رقیق بابنه باقکیز .

(۳) برکیمسه نك نفقه سی بشقه برکیمسه یه واجب اولق : زوجیت ، نسب ،
ملك مثلی اسبابك بریله در . نفع غیر یا خود منفعت عامه ایچون حبس نفس دخی
او جمله دندر . کما فی الشرع لایله . زوجیت اصل نسب و نسب ملکدن اقوی
سبب اولغله بز بوراده زوجیت و ولاد سببلریله اولان نفقه یی یازدق ، نفقه
مملوک و اقاربندن ده بحث ایتدک . نفقه معتدنی کتاب طلاق عدت بحثنه بر اقدق .
والله سبحانه هو الموفق .

(۴) عقد معاوضه ایله بطریق التسمیه متحتم اولدیغیچون عوض محض قیلنا مشدر .
کما فی المرأة .

التزام ایدلمیه رک مدت کذران اولورسه سقوط ایدر . جزاء احتباس اولدیغندرکه زوجه نك نشوزیله ساقط اولدیغی کبی مغضوبه و یا محبوسه اولمسیله دخی ساقط اولور^(۱)

اوزرینه فرض اولان حج ایچون زوجه نك محرمیله مسافرتنه زوجی مانع اوله میه جغندن حجه کیتدیکنده کیدوب کلنجه قدر نفقه سی زوجه عائد اولماز . زوجنی برابر کوتورمی صورتنه کیتدیکی حج نفل دخی اولسه انینه زوجی انفاق ایدر . شو قدرکه یول مصرفنی چکمز . نفقه ، زوجینک حالنه کوره اولور : زوجه غنیه نك زوج غنیسی اغنیا نفقه سیله^(۲) و زوجه فقیره نك زوج فقیری فقرا نفقه سیله مکلفدر . زوجینک فقر و غناجه مختلف بولنملری صورتنه زوج نفقه متوسطه ایله مکلف اولور : زوجه غنیه نك زوج فقیری زوجه سنی فقیره نك مافوقی و غنیه نك مادونی نفقه ایله انفاق ایتمک لازم کلور ایسه ده زوج فقیر کندی وسیعیه مخاطب اولوب زوجه نك زیاده نی طلبی او زرینه باقیسی حال سربنه معلق دین اولور . زوجه فقیره نك زوج غنیسی کندی بیدیکندن زوجه — سنه بیدرمک اکا واجب دکل ، مندوب بولنور .

زوج زوجه سنی انفاقدن اظهار عجز ایتمکله و یا خود نفقه سز

(۱) مکرکه زوجک دینندن طولانی حبس ایدلش اوله او حالده نفقه سی زوجنه لازم اولور .

(۲) زوجه نك خادم مملوکنک نفقه سی دخی زوج موسره در . زوجه نك رضایی اولیه رق خدمتجیسی زوج اندن متضرر اولدقجه دکشدره مر . کما فی الدر .

براغوب دیشاری کیتمکه یفنلری تفریق اولماز . حاکم نفقه تقدیر ایدر بعد التقدير زوجیه استدانه ایچون اذن دخی ویرر . زوج حاضر و متمرّد ایسه حاکم انک مالنه مراجعت ایلر .

تقدير نفقه زوجینک تفاوت حالرینه کوره قابل تنقیص و تزوید اولور .

مسکّن اغنیا مسکّن فقرايه بکزه میه جکندن سکنی خصوصی دخی زوجینک حالرینه کوره اولمق لازم کلور .

زوج زوجیه سنی کندی ایستدیکی محله و شوقدرکه جیران صالحین اره سی برخانه ده اسکان ایدر^(۱) . قومشوسزاو مسکّن شرعی دکدر .

زوجیه کندی مسکّننده زوجک ابوینی ایله برابر بولنمق ایستیه بیلدیکی کبی زوج دخی زوجیه سنی ابوینی ایله برابر بولندر میه بیلور .

انجق هفته دن هفته یه انلرک - کیجه یاتماق اوزره - کلملرینی و آنلر کلمه مدکلری تقدیرده هر هفته زیارت ابویندن زوجیه سنی منع ایده مز . ابویندن ماعدا اولان اقاربی زیارت ه زوجیه نك سنه دن سنه یه حق اولور . اجانبی زیارت و عیادتدن و دو کونلره و درنکلره کیتمکدن زوج زوجیه سنی منع حقیلیدر^(۲) .

(۱) و بر مستقل او طه ایچنده بولندرمغه مجبور اولورکه اورایه نه کندی و نه زوجی اهلندن هیچ کیمسه نك حق دخول و بیتوتی اوله ماز . کلیدی اولور و خلا و مطبخ کی مرافق بولنور . اکا مونسه یعنی جان یولداشی برقادین بولمغه زوجک مجبوریتی یوقدر . کما فی الدر .

(۲) مناهیدن خالی اولمیان دو کونلره و محلله اذن ویرر ایسه ایکیمی دخی عامی اولورلر . کما فی الدر .

زیارت کوننک غیریده ابویننک بیله ولیمه سنه یوللامیه بیلور .
زوجک نک کسبه حاجتی اولماز . کندیسی ایه ویاغاسله (۱)
دخی اولسه و تعینی جهتیه پاره آلامسی بیله لازم کلسه (۲) حق
زوجک فروض کفایه به تقدیمی اولدیغندن خروجی منعه حق
وارد (۳) .

مسائل دینییه سنی تعلم ایچون زوجیه سنک مجلس علیه خروجنه
— کندیسی تعلیم ایده مدیکی حالد — اخیانا اذن ویرر (۴) .
ترک طیب وزینت وداخلده سترعورت ایتمک شرطیه قادیلر ،
باخصوص لحوسه بولنانلر حمامه کسیده بیلورلر .

پدری مریض مزمن اولوبده باقه حق کیمسه سی بولنمیان
زوجیه کیدوب باباسنه — کافر دخی اولسه — باقه بیلور . زوجک
منعه حق اوله ماز . شوقدرکه اوراده اولدقجه — حج مدتی کبی —
نققه سنی زوج اعطا ایتیمیه بیلور .

طعامک خارجدن تدارکی ارککه وداخلده تهیمه سی قادینه عاندر .
داخل خانه ده (طشره عادتجه) ال دکرمننده اون اوکتمکدن
واتمک یاپوب ییمکدن و (بزم اصولزجه) یمک پیشورمکدن امتناع

(۱) اولو بیقایچی .

(۲) کتاب صلاتک احکام جناز فسانده (ص ۵۷۴) بیان ایتدک که غسل
میت مجانا اولور اولیاده اجرت طلی کندیسندن بشقه غاسل بولنق تقدیرنده جائز
اوله بیلور بشقه غاسل بولنق تقدیرنده ییقامغه کندیسی متعین اولمقله اجرت ایسته مک
جائز دکلدر اه ابل کده بویله در .

(۳) فرض عین بویله دکلدر . کما تقدم بیان فی کتاب الحج .

(۴) برحادثه حدوئنده زوجک استفتادن امتناعی شر طیه زوج نک حاجتنه

مبنی مجلس علمه بلا اذن خروجی جائز اولور .

ایدن قادین اگر کندسی خدمت ایدر مقوله دن دکل ، ویا عاجز وعلیل ایسه زوج اوزر بنه لازم اولان حاضر یمک تدارکی ویا خود یمک حاضر ایدجک برکیمسه نک جلب واستخدامیدر . اگر قادین خدمت ایدر مقوله دن اولوب خدمته دخی قدرتلی ایسه حاضر یمک تدارکی ویا انک ایچون آدم استخدامی زوجہ لازم اولمیوب انک بوبابده یاپه جغی شی زوجہ یه جبرایتمک دکل ، قاتق ویرمامکدر .

خدمت داخلیه ایچون زوجہ نک زوجدن اجرت ایستمی جائز اوله ماز چونکه خدمت مذکوره زوجہ یه دیانه لازمدر (*) رسول اکرم صلی الله تعالی علیه وسلم افندمز حضرتلری حضرت علی ایله حضرت فاطمه (رضی الله تعالی عنهما) ارسنده أعمال معیشتی تقسیم بیوروب خارج اعمالی حضرت علی یه وداخل اعمالی حضرت فاطمه یه عائد قیلشلدرد . مع هذا که حضرت فاطمه سیده نساء عالمیندر . درمختار .

اوکتمک آلتنک ومطبخ ادواتنک تدارکی ودوشه مه دن سوپورکه یه قدر اولوازمک احضاری وتنظیف ثیاب وبدن ایچون صو وصابون کبی شیلرک وباش طاراغنک اشتراسی هپ زوج اوزرینه واجبدرد . هر نصف سنه ده تجدید حاجته مبنی زوجہ یه یازاق وقیشلق کسوه دخی ویریلور .

حناء وسورمه کبی مزینات اشتراسی زوجہ واجب اولمدیغی

(*) (دبان) اصطلاح فقها ده قضا مقابلدر که مفتی به مراجعته دیکندر .
(قضا) محکمه یه مراجعته دیکندر .

کبی یمش پاره سی و — مبتلاسی اولوب ترکندن متضرر دخی اولسه
— قهوه و تتون اقیچه سی دخی زوج اوزرینه لاز دکلدر .

والده چوجغنی ارضاع ایچون جبر اولنه ماز . پدر سوت انا
استیجار ایدر . والدهیه ولدینی ارضاع ایتمک قضاء دکل ، دیانه
واجبدر . مکرکه چوجق کندی اناسنک مه سندن ماعداسنی
آماز اوله . اوحالده قضاء دخی واجبدر .

ارضاع اوزرینه والدهنک والددن اجرت طلبنه حق اوله ماز .
مکرکه عدقی انقضا ایتمش مطلقه اولمغله نفقه سی زوجنه عائد اولمیه .
اوحالده تبرعا ارضاع ایدن اولماز ایسه والدهنک اجرت ایستمکه حق
اولور . تنکیم زوج بر زوجنه سی دیگر زوجنه سندن اولان چوجغنی
ارضاع ایچون استیجار ایده بیلور .

حرا اولان پدر حرا اولان طفل فقیر صغیرینی اوغلان ایسه حد
کسبه قدر و قیز ایسه قوجه یه کیدنجه قدر اتفاق ایتمک اکا واجبدر .
و کذا کسبدن عاجز اولان ولد کبیرینی پدر اتفاق ایدر .

پدر حر اولمدیغنه کوره چوجغک والده سی حره و یا مکاتبه
ایسه نفقه ولد اکا ، و جاریه ایسه ولد مملوکک - پدری کرک
حر و کرک عبد اولسون - انک مالکنه عائددر .

حر اولان چوجق فقیر اولمدیغنه کوره نفقه سی انک مال
حاضرینه عائد اولوب اگر مالی غائب ایسه پدره در (*) .

احراره کوره مزمن خسته لک یا خود کورلک و یا چولاقلق

(*) ولا رجوع إلا للام موسرة . ط .

یا خود عقلسزاق کبی اسباب عجزه مبنی اکتساب ایده میان ولد کبیرک نفقه سی پدرینه واجب اولدیغی کبی یا تحصیل علم ایله مشغولیتندن ویا کسب خسیس ایله اشتغاله عار ایدر مقوله دن بولنمقدن ناشی کسبیز قالان ولد کبیرک وعلی الاطلاق ذات زوج اولمیان قیز اولادک دخی نفقه سی پدره واجبدر .

بو بایده پدره بشقه سی مشارک اولماز . مکرکه پدر تسالاً دخی کسبه قادر اولمیان معسر اولوبده والده موسره اوله (۱) . او حالده نفقه پدره بورج اولمق اوزره چوجغی والده نک اتفاق ایتمنی حاکم والده امر ایدر . والده دخی یسار (اتفاق ولده اقتدار) یوق ایسه ابوین امواته الحاق اولنهرق چوجغک نفقه سی بلار جوع آخره (۲) عائد اولور .

اختلاف دین نفقه ولادوزوجیتی اسقاط ایتمز (۳) اتفاق ولده پدره و اتفاق زوجه ده زوجه کیمسه مشارک اولدیغی کبی اتفاق ابوین و تعبیر اصح ایله - اناسنک باباسی دخی داخل اولمق اوزره - اتفاق اصول خصوصنده دخی اهن یسار اولان اولاده هیچ کیمسه مشارک اولماز . قیز وارکک اولاد بو بایده حصه ارثیه اوزره

(۱) بونلرک مصدرلری اولان (اعسار) ال طارغی و (ايسار) ال کسکشل کیدر .

(۲) من الأقارب و بیت المال .

(۳) زوجه غیر مسامه نک بیله نفقه سی زوج مسامه واجب اولدیغی کبی ولد مرتدینک نفقه سی دخی پدر مسامه در . وبر مسلم فقیرک ذی قدرت فقط غیر مسلم بر اوغلی وبرده مسلم برادری اولمق صورتده میراثی برادرینه و نفقه سی اوغلنه عائددر .

دکل (۱) علی السویه اولمق اوزره اصول محتاجلرینی انفاق ایدرلر .
اصولدن ماعدا اولان وفقیر و کسبدن عاجز بولمان اقاربی اهل یسار
اولانلر حصه ارییه لری نسبتنده انفاق ایلرلر .

نسب و زوجیت اسباب نفقه دن اولدیغی کبی ملک دخی اسباب
انفاقندلر : مملوکک نفقه سی مالکینه در . مالک یاخود مملوک کرک
کبیر و کرک صغیر اولسون وارکک یاخود دیشی بولنسون (۲) .

مالک اگر انفاقدن امتناع ایدر ایسه مملوکک نفقه سی قادر کسب
یعنی صحیح البدن ار اولمق و محلّ بیع بولنمق شرطیله کسبدی کسبنددر .
صنعت بیلمز اولمسی مانع دکلدر نفقه سی ایجار ایدره بیلور . اگر قادر کسب
دکل ایسه — که خوف فتنه یه مبنی جاریه حسناء دخی اویله عدا اولنور —
مالکه انک بیعی امر اولنور . مالک امتناع ایدر سه قاضی بیع ایدر .
مدبر و ام ولد کبی محلّ بیع دکل ایسه مالک انفاق ایلره الزام اولنور .

افندیسنک انفاق ایتمدیکی مملوک قادر کسب یاخود مأذون کسب
اولدیغنه کوره انک مالندن رضاسی اولمیه رق مقدار کفایه اخذ
واکل ایدره بیلور . قادر کسب و مأذون کسب اولدیغنه کوره ایدره مز .
افندیسی انک اداره سی طار طوتمق صورتنده دخی افندیکنک

(۱) کما هو مذهب الإمام الشافعی رحمه الله تعالى .

(۲) لزوم نفقه ده مالکک موصی له بالخدمة اولمسی کبی مالک منفعت بولنمسی
بیلره کافیدر . مکاتب کسبدی منافعه مالک اولمقله نفقه دن ساقط ایسه ده مدبر
وام ولد غیر ساقطدر .

رضاسی اولمیهرق مالنی اخذ و اکل ایتمک مملوکه جائز اوله ماز .
مملوک مغضوبک نفقهسی — مالسکنه ردایدنجه قدر — غاصب
اوزرینه در . غاصب حاکمدن نفقه ویایبمع امرینی طلب ایتسهده حاکم
اکا اجابت ایلزولکن حاکم مملوکک ضیاعندن خوف ایدرسه انی صاتار
و ثمننی مالکی ایچون حفظ ایلر (۱) .

نفقه عبیدک بیت الماله لزومی کندی عتقندن و قریب منهقی بولنمدیغندن
صکره در .

مملوکک انفاقنه یاخود بیعنه اجبار اهل استحقاقه خاص اولمغله
بهاثمننی انفاقه اصحابی انحق دیانه ماموردرلرکه تعذیب حیوان و تضییع
أموالدن نهی بیورلمشدر (۲) .

(۱) وكذا الحكم في عبد الودیعة إذا طلب المودع من القاضي الأمر بالنفقة
عليه لا يجيبه لئلا تأكله النفقة بل يؤجره وينفق منه أو يبعيه ويحفظ ثمنه لمولاه .
دابة مشتركة بين اثنين امتنع أحدهما من الانفاق أجبره القاضي لئلا يتضرر شريكه اه
تویر مع الدر .

(۲) بناءً عليه حيوانك یعنی لزومندن آزویرمک مکروه اولدیغی کبی سودینی
چوق صاغمق ومضر اولدیغنه کوره هیچ صاغمیوب براقق دخی مکروهدر .
سوت صاغانه مستحب اولان طرناقلرینی اوزاتمامق و حیوانک یاوریسندن آرتانی
صاغمقدر .

﴿ إِبَانَةُ الْإِغْلَاقِ عَنْ مَسَائِلِ الطَّلَاقِ ﴾

الطلاق بيد من أخذ بالساق

جامع صغيرده مذکور اولدینی اوزره حدیث شریفده :
« تزوجوا ولا تطلقوا فإن الله لا يحب الذواقين ولا الذواقات »
بیورلمشدرکه معناسی : تزوج ایدک وبلا موجب شرعی
تطلیق ایتمیک چونکه سریع النکاح وسریع الفراق
اولان رجال ونسای جناب حق سؤمز دیمکدر .

رحلت انیسة بالطلاق * وعثقت من رق الوثاق
بانت فلم یألم لها * قلبی ولم تبك المآقی
ودواء ما لا تشتهی * النفس تعجیل الفراق
لو لم ارح بفراقها * لارحت نفسی بالاباق
وخصیت نفسی لاأری * د حلیلة حتی التلاق

کتاب الطلاق

ازدواجك طريق ايكي اولديغى كى افتراقك طريقى دخى ايكيدىر :
 برى طلاق وديكرى فسخر . ايكيسنك ده نتيجه سى زوجينك
 يكدىكرندن آيرو دوشمى اولمقله برابر طلاق بشقه وفسخ بشقه در .
 طلاقك عددى واردركه ايقاق اولندقجه اكسيلور وعدد وعدت
 باقى اولدقجه مطلقه دخى تطليق اولنه بيلور (غير مدخوله نك عدتى
 اولمديغندن بوسوزك اكاشمولى ده يوقدر) .

فسخك ايسه عددى و تنقيص أعداد طلاقه تأثيرى اولمديغى كى
 انتاج ايتديكى فرقت زوجه يى زوجندن بسبتون جدا ايتمكله اكاش
 زوجك ايقاق طلاق ايتمى دخى ممكن اوله ماز (۱) .

زوجك ايقاقى و تفويض صورتمده زوجه نك اختيارى كى
 محتاج حكم قاضى اولميان و مجبويت و عنيت مثلى محتاج حكم قاضى بولمان
 اسباب نتيجه سنده كى فرقتلر طلاق قسمندندر .

خيار بلوغ و عدم كفاهت كى محتاج حكم قاضى اولان و خيار عتق
 و فساد نسكاحده قبل الدخول متاركه مثلى محتاج حكم قاضى اولميان اسباب
 نتيجه سنده كى فرقتلر فسخ قسمندندر (۲) .

(۱) إلا فى الردة فإنه يقع طلاق زوج المرتدة فى العدة كما فى الدر مع الرد .
 (۲) شو افاده كوره طلاق فعل زوجندن وفسخى فعل حاكمندن عبارت
 قيه ميه جعمر كى زوج جانينندن كلان هر فرقتك طلاق و زوجه جانينندن كلان
 هر فرقتك فسخ اولديغنده على الاطلاق حكم ايدمه ميه جكر . زوجك ايلاسى
 طلاقدرده ارتدادى فسخر .

صاحب تنف ديمشدركه طلاق اولميان فرقت اون آلتى وجه اوزره در :

فسخ نوعندن اولان تفریق‌لر یا خود فرقتلر فصول نکاحده
کچمشد. طلاق نوعندن اولان فرقتلر یا خود تفریق‌لر قالمشدرکه
بو کتابک عقدی اشته انلر ایچوندر.

طلاق: حل عقدۀ نکاح ایتمکدرکه قید نکاحی لفظ مخصوص
ایله فی الحال و یا فی المال رفع ایلمکدن عبارتدر.

برنجیسی بوکه برکیمسه قاین والدہسنی کرک بیلهرک و کرک بیلیمه‌رک نکاح‌ایوب
وطء ایسه زوجہسی کندیسنه حرام اولورکه بو طلاق دکلدر ایکنجیسی بوکه قاین
والدہسی شهبهء ملک‌مبنی وطء‌ایلیان کیمسه نک زوجہسی کندیسنه حرام اولور
بوده طلاق دکلدر اوچنجیسی بوکه قاین والدہسنی شہوت و شهبهء نکاح ایله تقبیل
ویا معاقله یا خود بشرہسی بشرہسنه تماس و یا موضع تناسلنه نظر ایسه زوجہسی
کندیسنه حرام اولورکه بوده طلاق دکلدر درنجیسی بوکه قاین والدہسنه اوشیلردن
برینی شهبهء ملک‌مبنی یاپسه زوجہسی کندیسنه حرام اولورکه بوده طلاق دکلدر
بشنجیسی بوکه اوشیلردن برینی اوکی قیزینه شهبهء ملک و یا شهبهء نکاحه مبنی یاپسه
زوجہسی کندیسنه حرام اولور بوده طلاق دکلدر آلتنجیسی بوکه انلردن برینی
شهبهء نکاحه و یا شهبهء ملک‌مبنی اوکی اناسنه یاپسه او قادین باباسنه حرام اولورکه
بوده طلاق دکلدر یدنجیسی بوکه انلردن برینی اوغلنک زوجہسنه شهبهء نکاح
و یا شهبهء ملک بناءً یاپسه اوغلنک قاریسی اوغلنه حرام اولورکه بوده طلاق
دکلدر سکنرنجیسی بوکه جاریهء زوجہ کرک مملوکهء صرفهء و کرک مدبره و یا مکاتبه
یا خود ام‌ولد اواسون آزاد ایدلده نفسی اختیار ایدرسه فرقت واقع اولور
بوده طلاق دکلدر طقوزنجیسی بوکه صبیہی پدرینک غیری اولان ولیسی تزویج
ایتمش اولمق صورتنده صبیہ خیار بلوغ ایله نفسی اختیار ایدوب حکم قاضی ایله
زوجندن تفریق اولمقله فرقت واقع اولور بوده طلاق دکلدر اوننجیسی بوکه بر
قادین قرشی یا خود عری اولمق اوزره برارککه تزویج اولنوب زوج‌عتقادن ظهور
ایتمکله قادین نفسی اختیار ایدلده قاضینک تفریق‌له فرقت واقع اولور بوده طلاق
دکلدر اون برنجیسی بوکه قادین اسلامدن ارتداد ایدرسه نکاح باطل اولور =

رفع مذکورہ (تطلیق) (*) وانی ایقاع ایدن زوجه اسم فاعل
صیغہ سیلہ (مطلق) و تطلیق اولنان زوجه یه اسم مفعول صیغہ سیلہ
(مطلقہ) دینیلور .

(لفظ مخصوص) طلاق مشتمل اولان تعبیردر . انکله
فسخدن احتراز اولنمشدر . (فی الحال) قیدی طلاق بائنہ ناظر
اولوب (فی المآل) قیدی طلاق رجعی یه نظراً درکه انقضاء عدتن
ویا خود بر طلاقه ایکی طلاق دها منضم اولدقدن صکره دیمکدر . تسکیم
حکم طلاق افاده دن ظاهر در .

طلاق اقسامی اولدیغی کبی سببی ، شرطی ، رکنی ، حکمی ، صفقی ،
محاسنی دخی واردر .

طلاق سببی : تباین اخلاق حائنده خلاصه حاجتدر .

= بوده طلاق دکلدر اون ایکنجیسی بوکه زوج اهتدا ایدوب زوجه مشمرکه
امتناع ایدرسه بینلرنده فرقت واقم اولور بوده طلاق دکلدر اون اوچنجیسی بوکه
مسلمک تحت تزوجنده بولنان کتاییه تمجس ایتسه فرقت اولور طلاق اولماز
اون دردنجیسی بوکه زوجیندن بری دیگرینه وحتی انک برشقصنه (حصه سنه)
مالک اولسه نکاح فاسد اولور بوده طلاق دکلدر اون یشنجیسی بوکه برکیسه نک
زوجه کبیره سی زوجه صغیره سی مدت رضاعنده ارضاع ایله ایکیسی دخی اکا
حرام اولوع بوده طلاق دکلدر اون آلتنجیسی بوکه درت زوجه رضیعه سی اولان
برکیسه نک زوجه لرینی بر قادین ارضاع ایتسه جمله سی اکا بلاطلاق حرام اولور .
أما ان وایلا و مخالعه و عین فرقتی عند الفقهاء هب طلاق دراه اون برنجیده حکم
ارتدادی زوجه یه حصر اتفاق واقم اولمشدر زوجک ارتدادی دخی فسخدر .

(*) تطلیقندن (طلاق) تأذیندن (اذان) و تسکیمندن (کلام) و تسلیمندن
(سلام) کبی اسمدر . تسکیم کتاب الصلواته ذکر اولنمشدر .

طلاقك شرطی : زوجك مكلف ومستقیمظ اولمسی یعنی عاقل و بالغ و بیدار بولنمسی و زوجه نك نكاح صحیح ایله منكوحه و یا خود محل طلاق اولمغه صالح معتده بولنمسیدر ^(۱) .

طلاقك ركنی : نفس لفظ یعنی رفع قیده دال اولان واستثنادن خالی بولنان تعبیر مخصوصدر ^(۲) .

طلاقك حكمی : رجعییه كوره انقضاء عدت ایله مؤجل وبائنه كوره بلا تأجيل وقوع فرقتدر ، عددینك تمامنده حصول حرمت غلیظه در . آتیاً معلوم اولور .

طلاقك صفتی : حاجت اولمدقجه حظر و ممنوعیتدر ^(۳) . آیت کریمه ده (فَإِنْ أَطَعْنَكُمْ فَلَا تَبْغُوا عَلَيْنَ سَبِيلًا) وحديث شریفده « أبغض الحلال إلى الله تعالى الطلاق » بیورلمشدر ^(۴) .

(۱) حتی حرمت مصاهره ایله روال حله وفسخ نوعندن اولان تفریقده دخول وقوعندن ناشی عدت لازم کلسه ده او عدته ایقاع اولنان طلاق واقع اولماز . کما فی الهندیه . بهجده مذکوردر که هند بالغه نفسی ولی اقربن ار قرنداشی عمروك اذنسر کفئی اولمیان بکره تزویج ایدوب بکره نده بعد الدخول ولدکتورمدين عمرو راضی اولوبو هندی بکردن تفریق ایتدر دکن صکره بکر هندی عدتی ایچنده اوج طلاق ایله تطایق ایسه طلاق واقع اولماز . بصورتده بکر عمروك اذنیله هندی رضاسیله بلاحله تزوجه قادر اولور اه قبل الدخول تطایقه دخی زوجه لالی عدت بائنه اولمغه اکا اندن صکره ایقاع اولنان ایکی طلاقده حکمی اولوبو رضاسیله انی زوج مطلقنك بلاحله تزوجی جائز اولور . کما فی الفیضیه ص ۷۳ .

(۲) استثناء : ان شاء الله دیکدر . لفظك کتابت مستبینهیه و اشارت اخرسه شمولی وارددر .

(۳) کذا فی الشرع بلالیة عن الفتح .

(۴) مال آیت کریمه : زوجه لکرکز سره لطاعت ایدر لرایسه علیهرینه =

(فَأَنْ كَرِهْتُمُوهُنَّ فَعَسَى أَنْ تَكْرَهُوا شَيْئاً وَيَجْعَلَ اللَّهُ فِيهِ خيراً كثيراً) و عند جلیله بنجه انسان کریه کوردیکی زوجه سنه صبر یوزندن نتایج صالحه یه نائلیت کبی مظهر خیر کثیر اولمق دخی واردر .
 طلاقک محاسنی : مکاره دینیه و دنیویه دن انکله خلاص اولمنسی (۱)
 وایدی^۲ رجالد اولمنسی و متعدد بولمنسیدر (۲) .

= یول آرامیکز . دیمکدر و مال حدیث شریف : جناب حقه اک سومسر اولان حلال طلاقدر دیمکدر . ذوات عسیلات نساء اولمق اوزره مطلق اولانلرک یعنی مجرد تجدید ذوق ایچون چوق قاری آلوب بوشایانلرک عندالله ملعون (غیر مقبول) اولدقلری دخی مال حدیث دیکردر . در مختاردن بعض آیات کریمه ناک ظاهر اطلاقه مبنی طلاقک بلا حاجه اباحه سی دخی مفهوم ایسه ده حاجت انده مذکور اولان تهمت و کبر سن کبی شیلره منحصر دکلدرد . امثله آتیسه ده بوکادیلدر : عایه الصلاة والسلام افندهز حضرت تلری حضرت حفصه یی بخاریده مذکور اولدیفی اوزره رجعیاً تطلیق ایتدیلر صکره مراجعت بیوردیلر . حضرت عمر ام عاصمی و حضرت عبدالرحمن ابن عوف زوجه سی تماضری و حضرت مغیره درت زوجه تطلیق ایتدیلر و حضرت حسن برچوق تزوج و تطلیقه بولندیلر . رضی الله تعالی عنهم .

(۱) چونکه عندالتنافر زوجیت اوزره بقاده مشقت واردر . مشقت قیسیری جالیدر . تکیم مقدمه کتابده میندر . حصکفی دیرکه تخلص مذکورک محاسن طلاقدن اولسلیله معلوم اولورکه « ان طلقک فانت طالق قبله ثلاثاً » یعنی بن اکر سنی تطلیق ایدر سه سن آندن اول اوچ طلاق ایله بوشسین دیمک طرزنده اولان (طلاق دور) اجماعاً واقعدر اه اکر واقع اولسه بو حکت فائت اولور . بوکا طلاق دور دینلمسی ایشک ایکی متناق ارسنده دائر اولسندندر چونکه طلاق منجزک وقوعندن آندن اول اوچ طلاق معلقک وقوعی لازم کلوب انک وقوعندن ایسه منجزک عدم وقوعی لازم کلیور . دور مذکور ایکی شیدن هربری دیکرینه توقف ایتمکله شی کندی نفسنه توقف ایتمک معناسنجه علم کلامده مصطلح اولان دور دکلدرد . کما فی الرد .

(۲) عندالندامه تدارک و تلافی ممکن اوله بیلیمک ایچون طلاق =

طلاقك شاهده احتیاجی یوقدر(*) . تطلیقه استعمال اولنان لفظ افاده معناده صریح اولدقجه طلاقك نیتیه دخی احتیاجی اولماز نحن نحکم بالظاهر والله سبحانه يتولى السرائر .

اقسامنه کلنجه طلاقده شوقسملر کوریلور : سُنّی ، بِدْعی ، بَئْن ، رَجْعی ، مُفْصَح مَسْکَنی .

بونلر تداخل ایدیجی اقسامدر : طلاق صفتی اعتباریله (سنی و بدعی) وحکمی اعتباریله (بَئْن و رجعی) و استعمال اولنان لفظ اعتباریله مفصح و مکنی یاخود (صریح و کنایه) اولور .

= متعدددر و ملعبه اولماق ایچون عدد اوچه منحصر در . بوده حرأئر حقه در . امه نك طلاق ایکیدر . تکیم بیان اولنور .

(*) اصولده مقرردرکه بضم عندالدخول متقومدر : محتاج عوض و شهوددر ، انضمام رأی ولی به بیله بعضاً عرض احتیاج ایدر . بونلر محلك اظهار قدر و قیمتی ایچوندرکه مجاناً مالک اولنان شیئك جندان قدر و قیمتی وابتدالدين مصونیتی اولماز . بضم محل نسل اولمق اعتباریله نفوس کبی قیمتمدار اولمقه سزادر . ثبوتنده ملاحظ اولان معانی زوالنده ملاحظ اولماق جهتیله بضعك عند الخروج تقوی و بناء علیه شاهده و ولی به و عوضه احتیاجی اولماز . کما فی الکشف . بوبابده واسطه به احتیاج اولماق ده معقولدرکه زوجینك موجب بغض و فراق اولان اسراری کندی بیلنرنده منکم قالب فاشی اولماش اولور . بوده عقلی اولانلرجه مطلوب اولسه کر کدر . افشاء سر نسائك و عیدشرعیسی عظیمدر . زوجه سنك طلاقنی مراد ایدن بر صالح کیمسه : زوجه كك نسندن شبهه ای دیورسین ؟ دیو کندیسنه توجه ایدن سؤاله : « عاقل اولان کندی زوجه سنك سترینی هتك ایتمز » جوابی ویرمشدر . بین الزوجین تنافر وقوعنده اصلاح ذات بین ایچون بهت حکم خصوصی امرقرآنی وجهله اولجه ای دیله جك تدابیردندرکه [فان خفتم شقاق بينهما فابعثوا حكماً من أهله و حكماً من أہلها] بیورلمشدر .

طلاق سنی و بدعی

(منی) سنته و (بدعی) بدعته منسوبدر . بوبابده سنتك
معنایی مستوجب عتاب اولمیاندر . مستعقب ثواب اولان دیمك
دكلدر چونكه طلاق فی نفسه عبادت دكلدركه اكا ثواب ترتب
ایتسون . اكر نفس انی بدعیاً تطليقه داعی ایكن او كف نفس
ایدرك طلاقى وقت سنته تأخیر ایدرسه كف معصیت ثوابيله
مثاب اولور (*) .

بدعت : خلاف سنتدر . موجب اثم بر معصیت دیمكدر . ط .
زوجهیه عند الحاجة بر طلاق ایقاعی کافی ایكن زیاده سنك ایقاعی
بدعتدر .

طلاقه بدعت : عددأ اولدیغی كبی زماناً دخی اولور .
چونكه طلاق فی حد ذاته مطلوب اولمیدیغندن ایقاعنك تجدد
رغبت زمانته تأخیری مستحسندركه اوده و طء دن خالی اولان
طهر زمانیدر . حیض زمانی زمان نفرت اولدیغی كبی و طء دن خالی
اولمیان طهر زمانی دخی رغبتك فاتر اولدیغی زماندر . بنابراین

(*) ذكره ط . وقال القهستانی عند ذكر السنی الاحسن : وفيه دلالة
على أن السنة نوعان : سنة عبادة ، وسنة اتباع كالطلاق على الوجه المذكور
متابعة للنبي عليه الصلاة والسلام . وفي التنف : وأما السنی فشرائطه خمس :
أحدها : أن يكون الطلاق واحدة ، والثاني : أن تكون المرأة مدخولا بها ،
والثالث : أن تكون طاهرة من الحيض والنفاس ، والرابع : أن تكون المرأة
خالية من ماء الرجل ، والخامس : أن لا تكون حاملا . وكل طلاق يكون مع
هذه الشرائط الخمس فهو سنی وإلا فهو بدعی اه . واقتصر القهستانی على
أربع منها وأسقط رابعها ولعله أدرجه في الطهارة .

مدخول بها اولان زوجه‌نی زمان حیضده ویا وطء ایدیلان زمان زمان طهرده تطلیق ایتمک دخی بدعتدر (۵) .

سنی دخی مقابلی اولان بدعی کبی یامن حیث العدد ویا من حیث الوقت یاخود هم من حیث الوقت وهم من حیث العدد (سنی) اولمق اعتباریله بری برندن متمیز اولمغله طلاقک سنی و بدعی‌یه تقسیمندن شو اوج قسم حاصل اولمقده در : طلاق سنیّ احسن ، طلاق سنیّ حسن ، طلاق بدعی .

(*) آیت تربصده کی (قروه) ك أحیاض ایله تأویلی باینده کی متمسکات جمله‌سندن اولان [فطلقوهن اعدتهن] قول کریمک تفسیرنده لامک وقت ایچون اولسندن تعلیل ایچون اولسی اصل اولدیغنه بناءً دینله‌شدرکه طلاق حال‌حیضده واقع اولورسه عدت اوج حیضی تجاوز ایدرک متمد اولمق محذوری اولدیغی کی وطء وقوع بولان طهرده واقع اولمق صورتنده دخی او مواقعه‌دن علوق حاصل اولمش بولمق محذوری اولورکه بوده زوج ایچون موجب‌ندامت اوله‌یلور . اما قادین طاهره غیره‌وطوء اوله‌رق تطلیق ایدلمش بولنور ایسه بو محذورلر اولماز . طلاقه بدعت وسنت اطلاقک وجهی اشته بونسکله ظاهر اولمش اولور . معنای قول کریم مذکور : قادینلری تطلیق ایدرسه کز انلری عدتلری اجلندن یعنی احصاء عدت ممکن اولور حیثیتدن تطلیق ایدکر دیمکدرکه اوده وطء وقوع بولمیان طهرده ایقاع طلاق ایدلمسکله اولور چونکه قادینک غیر حامل اولدیغی اکلاشیله‌رق بلاشبّه اوج حیض ایله اعتداد ایتمسی تعین ایدر . ایچنده وطء وقوع بولان طهرده تطلیق ایتمیک که او حیضده قادینک حامل اولوب وضع‌حل ایله‌می یوقسه غیر حامل بولنوب حیض ایله‌می اعتداد ایدجکی معلوم اوله‌ماز . وکذا حال حیضده دخی تطلیق ایتمیک چونکه نه بو حیض نه ده آنی ولی ایدن طهر معتبر اولماغله چ حیض کامل ده‌ا بکلمه‌ک لازم کله‌رک مدت عدت متمد اولور دیمکدر . کما فی شرح المنار المسمى بنور الأنوار .

(سنی احسن) : شول طلاق رجعیدر^(۱) که مدخول بها بولنان زوجهیه ایچنده و طء وقوع بولمیان طهر حالنده بردن زیاده اولمیهرق ویریلوب عدت منقضی اولنجه قدر بردها تکرار ایدلماش اولور^(۲) (بأس یوق ایسه عدت ایچنده رجعت افضلدر .)

(سنی حسن) : شول طلاق رجعیدرکه مدخول بها بولنان زوجهیه ایچنده و طء وقوع بولمیان طهر حالنده بر کره ایقاع اولندقدن صکره انقضاء عدتنه دکن طهرلره وذوات الحیضدن اولمیدیغنه کوره شهرلره توزیعاً بلاوط. برر دها ایقاع ایدیلهرک مملوکه حقمنده ایکی و حره حقمنده اوچ اولان عدد طلاق متفرقاً تماملانمش اولور^(۳).

(طلاق بدعی) : شول طلاقدرکه طلاق سنینک ذکر اولنان ایکی قسمنده مخالف اولهرق زوجهیه یا حال حیضنده^(۴) ویا و طء اولندیغی طهر ایچنده بردن زیاده اولماق اوزره یا خود

(۱) طلاق واحدبائیک سنی اولمسی متفق علیه اولمیدیغندن رجعی قیدی زیاده ایدلشددر . هندیده دیمشدرکه طلاق بائن ظاهرروایتده سنی دکلدر . محالعه حال حیضده دخی اولسه سنیدر اه قهستانیده بائیک سنیتی عند الامام اولوب امامینک یوبابده مخالفتلری اولدیغی مذکوردر . بحررائقده «أما الواحدة البائنة بدعی» دیمشدر .

(۲) احسنیت دیکرینه نسبتلهدر . درمختار . نفسنده احسن دیمک دکلدر . آرتق : ابغض الحلال اولان شی فصل اولور ؟ دینیلهمز . ط .

(۳) مدخول بها اولمیان زوجهیه کوره حال حیضده ویریلان بر طلاق دخی کتبمداولده بو قسمک امثلهسی میاننده مذکوردر .

(۴) زوجهیه زمان حیضده ویریلان طلاق بدعییه مغنیده (طلاق محظور) و مرآتده (طلاق فاسد) اسمی ویرلشددر . نهی بحثنه باقکمز . اندن بوراده غیرمدخولیهی استثنای ایتدیلر . وقد عرفت معناه .

طهر واحده یا متفرقاً و یا دفعهٔ بردن زیاده اوله رق ایقاع ایدلمش اولور . (۱)

بدعت من حیث العددك بعد الايقاع دفع و تدارکی ممکن اوله ماز .
بدعت من حیث الوقتك تدارکی ممکن اولمغله زوجهٔ مدخول بهانك (۲)
وقت اعتباریله بدعی رجعی اوله رق تطلیقنده دفع بدعت ایچون اكا
مراجعت ایتمك زوجه واجبد . (بعده دیلر سه طهر ثانیده بلا وطء
انی تطلیق ایدر)

(طلاق بدعی منهی اولمغله برابر واقعدر . فعل شرعی به وارد
اولان نهی انی ابطال و مشروعیتدن اخراج ایتمز مکرکه قبیح لعینه
اولدیغنه دلیل قائم اوله (۳))

طلاقك عددی زوجهك حره و یا مملوکه اولمسنه کوره در : حرهك
طلاق اوچدر زوجی کرک حر و کرک عید اولسون

(۱) اوچ تعریفده واقع وطء ایله مقصود زنا اولمان و طئدر زیرا زنا
زوجهٔ مزنییه تطلیقك سنی اولمسنه منافی دکلدر طلاق سنیلرک تعریفلرنده واقع طهرک
قبلنده اولان حیضده وطء مذکورک اولماسی لازمدر کذلک حیض مذکورده
طلاق اولماسیده لازم زیرا وطء و طلاق مذکورلر طهرده ایقاع اولنان طلاقك
سنیتنه منافیدر . کذا قیل .

(۲) چونکه غیر مدخول بهایه ایقاع اولنان طلاق رجعی اوله ماز کما یأتی
بیانه

(۳) تکمیل اصولده اولان موضعنده تقرر ایتمشدر . طلاق غیر سنی واقع اولماز
دیانی رد بابنده امام محمد حضر تلی نی علیه السلام بزی صوم یوم نحر دن نهی ایتدی
اوله جق شیدن نهی ایتدی ؟ اولیه جق شیدن نهی ایتدی ؟ اولیه جق شیدن نهی
لغودر ؟ اعمایه کورمه ، انسانه اوچمه دینیله مز دیمشدر . کما فی الکشف .

ملوکه نك طلاق ايكيدر زوجى كرك حر و كرك عبد بوانسون . (باب
قسمه باقكر .)

بر حره زوجندن كرك دفعه و كرك متفرقا اويچ طلاق ايله و ملوکه
ايكى طلاق ايله مطلقه اولدندن صكره زوج ديكره زوجة مدخوله
اولدقجه زوج اولانه حلال اولماز . (كتاب النكاحك محرمات
فصلنه و آتيساده بينونت بحشنه باقكر .)

حر اولسون ، اولسون هر زوج عاقل و بالغك ، محجور و يا مريض
دخى اولسه ^(۱) بيدار اوله رق و يرديكى طلاق كرك سنى و كرك بدعى
اولسون واقع يعنى معتبردر . زوجه مدخول بها اولسه ده اولسه ده
انكله بوش دوشر . مكره جهراً و متصلاً ان شاء الله ديو استثنا
ايتمش اوله . او حالده طلاق واقع اولماز . نكيم آتيا بيان اولنور .
طلاقك هزلى جدينه و حال سكرده و يرلمسى حال صحوده و يرلمش
اولسنه مساويدر . يعنى هزل و لطيفه طرزيله و يريلان
طلاق جدى ، و سرخوشك ^(۲) و يرديكى طلاق دخى واقع ، در .

(۱) مرض معلوم اولد يعنى اوزره خسته لكدر . (حجر) جيمك سكونيله
بر شخص مخصوصى تصرف قوليسندن منعدر كه بعد الحجر او شخصه (محجور)
دينياور عاقل و بالغك ، (حاجر) ي حاكم اولور . طلاق كي قابل فسخ و متوقف رضا
اولميان تصرف قولى تحت حجره داخل اوله ماز .

(۲) مراد طريق محذور ايله سكران اولاندر كه مسكراتدن برينى طوعاً
و بلاختيار داخل ايچمش بولنور . آفيون كي محذر شيلر دخى مسكر حكمنده در .
اسرار كشك طلاق دخى واقيدر . كما فى الدر المختار . وهذا لازجر بخلافه بالطريق
المباح لعدم قصد المعصية . كما تقرر فى موضعه من الأصول .

مخطئك يعنى مقصودى طلاق دكل ايكن يا كيله رق زوجه سته
طلاق ويرن زوجك ومكرهك يعنى اكراه واجبار كورن زوجك
طلاق دخى واقع ومعتبر در .

صدينك (۱) ومعتوهك (۲) ومجنونك (۳) ونائمك وبايغينك
وخسته لكه ويا مصيبتله بيهوش اولانك (۴) وزوجه عبد حقنده
مولانك وزوجه صبي حقنده ولينك طلاق واقع دكلدر .

تطبيق شفها اولديغى كبي تحريراً دخى اولور (۵) . وكيلى

(۱) ولوكه سرامي اولسون . درمختار .

(۲) وهذا إذا كان في حالة الغته ، أما في حالة الإفاقة فالصحيح انه واقع
هكذا في الجوهرة النيرة . هندية .

(۳) مجنونك طلاقى انجق شو صورتده صحيح اولور كه كنديسى عاقل ايكن
زوجه سنك طلاقى بر شرطه اتملىق ايتمش اولوب او شرط جنون حالنده تحقق
ايتمش بولنور . صحيح اوليان (طلاق مجنون) انك حال جنونده ويرديكي طلاقدر .
مطبق اوليان مجنونك حال افاقتنده ويرديكي طلاق واقعدر . مجنون ، محبوب ويا عنين
اولق صورتنده زوجه سنك طلبى اوزرينه قاضينك في الحال ويا بعد التاجيل تفريق
ومجنون ذمينك اسلام زوجه سى صورتنده ابوينك عندالعرض اسلامدن امتناعلرى
اوزرينه قاضينك تفريق دخى طلاقدر . كما في الدر .

(۴) زيد خسته اولوب عقلى بالسكليه زائل ايكن زوجه سى هندی اوچ
طلاق ايله تطبيق ايتسه طلاق واقع اولورمى ؟ الجواب : اولماز . (على افدى)

(۵) زيد آخردياره كيتدكدن صكره زوجه سى هنده معنون ومرسوم
مكتوب يازوب مكتوبنده « وصول مكتوبنده بندين بوش اول » ديو تحرير =

ورسول واسطه سیله دخی ایدیله بیلور . دیلسزک اشارت معهوده سی
تطلیق ایچون دخی معتبردر .

طلاق عند الإطلاق وكذا وكالته و تفویضده رجعی یه منصرفدر .
طفی طلاق المریض

طلاق رجعی وبائن یا خود صریح و کنایه

بر کیمسه زوجه سنک تطلیقنی مجرد نیت ایتمک و قلبندن کچیرمک
ومهرینی ویرمک ایله انی بوشامش اولمیوب تطلیق انک تعبیر مخصوصنی
ایراد ایتمکه متوقف بولنور (۴۰) .

تطلیقده استعمال اولنان الفاظ او معناده یا صریح و یا
غیر صریح اولوب صریح اولانته مفسح دخی دینلدیکی کبی
غیر صریح اولانته کنایه یا خود مکنی دخی دینیلور و اشته
طلاقك صریح و یا کنایه اولسی تعبیرینک صریح و یا غیر صریح

== و مکتوبی هنده ارسال ایسه هند کندویه مکتوبک وصولنده زیددن بوش
اولور . (علی افندی وصاحب بهجه) .

لزوم عدت زوجه نك مضمون مکتوبه اطلاعندن اعتبارأدر . کما فی الهندیه .

(*) حق دیلسز اولیان زوجک طلاق طلبنه و تطلیق سؤالنه جوابا باش
اکه سی طلاق دکلدر . بهجه الفتواده مذکوردرکه : « زید اخرس اولیان
عمروه زوجک هندی تطلیق ایله دیدکده عمرو اصلا نسنه نطق ایتمیوب انحق
باشنی اکسه مجرد بویه ایتمکه هند عمرودن بوش اولورمی ؟ الجواب : اولماز »
زوجه کی بوشادکی ؟ سؤالنه جوابا مجرد باش اکک دخی بویه در . کما نقوله
قال کما فی العتق . واما طلاق الاخرس فیقع بالإشارة اه من جامع الفصولین .

بولنمسندن عبارت اولوب حکمی اعتباریله دخی طلاق (رجعی و بائن) قسملرینه تقسیم اولنور .

الفاظ صریحه و آنلرک حکمی

طلاق کلمه سنک مشتمل اولدیغی حروفدن متشکل اولان ولغت عربیه ده قاری بوشامقدن بشقه برمعناده استعمال اولینمیان کلمات الفاظ صریحه طلاقدر .

عربیده : أنت طالق ، أنت مطلقه (۱) طلقتهک ، ولسان ترکیده : سن بندن بوش اول ، بن سنی بوشادم ، سن بوشسین بندن کی که تعبیرات مذکوره معنای طلاقه موضوع وانی افاده ده صریح اولمغله محتاج نیت وقرینه اولمیه رق معناسی مقامنه قائم اولور برحیثیتده که نظر و اعتبار انک معناسنه دکل ، نفس لفظ و عبارته تعلق ایدر . نتکیم آز چوق سبب مشقت اولان سفر نفس مشقت مقامنه قائم اوله رق مشقته ترتب ایدجک احکام مشقت اولمسه دخی نفس سفره ترتب ایلر . یناء علیه زوجه سننه خطاباً (۲) آنلرک

(۱) تفعیل بابندن اسم مفعول صیغه سیله درکه لایم مشدددر تخفیف لام ایله باب افعالندن ملفوظ اولورسه کنایاتندن اوله رق معنای طلاق افاده ده محتاج معونت یعنی متوقف قرینه ویا نیت اولور .

(۲) زوجه سننه طلاق ایله خطاب ایتیمیه رک : « اگر چیقارسه ک طلاق اولور بندن اذلسز چیقاهم لیسین چونکه بن طلاق اوزرینه یعین (شرط) ایتدم . » دیان کیسمه نک زوجه سی چیقسه ده بوش دوشمز چونکه طلاق اکا توجیه ایتامشدر . زوج طلاق کندیسنه توجیه ایدرک « أنا منک طالق ، بری* = بن سندن بوشم یاخود یرییم » دیمک دخی طلاق دکلدر . کما فی الدر .

بزیی سویلیان ^(۱) کیمسه نك آغزندن اولفظ خطاً دخی چیقمش بولسون
ومعنی ومقتضای کسندینك معلوم ومقصودی اولسون اولسون
زوجه سی قضاء بوش دوشر ^(۲)

زوجك : « بن انی اخافه ایچون سویلشیدیم ، دیسی اولجه اشهاد
ایتمش اولمدقجه قضاء تصدیق اولماز . کما فی الدر

الفاظ کنایه و آنلرک حکمی

طلاقه موضوع یعنی او معنی ایچون معین اولمدیغی حالده معنای
طلاقه مستعمل ودیگر معنای دخی محتمل بولنان کلمات الفاظ کنایه
طلاقدر ^(۳)

صراسته مذکور اولدیغنه کوره صریحک ندا وخبر وصف وجهلری دخی خطاب
کبیر : قوجه دن بوشتمش اولمیان زوجه سی ای مطلقه دیو چاگران ویا اوصفتله
وصفلایان کیمسه نك زوجه سی بوش دوشر .

(۱) القلم أحد اللسانین خواسنجه یازمق دخی سویلمک کبیر . کما ص .
(۲) قضاء قیدی دیاتندن احترازدرکه لفظ صریحک لافظی کلانی کندی نیتیه
وجیندن محتمله صرف وتحویل ایتمک ایسترایسه عندالمرافعه مسوع ومعتبر
اولمازایسه ده دیاتنده یعنی مفتیه مراجعتده بینه و بین الله تعالی اولق اوزره تصدیق
اولنور : أنت طالق تعبیرندن آزاده لك معناسنی قصد واراده ایلمک کی . کما فی المزاة .
تکیم لسانعزده دخی سن بوشسین تعبیرندن بوش بکیمایسین معناسنی قصد واراده
اولنه یلور . لکن عدده مقارن اولماق مشروطدر . زوج اگر انی سویلمکده
مکره ایدیه قضاء دخی تصدیق اولنور . کما فی الدر . زوجه سنه « أنت طالق »
دیوبده معناسنی بیلیان کیمسه نك زوجه سی مطلقه اولور . « أنت طالق » دیوبده
بولفظك طلاق اولدیغی بیلیان کیمسه نك زوجه سی بینه و بین الله تعالی بوش دوشمز
ایسه ده قضاء بوش دوشر . کما فی الهندیه .

(۲) کنایه ناقص یائیدر . واوی دخی اولور . قال الشاعر :
وانی لا کنو عن قذور بغيرها وأعرب أحياناً بها فاصراح

الحقی باهلك = اهلكه لاحق اول^(۱) ، حبلک علی غاربک = یولارک بوینگده در^(۲) ، اذهبی عنی وأفلحی = بندن کیت مرادکه ایر ، استتری = اورتک ، تخمری = باشکی اورت ، أنت حرة = سن آزادسین ، کندکه قوجه آرا ، جهنمه کیت ، سن بکا لاشه (یاخود) لحم خنزیر . کبیسین^(۳) ، سنک زوجک دکلم . سن بنم زوجهم دکلسین ، سن بندن بائنسین ، بن سندن مفارقم کبی که بونلر معنای طلاق افادهده صریح اولمیوب اکا و دیگر معنایه محتمل اولمغله آنلرله طلاقک وقوعی زوجک نیتنه ویاخود مذاکره طلاق کبی قرینه نک دلالتنه توقف ایدر^(۴) .

مقصود افهام اولمق جهتیه کلامده اصل اولان صریحدر . عربیده (تطلیق) معنای طلاقده صریح و (اطلاق) اومعناده کنایه اولدیغی کبی ترکجه مزده دخی (بوشامق) لفظی صریح و (برامق)

قذور : أقذار وریدن مجتنب اولان قادیندر . کنایه لفظنک یاسی لغت اولایه کوره نهایه و سقایه لفظلرنده اولدیغی کی اصلیه در . لغت ثانییه کوره علی غیر القیاس واودن منقلبدر . تکیم حیث الحراج جباوه قوللرنده واویاءدن منقلب اولمشدر اه من الکشف . (کنایات الطلاق) ترکیبی صریح طلاقدن کنایه اولان الفاظ دیمک دکل ، بلکه بطریق الطلاق حاصل اولان فرقتدن کنایه دیمکدر . حتی لایردماید .

(۱) یعنی بندن آیرلده آنک و باباک ایله اول ، باباکک اوینه کیت .

(۲) غارب : دوه نک اورکیله بیونی اردسیدر .

(۳) « سن بکا حرامسین » تعبیری افتاء متأخرین اوزره محتاج نیت اولمیان الفاظ طلاقندر . کما فی رد المحتار .

(۴) الفاظ کنایه نک بوحکم ایلاء وظهار تعبیرات کنایه سنده دخی جاریدر . کما یأتی .

لفظی کنایه در . انجق لفظ اطلاق او معناده متعارف اولدیغیچون محتاج نیتدر . (براقق) و (ترك ایتمک) لفظلری ایسه معنای طلاقده متعارف اولدیغندن بلانیة موجب طلاق بائندر

برکیمسه زوجه سنک پدرینه : « بن سنک قیزکی ایسته مم کیمه ایسترایسه وارسون ، دیمکله طلاق نیت ایتمش اولدقجه زوجه سنی تطلیق ایتمش اولماز . بهجه .

کذالك برکیمسه زوجه سنک سیر طلبی اوزرینه . « بن سنی ایپ ایله باغلامدم بوشسین کیت . » دیوب بونکله طلاق مراد ایتدیکنی سویلیسه تصدیق اولنور . بهجه .

کذالك برکیمسه زوجه سنه یوککدن بوش اول دیوب مرادی وضع حمل ایله خلاص اول دیمک اولسه طلاق واقع اولماز . بهجه .

کذالك زوجه سنه ایستدیك یره کیدرسین بکا عورت اولمازین دیمکدن بشقه برشی سویلماش اولان کیمسه مجرد بوسوزایله زوجه سنی بوشامش اولماز . بهجه .

« سکا درت یول آچیقدر ، دیمکله نیت دخی ایتسه طلاق واقع اولماز . اگر « هانکی یولی ایسترایسه ک انی طوت » جمله سنی دخی علاوه ایدر ونیت ایلرایسه طلاق بائن واقع اولور . درمع رد .

برکیمه زوجه سیله چکشوب اکا « وار ییقل کیت » دیمکله طلاق مراد ایتدکجه انی تطلیق ایتمش اولماز . « ارقق بن سنی ایسته مم بابا کاک اوینه کیت » دیمک دخی بویله در . علی افندی . « جهنمه کیت » دیمک دخی بویله در . در مختار .

کذلك برکیمسه زوجہ سیلہ چکشوب زوجہ سی اکا : سنک مرادک ندر؟ دید کده : « مرادم سنی بوشامقدر ، دیسه ولکن ایقاع طلاق ایلمسه زوجہ سنی اوسوزله بوشامش اولماز . فیضیه .

« امرک بیدک » یعنی سنک ایشک کندی السکده در تعبیری لغت عربی ده تفویضدرکه حق طلاق زوجہ یه ترک ایتمکدر . زوجی طرفندن او تعبیره مخاطب اولان زوجہ او مجلسده شیء آخر ایله مشغول اولیه رق طلاق اختیار ونفسنی تطلیق ایدرسه زوجندن بوش دوشر . والا دوشمز . نتیکیم بیان اولنور .

اکا قریب المفهوم اولان « ارادهک السکده اولسون » تعبیری بزجه ایقاع طلاق الفاظندن^(۱) . بناءً علیه زوجہ سنه اثناء مذاکره طلاقده « ارادهک السکده اولسون » دییان کیمسه نک زوجہ سی بلانیه مبانه اولور^(۲) .

« شرط اولسون » تعبیری دخی وقوع طلاق ایچون بویله درکه عربی ده شرط طلاق تنجیز دکل ، تعلیق ایسه ده ترکجه ده تنجیز دخی اولورکه بهجه ده : « شرط اولسون دیمک عورتم بوش اولسون معناسنده متعارف اولان بلده اهلندن بری زوجہ سنه او یله دیمکله انی بوشامش اولور . » دیو مذکوردر .

(۱) بوباده علی افندی فتواسنه بدل بهجه الفتوی قوی معمول بهدر کما فی تصحیح الفیضیه .

(۲) إرادتك انکده اولسون دیمک امرک بیدک معناسنه اولیوب طلاق زوجہ ده متعارف اولان بلده اهلیندن زید مذاکره طلاق اثناسنده زوجہ سی هنده ارادتک السکده اولسون دیسه هند زیددن بائن طلاق بوش اولوری ؟ الجواب : اولور . بوصورته زیدک طلاق نیتی یاخود هندک اول مجلسده نفسنی تطلیق لازمیدر ؟ الجواب : دکدر . (بهجه) .

کندلک « باشکه کون طوغسون » دیمک بن سنی بوشادم معنا سنده
متعارف اولان بلده اها لیسندن بری زوجه سنه اویله سویله کله انی
صریحاً بوشامش اولور . کما فی البهجة .

« سندن کچدم » تعبیری مفارقت ایتدم معناسنده متعارف اولان
بلده اهلندن برکیمنسه زوجه سنه نیت طلاق ایله بویله سویله زوجه سی
اندن باش دوشر . کما فی فتاوی علی افندی .

نفی نکاح دخی مع النیه طلاقدر^(۱) . بناءً علیه زوجه سی چون
نیت طلاق ایله « بینمزده نکاح یوقدر » دییان کیمنسه نک زوجه سی
بان اولور .

بلانیه نفی نکاح طلاق دکدر : متزوج کیمنسه « اولیمیسین ؟ »
دیو کندیسنه ایدیلان سؤاله « دکلم » دیو جواب ویرمک بلانیه طلاق
اولمدیغی کبی زوجه سنک بن سکا زوجه اولمام دیمسی اوزرینه اویله
ایسه بنم زوجه م یوقدر دیمک دخی نیت اولمدقجه طلاق دکدر . کما فی
فتاوی علی افندی .

برکیمنسه زوجه سنه : آنام یاخود قیزم ویا قاردشم دیمکله
طلاق واقع اولمیوب^(۲) اگر طلاق مراد ایدرک « شمدن صکره
آنام یاخود قیز قاردشم اول » دیرایسه انی بائناً بوشامش اولور .

(۱) عنده خلافاً لها . علی افندی . ومثله فالدر . قال ط : فقال لا يقع لانه
من الکذب .

(۲) زوجه یه « سن بنم آنامسین » دیمک یاخود انی : قیزم ! همشیرم !
کبی تعبیرلرایله چاغرمق ظاهر دکل ایسه ده تحریماً مکروهدر . کما فی ظاهر الدر
علی ما یأتی .

طلاق رجعی و انک حکمی

کلامده اصل اولان صریح اولدیغی کبی طلاقده اصل اولان دخی رجعی اولمقدردر . زوجه مدخول بهاسنه الفاظ صریحه طلاق بریله توجیه خطاب ایدن کیمسه برشیئی نیت ایتسون ایتسون انی بر طلاق رجعی ایله بوشامش اولور .

طلاق بائنی یاخود بردن زیاده سنی نیت ایتمش اولسه ده نطقه کتورمش اولمقدجه حکمی اولماز .

(طلاق رجعی) : زوجه نك عدتی باقی اولدجه زوج رجعتیه حق اولان طلاقدر .

— رجعت قولیه و فعلیه —

(رجعت) رانك فتح و کسری ایله : عدتك بقاسنجه موجود اولان نکاحی ادامه دن عبارتدر . قولى یاخود فعلی اولمق اوزره ایکی درلودر .

(رجعت قولیه) : زوجه مطلقه کرک حاضر و کرک غائب و یا نائم اولسون زوج « بن زوجه مه مراجعت ایتدم » دیمکله در .

(رجعت فعلیه) زوج زوجه مطلقه سنی لمس و یا تقبیل یاخود وطء کبی اکا ازواج معامله سی ایتمکله در^(۱) .

مطلقه رجعیه نك بیت عدتنه زوج داخل اوله بیله چکی جهتله مراجعت فعلیه ممکن ایه ده^(۲) قبل القول فعلاً رجعت مکروه در .

(۱) رجعت فعلیه یسی درلو اوله بیلور : مواقعه ، تطهین و تفخیز ، معافه ، مباشره ، لمس ، تقبیل ، موضع تناسله نظر . کما فی التتف .

(۲) ثبوت نسب خصوصنجه اولان مسامح امتداد بوا مکانه . بنیدر . کما یأتی فی بابیه عن الهندیه .

مراجعةك كرك قولیسی و كرك فعلیسی زوجه نك و- صغیره اولدیغنه كوره - وایسنك رضاسنه و شاهد اقامه سنه محتاج دكدر . رجعت بلاشهود صحیح اولدیغی کبی قادینك رضاسی و حتی علی اولمیه رق دخی صحیحدر . لکن زوج مراجعه مندوب اولان رجعت قولیه سنی قادینه بیلدرمك و رجعت فعلاً اولسه بيله انك حصوله ایکی عدلی اشهاد ایلمكدر .

رجعتك فی الحال منجز اولسی لازمدر^(۱) وقت مستقبله اضافه سی و بر شرطه تعلیقی صحیح دكدر .

رجعت اولکی طلاقری هدم واسقاط ایتمز : اولجه ایکی طلاق ویرمش اولدیغی زوجه سنه اوچنجی بر طلاق رجعی ایقاع ایدن کیمسه نك اندن حقی و حلالتی زائل اولور . ویردیکی طلاق رجعی بردن عبارت ایسه بعد الرجعه حره حقنه ایکی و غیر حره حقنه بر طلاق حقی اولق اوزره زوجه سنك حل نکاحی باقی بولور . طلاق رجعی عدد طلاق تنقیص ایدر . انجق حکم نکاحی بسبتون رفع و ازاله ایتمز که عدد طلاق نهایت بولمش^(۲) و یا خود عدت انقضا ایتمش اولمقجه زوج زوجیتی بلا عوض اعاده ایده بیلور^(۳) تجدید عقده و اشتراط مهر جدیده لزوم اولماز^(۴) .

(۱) تعلیق و تنجیز و معلق و منجز کلمه لری چون تعایق طلاق قبلنه مراجعت ایدر .
(۲) معلوم اولدیغی اوزره عدد طلاق حره ده اوج ، و غیر حره ده ایکی ، ایله نهایت بولور .

(۳) زید زوجه مدخول بهاسی هنده بندن بوش اول دیو آنی تطلیق ایتدکن صکره زید هنده عدتی ایچنده مراجعت ایدوب تجدید نکاح ایتمدن هند ایله ازواج معامله سنه قادر اولورمی ؟ الجواب : اولور . علی افتدی .

(۴) عقد جدیده و مهر جدیده احتیاج انقضاء عدتدن صکره در . =

انقضاء عدتن اول زوځك مطلقه رجعيه سنه مالکيتي وحق رجعتي زائل اولمامله بينلارنده زوجيت قائم صاييلور و اومت ظرفنده زوجيندن برى وفات ايدرسه ديکري اكا وارث اولور .
زوځك تطليقي كندينك كرك حال وصحت ويا مرضنده اولسون و كرك زوجه نك رضاسي ويا عدم رضاسي ايله وقوعه كلمش بولسون .
كا في القهستاني .

طلاق رجعي ايله طلاق بائن ارسنده اون درت وجهله فرق واردر : برنجيسي طلاق رجعي تجديد نكاحه محتاج اولماز ايكنجيسي زياده مهره محتاج اولماز اوچنجيسي اقامه شهوده محتاج اولماز دردنجيسي قادينك رضاسنه محتاج اولماز بشنجيسي زوجه صغيره ايسه و ليسنك رضاسنه محتاج اولماز التنجيسي زوج اكا ظاهر ايدرسه مظاهر اولور^(۱) يدنجيسي ايله ايدرسه مولى اولور^(۲) سكرنجيسي زوجه سنى قذف ايدرسه لعان لازم كلور^(۳) حد لازم كلمز طقوزنجيسي زوجه عدته اولدقجه زوجيندن برينك وفاتنده ديکري اكا وارث اولور اوننجيسي زوجه نك عدتي ايچنده زوجي وفات ايتسه عدتي وفات اولور^(۴) اون برنجيسي زوجه يه طلاق رجعي عدتمده ترك زينت ايتمك يوقدر^(۵)

- == قادينك عدتي منقضيه اولدقده مهر مؤجل دخي معجل اولور كه اتى قادين ارتق حالا طلب ايدر . مكر كه مهر منجم (مقسط) اوله . كا مر في باب .
- (۱) ظاهر و مظاهر تعبير لريچون باب مخصوصنه باقكر .
 - (۲) ايله و مولى دخي باب مخصوصنده مبيندر .
 - (۳) باب لعانه باقكر .
 - (۴) باب عدته باقكر .
 - (۵) حداد بمشنه باقكر .

اون ایکنجیسی عدت مذکورهده زوج و زوجه بیت واحدهده براغیله بیلور (رجعت وقوع بولمقدجه اره لرنده بر پرده بولندیریلور) اون اوچنجیسی عدتی ظرفنده اعتاق اولنان جاریه نك طلاق رجعی ایسه عدتی حره عدتی اولور^(۱) اون درد نجیسی طلاق رجعی نکاحی هدم ایتمز اکا وهن ویرر . طلاق بائن هادم نکاح اولور و وجوه مذکوره نك هپسنده طلاق رجعییه مخالف بولنور . نتف^(۲) .

اشته طلاق رجعینك حکمی بودر .

طلاق رجعی اوله بیلهسیچون شونلر شرطدر :

اولاً زوجیه مدخول بها بولنمق ، ثانیاً طلاق لفظ صریح ایله اولمق ، ثالثاً عوضه مقرون اولماق ، رابعاً انده عدد ثلاثیه^(۳) نه صراحتاً و نه دلالتاً مقارنت بولنماق ، خامساً لفظ صریح طلاق بینوتی مفید برصفت ایله موصوف اولماق .

شروط مذکورهیه بناءً زوجیه قبل الدخول ویریلان طلاق بائن اولدیغی کبی بعد الدخول دخی مع النیه « سن بندن بائنسین » کبی لفظ صریح طلاق ایله اولمیان یاخود مال مقابلنده ویریلان ویاخود « اوچ طلاق ایله مطلقه اول » ویاخود « سن شوایله جه مطلقه سین » دیو پارمقلریله اوچه اشارت اولنان یاخود « سن بندن طلاق بائن ، قطعی ، ایله اک فنا و فاحش طلاق ایله » ویاخود « طلاق عریض ویا طلاق طویل ویا طلاق کبیر ایله مطلقه سین » کبی

(۱) باب عدته باقکر .

(۲) بوکا بناءً رجعی قطع و بائن قتل کبیر دینور . قهستانی .

(۳) غیر حره حقنده ایکی دخی عدد منتها در .

صفتلر ایله توصیف اولنان طلاق لفظ صریح ایله اولدیغی حالده بائن واقع اولور^(۱).

طلاق بائن و آنک حکمی

الفاظ کنائیه ایله ویریلان طلاق بائن اولدیغی کبی صور مذکورده الفاظ صریحه ایله اولان طلاق دخی بائندر^(۲). ایکی صورت ارسنده کی فرق برنده نیت الخ لازم و دیگرنده غیر لازم او لمسنده در. صریح بائنک نیت و قرینه یه احتیاجی یوقدر. طلاق بائن: زوجه نك عدتی باقی اولسه ده زوجك رجعته حق اولمیان طلاقدر^(۳).

باين طلاق ویرمه (ابانه) و او زوجه یه (مُبانه) دینورکه

(۱) بوندن طولانی بعض کتبه صریح: صریح رجعی و صریح بائن، دیو ایکی نوع اولق اوزره کوسترلمشدر. زوجه سنه «سن بندن بورادن بغداده قدر بوشسین» دییان کیمسه اکا بر طلاق رجعی ایقاع ایتمش اولور. طول ویا کبر صفتلریله توصیف ایتدیجه طلاق بائن اولماز. کما فی الدر المختار.

(۲) انلرده نیت دخی لازم اولدیغندن بونده (اولان) و الفاظ کنائیه ده نیتک ویا دلالت حاکم اشتراطنه اشاره (ویریلان) دینلمشدر. الفاظ کنائیه عربیه دن شواوچی: (اعتدی، استبرئ رحمک، أنت واحدة). استئنا ایتمشلردرکه بونلرک انتاج ایتدیکی طلاق رجعیدر. زوجه سنه انلرک برینی حال حلم ورضاده سویلیانک طلاق نیته متوقف اولوب اکرمنویسی طلاق ایسه بر طلاق رجعی واقم اولور. دکل ایسه اولماز. مکرکه حال دلالت ایلیه

(۳) وکالت باینده توکیلده اشهاد شرط اولدیغنه متفرعاً کچن مسئله یی اونتمیکز. (ص ۲۳).

ابانه آیرمق و مبانه آیرلمش دیمکدر^(۱) . مصدر اصلی اولان (بینونت) آیریلقدر . انک بروجه آتی اولان تعریف و تقسیمندن طلاق بائنک حکمی ظاهر اولور .

بینونت صغری و کبری

بینونت : زوجین اره سنده زوجک ندامتی و عدت ایچنده مراجعتی ایله زائل اولماق اوزره واقع اولان فرقتدر^(۲) .
 بائن اوله رق ویریلان طلاق بر ویا ایکی^(۳) ایسه فرقت واقعه (بینونت صغری) درکه زوجه نک رضاسی وایکی شاهد اقامه سی ایله تجدید عقد اولنه ییلور . طلاق رجعیده اولدیغی کبی بونده یالکز زوجک رضاسی و ندامت و مراجعتی کافی اولماز .
 ویریلان طلاق اوچ ویا اوچنجی ایسه رجعی دخی اولسه فرقت واقعه (بینونت کبری) درکه هم ملکی و هم حلالیتی درحال مزیلدر . اکا (بینونت مغضله) و تعبیر دیگر ایله (حرمت غلیظه) دخی

(۱) مبانه (مبتوه) دخی دیمشدر ایسه ده بز مبتوته یی منتهای طلاق ایله مطلقه معناسنده قوللانه جقر .

(۲) زوجیت عقد جدید و مهر جدید ایله عودت ایدیه ییلور . بوبابده عدتک منقضیه اولوب اولماسنده فرق یوقدر . حتی اوزرینه اولتام دیو یین ویا شرط ایش ایسه انک بائنأ طلاق متعاقب اولنه ییلور . کما فی تطبیق البهجة . فرق مذکور قادینک محل طلاق اولسنده ظاهر درکه طلاق رجعی اولسون بائن اولسون اخیر اولدقجه مطلقه عدتی ایچنده محل طلاقدر . انقضاء عدت ایله او محلیت زائل اولور .

(۳) منتهای طلاقک ایکیدن زیاده اولسی حره حقنده در . غیر حره حقنده ایکی منتهای طلاقدر .

دینور . بونده رضاء طرفین اولسهده حله ایدلمدکجه تجدید عقد دخی اولنه‌ماز (۱) .

(حُله) : حره‌یه کوره اوچ و غیر حره‌یه کوره ایکی طلاق ایله مطلقه اولان زوجه ولوکه کندیسنه ویریلان طلاقک جمله‌سی رجعی اولسون انقضاء عدتدن صکره نکاح صحیح شرعی ایله (۲) دیگر برزوجه واروب انک کندیسنه‌دخو لندن صکره یا وفاتی ویا طلاق وقوع بوله‌رق اندن دخی عدت بیقرارمش اولمقدر (۳) .

حله‌دن صکره او مطلقه عقد جدید ایله زوج اولنه یکیدن زوجه اوله‌یلور . زوج ثانینک فعلنه (تحلیل) وکندیسنه (مُحَلِّل) تعبیر اولنورکه او زوج اولدن حاصل اولان حرمت غلیظه‌نی هدم واسقاط ایتمش اولدیغی کبی حرمت خفیفه‌نک یعنی منتهای طلاق مادوتنک دخی هادمیدر . زوجندن بر ویا ایکی طلاق ایله مطلقه اولان قادین انقضاء‌عدت ایله زوج‌دیگره واروب مدخول بها

(۱) طلاق ثلاثه‌نک موجب بینونت کبری اولسی نکاح صحیحه کوره‌در . نکاح فاسده انک حکمی یوقدر . کما صر فی بابه

(۲) زوج‌ثانی‌یه عقد فاسد ایله منکوحه اولان قادین اکامدخول بها اولسه‌ده زوج اولنه حلال اولماز : عدتی چیقمدین ویا بلاشهود نکاح‌الاعتق ویا خود عقدی معین بر مدت اوزرینه ایتکم باخود زوج‌ثانی کفء اولیوب عار اولیایی مؤدی بولمق ویا خود انک درت منکوحه‌سی اولمی یاخود برینک کوله‌سی اولوبده مولا سندن اجازه‌سزانی تروج ایتمش اولق کی .

(۳) وکره التزوج بشرط التحلیل تحریماً ، أما اذا أضمر ذلك فلا ، وکان مأجوراً . تنویر الأبصار . ومن لطائف الحیل إذا خافت أن لا یطلقها قوله : إن تروجتك وجامعتك فأنت بائن . أوتقول : زوجتك نفسی علی أن أمری بیدي . کما فی الدر المختار .

اولدقدن صکره اندن ده آیرلمش وعدتني چيقارمش بولنور ايسه زوج اولنك
نكاحنه - انك كنديسني اوچ طلاق ايله تطليقه حقي اولمق اوزره -
عودت ايدە بيلور .

زوج ثاني محلل اوله بيلمك ايچون زوجه يه بالفعل داخل
اولمش بولنمق لازمدر كه ازواجك حق تطليقي سوء استعمال ايتاملرچون
بو بر زجر شرعيدر . قبل الدخول بوشار ويا وفات ايدرسه قادين
زوج اولنه حلال اولماز (*) .

بو بابده خلوت صحيحه مجردة كافي اولمديغي كسي حرمت غليظه
ايله مطلقه اولان زوجه مملوكه غير اولديغنه كوره زوج ديكره
نكاحلانيه رق مولاسي طرفندن ملك يمين ايله وطء ايدلمش اولمق
دخي كافي دكدر . زوجة غير مسلمه يه كوره انقضاء عدت شرطيله
محللك كيتابي اولمسي ده جائزدر . كما في البهجة .

بينونت صغري اولسون كبرى اولسون طلاق بائنك حكى .
زوجك زوجه اوزرنده اولان حق مالكيت وحلايتي - كبرايه كوره

(*) ولا بد من الوطء في محل الزرع . ويقع الشك في المفضة إذا لم تحبل .
وهي التي اتحد سبيلها . كما قيل :

وفي المفضة مسألة عجيبه لدى من ليس يعرفها غريبه
إذا حرمت على زوج وحلت لثالث نال من وطء نصيبه
فطلقها فلم تحبل فليست حلالاً للقديم ولا خطيبه
لشك ان ذاك الوطء منها بفرج أو شكيلته القريبه
فإن حبلى فقد وطئت بفرج ولم تبقى الشكوك انا مريبه
والآيات من إفضاء الكليات ، وذكرها ابن عابدين نقلاً عن الدر المنتقى في أثناء
مسائل التحليل من باب الرجعة .

معاً و صغریاه کوره یالکز حلالیتی — زائل اولمق وینلرنده کی زوجیتدن — عدتدن و اکا متفرع نفقه‌دن بشقه — اثر قالمق قدر . اندن صکره زوجه سنک یانته وارمق زوجه ، وزوجه تمسکین نفس ایتمک زوجه یه جائز اولماز .

طلاق بائنک عدتده بیله زوجه زوجندن تستر ایدر و آنلرک ایکیسی بر یرده بولندیرلماز (۴) و بینونت صغری اولدیغنه کوره بلا تجدید عقد و کبری اولدیغنه کوره بلا حله برلشملری جائز اولماز . عدت باقی‌ده اولسه زوجک مراجعتی مفید اولماز . عدتک بقا وعدم بقا سنجه فرق عددی ختام بولمش اولمیان طلاق رجعیده ظاهر اولورکه اوعدت قابل رجعت ایکن بالانقصاء بینونت حاصل اولور .

عدت بائنده زوجیندن برینک وفاتی وقوع بولسه دیکری اکا وارث اوله‌ماز . مکرکه فراق فرار اوله .


(طلاق فارک حکمی طلاق مریض بائنده مبیندر .)

بینونت طلاق بائنک حکمی اولدیغی کبی عدتک انقضاسنده طلاق رجعینک دخی حکمیدرکه طلاق رجعی انقصاء عدت ایله طلاق بائن اولور . نتکیم زوجه یه قبل الدخول و یریلان طلاق لفظ صریح ایله دخی اولسه بائن اولور . غیر مدخوله‌نک عدتی اولما مغله کندیبی ارتق محل طلاق دخی اولماز . بناء علیه اکا اوچ طلاق ایتماعی انجق دفعهٔ ممکن اولور نتکیم بیان اولور .

(*) وان ضاق المنزل علیهما أو کان الزوج فاسقاً فخرجه أولى لان مکثها واجب لامکته . ومقاده وجوب الحکم به . وحسن أن يجعل القاضی بینهما امرأة ثقة رزقها من بیت المال قادرة علی الحیلولة بینهما . کذا فی حداد ابدر .

آتی الذکر ایلاء و لعانک انتاج ایتدیکی طلاق دخی مخالعه نتیجه سی
کی طلاق بائندر .

زوجه نك یا خود بشقه برینك معاذالله تعالی دین و ایماننه سب ایتمك
و كلمات کفر دن برینی سويله مك دخی موجب فرقت و بینو نندركه
تجدید ایمان و نکاح لازم کلور (*) .



(*) زید زوجه سی هند مسلمه به بره دین و ایمانکی فلان ایتدیکم دیو جماع
لفظیله شتم ایسه هند زیددن مبانه اولوری ؟ الجواب : اولور . فیضیه .
زید مسلمان کفر ایجاب ایدر بر امر صادر اولفله زوجه سی هند مبانه اولدندن
صکره زید تجدید ایمان ایدوب لکن تجدید نکاح ایتمدن هندك عدقی منقضیه
اولوب بعده زید هنده اوچ طلاق بوش اول دیسه زید هندی رضاسیاه بلا حله
تزوج ایتمك جائز اولوری ؟ الجواب : اولور . فیضیه .
زوجندن کله کفر صدور یله مبانه اولان هندی زوج بعد تجدید ایمان رضاسز
جبراً تزوجه قادر اولماز . عبدالرحیم .
زوجه کننددن کله کفر صدور یله مبانه اولدنده تجدید ایمان ایتدیر یلوب
نکاحه دخی جبر اولنور عبدالرحیم .
زوجندن کله کفر صادر اولوب تجدید ایمان ایدوب تجدید نکاح ایتمدن زوجی
فوت اولسه مزبوره وارنه اولماز . عبدالرحیم .

ایقاع طلاق

زوجه یه طلاق ویرمک انجق زوجک حقیدر (۱) حین عقدده
زوجه نک ایجاب واشتراطنه بناء حق تطلیق اکاده عائد اولمق
اوزره زوج قبول عقد ایتمس اولمدقجه (۲) ویاخود زوج زوجه سنه
(مقصور علی المجلس اوله رق) تفویض طلاق ایتمدکجه زوجه
ایقاع طلاق ایده مز .

کلمه طلاق زوجه سنه اضافه والحاق ایدن کیمسه (۳) انی
لا محاله بر طلاق ایله تطلیق ایتمش اولور . بردن زیاده سنی سویلر
یاخود پارمقاریله اشارت ایلر ویاخود لفظک تحملنه کوره انی
نیت ایدرایسه اوده واقع اولور که کلامنک موجب ویا محتملیدر .
شرعا اوچدن زیاده طلاق اولمدیغی جهتله زوجه سنه درت
یاخود بش ویا بیک طلاق ویرن کیمسه دخی انی اوچ طلاق ایله
بوشامش اولور (۴) .

(۱) برینک زوجه سی حقنده بشقه برینک تنجیز ویا تعلیق طلاق ایتمی
زوجک اجازتیه معتبر اولور نتسکیم تعلیق طلاق بحثنده طحطاویدن قلا هامشده
ذکر اولور (طلاق فضولی) ده دخی کلور .

(۲) تفویض طلاق بحثنه باقکمز . ومن ذلك ما قدمنا عن الدرمن الحیلة فی التحلیل .
(۳) بتون دنیا اهلنک نسوانی بوش اولسون دیبان کیمسه کندی زوجه سنی
نیت ایتمش اولمدقجه تطلیق ایهش اولماز . هندیه .

(۴) شرعاً اوچدن زیاده طلاق اولمدیغندن ایکی زوجه سندن برینه :
بندن درت کره یاخود بش کره بوش اول . دیبان کیمسه نک اوسوزینه
مخاطب وقع اولان زوجه سی اوچ طلاق ایله مطلقه اولقله برابر : « بکا »

زوج طلاق ثلاثی محله (۱) برربر ایقاع ایده بیلدیکی کبی بردن (دفعه) دخی ایقاع ایده بیلور. مدخول بها اوله رق مطلقه سی اولان قادینه انک زوج مطلق عدت وعدد باقی اولدقجه برویا ایکی طلاق دها ایقاع ایلیه بیلور (۲)

بینونت کبراده عدت اولسه ده عدد قالمدیغندن ومدخول بها اولمیه رق مطلقه اولان زوج لالیه عدت بائن دوشمکه محل طلاق اولمیدیغندن اولکیسنه بر طلاق دها ایقاع اولنه مدیغی کی ایکنجیسنه دخی دفعه اولمیتجه بردن زیاده طلاق ایقاع اولنه ماز. کامر فی آخر ص ۱۵۵.

طلاق تجزی ایتیمیه جکی وتجزی ایتیمان شیئک بعضنی ذکر ایتیم کلنی ذکر ایتیم کبی اوله جغی جهته زوجنه سنه نصف یا خود ربع ویا ثلث الخ طلاق ویرن کیسه آنی بوشامش اولور. متعدد زوجه سی اولوبده انلردن لاعلی التعین برینی تطلیق ایدن کیسه یه خیار تعین لازم کلیر (۳).

= اوج طلاق کافیدر « دیمک وانک اوزرینه زوج : » زیاده سی ده اورتاغ ککدر « سوزینی سوبله مک ایله دیگر زوجه سی دخی تطلیق ایتیمش ولماز. کافی اواخر باب التعليق من تنویر الأبصار. والمسألة أصولية.

(۱) شرط طلاقه و بینونت بحثنه وافادات آتیه یه باقکر.

(۲) المطلق قد تطلق والمطلق قد تبات

والباتنة قد تطلق والمبانة لا تبات

وهذا ملخص قولهم : الصریح يلحق الصریح والبائن ، والبائن يلحق الصریح لا البائن . راجع المطولات .

(۳) هانکیسنی دیلر سه مطلقه او اولق اوزره کندیسنه تعین واره ایتدیریلور. انلرک اره سنه بینلرنده پایلاشمق اوزره بر طلاق ایقاع ایدن کیسه دخی طلاق تجزی ایتیمیه جکندن انلرک لاعلی التعین برینی بوشامش اولق حسبیه کندیسنه خیار تعین لازم کلور.

زینب بوش اولسون دییه جک ایکن نفیسه بوش اولسون
 دییان کیمسه نك زوجه لرندن تسمیه ایتدیکی قادین بوش دوش (۱)
 آوجده قیل نابت اولمادیغی حالده زوجه سنه : « سن بنم
 آوجمک فیلی قدر بوش اول » دییان وایچنده بالق بولنمیان حوضی
 کوسترک : « سن شو حوضده کی بالق صایسنجه بندن بوش اول »
 دیو طلاق ویرن کیمسه عددلغو اولمغله قاریسنه بر طلاق رجعی
 ویرمش اولور . « بدمده کی قیللر عددنجه بوش اول » دیر ایسه
 طلاق ثلاثه ویرمش اولور (۲) . دكزده کی بالق وکوکده کی
 ییلدزلر قدر الخ دیمک دخی بویله در (۳) .

-
- (۱) فی القضاء . وفيما بينه وبين الله تعالى لا تطلق واحدة منهما . هندية .
 (۲) اکر قیللربی تماماً ازاله ایتمش ایسه هیچ برشی واقع اولماز . کما فی
 کتابنا الاغاز .
 (۳) زوجه سنه : سن نجوم مثالی بندن بوشسین . دییان کیمسه اکر آشکارلنده
 نجوم کی دیمک ایسته مش ایسه بر طلاق رجعی واقع اولور . عدد مراد ایتمش ایسه
 اوج طلاق واقع اولور . (الغاز فقهیه) .
 زوجه سنه : سن بندن فارکی (بوزکی) بوشسین . دییان کیمسه اکر معنای
 برودتی مراد ایتمش ایسه زوجه سنه بر طلاق بائن واکر معنای بیاض وروشنایی
 مراد ایتمش ایسه بر طلاق رجعی ویرمش اولور اه الغاز فقهیه . تنکیم زوجه سنه لفظ
 مثل ایله « أنت علی مثالی » دییان کیمسه استعمال ایتدیکی لفظک معنای حرمت
 وکرامته احتمالی اولمق جهتله مطلق مظاهر اولمش اولماز . حالک دلای ویا قائلک
 نیتی اولمده اوسوز لغو اولور . کما تقرر فی الاصول فی بحث المشترك .

تفویض طلاق

حق تطلیقی زوج وکیلہ اعطا اور سولہ تودیع ایدہ بیلدیگی کی
زوجہ نك كندیسنه وصغیره نك ولسنه دخی ویره بیلورکه اشته
بوتفویضدر .

تفویض : طلاق زوجہ یه تملیکدر . حق تطلیقی سکا ویردم
ایستر ایسه ک بدن بوشان دیمکدر . زوجہ او مجلسده فعل آخره
تشبث ایتمدین (۱) نفسنی تطلیق ایدرسه مطلقه اولور . تطلیق
ایتمیوب رد ایدرسه مطلقه اولمدیگی کی او مجلسدن قالدقار
ویاخود طلاقدن اعراضنه دلیل اولمق اوزره فعل آخر ایلہ اشتغال
ایلر ایسه مخیرلکی باطل اوله رق نفسنی اندن صکره تطلیق
دخی ایدهمز .

تفویض فلان زمانه قدر دیو توقیت اولنمدقچه مجلسله مقیددرکه
حاضرده مجلس خطابه وغائبده مجلس علیه مقصوردر (۲) .

وقوع بوله حق طلاقك بائن ویارجعی اولمسی زوجك تعبیرینه
تابعدر : « نفسکی اختیار ایت » یاخود « سنك ایشك کندی السکده
اواسون » کی تعبیرات کنائیه مع النیه طلاق بائن و « نفسکی
تطلیق ایت » دیو صریحاً تفویض بلانیة طلاق رجعی فی انتاج ایدر .
توکیلده وانشاده اولدیگی کی تفویضده دخی طلاق عند الاطلاق

(۱) چونکه مجلس انك جالسی محل آخره تحول ایتمکله وحق قیام ایلہ کله
حقیقه تبدل ایتمش اولدیگی کی عمل آخره شروع ایلده حکماً تبدل ایتمش
اولور . کما فی ط .

(۲) وان طال يوماً أو اکثر مالم یوقته ومالم تقم أو مالم تعمل ما یقطعه مما یدک علی
الاعراض اه من التویر مع الدر .

رجعی به منصرف در .

بالصراحه طلاق بائن و یار جعی یی امر و تفویض ایدن زوجك
زوجه سی عكس امر ایدرك بائن یرینه رجعی یی و رجعی یرینه بائن
اختیار و ایقاع یدرسه طلاق زوجك امری و جهله واقع اولوب
زوجه نك و صفده اولان نقص و زیاده سنه اعتبار اولنماز .
زوجه نك زوجه مخالفتی عدد طلاقده اولدیغنه كوره اكر اكثریته
ایسه جوابنی لغو و ابطال ایدر . اقلیتله اولور ایسه ایتمز :
مثلا زوجی اكا بر طلاق تفویض ایتدیكى حالدده او كندیسنی اوچ
طلاق ایله تطلیق ایتسه هیچ بری واقع اولماز . اما زوجی اكا اوچ
طلاق تفویض ایتدیكى حالدده او كندیسنی بر طلاق ایله تطلیق
ایده ییلور .

(تفویض) تمليك ديمك اولدیغندن زوجه سنه تفویض طلاق
ایدن زوج اندن رجوع آیلیمه مز (۱) .

زوجه نك كندندن غیر یسینك (مثلا اور تاغنىك) تطلیقی زوجی
طرفندن كندیسنه ویرلمش اولور ایسه او تمليك دكل بشقه بریسنه
سویله مك كبی توکیلدر (۲) اندن زوجك رجوعی صحیح اولدیغی

(۱) بعد التفویض زوجه سنی تطلیق ایتیمه جكنه یمین ایدن زوجك زوجه سی
كندی تطلیق ایتمكه زوج یمیننده حاث چیقاز چونكه مقتضای علی کی جهتیه
مطلق زوج دكل ، زوجه در . كما فی الدر مع ط .

(۲) تمليك : ابتداء تصرفه اقداردر توکیل : لا ابتداء تصرفه اقداردر .
زوجه یه « كندكى واور تاغنىك تطلیق ایله » دیو ایدیلان تفویض زوجه نك
كندی حقنده تمليك واور تاغنى حقنده توکیلدر . زوج اول كندندن رجوع ایده مز
ایسه ده ایكنجیدن رجوع ایده ییلور . بونده صیغه هم معنای تمليك و هم معنای
توکیلده استعمال اولندیغی ایچون بر لفظ مشترکی هرایکی معناسنده استعمال =

کې (۱) زوجه نك حق تطليقي دخی مجلسله مقید اولماز .
تفویض علاوه مشیت ایله « نه زمان دیلرسهك » دیو تعمیم
ایدلمش اولور ایسه اودخی مجلس ایله مقید اولمیوب زوجه نه وقت
ایسترایسه نفسنی تطلیق ایده بیلور .

تسکیم قادین نفسنی برکیمسه یه تزویج ایدر ایکن « نه وقت
ایستراسم کندمی سندن بوشامق اوزره الخ » دیو ایجاب ایدوب زوج
دخی بو وجهله قبولده بولنسه نسکاح صحیح و امر طلاق زوجه یه ده
عائد اولور . کما فی الدر مع ط (۲) .

« أنت طالق متی شئت ، اذا شئت = سن نه وقت ایسترایسهك
یاخود ایستدیکك وقت بندن بوشسین » دیمك دخی علاوه مشیت
ایله اولان تفویض کبیدر . و بوضورتده زوجه : « بن طلاق ایسته مم ،
دیور دخی ایتسه حق تطلیق مردود اولماز و مجلسله مقید اولمیه رق

= ایتمك نوعدن عموم مجاز واردر . تمليك ایله توکيلك بش وجه ایله فرق
واردر : تمليكده رجوع یوق ، عزل یوق ، زوجك بعد التفویض جنونیه
بطلان یوق ، مجلسله تقید وار ، عقل ایله تقید یوقدر . بنا برین مجنونه وصی غیر میزه
دخی تفویض صحیحدر که زوج زوجه سنك طلاقنی بر صبی غیر میزك و مجنونك النده
قیله بیلور . چونکه بوتلمك معنای تعلیق دخی متضمن اولمقله عملا بالشبهین مجلسله
مقید اولمق اوزره کویا که زوج زوجه سنه : « مجنون سکا : سن بوش اول
دیر ایسه « سن بدن بوشسین » . دیمش اولور اه من ط مع الدر .

(۱) مکرکه مشیته تعلیق ایتمش اوله . او حالده تفویض واقع توکیل دکل ،
تمليك اولمش اولور رجوع ایده مز چونکه ایشی انك رأیتنه تفویض ایتمشدر مالک
دخی عن مشیته منصرف اولاندر . وکیل ایسه کندیسندن فعل ایسترایسته مز
مطلوب بولناندر . در مع ط .

(۲) بومسئله ایقاع طلاقده واندن اول حله هامشنده کچمشدر .

نه وقت دیلر سه نفسنی بر طلاق رجعی ایله تطلیق ایده ییلور .
 « نرده ایسترایسهك » دیو تخیپرده زوجه او مجلسده طلاق
 اراده ایتمد کجه مطلقه اولماز و او مجلسدن صکره انك مشیتی ده
 قالماز . چونکه (نرده) کلمه سی وانك (حیث) و (این) کبی عربیسی
 مکانه موضوع اولوب طلاقك ایسه مکانه تعلقی اولمادیغندن
 انلر ادوات شرط معناسنده مجاز قیلنمشدرکه اگر ایسترایسهك
 دیمکدر .

طلاقك زمانه اضافتی صحیحدر . زوجه سنه : یاریندن اعتباراً بوش
 اول (یاخود) یارینکی کون بندن بوشسین . دییان کیمسهك زوجه سی
 ایرتسی کون طلوع فجر ایله مطلقه اولور (۵) .
 برسنه یه یاخود آی باشنه قدر ، و یاخود خسته اولدیغك
 و یا طوغردیغك زمان ، مکیه داخل اولدیغمز کون کبی تعبیرلردخی
 طلاق زمانه اضافهدر .

طلاق مکانه اضافه ایتمك صحیح اولمادیغندن زوجه سنه :
 سن اوده ، اوواده ، کولکهده کونشده بوش اول دیمك طلاق
 فی الحال تنجیز و ایقاع ایلمکدر .

تنجیز : تعلیقك ضدیدرکه طلاق برشیئه معلق و بر زمانه
 مضاف قیلیهرق همان ایقاع ایلمکدر . تنجیزاً ویریلان طلاقه
 اسم مفعول صیغه سیله (منجز) و تعلیقاً واقع اوله جق طلاقه
 (معلق) دینور .

(*) ایکندی به قدر نکاحك بقاسنی ادما دیانه هرا یکی صورتده وقضاء یالکمز
 ایکنجی صورتده مصلق اوله ییلور . کما فی الدر .

(تعلیق) معلوم اولدیغی اوزره بر جمله نك حصول مضموننی دیگر
جمله نك حصول مضمونته مربوط قیلقدیرکه مانحن فیله نظراً زوجه نك
وقوع طلاقنی انك یاخود دیگرینك بر فعل و یا قوله یاخود حاله
ویاخود بر حادثه یه ربط ایلسکدر .

تعليق طلاق

طلاق شفاهی اولسون تحریری اولسون منجز اولدیغی کبی معلق
دخی اولور که اکا ، شرط ایتمک ، تعبیر اولنور . منجز اولانی فی
الحال واقع اولوب معلق بولنانی شرطنک حصولنده وقوعه کلور .
تعليقه شرط دینلدیکی کبی (یمین بالطلاق) دخی (۱) دینور (۲)
شرط تسمیه سی صراحة و یا دلالة ادات شرط استعمال اولندیغنددر .
یمین تسمیه سی افاده قوت ایتدیکننددر (۳) .

(۱) وكذا اليمين بالعقار . كما في الدر .

(۲) تعليق وضعاً يمين دکل ایسه ده کندیسنده منع و یا حملدن عبارت بولنان
معنای یمین موجود اولق حسیله شرعاً یمیندر حتی یمین ایتامکه یمین ایدن کیسه
تعليق ایتمکه حاث اولور . الا فی مسائل ذکرها فی کتاب الإیمان .
(۳) نفس ایچون مکروه اولانی وقوعنده انک دخی شرعاً وقوع بوله جفی
برامره تعليق ایتمه نك او امردن قوت امتناعی افاده ایده جکنده شك یوقدر .
یمین دخی قوت معناسنه در کندیسبله تقویه حصولنه مبنی قسمه یمین اطلاق اولنمشدر .
كما فی ط . یمینک لغة قوت معناسنه کلدیکنه عینی مرحوم شرح هدایه ده شاعرك
شو قوليله استشهد ایتمشدر :

إن المقادير بالأوقات نازلة ولا يمين على دفع المقادير

قال أي لا قوة اه

یمین ایتمش اولان کیسه یمین بالطلاق و یا خود یمین باللهمی ایتدیکنی بیله مسه
یمینی لغو اولور . تشکیم زوجه سنه طلاق و یروب و یرمدیکندن شك ایدن کیسه
ایقاع طلاق ایتمش اولماز . بری یا خود زیاده می طلاق و یردیکنده شك ایدن
کیسه ظنی اقله بنا ایدر مکر که اکثر متیقن و یا خود اکبر ظن ایله مظنون اوله .
در مع رد .

تعليقك شرط صحتی مدلول فعل شرط علی خطر الوجود معدوم اولمقدرکه جائز الوجود والعدم اولوب نه ممنوع الوجود ونه بالفعل موجود اولمامقدر . چونکه محاله تعليق لغودر ، محققه تعليق تنجیزدر (۱) : بالی قواغه چیقارسه الخ دیو شرط ایتمک طلاق محاله تعليق دیمک اولدیغیندن لغو و بی حکمدر . جناب اللهک قولی ایسه هم الخ دیو شرط ایتمک طلاق محقق اولان برشیئه ربط ایتمک دیمک اولدیغیچون همان تنجیز و ایقاع ایله حکمدر .

تعليقك شرط لزومی یا مالکیت و یا اکا اضافندر . کشی زوجة منکوحه سنی تعليقاً تطليق ایده ییلدیکی کی حکماً منکوحه سی دیمک اولان معتده سنی دخی تطليقاً بردها نطليق ایده ییلورکه مالکیتی هنوز باقیدر اما نه حقیقه و نه حکماً منکوحه سی اولمیان بر مرأة اجنبیه یه طلاق معلق اضافه ایتمش اولان کیسه سی انی مؤخرأ بعد التزوج قادین کندینک منکوحه سی ایکن او شرط واقع اولسه طلاق واقع اولماز (۲) .

(۱) زوجیه قصد مجازات ایله ایدیلان شرطك دخی مفهومی تعليق دکل ، تنجیزدر مثلاً : زوجه سنک کندینه سویلیدیکی فنا برسوز اوزرینه زوجك اکا قصد جزا وادی ایله : « اکر بن سنک دیدیکک کی ایسه سن بوش اول . » دیمش اولسی صورتده انک دیدیکی کی اولمقدن قطع نظر زوجیه فی الحال مطلقه اولور ، کما فی الدر مع الرد .

(۲) ایقاع طلاق هامشده مذکور اولدیغی اوزره برینک زوجیه سی حقنده بشقه بر کیسه نك طلاق منجری زوجك اجازته . موقوفاً صحیح اولدیغی کی طلاق معلق دخی اجازت زوجیه موقوفاً صحیحدر . صورت اولاده زوج مجیز طلاق اولدیغنه کوره وقت اجازته مقتصرأ و صورت ثانیه ده بعد الاجازه شرطك حصولنده طلاق واقم اولور . کما فی ط عن البحر و سیأتی فی طلاق الفضولی .

ملکه اضافت صورتیله تعلیق طلاق دخی جائز و حصول ملک ایله طلاق واقع اولور کرک : آله جغم قادین بوش اولسون . دیمک کبی غیر معین حقمنده اولسون و کرک بر قادینه خطاباً و یا اندن اخبار طریقیه : اکر بن سنی تزوج ایدرسهم بوش اول . یاخود : اکر بن فلانجه نی تزوج ایدرسهم بوش اولسون . دیمک کبی بر شخص معین ایچون سویلنمش بولنسون .

غیر معین حقمنده معنای شرط کافی ، و معین حقمنده ادات شرط لازم ، در : « آله جغم زوجه بوش اولسون . » دیمکده بالتزوج طلاق واقع اولور .

« تزوج ایده جکم هر قادین بوش اولسون » دییان کیمسه ایچون جاره : فضولی اوله رق تزویج اولنوب اودخی زوجه نك مهر معجلنی یوللامق کبی فعلاً اجازه ده بولنمقدر . کافی ردالمحتار (۵) .

شرطه تعلیق اولنان طلاق شرط حاصل اولمدقجه واقع اولماز . عند حصول الشرط وقوع بوله جق طلاق دخی باقی مفید

(*) عالم بالمسئله اولان کیمسه یه کیدوب کندینک یعنی ، شرطنی ونکاح فضولی یه احتیاجنی سویلر فقط انک طالی اولماز . اوکیمسه دخی فضولی اوله رق اکا بر قادین تزویج ایلر . کندیبی ده عقدی فعلاً اجازه ایدر . کافی البهجة . لکن لسانمزمده کی (هر) لفظی عربیدکی (کل) کلمه سی کبی عموم اسما ایچون اولوب عموم افعال ایچون اولمدیغندن هر تزوج ایتدیکی قادین برر کره مطلقه اولورایسه ده قادینک ایکنجی نکاحنه طلاق ساری اولماز . کافی نقل الفیضة عن البحر . فالحیلة المذكورة هنا لتعلیق الثلاث اولفهوم کما یأتی . وقد یراد عدم وقوع الطلاق أصلاً فیحتاج إلى الاحتیال بما ذکر واذا انسد باب الفضولی بان قال ان تزوجت أو أجزت نکاح فضولی ولو بالفعل فخیئذ یرفع الامر الى شافعی لیفسخ الیمین المضافة . کافی رد المحتار قبیل فصل المشیة .

اولمقجه رجعیدر . مثلاً « بوندن بویله راقی (عرقی) ایچرسهم زوجهم بوش اولسون^(۱) » دییان کیمسه راقی ایچمدکجه انک زوجه سی بوش اولمدیخی کبی راقی ایچمک تقدیرنده دخی انجق بر طلاق رجعی ایله مطلقه اولور .

تطلیق مراد ایدرک « ایچرسهم حلالم حرام اولسون ، یاخود « مسلینک حلالی بکا حرام اولسون ، دیمش یاخود « زوجهم طلاق بائن ایله بندن بوش اولسون ، دیو صراحةً تعلیق طلاق بائن ایتمش بولنور ایسه عند حصول الشرط بر طلاق بائن واقع اولور .

(عدد اولمقجه ایکی صورتده بردن زیاده طلاق واقع اولماز .)
طلاقی ایکی شیئه تعلیق ایتمش اولان کیمسه نک زوجه سی شرطلرک ایکنجیسی دخی تحقق ایتدکده مطلقه اولور .
زوجه سنه مثلاً : « اگر سنک اوزریکه اولنوبده سنی بوشار ایسه آلدیغم قادین بندن بوش اولسون » دیمش اولان کیمسه نک طلاق انجق فعل ثانیده واقع اوله جغندن قاریسنک اوزرینه اولنوب انی تطلیق ایتمز ایسه آلدیغی قادین بوش دوشمز .
کافی البهجة .

(طلاق معلق) شرطنک حصولنده واقع اولور حصول شرط کرک بالفعل ملک نکاح موجود ایکن اولسون و کرک حکماً موجود بولسون^(۲)

(۱) « شرط اولسون » دیمک دخی زوجهم بوش اولسون دیمکدر .
کافی بهجة الفتوی .

(۲) ملک نکاح حقیق اولدیغی کبی حکمی دخی اولورکه تعلیق =

بر شرطه معلق بولنان طلاق شرطنك بر كره حصولنده واقع اولمقله
يمین منحل اولور^(۱) ولو كه ملك نسكاحك بسبتون زوالندن ، یعنی او
قادين زوجنك طلاق منجزی عدتندن بیله چیققدندن ، صكره حصوله
كلمش اولسون .

بقاء ملك انحلال یمین ایچون دكل ، طلاق معلقك وقوعی ایچون
مشروطدر . شرط ملكده تحقق ایدرسه^(۲) یمین منحل ، و طلاق واقع ،
اولور . شرط ملكده تحقق ایتمزایسه یمین منحل اولورسهده طلاق
واقع اولماز .

وقوع طلاق ایچون زوجك عند التعليق طلاقه اهلیتی^(۳)
وزوجه نك — عند وجود الشرط — طلاقه محلیتی لازمدر . مجنونك
تطلیقی وتعلیقی معتبر اولدیغی کبی تنجیزاً مطلقه و منقضیه العده
اولان قادين دخی محل طلاق دكلدر . بناءً علی ذلك زوجه سنه
« فلان ایشی ایشلر ايسهك (یاخود) ایشلر ايسهم بندن اوچ طلاق ايله
بوش اول ، دییان کیمسه هم او فعلك ایشلنلسنی همده طلاق

طلاق ایتمش اولان زوج شرطك تحققندن اول زوجه سنه تنجیزاً دخی بر طلاق
ویرمش اولق صورتنده قادين عدتی ظرفنده ایقاع شرط ایتمکله حقنده کی
طلاق معلق دخی واقع اولور . عبدالرحیم دیرکه طلاقك تعلیق اواندیغی شرط
اکراه وجبر ايله حصوله کلسه طلاق واقع اولمازا .

(۱) یعنی شرط یرینه كلش اولور .

(۲) جمیع شرطك ملكده تحقق لازم اولیوب انك ملك ایچنده تمام بولسی ده
کافیدر حتی زوجه سنه اکر سن ایکی حیض کوررایسه بندن بوش اول دیمش
اولوبده زوجه برنجی حیضی انك ملك نسكاحی خارجنده کوروب ایکنجیسنی انك
ملكنده کورسه مطلقه اولور . ط .

(۳) اعلم أنه يعتبر في المعلق أن يكون اهلاً عند التعليق لا عند وجود الشرط
حتى لو علق عاقلاً ووجد الشرط مجنوناً وقع . لاعكسه ط .

ثلاثه نك وقوع بولماسنى مراد ايتمك صورتنده چاره : زوجه سنه بر طلاق ويروب عدتي چيققدن صكره او ايش ايشلنمك وبعده انى تزوج ايلسكدر . انحلال يميندن صكره كى ازدواجده انك حكم و تأثیری قالماز^(۱) مكره تكرار ، ويا خود (كلما) مفهومييله ، شرط ايدلمش اوله^(۲) .

شرط تكرار ايديلور ايسه اكا معلق اولان طلاق دخى تكرار ايدجكى كې (كلما) كلمه سى دخى عموم اقتضا ايتمكه زوجه سنه : « كلما فعلت كذا فانت طالق — سن هر نه زمان فلان ايشى ايشلر ايسه ك نندن بوش اول » ديمش اولان كي مسه نك يمينى (شرطى) انجق اوچ طلاقدن صكره منحل اولور . قادين زوج ديكره كيتدكن صكره زوج اولنه وارمق تقديرنده او فعلده بولنمقله ارتق طلاق واقع اولماز .

' مكره (كلما) كلمه سى تزوج فعلنه داخل اوله : « كلما تزوجتك فانت طالق = هر نه زمان سنى تزوج ايدرسه م سن بوش اول » ديمك كې كه بويولده شرط ايدلمش اولور ايسه طلاق هر تزوجده واقع اولور . او حالده زوج ديكره وارمه نك ده فائده سى اولماز^(۳) .

(۱) تتون ايچرسه م زوجه م بوش اولسون ديمش اولان كي مسه تتون ايچوب زوجه سى مطلقه اولدقندن صكره انى يا خود ديكر بر قادينى تزوجنده شرط مذكوره بناء طلاق واقع اولماز . بهجه .

(۲) هر نه زمان تتون ايچرسه م زوجه م بوش اولسون ديمش اولور سه هر تزوجنده (تتون ايچرسه) طلاق واقع اولور . بهجه .

(۳) بو بابده مخلص شرعى : عقد فضولى يي فعلاً اجازه در . كافي الفيضيه وقد مرت المسئلة فى ص ۱۶۷ .

تعليق کيرو آلمانز وانی زوال ملك ابطال ایتمز (۹) بنا برین
 زوجه سنک طلاقى بر شیشه تعلیق ایدن کیمسه اندن جایه مدینگی کبی
 تنجیز طلاق ایله کندینک ملك نکاحنی ازاله ایلك صورتسده
 یمین (شرط) یرینه کلمیه رك ایکنجی بر نکاح حاصل اولور ایسه
 انده دخی حکم شرط باقی ، و حصولنده اکا معلق اولان طلاق
 واقع ، اولور .

تعليق انجق زوال حل ابطال ایلرکه اوده بعد التعلیق
 زوجه یه یمینوت کبری ایقاع ایلرکه اولور . بناء علی هذا زوجه سنک
 طلاقى مثلاً دخول داره تعلیق ایتمز اولان کیمسه شرطک
 حصولندن اول انی اوج طلاق ایله تنجیزاً تطلیق ایلرایسه حلالیت
 زائل اولمغله تعلیقک دخی حکمی قلمیه رق تحلیلدن — یعنی زوجه
 زوج دیگره واروب آیرلدن — صکره کی زوجیتده اورایه
 داخل اولمغله برشی لازم کلمز .

طلاق بغض و محبت مثلی مضمرا نه تعلیقده شرط اخبار ایله تحقق
 ایدر . مثلاً « بنی سومیور ایسه ک بندن بوش اول » دییان کیمسه نک
 زوجه سی انی سومدیکنی سویلرکه بوش دوشر .
 ذات الحیض اولان خاتونک طلاقى حیضنه تعلیقده کندی

(*) تعلیق حاصل زوال ملك ایله زائل اولدیغندنرکه تعلیق طلاقات ثلاث
 اوزرینه اولوبده انلرک مع حصول الشرط عدم وقوعی ایچون چاره : بر طلاق
 ایقاعیه انقضاء عدته قدر طوروب عدتک انقضاسیله حلالیت زائل اولدندن
 صکره اوشرطی حاصل ایتکدر . یمین اوصورتله یرینه کلش اولوب انک صکره کی
 تزوجه ارتق تأثیری اولماز . کما قبل هذه الصفحة .

حقنه کندی قولى تصدیق اولنور . حائضم دیدیکنی زوج تصدیق ایتمه دخی طلاق واقع اولور .

حیضدن کسلش اولان قادینک حائضم دیمسنه اعتبار اولنمدیغی کی بوبابده برقادینک دیسکر برقادین (مثلاً زوجه نک کندی اورتاغی) حقنه کی اخبارینه دخی اعتبار اولناز .

ایکی زوجه سی اولان کیمسه انلری ذکر و تعیین ایتمه رک اکر فلان ایشی ایشلر ایسه م زوجه م بوش اولسون دیمش و اوایشی یامش اولور ایسه انک ایکی زوجه سی دخی بوش اولیوب طلاق انلردن یالکز برینه واقع اولغله او کیمسه یه تعیین لازم کور . هانکیسنی دیلرسه طلاق اکا صرف ایدر .
کما فی الفیضیه والبهجة .

اما انلری ذکر و تعیین ایلهرک تعلیق طلاق ایتدیکی ایشی ایشلر ایسه زوجه لرینک ایکسی ده بوش دوشر . کما فی البهجة .

(مسئله) زوجه سیله چکشوب : اکر بن سنی بوکون اوچ طلاق ایله تطلیق ایتمز ایسه م بندن اوچ طلاق بوش اول .
دیسان کیمسه ایچون جاره ندر ؟ جواب : اوکون او کیمسه زوجه سنه : بکا شوقدر غروش و یرمک اوزره سنی اوچ طلاق ایله تطلیق ایتدم . دیوب زوجه انی قبول ایتامکدر . کما فی النتيجة . (۵)
(مسئله) فلان فعلی ایشلر ایسه م زوجه م بوش اولسون دیسان کیمسه زمان تعیین ایتمش اولدقجه او فعلی ایشلرماکله زمان یأسدن (یعنی حال احتضاره کلمزدن) اولانک زوجه سی بوش اولماز . کما فی النتيجة .

(*) وهذا ما روى عن ابى حنيفة وعليه الفتوى . كما فى الفیضیه . وبشبهه ما ذكر فى كتابنا الاغاز من المسئلة العاشرة من مسائل الايمان .

(مسئله) ادعا اولنان دین بنم بورجم دکلدرا کر بورجم ایسه
زوجهم بوش اولسون دییان کیمسه نك علیهنده ادعا اولنان دینی
ثابت اولور ایسه زوجه سی مطلقه اولور . فیضیه .

(مسئله) شرط اولسون دیمك طلاق معناسنده متعارف اولمغله
« فلان فعلی ایشلر سه شرط اولسون » دییان کیمسه زوجه سنك
طلاق او فعلی ایشلر که تعلیق ایتمش اولور . انی ایشلر کجه زوجه سی
بوش دوشمز . کما فی الفیضیه .

(مسئله) معلق بالشرط اولان طلاق شرطنك حصولیه واقع
اوله رق یمین منحل اولمغله صکره کی ازدواجه انك تأثیری
اولمیه جغندن (۱) برکیمسه زوجه سنه « مادام که تحت نکاحده سین
اوزریکه تزوج یاخود تسری ایدر سه م بندن بوش اول
دیدکن صکره تزوج یاخود تسری ایدوب زوجه سی بوش
دوشه رك شرط یرینه کلمش اولمغله انی ایکنجی تزوجنده اوزرینه
تکرار تزوج ویا تسری ایتسه زوجه سی بتکرار بوش دوشمز .
کافی البهجة .

(مسئله) تتون ایچر سه شرط اولسون دییان کیمسه نك
زوجه سی وفات ایدوب بشقه برقادین تزوج ایتسی و تتون ایچمی
صورتنده شرط مذکوره بناءً او قادین بوش دوشمز (۲) .

زیدقاضی عمروه : فلان فعلی ایشلر ایسه زوجه سی هند

(۱) یوزیتمشنجی صفحه یه باقکر .

(۲) زوجه وفات ایتمیوب شرط مذکوره مبنی بوش دوشدکن صکره
انکه اولان ایکنجی ازدواجه دخی شرطك شمولى اولماز . کما رأفا
وفی هامش ص ۱۷۰ .

اوچ طلاق ایله بوش اولمق اوزره اوچ پارمخیله اشارت ایدوب عمرو دخی او فعلی ایشلامکه اولوجهله تعهد ایندوب لکن طلاقه متعلق سوز سویلمسه او فعلی ایشلامکه زوجہ سی بوش دوشمز .
(نتیجه و فیضیه) .

اهل عرف طائفه سندن زید فلان فعلی ایشلامکه شرط اولمق اوزره عمروك الله : « آت . » دیو اوچ طاش ویروب عمرو دخی طلاقه متعلق سوز سویلمه رك او طاشلری آلوب آتسه بعده او فعلی ایشلمسه زوجہ سی بوش اولماز . (نتیجه) .

برقاج کیسه بر یرده ایکن ایچلرندن بری هرکیم شویله دیر ویا ایشلر ایسه زوجہ سی بوش اولسون دیوب بعده او سوزی کندیسی سویلر ویا او ایشی کندیسی ایشلر ایسه انک زوجہ سی بوش اولور . چونکه هرکیم لفظی اکا دخی عام وشامل اولدیغی حالده او کیسه کندیسی احراج واستثنا ایتماشدر . کافی البهجه . دیکرلری او شرطی قائل و مجیز اولمقلری جهته انلره برشی ترتیب ایتمز .

زید عمروه : فلان فعلی ایشلر سهك عورتك بوش اولسونمی ؟ دیدکده عمرو سکوت ایدوب برشی سویلمسه بعده او فعلی ایشلمسه عورتی بوش اولماز . (علی افندی) (*) .

« دیدیکم اولسونمی » دیمک عورتك بوش اولسونمی معناسنده متعارف اولان بلده اها لیسندن زید عمروه : فلان ایشی ایشلر ایسهك دیدیکم اولسونمی ؟ دیدکده عمرو دخی اولسون دیوب

(*) سؤال مذکورده جواباً باش اکمک بیله اخرس اولیات ایچون طلاق و تعلیق طلاق عد اولنه ماز . کما در فی الطلاق الرجعی والباش اول البعث فی الهامش .

بعده عمرو او فعلی ایشلسه معنای طلاق مراد ایتمش اولمد قجه زوجه سی بوش اولماز (علی افندی)^(۱) .

فلان ایشی ایشلر سه م طلاق ثلاثه اوزر مه اولسون دیوبده او فعلی ایشلیان کیمسه نك زوجه سی اوچ طلاق ایله مطلقه اولور می ؟ الجواب : بویله دیمك عرفلر نده عورتم اوچ طلاق ایله بوش اولسون دیمك ایسه اولور . (علی افندی) .

« مفهوم کما اوزر مه اولسون » دیمك عورتم بوش اولسون معناسنده متعارف اولان بلده اهلندن زید : « اگر عمرو ایله بردها مکالمه ایدر سه م مفهوم کما اوزر مه اولسون . » دیر و عمرو ایله کلام ایدر ایسه زوجه سی بوش اولور . (علی افندی) .

لکن کما مفهومی عربیده اولدیغی کبی نکاح ثانیه و تزوج دیگره ایقاع اثر ایتمز . صرح به فی الفیضیه .

زنا ایتما مکة شرط ایدن کیمسه نك زوجه سی نکاح متعه ایله و طئننده مطلقه اولور . کما فی بهجة^(۲) .

زید عمروی ضرب ایتما ک ایستد کده عمرو : بن کندمی سکا ضرب ایتدر مم اگر ایتدیرر ایسه م زوجه م مطلقه اولسون . دیدکن صکره زیدی فعل ضربدن قولاً نهی ایدوب فعلاً منعه قادر ایکن منع ایتما مکله زید عمروی ضرب ایلسه عمروک زوجه سی مطلقه اولور . کذا فی بهجة الفتوی .

باب ایلاءده دخی تعلیقه دائر بعض مسائل مذکوردر .

- (۱) اراده نك اشتراطی تعبیر مذکور کنایاتدن اولدیغنه مبنیدر . قرینه دخی مقام نیته قائمدر . مسئله دخی بوندن صکره کی مسئله وجهله تمایزه مبنی اولار ق مصوردر . الفاظ کنایه بحثنده « اراده ک الکده اولسون » تعبیری حقننده کی هامشه باقکر .
- (۲) وقد مر فی آخر فصل المحرمات فی الهامش ص ۵۴ .

مخالعه

تعليق طلاقك بر نوعی ده مخالعه دركه ملك نكاحی زوجه نك قبوله
تعليقاً ازالهدر (۱) .

مخالعه نك : ركنی ، سببی شرطی ، صفتی ، حكمی واردر .
(مخالعه نك ركنی) اینجا بایله قبولدر . (بیان حکمندن صکره کی
افاداتی او قویکز .)

(مخالعه نك سببی) بین الزوجین اولان خلاف و شقاقدر . مخالعه
نشوز نتیجه سیدر .

نشوز : بین الزوجین مطلوب اولان حسن معاشرتك ضدیدر .
قادینك نشوزی : زوجه عصیان و مخالفتیدر .

ارککك نشوزی : زوجه سنه باقیوب جفا ایتمسیدر .
تطليقي اخذماله یا خود ذمتی دین مهردن ابرایه تعليق ایتملك
مروءت دکلدر .

نشوز زوجه اولدیغنه کوره زوجه دن بر شی آلمق تحریم مکره
اولوب نشوز زوجه ده اولدیغنه کوره زوجك آلدیغی کندی
ویردیکندن اکثر اولماق اوزره مکره دکلدر . کندی ویردیکندن
اکثری آلمق تنزیها مکره در . نشوز ایکی طرفدن اولدیغنه کوره
دخی اخذمال مباحدر . کافی الدر (۲) .

(۱) بونك مالی قسمنه تعبیر عای ايله : « قادین دالاغی (طلاق) صاتون آلمق » دینور .
(۲) ابن عابدین دیرکه (فلا جناح علیهما فیما افتمت به) قول کریمی نشوز ایکی
جانبین اولدیغنه کوره اخذك اباحه سنه عباره نص ايله ویا لک زوجه جانبین
اولدیغنه کوره بالطریق الاولى دلالت نص ايله دلالت ایدر اه سبب نزول آیت
اولان جملة بنت عبدالله زوجی بولنان ثابت بن قیس مبعوض و زوجی اکا محب ایدی
مهر اولرق ویردیکی حدیقه نك استرداد بيله مخالعه یه زوج و زوجه حضور عالی
نبوده محکوم اولدیلر . کافی معالم التنزیل لمحي السنة .

(مخالفه نك شرطی) صحت نكاح ايله برابر زوجك طلاقه اهلیتی (۱) وزوجه نك اكا محلیتی در (۲) (رشیده و معنایه واقفه و اعطایه طائعه اولمسیده لازمدر .)

(مخالفه نك صفی) بر منوال مذکور عند الحاجة لا بأس اولوب زوج جانبنده یمین (یعنی طلاق قبول وزوجه یه تعلیق) وزوجه جانبنده معاوضه عد اولنمسیدر .

(مخالفه نك حکمی) طلاق بائن وقوعی ، و او نكاحه متعلق حقوقك سقوطی ، در .

طلاق معلق عند الاطلاق رجعی ایکن بوندن حاصل اولان طلاق بائندر .

مخالعه ، زوج جانبنده یمین بالطلاق و تعبیر دیگر ايله طلاق قبول وزوجه یه تعلیق دیمك اولدیغندن موجب کندیسی اولدیغنه کوره وزوجه نك قبولندن اول دخی اندن رجوع ایده مز وانی فسخ وزوجه یی قبولدن منع ایلیه مز و تعلیق مذکور مجلس زوجیه مقصور اولمیوب وزوجه نك قبولندن اول زوج او مجلسدن قیام ایتمکله انك تعلیق باطل اولماز . مخالفه سنی زوج بر شرطه تعلیق و بروفته مضاف ایده ییلور . مثلاً فلان یره کیدرسهك یاخود یاریندن و یا آی باشندن اعتباراً سنکله مخالفهم دییه ییلور . اورایه

(۱) فتصح من المکره و السكران ولا تصح من الصبی والمعتوه .
کافی الهندیه .

(۲) فتصح من المنکوحه صحیحا ومن المعتدة منه .

کیتدکدن ومضاف اولان وقت کلدکدن صکره قبول قادینه عائد بولنور . اندن اولسکی قبوله اعتبار یوقدر .

مخالعه ، زوجه جانبنده معاوضه یعنی عوض نفس مقابلنده تملیک دیمک اولدیغندن ایجاب انک طرفندن وقوع بولدیغنه کوره زوجک قبولندن اول او بومعاوضه دن رجوع ایده ییلور و زوجک ایجابی صورتنده زوجه نک قبولی مجلسه مقصود اولوب قبل القبول مجلسدن قیامیله مخالعه باطل اولدیغی کبی زوجه نک ایجابنده زوجک قبل القبول قیامیله ده باطل اولور . کما فی الرد (۱) .

مخالعه بولفظ ایله وانک مشتقیله اولدیغی کبی ماخذ اشتقاقی اولوب مضموم الخاء بولنان کیله ایله ومباراه ویسع وشرافظلریله دخی اولور (۲) .

مخالعه کرچه عند الاطلاق عوض مقابلی اولان طلاق معناسنه محمولدر حتی مخالعه بی دیکرینه امر وانی اولباده توکیل ایدن کیمسه نک مأموری بلاعوض اجرا ایدرسه صحیح دکلدر . (رد مختار) ولکن مال اوزرینه اولان طلاقدن عبارتده دکلدر . مخالعه نک مالیه اولدیغی کبی غیر مالیه ده اولور .

(هر حالده مهر و نفقه مقدرة ماضیه کبی حقوق زوجیتی اسقاط ایتیمی جهتیله عوضدن خلوی یوق دیمکدر

(۱) وصح خيار الشرط لها لاله اه کنز .

(۲) بو باده مفاعله ایله ثلاثینک فرق شودر که ثلاثی متوقف قبول اولماق اوزره الفاظ کنایه دن اولوب زوجه یه نیت طلاق ایله توجیه اولندقه انک قبولنه توقف ایتیمیه رک رطلاق بان واقع اولور و حقوق زوجیت ساقط اولماز . بخلاف خالعتک الخ . کما فی الدر .

زوجك زوجه يه « بندين استيفافا ايتديكك مهر معجلى كيرو ويرمك وياخود دوكون مصروفى اوده مك وحقوق زوجيتدن برشى طلب ايتامك شرطيله بوش اول « ديمسى مخالعه اولديغى كې « برى برمزدن برشى ايسته مامك شرطيله بندين بوش اول « ديمسى دخى مخالعه در . زوجه نك در حال قبوليله بر طلاق بائن واقع وحقوق زوجيت ساقط اولور .

كذلك زوجه « بن سندن برشى ايسته مم بنى بوشا « ياخود « نفسمى سندن مهر و نفقه م مقابلى صا تون آلدن بنى بوشا « ديوب و زوج قبول ايدوب بوشامق دخى مخالعه در كه حقوق زوجيت ساقط اولور .

مال اوزرينه ايديلان تعليق بويله اولمىوب مثلاً زوج طالبة تطليق بولنان زوجه سنه « بكا بىك غروش ويرر ايسه ك بندين بوش اول « ديمش اولدقده طلاقى تاديه ماله تعليق ايتمش اولمغله قادين پاره نى ويرمكه بر طلاق بائن واقع اولور . بونده قبول زوجه يه توقف اولمديغى كې قادينك مهر و نفقه ايسته مك حقى ده ساقط اولماز . مخالعه ده ايسه طلاقك وقوعى زوجه نك فى الحال قبولنه موقوفدر .

برده مخالعه اسقاط حقوقى متضمن اولمغله انده مهر طلبنه و تقدير اولنمش نفقه ماضيه سى و ارايسه قادين ايچون انى ايستمكه محل اولماز . (مبارآه صورتنده مهردن زوجك زوجه يه كچمى و ارايسه اوده انى طلب ايده مز) .

نفقه عدت و ولد عند المخالعه تصريح اولنمدقجه ساقط اولماز . حق سكنى تصريح اولنسه ده ساقط اولماز . چونكه حق شر عدت .

أسكنوهنّ الخ لا تخرجوهنّ الخ بیور لمشدر^(۱) .
تأدیه ویا ابرا اولنمدق حقوق سائرہ ساقط اولمديغی کبی
مخالعه نك واقع اولديغی نکاحه متعلق اولمیان حقوق زوجیت
دخی ساقط اولماز . مثلاً اولجه ابانه ایدوبده مؤخرأ مهر جدید ايله
نکاحلادیغی قادینی ایکنجی نکاحده مهري اوزرینه کندیسيله
مخالعه ایدرسه زوج ایلک مهردن دکل ، انجق ایکنجی مهردن
بری اولور .

مهر مساسی اولمیان منکوحه غیر مدخول بها حقنده متعه دخی
مهر کبیدرکه مخالعه نك واقع اولديغی نکاحده ساقط وآنک غیریده غیر
ساقط در . کما فی الدر مع الرد .

مخالعه ده عند التصريح نفقة عدت دخی ساقط اوله جغندن زوجيله
کندی مهري و نفقة عدتی اوزرینه مخالعه ایدن حامل قادین وضع حمل
ایدنجه قدر برشی طلب ایده مز . بعد الوضع حضانه مدتجه^(۲)
نفقة ولد ساقط اولمديغی کبی حین مخالعه ده قادین حائل (غیر حامل)
ظن اولنه رقعدتی حیضيله اولمق اعتقادینه مبنی نفقة عدت اوزرینه
مخالعه ایدیلوب حامل ظهور ایتدکده آنک وضع حمل ایدنجه قدر
اولان عدتی نفقه سی دخی ساقط اولماز .

مدت تعیین اولنمق شرطيله نفقة ولد اوزرینه مخالعه دخی
صحیحدر . بناءً علیه حامل اولان قادین زوجندن کندی مهري
و نفقه سی و نفقة ولدی اوزرینه مخالعه ایدوب طوغره جغی چوجغی

(۱) الا اذا أبرأته عن مؤنة السكنى بان كانت ساكنة في بيت نفسها أو تعطى
الاجرة من مالها فيصح التزامها ذلك . در مع رد .
(۲) باب حضانه باقكر .

یدی سنه تمامنه دکن کندی مالندن اتفاق وا کسا ایده جکنی تعیین ایلسه مُعسرّه اولمقدجه او مدتده چوجغک باباسندن برشی طلبنه حقی اوله ماز . وخالعه قادین ایچون بر معاوضه دیمک اولدیغندن او مدتدن اقلده چوجق وفات ایتسه انک بقیه نفقه سندن باباسی یعنی قادینک زوج مخالعی کندیسنه رجوع بیله ایدر . تسکیم زوجه معسرّه اولوب اتفاق ولده قادره اوله مامق چو وجغک مالی بولنامق صورتنده باباسنه مراجعته حقی اولور . کما فی علی افندی .

مخالعه نك خاء لام عين ماده سنه انحصاری اولدیغندن زوجه سنك طلاق طلب ایتسی اوزرینه : « اکر بنی ابرا ایدرسه ک بوش اول » دییان کیمسه نك زوجه سی « سنی حقوقدن ابرا ایتدم » دیمکه بئنا بوش اولوب زوجنک ذمتنی زوجیه متعلق حقوقدن ابرا ایتمش اولور . لکن ابراء مذکور قادینک حقوق سائرّهیه متعلق دعواسنه ومثلاً بنم برسمور کورکی غصباً اخذ ایتمشیدک انی ایسترم دیمسنه مانع اولماز . فیضیه .

مخالعه اکراهاً واقع اولدیغنه کوره اکراه زوجه نك مال اعطا ایلسی ویا ذمت زوجی مہردن ابرا ایتسی ایچون وقوع بولمش ایسه اکراه مانع طلاق اولدیغندن طلاق واقع اولور ایسه ده لزوم مال وصحت ابرا متوقف رضا اولدیغندن زوجیه اعطاویا ابرا لازم اولماز .

صغیره نك مخالعه سی دخی بویله درکه طلاق بلامال واقع اولور (*) ،

(۱) کما فی المرأة . وكذلك المحجورة .

اگر اکراه زوجك مخالعه و یا خود مال اوزرینه ایقاع طلاق ایتمیچون وقوع بولمش ایسه هم طلاق واقع وهم اعطا لازم اولور چونکه قادین انی کندیسنه عائد اوله جق یینونت مقابلنده طوعاً التزام ایتمشدر . ابراء دخی بویله در .

مخالعه قابل فسخ اولمدیغندن انك بدلی زوجه یدنده هالك اولور ویا اكا مستحق ظهور ایدرایسه مثلاً ویا قیمة زوجه نك انی اوده مسی لازم کلور . کما فی الدر .

مهر اولسی جائز اولان شیئك بدل مخالعه ویا طلاق اولسی ده جائزدر . کما فی الهندیة .

بدل مخالعه نك وطلاقك تعجیلی صحیح اولدیغی کی، قریب ویا بعید برمدته تأجیلی دخی صحیحدر . طلاق یا خود انك کنایاتندن اولان خلع ، حر وخر مثل مال ویا متقوم اولمیان شی مقابلنده اولورایسه بجائاً بر طلاق رجعی ویا بائن واقع اولور . کما فی الدر (ه)

دماغده اولمیان مرض مانع تصرف اولمدیغندن زوجه نك مرض موده دخی مخالعه سی صحیح وانجق مال اوزرینه مخالعه اولندیغنه کوره تبرع دیمك اولدیغیچون انك بدلی ثلشدن معتبردر . عدت ایچنده وفاقی وقوعنده زوجنك حصه ارثیه سندن وبدل مخالعه وثلشدن هانکیسی اقل ایسه او اعطا اولنور (طلاق مریضه مراجعت ایدکر .)

(*) طلاق واقعك رجعی اولسی صورت اولایه و بائن اولسی صورت ثانییه نظر آدر وایکی صورته ده بدل مال اولدیغی ویا متقوم بولمدیغی ایچون طلاق ، بجائی یعنی بلا بدلد .

طلاق فضولی

حكم فضولیده و قولاً و یا فعلاً اجازتده طلاق دخی نکاح کبیدر : عبارة فضولی ایله منعقد اولان نکاح موقوف اجازت اولدیغی کبی عبارة فضولی ایله ایقاع اولنمان طلاق دخی موقوف اجازت اولوب زوج مجز اولورسه واقع و اولمازایسه غیر واقع اولور (۱) .

توقف اجازتده تعلیق دخی تنجیز کبیدر . تنجیز فضولیده طلاق زوجك حین اجازتده واقع اولدیغی کبی تعلیق فضولیده دخی بعدالاجازه شرطك حصولنده واقع اولور .

« الطلاق بیدمن أخذ بالساق ، حکمنجه حق تطلیق منحصرأ زوج مکلفکدر . بر قادینك زوجی عبدملوک دخی اولسه انی اوتطلیق ایتمدکجه وافندیسی فضولاً تطلیق ایتمش اولدیغنه کوره انك تطلیقنی کوله اجازه ایلمدکجه قادین مطلقه اولماز (۲) .

معلوم اولدیغی اوزره تطلیقده توکیل دخی جاری ، و وکیلک ایقاع ایتدیکی طلاق واقع ، در .

فضولی کتاب نکاحده (ص ۲۴) تعریف اولندیغی اوزره وکیل دکدر . کندی زوجه سنی تطلیق ایده میان معتوه آخرك زوجه سنی تطلیقه وکیل اوله بیلور .

(۱) زید عمروك زوجه سی هندی فضولاً تطلیق ایله عمرو مجیز اولیجی هند بوش اولورمی ؟ الجواب : اولماز . (علی افندی) .

(۲) زیدك مدبر قوی عمرو زیدك اذنیله هندی تزوج ایتدکن صکره زید عمروك اذنسنز هندی تطلیق ایله عمرو مجیز اولیجی هند بوش اولورمی ؟ الجواب : اولماز . (علی افندی) .

طلاق مريض

خسته لك دماغده اولدقجه تصرفات قولييه يه مانع اولمديغندن ^(۱) خسته نك طلاق واقعدر .

مالنه حقی تعلق ایدن یعنی ایکیسی ده حر و متحد فی الدین اولمخله یکدیگره وارث اوله ییلان زوجیندن زوج مریضك مرض موتنده ^(۲) بيله زوجه سنه ویردیکی طلاق رجعی حال صحتده کی طلاق رجعی یه مساوی اولوب ^(۳) بعدالموت عدت باقی اولدقجه مانع ارث اولمديغی کبی ^(۴) زوجك مرض موتنده زوجه نك طلب و موافقتی اولمیه رق ایقاع ایتدیکی طلاق بائن دخی

(۱) مرض منافی اهلیت دکلدیر کرك صلات و زکات کبی حقوق الله حقنده و یا خود قصاص و نفقه کبی حقوق عباد حقنده اولان اهلیت حکم اولسون ، کرك نکاح و طلاق و اسلام کبی اهلیت عیاره اولسون مرض بونلردن هیچ برینك صحتنه مانع و وجوبنه منافی اولماز . کما تقرر فی الاصول .

(۲) (مرض موت) اول خسته لکدرکه اکثر یا انده اولوم قورقوسی اولدیغی حالدده خسته ذکور دن ایسه خانه سی خارجنده و انان دن ایسه خانه سی داخلنده اولان مصالحنی کورمکدن عاجز اولوب بو حال اوزره برسنه . مرور ایتمدین وفات ایلیه کرك صاحب فراش اولسون ، کرك اولسون .
قصاص و رجم و مبارزه کبی زمان هلاک و مخاطره دخی مرض موت کبیدر .
و کذا ارتداده کما فی الدر المختار .

(۳) بو بابده زوجه نك رضاسی و عدم رضاسی و طلب طلاق رجعی ایتمسی و حتی علی الاطلاق طلب طلاق ایلمسی دخی سیاندر . کما فی الدر . طلاق عند الاطلاق رجعی یه منصرفدر . ط .

(۴) وقت طلاقده کتابیه یا خود مملوکه بولنان زوجه عدت ایچنده مسلمه و یا معتقه اولق دخی بویه درکه زوجنه او دخی وارثه اولور .
کما فی الهندیه .

مادام العده^(۱) مانع ارث دکلدر .

کرچه طلاق بائن — حکمنده مبین اولدیغی وجهله — مانع ارث زوجیندر ولکن مرض موتده ویریلان طلاق رجعی اولمق کافی ایکن انک بائن اوله رق ایقاع ایدلمسی زوجیه یی میرا ثدن محروم ایتمک مقصدینه حمل اولنه رق او زوج فراردن اسم فاعل صیغه سیله (فارت) تسمیه اولنور و باقی العده اولان یعنی هنوز عدتی انقضا ایتماش بولنان زوجة مطلقه سی اکا توریث ایدیلور . زوج طلاق بائن ایقاعیله کندی حقنی کندیمی اسقاط ایتماش اولدیغندن او مدت ظرفنده اندن اول زوجه سنک وفاتی تقدیرنده اکا وارث اوله ماز .

اکر زوجه کندینک امر وطلبی ویا مخالفه سی ویا خود تفویض صورتنده کندی اختیاری ایله ابانه ایدلمش اولور ایسه ابطال حقنه کندیمی ساعی اولمش اولمغله توریث اولماز .

زوجه حال مرضده خیاری بلوغ وعتق ایله نفسنی اختیار ایتمک ویا خود این زوجی تقبیل ویا انک طلب غیر مشروعنه مطاوعت مثلی معصیتده بولنمق صورتیله سبب فرقه مباشرت ایلش اولور ایسه اودخی بالمفارقة (فارت) عد اولنه رق انقضاء عدتمدن اول وفات ایتدیکنده زوجی اکا وارث اولور^(۲) .

(۱) انک عدتی عند الطرفین ابعدا جلیندر . علی مایاتی بیانه فی بابها .

(۲) بخلاف وقوع الفرقة بينهما بالحب والعنة واللعان فانه لا يرثها علی المذهب

اه تنویر الابصار .

استثناء

استثنا کندی اذاتيله وضعی اولدیغی کبی برامری مشیه اللهه تعلیق ايله عرفی دخی اولورکه « ان شاء الله » دیمکده عند الفقهاء (استثناء) تعبیر اولور (۱)

بو استثنا قلبه (یعنی نیته) متعلق اولان شیرده طلب توفیقه محمول ایسه ده قوله متعلق شیرده حکمی مبطلدر . کرك عبادت اولسون : نذر واعتاق کبی . وکرك معامله اولسون : طلاق و اقرار کبی (۲) . (وکذا النکاح کما مر) .

یمینه ان شاء الله قیدینی متصلأ علاوه ایلیان کیمسه یمین ایتمش اولدیغی کبی (۳) زوجہ سنه « سن مطلقه سین » یاخود « بن

(۱) اولکیسی موجب عموم لفظک رفعی وایکنجیسی موجب لفظک رفعی مقتضی شی ایراديله اولور استثناء ، بیان تغییردرکه صدر کلامدن مراد نه اولدیغی اظهار اولنه رق موجبی تغییر ایدلمش و تناقض لازم کلامک ایچون کلامک اولی آخرینه توقف ایدرک مجموعی کلام واحد اولمش دیمکدر تشکیم موضعنده مقرردر . فمن الاول قوله تعالى : [قل لأجد فيما أوحى الى محرماً على طاعم يطعمه الا أن يكون ميتة] ومن الثاني قوله : [ولا تقولن لشيء انى فاعل ذلك غداً الا أن يشاء الله .] وقال [ولا يستثنون] .

(۲) مکرکه صیغه امر ونهی اوله : « أعتقوا عبدی بعد موتی ان شاء الله » و « یع عبدی هذا ان شاء الله » دیمک و وکیل ویا مضاربته : لاتبع فلان . لاتسافر الی کذا ان شاء الله ، دیو سویلمک کبی که بولرده استثنا صحیح اولیوب صورت اولاده عبد موصی له بالعتق و صورت ثانیه ده مخاطب بیعه وکیل اولور . کما فی ایمان الدر . قال ط ونقل عن حاشیه الاشباه أن عدم الصحة فی الامر أحد قولین اه .

(۳) یعنی عند الطرفين او یمین غیر منعقد اولور . امام ابو یوسفه

سنی بوشادم ، دییان کیمسه دخی جهراً و متصلاً ان شاء الله دیر
ایسه طلاق واقع اولماز . بونده قصد و معنای علم شرط دکلدرد (۱) .
(جهراً) قیدی قضاء مسموع اولق ایچوندرد . کما فی فتاوی
الانقری (۲)

(متصلاً) قیدی بعد الانفصال اولان استثناء رجوع دیمک
اولوب بونده ایسه رجوع صحیح اولدیغندرد . کما فی ایمان الدرر (۳) .
تنفس ویا اوکسورک ایچون اولان انقطاع حکماً اتصال دیمک
اولدیغندن مانع دکلدرد . کما فی الشرنبلائیة .
حمار و جدار کبی مالک مشیت اولمایانک و یاخود انس و جن

کوره یمن منعقد ایسه ده مشیة الله اطلاع ممکن اولدیغندن اکا أصلاً حث ترتب
ایتمز . کذا فی ایمان ط .

(۱) زید عمروه : فلان ایشی ایشلر سهک عورتک بوش اولسونعی ؟ دیوب عمرو
دخی اولسون دیدکده جهراً و متصلاً ان شاء الله دیوب بعده اول فعلی ایشلر سه
عورتی بوش اولورمی ؟ الجواب : اولماز . (علی افندی) . سواء قصد الاستثناء
او لم يقصد علم حکمه او لم يعلم اه شرنبلائی .

(۲) ۱۰۹۸ ده متوفی شیخ الاسلام محمد بن الحسین الانقری مرحومک
فتاوا سیدرکه مطبوعدر . انقره نک اسم منسوبی بویه در . انقروی غلط شاعدر .
انقره : انکوریدر . عموریه : اناموردرد .

(۳) قال وعن ابن عباس رضي الله تعالى عنهما أنه كان يجوز الاستثناء المنفصل
الی ستة أشهر لقوله تعالى [واذكر ربك اذا نسيت] أي اذا نسيت الاستثناء
المتصل فاستثنى مفصلاً . قال مشايخنا في تصحيح الاستثناء المنفصل اخراج العقود
كلها من أن تكون ملزمة ولا يحتاج الى المحلل لان المطلق يستثنى اذا ندم .
وأما قوله تعالى [واذكر ربك اذا نسيت] فمعناه اذا لم تذكر ان شاء الله تعالى
في اول كلامك فاذكره في آخره موصولاً به اه مختصراً .

و ملک کبی مشیتلرینه اطلاع اولنمیانک مشیتلرینه تعلیق دخی
ان شاء الله دیمک کییدر .
تشریک طریقیله « ان شاء الله و شاء فلان » دیمکله دخی فلان
دیله سده برشی واقع اولماز . درمختار .
« أنت طالق لولا ابوك (یاخود) لولا حسنك (و یاخود) لولا
أني أحبك » یعنی « پدرک اولسه ، حسنک اولسه ، بن سنی سور
اولسه من مطلقه سین ، دیمکله دخی طلاق واقع اولماز .

زوجه سنه اوچ طلاق و یرونده برینی استثنا و اخراج ایلمسکده ،
مثلاً « أنت طالق ثلاثاً الا واحدة » یعنی بری مستثنی اولمق اوزره
سن اوچ طلاق ایله مطلقه سین دیمکده (ایکی) و « الاثنتین » دیو
ایکیسنی استثنا ایتمسکده (بر) طلاق واقع اولور . « الا ثلاثاً » دیو
هپسنی بردن استثنا صورتنده کلدن کلی استثنا باطل اولمغله اوچ
طلاق وقوع بولور .

ایلاء

افعال بابندن مصدر اولوب یمین ایتمک معناسینه اولان
(ایلاء) (۱) زوجه یه تقرب ایتماک اوزره یمین ایلک معناسنده
مصطلحدنر . انکده سببی ، شرطی ، رکئی ، حکمی وارد
افادات آتیه دن اکلاشیلور .

بوابده اصل اولان استعید بالله تعالی (لذین یؤلون من نسائهم
تربص أربعة أشهر الخ) آیت کریمه سیدر (۲) .

عرب جاهلیه نك نسوان حقلرنده روا کوردکلری تحکمت
جمله سندن اوله رق طارلدکلری زوجه لرینه سنه لرجه طاریلوب

(۱) آلی یؤلی دیو تصریف اولنور . افتعالدن (ایلاء) دخی یمین
ایتمکدر . قال تعالی : [ولا یأتل اولوالفضل منکم والسعة أن یؤتوا اولی
القربی] الآیه . یمین قضیه وزنده (آلیه) در . قضایا وزنده اولان (ألیا)
ایلانک دکل ، الیه نك جمعیدر . تنکیم شامرک شو قولنده مفرد وجم اوله رق
وارد اولمشدر :

قلیل الا لایا حافظ لیمینه * وان بدرت منه الالیه برت
ترکجه سی : ممدوح آزیمنیلیدر ویمینی حفظ ایدیبیدر ، آغزندن یمین چیقجه
اولور ابسه چیقان یمین بار اولور (کنده سی حانت اولماز) دیمکدر . نون ایله
ندرت ضبطی حسن دکلدر .

(۲) سمع عمر رضی الله تعالی عنه فی اللیل امرأه تقول :
فوالله لوالله تخشی عواقبه * لزحزح من هذا السریر جوانبه .
فسأل عنها فاذا زوجها فی الجهاد فسأل بنته حفصة : کم تصبر المرأة عن الرجل ؟
فقلت أربعة أشهر . فامر امراء الاجناد أن لا یتخلف المتزوج عن أهله اکثر منها .
ولولم یکن فی هذه المدة زیادة مضارة بها لما شرع الله تعالی الفراق بالایلاء فیها اه
من قسم رد المختار .

تقرب ایتمز لر و ایتیمیه جکلیرینه یمین ایدر لر ایدی (۱) .

قادیلر بوندن متضرر و آزرده دل اولملریله شرع منیر انلری حمایه یمین مذکوره یه برحد تعیین بیورمش و اوحده تجاوزینی طلاق عد ایتمشدر . شویله که :

زوجه سنه تقرب ایتامک اوزره یمین ایدن کیمسه زوجه سی حره اولدیغنه کوره درت و غیر حره اولدیغنه کوره ایکی آیدن زیاده ایشی اوزاتماق لازم کلوب مدت مذکوره ظرفنده یمینی بوزارایسه فها ، کفارت ایدر . نکاحنه خلل کلیر یمیننده ثبات ایدرک مدت مذکوره بلا تقرب کنذران اولورایسه برطلاق بائن واقع اولور .

ایلاء ایدن زوجه مفتی وزنده (مولی) تعبیر اولنورکه زوجه سنه تقربدن نفسنی منع مؤکد ایله منع ایتمش اولان کیمسه دیمکدر (۲) ایلاء اولتان زوجه یه دخی صیغه مفعول ایله (مولی منها) دینیلور .

منع مذکور یمین بالله ایله اولدیغی کبی یمین بالطلاق و یمین بالعتاق یاخود نذرجج و یا اعتاق مثلی نفس ایچون موجب کلفت و مشقت اولان شیئه تعلیق تقرب ایله دخی اولور .

زوج مولینک ایلاءده ثبات ایتمی ممکن اولدیغی کبی ثبات

(۱) کان ایلاء الجاهلیة السنة والسنتين فوقته الله تعالى أربعة أشهر . فمن كان ایلاؤه دون أربعة أشهر فليس بإیلاء . ط . و فی التنف والایلاء من طلاق الجاهلیة حکم الله تعالى فی الاسلام كما یرى اه .

(۲) الایلاء منه النفس عن قربان المنكوحه منعاً مؤکداً بالیین بالله أو غیره من طلاق أو عتاق أو صوم أو حج أو نحوذلك مطلقاً أو مؤقتاً بأربعة أشهر فی الحرائر وشهرین فی الاماء . هندیه .

واصرار ایتمیوب اندن رجوع ایتسی دخی یمکندر .
 بوبابده کی رجوعه آیت کریمه مذکورده کی (فان فاؤا)
 قول کریمندن اخذاً فتح فاء وسکون یاه ایله (فیء) تعبیر اولور (۱)
 ثبات صورتنده برمنوال مذکور برطلاق بائن واقع اوله رق
 ارهده زوجیت قالماز اولور .

فیء صورتنده یا کفارت ویا جزا لازم کله رک (۲) زوجیه
 خلل کلامش اولور .

صورت ثباتده یمین و صورت فیئده ایلا ساقط بولور (۳) .
 کفارت : کفارت یمیندرکه اون (۴) فقیری نیت کفارت ایله
 اطعام (۵) ویا اکسا یاخود تحریر رقبه (قول آزاد) ایتمکدر
 ربونلردن عاجز اولان (۶) اوچ کون علی التوالی اورج طوتمقدر (۷) .
 جزا : معلق به اولان شی هر نه ایسه اوواقع و لازم

(۱) کتاب الصلته (شیء) موازی اوله رق مذکور اولان (فیء زوال)
 دخی رجوع معناسندندر . اوقات صلات بحثنده اون دردنجی صفحه نك
 هامشی اوقویکز .

(۲) کفارت یمین باللهه و جزا یمین بالطلاقه الخ ناظر در .
 (۳) یمینکده سقوطی موقت اولسنه کوره در . « لأطأک أبدأ » کبی مؤبد
 بولنان یمینلر درت آی ثبات ایله ساقط اوله ماز .

(۴) تحقیقاً أو تقدیراً حتی لو اعطی مسکیناً واحداً فی عشرة أيام کل يوم
 نصف صاع یجوز ولوا عطاءه فی يوم واحد بدفعات فی عشر ساعات لایجزیء
 علی الصحیح ط
 (۵) کما فی الصوم .

(۶) حتی ایکی کون اورج طوتوب اوچنجی کون میراث ویا سائر وجهه ایله
 قادر اولسه مالا کفارت ایتمک لازم کلور .

(۷) خسته لك کبی بر عذر شرعی به وحتی قادین قسمی معذرت شهریه به مبنی
 متابعا طو تاسمه استیناف ایلر .

اولمقدر . طلاق ، اعتاق ، حج . یوزرکعت نماز کبی^(۱) .
 اشته ایلانک حکمی بودر .
 (ایلانک شرطی) زوجک طلاقه اهلیتی^(۲) و زوجه نک اکا
 محلیتی در .
 صیینک و مجنونک ایلای صحیح اولمیوب عبدک ایلای صحیحدر .
 چونکه عبد طلاقه و مالک غیری ایله کفارتیه اهلدر .
 زوجه نک طلاقه محلیتی منکوحه^(۳) اولمسيله در .
 اجنبی اولان قادینه — تزوجنه اضافیه ایتمدکجه^(۴) — ایلا
 واقع اولمديغی کبی اوطهلق جاریه حقنده^(۵) دخی ایلا واقع
 اولماز .

(۱) لزوم جزا عدم تعذر ایله مقیددر جزا متعذر اولدقده ایلاده ساقط اولور :
 کوله سنک آزادینی زوجه سنک و طئنیه تعلیق ایتمک صورتنده کوله نک وفات ایتمسی
 کبی که ایلا ساقطدر . کوله نک صائلمسی دخی وفات ایتمسی کبی اولوب انجق
 قبل التقرب افندیکن ملکته عودت ایتمسی تقدیرنده ایلا منعقد و بعدالتقرب
 عودت ایلمسی صورتنده غیر منعقد اولور . کافی ط .

(۲) عنده و عندها اهلیته للکفارة فیصح ایلاء الذی عنده لانه من اهل الطلاق
 ولا یصح عندها لان الشرط عندها اهلیته للکفارة وهو لیس من أهلها . وصحة
 ایلائه عنده بغیرما هو قریه . کافی الدر . قال ط : اعلم أن ایلاء الذی علی ثلاثة
 أنواع صحیح اتفاقا کما لو حلف بما لا یتعلق به قریه کالعتاق وباطل اتفاقا کالحلف
 بالحج والصوم والصدقة ومختلف فيه وهو الحلف بالله تعالی .

(۳) ومن بمعناها .

(۴) بخلاف مالوفال لاجنبیه : ان تزوجتک فوالله لأقربک . فانه ایلاء .
 کافی الدر .

(۵) قال القهستانی لو آلی من زوجته الامه ثم اشتراها فانقضت مدته
 لم یقع اه .

مدتندن اکسیک اولماق دخی ایلا ده شرطدر . در مختار (۱) .
(ایلانک سبی) بین الزوجین قیام مشاجرت و عدم حسن
معاشرتدر .

(ایلانک رکنی) عدم تقربه یمین و یا خود تقربی موجب کلفت
بر امره تعلیقدر .

یمینسر ایلا اولمادیغی کبی ایکی رکعت نماز مثلی موجب مشقت
اولمیان (۲) شیئه تعلیق تقرب دخی ایلا دکلدرد .
مدتندن اقل اولان بر زمان ایچون ایدیلان یمین و یا تعایق دخی
ایلا دکلدرد .

مدت ایلا : زوجة حره حقننده علی التوالی درت و زوجة غیر حره
حقننده ایکی شهر هلالی یا خود یومیدرد . (غره اولور سه هلال و اولما زسه
یوم اعتبار اولنور .)

مدت مذکوره دن اقلی عادی یمیندرکه نقصنه کفارت لازم
کلور ایسه ده مدتک بلاوطه کندران اولمسنه طلاق ترنب ایتمز (۳) .

حره اولان زوجة سنه «سکا طقسان کون تقرب ایتمز» دیو

(۱) ومن شروطه أن لا یعین نفی القربان بزمان أو مکان لانه یکنه قربانها
فی مکان آخر أو زمان آخر و أن لا یجمع بین الزوجة و غیرها (کامته) حتی لو حلف
لا یقرب امرأته و أمته لا بصیر مولیاً ما لم یقرب الامة لانه یکنه قربان امرأته من
غیرشیء یلزمه اه من ط بقصر ف .

(۲) تنبلك کبی نفسک برعارض ذمیمنه مبنی اولان مشقته اعتبار اولماز . ط .
یوز رکعت اویله دکلدرد . بونک قیاسی : ایشی یوزخم ایتمه یا خود یوز جنازه یه
کیتمه تعلیق ایله مولی اولمقدرد . در مختار .

(۳) ایلا مدتنده زوجک وطئ دیانه لازم و بوبابده کندیسى شرعا مطالبدر .
وطء ایتمز ایسه آثم اولور . قاضی اکا جبر ییله ایدرد . ایلا مدتندن اقل اولان
یمین بویله دکلدرد . قهستانی .

یمین آیدن کیسه یمیننده ثبات ایتمکه زوجہ سی کنندندن مبانہ اولدیغی کبی « بوندن بویله سکا تقرب ایتیمه یم ملسکر ویر وکوک شاهد اولسون اکر ایدرسه محرمه زنا ایتمش اوله یم » دیمکه دخی ایلا منعقد اولماز . بناءً علیه تقرب ایتیمه رک درت آی مرور ایتمکه زوجہ بائن دوشمز ، تقرب ایتمش اولمق تقدیرنده کفارت دخی لازم کلمز چونکه یمین دکلدز . کافی بهجة الفتوی .

ایلامده لفظ صریح و غیر صریح اوله بیلدیکی کبی (۱) مدت دخی مصرح و غیر مصرح اوله بیلور : تحریم حلال یمین اولمغله زوجہ سنه « سن بکا حرامسین » یاخود « سن بکا حرام اول » دییان کیسه تحریم مراد ایدرسه ایلا ایتمش اولور ایلا ایتمک ایسته مامش اولدیغنه کوره زوجہ سنی بائنا بوشامش اولور . درمختار (۲) .

چوجغک سوتدن کسلبه سنه درت آیدن اکسیک زمان اولمیان قادینه زوجک « چوجغکی سوتدن کسنبجه قدر یمین اولسونکه سکا تقرب ایتیم » دیمی مدتی غیر مصرح ایلادر .

(ایلاء) مؤبد دخی اولور : والله بن سکا ابدًا تقرب ایتیم دیمک کبی (۳) .

(۱) أما الصریح فنحو قوله والله لا أقربك . لا أجامعك ، لا أطأك ، لا اباضعك ، لا أغتسل منك . وأما غیر الصریح فنحو قوله لاأمسك ، لا آتیک ، لا أغشاک ، لا اضامعك ، لا أقرب فراشك . فهذه کنایات لا بد لها من نيات . کما فی کتب الفتاوی .

(۲) قضاء محتاج نیت اولمیان الفاظدنذر . علی افتاء المتأخرین .

(۳) ایلا مدت معینته سیله موقت وابد قیدیله مقید اولدیغی کبی بلامدت دخی اولورکه بوکا صاحب تنف (ایلاء مجهول) دیمشدر : نه مدت ونه قیدابد =

بونده زوجه نك حین خطابه حائض اولماسی شرمدر .
در مختار .

(ایلاء موقت) فی وقوع بولد یغنه کوره بر طلاق بائن ایله
نهایت بولور ایسه ده (ایلاء مؤبد) انکله نهایت بولمیبو ایکنجی
واوچنجی نکاحه دخی ساری اولور . شویله که :

زوجه سنه « سکا أبدا تقرب ایتتم » دیویمین ایدن کیمسه یمینده
ثبات ایدرک اره دن درت آی بلا تقرب مرور ایتمکه زوجه سی
کندیسندن طلاق بائن ایله بوش دوشدیکی کبی ایکنجی و اوچنجی
نکاحلرده دخی وقت تزوجدن اعتباراً دردر آی بلاوطه کذران
اولور ایسه برر طلاق بائن دها واقع اولور . (تنویر الابصار) .

زوجه نك زوج دیکردن صکره عودتی تقدیرنده ایلا قالمیبو انجق
یمینک حنث حقنده بقاسنه مبنی فیئه یعنی وطئه کفارت لازم کلور .
(تنویر) .

ایلاء دن فی یعنی رجوع ایتمک وطئه ایله اولور (*) مکرکه

= اولیه رق « یمین اولسونکه سکا یاقینلق ایتام » دیمک کبی بونک ده حکمی
حکم ابددر . کما فی نقول بهجة الفتوی . وفی فتاوی الانقزی : ولو قال والله
لاأقربک حتی تطلعم الشمس من مغربها أو حتی ینخرج الدجال لا یكون مولیاً قیاساً
لانه یرجی وجوده ساعة فساعة وفی الاستحسان یكون مولیاً لانه يستعمل للتأیید
عادة وكذا اذا قال والله لاأقربک حتی تقوم الساعة أو حتی یلج الجمل فی سم الخیاط
یكون مولیاً . کذا فی شرح الطحاوی اه .

(*) زید زوجه سی هنده « والله دوشککه کیرمیه یم » دیدکده ایلا نیت
ایدوب بعده درت آی مرور ایدوب وطئه قادر ایکن وطئه ایلمسه هند بائنه
اولوری ؟ الجواب اولور . (علی افندی) .

کندنده و یا زوجه ده اولان بر مانعه مبنی و طه و قوع بولماش
 اوله . او حالده زوج د بن سکا رجوع ایتدم ، یا خود د بن ایلامی
 ابطال ایلدم ، سوزمی کیرو آلدیم ، دیمک کبی قولاً فی ایدر . مانعک
 زوالنده فعلاً فی ایتتمک لازم کلور (۱) .
 هر حالده کفارت ایدیلور .
 کرک ایلا و کرک فی متوقف رضا اولمیوب مع الا کراه دخی صحیح
 اولان اموردندر (۲) .

متعدد زوجه سی اولان کیمسه نک بتون زوجاتی حقننده کی
 یمینی کفارت واحده ایله ساقط اولور . چونکه لزوم کفارت
 هتک حرمت اسم الله ایچوندر . اوده متعدد دکلدر . کافی ظاهر
 الدر مع ط .

(۱) مانعک خسته لک و زوج حقننده کبرسن و زوجه حقننده صغرسن و نشوز کبی
 عجز حقیقی اولسی لازمدر . احرام و اعتکاف کبی عجز حکمی بوبابده معتبر دکلدر .
 و عجز حقیقینک وقت ایلادن مدتک کچمسنه قدر دوا می شرطدر . صحیح ایکن
 ایلا ایدوبده صکره مریض اولان کیمسه نک فیئ و طئسنز اولماز . لساناً اولان
 فی زماننده نکاحک بقاسی دخی شرطدر . زوج زوجیه بعد الابانه اکالساناً
 فی ایتمش اولسه ایلا ساقط اولماز . کما فی الدر .
 (۲) کما مر من المرأة فی هامش شرط النکاح ص ۱۸ .

— استطراد —

ایلاء مناسبیله کتاب ایمانی شورایه خلاصه ایده لم :

کتاب ایمان

همزه نك فتحيله آیتام یتیمك جمعی اولدیغی کبی فتح همزه ایله اولان ایمان دخی یمینك جمعیدر .

یمینك تعریفندن اول مراد فلربی بیلیلین که لفظندن اشتقاق واقع اولدیغی جهته (۱) انلر محتاج الیهدر : قسم وحلف یمینك مراد فلریدر .

قسم که فتحین ایله در باب افعالدن مصرفدر . قال تعالی لا أقسم . حلف که فتح حاء و کسر لام ایله در تخفیفاً کسر حاء و سکون لام ایله ده ملفوظ اولور باب ثانیدن تصریف اولنور و متعدیسنده تحلیف و احلاف و استحلاف دینیلور .

(یمین) تعلیقه دخی شامل اولمق اوزره (۲) شویله تعریف اولنور : خبرك ایکی طرفندن برینی مقسم به ایله تقویه در (۳) . (مقسم به) : جناب حتمك اسم ذات و یا صفاتی و یمین باللهك غیری به کوره جزانك شرطه تعلیقیدر .

یمین ایدنه (حالف) و ایدیلان خصوصه (محلوف علیه) تعبیر اولنور . مقسم به (محلوف به) دخی دینور .

(۱) و اما قوله « عند یمین من یمین یزداد للمکذوب الیقین » فهو من المین بمعنى الکذب

(۲) تعلیق طلاقه باقکر .

(۳) ایکی طرف امر آتی به نظراً فعل و ترکدن عبارت اولوب امر ماضی و یا حاله نظراً تقویه اولنه حق جهت واقعه مطابقدر .

اقسام یمین

یمین اوچ قسمدر : یمین غموس ، یمین لغو ، یمین منعقدہ .
 (یمین غموس) کہ اکا (یمین فاجرہ) و (یمین صبر) و یا (صابرہ)
 دخی ^(۱) دینور : یلان یرہ عمدآ ایدیلان یمیندر . کبائر دندر (۲) .
 (یمین لغو) : ظنہ مبنی خلاف واقع ایدیلان یمیندر . مثلاً :
 « فلانہ اولان بورجی ویردم انک بندہ الاجعی یوقدر » دیو
 ایدیلان یمین واقعہ مطابق ایسہ صادقدر . غیر مطابق اولدیغنه کورہ
 عدم مطابقی حالفک معلومی ایسہ یمین مذکور (غموس) و معلومی
 دکل ایسہ (لغو) در (۳) .
 (یمین منعقدہ) : فعل و یا ترک اوزرینہ اولان عزمی تأکید
 ایچون ایدیلان یمیندر کہ بالخاصہ امرآتی حقندہ اولور . کفارت

(۱) بخور بورادہ کذبدر یمین مؤثدر . فتح غین ایله اولان غموس باترمق
 معناسنه اولان غمسندر کہ فعل بمعنی فاعلدر صاحبی کناہہ صوقان یمین دیمکدر .
 صبرہ اضافتله اکا (یمین الصبر) و ترکیب توصیفی ایله (یمین صابرہ) دینلمسی
 صاحبک مع وجود الزواج جرأت و اقدام ایتیمکده کی ثباتنه مبنیدر . فما أصبرهم
 علی النار . قال قائد الشعراء الیہا :

حلفت لها بالله حلقة فاجر * لنا وما فانا من حديث ولاصال

(۲) عند القصد لا ذهاب مال الغير . کما دل علیه الحديث الوارد فی ذلك .

(۳) یمین لغو انجق یمین باللهدہ اولور . امر ماضی حقندہ ظنہ مبنی خلاف واقع
 اوزرینہ طلاق یا خود عتاق ایله یمین ایدیلور ایسہ طلاق و عتاق واقع اولور .
 یمین باللهک لغو قسمندہ مؤخذہ دنیویہ اولان کفارت اولدیغی کبی مؤخذہ
 اخرویہ دخی اولماق الطاف آلهیہ دن مرجودر . کما فی الجوهرہ .
 فلست بمأخوذ بلغو نقوله * اذا لم تعمد عاقدات الغرائم

دخی یالکز بوقسم یمینه عائد بولنور (۱) . لایة واحفظوا ایمانکم یمینک منعقد (موجب کفارت) اولمسیچون مخلوف علییده برّ وحنثک امکائی وحالفک عقل وبلوغ واسلامی شرطدر .
(یمینک مقتضاسی اوزره ثباته کسرباه و تشدید راء ایله (بر) وعدم ثباته کسر حاء وسکون نون ایله (حنث) دییه جکز . بونلرک اسم فاعلری (بارّ) و (حانث) در (۲) .
مجنونک ویمز بیله اولسه صمیمینک یمینی صحیح اولماز .
اسلام اوزره اولمیانک دخی یمینه اعتبار اولماز (۳) .
غیر مسلمک حال کفرنده ایتدیکی یمینده حال اسلامنده حانث اولمسیله کفارت لازم کلز . هندیه ودر مختار .
یمین ارتداد ایله ده باطل اولور . بعسده مسلم اولسده حکمی اکال لازم اولماز (۴) . هندیه ودر مختار .

(۱) دیگر ایکی قسم یمینک کفارتی بوقدر . یمین غموسده توبه واستغفار لازمدر . آیت کریمه ده [ان الذین یشترون بعهدالله وأیمانهم ثمناً قليلا اولئک لاخلاق لهم فی الآخرة الخ] و حدیث شریفده « ثلاث من الكبائر الیمین الغموس و عقوق الوالدین و الفرار من الزحف » بیورلمشدر . جوهرده بویله مذکوردر .
دیگر حدیث شریفده شرك و قتل نفس دخی زیاده ایدیله رك خمس من الكبائر الخ دخی وارد اولمشدر . انده غموسه بدل فاجره وصابره صفتلری مذکور بولمشدر .

(۲) اسناد مجازی ایله یمینه دخی صفت قیلنهرق یمین بارة وحائثة دینیلور .
(۳) چونکه یمین تعظیم الله ایچوت عقد اولنور . کفر ایله برابر ایه تعظیم اولماز . ط .

(۴) لما تقرر أن الاوصاف الراجعة (کالکفر ط) للمحل (هو ذات الکافر ط) یتوی فیها الابتداء والبقاء . در مختار . والمراد بالبقاء الطروة والعروض . ط .

یمینک حکمی : اصلاً برّک و حلفاً کفارتک وجوبیدر .
 اسلامی اولمیانک کفارتیه اهلیتی دخی اوله‌ماز . چونکه کفارت معلوم
 اولدیغی اوزره حد ذاتنده عبادتدر . انک عقوبت اولسی سینه
 نظرآدر (۱) . وعن هذا (أنهم لا أیمان لهم بیورلمشدر (۲)) .
 حالفده حریت شرط دکلدیر مملوکک یمینی دخی صحیحدر . شوقدرکه
 کفارت بالمال اکافی الحال لازم اولمیوب کفارت بالصوم لازم کلور .
 حالفده طواعیت (عدم اکراه) دخی شرط دکلدیر مکرهک دخی
 یمینی صحیحدر .
 یمینک عقدنده طوع ، کرهه مساوی اولدیغی کبی نقضنده دخی
 مساویدر .

بونلرده جد ایله هزل دخی طواعیت ایله کراهیت کبیدر .
 انعقادده یمینک استثنادن (۳) خالی اولسی مخلوف علمهک ممکن بولنمسی
 کبی شرطدر : مثلاً « بن اولمیه حکم » یاخود « یارین کونش طوغمیه جق »
 مثلی یمینلر (غموس) وعقدینه « ان شاء الله » علاوه اولنان یمینلر
 (حکمن) عد اولنور .

(۱) انک ایچون کفارتلر اصولده عبادت ایله عقوبت بیننده دوران ایدن حقوق
 اللهدن عد اولنش وکفارت افطاردن ماهداده معنای عبادت غالب بولنمشدر .
 کفارت فطر مخطیء ایله ناسییه ترتب ایتمکده اولدیغنه و غیر طلوع ایتمک یاخود
 شمس غروب ایتمک ظنیله ایدیلان افطارده — موضع شبههده ساقط اولان
 حدودکی — سقوط ایلمسکده بولندیغنه نظراً انده جهت عقوبت راجح کورنمشدر .
 کما فی المرأة .

(۲) [وان نسکتوا أیمانهم] آیتی انلرک اظهار ایتدکلی صوری عهد
 حقندهدر . نکول امیدیه حاکم دخی انلری یمینه چکر ویمین صوریلرینه اعتبارایلر .
 کما فی الدر مع ط .

(۳) بنحوان شاء الله أو الا أن یبدولی غیر هذا . ط .

(یمین منعقدہ) : مُرْسَل ، موقت ، فور اسملریله اوج درلو اوله بیلور .

(مرسل) که اکا مطلق دخی دینور : بروقت ایله مقید اولمیاندر کرک نفیاً و کرک اثباتاً اولسون .

« فلانجهی آلورم » دیوایدیلان یمین مرسل اثباتدر . « فلانجهی آلام » دیوایدیلان یمین مرسل نفیدر .

اولسکنده حالف و محلوف علیه قائم اولمدقجه حنث اولماز . حائثیت انلردن بریک هلاکنده حاصل اولور . هالک حالف ایسه عند الموت ایضاً کفارت ایتمک و هالک محلوف علیه ایسه انک موتنده حالف ایفاء کفارت ایتمک لازم کلور (*) . نتکیم « فلان ایشی ایشلرم » دیو یمین ایدن کیمسه انی ایشله مامک صورتنده انجق آخر حیاتنده حانث اولور .

ایکینجیده انی آلمدقجه ایدا حانث اولماز . آلور ایسه حانث اولور و کفارت لازم کلور . یمین ایکنجی دفعه اوله رق انعقاد ایتمز .

(موقت) : بروقت ایله مقید اولاندر . بوکون یاخود بوهفته ویابو سنه فلان ایشی ایشلرم دیوایدیلان یمین اوکون الخ کچمدکجه حانث اولماز . ایشلرم دیو نفی ایله ایدیلان یمین اوکون الخ ظرفنده برکه ایشلیکله حانث اولور و کفارت لازم کلور .

(فور) برکلامه جواب اولمق کبی برسبیه بنا اولنان یمیندرکه دلالت حال ایله تقید ایدوب اندن صکرهیه شامل اولماز . مثلاً

(*) قال فی الدر وجوب الحنث لایأتی الا فی الیمین الموقته أما المطلقة فحنثه فی آخر حیاته فیوصی بالکفارة بموته ویکفر عن یمینه بهلاک المحلوف علیه اه

صوقاغه چیمقمق اوزره حاضرلنن یاخود چوجغنی دوکمک اوزره
 دکنک حاضرلیان قادینه زوجنک (اگر صوقاغه چیمقارسهک)
 باخود (چوجغنی دوکرسهک) مطلقه سین دیسی طلاق ایله اولان
 یمین فوردرکه ایتدیکی تعلیق او خروجه و او ضربه مقصور اولور .
 کذلک برکیمسه تناول ایتمکده اولدیغی صبح یاخود اقشام طعامنه —
 که اولکیمسینه فتح غین ایله (غداء) وایکسجیسنه ینه او وزنده
 (عشاء) وانلری اکل و تناوله (تغدی) و (تعشی) تعبیر اولنور —
 یاننده بولنه رق لاجل المؤاکله چاغردیغی ذاتک : (بن تغدی «یاخرد»
 تعشی ایتمم) دیو ایتدیکی یمین دلالت حال ایله او طعامه مقصور
 اولورکه کلامی ابتداء دکل ، جواباً واقع اولدیغی ایچون صاحب
 طعامک کلامی طعام حاضر ایله مقید اولدیغی کبی اکا جواب واقع
 اولان کلام دخی انکله مقید اوله رق چاغرمقده اولدیغک شو طعامی
 اکل ایتمم ما لنده بولنور و کیدوب اونده طعام ایتمکله حانت اولماز .
 کافی الجوهره النيرة (۱) .

یمینک سببی : قصدینک تحقیق و تأکیدینی اراده در .
 یمینک رکنی : انده مستعمل اولان الفساظدر که اسماء وصفات
 الهیه یه و تعالیقه شاملدر . ط .

یمینک اداتی شو حر فلدر : و ، ب ، ت (۲) .
 بولر مقدر دخی اولور . حروف جارّه دن ایسه ده

-
- (۱) بومثال اصولده شرط صحت مجاز اولان قرینه بحثنده دخی مذکوردر . قال
 فی الجوهره وهو استحسنان والقیاس أن یبحث اه .
 (۲) تعلیق اداتی ادات شرطدر . تکیم بابنده اولنمشد .

مدخوللری مجرور اولمق انعقاد یمین ایچون شرط دکلدر (۱) .
(معرفتنامه) :

والله کوزل ایتمش ، بالله کوزل ایتمش ، تالله کوزل ایتمش
الله کوره لم نتمش نتمشه کوزل ایتمش .
یمین : والله ، بالله ، تالله ، والرحمن ، والحق مثلی جناب حقل
اسماء حسنا سندن بریله اولدیغی کبی عزتی ، جلالی ، کبریایی ،
عظمتی ، قدرتی مثلی صفت ذاتی ورضا و غضب مثلی صفت فعلی (۲)
ایله دخی اولور .

(برماده ایچون « والله و بالله و تالله » دیو متعدد اولان یمینک
کفارتی ده متعدد اولور . کما فی بهجة الفتوی) .

جناب حقل غیرییه یمین منهیدر (۳) . مثلاً کعبهیه یمین
ایدلمز . « رب السکبة » دیو ایدیلر بیلور .

قرآندن یاخود پیغمبر علیه السلامدن ویا قبله دن برات
(تبری ایتمش اولمق) اوزره ایدیلان یمین ایمان ویا اسلامدن
برات ایله ایدیلان یمین کبی معتبردر .

(۱) مجمع الانهرده بو حکمدن و او استثنای ایدلمک ایستلمش ایسه ده ابن عابدین
مرحوم باب عینده اعرابک علی الاطلاق معتبر اولدیغنی فتحندن و جوهره دن تقللاً ذکر
و تصریح ایلشدر . (ص ۷۵ و ۸۹) .

(۲) صفات الیهیه جناب حق اضدادیلر دخی موصوف ایسه (فعلیه) و دکل
ایسه (ذاتیه) در .

(۳) لقوله علیه السلام : من کان منکم حالفاً فلیحلف بالله أولیذر . و أما اقسامه
تعالی بغيره کالضحی والنجم واللیل فقالوا انه مختص به تعالی اذ له أن یعظم ماشاء ولیس
لنا ذلك بعد نهینا . و أما التعليق فلیس فيه تعظیم بل فيه الحمل أو المنع . رد المحتار .

« بويله ياپار ايسه کافر ويا مجوسی يا خود يهودی ويا خود نصرانی اولديغی » دخی یمیندر^(۱) .

أقسم يا خود آخلف ويا خود أشهد یعنی یمین يا خود شهادت ایدرم دیمک دخی یمیندر . بونلرده « بالله » قیدینه یعنی اقسم بالله ، أحلف بالله ، أشهد بالله (الله قسم ایدرم الخ) دیمکه بيله حاجت یوقدر .
لعمري الله وایم الله^(۲) وعهد الله و میثاق الله تعبیرلری دخی الفاظ قسمنددر .

بلا قید « نذرمل اولسون = علی نذر الله » دیمک وحلال اولان شیئی نفسنه حرام ایتتمک^(۳) و « آنام حلالمل اولسون » کبی بر حرام مؤبدی شرطه تعلیقاً حلال ایدتمک دخی قسمدن معدوددر^(۴) کافی البهجة .

بر عبادتی نذر ایتتمش ايسه انی ایشله مک^(۵) ونذرینی اطلاق

(۱) بونک یمین اولوب کفر اولمديغی بیلانه کوره او ایشی یایمق موجب کفر دکلدر ، موجب کفارتدر . اگر کندنجبه کفر دن معدود ايسه انی ایشله مک کفره رضا ویرمک اولديغیچون کفر اولور . کما فی الدر المختار .

(۲) بونلر عربیده مرفوعدر . نحوک مرفوعاتنه باقکز .

(۴) حتی زوجه تک ظاهرینه اعتبار اولمديغی حالده « سن بکا حرام اول » دیو قوجه سنه کندبسنی حرام قیلان قادین تمکین نفس ایتتمکه کفارت یمین ایتتمسی لازم کلور . کما نذکره فی هامش باب الظهار .

(۴) نفقه دیرکه مقسم به آلتیدر . برنجیسی اسماء الهیه در . ایکنجیسی صفات الهیه در . اوچنجیسی تنجدرکه ملل کفاردن برینه انتقالی قبولدر . در دنجیسی جناب حق دن وانیا سندن و کتابلرندن و یا دین اسلامدن تبریدر . بشنجیسی حق اللهدر وحق انبیاء وحق ملائکدر . التنجیسی یمین ایدرم ، نذرمل اولسون کبی تعبیر لردر اه باختصار .

(۵) کتاب الصومک نذر بختی اوتتمیکز .

ایتمش ایسه نقضنده یمین کفارتی ایتمک لازم کلور .
 قبل الحنث کفارت یوقدر .
 کفارت معلوم اولمشدر (ص ۱۹۲) . مالی اولانتک محل صرفی
 فقراء مسلیندر . (کتاب صومک ۶۵ صفحه سنه باقکز .)^(۱) .
 معصیت اوزرینه ایدیلان یمینک بوزیلوب کفارت ایدلمسی
 واجبدر .

فعل فرائض و ترک معاصی اوزرینه ایدیلان یمینک بر
 و حفظی واجبدر .

برمسلی مهجور ایتمک کبی ترکی اولی اولان شیر اوزرینه
 ایدیلان یمینک کفارتی ایدلمک اوزره حنثی افضلدر .
 بونلردن ماعداسنک یعنی حنثی واجب و یا افضل اولمیان یمین
 منعقدنه نك حفظی افضلدر .

فبالله لا تحلف وان كنت صادقاً * ولا تكذبن يوما وان كنت هازلاً
 ولا تعدن يوماً فان كنت واعداً * فبادر الى انجاز وعدك عاجلاً

« الايمان مبنية على الالفاظ لاعلى الاغراض » خواسنجه
 یمینده الفاظه استعمال عرف ناسه باقیلور^(۲) . مثلاً : شو آغاجدن
 یمیم دیو ایدیلان یمین ارائه اولنسان آغاج مشمر اولدیغنه کوره
 ثمره سنه و مشمر اولدیغنه کوره ثمننه مصروف اولور .

(۱) لکن در مختارده « و مصرفها مصرف الزکاة فما لا قیل الا الذی
 خلافاً للثانی و بقوله یفتی » دیمشدر . بوکا کوره ذمی زکاته مصرف اوله مدیغی
 کبی کفارته دخی اوله ماز .

(۱) ما لم ینوما یحتمله اللفظ . در مختار . ای فیعتبر نیته وان کان العرف
 بخلافه . ط .

شو آصمه ییامکه یمین ایدن انك محصول طبیعیسنی ییمکه حانث
اولوب آصمه نك كیندنن ییمکه حانث اولمدیغی كبی سرکه
وپکمز مثلی محصول صنایعسنی اکل ایتمکه دخی حانث اولماز .
شوقیوندن وشو صیغردن ییامکه ایدیلان یمین انك كندی
ما کولنه مصروف اولوب سودینی ایچمك وقوزیسنی وبوزاغیسنی
ییمك ایله حانث اولماز .

ات ییامکه یمین ایدن بالق ییمکه حانث اولماز .
زوجه سنه بنم اذنم یاخود علم اولمدقجه چیقمه دییان کیمسه
هر خروج ایچون اذن وعلی شرط قیلشدر .
بنم اذنم اولنجه قدر چیقمه دیمش اولمق صورتی بویله دکلدرکه
انده هر خروج ایچون اذن شرط قیلنماشدر .
خروجه متبی^۱ اولان زوجه یه عدم خروج اوزرینه ایدیلان
یمین فوریدرکه او خروجه مصر وفدر . کامر (فی ص ۲۰۳) .

زوجه سیله عنادلشوب سن بکا لقردی ایتدکجه بن سنکه
لقردی ایتمم دیویمین یاخود شرط ایدن کیمسه نك زوجه سی بنده
سن سویله مدین سکا سوزسویله مم دیو یمین ایتدکده زوجك یمینی
برینه کلش اولمخله زوجه سیله اندن صکره ایتدیکی کلام انك یمینه
طوقناز . تنکیم کتاب الغازمك بوبابندن اون اوچنجی مسئلهدر
وواقعه امام اعظمدر .

جاریه سنی کیمسه یه صاتماق وباغشلاماق اوزره یمین ایدن
کیمسه نصفنی بیع و نصفنی هبه ایتمکه حانث اولماز . تنکیم کتاب
الغازمك بوبابندن بشنجی مسئلهدر وحادثه امام ثانیدر .

برکیمسه جاری اولان صوده ییقانمقده بولنان زوجه سنه
« سن بوصولن چیقارسهك بندن بوش اول » دیمش اولورسه نه یایق
لازم کلور ؟ (جواب) : قالدین صودن چیقار و برشی لازم کلنر
چونکه قالدینك بولندیغی صواندن زائل اولمقده اولمسيله مخلوف علیه
دکلدر . نتکیم کتاب الغاز مزك بوبانندن برنجی مسئله در .

فقهده تعلیق و یمین برلشدیکی ایچون بونلر کتاب مذکور مزك
باب ایمانته قید اولنمشدر ، بعض کتبه بوکبی مسائل ایچون
(کتاب الحیل) عنوانيله باب مخصوص عقد ایدلشددر . (حیل)
کرچه حيله نك جمعیدر و لکن (حيله) اسانمزجه زبازرد اولان
معناده دکل ، چاره معناسنده در . بزم حيله دیدیکمزه لغت عربیهده
(خدعه) تعبیر اولنور . (حیل شرعیه) مخلص شرعی اولان شیر
دیمکدر . و الاساحه شریعت غرا و صمه خدعه دن معرادر .
باب ثبوت نسبه « اثبات نسب ایچون احتیال بیله اولنور ،
تعبیرینكده معناسی بودرکه چاره آرانوردیمکدر . قال الشاعر (*) :

فشکواى تؤذیها و صبرى یسوها

و تجزع من بعدی و تنفر من قربی

فیا قوم هل من حيلة تعرفونها

أشیروا بها و استوجبوا الشکر من ربی

مبرد دخی کاملده :

ان النجوم اغطی دونه خبری * و لیس لی حيلة فی مفتری الکذب
دیمشدر . حقیقت حالده بودر . (تم الاستطراد)

(*) بونلرک ما قبلی اولان بریت دخی آئیده باب عدت هامشده در .

مسئله : زوجه‌سنه « اکر سکا بوندن بویله تقرب ایدرسه م
سن اوچ طلاق ایله بوش اول » دیمش اولان کیمسه ایلاء مؤبد
ایتمش اولدیغندن فی* ایدرسه زوجه‌سنه بینونت کبری ایقاع ایلش
اولور . فی* ایتمیوب اره دن درت آی مرور ایدرسه بینونت صغری
ایقاع ایتمش اولور .

بو بینونت صغری ایکی مثلنک اکا انضمامیله کبری اوله بیلور
چونکه ایلا بلامدت اولق جهتیله مؤبد دیمک اولدیغندن ایلك
بینوندن صکره ایدیلان تجدید نکاحده درت آی مرور ایدوب
بلامانع و طء ایلمزایسه زوجه ینه بائن دوشر . ایکنجی دفعه تجدید
نکاح اولنوبده درت آی بلامانع و طء وقوع بولمازایسه ایلاء مؤبد
بو اوچنجی نکاحه دخی ساری اولمغله برطلاق بائن ده واقع
اوله رق بینونت کبری اولور .

مسئله : برکیمسه کندینک ایکی زوجه‌سی وارا یکن اوچنجی برزوجه
دها تزوج ایدوب اوچنجی یه د اکر بناسکی زوجه لرمه تقرب ایدرسه م
بندن اوچ طلاق بوش اول ، دیسه انلردن برینی و طء ایلمکله اوچنجی
زوجه‌سی اوچ طلاق ایله مطلقه اولور . اکر انلردن هیچ برینی و طء
ایلمیه رک اره دن درت آی مرور ایدرسه حقلرنده ایلا واقع اوله رق
اوایکی زوجه قدیعه بائن دوشر . اوچنجی زوجه یه حقه‌نده معلق اولان
طلاق ثلاثه واقع اولماز .

ظهار

حصار و زننده (ظهار) مظاهره کبی باب مفاعله دن مصدر اوله رق : زوج و وجه سنی^(۱) والده و یاقاین والده و سوت همشیره مثلی کنه دینک محرم مؤبدی^(۲) بولمان برقادینک^(۳) نظر جائز اولمیان موضعنه تشبیه ایلک معناسنده مصطلحدر^(۴) . طلاق جاهلیه دن اولوب^(۵) تعبیر مشهوری « أنت علی کظهر امی ، اولدیغیچون (ظهار) دیو تعارف ایتمشدر^(۶) . مثلاً بر مسلم کنه دی

(۱) أو ما يعبر به عنها . كما يأتي بيانه

(۲) علی التأیید محرمیت والدهک وقاین والدهک و همشیره کبی مناسبات قریبه ایله اولور . بالذین خاتمک و أوج طلاق ایله مطلقه نک محرمیتی موقت اولمق حسبیله انلرک جائز النظر اولمیان مواضعنه و کذا مرأه مرتده و یا مجوسیه یه تشبیه ایله ظهار حاصل اولماز . کما فی الدر مع ط .

(۳) خرج به الرجل فلو شبهها باییه أو ابنه لا يكون ظهاراً . انظر الدر ان شئت .

(۴) تشبیه قیدی « انت امی (یاخود) اختی (و یاخود) بنتی » امثالنی اخراج ایتمشدرکه بونلر باطل و بی حکمدر . کما تقرر فی الاصول . قال ط : وان نومی التحريم والظهار .

(۵) قال فی التنف مانصه : والظهار أيضاً (أى کالایلاء) من طلاق الجاهلیة فجعل الله سبحانه وتعالى حکهما فی الاسلام خلاف ذلك . وقال فی البحر : وكان الظهار طلاقاً فی الجاهلیة فنهوا عن الطلاق بلفظ الجاهلیة وأوجب علیهم الکفارة تغلیظاً فی النهی اه والظهار منکر من القول وزور .

(۶) قهستانی دیرکه « أنت علی کظهر امی » نک معناسی : أنت علی حرام کبطن امی دیمکدر . موضع تناسله مقارب اولدیغیچون بطن ذکر اولنمیوب اندن انک عمودی اولان ظهر ایله تعبیر اولتمشدر اه بوتوجیه مصباح منیردن تقللاً بحررائقه و اندن اخذاً در مختار حواشیسنده مذکور اولان وجهدن وجیهدر =

زوجه سنی محرمی بولنان قادیلردن برینک نظری حرام اولان موضعنه تشبیه ایله : سن بکا انامک ارقه سی یاخود قارنی کبیسین دیمک ظاهر در .

تشبیه مذکوری ایدن زوجه اسم فاعل صیغه سیله (مظاهر)
واو زوجه یه اسم مفعول صیغه سیله (مظاهر منها) تعبیر اولنور .
ظهارک حکمی ، شرطی ، رکنی واردر .

ظهارک حکمی کفارت ایله زائل اوله جق حرمتدر (ارکان تشبیه دن صکره کی افاده یه باقکز) .

بوابده اصل سورة مجادله کی (والذین یظاهرون منکم من نسائهم الخ) آیت جلیله سیدر (۱) .

ظهارک شرطی رککنده مندر جدر . رکنی افادات آتیه دن ظاهر در :
تشبیه مذکورک مشبه و مشبه به وادات تشبیه دن عبارت ارکان اربعه سی واردر .

اسم فاعل صیغه سیله (مشبه) : زوجدر : زوجه نک ظهاری حکمزددر (۲) .

= اوده بودر : ظهرک تخصیص بالذکر اولنمی شوندندرکه دابه نک ظهاری موضع مرکوب اولوب مرأه دخی وقت وقاعده مرکوب اولمغله رکوبام رکوب دابه دن مستعاردر بعده رکوب زوجه ممتنع اولان رکوبامه تشبیه اولنمشدر . بر استعاره لطیفه اولمشدر کویاکه زوج اکا « سنک رکوبک بکا حرام » دیمشدر اه قیومی بونی صیغه تعریض ایله ذکر ایتمشدر .

(۱) سیب نزول سورة جوهره نیره ده تفاسیر متداوله دن دهامفید اولق اوزره مذکوردر . فیلراجع .

(۲) اکا حرمت و هیچ بر کفارت ترتب ایتمز . و به یقی . اینشحنه =

زوج مظاهرك بالغ وعافل ومسلم اولمسی شرطدر . صبینك ومجنونك
ومعتوهك ومدهوشك ومغمی علیك ونائمك طلاق معتبر اولمدیغی کی
ظهاری دخی معتبردکلدر . ذی مطلق اوله بیلور ایسهده مظاهر اوله ماز
چونکه اهل کفارت دکلدر (۱) .

سکرانك ، مكرهك ، مخطئك واشارت مفهومه سیله اخرسك
ظهاری معتبردر .

اسم مفعول صیغه سیله (مشبه) : زوجهدر . یاخود رأس ورقبه
کی انك كنهه اطلاق اولنور عضوی (۲) ویاخود نصف وربع کی جزء
شائعیدر .

زوجه : منكوحه ویا معتده بولسحق شرطیله کتابیه یاخود صغیره
ویا مجنونه وغیر مدخول بها اوله بیلور (۳) .

ملك یمین ایله موطوءه جاریه (۴) حقنده ظهار اولمدیغی کی

= كفارت یمینك ایجابی ترجیح ایتمشدر اه در مختار . تحریم حلال یمین
اولغله زوجنه « سن بكا حرام اول » دییان خاتون تمسکین نفس ایتکله یمین
کفارتی ایدر .

(۱) ذی قیدی اتقاقیدر . طحطاوی دیرکه ذمینك ظهاری عند الشافعی
صحیحدر .

(۲) لغت عربیه به ولسانخرده کی « باشك صاغ اولسون » تعبیرنده
ذکر جزء واراده کل طریقنه نظراً بویله ایسهده برکیمسه زوجه سنه « سنك
باشك انامك باشنه بکزر » دیمکله ظهار ایتمش اولیه جغی فتاوی فیضیهده
مصرحدر . بخلاف قولهم : رأسك علی کظهر ای . علی اراده معنی ذاتك
ولانظیره فی لغتنا .

(۳) ظهارك سبب ملكه اضافتی دخی صحیحدر : ان نكحتك فانت علی کظهر
ای کی اه در مختار .

(۴) ولوکه مدبره ویا امولد اولسون . ط .

حل طلاق اولمیان اجنبیه حقننده دخی ظهار اولماز .

(مشبه به) : كرك نسب و كرك رضاع و یامصاهرت سیبیلہ
زوجك محرمی اولان قادینك قارنی و صرتی و او یلغی کی باقسی جائز
اولمیان موضعیدر .

صاچ و باش و یوز و ال و آیاق مواضع ظهار دكلدر ^(۱) . بناء
علیه زوجه سنك یوزینی و والده سنك یاخود قیزینك یوزینه و یاخود
یوزنده کی بنی و والده سنك و یا همشیره سنك بننه یاخود النی الله تشبیه
ایله ظهار ایدلمش (كفارت لازم كلمش) اولماز ^(۲) .

(ادات تشبیه) : تشبیهه دال اولان لفظدر . اوده یا صریح
و یا کنایه اولور .

(۱) هو المصرح به فی الفتاوی . وهذا لا یناق ما تقدم من ذکر نحو الرقبة
والرأس مع ارادة النفس علی ما بیناه .

(۲) زید زوجه سی هنده سنك ممةك انام زینك ممة سنه بکزر
دیهه مجرد بویله دیمکله زیده كفارت ظهار لازم اولورمی ؟ الجواب :
اولماز . (نتیجه) .

زید زوجه سی هنده باشك انا كك باشنه بکزر دیسه زید بویله دیمکله مظاهر
اولمش اولورمی ؟ الجواب : اولماز . (نتیجه) .

زید زوجه سی هنده یوزك قیزم زینك یوزینه بکزر دیسه زید بویله دیمکله
مظاهر اولمش اولورمی ؟ الجواب : اولماز . (نتیجه) .

زید زوجه سی هنده سنك لك انام زینك الله بکزر دیسه مجرد بویله
دیمکله هند زیده حرام اولوب زیده كفارت ظهار لازم اولورمی ؟ الجواب :
اولماز . (بهجه) .

زید قیزی هند صغیره نك موضع مستورینی کوروب زوجه سی زینبه :
« ... بکزر » دیسه مجرد بویله دیمکله زیده كفارت ظهار لازم اولورمی ؟ الجواب :
اولماز . (بهجه) . قال اذا قال أنت علی کبطن ای او کفخذها أو کفرجها
فهو مظاهر لان الظهار ليس الا تشبیه المحللة بالمحرمة اه عن الهدایة .

« أنت علیّ ، منی ، معی ، عندی کظهر امی (یاخود) امک
 = سن بکا ، (بدن ، بنمله برابر) ، بنجه آنامک یاخود آناکک
 ارقه سی کیسیسین . « أنا منك مظاهر = بن سکا مظاهرم ، .
 « ظاهرت منك = سکا ظاهر ایتدم ، تعبیر لری صریحدر .
 « أنت علیّ مثل امی = سن بکا آنام کیسیسین . « انت علیّ
 حرام کامی = سن بکا آنام کی حرامسین ، تعبیر لری کنایه در .
 تعبیرات کنایه طلاقده اولدیغی کی محتاج نیتدر^(۱) . تعبیرات
 صریحه نك نیته احتیاجی یوقدر^(۲) .

« انت علیّ مثل امی (یاخود) کامی ، دیمکله زوج زوجه سنه
 اکرام و یا ظاهر یاخود طلاق نیت ایدرسه نیتی صحیح ومنویسی
 واقع اولور . (علیّ) لفظنك حذفله « أنت مثل امی » دیمک دخی
 بویله در . (مثلیت ایکی معناه اولان حرمتده تشبیهی محتملدر)
 اگر برشیئی نیت ایتمز و یاخود ادات تشبیهی حذف ایله « أنت
 امی ، یاخود « أنت علی امی ، دیرایسه کلامی لغو و بی حکم اولوب
 سوزك معنای ادنامی اولان حرمت و کرامت تعین ایدر : سن بکا
 آنا کی محترمسین دیمش اولور^(۳) .

« أنت علیّ حرام کامی = سن بکا آنام کی حرامسین دیمکله
 ظاهره یاخود طلاقه دائر نیت ایتدیکی معنی صحیحدر . بونده لفظ

(۱) أي فی تعیین النوی من الطلاق أو الظهار فی الثانی فان معنی الظهار فیہ
 متعین عند عدم النية . كما يأتي التصريح بذلك بعد أسطر .

(۲) ومنها لفظة حرام فی الطلاق علی افتاء المتأخرین .

(۳) زوجه یه سن بنم آنامسین دیمک یاخود انی : قیزم ! همشیره ! کی تعبیرلر
 ایله چاغرمق ظاهر دکل ایسه ده تحریماً مکروهدر . در مع ط . وقد مر قبیل
 الرجعی فی الهامش (ص ۱۴۶) .

تحریمك زیاده سی معنای کرامتی اخذه مانعدر. زوج انسکه برشی
نیت ایتامش اولدیغنه کوره معنای ادنی اولانظهار ثابت اولور^(۱)
فی الاصح^(۲).

(أنت علیّ کظهر أُمی) تعبیری بوبابده صریح اولدیغیچون
انسکهظهاردن بشقه برشی ثابت اولماز.ظهار نیت اولنمسه دخی
ثابت اولور. در مع ط^(۳).

تشبیهسظهار اولدیغی کی^(۴)ظهار اولان تشبیه دخی
حلالی حرامه تشبیهدر. انك عكسیظهاردکدر. بناءً علیه زوج
کندی محارمندن برینك موضع مستورینی کوروب زوجہسنه
«انك موضع مستوری سنك موضع مستورکه بسکرز» دیمکهظهار
ایتمش اولماز. کما فی بهجة الفتوی.

تشبیه مذکورکه مراد بوبابده ذکر اولسان وجهله معتبر
اولان تشبیهدر عرف جاهلیتده فرقت مؤبدهنی منتج برطلاق ایکن
شرع منیر انی ککفارت ایله زائل برحرمت موقتہنی منتج
قیلمشدر^(۵).

(۱) لعدم ازالته ملك النكاح ولو طال . ط .

(۲) هو قول مجد . وقال ابو يوسف ايلاء . ط .

(۳) قال فلا عبرة بغيره من طلاق أو ايلاء ويثبت الظهار وان لم يكن له نية اه .

(۴) فالتشبيه يخرج لنحو أنت أمي أو أختي أو بنتي فانه ليس بظهار. قهستانی .

وقدم عن ط .

(۵) بابك اولنده نتفدن وبجرائقندن منقول اولان هامش عربی بی اوقویکز

و مشاهیر نسامزك (خولة بنت ثعلبه) عنواننه باقسکز. سورؤ أحزاب آیاتندن

اولان أستعین بالله تعالی [وما جعل أزواجكم اللائي تظاهرون منهن امهاتكم الخ] =

بناءً علیه زوجه‌سنهظهارايدن کيمسه کفارت ايله مکلف اولوب کفارت ايتمدکجه اوزوجهيه و طه و وقاع ايتمک يا خود و طئک لمس و تقبيل کبي دواعي و مقدماتنده بولنمق جائز اوله‌ماز . اکر قبل الکفاره و طه و يالمس و تقبيل ايدرسه توبه و استغفار ايتمک و بردها ايتامک اوزره ثبات ايلک لازم کلور . کفارت ديسکر لازم اولماز .

زوجه زوج مظاهرندن معامله زوجيت ايچون کفارت طلبنده حقل اولديغي کبي (*) قبل الکفاره کنديسنه تقربدن اني منعه دخي حقليدر .

مرافعه‌ده قاضي زوجه‌نک ضرريني دفع ايچون زوجي يا کفارت ايتمک و يا خود تطليق ايلک اوزره تعزير ايدر . اکر زوج « کفارت ايتدم » ديرايسه کذب ايله معروف اولمسدکجه اني قاضي تصديق ايلر .

ظهارده نکاح باقيدر . ظهار ايله حاصل اولان حرمت

= قول کریمندن اکلاش—لدیفنه کوره وقت جاهلیتده نبی ایدیلان دعیلر (یعنی اړکک اولادلقلر) ولد صلیلر مثلی عداولنه رق انلرک زوجه متروک‌لری بابالقلرینه حرام اولدیگی کی ظهار ایدیلان زوجه‌لر دخی زوجلرینه من بعد آنا کی حرام اولور ایدی . الحقائقم‌زک (زید بن حارثه) عنواننده بحالا مزیدعلیه مبین اولدیگی اوزره شریعت سمحه اسلامیه بو ایکی حکم جاهلیتی دخی ابطال ایدرک [ما جعل الله لرجل من قلبین فی جوفه] توطئه‌سیله ادعیانک اولاد ، ومظاهر منها اولان زوجاتک امهات ، اولدیگی اعلام بیوردی .

(*) قهستانی دیرکه زوجه ایچون زوجنک کفارت ایتسنی طلب ایتمک واردر حاکم دخی زوجی کفارت اوزرینه حبس و صکره ضرب ايله اجبار ایدر اه .

کفارتدن بشقه بر طریق ایله زائل دکلدر . حتی زوجۀ مظاهر
منهای زوج قبل الکفارۀ تطلیق و ابانہ ایتمک ظہاری ساقط
(حرمت واقعہ فی زائل) قیل باز عدتدن و یا زوج دیکردن صکرہ
تزوج ایلمک تقدیر نده بیله کفارت ایتدکجه انک وطئی کندیسنه
حرام اولور . قہستانی .

زوج ظہارینی بروقت ایله تقیمد ایتمش بوانورایسه اووقتک
کذران اولمسیلہ ظہار ساقط اولور : زوجہ سنہ مثلاً « برسنہ یه قدر
سن بکا آنامک ارقہ سی کیسین » دیمش اولان کیمسہ برسنہ ظرفندہ
قبل الکفارہ انک وطئی کندیسنه حرام اولوب برسنہ دن صکرہ
وقتک کذران اولمش بولنمسی سبیلہ لزوم کفارت دخی ساقط
اولدیغندن زوجہ سنی بلا کفارہ وطء ایده بیلور . قہستانی (۵) .
مشیة اللہہ تعلیق ظہاری دخی مبطلدر .

متعدد زوجہ سی اولان کیمسہ انلرک هپسنہ بردن ظہار ایتسه
هر بر ایچون بشقه بشقه کفارت لازم اولور .
برزوجہ سنہ مکرراً ظہار ایدن زوج دخی متعدد کفارتلر
ایله مکلف اولوب تکراردن تأکید قصد ایتدیکنی سویلرایسه
مجلس متعدد اولدیغنه کوره تصدیق اولنور .


کفارت ظہار کفارت افطار کبیدرکۀ نیت کفارت ایله تحریر
رقبہ ایتمک و اندن عاجزایسه ایکی آی علی التوالی اورج طوتمق
واکادہ قادر دکل ایسه التمش فقیری اقشاملی صباحلی طویرمق

(*) ولا یكون هذا ایلاءً لعدم رکنه وهو الخلف أو التعليق بمشق .
کما فی الطحطاوی وابن عابدین .

ویا خود انلردن هر فقیره یاعیناً و یاقیمه بر رصده فطر مقدارینی و یرمکدر . (کتاب صوممک کفارت فصلنه باقکز .)

زوج مظاهر کوله اولدیغنه کوره اکا صومدن بشقه بر طریق ایله کفارت ایتمک ممکن اوله ماز .

تحریر و صیام حقنده کی نص (من قبل أن یتما ساً) قید یله مقید و اطعام حقنده کی نص او قیددن مطلق بولندیغندن مطلق اطلاق و مقید تقییدی اوزره جاری اولق اصلنجه صیام اثناسنده واقع اولان وطء و یا دواعی موجب استیناف کفارت اولور (۵) . اثناء اطعامده واقع اولان وطء و یا دواعی موجب استیناف اولماز .



(*) صوم ایله کفارت ایتمکده اولان زوج مظاهر او اثتاده کیجه لری دخی زوجهنه تقرب ایده من . ایده جک اولور و حتی انک دواعی و مقدماتنده بولنور ایسه من غیر تعدیله اولسه استیناف صیام ایتمک لازم کلور . کافی الدر المختار .

لعان

شرع اسلامده زنا موجب عقوبت برحرام اولدیغندن انك برکیمسه به عزوی دخی جائز دکلدر .

عزو زنا ایتمهک (قذف) تعبیر اولنورکه انك ده عقوبت شرعیه سی واردر .

زنانك عقوبتنه (حدزنا) دینیلور . قذفك عقوبتنه (حدقذف) تعبیر اولنور .

قذفك فاعلی (قاذف) ومفعولی (مقذوف) در^(۱) عزو اولنان خصوصه (مقذوف به) دینور .

اجنبی حقننده موجب حد اولان قذف زوجین حقننده موجب لعان اولور .

لعان دخی بوجه آتی موجب فرقت اولدیغندن كتب فقهیه ده انواع طلاق عدادینه کچمشدر .

کسر لام ایله عنان وزتنده اولان (لعان) باب مفاعله دن مصدر اولدیغندن ملاعنه معناسنه درکه لعنلشمك دیمکدر .

(تلاعن) (والتعان) (۲) دخی دینور . بشنجیسی لعنت ویاغضب اولوق اوزره (۳) یمینلرایله مؤکد درت شهادتدر . صفتی آتیاً مذکوردر .

(۱) باب لعانده بونلر ایچوت منفرداً و مجتمعاً شرطلر واردر . آتیاً ذکر اولنور .

(۲) بونلرک بری تفاعل و دیگرى افتعال بایندندر .

(۳) لعنت زوجك و غضب زوجهك لعاننده اولور . تحیاته تنهده =

لعانك سېي ، ركڻي ، شزطي ، واردر .
(لعانك سېي) زوجك زوجه يه قذف ايتمش اولمسيدر .
(لعانك ركڻي) ذكر اولنديغي اوزره لعن ويمين ايله مؤكد
شهادتلدردر .

لعانك اهلي اهل اداء شهادت اولانلردر بناءً عليه زوجينك
ايكسېي ويا بريسي محدود في القذف ياخود رقيق وياخود
غير مسلم ويا غير ناطق وياخود صبي ويا مجنون بولنور ايسه اره لرنده
لعان جريان ايتمز . كورلك وصاغرلق وفاسقلق مانع دكلدر (*) .
كما في الهندية .

(هنديده ديركه لعان معنای شهادته مبنی ساقط اولدقده نظر اولنور
اكر اومعنى زوج جانبنده ايسه اكا حد اوريلور . زوجه جانبنده ايسه
نه حد اولنور نهده لعان اولور .)

== دینلديكي كي بعضك اسمي كله ویرلشدر . زوجه جانبنده اولان لعانده غضب
دخی موجود ايسده زوجك لعني اسبق اولوب سبق ايسه اسباب ترجیحدن
بولنديغندن تسميهده اومرجح اولشدر . كما في مجمع الانهر قال أو سمی تغلیباً
أو لان الغضب قائم مقام اللعن اه

(*) فاسق مقبول الشهاده اولامقله برابر بزجه اهل شهادتدر . شوقدركه
تهمتنه مبنی اكثر مواضعده انك شهادتی مقبول اولماز . بو شهادت ايسه موضع
تهمتنه مشروع اولديغندن رد اولماز . بنابرین فاسق ايله انك زوجه سی اره سنده
دخی جاری اولور . كذلك اعمی ايله انك زوجه سی — عمیاء دخی اولسه —
اره سنده لعان جاری اوله بیلور چونكه اعمی هر تفدر مشهود له ايله مشهودعليهی
تمیز ایدهمديكندن طولایي سائر مواضعده مقبول الشهاده اولمدهده اهل شهادتدر .
و بو مقامده « زوجه سنی اتهام ايتديكي شخص ايله تمیز ايدر » تقدیر اولنور اه
عینی علی الكفر .

(لعانك شرطی) بین الزوجین نکاحك صحیح و موجود اولمیدر (۱) .

(لعانك حکمی) قبل التفريق دخی اولسه ملاعنه دن صکره و طء وانك دواعیسی زوجه حرام اولق وینلرینك تفریق حاکمه واجب بولنمقدر .

بوابده اصل سورة نوره کی آیات جلیله درکه أستعین بالله تعالی (والذین یرمون أزواجهم ولم یکن لهم شهداء إلا أنفسهم الخ) بیورلمشدر .

مسلم وحر وعاقل وبالغ وناطق (۲) اولان برزوج بوصفتلری حائز اولان وزنادن وانك تهمتندن عقیف و عاری (۳) بولنار

(۱) زوجیتك حکماً قیامی دخی کافیدر بناءً علیه مطلقه رجعیه نك قذفی دخی موجب لعان اولور . نکاح فاسد ایله منکوحه اولانك ومبانه بولنانك قذفنه لعان اولماز . شرط مذکور لعانك زوجینه عائد اولان شروطنددر . چونکه شروط وجوب لعان کیمی بالخاصه قاذفه وکیمی بالخاصه مقذوفه وکیمی هرایکیسنه عائد اولق اوزره متنوعدر . خاصة قاذفه عائد اولان شرط : قاذف اولان زوج کندینك صدق مدعاسنه اقامه بینه ایده مامکدر . خاصة مقذوفه عائد اولان شرط : مقذوف اولان زوجه اهل عفت اولوب کندیسنه عزو اولنان حالی منکر بولنمقدر . هرایکیسنه عائد اولان شرط : بینلرنده قیام زوجیت وعقل وبلوغ واسلام وحریت ونطق وقذفاً عدم محدودیتدر . قذفك دار اسلامده وقوع بولمش اولمسی دخی جمله شروطنددر . کافی البحر والهندية .

(۲) کتاب الحدود ده مبین اولدیفی اوزره اخرسك (دیلسرك) زناسی ثابت اولممدیفی کی قذفنه ده حکم ترتب ایتمز چونکه حدود شبهات ایله مندفعدر .

(۳) تهمت زنادن عاری اولق : حرام اولهرق موطوءه اولماق و برابرنده اب معروف اولیان چوجق بولنماقدر . نکاح فاسد ایله موطوءه اولق =

کندی زوجه سنه دارا سلام ایچره یا صریحا عزوزنا ایتمک و یا خود بو چو جق بندن و یا بابا باسندن دکدر دیو یا کندینک و یا قادینک ولدندن نفی نسب ایلک تقدیرنده زوجه حضور حاکمه طاب حق ایدر ، و زوج ثابت القذف (۱) مقذوف بهی اثباتدن عاجز اولور ، ایسه (۲) لعان لازم کلورکه زوجینک ایکسینه دخی حاکم لعان ویرر . زوج و زوجه حضور حاکمه صفت آتیه سی وجهله لعان ایتدکلرنده حاکم انلرک بینلرینی تفریق ایدر .

فرقت واقعه بر طلاق بائندر . لعان واقع دخی زوج حقنده حد قذف و زوجه حقنده حد زنا مقامنه قائمدر .

تهمت لک شیوعی دخی وقوعی کبی مذموم اولدیغندن قادین حقنده افضل اولان زوجنک بو بینسزلکنی سترایدوب دعوی ایلماکدر (۳) . دعوی ایتمک تقدیرنده دخی حاکم ایچون اکا ستری امر و توصیه ایلک و آردر .

زوجه دعواده ثبوتات ایدوب زوج قذفی اقرار ایتماک

= و طلاق بائن عدتنده زوج مطلق طرفندن وطء اولتی و خطأ زفاف ایله وطء ایدلک حرام و طوء اولقدردر . بناء علیه بونلر تهمت زنادن معدوددر . زنا : بلاشبیه اولان حرامی ارتکابدر .

(۱) قذف نبوتی یا قاذفک اقراری و یا خود مقذوفک اثباتی ایله اولور . بونلر اولماز ایسه قاذف تحلیف اولماز . کافی الدر شرطه تعلیق اولنان قذف باطلدر . هندیه .

(۲) انک اثباتی درت شاهده متوقفدر بوده ناموس انسانینک احترامنددر چونکه درجه استحاله در .

(۳) زوجک بو بابده کی بینسزلکی غیر تسزلکنه مصروفدرکه ایقاع طلاق زمانی کلش ایسه انی ایقاع ایتیمیه رک ایشی حکمه به دوشمرش اولسیدر .

و زوجه نك بينه سی بولنامق تقدیرنده لعان ساقط اولور .
 زوجك قذفی یا کندی اقراری و یا زوجه نك اثباتی ایله ثابت
 اولق صورتده لعان ایتسی لازم اولوب امتناعی تقدیرنده لعان
 ایدنجه قدرانی حاکم حبس ایدر : یا لعان ایدوب قورتیلور و یا خود
 نفسنی تکذیب ایلوب جد قذف ایله محدود اولور^(۱) .
 زوج اگر لعان ایدرسه حددن قورتیلوب لزوم لعان زوجه یه
 متوجه اولور . حاکم زوجه یه لعانی امر ایدوب زوجه امتناع ایلر
 ایسه انی دخی یا لعان ایدنجه قدر و یا خود زوجنی تصدیق ایلینجه
 قدر حبس ایدر .
 زوج اگر لعان ایدرسه ارتق بری برلینه باقه جق یوز
 بر اقامش اولدقلرندن زوج تطلیق ایتسه بیله حاکم انلرك بینلرینی
 تفریق ایدر .
 زوج بوبابده زوجنی تصدیق ایتمك تقدیرنده لعان کندیسندن
 مندفع اولوب انك او تصدیق عن قصد اقرار دیمك اولمديغندن درت
 دفعه دخی اولسه^(۲) کندیسنه حد زنا لازم کلمز^(۳) .
 ولدن سلب نسب طریقیله اولان قذفی زوجه نك تصدیق تقدیرنده
 نسب حق ولد اولق حسبیله اندن منتفی اولماز (ابطال نسبه انلر
 تصدیق اولماز) .

(۱) عقوبت شرعیه معناسنده اسم اولان حد او معناده مصدر دخی اولدیغندن
 حدود : عقوبتیده دیمکدر .

(۲) درت دفعه قیدی زنا انجق درت شاهد ایله و یا خود بشقه بشقه مجلسده
 درت دفعه اقرار ایله ثابت اوله بیله جکته مبیدر . زوج اقرار زنا ایدرسه لعانه
 اهلیتدن چیقماش اولور .

(۳) محصنه نك حد زنا سی رجدر .

بعد الترافع زوجینک هر ایکسی ملاعنه دن امتناع ایدجک
اولورلر ایسه حکم شرعه عدم انقیاد لرندن طولای حاکم انلرک ایکسی
دخی حبس ایدر .

لعان بعد الوجوب طلاق بائن ایله ساقط اولور^(۱) . « الساقط
لا يعود » قاعده سنجه اندن صکره کی تزوجه حق لعان ارتق
عودت ایتمز .

زوجه نك زناسی ویا ارتدادی یاخود موطوءه بشبه اولمسی
وشاهد قذفک وفات ایتمی ویا غائب اولمسی^(۲) ایله دخی لعان
ساقط اولور . شاهدك صکره دن اعمی ویا فاسق و (قتل اولنمدقجه)
مرتد اولمسیله لعان ساقط اولماز . کما فی التنویر و غیره .

صفت لعان

لعانك صفتی (صورتی) کتاب وسنتدن اولان نص شرعینک
ناطق اولدیغی وجهله درکه قاضی زوج و زوجیه قارشو قارشویه
قائم قیله رق التعانی اولا زوجیه امر ایدر . زوج دخی :
« أشهد بالله که بن بوکا عزوزنا ایتمکده صادقیندم . » دیر^(۳)
و بونی درت دفعه سویلر . بشنجیسنده : « اکر بن کاذبیندن

(۱) انی اسقاط ایچون چاره بودر . طلاق (بائن) ایله تقیید طلاق رجعی انی
اسقاط ایتدیکندر مکرکه عدت انقضا ایتمش اوله . ط .

(۲) غیبت مطلق اوله رق مذکور بولنق جهتیله منقطعیه و غیر منقطعیه
شاملدر . ط .

(۳) اکر هم زنا وهم نفی ولد ایله قذف ایتمش ایسه لعانده ایکسی ده ذکر ایدر .
(شرح الکنز) .

ایسه م... ديو کنديسنه لعنة الله اوقور . بعده قاضى زوجه يه خطاباً : سن دخى التعان ايت . ديو امر ايتمکله زوجه دخى : « أشهد بالله که بوبکا عزو زنا ايتمکده کاذبينددر . » دير وبوتى درت دفعه سويلر . بشچيسنده : « اکر او صادقندن ايسه ... » ديو کنديسه غضب الله اوقور .

زوجين بوصورتله ملاعنه ايتدکلرنده حاکم زوجه مفارقتى امر ايدر . اودخى طلاق ايله اندن مفارق اولور . اکر زوج ايرلقدن امتناع ايدرسه حاکم بينلرينى تفريق ايدر . زوجين لعانندن بعد الفراغ بينلرينى تفريق ايتامسنى طلب ايتسه لر قاضى انلره اجابت ايتمز . هنديه .

کنديلرينک مفارقته رضالري اولمسه بيله : « بن سزک بينکرى تفريق ايتدم . » ديو فرقتى حکم ايدرکه زوجيت برطلاق بائن ايله قطع ايدلمش اولور . (۱)

قاضى ياکيلوبده کلمات لعانک اکثرندن صکره دخى تفريق ايتسه حکمى صحيح اولور . اکر کلمات لعانک اقلندن يعنى بر ويا ايکيسندن صکره تفريق ايدرسه صحيح اولماز (۲) .

لعان کندی نزدنده اولان حاکم انلري تفريق ايتمدن معزول

(۱) زوج زوجه سنى طوغان چوجفک کندنندن اولمديغى ايله قذف ايتمش اولورسه حاکم همده او چوجفک نسبى پدرندن قطع ايدوب انى والده سنه الحاق ايدر . « بينکرى تفريق ايتدم ومولودک نسبى سندن قطع ايدم » ديو زوجه سويلر . بونک ايچون مطولاتده مذکور برطاقم شروط واردر . (۲) ولو فرق بعد لعانه قبل لعانها نفذ لانه مجتهد فيه تارخانه وقيده فى البحر بقاض یرى ذلك . درمعط .

و یا مرحوم اولور ایسه حاکم ثانی استیناف لعان ایدر .
زوجینک فرقتلری یالکز لعان ایله دکل ، حکم حاکم ایله
اوله جعندن بعداللعان و قبل التفریق زوجیت قائم اولمغله زوجک
زوجیه طلاق واقع وایلا وظهاری صحیح اولور و وفات
وقوعنده توارث جاری بولنور .

شوقدرکه زوجک اتی وطء ایتمی یاخود وطئک دواعیسنده
بولنمی جائز اولماز (۵) مکرکه نفسنی تسکذیب ایتمش اوله . او حالده
بلا تجدید نکاح وطئ دخی حلال اولور . کما فی ط مع ردالمختار .
زید زوجیه سی هند عقیقه بره زانیه دیو قذف ایله که هند
زیدی موجبیه مطالبه ایدوب شروط لعان موجود اولمغله و لعان
تکلیف اولدوقده زید نفسنی تسکذیب ایتمیوب لعاندن ابا ایتما مکله
وجه شرعی اوزره تلاعن ایتدکرانده قاضی هندی زیددن تفریق
ایلسه هند زیددن مبانه اولورمی ؟ الجواب : اولور . بوصورتده
هندک عدتی منقضیه اولنجه قدر نفقه سی زید اوزرینه لازم
اولورمی ؟ الجواب . اولور . (یهجه) .

(*) حدیث شریفده « المتلاعنان لا یجتمعان » بیورلشدور . قول امام
ابویوسفده انلر من بعد بری برلرینه حرمت مؤبدیه ایله حرام اولورلر . بوکا مبنی
اسباب تحریمه دائر اولان نظمه لعان دخی ادخال ایدلشدور . کتاب نکاحک محرمات
فصلنده کی هامشی (ص ۲۹) اوقویکز .

عنانت یا خود جباب و یا خصاء سبیلله مفارقت^(۱)

قباحت وزنده (عنانت) : عنیتدر . (عنین) سکین وزنده :
 عضور جلیتی بی قدرت اولهرق موجود اولاندر . تادر آ خلقی ، و علی
 الاکثر کبر سن ایله^(۲) اولور . حساب وزنده (جباب) : مجبوبیتدر .
 (مجبوب) : عضو تناسلی مقطوع اولاندر . بناء وزنده (خصاء) :
 خصلیکدر . (خصی) صبی وزنده : منزوع الخصیه اولاندر^(۳) .
 اولسکیسی آق آغالق وایکسجیسی ایله اوچنجیسی طواشیلکدر که بونلر
 مانع وصول نساء اولان حالاندر و عیوب رجالددر .
 قادینک دخی موضع تناسلنده اککا وصوله مانع چاتقلق
 یاخود اور کبی عیوب اوله ییلور که اوله سنه قمر ناء یاخود رتقاء ،
 وعفلاء تعبیر اولنور .

باب قسَم آخرنده کذران اولدیغی اوزره زوجیتده زوجه
 قضاء واجب اولان زوجه سنه برکهر اولسون واقعه ایتمکدر .
 اندن صکره زوجه نک بوخصوصدن طولانی زوجنده حق خصوصتی

(۱) کتب فقیهه نک بوبانده مشدد و مضموم الاول اولهرق مذکور اولان
 (جب) و (غنة) کله لرینه بدل کتب لغتده بونلر بولنشددر .
 (۲) قال قائل :

یا قوم قد حوقلت أو دنوت * و بعد حیقال الرجال الموت
 (۳) جمعی دخی جمع صبی موازنی اولهرق کسر خاء ایله (خصیه) و (خصیان) در .
 قال فی جمع الصبی :

ان بی صبیة صیفیون * أفلح من کانت له ربعیون
 و الربعی بکسر فسکون نسبة إلى ربیع الزمان فرقاً بینها و بین النسبة إلى بی بیعة
 فانها ربعی بفتحین .

اولماز ايسه ده کندنده مانع اولميان وزوجنك بوبابده كي مانعنه قبل النكاح على ويا بعد النكاح رضاسى بولنميان قادينك مخيراسكى وحق خصوصتى اولوركه ديار ايسه دعوى ايدرك زوجندن حكم حاكم ايله آيريله بيلور .

انك بوبابده كي خياري على التراخيدر : زوجنى بلارضا عنين ياخود محبوب ويا خصى بولوبده بر زمان دعوى ايتميان وياخود دعوى ايدوبده بر مدت ترك دعوى ايليان زوجهنك حق دعواسى ساقط اولماز .

کندنده او مثل عيب اولان قادينك برشى ديمكه حق اولمديغى كى هر ايكسى عيبسز اولمق حسيله بالفعل زوج وزوجه اولدقلرندن صكره زوجده حادث اولان عنانت سبيله دخى زوجهنك مخيراسكه قضاء حقى اوله ماز .

زوجنك عيبنه قبل النكاح على ويا بعد النكاح رضاسى اولان قادين دخى بخير بولنه ماز .

کندنده قصور اوليوب زوجنك عيبنه دخى وقت نكاحده على وبعد النكاح انى ايشتيديكى حالده رضاسى اولميان قادينك زوجى عنين اولديغنه وقادينى كنديلكسندن براقديغنه كوره كنديسى حره بالغه ايسه قاضيه رفع دعوى ايده بيلور (حره اولميانك حق خياري مولاسنه عائد اولور وهنوز غير بالغه بولنانك بلوغنه انتظار اولنور) . قاضى اكا واصل اولوب اولمديغنى زوجندن سؤال ايدر . زوج كندينك عدم وصولنى اقرار ايدرسه حاكم انى امهال يعنى وقت مرافعه دن اعتباراً برسنه قريه كنديسى تأجيل ايدر .

حا کدن بشقه سنک تأجیلنه — مُحَكَّم دخی اولسه — اعتبار اولنماز .

اومدت ظرفنده — که اقالیم معتدله اهلنه کوره فصول اربعه نك ابدان بنی آدجه تأثیرات عادیه سی کورلمش و تام بر تجربه حاصل ایدلمش اولور — زوج بردفعه اولسون واصل اولدی ایسه نه اعلی ؛ واصل اوله مامش ایسه کندی نك تطلیق دن امتناعی و زوج نك طلب فرقتده اصراری (*) اوزرینه حاکم انلرک بینلرینی تفریق ایدر و بوصورتله بین الزوجین بر طلاق بائن وقوعه کلمش اولور .
(قادی ن تام مهرینی آلور و عدت بکمر . بینلرنده توارث جریان ایتمز) .

اگر زوج عند المرافعه اقرار عنانت ایتمیوب وصولی ادعا ایدر سه قادی ن ثیب اولدیغنه کوره سوز — مع یمینه — زوج کدر .
زوجک وصول ادعا سنه قارشو زوج نك کندی نك بکارتنی ادعا ایلر سه معاینه ایتدیر یلور .

باقان قادی ن (بر اولمق کافی و ایکی اولمق احوطدر) : ثیب دیر ایسه سوزینه مع یمینه زوج کدر .

زوج یمین ایدر سه قادی نك حق قالماز اولور . نکول ایدر سه منوال سابق اوزره بر سنه تأجیل اولنور .

باقان قادی ن زوج نك بکر بولندیغنی سویلر ایسه سوز بلا یمین زوج نكدر .

قادی ن ثیب بولنوبده بکارت نك سبب آخر ایله (کاصبعه)

(*) بوایکنجی طلبیدر . برنجیسی تأجیل و ایکنجیسی تفریق ایچون اولش اولور . قادی نك غیابنده و کیلنک طلبی دخی کندی طلبی کبیدر . ط .

زوالی ادعا صورتندہ دخی زوج یمینیلہ تصدیق اولتور .
ابتداء خصوصتہ کی نکولہ زوج تأجیل و انتہاء کی نکولہ
زوجہ تخییر ایدیلور دیمکدر .

مدت تأجیلہ رمضان ایامی و زوجک زمان حج و غیبتی
و زوجہ نک ایام حیضی محسوبدر .
کرك زوج و كرك زوجہ نک آزوج خستہ لك مدتی و بالخاصہ
زوجہ نک حج و غیبت زمانی محسوب اولماز .

حین خصوصتہ زوج صغیر ، و یا مریض یا خود مُحرّم ایسہ مبدأ
تأجیل بلوغدن و افاقتدن و احلالدن صکرہ اولور . کما فی الدر .
حاكمك تأجیلی عنین و او حکمدہ اولان خصی حقندہ در (*) . محبوب
صغیر دخی اولسہ تأخیردہ فائدہ اولمدیغیچون حق مطالبہ سی اولان
زوجہ سنك دعواسی اوزرینہ حاکم انی تأجیل ایتمیوب ینلرینی در حال
تفریق ایدر .

کرك محبوبدہ و كرك عنین و خصیدہ بعد التفریق اولان ایکنجی
تزوجدہ زوجہ ایچون حق خیار قالماز . ہندیہ .

(*) هكذا قالوا وان كان ما مع الخصی میزاب البول ليس الا .

عدت

صایى معناسنه اولوب عدددن مأخوذ بولنان عدت — که شدت وزنده در — : قادینک زوجندن مفارقتندن صکره بشقه سینه واره میوب^(۱) مدت معلومه تربص وانتظار اوزره اولمیدر .

او مدتی انتظاره (اعتداد) و او انتظارده کی قادینه (معتده) دینیلور^(۲) .

عدتک موجبی ، نوعی ، رکنی ، محظوری واردر .
عدت : رحمک ولدن براءتی بیلنمک و أزواجک وقع واعتباری کوزه دلمک^(۳) ایچون موضوعدر .

موجب عدت : یا حصول دخول و یا خلوت یا خود وقوع وفاتدر .
زوجک وفاتنده زوجه حقیقه و حکماً مدخول بها اولسه

(۱) معتده طلاق عدتی (بینونت کبری اولدجه) کندی زوجه وارمسنه مانع دکلدیر طلاق کرکر رجعی ، کرک بائن اولسون . کما قد عرفت .

(۲) معتده کله سی بوراده اسم فاعل مؤنثدر . عدته صفت قیلنور ایسه اسم مفعول اولور . قال تعالی : [فإلکم علیهن من عدة تمتهنهن] . (اعتداد) صایعقدیر . حسابیه قونیلان شیء معتبره (معتدیه) اطلاق بورادندر .

و أدنو فتقصینی فابعد طالباً * رضاها فتعتد التباعد من ذنی
بو بیت ماسبقده استطراداً ذکر اولنان کتاب ایمان آخرنده حیلہ لفظنک چاره معناسنه اولدیغنه استشهاداً ایراد ایدیلان ایکی بیتک او ستیدر . تمامی بش بیت اوله رق کتاب کاملده براعرابینک اولمق اوزره مذکوردر . ص ۱۶۲ و بطبع مصر ۱۶۷ .
(۲) بو نکته عدت وفاتک طول مدتیه و خصوصیه قبل الدخول اولان وفات عدته مبنیدر . کما لایخفی .

ووفات ایدن زوج یاخود انک زوجه سی ویا هرایکی سی صغرسنده بولنمش اولسه بیله عقدک صحتی شرطیله اکا عدت لازم اولدیغی کبی تطلیق و تفریق صورتنده دخی زوجه فاسداً منکوحه بیله اولسه وقوع دخول ویا حصول خلوت شرطیله اکا عدت لازم اولور .

زوجک میتاً مفارقتنده لزوم عدت ایچون شرط اولان :

عقدک صحتیدر (۱) .

حیاً مفارقتنده فرقت کړک طلاق وکړک فسخ و تفریق صورتیله اولسون لزوم عدت ایچون شرط اولان : دخول ویا خلوتدر (۲) .

بناءً علی ذلک عدت شو یله تعریف اولنور : موت ایله یاخود دخول ویا خلوت ایله متأکد اولان (۳) ملک نکاحک (۴) ویا فراش معتبرک (۵) زوالی (۶) و برده و طء بشبهه سببیله قادینه (۷)

(۱) فلاعة لزنا . در مختار . بل يجوز تزوج المذنی بها وان كانت حاملاً لکن یمنع عن الوطء حتی تضع والا فیندب له الاستبراء . ط .

(۲) خلوتی بو بایده صحت ایله تقیمده حاجت یوقدر . صرح به ط فی باب المهر کما مر فی النکاح الفاسد .

(۳) مهر بمحشنه باقکزر .

(۴) نکاح فاسد باینه باقکزر .

(۵) احتراز عن فراش امة موطوءة غیر مستولدة اذ لاعده لها . بخلاف ام ولد مات مولایها أو اعتقها کما سیأتی ولا بد من هذا القید والقوم لم یذکروه . درر .

(۶) فی الجملة وبالجمله زائل اولغه شاملدر . فلا یرد أن الرجعی لا یرول فی النکاح الا باقضاء العدة .

(۷) صغیره یاخود مجنونه اولدیغنه کوره لزوم انک ولیسنه درکه عدت مدتجه انی تربص ایتمیرر . کما فی ط .

لازم کلان تربص^(۱) و توققدر^(۲) .

(نکاح) منکوحاته و (فراش) امهات اولاده^(۳) و (وطء
بشبهه) خطأ زفافه^(۴) کوره در^(۵) .

انواع عدت

مدت تربص : قُرُوء و أَشْهُرُ و وضع حمل و اِبد آجَلین ايله
اولمق اوزره متنوع اولدیغندن عدته انواع عدیده حاصلدر .

(قروء) حیض معناسنه اولان قرءك جمعیدر . (اشهر) آی

(۱) نص عدتك عبارتست .

(۲) آی حرمت تلزمها وقت تربصها لیوافق قوله بعد: و رکنها حرمت . ط .

(۳) ام ولدك جمعیدر . افندیلرندن چوجق کتوردکاری ثابت اولان
جاریه لر دیمکدر .

(۴) بر خانده تاهل ایدن ایکی کیسه دن برینک منکوحه سی دیکرینه مزفوفه
اوله بیلورکه بوحالده وقوعه کلان وقاء وطء بشبهه در . کرچه حرام و مانع احسان
اولدیغندن واطئك قاذفی محدود اولماز ولسکن شبهه متمکنه دافع حدود شرعیه در .
عصر حضرت اُمّامده سؤال وقوع بولمش بر حادثه درکه ایکی برادر ایکی همشیره
تزوج ایدوب زفافده خطا ایتمشلر ایدی حضرت امامدن استفتا ایتدکلرنده
حضرت مشارالیه نلردن هر بری کندی منکوحه سنه طلاق ویروب مزفوفه سنی
تزوج ایلمک اوزره افتا بیوردی . آغاز فقهیه مژک کتاب الطلاقدن بکرمی برنجی
مسئله در . ایسترایسه کز هم انی و هم کتاب نکاحندن اون سکزنجی مسئله نی
اوقویکز . (وطء بشبهه) نك صور سائره سی (تداخل عدتین) ده مذکوردر .
(۵) وله صور اخری مذکوره فی ط ذکرتها فی تداخل العدتین فلیراجع
الی ما یأتی .

معناسنه اولان شهرک جمعیدر . مقصود شهر قریه در . (وضع حمل)
چو جق طوغرمقدر . (ابعداجلین) طلاق و وفات عدتترینک
اک اوزونی دیمکدر .

(قروه ایله عدت) : ذات الحیض اولوبده^(۱) زوجندن
طلاق بائن و یارجعی و یا فسخ طریقله مفارقت اولان و حامل
اولمیان مدخول بها (ومن فی حکمها) حقه در^(۲) که اوقادین
تحت مسلبه کتابیه دخی اولسه^(۳) حره اولدیغنه کوره تام
اوچ حیض^(۴) و غیر حره^(۵) اولدیغنه کوره تام ایکی حیض
کورمدکیجه زوج دیکره عقد اولنه ماز .
بدعیاً تطلیق اولندیغنه کوره طلاق واقع اولدیغی حیض
داخل حساب اولماز .

حره منوال مشروح اوزره اوچنجی و غیر حره ایکنجی
حیضدن پاک اولمقله^(۶) عدت انقضایدر . اندن صکره زوج

(۱) کتاب الطهاره مذك احوال نساء فصلنه باق کز .

(۲) حاملک عدتی وضع حلی ایله در . مدخول بها اولمیان عدت یوقدر .

(۳) تحت کتابیه اولان کتابیه حامل اولدیجه اکا عدت لازم اولماز .
کامروسیاتی .

(۴) حیض اولی رحمک تبین براءتی و حیض ثانیه نعمت نکاحک بیان مزیتی
و حیض ثالثه حریتک فضیلتی ایچوندر . کنذا قالوا .

(۵) باب قسمده مذکور اولدیغی اوزره رق فروع حله دخی کرامات
دنیویه اهلیتمه کمال حاله مناف اولدیغندن غیر حره نک عدتی ایکی حیض و یا نصف
مقدردر . علی مایذکر .

(۶) پاک اولق : مدت حیضک اکثرته کوره اون کونی تملاق ، انک
مادونته کوره انقطاع دم ایله اغتسال الخ ایتمک ، در . کتاب الطهاره مذك یوز
سکسان ایکنجی صفحه سنه باق کز .

دیگره عقد اولنه بیلور .

طلاق رجعی ایله مطلقهیه کوره زوجنك حق رجعتنك انقطاعی
دخی انقضاء عدت احکامندندر .

(طلاق رجعیدن اولان عدتی ایچنده اعتاق اولنان جاریه نك
عدتی حره عدته منقلب اولور^(۱) . جاریه معتده اکر مبتوته^(۲)
ویا خود متوفی عنها^(۳) ایسه عدتی حره عدته انقلاب ایتمز .)

ذات الحیض ایکن حیضی مرتفع (بسبتون منقطع) اولان
قادین دخی سنّ ایاسه ایرمدکجه^(۴) شهر ایله اعتداد ایتمیوب
حیض ایله معتده اولور . وبصورته مدت عدت چوق ممتد
اوله بیلور .

(۱) وقد تنوع عدتها خمسة أنواع . انظر الدر مع ط . أفاض فقهیه مزك كتاب
طلاقه شویله مذکوردر :

(مسئله ۱۹) : او هانکی قادیندرکه زوجی تطلیق ایتمش اولقله اکا درت
عدت بکله مک لازم کلدشدر ؟ (جواب) : او شول صغیره جاریه درکه بر حرك
تحت نکاحنده ایکن زوج اتی تطلیق ایتمش اولور صغیره بولندیغی ایچون
شهور اوزرینه عدت بکله مسی لازم کلوب جاریه اولق حسیله نصف مقدری
اولان بر بچق آی اوزرینه عدت بکله مکده وعدتی منقضیه اولق اوزره ایکن عادت
کوررك بالغه اولور بو حالده عدتی عادت حالنه منقلب اوله رق ایکی عادت
(حیض) بکله مکده ایکن آزاد اولنور انقضایه یوز طوتمش اولان ایکنجی عدتی
شمی حره لرعدته منقلب اوله رق اوج عادت (حیض) بکله مک لازم کلورانی ختامه
ایردرمک اوزره ایکن زوجنك وفاتی وقوعه کلکله اکا عدت وفات اولان درت
آی و اون کون لازم کلور اه

(۲) طلاق کسامش ، بیتمش .

(۳) زوجی وفات ایتمش اولان قادینکه اکامطلقه وزنده (مخلفه) دخی دینور .

(۴) کتاب الطهاره مزك احوال نسا فصلنه باقکنز .

(اشهرایله عدت) : ایکی نوعدر . بری صغیره یا خود آیه (۱)
حقنده حیضه بدلدرد که صغر سنه و یا کبر سنه مبنی ذات الحیض
اولمیان و سنأ بالغه اولوبده حیض کورمالمش بولنان غیر حامل
مدخول بها قادین مطلقه اولدوقده هر آی برحیض مقامنه قائم
اولوق اوزره حره آیه اوچ ، و غیر حره آیه بریحقی ، آی عدت
بکدر . مبدأ : اول شهر اولور آیه غره ، و اولماز آیه ایام ، حساب
اولنور .

اثناء عدتده حیض کورن مراققه عدتی حیض ایله
استیناف ایدر . ختام اشهردن صکره کوریلان حیض موجب
استیناف اولماز .

امتداد طهر ایله منتظره حیض اوله رق سن آیه ایرن دخی
اوسنه وصولندن اعتباراً اشهرایله اعتداد ایدر .

دیگری زوجك وفاة مفارقتنده حمل اولدیغنه کوره عقد
صحیحه (۲) حره حقنده درت آی واون کون (۳) و غیر حره حقنده
ایکی آی و بش کون عدت ترتب ایتمکدر .

جاریه غیر مستولدهیه عدت یوقدر . یعنی برکیمهسه ولدی
کنندن ثابت اولمیان اوطه لق جاریه سنی آزادی و آزادسز بلا عده
آخره تزویج ایده بیلور . ام ولدینی دخی قبل الاعتاق بلا عده
تزویج ایدر .

(۱) کتاب الطهاره: نك احوال نساء فصلنه باقكر .

(۲) نکاح فاسده عدت وفات یوقدر . هندیه .

(۳) والمعتبر عشرة أيام وعشر ليل من الشهر الخامس سواء كانت مسامة أو كتيابة
أو صغيرة اذا كان زوجها مساماً أو جوهرة .

ام ولده عدت افندیسنك وفاتسنده یاخود اعتاقدنه لازم
اولور .

افندیسی وفات یاخود کنیدیسنی آزاد ایتمش اولان غیر حامل
ام ولدك عدتی وشبهه ایله یاخود نکاح فاسد ایله موطوءه اولان
غیر حامل قادینك وفات و فرقت صورتلرنده کی عدتی دخی ذوات
الحیضدن اولدیغنه کوره قروء ایله واولمیدیغنه کوره اشهر
ایله در (۱) .

(وضع حمل ایله عدت) : حوامل ایچوندرکه زوجندن حامل
اوله رق مفارق اولان قادین وضع حمل ایتمدکجه زوج دیگره
کسیده مز . زوجی كرك وفات ایتمش (۲) ، كرك کنیدیسنی تطلیق

(۱) بونلرده موت ایله طلاق مساواتی نص کرعه [وینرون أزواجاً]
بیوریلوب بونلر ایسه زوجه اولمیدیغنه بناء در . جوهره . بونلرده کی غیر حامل
قیدی حاملك وضع حملن بشقه عدتی اولمیدیغنه منیدر . کما یأتی . در مختارده
ام ولدك افندیسنه حرام اولماسی قیدی دخی زیاده ایملشدرکه بشقه سنه منکوحه
یاخود معتده اولقی ویا فاندینك یتشمش اوغانی تقبیل ایتمك مثلی اسباب ایله افندیسنه
حرام اولان ام ولده عدت یوقدر . ام ولده متعلق مسائل دقیقه دندرکه امهات
اولادینی کنندینك حر اولان خدامنه تزویج ایتمك ایستیان برذاتك رأینی علماء
عصری صواب کورد کاری حالده شمس الانمه تخطئه ایدوب : اوخادمردن
هر برینك تحت نکاحنده برر حره واردو انلر اوزرینه کنیدلرینه جاریه تزویج
اولنه ماز دیمشدر . بوکا چاره اولقی اوزره او ذات : بن انلری آزاد ایتم .
دیمش و طرف علمادن ینه تصویب کورمش ایکن شمس مشارالیه : بوده شمعی
اوله ماز چونکه امهات اولاده بعدالاعتاق عدت لازمدر معتداتی تزویج ایتمش
اولیورسکنر دیمشدر . کما فی ط . محرمات فصلنده جمع دیگر ایله اولان سبب
تحریمه باقکنر .

(۱) (سورة نساء قصری) — که سورة طلاقدر — (سورة نساء طولی) =

ایلیش و یاخود بینلرنده فسخ و تفریق و یامتارکه (۱) واقع اولمش اولسون و کندیس کرک حره و یامملوکه یاخود مدبره و یا مسکاته و یا ام ولد و مستسعاة (۲) و مسله و یا کتابیه بولسون و قارننده کی چوجق کرک ثابت النسب اولسون ، کرک اولسون ط . معتده بالحمل اولان قادین ایچون وضع حملدن بشقه عدت اولمیوب قادینجغز زوجنک طلاق و یا وفاتندن برکون و یابر ساعت صکره دخی وضع حمل ایتسه منقضیه العده اولمش اولور . وضع ایتدیکي ولد بردن زیاده ایسه انقضاء عدت ولد اخیر ایله در (۳) .

مطلقة رجعیه اکثر ولدک ظهوریله زوجندن بائن دوشر (۴) . جوهره (۵) .

== دن مؤخر النزول اولدیغی حضرت علیجه متعین اولدیغندن نصوص متعارض و عدت موضع احتیاط اولق حسبیه زوجی وفات ایهن حامل قادینک عدتی نزد حضرت مشارالیه ابعء اجلیندرکه عدت وفات ایله عدت حملدن هانکیسی اطول ایسه اودر . تکمیل اصولک عام بختنده مذکوردر . بوندن صکره کی (ابعء اجلین) بو دکلدر .

(۱) نکاح فاسد بابنه باقکز .

(۲) اقسام ارقاء ایچون نکاح رقیق فصلنه مراجعت ایدکر .

(۳) لان الحمل فی قوله تعالى (أن یضعن حملهن) اسم لجمع ما فی البطن اه

در مختار .

(۴) وفی البحر خروج اکثر الولد کالکل فی کل الاحکام من انقضاء العدة و وقوع الشيء المعلق بولادتها الا فی حملها للازواج احتیاطاً فتجرم علی الاول لانقضاء العدة (فی الرجعی) ولا تحل للثانی لعدم وضع جمیع الحمل احتیاطاً فیهما اه مع ط زیادة بین هالاین متصرفا فی العبارة .

(۵) قال فعلى هذا ینبغی أن تنقضی العدة بظهور اکثر الولد .

مستبین الخلقه اولان سقط دخی وضع کبیدر^(۱) .
 (ا بعد اجلین ایله عدت) : مرض موتنده فار اوله رق^(۲)
 بائنأ ایقاع طلاق واثناء عدتده وفات ایتمش یولان کیمسه نک
 مدخوله مطلقه سی حقنده درکه او مطلقه طلاق یاخود وفات عدت لرندن
 هانکیسی ا بعد واطول ایسه آنسکه معتده اولور^(۳) .
 عند الطرفین حکم مسئله اشته بودرکه عدت طلاق اولان
 (مثلاً) اوچ حیض منقضی اولوبده عدت وفات منقضی اولماز ایسه
 عدت وفاتک انقضاسنه انتظار اولنمق لازم کلور . عدت موت منقضی
 اولوبده عدت طلاق منقضی اولماز ایسه عدت طلاقک انقضاسی
 انتظار اولنور . درر^(۴) .

(۱) وان اسقطت سقطاً ان كان مستبين الخلق أو بعضه انقضت به العدة
 والا فلا ه جوهره .
 (۲) طلاق مريض بانه باقکر .
 (۳) وهذا غير أبعد الاجلین الذي قال به سيدنا علی رضي الله تعالى عنه في الحامل
 التي توفي عنها زوجها كما قدمنا في الهامش الثاني من ص ۲۳۷ .
 (۴) طرفينه یعنی امام ابوحنيفه حضر تریله امام محمد حضر ترینه کوره او قادین
 شویله بر درت آی واون کورت عدت بکاه مک لازم کلیورکه او مدت ایچنده
 وقت طلاق سنیدن اعتباراً قادینک باشلا دیفی طلاق عدتی تام اوچ حیض اوله رق
 موجود و متحقق اولمش اولسون . امتداد طهر وقوعیله سن ایاسه دکن سنه لر
 کچه ییلور . درت آی واون کون کچوبده امتداد طهری جهتیله اوچ حیضی
 اکال ایتمیان مطلقه مزبورده عدتی ایچنده عد اولندیفی کی درت آی واون کونک
 تمامندن اول اوچ حیضی اکال ایدن دخی عدتی ایچنده اولوب هنوز منقضیه
 العدة اوله مامشدر .

امام ابو یوسفجه اکا لازم اولان عدت طلا قدرکه اوچ حیضدن عبارتدر .
 مقتضای قیاس دخی بودر چونکه نکاح موت ایله دکل ، طلاق ایله زائل =

ایقاع اولنان طلاق رجعی اولدیغنه کوره کرک صحتده ، کرک حال مرضده ایقاع ایدلمش اولسون حکم نکاح باقی اولمغله زوجک اثناء عدتده وفات ایتمسيله عدت طلاق منخرم (منهدم) اوله رق قادینه اتفاقاً عدت وفات متعین اولورکه یوم وفاتدن اعتباراً درت آی واون کون بکمر . چونکه نکاح انجق موت ایله زائل اولمشدر .

عدتک انواعی بونلردرکه ذکر اولندی . خلاصه سی اختلاف احوال و ذواته کوره مختلف اولمقدر : مدخول بها و من فی حکمها اولان قادین هر نه صورتله اولورسه اولسون زوجندن حیاً مفارق دوشدکده حره ذات الحیض اولدیغنه کوره اوچ ، و مملوکه ذات الحیض اولدیغنه کوره ایکی ، حیض ایله معتده اولور . حره غیر ذات الحیض اوچ ، و مملوکه غیر ذات الحیض برنجق ، آی ایله معتده اولور . مدخول بها اولسون ، اولسون عقد صحیح ایله منسکوحه سی بولندیغی زوجنک وفاتیه اندن مفارق دوشن قادین وقیز حره ایسه درت آی واون کون ، و غیر حره ایسه ایکی آی و بش کون ،

== اولمشدر . عدت وفات نکاحک موت ایله زوالنده در . ارث حقنده نکاحک بقاسی اجماع اصحابدن طولانی احتیاطه مبنی حکمآدر . رجعیده اولدیغی کبی بقاء نکاح یوقدرکه عدت تغیرایده بیلسون .

قول طرفین اولان استحصانک وجهی بودرکه قادین اکا وارثه قیلندیغی ایچون نکاح وفاته دکن حکماً قائم (موجود) عد اولمشدر . زیرا ارث انجق نکاح ایله در . ارث حقنده قائم اعتبار اولنان نکاح عدت حقنده دخی قائم صایلمش و صایلمغه احق اولمشدر . چونکه شک ایله ارث جاری اوله ماز ایسه ده شک ایله عدت واجب اولور اه من تبیین الزیامی .

ایله معتده اولور . بونلر حائل حقننده در . حاملک عدتی انجق وضع حمل ایله در . طلاق فارّ ایله مطلق اولان کیمسه نك زوجّه مدخوله مطلقه سی اثناء عدته زوجی وفات ایتک تقدیرنده ذکر اولندیغی اوزره ابعدا اجلین ایله معتده اولور ^(۱) .

عدتک مبدأی وقوع مفارقت حینیدرکه زوجک طلاق ییا وفاتی وفسخ ویا متارکه ایله فراقی متعاقب معتده اولمی لازم کلان زوجّه ^(۲) عدت بکله مکه باشلامش اولور ^(۳) .

سبب عدت اولان طلاق یا خود وفاتی قادینک بیلسی لازم دکلدر . قادین کندی نك مطلقه اولدیغی یا خود زوجک وفات ایتدیکنی بیلسه بیله مدت معینه سنک گذران اولمسیله عدتی انقضا بولمش اولور . حتی خبر طلاق ویا خبر وفات کندیسنه عدتک انقضاسندن صکره واصل اولان قادین أزواجه حلالدر . طلاق واقعی زوجک اقرار ویا انکار ایتمی سیاندر .

زوجّه سی تطلیق ایدوب بعده انکار طلاق ایلیان کیمسه نك علیهنه یینه اقامه اولنهرق مفارقت حکم قاضی لاحق اولمق صورتنده

(۱) نکاح فاسد ایله ویا شبهه ایله موطوعه اولان متوفی عنهانک ومعتقه یا خود افندیسی وفات ایتمش بولنان ام ولدک عدتی قسم اولدندرکه یا اوچ حیض ویا خود اوچ آیدر . کما مر .

(۲) احتراز عن غیر المدخول أو المختلی بها فی غیر صورة الوفاة .

(۳) بوندن طلاق مبهم مستنادرکه ایکی زوجّه سنه خطاباً «سزک برکز مطلقه» در «دیبان کیمسه تعیین ایله ملزم اوله جفتندن انک مطلقه سنک عدتی وقت بیاندن بدء ایدر . کما فی الدر . اگر قبل البیان زوج وفات ایدرسه انلرک هر برینه شویله برر عدت وفات لازم کلورکه انده اوچ حیض استکمال ایدلمش اوله . ط عن الشر بنلایة .

ادعا شوالده و حکم محرمده واقع اولسه عدت رقت حکمدن دکل ، وقت طلاقدن معتبر اولور . کما یاتی (فی ص ۲۵۲) .
عدتک رکنی : لزوم حرماندرکه معتده نک زوج دیکره تزوجی اکاوتزوج ایدنه و بیت عدتدن خروجی کند یسنه حرام اولمق و همشیره سنی یا خود خاله و یا تیزه سنی تزوج انک زوجنه حرام اولمقدردر .

عدتی ایچنده زوجنک درت زوجنه تزوج ایدمه مامسی و معتده حره اولدیغنه کوره انک اوزرینسه زوجنک ملوکه غیری تزوج ایلیمه مامسی دخی جمله حرماندنردر .
عدت زوج مطلقک غیری ایچون موانع نکاحدن ایسه ده انک نکاحنه مانع دکلدر و انک مادام العده والعدد ایقاع طلاق دخی صحیحدر ، بوده نفقه کبی جمله احکام عدتدنردر .
مطلقه عدتنک انقضاسنی سویله مک وزوج مطلق انی تکذیب ایتیمک صورتده زوجنه نک قوی — اگر مدت اکا متحمل ایسه — یمینیه قبول اولنور^(۱) اگر مدت اکا متحمل دکل ایسه قبول اولنماز^(۲) .

عدتک محظوری : معتده منزل عدتدن چیقماق و طلاق بانه کوره تطیب و تیزین ایتیمکدر . تسکیم حداد فصلنده مذکوردر .

(۱) چونکه بوبابده قادین و دیعه نک رد و یا هلاکنی ادعا ایدن مودع کبی امیندر . تحلیف دخی قول امامیندر قول امام دکلدر . ط .

(۲) چونکه امین انجیق ظاهره مخالف اولمیان خصوصده تصدیق اولنور . در مختار . عدت شهر ایلله اولدیغنه کوره مقدر : آیتده مذکور اولان اوچ آیدر . حیض ایلله اولدیغنه کوره انک حره حقنده اقلی التمش کوندر . غیر حره حقنده قرق کوندر .

(بیت عدت) و تعبیر دیگر ایلہ (منزل عدت) : زوجینک
بینلرنده زوجیت قائم ایکن مساکن اولدقلری خانهذر .

عدت مدتده قادن اورایه ملازم اولوب ضرورت
اولدقجه خارجه حقیقه مدیغی کبی حق شرع اولدیغیچون کندیس
اورادن اخراج دخی اولنه ماز . (احکام طلاق رجعی وبائنه
وآتیده حداد فصلنه باقکنز .)

اهل کتاب وجوب عدتی معتقد اولدقلرینه کوره انلرک
اهل ذمت اولانلرینک کندی مطلقه ومخلفه لرینه دخی عدت
اتفاقا لازمدر .

(حریفنک مطلقه سی اولان حریبه یه بالاتفاق عدت یوقدر .)
وجوب عدتی معتقد اولدقلرینه کوره انلرک مطلقه ویا
مخلفه سی حامل دکل ایسه عندالامام عدتده لازم دکلدر (۵) .

بناءً علیه انی برمسلم ویا غیر مسلم فی الحال تزوج ایدیه ییلور .
حامل ایسه اتفاقا وضع حمل عدتی لازم اولدیغی کبی تحت مسلمان مطلقه
ویا مخلفه اولان کتابیه ذمیبه دخی — حامل اولسون ، اولسون
وانلر وجوب عدتی کرک معتقد اولسون ، کرک اولسون — عدت
اتفاقا لازمدر چونکه مسلم انی معتقد در .

[*] لأن العدة لو وجبت عليها لا يخلو إما أن تجب حقاً للشرع أو للزوج .
ولا وجه للاول لأنها غير مخاطبة بحقوق الشرع . ولا للثاني لأن الزوج لا يعتقده .
وقد أمرنا بتركهم وما يدينون . لكن روى عنه أنه لا يطؤها حتى تستبرأ بحیضة .
وعنه لا يتزوجها إلا بعد الاستبراء . وقال عليها العدة اه ط من موضعین .

تباین دارین (۱) ایله زوجندن مفارق اولان مَسْبِيَّة (۲) حامل اولدقجه اکا عدت لازم دکدر . چونکه عدت . واجب اولدیغی یرده — حقاً للعباد واجب اولور حربی ایسه ملحق بالجناد در (۳) .

دین اسلامی ویا ذمت اهل اسلامی قبول ایدرک چیقوب داراسلامه کلان ویاخود مستأمنه اوله رق کلوب بوراده مسله ویا ذمیه اولان قادین دخی بویله درکه اکاده عدت لازم اولماز . مکرکه حامل اوله . اوخالده وضع حمل ایتمدکجه تزوج اولنه ماز (۴) .

تداخل عدتین

معتده اولان قادین بر شبهه یه مبنی موطوءه اولدقده سبب تجدد ایتدیکیچون برعدت دها لازم کلسکله ایکی عدت متداخل (بری برینک ایچنه کیرمش) اولور . (۵) شویله که : برکیمسه

(۱) انکحه کفار بانه باقکر .

(۲) باب مذکوره باقکر .

(۳) آی فلاحرمة لفراشه فیجوز تزوجها فوراً . ط .

(۴) لالانها معتده بل لان فی بطنها ولدأ ثابت النسب . در مختار . وقد مر فی أنکحة الکفار .

(۵) وعند الشافعی لاتتداخلان . وحاصل الخلاف راجع إلى أصل وهو : أن الزکن فی العدة هل هو الفعل أم ترك الفعل ؟ فعنده هو الفعل لکونها مأمورة بالترمس الذی هو الکف عن التزوج وعن الخروج وهو فعل . ولا يتصور فعلان فی وقت واحد : کالصومین فی يوم واحد . وعندنا الرکن ترک الفعل . وهو ترک التزوج وترك الخروج . ويتصور ترک أفعال كثيرة فی وقت واحد : کترک مطالبات كثيرة . ولهذا تجب علی من لا فعل علیها أصلاً کالصبية والمجنونة . کذا فی الجوهرة النيرة .

کندینک بائناً مطلقه سنی مطلقه رجعیه سی کی اثناء عدته کندینسه حلال اولور ظنیه و طء ایلسه یاخود مبتوته معتده سنی بلا حله زوج واکا دخول ایتدکن صکره فساد نکاحه مبنی ینلری تفریق اولنسه و یاخود بر معتده خطاً بر کی مسه یه مز فوفه اولوب آیرلسه یاخود زوجنک وفاتندن ویا تطلیق ایتمسندن طولانی هنوز معتده بولنان قادینی بر کی مسه فاسداً تزوج ایدوب و طء ایلدکن صکره ینلری تفریق ایدلسه — که اشته بونلر (وطء بشبهه) انواعیدر — کذلک بر کی مسه کندینک معتده سنی نکاح صحیح شرعی ایله زوج ایدوب بعد دخول و حتی قبل دخول والخلوة (۴) ینه تطلیق ایلسه ایکنجی اوله رق لازم کلان عدت اولکی ایله تداخل ایدوب قادینک کوردیسی حیض عدت لک ایکیسنه دخی محسوب اولور :

ایکنجی عدت کندی سببندن باشلا یه رق اولکینک مدتی منقضیه اولدقن صکره ایکنجینک نقصانی اتمام اولنور . مثلاً و طء ثانی — که و طء بشبهه دیدیکم زدر — اوچ حیض ایله اعتداده محکوم بولنان قادینک بر حیض کوردیکنندن صکره وقوع بولسه اکا مرةً ثانیه مستقل اوچ حیض ده

[*] چونکه عقد اول صحیح اولسون اولسون انده کی دخول عقد ثانی صحیح اولق شرطیه انده کی دخول حکمنده در زیر و طء اولک بقاعه اثری جهتیه — که عدتدر — قادینک معتده سی دیعکدر . کما فی الدر . أما عقد ثانی صحیح دکل ایسه انده دخول و یا خلوت اولدقجه عدتک استیناف و تداخلنی داعی بر سبب اولامغله قادینه انجق عدت اولاسنی اتمام لازم اولور چونکه عقد فاسد ده زوج و طئه شرعاً ممکن اولدیفیم چون او عقد حکماً و طء عد اولنه ماز . لعدم امکان الحقیقه . کما فی ط .

کورمک لازم کلبوب کوردیکی ایلک حیض کندینک عدت اولاسنه عائد اولدیغی کبی اندن صکره کوره جکی ایکی حیض دخی اکا عائد اوله رق عدت اولی انلرله ختام بولمش اولمقله برابر اوایکی حیض همده عدت ثانیه سنه محسوب اوله رق انک یالاکز برحیض ایله اتمام اولنمسی لازم کلور .

اگر وطء ثانی حیض کورمدين وقوع بولمش ایسه اکا اوچ حیضدن بشقه برشی لازم کلزکه او اوچ حیض التی حیض مقامنه قائم اولور . کما فی الدرر .

اشهر ایله اولان عدت دخی بویله درکه آیه اولان مطلقه عدتی خلالتده موطوءه بشبه اولدقده عدتله تداخل ایتمکله عدت ثانیه سنی حساب سابق وجهله اشهر ایله اتمام ایدر .

معتده وفات اولان قادین اشهر ایله اعتدادی ائناده موطوءه بشبه اولور وکندیسی ذات الحیض دخی بولنور ایسه کوردیکی حیضی اوچه اکمال ایدر . اگر اثناء اشهرده دم کورمدی ایسه تام اوچ حیض کورمک لازم کلور .

کرك معتده طلاق ویافسخ وکرك معتده وفات حائل ایکن اثناء عدته کی وطء بشبه سببيله حامل اولسه بری قروء ویا اشهر ایله ویدیگری وضع حمل ایله اولقی اوزره ایکی عدت لازم کله جکندن بونلر تداخل ایتمکله قادینجغزک عدتی وضع حمل ایله منقضی اولور . مکرکه بعد وفاة الزوج حادث اولان حملک زنادن اولدیغی متبین اوله .

زنا ایچون عدت اولمديغندن او حالده قادین انجق عدت وفات ایله معتده اولور .

تکیم زوج صبینک وفاتندن صکره حامل اولان قادین (۱)
زوجنک وفاتنده حواملدن اولمديغیچون اجماعاً عدت وفات
ایله معتده اولور . کما فی الدر مع ط وائر و هکذا ینبغی التحریر .

نّفقهٔ عدت

نّفقه کتاب نکاحک صوکنده ذکر اولنديغی اوزره : طعام
وکسوه و سکنادن عبارت اولمق اوزره تعریف اولنور ایسهده
عدته عاندا اولان نفقه دن — مدت علی الاکثر تمتد اولمديغیچون
— لباس ساقطدر .

(چو جق اولديغنه کوره حتی حضانه ایچون بابنه مراجعت
اولنسون .)

نّفقهٔ زوجه انک نزد رجلده حبس نفس ایتمش اولمنسک
جزاسی (قارشولغی) اولمق اوزره زوج اوزرینه واجب اولديغی
جهتدن شبیه عوض (۲) برصله اولديغی کبی نفقهٔ عدته دخی
ذکر اولمان معنای احتباس ملاحظدر . انک ایچون نفقه لازمه
عدت اولمشدر .

هر فرقت — که موجب عدت و زوجه جانبندن بلامعصیه در —
موجب نفقه در (۳) .

(۱) بان ولدت لنصف حول فأکثر . در مختار

(۲) کتاب النکاحک نفقه بابنه باقکتر .

(۳) فرقت واقعه کرک طلاق و کرک فسخ نتیجه سی اولسون و طلاق اولديغنه
کوره کرک رجعی و کرک بائن بولنسون و بینونت کرک صغری و کرک کبری اولسون
و مطلقه کرک حامل و کرک حائل بولنسون فسخ اولديغنه کوره دخی کرک زوجک =

قبل الدخول مطلقه اولان زوجه يه عدت لازم اولديغي کي نفقه دخی لازم دکلدیر .

عدتک مستلزم نفقه اولمسنندن (عدت وفات) ايله (فرقت معصیت) عدتی مستلزمدرکه نکاح صحیح شرعی ايله منکوحه اولانک^(۱) زوجی وفات ایتک صورتده کنديسی مدخول بها اولسون اولسون اکا عدت لازم و نفقه غیر لازمدر . چونکه بو احتباس محضا حق شرعدر حتی زوجه نک مدخول بها اولوب اولماسی مساوی اولمشدیر .

فرقت معصیتده دخی معصیت زوجه جانبنده وقوع بولديغنه ومثلا ارتداد ویا ابن زوجی تقبیل ایتمش بولنديغنه کوره انک مدخول بها سنه عدت لازم اولمقله برابر حقنی اسقاطه کنديسی ساعی اولديغي چون نفقه سی ساقطدر^(۲) .

معتدة وفات حامل دخی اولسه اکا ترکهدن نفقه تقدیر

== معصیتنه ویا عدم کفائتنه ویا نقصان مهر دعوی اولنديغنه مبنی اولسون وکرك زوجه نک خیار بلوغ ايله نفسی اختیارینه مبنی بولسون : زوجه نک اسلامی صورتده زوجک عند العرض اسلامدن امتناعی ویا کندينک عنائی یا خود ایللا وملاعنه سی سبیلله مبانه دوشن زوجه مدخول بها به عدت و نفقه لازم اولديغي کي محالعه سبیلله مبانه دوشن زوجه يه دخی عدت لازم وعند المحالعه ذمت زوج نفقه دن ابراء ایدلمش اولمقجه نفقه دخی متحتمدر .

(۱) نکاح فاسدده عدت وفات اولديغي اکلا شامشدیر . وبه صرح فی الهندية

(۲) بیت عدندن چيقماق شرطيله یا لکز حق سکئی ویریلور چونکه بو حق شرع اولديغندن هیچ بر حالده ساقط اولماز . نفقه ايسه انک کندي حقیدر معصیتيله آیر لمقده ساقط اولور قاله فی الدر .

اولماز . (امّ ولدك تركه دن نصیبی اولمديغی جهتله اقمديسی متوفی اولوب کنديسی حامل بولنمق صورتنده اكا مال متروكدن نفقه تقدير اولنور) .

نفقه عدت منتهای عدته دكين ممتدر . حتی اشهر ايله اعتداد ایتمکده اولان مراهقه اثناء عدته دم ~~كور~~مکله کنديسنه استيناف عدت لازم کلدکده عدت جديده سی متناسنه قدر نفقه آلور .

امتداد طهر ايله منتظره حیض اوله رق سن ایاسه ایرن معتده دخی بعد ایاسه — اشهر ايله ایدجکی اعتداد نهایتنه دكين اخذ نفقه ایدر .

نفقه حق زوجه اولمق حسبيله طرف حاکم دن تقدير اولنمیه رق واولبا بده زوجه نك طلب و ترافي وقوع بولمیه رق مدت عدت کذر ایدر سه ساقط اولور .

معتده بالتراضی یا خود بحکم القاضی مفروض (مقدر) اولان نفقه مدت عدتك گذشته اولمسیله ساقط اولماز .

حداد یا خود احواد

عناد وزنده اولان (حداد) و باب افعالین (احواد) : ترین و تطییدن اجتنابدر (۱) .

زوجی وفات ایدن یا خود طلاق بائن ایله زوجندن مطلقه اولان معتدیه مسله و مکلفه اولمق شرطیله حداد واجبدر .

وجوب حداد ده صحت نکاح دخی شرط اولوب غیر مسله و غیر مکلفه اولان معتدیه حداد لازم اولمدیغی کبی (۲) نکاح فاسد معتدیه سنه دخی حداد لازم دکادر .

ملوکه غیر اولوب نکاح صحیح ایله منکوحه ایکن منوال مذکور اوزره معتدیه اولان جاریه دخی نعمت نکاحک کندیسندن زوالنه مبنی وجوباً احواد ایدر :

سوسلنه مز ، سیاه رنگلی دخی اولسه ایپکلی جامه کییه مز (۳) صیق طاراق ایله باشنی طارایه ماز ، الله حنا قویه ماز ، عذری اولمدیجه کوزینه سورمه چکه مز .

زوج مفارقی کندیسنه ترک حدادی امر و تنبیه دخی ایتسه حق شرع اولدیغیچون معتدیه انی ترک ایده مز. کما فی الدر .

قبل الدخول مطلقه یه عدت اولمدیغی کبی حداد دخی یوقدر .

(۱) حدث المرأة علی زوجها تحد وتحد (أی من الباب الاول والثانی) حداداً بالکسر فهی حاد بغير هاء وأحدث احواداً فهی محد ومحدّة إذا ترکت الزینة لموته وأنکر الاصمعی الثلاثی واقتصر علی الرباعی اه مصباح .

(۲) وفي النهر لوبلغت (الصغيرة) فی العدة لزمها الحداد فیما بقی . درمختار . ومثلها المجنونة إذا أفقت . ط .

(۳) واستثنی بمضهم الاسود . قاله ط .

مطلقة رجعية دخی عدت مدتندہ حداد ایله مکلف دکدر .
کندیسنه زوجك رجعتی مأمول اولدقجه تزین ایتمک اکا مندوب
بیله اولور . کافی ط .

مکلفه اولق شرطیله علی الاطلاق معتده (۱) بیت عدته
ملازم اوله جغندن (۲) لیلاً ونهاراً دیشاری چیقماز .

مطلقه ایسه حوائجی زوج کورر . مخلفه اولوبده کیمسه سی
یوق ایسه حاجتی ایچون چیقار ، کیجه بشقه یرده قالمیوب اوینه
کلور .

معتده اولان قادین نه معتده سی اولور ایسه اولسون آخره
منکوحه اوله مدیغی کبی مخطوبه (۳) دخی اوله مازکه بشقه بر
کیمسه انک طالب زوجی اولق حرام اولور (۴) .

معتده وفات اولانه : « بن تأهل ایتمک ایستیورم » کبی لا
علی وجه الصراحه خبر ارسالی جائز اولور .

(۱) یعنی کرب طلاق رجعی ویا بائن مطلقه سی ویا موت یاخود نکاح فاسد
معتده سی اولسون وحره یاخود جاریه مېواه بولسون . کافی الدر . قال ط أما
الامة (یعنی غیر المېواه) والمدبرة وأم الولد والمکاتبة والمستعانة فیجوز لهن الخروج
فی عدة الطلاق والوفاة اه .

(۲) تداخل عدتین قبیلنه باقکیز .

(۳) کتاب صلاتک جمعہ بابنده یازدیغمر خطبه نساء دندر . نشانلی به دخی

اطلاق اولنور .

(۴) قال تعالی [ولانعزموا عقدة النکاح حتی یبلغ الکتاب أجله] برشیئی

نهی انک وجوب ضدیق مستلزم اولور اکر اؤضدک عدمی مقصود بالنهی مفوت
اولور ایسه . کما تقرر فی موضعه .

هند نصرانیہ نك زوجی زید مسلم فوت اولسه ہندہ عدت لازم اولورمی ؟ الجواب اولور . (علی افندی) .

عدت وفات (یا خود عدت طلاق) وقوع وفات (و یا وقوع طلاق) حیندنمی و یا خود خبر وفات (و یا طلاق) وصولندنمی اعتبار اولور ؟ الجواب : زمان وفات (و یا طلاق) دن اعتبار اولور . کافی فتاوی علی افندی . وقد مرت مسأله (فی ص ۲۴۲) .

هندك زوجی زید آخر دیارده ایکن عمرو ہندی (هر فصل ایسه بیلیمهرك^(۱) تزوج ایدوب وطہ ایلدکن صکرہ زید کلوب ہندی عمرو دن تفریق ایتدرسه ہندہ عمرو دن عدت لازم اولورمی ؟ الجواب : اولور . (علی افندی) .

هندك زوجی زید آخر دیارده ایکن زیدك وفاتی شائع اولغله بعد انقضاء العده نفسی عمره تزویج ایدوب عمرو دخی ہندی وطہ ایتدکن صکرہ زید حیاً کلوب ہندی عمرو دن تفریق ایتدرسه هندك عدتی منقضیه اولدین زید ہندی وطہ ایتمك جائز اولورمی ؟ الجواب : اولماز . (علی افندی) .

بو مسئلہ ده ارکك دخی عدت بکلمه مش اولیور .

عدت رجال

ارککلر دخی بروجہ آتی بعض مواضعده عدت بکلر^(۲) :

- (۱) منکوحه غیری یله رك تزوجده عدت اولماز دیدیلر . ولاینجی وجهه .
- (۲) انلرک برطاقی زوج حقنہ نکاح ایچون مانع شرعی دیکدر . نکیم اون یدنجی صفحہ ده اخطار اولمشدر :

(۱) درت زوجه سی اولان کیمسه برینی تطلیق ایتدکده انک عدتی چیمقدقجه دیکرینی تزوج ایده مز .

(۲) مطلقه سنک همشیره سنی ویا تیزه سنی یا خود خاله سنی آلمق مراد ایدن کیمسه انک عدتی چیمقدقجه همشیره سنی الخ آلهماز . (وفات مستشاردر) .

(۳) حره اوزرینه جاریه استنسکاح ایدجک کیمسه حره یی تطلیق دخی ایتسه انک عدتی باقی اولدقجه ملوکهُ غیر اولان جاریه یی کندیسنه نکاح لایه ماز (۱) .

(۴) معتده اولان قادن عدتی منقضیه اولدقجه زوج دیکره واره مدیغی کبی راغبی اولان زوج دیکر دخی انی تزوج ایچون انقضاء عدتنه منتظر اولور .

(۵) زوجه سنی اوچ طلاق ایله تطلیق ایتمش بولنان کیمسه انی تزوج ایتمک ایسترایسه انقضاء عدتندن صکره تحلیل وقوعنه انتظار ایتمک لازم کلور .

(۶) جاریه اشترا ایدن کیمسه بر حیض ویا بر آی بکله مدکجه انی استفراش ایده مز که بوکا (استبراء) تعبیر اولنور .

(۷) برینک کندندن حامل اولان جاریه سنی تزوج ایدن کیمسه جاریه وضع حمل ایتمدکجه انی و طء ایلیه مز (۲)

(۸) حریه اولان ذات الزوج بر قادین مسلبه اوله رق بزه

(۱) کتاب النکاحک محرمات فصلنه باقکمز .

(۲) ام ولد اولمیان جاریه یه اعتناق یا خود وفات عدتی اولمدیغی کی ام ولد بولنان جاریه یه دخی معتقه ویا مخلفه اولمدقجه عدت اولمدیغی اولجه ذکر اولندی .

مهاجرت ایتمک صورتند حامل اولمدکجه تربص لازم دکل ایسه ده حامل اولدیغنه کوره وضع حمل ایتمدکجه انی تزوج حلال اوله ماز . آله جق آدم او مدتی منتظرا ولور (۵) .

(۹) دار حربدن سبی اولنمش اولان قادین دخی بر حیض کورمدکجه وذات الحیض دکل ایسه بر آی کچمدکجه وطء اولنه ماز .

(۱۰) مکاتب اولان جاریه آزاد اولمدکجه انک نسکاحی و تأدیة بدل کتابتدن اظهار عجز ایتمدکجه انک وطئی کندی مولاسنه حلال اولماز .

(۱۱) مرتده نک و کذا و ثنیه نک و مجوسیه نک نسکاحیچون اسلامنه انتظار اولنور .

(۱۲) زناده عدت اولمدیغیچون حامل بولسان زانیه یی تزوجه بأس یوق ایسه ده وضع حمل ایدنجه قدر انی وطء ایتمک حلال اوله ماز . (حملی زنادن اولمیان حامل معتده اولدیغیچون انک قبل الوضع نسکاحی صحیح اولمیوب زانیه نک حملی کسندنن ایسه وضع حمله ده حاجت اولماز .)

حیض یا خود نفاس اوزره اولان قادینک نکاحنه مانع یوق ایسه ده او حاللر وطئه مانع اولدیغندن حال طهرینه انتظار ایدلمک لازم کلور .

(*) انکجه کفار فصلنده تباین دارین بحثنه باقکز .

حضانه

حانك فتح وكسرى ايله اولان (حضانه) باب اول و ثانیدن مصدر اوله رق قوجاغه آلق و قولچقه اولق (۱) ديمكدركه بسيليوب بيوتلك اوزره ياننده بولندرمق معناى متضمندر . صاحبنه (حاضنه) تعبير اولنوركه والدهيه وساثر اهل حضانهيه شاملدر .

ولدك نفقهسى — والدينى ايهسنده زوجيت كرك قائم اولسون ، كرك اولسون — پدره و حضانهسى والدهيه عاتدر . اولادك منافع ماليهسنه پدر اقدر (دها قادر) اولديغيچون چوجقلرك امرا موالى رجاله (پدرلره) و منافع بدنيهسنه والده اقدر بولنديغيچون انلرك امرا بدانى سايه (والدهلره) مختصدر . پدرلر اتفاقه مجبور و والدهلر حضانهيه غير مجبوردر .

ارباب حضانه على الترتيب شونلردر : ام ، ام الام ، ام الاب ، اخت لا بوين ، اخت لام ، اخت لاب ، خاله لا بوين ، خاله لام ، خاله لاب ، عمه لا بوين ، عمه لام ، عمه لاب الخ (۲) .

(۱) الرجل يترك برأدانيه وهو الى الاباعد محسن ، والتعامه تهجر بيضا وبيض أخرى تحضن اه من نوابغ الكلم .

(۲) زيد صغيرك حق حضانهسى باباسنك اناسى زينب ايله لا بوين قرقرنداشى خديجهدن قنغيسنكدر؟ الجواب : زينبكدر .

زيد صغيرك حق حضانهسى لا بوين خالى عمرو ايله عمى بكردن قنغيسنكدر الجواب : بكركدر .

زيد صغيرك حق حضانهسى زيدك اناسنك هند ايله زيدك باباسنك ارقرنداشى قزى خديجهدن قنغيسنكدر؟ الجواب : هندكدر .

چوجغك ارلك ايسه یدی وقیزایسه طقوزیاشنه قدر حق
حضانه سی کندی والده سی وارایسه آنکدر (۱) یوق ايسه
ویا خود حق ساقط اولمش ايسه صره سیله دیکرار باب حضانه نکدر .
ارلك چوجق قادینلردن مستغنی اولنجه قدر — که قول مفتی به
اوزره یدی یاش ایله تقدیر اولنمشدر (۲) — اکا حاضنه سی احقدر .
اندن صکره پدرینه ویریلور (۳) . قیز چوجق ظاهر روایتده
بالغ اولنجه قدر — که قول مفتی به اوزره طقوزیاش ایله تقدیر

زید صغیرك نسواندن کیمسه سی اولیوب رجالدن اناسنك باباسی عمرو ایله
باباسنك باباسی بکردن غیری کیمسه سی اولسه صغیری عمرو وبکردن قنغیسی
تریبه (حضانه) ایدر ؟ الجواب : بکر .

هند صغیره نك حق حصانه سی اناسنك اناسنك اناسی زینب ایله باباسنك
اناسی خدیجه دن قنغیسنکدر ؟ الجواب : زینبکدر . (بهجه) .
(۱) یعنی سوت آنانك حق حصانه سی اوله ماز . رضاعدن اولان همشیره
وتیزه وخاله دخی بویله در . ط .

(۲) چونکه اکل و شرب ولباس واستنجادن عبارت اولان امور اربعه نك
حصولنده غالب اولان سن مذکوردر . اگرچوجغك سننده ابوینی اختلاف
ایدرلر ايسه یالکزباشنه اکل و شرب واکتسا واستنجا ایده بیلمسنه باقیلور .
بونلره قادر اولان چوجق پدرینه جبراً ویریلور چونکه انك نفقه سی کبی صیانتی
دخی بالإجماع بابایه در . پدر بوبابده جبر کورر . (وکذا سائر عصبات) . امور
اربعه مذکوره نك تمامه ویا بعضیسنه قادر دکل ايسه ویرلز . (استنجا) دت
عند الحاجة طوننی چوزوب باغلامغه وظهار تلنمکه اقتدار مقصود در . کما فی
الدر مع ط .

(۲) چونکه ارلك چوجق قادینلره احتیاجدن مستغنی اولدقده آداب
واخلاق رجال ایله متأدب و متخلق اولمغه محتاج بولنور . بوکا پدر اقدردر . ط .

اولنمشدر^(۱) — اکا ، اناسی وییوک اناسی احقدر^(۲) . بعدالبلوغ قیز دخی حفظ وصیایته محتاجدرکه اکاده بابا اقوی واهدادر .
کرك ارکک وکرك قیز چوجق ایچون سن حضانه دن صکره وبلوغدن اول^(۳) ابوینندن برینه کیتمک اوزره مخیرلک یوقدر .
انادن انه جق سنه واصل اولدقده چوجفی بلاتخییر بابا اخذ ایدر .
منفعت ولد اعتباریله والده حق حضانه یه مالک اوله بیلمک ایچون حروعاقل و امین وحفظ وصیایته قادر وزوج اجنیدن خالی اولمق شرطدر .

شروط مذکورهی حائز اولان والده ولوغیرمسلبه وحقی مجوسیه اولسون چوجغنه احقدر . چونکه شفقت اختلاف دین ایله مختلف اولور شی دکلدر . شوقدرکه ولدمسلم تعقل دین ایدوبده کفره الفت ایلمکدن خوف اولنور ایسه حق حضانه مدتندن اول دخی والده غیر مسلبه سندن اخذ اولنور .
شروط مذکوریه بناءً جاریه آزاد اولنمدتجه چوجغه احق دکلدر^(۴) .

-
- (۱) فتاوی ولوالجیه ده سن اشتها ایچون حد مقدر یوقدر چونکه بو ، اختلاف حال مرأه ایله مختلف اولور دیمشدر . ط .
(۲) کرك انا اناسی وکرك بابا اناسی الخ اولسون . چونکه قیز چوجق سن استغناء دن صکره معرفت آداب نسایه محتاج بولنور که بوکاده قادین اقدردر . ط . انلرک غیربسی ده انلر کبیدر ککافی الدر .
(۳) أما بعده فیخیر بین أبویه الا اذا یخشی علیه شیء فالأب أولى من الأم وله أن يضمه إلى نفسه لأنه أقدر علی صیایته . وان أراد الافراد فله ذلك أى ان کان مأموناً علیه . درمعط .
(۴) کرك امه وام ولد وکرك مدبره ویا قبل الکتابه اوچوجفی طاوغرمش مکاتبه اولسون چونکه انلر خدمت مولی ایله مشغللردر .

لکن (ولد) رفیق ایسه مولانک اولدیغیچون والدهسی اکا
احققدر . درختار .

امولد دخی مولاسنک وفاتنده ولدینه احق اولور . کافی
بهجة الفتوی .

عاقله اولمیان آنانک حق حضانهسی ده اولماز .

ابه واولویقاییجی و حمام اوستهسی کی کثرت خروج و مشاغله
مبتلی اولوبده چوجق حقنده مأمون اولمیان والده حق حضانهدن
ساقطدر .

مرته اولوبده حبس اولنمقدن و فاجره اولوبده کندی
هواسیله وحتی شوکا بوکا ترکی سویلکله مشغول بولنمقدن (۱)
ویاخود چوجقی اکا بغض ایدنلر یاتنده بولندرمقدن اولدیغندن
ناشی ولدینی حسن امسا که و حفظ وصیانه قادرعد اولنمیان والده
حق حضانهدن ساقطدر .

چوجنک محرمی اولمیان ییانیجی برکیمسه یه واران آنا دخی
حق حضانهدن ساقطدر (۲) .

درختار . همدن حضانه برنوع ولایتدر جوارینک ایسه کندیلرینه ولایتلی
یوقدر بشقعلرینه ولایتلی اولماق اولوبدهدر . اعتاق اولندقلرنده
انلرده حرائر کی اولورلر . ط .

(۱) قنیه نک « الام أحق بالولد ولو سیئة السيرة معروفه بالفجور »
قولی فجور غیر مضیعه محمولدر . ط .

(۲) « الرب يعطى الولد نزرأ وينظر اليه نزرأ » فواسنجه اوکی بابا
چوجنه آز ویرر ویان باقار . حضور رسالنده برطول قادین : « یارسول الله
بوچوجنه بطم وءاء ، حجرم حواء ، ندیم سقاء ایدی شمدی انی باباسی
بندن آلقی ایستور . » دیو عرض شکوی ایلدکده حضرت رسول الله (صلی الله
تعالی علیه وسلم) : سن قوجه یه کیتمدکجه اکا احقسن بیوردیلر . کافی ط .

والده نك و اردیغی قوجه چوجغه عموچه اولمق مثلی بیانچی دکل ایسه
حقنده مانع حضانه اولدیغی کی (مانع کیدنجه ممنوع عودت ایتمک)
قاعده سنجه بیانچی یه وارمش اولسی صورتنده دخی اندن آیرلسیله
ساقط اولان حق حضانه سی عودت ایدر .

پدر معسر (تنکدست) ایکن چوجغی مجانا حضانه دن امتناع
ایلیان والده دخی مجاناً باقان بولنمق صورتنده حق حضانه دن
سقوط ایدر . لکن چوجق آغوش دیکرده ایکن والده سندن دریغ
اولناز : آناسی کلوب آنی کوره ییلور .

والده دن صکره یعنی انک یا وفاتنه یاخود عدم قبولنه ^(۱)
ویا حقنی اسقاطنه ^(۲) مبنی حق حضانه والده والده سنکدر ، بعده
بابا آناسنکدر الخ .

حاضنه کرک چوجغک کندی والده سی اولسون ، کرک انک
غیری ارباب حضانه نك بری بولسون حق حضانه نك ثبوت ویا
سقوطنه متعلق احکامده متساویدرلر . برنده مرعی اولان شروط
دیکرنده دخی مرعی ومعتبردر . حضانه ایچون هیچ برینه جبر
اولنه ماز . مکرکه چوجق بشقه به آلاماق ویاخود نه پدرده
ونه مال صبیده اجرت ارضاع ایچون استطاعت اولماق صورتیله
حضانه یه تعین ایتمش اوله . او حالده جبر اولنور . (کتاب صومزک
یتمش التنجی صفحه سنه باقکز) .

چوجق والده سی پدرینه منکوحه یاخود معتده رجعیه ^(۳)

(۱) چونکه حضانه تعین ایتدیکجه جبری اولماز . کما و سیاتی .

(۲) اسقاط حق شروط حضانه یی مراعی اوله ماقلا در .

(۳) معلوم اولسونکه طلاق رجعیدن معتده اولان قادینه چوجغی ارضاع ایچون .

اولمدقجه اجرت حضانه يه مستحقدر و بواجرت اجرت رضاعدن و نفقه^۱ ولدن بشقه در^(۱) . پدرانی برمسکنده بولندیرر و خدمتچی لازم ایسه انی ده طوتار . کما فی الدر .

کتاب رضاعده مذکور اولدیغی اوزره منکوحه نك وحتی معتده^۲ رجعیه نك کندی چوجغنی حضانه وارضاع ایچون اجرت طلبنه حتی یوق ایسه ده برکیمسه نك زوجہ سی اوکیمسه نك دیگر زوجہ دن اولان چوجغنه باقق ایچون منکوحه سی اولدیغی حالده دخی اخذ اجرتہ حقلیدر . کما فی ط .

چوجقلی اولسون ، اولسون مهر معجانی آلمش اولان منکوحه زوجی یانندن و معتده بیت عدندن آیریله مدیغی کبی چوجقلی اولان معتده عدتی انقضا سندن صکره دخی چوجغی آلوب مسافه سفر محله نقل ایده مز^(۲) .

مکرکه کویدن شهره انتقال ایتمش و یا خود کندی نك نسکا حلا ندیغی وطننه عودت ایلمش اوله .

بو استثنای دخی والده یه مختصدر . والده نك غیری اولان حاضنه پدرک اذنی اولمدقجه چوجغی بریره نقل ایده مز .

اجرت طلب ایتمک اتفاقا یوقدر . مبتوته ده ایکی روایت واردراه درر . فتوی انک او طلبه حتی اولدیغنده دراه شرنبلایه . ط .
(۱) بو حالده بابایه اوچ شی لازمدر : اجرت رضاع ، اجرت حضانه ، نفقه^۳ ولد : ط .

(۲) پدر کوندزین کیدوب چوجغنی کوررک کیجه قالمدین کله ییلور درجه ده قصیر المسافه اولان محله نقل ایده ییلور . مکرکه چوجق اخلاق اهل سواد ایله متخلق اولمقله متضرر اوله جق برقریه اوله . کما فی الدر .

حق حضانه سی باقی اولان آنانک رضاسی اولمدیجه پدر دخی
چو جغی اناسنک بلده سنندن اخراج ایلیه من (۵) .
والده بشقه قوجهیه وارمق وحق حضانه انتقال ایدجک
کیسه بولنامق حسیله چو جق پدره قالدیغنده والدهنک حق
عودت ایدنجه قدر پدرانی مسافه سفره نقل ایده ییلور .
حضانه ده اولان چو جغی حاضنه پدرینه وچو جق پدره
قالمش اولدیغنه کوره پدر والده سنه کوندرمک مجبوریتی یوقدر .
کلوب کورمکدن منع اولنازلر

ثبوت نسب واستیلا

- (نسب) : ابوین جهتندن اولان اشتراکدر . ط .
 چوجغک نسی انی طوغران آاندن بلاشبیه ثابتدر ^(۱)
 بابادن ثابت اولمیه بیلور ^(۲) .
 ثبوت نسب ایچون اوچ مرتبه واردر : ^(۳) .
 (برنجیسی) نکاح صحیحدر . نکاح فاسد دخی عند الاتا
 اکا ملحقدر .
 بونک حکمی نسب بلادعوة ^(۴) ثابت اولتی ونفی مجرد ا
 منتفی اولمیوب نکاح صحیحه کوره لعان ایله منتفی اوله بیلکدر
 (باب لعانه باقکز) .
 (ایکسجیسی) استیلا درکه جاریه بی بیان آتی وجهله ام و
 قیلحقدر .
 بونک حکمی نسب بلادعوة ثابت ، ونفی مجرد ایله منتفی
 اولمقددر ^(۵) .

(۱) وعن هذا اركك جانبنده حال اكر اهده دخی غیر ساقط و غیر محتمل
 رخصت اولان حرمت زنا قادیان جانبنده عذر اكر اه ایله محتمل رخصت اولم
 چونکه مانع رخصت اولان معنای قتل که ضیاع نسلدر انده یوقدر . کما تقرر
 موضعه من الاصول .

- (۲) بوکا مبنی دهاتندن اولان زیاد : (ابن اییه) دیو کندی پدرینه اضافه
 یاد اوانه کلشدر . (مشاهیر نساء ده (سمیه) اسمنه باقکز .
 (۳) بومراتب آئیده اقسام فراش اوله رق مذکور در .
 (۴) دعوت آئیده تعریف اولمشدر . بونک دالی مکسوردر .
 (۵) نفی نسبه مالکیت حکم قاضی و باطاول زمان اولما مقوله مقیددر .
 فی الهندیه . نسبه بلادعوة ثبوتی دخی قید حلایت ایله مقیددر . کما یا
 فی الاستیلا .

(اوچنجیسی) عدم استیلا در که تسری صورتند جاریه
ام ولد اوله مقدر .

بونک حکمی نسب بلادعوة ثابت اوله مامقدر (۱) .

مدت حملك اقلی التی آیدر ، غالبی طقوز آیدر . اکثر مدت حمل
ایکی سنه در که جنین رحم مادرده اندن زیاده قالماز (۲) .

بونلر تعیین نسب ایچون تحدید ایدلش مدت لدر .
نسب زنا ایله ثابت اوله ماز . ولد صاحب فراشکدر ، زانی
محرومدر (۳) .

(فراش) : قادینك شخص واحد ایچون طوغرمغه متعین
اولسیدر .

(۱) هندیه ده دیرکه جاریه بی بلا عزل و طء ایتمکده اولان کیمسه به نفی
ولد دیانته حلال اوله ماز اعتراف لازمدر . اگر عزل ایدیورایدیسه نفی ولد
جائز اوله ییلور .

(۲) رحمه جنینك مدت استقراری علی الغالب طقوز آیی اولدیغی معلومدر .
لا اقل التی آیی والک چوق ایکی سنه اولدیغی دخی وارددر . مذاهب سائره ده —
حکم ثابت اوله میه جق برطاقم حکایانه تمسکا — اکثر مدت حمل درت سنه در .
حضرت عائشة رضی الله تعالی عنها : ولد آناسنك قارنده ایکی سنه دن بر ایک
آغرشغی قدرده زیاده قالماز . بیورمشدرکه بوکی شیر انجق صاحب سعادت
صلی الله تعالی علیه وسلم افندمز حضرت تدرندن ایشدملکله بیلنه ییلور . « ایک
کولکسی قدر » دخی دینلمشدرکه ظل مغزل قلتده مثلدر . چونکه ایکک
دورات حالنده کولکسی سائر کولکلردن زوالاً أسرعدر . کما فی ط .
عباره ده حذف مضاف وارددر تقدیری : « ولو بقدر ظل مغزل » در .

(۳) بو مال حدیثدرکه « الولد للفراش وللعاهر الحجر » بیورلمشدر .

انك صاحبي : زوج ويا سيددر .
 زوجه نك فراشيقي عقد ايله ثابت اولور . انده وطء شرط
 دكل ، امكان اجتماع كافيدر .
 سرّيه نك فراشيقي انجق انك وطئيله ثابت اوله ييلور كه سيد
 ائي مقر بولنمش اولور .

زنا ايله نسب ثابت اولديغي كي فراشدن التي آيدن اقلده
 حاصل اولان ولدك دخي نسي ثابت اوله ماز . زوجيت حكماً
 اولسون قائم ايكن (۱) حملك تأخيرينه ده برشي دينيله منر . ضياعدن
 احترازاً اثبات نسب ايچون احتيال بيله اولنور (۲) .

بركيمسه برقادين تزوج ايتسه وتزوجدن التي آيدن اقلده
 چوجق طوغسه نسب ثابت اولماز . اكر التي آي تمامنده ويادها
 زياده مدتده طوغار ايسه نسب ثابت اولور (۳) .

قادين ايكي چوجق كستورمك تقديرنده ولدك بريني وقت
 نكاحدن اعتباراً التي آيدن بركون اول طوغروب ديكريني اندن
 بركون صكره طوغرسه هيچ برينك نسي ثابت اولماز .

(۱) كما في المعتدة على ما يأتي في الهامش .

(۲) احتيال : چاره آرمقدر (ايسكيوز سكرنجي صفحه يه باقكر) مثلاً
 بر كيمسه طلاقني نكاحنه تعليق ايتديكي قادين كندبسنه منكوحه اولغي
 متعاقب مطلقه اولديغي حالده وقت نكاحدن اعتباراً التي آي تمامنده طوغرسه
 چوجقك نسي او كيمسه دن ثابت اولور وقادينك مهربني او كيمسه تام ويرمك
 لازم كلور . كما في الملتقى وغيره . التي آيدن اقلده طوغرسه نسب ثابت اولماز .
 هنديه .

(۳) زوج كرك اعتراف ويا سكوت ايتسون . ولادتي انكار ايدر سه بر
 قادينك شهادتيله ولادت ثابت اولور . هنديه .

اصل بودرکه مفارقتنده کندیسنه عدت لازم اولمیان قادینک طوغردیغی چوجغک نسی زوجدن ثابت اولماز مکرکه وضع حمل الی آیدن اقلده وقوع بولغله چوجغک اندن اولدیغی متیقن اوله . کندیسنه عدت لازم اولان قادینک طوغردیغی چوجغک نسی زوجدن ثابت اولور مکرکه وضع ایکی سنه دن اکثرده واقع اوله رق چوجغک اندن اولدیغی یقیناً معلوم اوله . امدی : قبل الدخول زوجه سنی تطلیق ایدن کیسه نك مطلقه سی وقت طلاق دن اعتباراً الی آیدن اقلده چوجق طوغرسه جوجغک نسی او کیسه دن ثابت اولور (۱) .

بعد الدخول زوجه سنی تطلیق ایتمش اولان کیسه نك مطلقه سی ایکی سنه یه قدر دخی برچوجق کتورسه چوجغک نسی اندن ثابت اولور (۲) .

بونلر طلاق صورتیدر .

وفات صورتنده زوج کړک قبل الدخول وکړک بعد الدخول وفات ایتسون (عدت لازم اولغله) انک وقت وفاتندن اعتباراً ایکی سنه یه قدر زوجه سی چوجق کتور رایسه نسب اندن ثابت اولور . ایکی سنه دن اکثرده کتورر ایسه نسب ثابت اولماز . بونلر قادینک انقضاء عدتی کندیسنی اقرار ایتدیکنه کوره در (۳)

(۱) الی آی تمامنده ویادها زیاده ده طوغرسه نسب ثابت اولماز .

هندیه .

(۲) ایکی سنه دن اکثرده طوغرسه طلاق رجعی اولدیغنه کوره یتنه ثابت اولور و او کیسه اوسبله زوجه سنه رجعت ایتمش عدا اولنور . طلاق بائن اولدیغنه کوره زوج ادعا ایتدیگجه ثابت اولماز هندیه .

(۳) زید زوجۀ مدخول بهاسی هندی بائناً تطلیق ایتدکن صکره

قادین کړك عدت طلاقنك و كړك عدت وفاتنك انقضاضا
ایتدیکنی اقرار ایتمش و مدت دخی انی متحمل بولنمش اولدیغنه
کوره چوجق وقت اقراردن اعتباراً الی آیدن اقلده طوغمش
اولور ایسه نسب ثابت اولور . والا اولماز (۱) .

منکوحه ولوکه کندی زناسندن حامل اوله رق تزوج ایدلمش
اولسون تزوجندن الی آی مرورنده وضع حمل ایدرسه نسب
زوجدن ثابت اولور (۲) زوج انی کندنن نفی و سلب ایده مز .
مکرکه شرطنجه لعان واقع اوله (۳) .

هند انقضاضا عدتی اقرار ایتمدین ایکی سنه دن اقلده بر ولد طوغرسه ولد
مزبورك نسبی زیددن ثابت اولور . (علی افندی) .

زیدمتوفانك زوجه سی هند انقضاضا عدتی اقرار ایتمدین زیدك وفاتندن اون الی
آی مرورنده بر ولد طوغرسه ولد مزبورك نسبی ثابت اولور . (علی افندی)

(۱) هندیده بویه مذکوردر . کتاب الطهاره مزك احوال نساء فصلی هامشده
دخی مذکوردرکه قادین تطلیق اولنور اوچ حیض ایله عدت چیقاردقدن
صکره چوجق کتورسه انقضاضا عدتندن اعتباراً الی آی تمامده طوغرمش
اولور ایسه نسب ثابت اولماز . قادین اگر دم کورماش ایسه ایکی سنه یه
قدر نسب ثابت اولور .

(۲) زید مزنیه سی هندی تزوج ایتدکدن صکره هند وقت تزوجدن
الی آیدن اقلده بر ولد طوغرسه اول ولدك زیددن ثابت اولماز . (علی افندی)
زنان حامل بولنان قادینك نکاحی جائزدر . بعد النکاح الی آیده ودها
زیادهده وضع حمل ایدرسه نسب ثابت اولوب چوجق اکا وارث اولور
زیرا نکاح صحیحدن صکره چوجق مدت حملده کلمشدر . الی آیدن اقلده
وضع حمل ایدرسه نسب ثابت اولماز چونکه چوجقی تمام مدت حملده کتورماشدر .
کذافی تقوله .

(۳) لعاناً نفی اولنه بیله جك ولدك نسبی زوجك بلالعان نفی ایتمسيله

التي آي تمامندن اوّل تولد ایدن چوجغك نسبي زوجدن
انجق انك ادعاسيله ثابت اولور. اكر زوج : چوجق بدن دكل ،
زناندنر ، دیرایسه نسب مسلوب اولور .

نکاح فاسد ایله منکوحه نك حکمی دخی نکاح صحیح
منکوحه سنك حکمیدر (۱) بینلرنده بویابده کی فرق : نکاح صحیحده
مبدأ ، وقت عقد و نکاح فاسدده مبدأ وقت دخول اولسنده در .

زوجیت ارده قائم ایکن (۲) مبدأدن اعتباراً التي آي تمامنده
طوغان چوجق ثابت النسب اولدیغی کی اندن فضلهده ولوکه اون
سنه صکره طوغان چوجق دخی ثابت النسبدر .

آخر دیارده ایکن وفاتی شائع اولان کیمسه نك زوجہ سی
انقضاء عدتنده زوج دیگره واروب مدت معتاده سی اولان طقوز
آیده ولدکتوردکن ، ولوکه هر سنه برچوجق طوغرق برقاچ

نسب منتفی اولدیغی کی انك او نفیئی زوجہ تصدیق ایتسه دخی منتفی اولماز
چونکه نسب حق ولددر زوجین انك حقی ابطالده تصدیق اولنه ماز . کما فی نقول
علی افندی عن لعان الدرر . وقد صرف اللعان .

(۱) زید زوجہ سی هندی اوچ طلاق ایله تطلیق ایتدکن صکره حله
ایتدرمدین تزوج ووطء ایدوب بعده هند وقت وطئدن التي آي ضرورنده
برولدکتورسه ولد مزبورك نسبی زیددن ثابت اولور . (علی افندی) .

زید زوجہ سی هندك اوزرینه قزقنداشی زینبی تزوج و وطء ایدوب
زینب زیددن ولدکتورسه ولد مزبورك نسبی زیددن ثابت اولور (علی افندی)

(*) بوسوز مطلقه رجعیه ده دخی شاملدر . کما مر . قال فی التنویر
فیثبت نسب ولد مطلقه الرجعی وان ولدت لا کثر من سنتین . ولو لعشرین
سنه فاکثر لاحتمال امتداد طهرها وعلوقها فی العده مالم تقر بمضي العده
اه مع الدر .

چوجق وسنه لردن ، صکره زوج اصلیمی حیا ظهور ایتمکله زوج
ثانینک فساد نکاحی متبین اولوب بینلری تفریق اولنور وقادین
زوج اولنک اولور . چوجقلرک نسبی زوج ثانی یه حکم اولنور ^(۱) .

(استیلاد) : جاریه یه صاحبی چوجق طوغرتمق دیمکدرکه مراد
جاریه بی وطء ایله اندن کلان ولدک کندی صلبندن اولدیغنی
اقرار ایلسکدر . کرک طوغریدن طوغری یه کندی مملوکه سی
اولسون ، کرک آخرک مملوکه سی وکندی منکوحه سی ایکن انی
اشترایلهش بولفسون .

استیلاد ایدلمش اولان جاریه یه (امّ ولد) تعبیر اولنور .
ولد صاحب فراشک اولمق قاعده سنجه نسب استیلاد ایله ده
ثابت اولور . چونکه فراش : قوی ومتوسط وضعیف اولمق
اوزره اوچ مرتبه در .

(فراش قوی) : فراش منکوحه در . انک حکمی ثبوت نسبی
مرتبه اولاسنده مبین اولدیغنی اوزره نسب بلاذعوه ثابت اولمق
ونفی مجرد ایله منتفی اولما مقدر ^(۲) .

(فراش متوسط) : فراش ام ولد در . انک حکمی ثبوت نسبی
مرتبه ثانیه سنده مذکور اولدیغنی اوزره نسب بلاذعوه ثابت ،
ونفی مجرد ایله منتفی (مسلوب) اولمق در . (بونده نسبی بلاذعوه

(۱) وعلیه الفتوی ورجع الامام عن قوله الاول الخالف لهذا كما في فتاوی علی افندی .

(۲) نکاح صحیحه کوره لعان ایله منتفی اولور . اذ لالعان فی الفاسد
اه من استیلاد الدرر .

ثبوتی کند یسنه جاریه نك و طئ حلال اولمق قید یله مقیددر. ا کر و طئ حلال اولماز ایسه نسب دخی بلادعوة ثابت اوله ماز : کتابته کسیلان أم ولد وایکی کشی ییننده مشترك ایکن انلرك ایکیسنجه مستولد اولان جاریه کی^(۱) .

(فراش ضعیف) : فراش غیر مستولده در که هنوز استیلا د اولنماش اولان جاریه نك فراشی دیمکدر . بونك حکمی ثبوت نسب مرتبه^۲ ثالثه سنده مذکور اولدیغی اوزره دعوت اولمقجه نسب ثابت اوله مامقدر .

(دعوت)^(۲) : چوجق بندندر دیو حین حمده اولسون اقرار و اعترافدن عبارتدر که عند وجود الخصم ادعا دیمک اولور . فراش ضعیف بعد الدعوه فراش متوسط اولمغله اندن صکره ثبوت نسب برمنوال مذکور مانع حرمت اولمقجه محتاج دعوت اولماز .

صیغه^۳ مفعول ایله (مستولد) و تعبیر دیگر ایله (ام ولد) اولان جاریه آزادلی صایله رق بیع و هبه اولنه ماز . افندیسنك وفاتنده مدبر کی معتق اولور .

بونك مدبر ایله فرقی بودر که مدبر ثلث مالدن آزاد اولمغله ترکه یه دین تعلق ایتمش ایسه افندیسنك دینی اینچون مدبر کندی نك

(۱) جاریه^۴ مکاتبه نك بیع و هبه سی جائز اولدیغی کی و طئ دخی افندیسنه حلال دکلدر . بضع اشتراك قبول ایتمدیکیچون جاریه^۵ مشترك فیها نك دخی مالک مشترکلرندن هیچ برینه استفراش حلال دکلدر . حلال اولیه رق استفراش و استیلا د ایتدکلرنده نسب ایکیسنده حکم اولور چوجق انلرك ایکیسنده وارث اولور .

(۲) الدعوة بالسکسر الادعاء فی النسب اه قاموس .

بمجموع قیمته ساعی اولور ویا لکز حق وارث تعلق ایتمش ایسه
ثلثان قیمته ساعی اولور. ام ولد ایسه جمیع مالدن بلا سعایه آزاد
اولور. آزاد اولمقله برابر زوجه منکوحه کبی اخذ میراث ایده مز.

ام ولدك كندی افندیسنندن حاصل ایتدیکی ولد حر در. اذن
مولی ایله آخره منکوحه اولدیغنه کوره صلب زوجدن کلان ولد نکاح
رقیق باینده بیانی گذران اولدیغی اوزره مولانك ملوکیدر. شوقدرکه
آناسی کبی آزاده محکوم اولدیغندن مولی انی بیع ایده مز و مولانك
وفاتنده ولد مزبور اناسنه تبعاً آزاد اولور. کما فی عتاق ابن نجیم ۳.

ام ولدك نسب اعتباریله اولوب نسب ایسه زنا ایله ثابت
اوله میه جغندن برکیمسه نك زنا ایتدیکی جاریه ولد زنا یی طوغردقدن
صکره انك ملك مشتری اولمقله ام ولد ی اولماز.

جاریه انك مزنیه سی اولدقدن صکره ملوکسی اولوب بعده
وضع حمل ایتمک بوکا مخالفدرکه بوضورتده انك دعوتیله جاریه
ام ولد ی اولور.

جاریه سنك ام ولد اولدیغی مرض موتنده اقرار ایدن کیمسه نك
جاریه سی حامل یا خود حامله ولد ایسه (۱) افندیسنك وفاتنده
جمیع مالندن وحائل ایسه (۲) ثلث مالندن آزاد اولور (۳). کما فی
(عتاق ابن نجیم ۲۱).

(۱) حامله ولد: قوجاغنده چوجق اولاندر.

(۲) حائل حامل اولیان دیمك ایسه ده بوراده چوجقسز اولق معناسی
مراد در.

(۳) اوکیسه صورت اولاده اقرار استیلا و صورت ثانیه ده اقرار تدبیر
ایتهش اولور.

دعی

ولد صاحب فراشك اولوب فراش ايسه ازدواج (۱) ايله حاصل اوله بيله جكسندن تبني ايديلان چوجق ديمك اولان (دعی) ولد دكلدر (۱) یعنی برکیمسه نسبی آخردن ثابت اولان برچوجنی کندیسنه اولاد ایدنمکله اوچوجق انك ولدی اولمش اولماز .

نفقه سی واجرت حضانه سی اكا عائد اولدیغی کبی چوجق ارکک اولدیغنه کوره انك مطلقه ویا مخلفه سنی (۳) وقیز اولدیغنه کوره (۴) کندیسنی تزوج ایتمک دخی حرام اولماز . انلر یعنی ولد متبني ايله اب متبني یکدیگره صهر اوله بیلورلر . وارث اوله مازلر . مجهول النسب یعنی نسبی برکیمسه دن ثابت و معلوم اولمیان برشخصی سنی انك باباسی اولمغه مساعد بولنان برکیمسه « بوئم اوغلدر » دیو اقرار ایدرسه او شخص انی کرک تصدیق ایتسون و کرک ایتسون نسبی اندن ثابت وینلرنده ارث جاری اولور (۵) .

(۱) استیلا ده دخی شاملدر . کما لا یخفی .

(۲) (دعی) غبی وزنده در . (فعلیل) ناقص و مضاعفک جمعی (أفعلاء) در . قال تعالی : وما جعل أدياءکم أبناءکم .

(۳) محرمات فصانده صهریت سببیه حرام النکاح اولان خاتونلره باقکر .

(۴) دعی لفظنک قیزه شمولی یوق ايسه ده بو صورت توسعة ذکر اولمشدر .

(۵) مجهول النسب عبد اولدیغنه کوره نسب ايله برابر عتق دخی ثابت اولدیغی کبی برکیمسه معروف النسب اولان کوله سیچون « بوئم اوغلدر » دیمکله دخی کوله کندنندن اصغر اولمق صورتنده اتفاقاً واکبر اولمق صورتنده عند الإمام عتق ثابت اولورکه اوکیمسه انك حقنده اقرار عتق ایامش اولور . اکر اقرارنده صادق یعنی اعتاقی واقع ايسه کوله قضاء و دیانة واکر کاذب ايسه

معلوم اولدیغی اوزره (دعی) ولد رضاعینک غیریدر . (ولد رضاعی) دخی ارث خصوصنده دعی کبیدر حرمت خصوصنده ولدصلی کبیدر . نسکیم کتاب رضاعده مذکوردر .
(دعی) ولد اولدیغی کبی (لقیط) دخی ولد دکلدر .

لقیط

زقافه ویامعبد یاخود حمام قپوسی کبی یرلره براغلمش اولوبده برکیمسه نك ثوابنه آلوب باقدیغی چوجقدر .
ولد اتلسنه سبب ، یافقر و ضرورت ویاخود تهمندر .
اکا فی الاصل اتلش معناسنه اوله رق (منبوذ) تعبیر اولنور .
بعد الاخذ اسمی (لقیط) یاخود (ملقوط) اولور که التقاط ایدلمش یعنی یرده بولنوب آلمش چوجق دیمکدر . نسکیم یرده بولنان شیئه همزه ولمزه وزنده (لقطه) تعبیر اولنور . لقیطی ولقطه فی اخذ ایدنه (لاقط) یاخود (ملتقط) نامی ویریلور^(*) .
لقیطک محرزى غانم ومضیعی آثم در . یعنی انی آلان ثواب قازانمش واتان کنه کار اولمشدر .

یالکزر قضاء آزاد اولمش اولور . کما تقرر فی مبحث المجاز من الأصول
(*) (ماحضر) مولفی لبیب افندی مرحومک — صیغه اسم مفعول ایله —
(جواهر ملتقطه) سی ترکیجه ده اوقته جق کتابلدنددر .
لکل ساقطة فی الحی لاقطة * وکل کاسدة یوماً لها سوق
و (لقیط بن زرارة) شاعر ذکرت شعره فی السكر فی هامش ترجمه (عبد الله ابن عبد المذان) الصحابی فی کتابنا (الحقائق) نراه قریباً إن شاء الله تعالى .

خوف ضیاعده لقیطک اخذی — کور میوبده قوی یه دوشه جک
اولانی او مخاطره دن تخلیص کبی — فرض ، وضیاع و هلاک خوفی
اولماز ایسه مندوب ، در .

(لقیط) حر در مکر که رقی اثبات اولنه .

لقیطک نفقه سی و کذا دواسی و ولی امرک تزویج بنده مهری^(۱)
و وراثت و جنایتی بیت الماله در .

(ملتقط) انی انفاقده متبرع در . مکر که صکره کند یسنه رجوع
ایتمک اوزره امر حاکم ایله اتفاق ایتمش اوله .

(لقیط) ملتقطدن جبراً آلتماز . مکر که حفظنه اهل اولماق
کبی بر موجهه مبنی اوله .

اگر بری کلوب نسبی ادعا ایدرسه (ارکه که قیزدیمک کبی)
کذبی ظاهر اولد قیجه دعوی مجرده سیله نسبی اندن ثابت اولور .

مدعی عبد دخی اولسه ولد حر در . غیر حر دن نسبک ثبوتی
حریتنه مانع اولماز . مکر که رفته یینه اقامه اولنه .

مدعی ذمی دخی اولسه ولد مسلمدر . ادیانی تعقل ایدنجه الندن
نزع اولنور . غیر مسلمدن نسبک ثبوتی انک اسلامنه مانع اولماز .
مکر که مقرر ذمیانده بولنوب النمیش اوله^(۲) .

(۱) کذا فی الدر المختار .

(۲) مسئله رباعیه در یعنی درلودر : یا بر مسلم انی مقر اسلامیانده
بولور او حالده مسلمدر یا خود بر غیر مسلم انی مقر غیر مسلمینده بولور او حالده
غیر مسلمدر یا خود بر غیر مسلم انی مقر مسلمینده بولور یا خود بر مسلم انی
مقر غیر مسلمینده بولور بولورده ظاهر روایت مکات معتبر اولقدرد . لسیقه اه
کنزالبیان .

كشف القناع عن مسائل الرضاع

الرضاع يغير الطباع

أى يغير الصبي عن حلقه بطبع والديه إلى طبع
مرضعته لصغره ولطف مزاجه . والمراد حث الأبوين على
تحري مرضعة طاهرة العنصر . وهو حديث منكر اه تيسير .

کتاب الرضاع

فتح راء ايله (رضاع) و (رضاعه^(۱)) وضادك كسر وسكونى ايله (رضع) باب رابع وثانى وثالثدن مصدر در^(۲) مصّ ثدى معناسنه در كه ممه ايمك تعبير اولنور . (ارضاع) امزرمكدر . (ارتضاع) انك مطاوعيدر^(۳) . امزيرنه (مرضع) و (مرضعه) دينور . جمعى فتح ميم ايله (مراضع) كلور^(۴) . (رضيع) سوت امن چوجقدر^(۵) . (رضيع) برده مراضعه دن اسم اولور كه

(۱) وكلاهما ورد في الحديث كما تقدم وراء الصفحة . ويأتى : لارضاع بعد الفصال . وفي حديث الجامع : الرضاعة تحرم ما تحرم الولادة . وفيه أيضا : يحرم من الرضاعة ما يحرم من النسب . وفي أحاديث الحجّة البالغة : ان الرضاعة من الحجاة .

(۲) ابن همام السلولينك ذم علماء سوء حقننه كي شوييتي (لسان العرب) ك (ثعل) ماده سننده باب ثايندن مضبوط اوله رق مذكوردر : و ذموا لنا الدنيا وهم يرضعونها * أفأويق حتى مايدر لها ثعل . (افاويق) بين الحلبتين ممه ده طولوپلان سوت معناسنده كسرفاء ايله اولان فيقك جمع الجمعيدر . (ثعل) ثانك ضمى وعينك سكونيله صاغيلان حيوانلك ممه لرى اوزرنده بلورسزجه موجود اولان ممه باشيدركه اندن سوت كلز . شاعر انى مبانة ذكر ايتمشدر . ويقال فى التعجب : ماأبين ثعل هذه الشاة .

(۳) متعدى دخى اولور . تنكيم زنجشرى اطواق الذهبك اون بشنجى مقاله سنده : « الدعة مع الضعة مرة ، لاتشره أليها نفس حرة . لكن أخلافها مرضعة ، بى من هانت عليه الضعة » ديمشدر .

(۴) قال تعالى فى قصة موسى عليه السلام : (وحرمتا عليه المراضع .) وقد زاده فيه الياء .

(۵) سوت قوزيسنه ده (حل رضيع) دينور . تنكيم زنجشرى اطواق الذهبك طقسان در دنجى مقاله سننده « كم من آكل حل رضيع ، اعدله طعام من ضريم » ديمشدر .

مفاعله بابتدن (مراضعه) وکسر راء ايله انك مصدر ديکری بولنان
(رضاع) ايکي چوجق برمه دن ائمکدر. انلردن هر پری ديکرينک
رضيعيدر منادمه دن نديم و مجالسده دن جلیس کبی . بو معناده اولان
(رضیع) ه حذف یاء وکسر راء ايله (رضع) دخی دینور .
باب ثانیدن (فطم) چوجقی سوتدن کسمکدر . کسلیکه کسر
فاء وزیاده الف ايله (فطام) تعبیر اولنور . چوجقی سوتدن
کسن قادی (فاطمه) در^(۱) . (فطیم) سوتدن کسلیش
اولان چوجقدر . باب افعالدن اسم فاعل صیغه سیله (مفطم)
وقت فطامه داخل اولان چوجقدر^(۲) . آیرمق معناسنه باب ثانیدن
مصدر اولان (فصل) دخی^(۳) فطم معناسنه کدی کمندن فطامه
اووزنده (فصال) دخی دینور^(۴) .
(ذات لبن) همه سنده سوت اولان قادی ندر .
سوت آنایه (ظئر) تعبیر اولنور^(۵) .

-
- (۱) فواطمی مشاهیر نساده اوقویکز .
(۲) يقال أفطم الصبی إذا دخل فی وقت الفطام مثل أحصد الزرع إذا كان
حصاده . كما فی المصباح .
(۳) ومنه فصل الخصومات وهو الحكم بقطعها وذلك فصل الخطاب .
قاله الفيوی .
(۴) يقال هذا زمان فصاله كما يقال زمان فطامه . وفي الحديث : لارضاع بعد
الفصال . قال الفيوی ومنه الفصیل لولد الناقة لانه يفصل عن أمه فهو فعیل بمعنى
مفعول والجمع فصلان بضم الفاء وكسرها وقد یجمع علی فصال بالكسراه والافتلاء
أیضاً الافتطام والاخذ من الام ومنه الفلو . قال الحماسی :
ولیس یهلك منا سید أبداً * الا افلتینا غلاماً سیداً فینا
(۵) «ظئر رؤم خیر من ام سوء» مثلی کتاب الصومك عوارض مبیحه =

شرعه (رضاع) : کندیسنه تحریم تعلق ایدن مصرّ مخصوصدن عبارتدرکه (ندی آدمیه^(۱)) وقت مخصوصده ائمک (دیو تعریف اولنور .

مصک خصوصیتی مرضعک انسان اولمسندن ووقتک خصوصیتی رضیعک مدت رضاعده بولنمسندن عبارتدر .
(برکیمسه کندی زوجه سنک مهنی ائمکه برشی لازم کلمز .
مکرکه زوج رضیع اوله . کما فی الدر مع ط) .
مدت رضاع : وقت ولا دندن اعتباراً عند الإمام اوتوز آی یعنی ایکی بچق سنه در و عند الإمامین ایکی سنه در^(۲) .

حیوان سودیله حکم رضاع ثابت اولمدیغی کبی چوجنک ایکی ویا ایکی بچق یاشندن صکره امدیکی انسان سودیله دخی حکم رضاع ثابت اولماز .

== فصلنده یتمش التنجی صفحه نک هامشده ترجمه سیله برابر ذکر ایتمزدر .
(۱) أبو البشر اولان حضرت آدمه نسیتله (آدمی) انسانک ارککی و (آدمیه) دیشیسیدر . (ندی) قادین مهنسیدر . ارکک مهنسه (ثندوة) دینور . ندیک مفردی فعل وجمعی فعول وزننده در . حیوان مهنسه فتح ضادایله (ضرع) یاخود کسر خاء ایله (خلف) دینورکه بونلر حیوانات مأکولهیه مخصوصدر . حیوانات غیر مأکوله نک مهنسه ضم طاء ایله (طبی) دینور . جمعری (ضروع) و (أخلاف) و (أطباء) در . «بلغ الحزام الطبین» مثلی «قد علا الماء الزبی» مثلی کبیدر . «تجوع الحرة ولانأکل بثديها» مثلی چون مشاهیر النساء ده (زباء بنت علقمه) عنوانه باقصر .

(۲) ولادت اکر آی باشنده اولمش ایسه اهله (غره لر) اعتبار اولنور واکر آی ابتداسنده اولماش ایسه هر آی اوتوزکون اعتبار اولنور اه بجم الانهر .

حکم رضاع : حِلّ نظر و حرمت نکاحدر .

(رضاع موجب ارث دکلدر .)

مدت رضاعده برچوچق ذات لبن اولان هانکی قادیندن
ا کاسوت ویریلور ایسه هم اوقادین ایله وهم انک محارمیله او چوچق
ارهسنده و او ممه نك قاچ اولورسه اولسون رضیعلری ارهسنده
حکم مذکور حاصل اولور .

ارضاعك آزلغنه ، چوقلغنه دأثر حقمنده اولان آیت کریمهده (۱)
وحدیث تشریفده (۲) برقیدو شرط اولدیغندن قلیلی دخی مُحرّ مدز (۳)
قلیل : معده یه وصولی معلوم اولاندر .

مه دن املك شرط دکلدر . امز کدن دخی امیلور .

امك بیله شرط اولمیوب وُجُور و سُعو ط دخی بو باده مصه ملحقدر که
سودی برواسطه ایله چوجغك آغزندن آقتمق و یا بور نندن صالمق دخی
حکم رضاعی انتاج ایدر . مقصود معده یه سودك وصولیدر .
ذات لبن اولمیان قادینك ممه سی چوجغك آغزینه کیرمکه رضاع
حاصل اولماز .

مدت رضاع ایچنده بولنان چوجغك سوتدن کسلش و طعام

(۱) أَعْنَى قَوْلِهِ تَعَالَى (وَأَمَّا أَنْتُمْ اللَّائِي أَنْتُمْ مُرْتَضِعُونَ مِنْهُ) وَهُوَ عَامٌ غَيْرُ مَخْصُوصٍ فَلَا يَخْصُصُ بِخَبَرٍ لِأَحْرَمِ الْمَصَّةِ الْحَدِيثِ كَمَا تَقَرَّرُ فِي مَوْضُوعِهِ .

(۲) وَهُوَ قَوْلُهُ صَلَّى اللَّهُ عَلَيْهِ وَسَلَّمَ « يَحْرُمُ مِنَ الرِّضَاعَةِ الْحَدِيثُ »

(۳) مَذْهَبُ شَافِعِيَّةٍ رَضْعَةٌ وَاحِدَةٌ مُحْرَمٌ أَوْلَدِيغْنَدَنْ بَرَقَادِيْنِك رَضْعَةٌ وَاحِدَةٌ
ايله ارضاع ایتمش اولدیغی قیزی اوقادینك برادری تزوج ایتمک وبعد التزوج
قاضی شافعی یه رفع دعوی اولنه رق صحت نکاحه حکم لاحق اولق صورتنده
قاضی حنفی ایچون انی نقض ایتمک یوقدر . خیریہ .

ایله استغنا ایدر اولمش اولسی حرمت رضاعک حصولنه مانع اولماز .
تتکیم چوجق ایکی یاشندن صکره سوتدن کسله ماش بیله اولسه
انی ارضاع ایدن قادینک ولد رضاعیسی اولماز (۹)

حدیث شریفده « یحرم من الرضاعة ما یحرم من النسب »
بیورلمش اولدیغندن نسباً حرام النکاح اولان رضاعاً دخی حرام
النکاح اولور . (محرماته باقکمز .)

حرمت مذکوره انا جانبنده ثابت اولدیغی کبی بابا جانبنده
دخی ثابت اولوب رضیعه هم رضاعدن اولان ابوینی همده انلرک
ککک نسب وککک رضاع جهتندن اولان اصول وفروعی حرام
اولور : مرضعه نک کندیسی رضیعک والدہسی اولدیغی کبی سوت
حاصل ایتدیکی زوجی دخی رضیعک پدریدر . انک پدری جدی
ووالدهسی جدهسیدر . حتی مرضعه او زوجندن یاخود دیگر
زوجندن بو ارضاعدن اول ویا صکره چوجق طوغرسه یاخود

(۱۰) اوج یاشنده ایکن برقادینک سودینی امش اولان ارکک بر یاشنده
ایکن اندن سوت امش بولسان قیزی تزوج ایتک حلال اولور . صرح به
ابن عابدین فی تنقیح الحامدیة .

هند اوج یاشنده اولان زینی ارضاع ایلسه حکم رضاع ثابت اولماز .
(علی افندی ومثله فی البهجة)

« ایکی بچق یاشندن صکره الخ » تعبیری تحریم خصوصنده مدت رضاع
قول امام اوزره ایکی بچق سنه اولق مفتی به اولدیغی حقنده کی قول آتی به
مبنیدر . قول امامین اولان ایکی سنه اوزره دخی افتا وقوع بولدیغی طحطاویده
واندن اخذاً ابن عابدینده مذکور اولدیغنه بناءً مسئله : ایکی یاشندن صکره
الخ دیودخی تصویر اولنه ییلور . « ایکی یاشنی تجاوزله یکرمی الی آیلق اولان هند
صغیره یی زیدک والدہسی زینب ارضاع ایلسه زید هندی تزوج ایتک جائز اولور ؟
الجواب : اولور . » مجموعه جدیده .

بررضیع امزرسه ویاخود اوسوت بابانك بوقادینك غیریدن بو ارضاعدن اول ویاصکره برچوجغی اولسه ویاخود برقادین انك سودندن بررضیع امزرسه هپی رضیع مذکورك برادرلی و همشیره لی اولور^(۱) . انلك اولادی دخی انك برادرزاده و همشیره زاده لیدر . او بابانك برادرلی رضیعك عموچه سی و همشیره سی خاله سیدر . سوت انانك برادرلی دخی رضیعك دایلی و همشیره سی تیزه سیدر . هندیه .

رضاعده حرمت مصاهره دخی ثابت اولور : کشی به سوت اوغلنك زوجه مطلقه ویاخلفه سی وسوت انایه سوت قیزینك قوجه سی حرامدر^(۲) .

(۱) برکیمسه نك ایکی زوجه سی اولوب ایکیسی دخی اندن چوجق کتورمش اولدقلری حالده برر چوجق امزرسه لر امزدکلری چوجقلر بابا برقاردش اولورلر . انلردن بری قیز اولسه بینلرینه نکاح دوشمدیکی کی هرایکیسی قیز اولق تقدیرنده برکیمسه به انلری نکاحاً جمع ایتمك دخی جائز اولماز . هندیه .

(۲) برقادین کندی صغیره اورتاغنی ارضاع ایدرسه زوج ایچون انلك ایکیسی دخی حرام اولور . بونلردن کبیره نك حرمتی مؤبددر چونکه زوجك مزبوره سوت قاین والدیه سی اولمشدر . صغیره دخی اگر کبیره زوجنك مدخول بهاسی ایسه مؤبدأ حرام اولوب کبیره انك هنوز مدخول بهاسی دکل ایسه اوکیمسه صغیره یی ثانیاً تزوج ایده ییلور . طحطاوی دیرکه نکاحه طاری اولان رضاع دخی سابق کییدر مثلاً برصبیه یی تزوج وطلاق ایندن کیمسه بشقه برقادین دها تزوج ایدوب او قادین او صبییه یی ارضاع ایلسه زوجنه قاین والدیه اولمش اولق جهتیه حرام اولور . کذلک بررضیه تزوج ایدوب انی کندی والدیه سی ویا کریمه سی یاخود همشیره سی ارضاع ایتمش اولق تقدیرنده رضیه مزبوره زوجنه حرام اولور اه

برکیمسه زوجه سنک سوت قیزی شهوت ایله مس ایتسه حرمت حاصل ، یعنی زوجه سی کندیسنه حرام ، اولور .

زناء اولان سوت ایله نکاحاً اولان سوت بئیننده فرق یوقدر : حرمت مصاهره زنادن حاصل اولان رضاعده دخی ثابت اولور . مثلاً برکیمسه نك زناسندن چوجق کتورن قادین او سوت ایله برقیز چوجغی امررسه نه اوکیمسه یه ونه انک اصول وفروعندن برینه اوقیزی نکاحلامق جائز اولماز .

« سوت اشاغی آقار ، یوقاری آقاز » تعبیری شرعی دکلدر . برمه نك مدت رضاع ایچره اولان ایکی رضیعی اره سنده اختلاف زمان واختلاف اب دخی اولسه حلالیت یوقدر . ارضاع اولنمش برقیز ایله انک مرضعه سنک اوغلی اره سنده حلالیت اولمدیغی کبی اوغلنک اوغلی الخ اره سنده دخی حلالیت یوقدر . اوغل مطلقدر انی ارضاعدن اول ویا صکره اولانه واوللک و صکره لق دخی سنه لرجه اولمغه شاملدر .

برقاچ قیزی اولان برقادین ایله برقاچ اوغلی بولنان دیکر برقادین یکدیگرینک بررچوجغی امررسلر قیز اناسندن سوت امش اولان اوغلان ایچون اوقیزلردن هیچ برینی آلمق جائز اولماز که انلر انک رضاعاً همشیره لیدر . اوغلان اناسندن سوت امش بولنان قیز ایچون دخی او اوغلانلردن هیچ برینه وارمق جائز اوله ماز که انلر انک سوت برادرلریدر .

عمده اشتراك ایتیمان اوغلانلر ایله قیزلر اره سنده ازدواج جریان ایده ییلورکه سوت برادرک همشیره سی آلتور .

کذلک یکدیگره ییانچی ایکی قادین هربری دیکرینک اولاد

معلومه سنی ارضاع ایتمش اولدقلرنندن صکره انلردن بری برارکک و دیکری بر قیز چو جق طوغروب بوچو جقلر برمهده اجتماع ایتسه یعنی نه ارکک چو جق قیز و جغک اناسندن ونه قیز و جق ارکک چو جغک اناسندن اصلا سوت ائمه بوایکی و جق اره سنده ازدواج جائز اولورکه اوغلان کندنی سوت قاردشلرینک همشیره سنی آلمش اولور . کما فی التذقیح .

مرضعه نك وزوجنك قرابت قریبۀ نسبیہ و رضاعیه سی اصحابی رضیع ایچون اقر بادر . تشکیم ذکر اولندی .

رضیعك اقر باسی مرضعه یه و زوجته اقر با دکلردر .

بناءً علی ذلك ذات لبن برقادینك مدت رضاعده ارضاع ایتمش اولدیغنی رضیعك نسباً همشیره سنی مرضعه نك برادری تزوج ایده بیلور . کما فی الفیضیه .

برکیمسه یه نسباً اولان برادرینك (اخ لاب) ك همشیره سی حلال اولدیغنی کبی رضاعاً اولان برادرینك همشیره سی دخی حلالدر . کما مر قبیل الخط الفاصل .

رضاعده نسبندن فضله بعض مستثنی دها واردرکه برکیمسه یه سوت برادرک و یا سوت همشیره نك اناسیله سوت اوغلنك و یا سوت قیزینك همشیره سی حلالدر . حالبوکه انسانه نسباً اولان برادرینك و یا همشیره سنك والده سی — یا کندنی والده سی و یا اوکی والده سی اولدیغیچون — حرامدر . كذلك انسانه نسباً اولان اوغلنك و قیزینك همشیره سی — صلبی اولدیغنه کوره کندنی قیزی و صلبی

اولدیغنه کوره اوکی قیزی دیمک اولدیغیچون — حرامدر^(۱) .
(ولتطلب الصور الاخری المستثناة من المطولات) .

رضاع اختلاف زمان ایله مختلف اولدیغی کبی اختلاف مکان
ایلهده مختلف اولماز : دار حربده وقوع بولمش اولان رضاع
داراسلامده واقع اولان رضاعه مساویدر^(۲) .

رضاعک مُحَرَّم اولسی مرضعه نک معلوم اولمسیله در . بر قیزی
برقریه قادیلرینک اک چوغی امررمش اولدیغی حالده بیلنمهسه اماره
اولدیغنه^(۳) واثبات ایدلمدیکنه کوره او قریه اها لیسندن اولانه
انی تزوج جائز اولور . درمع ط .

حجت رضاع عین حجت مالدر . یعنی رضاع دخی مال کبی یا

(۱) کندی قیزی علی الاطلاق و اوکی قیزی والده سینه دخول قیدیه مقید
اولهرق حرامدر . بومعنی رضاعده تحقق ایتمز . نسبه دخی بویکی معنائک
بری بولنمه مثلا ایکی کشی بیننده مشترک بولنان بر جاریه برارکک چوجق کتوروب
انلرک هرایکیسی ادعا ایتمکله چوجقک نسبی ایکیسندن ده ثابت اولق صورتنده
هر برینک دیگر قادیندن برر قیزی اولسه هربری ایچون شریکینک قیزی تزوج
ایتمک جائز اولورکه انلردن هربری نسباً اولان اوغلنک همشیره سنی تزوج ایتمش
بولنور . هندیه . والمسألة مذکورة فی کتابنا الانغاز .

(۲) دار حربده وقوع بولوب مسلم اولق یاخود دار اسلامه چیقماق صورتنده
احکام رضاع ثابت اولور . هندیه .

(۳) لم أر من فسر العیالة ویمکن أن تمثل بترداد المرأة ذات اللبن
علی المحل الذی فیہ الصیبة أو کونها ساکنه فیہ فان تلك أماره قویه علی
الأرضاع . ط .

اقرار (۱) ویا بینہ ایلہ ثابت اولور .
 بوبابده دخی شهادتک نصاب و شروطی معتبردر (۲) یا لکز قادیلرک
 ویا یا لکز برار ککک شهادتی ثبوت حرمت رضاع ایچون کافی اولماز
 ایسه ده محل احتیاطدر . « دع مایریبک الی مالایریبک » بیورلمشدر .
 طلاقه شهادتده اولدیغی کبی بونک دخی اثباتی قادیلرک دعواسنه
 متوقف دکلدر . درمختار .

بین الزوجین طلاق بائن وقوعی مکتوم اولدقده بیلانلر حسبہ لله تعالی
 مدعی وشاهد اولدقلری کبی (۳) رضاع وقوعی بیلانلر دخی شهادت حسبہ
 طریقیله مدعی وشاهد اولورلر .

نکاح فاسد بابنده بیانی کذران اولدیغی اوزره بین الزوجین

(۱) قال لزوجته هذه رضیعتی ثم رجع صدق لان الرضاع مما یخفی فلا یمنع التناقض
 فیه ولو أصر علی هذا القول فرق بینهما . ولو جحد بعد ذلك لا ینفعه جحوده ولو
 جحد الإقرار فشهد اثنان علی الإقرار فرق بینهما . ولا عبرة بإقرار المرأة لان الحرمة
 لیست إلیها . كما فی الدر مع ط .

بو اقراردن رجوع صحیحدر . علی افندی فتاواسنده مذکور درکه : زید هند
 ایچون رضاعاً قزقرا نداشمدر دیو اقرار ایتدکدن صکره زید نفسنی تکذیب ایدوب
 هند دخی زیدی تصدیق ایلسه زید هندی تزوج ایتمک جائز اولورمی ؟
 الجواب : اولور .

زوجین حقنده بر قادیلرک مجرد بن بونلری مدت رضاعده ارضاع ایتمشیدم
 دیغیلله بینلری تفریق اولتماز . کما هو المصرح به فی الفتاوی
 (۲) ایکی قادیلرک رضاعه شهادتیله قاضی تفریق حکم ایتسه نافذ اولماز . کذا
 فی فروع الدر .

(۳) برکیمسه نک هم مدعی وهم شاهد اوله مامسی وشهادتده سبق دعوانک
 شرط اولمسی حقوق عبادده در ، حقوق الله مستثنادر .

رضاع ثابت اولورسه بینلری تفریق ایدیلور^(۱) لکن حق عبدی متضمن اولدیغیچون^(۲) فرقت انجق تفریق قاضی ایله اولور. در.

قادینلره واجب اولان هرچوجنی بلاضروره امزرماکدر. چوجق امزیرن قادین امزردیکی چوجنی بلله مک و احتیاطاً ثبت دفتر ایتمک کرکدر.

زوجندن اذنسر چوجق امزرمک قادینه مکروهدر. مکرکه هلاک خوفی اوله. او حالده بأس اولماز. واجب بیله اولور. بحر.



مدت رضاعده بررضیعه قاج قادین سوت ویرر ایسه جمله - سیچون حرمت رضاع ثابت اولور. ایکی قادینک بری برینه قارشمش اولان سوتلری بررضیعه ایچیریلور ایسه انلرک ایکیسندن ده حرمت حاصل اولور. جنس جنسه غالب اولمیه جغندن بونده غلبه یه و مساواته باقلاز. ط.

صبویه و علاجه و حیوان سودینه قاتلش اولان سودک غالبنه اعتبار اولنور. مساویسی دخی معتبر اولور.

طعام ایله مخلوط اولان سوت غالب و غیر مطبوخ دخی اولسه^(۳) نکاحی محرم اولماز.

(۱) قبل الدخول ایسه مهر لازم کلز، بعد الدخول تفریقده مهر مسمی اولمادیغنه کوره مهر مثل، و مهر مسمی اولدیغنه کوره انکله مهر مثلدن اقلی، اعطا اولنور. کما مر فی بابیه

(۲) یعنی أن هذه الشهادة لتضمنها إبطال حق العبد وهو النكاح إن كان قائماً بينهما أو حل النكاح إن كان قبله لاتقع بها الفرقة إلا بتفريق القاضی اه من ط.

(۳) وحتى چورباکبی ایچلسه (در مختار)

برقادیئک سودی پنیر یاخود یغورت ویا آیران یا پیلوب ویرلسه
حکم رضاع ثابت اولماز .

سوت اسفلدن حقنه ایله وقولاغه واحلیله وباش یاریغنه
آقتمق ایله محرم اولدیغی کبی - علی تقدیر نزوله - ارککک وختشای
مشکک^(۱) وقیونک وکچینک واینکک الخ سودی دخی محرم
دکلدر^(۲) .

میته دن کلان سوت محرمدر .

طقوز یاشنده اولمیان بکرك ممه سندن کلان سوت محرم اولماز^(۳) .

(۱) مکرکه قادینلر «بوکثرته سوت انجق قادیندن اولور» دییه لر . اوحالده
اشکال قالماز . کما فی الدر .

(۲) بوتکرار فائده آتییهی توطئه ایچوندرکه حرمت رضاع تکریمای انسان
سودینه مختصدر . همد بوبابده حکم جزئیته وبعضیته متعلق اولوب بو ایسه ایکی
آدمی آره سنده ثابت اوله ییلور . شات ایله آدمی آره سنده ثابت اوله ماز .
بو معنای تأمل ایتمیان بعض اهل حدیث : برقیوندن سوت امش ایکی چوجق
آره سنده حرمت رضاع ثابت اولورمی؟ سؤالنه «کل صبیین اجتماعا علی ندی واحد
حرم أحدهما علی الآخر» حدیثک ظاهرینه تمسکاً : ثابت اولور . جوابی ویرمش
واعمال رأی ایتمدیکچون خطا ایلمشدر واحتمالک انک بوخطای صاحب رأی
وصاحب حدیث اولان حضرت امامی مزیات اولی الابصار دن بولنان اعتباری حسبیه
«بعض ناس» دیو استخفافه جرأتک جزاسی اولمشدر . اصول پزدویده امام
محمدک کتاب ادب القاضیسندن تقللاً مذکور اولدیغی اوزره «حدیث انجق رأی
ایله ورأی دخی انجق حدیث ایله مستقیم اوله ییلور» .

(۲) طقوز ودها زیاده یاشده اولاندن کلان سوت علوق احتمالنه مبنی محرمدر .
کما فی الدر . قهستانی دیرکه لکن بونک حرمتی زوجه تجاوز ایشز حتی اتی آلان
کیسه قبل الدخول تطایق ایتسه رضیعه سنی تزوج ایده ییلور اه .

ذات لبن اوله رق زوجندن بوشانوب بعد العده زوج دیکره وارمش وانندن چوجق کتورمش اولان قادینک سودی زوج ثانینسندندر . اگر زوج ثانیدن چوجق کتورممش ایسه سوت زوج اولکدر .

تحریم خصوصنده مدت رضاع قول امامین اوزره ایکی سنه اولقی مفتی به اولدیغی کبی^(۱) اجرت مرضعه ایچون مدتک ایکی سنه دن عبارت اولدیغی ده جمیع علیهدر^(۲) .

اجرت مرضعه پدره لازمدر .

والدهیه چوجغنی امزرمک قضاء دکل ، دیانه واجبهدر . مکرکه والده ارضاع ایچون متعین اوله

متعین اولسون اولسون زوجیت قائم اولدقجه وحتی رجعیاً مطلقه بولندقجه والده ولدینی ارضاع ایچون والددن اجرت طلب ایده مز . (حضانه بحشنه و کتاب صومزک یتمش التنجی صفحه سنه باقکز) .

ایکی سنه دن زیاده ارضاع ایتیمک دیانه دخی واجب دکلدر . ایکی بچق یاشندن صکره چوجغنی ارضاع مباح بیله اولماز .

(۱) قول امام اولان ایکی بچق سنه دخی مفتی به اولمشدر . کما مر فی الهامش (ص ۲۸۰) و سیاتی .

(۲) امامین ایله امام حضرتلری ارسنده مدت رضاعک ایکی ویا ایکی بچق سنه اولسی حقه کی اختلاف تحریمده در . هر ایکی قول اوزره افتا وقوع بولمشدر . اما مطلقهیه اجرت رضاعک لزومی و کذا ارضاعک والدهیه دیانه وجوبی بالاجماع ایکی سنه ایله مقدردر . کذا فی الدر مع الرد .

چونکه سوت جزء آدمیدر انسکله بلا ضرورة انتفاع حرامدر .
در مختار (۱) .

رضیع ایچون ارضاع اوچ درجه اعتبار اولنه ییلورکه ادناسی
بر بچق سنه ، اوسطی ایکی سنه ، اقصاسی ایکی بچق سنه در . بر بچق
یاشندن اقل اولماق اوزره ایکی سنه دن آز ارضاع ایدن حق سزلق
ایتمش اولدیغی کبی ایکی سنه دن زیاده امیران دخی نصف سنه بی
کچمد کجه حق تجاوز ایلش اولماز . جوهره .

پدر ایچون جاریه سنی ارضاعه جبرایتمک واردرکه انک سودی
ومنافعی کندی مملو کیدر . چوجغه مضر اولدیغی حالده ایکی سنه دن
اول سوتدن کسمک ایچون جاریه یه جبرایتمک دخی واردر .
زوجه حره بویله دکلدرکه انی ارضاع ولد ایچون جبرایتمکه
زوجک حق اولدیغی کبی کندی رضاسیمله چوجغنی ارضاع ایتمک
صورتنده ایکی سنه دن اول فطام اوزرینه دخی انی جبرایتمکه
حق یوقدر (۲) .

(۱) مدت رضاعدن صکره صبیی ارضاع یاخود من غیر ضرورة عورنک
سوديله انتفاع جائز اولورمی ؟ الجواب : اولماز . (بهجة الفتوى) قال وأجاز
البعض التداوى به إذا علم أنه يزول به الرمد اه
(۲) چونکه قادین کندیسنه دیانه ویریلان حق استیفا ایده ییلور .

کتاب فتاوان مأخوذ بعض مسائل^(۱)

۱ فچوردن ولد کتورمش اولان قادینی استیجار^(۲) ایدوب
چوجغه سوت ویردر مکده باس یوقدر . (نتیجه) .

لکن (لا باس) نك ترکی اولادر .

بهجه الفتواده مذکور اولدیغی اوزره غیر مسلم سوت آنا
طوتمقدخی مسله کوره بویله در .

۲ برخانم زوجنك سودیله انك ملوکی بولنان ولد رضیعی
ارضاع ایتمکله انی آزاد ایلش اولماز . (بهجه) .

۳ آغلایان چوجغی صوصدرمق و او یالامق ایچون ذات لبن
اولمیان برقادین مهنی چوجغك آغزینه صوقق و چوجق انی
امك ایله سوت کلمدکجه رضاع ثابت اولماز . (بهجه) .

۴ آیه (سن ایاسه وارمش) اولان ذات لبن برقادین مهنی
رضیعك آغزینه صوقوب سوت کلور ایسه حکم رضاع ثابت
اولور . (بهجه) .

۵ طقوز یاشنده اولان بکرك^(۳) مهلرینه سوت کلوب اوسوت
ایله برولد رضیع امزرسه حکم رضاع ثابت اولور . (بهجه) .

۶ مدت رضاعی متجاوز برکیمسه زوجهنك سودینی اتمکله
زوجهنی اکا حرام اولمادیغی کبی زوجه زوجنك قرنداشنی
ارضاع ایتمکله زوجندن بوش دوشمز . (نتیجه و علی افندی) .

(۱) بونلرك برچوغی تلامیذه تمرین اوله رق ایراد اولنه ییلور .

(۲) = جاریه نی اشترا (بهجه) .

(۳) ایکویز سکسان یدنچی صفحه نك ایکنجی هامشنه باقکز .

- ۷ اُون ایکی یاشنده اولان ارکک چوجق برقادینک سودینی
امسه اوقادینک قیزی آله بیلور . (علی افندی) .
- ۸ یدی یاشنده اولان قیزچوجق برقادینک سودینی امسه
اوقادینک زوجی آنی تزوج ایده بیلور . (فیضیه) .
- ۹ ذات لبن اولان برقادین اوچ یاشنده بولنان برارکک
چوجق و هنوز مدت رضاعده اولان برده قیزچوجق امزرسه
اوارکک چوجق او قیزی آله بیلور (بهجه) .
- ۱۰ برکیسمه سوت همشیره سنک قیزی آله مدیغی کبی سوت
همشیره سنک سوت قیزی دخی آله ماز . (نتیجه) .
- ۱۱ سوت همشیره سنک اناسنی تزوج جائزدر (ابن نجیم ۹۹) .
- ۱۲ اناسنک سوت همشیره سنی تزوج جائز دکلدر . (نتیجه) .
- ۱۳ اوغلنک سوت اناسنی تزوج جائز اولور . (نتیجه) .
- ۱۴ سوت باباسنک زوجه مطلقه مدخول بهاسنی تزوج
جائز اولماز . (ابن نجیم ۱۰۰) (*) .
- ۱۵ متوفی سوت باباسنک زوجه مدخول بهاسنی تزوج
ایده مز . (فیضیه) .
- ۱۶ ام ولدینک سوت قیزی تزوج جائز اوله ماز . (نتیجه) .

(*) فیضیه ده مدخول بها قیدی دخی اولیه رق : زید رضاعاً باباسی
عمروک مطلقه سی هندسی تزوج ایتک جائز اولماز . دینیلوب بزازه دن
« منکوحه الاب ومنکوحه الابن حرام والمهرمة ثابتة بنفس العقد فیهما وکذا
منکوحه ابن الإبن وابن البنت وکذا الحكم فی جانب الرضاع » عبارده سی نقل
اولمشدر . نتیجه ده دخی « رضاعاً باباسنک زوجه مطلقه سنی تزوج جائز
اولماز » دینلشددر .

- ۱۷ مرنیه سنک قیزی تزوج جائز اولدیغی کبی سوت قیزی تزوج دخی جائز اولماز . (علی افندی) .
- ۱۸ سوت قاین والده تزوج اولنه ماز . (نتیجه) .
- ۱۹ ایکی سوت همشیره بی برکیمسه نکاحاً جمع ایده ماز (نتیجه) .
وکذا ملک یمین ایله وطاً . کما هو المقرر المعلوم .
- ۲۰ قبل الدخول وفات ایدن زوجه صغیره نک زوجی انک سوت اناسنی آله ماز (نتیجه) .
- ۲۱ سوت اوغلنک زوجه مطلقه و یا مخلفه سنی تزوج جائز اولماز (*)
- ۲۲ عموجه زاده ایله ازدواج جائز و صحیح اولدیغی کبی عموجه سنک سوت قیزی تزوج دخی جائزدر . کما فی الفیضیه .
- ۲۳ همشیره سنک ارضاع ایتدیکی قیزی تزوج ایتمک جائز اوله ماز .
- ۲۴ برقادیندن برلکده سوت امدیکی قیزک دیگر همشیره لرله دخی ازدواج حرام اولور .
- ۲۵ سوت آناسنک اوغلنک قیزی تزوج ایده ماز .
- ۲۶ برقادین کندی اورتاغنک چوجغنی ارضاع ایتمکله اورتاغنک زوج دیکردن اولان اوغلنه اوقادینک قیزی حرام اولماز . (فیضیه) .
- ۲۷ برادرینک سوت اناسنی وسوت همشیره سنی تزوج جائز اولور . (بهجه) .

(*) کما فی البهجة والفیضیه . بخلاف الدعی کما مر .

۲۸ سوت باباسنك مستفرشه سی اولوبده آزادایتمش بولندیغی
جاریه نی تزوج جائز اولماز .

۲۹ بر مرضه دن سوت امش بولسان اوغلان ایله قیز یکدیگر یله
ازدواج ایده مز . ولوکه ارضاع ازمنه مختلفه متباعدده اولسون . (نتیجه) .

۳۰ آناسنك آناسنی ارضاع ایتمش بولسان قادینی تزوج
جائز اوله ماز .

۳۱ همشیره سنك قیزی ارضاع ایدن فلانجه قادینك قیزی تزوج
جائز اولور .

۳۲ سوت آناسنك همشیره سی تزوج جائز اولماز .

۳۳ اوغلنك سوت آناسنك قیزی تزوج جائزدر .

۳۴ سوت قرنداشنك سوت قیزی تزوج جائز دکلدر . (بهجه) .

۳۵ رضاعاً قرنداشی قیزی تزوج جائز اولماز . (نتیجه) .

۳۶ برادر و یا همشیره سنك سوت قیزی دخی تزوج ایده مز .

۳۷ سوت اوغلنك و یا سوت قیزینك همشیره سی تزوج

ایده بیلور .

۳۸ سوت قیزینك و یا سوت اوغلنك قیزی تزوج ایده مز .

۳۹ برقادینی سوت باباسنك زوجة خراسندن اولان

اوغلی تزوج ایده مز .

۴۰ برقادینی سوت آناسنك سوت کندندن اولیان آخر

زوجنك برادری تزوج ایده بیلور .

۴۱ برکیمسه کندینك سوت قیزی آله مدیغی کبی زوجة

مدخول بهاسنك كسندن اول سوت ويرمش اولديغي قیزی
دخی آلهماز .

۴۲ اناسنك وياهمشيرهنك ارضاع ايتمش اولديغي چوجنك
همشيرهنی وسوت همشيره سنی آلهیلور . (بهجه وفيضیه)

تم الكتاب في يوم الخميس الثالث عشر
من شهر ربيع الأول من شهور
سنة ۱۳۲۳

ويسر الله طبعه بعد عشرة أشهر من تمامه وذلك في محرم
سنة ۱۳۲۴ وتم الطبع في صفر هذا العام بحمد الله الملك المنعم
وحلى الله تعالى على سيدنا رسول الله محمد سيد الأنام وعلى آله الكرام
وصحبه العظام

فهرست

صفحة	
۷	تعدد زوجه و طلاق
۱۲	(کتاب النکاح)
۴۳	نکاحه و کالت و عقد فضولی
۲۹	محرمات
	او توز ایکنجی صفحه هامشک ایکنجی سطر نده کی قاین آنا لفظی قاین آنا
۴۶	اولقملیدر . ولایت
۵۳	خیار بلوغ و خیاری عتق
۵۸	کفایت
۶۴	مهر (مهر مثل و مهر مسمی)
۶۹	مهر معجل و مهر مؤجل
۷۲	دخول و خلوت
۷۷	مهرده مواضعه و تصرف و تکرار
۸۳	نکاح فاسد و آنک احکامی
۸۸	نکاح رقیق
۹۷	انکحه کفار
۱۰۹	قسم
۱۱۲	حقوق زوجین
۱۱۳	مستوریت حقنده بر استطراد
۱۱۸	نفقه
۱۲۸	(کتاب الطلاق)
۱۳۴	طلاق سنی و بدعی
۱۴۰	طلاق رجعی و بائن یا خود صریح و کتابه
۱۴۱	الفاظ صریحه و انلک حکمی
۱۴۲	الفاظ کتابه و انلک حکمی
۱۴۷	طلاق رجعی و آنک حکمی
۱۵۱	طلاق بائن و آنک حکمی

صحيحة	
١٥٢	بينونت صغرى وكبرى
١٥٧	ايقاع طلاق
١٦٠	تفويض طلاق
١٦٥	تعليق طلاق
١٧٦	مخالعة
١٨٤	طلاق فضولى
١٨٥	طلاق مراضى
١٨٧	استثناء
١٩٠	ايلاء
١٩٢	كفارت يمين
١٩٨	استطراد (كتاب أيمان)
١٩٩	أقسام يمين
٢٠٩	ظهار
٢١٩	أمان
٢٢٤	صفت لعان
٢٢٧	احكام عتق وخصى ومحبوب
٢٣١	عدت
٢٣٣	انواع عدت
٢٤٤	تداخل عدتين
٢٤٧	نفقة عدت
٢٥٠	حداد ياخود احماد
٢٥٢	عدت رجال
٢٥٥	حضانة
٢٦٢	ثبوت نسب
٢٦٨	استيلاد
٢٧١	دعى
٢٧٢	لقبط
٢٧٦	(كتاب الرضاع)
٢٩٠	كتاب فتاوا دن مأخوذ بعض مسائل

Nimet-i İslâm'ın Umûmî Fihristi

صفحه	فهرست	۲۵۱
۴	عقائد اسلامیه	۴.....
۱۴	بناء اسلام	۱۲.....
۱۷	فائدهء اسلام	۲۴.....
۱۹	أحكام تكلیفیه	۳۶.....
۲۸	كتاب الطهارة	۴۶.....
۳۲	مياه (صولر)	۴۹.....
۳۶	ماء مطلق	۵۱.....
۴۰	ماء مقید	۶۰.....
۴۰	أسآر (آرقلر)	۶۴.....
۵۰	تحریر	۶۸.....
۵۰	آبار (فویلر)	۷۲.....
۵۸	استنجاء و استبرا	۸۷.....
۷۱	أحكام وضوء = آبدست	۹۰.....
۷۴	تمام احكام وضوء	۱۰۳.....
۸۹	سنن وضوء	۱۰۶.....
۹۰	آداب وضوء	۱۲۱.....
۹۷	مكروهات وضوء	۱۲۷.....
۱۰۱	أوصاف وضوء	۱۲۹.....
۱۱۰	نواقض وضوء	۱۳۳.....
۱۱۲	ناقض وضوء اولمان شیلر	۱۴۲.....
۱۱۲	أحكام غسل	۱۴۴.....
۱۱۸	(فرض اولان غسل)	۱۴۴.....
۱۲۰	سنن غسل	۱۵۰.....
۱۲۲	آداب غسل	۱۵۲.....
۱۲۲	مكروهات غسل	۱۵۴.....
۱۲۲	(فرض اولیان غسل)	۱۵۴.....
۱۲۵	آئینیه	۱۵۷.....
۱۲۷	(تیمم)	۱۵۹.....
۱۳۱	تیممك شروط صحیح	۱۶۳.....
۱۴۱	تیممك سستلری	۱۷۳.....
۱۴۷	مهمه	۱۷۹.....
۱۵۰	نواقض تیمم	۱۸۲.....

١٨٤	مسح على الخفين	١٥٢
١٨٩	مسح على الخفينك شروط جوازى	١٥٧
١٩٨	سار غيلره مسح	١٦٦
٢٠٢	احوال نساء	١٧٠
٢٠٩	حيض ونقاس ايله حرام اولان شيلر	١٧٧
٢١٧	جنبه حرام اولان وآيدستسزه حرام اولان شيلر	١٨٥
٢١٩	(أعذار) وأحكام مذكورين	١٨٧
٢٢٤	أنجاس	١٩٢
٢٣٩	مطهرات	٢٠٧
٢٤٠	غسل ايله تطهير	٢٠٨
٢٥٠	مسح ايله تطهير	٢١٨
٢٥١	جفاف ايله تطهير	٢١٩
٢٥٣	نحت ايله تطهير وتحول ايله تطهير	٢٢١
٢٥٤	حفر ايله تطهير	٢٢٢
٢٥٥	دباغت ايله تطهير	٢٢٣
٢٥٧	تخليل ايله وذبح ايله تطهير	٢٢٥
٢٥٩	تخليل ايله طهارة	٢٢٧
٢٦٠	فرك ايله تطهير	٢٢٨
٢٦١	ذلك ايله تطهير	٢٢٩
٢٦٢	دخول ايله تطهير	٢٣٠
٢٦٣	تغور ايله وتصرف فى البعض ايله تطهير	٢٣١
٢٦٤	ندف ايله تطهير	٢٣٢
٢٦٥	نزع ايله ونار ايله تطهير	٢٣٣
٢٦٧	غلى ايله تطهير	٢٣٥
٢٦٨	غسل بعض ايله تطهير	٢٣٦
٢٦٩	تغور ايله تطهير	٢٣٧
٢٧١	(بعض مسائل)	٢٣٩
٢٧٦	فصل	٢٤٤

٣	صلوات مكتوبه (فرض اولان نمازلى)	٢٨٩
٧	صلاتك حكمت افراضى	٢٩٣
١١	اوقات صلوات	٢٩٧
٢٣	اوقات مستحبه	٣٠٩
٣٣	اوقات مكروهه	٣١٩
٤٤	اذان واقامت	٣٣٠
٤٧	اذانك سبب مشروعيتى	٣٣٣
٦٧	شروط واركان صلوات	٣٥٣
١١٢	شروطك متعلقات وفروعى	٣٩٨
١٢٩	واجبات صلوات	٤١٥
١٥٣	سنن صلوات	٤٣٩
١٧٢	آداب صلوات	٤٥٨
١٧٦	كيفيت تركيب افعال صلوات	٤٦٢
١٨٠	سبحانك اللهم الخ نك معناسى	٤٦٦
١٨٦	التحيات الخ نك تفسيرى	٤٧٢
١٨٩	امامت وجماعت	٤٧٥
١٩٣	امامتك شروط صحى	٤٧٨
١٩٦	اقتدانك شروط صحى	٤٨٢
٢١٧	جماعتى اسقاط ايدن أعدار	٥٠٣
٢٢١	ترتيب صفوفه وامامته احق اولانك بيانته دائر فصل	٥٠٧
٢٣٧	مقتدينك امامه متابيع اولوب اولميه جفى مسائلى	٥٢٣
٢٤٠	صلوات فرزندن صكره وارد اذكارك صفتنه وسائره به دائر	٥٢٦

۲۴۶	حدث في الصلاة	۵۳۲
۲۵۵	استخلاف في الصلاة	۵۴۱
۲۵۸	مدرك ، مسبوق ، لاحق حقنہ استطراد	۵۴۴
۲۶۳	مسائل اثنا عشریہ	۵۴۹
۲۶۶	مفسدات صلات	۵۵۲
۳۰۲	زلة القاریہ	۵۸۸
۳۰۵	نمازی افساد ایتیمیان شیلر	۵۹۱
۳۰۹	مکروہات صلات	۵۹۵
۳۴۰	نمازہ مکروہ اولمیان شیلر	۶۲۶
۳۴۳	سترہ اتخاذینہ ومصلینک اوکندن مروره دائر ...	۶۲۹
۳۴۷	قطع صلاتی ایجاب واجازہ ایدن شیلرہ وجواز تأخیر صلاتہ دائر	۶۳۳
۳۵۰	تارك صلاتك حکمی	۵۳۶
۳۵۲	صلات وتر	۵۳۸
۳۵۳	اللهم انا نستعينك الخ دعاسنک تفسیری	۶۳۹
۳۶۴	نوافل	۶۵۰
۳۶۵	سنن مؤکده وغیر مؤکده	۶۵۱
۳۷۵	تحیت مسجد نمازی	۶۶۱
۳۷۷	شکر وضوء نمازی وقوشاق نمازی	۶۶۳
۳۷۸	تجد نمازی	۶۶۴
۳۷۹	استخازہ نمازی	۶۶۵
۳۸۱	حاجت نمازی	۶۶۷
۳۸۲	تسبیح نمازی	۶۶۸

صحیفہ

۶۷۳	لیلہ نصف شعبان و صلاة الخیر	۳۸۷
۶۷۵	لیلہ رغائب (۳۹۰) وجہ تسمیہ	۳۸۹
۶۷۸	صلات نفلی قاعد آقیلغہ و دابہ اوزرنده قیلغہ و صلات ماشی بہ دائر	۳۹۲
۶۸۳	صلات فرض و واجبی دابہ و محمل اوزرنده قیلغہ حقیقندہ فصل	۳۹۷
۶۸۶	سفینہ دہ نماز	۴۰۰
۶۹۱	تراویح	۴۰۵
۶۹۴	تراویحک کیت و کیفیتی	۴۰۸
۷۰۰	جوف کعبہ دہ نماز	۴۱۴
۷۰۳	صلات مسافر	۴۱۷
۷۲۲	صلات مریض	۴۳۶
۷۳۳	اسقاط صلات	۴۴۷
۷۳۸	قضاء فوائت (کچمش نماز لک صورت قضاسی)	۴۵۲
۷۵۶	ادراک فریضہ و مسائل شتی	۴۷۰
۷۷۷	سجود سہو	۴۹۱
۷۹۹	نماز ایچندہ شک ایتمک	۵۱۳
۸۰۲	سجود تلاوت	۵۱۶
۸۱۳	سجودہ شکر	۵۲۷
۸۱۵	جمعہ نمازی	۵۲۹
۸۲۳	خطبہ	۵۳۷
۸۲۴	شروط خطبہ	۵۳۸
۸۲۶	سنن خطبہ	۵۴۰

صحیفہ

۸۳۵	۵۴۹ احکام عیدین
۸۳۸	۵۵۲ صلات عید
۸۴۵	۵۵۹ صلات کسوف
۸۴۷	۵۶۱ استسقاء
۸۵۰	۵۶۴ صلات خوف
۸۵۴	۵۶۸ احکام جناز
۸۵۵	۵۶۹ تلقین مختصر
۸۵۸	۵۷۲ غسل میت
۸۶۴	۵۷۸ تکفین میت
۸۶۹	۵۸۳ جنازہ نمازی
۸۸۵	۵۹۹ دفن
۸۹۰	۶۰۴ قبر
۸۹۹	۶۱۳ تلقین
۹۰۲	۶۱۶ تعزیت
۹۰۴	۶۱۸ کیدہ وفات ایدن مسم
۹۰۵	۶۱۹ زیارت قبور
۹۰۸	۶۲۲ احکام شہید

.....	کتاب الصوم ۹۲۱	
۹۲۳	صومك تعريفى	۳
۹۲۶	صومك حکمت شرعی	۶
۹۳۰	صومك اقسامى	۱۰
۹۳۵	کیجہ دن نیت اولنسی مشروط اولیان اورجلر	۱۵
۹۳۶	کیجہ دن نیت اولنسی مشروط اولان اورجلر	۱۶
۹۳۹	ثبوت رمضان وشوال	۱۹
۹۴۲	عادلك ومستورك تعريفلى	۲۲
۹۴۴	نصاب شهادت	۲۴
۹۵۰	يوم شك وانك اورجى	۳۰
۹۵۴	مفطرات وانك لوازمى	۳۴
۹۵۶	اورجى افساد ایتیمیان شیلر	۳۶
۹۶۲	اورجى افساد وقضایى وكفارتى ايجاب ایلیمان شیلر	۴۲
۹۷۲	فصل	۵۲
(قضا)	اورجى افساد وقضایى وكفارتى ايجاب ایلیمان شیلر و	۵۴
۹۷۴	و (كفارت)	
۹۸۱	كفارتہ وانی ذمتدن اسقاط ایدیجی شیئہ دائر فصل	۶۱
۹۸۸	صائمه مكروه اولان شیلر	۶۸
۹۸۹	صائمه مكروه اولیمان شیلر	۶۹
۹۹۰	صائمه مستحب اولان شیلر	۷۰

۷۲	عوارض مبیحہ	۹۹۲
۷۳	غیر مسلمک طیب اتخاڈی	۹۹۳
۷۷	فدیہ	۹۹۷
۸۳	تمرین (مسائل ملفزہ)	۱۰۰۳
۸۶	استقاط صوم	۱۰۰۶
۸۷	شروط نذر	۱۰۰۷
۹۲	ترہلرہ اولان نذر	۱۰۱۲
۹۴	احکام نذر	۱۰۱۴
۹۵	نذرہ تعیین زمان و مکان الخ	۱۰۱۵
۹۶	مسائل ملفزہ	۱۰۱۶
۹۸	اعتکاف	۱۰۱۸
۱۱۱	صدقہ فطر	۱۰۳۱

كتاب الزكاة ١٠٤٣

٣	زكات مسائل : زكانك حقيقى	١٠٤٥
٤	زكانك صفت شرعيه سى	١٠٤٦
٥	زكانك حكى	١٠٤٧
٦	زكانك ركنى ، زكانك سبى ، (نصاب)	١٠٤٨
٧	زكانك شرطى	١٠٤٩
٩	دين وحاجت اصليه	١٠٥١
١٠	نماء ، حولان	١٠٥٢
١١	مال ضمير	١٠٥٣
١٤	زكانك شرط صحى	١٠٥٤
١٥	زكانك تعلق ايتديكى انواع اموال ، زكات تهود ..	١٠٥٧
١٨	زكات عروض	١٠٦٠
٢٠	اقسام دين	١٠٦٢
٢٣	زكات سوائم	١٠٦٥
٢٥	زكات ابل	١٠٦٧
٢٦	زكات بقر	١٠٦٨
٢٧	زكات غنم	١٠٦٩
٢٩	مال خبيثك حكى	١٠٧١
٣٧	الى ٤٠ زكانك محل صرفى	١٠٧٤
٤١	الغاز فقيهه دن آلمان مسائل	١٠٨٣
٤٢	الح كتب فتاوان دن مأخوذ مسائل	١٠٨٤

١٠٩٣	٢ كتاب الحج
١٠٩٤	٢ حج و عمره
١٠٩٧	٥ اشهر حج
١٠٩٧	٥ حج قرآن، تمتع، افراد
١٠٩٨	٦ احرام حلق تقصير
١٠٩٩	٧ تلبيه
١١٠٠	٨ مواقيت
١١٠١	٩ بيت معظم
١١٠٣	١١ طواف و مطاف
١١٠٥	١٣ اضطباع رمل استلام
١١٠٧	١٥ سعى و مسعى
١١٠٨	١٦ هروله
١١٠٩	١٧ وقوف
١١١٠	١٨ رمي جمار
١١١١	١٩ ايام
١١١٢	٢٠ هدى

مناكحات و مفارقات ١٢٣١	
١٢٣٧ تمديد زوجه و طلاق	٧
١٢٤٢ (كتاب النكاح)	١٢
١٢٥٣ نكاحه و كالت و عقد فضول	٢٣
١٢٥٩ محرمات	٢٩
١٢٧٦ اوتوز ايكنجى صفحه هامشك ايكنجى سطر ندهكى قاين آنا لفظى قاين آنا او قنمليدر .	
..... ولايت	٤٦
١٢٨٣ خيار بلوغ و خيار عتق	٥٣
١٢٨٨ كفاءت	٥٨
١٢٩٤ مهر (مهر مثل و مهر مسمى)	٦٤
١٢٩٩ مهر معجل و مهر مؤجل	٦٩
١٣٠٢ دخول و خلوت	٧٢
١٣٠٧ مهرد و مواضعه و تصرف و تكرار	٧٧
١٣١٣ نكاح فاسد و آنك احكامى	٨٣
١٣١٨ نكاح رقيق	٨٨
١٣٢٧ انكحه كفار	٩٧
١٣٣٩ قسم	١٠٩
١٣٤٢ حقوق زوجين	١١٢
١٣٤٣ مستوريت حقننده بر استطراد	١١٣
١٣٤٨ نفقه	١١٨
١٣٥٨ (كتاب الطلاق)	١٢٨
١٣٦٤ طلاق سنى و بدعى	١٣٤
١٣٧٠ طلاق رجعى و بائن يا خود صريح و كتابه ..	١٤٠
١٣٧١ الفاظ صريحه و انلرك حكمى	١٤١
١٣٧٢ الفاظ كتابه و انلرك حكمى	١٤٢
١٣٧٧ طلاق رجعى و آنك حكمى	١٤٧
١٣٨١ طلاق بائن و آنك حكمى	١٥١

.....	صحيفة
١٣٨٢	بينونت صغرى وكبرى	١٥٢
١٣٨٧	ايقاع طلاق	١٥٧
١٣٩٠	تفويض طلاق	١٦٠
١٣٩٥	تعليق طلاق	١٦٥
١٤٠٦	مخالعه	١٧٦
١٤١٤	طلاق فضولى	١٨٤
١٤١٥	طلاق مريض	١٨٥
١٤١٧	استثناء	١٨٧
١٤٢٠	ايلاء	١٩٠
١٤٢٢	كفارت يمين	١٩٢
١٤٢٨	استطراد (كتاب ايمان)	١٩٨
١٤٢٩	أقسام يمين	١٩٩
١٤٤٠	ظهار	٢١٠
١٤٤٩	امان	٢١٩
١٤٥٤	صفت لعان	٢٢٤
١٤٥٧	احكام عنين وخصى ومحبوب	٢٢٧
١٤٦١	عدت	٢٣١
١٤٦٣	انواع عدت	٢٣٣
١٤٧٤	تداخل عدتين	٢٤٤
١٤٧٧	نفقة* عدت	٢٤٧
١٤٨٠	حداد ياخود احمدا	٢٥٠
١٤٨٢	عدت رجال	٢٥٢
١٤٨٥	حضانة	٢٥٥
١٤٩٢	ثبوت نسب	٢٦٢
١٤٩٨	استيلاء	٢٦٨
١٥٠١	دعى	٢٧١
١٥٠٢	لقيط	٢٧٢
١٥٠٦	(كتاب الرضاع)	٢٧٦
١٥٢٠	كتاب فتاواذن مأخوذ بعض مسائل	٢٩٠

Ni'met-i İslâm

TIPKIBASIM

NOTLAR:

.....

.....

.....

NOTLAR:

Ni'met-i İslâm

(İslâm İlmihali)

Mehmed Zihni Efendi



İÇİNDEKİLER

İçindekiler	V
Mehmed Zihni Efendi'nin Hayatı (1846-1913)	VII
Ni'met-i İslâm	IX
Müellifin Diğer Eserleri	XI
Ni'met-i İslâm'ın Kısımları	XIII
Ni'met-i İslâm Tıpkıbasım	XIX
Ni'met-i İslâm'ın Umûmî Fihristi	1529

GİRİŞ

Mehmed Zihni Efendi'nin Hayatı ve Ni'met-i İslâm

Mehmed Zihni Efendi'nin Hayatı (1846-1913)

Son devir Osmanlı âlim ve müderrislerinden Hacı Zihni Efendi, Hicrî 1262 / Mîlâdî 1846 senesinde İstanbul'da doğdu. Çok zeki ve kavrayışlı olmasından dolayı hocası tarafından verilen "Zihni" lakabını mahlas olarak kullanmıştır. Babası Mülkiye Kaymakamı Mehmed Reşid Efendi, annesi Güzide Gülsüm Hanım'dır. Küçük yaşta Kur'an'ı ezberledi.

Mehmed Zihni Efendi, âlet ilimlerini ve âlî ilimleri tahsîl ile icâzetnâme almıştır. 1280/1864 yılında Bâbîâlî Meclis-i Vâlâ Mazbata Odası'na mülâzım oldu. Bir süre sonra Matbaa-i Âmire Takvîm-i Vekâyî' kâtiplik ve musahhibliğine getirildi (21 Muharrem 1285/1868). Burada on yıl kadar çalışarak birçok dinî ve edebî eserin hatasız bir şekilde basılmasını sağladı. 1877'de Hasan Râsim Paşa'nın çocuklarına muallimlik yapmak üzere üç aylığına İskenderiye'ye gitti. Ardından Galatasaray Mekteb-i Sultânîsi edebiyât-ı Arabiyye muallimliği (H. 1296/1879), Mekteb-i Mülkiyye usûl-i fıkıh muallimliği yaptı. (1300/1883) ve 1305 senesinde fıkıh muallimliği buna ilave edildi. 1891'de Tedkîk-i Müellefât Komisyonu azası, 1894'de Meclis-i Kebîr-i Maârif azası, 1902'de Maarif Nezâreti Encümen-i Teftiş ve Muâyene azası ve reisi oldu. 1906 yılında Mekteb-i Mülkiyye'deki müderrislikten istifa ettiyse de Meclis-i Kebîr-i Maârifdeki vazifesi devam etti. 1908'de yaş haddinden emekliye ayrılması gerekirken Meclis-i Vükelâ kararıyla vazifesine devam etti.

8 Zilhicce 1283'de rütbe-i râbia, 7 Şa'bân 1290'de rütbe-i sâlise, 29 Ramazân 1299'da rütbe-i sâniye sınıf-ı sânisî, 16 Ramazân 1302'de rütbe-i sâniye sınıf-ı mütemâyizi, 26 Şevvâl 1304 üçüncü rütbeden mecîdî nişânı, 29 Cemâziye'l-âhir 1305'de rütbe-i ûlâ sınıf-ı sânisî, 30 Cemâziye'l-evvel 1307'de üçüncü rütbeden nişân-ı âlî-i Osmânî, 11 Ramazân 1310 rütbe-i ûlâ sınıf-ı ûlâ, 9 Cemâziye'l-evvel 1316'da ikinci rütbeden mecîdî nişânı, 4 Şa'bân 1318'de ikinci rütbeden nişân-ı âlî-i Osmânî, 12 Muharrem 1325'de birinci rütbeden mecîdî nişânı verilmiştir.

Halvetiyye-Şabâniyye tarikatı şeyhi Necib Efendi'ye intisâb eden Mehmed Zihni Efendi, Meclis-i Kebîr-i Maârif üyesi iken 16 Aralık 1913 tarihinde İstanbul'da vefât etti ve Küplüce Mezarlığındaki aile kabristanına defnedildi. Tâhiru'l-Mevlevî Zihni Efendinin vefâtı üzerine şöyle tarih düştürmüştür:

*Yine hayfâ ki sine-i vatani,
Bir zayâ'-ı müessir incitti
Yine bir fâzıl-ı yegânesini
İlm ü irfân cihânı kaybetti.
Son zamanlarda âlem-i İslâm
Ne mühim zâyiât ile bitti
Düşdü bir nev-basâr ma'rifete
Hacı Zihni Efendi de gitti (1332)
Adne pervâz eden o rûh-i güzîn
Bulsun a'le'l-merâtibi, âmîn...*

Mehmed Zihni Efendi, Eylül 1889'da Stockholm'de toplanan Müsteşrikler Kongresi'ne gönderdiği matbu eserlerinden dolayı İsveç-Norveç hükümeti tarafından bir altın madalya ile ödüllendirilmiştir. Bu madalya hâlen Galatasaray Lisesi Müzesi'nde muhafaza edilmektedir.

Galatasaray Mekteb-i Sultânîsi'nde ve Mekteb-i Mülkiyye'deki hocalığı sırasında bir çok talebe yetiştirmiştir. Babanzâde Ahmed Naim, Ali Nazîma, Kenan Rifâî, Hanbelîzâde Muhammed Şâkir ve Abdülhak Şinasi Hisar bunlardan bazılarıdır.

Arap, Türk, Fars dil ve edebiyatlarına vâkıf olan Mehmed Zihni Efendi, 1025 kitaptan mürekkep kütüphanesini Beyazıt Devlet Kütüphanesi'ne bağışlamıştır.

Mehmed Zihni Efendi, Fıkıh ilminde yed-i tûlâ sâhibi olduğu gibi Arapçaya da son derece vâkıf idi. Ona göre Arapça öğrenmenin zor olduğu yolundaki görüş doğru değildir. Kelimelerinin mühim bir kısmının dilimize girmiş olması sebebiyle Arapça'yı öğrenmek Avrupa dillerinden daha kolaydır. Lisan öğrenmenin en iyi yolu kişinin öğreneceği dilin kavâidini kendi diliyle öğrenmesidir. (*el-Müntehab*, s. 4).

Nî'met-i İslâm

Mehmed Zihni Efendi'nin Türkçe İslâm fıkıhına dâir mufassal eseridir. İ'tikâd, ibâdet ve Nikâh, Talâk: boşama vesâir gibi muâmelâta ait hususları ihtivâ eder.

Eser üç kısımdır:

Kısım-ı evvel (birinci kısım): İ'tikâd bahsi, Nimet-i İslam Risalesi: Akaide ait olan ve kitabın birinci kısmını teşkil eden Nimet-i İslâm risâlesinin kapağında müellifin şu meâlde ifâdesi vardır: "Bu risâlede sadece Ehl-i sünnet akâidine dair meseleler hulâsa olarak yazılmış olup ibâdetlerle alakalı hükümlerin beyanı Fıkıh'la ilgili risâlelere bırakılmıştır".

Kısım-ı sâni (ikinci kısım): İbâdetler kısmı: Tahâret, Namaz, Oruç, Hac Kitâbı, Zekât kitâbı olarak beş kısımdır:

Tahâret kitâbı: Suların envâi, abdest, gusül, mestler üzerine mesih, kadınlara mahsûs haller ve temizliğin şekil ve suretlerinden bahseder.

Namaz kitâbı: Vakitler, Namazın rükünleri ve şartları, İmâmet, Cemâat, Namazı bozan şeyler, Farz (beş vakit namaz)-Vâcib (bayram namazları)-Nâfile (kuşluk, teheccüd vesair) namazlar, Hasta namazı, Cenâzeye ait hükümler ve Şehid ahkâmı gibi meselelerden bahseder.

Oruç kitâbı: Orucun (Farz, vacib, nâfile, mekruh vs.) nevileri, orucu bozan ve bozmayan şeyler, orucun hükümleri, Fidye, Iskât-ı savm, İ'tikâf, sadaka-i fitr gibi meselelerden bahseder.

Hac kitâbı: Haccın nevileri, Hac ve umre hükümleri, Hacca dâir ta‘bîrler ve meselelerden sonra yine aynı kitapta Kitâbü’s-sayd (av hayvanlarına dair ahkam) başlar. Bundan sonra yine Hac kitâbı başlığı altında Kitâbü’z-zebâiyh (boğazlanması caiz hayvanlar kitâbı) ve daha sonra da Kitâbü’l-uzhiye (Kurbân olarak kesilen hayvanlar kitâbı) gelir ve Akîka ile nihâyet bulur.

Zekât kitâbı: Zekâtın şartları, kimlere, ne cins maldan, ne kadar verileceği, neden verilmeyeceği, Ticâret mallarının, hayvanların zekat miktarı, zekâta dair muhtelif meseleler ve Elgâz-ı Fıkhiyye (fıkıh bilmeceleri) ve Fetvâ kitaplarından seçilmiş fetvalar ile son bulur.

Kısım-ı sâlis (üçüncü kısım): Evlenme ve boşanma ile ilgili bahisler: Bu kısım da Nikâh, Talâk, Yemînler, Razâ‘(emme)den dolayı haramlık kitaplarına ayrılır.

Nikâh kitâbı: Nikâhı caiz olan ve olmayanlar, denklik, mehir, zevçlerin aralarındaki hukuk, nafaka vesair meselelerden bahseder.

Talâk kitâbı: Talâkın nevileri, talâkı icabettirici sözler ve istisnâ gibi meselelerden bahseder.

Yemînler: Yemînin kısımları, zihâr: zevcesini kendine ebedî haram olan birinin bakılması caiz olmayan bir uzvuna benzetmek, liân: zina isnâdından sonra lanetleşme, iddet, iddet nafakası, lakît (buluntu çocuk) vesâirden bahseder.

Emzirme kitâbı da süt emmek sebebiyle haramlık ve ona dair hükümleri beyan eder.

Mehmed Zihni Efendi, Ni‘met-i İslâm kitâbını, Ebu’l-İhlâs Hasan eş-Şurunbulâî’nin Merâkı’l-felâh’ı ile Tahtâvî’nin Merâkı’l-felâh üzerine yazdığı hâşiyeden istifâde ile hazırlamıştır. Kitapta, meselelerin delillerini zikretmiştir.

Mehmed Zihni Efendi, kitabın dipnotlarında Hanefî Mezhebi’nin mu‘teber kaynaklarından diğer bazı kavilleri de nakletmiş; her cihetle bir Büyük İslâm ilmi hâli hazırlamıştır. Dipnotları vukûu muhtemel suâllere cevap teşkîl edici mahiyettedir.

Nimet-i İslâm, tamamen Hanefî Mezhebi üzere hazırlanmış olup, pek az yerde diğer mezheplerin görüşlerine atıfta bulunulmuştur. Ayrıca Ha-

nefi Mezhebi içindeki ihtilâflı meselelere de yer verilmiş ve gerektiğinde “müftâ bih” (yani, kendisiyle fetvâ verilen) görüşe ayrıca işaret edilmiştir.

Akâide dâir olan birinci risâlenin sonunda, yazıldığı yer ve târihi Arapça olarak yazmıştır ki meâlen şöyledir: “Hamden lillâh; bu kitâbın te’lifi, 28 Zilhicce 1309/24 Temmuz 1892 günü Cuma namazından sonra tamama erdi. Allahü Teâlâ bu risâleyi tamamlamayı yaz mevsiminde dört buçuk günde, Üsküdar’da Kızıltoprak mescidi karşında kiraladığım sayfiyede nasibetti”

Yine Talâk kitabının en sonunda da kitâbın 13 Rebî’u’l-evvel 1323/18 Mayıs 1905’de tamam olduğu yazılıdır.

Nimet-i İslam, önce rüşdiyelerde daha sonra da i’dâdiyelerde ders kitabı olarak okutulmuştur.

Müellifin Diğer Eserleri

el-Müntehab fî ta’lîm-i lugati’l-Arab (İstanbul 1303). Arapçanın sarfına dair mufasssal bir eserdir.

el-Muktedab mine’l-Müntehab fî ta’lîmi lugati’l-Arab (İstanbul 1304). Bir önceki eserin hulâsası olup i’lâl ve idgam bahislerini de muhtevidir.

el-Müşezzeb (Mektebî edeb fî sarfî ve nahv-i lisâni’l-Arab “Sarf kısmı” İstanbul 1307, 1311, 1327). Önceki iki eserin özetidir.

el-Muktedab (İstanbul 1303- 1304) “Nahiv kısmı”. Arap nahvine dairdir.

el-Müşezzeb fî sarfî ve nahvi lisâni’l-Arab (İstanbul 1311) “Nahiv kısmı”. Bir önceki eserin özetidir.

el-Kavlü’l-ceyyid fî şerhi ebyâtî’t-Telhîs ve şerhaybi ve hâşiyeti’s-Seyyid (İstanbul 1304, 1327; Kazan 1321/1903). Hatîb el-Kazvîni’nin belagata dair *Telhîsu’l-Miftâh*’ı ile Teftâzânî’nin buna yazdığı *el-Mutavvel ve Muh-tasarü’l-maânî* adlı şerhlerde ve Seyyid Şerif el-Cürcânî’nin *el-Mutavvel’e* yazdığı hâşiyedeki 649 beytin Türkçe izahı ile şairleri hakkında bilgi veren bir eserdir. Şeyhülislam Mustafa Sabri Efendi, Kavl-i ceyyid’i *Beyânü’l-Hak* mecmuasında “Reddî alâ mâ fi’l-kavlî’l-ceyyid mine’r- redî” başlığı altında yirmi beş makalede tenkîd etmiştir.

Kitâbü’t-Terâcim (İstanbul 1304) 160 kadar âlim ve edibin Arapça biyografilerini ihtivâ eden bir kırâet kitâbıdır.

Feyz-i Yezdân Tercüme-i Nasîbatü’l-ihvân (İstanbul, 1292) Zeynüddin İbnü’l-Verdî’ye ait yetmiş yedi beyitlik *Lâmiyye*’nin izahlı tercümesidir.

Atvâku'z-zehab Tercümesi (İstanbul 1290). Zemahşerî'ye ait eserin Said Efendi ile birlikte yaptıkları tercümesidir.

Elgâz-ı Fıkhiyye (İstanbul, 1309).

Kızlar Hocası (Küçük hanımlar İlmihali; (İstanbul 1312, 1316, 1324).

el-Muhtasarât fî-mesâilî't-tahâret ve'l-ibâdât (İstanbul, 1332)

el-Hakâik mimmâ fî'l-Câmiî's-sagîr ve'l-Meşârik min hadîsi hay-rî'l-balâik (İstanbul 1310, 1311).

el-Kavlü's-sedîd fî ilmi't-tecvîd (Tevvîd-i Cedîd; İstanbul, 1328)

Tuhfetü'l-erib fî'r-reddi alâ ehli's-salib (Abdullah Tercümanı'nin Hristiyanlığa Reddiyesi'nin) tercümesi (İstanbul, 1291)

el-Münkûz mine'd-dalâl (İmâm Gazâlî'nin) Tercümesi (İstanbul 1287).

Sihâmü'l-isâbe fî kenzi'd-daavâti'l-müstecâbe tercümesi (İstanbul 1313).

Meşâhirü'n-nisâ (İstanbul 1294-1295). İslâm'dan önce ve İslam devrinde ilim, edebiyat ve siyasette meşhur olmuş Arap, Türk ve İranlı 1165 hanımın biyografisini muhtevi bir ansiklopedidir.

Buğyetü't-tâlib fî tercemeti Tuhfeti'r-râğîb (İstanbul 1332). Kalyûbî'nin, Mısır'da kabirleri meşhur olan bazı Ehl-i beyt büyüklerinin biyografisi ve menkıbelerine dair *Tuhfetü'r-râğîb* adlı eserinin tercümesidir.

Kaynaklarda adı geçen diğer eserleri de şunlardır: *Sarf-ı Arabî, Teshîlü't-tahsîl, Şerhu ebyâti'l-İstehendî, Kavâid-i Türkiyye Risâlesi, İktibâsü'l-envâr fî tercemeti'l-Menâr, Düstûrü'l-muvahhidîn, Terceme-i Tuhfetü'l-mülûk.*

Kaynaklar: Mehmed Zihni Efendi, *Ni'met-i İslâm*, İstanbul 1316; Başbakanlık Osmanlı Arşivi (BOA), *DH.SAİD* d 66, S. 185-186; Ahmet Turan Arslan, *Son Devir Osmanlı Âlimlerinden Mehmed Zihni Efendi, Hayatı, Şahsiyeti, Eserleri*, İstanbul 1999.

Ni'met-i İslâm'ın Kısımları

Akâid-i İslâmiye.....	4
Binâ-i İslâm	12
Fâide-i İslâm.....	24
Ahkâm-ı Teklîfiyye	36
Kitâbü't-tahâret.....	46
Sular	49
Abdest.....	90
Gusûl	144
Teyemmüm	159
Mesh	184
Ahvâl-i Nisâ.....	202
Mutahhirât	239
Kitâbü's-salât	287
Namaz vakitleri.....	297
Namazın rükün ve şartları	353
Namaz nasıl kılınır	462
İmâmet ve Cemâat.....	475
Namazı bozanlar.....	552
Nâfileler	650
Terâvîh	691
Müsâfir namazı	703
Hasta namazı.....	722
Kazâ namazı	738
Sehiv secdesi.....	777
Cuma namazı	815
Bayram namazları	835

Cenaze ahkâmı	854
Kitâbü's-savm.....	921
Orucun kısımları	930
Mufırât ve levâzımı	954
Fidye	997
İ'tikâf	1018
Sadaka-i Fıtır	1031
Kitâbü'z-zekât	1043
Zekâtın ahkâmı	1047
Ticâret mallarının zekatı.....	1060
Hayvanların zekatı	1065
Kitâbü'l-Hac	1093
Hac ve Umre	1094
Medîne'yi ziyâret	1183
Kitâbü'z-zebâyih.....	1211
Kitâbü'l-uzhiye	1218
Akika	1226
Münâkehât ve müfârakât	1231
Taaddüd-i zevcâd.....	1237
Kitâbü'n-nikâh	1242
Muharremât	1259
Mehir	1294
Hukûk-ı zevceyn.....	1342
Nafaka	1348
Kitâbü't-talâk	1358
Yemînler.....	1428
İddet	1461
Nesebin sübûtu	1492
Lakîr.....	1502
Kitâbü'r-radâ'	1506